





Ex Bibliotheca  
majori Coll. Rom.  
Societ. Jesu

11-13. g. 23.

32. 3. 20.

14

52.  
e  
20.









BIBLIOTHECA NAZ.  
ROMA  
VITTORIO EMANUELE

LIB. NAZ.  
ROMA  
VITTORIO EMANUELE



Johannis Baptistæ du Hamel  
O P E R U M  
P H I L O S O P H I -  
C O R U M  
T O M U S I.



*In quo continentur tractatus hi sequentes*

- I. Astronomia Physica.
- II. De Meteoris & fossilibus libri duo.
- III. De Consensu veteris & novæ Philosophiæ.



N O R I M B E R G Æ,  
*Sumptibus* JOHANNIS ZIEGERI, Bibliopole.  
*Literis* CHRISTOPHORI GERHARDI.

ANNO M DC LXXXI.





I.

*Johannis Baptista du Hamel*

# ASTRONOMIA PHYSICA,

*Seu*

De Luce, Natura & Motibus Cor-  
porum coelestium

LIBRI DUO.



In priori libro de Lumine & Colori-  
bus agitur. In posteriori universa Astronomia tum spe-  
culatrix, tum practica Physicè & Geometricè,  
citra Euclidis opem demonstratur.

*Accessere*

Petri Petiti Observationes aliquot Eclipsium Solis & Lu-  
næ cum Dissertationibus : De Latitudine Lutetiæ, declina-  
tione Magnetis, nec non de novo Systemate Mundi,  
quod Anonymus dudum proposuit.



## PRÆFATIO.

**P**HILOSOPHIAM naturalem, non quidem re-  
stituere, (neque enim adeò frontem posui, ut istuc  
mihi arrogem) sed tamen non mediocriter illustrare,  
atque eam omnibus suis partibus absolutam tradere  
mihi est in animo. Diu est quòd in id opus seriò incumbo, &  
quantum ego auguror, non nisi post multum laboris exhausti, su-  
premam manum imponam. Quæ sit mihi mens, quod consilium,  
breviter aperiàm. Non Physicam modò, sed etiam omnium scien-  
tiarum, quæ cum illâ quâdam societate junguntur complexum (si  
Deus mihi usuram hujus lucis concesserit) pertractare institui.  
Hæc enim scientia cum sit latissimè fusa rerum ferè omnium  
cognitionem sibi vindicat, reliquis artibus, ac disciplinis, quas suâ  
ubertate complet, modum & fines præscribit. Verùm cum pleri-  
que circa verborum controversias molestissimâ diligentia perversi-  
tate hærent, Mathematici, Medici, Alchimistæ potiores Physi-  
cæ partes occupant, & tanquam in vacuas possessiones irrum-  
punt. Philosophi autem quasi in pistrinum detrusi exilibus, & an-  
gustis disputationibus illigati, circa res tenues, & jejunas versantur.  
Non id mihi assumo, ut adversus prærapidum consuetudinis,  
quæ quotidie magis invalescit, torrentem brachia dirigam: at si  
nostra repetere fas non sit, licebit saltem quæ ad hujus scientiæ  
splendorem conferunt, ab iis, à quibus expilati sumus, mutuari.

Mirus



## P R Æ F A T I O.

Mirus sanè omnium quasi consensus scientiarum , concentusque reperitur : nulla ferè à cæteris avulsa per seipsam constare potest , nulla alterius subsidio non indiget , nec tam videntur fontibus , quàm rivulis diduci. Omnem denique doctrinam artium liberalem uno quodam societatis vinculo contineri , atque ex Physicâ , tamquam ex communi stirpe præcipuas Mathecos , & Medicinæ partes oriri , nemo nisi in rerum contemplatione parùm versatus negaverit. Cæterum eam Philosophiæ naturalis partem nunc tractandam suscipio , quæ cum reliquis minùs est conferta , & colligata , eaque separatim tradi facillè potest. Duobus libris universam Astronomiam complectimur ; in priori naturam , causas , & motus luminis inquirimus ; atque ut hæc disputatio sit plenè cumulatèque perfecta , de essentiâ & varietate colorum fusè differimus. Posterior liber naturam , & motus corporum cœlestium explicat : ubi celeberrimæ controversiæ , de maculis Solis & Lunæ , cometarum generatione , telluris motu , & mundi systemate excutuntur ; sphaera cœlestis , planetarum Theoria , & praxis Astronomica evolvuntur. Occurrent nonnulla è Geometriæ fontibus paululùm difficiliora , quorum tamen partem maximam ad libri calcem rejecimus , ne iis , qui huic generi demonstrationum minùs sunt assueti aliquam moram objiciant. Nihilo tamen secius licebit nobis , sine Elementorum Euclidis adminiculis Astronomiam non physicè modò , sed etiam Geometricè demonstrare : adeò ut vel tyronibus constare possit quâ arte , quâve ratione Astronomi motuum cœlestium leges , & periodos definire ; eclipses prænuntiare ; c siderum à terrâ distantiam , & magnitudinem potuerint dimetiri. *Nihil magis affecto* , quàm eruditam brevitem cum perspicuitate conjunctam : utrum id perfecerim , malo in aliorum opinione inquirere , quàm quid sublatius de me effutire. Dedi etiam operam , quoad ejus fieri potuit , ut seriam utilitatem ingenuâ dele-

etatione temperarem. Quocirca hoc opus in dialogos digessi, qui suâ varietate Lectoris animum demulceant. Nam jucunditate aliquâ ducti libentius addiscimus ea; quorum jejuna & arida traditio avertit animos legentium, & aures præsertim delicatas radit. Mihi tamen religio est in digressiones ex præparato quasitas evagari, vel in longos sermones me diffundere, aut denique ordine tumultuario (quo nihil in dialogis solennius) atque ut ad inane veniêre quæque pertractare. Nullam porro disciplinam improbo, ex omnibus delibo quod similis veri mihi videtur. Maledictis, & conviciis velitari infra Philosophi dignitatem puto. Abolitas, atque abrogatas opiniones retinere insolentiae cujusdam, & minutæ ambitionis mihi videtur: quamquam, ut præclare sentit Tullius, non hominum interitu sententiae quoque excidunt, sed lucem auctoris fortassè desiderant. Profectò hîc, si usquam aliàs, temperamentum quoddam moderatiôque tenenda est: nec Philosophus nimis sit antiquitatis admirator, aut recentiorum inventa omninò contemnat. Non enim rogationibus, aut plebiscitis sancta sunt veterum decreta: nec nos tarditatis natura damnavit, ita ut nulla scientiis fieri possit accessio. Cavendum tamen est, ne gratiâ novitatis capti juniorum opinionibus ultrà quàm par sit indulgeamus. Quare non dubitabo Philosophos, tum veteres, tum recentiores sequi, sed libero incessu: hoc enim sum solutior, & liberior, quòd nullius auctoritas me adstrictum tenet. Antiquorum gloria satietate quâdam non debet languescere; nec recentiorum operibus obesse debet, quod adhuc vivunt. Hoc, inquit Plinius, pravum malignumque est non admirari homines admiratione dignissimos, quia videre, alloqui, adire, complecti, nec laudare tantum, verum etiam amare contingit.

# ASTRONOMIA PHYSICA.

SEU  
DE LUCE, NATURA ET MOTIBUS  
CORPORUM COELESTIUM  
DIALOGI.

## LIBER PRIMUS.

*De lumine, & coloribus.*  
CAPUT PRIMUM.  
*De naturâ luminis.*



Tres præcipuè de luminis naturâ sententia expenduntur. I. est Peripateticorum, qui lucem & lumen inter qualitates numerant. II. Epicuri & Gassendi, qui lumen esse putant effluvium quoddam substantiale, à corpore lucido jugiter dimanans. III. Cartesii, qui lumen æthereâ substantiâ, quam secundum elementum vocat, impulsus definit, ab agitatione corporis lucidi perfectum. Rejctis aliis, Aristotelis sententia defenditur.

*Menander. Theophilus, Simplicius.*

*Men.*



Sustinete quæso mi Theophile, te ipsum volumus. Satin salva sunt omnia? nescio quid subtristis mihi videre.

*Th.* Tot nunc sollicitor rebus, tot negotiis distrahor, ut mihi vix aliquid temporis vacui concedatur, quod Philosophiæ studio impendam.

A

*Men.*

*Men.* Idem mihi uluvenit; sed subciviva quædam incurrunt tempora, quæ perire non patior. Cum igitur hic dies nobis ad rusticandum datus sit, negotia civilia paulisper facessant. Quod id fiat magis, juvat in rerum cælestium contemplatione versari: nisi quid Simplicio videtur secus.

*Simp.* Mihi consilium perplacet; atque hoc ipsum agamus. Unde porro nisi à lumine incipiemus, quod res cælestes cum terrenis conciliat, ac vinculum universi, hos, decôr, & cæli pulchritudo jure vocitatur? Ante omnia quid sit, substantia an accidens, vel etiam motus, inquirendum nobis est.

*Lumen esse qualitatem.*

#### 1. ratio

- Th.* Altè verò, & ut oportet à capite repetis quod discutendum est. Vetus opinio est, eaque omnium ferè Philosophorum firmata consensu, lumen nihil esse quàm accidens: nam qui lumen corpus esse, vel substantiam dixerit, idem necesse est ut vacuum in naturam inducat. Duo quippe corpora ex eodem loco sese mutuo extrudunt. Audio vos Epicureæ philosophiæ assertores; non ægrè inane disseminatum admittitis, & quod ipsa natura vacuum averfatur, non horretis. Velim tamen ut luminis per aëra trajectionem mihi explicare dignemini. Ad poros undequaque rectos confugietis. Verùm cum lumen ex aëre in aquam incidens refringitur; cur omnes radii perpendiculari excepto franguntur, atque à recto tramite defleunt? Jam hoc argumentum alias, ubi de calore agebatur, sumus prosecuti, cujus hæc ferè summa est. Quod si pori corporum ex omni parte in lineas rectas, instar quincuncis, porrigantur, nullus radius, ne obliquus quidem, frangetur. Contra, si meatus corporis diaphani, per quos lumen trajicitur, non sunt undequaque recti: nihil est causæ cur radii etiam perpendiculares non refringantur. Omnes quippe incurvari, & à recto itinere deviare necesse est. Sed de corpore diaphano suo loco dicendum.
3. Addámne, quod si lumen corpus sit, vel substantia, nullâ mentis contentione instantanea illius diffusio comprehendi poterit? An idem corpus simul, & in eodem momento in pluribus locis existet,
4. cælum, & terram pervadet? Quomodo tanta luminis moles indefinenter generatur, & corrumpitur? quid ex illius corruptione procreatur? quæ causa effectrix adeò potens cælestem illam substantiam tam citò destruit? quâ porro ratione fieri posse credam, ut ex Sole lumen jugiter dimanet, citra ullum corporis solaris dispendium. Jam si ad fidem nostram provocare liceat: cum lumen, & color ejusdem sint speciei, ut fortè aliquando demonstrabimus; eumque lumen sit substantia, erit itidem & color. Quid igitur disturi sumus

lumen de sacrosancti Sacramenti speciebus? an aliquid substantiæ ibi remanet. Hæc sanè cum religionis nostræ decretis non conveniunt, imò nec pura puta Philosophia ea probabit: novit enim, non substantiam sed qualitates sub sensus cadere, cùm sensus ipse sit in qualitatum censu; cùmque sit facultas quædam, & potentia operatrix; non ergo lumen, vel color aliud erit quàm qualitas. Quæ quidem demonstrationi proxima mihi videntur, nec ullâ ratione infringi posse puto.

*Simp.* Non is sum, qui à receptâ Philosophorum opinione facile recedam: sed neque Philosophum decet temerè, & quasi inaudita causâ proferre sententiam; nec ut puto Epicureorum opinio, qui lumen esse tenuissimam flammam existimant, adeò abrupta est, ut plerique omnes Peripatetici arbitrantur. An illud corpus non erit, cui omnes corporis affectiones apprimè conveniunt? nunquid lumen suâ mole, suâ extensione, figurâ, motu denique suo donatur. Dimensiones sibi proprias, neque à subiecto mutatas habet; in omnes partes diffunditur; figuræ suæ adeò tenax est, ut si lumen Solis per foramen quadratum transferit, circularem tamen figuram in chartâ oppositâ delineet. Quid de motu luminis dicam, quod resilit ex occurso corporis, & refringitur non secùs ac globus impactus, ubi ex aëre in aquam incidit. Postremò lumen calefacit, urit, vapores attollit, quæ profectò in purum accedens non eadunt. Quòd si lumen nihil sit quàm accidens, quodnam est illius subiectum, quod illius vehiculum? numquid aër? sed agitato aëre, lumen minimè movetur. Quot faces lumen suum per angustissimum foramen, sine confusione trajiciunt; nec tamen plura ejusdem speciei accidentia in eadem sede morari possunt? Cætera quæ sunt accidentia in subiecto quiddam imprimunt, quod non statim extinguitur: sed lumen adeò leviter aërem afficit, ut subdus corpore lucido, nullum sui vestigium relinquat. Mirum si accidens à subiecto suo minimè dependeat, ac de subiecto in subiectum commicare possit? Idem quippe radius cælum, aëra & aquam pervadit. At negas duo corpora in eodem loco simul posse consistere. Hoc ipsum in vacui disseminati argumentum, trahunt Epicurei. Eadem certè ratione ignem non esse corpus conficies, est enim flamma in fumo, uti lumen in aëre. Quid porro lumen nisi flamma tenuissima? nam ut aqua in vapores, sic flamma in lumen circumsum extenuatur, atque uti aqua in vaporem rarefacta minùs made facit, sic lux ita attenuata minùs calefacit, quàm flamma, quæ solidior est & compactior. Denique ut vapor in superiore alembici par-

te, præ frigore condensatur, ac pristinam aquæ formam indult; sic lux dispersa, in speculis concavis iterum coalescit, & comburit; adeo ut lumen esse caloris vehiculum, nemo dubitare possit. Quod sumebas de instantanea luminis effusione, magis me movet; neque enim corpus tantum spatium in momento potest occupare. Sed nisi me fallit animus, in eodem luto hæsit; nec faciliè explicabilis quomodo accidens, vel qualitas in puncto temporis propagari possit. An lux à Sole, huc usque pervenit? sed accidens de loco in locum non migrat. An potius lux, quæ in Sole est, propagatur, atque aliud lumen sibi cognatum, & simile procreat, quod subinde aliud diffundit? At obstat tam præceptis, atque ut putant momentanea luminis effusio. Magnum quiddam putant se asserre, cum ajunt luminis propagationem in instanti perfici, quod lumini nihil adversetur, nihil illius effusionem remoretur. Quasi verò corpus in vacuo constitutum, ubi nulla esset resistentia, in momento moveretur? quasi sonus, cui nihil contrarium est, in instanti diffundatur? quis tot luminis propagationes seu novas productiones simul perfici concepiat? hic igitur nodus utrisque communis solvendus est. Nec facile concessero lumen in instanti propagari. Quemadmodum enim quod oculis nostris instar puncti apparet, non utique punctum est, sed innumeris constare partibus, ex microscopio deprehendimus; sic quod raptim movetur, in momento ferri credimus. Lumen quidem perniciosissime movetur; nam inter corpus & spiritum quasi ambigit; quo verò res magis à materiâ secernitur, eo mobilior est, & ad agendum efficacior, ut videre est in spiritibus animalibus, qui subtilissimi sunt, atque vivacissimi, omnis adeo motus, vel actionis principia. Sed ne tibi parum liberalis videar; concedam luminis propagationem in puncto temporis perfici: quid hinc colliges, lumen nihil esse quam accidens? imò hinc conficio lumen esse tenuissimum corpus, quod Soli indivulsa adhæret, unâ cum Sole circumagitur, nec de novo gignitur, adeo ut necesse non sit causam inquirere, quæ tantum corpus destruat. Manet, inquam, idem lumen, quod in mundi conditione fuit procreatum; radii solares tanquam virgulæ subtilissimæ Soli affiguntur, atque illius comam, vel potius coronam efficiunt. Neque ut puto aliâ ratione luminis effusio explicari potest. Quocirca lumen reflectitur quidem, & refringitur; sed à suo fonte nunquam separatur; generationem vel corruptionem nescit. Quod de naturâ perspicui addebas, id separatim, & distinctius alibi expendemus; neque dissimulandum est, omnium quas in medium adduxisti rationum, eam esse adversus

Epi-

Epicureorum sententiam longè maximam. Postremo, quod ad fidem nostram provocasti, atque ex Sacramento altaris lumen substantiam non esse, demonstrare conatus es: multa occurrunt, quibus hanc hærescos notam abstergant Christiani Philosophi. Primum enim lumen est quid extraneum, nihil ad panis substantiam pertinet; quid igitur refert, substantia sit, vel accidens? Quemadmodum si quid pulveris adhæreat speciebus hostiæ consecratæ, nihil ad panis substantiam attinebit. At inquires, color panis est ipsi intrinsecus, & tamen nihil aliud quàm lux est, Utrumque in quæstione versatur; an color nihil à luce differat, atque ut hoc verum sit, rectè inquirimus an color sit quiddam à lumine extraneo distinctum: nam recentiores serè omnes sentiunt colorem nihil esse quàm lumen variè reflexum, vel infractum. Verùm hæc omnia ab hac quæstione, quæ in manibus est, separantur. Habes ô Theophile, non quid mihi, sed quid Epicureis probetur.

*Men.* Jam si ita tibi videtur, non quid alii, sed quid tu ipse sentias, dic apertè: nescis quantâ enim attentione sumus te audituri.

*Simp.* Quando soli sumus, licet verum exquirere sine invidiâ, Vix animum induco ut lucem substantiam, vel tenuissimam flammam esse putem: nam Theophili disputatio, si non penitus hanc opinionem sustulit, certè non parum labefactavit. Maxime ratio illa, quàm à refractione deprompsit, lumen nihil esse quàm qualitatem, jam serè mihi persuasit. Sed quòdnam est illud qualitatis genus, quod à subiecto suo non pendet, neque unà cum illo movetur? quâ etiam ratione producit? nunquid de potentiâ subiecti eruitur? quis hoc crediderit? Corpora quæ sunt opaca cælestem illam qualitatem non possunt ex se fundere. Accidentia quæ nihil sunt quàm corporum modi, ut humiditas, & siccitas, raritas, perspicuitas, è subiecti potentiâ eruantur; non item cæteræ qualitates, nedum ipsum lumen. An fortè à corpore lucido propagatur? sed illa propagatio, quæ in momento perficitur, nec explicari potest, nec concipi. Ubi radius in speculum incidit perpendiculum, atque in seipsum reflectitur, nunquid fortasse radius qui resistit, ab eo qui incidit procreatur? at duo accidentia ejusdem speciei, in eodem subiecto non possunt existere. Quorsum quæso te, radius ille in speculum cadens, alium producet? an sibi subiectum aërem ut affimilet? sed ante reflexionem, jam illam adeptus fuerat similitudinem. Frustra ergo reflectetur. Hæc atque alia serè innumera, quæ circa luminis naturam tenebras nobis offundunt, cum divinâ propè mentis acie meditatur singulari vir ingenio Chambræus, novum,

*Vera sen-  
tentia il-  
lustratur;  
& objecta  
diluuntur.*

ac ni fallor verisimillimum luminis systema ponit ob oculos, quod ut vobis explicem, necesse est ut rem ab altiori deducam exordio, Lumen, quod per aërem diffunditur, ejusdem esse speciei cum luce, quæ in Sole fulget, nemo, ut puto, ibit inficias. Cum enim visus sit proprii sui objecti arbiter, ac nullam differentiam inter lucem Solis, & ejusdem in speculo resurgentis imaginem; nec inter lucem stellarum, quæ proprio micant splendore, ac Planetarum mutuatum lumen animadvertat: quis lumen à luce speciei disjungi crediderit? maximè cum unius facultatis unum sit objectum; eumque lumen in aëre exceptum, sit ut plurimum lucis solaris effectus univocus: atque adeò ut calor calorem, sic lux lumen ejusdem secum speciei procreabit. Imò lumen ab ipsa luce, ne quidem numero distingui contendo: non enim lumen est lucis effectus, ut plerique omnes Philosophi sibi persvadent: Illam quippe lucis propagationem esse impossibilem, jam sermè evicimus. Quid igitur restat, nisi ut radii luminis ad corpus lucidum pertineant, atque eandem veluti lucis massam constituent; adeò ut lumen sit quædam qualitas, eaque permanens, nec ab aëre, in quo excipitur, sed à Sole ipso dependeat. Neque recens procreatur: est enim lux ipsa Solis in omnes partes diffusa; non igitur lumen est lucis effectus; sed illius quædam appendix. Hinc non mirum est si lumen unà cum Sole circumferatur, ac recedente Sole, nullum sui vestigium relinquat: non enim aëri tanquam subjecto inest, ab eo dumtaxat sustinetur; principio autem suo adhærescit, à quo divelli non potest. Excipiat aliquis: nulla qualitas de subjecto in subjectum migrat; nulla est à subjecto suo independens. Hæc larva est, quæ nos ab inveniendâ veritate deterret. Accidentia quidem, quæ è sinu sui subjecti erunt, sine illo non possunt consistere, ab eo quoque multum dependent; non item accidentia, quæ ab alio fluxerunt principio. Exemplo sit vis magnetica (si tamen est qualitas) imò omnes aliæ vires specificæ de subjecto in subjectum commcare possunt. Universi ordo id quoque videtur exigere: nam ut quædam sunt accidentia, quæ sine subjecto, nec esse, nec concipi queunt, ut raritas, & densitas; alla, quæ non nisi virtute divinâ, separari possunt, & separata existere, ut videre est in speciebus sacrosancti altaris Sacramenti: sic quædam à subjecto sustinentur, à quo tamen nec quoad eorum productionem, nec quantum ad conservationem dependent. In quo censu lumen esse, tam certum est, quàm quod maximè. Non enim lumen suam extensionem, vel motum à subjecto repetit. Hoc habet cum naturis spiritualibus commune, ut totum sit,



fit, vel in minutissimâ sui subjecti portione. Nullum est punctum in aëre, in quo tota Solis imago non colluceat. Videmus etiam lumen juxta corporum lucidorum varietatem multiplicari, per angustissimum foramen citra confusionem, fermè instar rerum spiritalium trajici; tot umbras projicere, quot faces accenduntur. Ex quibus facilè colligitur lumen non à subjecto, sed à corpore lucido unitatem suam, vel naturam repetere. Quid tibi videtur, Menander?

*Men.* Pulchrè quidem, & sapienter dicis: unus tamen superest mihi scrupulus, quo facilè me liberabis. Ubi lumen ex occurso corporis opaci reflectitur, non sine aliquo motu resilit: locum quippe, & situm mutat. Neque hunc tamen motum à corpore lucido mutuatur, ut patet; sed ipsi radio proprius est. Jam si radii luminis nihil sunt quàm lineæ stabiles, non assequor quomodo possint resiliire. An motus ille instantaneus est? sed nullum corpus, nulla qualitas in instanti locum mutat. Ergo hic motus in tempore perfitur: quod si ita sit, quantum temporis radius exigit ut à Lunâ, vel alio planeta ad nos usque reflectatur. Præterea, extrema pars radii lucidi, corpus opacum seriens, reflectitur: non igitur radius erat linea stabilis, ultra corpus opacum porrecta. Jam ubi radii solares clausâ fenestrâ ab ingressu cubiculi arcentur; tum certè resiliunt, nec quicquam de suâ longitudine deperdunt. Quid enim lumen potest destruere? An opacitas, quæ ut sit qualitas quædam, ut plurimum passiva erit, non activa. Nulla est causa, quæ lumen in aëre producat, nulla quoque asferri potest, quæ illud possit extinguere. Nunc apertâ fenestrâ quomodo radii reflexi subire poterunt? id profectò non assequor, ne cogitatione quidem; seu lumen tenuissimam flammam; seu qualitatem statuas, in radios stabiles, & corpori lucido coævos diffusam. Quidquid attigeris, ulcus est. Quanto probabilius mihi videtur sentire illustris Cartesius, qui lumen nihil esse quàm motum tenuissimæ substantiæ poros aëris replentis existimat; adeò ut vera sit Aristotelis sententia lumen esse actum, sive motum corporis perspicui: cum enim nec qualitas sit, nec substantia; quid restat nisi ut motus censeatur? Neque hoc mirum videri debet. Nihil quippe sensu percipitur nisi motus. Quid sonus nisi motus aëris? quid ergo lumen nisi motus substantiæ celestis retinam sentientis. Quo verò res fiat illustrior, lucem à lumine discernamus; illa est in corpore lucido, lumen in aëre, vel in aliis corporibus excipitur. Lux adeò nihil est quàm particularum insensibilium primi elementi, seu ignis purissimi celerrima agitatio; quâ quidem globuli ætherei ( quibus secundum elementum con-

*Opinio  
Cartesii.*

*I. ratio,*

stat)

stat) unde quaque premuntur, & ad rectas lineas impelluntur. Hic igitur caelestium globulorum impulsus lumen vocitatur. Neque verò illam partium corporis lucidi agitationem temerè inducimus: nam & manifestè se prodit, ubi liquorem tanto impetu ignis disjicit, atque in vapore, vel fumum explicat, quod sine motu, ne concipi quidem potest; uti nec lapis sursum fertur, nisi à projiciente impellatur. Præterea, omnia lucis, ac luminis phenomena hinc facillimè explicantur. Adeò ut nemo, nisi idem occupatæ opinionis præjudicio laboret, ultrò in hanc non concedat sententiam. Hinc sanè planum sit, cur lumen in momento diffundatur; non secus ac si quis extremo baculi vel cælum ipsum tangeret, eodem instanti hunc motum manū perciperet. Nōne cæcus baculi adminiculo lutum à lapide discernit? Imò duritiem, figuram, molemq; corporis baculo dignoscit; neque necesse est ut species à lapide per baculum transmittatur. Sic ubi corpus lucidum suā agitatione globulos caelestes per totum aëra diffusos premit, eodem tempore visus hunc motum percipit, atque illius beneficio omnes calores dijudicat, ut quàm mox dicturi sumus. Cùm verò corpus lucidum recedit, tum lumen evanescit: nihil perit tamen; nam ubi Sol radios emittit, nihil novi generatur. Hinc etiam liquet cur moto aëre, lumen non agitetur: siquidem baculi motus à movente duntaxat pendet. Opaci corporis occurso lumen resilit, atque sublato impedimento radii luminis pristinam reſtitudinem sibi restitunt; quæ quidem omnia facillimè juxta nostra principia exponuntur. Ut semel finiam, non possunt globuli ætherei Soli propiores moveri, premi, vel impelli, quin uno, & eodem tempore, cæteri secundum lineas rectas dispositi propellantur. Nec plura lumina per angustissimum foramen trajecta confunduntur: quemadmodum ubi vas vino impletur, ac fundum ejus uno, & altero foramine aperitur, nulla est vini guttula, quæ per illa foramina non sibi quærat exitum, ac per rectas lineas, partes omnes vini erumpere molliuntur; nec tamen tam variz ad motum inclinationes sese mutuo præpediunt: sic cùm lumen nihil sit quàm motus, vel potius inclinatio, & determinatio ad motum, non mirum est, si plura lumina idem foraminulum inconfusa pertranſeant. Hæc est, nī fallor, Cartesii sententia, cui non subscribit Theophilus, huic philosophiz insensissimus.

*Refellitur  
Cartesii  
sententia.*

*Th.* Ego hæc commenta meo calculo comprobarem? an cæco persuadebis, lumen nihil esse quàm motum? Itaque cùm in primâ rerum institutione lux, creata est, nihil quàm motus quidam, qui

qui nec concipi potest, nec enarrari, è tenebris emerfit. Non satis sibi constat Cartesius: nam lumen aliquando motum, nonnunquam inclinationem ad motum definit. Si motus sit, quænam est illius effectrix 2. causa, qui motor? materia, inquit, corporis lucidi: sed materia cum nihil sit, quàm triplex dimensio, quid agere, quid moliri potest? Quod si lux nihil est quàm inclinatio, seu nisus ad motum; quomodo sensum ferit? quâ ratione comburit, atque alios effectus innumeros ex-erit? Sive sit motus; sive inclinatio ad motum, non erit quid absolu-3. tum; sed relatio duntaxat quædam. Quis ita mente captus, ut hoc vel somniet? sed pulchrè exemplo baculi, luminis perceptionem, & propagationem nobis explicat. Est dissimile totum. Nunquid fortè ra-4. dii luminis solidi sunt, ac rigidi instar bacillorum, ut uno, atque eodem tempore omnes partes moveantur? Cum duo lumina eidem op-ponuntur foramini; profectò illi globuli contrariis motibus agitati, s. mutud sibi occurrent, atque alii alios disjicient: nec duo homines poterunt simul sese intueri; neque eodem momento oculos alter in alterum defigere, quin globuli ætherei perturbentur, & collidantur. 6. Quis etiam intelligat, quâ ratione imago Solis tota per angustissimum foramen trajiciatur, citra ullam radiorum confusionem? Qui fieri poterit, ut tot globuli in idem punctum cogantur? Ubi aer, vel coe-7. lum celerissimo motu agitur, quomodo globuli ætherei à rectis lineis non aberrant? Viden quæ & quanta tuam sententiam sequantur absurda.

*Men.* Non equidem difficile factu puto has nebulas, quæ nos à *Effugia* libero lucis intuitu impediunt, disicere. Negas lucem nihil esse quàm *Cartesii.* motum, quod primo die creatam fuisse sacri testentur codices. Nunquid eadem ratio tuæ opinionis jugulum petit? Nam si lux qualitas est, an solitaria, atque ab omni subiecto secreta prodiit è tenebris? Ergo necesse est ut communi solutione utamur, & utrique fateamur, in principio creatum esse mundum, qui sex diebus in suas partes distinctus, atque ornatus fuit. Quod anceps ac lubricus tibi videatur Cartesius, qui aliquando lumen nihil esse quàm nisum, seu propensionem ad motum existimat: aliquando motum esse illud definit. Facile ab hac levitate animi eum liberabo. Lux semper cum aliquo motu conjungitur, uti & calor: lumen verò nihil est quàm quædam pressio globulorum cælestium, quæ sine motu rectè potest consistere. Quemadmodum duo pugiles, qui sic colluctantur, ut neuter alteri pravealeat, minimè moventur; vel si quis aliquod pondus manu sustentet, nec cedat tamen; nihil movebitur. Quæris causam effectricem hujus motus. Deus est, qui corpori lucido eum impressit. Times tu quidem, ne

si lumen nihil sit quàm motus, non aliquid absolutum, sed relativum duntaxat futurum sit; hoc ipsum quod metuis, nihil est: quid enim mihi, dummodo lumen visu, ut calor tactu, percipiatur? Sed ne subterfugere videar, tibi respondebo, omnem motum cum impetu esse conjunctum; sive impetus sit quædam qualitas à motu distincta; sive nihil aliud sit, quàm motus; constat cum ad relationem non pertinere, sed esse quid absolutum. Cætera quæ de baculi rigore, radiorum confusione, & occurstu, obiectis, plusculum difficultatis habent; Paucis respondeo, totum hoc intervallum, quod inter nebulosum aërem, & Solem intercedit, substantiâ æthereâ esse completum. Solidi sint an fluidi cælestes globuli, nihil moror. Id unum mihi certum est, quòd si vel minimum à corpore lucido premantur, uno & eodem tempore subjecti globuli impellentur: non secùs ac si conciplas ingentem tubum instar syphonis inflexum, ubi repletus aquâ fuerit, si vel paululum aquæ adjeceris, quæ altero tubi brachio continetur, statim attolletur, atque effluet. Nec est quòd vereare, ne subtilis illa materia, quæ à corpore lucido continenter premitur, ac visum ferit, huc illuc à ventis impellatur: nam motus ille à ventorum agitatione profectus, quantus quantus sit, longè tardissimus est, si cum motu æthereæ substantiæ conferatur: crassiores duntaxat aëris partes, non cælestem illam materiam discutit. *Pinge animo vinum ingenti vase conclusum, per aliquot foraminula diffuere; agitetur vinum, vel manu, vel quocumque voles modo; nihilo tardius dilabetur, atque à perpendiculari lineâ non defleat.*

*Simp.* Doleo eximium Cartesium tantam sui irridendi facultatem Philosophis dedisse. Quid enim non rideat illud opinionis monstrum? Nihil, inquit, à corpore lucido ad nos usque, præter motum transmittitur: ergo solus videbitur motus. Non, inquires; sed per motum videntur quæque corpora, ut motu baculi lapidem discernit cæcus: nam & similibus abundatis. Jam quod videtur lumen est, vel color; utrumque, si vobis credimus, in motu positum est: nihil igitur præter motum percipimus. Sed hæc fuerit tanquam levis armaturæ prima disputationis excursio. Nunc cominus agamus. Cedo qualis sit ille motus, quo corpus solare totam materiam cælestem tanto impetu propellit; neque enim (ut video) satis vobis constatis. An quædam Solis quasi palpitatio, seu motus similis systoles, & diastoles cordis? Sol igitur radios emittit, & retrahit, neque jugi effluxu eos ad nos transmittit. Nihil, ut puto, absurdius dici potest. An potius Sol circulari motu circa suum centrum agitatus, substantiam ætheream undequaque premit? Sed hunc motum in face accensâ non animadvertimus,

quæ

quæ tamen radios in orbem vibrat. Nec video quâ ratione Sol, qui circa suum centrum contorquetur, magis premat corpora sibi proxima: non enim locum mutat, nec majorem extensionem adipiscitur. Non etiam satis assequor, quomodo Solis ambitum visu percipiamus; nec, ut puto, alia pars Solis sub obtutum cadet, quàm ea, quæ inter Solis centrum, & visum nostrum directè interjacet. Postremò, quid causæ est, cur globuli ætherei crystallum penetrent, non item papyrum, quæ laxior est, & magis pervia? Sed de his jam nimis.

*Th.* Pudet me, non tui, Menander, cujus ingenium admiror; sed Cartesii, Regii, & aliorum, qui has nugas tanquam oracula venditant, ut soli sapere videantur: jam abeamus à fabulis, ac veri propiora videamus. Verumtamen de motu luminis nobis injecti scrupulum; hunc ergo, si tibi ita videtur, Simplicii, nobis exime.

## CAPUT SECUNDUM.

### De luminis motu.

- I. Lumen in orbem diffundit, adeò ut singula corporis lucidi puncta in omnes partes radiant. II. Occursu corporis opaci ita resilire, ut angulus incidentiæ æqualis sit angulo reflexionis: quæ sit hujus æqualitatis causa. III. Cur lumen refringatur ad perpendicularum, cum è raro corpore in densius incurrit. Cartesii rationes discutuntur. IV. De refractionis legibus multa.*

### Simplicius.

**S**Equar igitur, ut institui, eximium virum nostro hoc sæculo Philosophiæ faciliè principem, atque ex illius sententiâ de variâ luminis emissione, directâ scilicet, reflexâ, & refractâ (qui locus patet latius) disseram. Nec profectò nobis delectatio deerit, aliud ex alio querentibus.

*Men.* Jam ergo, quæso te, ordine nobis exponere, quâ fieri possit ut radii luminis, lineæ stabiles cum sint, atque à corpore lucido circumferantur, interjectu corporis opaci resiliant. Quod si id perfeceris, ne dubita, me in tuam iturum sententiam.

*Simp.* Quid ergo, si dixerit aliquis lumen à corpore lucido non aliter propagari, quàm ignis in pulvere pyro accenditur? Ego sanè malim ad hanc luminis effusionem confugere, quàm absurda tua opi-

D. de la  
Chambre.

*Quomodo  
lumen re-  
siliat.*

nioni subscribere. Sed in has nondum coarctamur angustias, quas sanè patiuntur, qui lumen esse tenuissimam flammam putant. Nos qui lucem nihil quàm qualitatem esse arbitramur, faciliè totum hoc negotium absolvimus. Negamus enim qualitatem, quæ corpus inter, & spiritum ambigit, item uti corpora fluxu continuo, & successivo moveri. Angelus certè, qui punctum loci occupat, potest in momento majori spatio applicari: neque illius motus, temporis successionem ullam exigit. Sic lumen, quod instar spiritus totum est in minimâ sui subiecti parte, (nullum enim est punctum in aëre, in quo tota Solis imago non cernatur) occursum corporis opaci reflectitur, & subducto corpore, pristinam rectitudinem suam recuperat. Radius quippe luminis totus est in singulis partibus; non secus atque anima in corpore. Jam ubi manus abscinditur, nunquid anima aliquâ sui parte mulctatur? Sed partibus caret. Quid sit igitur? in seipsam redit; nec tamen mole augetur. Quod si peritissimi Chirurghi arte manus abscissa restituitur, iterum ab animâ vegetabitur: idque citra aliquem motum fieri non posse verisimile est, quidquid reclamant Philosophi. Cessat, inquit, anima manum amputatam vegetare. Hoc certè nihil est; pars quippe illa animæ, quæ manum informat, non perit: quandoquidem partium expertus est animus: nec superstes manet in manu abscissâ; ut cuique manifestum est: restat igitur, ut anima in seipsam quodammodo revertatur, quod sine aliquo motu concipi non potest; qui quidem motus, neque attractio est, neque impulsus; sed majorem cum motu elastico, per quem res quæque suam sibi extensionem restituit, videtur habere cognitionem.

*Th.* Credo herclè ita esse; atque huic responsioni potissimum assentior: sed redde cætera, & varias luminis emissiones, ita uti institueras, nobis expone.

*Simp.* Reddam, & si potero brevi: sed antè præmonienda sunt quædam disputationi nostræ, de naturâ, & actione radiorum, de quibus cum perpauca dixerò, tum ad ipsam luminis emissionem descendam. Radius luminis nihil est (si benè auguror) quàm punctum corporis lucidi in rectam lineam continuatum; adeo ut radius puncti illius, à quo dimanat, imaginem ac splendorem secum vehat. Neque enim ulla ratio adduci potest, quæ imaginem puncti lucidi ab ipso splendore separare nos cogat. Radius quippè luminosus punctum, ex quo fluxit, non exhibet, nisi quatenus id reddit sensibile: sensu autem percipitur per splendorem radio congenitum. Non igitur necesse est, ut in radio imaginem à splendore discernamus: quid enim imago quædam (ut loquuntur) intentionalis efficeret, quod ipse splendor

per

*Quid sit  
radius.*

per se non præstet? quid stultius quàm lumen inter qualitates intentionales, quales fingunt esse species visibiles, recensere? nonne visus organum lædit, ignem accendit? quæ certè in qualitates illas spirituales non cadunt. Certum est splendorem, atque imaginem in ipso corpore lucido minimè discerni. Quòd si opaca quæ sunt, & aspera corpora Solis imaginem non reddunt, licet illius splendore colluceant, *Lumen non est* id evenit; quia radii luminis nimio plus dispersi, ac diffusi, Solis imaginem confundunt. Sic minutissimæ stellæ minùs fulgent. Sed subtile *qualitas intentionalis* quiddam putant se dicere, cùm identidem reponunt, lumen non formaliter, sed tantùm eminenter calidum existere, nec posse ex calore concludi, illud non esse in qualitatum intentionalium censu. Unde ergo ille calor? an fortè ex luminis motu? sed proprio motu lumen non cietur, nisi cùm resilit, vel refringitur.

*Men.* Neque etiam lumen urit, nisi cùm reflectitur in speculis concavis, vel frangitur per vitra convexa transmissum, atque in uno quasi puncto colligitur.

*Simp.* Concedam hoc ipsum si vis; etsi magnam jacturam causæ fecero. Quis enim ignorat lumen ad perpendiculum incidens, ante omnem reflexionem calefacere? Sed tamen eo concessio; quid hinc consequitur, nisi quòd radii luminis minùs calefaciunt dissipati, quàm uniti? nunquid illa unito calorem ingenerat? An sonus reflexus ex unione calorem procreat? Nec mirum si qualitas illa simplex & uniusmodi illuminet simul, & calefaciat: cùm vis magnetica duo saltem munera obeat: nam & ferrum ad se rapit, & illud ad mundi cardines dirigit. Neque verisimile est ex motu luminis calorem proficisci: non enim motus virtute suâ calorem accendit: nam corpora fluida quæ sunt, vel spirabilia, minùs calent, quò magis agitantur, ut videre est in aëre, qui frigus ex motu concipit. Lumen verò non est solidum quoddam corpus, ex cujus motu calor procreari possit. Est nonne mo qui existimat, lumen nihil esse quàm calorem modificatum. Hinc duplicem calorem distinguit: alter est tactu, alter visu sensibilis: ille in ferro candente copiosior, minor est in spiritu vini accenso; hic è contrà uberior in flamma, parcior in ferro candente: ille tactum magis ferit, quòd unà cum partibus ignis extrà prorumpentibus percipiatur; unde calor ignis sensum fortius afficit, quàm Solis calor; hic tamen purior, & fortior est; nam radii solares collecti adurunt, non item radii caloris, quos ignis emittit, etiamsi in speculo terso, & polito reflectantur. Quare lumen à luce, lux ab igne prodit, & omne lucidum, idem calidum esse necesse est. Sed jam fortasse nimis digredior: eò igitur redeat, unde fluxit oratio. Radios luminis à corpore



lucido, tanquam à centro dimanare, dubitat nemo: adeò ut quò longius à suo fonte recedunt, eò magis inter se distent, ac subinde minus illuminent, aut calefaciant. Non enim radius secundum suam longitudinem fit languidior, cum ubique sit sui similis, & omnis latitudinis saltem physicæ expers; sed tota radiorum veluti massa, quò longius excurrit, debiliior efficitur; quia radii magis à se invicem dissident, ac disperguntur, pluraque relinquunt interstitia lumine vacua. Hinc multæ faces eundem locum uberiore lumine collustrant: siquidem spatia, quæ ab unius factis lumine sunt intacta, ab alterius radiis occupantur. Hæc sanè obvia sunt, & omnibus notissima: nunc ad abstrusiora veniam, ac quomodo imago Solis tota in speculis innumeris colluceat, & ab infinitis propè oculis percipiatur, tentabo etiam

*De luminis diffinitione.*

dicere. Profectò id nec fieri potest, nec concipi, nisi unumquodque punctum corporis lucidi radios in orbem emittat: ita ut non modò corpus lucidum sit quasi commune centrum, & fons inexhaustus totius luminis, quod nemini non est manifestum; sed præterea necesse est, ut quodlibet punctum corporis lucidi, sit centrum, & quasi apex pyramidis radiosæ undequaque diffusæ, hoc est, ut à singulis punctis ipsius corporis solaris, lineæ, & radii innumerabiles quaquaversum producantur; quod nō ita esset, idem punctum corporis lucidi à multis oculis inter se diffitis simul percipi non posset. Sunt igitur innumeræ pyramides, quarum vertex in corpore lucido, bases in corporibus illustratis sitæ concipiuntur. Sunt item aliæ innumerabiles, contrario modo inversæ, quarum apices in singulis punctis corporis illustrati constituuntur; his una communis basis, Sol nimirum, vel aliud corpus lucidum subternitur: nullus quippe locus est, in quem radii à Sole prodeuntes non concurrant; atque adeò tot sunt radiosæ pyramides, quot sunt in aëre puncta, in quibus radii à toto Sole prodeuntes colliguntur; ita ut nihil opus sit species intentionales, vel alia Philosophorum figmenta comminisci, ut suo loco discutiamus. Jam verò nihil necesse est edisseri à nobis, quid lumen visibile efficiat: nam hic locus satis à doctissimis viris quæsitus, ac disputatus est.

*Quid lumen visibile efficiat.*

*Mens.* Nemo nescit lumen videri, cum satis copiosum est, ut retinam, seu visus organum afficiat: quod tum accidit, cum plures radii ab eodem puncto exeuntes, in idem oculi punctum consuunt, cumque lumen satis est validum, ut visum sistat: hoc enim omnis facultas exigit, ut ab objecto suo terminetur; quod præstare non potest lumen in aëre exceptum: unde necesse est ut ab opaco reflectatur. Sic lumen Solis, quod etiam de nocte cælum irradiat, minime perspicimus; non enim sub visum cadit, nisi à solidiori corpore ad oculos



oculos reflectatur; vel in suo fonte, seu in corpore lucido percipiamur; tum enim nimio fulgore visum sistit. Quare si extra cubiculum undequaque clausum, candela accensa juxta foramen, cui aliud è regione sit oppositum, constituatur; qui in cubiculo existent, lumen candelæ per utrumque foramen transmissum nullatenus cernent: lumen quippe visum non afficit, nisi ab aliquo opacior corpore sustineatur. Sed hæc sunt planiora, quàm ut in iis immoremur. Cætera, quæ ad luminis directam emissionem pertinent, in alium locum differamus, ubi Optices arcana scrutabimur. Nunc nisi tibi molestum est, Simplici, de luminis reflexione perge dicere.

*Simp.* An mihi quidquam potest esse molestum, quod tibi gratum futurum sit? Quæ sit reflexionis causa, non facile dictu est: nec potest antè decerni, quàm in quo sita sit perspicui natura, constiterit. Interea loci dixerim opacitatem, quæ corporibus inest, causam esse reflexionis proximam: fortè quia corporis opaci foraminula, vel meatus non sunt quaquaversum recti, atque adeò lumini transitum non permittunt. Nam corpus diaphanum, cum sit luminis sedes, atque in eo liberè exspatiatur; quid mirum, si lumen corpus opacum horreat? Nulla enim forma in subiecto malè disposito excipi postulat. Non tamen sola corporis opacitas; sed etiam superficierum asperitas, vel ipsius corporis divisio, aut scissura lumen resilire compellit; ut videre est in vitro comminuto. Ubi vitrum scissum est, lumen ptimam quidem superficiem penetrat; sed hæret in proximâ, atque ut suæ unitatis, ac naturæ dispendium non patiatur, resilire cogitur. Nam res quæque ita sunt à naturâ comparatæ, ut quæ sibi sunt insensa, fugiant, & propriam unitatem, vel naturam studeant conservare. Cumque radii luminosi alii aliis sint fortiores; nonnulli vitrum penetrant, reliqui reflectuntur: quantumvis tamen debiles sint radii reflexi, nihil de suâ longitudine, nihil de suis viribus deperdunt: quandoquidem lineæ sunt stabiles, quas nullius corporis opacitas minuere potest, vel extinguere: non enim opacitas quidquam agere, vel moliri potest, cum sit qualitas passiva, ac penitus iners, neque ullam cum lumine contrarietatem exerceat. Nihil autem minuuntur radii, quia reflexio in instanti, non secus ac recta emissio perficitur. Unde uterque motus eadem vi, & quasi eodem impetu indiget, tum ut radii luminis resiliant, tum ut directè vibrentur. Non ibo tamen in scias, totam radiorum massam, ac congeriem, ex opaci corporis occurso, non parum debilitari; cum enim nullum sit corpus adeò tersum, aut politum, quod multum asperitatis non habeat; hæc superficierum inæqualitas quantalacumque sit, radios reflexos non mediocriter dissipat, atque  
adeò

Qua causa  
est reflexio-  
nis.

adeo eos languidiores efficit. Hæc mihi visa sunt de reflexionis causâ præmittere, quæ si approbatis, pergam ad reliqua: sin quid requiritis, id explicemus prius.

*Th.* Nos verò nihil: nisi quod non satis liquet, cur in reflexione angulus incidentiæ æqualis sit angulo reflexionis; hoc est, ni fallor: cur radius luminis in corpus opacum incidens, eandem servet cum plano inclinationem, cum reflectitur, quam habet tum cum incidit.

*Angulum  
incidentiæ  
æqualem  
esse angulo  
reflexionis.*

*Simp.* Rem tibi ponam ob oculos. Sit speculum CBD, in quod radius AB ab objecto A cadit, & per lineam BE reflectitur ad oculum E. Angulus DBE dicitur angulus reflexionis; continetur enim lineâ EB, quæ à speculo reflectitur, & lineâ BD, quæ speculum nobis exhibet. Angulus verò cum nihil sit, quàm unius lineæ ad alteram inclinatio, tribus literis designatur, quarum media ipsum anguli punctum, seu linearum concursum indicat. Sic ABC incidentiæ angulus vocatur. Itaque duos angulos ad B existentes ABC, & EBD inter se æquales esse contendimus. Neuter enim est altero major, vel minor. Idque probatur. Objectum A, & oculus E locum commutent, adeo ut oculus jam in A, & objectum in E constituentur, recta BE tum erit radius incidentiæ, & BA radius reflexionis. Constat autem experientiâ, quòd objectum adhuc videbitur, atque per eandem lineas, & eosdem angulos; nisi quòd qui erat angulus incidentiæ, jam est angulus reflexionis, & vice versâ. Non igitur alter est altero major: alioquin idem angulus esset seipso major. Nam si quis fortè contenderit angulum incidentiæ majorem semper existere: ubi oculus & objectum situm, & locum permutarunt, qui prius erat incidentiæ, sit reflexionis angulus; & idem manet. Non igitur verum erat, angulum incidentiæ semper majorem existere. Eâdem quoque ratione evincam, minorem non esse. Quid restat, nisi ut ambo æquales statuatur.

*Men.* Optimè demonstratum à te fuit, angulum incidentiæ æqualem esse angulo reflexionis: quod sanè in omni motu reperitur. Nam pila oblique in parietem impacta, ad æqualem reflexionis angulum resiliere jam ostensum alibi est. Non igitur rem ita esse dubitamus: sed cur ita se habeat, ut Philosophos decet, meritò inquirimus. An quia, si radius incidentiæ speculum penetrasset, æqualem cum speculo effecisset angulum? nam posito objecto in E, anguli CBN & EBD ad verticem constituti, sunt inter se æquales. Cum igitur non minore vi, atque impetu radius è speculo resiliat in A, ac si illud irreflexus penetrasset ad N, non mirum est, si æqualem cum speculo angulum efficiat.



efficiat. An forte ut existimat Cartesius, post Vitellionem, & Alhaze-  
 num perspectivæ principes, radius luminis obliquè in speculum ca-  
 dens, uno quidem motu, sed duplici determinatione fertur, quarum  
 altera deorsum tendit; altera est horizontalis. Non secus ac globus  
 à summo mali decedens, motu ex illâ duplici determinatione compo-  
 sito deorsum ruit. Unde ad pedem mali recidit, etiamsi navis perniciosissimè  
 agatur, ut suo loco dictum est. Jam verò harum determinationum altera,  
 scilicet perpendicularis, à speculo quasi destruitur; id enim impedit  
 quominus radius ultra progrediatur: sed determinatio horizontalis in-  
 tacta, & quasi illæsa remanet. Sic radius AB objectoin A existente dupli-  
 cem obtinet determinationem, quarum altera deorsum, versus punctum  
 C nititur; altera versus punctum F dirigitur. Prior inclinatio à speculo

*Qua tan-  
 sa hujus æ-  
 qualis aris  
 juxta Car-  
 tesium.*

C

peri-

perimitur, vel saltem impeditur; posterior manet integra. Radius neq; ad C, neque ad F pervenit; sed per medium tramitem AB incedit, & resilit in punctum E; ita ut duo anguli ABC, & EBD sint æquales. Cum enim punctum A motu suo attingit punctum B, jam ad F vi secundæ determinationis pervenisset; quemadmodum virtute prioris ad punctum C descendisset: eumque posterior determinatio intacta maneat, radius luminis à puncto B resiliat ad punctum E; adeo ut linea FE sit æqualis lineæ AF: atque adeo radii AB, & BE æqualiter distabunt à speculo, & æqualem cum illo inclinationem obtinebunt. Siquidem ubi radius luminis confecit spatium AB, eodem tempore propter secundam determinationem, rectam AF percurrit. Ergo ubi lineam BE æqualem AB remittitur, eodem tempore rectam FE decurret.

*Cartesii &  
aliorum  
demon-  
strationes  
excusantur.*

*Simp.* Multa sanè Cartesius (pace tanti viri dixerim) comminiscitur; multa supponit, quæ nemo à Philosophiâ instructus concesserit. Existimat lumen, eodem prorsus modo moveri, ac gravia corpora. Optare hoc quidem est, non demonstrare. Præterea, motus luminis simplex est, non compositus, ut falsò supponit. Accedit etiam, quòd ubi radius reflectitur, non movetur totus; sed punctum illud duntaxat, quòd in speculum incurrit; nec duplici illâ determinatione impellitur; cùm idem radius, qui obliquè speculum ferit, perpendicularis esse possit, si speculum ita disponatur, ut in id radius ad pares angulos incidat. Ergo ut res eadem citra sui mutationem sit de extra, aut sinistra; sic idem radius obliquus est, & perpendicularis, quatenus in planum aliter, atque aliter inclinatum incurrit. Cartesium igitur dimittamus, & totum hoc negotium paucis absolvamus. Natura quàm minimo potest, agit compendio: siquidem nihil superfluum, nihil inutile molitur. Hinc gravia deorsum cadunt ad perpendicularum, & radii luminis secundum rectas lineas diffunduntur; qui eùm ad æquales angulos reflectuntur, longè breviorè viâ procedunt, quàm si ad angulos inæquales resilirent; idque nobis demonstrare in proclivi esset, si res exigeret.

*Mes.* Multa sunt, quæ hujus rationis vanitatem produunt. Primum enim concipiamus speculum CBD non planum, sed concavum; tum certè geometricâ demonstratione evincam, lineas quæ æquales efficiunt angulos, longiores esse illis, quæ inæquales angulos constituent.

*Simp.* Assentior planè, neque ullâ demonstratione tibi opus est, quòd id mihi persuadeas. Sed concedes quoque, radios in speculo concavo, eodem prorsus modo reflecti; ac si à speculo plano concavum in eodem reflexionis puncto tangente, resilirent, ut alibi demonstrabimus.

bimus. Hinc radius à speculo concavo reflexus, quandam vim patitur, nec libere ut illius fert natura reflectitur. Quemadmodum corpus grave funi appensum, non eadem prorsus libertate movetur, neque ad perpendicularum eadem facilitate decedit, ac si esset solutum, & funi minime alligatum.

*Men.* Est aliud quod magis me movet. An stellarum radii à speculo usque ad oculos nostros percussī per inæquales angulos, futuri sint sensibilibus longiores, quam si ad pares angulos reflecterent? Profecto differentia quantulumcumque sit, in tanto intervallo penitus evanescit. Quorsum amabo ad ingoniam naturæ inversæ confugis, ubi propriæ, & quasi materiales rationes, ex ipsiâ Geometriz legibus de prompta occurrunt? Hæc quidem ratione Vitellio, & Albazen abutuntur, in reflexione radiorum: sed quare eam ad refractiones non adhibent. Jam superius veram huic effectui causam reddidimus; quod eadem vi, eodemque impetu radius percutitur, ac si recto itinere ulterius processisset: æqualem enim angulum cum plano effecisset. Constituiamus objectum in puncto E, angulus EBD æqualis est angulo CBN ad vorticem opposito: quandoquidem radius EBN æqualiter cum plano CBD inclinatur, & quantum punctum E ad punctum D accedit, tantumdem punctum N puncto C vicinum est. Sed eadem vi reflectitur in A, ac si speculum penetrasset.

*Verâ ratio  
huius æ-  
qualitatis.*

*Simp.* Plane intelligo. Hinc concludis, angulos EBD & ABC æquales existere, eum ambo æquantur uni tertio CBN. Cujus ni fallor hæc est physica ratio, quod eadem sit virtus, quæ radium ad punctum B appellat, atque eum in oppositum punctum A repellit: est enim una & eadem vis in conflictu, seu reflexionis puncto: sed virtus æqualis æqualem tridem motum exigit, qui tum evenit, cum æquales sunt anguli. Sic pulchre philosophatur Keplerus. Hæc angulorum incidentiæ, & reflexionis æqualitas principium est, cui tota Catoptrica innititur; quare fusiori stylo illam demonstrare conati sumus. Jam proximum est, ut de luminis refractione pauca subnectam. Digna res est, in quam serio incumbamus. Tum radius refringitur, cum ceptum iter non rectâ pergit, quod semper contingit, ubi radius è corpore rariore in densius, ut ex aëre in aquam; vel vicissim, ex aquâ in aërem incurrit. Eâ lege fit refraction, ut si ex aëre in aquam radius trajiciatur, fractus ad perpendicularem magis accedat; ut radius AB, qui irrefractus ad punctum I pervenisset, per radium BL refractus, punctum L attingit perpendiculari vicinior. Contrâ eveniet, si ex aquâ in aërem incurrar, nam in rectam BM refringitur, quæ longius à perpendiculari BO remouetur. Refractionis autem leges ex iis sunt

*De refra-  
ctione.*

bus, quarum eventa magis arbitrator, quam causas quæri oportere.

*Men.* Rationes tamen rerum à te Philosopho debemus accipere, & ne quid obliandas; quæ mihi videatur esse refractionis causa, prior aperiam; tum erit illam ad rectæ rationis iudicium exigere. Quantumvis reclaims, mihi certum est lumen citra aliquem motum explicari non posse. Seu tenuissima sit flamma; seu in qualitatibus censu habeatur; seu densique nihil sit quàm celestis materiæ impulsus; quod cum in alijs luminis ipsius phænomenis, tum maximè in refractione manifestum est. Non enim lumen refringitur, nisi quia facilis vel difficilis per corpora diaphana diffunditur. Nunquid forte liberiore motu per aërem, quàm per aquam traducitur? Rem aliter se habere puto: idque ex refractionis legibus conjicio. Nam ut globus eburneus in præduro, & polito corpore facilis, quàm in molliore, & magis cedente, ut in marmore liberius quàm in luto volvitur: sic meo quidem iudicio, lumen longè facilius per crystallum, quàm per aquam, & per hanc liberius, quàm per aëra diffunditur. Quare ubi ex aëre in aquam incidit, ad perpendicularum refringitur; quod ne tibi paradoxum videatur, demonstratione persuadeam. Sit radius  $AB$ , qui ex aëre in aquam incurrat, frangatur in puncto  $B$ , constat fore ut versus perpendicularem deflectat in  $BL$ . Quò res sit lucidior, supponamus duplo citius per aquam transmitti quàm per aërem. Cum igitur punctum  $A$  pervenit ad  $B$  per lineam  $AB$  obliquam, duplici quasi determinatione, in diversas partes trahitur, ut superius dictum est: ex ipsis quippe Mechanices legibus, motus per rectam  $AB$  quodammodo compositus est ex motu perpendiculari  $AC$  & horizontali  $AF$ . Cum autem ex  $B$  ad punctum  $L$  duplo citius moveri ponamus: prior determinatio  $AC$  mutatur, & quodammodo fit celerior: sed determinatio posterior versus  $F$  intacta remanet. Cumque lumen duplo velocius decurrat spatium  $BL$ , quàm  $AB$ , sumenda est recta  $LR$  dimidia  $AF$ . Siquidem cum lumen percurrat lineam  $AB$ , tum propter determinationem horizontalem acquisivit rectam  $AF$ , ut sæpius dictum est. Ergo ubi duplâ celeritate decurrit rectam  $BL$ , ex horizontali determinatione, non totam  $TI$  æqualem  $AF$ , sed tantum dimidiam  $RL$  obtinebit. Itaque, ubi lumen ex corpore rarioris in densius incidit, radius ad perpendicularum refringitur. Contrarium eveniet, si radius  $AB$  ex aquâ per aërem diffundatur: tum enim longius à perpendiculari declinabit, & in radium  $BM$  degenerabit. Vides, quàm pulchrè Philosophiæ Cartesianæ principia sibi consentiant.

*Respon-*  
*sur.*

*Simp.* Perseveras tu quidem, & in vetere sententia permanes. An forte tibi exidit lumen inftar corporum non moveri, nec citius per aquam, quàm per aërem transmitti posse; cum ubique in puncto tem-

poris



poris moveatur. Nec mihi persuadebis unquam radios ex aëre in a-  
quam trajectos, sibi novas vires acquirere, ac velocius diffundi per  
corpus majori densitate vel opacitate donatum. Sed quàm festivè lu-  
minis motus à vobis describitur, ex duplici determinatione compo-  
situs; quasi duplici impetu, instar rerum gravium descenderet. Omit-  
to quod jam supra urgebam, radios non posse dici obliquos, nisi qua-  
tenus cum plano, in quod incidunt, comparantur; adeo ut pro vario  
corporis illustrati situ, idem radius, & obliquus, & perpendicularis ef-  
ferri possit.

*Th.* Facessat, quæso te, illa Cartesii Philosophia, ardua quidem,  
& dissimilis, sed jam tamen fracta, & convicta. Nunc quid tibi ipsi vi-  
deatur, audire gestio.

*Simp.* Res est tota in conjecturis posita. Sunt qui poros corporum, *Probabilis*  
per quos lumen traiecit, unde quaque rectos esse putent; ita ut radi- *causa re-*  
us omnes meatus ejusdem corporis irrefractus pervadat; sed ubi in *fractio-*  
aliud corpus diversæ densitatis incidit, sæpe in partes solidiores offen- *num,*  
dit; tumque resilire cogitur, atque per aliam meatuum seriem transire  
compellitur. Hujus rationis vanitatem facile intelligitis. Quorsum  
enim radius ex rariore corpore, in densius incurrens ad perpendi-  
culum refringitur? sed cur ex densiore in rariis incidens frangitur?  
an quia in partes solidas impingit? ergo tum etiam ad perpendicularum  
infringetur. Præterea, certum est, idem vitrum varias efficere refra-  
ctiones, pro diversitate figurarum, quas induit: nihilo tamen secius,  
quacumque figura afficiatur, eodem semper modo illius parti dispo-  
nuntur; atque adeo eadem prorsus refractio continget. Probabilius  
alii existimant lumen in corpus densius impactum, refringi ad per-  
pendiculum, quod angustiores meatus in eo corpore offendat: quare  
sola luminis massa coarctatur, atque ad perpendicularem lineam ma-  
gis videtur accedere: contra, ubi in corpus rariis incidit, tum qua-  
si sui juris facta, libere exspatiatur, & à perpendiculo recedit. Non  
quod sola densitatis, vel raritatis diversitas, omnium refractionum sit  
causa: multum enim confert figura corporis. Crystallus v. gr. con-  
vexa, radios colligit, concava dispergit, ut suo loco reddemus. Ne-  
que etiam à solâ figura pendet refractio. Aër quippe easdem semper  
patitur refractiones, quacumque figura afficiatur. Solida igitur dun-  
taxat corpora varias efficiunt refractiones, juxta figurarum diversita-  
tem. Hæc sanè magnâ verisimilitudine dicuntur: multa tamen in con-  
trarium occurrunt. Primum enim radii luminis, cum sint linee phy-  
sicæ saltem insectiles; quomodo tam angustii sunt meatus, ut eos pe-  
netrare nequeant? quomodo colligi, aut coarctari possunt? Non

2. *Opinio,*

*Hæc quo-  
que opinio  
refellitur.*



3.  
Sententia.

ergo solus refringitur radius, sed tota massa luminis. Verum si nullus radius frangitur, non adeo ipsa luminis massa, seu radiorum congeries refringetur. Sunt qui de refractione veri propiora sentiant; nempe quòd cum omne accidens suam extensionem à subjecto quodammodo repetat; necesse est ut lumen in subjecto densiore contrahatur; quòd in illo corpore plures sint partes, seu puncta, quæ lumen excipiunt: quocirca id inflectitur, contrahitur, & perpendiculararem vicinius petit. Cum verò lumen ex aqua in aërem migrat, tum dilatatur, atque à perpendiculari deflectitur: non enim tot sunt in aëre puncta, quot in aqua reperiuntur. Ergo necesse est ut lumen in aëre majorem locum occupet, seu liberius diffundatur. Quæ quidem opinio multum mihi arridet, atque ad veritatem multum propendet; nec contemnenda tamen est eximii Archiatri sententia, quæ statuit refringi luminis radios, ubi ex aëre in aquam, vel vicissim commeant: propter diversitatem materiæ, quæ in aëre & aqua invenitur. Cum enim lumen ad res spirituales accedat quàm maximè, nihil perinde ac materiam aversatur. Hinc quanto magis corpus ex materiâ est concretum, eo quoque magis transitum luminis impedit. Cum igitur lumen ab aëre in aquam incidit, tum vires suas colligit, ut se ab insensissimo hoste tueatur: unde ad perpendiculararem deflectitur. Hoc enim rebus omnibus commune est, ut quantum possunt, vires suas cogant, ubi res sibi infestas fugiunt. Sic præ timore, cor, artus, & spiritus ipsi contrahuntur. Eodem prorsus modo radii luminis sunt confertiores, ubi in corpus densius incurrunt, quod fieri nequit, nisi à recto tramite deflectant. Quare eo major est refractione, quo corpus majori est opacitate præditum; quòve radii sunt obliquiores: tum enim sunt debiliores. Non quòd lumen, & materia aliquam inter se contrarietatem exerçant (res enim sunt penitus disparatæ, non adversæ) Sed quia materia non est subjectum luminis excipiendo idoneum. Hinc debiles radii æqualem cum validioribus refractionem patiuntur: non enim radii à facie accensâ emissi, aliter ac solares radii refringuntur: nam utrique æqualiter materiam aversantur. Cumque lumen inter, & materiam, sit quædam oppositio duntaxat disparata, non contraria; planum est, non eâ proportionem augeri, vel minui refractiones, quâ densitas, vel raritas augentur, aut minuuntur. Aqua quidem corpus est homogœneum, ejusdem ubique consistentiæ: quare luminis radii, in primâ illius superficie refracti, non amplius à suscepto itinere aberrant. Nec alia sit refractione in trigonis vitreis, cujuscumque sint mollis, aut profunditatis. Postremo, non obest quidquam figurarum diversitas: nam eodem prorsus modo fit refractione in globo vitreo, atque in plano globum con-



contingente, ut suo loco dicitur: neque enim omnia sunt hujus loci, vel temporis. Mitto radium perpendicularem non frangi, quia nulla est ratio, cur potius in unam, quam in alteram partem deflectat.

*Th.* Hæc quidem non agrè concessero: sed cum asserit vir illustris solum lumen refringi, non item cæteras qualitates: res mihi paulo videtur secus. Quod si enim qualitates bene multæ, imò & corpora reflectantur; quidni & refringantur? Sanè quidem, ubi globus ex aëre in aquam obliquè projicitur, constat eum à rectâ lineâ non parum declinare. Aliter tamen atque in lumine id evenit: nam globus à perpendiculari deflectit: siquidem aqua nonnihil resistit, ac globum sursum quodammodo repellit; fit enim quædam reflexio, atque adeò ipsa determinatio mutatur. Sic globus bombardilia, ad horizontem explosus, ter quaterve aliquando emergit. Imò aves per aërem volitantes, subinde attolluntur, ac deprimuntur. Lapis in aëre, ut, in aquâ crebrò subfultat, Sagitta scopum horizonti parallelum attingit; cum tamen præ innato impetu deberet inferius descendere. Hæc sanè ex refractione, quæ cum aliquâ reflexione semper conjuncta est, oriuntur: idem enim in his omnibus contingit, quod in dubiâ luce, quæ ante Solis ortum ex solâ refractione proficiscitur. Nam radii solares, obliquè in Spharam vaporum, quæ vulgò Atmosphæra vocitur, impaeti, ad nos usque insecuntur; quod non fit sine aliquâ reflexione; atque idem ferè accidit, quod in lapillis aliquantulum complanatis, qui obliquè aquam perstringentes, identidem resiliunt.

## CAPUT TERTIUM.

### *De causis luminis.*

*I. De natura perspicui potissimùm discribitur; varis recentiorum opinionones refelluntur. II. Veri propior adfertur. III. Quæ sit effectrix causa luminis, quæ finalis?*

### *Simplicius.*

**I** Aud equidem assentior, sed ad reliqua pergamus, & ad eam partem sermonis, ex quâ egressi sumus, revertamur. Multa de natura luminis diximus, in qualitatibus numero eam esse constitutam ostensum est. Sequitur ut illius specificam differentiam, si fieri potest, consequamur. Cum autem omne accidens suam differentiam, non aliunde quam à proprio desu-

*Quod sit  
luminis  
subiectum*

defuniat subiecto, per quod definitur, & distinguitur; ut Dialectici nobis tradiderunt; quoddam sit illud subiectum tulinis, nobis inquirendum. Neque inventu arduum videtur. Quid enim aliud quam perspicuum est, cum nihil perinde horreat atque opacitatem. Nam ubi in corpus opacum offendit, statim reflectitur; vel si penetret, frangitur ad perpendicularem, quo se ab hoste defendat. Sed cum corpus diaphanum ipsi cognatum occurrit, tum dilatat se, quasi in libertatem asseratur. Ergo ut humor oleosus, & sulphureus flammæ pabulum est; nihil enim omnium est, quod flamma magis affeclat, quod illam citius concipiat, & fortius conservet: sic perspicuum esse luminis subiectum, inficiari nemo potest, cum lumen in perspicuo libere exspatiatur, atque opaca corpora ut sibi insensa aversetur. Nullum quoque est corpus lucidum, quod idem si eominus spectetur, aliquo modo diaphanum non sit. Sic flamma licet visum præ fulgore deberet sistere, non parum tamen perspicuitatis habet, cum ethychnum videndum exhibeat. Imò opaciora quæ sunt, ut carbo, adeps, lignum putridum, cum luceant, non nihil perspicuitatis adipiscuntur; nec sapersciem modò, sed etiam profundiores partes oculis pandunt. Sic oculus, qui præter ceteras corporis partes magis diaphanus est, idem quoque lucidior existit. Ex quibus colligitur, perspicuitatem esse lucis comitem individuum, illius adeò proprium subiectum existere. Sed in quo posita sit perspicui natura, major nos manet difficultas.

*De natura  
perspicui  
opinio Gas.  
fendi &  
Cartesii.*

*Men.* Atque ut ego arbitror, res non est adeò difficilis. Cum enim diaphanum illud sit, quod luminis est pervium, non aliter diaphanum, & opacum inter se differant, quam quòd illud poris in omnes partes hiat, per quos lumen transmittitur; sed in opaco corpore, hi meatus non patent luminis traiectioni, quia in omnem partem recti non sunt, at confusi, & quasi tumultuario ordine disponuntur; adeò ut particulae solidiores meatus occulant. Vitrum aliquod vel purissimum radiis solaribus opponere. Tum quidam radii vitrum pertrahunt, ille nempe, qui per foraminula, secundum rectas lineas disposita traieciuntur. Alii verò resiliunt, ille nimirum, qui in solidas vitri partes impingunt. Unde si charta solares radios per crystallum traiectionis excipias, tum videbis umbram crystalli tenuem, & dilutam, quemadmodum si eidem chartæ obtenderes tenuissimam telam: nam ut tela fila luminis transitum prohibent, sic & partes vitri solidiores lumen arcent. Hinc aqua multis radiis transitum quidem permittit: sed plurimos etiam reflectit. Unde phiala vitrea, ubi aqua impletur, longè nigriorem, & obscuriorem umbram projicit, quam si aqua foret vacua.

*Simp.*

*Simp.* Vereor ne hîc quoque à te dissentiam. Illos enim meatus *Confuta-*  
in omnem partem, secundùm rectas lineas dispositos, non modò com-  
prehendere animo, sed ne suspicione quidem possim attingere. Pri-  
mò nullum est punctum in superficie sphæræ crystallinæ, in quod ra-  
dius luminis non possit incidere, ac crystallum penetrare. Quod si  
ita sit, crystallus erit porosa tota, & vacua. Quis etiam mente concipiat  
poros secundùm infinitas lineas, easque rectas aptatos, ut lumi-  
ni, quod in omnes partes diffunditur, transitum præbeant. Sanè qui-  
dem corpora, quæ pluribus poris hiant, ut spongia, charta, medulla  
sambuci, eadem non sunt diaphana: quin etiam aqua, vitrum, aër nul-  
los vel paucissimos meatus admittunt.

*Men.* Hæc sanè non tanti sunt, ut sententiam nostram labefa-  
cent. Nihil enim necesse est, ut poros in vitro, vel aqua, secundùm  
rectas lineas penitus excavatos admittamus. Satis erit nobis, si non  
sint interrupti. Unde licet materia cœlestis non adeò religiosè secun-  
dùm rectas lineas propellatur à corpore lucido; saltem illius nixus,  
impetus, propensio ad motum (sive quod aliud nomen est, quo plani-  
us explicem id quod volo) secundùm rectas lineas trajicitur, per po-  
ros à rectis lineis parum deflecentes. Plures globulos, vel poma in  
aliquod rete conjice, atque ita comprime, ut jam veluti unum corpus  
conflare videantur: quòd si minutissimam arenulam injece-  
ris, illa profectò per interstitia globulorum subibit, ac tota serè diffluet. Quanto  
magis subtilissima materia per meatus corporis diaphani exitum inve-  
nit, maximè cum omne corpus perspicuum, vel liquidum sit; vel ex  
aliquo liquore concreverit? Liquidum verò omne à subtili materiâ  
continenter agitur, quæ poros sibi facillè accommodat. Aër ex. gr.  
cum ex particulis tertii elementi inter se disjunctis constet, illæ glo-  
bulorum cœlestium motui facillè obsequuntur, ac lumen trajiciunt.  
Vitrum autem, crystallus, glacies ex materiâ liquidâ, in quâ substan-  
tia cœlestis sibi poros excavavit, prodire, ac meatus eosdem ser-  
vant quos subtilis materia, tum primi tum secundi elementi perfora-  
vit. Hinc quædam corpora, seu liquida sint, seu concreta, pellucet,  
ut vitrum & aqua, quorum particulæ plerumque molles sunt, & flexi-  
les: alia verò ubi liquefcunt, fiunt diaphana: sed ubi concrevere,  
opacitatem induunt; ut cera, & butyrum, quorum particulæ sunt ra-  
mosæ, ac tenaciores, quæ ubi indurvere, cœlestis substantiæ motui  
magis sunt rebelles; minùs, cum ignis vi agitantur, & liquidæ exi-  
stunt. Alia denique sunt corpora, quæ ex partibus adeò crassis, &  
terrestribus compinguntur, ut sive concreta sint, sive liquida, lumini  
transitum negent, ut metalla, quorum pori omnes occluduntur, maxi-

mè ubi conerere. Spongia, vel suber, tametsi multis, & amplis pateant poris, lumen non transmittunt; quia pori non sunt continui sed interrupti, & tertii elementi, liberius quàm primi, aut secundi particulas excipiunt. Charta autem lumen trajicit, sed confusum, & instar vitri, rerum figuras non reddit. Quid ita? nisi quòd poros habeat inflexos, qui luminis radios incurvant. Vitrum quod attinet, meatus habet angustiores, sed in rectas lineas dispositos. Hinc quo tenuius est vitrum, eo quoque lumini magis est pervium; quo verò spissius existit, eo plures reflectit radios; ita ut illud visioni directæ, hoc reflexæ magis accommodatum videatur. Nam illud plures radios transmittit, hoc plures regerit, quòd plurimæ partes solidiores occurrant, quæ radiis sint invia. Hæc nubes, fumus, nebula non pellucet, quia innumeris constant partibus inter se disjunctis, quarum singulæ quosdam luminis radios admittunt, alios reflectunt, adeò ut omnes ferè radii tandem resillire cogantur: neque enim illæ partes malè colligatæ, ullum ferè radium transmittunt.

*Effugia  
Cavities  
occluduntur.*

*Simp.* Jam ergo placet cominùs agere; atque experiar si possim cornua commovere disputationis tuæ. Negas tu quidem poros, qui in corpore diaphano lumini transitum præbent, esse undequaque rectos: cur igitur lumen secundùm rectas lineas diffunditur? Si vobis credimus, ideo charta minùs est quàm vitrum perspicua, licet poris sit magis pervia; quòd meatus habeat obliquiores, quibus radios inflectit. Cur idem in aqua non evenit, cum fieri nullatenus possit, ut omnes pori undequaque, instar quincuncis, recti sint? Quod de minutissimâ arenulâ, quæ per interstitia globulorum diffuit, adducebas, nihil tibi suffragatur: nam si minutissimum sabulum in acervum milii, vel crassioris arenæ injicias: rogo te an subire poterit, atque acervi poros, qui satis conspicui sunt, penetrare? Subtilis materia, si quæ sit, tenuissima quidem existit: sed innumeri sunt pori, quorum alii alios obstruunt: nec possunt omnes adeò exactè in rectas lineas concinnari. Mitto etiam quòd vix explicari possit, quâ subtilis materia partes aëris, vel aquæ, ut viam sibi paret, in momento movere queat. Nec demum refractionis ulla futura est, si pori, qui vitro insunt, in omnes partes recti constituantur. Cur enim frangatur radius, qui à recto tramite non descedit? Cur major erit refractionis, quo radii sunt obliquiores? cur denique refractionis semper fiat ad perpendicularum, ubi ex medio rariore, in densius, fit transitus? quòd si meatus illi recti non sunt, cur radius perpendicularis non frangitur, cum ut cæteri, propter obliquitatem meatuum, incurvetur. Sed de his jam nimis. Dicendum igitur est mihi in quo natura perspicui posita sit: sed ita ut nihil

*De naturâ  
refractionis.*

nihil tanquam certissimum affirmem. Satis erit, si quod verisimilimum mihi videtur, vobis exponam. Rem verò ab altiori principio, & velut ab intimo capite repetamus. Perspicuum cum sit luminis subiectum, ejusdem sanè videtur esse conditionis cum lumine. Lux porro tantum non spiritalis, subiectum postulat à materiæ concrezione, quantum fieri potest, liberum. Materia quippe, & lux, naturæ corporeæ quasi extremos margines occupant; illa iners, & stupida, omni actione destituitur; hæc subtilissima cum sit, tota in motu, & actione versatur. In momento cuncta penetrat. Materia quàm minimum essentia obtinet, quia tota ferè est potentia, nihil actu. Actio verò essentiam rei cujusque indicat. Quo res quæque est perfectior, hoc fortius agit. Quid enim actio, quàm ipsius essentia quasi quædam progressio, & effusio. Ergo unumquodque perfectius operatur, quo plus habet essentia. Quamvis enim naturæ rerum specificæ sint indivisibiles, ut & numeri: nihilo tamen secius ut numerus alius alio perfectior est; sic essentia aliæ sunt aliis præstantiores: atque ut numerus major minore continet; sic nobilior species, alias inferioris notæ suâ virtute complectitur. Essentia verò quantitatem, ut diximus, metitur actio. Cum igitur lux præ cæteris qualitatibus celerius, & vehementius agat, cuncta calore ac vitâ compleat, atque innumeros effectus procreet, tametsi simplex sit, & uniusmodi, nulla est sensibilis natura, quæ majorem essentia portionem obtineat. Quid enim in rerum corporearum censu potentius, vel præstantius esse potest quàm lumen, cujus virtutes penè innumeræ, in naturâ simplicissimâ radices habent. Est quidem in Deo essentia plenitudo, quia unitatis apicem tenet, cum infinita virtute conjunctam. Quid enim fortius ipsâ unitate; quod divisum est, idem quoque infirmum existit. Hoc igitur titulo lux ipsa inter res corporeas supremum gradum perfectionis occupat. Id etiam habet cum primâ causâ commune, quod effectus producat artissimè cum suâ causâ unitos, atque ab eâ maximè dependentes. Ex quibus conficitur; quod nihil perinde horret lumen, ac materiam. Quare subiectum exigit, quantum fieri potest à materia defæcatum. Ergo cum perspicuum sit subiectum excipiendi luminis capax, illius natura in hoc videtur constituta, ut quàm minimum habeat materiæ sub magnâ extensione; quod ipsa comprobat experientia. Nam cælum summum perspicuitatis gradum implet, quod aër excipit, tum aqua; sed terra inter elementa ut est maximè compacta, sic & opacissima existit. Ut semel finiam, corpora quæque, ut graviora, ita & opaciora sunt. Id videre est in metallis, quæ nihil ferè perspicuitatis habent, neque unquam lumini sunt pervia, quan-

tumvis in laminas tenuissimas extendantur. Quod argumenti satis est, ut ex pondere, materiæ quantitatem, atque ex materia opacitatem metiamur. Non quod perspicuitas, & opacitas, ex sola raritate, aut densitate oriantur. Id enim falsi revincitur ex vaporibus, qui aqua sunt rariore; sic vitrum comminutum quamvis nihilo sit densius, perspicuitatem tamen suam exuit. Quocirca corpora quæ sunt perspicua, licet in duo genera partiri. Alia sunt paululum crassiora, ut aqua, vitrum, adamas, quæ quidem minus materiæ nacta sunt, quàm metalla, ac proinde essentialiter sunt diaphana; tamen si forte per accedens opaciora videantur, ut adamas non politus, aqua perturbata, & vitrum comminutum: hæc quippe omnia nisi habeant superficiem tersam, ac politam, lumini invia sunt; quòd si poliantur, lumen admittunt: nam illa æqualitas majorem materiæ proventum quasi commendat, & lumen sibi conciliat; id quidem in prima superficie refringitur, sed postea à recto itinere non deflebitur, cum corpus sit homogeneum, & uniusmodi. Itaque hæc corpora crassiuscula æqualitatem superficiæ exigunt, secùs lumen reflectetur, ac dispergetur. Alia verò corpora, quæ longè sunt subtiliora, ut cælum, & aër, quantumvis agitentur, motum radiorum nihil impediunt: lumen quippe tantillum materiæ faciliè superat. Vapor autem, fumus, nubes, propter maximam superficiæ inæqualitatem, & aliorum corporum admixtionem, lumen non transmittunt. Addámne quòd omne perspicuum quandam lucem habet in se reconditam, quæ ubi corpus condensatur, manifestè se prodit: sic aër candorem nivis, spumæ, & aliis innumeris impertit. Crystallus comminuta albedinem quoque suam ob oculos ponit. Quòd si astra nihil sint quàm partes cæli condensatæ, ut veteres crediderunt, sequitur cælum totum esse luminosum; adeò ut sola materiæ raritas impediatur, quominus sub obtutum cadat, sic spiritus vini tenuissimus visus aciem fugit, atque ignis eo est conspicuior, quo materiæ crassiori adhærescit. Hæc ita esse ratio ipsa persuadet. Nam si lumen non alium in subiecto apparatus exigit, quàm parum materiæ sub magnis dimensionibus, ubicunque hæc dispositio occurrit, ibi quandam lucem inesse par est. Siquidem nunquam materia omnibus suis dispositionibus adornata, carere suâ formâ, aut vacua esse potest, ne in rerum & specierum ordine aliquod inane natura admittat. Hæc summi Philosophi, & Archiatri meditata fusiùs exposui, dulcedine argumenti abreptus.

*Th.* Intelligo quem hoc elogio designes. Neque huic opinioni intercedo, atque omne perspicuum minus habere materiæ puto. Sed quasdam præterea conditiones exigo, quæ nisi adsint, corpus minimè perspicuum futurum est.

*Simp.*

*Simp.* Cedo quæ sint illæ conditiones, quibus pellucidum omne circumscribis.

*Que sint conditiones ad perspicuitatem requisita.*

*Th.* Rem paucis absolvo. Primum, superficiem lævigatam, non asperam habeat, necesse est; ne radii luminis distrahantur. Nam ubi corpus multis superficiebus exasperatur, singulæ facies quosdam radios reflectunt; adeo ut parum vel nihil luminis transmittant. Hinc vitrum comminutum perspicuitate suâ excidit; cumque aliquo colore tingitur, jam minus diaphanum evadit. Admixtione quippe coloris, seu pigmenti, quo multi meatus obstruuntur, superficies vitri fit asperior, sed de hoc quoque dixisti. II. Corporis perspicui partes sint homogeneæ densitatis, aut raritatis: secus radii varias patientur refractiones, quibus tandem fessi, resilire compelluntur. Hinc vinum distillatum, aqua maris percolata, sunt limpidiora. Vinum quoque album, primò opacum est; cum magis perspicuum evadit; quod enim impurum exiit, vel alterius naturæ, ultrò subsidit. Ex plantis, lapidibus, & metallis vitrum pellucidum conficitur, quia ignis calore, quod alienæ naturæ est, secernitur. Non dissimili ratione nix calore liquefacta, fit perspicua, quod ex illius poris aër extrudatur. Hinc etiam lac, sanguis, atramentum, cum non sint puri liquores, & partibus consent crassioribus, nunquam pellucet. Ubi cornu adurit, ex diaphano opacum evadit; fortè quia partes præ calore instantur, asperæ, & inæquales efficiuntur. III. Ad perspicuitatem requiritur, ut partes, quæ sunt raritatis, vel densitatis homogeneæ, situm rectum obtineant. Non equidem poros undequaque rectos exigo: neque enim lumen corpus esse puto; sed tamen, cum in rectas lineas semper diffundatur, æquum est, ut partes etiam corporis diaphani secundum rectas lineas porrigantur: quod ubi evenit, tum pori quoque, & meatus in rectum disponuntur. Id forsitan Epicureis, & Cartesianis erroris occasionem dedit, qui perspicui naturam in illâ meatum rectâ positione constituerunt. Omnia serè diaphana faciliè franguntur, quod partes eorum secundum rectas lineas aptentur. Vitrum lucem transmittit puram, non item charta, quæ tamen ubi oleo est illita, magis pellucet, sive quod olei particulae meatus papyri obstruant, ac superficiem æquabiliorem reddant; sive quod filamenta chartæ inflectant, ac poros rectiores efficiant. Eâdem serè ratione globus niveus ubi paulò vehementius comprimitur, vel aquæ immergitur, quandam perspicuitatem acquirit. Illud præterire non possum, quod omne corpus quantumvis sit opacum, aliquid tamen habeat perspicuitatis. Hinc lamina metalli tenuissima quosdam radios transmittit. Hæc igitur mihi videntur ad naturam perspicui conspirare. I. Materie subtilitas:



nam materia sedes est tenebrarum, ac luci infensa. II. Puritas, & uniformitas substantiæ. Hinc nullum est corpus mixtum adeo perspicuum, quod non aliquid habeat opacitatis. III. Superficiæ æquabilitas, maximè in corporibus substantiæ crassioris: unde omnibus coloratis hæc conditio deest. Quare succinum licet vitro sit levius, non tamen pellucet: color quippe, illius perspicuitatem impedit. Postremò demonstratum à nobis est, quòd situs partium rectus non parum ad perspicuitatem conferat. Addit Keplerus perspicuum omne, cum sit corpus simplex, & uniusmodi, vel fluidum esse, vel ex aliquo fluido constare: cujus eam rationem esse putat, quòd lumen solâ longitudine, ac latitudine contentum sit, omnis soliditatis expers: cumque res ab alia pati non possit, nisi ejusdem sit secum generis, radii lucidi nihil à soliditate corporum impediuntur. Quid ergo moram illis obijcit? superficies. Quo igitur plures sunt in corpore superficies, vel plura in superficie puncta, eo magis lucis effusio arcetur: nam lux majorem extensionem affectat, quo longius à suo fonte progreditur. Unde ex occurfu corporis densi colligitur, atque ad perpendicularum magis videtur accedere. Hæc est vera refractionis causa, ut superius ostensum est. Sic etiam ubi in corpus asperum lumen incurrit, non quidem refringitur, sed resilire cogitur: nam unaquæque superficies motum radiorum sistit: corporis verò fluidi una est superficies: siquidem partes singulæ non propriis, sed alienis terminis circumscribuntur: quocirca luminis transitum nihil impediunt, unica duntaxat vincenda est superficies, tota soliditas radiorum propagationem nihil moratur. Opacum igitur erit, vel quod multis superficiebus est asperum, vel quod multam obtinet densitatem, quæ plus satis radios colligit. Adde quoque colorem medii, quo lucis diffusio non mediocriter impeditur: sunt enim lux, & color ejusdem naturæ: quare unum ab altero pati potest. Hinc lux medii colore tingitur, & vicissim color à luce quasi accenditur. De perspicui natura tot dicta fuerint; ex quibus definitio luminis ab Aristotele adducta omnino confirmatur; nempe lumen esse actum corporis perspicui, seu qualitatem, quæ excipitur in corpore perspicuo.

*Men.* De naturâ, & subiecto luminis, nec non de illius motu, tum reflexo, tum refracto, uberrimè disputatum à te fuit, mi Simplici; reliquum est, ut perpauca de finali, & effectrice illius causâ subjicias: quibus perfectis absoluta erit tota luminis tractatio.

*De causâ  
effectrice  
luminis.*

*Simp.* Huc non invitus declinabam. Ac primum quod effectricem lucis causam attinet, ea non alia mihi videtur esse, quam effector omnium, molitorque Deus: quæ enim causâ tam potens, tamque effi-

cax



eam fingi potest? an substantia corporis lucidi? sed præterquam sub-  
 stantia nil nisi mediis facultatibus operatur, (cùm actus, & potentia  
 eodem genere contineantur; operatio autem accidens est; ergo &  
 potentia operatrix in genere accidentium censeri debet) accedit et-  
 iam, quod lumen per propagationem non diffunditur, sed unâ cum  
 corpore lucido producit, ipsique corâum existit. Nec faciliè ani-  
 mo comprehendi potest, quomodo formæ omnes procreentur, nisi ad  
 primam rerum omnium causam confugiamus. Qualitates, quæ mate-  
 riæ conditionem consequuntur, nec quidquam agunt, ut humor, siccitas,  
 densitas, è sinu materiæ eruantur: sed quæ sunt efficaces, & acti-  
 væ, è materiâ educi nequeunt; nedum lux, quæ cum materiâ nullam  
 habet cognationem. Quod in rerum naturâ effectus intuemur, qui  
 nulli, nisi primæ causæ tribui possunt? ut nihil dicam de animalibus,  
 quæ ex putredine nascuntur, quorum ortus nec elementis, nec cœlo,  
 neque etiam Angelis acceptus referri potest. Quid de individuorum  
 determinatione existimare par est? Quare ex infinitis hominibus, qui  
 procreari possunt, hic potius quàm alius gignatur? Quid dicam de  
 impetu producto in lapide sursum emisso, quid illum conservat, nisi  
 primum agens? Quid denique de animalium instinctu, an aliunde  
 quàm à Deo proficisci potest? Verùm hæc quæstio cum aliâ de for-  
 mæ origine confunditur, quem locum satis ut opinor, aliàs ex-  
 pressimus. Neque necesse est multa à nobis edisseri de finali causâ *De causâ*  
 luminis; cùm hæc non minùs perspicua sit, quàm ipsum lumen. Ni- *finali in-*  
 hil quippe est in hoc mundo adspectabili, quod potentiam, sapienti- *minia.*  
 am, & bonitatem Creatoris magis ecommendet. Motus ille celeris-  
 mus; vis cuncta penetrans, & per omnia commeans; diffusio propè  
 immensa; radiorum subtilitas cum tantâ virtute, ac stabilitate con-  
 juncta: adeo ut flecti quidem, & infringi, non disrumpi, aut separari  
 possint: hæc, inquam, omnia omnipotentiam Creatoris prædicant.  
 Sed nihil est, in quo divîna sapientia magis elucescat. Quid enim to-  
 tius universi partes adeo discordes conciliat, quàm lux ipsa, cujus  
 natura simplex quidem, & pura existit; sed virtute rerum penitus  
 dissimilium imprægnatur, quo faciliùs omnia conectat. Profectò for-  
 ma cum materiâ, vel anima cum corpore vix uniri posset, nisi naturâ  
 quâdam lucidiore, & perspicua, quam Platonicis spiritum vocant, ne-  
 derentur. Nunquam extrema quæ sunt, citra aliquod commune vin-  
 culum natura consociat. Quid materiæ dissimilius quàm forma? nec  
 aptiori glutine inter se devinciri queunt, quàm spiritu: hic enim mi-  
 nimam materiæ portionem sub magnâ mole nactus est; unde lumino-  
 sus, ac perspicuus existit. Est igitur corporis & animæ aptissimus  
 nexus

nexus, utriusque functionum commune instrumentum. Namque, ne id fortè mihi excidat, omnis spiritus quasi essentialiter lucidus est, uti & ignis; cætera quæ sunt lucida, horum participatione splendent. Hinc micant oculi percussi: feles in fœdiis tenebris objecta contuentur, scilicet spirituum ope, quos eorum oculi ejaculantur; lampyrides noctu lucent beneficio spirituum, quos præ timore contrahere, & lucem suam subducere quidam perhibent. Ligna putrida, adeps, & alia id genus de nocte micant, cum putrescunt; quòd spiritus liberati à crassiorum partium mole, in unum confluant: non secus ac partes ignitæ præ vehementiori motu unà coeunt, atque ignem accendunt. In squamis piscium spiritus sunt tenaciores, nec faciliè dissipantur: unde & diutius splendent. Verùm id lumen, quo spiritus nostros fulgere diximus, oculis non perspicitur. Id sanè evenit propter summam eorum tenuitatem, uti jam insinuatum à nobis est: sed tamen anima hunc fulgorem percipit: nam ubi spirituum animalium conceptacula, quæ cerebro insunt, tetro aliquo vapore obnubilantur, quas tenebras ipsa sibi fingit anima? Sed longius dilabor, retinebo itaque me.

*Men.* Libenter tecum, cum istà oratione prolaberer, ut hoc Ciceronis verbum usurpem.

*Simp.* Ne aliena mihi sumam; hæc quæ nunc fundo philosophiæ secretioris oracula, non ex meo pectore, sed ex summi illius viri, quem potissimum hodie sequendum mihi proposui, monumentis prodire. Atque ut è semitâ in viam redeam: lux est quasi horizon naturæ spiritalls, & corporeæ; substantiæ, & accidentis; vinculum est totius universi, quod luce destitutum nihil foret præter materiam indigestam, corpus exanime, confusionis abyssum: est quippe lumen omnium elementorum virtute fecundatum, ac cœlestes influxus ad nos transmittit. Accidens quidem existit, sed à suo subjecto non pendet; adeò ut inter substantiam, & accidens; inter corpus, & spiritum ambigat. Lux dividitur, & manet individua; stabilis est, & movetur; cœlum terræ, corpori animam, formas materiæ, objecta visui conciliat. Neque etiam ullum est in totâ rerum corporearum universitate præstantius donum nobis à Deo concessum, quod illius inexhaustam, & in omnia exuberantem bonitatem magis exprimat. Cuncta suo calore vegetat, vitâ implet, lætitiâ perfundit, ac variis coloribus adornat, ut quàm mox dicturi sumus.

CAPUT QVARTUM

De naturâ, & diversitate colorum.

- I. Colores omnes ejusdem esse generis, & vanam esse colorum in veros & apparentes distinctionem. II. Omnes à luce dimanare, nihil esse quàm lumen modificatum. III. Utrum colores ab externâ, vel ab insitâ luce corporibus prodeant? IV. Tandem ab extrariâ luce non proficisci concludimus. V. De numero & serie colorum, nec non quâ lucis gradus singulis competat.

Menander.



Agno te oramus opere, ut de naturâ, & varietate colorum paulo uberius differas: nam & vacui fumus, & nisi me ratio fugit, color nihil est quàm lumen quoddam dilutum & modificatum.

*Simp.* In longum sermonem me revocas, Menander, quem tamen libenter suscipiam: quid enim agamus potius, aut in quo melius consumamus diem? Sed ut in re adeò obscurâ lux aliqua nobis interluceat, quæ mihi certa sunt, & explorata proponam prius, tum ad ea quæ magis sunt controversa, gradum faciam. Atque ut ad citiora veniam, & notiora nobis; omnes colores ejusdem esse generis, dubitari nullatenus potest. Quod enim usus scholæ obtinuit, colores alios esse reales, alios duntaxat apparentes, & quasi umbratiles, id nullo solidiore nititur fundamento; cum tota coloris natura in hoc posita sit, ut appareat, & visibilis fiat. Quasi verò objectum, quod sensum realiter afficit, & movet, non sit quid reale, atque in rerum naturâ non exsistat. Nōne Iridis colores, quos inter apparentes recentent, suas imagines in specula transmittunt? Quid igitur obstat, quo minus inter veros colores numerentur? Profectò, eum objectum visus proprium sit color; neque ullum discrimen inter veros, & apparentes animadvertat; cumque facultas circa proprium objectum falli non possit, optimè concluditur, omnes colores ejusdem naturæ, ejusdem esse conditionis: maxime cum accessu alicujus coloris, ut rubei, per triangulum vitreum transmissi, color hîdem rubeus panno insidens fiat vegeior; quod si in alium diversæ speciei inciderit, alium quoque colorem, qualis ferè ex præmissione pigmentorum nasci solet, procreabit. Quod argumento est, colorem rubrum, qui per vitreum trigonum producitur; licet apparens, & umbratilis duntaxat vulgò

enseatur, ejusdem tamen esse speciei, ac naturæ cum rubro colore, qui altius corporibus inhaeret. Tametsi non inficior, Colores alios esse fugaces, quales sunt in Iride; alios fixos, & tenaciores: ejusdem tamen utrosque esse speciei, non solum ipsa colligit ratio; cum unius facultatis unum sit objectum; sed etiam ipse sensus dijudicat. Quod si ita sit, colores omnes à lumine proficisci rectè concluditur: cum Iridis colores, quique per vitreum trigonum trajiciuntur, atque apparentes vulgò vocitantur, nihil ab ipso lumine, certà quâdam ratione

1.  
*Colores à lumine dimanant.*

1. modificato differant. Quid enim hos colores tam aptè efformaret? an nubes, vel murus, in quo Iris delineatus cernitur? At nihil aliud
2. quàm recipit; nihil ipse operatur. An fortè trigonus vitreus? sed est omnis expers coloris. Restat igitur ut lux in colores degeneret: atqui fixi, & fugaces, veri ut ajunt, atque apparentes ejusdem sunt naturæ; atque adeò ab iisdem prodeunt causis; ergo colores omnes nihil ab ipso lumine discrepant.

*Th.* Hæcenus tecum mihi convenit: & sanè quisquis specierum visibilibus, & colorum naturam diligentius perpendet, utraque nihil à lumine differre comperiet. Nam singula cujusque objecti puncta in orbem diffunduntur; eodem prorsus modo, ac radii luminis refringuntur; ad æquales angulos resiliunt. Quod si per vitrum aliquo colore tinctum trajiciantur, non aliter ac lumen eodem colore imbuuntur. Denique instar luminis, in punctum contrahuntur, citra ullam confusionem; principio suo indivisè adhærent, à quo unitatem, vel distinctionem suam; non à subiecto, uti cæteræ qualitates, repetunt.

*Utrum color sit omnino à lumine diffidens.* Ad summam, omnes luminis affectiones his speciebus, ac coloribus apprime conveniunt. Quod non modò evincit, colorem nihil à luce diffidere; sed etiam (quod rem maximè causamque continet) colores omnes à luce exteriori proficisci, & cum eâ confundi; adeò ut rebus omnibus auferat nox atra colorem. Id jam patebit, si revocare

*Afferentia.* in memoriam volueris ea, quæ sunt à te demonstrata: nempe colores fixos ejusdem esse speciei cum iis, qui fugaciores sunt, quos sanè à luminis variâ reflexione, ac refractione prodire certum est. Nihil enim unum uni tam simile, quàm lumen luminis, color colori. Quod

1. si à luce color differat, quare sine illâ videri nequit? numquid sonus vel odor quodam alio odore, vel sono indigent ut percipiantur? Denique si color est quâdam qualitas ab exteriori lumine distincta, quanam est illius causa, quas exigit dispositiones? exemplo sit albedo nivis, undenam prodit? numquid ab aquæ substantiâ? sed ubi solvitur, candorem suum deperdit. An fortè à frigore? sed aqua congelata frigidissima est, nec candida. Exstat ab ære suam repetit albedi-

bedinem. Verum aer omnis est coloris expers. Nulla quoque assignari potest dispositio intrinseca, ex qua albedo dimanet: non calor, aut frigus; non durities, aut mollities; non humor, aut siccitas; non demum gravitas, aut levitas: cum lac, marmor, spuma, nix, cerussa, calx, & alia innumera sint candida: tamen vix in ulla qualitate conveniunt.

*Men.* Hæc sanè rationi consentanea mihi videntur: neque ut arbitror multum abhorrent ab iis, quæ illustri Cartesius tradidit: existimât enim colores nihil esse præter lumen modificatum. Lumen vero cum sit motus, vel pressio globulorum celestium à materiâ subtilissimâ primi elementi in rectas lineas directus: hi quidem globuli uno, & eodem tempore duplici motu, centri scilicet, & orbis feruntur: nam circa suum centrum in orbem aguntur, atque à corpore lucido in rectas lineas quasi vibrantur. Cum ergo uterque motus equalis est, tum lumen nullo colore imbutum oculos afficit: sed ubi ex occurssu corporum diversæ densitatis, aut consistentiæ motus orbis sit velocior, vel tardior: jam globuli celestes retinam aliter movent, ac varios colores imprimunt.

*Opinio  
Cartesii.*

*Th.* Facessant quæso te illa vigilantis cerebri somnia, quæ jam alijs abundè resellimus. Veri propria sunt, quæ non Epicurei modo, sed etiam extimii Peripatetici, ac præter cæteros doctissimus Fabry de naturâ & varietate colorum tradidere. Et quamvis longa fortasse nostra futura sit oratio, non tamen satisfieri putem huic loco, qui nunc est in manibus, nisi distinctè, & articulatim, non de omnibus; hoc enim infinitum foret: sed de præcipuis coloribus disputemus; inducâ ab ipsa albedine exordio, quæ, ni fallor, non alibi, quam in continuitate radiorum luminis non interruptâ, posita est. Hinc flamma quo purior, eo quoque candidior est. Cera alba, quia sincerior est, flammam reddit candidiorem: nam (si forte nescis) cera veris tempore irrigata Soli exponitur, cujus calore humor extraneus exhalatur, atque una secum humorem nativum educit, quo extracto, non aliter ac pannus elutus in lixivio, dealbatur. Sic plantæ sicciores puriorem flammam præbent, quia partes omnes simul accenduntur, sed in viridiori ligno multus humor una cum flamma erumpit, qui radios luminis intercipit, ac colorem subrufum exhibet. Eadem ratione vitrum nigro, & rariore velo obtectum, lucem subrubram transmittit; quod radii luminis bene multi quasi extinguantur. Nix verò, spuma non aquæ modo, sed etiam atramenti, lac, calcinata ferè omnia, farina, creta, cerebri medulla, ovi putamen, charta, quoddam marmoris genus, saccharum, & alia innumera albescunt: quorum omnium una mihi

*De albedine.*

videtur ratio, quòd lumen sine ulla serè interruptione radiorum ad oculos reflectant; id autem accidit, quòd pleraque omnia particulis sphericis consent, quæ microscopii adminiculo ponuntur ob oculos, ut videre est præsertim in nive, & spumâ. Quocirca singuli globuli aliquos luminis radios ad oculum emittunt, qui colorem luci affinem, nempe candorem, simul congesti efficiunt: nulla quippe sit interruptio, nulla est pars, quæ lucem non reflectat. Sed quò minus dubitari possit, hanc esse veram colorum originem, juvat ire per singula. In nive hi globuli sub visum cadunt, beneficio omphaloptri; quo sæpe objectum centuplo majus cernitur. Spuma verò innumera constat sphericis, quia interclusus ær æquo nisu pellit undique membranulas, quibus interceptur; & quanto illæ bullæ minores sunt, ut in spuma equi, vel cremore lactis macerato, tanto majorem candorem præbent: nam plures radios regerunt. De calcinatis nihil attinet dicere, cum aliàs ostensum fuerit terræ atomos sphericam figuram esse sortitas. In oviputamine, granula spherica sensu deprehendimus: in chartâ hujusmodi granula sæpe calamum stridentem, ac luðantem morantur. Medulla cerebri, salium serè omne genus, in quorum censu est saccharum, ossa denique, multâ terrâ abundant, quod ex ipso pondere dignoscimus. Sic adeps concretus albedinem quandam præ se fert, quòd illius partes instar spumæ in orbem concresecant. Non dissimili modo oleum à lixivio dealbatur; quædam enim humoris aquei partes dum rarescunt, tenacis olei membranulis conclusæ, in bullas abeunt: denique hi globuli in lactis coagulo sensu percipiuntur. Sed cur quoddam marmoris genus album, aliud nigrum existit? an quia illud ex granulis sphericis constat; hoc non item? unde album tam perfecte poliri nequit, ac nigrum, & quò magis politur, minus album redditur; gravius etiam est nigro, neque illius globuli faciliè dividuntur: hinc asperius, & minus læve, vel cæcus ipso tactu percipit. In alabaistro hæc granula spherica sunt magis conspicua, quare minus poliri quàm marmor potest. Pili albescunt defectu humoris. At cerussa cur adeò candida? quia plumbum aceti acrimoniam solvitur; humor serè omnis educitur; terrestres particule solæ remanent, quarum figuram esse globosam identidem monuimus: nam cerussa gravior est, nec ductilis ut plumbum. Vitrum, & glacies contrita albescunt: cum enim prius una esset eorum superficies, eaque plana, & æquabilis, pauciores radii resiliabant: sed ubi fuerunt comminuta, innumerabiles factæ sunt superficies, infinitæ adeò reflexiones prodierunt. Jam cur albedo visum disgregare perhibeatur, cumquo affligat? an quia multam lucem emittit, cujus calor humorem crystallinum urit, ac lædit? hinc pupil-



pupillam contrahimus, quod fieri nequit, nisi tunica vixta dilatetur, idque citra divisionem aliquam, vel dolorem non accidit. De albedine hæcenus; nunc de nigredine, quæ in paucitate radiorum, ac multis interruptionibus consistit. Ubi nulla est radiorum reflexio, tum *De nigredine.* sunt tenebræ; sed cum pauca admodum est, tum nigredo positiva, & realis existit. Sic omnis cavitas nigrum colorem præ se fert: sic quæ terga sunt, & polita, ut aqua, vitrum, ferrum, (quod singula puncta singulos duntaxat radios reflectant) subnigra apparent: quæque nigra sunt, eadem ferè concava videntur. Hinc seles ubi nigrum orbem in janua depictum vident, sæpius in eum impingunt: apparet quippe illis velut ostiolum apertum. Colores ferè omnes eminus spectati, subnigri cernuntur, quod pauciores radios ad oculum transmittant. Quæ nigra sunt, quo magis poliuntur, hoc magis nigrescunt; ratio ex dictis plana est. Sic argentum antequam poliatur, magis albeat: nam ubi læve effectum est, propter æqualitatem angulorum incidentiæ, & reflexionis, pauciores radii in oculos incurrunt. Cur ergo vasa quædam scilla, & polita aded candida existunt? an quod membranula pellucida obtegantur, sub quâ quædam granula sphaericæ figuræ delitescunt? idem forsitan in lacte contingit. Humor verò aqueus nigredinem invenit: unde herbar, quæ plus humoris continent, eo quoque subnigriores videntur. Lutum multo, & diuturno humore perfusum, quale Lutetia plurimum est, nigrius evadit. Saccharum cum aduritur, nigrescit, quod humor calore edueatur. Sic etiam nix aquæ immersa nigrorem contrahit: nam aqua globulos nivis complanat, ac multas radiorum interruptiones facit. Humor denique omnis affusum corporibus nigredinem inducit, quia cavitates occupat, & superficiem lavigatorem efficit. Sed cur carbo, extinctus, fuligo, pix tantâ nigredine obscurantur? propter frequentes, & ferè continuas radiorum interruptiones: multis quippe partibus præ calore resolutis, cavitates, striæ, & rugæ innumerabiles ligno accenso succrescunt, quæ creberrimas luminis interruptiones inducunt. Hos sanè veluti sulcos, ex carbonum affricu faciliè conjicimus. Hinc semivista ferè omnia atro colore insciuntur; nam exhausto humore, superficies corrugantur; cumque innumerabiles prope partes acuminatæ, & striatæ una cum humore erumpant, in atram fuliginem facessunt, quæ oculos vellicat, & camino tenacius adhærescit, quia ex partibus acuminatis consistat. Hinc pix aded nigra efficitur: succus enim est ex ligno resinifero ignis ardore expressus, ex quo magnus fuliginis proventus exhalatur: unde non mirum si atro fuliginis colore pix imbuatur. Sed cur atramentum aded nigrum; dilutum quippe calcanti, & gal-

larum, si seorsim accipiatur, neutrum nigro colore tinctum apparet? quid igitur cause est, ut utrumque simul mixtum, in atramentum degeneret? an quia calchantum, & gallæ particulis striatis, & in micronem desinentibus constant, aut potius, ubi simul coeunt, in acuminata efformantur? Calchantum enim ex oleo vitrioli, & aqua stygiâ, quibus ferrum dissolvitur, constat: hinc atramentum ita tenaciter chartæ adhaeret. Nigredo autem minus visum delectat, quod pupillam maxime dilatat, atque vitzam contrahat? Idque non sine aliquo dolore perficitur. Pupilla distentitur, quod plures radios excipiat. Albedine, & nigredine excussis; sequitur ut reliquos colores decurtamus. Occurrit primo rubëus color, album inter & nigrum medio constitutus intervallo; prodit enim ex alternis radiorum reflexionibus, & interruptionibus. Hinc carbo accensus, quod omnes partes simul non accendantur; ferrum candens; sol per medias nebulas radios vibrans; lucernæ flamma cominus visa; flamma iidem ligni viridis, ex quo multus erumpit aqueus vapor, rubescunt. Nam in his omnibus fit quædam albi nigrique permissio: hinc color rubëus emergit, qui flammam albi, & horrorem nigri præ se fert. Lucerna verò eminus spectata, tota videtur candida, quod illæ radiorum interruptiones, ac veluti umbræ ex fumo prædeuntes, præ nimia distantia sub visum non cadant. Sic Mars de nocte visus, rubet; sed aurorâ lucescente, apparet candidior, quia minor: pauciores quippe radiorum interruptiones percipiuntur. Sic Luna subrubra videtur, propter magnitudinem nigredinem, quæ illius candorem adulterant. Simili ratione pannus nigrior, ubi multâ luce perfunditur, subrubrum, aut purpureum colorem exhibet. Quod si per cancellos citato cursu, æream à Sole illustratam prospicias, nisi nisi colore rubeo infectum cernes, propter alternas albi nigrique interruptiones. Cumque à multâ luce in obscuriorem locum ingrederis, tum fulgorem quemdam rubeum vides: nam retina, quæ in fundo oculi constituitur, quæque visus organum existit, multâ luce adhuc perfusa alternas subit luminis, & tenebrarum, seu albi nigrique impressiones. Sed unde certissima in minium quod adeo rubet; chylus in sanguinem facessunt? aut eorū fumus hydrargyri rubeus est, cum idem sublimatus tanto candore niteat? An quia cerussa, chylus, hydrargyri sphaerici constant particulis, quæ calore dividuntur, atque in colorem medium inter album, & nigrum degenerant? Hinc etiam liquet, cur caro candida cæsarie nigra oblecta, vel humor crystallinus bovis iidem albus, processibus ciliaribus obvolutus; vitrum denique nigriori, & quasi capillari velo rectum, rubeant. Candela quoque extincta, & fumans, ubi accensa candela



admovetur, fumum emittit rubeum. Siquidem in his, & aliis innume-  
ris, sit quædam albi nigrique temperies, ex qua rubeus oritur color,  
qui nec continuam lucem postulat, ut candor; neque continuas ra-  
diorum interceptiones; ut nigredo; sed mediâ sorte contentus est.  
Quocirca ubi paululum accensus est, perstringit oculum: nam maio-  
ri contentione opus est, ut visus has luminis interruptiones alterna-  
tim dispositas discernat. Hinc fortè tauros, & leones in furem agi-  
git. Tametsi id quodque potest accidere, quod hic color speciem san-  
guinis præbeat. Sequitur ut de flavo colore, nec non de cæruleo, vi-  
ridi, ac purpureo pauca subiciam. Flavius inter album, & rubrum  
medius est; uti cæruleus nigrum inter, & rubrum, medium locum oc-  
cupat. Flavius itaque pro singulis interruptionibus, duos radios nactus  
est; unum ab albo, alterum à rubro, cum una interceptione mutatur.  
Cæruleus è contra, duas interruptiones unico radio temperatas for-  
tissus est. Quod si funiculum ex albis rubrisque filis contextum in-  
spicias, idem flavo colore tinctus apparebit. Fors est ut aer cæruleus  
videatur, propter varias luminis reflexiones, quæ ex solidioribus ato-  
mis procedunt. Cinereus color ex rudi, & imperfectâ albi nigrique  
mixturâ, ut rubeus ex accuratiori permissione proficiscitur; in illo  
quippe partes sunt crassiores; in rubro minutiores; hinc cinereus co-  
lor fortiori lumine collustratus, si procul spectatur; rubeus apparet,  
ut videre est in nubibus sub ortum, vel occasum Solis. Aureus color  
medius est inter flavum, & rubrum, ut solaris inter album, & flavum  
medio loco consistit. Ex rubro, & cæruleo purpureus, ut ex flavo,  
& cæruleo viridia temperatur. Rem ita se habere; ex perfectâ colo-  
rum mixtione comperies. Vel si plura vitra diversis imbuta coloribus  
simul jungas, hanc, de qua diximus, colorum varietatem obtinebis.  
Sed unde flavus, ac cæruleus sunt oculis gratiores? an quia magis  
temperati? Certè nullus color magis oculo blanditur, quàm viridis;  
quia ex flavo, cæruleoque emergit; utriusque enim amœnitatem pos-  
sidet; nec lumen albi oculorū perstringens; neque horrorem nigri, qui  
cæruleo plurimum inest; nec denique rutilum fulgorem rubri præfert,  
qui majorem attentionem postulat. Viridis color quasi negligentior est,  
hinc gratissimus; tum enim jucundè agimus, cum facild. Jam quoque  
planum sit, cur colores compositi magis arideant, ut purpureus rubro,  
& cæruleo; aureus rubro & flavo est amœnior; scilicet quia compo-  
situs color unius excessum, & alterius defectum temperat. Sic purpu-  
reus rubri fulgorem, & cærulei livorem castigat, neque aureus, ut fla-  
vus pallescit, vel ut rubeus rutilat. Ex flavo, rubro, & cæruleo, color  
lividus prodit visui minimè gratus; nam rubeus viridem colorem fœ-  
dat,

De flavo,  
cæruleo, &  
aliis colo-  
ribus.

De viridi,  
aureo, &  
purpureo.

dat, qui ex flavo, & cæruleo emersurus erat. De florum, lapidum, ac metallorum variis coloribus, nec non de Iride, dabitur alias commodior dicendi locus. Hactenus demonstrasse sufficiat colores omnes à varia luminis reflexione, aut refractione originem suam ducere; adeo ut color nihil sit præter lumen modificatum. Non quòd varia luminis intensio, aut remissio, diversos colores procreet; sed radiorum duntaxat continuïtas, vel interceptio. Neque ea sententia Aristoteli displicet, qui causam colorum esse variam lucis, & umbræ temperationem, tradit. Non inficiamur tamen rei cuique suum esse nativum colorem, ut loquuntur, in actu primo; seu eam esse partium dispositionem, ex qua talis color exurgat; sed negamus rem esse in actu secundo coloratam, nisi eadem sit exteriori lumine illustrata. Res enim omnis colorata, visibilis existit; nec tamen sub visum cadit, nisi aliquo lumine perfundatur; ita ut certissimum sit, quod docet Aristoteles, lumen esse colorem perspicui, & colorem esse actum corporis perspicui suâ opacitate terminati. Nunc de his quid sentias, optime Simplicii, & quibus ea rationibus infirmis, audire sanè velim; res enim digna est, cui nonnihil operæ, ac temporis impendas.

*Prior sententia consentiatur, atque color fixus ab interna luce emanare ostenditur.*

- Simp.* Huius opinioni neque possum accedere, neque intercedere postulo: fatear enim oportet, innumeros colores ex varia reflexione, ac refractione luminis emergere: de his, qui apparentes vulgo dicuntur, nullus est dubitationi locus. Imò id in plerisque coloribus qui subjectis suis altius insident, ferè constat, ut in nivis, spumæ, vitri, vel glaciæ comminutæ albedine. Sed nunquam possum animum inducere, ut contra sensus iudicium, omnes de nocte colores deleri putem. Non equidem inficias ibo, colorem nihil esse præter lucem diminutam, & certâ quâdam ratione modificatam; id enim jam demonstratione consecuti sumus. Verùm si bene auguror, colores non ab extranea, sed ab internâ luce proficiuntur; ita ut nullum sit corpus, seu perspicuum sit, seu opacum, quod aliquam lucis scintillam receptam non habeat. Quidni rem ita esse putem? cum omne corpus aliqua perspicuitate donetur: perspicuum verò idem omne est lucidum: non enim alium apparatus lux exigit præter perspicuitatem, quam lux ipsa, ut forma materiam optimè dispositam consequitur; ne in rerum serie aliquod vacuum natura patiatur. Nam ut locus corpore destitutus, sic subjectum optimè adornatum, si formâ suâ careat, inane futurum est: nullum igitur corpus existit, quod idem non radiet, quodque tanquam sidus minoris notæ lumen non emitat. Nix ipsa in mediis tenebris fulget, quòd sanè argumento est albedinem non ab extrariâ, sed ab interiore luce dimanare. Unde ergo, inquires, de nocte colo-

colores non videntur, cum sint lumina quæ magis noctu, quam diu fulgere oporteat? Nam stellæ in meridie aciem oculorum fugiunt, quæ in tenebris ad eam micant. Respondere possem stellæ de die non videri, quia sunt remotiores: quod si propiores forent, sub oculos caderent, ut omnia corpora suis distincta coloribus. Accedit etiam quod non omne lumen visu percipitur, sed necesse est ut retinam valide satis afficiat: hinc colores nisi fortiore luce aspergantur, visum non movent. Quamquam hic non discutio, utrum in tenebris colores paululum dilutiores, suos radios, suas species emittant. Fortè debiliores sunt, quam ut solitarii prodire possint: quemadmodum calor naturalis, qui membra nostra vegetat, sæpè indiget extraneo, & adventitio calore, ut sua munia obire queat. Keplerus vir impensè doctus existimat colorem nihil esse præter lucem potentialem, quæ externâ luce eget, ut calor zingiberis indiget humore, quo excitetur, & in actum prorumpat. Hinc color in materiâ delitescit, non ut lumen solam superficiem afficiat; & quantumvis corpus colore imbutum poliatur, in omnes partes radios vibrat, qui non ex solâ superficie, sed quasi ex rei corporeâ penetralibus erumpunt. Ut sit, lucem ipsam, quemadmodum & cæteras qualitates, in varios gradus dispersi licet; ita ut in quibusdam corporibus sit fortior, ac vegetior, in aliis debilior: in Sole summum sui generis gradum impleat, in stellis non parum degeneret; in cælo uberius sit quam in aëre; parcius in mixtis corporibus, ubi sensu percipi nequit, nisi majori luce roboretur. Sane quidem colores apparentes nihil esse præter lumen modificatum nemo negaverit; & tamen in ipsâ meridie optimè discernuntur: quidni ergo colores fixi, etiam si nihil aliud sint quam lux dilutior, non in tenebris, sed de die erunt conspicui. Denique forsitan colores fixi, licet specie non differant à lumine, diverso tamen modo visum afficiant. Sed ea sumebas ad concludendum, quorum tibi nihil conceditur. Duxisti enim omnes colores à tribus rebus; à reflexione radiorum; à varietate figurarum, quibus atomi seu corpuscula terminantur; atque à diversâ radiorum continuitate, vel interruptione. Singula excutiamus. Ac primum evinces nunquam, ex solâ radiorum reflexione colores generari. Objicies, scio, colores Iridis, qui teste Philosopho ex reflexione oriuntur. Adde radios solares per ramos arborum, vel plumas pennæ anserinæ trajectos; in saponis bullâ; in convexo perispermii reflexos; in aquâ quæ ore, adverso Sole dispergitur; in collo columbino, in nubibus, in tenuissimis araneorum filis repercussos, tantam colorum varietatem exhibere. Sed in his nego solam reflexionem intercedere. Verum hæc suo quæque loco.

3. Hic tantum te monitum velim radios in varia specula incurrentes, tamen si sex, aut septem reflexiones pati possint; nullos tamen colores parere. Quis autem ignorat, singulis reflexionibus radios luminis non parum debilitari? adeo ut affirmare non dubitem, nullum colorem, ne apparentem quidem, ex solâ reflexione nasci; necdum colores, qui altius corporibus inhærent, quique nihil immutantur, quamvis ipsa reflexio infinitis propè modis varietur. Quod verò colores omnes ex diversis atomorum figuris prodire putas: nã tu mihi videge Epicureis plus satis indulgere; neque mihi sit verosimile, ex atomis tantam colorum varietatem proficisci. Quis credat marmor nigrum non ex iisdem corpusculis constare, atque album. Verum, inquis, quod album existit, idem ex atomis sphericis compingitur, ut videre est in nive, & spumâ. Quid si respondeam albedinem nivis, ac spumæ, ex nativo aëris candore, non ex illis globulis dimanare. Hinc cera & pannus, quò dealbentur, aëri exponuntur: lux quippe, ut diximus, perspicuitatem consequitur. Cælum iucundum est, quia maxime pellucet; aër colorem suæ perspicuitati attemperatum obtinet; unde albicat, ubi condensatur, vel visum terminat: obscurus quidem est, & quasi atro colore infectus, cum luce solari non irradiatur: sed lux Solis hanc obscuritatem castigat: hinc cæruleum apparet. Jam quis erit aquæ color? niger fortasse? sic visum est Aristoteli: nam & aqua stagnans nigrior sit. Atrum hunc colorem carbo non aliunde repetit, quàm ab humore condensato, quo exhausto, omnis evanescit nigredo. Ut nihil dicam de lapidibus, ac lignis, quæ ab aquâ continenter decedente nigrescunt. Placet aliis viridem colorem aquæ competere: nam aqua maris, & stagnorum hunc colorem exhibet. Quod si mare cæruleum videatur, id accidit, quia instar speculi, aëris, vel cæli reddit imaginem. Hinc omnes herbæ, ac plantæ luxuriantes, verno colore tinguntur: nam humore aquoso abundant, quo deficiente, in alios colores degenerant. Sed longius evagamur. Demus tibi spumam, & nivem, non propter inclusum aërem, sed quod infinitis propè globulis consent, albescere. An protinus saccharum, arsenicum, cremor tartari ex iisdem atomis compinguntur? cur igitur sapor adeò diversus? enimverò sapor ipse atomorum figuram magis prodit, quàm color, ut suo loco dicemus. Cum pigmenta in minutissimas partes conteruntur, eundem servant colorem. Numquid easdem corpusculorum figuras retinent? Quod si in floribus tam varii colores, ex diversâ percolatione humoris per varios fibrarum ductus oriantur: ita ut sub initium virecant, quod humor ille nondum sit perfectè subactus; sed tractu temporis color mutatur,

tatur, quia figuræ corpusculorum subindè variantur : quomodo pigmenta in marmore confusa suam figuram adeò tenaciter conservant, nam pigmenta comminui necesse est, ut per lanæ tubulos, & vacuitates subire possint. Humida quoque esse oportet; humor quippe est quasi eorum gluten, ac vehiculum. Imò & calore opus est, qui poros aperiat. Sed neque vos rectè calculum posuistis : nam si color flavus album inter & rubrum medius existit, duos radios cum unâ interruptione, hoc est duas albedinis portiones, & unam nigredinis obtinebit. Jam supponamus in candore duodecim gradus lucis reperiri, ex his sex ad rubrum colorem pertinebunt, & eodem jure sex gradus nigredinis illi competent. Cum verò flavus inter album, & rubrum medius intercedat, novem gradus albedinis, & tres nigredinis sibi vindicabit : tres igitur radii luminis cum unâ interceptione, flavum colorem procreabunt. Sic tua sententia malè sibi constat. Ego, inquires, error in calculum irrepserit : hinc non sequitur colores, ex variâ luminis, & umbræ mixtione, seu ex continuitate, & interruptione radiorum non prodire. Ne hoc quidem tibi concedam, lucem cum obscuritate, tanquam sonum cum silentio, formam cum privatione permisceri posse; neque ex illâ mixtione ullus color, sed lumen quoddam diutius, qualis est umbra, emerget. Sed neque ulla ratio, neque experientia huic opinioni suffragatur. Nunquam vel cæco persuadeas, colores omnes à luce extrariâ pendere; ita ut nix de nocte non sit candida. Ergo intendamus ultra animum, ac videamus quo id fiat modo, ut colores fixi, ex luce diminutâ, cum tantâ varietate dimanent. Quid porro lucem debilitet, inquirendum. Si de luce exteriorè ageremus, totum negotium paucis absolvi posset : radii quippe quo longius à suo fonte progrediuntur, eò sunt debiliores; quia rariores, ac magis inter se dissidentes. Neque tamen lux illa tenuissima in colores degenerat, nec radii debilitantur, sed tota luminis massa, ut extensior, sic debiliior evadit : hæc quidem lux adeò diffusa radios suos emittit, sed qui percipi amplius nequeant, nisi speculi concavi, vel vitri convexi adminiculo rursus colligantur. Sic tubo optico innumeras stellulas deprehendimus, quæ visus aciem fugiunt. Verùm cum radii luminis à recto tramite deflectunt, & corporis densi occursum franguntur, ac pristinæ rectitudini restitui amplius nequeunt; jam propria eorum natura vim quandam patitur, ac certo quodam modo modificatur, ut in colores abeant. Non quòd solâ refractione lux in colores facessat; nam baculus in aquâ fractus videtur, neque ullo tamen colore tingitur. Objecta quæ per specilliorum, vel tubi optici beneficio intuemur, nullo quidem colore imbuuntur. Quid ita?

F 2

Unde prædicant colores fugacæ.

nisi quod nec sola reflexio, nec sola luminis refractione, sed reflexio cum refractione conjuncta, colores, qui apparentes vocitantur, procreat: ab utraque enim sic lumen imminuitur, ut in colores commigret, nec amplius nativum candorem recuperet. Sed de coloribus, qui apparentes dicuntur, suo loco uberius differendum: nunc de fixis coloribus, qui ut à luce quadam interiore emergant, nullam tamen refractionem patiuntur. Quid igitur lucem illam ingerit? An fortè opacitate quadam subjecti debilitatur? propria luminis sedes perspicuum existit; atque lux purior, & uberior majorem perspicuitatem consequitur: quo verò materiz densiori, aut majori opacitati lux immergitur, eo quoque fit debillior ac minus sincera. Ad summam, lux & color subjecti pelluciditatem, vel opacitatem sequuntur. Quod maxime diaphanum est, ut cælum, idem quoque totum lucidum existit. Hinc veteres credidere astra nihil esse præter partes cæli densiores; quod si perspicua non sunt, id ipsis accidentarium existit: sic vitrum comminutum, non ex se quidem, sed ex accidenti est invium lumini: sic flamma omnis est diaphana, sed sui splendore, densitate, non verò opacitate suâ (hæc enim non confundimus, densitatem, & opacitatem) visum terminat. Aër colorem vegetiorem quàm aqua nactus est: est enim ille candidus, hæc viridis. Nullum denique est corpus adeò concretum & opacum, quod aliquâ perspicuitate, atque adeò quadam luce non donetur. Est igitur color obscurior, quo res minus lucis, aut pelluciditatis habet. Unde ergo, inquit, aurum, argentum, & alia metalla tanto fulgore nitent? unde marmor aliud candidum, aliud nigrum invenitur; cum æqua utrique materiz portio contigerit? uno verbo hæc diluitur objectio. Sunt corpora, quæ alteratione quadam tinguntur, ut herbæ, flores, & fructus. Hæc quidem colores suos non mutant, nisi quandam in suâ substantiâ mutationem subeant, quatenus humorem sortita sunt magis vel minus coctum, ac subactum. Alia verò sunt, quæ non proprio, & congenito colore, sed mutuatis, & extrinsecus accedente imbuuntur, ut lapides, & metalla, quorum generationem suo loco reddemus. Hæc quippè coloribus adventitiis, non aliter tinguntur, atque aqua aliquot atramenti guttis infecta, atrum colorem induit. His de coloribus in universum pro nostrâ facultate tractatis, sequitur ut præcipuas eorum species persequamur; tum si vobis ita videbitur, quo ordine inter se disponantur dicemus.

*Men.* Nobis verò, ut pro utroque respondeam, ordo iste rerum placet.

*Simp.*



*Simp.* Quod si omnes colorum species prosequi volumus, nec finem reperiemus, ac frustra laborabimus. Color quippe viridis in mille & amplius species secatur, cum nulla ferè sit planta alteri colore non dissimilis: simplices ergo, & quasi primitivos colores, ex quibus ceteri multiplices sobole succrescunt, investigemus.

*Th.* Non alios primigenios colores agnoscunt Philosophi præter album & nigrum, & quorum variâ præmissione reliqui omnes emergunt: quod vel pueri didicimus.

*Simp.* Multa ejusmodi dicuntur in scholis, sed credere omnia, *Omnes co-*  
vide ne non sit necesse. Cedo enim quâ arte, quâve industriâ rube- *lores ex al-*  
us, ac cæruleus, ex albi nigrique mixturâ prodire possint? Duo vi- *bi & nigri*  
tra, quorum alterum sit candidum, alterum nigrum, simul jungantur; *mixtura*  
lux ea penetrans neque rubrum, neque alium colorem, nisi fortè ci- *non pro-*  
nereum exhibebit. Si rubrum nigro temperes, rubeus color, quamvis *deunt.*  
obsecurior semper consistet. Quocirca album, nigrum, rubeum, ac cæ- *1.*  
ruleum inter primitivos colores numeratos oportet, quibus addemus *2.*  
flavum, quidquid reclames Theophile: non enim ex albo rubroque, ut tu sumebas exurgit: nam funiculus ex tenuissimis filis albis rubrisque contextus, non flavum, sed rubrum colorem paulò dilutiorem, à flavo toto genere seclusum præfert. Sed nihil prohibet quominus in eodem censu viridem, ac purpureum colorem reponamus; quamvis enim viridis ex flavi & cærulei permissione, ut purpureus ex rubro cæruleoque dimanet, nihilo tamen seciùs in Iride viridem, ac purpureum conspiciamus, qui ex flavo cæruleoque non prodeunt. Quid enim color nisi lux quædam diminuta? quid simplicius luce, quid cum ipsâ misceri potest? an calor calori accedens quiddam compositum, ac coneretur efficit? profectò non alibi quærere oportet colores omnium primos; quàm ubi lux ipsa sincera est, nulloque infecta corpore, ut in Iride. Atqui in duplici Iride, quarum una per reflexionem radiorum, altera per refractionem efformatur, omnes hi colores conspiciuntur: ut taceam de albedine, & nigredine, quæ omnium colorum extremi sunt velut margines, atque nemine repugnante inter simplices colores recensentur; cum lux ipsa candida appareat: unde candor supremum gradum inter colores obtinet: albedo quippe in tenebris lucet. Nigredo qualis in piece, & carbone conspicitur, aliquam lucis quamvis tenuissimam portionem adepta est. Tenebræ quidem hæc atro colore quasi imbutæ apparent: sed tamen pix nigrior nobis videtur, quòd visum fortius afficiat; cum hæc nigredo sit realis, illa duntaxat privativa. Forstian spiritus, qui ab oculis continenter emittuntur, nonnihil de atro tenebrarum colore

detrahunt, & quâdam tenuissimâ luce diluunt. Cæteri colores, flavus, rubeus, viridis, cæruleus, ac purpureus in Iride, quam Sol in nube, vel in pariete per trigonum crystallinum effingit, tantâ arte delineantur, ut hos esse colores purissimos, ac simplicissimos dubitari nequaquam possit. De numero colorum ex Chambræo hæc breviter perstrinximus: eorum seriem, atque ordinem, nec non quod difficilimum est, quem lucis gradum singuli sortiti sint, eodem duce indagemus. Nemo felicius, atque uberius hoc pertractavit argumentum.

Albedo, & nigredo summum infimumque inter colores locum sibi *De singu-* vindicant. Quid enim lucem à candore discriminat, nisi solus splen-  
*lis colori-* dor? Hinc stellulæ, quæ viam lacteam nobis exhibent, remotiores  
*bus, & quo* cum sint, nec splendorem valeant emittere, tenui quâdam albedine  
*ordine di-* cælum aspergunt. De nigredine, quæ tenebris est proxima, quod in-  
*spendantur.* ter colores infimum gradum obtineat, nullus dubitandi locus relinquitur. Album flavus color excipit, qui candori, ac luci vicinior est. Hinc flavo colore lux ipsa exprimitur. Non enim, ut dictum est, commodius alibi quàm in Iride seriem colorum intueri licet, in quâ lux sincera, puros itidem colores efficit; cumque in Iride, quæ per trigonum crystallinum efformatur, flavus color supremum teneat locum, cui rubeus succedit, ac cæruleus tandem infimo loco subsidit; manifestum est rubeum colorem esse flavo debiliorem, ac minus lucis obtinere: quemadmodum rubeus est cæruleo vegetior. Quare flavo rubeus succedit: nam & rutilum quemdam fulgorem vibrat; atque in Iride cælesti summo loco consistit. Verùm de cæruleo, & viridi, uter utri præponatur, major nos manet controversia. Viridem colorem cæruleo anteponerem, quòd ex flavo, & cæruleo exurgat: est igitur luci atque albedini vicinior. Quòd si duo vitra, quorum unum flavo, alterum cæruleo colore sit imbutum, simul jungas, lux Solis per utrumque transmissa pulcherrimum virorem induet. Præterea, in Iride, quæ per trigonum conspicitur, colores sunt uno gradu vegetiores iis quos in Iride cælesti intuemur: nam hic rubeus, illic flavus color summum locum occupat; hic cæruleus rubro, illic viridis flavo succedit; ergo ut flavus rubrum, sic viridis cæruleum colorem superat. Ex quo licet concludere, purpureum colorem cæruleo esse postponendum: nam in cælesti Iride purpureus; in illâ verò quam per trigonum contuemur, cæruleus infimo subsistit loco. Excipiat aliquis: purpureus ex rubro cæruleoque generatur; ergo cæruleum inter-ac rubrum medius consistit. Fateor equidem ex rubro, & cæruleo obscurioribus purpureum exsurgere, sed cum quærimus, quo loco singuli colores sint collocandi, quoque ordine digerendi, perfectissimi quique, atque



atque in suo genere præstantissimi, quales in Iride cernimus, spectantur. Neque enim ignoramus esse quoddam purpurei genus, aliquo cæruleo lucidius. Non demum colorum series, ex eo colligi potest, quod unus facile in alium degeneret. Videmus quippe cerussam candidam, ignis calore in minium rubrum, ut lignum album in nigrum carbonem facessere. Sic fructus virides statim purpurei aut nigri evadunt. Nec desunt tamen qui cæruleum viridi, imò & rubro præferant, *Object.* Aër, inquit, purissimus cæruleo colore imbutus apparet: vapores verò qui sunt crassiores, vel nubes subobscuræ, rubrum colorem produnt: flamma candelæ proxima videtur cærulea, quod eadem sit purissima, cum superior flammæ pars, quæ minus sincera est, subrubra cernatur: spiritus vini accensus cæruleam flammam emittit, cum serum candens, & carbo incensus rubrum colorem exhibeant. Ex quibus intelligitur, rubrum in corpore crassiore excipi, ac cæruleum colorem, subiectum magis perspicuum exigere. Addunt quod quæ sunt cærulea, ubi non ad Solis, sed ad candelæ lucem inspicuntur, viridi colore tincta cernantur: indicio est cæruleum in viridem degenerare; ubi tenuiori luce perfunditur. Hæc sanè magnâ probabilitate dicuntur; neque tamen tanti sunt, ut viridem colorem de suo loco dejiciant. Negamus quippe cæruleum aërem videri, quod sit purissimus: sed fortè profunditas aëris tenebrosa lucis candore diluta, *Resp.* hunc ipsi colorem confert. Neque etiam flamma lucetnæ proxima, purior existit; imò partes aquosæ, unà cum oleo inflammabili simul accenduntur: quocirca humor ille aqueus nondum bene edomitus cæruleum colorem prodit. Idem evenit in sulphure, vel spiritu vini incenso: nam phlegma unà cum oleo simul incenditur, atque in tam præcipiti inflammatione, unum ab altero separari nequit: sed quæ summè sicca existunt, atque hoc humore aquoso carent, flammam candidiorem, quo sinceriorem reddunt. Quod de cæruleo colore, qui exiguâ luce illustratus, viridis apparet, subjiciunt, id verò concedimus; sed non idcirco illis procedit, quod volunt: imò contrarium hinc colligimus. Debiliior enim lux cum sit, lucidiores duntaxat objectorum imagines educit, atque ob oculos ponit; sic quæ flavo tinguntur colore, in dubiâ vel tenuiori luce apparent candida. An continuo flavum albo præponendum? Expolui quàm brevissimè potui numerum, & seriem colorum; reliquum est, ut quæ singulis particulis lucis portio contingat, excutiamus. Quod ut facilius assequamur discedendum est parumper à coloribus, ad quos mox revertemur, & pauca de vocum harmonia sunt dicenda. Præclare quidem Aristoteles eandem ipse colores, quæ inter sonos, ac numeros invenitur, esse

*Quæ sit in-esse proportiorem tradit. Quid enim suavem concentum efficit, nisi ter colores* gravis, & acuti soni certa proportio, quam non in sonis modo, sed etiam in coloribus, & cæteris sensuum objectis, animus expetit? Diversa namque objecta aliter, atque aliter organa afficiunt; sed eundem jucundi aut molesti, grati vel ingrati sensum imprimunt. Idem quippe effectus ab eadem causa proficiscitur. Neque solus sensus hujus voluptatis, vel molestiæ est arbiter, cum ægris oculis sæpe jucundus sit colorum, quibus læduntur aspectus: nec bruta, quibus iidem sensus, & sæpe acriores, vigent, aut colorum amœnitate, aut vocum modulatione delectantur. Soli homini à naturâ concessum est, ut pulcritudinem quæ soni, & colores asperguntur, percipiat. Unde ergo illa pulcritudo? ex proportione. Cur verò una præ alterâ delectet animum, longior sim si explicare suscipiam, præstat in aliud differre locum. Hic solum quæ sint illæ proportionēs, ex quibus colorum pulcritudo prodeat, delibasse sufficiat. Et certè multò illæ notiores sunt, & magis obviæ in sonis, quàm in coloribus. Nam sonus vel nihil est, quàm aëris motus, vel sanè cum motu conjunctus est; motum verò dimetitur, & quasi numeris suis persequitur Mathematicis. Quærendum igitur nobis est, quæ proportio ad sonorum suavem concentum exigatur; sic enim præmuniatur via ad perfectiorem colorum notitiam comparandam. Jam proportio alia est simplex; alia composita: inter simplices prima est dupla inter 2. & 1. hanc excipit sesquialtera inter 3. & 2. cum major minorem, & dimidiam ejus partem continet. Tertio loco collocanda est proportio sesquitertia inter 4. & 3. ubi major minorem includit, & tertiam præterea illius partem. Quare prima proportio est inter 1. & 2. secunda inter 2. & 3. tertia denique inter 3. & 4.

*Th.* Quorsum hæ numerorum minutia?

*Simp.* Non hoc de nihilo est, sed non possum unà omnia dicere. Ad rem igitur. Cum citharæ alicujus chorda magis vel minùs tenditur, graviolem, vel acutiorem sonum reddit; atque acutiores sonos emittit, quo magis intenditur; quia frequentiores edit vibrationes, quibus aërem verberat. Quocirca duæ chordæ æquales, & æqualiter tensæ, sunt unisonæ. Si una duplo magis quàm altera intendatur, seu duplum illi pondus appendatur, duas excursionēs, cum altera unam duntaxat, conficiet. Igitur illa erit altero tantò acutior; adeò ut hi nervi concentum efficiant omnium longè gratissimum, qui diapason, seu octava vocatur. Idem eveniet si dimidiæ chordæ idem pondus appendatur: nam duplo velociore futurz sunt vibrationes. Jam si alterius chordæ tertia pars rescindatur, eodem appenso pondere, sonum

sonum acutiorem edet, eâ proportionē, quæ sesquialtera dicitur, ex quâ concentus exsurgit, qui diapente, seu quinta nominatur. Denique si quartam partem chordæ adimas, fiet proportio sesquitertia, ex qua diatessaron, seu quarta prodiit. In modulatione, quæ diapason dicitur, alternis duntaxat vicibus duo soni simul concurrunt, atque ad aures unâ appellantur: siquidem unâ vibratio est altera duplo tardior. Hinc fortè harmonia gratissima oritur. In diapente duo soni solitarii aures feriunt: sed in tertio ictu, seu vibratione ambo utriusque chordæ soni simul uniuntur. Tandem in concentu, qui diatessaron appellatur, quarto quoque ictu, uterque sonus simul auditus tympanum percussit. Quod si fides magis intendamus, aliæ succrescent proportionēs, quas si explicare volumus, necesse est ut longius evagmur. Amceniōres sunt duodecima, & decima quinta, hæc diadiapason, quia ex duplici octavâ coalescit; illa diapapente, quia ex octavâ, & quintâ componitur, nomen accepit; in hac proportio est quadrupla, in illâ tripla existit. Nam si tres numeros sumas, 4. 8. 12. adeo ut secundus sit primi duplus, & tertius sit primi numeri triplus; proculdubio inter secundum, & tertium erit proportio sesquialtera; quæ quidem proportionēs in duodecimâ manifestè se produnt, quæ ex octavâ seu duplici, & diapente, seu sesquialterâ constatur. Unde si nervus citharæ triplo, vel quadruplo magis quam alius sibi æqualis tendatur, duodecimam, vel decimanquintam efficiet. Undecima verò eandem proportionem exigit, quæ inter 8. & 3. reperitur; nam 8. bis continent 3. & præterea  $\frac{1}{3}$ . Brevius, ex octavâ, & quartâ componitur: hinc diatessotessaron appellatur. Hæ sunt, si bene memini, proportionēs, ex quibus potissimi, & gratissimi concentus oriuntur, quas ad colores transferre non erit difficile. Cum omnium colorum series albo nigroque claudatur, visus, qui sincerus colorum omalium est arbiter, eo maxime delectatur, qui inter album, & nigrum medio loco consistit: nam extrema quæque sensus lædunt; nec summus calor, vel summum frigus tactum, nec gravior, vel acutior sonus auditum juvat; sed sonus, vel calor temperatus, additui, vel tactui arridet. Quocirca ille color medium locum adeptus est, qui præ cæteris visui maxime blanditur; is (ane viridis est, ut supra monuimus; nam in Iride medium locum sibi vindicat. Jam quò res omnis fiat illustrior, 24. lucis gradus albo tribuamus, ex quibus certè 12. ad viridem colorem pertinebunt; adeo ut inter utrumque sit dupla proportio diapason similis, quam natura maxime affectat: nec potest enim viridis color medium locum inter album nigrumque usurpare, quin ex 24. gr. lucis, qui albo competunt, 12. sibi vindicet. Rubens verò color lon-

gè gravior est oculis quam flavus; nam & medium vicinius petit. Sit igitur inter album rubrumque proportio sesquialtera, seu diapente, gratissimus post diapason concentus: sic inter flavum, & album proportio sesquitercia, seu diatessaron invenitur; ita ut rubro 16. flavo 18. gradus luminis conveniant: namque intra octavam, hi soli concentus reperiuntur; diatessaron scilicet, ac diapente. Infra viridem cæruleus, purpureus, & niger consistunt; qui diapalo-tesaron, seu undecimæ; diapasopente, vel duodecimæ; & disdiapason, sive duplici octavæ respondent. Cum itaque cæruleo plus insit lucis, quam purpureo, illi novem gradus lucis concedamus, qui ad 24. comparati eam rationem habent, quam 3. ad 8. quæque concentum diapason-tesaron efficit: siquidem 9. bis in 24. continentur, ac 6. superflunt, nempe  $\frac{3}{2}$  ipsius novenarii. Sic purpureo octo gradus tribuimus, seu tertiam partem totius lucis, quæ in albedine invenitur; hæc ratio in sonis modulationem efficit, quæ diapasopente vocatur. Nigro demum colori 6. duntaxat gradus damus, quartam ipsius lucis proportionem, quam albedo complectitur. Est igitur inter hos colores extremos proportio similis disdiapason, vel octavæ duplici. Neque hæc executio, cur una proportio sit altera nobis jucundior; hoc enim longiorem exigit disputationem, quam in alium locum rejicimus.

*Th.* Praclare intelligo; nec dum tamen mihi satisfactum putes, quousque nobis exposueris quæ sit inter lucem ipsam, & albedinem proportio: hinc enim quot cuique colori gradus lucis competant, constare poterit.


*Simp.* Huc ibam, lux ab albedine solo differt splendore, ut subinde monuimus: luci splendorem detrahe; nihil erit præter candorem. Jam illud quod dicturus sum, paradoxon fortè videbitur; dicam tamen, tantum ab albedine lucem diffidere, quantum albedo ipsa differt à nigredine. Nam inter lucem purissimam, atque albedinem tot colores splendidi interjacent, quales in trigono vitreo Soli adverso conspiciuntur, quot inter albedinem, & nigredinem intercedunt: ergo inter albedinem, & nigredinem cum sit proportio quadrupla, eadem inter lucem, & albedinem ratio invenietur; cumque albedini 24. gradus lucis insideant, in ipsâ luce 96. gr. reperientur. Eadem quoque manebit inter alios colores proportio; adeò ut color splendens quadruplum lucis, quæ in dilutiore inest, complectatur. Atq; ut in musica, quantumvis octava duplicetur, eandem semper efficit modulationem: tametsi intervalla sonorum augentur, idem concentus manet, quod ipsi octavæ peculiari quodam jure convenit, neque in ullam aliam cadit harmoniam; sic lux quantumvis fulgeat, semper videtur candida;

dida: nec rubeus, nec viridis, aut alius color ipso splendore in alium commeat. Non temerè mihi excidet mirabills proportio, quæ sonos inter & colores occurrit. Album, & nigrum cum cæteris coloribus benè cohærent; sed optimè albo cum viridi convenit: nam simul juncti procreant octavam; tum album cum nigro disdiapason, cum rubro diapente efficit. Minus benè album cum flavo, vel cæruleo concinit, cum illo diatessaron, seu quartam, cum cæruleo undecimam facit; flavus, & cæruleus pulchrè conveniunt; est enim inter eos proportio dupla; sic flavus cum viridi diapente efficit; sed cum rubro minime consentit. Rubeus color cum purpureo optimè consonat, est enim inter rubrum, & purpureum dupla, ut inter rubrum, & cæruleum proportio sesquialtera, quod faciliè ex his, quæ diximus, colligitur. Ne sum longior, non aliæ proportionēs ad suavem sonorum modulationem, atque ad gratum colorum aspectum conspirant; nec aliis modis colores, ac soni simul uniuntur; eadem utrobique vel blandiuntur sensibus, vel eos offendunt. At inquires, soni non solitarii considerantur, sed cum aliis uniuntur, ut quendam efficiant concentum: quid igitur efficit, ut solus color viridis, aut rubeus oculis ardeat? An forè cum viridem intuemur colorem, albedo semper incurrat, cum qua octavam seu diapason facit? quidni albedo ipsa cum aliis coloribus nunquam non misceatur, cum nihil sine lumine intueri liceat? An non lux ipsa candor est sincerus, ac purissimus? an quicquam sine lumine contuemur? sed de his tantum est. De coloribus Iridis dicetur aliàs pluribus. Ecceum puerum, qui nos ad prandium vocat, Pomeridianis horis quæ ad Astronomiam Physicam pertinent discutiemus.

*Objectis.*

*Resp.*





## LIBER SECUNDUS.

De natura &amp; motibus corporum celestium.

## CAPUT PRIMUM.

Quæ sit cæli, &amp; siderum materia.

- I. *Stellas à planetis secerni, quòd illa propriâ luce fulgeant: planeta verò sint opaca corpora, & lumine emendicato reluceant.* II. *Causa scintillationis stellarum adferuntur.* III. *De Solis natura & maculis varia opiniones excutuntur.* IV. *Agitur de cometarum loco, & generatione.* V. *Cælum esse instar aëris spirabile & liquidum concludimus.*

Menander, Simplicius, Theophilus.

Men.



Atta datum est valetudini, juvat reliquum diem Philosophia consecrare.

*Th.* Nihil equidem repugno. Quin igitur ad illa spatia nostra, sedesque pergimus, ubi cum satis erit deambulaturo, liceat considerare. Hic summâ cum voluptate Simplicium de naturâ, & motibus corporum celestium discrentem audiemus.

*Simp.* Dicam sanè non quæ vera, sed quæ ad veritatis similitudinem mihi propensiora esse videantur: neque enim ignoras, me probabilia tantum conjecturâ sequi: atque ut nihil confusè, aut perturbatè moliamur; primum quæ sit materia cæli inquirendum nobis est; tum de variis siderum motibus agendum; postremò, si vobis ita videatur, quæ ad praxin Astronomicam pertinent excutiemus.

*Th.* Optimè viam, quam nos tenere oporteat, ingredieris. Perge quæso, nihil te interpellabo, nisi quid fortè necesse erit.

*Simp.* Quando ita jubes, aggrediar, primum de siderum, tum de *Quid stel-* cæli materiâ disserere. Non equidem à receptissimâ Philosophorum *las à pla-* sententiâ recedam, qui stellas à planetis sejungunt, quòd planetæ *neris dis-* emendicato duntaxat lumine, stellæ verò propriâ, atque ingenitâ luce *criminet,* fulgeant. Corpora quippe omnia sunt vel lucida, vel diaphana, vel  
opa-

opaca; hoc est, vel lucem ex se mittunt; vel extra se remittunt; vel denique in se transmittunt. Itaque Sol & stellæ lucent, planetæ relucet, expansum verò illud, in quo sidera veluti suspenduntur, sive ær, sive cælum, sive æther, aut quocunque alio nomine signetur, translucet. Sic non ita pridem amicus noster, quem merito Menander, laudibus ad cælum usque efferre soles, totum hunc aspectabilem mundum in tres quasi gradus, te coram distinguebat.

*Men.* Virum narras singulari doctrinâ, ingenio planè mirabili, atque omni genere laudis excellentem.

*Simp.* Nunc ad exorsa revertamur. Cum fixarum lux sit vegetior, planetarum verò lumen sit placidius ac debilius; palam est fixas ingenitâ luce fulgere, planetas verò mutuatitio duntaxat lumine relucere. Hinc stellæ scintillant, planetæ non item; quòd fixarum lux purissima visus aciem perstringat, pupillam contrahat, nervulos, ex quibus retina contexitur; compungat: sic enim motum illum scintillationis tremulum imprimit; adeò ut Sol & stellæ intremiscere videantur. Secùs accidit in planetis, quibus nulla, vel parva admodum scintillatio competit, quòd sint corpora aspera, & opaca, quæ lucem quidem regerunt, sed reflexione debilitatam, ac pluribus umbellis temperatam. Profectò tanta est stellarum à Sole distantia, ut Sol earum loco visus, vix major mediocri stellulâ appareret. Non igitur lux fixarum adeò vehemens, ex lucis solaris reflexione profisciscitur, sed ipsis propria est, & congenita. Quòd verò Sol, & fixæ pupillam magis contrahant, & retinam (sic vocamus membranulam in fundo oculi existentem, in quâ rerum imagines depinguntur) vehementius quàm planetæ percillant, longè evidentius est, quàm ut probatione indigeat: nam lux illa Solis, & fixarum purissima oculos illabens, immodico calore vel motu fortiori crystallinum humorem, aut retinam lædit, & fortè adurit. Hinc pupillam contrahimus, ne lux uberior oculos offendant. Id videre est in felibus, quorum pupilla de die est angustissima, noctu verò multùm apertior. Hinc qui de tenebris in lucem prodeunt caligant oculis, quòd uberiorem lucem, quam latior pupilla admisit, sustinere non possint. Sic nocte accensæ faces minus visæ, longè majores quàm revera sint, apparent: latior enim pupilla majorem quoque objecti lucidi imaginem admittit. Quare stellæ, lucescente aurorâ multùm imminuuntur; & noctu longè majores, quàm par sit; cernuntur: tum quòd lux illa tremula, & scintillans, plures retinæ nervulos percutiat; tum etiam, quia de nocte pupilla magis explicatur. Accedit denique capillitium, seu coma quædam lucidis corporibus adhaerescens, quæ eorum imagines non pa-

*Stellas propriâ luce fulgere: planetas non utem.*

1. *huc*

2.



*Stellarum  
cum Sole  
affinitas.*

*Planetae  
excepta  
Luna scin-  
tillans.*

*Causa  
scintillati-  
onis.*

*Solem esse  
actu cali-  
dum.*

cum augeat, quod radii corporis luminosi vel in crepidine palpebra-  
rum dispergantur, vel in humoribus oculi refringantur. Indicio est,  
quod stella per angustissimum foramen conspecta, hoc veluti capilli-  
tio exuatur. Quæ cum ita sint, dubitari nullatenus potest, stellas pro-  
pria luce gaudere, & ejusdem cum Sole esse naturæ, & conditionis.  
Siquidem tum Solis, tum fixarum, non vagus, sed certus est motus;  
adeo ut Sol una sit ex fixis, sed nobis vicinior, & fixæ totidem sint  
Soles, qui tanto à nobis distant intervallo, ut si exuto capillitio cer-  
nerentur, vix tanquam puncta lucida nobis apparerent; ita ut Gas-  
sendus affirmare non dubitet, omnes stellas in unum quasi globum  
congestas, non majores visas iri, si uti æquum est cernerentur, quàm  
nunc stella primi ordinis conspicitur, adeo capillitium illud quod in  
humoribus oculi sibi accersunt, pupillæ dilatatio, ac denique vegeti  
illius luminis scintillatio, stellarum imagines longè quàm par sit ma-  
jores efficiunt. Nec me fugit quosdam planetas aliquantulum scin-  
tillare; quidquid aliter crediderint cum veteres, tum recentiores se-  
re omnes Philosophi: illud tamen ipsa demonstrat experientia; ne-  
que auctoritate, vel ratione, sed oculorum arbitrio hæc lis dijudican-  
da est. Præter cæteros planetas Venus scintillat: nam si per rimulam  
cubiculi undequaque clausi radios illius admittas, imaginem suam in  
pariete depinget, quasi flammam fumo permixtam, & non sine quo-  
dam horrore undulantem: quod cum in Luna minimè observetur,  
eredidit Keplerus planetas omnes, si Lunam exceperis, propriâ, &  
congenitâ luce splendere. Verum ille fallitur ut qui maximè. Nam  
Venus easdem ferè quas Luna subit phases, & luminis incrementa,  
ut tubo optico deprehendimus. Neque hæc excusio, quæ sit illius  
scintillationis causa. An fortè ex diversâ Solis illustratione prodeat?  
Sic enim adamas ex diverso aspectu scintillat. An potius, non Venus  
modò, sed etiam omnes stellæ, circa proprium centrum torquentur,  
quæ quidem rotatio scintillationis causa est; atque in ipso Sole ex  
motu macularum deprehenditur. Sed antequam de his maculis, ac  
Solis circa proprium ætem conversione dicere aggrediar, quid mihi  
de natura Solis videatur, paucis aperiam. Primum, quod figuram il-  
lius attinet, eam esse globosam dubitat nemo: sic enim facilius mo-  
vetur, & commodius in omnes partes radiat. Jamque melioris no-  
tæ Philosophi cum actu, atque, ut loquuntur, formaliter calidum, esse  
non inficiantur. An calorem igni tribuimus, Soli verò detrahimus?  
neque hoc loco expectandum est, dum rem omnibus notissimam, ac  
sensu ipso perceptam, longâ oratione demonstrarem. Nulla ratio ignem  
esse calidum cyinet, quàm ad Solis calorem comprobandum, trans-  
ferre



ferre non liceat. Imò quid obstat, quominus Solem nihil esse quàm ignem constanter asseramus? quod enim impense calidum existit, ac lucidum, quid aliud, quàm ignis esse potest?

*Men.* Bene actum nobisum puto, quòd In Cartesii nostri sententiam concedere non dubites. Ille quidem existimat Solem, ac stel- *Cartesii de*  
las nihil esse quàm subtilissimam materiam in centro cujusque vorticis *Solis &*  
accensam. Vorticem vocat totum illud spatium, quod septem v. gr. *stelarum*  
planetas complectitur; cujus pars media citissime rapitur, cætera eo *natura*  
tardius, quo longius à centro sunt remotiores. Nostri hujus vorticis *sententia.*  
medium Sol occupat, qui rapidissime circa suum centrum agitur.  
Cælestis quippe illa materia cessare non potest, aut motu vacare.  
Hunc adèd motum Sol spatio 26. vel ad summum 27. dierum absol-  
vit. Quod ex maculis solaribus observatur. Maculæ porro nihil  
sunt, quàm partes Solis obscuriores; quas non multis abhinc annis,  
post Gallæum, & Scheinerum innumeri serè Astronomi, tubi optici *De macu-*  
beneficio deprehenderunt. Atque, ut videtur Cartesio, nigiores il- *lis solari-*  
læ maculæ ex particulis striatis, & instar concharum intortis; quæ  
per polos cujusque vorticis ultro citroque commeant, exsurgunt:  
namque ut postea disuri sumus, Cartesius tot vortices, quot stellæ  
constituit; cumque singuli vortices circa proprium centrum torqué-  
antur, motus vel nullus est, vel tardissimus circa polos. Quare maté-  
ria striata per partes polli finitimas faciliè ingreditur: nam idem se-  
rè in Sole evenit, quod in liquore ad ignem effervescente, cui spuma  
ex particulis diversæ ab aliis naturæ supernatat: illæ enim partes ad  
motum minus accommodatæ, ab aliarum partium ebullientium agi-  
tatione expelluntur, & in unam molem satis crassam assurgunt. Sic  
minutiæ illæ striatæ cum sint nimis angulosæ, minus sunt ad motum  
idoneæ, quare à materia subtilissima, ut quidam obices expelluntur;  
& quia tantam agitationem refugiunt, faciliè sibi mutuo adherent,  
& in magnas sæpe moles coeunt; Solis tamen motum instar spumæ,  
quæ liquori innatat, participant, & cum eo in orbem moventur, licet  
aliquanto tardius. Hinc liquet, cur illæ maculæ ab ortu in occasum  
ferantur, nam Solis motum circa proprium centrum consequuntur.  
Postquam verò à cælesti, & subtilissima Solis substantiâ quasi subactæ  
sunt; vel penitus dissolvuntur, cum Sol eas instar spumæ reorbet;  
vel in partes quasdam lucidiores, quæ faculæ appellantur, facessunt.  
Ex quibus concludimus, cælum non esse adamantinum, ac solidum, *Cælum es-*  
sed liquidum, & spirabile, in quo multa quotidie nova generantur, *se liqui-*  
multa iidem corrumpuntur; Solem verò esse ignem purissimum, qui dum-  
sum-

summum caloris, ac lucis gradum obtinet, nostri hujus vorticis seu mundi planetarii centrum non prorsus immobile.

*Simp.* Ego nec Cartesio, nec ipsi Aristoteli juratus esse velim; sed ut integra mihi judicandi potestas detur, postulo. Est enim certè servitus, ad certas opiniones se adstringendi, atque omnia, quæ præscripta, & quasi imperata sint, defendendi. Quòd igitur Solem ignem esse putas, nihil repugno: dummodo purus ignis, qualem ad usus nostros adhibemus, non censeatur. Numquid ignis adeò tenuis, & quasi liquidus, suæ figuræ, ac magnitudinis tenax ita futurus est? Summa hæc raritas ad motum minimè videtur accommodata. Est igitur ignis in solido corpore insitus, quod illius calorifica vis accerrima tam longè diffusa planè demonstrat. Nam ignita quæ sunt, eo vehementius urunt, quo sunt densiora. Neque adeò absurdè eximius Fabry Solem nihil esse quàm ignem in auro purissimo quasi implantatum, existimat; neque enim metuit ferrum candens, quòd impenè sit calidum, ignem appellare. Nihil quippè interest, utrum ignis in tenuiori fumo accendatur, vel corpori solidiori insideat, dum summum caloris obtineat gradum. An carbo minùs quàm flamma, ignis dicendus est? Jam si rerum cœlestium naturæ, ex iis, quæ sub sensus cadunt, divinare liceat; nullum aliud corpus præ auro inveniri potest, quod magis accedat ad Solis similitudinem. Nihil est cujus natura vel purior, vel densior, vel corruptioni minùs obnoxia existat; unde nec extinguì poterit, nec dissolvi. Hinc etiam Sol aureo fulget colore. An verendum est, ne suo pondere in terram præcipitetur? sed Luna, quæ omnium serè consensu, instar terræ est solidissima, in medio æthere suspenditur, nec decorsum ruit. Sidera quæque suum centrum gravitatis secum vehunt, atque, ut ait Plutarchus, omnes partes, ex quibus constant, ad se convertunt; cumque à terrâ non fuerint avulsa, quid prohibet, quin seorsim subsistant suis partibus compacta & constricta. Addit egregius ille Philolophus, quòd singulæ hujus mundi partes, non necessitate, sed ratione disponente suis locis collocantur. Nam neque oculus levitate suâ in caput compulsum, neque cor suâ gravitate in pectus delapsum est: sed utrumque ita collocatum, quia hoc modo erat convenientius. Summa hujus responsionis est, quòd cum gravitas, seu pondus nihil aliud sit quàm partis à suo toto revulsæ quædam, ut in id redeat inclinatio; Luna verò, & reliqua sidera nequaquam à terrâ avulsa suere: quare nihil est caplæ, cur in illam gravitate quâdam insitâ propendeant. Verum, ut ingenue quod res est dicam, si rerum terrestrium, quæ nobis sunt in conspectu, naturæ tantis sunt obstructæ difficultatibus, ut eas evolvere nemo possit;

*Opinio P.  
Fabry de  
natura  
Solis.*

quāto major in cœlestibus obscuritas invenitur? Tametsi non inficior, multa nos habere probabilia, quæ sequi faciliè, affirmare, vix possumus.

*Th.* Nunc si placet, redeamus ad illas Solis maculas. Profectò verè ut satis sint firmæ observationes Astronomorum, inter quos etiam non parva dissensio est: cum alii nihil eas esse præter quædam sidera, quæ circa Solem, ut minutiores planetæ à Galilæo deprehensi, circa Jovem obambulant, crediderint. Nonnulli autem arbitrentur has maculas nubes esse, aut crassos vapores, quos Solis calor evexit. *De maculis solari-  
bus diver-  
sa opinio-  
na.* Finge animo, te vi quædam majore usque ad cœlum lunare sublatum: hinc certè terram despicies nubibus, ac vaporibus tanquam maculis infectam. Quod si terra, ut placet Copernico, ab occasu in ortum diurno motu circa suum axem vertitur, eundem motum nubibus affinges, quæ tamen propter diversos ventorum flatus, aliquando in magnas cogentur moles; nonnunquam distrahæ, ac dissipatæ cernentur. Non dissimili, iniquint, ratione, solares maculæ, cum æquabili motu circa Solem progredi videantur, hunc motum ab ipso Sole mutuantur. Nec mirum, si quandoque in medio Solis disco subito emergant, vel plures in unam coalescant, vel una in plures distrahatur, aut etiam penitus evanescant. Ex quibus id concluditur, has maculas non esse in planetarum censu, nec partes esse Solis eminentiores, quales sunt lunares maculæ, ut suo loco dicendum. Sed cur obscuræ, & quasi atramenti guttæ appareant? an quia ex aversâ Solis parte illas cernimus, non ex eâ quæ irradiatur? Placet aliis Solem instar flammæ pabulo egere, maculas verò esse instar fuliginum. Et quia liberum est suo cuique jure uti, & quid ipse sentiat expromere: sunt qui negent Solem totum esse lucidum, sed partes quasdam illius esse obscuriores, instar ellychnii, vel olei quo nutriatur, quæ tanquam maculæ appareant. Fingunt alii sibi Solem, ceu quoddam ferrum candens aquæ immersum, densissimos vapores ex circumfuso æthere exhalare. Forsitan illæ maculæ sunt in mediâ, vel suprêmâ aëris regione à corpore solari longissimè distatæ. Fors item est ut telescopii vitra defectu aliquo laborent, ac nobis imponant, aut vilis error obrepat. Quidvis aliud malim, quàm credere Solem maculis esse inquinatum.

*Simp.* Defendat quod quisque sentit; sunt enim judicia libera: *Maculæ* nunquam tamen in animum inducam, telescopii vitia nobis illudere; in Sole circumactio enim tubo, eadem maculæ iisdem in locis videri nequaquam possent: nec plures diversis in regionibus, imo ne in eodem aëre ex-  
quidem loco constituti easdem observarent maculas. At forte in ipso sære, aëre longè infra Solem maculæ efformantur. Dicitur igitur cur in medio 1.  
H. dun-

2. duntaxat Sole, & quasi in illius eclipticâ, nunquam prope polos corporis solaris conspiciantur? cur tamdiu perseverant? quare plures Astronomi tantis locorum intervallis inter se diffiti, easdem prorsus,
3. maculas eodem tempore observant, ut fusissimè demonstrat Scheinerus in magno illo opere, quod hæc de re, quæ nunc est in manibus, conscripsit, ubi innumerabiles profert observationes adeo accuratas,
4. ut nihil supra. Omitto quòd omnes maculæ eadem insilunt viâ, nec tam æquabili motu ferri possent, nisi eidem sphaeræ, nimirum corpori solari adhærescerent. Extra Solem formari nequeunt, quandoquidem extra illius horizontem nunquam cernuntur. Denique circa illius extremos margines graciliores, & compressiores cernuntur, cum in medio Sole majores appareant, ratio ex optica colligitur: nam quæ sub majori angulo cernuntur, majora quoque apparent. Non igitur aliundè quàm è corpore solari ebulliunt: neque inter sidera censi debent, ut pulchrè demonstrasti; quamvis uniformi periodo, atque in eadem semper serie, ceu stellæ in firmamento, moveantur, quòd unà cum Sole vertiginem suam conficiant. Vix unquam eadem macula post integram Solis conversionem revertitur: non igitur sunt montes in Sole assurgentes, vel sidera ei affixa. Sæpe evenit ut color ater maculæ paulatim imminuatur, & tanquam umbra dilutor videatur, deinde abeat in luculam, sic enim vocant maculas, quarum margines sunt illustriores, quòd priùs accendantur; atque ubi tota macula sit lucidior, tum facula nominatur. Quocirca umbræ sunt tenuiores maculæ, quæ lumen Solis penitus non obtundunt; luculæ extremas partes graciliores obtinent, ac lumini magis pervias; faculæ verò sunt partes Solis lucidiores, seu ex macularum veluti cinneribus, seu ex aliâ oecultiore causâ prodeant. Nam satis verisimile est, maculas similes esse illis sordibus, quas fluvii innatare post inundationem cernimus; easque ex variis halituum corpusculis constare, quæ propter celerrimam Solis turbinationem, vel in unam coeunt molem, vel in plures disperguntur: atque in luculas transeunt, cum earum limbus citius, quam partes mediæ; in faculas, cum omnes partes penitus accendantur. Sed minimè necesse est, ut quæ sit macularum natura, quomodo accendantur, vel extinguantur, longâ disputatione inquiramus. De his enim nihil certum, nihil omnium consensu probatum asserri potest. Id unum satis liquet, eas non in aère, sed in ipso solari corpore, vel saltem quàm proximè generari. Neque verò opus est, ut cum visus periculo maculas intueamur: nam commodè licebit eas cernere in cubiculo unde quaque clauso, excepto foramine, per quod radii solares admittantur, illæ per exquisitum telescopium excepti, Solis imaginem amplam quidem & distin-

am

*Ista inferris sunt delucidat.*

Etiam in chartâ oppositâ reddent, in quâ omnes Solis tum maculas, tum etiam faculas, non sine aliquâ voluptate contueri juvabit. Sol tibi aliquando nullis maculis obvolutus, non rarò quasi densâ caliginis circumfusus apparebit: adeò ut sæpè per aliquot dies triste, & pallidum lumen præbeat. Habes quid de maculis solaribus sentiam: nunc de ortu, & loco cometarum pauca subiiciam.

Cometæ sunt maculis finitimi, & fortè ejusdem naturæ, ac conditionis. Illud quippe observatum est, nullam in Sole maculam visam fuisse toto illo tempore, quo cometa anno 1678. apparuit. At longa erit oratio, longæ ambages, si de cometarum generatione ac naturâ disputare volumus: nam Philosophi qui de iis conscripserunt, tantâ sunt in varietate constituti, ut infinitum sit omnes eorum annumerare sententias. Sed tamen in tam patenti campo non exspatiari difficillimum est; maxime cum hæc inquisitio non parum lucis ad corporum cœlestium naturam investigandam afferat. Dicam igitur non omnia, sed quæ mihi verisimiliora videantur. Ac primum, quid Philosophorum princeps senserit non ignoratis. Statuit ille quidem cometas nihil esse præter halitus siccos, pingues tamen, & viscosos, atque in supremâ aëris regione inflammati. Eâ potissimum ratione persuasus videtur, quòd postquam cometa apparuit magnæ siccitates consequuntur, ac diuturni, & insalubres venti aërem inficiunt; quòd sulphureæ, & venenosæ exhalationes in cometas pabulum, è terrâ continenter ebulliant. Accensus enim cometa eo ferè nutritur modo, atque novos halitus evchit, quo videmus extingui candelæ sumum ab alterius flammâ rapi; vel ignem per longam pulveris pyrii seriem serpere. Jam tamen plerique Philosophi Astronomorum observationibus non parum commoventur, quibus cometas in cœlo generari demonstrant. Illud etiam non parum momenti obtinet adversus Aristotelem, quod à Senecâ obijcitur. Quæcumq; aër creat, brevia sunt, nascuntur enim in re fugaci, ac mutabili: sed cometæ vel senis mensibus continuis manent. Fieri igitur non potest, ut certus, & constans ignis in corpore vago sedeat, & ita pertinaciter hæreat. Quòd si illa exhalatio sulphurea densa, & compæcto insideat corpori, tantò citius absumetur, quanto fortior erit inflammatio: sed si exhalatio sit materiæ tenuioris, ac rarioris, momentanea quoque futura est. Quid igitur causæ est, cur cometa tandiù perseveret? sed, inquiunt, accensus cometa pabuli sui venam sequitur, ac novos subinde halitus quibus nutriatur è terræ penetralibus evocat. Enimvero cometa non eodem loco consistit, sed instar siderum movetur; ergo necesse est, ut in diversis terræ regionibus, novus halituum proventus indefinenter erumpat. Illud omnino supra fidem est, exhalationem sulphuream, & bituminosam in aëre accensam, adeò religione

*De cometarum generatione*

*Opinio Aristotelis.*

*Refellitur.*

*Responsio Peripatet.*

*Refellitur.*

2. primi mobilis sequi motum; ubique terrarum apparere, ac nullam ferè paralaxim, seu aspectus diversitatem subire. Quamvis Luna plusquam 6000. leucarum à nobis distet intervallo, eodem tamen tempore è diversis terrarum partibus, Constantinopoli v. gr. & Parisiis, sub iisdem stellis non conspicitur; neque eodem in loco cernitur, ac si à terræ centro videretur, quæ quidem diversitas è sensibili telluris mole orta, paralaxis vocitatur. Omnes cometae, qui centum ab hinc annis visi sunt, atque ab Astronomis peritissimis observati, longè minorè, quàm Luna paralaxim habuere: ergo necesse est eos Lunâ multò sublimiores fuisse. Cùm enim sensibilis terræ moles illam de qua loquimur efficiat aspectus diversitatem; quo astrum longius à nobis distat, eo minùs paralaxeos obtinet. Sic stellæ in his prorsus videntur locis, in quibus à terræ centro spectarentur, quòd terra firmamento comparata, instar puncti obtineat. Sed enim, inquirunt; quàm incerta est & obscura paralaxium doctrina? neque hinc ullum satis firmum duci potest argumentum. Id verò suo loco executiendum erit.

*Cometae  
in ipso  
aethere fer-  
vantur.*

*Effugium  
adversari-  
orum.*

*Varia in-  
stantia.*

*De com-  
etarum na-  
turâ varia  
sententia.*

1. *Cartesi-  
ni.*

3. *Kepleri.*

Profectò id constat, ipsius cometæ caput, globum terrestrem magnitudine suâ sækem adæquare, cùm ubique, & in eodem prorsus loco videatur. Quanta igitur futura est cauda, quæ aliquando quartam cæli partem occupat? unde tanta sulphureæ exhalationis copia sup-  
peditari potest? quæcunque cometas in cælo efformari nemo nisi idem Astronomiæ Imperitus inficiabitur: tametsi ejus sint naturæ, vix audeam affirmare. Nam meritò dubitari potest utrum inter æterna naturæ opera censeri debeant; an sint quidam veluti planetæ, qui ex uno in alium vorticem commigrent, ac sub aspectum nostrum cadant, cùm nobis sunt viciniore: sic videtur Cartesio: adeò ut inter planetas, & cometas hoc discriminis intercedat, quòd illi semper in eodem vortice, & quasi in eadem statione permaneant; cometæ verò sint tanquam ingenui homines, qui nulli civitati addicti per omnes divagantur. An fortè, ut putat Blancanus, stellæ sunt, quæ cùm ad perigæum pervenere, sub obtutum veniunt? Utraque tamen sententia mihi displicet, cùm stellæ vel planetæ nec comam, vel capillitium ges-  
sissent, nec caudam trahant. Numquid ergo in Kepleri sententiam concedemus, qui cometas nihil esse putat præter cælestem auram vi quâ-  
dam occultiore condensatam, quæ radios Solis colligit, certis colori-  
bus tingit, imò & unitos dispergit? hinc cometæ cauda Soli semper averfa projicitur. Idem enim evenit quod in globo vitreo, quem si aquâ compleveris, & foramini cubituli ex omni parte clausi sic apta-  
veris, ut radii Solares dimidiam dumtaxat globi partem collustrent; tum certè radii luminis in quodam puncto collecti, rursus dispergen-  
tur,



tur, atque in opposito pariete speciem cometes suâ caudâ instructi, exhibebunt. Fieri etiam potest, ut materiâ, quæ caudam efficit, rarior existat, adeo ut solares radii eo serè modo dissipentur, quo per nubium hiatus, sub ortum vel occasum Solis transmissi ac dispersi, lucidiores quasdam virgulas exprimunt. Fors item est ut caput comete accensum, quendam veluti fumum continenter expiret, quod effluuium ubi terram contingit, totum aërâ veneno inficit. Nec mirum si radii solares caudam comete rariorem in oppositam partem expellant; nam vim quandam motricem habent; cum nubes ipsas discutiant, atque ut rami arboris facilius, quam truncus ipse à ventis agitantur; sic pars illa cometes minus compacta, & magis diffusa quam facillimè à solaribus radiis instar capillitii dispergitur. Postremo, caudâ nonnihil à capite declinat, neque in rectam lineam porrigitur, sed aliquantulum incurvatur, quod parallaxi acceptum referri minime potest; non enim efficit parallaxis ut quæ recta sunt, curva appareant. Forsitan id accidit, quod cum celestis materia densior facta, cometes caput efficiat, cumque non sit uniusmodi, & ejusdem densitatis, non tota radios transmittit; quare in alterum latus desequuntur. Accedit etiam quod radii luminosi, propter diversam materiæ dispositionem, alii longiores, alii sint breviores, quod vel citius cœant, vel latius spargantur, atque universi simul juncti caudam in arcum curvatam exhibeant. Eadem certe est causa declinationis, atque inflexionis caudæ; in quamcunque enim partem declinet, in eandem incurvatur. Hactenus de cometarum loco, & naturâ, quid assensentiant exposui: ego verò ut ingenuè quod mihi videtur dicam, cometas ex his rebus esse puto, quarum eventa magis quam causas quærere oporteat.

*Th.* Quanquam vix dissentire audeam ab Aristotele, qui aperte negat cometas in cœlo generari; tamen ipsa me experientia cogit recentiorum Astronomorum sententiæ accedere; non quod existimem eum plerisque, cometas Sole semper esse sublimes: id enim quandoque accidit; sed & Sole depressiores non raro cernuntur; imò cum Cartesio putem cometas nonnunquam ex uno in aliud cœlum commigrare, quod præter cætera parallaxis demonstrat, Sed nego cometam in censu planetarum esse reponendum: cum enim sub sole conspicitur, nunquam falcatus instar Lunæ, aut Veneris apparet. Quocirca non abhorret à vero, cometam esse exhalationem sulphuream, eo serè modo in ipso æthere, quo fulmina in aère; accensam. Hinc sensim imminuitur, ac sæpe instar flammæ subsultat, imò aliquando & cometa scintillæ tanquam fulgetra emicant. Eadem forsitan

De natura  
& loco co-  
metarum  
verifimi-  
lia,

est, ut pulcrè dicebas, macularum Solis, & cometarum materia, ac diversos colores induunt, pro materiæ diversitate; sensim decreseunt, quod materia accensa paulatim exhaletur; nec ullis maculis Sol involvitur, cum aliquis cometa apparet, quod in utrisque eadem sit materies, quæ ab inflammato cometa rapitur. Sed unde illud capillitium, illa in longum porrecta cauda? an quod sulphurea flamma cum sit impurior, Solis radios frangat? Color ille lividus, quem præ se fert cometa, magnum sulphuris proventum demonstrat: sic fumus plurimus, quem cauda exhalat, fortè ex bituminosâ materiâ proficiscitur. Radii solares per sulphuris flammam trajecti, atque in obscuro cubiculo per foramen excepti, cometes caudam apprime delineant. Quod si cometes flamma, vel nulla sit, vel purior existat, quàm ut radios solares infringat, tum nullam caudam trahit, in nullam effunditur comam. Sæpe evenit, ut caudâ præeunte, cometa moveatur, ut quando circa auroram matutinam apparet; unde quidam colligunt caudam non esse flammam cometes; hæc enim cum sit levior, partem crassiorem semper consequitur, ut videre est in flammâ facis accensæ, quæ facem motam consequitur. Itaque caudatus est cometa, quia radii Solis in flammâ tenuiori, vel potius in sumo refringuntur. Caput cometæ medium sæpius locum obtinet, quod radios à Sole directiores, & confertiores excipiat. Denique cometa crinitus aliquando apparet, quia flamma inæqualis est, & interrupta. Ex quibus cense concluditur cælum ut aërem, esse generationis, & corruptionis sedem, quidquid aliter senserit Philosophiæ princeps: sed uni veritati litandum est, nec sine ratione valere debet auctoritas.

*Cælum esse liquidum & sperabile.*

1. Facessant igitur qui cælum solidum, ac veluti ferreum esse, ne Peripateticæ Philosophiæ desertores, ac transfugas videantur, contra rationem ipsam, atque experientiam pertinaciter defendunt; atque astra in cælo, ut clavos in rotâ moveri putant; innumeris epicyclis cælum perforant, & confundunt. Sanè quidem, si multa vitra etiam purissima simul jungas, multum opacitatis habeant necesse est.
2. Quantâ igitur opacitate totum cælum obducatur, quantas refractiones patietur, si solidum sit, & compactum? Jam quâ ratione cælum inferius à superiori rapi possit, ne suspicione quidem comprehendunt. Quod si, ut solares maculæ demonstrant, Sol circa proprium centrum vertitur, quid est cur astra extrinseco, non proprio, & insito motu in liquido æthere ferantur? Illud quoque silentio præterire non possum;
3. quod cum cælestes globi sint politî, & tersi, inferiores, & sibi subiectos premere, & adripere non poterunt, sed de motibus corporum cælestium mox dicemus: hic demonstrasse sufficiat, cælum non esse

gen-



generationis, & corruptionis expers, sed liquidum, ac spirabile instar  
aëris existere. Nec me multum movet, quod subinde opponunt, nullam  
in cœlo esse contrarietatem, nullum adeo generationi, vel corruptioni  
locum; idque ex motu circulari, cui nullus alius adversatur, demon-  
strari posse existimant. Elementa quippè cùm motus habeant oppo-  
sitos, ac deorsum vel sursum rectâ ferantur; nihil mirum si corrupti-  
onem inducant. Sed cœlum corpus est simplicissimum, ac perfectissi-  
mum, liberum adeo est ab omni corruptionis veneno; non enim con-  
trariis motibus agitur, ut elementa. Hinc Sol, & stellæ, quam in sui  
conditione naturam accipere, integram hæcenus conservant. Nulla  
stella tot retro sæculis vel penitus extincta est, vel mole diminuta.  
Jam incorruptibile corruptibili longè præstantius est; quid porro cœ-  
lo nobilius? Hæc sanè soluta minime sunt ardua. Quid enim, si ne-  
gem motum rectum, vel terræ, vel aliis corporibus convenire, nisi  
quatenus sunt à suis locis revulsa, ut per brevissimum tramitem cõ-  
revertantur unde prodire. Quod vero asserunt nullam generatio-  
nem hæcenus in cœlo fuisse animadversam, id certè falsi revincitur,  
rum ex cometis, tum etiam ex solaribus maculis. At nulla, inquit,  
in cœlo est contrarietas, idipsum est quod in questione versatur.  
Numquid densitas, & raritas, quas in cœlo esse nemo negaverit, in-  
ter se opponuntur? Sed omnes stellæ, quæ in prima rerum conditio-  
ne productæ fuerant, adhuc perseverant, nec mole, nec motu multatæ.  
Idem prorsus de terrâ dicimus, quæ tamen est sedes, & quasi matrix  
omnium generationum. Addamne quod novæ quandoque stellæ emer-  
gunt, ut quasdam nonnunquam aboleri certum est. Notissima est stel-  
la, quæ in Cassiopæa sub finem anni 1572, usque ad initium anni 1574,  
toti orbi apparuit. Sic vicissim olim septem plejadès numerabantur;  
nunc sex tantum recensentur. Aliæ quoque majores, aliæ minores,  
quàm à veteribus Astronomis notatæ fuerint, nunc visuntur. Non quod  
existimem stellæ, quæ telluris globum magnitudine vincunt, corruptas  
vel extinctas fuisse; sed fieri potest, ut quædam crassissimis maculis ob-  
ducantur, atque nobis occultentur; ut vice versâ novum sidus effulge-  
bit maculis dissipatis, quibus antea tanquam corticibus fuit involutum.  
Quo tempore stella novæ in Cassiopæâ apparuit, quandam in viâ lacticâ  
plagam defecisse, ac manum veluli hiatum in eâ regione visum esse no-  
bilissimum Tycho observavit. Hinc coniecit vir doctissimus ex illâ ma-  
terâ, vel stellulis, quæ lacteum candorem exhibent, novum Cassiopææ  
sidus emeruisse: neque enim longè ab illâ regione distabat. Postremo,  
quod aiunt incorruptibile esse corruptibili præstantius, non facile con-  
ceditur. Nec sterile aurum terræ feracissimæ præferendum puto, si ad  
rectam

Objecta,

1.

2.

3.

4.

Resp.

1.

2.

3.

4.

rectam rationem rem totam exigimus. Quod si terra nihil procrearet, nihil profectio foret quam vasta solitudo. Numquid melior est, ac praestantior, cum in omnis generis stirpes, atque animantes se resolvit? Non quod ita insaniam ut in cælo novos incolas, vel animalia inesse putem: præterquam enim ex Scriptura contrarium facile colligitur, nulla ratione id potest persuaderi. Ex his ergo quid sequitur, nisi ut taceam? nam conclusio ipsa loquitur, cælum non esse solidum, & incorruptibile, sed fluidum potius ac spirabile. Primo enim, comete in cælo solido generari qui possent? nec facile concipitur quomodo ab inferiori cælo in sublimius conscendere queant. Deinde quâ ratione fieri potest, ut cælum Iovis Martis orbem abripiat, nec Mars motu Iovis proprio feratur. Profectio tot orbes excentrici innumeras refractiones inducerent; nec unquam sidera in propriis locis liceret observare; neque adeo perspicui erunt, quin præ soliditate multum luminis ad nos usque reflectant; ita ut nunquam nox Solis lumen nobis eripiat. Denique Sol, ut diximus, circa suum axem torquetur, quod ne concipi quidem potest, si suo cælo affigitur. Hic plura adderem de Marte, quem Solc inferiorem recentiores Astronomi post Tychonem Braheum observarunt; quare necesse est ut cælum Martis, Solis orbitam intersecet, quod cum soliditate cæli non convenit. Sed hæc vobis sunt notissima, mihi ad commemorandum non necessaria. Omitto etiam Solem quinque planetarum motus regere, ac moderari, quod explicari minime potest, nisi cælum fluidum, ac liquidum statuamus. Sed de natura cæli, ac siderum satis multa: nunc motuum cælestium tractationem aggrediamur.

\*\*\*\*\*

## CAPUT SECUNDUM.

### De motu diurno.

- I. Problema de telluris motu vel quiete solvitur. II. Quædam ex Euclide, & Theodosio demonstrationes, ad sphaera cælestis explicationem necessaria exprimentur. III. Circulorum qui in sphaera delineari solent, usum percurramus.

### Menander.



Eritò te amo, mi Theophile, quod apud te plus ratio possit, quam auctoritas: quid enim nobis cum Aristotele, vel Platone, si à veritatis semitâ deficiant. Nunc verò quis tam imperitus, quis tam procul à Philosophiâ, ut cælum solidum, ac veluti adamantinum esse pertendat, atque astrâ

ut

ut clavos in rotâ moveri existimet. His etiam rationibus, quas fuscè exposuisti sphærarum cœlestium distinctio penitus destruitur, ac primum mobile de medio tollitur, quod nullâ mentis agitatione concipi potest, si cœlum instar aëris spirabile constituamus.

*Simp.* Cum sidera duplici saltem motu ferantur, diurno nimirum, qui omnibus communis est, & alio quodam motu singulis proprio, quem Luna mensitruo, Sol annuo spatio emittitur; necesse est, ut ex his duobus alterum concedamus, vel eidem corpori cœlesti duos motus, etiam sibi adversos, & repugnantes tribuamus; vel primum mobile, quod omnes abripiat sphæras, esse fateamur.

*Men.* Quid si ego contendam diurnum motum, quem tu primo mobili affingis, ad terram ipsam pertinere? Profectò cum eadem prorsus *Rationes pro terra motu diurno.* phænomena contingant, seu terra, seu cœlum moveatur, cumque natura compendio, quanto potest maximo operetur; quis non fateatur terram potius, quam cœlum quotidianâ conversione ab occasu in ortum moveri? Hanc rationem non prætervolant, sed multum dilatant Copernicani. Quis, inquit, credat stellas incredibili celeritate torqueri, adeò ut intra arteriæ pulsus multa milliarius millia conficiant, cum natura eundem finem per terræ motum consequi possit. Idem hæc usu venit, ac si quis urbes & montes circum se moveri jubeat, ne oculos vol caput circumagere cogatur. Addunt illud monstri esse simile, cœlestes globos eo velocius ferri, quo terræ sunt viciniore. Nam Luna intra mensem, Sol unius anni intervallo, Mars biennio, Jupiter 12. annis, Saturnus 30. Firmamentum 3600. annis suas absolvunt revolutiones; quod verò omnem ordinem conturbat, primum mobile spatio 24. horarum, inæstimabili celeritate gyrat, inferioresque sphæras etiam renitentes, imò ipsum aërem rapit. Hujus enim aëris motum perpetuum, ac minimè interruptum experiuntur qui sub æquatore navigant, ac longè facilius ab ortu in occalum, quam vicissim ab occasu in ortum devehuntur. Quis autem ignorat terram in medio aëre pensilem, atque ad motum, vel quietem prorsus indifferentem, totius mundi agitationi non posse resistere? quid enim est cur tam præceps impetus tellurem non abripiat? An illius pondus obsistit? Sed quàm minimo impetu de loco suo depelli potest, cum in ipso aëre suis liberetur ponderibus. Quid igitur obstat quominus instar rotæ, quæ horizonti ad perpendicularum insistit, & parvo momento impellitur, circa suum centrum agitur? Est quippe terra tamquam globus exquisitæ & libellatæ planicie impositus, unde quàm minimo appulsu cleri debet. Numquid Luna, & cæteri planeta, majorem cum terrâ quàm cum Sole, & fixis, quæ propriâ luce fulgent, atque ignis, vel flammæ naturam referunt, cognationem habent?

bent? Siquidem planetæ inter corpora opaca recensentur; jam lex planetas non stare immobiles constat; de terrâ, Sole, & fixis controversitur. Quis non potius telluris globo, quàm Soli, & stellis firmamentis infixis, hunc motum concesserit? Nisi quòd Sol etiam & fixæ circa suum centrum volvuntur, quem motum solares maculæ demonstrant; stellarum scintillatio, atque earum cum Sole affinitas, eodem illas motu agitari faciliè persuadent. Fluxum verò aëris ab ortu in occasum, qui sub tropicis percipitur, potius terræ motui quàm primi mobilis rapiditati tribuendum puto; nam globus terrestris velocissimè circa æquatorem agitur, atque huic celeritati minùs aër obsequitur, unde in contrariam partem videtur refluere. Accedit illud etiam minimè contemnendum, quòd stellæ novæ, atque ipsi cometæ, de quibus supra diximus, diurno motu feruntur, cujus causa non faciliè reddi potest: nam primum mobile jam expunximus, atque omnis violentia, vel motuum contrarietas procul à cælo abest; nec cometæ ulli cælo sunt affixi. Quare subductis omnibus rationibus, restat ut diurnus terræ motus ab occasu in ortum, cometis affingatur; ita ut ab ortu in occasum ferri videantur; quemadmodum qui in navi pervehuntur, arbores in partem oppositam agi putant; juxta illud Poëtæ,

*Provehimur portu, terraque urbésque recedunt.*

Hic nondisputo utrum terra in medio mundi constituta, circa suum vertatur centrum, ut placet Origano, & Longomontano. An potius Sol in medio mundi consistat, terra verò ut planeta non ignobilis Martem inter & Venerem, in magno orbe circa Solem spatio annuo revolvatur, ut Copernicus & alii bene multi contendunt. In præsentia mihi satis fuerit, telluris motum diurnum firmissimis rationibus stabilivisse, quem si, ut æquum est, admiserimus, nulla in motibus cælestibus contrarietas negotium nobis facesset. Atque, ut quod res

s.

*Hic motum Solis annuum circa proprium centrum in subsequenti capite demonstrabitur.*  
 est loquar, terra Sole, & stellis indiget, non Sol terrâ. Quidni ergo terra potius quàm Sol moveatur. Nec Solis ignea natura cum motu annuo bene convenit: maximè cum circa se jam duplici motu torqueatur; alterum intra mensem, alterum intra annum absolvit, ut ex solaribus maculis colligitur. An duos insuper motus his adjiciemus, diurnum unum, & alterum annuum, ut nihil dicam de motibus apogæi. His rationibus instructi in aciem prodeunt Copernicani, ut opinionem suam ab illâ, quam præ se fert, absurditate vindicent.

*Rationes contra terræ motum.*  
*Th.* Nihil sanè dici potest inconsideratius; nec quicquam magis à communi sensu abhorret, quàm Soli motum detrahere, ut terræ tribuatur. An qui ita sapiat, non prorsus insanat? quid terrâ gravius, quid stupidius, quid ad motum ineptius? Horum alterum concedant

1.

ne;

necesse est, vel terram in medio mundi circa suum axem gyrare, quæ sententia minus absurda mihi videtur, (quamvis ea sit centri conditio ut quiescat) vel inter planetas loco Solis substitui, ut magnum orbem circuitu suo perlustraret, in quam sententiam præcipites eunt recentiores ferè omnes Astronomi. Sed sacræ Scripturæ auctoritas eos erroris convincit. *Terra, inquit Ecclesiastes, in æternum stat, Sol 2. Ex Scriptorituræ, & occidit.* Et apud Josue, *Sol contra Gabaon ne movearis, stetitque Sol in medio cæli.* Hinc Psaltes Regius, *Qui fundasti terram veritate, super stabilitatem suam, non inclinabitur in sæculum sæculi.* Alia passim occurrunt loca, quæ hujus novellæ opinionis jugulum petunt, Quod de Platone dicit Cicero, id sanè meliori jure de Scripturâ divinitus inspiratâ pronuntio. Etiam si nullam rationem afferre possem, quâ illam defenderem, tamen ipsâ auctoritate me frangeret. Verùm, inquit, Scriptura sese ad captum nostrum accommodat, non quid sit, sed quid videatur docet: maximè cùm hæc ad morum institutionem non pertineant. Sic Angelos, qui Abrahæ & Apostolis apparuere, viros aut juvenes identidem appellat. Sic Lunam, luminare magnum vocitat, cùm intersidera, sit ferè mole minimâ. Crede mihi, præstat ignorare, quod sacra reticet Scriptura, quàm impugnare quod docet. Non ignoro sæpè eam infirmitati nostræ blandiri, atque ad vulgi captum sese deprimerè: sed ubi vel nulla demonstratio, vel nulla contrarium persuadet experientia, quid est cur verbo Dei non credamus? Lunam, inquit, vocat luminare majus. Quid tum? nōne majus quàm reliqua sidera nobis lumen affundit? Non inficior tamen quas hætenus contra terræ motum rationes adduxerunt, vix ullius esse momenti: nam sive terra cessante Sole, sive Sol & fixæ moveantur quiescente terrâ, eadem prorsus phænomena apparent: exemplum navis quod usque ad nauleam regerunt, satis pulcrè rem totam explicat. Primum enim, lapis è pede mali sursum emissus, in eundem locum relabitur, sive navis quiescat, sive moveatur: tam facilè versus proram quàm versus puppim ambulabis: pisces in pelvi repositi, in omnes partes æqua facilitate natant: aves in magnâ navis camerâ existentes, non ægrius in unam, quàm in alteram partem volitant: neque etiâ bombardæ longius versus puppim, quàm versus proram exploditur. Hæc ad terram facilè transferunt, quæ licèt citato cursu promoveatur, nihilominus eadem prorsus accidunt; ac si immota consisteret. Nam gravia ad perpendicularum cadunt; in omnem partem liberè ambulamus: nec motus illæ terræ vel animalium incessum, vel avium volatum, quicquam moratur, quod communis motus imprimatur terræ, aëri, & omnibus quæ terrâ, atque aëre continentur. Duo sunt tamen, quæ Copernicani non facilè expediunt.

*Vulgata  
contra ter-  
ra motum  
rationes  
non satis  
firmæ vi-  
dentur.*

1. Primum quidem, vix obtinebunt aërem eodem cum terrâ motu agitari. An terra suum motum aëri imprimit? an, potius utrique corpori, diversæ licet naturæ, hic motus congenitus est? nemo facile crediderit universam aëris molem à terrestri globo abripi: nam illius partes malè sunt colligatæ, ac motum reluctantis aëris, non sub æquatore modò, sed etiam in aliis regionibus nullus non perciperet. Quod asserunt Solem circa suum centrum contorqueri, atque hoc motu totum expanse æthera movere, quo agitato terra, & cæteri planetæ tanquam naves in mari cientur, eo tardius quo longius à Sole distant; quod volunt somniant. An motus aëris, qui nequidem percipitur, tam ingentes moles, tantâ celeritate impellet? Sol intra mensem circa se vertitur; terra spatio diurno revolvitur: quid hunc terræ motum adeò concitatum procreat? Sed fortè terra in medio aëre pensilis, quàm minimo momento impellitur. Præclare quidem. Nullum tamen corpus movetur, nisi ab impetu per omnes partes diffuso. Quid hunc impetum efficit? An insensibilis materiæ cœlestis, vel aëris motus? Deinde cum objectiones Ptolemæi diluunt, nescio an satis aptè respondeant. Opponit quidem Ptolemæus, quòd si terra spatio 24. horarum circa suum centrum ageretur, ædificia corruerent, ac terra ipsa tanto impetu agitata dissolveretur. Respondent, ædificia unà cum terrâ deferri; nec globi terrestriis motui resistere, qui cum sit naturalis, non violentus, nihil est quòd metuamus ne terra dissipetur, nisi fortè in corpus aliquod solidum offenderet, vel repente sisteret. Cum etiam stellarum motus sit saltem quinquagies millies velocior, cur timet Ptolemæus ne terra propter diurnæ conversionis pernicitatem dissolvatur, non autem metuit stellis fixis, aut firmamento. Hæc sanè rationem Ptolemæi minimè infringunt. Nam ut rota citissime agitata globulos sibi impositos procul expellit; sic terra tantâ incitatione acta turres, & ædificia excuteret: non secus ac qui secundo flumine, & velis passis in navi pervehuntur, hunc motum minimè sentiunt; sed ubi navis in orbem gyrat, tum qui stant, vacillare incipiunt, & sæpissimè cadunt. Quod descensum gravium attinet, bellè explicant quâ ratione terræ motus nullatenus obstat, quominus ad perpendiculum decidat: sed tamen ne quid dissimulem, lapis è summo navis malo demissus, aliquantulum tardius delabitur, quàm si immotâ navi descenderet, quod hic lapidis motus jam compositus, & quasi curvilineus existat: tametsi iis, qui navi vehuntur, rectus, & perpendicularis, appareat. Quantò etiam celerius navis promoveatur, tantò tardius lapis decidit, quâ diagonalis, seu transversa linea, quam motu suo describit, longior existit. Siquidem lapis duplici im-

petu



petu in diversas partes actus ( nam & navis motum horizontalem consequitur, & proprio pondere deorsum ruit ) mediâ insilit viâ , ut suo loco cumulatè demonstravimus. Nec difficile est hæc omnia ad terram traducere, ubi gravia non perpendiculari motu, sed composito & curvilineo deorsum ferrentur, quod non ægrè admittitis; sed negatis illum curvilineum motum percipi posse. Cum verò terræ motus sit celerrimus, longè tardius decidant necesse est, quàm si immota terra supponatur. Jam utrum hæc cum experientiâ & ipsius mechanices legibus bene conveniant, ipsi videritis; nobis hæc commenta non placent.

Nunc videamus quæ contra ab his disputari solent. Sol, inquit, tantâ incitatione fertur, ut celeritas ejus quanta sit, ne cogitari quidem possit: quanta ergo firmamenti pernicitas futura est? Quàm metuendum erit, ne stellæ fixæ tam præcipiti motu adæ, penitus dissolvantur; cum immensa propè sit earum à nobis distantia, ac nullam patiantur parallaxim. Illud scilicet est omnium, qui sese in Copernici familiam tradidere, formidolosum argumentum. Et quo magis motus ille incredibilis appareat, distantiam fixarum ambitiosè augment, ut firmamenti motus pernicitas nullam fidem obtineat. Quibus id unum repono, ne omnipotentiae divinæ terminos præscribant, neque illud impossibile definiant, quod facilè animo non comprehendunt. Quis nescit circulum eo faciliùs, ac celerius moveri, quo major exilit? Hinc firmamentum incredibili celeritate agitur, quia longissimè à centro distat. Nec major subest difficultas in tanta pernicitate concipiendâ, quàm in æstimandâ firmamenti mole propè immensâ. Negant *stellas* omnes in gratiam hominis fuisse conditas, atque eas esse quasi totidem Soles arbitrantur; adeò ut si è firmamento Solem intueri liceret, is non major, quàm stella videretur. Illud quidem rectè consequitur, si tanta sit firmamenti à nobis distantia, quantam ad libidinem fingunt. Quod si locis non rationibus pugnandum foret, non difficile esset ex sacre Scripturæ inconcussa auctoritate demonstrare, *stellas* propter hominem creatas fuisse, ut essent in signa, & tempora. Sed occurrunt. Nunquam natura per ambages operatur, quod paucis expedire potest: cur igitur tanta sphaerarum cœlestium machina moveatur, cum ex telluris motu iidem consequantur effectus? hæc sanè opponi non possunt ab iis qui cœlum, ac terram moveri concedunt. Non enim Copernicani idem cum Nicetâ Syracusio censent; cœlum, Solem, Lunam, *stellas*, supera denique omnia stare: neque præter terram, rem ullam in mundo moveri, quæ circum axem se summâ celeritate convertat, & torqueat. Imò Cartesius tot vortices, seu mundos

*Objecta  
demonstr.*  
1.

2.

constituit, quot sunt stellæ fixæ; ita ut Sol sit stella in centro sui vortici existens, quæ circa suum axem vertitur, ac totum hunc planetarium mundum circumagat, æthere verò agitato, planetæ tanquam naves in medio mari deferuntur. Hinc negat terram, vel planetam ullum moveri, cum motus ille ad expansum æthera, non ad terram pertineat. Quemadmodum navis secundo fluvio delata, nullisque ventis, aut remis impulsæ, non movetur, si propriè, & ad veritatis legem loqui volumus; cum motus ille non navi, sed aquæ præterfluenti sit tribuendus. Simili ratione terra in agitato æthere deferatur quidem, non movetur: maximè, cum à vicinâ corporum non recedat. Quidquid autem movetur, & locum mutat, & à corporum circumjacentium vicinitate sejungitur. Stellæ autem (si Cartesium audimus) circa suum centrum se convertunt, ac singulæ instar Solis suum vorticem agitant, & irradiant. Quamquam præ nimia distantia planetæ stellis finitimi non non videantur. Sed tamen cum ibi sint corpora lucentia, stellæ nimirum, cumque sint etiam tralucencia, & pellucida, nempe æther in quo fluitant; ordo, & series universi id videtur postulare, ut ibi quoque corpora relucentia, & opaca, quæ planetæ dicuntur, occurrant. Hos quidem, ut diximus, planetas stellæ quæque circumagunt. Nec mirum, si corpora adeo crassa à subtilissimo æthere loco moveantur: cum enim in medio cælo suspendantur, necesse est, ut laxè imposito pondere deprimatur, sic eos minimo appulsu moveri. Hæc fortè sint somnia Cartesii non docentis, sed optantis: hinc tamen concludimus totum cælum agitari, seu quiescat, seu moveatur terra. Profecto tantum paradoxum, quanto majus fingi non potest, non levissimis conjecturis probatum, sed certissimis rationibus demonstratum oportuit.

*Men.* Motus terræ diurnus probari aliter non potuit, cum in utraque hypothesi eadem appareant phænomena: sed motum annuum, qui vulgò Soli tribuitur, firmissimis demonstrationibus ab Astronomiâ repetitis ostendunt ad terram pertinere, quas ubi de vero mundi systemate differemus, uberius prosequemur. Nunc tuæ sunt partes, mi Simplici, libratæ in utramque partem argumentis, tuam proferre sententiam.

*Qua sit nostra de terra motu, vel quiesce per suo.* *Simp.* Quòd si me arbitro, hæc lis dijudicaretur, paucis caudimur. Nam Solem moveri, terram quiescere, nulla, ut mihi videtur, ratio evincit, credo tamen: tum quòd sit velut communis notio omnium animis infixæ; tum etiam quòd in hanc partem Scripturæ auctoritas multum propendeat, Quid respondeant motus terræ assertores non igno-



10, nihil tam esse vulgare, quam nihil sapere, ac Philosophiam paucis esse contentam iudicibus: hinc multitudinem consulto ipsa fugit, ci- que ipsi, & suspecta, & invisa est. Scripturæ auctoritatem putant se solvere alia Scripturæ loca proferendo, ex quibus terræ motus colli- gi videatur. Illum imprimis obijciunt, *Qui commoves terram de loco suo*. Neque tamen sacri codices pugnantia loquuntur; sed quid vide- atur, quid appareat omnibus exprimunt. Scriptura, inquit, viam, quâ in cœlum conscendamus, tradit; quanto autem à nobis distet in- teruallo; quibus item machinis moveatur, non docet. Hæc sanè mi- hi non probantur; nec globum terrestrem moveri ex sacra Scriptu- ræ auctoritate colligi potest. Partes quidem terræ propter sulphure- am exhalationem in illius visceribus accensam, nonnunquam de loco suo commoventur; non verò terra ipsa circa Solem imotum obambulat: sed contrarium planè Spiritus sanctus insinuat. Potest quidem multa, quæ ad naturæ contemplationem spectant, reticere, sed cur quod fal- sum est, toties inculcaret. Qui terram in medio mundi mobilem consi- tuunt, facilius hanc notam abstergunt: fatentur quippe Solem cum ter- rā moveri. Cum verò clamat Ecclesiastes quòd terra in æternum stat; id ita ferè interpretantur; terra in æternum permanet. Præmiserat enim, *generatio transit, generatio præterit; terra in æternum stat*; hoc est, cum sit omnium ferè generationum locus ac sedes, tamen in eodem sta- tu perseverat. Sed fortasse in his jam sum nimius. Quod verò Theophi- lus metuit, ne si terra moveatur, ædificia excutiat; id Copernicani mi- nimè reformidant. Nam ut rota celerrimè agitata, globulum sibi impo- situm secundum lineam contingentem expellit; sic terra, etiamsi foret accuratissimè rotunda, secundum contingentia lineam corpora gravia excuteret, quæ plusquam 500. passus cum tellure conficerent, ante- quam ad unius digiti altitudinem elevari possent. Jam quis non vi- deat à proprio illa pondere deprimi, atque impediri ne subsultent. Sed negabas aërem eodem cum terrā motu posse abripi. Quidni? cum cœlum, & planetæ eodem motu deferantur. Quare mirum non est si aër unà cum terrā moveatur. Luna autem circa telluris globum, ut Jovis satellites circa Jovem torquentur. Jam verò tot rationes pro terræ motu Menander attulit, ut velle cæteris, sibi autem persuasisse videatur. Illud imprimis urgebat, motus omnes cœlestes perturbari, si terra immobilis supponatur. Nam globi cœlestes eo tardius ferun- tur, quo longius à terra recedunt, Unde ergo primum mobile omni- um supremum rapidissimè cietur? quis etiam serat hanc cœlestium mo- tuum contrarietatem? Ego verò crediderim primum mobile de medio potius esse tollendum, quam terræ motum contra Scripturæ oracula, asserendum.

Th.

Utriusque  
partem ar-  
gumenta  
librantur.

*Th.* Sublato primo mobili vereor ut possis phænomena cœlestia explicare. Nam uni corpori unus competit motus: stellæ fixæ duplici saltem motu cidentur, diurno scilicet ab ortu in occasum, & proprio ab occasu in ortum tendente, qui quidem motus post longa sæculorum volumina observatus fuit. Imò cum inæqualis videatur, eumque cœlestes motus sint æquabiles, atque uniformes, plerique Astronomi alium titubationis motum adstruunt, quem nonnæ sphæræ concedunt. Cum denique maxima Solis declinatio longâ annorum serie mutetur, atque uni corpori cœlesti unus duntaxat conveniat motus; æquum est ut decimam sphæram, quam alii cœlum crystallinum vocitant, agnoscamus: hoc cœlum primum mobile involvit. Quocirca undecim cœlos omnino mobiles admittere compellimur: quibus cœlum empyreum beatorum sedem, si uti par est, adjeceris, duodecim cœlos (nam hoc verbum usus Latinum fecit) obtinebis. Quod Menander non ægrè feret; cum Cartesius mundum infinitum, vel certè indefinitum constituat, cujus nulla figura, nulli termini assignari queant: adeo ut Divinæ Majestati injurius videatur, qui totum hoc universum circumscribit, & instar glœbi concipit. Sunt quippè fixæ innumerabiles, ut ex sacris codicibus deducitur, ac novæ quotidie per telescopium deteguntur. Nemo etiam nescit viam lacteam, quam Aristoteles inconsideratiùs Lunâ longè inferiorem constituit, nihil esse quàm stellularum congeriem, quarum lux debiliior hunc lacteum candorem efficit; quod jam Democritus, teste Plutarcho, animadvertenterat; nuncque illæ stellulæ beneficio tubi optici conspiciuntur. Cum igitur stellarum numerus sit indefinitus, ac singulæ stellæ (si Cartesio credere dignum est) totidem sint systemata suis planetis instructa: quis huic universo limites præscribat, cum nullâ ratione, nullâ item revelatione nitatur?

*Cartesii opinio de motu stellarum, & calorum numero.*

*Men.* Optimè tu quidem, mi Theophile. Adde etiam stellas esse totidem Soles: nam, ut diximus, propriâ luce fulgent, nec uti planetæ huc illuc errant, sed instar Solis vel constantissimo, vel nullo feruntur motu. Nec verisimile est omnes stellas eidem circumferentiæ esse affixas; sed aliæ aliis sunt longè remotiores; cœlum quippè esse fluidum jam evicimus: nec bene sax aliqua in extremo, melius in ipso medio collocatur, ut in omnes partes radiet. Quòd si stellæ sint immobiles, unaquæque sui vorticis, vel cœli centrum obtinebit. Negamus tamen stellas penitus esse imotas, cum motus sit corporis naturalis quasi appendix & proprietas; at instar flammæ perpetuo motu, non quidem centri, & progressivo, sed orbis, & in seipsum reflexo, ac turbinationi simili, agitantur. Cum autem quærunt, an sidera

ut

ut clavi in rotâ, vel ut pisces in mari serantur, hoc est, utrum cœlo cessante astra moveantur; an vice versâ, sidera unâ cum cœlo rapiantur; perspicillè hanc controversiam dirimimus: nec cœlum quiescit, nec sidera. Cùm enim cœlum sit liquidum, moveri affectat; planetæ autem, ut naves, motu centri, & progressivo deferuntur; Sol, & stellæ motu orbis circa suum axem rotantur. Quot verò sint cœli, quis numerabit? unum est; cùm totum sit fluidum, & uniusmodi: innumera- biles quoque existunt, si unaquæque stella suum sibi cœlum, aut vorticem vindicet. Aptissimè tamen tres cœli numerantur. Primum est, in quo degimus, cujus medium Sol occupat; planetæ autem, & terra in circumfuso aère suis quique locis disponuntur, atque eodem vor- tice continentur. Illum dicimus vorticem, cujus partes centro propiores velocius contorquentur, Sol quippè spatio 27. dierum circa se gyrat: Mercurius fere infra quatuor menses; Venus 9. men- sium; terra annis anni spatio circa Solem revolvitur. Quod si Sol u- na ex fixis, & fixæ eisdem Soles censantur: secundum cœlum di- camus quod omnes stellas, atque innumerales complectitur vorti- ces, cum quo si nostrum quod incolimus componatur, vix erit sensi- bile. Tertium denique est nobis penitus incognitum, idque latissimè ultra stellas fixas patet, ac propè immensum illud esse existimo. Qui verò 12. cœlos recognoscant, nullâ probabili ratione ducuntur. Quod enim de anticipatione æquinoctiorum, vel de stellarum motu, ab oc- casu in ortum; nec non de maximâ Solis declinatione asserunt: id præclare per telluris motum Copernicus explicat, cujus axis declina- tionem suam paululum mutat. Sed hæc alterius sunt loci, ac mihi vi- deor jam plus satis evagari.

*Simp.* Facile patiebar te ab eo, quod erat propositum, aberrare, *Cartesii*  
Nec tibi tamen, nec Theophilo plane assentior. Primum, mirari satis *sententia*  
nequeo, quomodo Cartesius, cujus meritò summa est apud me aucto- *excellentia*  
ritas, hunc mundum, nec finitam esse, nec infinitum, sed indefinitum  
statuat. Quod si sua continetur figurâ, finitus; sin secus, erit infini-  
tus. Quod nisi in Physicâ plumbei sinus, nunquam concedemus. At  
quis illius terminos præscribat? nemo homo, sed Deus, qui cuncta in  
pondere, numero, & mensurâ disposuit. Jam quod Theophilus de  
motu firmamenti tardissimo adduxit, nihil contradico, nisi quod non  
necesse est, ut cœlestes sphaeras multiplicare. Enimverò corpus uni-  
co motu cietur, detur id tibi: at multi negant motus ab ortu in oc-  
casum, atque ab occasu in ortum, esse diversos. Unus fortè, & idem  
est, qui non penitus absolvitur. Imò nec motus Solis apud ab oc-  
casu in ortum nititur, sed à Septentrione in Austrum, & vicissim com-  
meat.

meat. Motus itaque zodiaci apparens tantum est, non realis: quem admodum & sphaerae circuli, quos commentii sunt Astronomi, ut facilius motus caelestes explicare possent, ac numeris persequi.

*Men.* Quando forte sphaerae mentionem fecisti, illius circulos breviter nobis exponere non graveris: antequam ad planetarum motus majoribus tenebris involutos progrediamur.

*Simp.* Dissimulare non possum id mihi molestum esse ad haec quasi incunabula revocari; neque illa Astronomiae rudimenta vos fugiunt; neque hanc decet aetatem.

*Men.* Ego vero id primum artis esse puto, ex principiis, quae omnibus sunt recepta, quasi manu ad occulta deduci.

*Simp.* Agam igitur Mathematicorum more, ac primum definitiones quasdam, tum certa theoremata, quae omnium consensu probantur, exponam, ex quibus omnia phaenomena demonstrare aggrediar. Numquid Theodosii Tripolitae de sphaerica elementis tres libros ante omnia evolvemus? sed longa mora erit, atque haec demonstrationes non rudem elementorum Euclidis notitiam exigunt. Praestat igitur vel omnino his supersedere, vel quae ad institutum nostrum magis necessaria sunt seligere. Et quidem memini me, cum admodum essem adolecens, Theodosii tres libros, unam vel alteram figuram, ac paucissimis lineis complexum fuisse, atque ut viam ad Astronomiam sternerem, scientiam illam, quae Trigonometria vocatur, eadem brevitate exposuisse; tumque libellum in lucem emis, quod me fecisse seductum juvenili cupiditate gloriae fateor: cum certe tot mendis, & erroribus typographi referferunt, ut vix usui esse possit. Ex illo igitur opusculo, quod nobis utile futurum est, excerptam. Intento quidem opus est animo; non ita tamen, ut omnia dilabatur, quae infra dicturi sumus.


*Definitio.*

1. si unum aliquod ex his effugerit. Primum, quid sit sphaera, quid polus, quid axis, dicendum. Sphaera est solidum una superficie contentum, in cuius medio punctum est, à quo omnes rectae lineae ad superficiem ambientem ducae sunt aequales. Brevius certe & elegantius finitur, figura cujus extremitates paribus à medio radiis attinguntur.
2. Poli sphaerae dicuntur puncta, in superficie immobilia, circa quae volvi concipitur sphaera. Recta linea utrumque polum connedens, axis nominatur.
3. Polus vero circuli est punctum in superficie sphaerae, à quo, tanquam à centro, circulus describitur.
4. Hinc liquet omnes lineas à polo circuli, ad illius circumferentiam productas aequales existere. Nunc quasdam ex Euclide non supponere, sed demonstrare convenit, ut, quae deinceps dicturi sumus, fiant disiectiora.

Rel-

Prothoero-  
mata.  
1.

Primum illud tanquam fundamenti loco sub-  
sternamus, quod cum recta in aliam incidit, cum  
illis angulos efficit vel rectos; quando nimirum  
cadit ad perpendicularum, ut recta FB in lineam  
CD, vel si oblique incurrat, ut EB in CD line-  
am, duos quidem angulos inaequales ad B effi-  
cit, quorum maior obtusus, minor & contractor  
acutus dicitur; utrumque tamen contendo duobus rectis aequari.  
Angulus quippe EBD est quidem acutus, & minor recto FBD: sed  
tantumdem obtusus EBC, recto FBC & maior & apertior existit.  
Quoniam igitur neutrum EBD angulo doct, tantum obtusiori EBC  
accedit, atque ambo simul sumpti duobus rectis aequantur. Angulum  
verò (ut jam monuimus) dicimus inclinationem unius lineae cum al-



K 2

etia

terā : hunc tribus literis exprimimus, cuius media ipsius anguli apicem signat. Illius quoque quantitatem non metitur linearum, quibus comprehenditur, magnitudo : quantumvis enim augeantur vel minuantur  $EA$ , &  $BD$ , idem tamen manet angulus  $EBD$ .

*Th.* Quid igitur anguli magnitudinem dimetitur?

*Simp.* Huc ibam. Circuli ab apice anguli descripti arcus, v. gr.  $EH$ , est mensura anguli  $EBD$ . Quare æquales sunt anguli, quorum lineæ æquas circuli portiones intercipiunt; angulus  $DBE$  æqualis est angulo  $DBI$ , quia arcus  $EH$  æquatur arcui  $HI$ . Ubi vero major est angulus, maiorem quoque arcum exigit.

*Th.* Perge, quæso te, atque illas Geometriz minutias quàm poteris brevissimè decurre.

*Simp.* Faciam, & paucis. Cum duæ sese inter-

2. secant lineæ angulos oppositos ad verticem æquales constituunt. Ex. gr.  $AI$ , &  $EN$  sibi mutuo occurrunt in puncto  $B$ . Angulus igitur  $ABN$ , &  $EBI$  æquales futuri sunt.

*Men.* Ratio in medio est. Cum enim recta  $EB$  eadens in rectam  $AI$ , duos angulos ad  $B$ , duobus rectis æquales efficiat : nempe  $EBI$ , &  $EBA$ ; atque eodem jure  $EBA$ , &  $ABN$  æquantur duobus rectis, quod linea  $AB$  inclinat in lineam  $NE$ . Tolle angulum communem  $ABE$ , remanebunt anguli  $ABN$ , &  $EBI$  penitus æquales. Juxta illud axiomæ usu contritum, & pervulgatum : si ab æqualibus æqualia demas, quæ remanent sunt æqualia.

3. *Simp.* Scis tu quidem. Addam & illud, licet fortasse ordine præposuero. Si duo triangula, ut  $ABN$ , &  $EBI$  habeant duo latera unius, æqualia duobus lateribus alterius; scilicet  $AB$ , &  $BN$  æquantur  $EB$ , &  $BI$ , sintque duo anguli ad punctum  $B$  his lateribus contenti, æquales : erunt duo triangula omnino inter se æqualia. Unum enim alteri superpositum concipiatur, adeo ut latus  $BE$ , lateri  $BA$ , & latus  $BI$  lateri  $BN$ , ac denique angulus  $EBI$ , angulo  $ABN$  congruant : quare punctum  $E$  in punctum  $A$ , atque punctum  $I$  in punctum  $N$  cadet; basis igitur  $BI$  basi  $AN$ , ac totum triangulum  $EBI$ , toti triangulo  $ABN$  conveniet. Jam placet ab Euclide ad Theodosium divertere. Illud tamen prius assumam, quod Geometra concipiunt corpus, sive solidum ex superficibus, & superficiem ex lineis constare. Quocirca si loco sphaera circulum  $POP$ , & vice circularum, eorum diametros sumas, non tiquam aberrabis.

Vide figuram subiequentem.




*Th.*



Th. Detur id tibi, sed quid tum?

Simp. Rogas? hinc omnia ferè, quæ Theodosius tribus libris *Theo-*  
*met.* complexus est, possunt demonstrari. Atque ut à multis pauca, sed ne-  
 cessaria, seligant. Circuli sphaerae maximi, ut P.O. & G.H. sese, &  
 ipsam sphaeram in partes æquales dividunt. Cum enim per medium  
 sphaerae transeant, in centro communi B se mutuo disjunct: nam in  
 circulo diametri, & sese, & circulant ipsum in æquas partes dissec-  
 mant. Quo circuli centrum sphaerae vicinias petunt, majores existunt,  
 ut P.O. major est A.N. quique à centro æquis distant intervallis, in-  
 ter se æquantur, ut A.N. & E.I: duo quippe triangula A.B.N. & E.B.I  
 inter se sunt æqualia, ut mox demonstravimus, cum anguli ad B sibi  
 ad verticem oppositi sint æquales, & æqua sint latera A.B, & B.N





lateribus  $EB$ , &  $BI$ ; sunt enim ejusdem circuli radii, vel semidiametri: ergo bases  $AN$ , &  $EI$  sunt æquales.

Polus circuli in sphaera maximi distat ab illius circumferentiâ, Quadrante circuli. Sit punctum  $P$  polus circuli  $GH$ . Per definitionem poli, sunt  $PG$ , &  $PH$  arcus æquales; eumque  $GPH$  sit semicirculus, palam est polum  $P$  à peripheriâ sui circuli per quadrantem distare. Quare cum circulus omnis in 360. partes, quæ gradus dicuntur, distributus intelligatur; inter polum, & circumferentiâ circuli 90. gradus intercedunt, ac totidem gradus angulum rectum metiuntur: nam  $PBG$  rectum angulum, quadrans circuli  $GP$  mensurat; hoc est, angulus rectus 90. gradus complectitur. Quandoquidem quatuor sunt anguli recti ad punctum  $B$ , quos efficiunt lineæ  $PBO$ , &  $GBH$ ; atque hi anguli totam circumferentiâ 360. graduum interceptiunt, ac veluti exhaustiunt.

4. Hinc colligitur, quod ubi circulus per polos alterius transit, illum ad pares, seu rectos angulos dispescit; ut circulus  $GBH$  transit per  $G$ , &  $H$  polos circuli  $PO$ . Ergo duos angulos  $GBP$ , &  $GBO$  rectos efficit. Quandoquidem ostensum est  $GP$ , &  $GO$  esse quadrantæ circuli; cum sint distantia poli à circumferentiâ circuli  $PO$ : ergo omnes anguli ad  $B$  existentes sunt recti, ac singuli 90. gradus continent.

5. Cum vero omnes circuli sint æquidistantes, & paralleli, qui ab eodem polo, tanquam ab eodem centro delineantur, ut  $AN$ , &  $PO$ : circulus maximus, qui per polos alterius transit, omnes illius parallelos in æquas portiones determinat, atque ad pares secat angulos. Sic  $GBH$  circulus dividit circulum  $ACN$  bisariam in puncto  $C$ , atque angulos ibidem rectos efficit; loquæ facillè colligitur. Supponimus enim punctum  $G$  esse polum circuli  $ACN$ , unde & æquales sunt arcus  $GA$ , &  $GN$ , qui æquales itidem angulos  $ABC$ , &  $CBN$  metiuntur. Sunt igitur duo triangula  $ABC$ , &  $CBN$  penitus æqualia; nam duo anguli ad punctum  $B$ , ac latera  $BA$ , &  $BN$  sibi æquantur, latus etiam  $CB$  est utrisque commune: ergo rectæ concluditur bases quoque  $AC$ , &  $CN$ , angulos denique ad  $C$  positos, æquales existere, quod demonstratum oportuit.

6. Eadem planè ratione si maximus sphaeræ circulus minorem in æquas partes, vel ad angulos rectos dividat, per illius polos transibit. Quod si enim  $CA$ , &  $CN$  sint æquales, erunt quoque duo arcus  $GA$ , &  $GN$  itidem æquales. Quorsum enim alter altero major existeret? ergo punctum  $G$  erit polus circuli  $ACN$ . Jam circulus maximus non transeat per polum minoris, ex. gr.  $VB$  secat circulum

$AE$ ,

A E, nec tranſit per illius polum P : ergo illum in partes inæquales dirimit, ac maior erit portio, in qua circuli A E centrum F reperitur. Quod ex dictis clariuſ eſt, quam ut demonstratione indigeat. Sed circulum oppoſitum æqualem, & parallelum N T I, in partes itidem inæquales diſceſcit : ac maior futura eſt portio N S, in qua centrum T continetur.

Porremo ex his concluditur, quod circulus, qui non tranſit per alterius polos, obliquè cum ſecat, & eo magis, quo longius à polis recedit, ſic circulus V B L obliquè dividit circulum G B H : non enim anguli V B G, & V B H ſunt æquales, cum inæquales ponantur arcus V G, & V H, nec punctum V ſit pluriſ circuli G H. Omnes quoque parallelos A E, & N I in portiones tanto magis inæquales dirimit, quanto longius ab eorum polis diſcedit : ſed in iſ Geometriae dumtaxat nimis immoror.

*Men.* Ita me Deus amet, nihil me adeo delectat, ac geometricarum demonstrationes, quæ non perſuadent, ſed cogunt.

*Simp.* Hac non æquè ſapiunt Theophilo : quare, ſi vobis videtur, alio pergamus, ac celeſtis ſphæræ traditionem ingrediamur.

*Tb.* Tuo verò id quidem arbitrari.

*Simp.* Sed quædam quaſi præambula exponenda ſunt ante breviter, quibus non conſtituta, vix fides ſis, quæ demonſtrare volumus, haberetur. Hac adeo ad tria, vel quatuor veluti axiomata reduci poſſunt. Cælum eſſe rotandum : motu æquabili ſecgi : terram & æquam nullam obtinere ſenſibilem molem, ſi cum cælo conſtantur : denique terram eſſe figuræ ſphærice, & cum æquâ unum globum efficiere. Singula breviter tranſcurrenda, cum tria ſint, atque omnibus obvia. Non cælum modo, ſed etiam omnia huius mundi corpora ſphæricam figuram adeptæ ſunt : nam cuiusque corporis partes ad ſuum ſcælum conſpiciunt : unde terra, Luna, & reliqui planetæ, ſuum centrum in ſe habent, quod partes omnes quaſi uno conſenſu æqualiter præmunt. Quæ figura potuit mundo competere, vel capacior, vel ad motum magis accommodata, quam rotunda, quæ ſola omnes alias ſuo complexu continet. Stellæ, quæ circa polum nobis conſpicuum nunquam oriuntur, vel occidunt, & quo magis à polo diſtant, eo circulos amphioreſ delineant, globolaſ mundi figuram palam evincunt. Id etiam præter cætera eclipſes Lunæ ſatis demonſtrant, quid enim Lunæ eclipſis, niſi umbra terræ, quæ Lunam obſcurat ? atqui umbra ejusdem figuræ eſt cum corpore, à quo projicitur : eſt igitur terræ figuræ rotundæ, atque cum æquâ unum efficit globum.

Cælum  
ſidera eſſe  
globolaſ.

1.

2.

3.

Non

*Terram & aquam* Non enim, ut plerique fingunt, aqua maris est elatior, ac supra terram intumescit. Quod si ita esset, cum aqua semper petat declivi-  
*oriam glo-* ora, proculdubio terram inundaret. Imò eam esse aliquantulum terra  
*bum effi-* depressionem, longè probabilius mihi videtur: cum omnia flumina in  
*cere.* mare influant, neque hinc nisi per loca subterranea refluant. Accedit

1. etiam corpora gravia in mare, ut in terram ad perpendicularum incide-  
 2. re, ac commune utriusque centrum petere. Quod si terra non sit  
*Vide supe-* spherica, sed plana, contrarium eveniet. Sit quippe terra AFB pla-  
*riorum fi-* na; corpus grave a puncto V ad centrum B devolutum obliquè in tel-  
*guram pag* luris superficiem, non ad pares angulos incurret. Imò eodém momen-  
 77. to totam terræ superficiem AFB, si planà sit, non globosa, Sol irradi-  
 3. abit. Omnia demùm instrumenta, quibus siderum motus explicantur,  
 sunt rotunda, atque unus terræ gradus, uni item gradui cæli respon-  
 det. Omitto diversitatem dierum, & noctium explicari nequaquam  
 posse, nisi cælo, ac terræ globosam figuram tribuamus.

*Terram* Quod verò terræ ad universi cæli complexum quæsi puncti instar  
*instar cæli* obtineat, hinc manifestè concluditur, quod dimidium cælum conspe-  
*punctum* Qui nostro pateat: ex duodecim quippe zodiaci signis, sex supra ho-  
*esse.* rizontem attolluntur, reliqua deprimuntur. Imò terra cum cælo, in

1. quo Sol versatur, comparata, punctum est: nam in horologio solari ex-  
 2. tremum styli horam indicantis, centrum telluris exhibet, ut suo loco  
 dicemus: quod si terra molem haberet sensibilem, nullius horologii  
 umbra exactam horam redderet. Viden quàm crassum sit illud pun-  
 Quin, quod inter tot gentes ferro & igni dividitur.

*Æquabi-* Sed mihi exciderat de æquabilitate motuum cælestium verba fa-  
*lem esse su-* cere: hoc sanè est totius Astronomiæ fundamentum. Omnia quidem  
*dorum* sidera statim temporibus eò revertuntur, unde profecta sunt: quamvis  
*motum* nonnunquam stare, aliquando regredi videantur; atque in id tota in-  
 2. sumbit Astronomia, ut quidquid inæquale, ac disforme in conversio-  
 3. ne siderum apparet, nobis exponat, salvâ motuum cælestium æquabi-

litate, quam fartam rectam esse oporteat: quare circularis esse globo-  
 ram cælestium motus necesse est. Quod enim movetur motu recto,  
 & locum mutat, & alia corpora de loco depellit, neque illi motus uni-  
 formis esse potest; naturalis quippe acceleratur, violentus minuitur:  
 unde non competit nisi partibus a suo toto avulsis: sed corpora quæ-  
 que cælestia suis locis sunt disposita, nec locum mutare affectant.  
 Non igitur recto motu impelluntur, sed circulari, qui ubique suum  
 principium habet, & finem, ac maxime æquabilis existit. Neque hic  
 exentiendum puto, utrum sidera ætheris motu obsequantur; ut navis  
 secundo flumine promota; an cælo immoto ferreè instar turbinis in  
 disco,

disco, propter impetum sibi in principio conditionis impressum, tor-  
queantur; id enim aliud locum postulat. Hoc igitur posito, atque  
omnium consensu approbato, cœlum esse figuræ sphericæ, & suos  
motus in orbem agere, rationes omnes horum motuum per minorem  
globum iisdem instructum circulis, quos cœlo affingimus, facili ex-  
ponuntur.

Decem porro circulis distinguitur, quorum sex maximî, quatuor  
minores existunt; & magnis duo sunt immobiles, Horizon & Meridi-  
anus: ille cœlum quasi medium dividit, & aspectum nostrum definit;  
hic per utrumque mundi polum & verticem nostrum transit, ad quem  
cùm Sol quotidianâ conversione pervenit, tum medius effluit dies.  
Polus horizonis in meridiano existit, scilicet in eo puncto, quod ver-  
tici nostro imminet. Poli itidem meridiani circuli in horizonte con-  
sistunt; nempe his in locis, in quibus Sol exoritur, & occidit, cùm di-  
es æquantur noctibus. Sex quippe puncta ut in cœlo, sic in hac sphæ-  
râ, quam habemus præ manibus, licet intelligere, ex quibus omnes  
ferè circuli delineantur. Primum, occurrunt duo mundi cardines, qui  
poli dicuntur, quod circa eos mundi machina quotidianâ vertigine  
volvatur. Polum nobis conspicuum vocant Arcticum, vel Septentri-  
onalem, propter septem stellarum congeriem, seu quandam constella-  
tionem, quæ Ursa minor nominatur. Hic polus supra horizontem  
tantum attollitur, quantum oppositus, qui & Meridionalis, & Antar-  
cticus dicitur, sub horizonte delitescit: quemadmodum ex his, quæ su-  
perius sunt demonstrata, facili colligitur. Nam inter utrumque polum  
dimidia circuli portio interjacet.

Jam in medio utriusque intervallo æquator describitur, qui di-  
urni motus partes, seu tempora dimittitur; adeo ut 15. gradus intra  
horæ spatium, & 360. gr. spatio 24. horarum decurrant. Hinc stella,  
quæ medio inter utrumque polum loco affigitur, hunc circulum sin-  
gulis diebus delineat. Quo verò stellæ ab æquatore longius disce-  
dunt, eo minores circulos absolvunt; ita ut omnium sint minimi, quos  
poli proximâ diurnâ revolutione consuecunt. Quocirca hæ stellæ  
poli finitimæ nunquam oriuntur, vel occidunt, sed semper nobis sunt  
in conspectu. Duo sunt alia in meridiano circulo puncta, quorum u-  
num vertici nostro impendit, id Zenith Arabes, ut alterum oppo-  
situm, Nadir dixerunt. His poli horizon describitur. Duo denique sunt  
in horizonte puncta, quorum jam meminimus, in quibus finitor seu  
horizon æquatorem secat, atque ab his meridianus circulus ducitur,  
qui horizontem ad rectos vel pares angulos dirimit, cùm per illius  
polos transeat. Eodem jure meridianus æquinoctialem circulum, & or.

*Sphæra  
artificialis  
explicatio.  
Horizon  
& Meri-  
dianus.*

*Per pri-  
mum rhe-  
orema ex  
Theodosio  
deprom-  
ptum.  
Æquator.*

*per 4. the-*

omnes illius parallelos, ad pares angulos, & in æquas portiones dispescit. Hinc liquet cur Sole ad meridianum appellente, jam dimidius dies præterierit; sed de his postea. Cæterum cum terræ suus sit æquator, qui cœlesti subijcitur; suus itidem meridianus, vel horizon: mirum quot & quantos usus hi circuli, non ad Solis modò, vel stellarum motus certis numeris metiendos; sed etiam ad varios terrarum situs dignoscendos, ad ipsius demùm Geographiæ scientiam, obtineant. Cum enim ut cœlum, sic terram in longum, & latum liceat distribuere: in cœlo siderum ab æquatore distantias, quas declinationes vocant, beneficio meridiani circuli cognoscimus, eo quo dicemus alibi modo. Sed latitudo alicujus loci, vel urbis, nihil est quàm portio meridiani, inter æquatorem, & locum ipsum intercepta. Quare, qui sub æquinoctiali lineâ degunt, nullam habent latitudinem; maximam verò sortiuntur, qui longissimè ab æquatore, sub ipsis polis versantur: hæc Parisiis existit 48. gr. & 40. minutorum. Nam gradum in 60. minuta, & minutum in 60. item secunda partitur. Longitudo autem in ipso æquatore desumitur: est quippè æquinoctialis circuli portio, inter meridianum loci, ex. gr. Parisiorum, & alium meridianum, quem consensus hominum primum assignat, interjacens; is meridianus per insulas, quas Fortunatas vocat, duci solet. Quâ verò methodo, quâ arte longitudinem, aut latitudinem loci invenire liceat, dicemus ubi ad præxim Astronomicam pervenerimus. Astra in horizonte oriuntur, & occidunt: stellæ fixæ iisdem serè in locis exoriri cernuntur.

*Quid sit  
latitudo  
loci,*

*Quid lon-  
gitudo.*

Verùm Sol, & reliqua sidera, alio motu quàm diurno feruntur, qui illa nonnunquam in Aquilonem adducit, aliquando in Austrum abducit, atque per signiferum orbem, qui Zodiacus dicitur, quasi retro-aguntur. Hic sanè motus paululum obscurior est. Itaque zodiacum Sol intra annum spatium conficit, cujus polos ab utroque mundi cardine, vel æquatoris circuli polis diversos existere necesse est, ac tanto ab iis intervallo dissident, quanta est zodiaci ab æquatore declinatio maxima, hoc est, 23. gr. cum 30. Cumque intra annum Sol totum signiferum perlustreret, unoquoque die sermè unum gradum, atque unum signum intra mensem peragrat: in signa quippè duodecim zodiacus dispertitur, quæ duplici hoc versiculo continentur.

*Et minuta  
signantur.*

*Sunt Aries, Taurus, Gemini, Cancer, Leo, Virgo,  
Libraque, Scorpius, Arcitenens, Capri, Amphora, Pisces.*

Hæc sunt totidem constellationum nomina, quibus quorundam animalium figuras assignunt. Cum Sol ad principium Arietis pervenit, ubi

zodi.



zodiacus æquatorem secat, tum motu diurno æquinoctialem delineat, ac dies nocti æquatur; quod horizon æquinoctialem in partes æquas dividat. Sed paulatim cursum suum ad Septentrionem inflectit, ac singulis diebus parallelos æquatori describit, quos horizon non amplius in partes æquales dirimit: major quippe eorum portio super horizontem incumbit.

Horum ultimus dicitur Tropicus Cancrī, quem Sol incunte æstate describit. Illius maxima portio supra horizontem eminet, quod horizon per æquatoris, & omnium parallelorum polos non transeat.

Quocirca illos in æquas partes non determinat. Hic quidem circulus Tropicus vocatur; tum enim Sol largā luce eam terræ partem, quam incolimus, complet: dies artificialis, qui definitur mora Solis supra horizontem, est omnium longissimus; hæc demum est Solis velut meta, ultra quam progredi non potest: sed inde ad æquatorem paulatim revertitur, quousque exactā æstate, cum principium Libræ attigit, circulum æquinoctialem diurno motu rursus describat, ac dies nocti libretur.

Id est autumnī initium; ac jam deinceps Sol parallelos conficit, quorum pars major sub horizonte delitescit, quia polus eorum sub horizonte deprimitur. Illorum omnium postremus circulus, quem Sol motu suo absolvit, Tropicus Capricorni vocatur, quo peragrato ad æquinoctialem convertitur, ac circulum suum complet, cum ad principium Arietis revertitur. Sic Sol cursum suum inflectens, tum ad Septentrionem, tum ad Meridiem, æstates, & hiemes efficit, atque ea duo tempora, quorum alterum hiemi senescenti adjungitur, alterum æstati; illud ver, hoc autumnus dicitur. Quatuor igitur sunt præcipui cardines, in quibus mutationes temporum fiunt; duo æquinoctia, ac duo itidem solstitia.

In his Sol aliquantulum in eadem statione perseverat; ita ut dies vel noctes, vix augeri, aut minui videantur: cujus adeo ratio paululum abstrusior est, ea tamen ex obliquitate zodiaci repetitur, ut suo loco reddemus. Quatuor illa puncta, quæ Cardinalia vocantur, sunt in primis observanda; Hinc duo circuli maximi per illa ducuntur, quorum alter colurus æquinoctiorum, alter solstitiorum dicitur: ille per polos mundi & æquinoctiorum puncta; hic per maximos Solis ab æquatore excursus, seu per solstitia transit. Cum Sol alterum ex nodis æquinoctialibus obsidet, tum nullam habet declinationem; sed maximam obtinet, cum ad alterum tropicorum pervenit. In tropico quidem Cancrī, nostro vertici proximus est, in tropico Capricorni remotissimus. Declinatio autem illius citissime crescit propè puncta æquinoctialia, vix sensibilibus augetur circa solstitia. Sed de his aliis. Reliqui sunt in spherâ duo circuli

*Per 6. &  
7. theor.  
Tropici,*

*Coluri,*

*Polares  
circuli.*

*Per 3. lib.*

culi omnium minimi, quos motu diurno poli zodiaci describunt, hi Polares dicuntur, atque ab utroque mundi cardine 23. grad. & 30. distant, quanta nimirum est Solis maxima declinatio. Nam polum à circulo maximo, quadrantis circuli seu 90. grad. intervallo dissidere jam ostendimus. Unus ex omnibus sphaerae circulis zodiacus suâ latitudine donatur: non enim Solis modo, sed etiam cæterorum planetarum, qui nunquam à zodiaco desciscunt, circuitus exhibet. Sol autem, à mediâ zodiaci lineâ, quam eclipticam vocant, nunquam deflectit, à quâ cæteri planetae hinc & inde octo & amplius gradibus possunt aberrare. De circulis sphaerae, quàm potui brevissime dixi, magis ut nihil omittere viderer, quàm ut vos quicquam docere præsumerem. Ubi pauca de diversitate dierum, & noctium addidero, totam sphaerae tractationem absolutam iri existimo, cui rei plerique alii non libros tantum, sed etiam ingentia volumina destinant; opus enim querunt. Ad rem igitur,

*De quin-  
que Zonis.*

Totum terrarum orbem in quinque partes, quas veteres Zonas dixere, distribuunt. Primam quæ inter utrumque tropicum interjacet, torridam appellant: nam radiis solaribus ad perpendicularum vibratis adurit; hanc ex utraque parte excipiunt duæ mediæ, ac temperatæ, inter tropicos & circulos polares comprehensæ; harum altera, quæ ad Septentrionem vergit, incolimus. Reliquæ sunt duæ frigidissimæ, quæ circulis polaribus concluduntur. Qui sub zonâ torridâ degunt, vix ullam dierum, & noctium diversitatem experiuntur. Nam qui in ipso æquatore verticem habent, iis dies omnes noctibus æquantur, ac sphaeram rectam habere dicuntur, quod æquator horizontem ad pares angulos dividat: uterque enim per alterius polos transit: neque opus est, ut vos admoneam eorum, quæ superius sunt demonstrata, circulum, nempe, qui per alterius polos ducitur, eum ad rectos angulos dividere, atque omnes illius parallelos in æquas secare partes. Quocirca Sol tamdiu supra horizontem, quamdiu infra commoratur. Bis uno quoque anno eorum verticibus imminet; atque adeo æstatem habent duplicem: nempe cùm Sol ad æquinoctiorum puncta accedit. Circa solstitia Sol quàm potest maximè ab eorum vertice recedit. Iis etiam omnes stellæ oriuntur & occidunt: nam quæ sunt vel polli finitima, sub horizontem deprimuntur. Qui inter tropicum, & æquatorem versantur, jam aliquam dierum inæqualitatem obtinent, eo majorem, quo longius ab æquinoctiali discedunt:

*Per 6. lib.*

tum quippe horizon non amplius ad pares angulos æquatorem, neque illius parallelos in æquas portiones dispescit, cùm per eorum polos non transeat. Umbras habent in omnem partem porrectas: Sol

enim



enim exiens in occasum, ubi occidit in ortum; cum versatur in signis, quæ ad Austrum vergunt, in Septentrionem; cum denique exiit in 6. signis, quæ inter æquatorem, & Septentrionem dehesunt, umbras versus Austrum porrigit. Nullam verò umbram projiciunt corpora, ubi Sol eorum zenith in ipsâ meridie attingit, quod semel unoquoque anno evenit. Nos qui zonam temperatam incolimus, umbras in meridie semper in Septentrionem, nunquam in Austrum projiciamus, quod Sol ad verticem nostrum nunquam perveniat, & ubicunque existit, magis ad Austrum vergit, quare in oppositam partem umbras dirigit. Contrarium usque venit iis, qui meridionalem plagam inhabitant; atque inter tropium Capricorni, & circulum polarem interjacent; his enim umbræ in ipsâ meridie ad Austrum tendunt, atque illis, etiam hiems eo tempore, quo nobis æstas contingit. Utrisque dies sunt nobis inæquales, & eo magis, quo longius recedunt ab æquinoctiali, quod horizon æquatoris parallelus in partes magis inæquales dividat, quo polus magis super eorum horizontem attollitur. Hinc etiam terram in varia climata veteres distribuerunt. Clima vocant tantum terræ spatium, quantum satis est, ut maximæ æstatis dies per semihoram varietur. Primum ergo sub æquatore constituitur; postremum sub altero zodiaci polo; ita ut 24. climata, non septem modo, ut veteres credidere, incolantur. Qui verticem habent in circulo polari, cum Sol ad tropicum Cancræ pervenit, tum diem artificialem 24. horarum obtinent; cum enim idem sit illis circulus horizon, qui zodiacus; nam ab eodem polo describuntur: ubi Sol principium Cancræ attingit, totus super eorum horizontem extat, nec sub illo delitescit. Sed si qui sint, qui verticem habeant sub ipso æquatoris polo, diem continuum sex mensium habeant necesse est; cum idem sit illis circulus æquator, & horizon; quamdiu Sol in sex signis, quæ ad Septentrionem declinant, versatur, tamdiu ab illis conspicitur, nec unquam, nisi toto vertente semestri, sub eorum horizonte deprimitur. De ortu, & occasu siderum, sicut hinc disputare, commodius in alium locum differemus. Piget proscindere minutius diutius immorari.

*Quid climata sint.*



## CAPUT TERTIUM.

## De Solis theoriâ.

*I. Qua sit anni magnitudo definitur, ubi de emendatione anni Juliani. II. varii Solis motus, juxta annuum serè Astronomorum hypotheseæ explicantur.*

*Menander.*



Nunc nisi fortè alienum est, planetarum Theoricas ag-  
gredere. Id mihi constat per esse paucos è Philoso-  
phorum turbâ, qui hanc materiam, ita ut par est, tra-  
daverint; Astronomi verò sic eam tradunt, ut sibi  
solis scribere videantur. Quotus enim quisque in-  
terpretis operâ non indiget? Quodd si totum Simpli-  
cium excutieris, mihi persuasum est, fore ut hanc sublimem scienti-  
am non Physicæ modò restituas, sed etiam pronam; & facilem omni-  
bus exhibeas.

*Simp.* Quàm vellem elucidè mentis cogitata enunciare: id cum  
in omnibus philosophicis disciplinis, tum maxime in scientiis physi-  
co-mathematicis arduum est, quarum demonstrationes acriorem ani-  
mi contentionem postulant. Quò magis mihi veniam dabitis, si in re-  
difficillimâ, quædam vobis subobscura videantur. Unde potè exor-  
diar, nisi à Sole, qui inter sidera principatum obtinet, ac cæterorum  
planetarum motus regit, qui diem noctemque, nec non vicissitudines  
anniversarias censeit? Ante omnia de anni magnitudine pauca per-  
stringam necesse est: hinc enim cætera, quæ dicturi sumus, quasi re-  
ligantur. Annum in civilem, & tropicum partiuntur. Civilem diver-  
sæ nationes diversum constituunt; alii ad Lunam annos describunt,  
cujus 12. menses, 354. dies & 8. horas cum 48. continent: sed de an-  
no lunari postea. Civilem itaque annum dicimus, qui ad popularem  
usum accommodatur. Ex eo genere est Julianus, qui diebus constat  
365. horis 6. quæ quidem horæ diem unum efficiunt, quarto quoque  
vertente anno; hic Bisextilis nominatur, quòd vigesimus quartus Fe-  
bruarii bis sexto ante Kalendas Martii eo anno usurpetur. Tropicus  
annus est tempus, quo Sol circuitum suum absolvit, atque cardine ad  
eundem revertitur. Non enim hoc nomen obtinuit, quòd ab altero  
solstitio annum veteres inchoarent; siquidem facilè est demonstrare  
cum Petavio non solum pro solstitiis, sed etiam pro æquinoctiis  
accipi. Sic igitur dictus est, quòd ab aliquo ex quatuor cardinibus  
inci-

*Quid an-  
nus civilis.*

*Quid tro-  
pici an-  
nus.*

incipiat. Jam quæ sit illius magnitudo, mirum quantum inter se digladiantur. Id unum constat, Julianum annum, cujus recipiendi Julius Cæsar Romanis auctor fuit, quemque ad usum suum Romana adhibet Ecclesia, paulò majorem, quam par sit, existere. Ptolemæus quidem 300. Copernicus verò 130. annis uno die abundare existimat. Quocirca annus tropicus erit dierum 365 horarum 9. 49. Est igitur *Anni Juliani emendatio.* annus Julianus tropico major 11. ferè minutis. Hæc scrupula post multa annorum volumina effecere, ut æquinoctium vernum, quod tempore Concilii Nicæni 2. diem Martii obtinebat, post 1300. annos undecimum ejusdem mensis obduceret, ac decem saltem diebus anteverteret: cum Julianus annus in eodem loco consisteret, tropici initium post 130. annos versus principium mensis recurrebat. Hinc Gregorius XIII. annum 1582. decem diebus multavit, iussitque ut dies quintus Octobris, illius anni decimus quintus haberetur: sic æquinoctia & solstitia suis locis restituit: quod certè permagni fuit momenti in ipsis scilicet temporibus obfignandis. Nam Paschatis festum præstituto tempore celebrari non poterat, quod Judæis, & infidelibus nostri irridendi facultatem præbebat. Sentis, mi Theophile, quantum Astronomiæ cognitio ipsi Ecclesiæ profuerit. Jam ut in posterum quatuor cardines in sua ratione permaneant, iussit Gregorius, ut centesimo quoque anno unus dies bisextilis expungatur; & quia non 100. sed 130. ferè annis, Julianus tropicum uno die superat, statuit quoque, ut quadringentesimo vertente anno, dies bisextilis non præteratur. Summus itaque Pontifex certo quodam judicio, frementibus licet hæreticis annum emendavit, cavique ne deinceps hic error minime contemnendus obreperet. Nunc ad Solis phenomena accedamus.

*Th.* Libentius ista quæso: non enim mihi constat, quâ ratione Ptolemæus, & Copernicus, & alia Astronomiæ lumina, solarem annum tam exactè deservierint.

*Simp.* Rem totam paucis dabo. Hipparchus Rhodius anno ab obitu Alexandri 177. circa median noctem diei incuntis. 27. mensis *Quæ ratio una anni* Septembris, æquinoctium autumnale; Ptolemæus anno 463. Alexandri, die 26. ejusdem mensis, idem quoque æquinoctium observavit. *magnitudo compari* Inter utramque observationem anni Aegyptii 285. dies 70. horæ 7. 12. min. 12. intercedunt: atqui si annus foret dierum 365. & sex horarum, 71. dies, & sex horæ abundarent; ergo eo temporis intervallo defuit anno tropico horæ 22. & 48. hoc est 300. annis dies integer defuit. Eadem arte Albategnius conclusit tropico anno centesimam sextam unius diei partem deesse, Nam anno Christi 882. die Septembris

bris 13. æquinoctium autumnale observavit. Inter Ptolemæum & Albategnium interjacent anni 743. dies 178. cum tamen deberent dies 185. incedere. Itaque redundat annus Julianus, si Albategnio Arabi credimus, septem fere diebus in 743. annis: ita ut 106. annorum spatium uno die abundet. Copernicus acerrimo vir ingenio, & Astronomia instaurator egregius, anno 1585. & 1586. idem æquinoctium observavit, & cum veterum observationibus suas comparans, deesse anno vertenti, seu tropico nonnunquam partem 16. aliquando 18. comperit: res est adeo lubrica, & incerta, ut tropici anni exacta magnitudo definiri prorsus nequeat. Tot enim occurrunt inter observandum impedimenta, partim ex visus deceptione, partim instrumentorum vitiiis, vel denique ex ipsis refractionibus, ut mirum non sit, si præstantissimi Astronomi aliquot minutis aberrent.

*Men.* Nec dem planè assequor, cur inter Hipparchi & Ptolemæi observata æquinoctia anni ut vocas Egyptii 285. & dies 70. interjaceant, cum tamen dies 71. intercedere deberent. Cur enim dies illi superfluant non video.

*Quid sit annus Ægyptius.* *Simp.* Redd tu quidem interrogas: quid enim esset annus Ægyptius, & in quo à Juliano dissideret, exponendum mihi ante fuit. Julianus itaque annus semper ab eodem die, nempe à Kalendis Januariis ducit initium, cum Ægyptius principium habeat instabile, & desultorium, constat enim 365. diebus præcisè, neque ullo bisextili intercalatur. Hinc quarto quoque anno, die uno Julianum anticipat. Si hoc anno 1658. Kalendis Januariis incipiat, anno 1662. die 31. Decembris, anno 1666. die 30. ejusdem mensis, atque ita deinceps inchoabitur: adeo ut post annos 1461. illius ad Kal. Januarii fiat reversio. Quocirca hic annus Juliano minor est quartâ parte unius diei, & in 1000. annis 250. dies deficiunt. Hinc igitur liquet, cur non modo 285. anni Ægyptii inter Hipparchum, & Ptolemæum, sed præterea 70. dies numerentur. De civilis, ac tropici anni differentia, tum de utriusque magnitudine, hæc sint statuta. Sequitur ut varia solaris motus phenomena paulò diligentius contemplantur.

*Duplici.* Soli duplici motu orbis & centri agitur: motum quippe orbis manifestè demonstrant, quæ ab ortu in occalum spatio fere monstruo, totum solis ambitum absolunt. Circulus GPOG in superiori schemate solem nobis exhibeat, ejus ecliptica sit GBH, macula à puncto O in C, tum in B, atque ita deinceps spatio 27. dierum deferuntur. Circa punctum B majores, ac celerius promoveni videntur, quam versus utrumque limbum, quod ibi sub majori angulo cernantur. Sol quippe licet globosus existat, planus tamen apparet, & circulus, qui per medi-



vel illius parallelam circuitu suo delineant; sed hujus motus poli V, & L ab eclipticæ solaris poli P, & O, septem vel circiter gradibus *recedunt*. Quemadmodum poli zodiaci circa utrumque mundi cardinem motu diurno rapiuntur; sic motus mensuari macularum poli V, & L circa polos eclipticæ solaris P, & O, spatio fere annuo vertuntur. Quod quidem longo observationum usu compertum est: nam motus macularum curvilineus nunc lursum versus P, nunc deorsum versus O, convexitatem suam obvertit. Jam ad motum centri solaris annum revertamur.

*De motu centri annuo.* Annus, ut dictum est, conversione Solis finitur, ac 365. dierum, 5. horarum 49 min: absolvitur. Necesse igitur est, ut Sol singulis diebus 59. min: & 19. secunda, vel circiter in propria orbita progrediat. Motum illum esse æquabilem, ac regularem, jam superius conclusum est. Sive enim cælum ab Angelis rapiatur, sive naturale, & infinitum sui motus principium obtineat; motus ille non potest non esse æquabilis, cum causam habeat constantem, & æternam, cumque nullis obicibus retardetur. Nihilo tamen secius, magna difformitas in hoc, ut in aliis motibus corporum cælestium apparet. Nam Sol juxta Ptolemæum quartam zodiaci partem à principio Arietis, usque ad principium Cancris spatio 97. dierum, decem horarum, & 24. minut. decurrit. Æstivalem verò portionem, quæ usque ad principium Libræ extenditur, diebus 93. horis 13. min. 36. peragrat: ad eò ut in signis borealibus, diebus fere 187. immoretur; cum sex reliqua signa diebus 178. cum quadrante conficiat. Hæc sanè minùs videntur cum uniformitate motuum cælestium convenire.

*Ptolemæi hypothesis per circumcentricum.* Quo igitur ea difformitas ad certam redigatur æqualitatem; supponit Ptolemæus Solem moveri in circulo nobis excentrico, in quo æquis temporibus, æqua spatia conficit; quanquam nobis extra illius circuli centrum constitutis, motus solaris non parùm inæqualis appareat. Rem totam ponam ob oculos. Sit circulus DCD centro M descriptus, in quo Sol singulis diebus 59'. & 19". decurrat. Sit mundi centrum in quo stamus S, principium Arietis T, initium Libræ I. Itaque recta linea IST zodiacum in duas partes æquales, Solis verò excentricum in portiones penitus inæquales dirimit; majorque est TCI, quàm TEI. Ergo majus temporis spatium Sol insumet, in peragranda portione TCI boreali, quàm in reliqua parte IET. \* Punctum C, quòd longissimè à terra abest, Ptolemæus Apogæum vocitat: ibi Sol tardissimè ferri videtur, quæ enim longius à nobis distant, tardius moveri apparent: ut manifestum est in volatu avium, qui principio lentissimus, deinde cum capitibus nostris imminet, citissimus

cen-





comperit, atque hinc quanta esset excentricitas  $MS$  geometricis demonstrationibus investigavit, quod quâ arte comperit, dicitur à nobis, ubi ad partem Astronomiæ practicam pervenerimus. Credidit itaque excentricitatem  $MS$  esse vigesimam quartam ferè partem radii  $MC$ , atque apogæum Solis esse immobile existimavit. Rem aliter se habere, atque apogæum secundum signorum zodiaci seriem, seu, ut loquuntur, in consequentia paulatim promoveri, recentiores compererunt. Quod enim Ptolemæi tempore sextum Geminorum gradum obtinebat, Copernicus ad sextum grad. Cancrî pervenisse deprehendit.

*Secunda  
hypothesis,  
per circulum,  
qui  
epicyclum  
vocatur.*

Ptolemæus quidem per excentricum circulum solaris motus anomaliam, seu inæqualitatem explicat, eamque alii æquè commodè per epicyclum exponi posse putant. Sit enim centrum mundi  $M$ , à quo Solis orbita describatur  $DBD$ . Ponamus epicyclum  $HFD$ , cujus centrum spatio annuæ zodiacum  $DBD$  perlustraret, eâ lege, ut cum centrum epicycli erat in puncto  $C$ , tum Sol supremam partem epicycli  $H$  obtineret. Promoto quidem epicyclo ad punctum  $D$ , ubi quartam sui circuitus partem confecit, Sol eodem tempore, & æquali motu ad punctum  $G$  perveniet. Supponimus quippe eodem prorsus tempore Solem suum epicyclum perecurrere, quo centrum epicycli zodiacum peragrat, sic tamen ut Sol in epicyclo contra successionem signorum, atque ut loquuntur in præcedentia ab  $H$  per  $G$ , in  $F$  deferatur. Cum igitur centrum epicycli punctum  $E$  obtinebit, tum Sol in  $F$  nobis proximus existet, atque eadem prorsus, quæ in excentrico evenient, cum radius epicycli  $HD$ , æqualis excentricitati  $MS$  supponatur. Ubi Sol in utraque abside, seu apogæo, vel perigæo consistet, tum medius seu æqualis motus, ab apparente, seu vero neutiquam dissidebit. Medium verò motum dicimus, quem centrum epicycli describit, hunc inæqualem reddit alius Solis motus in epicyclo, qui ubi ad  $D$  pervenerit, tum utriusque motus maxima differentia futura est, Sol quippe existet in  $G$ , medius motus erit  $CD$ , verus seu apprensus  $CG$ , differentia utriusque  $DG$ , seu angulus  $DMG$ , quem prosthaphæresim maximam Ptolemæus, maximam æquationem recentiores dicunt: æquatio enim est differentia veri, & medii motus. Ex his liquet, eadem omnino phænomena per epicyclum, ac per excentricum explicari: nam hi duo motus epicycli in zodiaco, & Solis in epicyclo, seorsim quidem sumpti sunt æquabiles; simul juncti motum apparentem penitus inæqualem exhibent. Hinc Sol apogæum occupans contrariis motibus in diversa trahitur. Nam in epicyclo ab ortu in occasum, seu in præcedentia, centrum verò epicycli ab occasu in ortum

*Quid sit  
medium,  
quid verum  
motus,  
quid æ-  
quatio.*

ortum, seu in consequentia nititur. Ex illâ veluti pugna tardior motum sequi necesse est. Sed cum in perigæo versatur, & centrum epicycli, & Sol ipse in epicyclo, in eadem partes conspirant: quare hic celerior erit motus. Hinc facili colligitur, Solem in sex signis, quæ ad boream declinant, diutius, quàm in reliquis australibus commorari.

Sol igitur iis motibus cietur, I. Ab ortu in occasum quotidianâ vertigine abripitur, II. Sub zodiaco ab occasu in ortum spatio annuo circumducitur, sive in excentrico, sive in epicyclo, nihil moror. III. Illius apogæum in consequentia motu tardissimo defertur, ut nihil loquar de duplici motu orbis, tum menstruo, tum annuo.

Copernicus tres alios motus non quidem Soli, sed terræ (quod Alii Solis eodem recludit) assignat. Primum, aliam esse excentricitatem Solis, motum ex quàm tempore Ptolemæi existimat. Tum enim vigesima ferè quarta pars fuit totius radii M C, sed successu temporum paulatim imminuit. tam esse, ex suis & Arabum observationibus deprehendit: adeo ut 1. Excentricum tempore vix trigesima pars existat. Quare centrum excentrici tractatus Solis M, in parvo circulo M P M tardissimo motu circumagi putat. Quod si terram in puncto A sitam esse intelligamus, excentricitas maxima fuit circa tempora Hipparchi, A P & centrum orbitæ Solis in P, minima tempore Copernici, A N centro excentrici ad punctum N delato.

Declinatio Solis maxima sensim quoque immutata est: nam ab 1. Variâ Hipparcho deprehensa fuit 23. grad. & 52'. ab Albategnio 23. grad. tio obliqui 38. à Copernico 23. grad. 28'. nunc demùm 31. gr. 30'. inventitur. Quod quidem ut explicant recentiores decimam, & undecimam sphæram commenti sunt, ac si Deo placet, brevè novum aliquod cælum excogitabunt. Copernicus orbitam terræ à Septentrione in Austrum, hinc inde librari putat, ut ab H ad F, adeo ut aliquando in H, aliquando in F post longam annorum seriem excurrat, neque H D F amplius quàm 14. minuta complectitur. Hi sunt enim maximæ, & minimæ declinationis velut extremi limites.

Postremo, æquinoctia non iisdem in locis fixa permanere, atque 3. Anticæ anni magnitudinem non esse constantem observarunt Astronomi: ita patio æquinoctia inde motu quodam vibrationis ab ortu in occasum, & vicissim fluere. Æquinoctium autumnale sit in puncto D, post aliquot annos excurrat in G, tum revertetur in D, atque hinc in I deflectetur: sic ut uno gradu 14. 16'. à medio æquinoctio D possit evagari, illiusque periodus H G H annis 1717. absolvatur. Motus obliquitatis zodiaci seu maximæ, & minimæ declinationis duplo tardior

dior existit; huic æqualis est motus centri M in parvo circulo M M P.

*Opinio Copernici rejicitur.* Ignoſcant mihi Aſtronomiæ principes, ſi nullam fidem eorum obſervationibus adhibeam. Quid enim? adeo exaſtè ſiderum loca, ac ſtatas periodos definire potuerunt, ut aliquod minorum error non irreperſerit? Solæ refractiones à veteribus Aſtronomis neglectæ, minus accuratas, & ſuſpectas eorum obſervationes reddunt. Copernicus ipſe tametiſi adeo religioſè motus cœleſtes perſequitur, in explorandâ tamen altitudine poli Frueburgenſis, ſi Tychoſi credimus, non parum hallucinatus eſt: eam quippe ſtatuit 54. gr. & 19'. Tycho verò illuc miſit diſcipulum cum ſextante (id eſt instrumenti nomen) ac reperit in eâ civitate polum 54. gr. 22'. elevari. Hincque natos eſſe Copernici errores circa Solis motum, acerrimè contendit. Declinatio quippe Solis maxima eſſe debuit 23. gr. 31'. cùm Copernicus ſuppoſitâ minore poli altitudine, illam 23. gr. 28'. conſtituat. Hæc erunt planiora, ubi Aſtronomiæ praxim exponemus. Quocirca verifiſſimum puto, nec Solis excentricitatem, nec æquinoctia, nec demum zodiaci ipſius obliquitatem, vel declinationem maximam variari: ſed omnis illa diverſitas ab obſervationum defectu ducitur.

*Th.* Hic vetus illud proverbium uſurpare liceat; habeo quos fugiam, quos ſequr non habeo. Quod ſi res mei arbitrii foret, exploſis omnium Aſtronomorum ſententiis, unum duntaxat motum ſideribus concederem, ut tu ipſe nos ſuperiùs monuiſti: omnia quippe ab ortu in occaſum ſeruntur: ſed ſtellæ fixæ celeriùs ſuas revolutiones conſciunt; planetæ eò tardiùs, quò longiùs à ſtellis reſcere. Luna nobis finitima tardiſſimo motu convertitur: unde in ortum celerimè regredi apparet. Sol igitur ſpatio 24. horarum, non totum circum, ſed tantùm 359. gr. vel circiter peragrat, ac ſingulis diebus non circulos integros, ſed ſpiras delineat, eò majores, quò æquinoctiali circulo ſunt viciniore. Motus verò ſpiralis ex duplici motu recto ſcilicet, & circulari componitur, ut videre eſt in cochleis, quæ in orbem circumducuntur, pondera ſurſum attollunt. Quo major eſt motus rectus, eo ſpiræ ſunt laxiores. Contrà ubi circularis motus rectum ſuperat, ſpiræ ſunt conſertiores: illud licet cernere in funiculo circa digitum vel baculum involuto: nam ubi evolvitur, non circulos, ſed ſpiras delineat, tanto majores, quanto radium habent longiorem; adeo ut ultima ſit omnium maxima. Quid igitur obſtat, quominus Solis motum ex circulari ab ortu in occaſum, & recto à ſeptentrione in Auſtrum, ſeu à tropico ad æquatorem, compoſitum ſtatueamus?

Ea

Ea certe est circularis motus conditio, ut naturaliter neque accelerari, neque retardari postulet; secus vel in immensum cresceret, vel in infinitum minueretur. Contra accidit in motu recto, qui nunquam est uniformis, & sui similis, sed paulatim intenditur, aut remittitur, ut ex motu rerum gravium constat. Itaque Solis motus ab ortu in occasum semper est æquabilis, & uniusmodi; rectus à tropico Canceri ad æquatorem sensim crescit, atque ab æquatore ad alium tropicum minuitur: nec citius minores spiræ quàm majores absolvuntur. Idem propè usquevenit, atque in calamo volatili, cui duo motus competunt; alter centri & rectus; alter orbis, & circularis: quantò ille major est, tantò hic debilior existit. Calamus quidem de motu centri, seu progressivo plus obtinet; pennæ verò in orbem gyraunt, & calami motum sistunt, eodem tamen tempore calamus, & pennæ suos orbés, aut potiùs spiras absolvunt. Sed vereor ne in re ludicrà seriò desipiam. Id unum volebam, rectum modum circulari nonnihil repugnare: tametsi non sunt duo motus, sed duæ determinationes, quarum una alteram castigat, & impedit. Quòd si declinatio Solis maxima, excentricitas, & anni magnitudo, huc usque aliquantulum imminuat fuerint, id certe accidit propter motum rectum, qui sensim minui potest; non item circularis, qui constans est, & perpetuus. Hinc facilè accedo sententiæ doctissimi Fabry, qui censet sidera impetu ab Authore naturæ impresso cieri. Id enim aliàs ostendimus motum omnem corporum ab impetu dimanare. Impetus verò ille sideribus impressus non exstinguitur, quia non est inutilis: nihil porro destruitur, nisi quòd frustra existeret: ut calor frigus perimit, quòd frustra esset frigus, ubi summus calor est, Quòd si turbo propter impetum à puerò impressum, tamdiu in glacie torquetur, & tot millia gyrationum agit; quid de impetu sideribus impresso existimare par est, ubi nihil adversatur? An necesse est ad motrices intelligentias confugere, ubi principium naturale, & intrinsicum in promptu est? sed quâ ratione hunc impetum Sol accepit? non abhorret à verosimili Solem in apogæo, ac tanquam in summâ epicycli abside conditum fuisse, ita ut motu recto, & accelerato, eam velocitatem, quam nunc obtinet, acquisiverit. Quemadmodum si globus ex aliquot pedum altitudine in planum exquisitè politum decidas, inter descendendum comparabit impetum, quo satis diu in plano revolvatur. Quòd si terra foret lævis, & tersa instar sphæræ crystallinæ, nescio an globus in illam impactus motum suum unquam sisteret. Quid enim productum impetum destruat? Sic funependulum, seu plumbum funi appensum semel agitatam, vibrationes suas, sive itus,

*Opinio P.  
Fabry.*

ac reditus nunquam intermitteret, nisi moles aëris, ac funis gravitas obfisterent. Rota denique, quæ ad perpendiculum horizonti insistit, semel mota non cessaret, nisi attritus, vel collisio partium hunc motum paulatim infringeret. Quid igitur dicturi sumus de motu siderum, quem nulla partium collisio, nulla corporum resistentia, vel gravitas imminuit? Quocirca Sol unico quidem motu, ex triplici tamen composito cietur: duo sunt recti, alter declinationis à Septentrione in Austrum, qui quatuor anni tempora dispensat; alter ab apogæo in perigæum, quasi deorsum tendens; tertius denique est circularis, qui dies noctesque efficit. Declinationis motus, apogæi motu aliquantulum celerior est; hinc apogæum quasi in consequentia ferri nobis apparet. Hæc sanè mihi verisimilia videntur, tametsi scio me in alieno foro peregrinari, atque extra territorium jus dicenti posse non pareri.

## CAPUT QVARTUM.

### De Luna theoriâ.

- I. Corpus lunare non esse tersum & politum, sed asperum & terrâ simillimum. II. Lunam collustrari lumine à terrâ reflexo, & eandem terram subire phases, quas in Lunâ deprehendimus. III. In corpore lunari, ut in terra montes assurgere, valles deprimi, lacus & maria diffundi. IV. De Luna influxibus, de mense atque aliis, quæ ad calculum Ecclesiasticum pertinent, agitur. V. Lunares motus juxta omnium ferè Astronomorum hypothesas explicantur. VI. De Solis & Luna defectibus multa speculatione digna proponuntur.*

### Simplicius.

**H**orte ita est ut dicis; quique rem, ut physicum decet, seriâ æstimatione perpenderit, facile tuæ opinioni accedet, atque omnes epicyclorum rotas, vel motuum varietates è cœlo depellet. Sed veniet Astronomus; qui te dicat desipere; neque ullâ ratione statas siderum periodos definiri, vel phænomena explicari posse, nisi multiplici motu, tum Sol, tum etiam planetæ deferantur. Quis motus cœlestes certis numeris persequi queat, nisi circulares eos esse constituerit? quod in Lunâ longè evidentius liquet. Hæc enim unâ cum

cum reliquis sideribus diurnâ conversione abripitur, ac motu sibi proprio menses efficit. Aliquando longius abest à terrâ, nonnunquam vicinior est, ut nihil dicam de motu latitudinis, quo ab eclipticâ, seu Solis viâ, modò in Austrum, modò in Septentrionem deflectitur. Imò non eodem tenore, sed aliquando tardius, nonnunquam celerius promovetur. Verùm antequam de horum motuum diversitate tractare aggrediar, quid mihi de naturâ corporis lunaris videatur, explicabo brevi.

Pulchrè quidem Beda Lunam terram ætheream esse arbitratur. Non enim corpus est instar speculi læve, ac politum, ut sibi fingunt plerique Philosophi. Corpus quippe tersum, ac politum unicâ superficie continetur; quare ab uno puncto in unum duntaxat locum radios luminis reflectit. Soli convexum speculum expone, id nonnisi in unam partem lucem reget: quòd si quis in eo loco consistat, vix luminis reflexi fulgorem sustinebit; extra hunc locum existenti speculum obscurum, ac subnigrum appareat necesse est. Non ergo Luna *Corpus lunare* sub visum cadet, si sit instar speculi polita; cumque ex omni parte sub *nare esse* obtutum veniat, corpus obtinet innumeris superficiebus asperum, & *asperum*, inæquale. Hoc igitur habet Luna cum terrâ commune, quòd utraque *non ter-* magnâ inæqualitate partium, & opacitate donetur; adeò ut singula *sum & la-* puncta in omnes partes radient, nec minùs Luna à telluris globo, *ve.* quàm vicissim terra à corpore lunari collustretur. Quòd si quis ex editissimo monte terram aspiciat, eam certè non tenebrosam, sed splendidam, & fulgentem contuebitur. Quid, si totum terrarum orbem intueri liceret? unde obsecro lux illa debilior, quæ per Lunæ silentis, ac novæ orbem dispersa conspicitur? Non enim modò extremus Lunæ circulus micat, sed tota etiam facies, quæ nobis obvertitur, hæc tenui luce aspergitur.

*Th.* Ratio in promptu est: Luna quippè proprio sibi, & congenito gaudet lumine, quod non modò in noviluniis, sed etiam in mediis eclipsibus prodit. Tum enim luce solari destituta, rubro, & terribili quodam colore infecta cernitur.

*Simp.* Sit ita sanè, Luna proprio fruatur lumine, quod nunc non *Lunam à* discutio. Jam cedo, cur lux illa, quâ pars Lunæ tenebrosa perfundi- *terra non-* tur, sit maxima, cum Luna viciniùs Solem petit, ac tenuiter est falca- *nihil illu-* ta; cur Lunâ crescente paulatim minuitur: sed ni fallor, cum nocte *strari.* intempestâ oritur, ac longiùs à Sole discedit, multo clariùs hanc lucem debiliorem contueri liceret. Non ergo lux illa est Lunæ insita, sed mutuâtia tantùm existit, atque à terrâ reflectitur: easdem enim (si fortè nescis) phases terra subit, quas Luna, nisi quòd silente Lunâ, globus

*Phases Lu-  
nae & ter-  
rae similis.*

globus terrestris pleno orbe lucet & è contrâ. Tum verò nobis nova, vel sitiens videtur Luna, cùm inter Solem, ac terram interjacet: sic enim Sol partem Lunæ nobis averfam irradiat: sed cùm Soli opponitur, tum hemisphærium Lunæ nobis conspicuum illustratur. Luna silens unâ cum Sole oritur, & occidit: in pleniluniis Sole occidente oritur. Cumque Luna celerius versus Orientem promoveatur (circuitum enim suum spatio menstruo perficit) secundo à novilunio die, tardiùs Sole occidit, atque ita deinceps: unde jam sinuatur in cornua, eaque in Orientem dirigit. Ex Lunæ quippè hemisphærio nobis obverso, jam aliquam partem Sol irradiat, atque à nobis tum cava cernitur, quousque medio orbe luceat; tum enim partis illustratæ, & tenebrose confinium in rectam serè lineam porrigitur. Cumque circa mediam noctem super horizontem emergat, lux illa, quam Lunæ insitam, & congenitam esse arbitraris, vix percipitur: aded ut Lunâ gibbosâ existente, atque ad plenum orbem antecedente, pars tenebrosa, hac tenui luce nequaquam perfusa videatur. Unde hoc? nisi quòd novâ existente Lunâ, tum telluris facies Lunæ obversa lumine compleatur. Quòd si enim aliquis à lunari corpore terram spectaret, totum hemisphærium à Sole collustratum intueretur. Lunâ crescente terra veluti senescit; ita ut in plenilunio iis, qui in Lunâ degerent, terra sitiens appareret. Quid igitur mirum, si crescente Lunâ, lux à terrâ emendicata paulatim minuatur? Imò longè clariùs senescente Luna, biduo aut triduo ante utriusque luminis congressum, quando Luna manè cadit sub obtutum, id lumen conspicitur, quàm post novilunium, quando nempè post Solis occasum Lunam contuemur: tum enim lumen excipit à parte telluris orientali, ubi terræ est plurimum, aquæ perpartum: totam enim Asiam ea plaga complectitur. Sed ubi Luna sit occidentalior, totum mare Atlanticum respicit; hinc parcior luce perfunditur. Abundè ergo ex iis, quæ diximus, judicatum est, Lunam, & terram sibi mutuas operas tradere, atque unam ab alterâ collustrari; easdem prorsus habere phases, ejusdem esse naturæ. Non enim Luna corpus est pellucidum, sed opacum, solidum, & inæquale. Quod primus omnium demonstravit Plutarchus, ex eo maxime, quòd partis lucidæ, & tenebrose confinium non sit rectæ lineæ simile, sed lacerum, & discerptum. Hinc manifestè probat corpus lunare non esse politum, & læve, sed asperum & inæquale. Addit etiam ibi & maria, & lacus, & montes, & insulas existere. Argumentum dabo, si fortè dubitas, certissimum. Quid enim sunt ingentes illæ maculæ omni ævo cognitæ, quæ obscuriores apparent, nisi quædam maria vel paludes, quæ Solis lumen non regerunt, sed serè extinguunt, & absorbent?

unde



unde per has maculas umbræ sectio traducta, planissima est, & æqualis; ac partes etiam littorales recedente, vel accedente Sole, tardius quàm subjecta maria illustrantur, & quasdam dilutiores umbras in partes oppositas projiciunt. Multa præter cæteros addit Gassendus, Inprimis longas series umbrarum plerumque nigrescere. In iis quoque maribus esse quasi vada, vel scopulos candidiores. Quid etiam esse possunt innumerabiles maculæ, quæ tubo optico, non solum in eâ quæ illustratur, sed etiam in tenebrosâ parte deprehenduntur? cùm enim umbras in adversam Solis partem densissimas projiciant, cumque illarum juga sint illustrata, quàm partes depressiores, nihil aliud esse possunt quàm montes: nam umbræ Lunâ crescente paulatim minuuntur, quousque in plenilunio penitus evanescent. Idem videre est in montium jugis, quæ Sol exoriens irradiat, horum quippe umbræ sensim decrescunt, donec Sol ad Meridiem pervenerit: tum enim vel nullæ sunt, vel minimæ: inclinato Sole, augentur, atque in oppositam partem porriguntur. Sic pars illa maculæ, quæ crescente Lunâ obscurior fuit, senescente illustratur; quæque antè lucidior erat, jam apparet obscurior. Quare eadem redeunt umbræ, sed in contrarias partes diriguntur. Observat etiam Gassendus varietates terrarum (ut ita loquar) silvarum, stagnorum, & similia diversum alborum creare, & in medio Lunæ disco areas quasdam ex ordine humilioribus collibus obseptas videri. Sunt item profundiores valles, quæ in plenilunio multum candidæ, Sole verò accedente, vel recedente obscuriores apparent. Est insignis versus Orientem euspis, quâ illustratâ nihil est candidius; sic aliæ sunt partes adeò lividæ, & pallentes, sive sint lacus, sive tractus terræ nigrioris, ut nullâ luce candidiores videantur.

*Th.* O delirationem Incredibilem! non enim omnis error stultitia est dicenda. Exspecto ut cum Xenophane habitari in Lunâ doceatis, eamque esse terram multarum urbium, & montium. Quid enim, si in Lunâ paludes, maria, & continentes existant, necesse est ut pluviz & nubes identidem Solis calore evchantur, quæ Lunam subinde occultabunt, eamque aspectui nostro subducent. Crassiori quoque aëre, & veluti atmosphærâ instar terræ vallabitur. Id si ita esse fateberis, fateare simul necesse est, Lunam in proprio loco observari nunquam posse. Nam præter cætera obstabunt refractiones, quæ Lunam semper ultra quàm par sit altam exhibebunt. Facessant igitur cum istis portentis Astronomi: profectò hoc genere hominum nihil est arrogantius.

*Simp.* Luna non sit terra, sed quiddam terræ simile; nulla in corpore lunari aqua restagnet; sed quiddam mari analogum; non sint in Lunâ montes; sed partes duntaxat quædam aliis elatiores assurgant, quæ certè sub obtutum cadunt: nec demonstrationis fides major aliundè esse possit. Sic velut scopuli vel insulæ à maculis nigrioribus, & perpetuis, atque in mediâ planitie quasi rupes attolluntur: ibi & aræ visuntur, in quatum meditullio assurgunt monticuli. In parte tenebrosâ quot puncta lucidiora conspiciuntur, quæ paulatim augentur, cum Luna impletur lumine. Jam ubi tenuissimè est falcata, nonnullæ partes lucidæ prope cornua visuntur ab ipso margine sejunctæ; hæc forsitan nihil sunt quàm montium cacumina à Sole collustrata. Est quædam macula à cæteris sejuncta, quam idcirco mare Caspium vocitant, quæ aliquando extremo margini vicinior est, nonnunquam remotior; sive Luna aliquo librationis motu agitur; sive propter diversos Solis aspectus, & varios in zodiaco situs, id accidat. An ideo in Lunâ habitari putem? nihil potest dici inconsideratius; quòd si zona torrida vix incolitur, quid de Lunâ existimare par est? nam totos quindecim dies eidem Lunæ hemisphærio Sol incumbit. An si quæ sint plantæ, vel animantes, non exurentur? cumque Luna s. duntaxat gradibus ab ælypticâ, hinc inde excurret; vix decem gradus minimam inter & maximam Solis altitudinem meridiam intererunt: cum nobis Sol æstate 47. grad. altior existat, quàm hieme: hinc dierum, & noctium inæqualitas, & quatuor anni temporum vicissitudo. At in Lunâ dies dimidium mensem contineret, atque intra mensem Sol totum zodiacum perlustrare videretur. Quocirca minùs absurdè quis fingeret hunc locum lustrandis animabus destinari. Quamquam id quoque divinare est; & magno conatu magnas nugas ago, qui in his resellendis tempus impendam.

*Nullo effe  
in corpore  
lunari in-  
solui.*

*De Luna  
influxi-  
bus.*

Nihil quoque ut puto necesse est hîc de Lunæ in hæc inferiora influxibus disputare. Quis enim ignorat Lunam crescentem corporibus humorem affundere, quem senescens quasi resorbet? unde qui interlunio nascuntur, vel concipiuntur, imbecilliores esse solent, præ humoris defectu. Hinc docet Plinius, quòd omnia, quæ caduntur, earpuntur, tondentur, innocentius decrecente Lunâ, quàm crescente sunt: adeo ut utilissimè in coïtu luminarium sternantur ligna. Nam quæ crescente Lunâ desiliuntur, præ nimio humore fabricis minùs apta sunt: quæ igitur vis ut sicca permancant, ea deficiente Lunâ colligas; quæ humidiora cupis, ea crescente Lunâ conficias. Quare purgatio optimè instituitur in plenilunio, quòd tunc corpora laxiora existant, ac sicciora semina longè oportunius in pleniluniis terræ mandantur,

dantur. Post plenilunium utilius metitur quàm feritur. Omitto conchyliis, ostreisquæ omnibus contingere, ut cum Lunâ crescant pariter, pariterque decreascent; ac corpora nostra uberiore sanguinis copiâ perfundi, Lunâ tumente, quàm cum sitiens existit; aut denique formicam interlunio cessare. Hæc quippe nimis trita sunt, & vulgata. Utrum æstus maris reciproco motus Lunæ moderetur, alio loco excutiendum erit. Atque hæc, ut ego arbitror, veteres rerum magis eventis moniti; quàm ratione ducti probaverunt. Non enim fortasse Deus nos ista naturæ arcana scire, sed his tantummodo uti voluit.

*Men.* Quantum ego conjecturis assequi possum, idcirco Lunâ cresceme corpora sublunaria humidiora sunt, quod radii solares in Lunæ maculas, quas nihil esse quàm aquas dixisti, impingantur, & ad nos usque reflexi rebus omnibus humorem affundant, ac prolifici existant. Est quippe lunatis humor quasi fermentum, quod humidiora corpora solvuntur. Radii solares per aquam trajecti vermes, & alia id genus procreant. Nihil igitur mirum, si iidem radii à lunaticis maculis huc usque repercussi, tantam rebus terrenis fecunditatem impertiant. Luna igitur multos humores excitat, corporum poros laxat, & aperit, unde agris multum obesse, vel prodesse perhibetur. Ptolemaus quidem Solis vitalis potentia, Lunam verò facultatis naturalis fontem esse existimat: illius quippe lumen calidum est, & vivificum, Lunæ autem humidum. Nec dubito, quin ex Lunæ variis coloribus tempestates faciliè prænuntientur. Hinc pallida Luna phit: vapor enim plurimus hunc Lunæ pallorem conciliat: rubicunda stat, quod multa exhalatio interjacens radios luminis, si tibi credimus; mi Theophile, interrumpat, ac Lunam ruben colore tingat: sic enim flamma fumo permixta, subrubra videtur. Alba serenat: tum quippe vel nulli, vel paucissimi vapores illam obscurant: nullâ quoque exhalatione air inficitur. Sed parum est Lunam esse tempestatum indicem, nisi sit & causa, quod ipsa comprobatur experientia. Plinius octoniam ferè annis, vel centesimâ revolvente se Lunâ, non modò æstuum maris, sed etiam ventorum, ac tempestatum varietatem contineri arbitratur; quod utrum verum sit, ipse viderit. Illud vero est similius, æstate Lunam silentem esse calidissimam, plenam verò gelidam existere: contrâ hieme interlunium friget, plenilunium tepidius existit. Ratio in promptu est. Luna quippe æstate cum silet, in eodem cum Sole gradu moratur; quare ad verticem nostrum quàm proximè accedit: sed plena longissimè abest à Sole, ac circulum tropici Capricorni finitimum moto diurno describit. Hinc solet esse frigidiuscula, secus hyeme uluvenit, contrariam ob rationem; nam interlunio lon-

longissimè abscedit, à nostro vertice: hinc & gelidior existit. Cùm plena est lumine, nobis est finitima: unde & calore suo noctem tepidiorem efficit. Hæc quidem omnibus in ore versantur: neque tamen indigna esse puto, quæ à Philosopho diligenter excutiantur. Nunc nisi quid tibi aliter videatur, de variis Lunæ motibus quàm dilucidè poteris, nobis edisserere.

*Quid periodicus,* Simp. Discedam igitur parumper à Physicâ, ad quam mox revertar; neque enim multum me delectat Astronomica illa subtilitas; *quid synodicus men-* sed tibi mos gerendus est, & rem satis arduam paucis expediam. *fi.* Quemadmodum Sol circuitu suo annum, sic Luna mensem conficit, qui periodicus est, vel synodicus; ille nihil est quàm temporis intervallum, quò Luna integram revolutionem absolvit, ac diebus 27. horis 7. min. 43. sec. 7. perficitur. Synodicus verò est spatium, quod inter duo novilunia intercedit, constatque diebus 29. horis 12. min. 44. sec. 3. cùm enim Luna suum orbem peragrat, Sol interim circiter 27. gr. in zodiaco promovetur. Quò igitur Luna eum assequatur, duos dies, & aliquot horas insumit. Mensis itaque synodicus is est quem definivimus; tametsi illa minuta soleant negligi, ut ad usum popularem adhibeatur: quare menses alternis 29. & 30. diebus constant. Quæ supersunt scrupula in horas colliguntur, donec post aliquot annorum volumina, unius dici summam efficiant. Hic mensis duodecies repetitus lunarem annum producit 354. dierum, 8. hor. 48'. 38". ita ut solari anno diebus undecim, vel circiter minor existat, qui tertio quoque anno intercalantur, atque annum 13. mensium lunarium efficiunt. Dies aliquot abundant, qui certis annis accrescunt; adeò ut post 19. annorum circulum, septies intercalare oporteat; tumque lunaris anni solaribus satis accuratè exæquantur. Hæc est periodus Metonica, decemnovalis, seu *indivisa* adeò decantata, vel cyclus aureus à Metone excogitatus, qui Græcis sic placuit, ut in so-

*Cyclos decem novalis.* 20. cujusque urbis insignioris præfigeretur. Quocirca novilunium hoc anno 1658. in quintum Martii incidit; exacto 19. annorum circulo, hoc est, anno 1677. in eundem prorsus diem incurret: cujus rationem, & calculum paucis absolvit Petavius hoc modo. Anni 19. solares, 6939. dies, 18. horas complectuntur, seu menses 235. continent: totidem anni lunares constant 6732. hor. 23. 24'. 5". seu mensibus 228. His igitur desunt septem menses, qui certis annis intercalantur; scilicet dies 206. horæ 17. 8'. 22". quos si 6732. diebus addideris, jam 6939. dies, 16. horas, 32'. 27". seu 235. menses obtinebis: quare cyclus Metonicus minor est 19. annis Julianis, unâ serè horâ 27. min. 32". Non igitur præcisè ad eum locum Luna revertitur,

tur, sed horâ ferè cum semisse antevertit. Quod quidem discrimen neglectum fuit: atque à tempore Nicænæ Synodi post 1300. circiter annos, jam quatrduo novilunia anticipabant, quòd noviluniorum, & pleniluniorum calculos, Paschatis, & festorum mobillium loca omnino turbabat; sed ut suprâ monuimus, Gregorius XIII. ea restituit, & fastos emendavit. Cum autè in Martyrologio consueto more novilunium prænuuntiabatur jam quartus panè dies Lunæ effluerat.

*Men.* Quid esset numerus aureus, seu Metonica periodus planissimè nobis exposuisti: nunc quid cyclum solare vocitent, quæque sit illius ratio, nobis explicare ne graveris.

*Simp.* Quamvis mihi ad majora properanti hæc minutæ non ardeant, tamen quo tu me cumque ducēs, sequar. Annus 365. diebus, & *Quid cy-*  
fenis horis constat, qui hebdomadas 52. efficiunt, diesque unus su- *clus solis-*  
perest. Cum igitur septem dies, qui hebdomadam constituent, 7. literis *ris.*  
ABCDEFGH exprimentur; nisi dies ille abundaret, unaquæque feria

suam literam, vel characterem constanter retineret: sed hic dies superfluous efficit, ut quæ litera hoc anno primam feriam, seu diem Dominicum designabat, anno proximo alium indicem diem; ac nisi quid aliud obstaret, hic circulus septem annis absolveretur. Ut si hoc anno litera, quæ Dominicum diem notat, sit A, sequenti erit G, tum F, ita ut post orbem 7. annorum, ac idem caput litera quæque revertatur. Verùm bisextilis dies, qui quarto quoque vertente anno inferitur, hanc seriem interpellat, efficitque, ut non nisi exacto 28. annorum circulo, idem literarum tenor recurat. Nam quater septem 28. producunt. Sit ex. gr. hic annus bisextilis, cujus literæ Dominicales sint GF, hoc est, ante sextum Kalendas Martii, litera G fuit Dominicalis: post bisextilem intercalatum succedit litera F: quare anno sequenti erit E, tum D, post C, tum BA, & ita deinceps. Neque literæ GF, nisi absoluto 28. annorum circuitu revertentur. Jam ut nihil videar omittere, tertius est quoque magnus in usu cyclus, qui Indi-

*Quid in-*  
*dictio.*

ctionis nomen obtinuit, hic 15. annorum spatio perficitur. Quocirca cyclus 1. 2. 3. Lunæ est primus, vel secundus, vel tertius annus decemnovalis circuli. Idem de cyclo solari, vel indictionis dictum puta. Sic Christum natum esse dicimus cyclo Lunæ 2. Solis 10. indictionis 4. quòd si Lunarem cyclum in solarem ducas, 19. in 28. prodibunt, anni 532. qui rursus in 15. seu indictionis circulum multiplicati efficiunt 7980. hæc est Juliana periodus à Scaligero excogitata, obfignandis temporibus, & epochis perutilis. Cum enim tanta sit opi-

*Juliana*  
*periodus.*

nionum varietas de numero annorum ab orbe condito; nec veteres  
tisdem uterentur annis: alii quippe lunares, alii solares adhibuerunt:  
cumque

cumque non eadem essent annorum exordia. Siquidem alii ab æquinoctio verno inceperunt, ut anni urbis Romæ: nonnulli ab æstivali solstitio, ut Olympiades, quæ quatuor annis integris constabant, sic dictæ, quod quinto incunte anno ad Olympiam urbem Peloponnesi, Iudi committerentur; alii ab autumno, ut anni Judaici coepti sunt; alii demum à brumali solstitio, ut Juliani, quibus Latini omnes scriptores nunc utuntur. Quando res acta suo tempore reddetur, longum erit inquirere quo anno ab orbe condito contigerit; quod genus annorum auctor usurper, quod denique sit illius anni exordium: sed omnes epochæ, seu annorum radices in periodo Juliana suum locum obtinent. Illius quippe primus annus mundi originem præcedere supponitur, ac cyclum Solis 1. Lunæ itidem 1. indictionis quoque 1. obtinet. Præter hunc annum nullus in totâ periodo Julianâ reperitur, in quo tres hi cycli simul concurrant. Sic Christi epocha incidit in solarem cyclum decimam, lunarem secundum, indictionis quartum, atque tres cycli in nullum alium quàm in 4714. annum Julianæ periodi incurrunt. Nam si hunc annorum numerum 4714. per cyclum solarem 28. partiaris, divisione peractâ, residui erunt 10. sic distributo per lunarem cyclum 19. restabunt 2. denique diviso per circulum indictionis Romanæ 15. supererunt 4. hac arte cujusque anni Julianæ periodi cycli proprii invenientur: divisa annorum summâ per unumquemque cyclum; residui, quotus sit cujusque circuli annus ostendent. Sed non longius evagabor, atque ad propositum revertar.

Quod si Luna æquabili cursu suum orbem perlustraret, ac singulis diebus æqua spatia decurreret; dicam planius, si medius motus cum vero & apparenti exactè conveniret, nihil esset opus excentricis, vel epicyclis, quò illius motum explicare, ac certis numeris dimetiri liceret. Nam si spatio 29. dierum, 12. hor. 44. min. à Sole digressa, eum assequitur; singulis diebus 13. gr. & decem minuta conficiet. Cumque Sol eodem tempore circiter 59. in easdem partes promoveatur, Lunam motu diurno à Sole gr. 12. min. 11. elongari necesse est. Quare singulis horis dimidium fere gradum peragrabit: neque erit arduum conjunctiones omnes medias, vel oppositiones, vel demum ipsam Lunæ ætatem dignoscere. Sed hæc fortè ad praxim pertinent. Quid igitur hanc scientiam adeò difficilem, & spinosam reddit? Idem scilicet in Lunâ, quod in Sole uluvenit; aliquando tardius, nonnunquam celerius promoveri apparet; neque in pleniluniis, ac novementis tanta occurrit diversitas, quanta in quadraturis, cum Luna est dividua; nam in oppositione, vel conjunctione, inter verum medi-

umque


umque motum differentia maxima, vix ad 5. grad. exsurgit, cum in quadraturis ultra 7. gr. excurrat. Quæ quidem phenomena, atque anomalias ut explicet Astronomiæ princeps Ptolemæus, supponit *Ptolemai hypothesis*, Lunam moveri in circulo nobis excentrico DBD, cujus centrum M, terræ centrum S, summa ablis C, infima, seu perigæum E, non aliter atque in Sole. Centrum epicycli lunaris à puncto C, in D, juxta signorum successionem progrediatur; atque eodem tempore apogæum C, contra seriem signorum, seu ut loquuntur, in præcedentia à puncto C, versus B, eâ lege deferatur, ut in singulis conjunctionibus vel oppositionibus centrum epicycli apogæum occupet. Quare motus Lunæ diurnus, qui centro epicycli competit, futurus est 15. gr. 10'. 35". motus item diurnus apogæi erit 11. gr. 12'. 19". Sol vero inter centrum epicycli, & apogæum medio semper loco consistet. Sic periodus centri epicycli diebus 27. hor. 7. apogæi verò revolutione diebus fere 32. hor. 3. min. 4. absolvetur. Mensis synodicus diebus 29. hor. 12. min. 44. perficitur. Quapropter ubi Luna cum Sole congregitur, vel ei opponitur, necesse est, ut medius Solis motus, nec non & motus centri epicycli, atque apogæi in unam lineam conspirent E C. Sed primo die à novilunio centrum epicycli 15. gr. & amplius versus sinistram progreditur in K, tumque apogæum C in dextram versus occasum excurrit, ac circiter 11. gr. peragrat, Interea Sol uno fere gradu in ortum promovetur. Quare Luna 12. tantum gr. à Sole digreditur, atque apogæum tantundem à Sole discedet; adeo ut centrum epicycli ab apogæo 24. gr. vel circiter recedat: Sol igitur Lunam inter, & apogæum medium locum obtinet. Cum autem Luna quadrantem zodiaci lustraverit, & ad punctum D pervenerit, quod accidit cum est *æquinoctialis*, seu dividua, jam toto semicirculo distabit ab apogæo, quod tum in puncto B existit, atque adeo Luna in perigæo, seu terræ finitima futura est. Sed ubi ad plenilunium pervenerit in E, eodem tempore apogæum eundem locum attinget. Itaque Luna bis unoquoque mense in apogæo, bis in perigæo invenitur. Sic in quadraturis cum sit terræ proxima, inæqualitas apparet maxima. Accidit etiam ut in noviluniis, ac pleniluniis enim locum sæpè non occupet, quem ex medio, & uniformi motu debet obtinere. Unde præter circulum excentricum addidit Ptolemæus epicyclum H F H: quem Luna spatio 27. dierum, 13. hor. 18. min. perustrat, eâ conditione, ut ab H versus G, quod vocant in præcedentia, & contra signorum successionem moveatur. Quocirca ubi superiore epicycli partem Luna peragrat, tardius ferri videtur. Nam duo illi motus, & Lunæ in epicyclo, & epicycli in excentrico in contrarias nituntur partes, ac



sibi mutuo adversantur. Cum verò Luna Inferiorem partem epicycli decurrat, tum motu celeriori promoveri nobis videtur.

*Ths.* Dilucidius hæc eloquere, vix enim alsequor.

*Simp.* Rem totam explicabo brevi. Centrum epicycli in puncto D constitutum fingamus, Lunam verò in puncto G, quæ idcirco tardius incedere videbitur. Sed ubi pervenerit ad F, vel H, tum medius, & verus Lunæ motus simul concurrent, ac neuter alterum superabit. Existat demum in puncto I, tum celerius promota apparebit. Differentia utriusque motus medii & veri, qualis est arcus GD, seu angulus GMD, æquatio, vel prosthaphæresis vocitatur, quæ addita, vel subducta à medio motu, verum exhibet. Medius motus est CD, verus CG. Quod si subduxeris arcum DG à medio motu DC, verus seu apparens motus supererit CG.



Duplicem igitur in Luna inaequalitatem deprehendimus. Prima duplex in ab excentrico profectitur, quā sit ut Luna in quadraturis propior sit lunari mo- quam in neomentis, vel pleniluniis, hicque minores sint prosthaphæ- tu in inaqua- tes, quā cūm Luna est dividua. Secunda irregularitas, ut ita dicam, per epicyclum exponitur, quā efficit, ut Luna etiam cūm nova est, vel plena, minori aliquando, vel longiori à nobis distet intervallo: nec medius motus cum vero ubique conveniat.


Hæc quidem hypothesis Copernicum offendit, nec immerito. Ptolemaï hypobesit rejicitur. Supponit quippe Ptolemæus epicyclum in excentrico circa centrum mundi S, uniformi, & regulari motu ferri; irregulari vero circa punctum M, quod orbitæ lunaris medium obtinet. Id si ita sit, motus illius tantum secundum quid, non simpliciter erit æquabilis; quod quidem est contra ipsius artis principia. Supponit quippe Astronomia omnem motum corporum cælestium esse regularem, atque tota in id incumbit, ut qui difformes nobis, & inæquales videntur, uniformes, & semper sui similes esse demonstret. Cū igitur motus Lunæ in epicyclo, & epicycli in excentrico difformes esse, & inæquales in propriis circulis contendat Ptolemæus, in ipso offendit limine, atque ut ait Copernicus, ansam præbet iis, qui huic arti detrahunt. Præterea, hæc hypothesis non rationi modo, sed etiam ipsi repugnat experientie; cum enim maxima Lunæ à terra distantia 64. semidiametros terre contineat; cumque excentricitas M S juxta Ptolemæum sit 10. Minuta semid. & 8. min. ubi Luna ad perigæum pervenit 43. semid. circiter abest à nobis. Nam duplici excentricitate vicinior terre est. Jam si cuiusque infimam epicycli partem occupet, cujus radius quinque, & amplius integri semid. complectitur. Necessè est ut in quadraturis Luna vix aliquam partem do 33. semid. terre à nobis elongetur. Tum igitur, inquit Copernicus parallaxim duplo majorem obtinebit, ac Luna fere quadruplo major videbitur, quod experientia omnino repugnat. Sed ipse quoque hic nonnullò errore labitur. Nam quæ propiora sunt, majora quidem cernuntur; non tamen in ea ratione, quā propiora existunt, ut suo loco dicemus. Id certè egreditur Copernicus Ptolemæicam Lunæ theoriam cum sensu, & ratione pugnare; neque enim corpus lunare circa quadraturæ sensibilibiter majus observatur. De parallaxi alibi.

*Men.* Utri potius accedendum putas Ptolemæo, an Copernico?

*Simp.* Utriusque apud me summa est auctoritas; sed tamen longè probabilius de motu Lunæ sentire mihi videtur Copernicus. Statuit quidem Lunam in circulo nobis concentrico æquabili motu deferri. Verum hic motus propter duplicem epicyclum, multum in æquali nobis apparet. Sit epicyclus major H F H, cujus centrum D spatio unius

2.  
Hypothesis  
Copernici.

unius mensis synodici orbitam Lunæ nobis concentricam D B D per-  
 agrat. Itaque prima inæqualitas, quæ in novâ plenaque Lunâ obser-  
 vatur, per hunc circulum commodè explicatur. Maxima prosthapha-  
 resis, seu differentia inter medium verumque motum, erit angulus  
 G M D, qui gradus quinque non excedit. Sed prope quadraturas æ-  
 quatio maxima invenitur gr. 7. min. 40. quare addendus est minor  
 epicyclus I R. Quem Luna bis in unoquoque mense perlustrat, eâ le-  
 ge ut in plenilunio, vel novilunio sit majoria epicycli centro D pro-  
 xima; in quadraturis remotissima. Quod igitur rem totam paucis con-  
 traham. Centrum majoris epicycli spatio 25. dierum, 12. hor. 44.  
 orbem C D B conficit. Interea centrum minoris epicycli I movetur  
 ab I in H, & ab H versus G, seu in præcedentia contra signorum se-  
 norem, spatio 27. dierum, & aliquot horarum; addo ut hic motus di-



urnus, qui anomaliz dicitur, quod efficiat ut prior motus inæqualis appareat, sit 13. gr. min. 3. sec. 53. tardior videtur cum semicirculum HGF decurrit. Tertiò, Luna minorem epicyclum bis unoquoque mense lustrat, simili motu in precedentia nitente; ita ut prope quadraturas sit in apogeo minoris epicycli versus I, & maximam efficiat prosthæresim 7. gr. 40. quæ angulo DMI continetur. Sed in conjunctione, vel oppositione futura est æquatio minima, tum enim est Luna in perigæo minoris epicycli R, ac centro majoris D proxima. Distantia Lunæ maxima, cum plena vel nova exiit, erit semidiametrorum terræ 65. cum semisse, minima 55. cum vero est *dystronon*, elongatio maxima est 68. semid. minima 52. Non igitur mirum, si Luna ejusdem ferè motus ubique videatur.

*Th.* Quod si diligentissimo examine hanc quoque hypothèsim libraveris, forsitan rationi minus convenientem reperies. Quid enim stultius quam epicyclum epicyclo insertum fingere? Quod si cælum liquidum sit, magnus ille machinarum apparatus ne concipi quidem poterit.

*Simp.* Nec mihi, ut ingenue aperiam quod sentio, illæ rotæ, vel epicycli probantur. Nescio an Lansbergii hypothèsis sit ad veritatem propensior. Orbitam Lunæ nobis excentricam DBD licet concipere, cujus centrum M, punctum terræ medium A, maxima excentricitas sit AP, minima AN, Luna autem in suo orbe singulis diebus Solem 32. gr. 11. antevertat, atque à puncto B in C, tum in D promovetur; cum interim centrum lunaris orbitæ M versus P, duplo celeriori motu in consequentia, nempe 24. gr. 22. conficit. Sic igitur apogæum Lunæ continenter variatur, & bis unoquoque mense Luna in apogæo versatur. Postremò orbis Lunæ à puncto D in G, & vicissim à G in D hinc inde libretur; qui motus idem efficit quod minor epicyclus, quem Copernicus admisit. Sit igitur arcus DG duorum gr. atque illius motus, seu anomalía in circulo HFH numeretur ab H versus G, adeò ut intra mensem synodicum hic circulus quater absolva-  
tur. Addit etiam Lansbergius quartum motum, quo medium apogæum C versus K, singulis diebus septem ferè minuta progreditur. Id sanè mihi est miraculo omnes omnium temporum observationes tam apte cum hac hypothèsi consentire, ut non aliam esse lunaris motus æconomiam jurare possis. Sed de Lunæ theoria satis multa.

Id tamen præterire nequeo, quod Luna non eandem infistit vi-  
am cum Sole; sed illius orbita eclipticam in duplici puncto secat, quemadmodum zodiacus æquatorem in punctis æquinoctialibus dis-  
cutit. Interfectionum altera similis est æquinoctio verno, ac nodus  
ascen-

3.  
Lansber-  
gii.  
p. 110  
p. 111

Motus ca-  
pituli &  
canda  
Draconis.

ascendens à Ptolemæo, Caput Draconis à recentioribus vocitatur; tum Luna ad verticem nostrum ascendit, & in Boream descenditur. Declinationem seu latitudinem maximam, Ventrem Draconis nominant. Sectio altera Nodus descendens appellatur. Neque amplius quam quinque gradus, Luna hinc inde in Boream, vel Austrum excurrit. Tametsi nonnulli circa quadraturas maiorem quam in novitiis, vel pleniluniis latitudinem esse autument. Excessum vero 16. definiunt; ac novum proinde librationis motum inducunt, meo quidem iudicio prorsus inutilem. Fieri enim potest, ut Luna nobis vicinior, ab eclipticâ aliquantulum magis declinare videatur: nam quæ nobis sunt propiora, eadem majora cernuntur. Quod si nodi, seu mutæ orbium Lunæ, ac Solis intersectiones, in eadem statione permanerent; profecto eclipses tum Lunæ, tum Solis semper iisdem in locis contingerent. Quis enim ignorat Lunam eclipsim pati, quando terræ umbram ingreditur, quod tum accidit, cum Soli è regione opponitur, atque ambo luminaria utrumque nodum obfident. Sol vero nobis videtur deficere in ipso novilunii puncto, cum Luna illius nostri aspectu fraudat. Sed quando ab itinere solari exorbitat, tum nec Solem occultat, nec ab umbrâ terræ obscuratur.


*Quid edis-  
pfit, &  
quando  
contingat.*

Sit Sol in H, Luna in F, terra, seu oculus M, planum est interiectu corporis lunaris terram radiis solaribus orbi. Tum igitur non Sol, sed terra ipsa deficiet, ac tenebris involvitur, idque evenit cum Sol, & Luna prope nodos versantur. Nam si Luna in Austrum, vel Boream declinet, circa punctum G, tum Solem aspectus nostro minime subducet. Ex his etiam liquet, cur eclipsis solaris nunquam fere integra, & totalis existat, neque unquam toti terrarum orbi appareat. Cum enim Luna longe celerius in Orientem quam Sol progrediat, adeo ut intra horæ spatium, dimidium fere gradum conficiat (quantum scilicet diameter Solis in proprio celo occupat.) Vix eveniat totum Solem obtegat, ac nocturnas tenebras inducat: vel si id quandoque accidat, ut historiarum monumenta tradunt, intra paucissima momenta, aliquam Solis partem nobis aperit. Jam oculo in M. existenti, Sol in interiectu corporis lunaris F, totus videtur deficere. Qui in P futurus est, vix ullum eclipses vestigium percipiet. Nulla ergo solaris eclipsis universo orbi appareat. Sectis de lunari eclipsi

*Sol terrâ  
longè ma-  
ior, & ter-  
râ lunam  
superat.*

sentiendum est, Sit enim Solis globus HFFH, terra V, Luna M, quæ interpositu terræ solari luce privatur; cum ipsa omni lumine careat, toti terrarum orbi simul obscurata apparet. Hinc certè colligitur Solem esse terrâ majorem, cum terræ umbra in interitum definat. Lunam quoque terrâ longè esse minorem concluditur, cum ab umbrâ terræ

terre



terre toto sæpe obscuretur, cumque illius umbra figura sit conica & pyramidi similis, necesse est ut terra V, quæ locum basis obinet, multo sit amplior, quàm Luna M, quæ tota umbræ immergitur, & micro-  
ni proxima est.

*Th.* Sed quâ ratione evinces umbram terræ in conum desinere.

*Simp.* Rem ab altiore principio deducamus. Corpus lubidum, & sphericum, aliud opacum, & ejusdem figuræ collustrans, vel eo majus erit, vel minus, vel demum æquale. Corpus luminosum minus superponatur, ut M, & opacum sit V, tum vel oculis patet minorem corporis opaci portionem illustrari, atque umbram majorem existere, quò longius progreditur. Siquidem MG, & MI sunt extremæ linear umbram terminantes, quæ ab eodem veluti puncto M digresse, quò longius procedunt, eo magis inier se distant. Contrarium eveniet, si corpus luminosum HFI majus constituitur: nam & majorem corporis opaci portionem collustrabit, atque contrariam ob rationem, umbram



in conum projiciet. Quod si ambo corpora ponantur æqualia, umbra parallela in infinitum protrahetur. Non enim ulla est ratio cur vel in mucronem acuatur, vel magis, magisque ampliatur. Jam verò certissimum est terræ umbram in infinitum non protrahi: non enim Lunam modò, sed etiam cæteros planetas obscuraret. Restat igitur ut pyramidi similis sensum minuatur. Unde quo Luna longius à terrâ abest, eo minor est eclipsis, nec tamdiu durat, nec totum lunare corpus umbrâ terræ opprimitur. Idem accidit cum Lunâ aliquantulum latitudinis obtinet, nec præcisè alterum ex nodis occupat. Tum enim minùs directè Soli opponitur, atque umbram terræ vel omnino eludit, vel partem dumtaxat illius ingressâ, non tota deficit. Jam nescio quid volui dicere, ac mihi excidit.

*Men.* Nempe ut puto, utrumque nodum non esse immobilem, sed desultorium; idque hinc probare occæperas, quòd eclipses tum Solis, tum Lunæ, nec iisdem in locis, nec penitus æquales contingant.

*Simp.* Idipsum est: atque hic motus sermè 19. annis absolvitur; adeò ut caput Draconis, vel nodus ascendens unoquoque die uniformi, & æquabili motu, tribus serò minutis in præcedentia, seu in occasum deferatur. Hanc adeò periodum Astronomi ex duobus Lunæ defectibus omninò inter se æquilibus, tum in morâ temporis, tum in parte Lunæ obscuratâ, collegunt, adeò ut Luna in eodem, vel opposito loco, atque inæquâli à terrâ distantia consisteret. Hinc enim manifestè evincitur eandem fuisse utrobique Lunæ latitudinem, ex quâ utriusque nodi motum colligere in proclivi fuit. Sed de eclipsibus seorsim aliis pluribus.

*Varia hypothesis  
discutitur.*

*Tb.* Hæc sanè quæ de eclipsium causis attigisti, longè sunt verissima. Quod verò hypotheses lunares motus atinet, ne veri quidem similes mihi videntur. Quis enim in animum inducat suum, tot motibus oppositis corpus cœleste distrahi? Ptolemaica quidem hypothesis ipsa Astronomiæ principia convellit; quemadmodum ex Copernico pulchrè demonstrasti. Epicyclorum machinæ, quas Copernicus & Tycho Braheus struunt, cum cœli naturâ liquidâ, & spirabili minimè cohærent. Vix etiam crediderim cum Lansbergio orbita lunaris centrum in parvo circulo torqueri, adeò ut totum, in quo Luna versatur, cœlum modò attollatur, modò deprimatur. Ingeniosè quidem hæc finguntur, sed vide an sit necesse omnia credere. Satis est Astronómo, si motuum cœlestium æquabilitate suppositâ, omnes inæqualitates conciliare possit: tabulas hypothesis suæ, & corporum cœlestium motibus convenientes concinet, ex quibus eclipses prælagiat; & quem



quisque planeta in zodiaco obtineat locum, cum libuerit, invenire queat. Neque adeo difficile fuit medios & æquabiles motus definire. Hipparchus v. gr. contulit suas eclipsium observationes cum iis, quas à Chaldæis acceperat, isque comperit intra 345. annos *Quia ante medius Lunæ motus definitur potuerint.* Ægyptios, dies 82. & unam horam, omnes anomalias (sic vocamus motum sideris cujusque ab apogæo) & mensium circuitus, ad eundem locum reverti; quo quidem temporis intervallo 4267. menses, & 4573. anomalie circuli explicantur. Quocirca necesse est mensem synodicum juxta Hipparchum esse 29. dierum, 31. min. unius diei, 50. 8". adeo ut diurnus à Sole motus sit 12. gr. 11', 26". diurnus verò anomalie motus, qui cum periodico ferè convenit, futurus est 53. gr. 3'. 53". Cum Hipparcho Ptolemæus, & Copernicus ferè consentiunt. Hinc minimè arduum fuit tabulas mediorum motuum in omne ævum disponere, At illud artis caput erat apparentem Lunæ motum, quem verum dicunt cum medio, seu æquabili conciliare. Cnr Luna velociori, & quasi præcipiti cursu quandoque feratur; vix aliàs locum suum per aliquot horas commutet. Cum enim perigæum sui epicycli (si quem habeat) peragrat 14. gr. si Reinholdo credimus, unoquoque die decurrit; sed ubi apogæum obsidet, vix duos gradus cum semisse uno die conficit. Atque eam esse potissimam causam existimat Reinholdus, cur quandoque Luna nascens oclis sese proferat. Ita ut eodem die nova ac vetus videri possit; idque maximè si ad Boream cursum suum inflectat; tum enim majorem parallelum quotidianâ conversione describit, celeriusque oritur, & tardiùs occidit. Quare si Solis, & Lunæ congressus circa meridiem contingat, mane veterem, vespere novam, præsertim è loco editissimo, atque ab æris crassitie liberiore, licebit observare. Multum quippe circumfusi æris claritas obstat, ne sidera de die intueamur. Unde quæso te ex fundo putei stellas contuemur, vel in ipsâ meridie, nisi quia fulgor ille æris circumstantis arcetur? Multum quoque latitudo borealis momenti obtinet: efficit enim ut tenuissimam lunaris disci partem Sol irradiet; atque in ipso luminarium coitu, terra Lunam non mediocriter illustrat, quæ hac luce à terrâ reflexâ fruens, circumfusi æris fulgorem faciliè superat; nec mirum, si possit sub aspectum cadere. Hinc si velimus ex æthero, nullum unquam vel novilunium, vel plenilunium contingit. Luna quippe semper aliquâ donatur latitudine, sive Soli opponatur, sive cum illo conjungatur; ac necesse est, ut saltem uno gradu, & aliquot minutis, vel ab ipso Solis loco, vel ab opposito disteat; nisi umbram telluris delibet, aut Solem abscondat. Cum etiam Sol plusquam dimidiam Lunam collustret, apertissimè colligitur in omni novilunio portio-

tionem aliquam Lunæ nobis obversam collustrari; quemadmodum in plenilunio, tota illius facies luce solari non completur, cum præ latitudine suâ partem aliquam licet exilem, nobis averfam, solaribus radiis collustratam habeat; sed illud quantulumcunque est meritò contemni possit. Ex his liquet, cur Luna nascens vix secundo, aut tertio die nonnunquam emergat: vel quia in Austrum defleſcitur, ac parallelis tropico Capricorni vicinos delineat; unde tardius oritur, & citius occidit, uti Sol hiberno tempore; vel quod tardissimè procedat. Sed nescio quo impetu abreptus, longius quàm pax erat excurri; illuc ergo redeam quò cœperam.

Vix quicquam curæ est Astronomis, quæ sit natura corporum cœlestium; utrum multiplici motu, an unico ex multis composito rapiantur; dummodo hypotheses suas siderum motibus accommodent, atque eorum certas leges præscribant; quid ampliùs ab iis desiderari possit, non video. Sed Physicus in has hypotheses inquirat diligentiùs, quæque rationi & naturæ magis consentanea videantur, accuratiùs expendit. Quod si mihi in re obscuratissimâ divinare liceat, Lunam ut Solem uno motu ex tribus conflato circumagi putem. Nam ab ortu in occasum tardissimè cietur, tum ab Austro in Septentrionem intra mensem, quòd minus spatium habeat decurrendum; postremo sursum deorsumve fertur ab apogæo in perigæum, eo quo de Sole diximus modo; ita ut non circulum, sed ovalem ferè figuram circuitu suo describat. Et sanè nescio quid Astronomis in mentem venerit, ut tot circulos excentricos comminiscerentur, & tantis difficultatibus cœlestes motus implicarent; cum unâ ellipsi totum negotium absolvi possit. Diu est quòd Erasmus Reinholdus Lunæ motum ad ovalem ferè figuram accedere subolsfecerat. Keplerus propiùs vero accessit, nam in tabulis Rudolphinis planetarum motus per ellipsim explicari posse demonstrat. Nuperrimè verò illustrissimus Comes Paganus quasi ultimam manum Astronomiæ imposuit, & planetarum theoricas adeò accuratè iuxta hanc hypothesim explicuit; ut nullum dubitandi locum reliquerit, orbitas planetarum non circulares, sed ellipticas existere. Rem totam oculis subjiciam. Sit ellipsis BCB, cujus centrum A, major diameter BC, minor DE hæc porro figura non unico centro instar circuli, sed duobus F, & G, quæ foci dicuntur, solet delineari. Funiculi GDF, extrema duo in punctis F, & G affixa concipe, & ita duo radii FD, & DG, stylo, vel digito circumduci ellipsim describunt. Ubi radii mobiles in punctum H transferuntur, in radios GH, & FH abeunt, qui simul juncti prioribus GD, & DF æquantur. Nam quantum crescit GH, tantum minuitur FH, quo-

*Quomodo  
motus Lu-  
naris in-  
qualitas  
per eli-  
psim ex-  
plicetur.*



mum GHF utriusque anomaliz differentia æquatio futura est, eo quidem minor, quo majori diametro BC, sive utrique absidi propior existet: adeo ut Sole vel Lunâ in punctis B, & C commorante, nulla æquatio futura sit: sed in punctis D, & E minoris diametri, quæ puncta mediæ longitudinis dicuntur, æquatio FDG maxima contingit. Quod si Sol v. gr. superiorem suæ orbitæ partem decurrat, tardius ferri videbitur; ut cum versatur in puncto H: sic enim angulus BFH, longè major existit angulo BGH: ille medium, hic verum seu apparentem Solis motum exhibet. Contrarium evenit cum Sol inferiorem suæ orbitæ portionem perlustrat, ut si in puncto K constituatur, celerius progredi apparebit, sive quod terræ G sit vicinior, sive quod angulus CGK, qui apparentem Solis motum dimetitur, longè major sit, & apertior angulo CFK, qui medium seu æquabilem motum exhibet. Taceo superiorem focum F non esse prorsus immobilem; neque enim apogæorum loca in eadem statione fixa permanent. Itaque licet concipere circulum radio GF, & centro G descriptum, quem focus F lento quidem motu juxta seriem signorum peragrat; ac tardissimè incedit in Solis orbitâ, non enim absolvitur, nisi expleto 21029. annorum spatio. In Lunâ citius promovetur: nam 79. annis ac 7. mensibus perficitur. Id quidem omnibus planetis commune est, ut focus superior F sit centrum medii, & æquabilis motus; in Sole verò, ac Lunâ globus telluris inferiorem ellipseos focum obtinet. Reliqui planetæ cum circa Solem moveantur, inferiorem cujusque orbitæ focum Sol occupabit. Nec metuendum est, ne hæc hypothesis in ipsâ Astronomiæ principia impingat, cum ellipsis sit figura simplex, uti circulus, nisi quod duplici centro ac radio delineetur. Neque id absurdum futurum est, si planetæ motus circa inferiorem focum inæqualis, circa superiorem æquabilis existat, non enim æquabilis esse potest, si eum utroque comparetur. Omitto centrum epicycli Lunæ in ellipsi lunari deferri, & unoquoque die 13. gr. 10'. 35". conficere, cum duplo velociore motu Luna proprium epicyclum percurrat, ac singulis diebus 24. gr. 22'. 54". progrediatur. Sed tamen hoc epicyclo nos nihil offendor, atque optarem, ut omnes illæ rotæ ab Astronomiâ exularent. Mirum profecto quàm pulchrè vir illustris siderum rationes ex his principijs deducat; quàm subtiliter locum cujusque planetæ in suâ ellipsi inquirat; quàm accuratè æquationes, seu medii, & veri motus differentias investiget. Nec clam mo est, simplici, quin mecum sentias, si doctissimi illius viri Astronomiæ, & Geometriæ libros evolvere non graveris. Quod ad me attinet, cum eruditum illum Geometriæ pulverem vix attigerim, sapius offendo, & magis me physicæ scien-

ſcientiæ delectant, quàm mathematicæ, quæ mihi ſpinoſiores videntur, ac nimîa ſubtilitate aſperiores. Nec diſplicet tamen Aſtronomorum diligentia, dummodo uſque ad ſupervacuum laborem non ſit occupata. Mihi quidem inter virtutes Philoſophi habebitur aliqua neſcire; & quod Fabius de Grammaticâ, idem de Mathematicis licet pronuntiare; non obſtant hæ diſciplinæ per illas cunctibus, ſed circa illas hærentibus.

*Simp.* Diſſimulare non poſſum, me in nobiliſſimi illius viri Aſtronomiam incidiſſe, quæ certè plus habet operis, quàm oſtentationis; nec facilè percipi poterit, niſi ab iis, qui jam interiora velut ſacri huius adierunt. Sed ne nimium excurramus, ad eclipſes revertamur. Cum Luna terræ eſt finitima, tum profundiori umbræ immergitur; unde & diutius laborat, quàm cum apogæa exiſtit, & umbræ mucronem viciniùs petit. Addámne quòd Luna apogæa, atque à nobis remotiſſima, rubrum illum colorem, cujus jam meminimus, apertius prodit, *Unde rubens color,* qui in eclipſi paulatim diluitur, atque in omnes Iridis colores ſenſim *qui in Luna laborante per-* degenerat. Sed ubi perigæa deficit terribilem illum colorem non præſe fert, ut Reinholdus ſcitè obſervat; quòd ſanè illius, & tuam de luna laborante per- ce corpori lunari congenitâ ſententiam jugulat. Proſcèdò lux illa illuſtrior appareret, cum Luna denſioribus tenebris circumfunditur. *capitur.* Hinc de nocte ſplendidiôr Luna cernitur, quando à ſolaribus radiis ejus fulgor minus opprimitur. Unde ergo color ille prunis accenſis non diſſimilis, quem Luna tum, cum laborat, exhibet? Non aliunde, ſi benè auguror, proſciſciſcitur, quàm à radiis ſolaribus per atmôſphæram, ſeu potius craſſum ærem, qui circa terram diſfunditur, refractis. Radii quippe cum à denſiori medio ad perpendicularum inſringuntur, citiùs coeunt, unde non mirum ſi partem umbræ remotiorem diluant. Hinc colores Iridi ſimiles Luna ſuſtinet; ut ſi quis cubiculi tenebroſi ſimulæ, quàm Solis lux ſubit, globum vitreum aquâ plenum objiciat; radii per globum tranſmiſſi colores Iridis in pariete oppoſito delineabunt: ſic ſolare lumen per denſum & humidum æra trajetum varios colores in Lunâ, tanquam in adverſo pariete depingit; quod, ut ego arbitror, primus omnium animadvertit, Keplerus. Multum ergò fallitur Tycho Braheus, cum putat Lunam deficientem hunc colorem à Venere mutuari. Quasi verò ſemper Venus in eo ſitu exiſtat, in quo poſſit Lunam ſuâ luce aſpergere. Sed habet vir ille doctiſſimus etiam ſua deliquia. Non inſicior tamen fieri poſſe, ut reliqua ſidera tenuiſſimâ luce corpus lunare perfundant. Quòd verò jam *Quid pen-* pallescere incipiat priuſquam terræ umbram ſubeat, id ab atmôſphæ- *umbra,* râ Lunæ, ut plerique putant, neutiquam oritur; at quòd ſolaris di-

*An Luna  
totum pos-  
sit Solem  
obscurare.*

scus non subito, sed paulatim abscondatur. Hunc Lunæ laborantis pallorem, penumbram Astronomi dixere. Tametsi non abhorret à vero Lunam, ut terram crassiore & nebuloso quodam aëre involvi. Hinc fortè cum Sol totalem patitur eclipsim, illius limbus aliquando, tanquam extremus lucis circulus apparet, ut semel à se observatum fuisse anno 1567. testatur Clavius. Cumque anno 1560. totum Solem obscuratum, ac terram densissimis tenebris involutam tradat; adeò ut omnes stellæ sub obtutum caderent, & quædam aves præ horrore in terram ruerent: (quod sæpius contigisse ex historiarum monumentis constat) planum fit diametrum Lunæ visibilem æqualem saltem esse Solis diametro visibili: quidquid reclamet Tycho Braheus. Unde ergo in alio Solis deliquo circulus ille lucidus circa Lunam à Clavio observatus? Fors est ut utriusque luminaris centra non accuratè conjuncta fuerint, tum cum eclipsim Clavius observavit. Videndum quoque est an Luna perigæa fuerit, vel apogæa? Nec mirum si totum Solem non absconderit, si in maximâ à tellure distantia extiterit; tum enim minorem arcum in suo cælo obtinuit. Sed tamen Luna tum apogæa non fuit. Necessè igitur est, ut vel aër densior globo lunari circumfus, lucem Solis instar exilis circuli infregerit; vel aër terræ finitimus, qui præ densitate suâ, & albedine quâdam insitâ, crepusculorum est causa, umbræ lunaris corporis non immerfus, solares radios ad nos usque inflexerit. Quid tandem prohibet, ne Lunæ ut aquas & insulas, sic atmosphæram quoque tribuamus, quæ radios Solis infractos ad nos usque deducat. Tycho Braheus negat interpositu Lunæ, adeò obscurari posse Solem, quin extremi illius margines illustres appareant; quòd diametrum Solis visibilem majorem diametro Lunæ constituat. Keplerus contrà Lunæ diametrum aliquantulum majorem apparere existimat; atque adeò quotiescunque amborum luminarium centra coeunt, densissimâ caligine aliquam terræ partem obvolvi arbitratur. Keplero magis favent eclipses plurimæ, quas historiarum scriptores memoriæ prodiderunt. Quamquam fieri possit, ut stellæ de die appareant, etiam cum Sol totus à corpore lunari non tegitur. Maxime si Luna sit aliquantulum supra horizontem magis quàm Sol elevata, & utrumque sidus horizonti vicinum; Solisque infima portio appareat; tum enim aër superior ab umbrâ Lunæ magis obscuratur: quare nox major capitis nostris imminet. Hinc fortè ante medium eclipsios matutinæ, majores quàm post, tenebræ offunduntur; lux enim crepera tum exstinguitur. Contrarium evenit in eclipsi vespertina, in qua post medium eclipsios nox densior ingruit. Cum verò eclipsis sit Sole, & Lunâ ad verticem nostrum accedentibus, tum sanè

*De eclipsi  
multa.*

res omnes colorem mutant, idque maximè æstivis, ac serenis diebus videre est, quòd oculos majore antea luce perfusos subita obscuratio fortius offendat; unde species, quæ visus imbuatur, lucem cum obscuritate miscens, flavum, vel rubeum colorem exhibet: quod non evenit cælo nubibus obducto; vel cum eclipsis horizontalis existit, quamvis majores tenebræ incurrant, rebus tamen proprium colorem non aufert; quia nihil insolitum patitur visus. Ita quidem Keplero videtur. Hæc sanè pluribus quàm par fuit tractavimus, si cogites ea, quæ hodie nobis evolvenda restant: paucissimis tamen perstrinximus, si rem spectes, & argumenti fecunditatem.

\*\*\*\*\*

## CAPUT QUINTUM.

### *De reliquorum planetarum theoriâ, ubi fusè de vero mundi systemate.*

- I. *Systema Copernici proponitur, phasæ Veneris, stationes, directiones, & regressus planetarum, juxta hanc hypothesein explicantur.*
- II. *Tria Ptolemei, Tychois, & Copernici systemata refelluntur.*
- III. *Expositus omnibus phaenomenis novum P. Fabry systema expenditur.*

### *Theophilus.*

**S**equitur disputatio copiosa illa quidem, sed paulò abstrusior de motibus quinque stellarum, quas errantes, seu planetas dixere; at nonnulla de corporum celestium coordinatione, seu de vero mundi systemate dicenda sunt antè breviter, quòd facilius oratio progressi possit longius. Nisi enim prius inter nos conveniret, quibus locis quæque sidera aptata fuerint, quoque ordine disposita, nihil certi de eorum motibus definiri potest. Neque res esset adeò difficilis, si recentiores Astronomi antiquorum decretis acquiescere maluissent, quàm nova portenta fingere. Nam quid naturæ convenientius, quid intellectu facilius, quàm Ptolemæi systema, ubi terra *Systema* immobilis medium universi occupat, tanquam vas celestibus influxibus mundi excipiendis destinatum. Terræ finitima est Luna, quam naturæ Ptolemæi conditor voluit perpetuum esse quoddam, & manifestum quasi calendarium, ut ubique gentium ipsa accretione, vel diminutione luminis sui, tanquam factorum dies notaret. Cum & terræ umbram subeat,

&c



& Solem sæpe obsecuret, illam telluri esse proximam & longè humiliorē Solē, apertissimè constat. Plusculum difficultatis est in Mercurio, & Venere: nam eodem ferè motu cum Solē progrediuntur; nec Venus longiùs quàm 48. gr. Mercurius verò 27. gr. ad summum, hinc atque inde à Solē digreditur. Quare Mercurius rarò sub conspectum cadit: nam & minimus existit, & solaribus radiis opprimitur. Lunam Mercurius, hunc Venus, Sol Venerem excipiat, ut medium inter planetas locum obtineat. Mars Solē sublimior est, cui succedit Jupiter, Saturnus denique inter errantia sidera supremum locum sibi vindicat: idque ex eorum motibus colligitur. Quo enim cælum aliquod sublimius est, eo tardiùs ab occasu in ortum motu proprio cietur; seu potiùs ab ortu in occasum majori celeritate fertur. Sic Luna spatio menstruo; Mercurius, Venus, & Sol ferè intra annum circuitus suos absolvunt: hinc forsitan in eodem cælo versantur. Mars biennio; Jupiter 12. annis; Saturnus denique 30. annorum intervallo suos circulos explicant, stellæ fixæ non nisi post 36000. annorum volumina revolutionem suam conficiunt. Quocirca stellæ celeritè ab ortu in occasum rapiuntur. Quid igitur in mentem venit Copernico, ut hunc pulcherrimum naturæ ordinem perturbaret, clarissimis rebus tenebras obduceret, & Solē in centrum mundi relegato, terram inter sidera consecraret; adeò ut Luna circa telluris globum, tanquam in epicæclo circumferatur; ut in schemate jam à te, mi Simplici, delineato cernere est. Sole enim in puncto M constituto, terra motu aëno magnū orbem D B D percurrat. Cùm in D existit v. gr. in principio Libræ tum Sol sub puncto B, seu in principio Arletis apparebit. Jam telluris globus ad E, sive ad initium Capricorni perveniat, tum Sol per radium E M C, sub puncto C, vel primogradu Cancrī videbitur. Et ita tellure motā in zodiaco, Sol ipse quamvis imotus progredi appareat. Luna verò circa terram D in propriā orbitā H F H convertitur. Cùm in puncto F existit, tum nobis Soli conjuncta appareat: nam ambo sidera per eundem radium D F M cernuntur; ubi ad punctum H pervenerit, pleno orbe lucebit; quique in terra D versamur Soli oppositam intuebimur, ac totam illius faciem à Solē collustratam videbimus. Postremò, cùm in punctis 2. G, vel I futura est, tum *ἡρότου*, seu in quadraturis apparebit. Jam cedo quid Lunam terræ sic alligat, ut circa eam torqueatur; atque annuo telluris motu rapiatur. Cæteri quidem planetæ circa Solem, si Copernico credimus, aguntur; adeò ut Mercurii orbis Solem proximè ambiat, tum Veneris cælum, tum magnus terræ orbis, cui Mars, Jupiter, & Saturnus eodem quo diximus ordine succedunt; sed firmamentum stat immobile. Cùm enim, inquit, cælum stellarum omnia contineat,

tan-

Systema  
Copernici  
pervelli-  
tur.

1.

2.



in tam absurdam opinionem non concedere modò; sed etiam quasi præcípites ire. Verùm nullum æquè admíror, ac Cartesium, cui parum fuit hoc systema Copernici amplecti, nisi alia quoque absurdiora fingeret. Nescio quòs votices comminiscitur, qui ne concipi quidem possunt. Totum hoc uníversum in alios minores, atque innumerabiles múnDOS secat. Nec cognovi quémquam, qui majori auctoritate nihil diceret. Sed verèor ne híc Menander Cartesio juratus dicam injuriæ, & quidem atrocioris mihi ímpingat.

*Men.* Desipiunt scilicet omnes, qui tecum non sapiunt. Eiceat igitur mihi cum furentibus paululum insanire; & videamus an aliquà saltem probabili conjecturâ suaderi possit Solem in mediò mundi, non quidem stare; sed circa suum axem torqueri. Quid quæso te, naturæ convenientius, quàm illud Copernici systema, ubi Sol fons luminis, & caloris, múnDI centrum occupat, ut planetæ omnes suo lumine collustrèt. Quis, inquit Copernicus, in hoc putcherrimo templo lampadem hæc in alio meliore loco poneret, quàm unde totum possit illuminare: ita profectò: tanquam in solio regali Sol residens gubernat astrorum familiam. Non igitur aptius locati potuit, quàm in medio uníversi, ut cuucta suo lumine, & calore perfundat. Hinc planetæ quo Solem viciniùs petunt, eo sunt illustriores, ut Mercurius, qui Solem proximè ambit, splendidior est Venere; Venus Marte, & ita porrò. Jam in systemate Ptolemæico omnes planetæ tumultuario quodam ordine disponuntur. Luna citissimè circa terram immobilem torquetur, tum Mercurius, Venus, & Sol eodem serè passu incedunt; cumquè Mercurius, & Venus à Sole quandoquè exorbitent, ingentes ipsi epicycli aptati sunt in quibus deferantur. Venus serè 48. gr. huc illuc excurret: quociens eam immani euldæ epicyclo illigatam voluit, ejus diametèr major sit quantâ eest sui parte. Quid absurdius fingi potest? sed vide quàm aptè omnia in Copernici systemate cohercant. Sol circa suum centrum spatio 26. dierum volvitur: Mercurius tribus serè mensibus; Venus novem; terra annuo spatio; Mars biennio; Jupiter 12. annis; Saturnus 30. suas periodos absolvunt. Sed, inquires, cur Mercurius, & Venus aliquot duntaxat gradibus à Sole excurrunt; nequè unquam ei opponuntur? id sanè explicatu minime arduum est.

Sit Sol in medio múnDI T, ejus centro describantur plures circuli, *Veneris et* S C S, qui Veneris aut Mercurii orbitam exhibeat, L N L. orbem tel-  
*Mercurii* luris magnum exprimat: circulus denique C E C superioris planeta  
*phenomena.* orbem; vel ipsam eclipticam demonstrèt. Cum Venus in puncto G versabitur, tum in eodem cum Sole loco, atque à nobis remotissima vide-



*Phases seu  
luminis  
incrementa  
in Veneris  
orbem, seu  
in Lunam  
na obser-  
vantur.*

nitur, diffitam. Quocirca bis cum Sole conjungitur, atque in eodem loco nempe in puncto E apparet, cum scilicet in G, & S commoratur. Bis quoque maximè à Sole digreditur, nimirum in punctis H, & F. Quo autem Veneris orbita major statuatur, eo longius à Sole excurret. Cum itaque Mercurius vix 27. gr. à Sole discedat, minorem circa Solem circulum, ut Venus majorem describit. Verùm meo quidem judicio nihil æquè Copernici hypothesim confirmat, quam Veneris phasces. Nam ubi prope punctum S versatur, nobis in L existens, etibus maxima videtur, & tamen tubo optico tenuissimè falcata appareat, quod Sol in T collocatus partem Veneris nobis averfam illustret. Cum autem puncto G vicinior est, tum quidem plene lucet orbe; sed nihilo secius longè minor apparet, quod scè sexies longius à terrâ distet. Jam si Venus Sole sublimior foret, nunquam dimidiata vel falcata videretur; uti nec superiores planetæ lumine diminuti unquam cernuntur. Quod si Sole inferior instar Lunæ existeret, circa utramque conjunctionem falcata cerneretur. Postremò, si terra centrum foret Veneris orbitæ, nonnunquam Soli, uti & Lunæ opponeretur. Nec clam me est fore ut vos epicyclum confugiatis, adeo ut idem sit motus Solis, & Veneris, idem utriusque medius motus; nisi quod Venus in epicyclo suo obambulans, longius quandoque à Sole discedat. Sit ita sanè. Jam quæro utrum ille epicyclus Soli sit sublimior, an depressior? quod si humilior constituatur, nunquam vel plena, vel dimidiata saltem Venus cerneretur: quandoquidem ne quadrante quidem circuli à Sole unquam Venus recedit. Manifestum est, Lunam tenuiter esse falcatam, atque exilem lucis circulum exhibere, cum minùs quadrante circuli à Sole distat: at tubo optico Venus non *distat*, tantùm, sed etiam plena conspicitur. Superior igitur Sole hic epicyclus statuatur. Quod si ita sit, Venus instar Martis, vel Jovis pleno orbe ubique fulgebit. Mirum etiam si tam immanis epicyclus fingi possit, ut Venus supremam illius partem percurrens sexies à nobis sit remotior, quàm cum infimam partem peragrat, ac nobis citima est. Restat igitur ut Veneris orbita ipsum Solem ambiat; sic enim quandoque superior Venus, quandoque inferior futura est; cumque terræ orbis tum Veneris, tum Mercurii cælum contineat; nihil mirum si hi planetæ non multùm à Sole digrediantur. Nam è quocumque loco spectentur, semper in easdem cum Sole partes directi videntur, nobis quippe in puncto L versantibus Venus in H existens, in puncto K & Sol T, sub puncto E, scilicet ex eadem parte conspiciuntur, quamvis tum Venus quàm potest longissimè à Sole discedat. Nescio an hæc ultà tergiversatione eludi queant. Keplerus quidem cum cerneret Venerem

nerem in superiore cum Sole congressu, circa G, diutius latere, ac lumen debilius spargere; descendente verò, & vicinam puncto S, longè clarius lumen vibrare; adeò ut in ipso conjunctionis puncto instar majoris stellæ cerni queat; existimavit eam propria, & congenita luce fulgere. Verùm post telescopii inventionem nemo amplius in dubium revocat Venerem emendicato lumine, relucere: nam eandem ferè cum Lunæ phases, & luminis incrementa sustinet. Tycho quidem observavit Venerem in ipsâ cum Sole conjunctione; sed necesse fuit, ut Venus tum maximâ latitudine donaretur, & Sol forsitan tum temporis multis maculis obscuratus sit. Illud certè est mirabile, quòd oculorum iudicio Venus in utraque conjunctione, in G, & S, sibi ferè æqualis appareat; cum tamen tubi optici beneficio maxima videatur, dum nobis in puncto L existentibus, ipsa puncto S vicina, tenuiter est falcata. Minima verò dum plena cernitur in puncto G. An fortè quòd plena existens, lucido capillitio resurgat, quòd omnes stellas, tum fixas, tum errantes longè majores quàm revera sint exhibet; quin etiam sæpe interdum videtur eum terris est finitima: quamquam sit in cornua tenuiter sinuata; fortiores nihilominus lucem reflectit, quòd pars Veneris illustrata, & nobis conspicua sit majoris circuli portio. Mercurius nunquam falcatus cernitur: nam & minor, & Soli propior est; adeò ut vix observari possit; neque enim sui copiam facit.

Orbis terræ cœlum Veneris complectitur: quid est enim cur terram inter planetas non censeamus; cum suas habeat phases, nec minus quàm cœteri planetæ reluceat; cum opaca sit, solida, & aspera, omnes denique conditiones ad luminis reflexionem requisitæ in illam cadant. Copernico quidem placuit telluris globum triplici motu cieri; annuo, diurno, & tertio quodam, qui efficit, ut illius axis ubique versetur, sibi parallelus existat: nempe ut poli terræ eundem semper in celo situm obtineant. Sed, ut ingenue fatear annuus, & diurnus motus planè sufficiunt, ita ut terra ferè instar rotæ in curru moveatur, nam ut rota, sic terra motu diurno circum se agitur. Axis quidem terræ per motum annum de loco in locum migrat; sed cum sibi semper parallelus constituitur, in eandem cœli plagam dirigitur. Finge trochum, quem in magno circulo puer contorquet; hic majorem circulum, ut terra magnum orbem illustrat; circa suum centrum & ubique sibi æquidistat: ita ut ad eundem cœli locum convertatur. Rogabas tu quidem 'cur stellæ aliquando majores non appareant, cum ad eas propius accedimus? nec attendis non terræ modo globulum; sed etiam totum in quo defertur orbem, puncti instar habere, si cum

*De utroque terra motu.*

*Quare stella in iisdem locis cernantur.*

Q3

firma-



firmamento conferatur. Hoc tibi monstri simile videbitur, non item nobis, qui nullum divinæ potentie terminum præscribimus. Quod si stellæ propriâ, non mutuatâ, luce splendeant, ejusdem cum Sole sunt conditionis, ejusdem forsitan & molis: ac Sol è firmamento visus ceu stella cerneretur, nec magnus ipse terræ orbis Sole major appareret. Corpus enim lucidum in speciem ampliorem spargitur, ut videre est in lucernæ flammâ eminens spectatâ. Sic Jupiter æqualis videtur extremo circulo, quem ultimus satellitum motu suo describit.

*Diversitas  
diurnæ &  
nocturnæ  
ex mente  
Copernici  
explica-  
tur.*

Longum est si velim diversitatem dierum, & noctium, ac varias anni tempestates juxta hypothese[m] Copernici explicare: imò & frustra tempus toram. Cum enim axis terræ, atque adeo illius æquator sibi sit ubique parallelus, eundem semper in celo situm obinet, ad eandem stellam dirigitur, ac prorsus immobilis apparet; seu terra, seu Sol ipse moveatur, eadem prorsus contingunt phænomena. Idque evidentiſſime in sphaerâ Copernici, si nunc haberem præ manibus, demonstrarem; in quâ horizon, & meridianus unâ cum terrâ in magnò orbe promoventur; sed propter axis parallelismum, & orbis magni cum firmamento collati insensibilem magnitudinem, immobiles prorsus apparent. Ecce tibi vulgarem sphaeram, in cujus medio globus terrestris, suis circulis instructus collocatur. Hunc globulum eximam, eumque sub zodiaco sic manu circumducam, ut ubique sibi parallelus existat. Jam Solem in medio existentem fingamus, atque primo gradul Arietis globum telluris supponamus. Tum certè hic globulus circa suum centrum gyrans, dies ubique terrarum noctibus æquales exhibebit. Cum enim Sol dimidiam terræ partem collustret, & uterque telluris polus in partem illustratâ, ac tenebroſæ consensio versetur, æquo temporis spatio omnes terræ incolæ luce ac tenebris fruentur. Nulla enim est ratio, cur dies sit major vel minor nocte. Quare qui zonam torridam inhabitant, tum radios Solis directos, ac perpendicularares excipient, atque illis æstas maxima continget. Jam paulatim terræ globum versus principium Cancrî promoveo. Vides ut sensim axis terræ à Solè digrediat, Sol quidem in parte oppositâ circa initium Capricorni cernitur, ac polus nobis conspicuus, seu axis terrestris, vel mundani extremum tum longissimè à Sole declinat, quæ radiis maxime obliquis nostras regiones collustrat. Nam polus æstivus hemisphærio terræ tenebroſo altè immergitur. Nobis adeo hunc polo vicinis dies brevissimi contingunt. Sed qui Australem plagam incolunt, & æstate, & diebus longissimis gaudent; quod eorum polus ad Solem maxime inclinet, atque in partem telluris irradiatam multum sit

pro-



progressus. Jam globo terrestri ad principium Libræ accedente, polus nobis conspicuus paulatim ad Solem accedit, ac tandem in partibus illustrata & obscura confinio existens, dies rursus nocti æquatur; tumque Sol in principio Arietis cernitur. Denique cum globus telluris ad principium Capricorni pervenit, tum polus arcticus maxime ad Solem inclinatur, atque in partem irradiatam altissime provectus est. Hinc Sol radios directiores vibrat, & dies longissimus efficitur. Siquidem pars terræ in qua degimus, motu diurno describit parallelum, ejus major portio solaribus radiis collustratur. Ut semel finiam, Systema Copernici nihil à Ptolemaico differt, nisi quod Sol, & terra locum commutent, ac Luna terram circumeat. Nam teste Aristotele maximam cum terra cognationem habet. Jam verò sensuum judicio definiri nequit, an Sol, vel terra moveatur. Cum enim duo corpora, à se mutuo divelluntur, visus minori motum affingit, in illud quippe aciem dirigit: hinc nubes aliqua, si vento in occalum rapiatur, tum Luna ipsi obviam versus ortum ire, nobis apparet. Cum igitur terra, & nos cum ipsa ab occasu in ortum promoveantur, hunc motum sideribus ab ortu in occalum tribuimus. Imo si ad visus judicium rem exigimus, nec Solis nec stellarum motum percipit: nam oculus totum hemisphærium in momento lustrat, quod Sol duodecim horis percurrit; adeo ut hic motus sit penitus insensibilis, si cum oculorum & capitis agitatione conteratur. Sol quippe quatuor horæ minutis in eodem gradu moratur: hinc nobis videtur plane quiescere; ac solo discursu, non visu corporis hunc motum percipimus. Sic enim sere colligimus, modo illic erat, jam hic existit; ergo huc promotus est. Atque ut optime animadvertit Keplerus, non motum modo, sed etiam varias illius species, ut ortum, & occalum, ascensum, & descensum sideribus affingimus; neque his appellationibus abstinere possumus. Sive cessent sidera, sive ipsa moveantur; quique in Luna existeret, necessario eisdem vocibus uteretur, nec motum Lunæ perciperet, sed cum terræ tribueret. Cum autem scripturæ Solem moveri asserunt, necessariam visus nostri affectionem inlinuant; nec fallum dicunt, sed quid oculis appareat, vel ex visu colligatur, verissime affirmant, atque ad institutum suum accommodant.

Sequitur Martis orbita, quæ orbem terræ magnum cingit. Siquidem Mars suum circulum longiore temporis intervallo absolvit, nec Soli conjunctus, falcatus apparet. Tamen circa quadraturæ minus fulgeat, & pars Soli obversa longe illustrior videatur, quod lumen suum à Sole, ut cæteri planetæ, mutuatur. Sed cur Soli oppositus, & cum vespere oritur, officis ferme major, quam cum mane emergit

*Superiorum planetarum phaenomena.*

con-

Vide superiorem figuram

conspicitur, quando scilicet cum Sole conjungitur? Necessè profectò est, ut Soli oppositus, nobis sit multò vicinior. Solem in T, terram in S, Martem in L concipiamus. Numquid palam est tum Solem per radium ST in puncto eclipticæ E, & Martem per radium SL sub puncto vel stellâ C, & Soli oppositum conspici, tumque Martem terræ longè esse propiorem, quàm si terrâ manente in S, idem Mars existeret in N, ex eadem cum Sole parte videatur: idem prorsus per viginti annos in Jove & Saturno observavit Galilæus; sed cùm longiore à nobis distent intervallo, vix ultra tubum opticum, hoc discrimen apparebit. Mars verò Soli oppositus aliquando Jovem magnitudine æquat, cùm in ipso cum Sole congressu, vix stellam secundi ordinis superet. De Marte hætenus. Jupiter Marte superior 12. annis zodiacum lustrat; quatuor sideribus seu satellitibus circumdatur, qui circa Jovem eo celerius feruntur, quo ipsi sunt propiores. Intimus; & Jovi proximus, 40. ferè horarum spatio, hunc alius excipit, qui 84. horis; tertius diebus ferè septenis; extremus demum diebus sexdecim circuitus suos complet, Fontana quidam Neopolitanus duas itidem stellulas Veneris velut pedisequas deprehendit. Omnes hi satellites non immeritò lunulæ vocitantur: nam ut Luna circa terram, sic minutiora illa sidera circa Jovem, vel Venerem contorquentur; atque easdem phases sustinent; ac Luna; defectiones itidem patiuntur, ubi Jovis umbram subeunt; parte duntaxat Soli obversa collustrantur, ac Solis lumen in ipsum Jovem regerunt. Ultimus planetarum est Saturnus, qui 30. annis orbem suum emetit, ac duobus quoque satellitibus stipatus creditur; sed verisimilius est nihil eos præter partes quasdam Saturni eminentiores existere, quæ per certas cavitates, planetæ coherant; nec possunt illæ valles sub aspectum cadere, quòd sint decessiores. Rem ita se habere argumento est, quòd à Saturni lateribus nunquam discedant, nec instar Jovis satellitum circa eum gyrent. Unde Saturni stella non perfectè sphærica videtur, sed ad ellipsim magis accedit. Sic macula quædam in Martis meditullio subnigra cernitur, quam non esse montem atro colore infectum, ut placet Campanellæ, existimo; sed cavitatem potius quandam esse, qualis in Venere deprehenditur conjicio. Hæc quidem non ægrè conceditis, sed impudentes sumus, qui terram inter Martis & Veneris orbitas mobilem constituimus. Rem tamen ita esse cùm multa demonstrant, tum maxime quinque planetarum motus.

Cur planetæ starent aliquando, & regressi viderentur.


Neque ignoras, Theophile, planetas omnes, si Solem & Lunam exceperis, nobis aliquando in consequentia ferri, (tumque directi & regressi appellantur) nonnunquam stare, sæpe in contrarias partes retroagere appa-

apparere. Quodque magis mirere, superiores qui sunt planetæ, Mars, Jupiter & Saturnus semper retrogradi videntur, cum Soli opponuntur; directi prope conjunctionum loca; contrarium in Venere, & Mercurio experimur. Nam in superiore conjunctione, seu cum faciem à Sole irradiatam nobis obvertunt, directi; circa inferiorem contra retrogradi cernuntur. Unde hæc miracula? Stellæ omnes æquali motu cidentur; quid illis cum Solis motu commune est? Cur Saturnus sæpius regreditur, quam Jupiter, & hic frequentius Mars? An rursus ingentibus epicyclis cælum onerabimus? Quàm proum est hos planetarum errores explicare, si terram moveri phænomenis conuicti fateri volumus. Nam quæ eadem celeritate cum oculo feruntur, stare credimus; quæ tardius oculo incedunt, in contrariam ferri partem; quæ celerius, præcurrere videntur. Hæc est nō fallor propositio 54. Optices Euclidis, quam ipsa comprobat experientia. Finge duas naves in eandem partem agitari. Quod si illa in qua vehis celerius promoveatur; iurabis alteram retrocedere: si amba æquali passu incedant, utraque immotam putabis. Denique si navis, quæ te vehit, tardius feratur, alteram quàm citissime agi credas. Cum igitur terra in puncto & consistet, Jovi vel Marti in puncto L existenti proxima, tum Jupiter Soli oppositus conspicietur; cumque in eadem partes ambo ferantur, & terra velocius moveatur versus H, quàm Jupiter versus I, hic regredi à puncto C, in Q videbitur. Nunc Jove in eodem puncto L remanente, aut paululum progresso, fingamus terram prope punctum G existentem; adeo ut Sol & Jupiter coire videantur. Nonne terra versus F, & Jupiter versus I, in contrarias nimirum partes nituntur. Quare tum velocissime Jupiter progredi in consequentia, & maxime directus apparebit. Nam qui in tellure versamur, motum terræ, quem non percipimus, Jovi & aliis planetis affingimus. Hæc sanè pulchrè cum phænomenis conveniunt: nam circa oppositiones, cum planetæ superiores vespere oriuntur, atque in L versantur, terrâ in S constitutâ, tum retrogradi; circa ortus matutinos, quando cum Sole congregiuntur, directi; in medio serè inter utrumque limitem intervallo stationarii cernuntur, ut circa puncta H, & F, terrâ in G vel S existente. Hinc jure Plinius miratur Martem senis mensibus sæpè in eodem zodiaci signo commorari, quod duorum mensium spatio debet percurrere.

Jam Venus quoque ac Mercurius suas stationes, suos habent regressus. Solem itaque in T, Venerem in S, terram in N constituamus, hæc cum motu annuo versus M progreditur, tum Venus versus H motum suum accelerare apparet; directâ igitur, ac veluti præcipiti

R

motu




motu lata conspicitur, quando pleno orbe fulget. Idem usuenire so-  
 let, cum navi delati, aliam velis passis in contrarium actam offendi-  
 mus; nos quidem stare, illam verò raptissime ferri credimus: siqui-  
 dem in illam nostræ navis motum transferimus. Quando Venus ad  
 punctum

punctum H pervenerit, si terra in eodem quo prius loco scilicet in M permanere concipiatur; tum nobis Venus multum promota, sub stella R, hoc est in maximâ à Sole digressionem videbitur. Sed ubi inter H & G consistet, jam nobis in N collocatis, versus C regredi apparebit. Hæc sanè phænomena cum terræ motu optimè conveniunt; vix aliter explicari posse putem. Dic obsecro cur Sol, & Luna nunquam, cæteri vero planetæ sæpius retrogradi videantur? Cur Saturnus frequentius quam Jupiter, & hic crebrius quam Mars retroagantur; Mercurius sæpius unoquoque anno, Venus vix semel sit retrograda? Cur in Marte arcus retrogradationis (dabitur enim profecto, ut in rebus inusitatis utamur interdum verbis non auditis) major sit quam in Jove, atque in Jove major quam in Saturno? Horum omnium causæ nobis in promptu sunt; vos sudare oporteat, ut vel unam proferatis. Sol quidem retrogradus nunquam existit, est quippe veluti centrum, circa quod terra vertitur: unde tellure motâ ipsum progredi nobis appareat necesse est. Nec Luna unquam regreditur, quia circa terram, ut centrum gyrat; motus terræ annuus, Lunæ communis est; diurnus ipsi non competit, hunc adeo corpori lunari affingimus. Saturnus verò singulis fere annis fit retrogradus: cum enim vix 12. gr. in propria orbitâ unoquoque anno conficiat; quando telluris globus circuitum suum complevit, brevi eum assequitur; adeo ut terra à Saturno digressa, post duodecimum mensem eum semisse ad eum revertatur, tumque Saturnus sit iterum retrogradus, nempe cum terræ est proximus, & Soli quasi oppositus videtur. Sic Jupiter decimo tertio quoque mense retroagi nobis apparet; cum enim 30. gr. intra annum decurrit, terra post 13. menses, & aliquid amplius, eum assequitur. Eadem quoque ratione Mars non nisi exacto biennio fit retrogradus: tantum enim temporis exigit ut ad illum redeat. Mercurii frequentiores sunt quam Veneris regressus, quod ille 80. fere diebus suum orbem perlustrat: hinc sæpius cum terrâ vel Sole conjungitur. Mars quod terræ sit vicinior majorem arcum retrogressus in firmamento exhibet. Terrâ quippe inter S, & H constitutâ, Mars existens in L regredi nobis videtur; adeo ut sub stella Q appareat, & arcus CQ retrogressus, tanto major existat, quanto punctum L nobis est vicinius. Unde stellæ fixæ nunquam retrahi apparent, quod immenso à nobis distent intervallo. Nec aliunde planetarum loca, nisi ex fixis dignoscimus; quocirca si Mars antea sub primâ Tauri stellâ visus, jam sub primâ Arietis appareat, illum uno signo regressum fuisse arbitramur; sed nihil ultra stellas fixas contuemur, cum quo earum vel directiones, vel stationes, vel regressus metiamur, sæpius igitur Saturnus

*Quare Sol & Luna nunquam regrediuntur.*

*Quare in Marte arcus retrogr. major est quam in Jove.*

turgus retroagitur quàm Jupiter, & Mars; sed pauciores gradus in suo regressu percurrit, non modò quia motu tardior fitur; sed etiam quia sublimior existit. Bis unusquisque planeta videtur stare, circa puncta I, & M prima statio sequitur conjunctionem cum Sole, quando scilicet directus planetæ motus paulatim decrevit, atque ab illa statione jam fit retrogradus; altera post oppositionem contingit; cùm planeta cursum suum paulatim accelerat. Hæc sanè multo illustrius systema Copernici demonstrant, cùm ad calculum; & numeros exiguntur: nam stationum, & retrogradationum loca, tempora, arcus denique ipsi pulcrè aded cum planetarum distantis, & motibus conveniunt, ut qui rem accurato examine perpenderit, aliter eam se habere non posse constanter assereret.



**Под**



Non equidem ignoro, pleraque id genus phenomena cum Tychoonis systemate, utcunque consentire: nam repetitò schemate, quod nobis, simplici, in Solis theoricà delineasti, terra centrum mundi M occupet, quo Lunæ, Solis, & firmamenti orbes describantur, Centro verò Solis, ubicunque sit, puta in D, Mercurii, Veneris, & aliorum planetarum circulos descriptos concipe, unus nobis sufficiat H F H, qui Veneris orbem exhibeat. Hinc liquet primò, cur Sol quinque planetarum motus gubernet, cum illorum centrum occupet? II. Cur Venus, & Mercurius ne ad sextilem quidem aspectum, vel 60. gr. à Sole digrediantur: nobis enim in puncto M existentibus, quocunque in loco Venus versetur, semper Soli finitima apparebit: Dissimulare tamen non possum multa in hoc systemate rationi minus esse consentanea. Illud imprimis, quod epicycli planetas aliquando nobis proximos admoveant, aliquando longissimè à tellure esserant; quomodo enim aliter explicari posset, cur Venus ferè quadrages minor, tubo optico deprehendatur, cum faciem à Sole illustratam nobis exhibet, quam eum à nobis eandem avertit. III. Extra fidem est Solem quinque planetarum orbes secum rapere, & circa terram convertere; maxime cum totum cælum sit liquidum; atque orbis, in quo Sol movetur, quantus quantus sit, vix orbis Saturni decima pars existat. IV. Cælum Martis juxta hanc hypothesim Solis orbitam intersecat: nam & Martem Tycho observavit Sole nobis longè propiorem. Quare per eundem locum Mars & Sol transeant necesse est; ac fieri poterit, ut aliquando sibi occurrant. Jam quæ collisio horum corporum futura est, quam toti terrarum orbi metuendum erit Martis incendium! Sed in rebus tam severis non est jocandi locus.

Ptolemæus ut planetarum excursions, & varias à nobis distancias explicet, ad epicyclos identidem confugit, quos libentissimè Tycho amplectitur; ut planetas terræ admoveant. Imò ut stationum, & retrogradationum negotium conficiant: supponamus enim Martem in sua orbità D B D existentem deferri in epicyclo H F H; adeo ut ambo motus cum centri epicycli D, tum planetæ in epicyclo H F H, annum Solis motum adæquent. Cum igitur Mars punctum H obtinebit, tum centrum epicycli, & planeta in epicyclo in easdem partes versus E, seu in ortum ferentur: celeriori ergo motu tum planeta agetur. Jam ubi Mars à puncto I in F progreditur, tum incipit retrogradi, nam velocius in epicyclo, quam epicyclus in magno orbe; planeta deferitur, atque ambo motus in contrarias partes distrahuntur. Verum non immeritò epicyclorum machinas è cælo depu-

*Quibus  
rationibus  
systema  
Tycho-  
nicum infir-  
mitur.*

*Rationes  
adversus  
Ptolemæum.*



listi, Theophile: quantus quæso erit Martis epicyclus, qui illum terræ tam propè admoveat, & tantum retrogradationis arcum efficit? sed plura peccat Ptolemæus, qui omnium planetarum (Sole excepto) motus inæquales super proprium centrum existere, contra ipsius artis principia decebat. Nec dissimulat Copernicus quinque planetarum motus occasionem ipsi præstitisse, de telluris mobilitate cogitandi, quod, inquit, principia artis permaneant, & ratio inæqualitatis apparentis reddatur constantior. Hoc certè systemate posito atque concessio, quinque planetarum theoricæ minimè sunt obscuræ. Nam singuli orbem soli excentricum percurrunt. Finge Solem in puncto A constitutum. Jupiter excentricum suum CDC, duodecim sermè annis peragrat; dum centrum M minorem circulum MPM duplo velocius decurrit. Atque interim apogæum medium C lentissimo motu incedit in consequentia; vix enim singulis diebus 9". conficit. Eadem est cæterorum serè theoria, nisi quod Mercurio aptetur, quod præ reliquis majorem inæqualitatem præferat. Ptolemæus quippe minimas illius à Sole digressiones, in signo Libræ, majores in Ariete, maximas in Geminis, & Aquario contingere observavit. Vix tamen sub conspectum cadit, quod Soli sit finitimus: nonnunquam instar macule in disco solari visus est.

De latitudine planetarum.

Latitudo porro eadem serè in omnibus planetis manet, quamvis major appareat, cum planeta perigæus terram viciniùs petit, minor cum apogæus longissimè à nobis distat: id enim juxta leges Optices fieri necesse est, cum quæ propiora sunt, eadem majora videantur. Quod si excentrici orbis tibi displiceant, nihil repugno; quin ellipses planetis decernas; eâ lege ut Sol inferioris foci locum occupet; quemadmodum scitè ex illustri Pagano superius exposuisti: nam & ipse nobiscum sentit, & systema Copernici amplectitur, de quo suspirium quam insitueram, disceui, quod tibi, Theophile, nimis quam absurdum, & à communi sensu penitus abhorreere videretur.

Systema Copernici resolutum.

*Th.* Jam si placeat disputationis tuæ rationem incamus, quæ mihi quidem hoc syllogismo contineri videtur. Illud systema cæteris est anteponendum, quod cum phænomenis optime consentit; sed nullum adeo omnibus experimentis satisfacit, ac Copernicæum: quid igitur impedit, ne illud cæteris explosis amplectamur. Eadem ratio mihi liceret contorquere, ac concludere: nullum serè systema cum phænomenis non convenit: ergo nullum est rejiciendum: quasi ex falso verum concludi non posset? An oblitus es illius regulæ, quam Arithmeticæ tradidit? hæc si bene memini, falsarum positionum vocitant; nam falsis quibusdam positis, ipsum qui quærebatur numerum soler-

ter

ter inveniunt. Quidni ergo falsissimæ hypothese phenomena congruent? ingeniose quidem Copernicus, cur stare, & tetrogradi videantur planetæ, ex motu telluris explicat: sed cum orbem ipsum, in quo terra devehitur, nihil quam punctum esse cum firmamento comparatum asserit; illud sanè mihi *absurdum* videtur. Multa quoque, quæ dubia sunt, pro certis atque concessis Copernicæ assumunt. Neque adèd certum est Martem infra Solem descendere; neque rationes ex parallaxium doctrinâ depromptæ satis firmæ sunt, ut iis credere sit necesse. Non etiam satis compertum est, an superiores planetæ directi semper existant, cum in apogæis versantur. Enimverò quàm concinnè Copernicus planetarum orbitas non eodem, sed diversis centris describit; ac nescio quo modo nihil tam absurdè dici potest, quod non dicatur ab aliquo ex his recentioribus Astronomis.

*Men.* In meâ quidem hæresi persevero, donec aliquid probabilius nobis attuleris.

*Th.* Reddè hæresim vocas hoc opinionis monstrum: non enim modo sensui, & rationi, sed etiam sacrarum scripturarum auctoritati repugnat.

*Men.* Bona verba. Quod si locis scripturæ pugandum foret; sexcenta proferrem, quibus eam sæpe non quid sit, sed quid nobis appareat, docere comprobarem. Nisi fortè illos hæreticos appelles, qui negant veras aquas supra firmamentum existere, aut contendunt stellas quas intuemur, non esse innumerabiles, sed vix ultra 500. sub aspectum cadere.

*Simp.* Obsecro te, dulcissime Menander, terram & Solem suis locis restitue. Quod si pertendis Soli quietem, terræ motum tribuere, universa, & Theologorum, & Philosophorum manus in te impetum faciet. Næ tu mihi ipsam Astronomiæ urbem prodere videre, dum castellum ejus tam pertinaciter defendis, cumque terram moveri contendis, totam Philosophiam pervertis. Equid tandem fidei causâ affers? Optimè, inquis, huic systemati phænomena, nulli verò alteri concinunt. Id certè tibi non concedam: nam si terram in medio mundi, ut patet, constituamus, circa quam Lunæ, Solis, Martis, Jovis, & Saturni orbitæ convertantur; Venus autem & Mercurius circa Solem, ut sidera Medicea circa Jovem, torqueantur: omnium phænomenon rationes hinc apertissimè constabunt.

*Men.* Adde etiam omnia sidera unico motu ex varis composito agitari, quæ quidem est P. Fabry sententia. Sed multa sunt quæ te de hac opinione retrahant, quæ libens prætermitto, ne longâ litigiosa contentione tempus teram.

*Th.*

*Novum  
sistema ex  
P. Fabry  
proponi-  
tur.*

*Th.* Cedo quæ sunt illa incommoda, quæ hanc sequuntur hypotheseſi? quid hoc mundi ordine concinnius? Stellarum errantium Sol motus moderatur: superiores habet Martem, Jovem & Saturnum, qui celerius quidem ab ortu in occasum progrediuntur, hinc tardius versus ortum promoveri apparent. Luna verò Sole semper est inferior, & præter omnia sidera, tardissimo motu in occasum nititur. Venus demum & Mercurius, modo ocyus, modo tardius quàm Sol cidentur, eoque nonnunquam superiores, aliquando inferiores existunt: sunt enim velut Solis satellites.

*Men.* Jam omni verborum prolixitate concisâ, dic nobis quibus motibus quinquæ illæ planetæ ferantur, quàm figuram sibi uniuscujusque orbita vendicat.

*Th.* Jam alias diximus Solem motu ex tribus aliis conflato, nimirum circulari, qui quotidianâ conversione finitur; recto, seu transverso a Septentrione in Austrum, quique declinationis motus appellatur; alio denique recto ascensus, & descensus, ab apogæo in perigæum agitari: atque ex his duo ultimi annuo fere spatio circumscribuntur. Idem plane in omnibus planetis usuvenit, & quo motus declinationis est tardior, eo circularis fit celerior. Uno verbo, motus diurnus omnium planetarum est contortæ spiræ similis, non in orbem perfectum circumductus, & omnes fere planetæ ellipticam potius figuram, quàm circulum motu suo delineant.

*Men.* Quid porro causæ est, cur planetæ in apogæo sint directi, in perigæo retrogradi?

*Th.* Ratio in promptu est: cum enim circa apogæum versantur, tardius ab ortu in occasum deferuntur, quod majus habeant spatium decurrendum, & motus sit omnino æquabilis: hinc magis in ortum promoveri videntur. Contrâ, cum perigæi sunt, tum celerius ab ortu in occasum rapiuntur, quod æquabili motu minorem circulum citius percurrant. Quocirca tum stellas quâsi à tergo videntur relinquere, ac retrogradi vocantur, quod non in ortum, sed in occasum remeare nobis appareant. Jam ubi in medio ascensus, & descensus intervallo morantur, tum in eodem loco consistere creduntur, quod eodem temporis spatio cum stellis fixis diurnam revolutionem perficiant, atque illisdem stellis per aliquod tempus subjiciantur.

*Men.* Pulchrè tu quidem; sed quare frequentiores sunt Saturni quàm Jovis, & Jovis quàm Martis regressiones?

*Th.* Quod Saturnus celeritè in occasum moveatur, hinc citius Solem assequitur. Nihil addo de motu latitudinis, quem ex iis, quæ dicta sunt, in Lunæ theoriâ colligere est expeditum. In Venere latitu-



paulatim remittit; quare celerius in ortum nlti nobis apparet; cumque citius Sole orlatur, Solem percurrit, & matutina vocitatur. Jam ubi ad apogæum H pervenit, manè occultatur; nam unà cum Sole oritur. Verum ab apogæo egressa, atque ab H in I tendens, tardiùs Sole oritur super horizontem DB, tumque motum diurnum tardiùs Sole conficit, cum sit directà: ergo manè nobis non oritur, quòd eam Sol abscondat; sed vespere Solem sequitur. Tandem ubi ad perigæum F rediit, vespere occultatur, quia unà cum Sole occidit; sed postquam ex hoc loco eluctata est, & sursum contendit, non vespere, sed manè emergit. Circa utriusque stationis puncta G, & I longiori tempore sui copiam facit. Superiores verò planetæ cum Sole congressi, sunt orientales, seu matutini; Solem quippe præcurrunt, cum celerius Solè ab ortu in occasum rapiantur; cumque de nocte supra horizontem ascendunt, manè emergunt, & vespere Solem antevertunt. Vespertini autem sunt cum à perigæo, seu ab oppositione ad apogæum eluctantur; tum enim de die oriuntur, atque ante Solis occasum emergunt: contrarium enim in his atque in Lunà evenit, quæ cum ocyùs Sole ab occasu in ortum promoveatur, post interlunium vespere; post plenilunium manè apparet; illic Solem sequitur, hinc præcedit. Sed in his minutiis diutius quàm par sit immoror.

## CAPUT SEXTUM.

### *De stellarum fixarum theoriâ.*

I. *Systema Cartesianum proponimus.* II. *Multi illud oppugnantur rationibus.* III. *Exposito firmamenti motu, quadam ex Euclide theoremata præmittuntur.* IV. *Trigonometria serè universa, seu triangulorum Analysis ad præxim Astronomicam necessaria paucis demonstrationibus absolvitur.*

*Menander.*



ponam.

Bsecro te, mi Theophile, istos omnes aculeos, actor-  
tuosum hoc disputandi genus relinquamus; quòd sit  
universale mundi systema, quem locum unaquæque  
stella sibi vindicet, quæ tandem sit motuum cœlesti-  
um causa, placidè armis depositis inquiramus: ac  
primum quid illustri Cartesio videatur, breviter ex-

*Tb.*

*Th.* Sentit verò Cartesius nihil unquam elegans.

*Men.* Ego qui nihil quàm probabilia sequor; & refellere sine per-  
tinaciâ, & refelli sine iracundiâ paratus sum. Meministi tu quidem,  
Simplici, quòd paucis abhinc annis unâ cum aliquot ex amicis nostris  
te conventum venimus; cumque, ita ut sit, varios sermones inter de-  
ambulandum caderemus, in hanc quæstionem, quæ nunc nobis est in  
manibus, incidimus. Forte quadam unus qui tum aderat, in Cartesium  
acerrimè invectus est: negavit ullâ mentis agitatione hanc turbina-  
tam (ut ipse loquebatur) Philosophiam concipi posse. Tum amicus  
noster, vir sanè omni laude major, disertè, ac copiosè; ut est summus  
fandi artifex, non quid ipse sentiret, sed quid Cartesio videretur ex-  
posuit. Ad eundem, inquit, fermè modum, tota mundi machina ver-  
titur, quò cernimus in hoc flumine aquam in se contortam varios ef-  
ficere vortices; in quibus non rarò alii minusculi reperiuntur; qui  
omnes circa sua centra torquentur, dum communi vertigine à majo-  
ribus rapiuntur. Aliquando usvenit, ut folia arborum, vel paleæ  
horum minuscule vorticum centro inhæreant, & circumactæ se-  
pius gyrent, dum majores vortices gyrum suum semel absolvunt.  
Vortices demùm circula rem motum affectant, sed vix perfectos orbes  
describunt, nec parùm in longitudinem, vel latitudinem excurrunt.  
Non dissimili, inquiebat, modo totum hoc universum, si Cartesio cre-  
dimus, in varios vortices, tanquam in diversas provincias distingui-  
tur, centrum uniuscujusque Sol, vel stella obsidet. Solem efficit ma-  
teria primi elementi tenuissima, quæ cùm sit quietis impatiens, & mo-  
tum ab auctore naturæ sibi impressum pertinaciter conservet, raptis-  
simè circa se vertitur, atque eodem prorsus motu cælum, & planetas  
omnes circumagit, eo majori impetu, quo centrum vicinius petunt.  
Alii autem vortices minoris notæ circa terram, Jovem, & Venerem,  
torquentur: adeò ut terra 365. vicibus circa se volvatur, dum semel  
communi vertigine circa Solem circumducitur. Sic Venus, Jupiter, &  
alii forsitan planetæ circa suum centrum gyrent: quemadmodum ex  
eorum scintillatione colligimus. Astra Medicea cum Jove peculiarem  
vorticem constituunt: sic Luna circa terram duodecies volvitur,  
cum telluris globus semel circa Solem gyrat. Quid enim prohibet  
quominus terram inter majores planetas, qui suum habeant peculiarem  
vorticem, majori licèt contentum, reponamus. Postremo, plane-  
tarum motus non erunt accuratè in orbem circumducti; nec spatium,  
in quo deferuntur, erit perfectè sphæricum; sed instar ovi ex parte  
alterâ latius, & obtusius existet, sub quâ cælum expansum lentius  
fluat, quàm ubi est angustius, necesse est. Eum verò locum planeta  
quis-

*Systema  
Cartesii.*  
num.

quisque fortitus est, qui ejus soliditati magis congrueret; adeo ut satis verisimile sit planetas eo majores, vel certè solidiores existere, quo longius à Sole recesserunt. Quo magis credibile est partem Lunæ nobis obversam, minùs habere soliditatis; argumento sunt nigriores illæ maculæ, quas liquidas; & fluxiles esse satis compertum est. Id verò, quod jam subinde insinuavi ex mente Cartesii, magnos vortices esse scire innumerabiles, pulchrè hinc demonstrabat, quod eorum numerus, stellarum numero exæquetur. Nam si unaquæque stella propriâ luce fulget, nihil à Sole, nisi fortè solâ magnitudine, dissidet; adeo ut singulæ fixæ proprium suum systema habere videantur. Non enim ut plerique sibi persuadent, stellæ omnes eidem sphaeræ affiguntur. Cælum quippe solidum non est, sed fluidum; nec necesse est, ut stellæ eidem circumferentiæ inhæreant: nam corpus lucidum optimè in medio constituitur, ut undique fulgeat: nec commode in extremâ superficie collocatur, ubi media lucis portio pereat necesse est. Quod si igitur Sol una ex fixis censeatur, atque omnes sint immobiles, melius in centro sui vorticis, quàm in circumferentiâ, unaquæque stella instar Solis consistit. Totum etiam cælum cum sit spirabile, in perpetuo motu versatur, atque in eo planetæ, ut naves secundo flumine devehuntur. Nec terra, nec ullus planeta propriè movebitur, sed sui vorticis motum consequetur: tum enim res movetur, cum à viciniâ aliorum corporum divellitur, quod terræ, vel aliis planetis non convenit; quamvis motui totius cæli obsequantur. Quâ quidem ratione omnem de terræ motu invidiam amoliri in proclivi est. Cælum porrò quàm minimo impetu convertitur, quod nihil ei resistat, ac motum maxime afficiet. Quocirca totum hoc universum non instar globi concipiendum est, & licet finitum sit, nullis tamen terminis illud circumscribere possumus. Non equidem infinitum, sed indefinitum decernimus; atque in eo complura sunt centra, in quibus totidem fixæ, tanquam faces accenduntur, atque ingens æther, seu expansum circa suum Solem celerrimè agitatur. Dubitari quoque non potest, quin stellæ immenso à nobis distent intervallo: quandoquidem cometæ mole maximi inter Saturni cælum, & fixarum vortices excurrunt. Nec minùs supra fidem est stellarum à nobis distantia, quæ ab omnibus Astronomis statuitur, quàm quævis alia major. Denique metuendum non est, ne Dei opera ambitiosè augeamus, & majora quàm par sit, aut divinam deceat omnipotentiam fingamus. Addebat, quòd eum stellæ fixæ immobiles existant, nequaquam mirum est, si eandem inter se distantiam servare videantur, quamvis aliæ aliis nobis sint viciniore; tanto tamen à nobis sunt sejunctæ intervallo, ut discrimen nullum

*Has jam  
superius  
attigimus,  
sed hic  
fusus  
explicamus.*



nullum percipi queat. Tandem magni illi vortices, sic inter se sunt coaptati, ut unius poli partes alterius à polis remotissimas contingant; sic enim mutua inter se commercia exercebunt: cumque vortex rapidissime circa suum axem contorqueatur, illius materia quantum potest à centro recedit, atque per partes à polis remotiores erumpit, quòd ibi motus sit concitior. Quare necesse est ut in proximum vorticem ingrediat, nec subire poterit commedius, quam per partes polis finitimas, ubi motus est placidior, minor adedò resistentia invenitur. Materia verò cum sit tenuissima, meatus satis amplios quibus excipitur offendit. Sic partes totius universi præcipuè in se se mutuò agunt, & velut nudationes suas exercent. Hæc scè amicus noster, sed majori facundia de systemate Cartesiano differebat, quæ quidem nec me ut assentiar cogunt, nec vera esse putem, sed suâ probabilitate non carent: pleraque verò hujus generis omnia latent crassis occultata, & circumfusa tenebris.

*Tb.* Hæc tamen vobis tam sunt defendenda, quam mœnia: hinc enim Philosophia Cartesiana velut religata pendet; ea sunt inconcussa novæ, & hætenus inaudita Philosophiæ fundamenta: neque hic de terminis, sed de totâ possessione agitur; ex his laticibus tria Cartesii elementa fluxerunt. Primum constatur ex tenuissimâ in centro cujusque vorticis accensâ materiâ, quæ fons omnis caloris, lucis, & motus existit. Secundum ex innumeris globulis cœlestibus constat, qui cælum, vel expansum æthera componunt. Tertium denique ex partibus crassioribus, & ramosis compingitur, ex quibus planetæ omnes prodire. Atque illud est prorsus mirabile, quòd tenuissimæ substantiæ agitatio totum æthera, & solidissimos planetarum globos inæstimabili celeritate, & nunquam satifcente motu abripiat. Jam quis

*Quibus  
rationibus  
hoc syste-  
ma oppu-  
gnetur.*

*1. ratio.*

*2.*

*3.*

*4.*

*5.*

pediat, atque aliorum inflectat. Imò si Cartesio credimus, quandoque evenit, ut vortex minor à vicinis, & majoribus absorbeat. Hinc quædam stellæ tractu temporis obliuerantur. Id scilicet contingit, cum stella maculis crassioribus involuta expansum circa se æthera movere amplius non potest, unde in alios vortices commeat; stella verò ut motu, sic luce sua excidit, atque in planetam vel cometam degenerat. Planeta sit cum altius medio vortici immergitur; tumque sui turbinis motu agitur; at verò in cometam abit, dum extremis vorticibus infidet, & facile ex aliis in alios migrat. Num igitur me cogis etiam fabulis credere? Profectò hominis est intemperanter abutentis otio, & literis, ea scribere, quæ nec demonstrari, nec ratione persuaderi possunt. Atque ego prorsus ineptire videar, si in his fabulis refellendis diem consumam.

*De motu  
firmamen-  
ti.*

Illud magis ad institutum nostrum pertinet, quòd ut Solem, sic stellas immobiles constituitis. Quòd si vos rogem, unde ergo oriri, & occidere nobis appareant? Statim ad terræ motum diurnum; tanquam ad aram confugietis. Sed terra quidem moveatur; est enim factis agilis, atque ad motum accommodata. At quid efficit ut stellæ paulatim versus ortum progredi videantur? Nam spicam Virginis Timocharis Alexandrinus in vigesimo secundo gradu Virginis, anno ab obitu Alexandri trigésimo observavit; eandem Ptolemæus anno Alexandri 462. in 26. cum semisse Virginis deprehendit. Copernicus denique anno Christi 1525. spicam Virginis à principio Libræ gradibus 17. scrupulis 21. recessisse comperit. Sunt inter Timocharidem, & Copernicum anni 1819. quo temporis intervallo spica Virginis 27. gr. juxta signorum seriem promota est. Idem prorsus constat ex aliis observationibus Timocharidis, Hipparchi, Menelæ Geometræ, Ptolemæi, Albategnii, & Copernici inter se collatis; nisi quòd à Timocharide usque ad Ptolemæi tempora, stellæ tardiori motu, quàm à Ptolemæo ad Albategnium, & longè celerius ab Albategnio, ad nostra usque tempora progressæ videantur. Nam Hipparchus observavit eam stellam, quæ Regulus, seu Cor Leonis dicitur, ab æstivo solstitio fere in signo integro dissitam. Ptolemæus post 266. annos vix tres gradus progressum fuisse deprehendit. Albategnius post 740. años fere duodecim gradus promotam invenit; adeo ut 44. gr. ab æstivo solstitio distaret. Postremò Copernicus post 645. annos eandem stellam 9. gr. 11'. confectis reperit, ita ut ab eadem metâ 53. gr. jam distaret. Unde ergo ille motus? Numquid fortè cum Nicolao Copernico terræ axem paulatim declinare, ac locum mutare contendes? Sed hoc effugium ne ipsis quidem Copernicæis placet, Lansbergius enim


id

id fieri posse negat, quod annis labentibus, ipsa terræ climata situm commutarent; quæque olim erat zona torrida, nunc temperata existeret: necesse igitur est, ut hic motus non telluris globo, sed fixis competat; secus enim eundem motum reliquis planetis affingemus. Ego verò crediderim stellas unico motu ex duobus conflato, instar Solis & aliorum planetarum agitari, Sed motus declinationis eo est tardior, quo circularis velocior existit. Quare stellæ spiras describunt adeo confertas, ut citra errorem pro circulis perfectis usurpari queant.

Jam quod stellarum locum attinet, quis definire potest, utrum eadem cælo inhæreant, an aliæ aliis sint à nobis remotiores? Hæc si quæ alia, sunt densissimis tenebris obducta, ac licebit Cartesio quidquid libuerit fingere; dumodo deliria sua, & cerebri vigilantis somnia, tanquam æternæ, & inconcussæ veritatis principia non vendiderit: dum enim generosiores illi animi vitant humum, & communes opiniones spernunt, nubes sæpè & inania captant.

*Men.* Morosior es, & ultra quàm par sit à Cartesio alienior. Quod si illius scripta evolvas, aliud sentias. Hypotheses suas ut multum probabiles, non ut indubitatæ fidei oracula proponit. Abundè satisfecerit, si omnia phænomena cum systemate quod exposuit, aptissimâ consequentiâ consentiant. Jam si tibi placet, Simplici, excussis planetarum, & stellarum theoricis, ad ipsius Astronomiæ praxim descendamus.

*Simp.* Dics antè nos deficiet, quàm omnia, quæ ad usum sphæræ, & tabularum calculos pertinent, possim evolvere. Quid, si nobis viam, quàm Astronomi tenuerint in motibus corporum cælestium definiendis, vel tabulis construendis, demonstrare aggrediar; & scientiam parallaxium, ex quibus siderum à terrâ distantias industriâ mirabili scrutantur, atque observationum defectus, qui plerumque solent occurrere, velim, uti par est, pertractare, in immensum protrahetur oratio. Sequar igitur summa rerum fastigia, & dabo operam, ne affectata brevitatis perspicuitati, vel accuratæ rerum tractationi quid obstit. Verùm antequam rem ipsam agamus, pauca è Geometriz fontibus, quæ ad triangulorum resolutionem spectant, non quidem demonstrata supponere, sed utcumque demonstrare nobis incumbit; ac libenter utar eâ quam tu, Menander, nobis delineasti figurâ. Sint igitur rectæ lineæ AS, & DT parallelæ, quæ scilicet in infinitum produ- *Quæ sint*  
ctæ, nunquam concurrunt; vel ut definit Ponsionius; quæ neque an- *linea pa-*  
nuunt, neque abnuunt; sed lineas omnes perpendiculares, quæ utra- *rallela,*  
que connectunt (quales sunt TS, & OP) ubique æquales sortiuntur:  
aique



*Postulatum*, atque hæc sit linearum æquidistantium notio. Jam inter ea, quæ sibi concedi vult Euclides, illud tanquam naturali lumine notum, quod, que nullo modo demonstrari possit, postulat; nimirum si linea PO incurrens in rectas TO, & SP, duos efficiat angulos ex eadem parte possi-

positos; nempe  $SPO$ , &  $TOP$ , minores duobus rectis, fore ut ex illa parte productæ lineæ  $PS$ , &  $OT$  tandem concurrant. Quo enim sunt angustiores anguli  $P$ , &  $O$ , eo magis appropinquat, & quasi coire cœstunt rectæ  $PS$ , &  $OT$ , atque adeo protractæ aliquando tandem coibunt. Id sane mihi non ægrè dabitis, quod ipse Euclides demonstrare non præsumit. Nec vobis excidit, quod superius demonstratum est, scilicet rectam  $OP$ , quæ cadit in lineam  $SPA$ , duos angulos ad  $P$ , vel rectos, vel certe duobus rectis æquales efficere; atque eodem prorsus jure, duo anguli ad punctum  $O$  existentes duobus item rectis æquantur; adeo ut quatuor anguli ad puncta  $O$ , &  $P$ , ex utraque parte constituti, vel quatuor sint recti, vel quatuor rectis sint penitus æquales. His igitur positis, atque concessis, nunc quid demonstrare velim attendite.

Primum hinc colligitur duos angulos  $P$ , &  $O$ , ex eadem parte collocatos; vel ut clarius loquar, angulos interiores  $SPO$ , &  $TOP$  duobus rectis angulis æuari. Non enim minores fingi possunt, quia ex parte  $S$ , &  $T$ , si rectæ  $PS$ , &  $OT$  producerentur, procul dubio cœrent, quod est contra hypothesim; supponimus quippe lineas  $PS$ , &  $OT$  esse parallelas, & nunquam concurrere. Sed neque prædicti anguli  $O$ , &  $P$  majores duobus rectis dici possunt. Siquidem anguli  $DOP$ , &  $OPA$ , ex alterâ parte collocati, duobus rectis minores forent: quod tantum his decedat, quantum illis accrescit. Hoc est, cum quatuor anguli ad  $P$ , &  $O$  positi simul sumpti sint quatuor rectis æquales; si contenderis duos  $SPO$ , &  $TOP$  duobus rectis esse majores, necesse est ut duo reliqui  $APO$ , &  $DOP$  duobus rectis esse minores existant; atque adeo lineæ  $SP$ , &  $TO$  productæ tandem coibunt ex parte  $A$ , &  $D$ , quod rursus pugnat cum hypothesi. Cum igitur duo anguli  $SPO$ , &  $TOP$ , ut majores, sic minores dici nequeant, restat ut duobus rectis æquales sint. Quod nobis probatum oportuit.

*Theorema  
primum.*

*Per postulatum.*

Secundò, ex his, quæ concessa sunt, colligo duos angulos  $SPO$ , &  $DOP$ , qui alterni dicuntur, inter se omnino esse æquales. Cum enim à duobus, quæ sibi æqualia sunt, quiddam commune aufero, quæ restant adhuc sunt æqualia. Atqui duo anguli interiores, & ex eadem parte  $SPO$ , &  $TOP$  duobus rectis æquantur, ut quàm mox demonstravimus. Sunt itidem duo anguli  $POT$ , &  $POD$  duobus rectis æquales; nam linea  $PO$  cadit in lineam  $TD$ : ergo sublato communi angulo  $POT$ , remanebunt anguli  $SPO$ , &  $DOP$ , alternatim dispositi inter se prorsus æquales.

*Per 1. the-  
or. cap. 2.*

T


Jam

Jam propius ad institutum accedam; quæque ad triangulorum scientiam attinent, brevi expediam, non ut omnia, sed ut magis necessaria demonstrcm. Ac primùm duo triangula TSP, & TOP mutuo inter se sunt conferenda. Supponamus quod latus unius æquale sit lateri alterius, vel utrique commune, ut TP, atque duo anguli unius huic lateri vicini, æquentur duobus angulis alterius. Illos majoris lucis gratiâ designabo. Sit angulus OTP angulo TPS; nec non angulus TPO angulo PTS æqualis. Quid futurum est? Duo triangula erunt inter se omnino æqualia. Quæ enim sibi superposita congruunt; adeo ut neutrum alterum excedat, sibi sunt æqualia. Atqui si duo triangula, quæ descripsimus, sibi mutuo superponantur; ita ut angulus T unius cum angulo P sibi æquali alterius conveniat; latus PO cadet in latus TS; & latus TO cadet in latus PS; ergo punctum O puncto S conveniet; & triangulum TOP toti triangulo PTS congruet, & penitus æquabitur. Quod nobis erat demonstrandum. Sequitur ut unius trianguli anatomen aggrediamur, & nobis ante omnia demonstrandum est tres angulos unius trianguli duobus rectis æquari.

Sit triangulum TOP. Intelligamus ductam parallelam PS ipsi TO; & TS ipsi PO. Ita ut fiat quadrilaterum, cujus quatuor anguli S, T, O, P, quatuor rectis æquantur; ut ex iis, quæ demonstrata sunt, liquet. Duo quippe anguli interiores O, & P duobus rectis sunt æquales; & eodem jure duo anguli T, & S duobus itidem rectis æquantur. Atqui duo triangula TOP, & TSP sunt inter se æqualia. Idque nobis demonstrandum est. Linea TP cadit in rectas parallelas TO, & PS: igitur facit angulos alternatim dispositos T, & P inter se æquales: ita ut angulus SPT sit æqualis angulo OTP: angulus item STP æquetur angulo OPT. Duo igitur triangula habent latus commune PT, & duo anguli unius sunt æquales duobus angulis alterius: quare sunt inter se penitus æqualia. An necesse est concludere tres angulos trigoni TPO duobus rectis æquari? Cùm jam ostenderit quatuor angulos quadrilateri T, S, P, O, quatuor rectis æquivalere. Huc verò quadrilaterum in duos æquales trigonos divisum est. Quid igitur restat nisi ut tres anguli T, P, O, trigoni TPO, duobus rectis æquantur; quemadmodum tres anguli alterius trianguli TSP, duobus itidem rectis æquales sunt. Nam omnes utriusque trigoni angulos quatuor rectis æquari ostensum est.

Hinc etiam licet colligere, quòd si trianguli TPO unum ex lateribus TO producat in D, fiet angulus POD exterior duobus internis T, & P trianguli POT simul sumptis omnino æqualis. Nec ardua





dua demonstratio futura est. Nam Linea P O cadens in rectam  
 T D, duos efficit angulos ad punctum O duobus rectis aequales. Sed  
 mox ostensum fuit tres angulos ejusdem trianguli P T O simul sumptos  
 duo.



duobus rectis æquari. Tolle igitur communem angulum  $POT$ , duo restabunt anguli  $T$ , &  $P$  simul juncti æquales uni angulo  $POD$ : quod nobis erat probandum.

Postremo nihil necesse est ut vos admoncam in omni triangulo majorem angulum majori quoque lateri opponi. Sic in triangulo  $POT$ , angulus  $O$ , cum sit major angulo  $T$ ; latus  $PT$ , quod majorem subtendit angulum, longius est latere  $PO$ , quod minori angulo  $T$  opponitur. Quid enim est angulus, nisi duarum linearum in eundem velut apicem conspirantium inclinatio, seu apertio; quæ quo major erit, necesse est ut majore itidem latere subtendatur. Nam quo angulus  $O$  est apertior, eo quoque duæ linearum, quæ illum efficiunt, majori lineâ  $TP$  connectuntur. Hinc sequitur æquales esse angulos, cum æqua sint latera: ut in triangulo  $TPY$ , æqua sint latera  $TP$ , &  $TY$ , æquales esse angulos  $P$ , &  $Y$  manifestum est. Nam si alter major foret, majori quoque lateri opponeretur. Sed æqualia supponimus latera. Æquales igitur anguli futuri sunt.

*Mes.* Numquid ex his liceat concludere, quod in omni triangulo eadem est unius anguli ad alterum, quæ lateris ad latus proportio. Hoc est, trigoni  $POT$  angulus  $P$  sit duplus anguli  $T$ ; latus  $TO$ , quod subtendit angulum  $P$ , duplum quoque lateris  $PO$  oppositi angulo  $T$  futurum est. Nam si æqua sint latera, æquales erunt anguli; & majus latus majori angulo subternitur, minus minori. Ergo eadem inter angulos, quæ inter latera invenitur proportio.

*Non ea-  
dem est in-  
ter latera,  
qua inter  
angulos  
proportio.* *Simp.* Ut falsus animi es. Ponamus enim angulum  $O$  æquari duobus angulis  $P$ , &  $T$  simul sumptis: numquid forte latus  $TP$  duo latera  $TO$ , &  $OP$  adæquabit? Hoc certè esse impossibile nemo non videt: nam duæ linearum  $TO$ , &  $OP$  in unam rectam productæ majores lineâ  $TB$  evadent? Id verò te fallit, quod anguli & latera, quibus constat triangulum, non sunt ejusdem generis, nec ad eò aptè inter se comparari possunt. Anguli quippe magnitudinem metitur circuli circumferentia, ut supra monuimus; & quo major est angulus, eo majorem arcum intercipit. Sed illa circumcurrens linea, quæ circum eum efficit, specie non convenit cum rectis lineis, quibus triangulum clauditur. Quod si eadem ratio esset angulorum, quæ laterum, nihil foret facilius quam triangulum resolvere, ac tribus datis reliqua invenire.

Sit triangulum  $TOP$ , cujus anguli dentur cum uno latere  $PO$ , reliqua investigare oportet. Si tibi credimus, quoties angulus  $P$  angulum  $T$  continet (quod ignorare non possum, cum supponamus notos esse angulos) toties latus  $TO$ , alterum latus  $PO$ ; non igitur ignota erit recta  $TO$ .

*Men.*

*Men.* Quâ igitur arte, quâve ratione cognitis trianguli omnibus angulis cum uno latere; vel duobus lateribus cum uno angulo, reliqua inveniuntur?

*Simp.* Hæc sunt majoris operis, & spiritus. Cogniti quidem anguli inveniendæ est chorda, vel sinus.

*Men.* Quæ sunt hæc verborum monstra?

*Simp.* Faciam ut intelligas. Sit angulus  $PTY$ , quem metitur arcus  $PMY$ , cujus chorda vel subtensa erit recta  $POY$ , hujus dimidii anguli  $PTO$ , vel dimidii arcus  $PM$ ; ac perpendiculariter cadit in semidiametrum  $TM$ . Eadem prorsus ratione recta  $PS$  est sinus arcus  $PL$ , vel anguli  $STP$ . Quare optimè definitur sinus, dimidium chordæ duplum angulum, vel arcum subtendentia.

Quocirca in triangulo  $PTO$ , si dentur omnes anguli cum uno latere  $PO$ , reliqua faciliè inveniuntur: nam eadem est inter latera, quæ inter sinus angulorum proportio. Hoc est, quoties latus  $PT$  continet latus  $PO$ , toties sinus anguli  $O$  complectitur sinum anguli  $T$ . Dantur ex hypothesi anguli  $O$ , &  $T$ , quorum sinus in tabulâ faciliè inveniuntur. Ergo minimè nos latebit, quoties recta linea  $PT$  continet rectam  $PO$ ; atque eadem facilitate obtinebis latus  $TO$ . Igitur datis trianguli omnibus angulis, cætera faciliè inveniuntur. Quod quidem in trigono rectangulo, seu qui rectum angulum habet, qualis est  $POT$ , planum est. Siquidem latera sunt sinus ipsi angulorum, quibus subternuntur. Ut  $PO$  est sinus anguli  $T$ , &  $TO$  est sinus anguli  $P$ . Denique radius  $TP$  est sinus anguli recti  $O$ : nam diameter  $LN$  est chorda semicirculæ, sive  $180$ . gr. subtendens: radius  $TL$  cui æqualis est  $TP$ , erit sinus quadrantis circuli, qui angulum rectum  $O$  mensurat.

*Men.* Jam si angulum  $O$ , rectum non statuamus, an eadem proportio recurreret?

*Simp.* Eadem prorsus: nam æquales anguli æquales obtinent sinus; majoris anguli major est sinus; minoris minor: nec licuit nobis angulos cum lateribus componere, ut quantò angulus est altero major, tantò unum latus alterum excedat; quòd anguli, & latera sint penitus disparatæ, & non ejusdem generis. Nunc si loco angulorum sumantur eorum sinus, vel chordæ: palam est æqualibus angulis, æqualia latera, & æquales chordas, vel sinus; majoribus quoque angulis, majores sinus, & majora latera; minoribus minora respondere. Ergo eadem est inter chordas, vel sinus angulorum proportio, quæ inter latera invenitur. Clariùs dicam, ut se habet unum latus ad

Principi-  
um totius  
trigono-  
metria.

ad aliud, v. gr.  $TO$  ad  $OP$ , sic se habet sinus unius anguli  $P$  ad sinum alterius anguli  $T$ . Illud quippe axioma à Philosophis usurpatum, ut se habet simpliciter ad simpliciter, ita magis ad magis : in rebus ejusdem generis, vel speciei longè est verissimum, atque ipso naturali lumine notum. Hæc igitur totius trigonometria quasi duo fundamenta subternamus. Primum, dati anguli sinus in tabulâ huic rei destinatâ ; & vicissim cognito sinu facillimè angulus obtinetur : ut si trigoni  $PTO$  angulum  $T$ , 30. gr. noveris ; sinus quoque  $PO$ , in tabulâ sinuum statim occurret : ac si notus tibi fuerit sinus  $PO$ , seu illius proportio ad radium  $PT$ , sitque ex gr. 20. partium quarum radius, vel semidiameter  $TP$  est 60. anguli  $T$  quantitatem in tabulâ statim offendes. Alterum fuit à nobis identidem inculcatum : nempe eandem esse inter angulorum sinus, ac inter latera trianguli proportionem.

2. Quare cognitis unius trigoni omnibus angulis, latera quidem non idcirco innotescunt, sed certè proportio, quæ inter ea intercedit, non ignorabitur. Addâmne quoddam perspectis duobus angulis  $P$ , &  $O$ , tertius  $T$  facile elicitur ? cum enim tres simul sumpti duobus rectis, sive 180. gr. æquantur, si statuamus angulum  $O$  rectum, vel 90. gr. & angulum  $P$  60. gr. necesse est, ut residuus  $T$  30. gr. complectatur ; quod tres simul juncti anguli summam 180. gr. efficiant. Datâ verò angulis, dantur eorum sinus ; atque adeo quantum unum latius trianguli alterum excedat exploratum habebimus ; cum eadem sit inter latera, quæ inter sinus, proportio.

3. Quinetiam si unius trianguli  $TPO$  (ne ab eodem exemplo recedamus) detur nobis angulus  $O$ , & proportio anguli  $T$  ad angulum  $P$ , facillimè inveniemus angulorum  $P$ , &  $T$  mensuram. Sit enim angulus  $O$  rectus, & 90. gr. duo reliqui 90. itidem gradus complectentur. Sit porro angulus  $T$  subduplus anguli  $P$  : ergo angulus  $P$  60. gr. atque angulus  $T$  30. gradus continebit, ut ex utroque summa 90. gr. prodeat. Pergamus, ac totam trigonometriam, in quâ Astronomiz studiosi adeo fatigantur, paucis decurramus.

4. Sæpè usquevenit, ut unius trianguli  $POT$  dentur duo latera cum uno angulo ab iis comprehenso ; ut si detur angulus  $O$ , cum lateribus  $PO$ , &  $OT$  ; ac reliqua sint nobis indaganda. Cognitis lateribus  $PO$ , &  $OT$ , non quidem habentur anguli  $P$ , &  $T$ , sed quæ inter eos proportio obtinebimus. Supponimus enim angulum  $O$  rectum, ac proinde duo anguli  $P$ , &  $T$ , simul juncti, uni recto æquantur : & utriusque scorsim sumpti sinus habebuntur, cum  $TO$ , &  $OP$  sint explorata. Ergo anguli facillè innotescunt.

Lon-



Quid tan-  
gens, quid  
secans li-  
nea.

monstratum supponere; hæc enim mihi à vobis lex præscripta fuit, quam transilire mihi religio est. Neque etiam ignoro longè adhuc expeditiorem fore calculum, si tangentium, & secantium tabulis utamur: ut si radio  $TO$ , centro  $T$  delineatum circulum intelligas, hunc tanget recta  $OP$  in puncto  $O$ . Secabit verò linea  $TP$ : cognita igitur, ut supponimus, tangente  $PO$ , statim in tabulâ angulus  $T$  innotescet; atque eadem operâ secantem  $TP$ , quam barbarâ vocè hypotenusam vocant, perspectam habebis.

Quod si duo latera habeantur  $TP$ , &  $PO$ , cum angulo  $O$  (rectus sit vel obliquus, mihi perinde est) facillimè reliqua obtinebo. Nam ut eandem cantilenam sæpius occinam, quantum latus  $TP$  majus est latere  $PO$ , quod mihi ex hypothesi notum est; tantumdem sinus anguli  $O$  major erit sinu anguli  $P$ : atqui non me fugit sinus anguli  $O$  per tabulam sinuum. An igitur ignorare potero sinum anguli  $P$ , vel ipsummet angulum? jam cognitis angulis cum duobus lateribus, statim reliquum latus  $TO$  innotescet, ut jam ostensum à nobis est. Sed alia forsitan obscuriora.

Offeratur nobis triangulum omnes habens obliquos angulos  $TPY$ , & licet hæc æqua sint latera  $TP$ , &  $TY$ , singe tamen esse inæqualia, ut ipsa trianguli resolutio plus habeat operis; dentur verò latera  $TP$ , &  $PY$ , cum angulo  $P$  ab illis comprehenso: cætera reperire nobis incumbit. Datum igitur triangulum in duo minora bipartitum concipiam, ductâ perpendiculari  $TO$ , ac prioris quidem trianguli  $TPO$  rectanguli resolutionem aggrediar. Jam illius duo anguli  $O$ , &  $P$ , cum latere  $TP$  innotescunt: ergo per primum problema, reliqua faciliè habebuntur. Notum igitur mihi est latus  $TO$  cum latere  $OP$ , & subducto  $OP$  à toto latere  $PY$  noto, non ignorabo reliquum latus  $OY$ . Quare in triangulo  $TOY$  rectangulo, jam obtinui duo latera  $TO$ , &  $OY$ , ac angulus  $O$  rectus cum sit, mihi est cognitus. Quocirca ex his, quæ mox demonstravimus, reliquum latus  $TY$ , cum angulo  $Y$  consequar; atque adeò tum latera, tum anguli trigoni  $TPY$  habebuntur. Non morabor in hac parte amplius; & quidem volui in hanc rerum tenuitatem descendere, ne quid ad Astronomiæ intelligentiam necessarium videretur omittere. Nec dissimulandum est, quod illis minutis instructa Geometria ad rationem usque mundi se tollit, & non solum stellarum errantium certos, constitutosque cursus numeris docet, sed etiam siderum moles, eorumque à terrâ distantias industriâ mirabili dimetitur.

*Th.* Multa tu quidem, quæ non nisi per longas ambages, & molestas demonstrationes ab aliis traduntur, quam brevissimè exposuisti;

id

id unum tamen tecum quasi expostulo, quòd ad sinuum tabulas provocaveris; nec dum nos quàm methodo digerantur, edocueris.

*Simp.* Non temerè id, quòd à plerisque tractatum est uberrimè, omittendum putavi: nam si Geometricà subtilitate exquirere volumus, quam cujusque arcus chorda, vel sinus cum diametro habeat proportionem; in immensum protrahetur oratio, atque longa demonstrationum series ex Euclide erit retexenda. Hoc quidem argumentum ante annos sexdecim, cum animum seriò ad Mathematicas scientias adjungerem, quantum potui (nihil enim magnòpere meorum minor) breviter & dilucidè exposui. Hipparchus olim de subtenfis in circulo lineis 12. libros conscripserat: idem postea Ptolemæus faciliiori viâ aliquot demonstrationibus, licet paululum obscurioribus, expedit. Nunc satis fuerit, si praxim quasi mechanicam paucis aperiam. Circulo itaque in 360. gr. distributo diametrum  $IM$  in 120. partes veteres diviserunt. Unde positò circini pedè immobili in puncto  $M$ , facile erit dignoscere quot diametri partes unaquæque chorda, vel sinus contineat. Sed ut calculus foret accuratior, placuit recentioribus semidiametrum, seu radium  $TM$  in 10000. partes divisum supponere; singulos quoque gradus in tres partes secuerunt, quarum singula viginti minuta complectuntur. Imò licebit & radium minutius concidere, atque in 100000. partes divisum fingere; sic gradus singuli commodius in sex partes secabuntur. Quocirca si radium  $TM$  in centum partes distribuere, unaquæque centum, vel mille continebit, quarum radius  $TM$  10000. vel 100000. complectitur; nec difficile erit cujusque arcus chordam, aut sinum invenire. Chordis verò cognitis, sinus non ignorantur. Detur chorda  $POY$  subtendens, vel connectens extrema arcus  $PMY$ , illius dimidia  $PO$  erit sinus dimidii arcus  $PM$ , ut jam subinde monuimus. Circulo autem in suos gradus, & diametro in partes suas divisus, beneficio circini cognoscetur chorda  $POY$ , & quota sit pars totius diametri  $IM$ . Atque adeò cujusque arcus sinum non ægrè obtinebimus; ac tabulam sinuum hoc ferè modo digeremus. Partes circumferentiæ, seu gradus primo loco constituemus, quibus sinus è regione collocabuntur.

Quæres ex. gr. quantus sinus respondeat arcui unius gradus & viginti minuterum, è regione invenies sinum 2327. quarum radius circuli erit 100000. partium. Jam si velis scire quis sinus respondeat



	Circumferentia		Differen- tia.
	Grad.	Scrup.	
Specimen tabulae sinuum:	0	10 191	191
	0	20 582	
	0	30 873	
	0	40 1163	
	0	50 1454	
	0	60 1745	
	1	10 2036	
	1	20 2327	
	1	30 2617	

arctui unius gr. & 25. min. vido in columnâ differentia, quot partes debeantur decem minutis unius gradus. Ecce tibi 291. Igitur dimidium hujus numeri nempe 145. addam finui prius invento 2327. summa erit 2472. Tantus igitur dati arcus, sinus futurus est.

*Men.* Profecto me beasti: nunquam enim hæc istam sinuum, & triangulorum spinosissimam doctrinam assequi potui, inquam tamen plerique omnes Astronomi tota volumina impendunt.

*Simp.* Nunc si placet, in alium diem, quod superest differamus; nam diu est quod vestra facilitate nimis intemperanter abutor.

*Th.* An tu cum nos in summam expectationem adduxeris, tam cito deseris; pedem hinc non referes, donec promissa exolvās; quæque ad præxim Astronomicam spectant penitus absolvas.

## CAPUT ULTIMUM.

### De praxi Astronomicâ.


*I.* Inchoantem capite secundo de sphaerâ celesti tractationem absolvamus; quibus utantur instrumentis Astronomi; quâ methodo lineam meridianam, Solis & aliorum siderum altitudines, & poli elevationem, locorum longitudes aucupentur; quæque ad sphaerâ, vel globi celestis usum pertinent, compendiosè exponuntur. *II.* Quâ industriâ Solis, & aliorum planetarum excentricitates investigent; tabulas Astronomicas conscribant, atque ex iis motus celestes, & siderum loca explorata habeant; uno item ex altero problemate edocetur. *III.* Doctrina parallaxium, ex quibus planetarum à terrâ distantias colligunt, nec non quâ arte eclipses prænuntiari & delineari possint, aperitur. *IV.* Agitur de variis defectibus observationum, veterum & recentiorum erroribus ubi de refractionibus & crepusculis normulla; ac demùm Astrologia conjecturalis pervertitur, & vanitatis revincitur.

*Simplicius.*




Atis pol pro imperio loqueris; sed apud te sumus, tibi mos gerendus est. Ac primò mihi dicendum esset, quæ instrumenta Astronomi ad observationes suas adhibeant; quæve arte construantur, nisi hæc vobis forent notissima, atque





atque ad machinatricem potius, quam ad Philosophiam attine-  
rent. Nemo nescit rotundis instrumentis plerumque eos uti, qui fi-  
derum motus circulares dimetiuntur; sive integrum circulum in 360,  
gr. distributum abhabeant; sive quadrante circuli in 90. gr. partito  
V 2 utan-



utantur. Sit igitur majoris lucis gratiâ circulus C E C in 360 gr. seu partes æquales; vel quadrans circuli C D, in 90. gr. dispersitus; quod compendiosissime fieri potest beneficio alterius circuli, puta S G S, jam antè distributi, cujus medium centro T applicetur: ac regula T B per singulos distributi prius circuli gradus ducta, gradus iidem in majori circulo C E C delineandos indicabit. Sed parum est Astronomo circulum in gradus dividere, nisi singuli gradus in 60. scrupula, vel saltem in sex partes, quarum unaquaque decem scrupulis respondeat, minutius concidantur. Quocirca non exiguis, sed amplioribus instrumentis uti solent. Quò verò uniuscujusque sideris locum exploratum habere possint, tenuissimam adhibent regulam, aliquantulum latam, cujus una extremitas centro T infigitur, altera B per omnes circuli gradus circumducitur. Optarem equidem, ut puncto B arcus B A unus gradus in sua scrupula distributi apponeretur, quem regula T B secum devehret; tum enim necesse non foret totum circulum operose in minuta partiri, neque instrumentum ipsum tantam exigeret molem. Prætereo utrique regulæ extremitati T & B duo pinnaclia, vel laminulas perforatas, aut rimulis pervias affigi oportere, ut per illa foraminula, vel siderum radii excipiantur, vel ipsa sidera contueri liceat. His breviter delibatis totum opus in certa problemata digeramus. Neque hic est locus, in quo exultare possit oratio, sed in Mathematicorum angustias, & dumeta est compellenda.

*Men.* Ut voles, non enim querimus abundantem rerum, aut verborum copiam, quæ cumulum tantum habeat, atque congestum: sed scientiam viâ, & ratione pertractatam volumus. Cum in cæteris scientiis, tum præsertim in Mathematicis mirifice capit animum meum erudita brevitæ cum aptâ rerum dispositione conjuncta.

*Simp.* Qui ordinis ac methodi in hujus disciplinæ tractatione nullam rationem habuerit, hic sanè audientes obruet, non docebit; licet amena fortè garrulitate delectet. Præclaras quidem sententias fundat, quæ si non conharceant, ac demonstrationum munitione destituantur, nihil quàm nugæ egerit: nam laboratur etiam intemperantiâ rerum optimarum. Quò igitur viam ingrediamur eamque planam, atque ad demonstrandum expeditam, à facilioribus ducamus exordium, ex quibus ad extrema occultiora quasi per gradus deducemur. Nobis ante omnia methodus, quâ linea meridiana (sic dicimus lineam, quæ directè meridiano circulo subjacet) inveniatur, proponenda est.



PROBLEMA I. *Lineam Meridianam indagare.*

**Q**uod si acus chalybea, quæ vi magnetica imbuitur, ad utrumque mundi polum extrema sua citra ullam deviationem dirigeret; illius ope lineam meridianam invenire expeditum foret: cum acus ipsa verioria; quam quærimus, lineam exhiberet; atque omnes rectæ verſorio quieſcenti ductæ parallelæ totidem eſſent lineæ meridianæ: hinc qui vulgò horologia ſolaria delineant, hæc methodo lineam Meridianam exprimunt. Verum ſatis compertum eſt acum verſoriam ad utrumque mundi cardinem non adeo religioſè extrema ſua convertere, quin aliquot gradibus hinc, atque inde deſſectat. Quare vel illius deviationis ratio habenda eſt, vel aliam viam paulò difficiliorem inſiſtere oportet. Centro *T* plures circuli deſcribantur, erecto ad perpendicularum cylindro, ſeu baculo *TS*, aliquot ante meridiem horis, ut horâ nonâ, diligenter inſpice cujus circuli peripheriam, quodque punctum attingat extremitas umbræ à baculo projectæ; quod ſit ex, gr. 9. idque punctum ſigna. Eâdem ſerè poſt meridiem horâ, tertîâ ſcilicet revertere, atque expecta quouſque ad eundem circum extremis umbræ contingat, ut in puncto 3. Jam arcum 3 *S* 9 in duas partes æquales divide in puncto *S*, & per centrum circuli ducta *STG* lineam Meridianam præbebit. Nam ſi umbra circa horam nonam ſecundum rectam *T* 9; & horâ tertîâ in rectam *T* 3 porrigatur, neceſſe eſt ut in ipſâ meridie lineam *TS* deſcribat, ut ab utraque æquo diſtet intervallo. Neque opus eſt ut vos admoneam ſtyli, ſeu baculi extremitatem in mucronem eſſe acuendam, atque eandem operationem ſæpius eſſe repetendam; eſt quippe hæc lineæ omnium ſerè obſervationum quaſi fundamentum.

PROBLEMA II. *Solis & aliorum ſiderum altitudinem reperire.*

**I**nſtrumentum vel annulo liberè ſuſpendatur in puncto *C*, ſi ſit integer circulus, cujus generis eſt Aſtolabium; vel ad perpendicularum ſerigatur, ſi ſit quadrans circuli *DC*. Regula verò *TB* verſatilis tantum moveatur, quouſque radii ſolares per utriuſque pinnacidii rimulas trajiciantur; vel aſtrum ipſum per foraminula conſpiciatur. Sit v. gr. regula *TB*; inter *D*, & *C* medio intervallo conſtituta; tandem numerabis gradus inter *D*, & *B* interceptos, ea eſt quippe Solis vel alterius ſideris ſupra horizontem elevatio. Cum enim inſtrumenti punctum medium *T*, à centro terræ ſenſibiliter non diſſerit, ſi per lineam *DT* Sol radios ſuos vibret; palàm eſt eum ſupra horizontem non attolli, ſed illius ſuperficiem duntaxat radere, ut cum oritur; vel occidit. Quod ſi per radium *TC* conſpiceretur, tum vertici noſtro immineret,

Eadem ſigura ubiq;  
conſulenda.

ac toto quadrante circuli DC super horizontem assurgeret. Eodem quidem iure cum Solem per radium TB contuemur, tot gradibus atollitur, quot in arcu DB numerantur. Non dissimulandum est esse alium inveniendæ Solis altitudinis modum, citra ullum instrumentum, per solius baculi erecti umbram.

Sit stylus seu baculus PO, cujus umbra OT, radius solaris BPT. In triangulo TPO nota sunt duo latera, nimirum PO baculi altitudo, & OT ipsius umbræ longitudo. Angulus quoque O, cum sit rectus, ignorari non potest; est quippe 90. gr. ergo juxta ea, quæ superius de triangulorum resolutione diximus, innotescet angulus OTP, quæ est ipsissima Solis supra horizontem elevatio. Hac quidem subtili, & Geometricâ planè methodo veteres usos fuisse non ignoro; sed tamen incerta est, & lubrica, nisi stylus PO sit portensosa longitudinis. Nam difficile est lucis & umbræ confinium discernere, & facile unius, vel alterius gradus error in hac operatione irrept.

*PROBL. III. Altitudinem poli, seu latitudinem loci indagare.*

**I**N hac operatione infinitum propè momentum est; eaque sic potest satis accuratè perfici. Cum Sol alterum æquinoctiorum obtinet, latitudo illius meridiana observetur, sit v. gr. DB, 41. gr. & 10. tanta erit altitudo æquatoris BT supra horizontem TD, hæc à quadrante circuli DC subducatur, remanebit BC distantia æquatoris à puncto verticali C 48. gr. 50'. quæ quidem est latitudo hujus loci æqualis omnino altitudini poli quæsitæ VR, quod facillè demonstrabitur. Est quippe arcus RB quadrans circuli 90. gr. cum sit distantia poli ab æquatore; est itidem CV circuli quadrans, cum sit distantia puncti verticalis ab horizonte; ergo sublato communi arcu CR, remanebunt BC latitudo loci, & RV altitudo poli penitus æquales.

Nec minus præcisè, beneficio alicujus stellæ, quæ polo vicinior neque oritur, neque occidit, eandem poli altitudinem obtinebimus. Nam si maxima stellæ altitudo meridiana diligenter observetur, quæ sit ex. gr. 60. gr. & post 12. horas, vel alio die, minima quoque stellæ altitudo exploretur, quæ sit 40. gr. utriusque differentia erit 20. gr. cujus dimidium à maximâ altitudine subductum, vel minimæ additum dabit poli ipsius altitudinem 50. gr. vel utramque tum maximam, tum minimam stellæ altitudinem in unam summam congere, prodibunt 100. hujus numeri dimidium sume, nimirum 50. hæc erit altitudo poli. Hanc si semel consecutus fueris, declinationem Solis ab æquatore facillè invenies.

Dato

Dato enim die observetur Solis altitudo meridiana, & quanto æquatoris altitudinem jam compertam superabit, vel ab eâ superabitur, tanta Solis declinatio futura est. Sic Parisiis cum Sol principium Cancrî subit, 64. gr. & 50. in meridie attollatur, (nam aliî polum 48. gr. 40. alii 48. gr. 50. supra hõrizontem assurgere existimant) ex quibus si æquatoris altitudinem 41. gr. & 20. deduxeris, remanebit maxima Solis declinatio 23. gr. & 30. Contrâ evenit, ubi Sol hieme Capricornum ingreditur, tum enim in meridie non amplius quàm 17. gr. & 50. attollitur; aded ut æstivo solstitio 47. gr. nobis, quàm hiberno vicinior existat. Hinc tanta dierum inæqualitas.

Petrus Gassendus altitudinem poli Massiliæ per umbram gnomonis, vel erecti perpendiculari exploravit, viâ quidem paululum difficiliore, sed quâ nulla accuratior hæcenus excogitari potuit. Collegii Massiliensis recto æream laminam circello resecio perforatam, sublata tegulâ, sic aptavit, ut Solis meridiani radios posset excipere. Jam è foramine perpendicularum demissum est octo orgyis longum, cui prælonga, & lavigata tabula subiecta fuit, & ad libellam composita, in quâ lineam meridianam ex ipsius perpendiculari casu, quàm potuit exactè, ope versorii cuius declinatio nota fuit, produxit. Ringamus itaque foramen in puncto P appositum, ac filum pendulum PO in 1000. partes distributum, quarum unamquamque in plures alias dispescere licebat. Tabula libellata fuerit TO; Sole in solstitio æstivo versante expectatum est, donec illius radii per foramen transmitterentur, atque imaginem suam, quam instar ellipsios solet depingere, sic in tabulam TO projiceret, ut à meridianâ lineâ in partes æquas divideretur: tum enim judicatum est Solem circum meridianum obtinere. Jam ex proportionem perpendiculari PO cum umbrâ TO, meridiana Solis altitudo, tum cum æstivum solstitium occupat 70. gr. 11. cognita est, eo quo superius dictum est modo. Nunc sublata maximâ Solis declinatione 23. gr. 31. fere minorum ab illâ Solis altitudine, remanet æquatoris elevatio 46. gr. 40. quæ à quadrante circuli subducta, exhibet urbis Massiliensis latitudinem 43. gr. 20. hæc tamen ut in cæteris observationibus magnâ opus fuit cautione.

Primo enim filum pendulum cum sit ductile, & tensile, nonnullum errorem facile potuit inducere, cui hic in modo ut occurreret Gassendus regulam ligneam PO adhibuit. II. Rationem quoque habere oportuit semidiametri Solis, s. semie minorum, quam necesse fuit ab inventâ altitudine subducere; ne major quàm revera esset haberetur. III. Penumbra etiam (sic vocamus lumen debile, quod

ac toto quadrante circuli DC super horizontem assurgeret. Eodem quidem iure cum Solem per radium TB contuemur, tot gradibus atollitur, quot in arcu DB numerantur. Non dissimulandum est esse alium inveniendæ Solis altitudinis modum, circa ullum instrumentum, per solius baculi erecti umbram.

Sit stylus seu baculus PO, cujus umbra OT, radius solaris BPT. In triangulo TPO nota sunt duo latera, nimirum PO baculi altitudo, & OT ipsius umbræ longitudo. Angulus quoque O, cum sit rectus, ignorari non potest; est quippe 90. gr. ergo juxta ea, quæ superius de triangulorum resolutione diximus, innotescet angulus OTP, quæ est ipsissima Solis supra horizontem elevatio. Hac quidem subtili, & Geometricâ planè methodo veteres usos fuisse non ignoro; sed tamen incerta est, & lubrica, nisi stylus PO sit portensolæ longitudinis. Nam difficile est lucis & umbræ confinium discernere, & facile unius, vel alterius gradus error in hac operatione irrept.

*PROBL. III. Altitudinem poli, seu latitudinem loci indagare.*

**I**N hac operatione infinitum propè momentum est; eaque sic potest satis accuratè perfici. Cum Sol alterum æquinoctiorum obtinet, altitudo illius meridiana observetur, sit v. gr. DB, 41. gr. & 10. tanta erit altitudo æquatoris BT supra horizontem TD, hæc à quadrante circuli DC subducatur, remanebit BC distantia æquatoris à puncto verticali C 48. gr. 50'. quæ quidem est latitudo hujus loci æqualis omnino altitudini poli quævis VR, quod faciliè demonstrabitur. Est quippe arcus RB quadrans circuli 90. gr. cum sit distantia poli ab æquatore; est itidem CV circuli quadrans, cum sit distantia puncti verticalis ab horizonte; ergo sublato communi arcu CR, remanebunt BC latitudo loci, & RV altitudo poli penitus æquales.


Nec minus præcisè, beneficio alicujus stellæ, quæ polo vicinior neque oritur, neque occidit, eandem poli altitudinem obtinebimus. Nam si maxima stellæ altitudo meridiana diligenter observetur, quæ sit ex. gr. 60. gr. & post 12. horas, vel alio die, minima quoque stellæ altitudo exploretur, quæ sit 40. gr. utriusque differentia erit 20. gr. cujus dimidium à maximâ altitudine subductum, vel minimæ additum dabit poli ipsius altitudinem 50. gr. vel utramque tum maximam, tum minimam stellæ altitudinem in unam summam congere, prodibunt 100. hujus numeri dimidium sume, nimirum 50. hæc erit altitudo poli. Hanc si semel consecutus fueris, declinationem Solis ab æquatore faciliè invenies.

Dato enim die observetur Solis altitudo meridiana, & quanto æquatoris altitudinem jam compertam superabit, vel ab eâ superabitur, tanta Solis declinatio futura est. Sic Parisiis cum Sol principium Cancri subit, 64. gr. & 50. in meridie attollatur, (nam alii polum 48. gr. 40. alii 48. gr. 50. supra hõrizontem assurgere existimant) ex quibus si æquatoris altitudinem 41. gr. & 20. deduxeris, remanebit maxima Solis declinatio 23. gr. & 30. Contrà evenit, ubi Sol hieme Capricornum ingreditur, tum enim in meridie non amplius quàm 17. gr. & 50. attollitur; aded ut æstivo solstitio 47. gr. nobis, quàm hiberno vicinior existat. Hinc tanta dierum inæqualitas.

Petrus Gassendus altitudinem poli Massiliæ per umbram gnomonis, vel erecti perpendiculari exploravit, viâ quidem paululum difficiliore, sed quâ nulla accuratior hæcenus excogitari potuit. Collegii Massiliensis recto æream laminam circello resecio perforatam, sublata tegulâ, sic aptavit, ut Solis meridiani radios posset excipere. Jam è foramine perpendicularum demissum est octo orgyis longum, cui prælonga, & lavigata tabula subiecta fuit, & ad libellam composita, in quâ lineam meridianam ex ipsius perpendiculari casu, quàm potuit exactè, ope verforii cuius declinatio nota fuit, produxit. Ringamus itaque foramen in puncto P appositum, ac filum pendulum P O in 1000. partes distributum, quarum unamquamque in plures alias dispescere licebat. Tabula libellata fuerit T O; Sole in solstitio æstivo versante expectatum est, donec illius radii per foramen transmitterentur, atque imaginem suam, quàm instar ellipsecos solet depingere, sic in tabulam T O projiceret, ut à meridianâ lineâ in partes æquas dividiretur: tum enim judicatum est Solem circulum meridianum obtinere. Jam ex proportionem perpendiculari P O cum umbrâ T O, meridiana Solis altitudo, tum cum æstivum solstitium occupat 70. gr. 11. cognita est, eo quo superius dictum est modo. Nunc sublata maximâ Solis declinatione 23. gr. 31. fere minutorum ab illâ Solis altitudine, remanet æquatoris elevatio 46. gr. 40. quæ à quadrante circuli subducta, exhibet urbis Massiliensis latitudinem 43. gr. 20. hæc tamen ut in cæteris observationibus magnâ opus fuit cautione.

Primo enim filum pendulum cum sit ductile, & tensile, nonnullum errorem facile potuit inducere, cui inconvengo ut occurreret Gassendus regulam æneam P O adhibuit. II. Rationem quoque habere oportuit semidiametri Solis 1/2. ferè minutorum, quàm necesse fuit ab inventâ altitudine subducere; ne major quàm verâ esset haberetur. III. Penumbra etiam (sic vocamus lumen debile, quod





inter ipsum lucis nucleum, & nigram perpendiculi umbram interja-  
cet) negligenda non fuit, atque ab inventa Solis altitudine subducam  
oportuit. Equalis porro erat semidiametro foraminis P, seu circelli  
in laminâ arcâ resecti. Non enim filum pendulum centrum forami-

nis

ut par erat, sed infimam partem attingebat. Taceo ipsum Gassendum nonnihil à vero aberrasse, quòd supposuerit acum versoriam quinque gradibus à mundi cardine deflectere, ut ante aliquot annos deprehenderat; sed illa versorii declinatio minimè constans existit, quemadmodum ubique ferè terrarum observatum est, unde nunc temporis vix duobus gradibus Massiliæ, & Aquis-Sextilis à mundi polo declinat. Hæc paulò uberius disserui, ut hinc constet quâ arte, quâve diligentia Astronomi siderum motus dimetantur. Nulli quidem auctor fuerim, ut in iis artibus ætatem suam consumat, atque ad minutissima Astronomiæ opera descendat; sed fruamur aliorum laboribus, iisque studiis liceat donare quædam velut temporum subsidia.

*PROBL. IV. Gradum zodiaci in quo Sol versatur investigare.*

**L**iterarum pendè ista sunt ludi, & trivialis scientiæ; neque observationibus, neque instrumentis opus est; duo duntaxat versiculi memoriæ sunt infigendi.

*Levor mente latens insultat honoribus, horret  
Grandia gesta, herens insigni laude notatus.*

Quoddecim sunt dictiones, quas in duodecim menses sic tribue, ut prima Martio, secunda Aprili, & ita porro singulæ singulis mensibus ex ordine respondeant. Nunc vide quota in Alphabeto sit prima cujusque dictionis litera, totidem ex 30. unitates detrahe, residuus numerus indicabit diem, quo Sol signum zodiaci ingreditur. Exemplo res fiet illustrior. Mensi Aprili secunda dictio (mente) respondet, & prima ejus litera in Alphabeto undecima est; quare ex 30. auferam 11. restabunt 19. Sol igitur decimo nono die Aprilis signum Tauri ingreditur. Sed quiddam aliud inquirimus, in quo scilicet gradu Sol versetur quolibet mensis cujusque die. Addendus est ad diem propositum numerus literæ primæ dictionis designatus; quòd si numerus minor 30. prodierit, is gradum quæsitum indicabit. Ut die 12. Aprilis scire volo, quem gradum Arietis Sol occupet, Dictionis (mente) prima litera est M, in Alphabeto ordine undecima. Addam igitur 11. numero dierum, nempe 12. summa erit 23. quocirca eo die Sol vigesimum tertium Arietis gradum obtinet. Jam si quæras quem gradum Sol occupet die 28. ejusdem mensis, adde ut prius 11. dierum numero 28. & prodibunt 39. detrahe 30. restabunt 9. his adice unitatem. Itaque Soleo die in decimo gradu Tauri commoratur. Meminisse igitur oportet detrahenda esse 30. quoties abundant, & residuo numero unitatem esse adiciendam.

Principi-  
um totius  
trigono-  
metria.


ad aliud, v. gr.  $TO$  ad  $OP$ , sic se habet sinus unius anguli  $P$  ad sinum alterius anguli  $T$ . Illud quippe axioma à Philosophis usurpatum, ut se habet simpliciter ad simpliciter, ita magis ad magis; in rebus ejusdem generis, vel speciei longè est verissimum, atque ipso naturali lumine notum. Hæc igitur totius trigonometriæ quasi duo fundamenta sub- sternamus. Primum, dati anguli sinus in tabulâ huic rei destinatâ; & vicissim cognito sinu facillimè angulus obtinetur: ut si trigoni  $PTO$  angulum  $T$ , 30. gr. noveris; sinus quoque  $PO$ , in tabulâ sinuum statim occurret: ac si notus tibi fuerit sinus  $PO$ , seu illius proportio ad radium  $PT$ , sitque ex gr. 20. partium quarum radius, vel semidiamete- ter  $TP$  est 60. anguli  $T$  quantitatem in tabulâ statim offendes. Alterum fuit à nobis identidem inculcatum: nempe eandem esse inter angulorum sinus, ac inter latera trianguli proportionem.

2. Quare cognitis unius trigoni omnibus angulis, latera quidem non idcirco innotescunt, sed certè proportio, quæ inter ea intercedit, non ignorabitur. Addâmne quòd perspectis duobus angulis  $P$ , &  $O$ , tertius  $T$  faciliè elicietur? cum enim tres simul sumpti duobus rectis, sive 180. gr. æquantur, si statuamus angulum  $O$  rectum, vel 90. gr. & angulum  $P$  60. gr. necesse est, ut residuus  $T$  30. gr. complectatur; quò tres simul juncti anguli summam 180. gr. efficiant. Datâ verò angulis, dan- tur eorum sinus; atque adeò quantum unum latius trianguli alterum excedat exploratum habebimus; cum eadem sit inter latera, quæ in- ter sinus, proportio.

3. Quinetiam si unius trianguli  $TPO$  (ne ab eodem exemplo re- cedamus) detur nobis angulus  $O$ , & proportio anguli  $T$  ad angulum  $P$ , facillimè inveniemus angulorum  $P$ , &  $T$  mensuram. Sit enim an- gulus  $O$  rectus, & 90. gr. duo reliqui 90. itidem gradus complecten- tur. Sit porro angulus  $T$  subduplus anguli  $P$ : ergo angulus  $P$  60. gr. atque angulus  $T$  30. gradus continebit, ut ex utroque summa 90. gr. prodeat. Pergamus, ac totam trigonometriam, in quâ Astronomiæ studiosi adeò fatigantur, paucis decurramus.

4. Sæpè usu venit, ut unius trianguli  $POT$  dentur duo latera cum uno angulo ab iis comprehenso; ut si detur angulus  $O$ , cum lateri- bus  $PO$ , &  $OT$ ; ac reliqua sint nobis indaganda. Cognitis lateri- bus  $PO$ , &  $OT$ , non quidem habentur anguli  $P$ , &  $T$ , sed quæ in- ter eos proportio obtinebitur. Supponimus enim angulum  $O$  re- ctum, ac proinde duo anguli  $P$ , &  $T$ , simul juncti, uni recto æquan- tur: & utriusque seorsim sumpti sinus habebuntur, cum  $TO$ , &  $OP$  sint explorata. Ergo anguli faciliè innotescunt.

Lon-



Longè tamen compendiosiori via latus  $TP$  per 47. lib. 1. Element. Euc. consequemur, quo cognito, angulos statim habebimus: & si liberet hæc ad praxim redigere, auctor forem, ut latus  $PT$  juxta Euclidis demonstrata quæretur, sed nolui quicquam ab Euclide de-

mon-

Quid tan-  
gens, quid  
sequens li-  
nea.

monstratum supponere; hæc enim mihi à vobis lex præscripta fuit, quam transillire mihi religio est. Neque etiam ignoro longè adhuc expeditiorem fore calculum, si tangentium, & secantium tabulis utamur: ut si radio  $TO$ , centro  $T$  delineatum circulum intelligas, hunc tanget recta  $OP$  in puncto  $O$ . Secabit verò linea  $TP$ : cognita igitur, ut supponimus, tangente  $PO$ , statim in tabulâ angulus  $T$  innotescet; atque eâdem operâ secantem  $TP$ , quam barbarâ vocè hypotenusam vocant, perspectam habebis.

Quod si duo latera habeantur  $TP$ , &  $PO$ , cum angulo  $O$  (rectus sit vel obliquus, mihi perinde est) facillimè reliqua obtinebo. Nam ut eandem cantilenam sæpius occinam, quantum latus  $TP$  majus est latere  $PO$ , quod mihi ex hypothesi notum est; tantumdem sinus anguli  $O$  major erit sinu anguli  $P$ : atqui non me fugit sinus anguli  $O$  per tabulam sinuum. An igitur ignorare potero sinum anguli  $P$ , vel ipsummet angulum? jam cognitis angulis cum duobus lateribus, statim reliquum latus  $TO$  innotescet, ut jam ostensum à nobis est. Sed alia forsitan obscuriora.

Offeratur nobis triangulum omnes habens obliquos angulos  $TPY$ , & licet hæc æqua sint latera  $TP$ , &  $TY$ , finge tamen esse inæqualia, ut ipsa trianguli resolutio plus habeat operis; dentur verò latera  $TP$ , &  $PY$ , cum angulo  $P$  ab illis comprehenso; cætera reperire nobis incumbit. Datum igitur triangulum in duo minora bipartitum concipiam, ductâ perpendiculari  $TO$ , ac prioris quidem trianguli  $TPO$  rectanguli resolutionem aggrediar. Jam illius duo anguli  $O$ , &  $P$ , cum latere  $TP$  innotescunt: ergo per primum problema, reliqua facillè habebuntur. Notum igitur mihi est latus  $TO$  cum latere  $OP$ , & subduco  $OP$  à toto latere  $PY$  noto, non ignorabo reliquum latus  $OY$ . Quare in triangulo  $TOY$  rectangulo, jam obtinui duo latera  $TO$ , &  $OY$ , ac angulus  $O$  rectus cum sit, mihi est cognitus. Quocirca ex his, quæ mox demonstravimus, reliquum latus  $TY$ , cum angulo  $Y$  consequar; atque adeò tum latera, tum anguli trigoni  $TPY$  habebuntur. Non morabor in hac parte amplius; & quidem volui in hanc rerum tenuitatem descendere, ne quid ad Astronomiæ intelligentiam necessarium viderer omittere. Nec dissimulandum est, quod illis minutis instructa Geometria ad rationem usque mundi se tollit, & non solum stellarum errantium certos, constitutosque cursus numeris docet, sed etiam siderum moles, eorumque à terrâ distantias industriâ mirabili dimittitur.

*Th.* Multa tu quidem, quæ non nisi per longas ambages, & molles demonstrationes ab aliis traduntur, quam brevissimè exposuisti;

id

id unum tamen tecum quasi expositulo, quod ad sinuum tabulas provocaveris; nec dum nos quâ methodo digerantur, edocueris.

*Simp.* Non temerè id, quod à plerisque tractatum est uberrimè, omittendum putavi: nam si Geometricâ subtilitate exquirere volumus, quam cujusque arcus chorda, vel sinus cum diametro habeat proportionem, in immensum protrahetur oratio, atque longa demonstrationum series ex Euclide erit retexenda. Hoc quidem argumentum ante annos sexdecim, cum animum seriò ad Mathematicas scientias adjungerem, quantum potui (nihil enim magnopere meorum minor) breviter & dilucidè exposui. Hipparchus olim de subtenfis in circulo lineis 12. libros conscripserat: idem postea Ptolemæus faciliiori viâ aliquot demonstrationibus, licet paululum obscurioribus, expedit. Nunc satis fuerit, si praxim quasi mechanicam paucis aperiam. Circulo itaque in 360. gr. distributo diametrum IM in 120. partes veteres diviserunt. Unde posito circini pede immobili in puncto M, facile erit dignoscere quot diametri partes unaquæque chorda, vel sinus contineat. Sed ut calculus foret accuratior, placuit recentioribus semidiametrum, seu radium TM in 10000. partes divisum supponere; singulos quoque gradus in tres partes secuerunt, quarum singulæ viginti minuta complectuntur. Imò licebit & radium minutius concidere, atque in 100000. partes divisum fingere; sic gradus singuli commodius in sex partes secabuntur. Quocirca si radium TM in centum partes distribueris, unaquæque centum, vel mille continebit, quarum radius TM 10000. vel 100000. complectitur; nec difficile erit cujusque arcus chordam, aut sinum invenire. Chordis verò cognitis, sinus non ignorantur. Detur chorda POY subtendens, vel connectens extrema arcus PMY, illius dimidia PO erit sinus dimidii arcus PM, ut jam subinde monuimus. Circulo autem in suos gradus, & diametro in partes suas divisus, beneficio circini cognoscetur chorda POY, & quota sit pars totius diametri IM. Atque adeò cujusque arcus sinum non ægrè obtinebimus; ac tabulam sinuum hoc ferè modo digeremus, Partes circumferentiæ, seu gradus primo loco constituemus, quibus sinus è regione collocabuntur.

Quæres ex. gr. quantus sinus respondeat arcui unius gradus & viginti minutorum, è regione invenies sinum 2327. quarum radius circuli erit 100000. partium. Jam si velis scire quis sinus respondeat

Circumferentie		Diffe- rentia.
Grad.	Scrup. Sinus. centia.	
Specimen tabule, sinuum:	10 291	291
	20 582	
	30 873	
	40 1163	
	50 1454	
	60 1745	
1	10 2036	
	20 2327	
	30 2617	

arcui unius gr. & 25. min. vide in columna differentia, quot partes debeantur decem minutis unius gradus. Ecce tibi 291. Igitur dimidium hujus numeri nempe 145. addam sinui prius invento 2327. summa erit 2472. Tantus igitur dati arcus, sinus futurus est.

*Men.* Profecto me beasti: nunquam enim haecenus istam sinuum, & triangulorum spinosissimam doctrinam assequi potui, inquam tamen plerique omnes Astronomi tota volumina impendunt.

*Simp.* Nunc si placet, in alium diem, quod superest differamus; nam diu est quod vestra facilitate nimis intemperanter abutor.

*Th.* An tu cum nos in summam expectationem adduxeris, tam cito deseris; pedem hinc non referes, donec promissa exolvās; quæque ad praxim Astronomicam spectant penitus absolvas.

## CAPUT ULTIMUM.

### De praxi Astronomicâ.


*I.* Inchoetam capite secundo de sphaerâ caelesti tractationem absolutum; quibus utantur instrumentis Astronomi; quâ methodo lineam meridianam, Solis & aliorum siderum altitudines; poli elevationem, locorum longitudes aucupentur; quæque ad sphaerâ, vel globi caelestis usum pertinent, compendiose exponuntur. *II.* Quâ industria Solis, & aliorum planetarum eccentricitates investigent; tabulas Astronomicas conscribant, atque ex iis motus caelestes, & siderum loca explorata habeant, uno item ex altero problemate edocetur. *III.* Doctrina parallaxium, ex quibus planetarum à terrâ distantias colligunt; nec non quâ arte eclipses prænuntari & delineari possint, aperitur. *IV.* Agitur de variis defectibus observationum, veterum & recentiorum erroribus ubi de refractionibus & crepusculis nonnulla; ac demum Astrologia conjecturalis pervellitur, & vanitatis revincitur.

*Simplicius.*




Atis pol' pro imperio loqueris; sed apud te sumus, tibi mos gerendus est. Ac primo mihi dicendum esset, quæ instrumenta Astronomi ad observationes suas adhibeant; quæque arte construantur, nisi hæc vobis forent notissima, atque





atque ad machinatricem potius, quàm ad Philosophiam attine-  
rent. Nemo nescit rotundis instrumentis plerumque eos uti, qui si-  
derum motus circulares dimetiuntur; sive integrum circulum in 360.  
gr. distributum abhabeant; sive quadrante circuli in 90. gr. partito  
V 2 utan-



utantur. Sit igitur majoris lucis gratiâ circulus CEC in 360 gr. seu partes æquales; vel quadrans circuli CD, in 90. gr. dispersitus; quod compendiosissime fieri potest beneficio alterius circuli, puta SGS, jam antè distributi, cujus medium centro T applicetur: ac regula TB per singulos distributi prius circuli gradus ducta, gradus iidem in majori circulo CEC delineandos indicabit. Sed parum est Astronomo circulum in gradus dividere, nisi singuli gradus in 60. scrupula, vel saltem in sex partes, quarum unaquæque decem scrupulis respondeat, minutius concidantur. Quocirca non exiguis, sed amplioribus instrumentis uti solent. Quò verò uniuscujusque sideris locum exploratum habere possint, tenuissimam adhibent regulam, aliquantulum latam, cujus una extremitas centro T infigitur, altera B per omnes circuli gradus circumducitur. Optarem equidem, ut puncto B arcus BA unius gradus in sua scrupula distributi apponeretur, quem regula TB secum deolveret; tum enim necesse non foret totum circulum operose in minuta partiri, neque instrumentum ipsum tantam exigeret molem. Prætereo utrique regulæ extremitati T & B duo pinnacchia, vel laminulas perforatas, aut rimulis pervias affigi oportere, ut per illa foraminula, vel siderum radii excipiantur, vel ipsa sidera contueri liceat. His breviter delibatis totum opus in certa problemata digeramus. Neque hic est locus, in quo exultare possit oratio, sed in Mathematicorum angustias, & dumeta est compellenda.

*Men.* Ut voles, non enim quærimus abundantem rerum, aut verborum copiam, quæ cumulum tantum habeat, atque congestum: sed scientiam viâ, & ratione pertractatam volumus. Cum in cæteris scientiis, tum præsertim in Mathematicis mirifice capit animum meum erudita brevitatis cum aptâ rerum dispositione conjuncta.

*Simp.* Qui ordinis ac methodi in hujus disciplinæ tractatione nullam rationem habuerit, hic sanè audientes obruet, non docebit; licet amœnâ fortè garrulitate delectet. Præclaras quidem sententias fundat, quæ si non conhzreant, ac demonstrationum mupitione destituantur, nihil quàm nugæ egerit: nam laboratur etiam intemperantiâ rerum optimarum. Quò igitur viam ingrediamur camque planam, atque ad demonstrandum expeditam, à facilioribus ducamus exordium, ex quibus ad extrema occultiora quasi per gradus deducemur. Nobis ante omnia methodus, quâ linea meridiana (sic dicimus lineam, quæ directè meridiano circulo subjacet) inveniatur, proponenda est.



PROBLEMA I. Lineam Meridianam indagare.

**Q**uod si acus chalybea, quæ vi magnetica imbuitur, ad utrumque mundi polum extremâ suâ citra ullam deviationem dirigeret; illius ope lineam meridianam invenire expeditum foret; cum acus ipsa versoria; quam quærimus, lineam exhiberet; atque omnes rectæ versorio quiescenti ductæ parallelæ totidem essent lineæ meridianæ: hinc qui vulgò horologia solaria delineant, hac methodo lineam Meridianam exprimunt. Verum satis compertum est acum versoriam ad utrumque mundi cardinem non adeo religiosè extrema sua convertere, quin aliquot gradibus hinc, atque inde deslestat. Quare vel illius deviationis ratio habenda est, vel aliam viam paulo difficiliorem insistere oportet. Centro  $T$  plures circuli describantur, erecto ad perpendicularum cylindro, seu baculo  $TS$ , aliquot ante meridiem horis, ut horâ nonâ, diligenter inspicie cujus circuli peripheriam, quodque punctum attingat extremitas umbræ à baculo projectæ; quod sit ex, gr. 9. idque punctum signa. Eâdem serè post meridiem horâ, tertiâ scilicet revertere, atque expecta quousque ad eandem circulum extremitas umbræ contingat, ut in puncto 3. Jam arcum 3  $S$  9 in duas partes æquales divide in puncto 5, & per centrum circuli ducta  $STG$  lineam Meridianam præbebit. Nam si umbra circa horam nonam secundum rectam  $TG$ , & horâ tertiâ in rectam  $T3$  porrigatur, necesse est ut in ipsâ meridiem lineam  $TS$  describat, ut ab utraque æquo distet intervallo. Neque opus est ut vos admoneam styli, seu baculi extremitatem in mucronem esse acuendam, atque eandem operationem sæpius esse repetendam; est quippe hæc linea omnium serè observationum, quasi fundamentum.

PROBLEMA II. Solis & aliorum siderum altitudinem reperire.

**I**nstrumentum vel annulo libere suspendatur in puncto  $C$ , si sit integer circulus, cujus generis est Astrolabium; vel ad perpendicularum ligatur, si sit quadrans circuli  $DC$ . Regula verò  $TB$  versatilis tantum moveatur, quousque radii solares per utriusque pinnaculil rimulas trajiciantur; vel astrum ipsum per foraminula conspiciatur. Sit v. gr. regula  $TB$ ; inter  $D$ , &  $C$  medio intervallo constituta, tandem numerabis gradus inter  $D$ , &  $B$  interceptos, ea est quippe Solis vel alterius sideris supra horizontem elevatio. Cum enim instrumenti punctum medium  $T$ , à centro terræ sensibilibiter non differat, si per lineam  $DT$  Sol radios suos vibret; palam est eum supra horizontem non attolli, sed illius superficiem duntaxat radere, ut cum oritur; vel occidit. Quod si per radium  $TC$  conspiceretur, tum vertici nostro immineret,

Eadem figura ubique consulerenda.

ac toto quadrante circuli DC super horizontem affurgeret. Eodem quidem iure cum Solem per radium TB contuemur, tot gradibus atollitur, quot in arcu DB numerantur. Non dissimulandum est esse alium inveniendæ Solis altitudinis modum, citra ullum instrumentum, per solius baculi erecti umbram.

Sit stylus seu baculus PO, cuius umbra OT, radius solaris BPT. in triangulo TPO nota sunt duolatera, nimirum PO baculi altitudo, & OT ipsius umbræ longitudo. Angulus quoque O, cum sit rectus, ignorari non potest; est quippe 90. gr. ergo juxta ea, quæ superius de triangulorum resolutione diximus, innotescet angulus OTP, quæ est ipsissima Solis supra horizontem elevatio. Hac quidem subtili, & Geometricâ planè methodo veteres usos fuisse non ignoro; sed tamen incerta est, & lubrica, nisi stylus PO sit portentosæ longitudinis. Nam difficile est lucis & umbræ confinium discernere, & facile unius, vel alterius gradus error in hac operatione irreple.

**PROBL. III. Altitudinem poli, seu latitudinem loci indagare.**

**I**N hac operatione infinitum proptè momentum est; eaque sic potest satis accuratè perfici. Cum Sol alterum æquinoctiorum obtinet, Latitudo illius meridiana observetur, sit v. gr. DB, 41. gr. & 10. tanta erit altitudo æquatoris BT supra horizontem TD, hæc à quadrante circuli DC subducatur, remanebit BC distantia æquatoris à puncto verticali C 48. gr. 50'. quæ quidem est latitudo hujus loci æqualis omnino altitudini poli quæsitæ VR, quod faciliè demonstrabitur. Est quippe arcus RB quadrans circuli 90. gr. cum sit distantia poli ab æquatore; est itidem CV circuli quadrans, cum sit distantia puncti verticalis ab horizonte; ergo sublato communi arcu CR, remanebunt BC latitudo loci, & RV altitudo poli penitus æquales.

Nec minus præcisè, beneficio alicujus stellæ, quæ polo vicinior neque oritur, neque occidit, eandem poli altitudinem obtinebimus. Nam si maxima stellæ altitudo meridiana diligenter observetur, quæ sit ex. gr. 60. gr. & post 12. horas, vel alio die, minima quoque stellæ altitudo exploretur, quæ sit 40. gr. utriusque differentia erit 20. gr. cuius dimidium à maximâ altitudine subductum, vel minimæ additum dabit poli ipsius altitudinem 50. gr. vel utramque tum maximam, tum minimam stellæ altitudinem in unam summam congere, prodibunt 100. hujus numeri dimidium sume, nimirum 50. hæc erit altitudo poli. Hanc si semel consecutus fueris, declinationem Solis ab æquatore faciliè invenies.

Dato enim die observetur Solis altitudo meridiana, & quanto æquatoris altitudinem jam compertam superabit, vel ab eâ superabitur, tanta Solis declinatio futura est. Sic Parisiis cum Sol principium Cancri subit, 64. gr. & 50. in meridie attollitur, (nam alii polum 48. gr. 40'. alii 48. gr. 50'. supra horizonem assurgere existimant) ex quibus si æquatoris altitudinem 41. gr. & 20'. deduxeris, remanebit maxima Solis declinatio 23. gr. & 30'. Contrâ evenit, ubi Sol hie- me Capricornum ingreditur, tum enim in meridie non amplius quàm 17. gr. & 50'. attollitur; adeo ut æstivo solstitio 47. gr. nobis, quàm hiberno vicinior existat. Hinc tanta dierum inæqualitas.

Petrus Gassendus altitudinem poli Massiliæ per umbram gnomonis, vel erecti perpendiculari exploravit, viâ quidem paululum difficiliore, sed quâ nulla accuratior hactenus excogitari potuit. Collegii Massiliensis recto aream laminam circello relecto perforatam, sublatâ regulâ, sic aptavit, ut Solis meridiani radios posset excipere. Jam è foramine perpendicularum demissum est octo orgylis longum, cui prælonga, & lævigata tabula subiecta fuit, & ad libellam composita, in quâ lineam meridianam ex ipsius perpendiculari casu, quàm potuit exactè, ope verforii cujus declinatio nota fuit, produxit. Pingamus itaque foramen in puncto P appositum, ac filum pendulum P O in 1000. partes distributum, quarum unamquamque in plures alias dispescere licebat. Tabula libellata fuerit T O; Sole in solstitio æstivo versante expectatum est, donec illius radii per foramen trans- mitterentur, atque imaginem suam, quam instar eclipsos solet depin- gere, sic in tabulam T O projiceret, ut à meridianâ lineâ in partes æ- quas divideretur: tum enim judicatum est Solem circulum meridianum obtinere. Jam ex proportionè perpendiculari P O cum umbrâ T O, meridiana Solis altitudo, tum cum æstivum solstitium occupat 70. gr. 17'. cognita est, & quo superius dictum est modo. Nunc sublatâ ma- ximâ Solis declinatione 23. gr. 31'. scilicet minorum ab illâ Solis al- titudine, remanet æquatoris elevatio 46. gr. 40'. quæ à quadranto cir- culi subducta, exhibet urbis Massiliensis latitudinem 43. gr. 26'. his- tamen ut in cæteris observationibus magnâ opus fuit cautione.

Primo enim filum pendulum cum sit ductile, & sensile, nonnullum errorem facile potuit inducere, cui hiccommodo ut occurreret Gassendus regulam ligneam P O adhibuit. II. Rationem quoque ha- bere oportuit semidiametri Solis, & semini minorum, quàm necesse fuit ab inventâ altitudine subducere, ne major quàm revera esset haberetur. III. Penumbra etiam (sic vocamus lumen debile, quod

ut par erat, sed infimam partem attingebat. Taceo ipsum Gassendum nonnihil à vero aberrasse, quòd supposuerit acum versoriam quinq; gradibus à mundi cardine deflectere, ut ante aliquot annos deprehenderat; sed illa versorii declinatib; minime constans existit, quemadmodum ubique ferè terrarum observatum est, unde nunc temporis via duobus gradibus Massiliæ, & Aquis-Sextilis à mundi polo declinat. Hæc paulò uberius disserui, ut hinc constet quâ arte, quâve diligentia Astronomi siderum motus dimetiantur. Nulli quidem auctor fuerim, ut in his artibus ætatem suam consumat, atque ad minutissima Astro-nomiæ opera descendat; sed fruamur aliorum laboribus, iisque studiis liceat donare quædam velut temporum subsidia.

*PROBL. IV. Gradum zodiaci in quo Sol versatur investigare.*

**L**iterarū pendē ista sunt ludi, & trivialis scientiæ; neque observati-onibus, neque instrumentis opus est; duo duntaxat versiculi memoriæ sunt infigendi

*Livor mente latens insultat honoribus; horret  
Grandia gesta, hærens insigni laude notatis.*

Quodecim sunt diçiones, quas in duodecim menses sic tribue, ut prima Martio, secunda Aprili, & ita porro singulæ singulis mensibus ex ordine respondeant. Nunc vide quota in Alphabeto sit prima cujusque diçionis litera, totidem ex 30. unitates detrahe, residuus numerus indicabit diem, quo Sol signum zodiaci ingreditur. Exemplo res fiet illustrior. Mensi Aprili secunda diçio (mente) respondet, & prima ejus litera in Alphabeto undecima est; quare ex 30. auferam 11. restabunt 19. Sol igitur decimo nono die Aprilis signum Tauri ingreditur. Sed quiddam aliud inquirimus, in quo scilicet gradu Sol versetur quolibet mensis cujusque die. Addendus est ad diem propositum numerus literæ primæ diçionis designatus; quòd si numerus minor 30. prodierit, is gradum quæsitum indicabit. Ut die 12. Aprilis scire volo, quem gradum Arietis Sol occupet. Diçionis (mente) prima litera est M, in Alphabeto ordine undecima. Addam igitur 11. numero dierum, nempe 12. summa erit 23. quocirca eo die Sol vigesimum tertium Arietis gradum obtinet. Jam si quæras quem gradum Sol occupet die 28. ejusdem mensis, adde ut prius 11. dierum numero 28, & prodibunt 39. detrahe 30. restabunt 9. his adice unitatem, Itaque Soleo die in decimo gradu Tauri commoratur. Meminisse igitur oportet detrahenda esse 30. quoties abundant, & residuo numero unitatem esse adjiciendam.

## PROBL. V. Longitudinem loci invenire.

**N**ihil adeo Mathematicorum ingenia exercuit, atque ipsa longitudo scientia, quæ cum sit navigationi, & Geographia necessaria, non mirum est si summi viri impensam huius arcani inquisitioni operam dederint. Quærimus igitur quâ methodo inveniri possit arcus æquatoris inter duos meridianos interceptus; seu quanto citius in uno loco, v. gr. Byzantii, quàm Parisiis Sol oriatur; hæc enim eodem recidunt. Veteres ex Lunæ eclipsibus id inveniri posse crediderunt: nec quidem sine causâ. Cum ubique terrarum eclipsis Lunæ appareat, si horâ sextâ Constantinopoli; Lusetiæ verò non nisi horâ octavâ defectionis initium conspiciatur: rectè colligemus Byzantium duabus horis, seu 30. gr. magis ad Orientem vergere. Verùm multa occurrunt, quæ hoc negotium difficius reddunt. Obstant inprimis Lunæ parallaxes, & refractiones, quas accuratè dignoscere citra magnum laborem non possumus. Deinde vix horam latè præciè habere contingit: nisi fortè stellarum fixarum beneficio. Cum enim Sol aliquantulum tardiùs quotidianâ conversione ab ortu in occasum, quàm stellæ deferatur; adeo ut intra annum spatium integrò circulo stellæ celeritè progrediantur, quantum scilicet Sol in ortum remeat. Hinc sequitur singulis mensibus stellam non errantem quibus horis citius Sole ad Meridianum pervenire: sic unâ & stellæ illustrioribus minoris Ursæ, circa octavum diem Novembris in circulo meridiano unâ cum Sole reperitur: nimirum circa mediam noctem, & revolutione suâ eandem cum Sole horas metitur. Ergo die 8. Decembris horâ decimâ ad eundem circulum revertetur, & ita deinceps, unoquoque mense duas horas anticipabit. Quocirca ex altitudine stellarum horam satis præciè de nocte colligi posse non inficior. Sed aliud quiddam est, quod nobis negotium facessit: nimirum in defectione confinium lucis, & umbræ, vel penumbre finis ab ipsius umbræ nigrioris principio ægrè admodum discerni potest, & raro Astronomi in obsignandis deliquiorum Lunæ momentis, vel durationibus inter se consentiunt. Ante aliquot annos Joh. Bap. Morinus Regius Mathematicus, tum cum viveret mihi amicus, multum defudavit, ut toti orbi persuaderet illud arcanum tot retro sæculis quæsitum & se feliciter detectum fuisse. Verùm ut ingenuè quod res est loquar, multa quidem supposuit, quæ vix obtineri queant. Nempe tabulas Astronomicas, quæ corporum coelestium motibus perfectè concinerent; parallaxium; & refractionum accuratissimam scientiam, quod citra ullum errorem siderum loca habeantur. Ut nihil dicam de tem-



poris mensurâ exactissimâ; quæ omnia vix sperare liceat. Multa quidem exposuit speculatione digna, & Geometricis demonstrationibus munita; sed nescio an eadem facilitatè, quâ demonstrantur, ad præxim reduci possint. Fateor tamen optimam esse inveniendarum longitudinum methodum, quam per Lunæ Stellarum motus Morinus, & alii exposuere.

Nec demùm contemnenda est ratio inveniendæ longitudinis, quam vir eruditus & profunda meditationis Joannes Darconsius per æstum maris reciprocum satis dilucidè explicat. Cum enim eodem momento Oceanus ubique exæstuet; observare licet quâ horâ, quove Lunæ die in aperto mari æstus contingat. Suppono longitudinem loci, ex quo solvisti esse 17. gr. atque æstum unâ horâ & 8. minutis post meridiem accidisse. Quare Sol tum in primo meridiano, qui per Insulas Fortunatas transit, versabatur. Nam unâ horâ, & 8. minutis 17. gr. percurrit. Jam ignorari non poterit, quem longitudinis gradum Sol obtineat, cum secundus recurret æstus, nimirum post 12. horas, & 24. min. atque tabulam si libeat conficies, per quam faciliè cognosces, quem singulis æstibus Meridianum Sol occupet. Nam si fluat Oceanus Sole existente in primo Meridiano, refluet post sex horas, & duodecim minuta; quo quidem tempore Sol motu diurno 93. gr. longitudinis conficiet. Cùm iterum æstus redibit, Sol 93. gr. itidem promovebitur. Quaecumque igitur in plagam, vel ipsâ tempestate delatus fueris, ex æstu maris reciproco, quem Sol Meridianum obtineat, exploratum habebis, nec te fugiet, sub quo Meridiano existas.

Jam ubi latitudinem, & longitudinem duorum locorum cognoveris, faciliè quæ sit inter ea distantia digosces; cùm uni gradui 30. *Quæ in-  
distia di-  
vel circiter leucæ Gallicæ respondeant. Verùm hæc ad Geographos stantia in-  
pertinent, qui etiam locorum tum longitudine, tum latitudine per-  
ter duo  
spectis, eorum situs in globo terrestri, vel Mappâ mundi designant. terra loca  
Prætereo quoque ipsius terræ ambitum hinc persfaciliè descripti posse. haberi pos-*

Sumanter enim duo loca, quæ eidem Meridiano subiaceant, ac sit. *De terra  
ambus.*  
solâ latitudine differant, polus item duobus gradibus magis in uno loco, quàm in altero attollatur; ita ut 60. leucarum intervallo inter se distent. Sunt verò in circulo terræ maximo 360. gr. quocirca

10800. vel circiter leucæ terræ ambitus complectitur. Hujus numeri sexta pars (nempe 1800 leucæ, dabit distantiam centri à superficiei terræ.



## PROBL. VI. Globum cœlestem, vel sphaeram in debitâ positione collocare.

*Hoc problemate totius sphaera, vel globi cœlestis usus continetur.*

*Quomodo stella dignoscitur posita.*

*De ortu & occasu stellarum.*

**N**on equidem recusabo ad minora illa, atque ab omnibus tractata, sed quæ si negligas non sit majoribus locus, descendere. Inventâ linæ Meridianæ globum cœlestem sic aptare convenit, ut huic linæ circulus Meridianus apprimè respondeat; tum polos tot gradibus supra horizontem globi est attollendus, quanta est loci in quo degis inventa latitudo. Parisijs 48. gr. 40'. vel ut aliis placeat 50. attollitur. Sic globus optimè cœlo congruet, atque illius polus si productus concipiatur, in ipsum mundi cardinem nobis conspicuum desinet. Jam si gradum, in quo Sol versatur, in horizonte ex parte occasus constituas, licebit cernere in globo cœlesti, quem tenes præ manibus, quæ stellæ Sole occidente oriuntur, vel occidunt, quæque medium cœlum teneant. Hac demum arte ex stellis in tuo globo depictis stellæ firmamento infixas discernere expeditum erit; maximè si jam aliquas antè noveris. Sed tamen expectandum erit, quousque stellæ radiis solaribus prius oppressæ, tandem emergant, atque ut cum Astronomis loquar, oriuntur heliacè. Quæ verò cum Sole super horizontem assurgunt, dicuntur oriri cosmicè; sed cum Sole occumbente oriuntur, tum ortus earum vocatur Achronicus. Hic notare convenit sidera, quæ Sole velocius in ortum promoventur, eadem vespere oriri heliacè, & manè occidere, quòd Solem manè assequantur, vespere deserant: nam celerius Sole in ortum nituntur. Sic Luna radios Solis manè subit, cum vespere ex ils emergat. Reliqua verò sidera vespere occidunt, manè oriuntur; quòd Sol velocior ea vespere assequatur. Sic stellæ fixæ & superiores planetæ vespere radiis solaribus opprimuntur, atque heliacè solent occumbere.

Nunc quæ sit Solis declinatio, vel ascensio tum recta, tum obliqua, quam facillimè invenies, posito gradu quem Sol occupat sub circulo Meridiano; numerabis gradus Meridiani inter æquatorem, & Solis gradum interceptos; tanta quippe erit Solis declinatio, quæ addita, vel subducta ab altitudine æquatoris, meridianam Solis altitudinem exhibebit. Circuli porro declinationis innumerabiles concipi possunt, qui per utrumque mundi cardinem & per omnium siderum loca, quasi totidem meridiani ducuntur. Circuli verò latitudinis per polos zodiaci transeunt; est quippe latitudo Astri distantia illius ab orbitâ Solis, seu eclipticâ; quemadmodum declinatio est elongatio sideris ab æquatore: longitudo quoque stellæ penes zodiacum accipitur; ita ut stella æquinoctio verno proxima nullâ longitudine donetur: major futura est, quo longius à principio Arietis removetur.

ER

*Quid sit declinatio, quid latitudo, vel longitudo stellæ.*

Est igitur longitudo arcus zodiaci inter duos latitudinis circulos comprehensus; quorum unus per locum sideris, alter per principium Arietis ducitur. Cognitis verò tum longitudine, tum latitudine Astrî, facîle in globo cœlesti id depingitur: quemadmodum in terrestri urbium situs cognitis earum tum longitudine, tum latitudine aptissime delineantur. Ascensio autem recta, vel gradus zodiaci, vel alicuius sideris, similis est longitudini loci alicuius, qualem Geographi definiunt. Est enim arcus æquatoris inter duos circulos declinationis, tanquam duos Meridianos comprehensus, quorum primus per sectionem æquinocbialem, seu principium Arietis; alter per gradum zodiaci, vel locum sideris ducitur. Ut semel finiam, quod est in globo terrestri latitudo, idem planè in cœlesti declinatio existit, distantia nimirum ab æquatore; quod ibi est longitudo, hæc ascensionis rectæ nomen usurpat. Quamobrem qui sphaeram rectam obtinent, his Sol; & omnia sidera recte ascendunt; sed in obliquâ sphaerâ variatur ascensio, eoque est obliquior, quo polus magis elevatur. Sic in sphaera recta gradus duodecimus Arietis cum undecimo æquatoris gradu ascendit; verùm ubi polus 49. gr. elevatur, vix sextus gradus æquatoris cum duodecimo Arietis super horizontem emergit. Cum Sol versatur in 6. signis, quæ ascendentia dicuntur: nempe cum à principio Capricorni usque ad principium Canceri progreditur, tum ascensiones minuuntur, in reliquis eadem proportionem crescunt. Lutetia v. gr. Parisiorum primus gradus Canceri ascendit cum 61. gr. æquatoris: nempe quatuor ferè horarum intervallo. In sphaerâ autem rectâ cum 90. gr. æquinocbialis ascendit. Quare utriusque differentia est ferè 30. gr. seu duarum horarum: ergo cum Sol principium Canceri subit, citius nobis oritur duabus ferè horis, quàm his, qui sphaeram rectam obtinent; cumque eadem proportionem tardius descendat, liquet tum diem artificialem nobis longiorem esse quatuor ferè horis, quàm illis, qui sub æquatore degunt. Differentia igitur inter rectam, & obliquam ascensionem, dierum efficit inæqualitatem; adeo ut si illa differentia sit 15. graduum, diem artificialem duarum horarum intervallo majorem, vel minorem 12. horis exhibeat. Imò plerumque hæc ascensionum obliquitas efficit, ut planetæ diutius, vel citius quàm par sit à radiis solaribus emergant. Quædam Gassendus exempla proferet contemplatione digna. Scripsit olim Cardanus Regi Christianissimo Jo-

Quid ascensio recta, quid obliqua.


Quare præter communem naturæ ordinem evenisse falsò credidit. Tum enim atquando Jupiter in signis ascendentibus unâ cum Sole versabatur, & propter per duos obliquitatem ascensionis diutius horizonti detentus hæsit, ac luce mensis dec-

crepera obductus non apparuit. Sic quidam Philosophi anno 1615, cum viderent Martem à Sole distantem 40. gr. nondum tamen comparere, illi epicyclum addiderunt, quo supra Jovem efferretur. Id vero tum accidit, quod Mars Apogæus in signis descendentibus (sic vocant sex signa à principio Cancri ad principium Capricorni numerata) moraretur. Unde idem ex parte Occalus, quod Jupiter tempore Cardani ex parte Orientis præstitit. Nimirum oblique descendens diutius horizonti adhaesit, nec facile è solaribus radiis potuit expediri. Venus verò tum temporis sub aspectum venit, quamvis 20. Augusti Mars cum illâ congressurus erat: nempe quòd Venus præ suâ magnitudine sese videndam exhibuerit; Mars non item, qui Apogæus existens visus aciem facile elusit. Anno 1634. cum Venus multum in cornua extenuata vix cerneretur; ita ut illam amplius visam iri spes nulla foret: altero tamen die ante congressum cum Sole, hoc est 17. Februarii, apparuit quasi specie aucta; quod eventit non modò propter ascensionis obliquitatem; sed etiam propter latitudinem 8. vel 9. gr. quâ in Boream declinabat. Ascensionum porro & declinationum tabulas digierunt Astronomi hoc fere modo,

Caput declinationum, & Ascensionum.					
Zod.	Declinatio.		Recta Ascensio.		
Gr.	Gr.	Scrup.	Gr.	Scrup.	
1	0	24	0	55	
2	0	48	1	10	
3	1	12	2	45	
4	1	36	3	40	
5	2	0	4	35	
6	2	23	5	30	
12	4	22	11	0	
18	7	4	16	34	
24	9	19	22	10	
30	11	29	27	54	

Eadem arte ascensionum obliquarum ad quamcunque Poli altitudinem tabulas concinnant, in quibus illud notatu dignum est, quòd circa æquinoctiorum puncta declinatio Solis citissime crescit, aut minuitur; non item circa solstitia, ubi declinatio in eodem fere statu diu permanet. Sic primo gradui Arietis 24. declinationis respondent; secundo gradui 18. cum tamen ultimus gradus Geminarum vix uno minuto magis declinet ab æquatore, quam 29. gradus ejusdem signi.

Quod in causâ est, cur circa solstitia altitudo Solis Meridiana diutius eadem perseveret, nec tum temporis aliorum sensibilis differentia appareat. Contra evenit ubi Sol prope æquinoctia versatur; tum enim dies



dies citissime crescunt, vel minuuntur. Sed quâ arte, quâve industria  
 Astronomi tabulas tum ascensionum, tum declinationum adeo accu-  
 ratas fabricare potuerunt? Id scilicet ut cætera beneficio Trigonomet-  
 riæ consecuti sunt. Nam in superiori schemate circulus QEC meri-  
 dianum

*Quomodo  
ascensio  
per trigo-  
nometri-  
am obse-  
ratur.*

dianum nobis exhibeat, ut T D partem æquatoris, T B portionem, seu quadrantem eclipticæ, punctum T principium Arietis, Solem concipiamus in P, ex. gr. in duodecimo gradu Tauri: quærimus quantâ sit ejus declinatio P O, quantâ sit ascensio recta T O. Nam concipimus P O, tanquam portionem circuli declinationis, qui cum transeat per polos æquatoris, illum ad angulos rectos dirimit in puncto O. Quocirca in triangulo T P O noti sunt duo anguli, O rectus, & T, quem mensurat maxima Solis declinatio D B jam cognita 23. gr. 30'. datur etiam latus T P longitudo Solis, seu distantia illius à principio Arietis, quam supponimus esse 42. gr. ergo reliqua facillè habebuntur, nimirum P O Solis declinatio, quæ futura est 15. gr. 27'. & T O ascensio recta, quæ erit 39. gr. 35'. Illud addam, quod beneficio tabularum, de quibus jam multa diximus, quacunque horâ facillè cognoscitur quis gradus zodiaci super horizontem emergat, quis deprimatur, vel occidat, quis demum sub meridiano existat: res brevissimo pateat exemplo. Cum Sol duodecimum gradum Tauri obtinet, scire juvat, quis zodiaci gradus horizontem tangat, horâ post meridiem secundâ. Ex tabulâ ascensionum mihi liquet duodecimum gradum Tauri ascendere in sphaera rectâ cum 39. gr. 35'. his addo 30. gr. quod horâ post meridiem secundâ, quis gradus meridianum obtineat inquiram: tantum verò spatii nempe 30. gr. Sol duabus horis percurrit, Summa efficitur 69. gr. 35'. itaque tabulam ascensionum rectarum adibo, cum hoc numero 69. gr. 35'. cui è regione respondet undecimus gradus Geminorum, qui tum temporis Meridianum occupat. Jam scire volo

*De hera-  
scopo.*

quis gradus eclipticæ tum oriatur, ubi polus 54. gr. attollitur, ut Frunburgi (nam tabulis Copernici nunc utimur,) Igitur prædicto numero 69. gr. 35'. quantâ est ascensio recta jam reperta, addo 90. gr. seu quadrantem circuli. Prodiit summa 159. gr. 35'. cui numero in tabulâ ascensionum obliquarum è regione respondet gradus 16. Scorpionis, qui quidem tum super horizontem emergit, eumque Astrologi conjecturales horoscopum vocitant. Jam si velim omnia, quæ ad longitudinum, latitudinum, & ascensionum, non eclipticæ modo, sed etiam fixarum scientiam pertinent, ut par est, exponere, in multam noctem protrahetur oratio. Id unum tamen non omittam, quâ scilicet arte fixarum loca designare, atque earum ab æquinoctio distantias dimetiri potuerint, cum veteres, tum recentiores Astronomi. Et quidem si stellæ unâ cum Sole sub obtutum caderent, earum à Sole distantias venari in proclivi foret; cumque Solis locus nunquam ignoretur, non utique nos lateret quantum fixæ ab æquinoctiis, vel solstitiis recederent. Verum stellæ solaribus radiis obducuntur, nec de die videntur.

*De locis  
fixarum ob-  
servandis.*

possunt.



possunt. Itaque Menelaus Geometra, Ptolemæus, & alii veteres stellarum loca beneficio Lunæ assecuti sunt. Unicam Ptolemæi observationem referam, cujus meminit libro septimo Almagesti. Anno secundo Antonini Pii Imperatoris, seu anno salutis 139. die Februarii 23. cum Sol in tertio gradu & tribus minutis Piscium versaretur, quinta post meridiem hora, reperit Lunæ à Sole distantiam 92. gr. & octo fere minutorum, adeo ut tum Luna obtineret gradum 5. 10'. Geminorum. Post mediam horam, Sole jam sub horizonte depresso, stella, quæ est in pectore Leonis, quæque Regulus vocitatur, cepit apparere, cujus à Lunâ distantiam invenit graduum 57. 6'. & quia tum temporis jam Luna quadrantem unius gradus confecerat: nam spatio unius horæ dimidium gradum peragrat. Colligimus locum stellæ tum extitisse in 11. gr. 30'. Leonis, atque ab æstivo solstitio 32. gr. 30'. remotam fuisse. Jam ubi situm illius stellæ exploratum habuit, faciliè fuit reliquis sua loca designare; neque amplius cum Sole, vel Lunâ eas conferre necesse erat; sed ad stellam, cujus situm prius comperebat, cæteras comparavit, ut earum tum longitudinem, tum latitudinem scrutaretur. Forsitan majori compendio ex lunari eclipsi fixarum loca aliquis exquireret; maximè si Luna circa meridianum existens laboraret: tum enim immunit est ab omni refractione, nec tantam parallaxim sustinet. Quæ duo Ptolemæi, & veterum observationes suspectas reddunt; refractiones imprimis, quarum nullam habuere rationem. Locus verò Lunæ ignorari non potest, si acri studio medium defectus observatur; tum enim Soli directè opponitur. Nec difficile erit distantiam stellæ à Lunâ invenire. Sed tamen quia Luna quocumque in loco existat, magnam subit parallaxim, nec facile est medium deliqui tempus adeo religiosè observare: idcirco Tycho, & Keplerus non Lunam, sed Venerem elegerunt, cujus distantiam à Sole exactam sumpserunt; tum post Solis occasum fixæ alicujus à Venere distantiam, non Astrolabio Ptolemæi, sed instrumentis vastæ magnitudinis accuratissimè deprehenderunt. Minimam enim parallaxim Venus subit, nec tantum spatium intra horam, quantum Luna conficit. Quare major fides Tycho, Keplero, Gassendo, & aliis recentioribus, quam Ptolemæo vel Copernico est adhibenda.

PROBL. VII. *Horologium solare describere.*

**Q**uandoquidem circa res tenues adhuc moramur, non verebor pauca de principiis Gnomonices attexere. Equator, ut jam diximus, est æquabilis, & constans temporis mensura; atque illius 15. gr. spatio unus horæ decurrunt. Concepinus verò duode-



*Perpanca hic de principio Gnomonice atteximus, quod reu sit tri- que obvia.* cū circulos tanquam totidem meridianos, qui per utrumque mundi cardinem ducti, æquatorem, atque adeo totam sphaeram in 24. partes æquales dirimunt. Quod si globum in 24. partes per istos circulos, qui horarii dicuntur, distributum in apta positione constituas; profecto hic horologii solaris loco futurus est. Nam axis illius, mundi quædam apicem exhibebit. Quocirca axis istius globuli productas horas suo rallelum conficiendum erit. Stylus in medio erigetur ad perpendicularum: axis quippe mundi, plano æquatoris ad pares insitit angulos. Duplex verò ejusmodi horologium delineari solet; quorum unum superius est, alterum inferius; ut utroque semeliri horas exhibeant. Mitto de hujus horologii inclinatione dicere, cum ipsi æquatori parallelum supponatur; unde in 24. partes æquales dividitur, quod circuli horarii æquatorem in partes æquas dispelcant, quia per illius transeunt polos. Horizontem verò non in partes æquas partiuntur; sed minores sunt arcus, quò meridiano sunt proptores. Neque etiam stylus in centro horizontalis horologii erigitur ad perpendicularum; sed eandem habet cum plano horizontali inclinationem, quam axis mundi cum ipso horizonte; ac Parisiis angulum 48. gr. & 40'. efficit. Verum in iis diutius non morabor, quod usu facilius quàm doctrinâ percipiantur. Illius duntaxat scientiæ, quam Sciotericam, vel Gnomonice vocant principia delibare placuit. Nunc aliò pergamus.

*PROBLEMA V. III. Excentricitatem Solis, & locum Apogei invenire.*

**I**stud sanè problema plus habet in recessu, quàm in fronte pro-mittit: hinc enim tota Solis pendet theoria. Resumenda verò figura est in planetarum theoricis toties à nobis usurpata. Sit orbita Solis DBD, cujus centrum M, terræ medium A, excentricitas erit MA, locus apogei K; utrumque inquirimus. Hac serè methodo procedit Ptolemæus. Ab æquinoctio verno I, ad æstivum solstitium Q, dies numerantur 94. cum semisse. Cū autem Sol æquabili motu in sua orbita feratur, ac singulis diebus 59'. cum 8". conciat; necesse est ut arcus IQ 93. gr. 9. complectatur. Jam ab æstivo solstitio Q ad autumnale æquinoctium T, dies recenseantur 92. cum semisse. Quocirca arcus QT erit 91. gr. & 11'. cumque IQT, arcus sit semicirculo major, ibi erit centrum excentrici Solis M. Sed major quoque est IQ, quàm QT: ergo necesse est ut in arcu IQ Solis apogæum reperiatur, nimirum in K. Jam ICT est 184. gr. 20'. illius igitur dimidium IC 92. gr. & 10'. futurum est; quare sublato circuli quadran-



Solis nunc 7. gradum Cancræ obtinet. Singulis annis, si Cassendo credimus, dodrante unius minuti progreditur in consequentia. Excentricitas verò  $AM$  est pars 28. radii  $MK$ , inventa semel excentricitate, differentia mediæ, seu æquabilis motus à vero, sive apparente faciliè colligitur. Ponamus Solem in puncto  $I$  versari recta,  $MI$  producta medium Solis motum in zodiaco designabit; nobis verò in puncto  $A$  existentibus Sol per rectam  $AI$  superior videbitur. Hinc recta  $AI$  verum, seu apparentem Solis motum exprimit. Angulus  $AIM$  utriusque motus differentia, æquatio, vel prosthaphæresis vocatur. Medium Solis motum obtinere in proclivi est, cum sit æquabilis, & ubique sui similis. Hinc angulus  $IMK$  distantia Solis ab apogæo, non potest ignorari: notus adeo erit angulus  $IMA$ : nam duo anguli ad  $M$  sunt æquales duobus rectis, seu 180. gr. ille est cognitus v. gr. 70. gr. unde angulus  $IMA$  residuus erit 110. gr. quare in triangulo  $AMI$  nota sunt duo latera  $AM$ , &  $MI$ , seu proportio unius ad alterum: scimus enim  $AM$  esse vigesimam octavam partem radii  $MI$ . Notus etiam est angulus  $IMA$ : dantur ergo & reliquæ, scilicet angulus  $IAK$ , qui verum Solis ab apogæo motum, seu Anomaliam dimittitur; angulus quoque  $AIM$  innotescet, qui est æquatio quæsitæ. Hinc Astronomi duas tabulas digerunt; unam mediæ motus, æquationum alteram; ut cum libuerit vera tum Solis, tum aliorum siderum loca liceat invenire. Jam ut excentricitate cognita per triangulorum analysim omnes dignoscuntur æquationes; sic vicissim maximâ æquatione data, invenitur excentricitas. Nam in triangulo  $AIM$ , si noveris angulum  $I$ , unâ cum angulo  $M$ , qui medium motum metitur, non ignorabis proportionem lateris  $IM$  ad excentricitatem  $MA$ . Hocque modo Astronomi omnium præter Solem planetarum excentricitates investigant.

*PROBL. IX. Vera siderum loca ex tabulis Astronomicis eruere.*

**H**oc problemate Astronomicæ praxeos pars non ignobilis continetur. Sed plerique omnes hujus scientiæ principes infirmitatem discendum onerant obscuritate præceptorum; & quamvis mihi res sit cum viris eruditissimis, nec mihi necesse sit vires temperare; quam potero tamen dilucidè rem totam oculis subiciam. Tabulæ Astronomicæ, ut subinde diximus, in duplici sunt differentiâ: aliæ medios planetarum motus; aliæ ipsas æquationes exhibent. Exemplo sit Luna, cujus multiplices motus indagare difficile est. Primum majoris epicycli centrum duodecim ferè gradibus  $11^{\circ} 26'$  à Sole dimovetur: ita ut vertente anno Ægyptio post integrum circum-

lum

sum peragratum, 129. gr. 37. decurrat. Hinc primo loco tabula hoc titulo disponitur.

<i>Motus Luna in annis &amp; sexag. an.</i>				
Anni	Sex.	Gr.	Min.	Sec.
1	2	9	37	22
2	4	19	14	45
3	0	28	52	7
4	2	38	29	30
5	4	48	6	53
6	0	57	44	15
7	3	7	21	38
8	5	5	16	59
9	1	26	36	23
10	3	36	13	46
11	5	45	51	8
12	1	55	28	31

<i>Radix seu Epocha Alex.</i>		
Sex.	Grad.	Min.
5	10	44

<i>Epocha Christi.</i>		
Sex.	Grad.	Min.
3	29	58

Itaque primo anno Luna orbe suo decurſo 2. ſexagenas graduum 9. gr. 37. à Sole diſcedit. Alia quoque tabula diebus & ſexagenis dieum deputatur.

<i>Motus Luna in diebus &amp; ſexagenis dieum.</i>				
Dies	Sex.	Grad.	Min.	Sec.
1	0	12	11	26
2	0	24	22	53
3	0	36	34	20
4	0	48	45	46
5	1	0	57	13
6	1	13	8	40

Cum

Cum vero hunc Lunæ motum æquabilem perturbet motus minoris epicycli in majori, huic motui qui Anomaliz vocitatur aliam quoque tabulam destinant.

Motus Anomaliz lunari in annis, & sexagenis annorum.					
Anni	Sex.	Grad. Min. Sec.			
1	1	20	43	9	
2	2	57	26	18	
3	4	26	9	27	
4	5	54	52	36	
5	1	23	35	45	
6	2	52	18	54	

Epocha Christi.		
Sex.	Grad.	Min.
3	27	7

Huic subnectunt alteram pro diebus, & dierum sexagenis. Ut nihil dicam de motu medio latitudinis, cujus tabula utilis est ad calculum eclipsion; hujus tabulæ beneficio motum Lunæ à capite Draconis dignoscimus, qui nonnihil diversus est à motu medio corporis lunaris, quòd nodus ille, seu caput Draconis nonnihil in præcedentia moveatur. Hæc quidem de medijs seu æquabilibus Lunæ motibus.

Quocirca ubi quem Luna locum obtineat scire voles: primum medius Lunæ à Sole motus, tum motus Anomaliz tibi inquirendus est; & quo res sit lucidior, utamur exemplo ex tabulis Copernici deprompto. Hipparchus anno ab obitu Alexandri 197. die 17. mensis Pauni, qui est decimus Ægyptiorum, horâ nonâ, & triente, Lunæ à Solis distantiam 48. gr. & 6. invenit; adeo ut Luna foret in vigesimo octavo gradu 37. Leonis: tum enim Sol decimum gradum 40. Cancræ obtinebat. Itaque sunt ab obitu Alexandri anni Ægyptii completi 196 dies 286. horæ 3. 20. min. hoc est, annorum sexagenæ 3. anni 16. dierum sexagenæ 4. dies 46. scrupula dici 8. secunda 20. Primo igitur loco radices seu epochæ collocantur; in ipso obitu Alexandri per tabulas invenimus Lunam à Sole sexagenis graduum quinque, & decem gradibus, 44. recessisse. Sic motus Anomaliz radicem, seu epocham notabis. Tum adhibis tabulam cum 3. sexag. annorum,

qui

qui ab obitu Alexandri usque ad Hipparchi observationem effluxerunt. Invenies 28. infra graduum notam collocata; itidem 52. minutis; & 7. secundis subjecta. Scribes verò 28. sexag. graduum, & loco 52. minutorum accipies 52. gradus, ut vice secundo 7. totidem minuta sumes, quòd hîc non anni, sed sexagenæ annorum quærantur, atque ad eò loco graduum, sexagenas graduum, & vice minutorum, gradus ipsos usurpare convenit. Tertio, cùm 16. annis adi tabulam, atque occurrent 4. sexagenæ, & 33. gradus, ut minuta præteream. Superfunt dies 286. seu quatuor sexagenæ, & præterea 46. dies. Quatuor sexagenis in tabulâ dierum respondent 48. sexagenæ graduum, & 45. gr. omisiss scrupulis. Tandem diebus 46. respondent 9. sexag. & 20. gr. idem de horis faciendum. Omnes hi numeri in unam sumam colliguntur; atque ubi 360. vel sex graduum sexagenæ abundant, expungendi sunt. Quare si bene calculum posueris, prodibit summa sexag. 0. id est nulla, 45. gr. 4'. 40". hoc est tum Luna à Sole 45. gr. 4. min. motu suo medio dissidebat. Non dissimili arte motum Anomaliz, seu Luna in majori epicyclo locum obtinebis, sexag. 5. 33. gr. 2'.

	Motus Luna.				Anomalia Luna.			
Radix.	Sex.	Gr.	Min.	Sec.	Sex.	Gr.	Min.	Sec.
3. sex. ann.	28.	52.	7.	49.	26.	9.	27.	21.
16. ann.	4.	33.	58.	2.	5.	39.	30.	26.
4. sex. die.	48.	45.	46.	46.	52.	15.	35.	46.
46. dies.	9.	20.	46.	28.	10.	0.	59.	21.
Scrup. 8.		1.	37.	31.		1.	44.	31.
Sec. 20.			4.	4.			4.	21.
Summa	0.	45.	4.	40.	5.	33.	2.	46.

Jam nihil necesse est vos monere, plerosque Astronomos annis Ægyptiis uti; ad eò ut anni Juliani sint ad Ægyptios reducendi. Videntur quoque est in tabulis longitudinum, quæ ubivis atque in omnibus libris Astronomicis reperluntur, quo longitudinis gradu, seu quo meridiano tabulæ fuerint compositæ. Nam si sub eodem degas meridiano, nihil addere debes vel subtrahere; sed si locus, in quo versaris, 15. gradibus magis ad occidentem, vel Orientem vergat, tum unam horam adjicere vel subducere oportet, eadem proportionem in cæteris servatâ, quò tempus & Lunæ locum præcipuum obtineas.

Hactenus de mediis motibus tum Lunæ, tum reliquorum planetarum indagandis, satis superque dictum est: sequitur ut artem quâ appa-

apparens, seu verus Lunæ locus exploratus haberi possit, breviter, & apertè proponamus. Neque res adeò est difficilis, ut plerique putant. Invenisti Lunæ mediam à Sole distantiam 45. gr. & 5. ferè. minutorum: cum hoc numero duplicato, nempe 90. gr. & 10. ingredièrè tabulam prosthaphæreseon, quæ nunc præ se fert titulum.

Tabula prosthaphæreseon lunarium.

Numeri communet.	Grad.	Epicyc. minoris prosth.		Epicyc. majoris prosth.	
		Gr.	Scrup.	Gr.	Scrup.
	3	357	0	51	0
	6	354	1	40	0
	9	351	2	28	0
	12	348	3	15	0
	15	345	4	1	11
	18	342	4	47	1
	21	339	5	31	1
	24	336	6	33	1
	27	333	6	54	2
	30	330	7	34	2
	33	327	8	10	2
	36	324	8	44	2

noctio verno recesserat sex. 1. gradus 42. min. 9. Igitur Luna ab eodem æquinoctio jam promota erat sex. 2. gr. 28. ferè cum semisse, ac vigesimum octavum gradum Leonis obsidebat.


Cùm autem novilunium inquiritur solâ majoris epicycli prosthaphæreseos opus est, iis de rationibus, quæ superius allatæ sunt. Nec difficile est media quæque novilunia invenire. Ponamus enim primo die mensis Septembris anni 1624. motum Lunæ à Sole compertum fuisse 360. gr. Igitur primo die illius mensis, circa meridiem (siquidem Astronomi à meridie ipsius diei ducunt exordium) factum est novilunium. Quòd si inventus sit motus medius sex. 5. gr. 46. 26. min. hic numerus ex toto circulo 366. gr. subducatur, reliqui erunt 13. gr. 34. Luna verò dietim 12. ferè gradibus, & 11. à Sole elongatur. Ergo die secundo mensis Septembris, circa horam à meridie secundam cum semisse, futura est media Solis & Lunæ syzygia, vel conjunctio. His adde



adde dies 14. horas 18. min. 22. & tempus plenilunii proximi obtinebis; quod si idem dierum spatium pergas adijcere, faciliè tabulam concinnabis, quæ in multos annos novilunia, ac plenilunia declarabit. Nunc de eclipsibus dicam, sed quædam de parallaxium doctrinâ sunt antè præmienda.

**PROBL. X. Parallaxes & siderum à terrâ distantias scrutari.**

**Q**uod si terra nihil quàm punctum foret cum orbe lunari composita, haud dubiè Lunam in proprio loco cerneremus, ac si in ipso terræ centro versaremur. Est quippe parallaxis differentia veri loci ab apparente. Recta linea à centro mundi per astrum deducta, verum illius designat locum; visum seu apparentem exhibet linea à superficie terræ in qua sumus per astrum ad zodiacum usque directâ. Si quod sit discrimen inter verum, & apparentem locum sideris, id omne ex terræ magnitudine profisciscitur. Quare in stellis fixis nulla omnino est parallaxis; in Saturno & Jove lævè est insensibilis; major in Marte, Sole, Venere, & Mercurio; in Lunâ demum est maxima, quod sit terræ finitima. Verum illud omnino est mirabile, quod Astronomi ex parallaxeon cognitione, planetarum citierum à terrâ distantiam dimectantur:



*Admovere oculis distantia sidera nostris,  
 Etheraque ingenio supposuere suo.*

Digna aded res est cui propriam destinemus figuram. Sit punctum A mundi centrum, nosque in puncto G constitui Lunam F sub zodiaci puncto, vel stellâ D intueamur: linea igitur GFD locum Lunæ à nobis visum demonstrat, ut recta AFB verum illius locum indicat, nempe punctum B; utriusque loci differentia BD parallaxis vocatur.

Nunc palam est Lunæ F parallaxim BD majorem esse parallaxi Solis longè remotioris, atque in puncto E constituti, quæ sit ex gr. DC: nam angulus F, quem metitur arcus DB, major est angulo E, quem mensurat arcus DC: Idque jam supra à nobis demonstratum fuit.

II. Quo astrum vicinius est horizonti, eo majorem subit parallaxim, adeo ut nulla sit, cum vertici nostro imminet; maxima, cum horizonsem stringit; idque ex figuræ inspectione manifestè colligitur: cum enim astrum ad verticem pervenit, tum una atque eadem est veli, & visi loci linea, nulla aded est parallaxis.

III. Parallaxis locum astri semper deprimit. Hinc visus Lunæ locus est in D, verus in B, ab horizonte remotior. Cumque Luna nunquam nostrum attingat verticem, sed versus Austrum semper declinet, visus Lunæ locus semper est Australior vero.

Cognito viso sideris loco, seu distantia illius à nostro vertice, quod per observationes facillè consequimur; dato etiam per exquisitas tabulas vero ejusdem Astri loco, seu angulo FAG, qui verum locum, cum FGA, qui visum demonstrat: non poterit ignorari parallaxis GFA, seu arcus DB. Siquidem tres anguli ejusdem trianguli æquantur duobus rectis. Jam ne aliquis vobis obstrepat scrupulus, supponimus zodiacum HIK, non à terrâ modò, sed etiam ab orbe Lunæ, vel Solis, immenso distare intervallo. Quare ne id vos offendat, quod diximus arcum DB mensurare angulum F, quasi punctum F ipsius mundi medium obtineat, nec sensibilibiter à puncto A differat.

V. Cognita parallaxi distantiam sideris à terrâ consequemur. Siquidem in triangulo FAG dantur omnes anguli: ergo proportio inter latera cognoscitur; & quoties latus AF, seu distantia Lunæ à centro terræ contineat latus AG, sive telluris semidiâmetrum, facillè innotescet. Quod si angulus F sit 53. cum semisse, distantia FA 64. semidiâmetros terræ complectetur, Angulus verò E ponatur

trium

trium minorum; hinc colligitur distantia Solis A B 110, semid. terræ.


VI. Parallaxis efficit ut citius, vel tardius Solis, & Lunæ congressum, quam contingat, cernamus. Quando in nonagesimo zodiaci gradu, seu medio inter ortum, & occasum intervallo conjunguntur, tum coitus verus in eundem locum, ac tempus cum viso, vel apparente incidit: sed ubi inter ortum & nonagesimum gradum coeunt; tum apparens congressus verum præcedit, quia parallaxis locum Lunæ deprimit; sed in altero quadrante versus occasum, contrà evenit, & vera conjunctio apparentem antecedit: idque ex figuræ contemplatione satis apertum est, atque in solari eclipsi magnum habet momentum, ut mox dicturi sumus.

PROBL. XI. Eclipses Luna, & Solis prænuntiare.

Magnus hic locus, atque à totâ Astronomorum familiâ uberri-  
mè tractatus, de quo quidem dicam non omnia, quæ ab iis fu-  
sè disseruntur, sed quæ utiliora nobis videbuntur. Jam osten-  
dimus, quâ arte medias syzygias, vel etiam oppositiones consequi li-  
ceat. Quotiescunque Luna in plenilunio non amplius quàm 17. gr.  
& 12. ab altero nodorum, quos caput, vel caudam Draconis voca-  
tant, recedit; toties umbram telluris delibet, & defectionem patitur,  
eo majorem, quo nodo vicinior est. Motus verò ille latitudinis, seu  
distantia Lunæ à nodis per tabulas facillimè invenitur. Lunæ porro  
diameter in 12. partes æquales distributa intelligitur, quas digitos vo-  
cant. Cum pars Lunæ dimidia, umbræ telluris immergitur, tum sex  
digitorum definitur eclipsis. Jam ut lunare deliquium possumus deli-  
neare, (quod in hac arte caput est) notatum oportet latitudinem Lu-  
næ ab eclipticâ impedire, quominus singulis laboret mensibus. Cum  
igitur latitudo illius minor est umbræ terrestris, & Lunæ semidiamete-  
tris in unam summam collectis; necesse est ut corpus lunare terræ  
umbram subeat. Diameter vero Lunæ est dimidii fere gradus, ad quam  
diameter umbræ (si Ptolemæo credimus) fere se habet ut 13. ad 5.  
quocunque Luna loco existat, eadem manet proportio. Nam si terræ  
propior est, major quidem illius diameter apparebit: sed terrestris um-  
bræ circulus eadem quoque ratione crescet. Quo longius à terrâ re-  
cedit Luna, eo minor cernitur; sed terræ umbra, quæ sensim in mu-  
cronem definit, eadem proportionem coarctatur. Cum Sol existit in a-  
pogæo, minorem terræ partem irradiat, longiorem verò, & crassio-  
rem projicit, quam ubi versatur in perigæo,

His ita constitutis si eclipsim centralem, ut loquuntur, & plenam, quæ tum accidit, cum in altero ex nodis luna reperitur, delineare velis, qualem describit Erasmus Reinholdus, accidisse anno 1555. die 4. Junii. Tum semidiameter apparent Luna erat 16'. & 41. semidiameter umbræ 41'. & 44". aggregatum ex utraque 57'. & 48". vera latitudo Lunæ Borealis vix erat unus minutus, aded ut negligi possit. Centro M describatur circulus DCD, vel potius ex superiori schemate repetatur, cujus radius MD concipiatur 58. scilicet partium, quantum scilicet est aggregatum ex umbræ terrestris, & Lunæ HFF semidiametris. Nam centro D, intervallo DF, 16. partium describimus circulus HFF, qui corpus lunare exhibet. Sic centro M intervallo MF, 42. partium, seu minorum, circulus describi intelligitur, qui terræ umbram representat. Hanc Luna contingit in F, tumque prin-

*Eclipsos  
delineare.*




cipium

principium est defectionis; & aque ubi punctum H pervenerit ad F, tum Luna tota umbræ immergetur. Tempus illud inter principium eclipsæ, & totalem obscuracionem, quod tempus incidentiæ vocant, hic erit unius horæ, & 3. min. cum Luna spatio unius horæ citius quam Sol in Orientem dimidio gradu, quanta ferè est ipsius Lunæ diameter HF promoveatur. Quod si Luna in totali obscuracione nihil moraretur, vix defectio esset ultra duas horas duratura, tumque illius 12. digiti desinirentur. Sed in hac hypothesi antequam centrum Lunæ D ad punctum M perveniat (quod tempus appellant dimidiam moram) 50. unius horæ minuta insumit; quia tantumdem ferè temporis exigit, ut percurrat reliquum semidiametri umbræ, quod ferè 26. minuta continet. Quare tum temporis Luna circiter quatuor horas laboravit, ac defectus fuit 21. digitorum, & paulo amplius. Poteris, si lubeat, quinque Lunas delineare. Centrum primæ erit in D, ubi jam umbram telluris attinget; secundæ medium erit inter F, & M, ubi tota deficit; tertiæ in M, & ita deinceps.

Quò verò res tota fiat illustrior, adiciamus exemplum particularis defectus, ubi Luna interventu terræ tota quidem obscuratur, sed non moratur in illa caligine. Exemplo sit eclipsis anni 1563. die quinto Julii, cum Luna esset ferè perigæa. Illius semidiameter fuit 17'. & 44". semid. umbræ 46'. 5". aggregatum ex utraque 63'. 49". centro B describatur circulus AEA, cujus radius BA sit 64. partium, quantum ferè continet constatur ex utraque Lunæ & umbræ semid. sit quoque A principium defectionis, F medium, E Finis: BF sit latitudo Lunæ 29'. ita ut GBH viam Solis, AFE Lunæ semitam demonstrat. Quamobrem in trigono ABF nota sunt duo latera AB, & BF, illud 64. hoc 29. partium, cum angulo F recto: igitur reliquum latus AF innotescet 57. partium: hoc est tempus à principio eclipsæ usque ad medium; quod integram horam, cum 45. completitur: tanto enim tempore Luna celerius quam Sol 57. consistit. Jam ubi Luna punctum E attingit, tota deficit; quod latitudo BF detracta ex BP aggregato ex semid. Lunæ & umbræ, reliquat 3. qualis est ferè diameter Lunæ apparentis. Nam, ut semel finiam, si aggregatum illud, de quo jam sepe loquimur, æquale sit latitudini Lunæ, tum corpus lunare umbram quidem telluris leviter attinget, sed nullâ sui parte sensibili obscurabitur; & quanto minor erit latitudo, tanto deliquium majus futurum est, cujus adeo magnitudo innotescet, subductâ latitudine ab utriusque semidiametri, tum umbræ tum Lunæ summa.

Ponamus latitudinem BF 59. ut in eclipsi anni 1542. primo die mensis Martii. Deme hanc latitudinem ex aggregato utriusque semidiametri.



midiametri 64'. supererunt 5'. jam si 36'. (quantum credidit Erasmus  
 continere apparentem Lunæ diametrum) præbent 12. digitos eclipti-  
 coi, quot dabunt 5'. invenies per regulam auream unum fere digitum  
 cum semisse. Tumque dimidia mora AF (post resolutionem trianguli  
 AFB, cujus duo latera AB, & FB nota sunt; ut mox diximus.)  
 prodibit 24'. cum semisse. Hæc dicuntur minuta incidentiæ; atque si  
 Lunâ Solem præcurrente intra 44. minuta unius horæ decurruntur;  
 Licet tibi tres Lunas in punctis A, F, & B depingere, quæ principi-  
 um medium & finem eclipsos demonstrabunt.

Reliquum est, ut de solaribus defectibus pauca subnectam. Ubi  
 aggregatum ex semidiametris Solis, & Lunæ majus est Lunæ ipsius  
 latitudine apparente, tum Solis aliqua portio interjectû corporis lu-  
 naris

aris obscuratur. Id verò accidit, cum in congressu luminarium Luna à boreali nodo, vel limite, non amplius quam 20. gr. & 40'. vel ab Australi nodo 11. gr. & 22'. elongatur. Hic enim latitudinis visæ habetur ratio, quòd Sol nihil patiatur subeunte Lunâ; sed nos tantum illius luce fraudamur. Quare cum latitudo visæ Lunæ præ parallaxi minor est, quam vera, major sit eclipsis. Verum exemplo res fiet illustrior. Atque, ut à dilucidissimo auctore Erasmo Reinholdo non discedamus: Anno 1545. die Junii nono, tertiâ à meridie horâ, Sol aliquâ sui parte defecit. Latitudo Lunæ Borealis vera fuit 48. 26", parallaxis 27. 30". quæ semper ad Meridiem vergit, ut supra monuimus. Hinc demenda erit à verâ latitudine, ut supersit apparens latitudo semè 21'. aggregatum ex utraque semidiametro Solis & Lunæ 30. sitque ut prius B A: lunam in B concipiamus, viam solarem A F E, principium eclipsios A, medium F, finem E: facili nobis innotescet A F, per analysim trianguli A B F, eo quo supra diximus modo; comperiemus itaque A F minuta incidentiæ (ut loqui solent) 21. 16". quæ Luna percurrit intra 47. minuta unius horæ. Sublatâ igitur latitudine visâ B F ab aggregato utriusque semidiametri B P, comperiemus tres Solis digitos cum semisse obscuratos. Sed cur eclipsis solaris accidit cum Luna à Boreali limite minus 20. gr. ab Australi minus 11. gr. absit? Id oritur ex parallaxi Lunæ, quæ semper ad Austrum declinat, ut jam subinde diximus. Atque, ut mihi videtur, Astronomica praxeos præcipua capita vobis exposui.

*Men.* Ita me Deus amet, & breviter, & dilucide referasti Astronomiæ penetrabilia; id unum tamen ex te requiro, quid causâ sit, cur recentiores Astronomi neque inter se, neque cum veteribus consentiant: sive stellarum obsequient loca; sive Solis, & Lunæ diametros apparentes aucupentur, vel eorum à terrâ distantias metiantur, vel denique Solis excentricitatem, aut anni magnitudinem definiant.

*Simp.* Ego verò consensum Astronomorum, & solertiam, admiror, qui res adeo abstrusas, atque ab ipsâ naturâ involutas, acerrimâ vi ingenii consequantur, & vix aliquot minutis inter se dissideant. Non solum quidem demonstrationes Astronomica: sed multa inter observandum occurrunt, quæ nisi caveantur, in errorem inducant necesse est. Uticam de vitii instrumentorum, quæ nisi accuratè distribuuntur, atque optimè disponantur, stellarum loca designare non possunt. Veteres quidem assunt quadrantibus circularum, quorum singulos gradus vix in tres partes distribuebant: nonnunquam parvos adhibere gnomones, in quibus difficile fuit consilium lucis, & tenebrarum discernere. Quidam stylum in centro hemisphærii erigebant,

*De observationum defectibus*



bant, ex cuius umbra, Solis conspiciēbant locum; ubi error unius gradus facile potuit obrepere. Semidiametrum quoque Solis addere, vel subtrahere ipsius altitudini neglexerunt. Plerique numeris rotundis utebantur, neque minorum, vel secundorum adeo solliciti erant. Postremo, instrumenta lignea adhibebant, quæ temporum decursu, vel deterqueri solebant, vel situm suum in meridiana linea commutare. Hæc atque alia id genus multa eorum observationes incertas, ac lubricas effecere; nonnulla etiam ex parte visus, quædam ex siderum luce; pleraque ex interjecti spatii variis affectionibus incurunt, quæ nonnihil de observationum certitudine detrahunt. Dicam de singulis quam potero brevissime.

Sæpe ulavenit, ut intervallum, quod inter duo sidera interjacet, nobis dimetiri incumbat. Instrumentum adhibemus, quod supra descriptum à nobis fuit, atque ex angulo  $ABV$ , quot gradus inter stellas  $A$ , &  $V$  intercedant, discimus. Eodem prorsus modo diametrum Solis, vel Lunæ apparentem  $AV$  indagamus. Verum hæc observationes, quo minus adeo exquisita sit observatio. Centrum instrumenti non est ipsum oculi punctum, in quod radii  $AB$ , &  $VB$  conflunt; atque adeo angulus  $B$  plus æquo est apertus, & maiorem siderum distantiam, vel etiam majores diametros Solis, & Lunæ, quam revera sint exhibet. Accedit etiam quod non eodem modo oculi in omnibus conformantur; alius pupilla est apertior; alius contractior; crystallinus humor in quibusdam est rotundior; in nonnullis magis conformatus: hinc rerum imagines vel contrahit, cum globosus est; vel dilatat, ubi planior existit. Quapropter vix duo Astronomi, qui eodem observant tempore, omnino inter se conveniunt; ut in Tychoonis observationibus videre est. Lux etiam ipsius sideris ampliorē in oculis efformat imaginem, & lucidi corporis speciem misceat augeat. Nam quæ candida sunt, & illustra, ultra quam par sit majora cernuntur. Quod si Lunam in primâ, vel ultimâ phasî consideres, lucidum illius cornu videbis longè majori circulo circumferibi, quam reliquum corpus à tellure collustratum: quocunque id modo accadat: sive ut supra diximus; lux vehementior retinæ nervulos fortius percellat; sive lucis species in spiritibus visorili imprimitur, & amplietur, ut placet Keplero; sive id efficiat corporis lucidi capillitium, quod forte à circumfuso & splendēte æthere mutuatur: nam ipsum æthera luce combibitâ nonnihil collucescere, satis verisimile est. Hinc Luna in eclipsi minor apparet, quam cum est orbe plena. Hinc etiam cum vicinior aër splendescens discerni non possit, à facie lucida, huius species de nocte augebit ex intervallo. Inventâ verò est Dioptra,

quam

Vide superiorem figuram pag. 182.



metitur, faciliè innoteſcet. Siquidem in reſtanguſo TBI dantur duo latera BT, (diſtantià tabellæ à foramine) & TI longitudiò tabellæ, vel chartæ cum angulo reſto T. Igitur angulus TBI, ſeu ABP ad verticem oppoſitus habebitur. Eadem methòdo in trigono TBS invenies angulum TBS, cui æquatur VBP, hic ſubductus ab angulo TBI, relinquit angulum SBI quæſitum; eſt enim æqualis oppoſito ad verticem angulo VBA, quem ſupponimus, menſurare diametrum Solis apparentem. Nobiliſſimus ille Danus Tycho hac viâ comperit Solis Diametrum ſerè 30. minutorum; ita ut Sol dimidium ſui cœli gradum occupet. His bene conſtitutis faciliè utriuſque luminariſ magnitudo invenitur.


Vide figuram paginæ 187.

Repetitâ enim figurâ toties à nobis delineatâ, ſit punctum terræ medium M, Sol, vel Luna HFH: in triangulo IMG, dantur latera MI, & MG, nimirum diſtantiâ ſideris à terrâ per parallaxes explorata, cum angulo M, qui diametrum apparentem metitur. Ergo obtinebimus diametrum IG; atque adeo totum Solis, vel Lunæ ambitum HFH. Eſt quippe proportio diametri ad peripheriam ſerè, ut 7. ad 22.

Reſtat ut defectus obſervationum, qui ex ſpatio interjeſto oriuntur, attingamus. Jam ſubinde monuimus radios luminis refringi, cum ex medio rariore in denſius, vel viciffim permeant. Cum autem ær, in quo degimus longè ſit craſſior ipſo æthere; palam eſt radios ex æthere in hunc ærâ incurrentes, ut AB, non rectâ progredi in I, ſed refringi ad perpendicularum, atque in punctum L divertere; ita ut refractiò aſtrum ſublimius quàm ſit, nobis exhibeat. Videtur enim quaſi in puncto V conſtitutum, & radius ABI degenerat in LBV; quæ quidem refractiò circa horizontem maxima eſt, & Solem quandoque 34'. altioreſ quàm ſit, nobis repræſentat. Cauſam refractiõis eſſe duplicem ſatis liquet, obliquitatem nimirum radorum, & ſpatii interjeſti diverſam conſiſtentiam. Siquidem ultra 30. gr. inſenſibilis eſt; neque ut Tycho exiſtimat, idcirco radii ſiderum prope horizontem adeo infringuntur, quòd in eâ parte vapores temerè oberrantes hanc efficiant refractiõem. Conſtantior quippe eſt refractiõem cauſa; neque alia, ut mihi videtur, quærenda eſt, quàm craſſioris æris ſuperficiès: quamvis vaporum uberiore copiâ refractiõem augeri non inſiciet. Hinc major eſt in locis depreſſioribus, & mari finitimis, ubi ær exiſtit profundior, & vaporibus magis inſicitur. Quocirca Rothmannus contendit refractiões longè eſſe minores in Hæſiâ, quàm quæ à Tychone in Daniâ ſunt obſervatæ: quòd illic ær ſit humilior, & terra magis aſurgat. Nam hæc regio finitima eſt Viſurgis ſon-

Vide figuram ſuperiorem, pag. 171.

De reſfracti.



fontibus, quod quidem flumen scio in mare Balticum depressius ex-  
oncrat. Quod verò Landgravius Hassiæ Princeps vidit Venerem per  
horæ quadrantem horizonti inhaerere: quasi motu primi mobilis non  
raperetur, cum duobus jam gradibus sub horizonte foret depressa;  
quodque Mæstlinus anno 1590. die 7. Julii Tubingæ deprehendit  
Lunam aliquot digitis jam deficientem, ac duobus ferè gradibus ele-  
vatam, centro Solis super horizontem emergente: cum tamen cen-  
trum umbræ telluris Soli è diametro oppositum jam occidisse necesse  
foret. Hæc sane non aliundè potuerunt, quàm ex refractionibus in-  
solitis proficisci, propter crassum vaporem subito erumpentem. Nec  
dubito in locis polo vicinioribus majores esse refractiones, non quòd  
major ibi sit ætheris altitudo; quo enim est calidior, eo quoque altior  
existit: sed major illius densitas vel crassities refractionem quoque

majorem efficit. Hinc Batavi cum anno 1596. in novâ Zemblâ, ubi polus 76. gr. attollitur, diu in mari congelato hæssissent, tertio die Novembris Solem postremum viderunt; quem ante undecimum Februarii juxta leges Astronomicas reditum non sperabant, vigesimo quarto Januarii conspexere, cujus ratio non aliundè quàm ex refractionibus constare potest, ut fusè demonstrat Keplerus.

Nullam porro veteres refractionum habuisse rationem inter observandum jam identidem monuimus. Quamobrem nihil mirum est, si aliquantulum aberraverint, tum in alijs observationibus, tum in magnitudine anni finiendâ. Nonnunquam bis in uno die æquinoctiumprehendebant, quòd manè Sol nondum æquatoream attigisset, quamquam præ refractione sub ipso æquinoctiali jam videretur; quia refractione attollit sidera, ut parallaxis deprimit. Circa meridiem verò, ubi refractione est insensibilis, rursus in æquinoctiali Solem conspiciabant. Quare nihil est, cur ex eorum observationibus, vel excentricitate Solis imminutam, ut vulgò Copernicus; vel anni magnitudinem immutatam; vel maximam Solis declinationem variatam; vel denique motum stellarum inæqualem suspicemur. Inutiles omnino sunt motus obliquitatis zodiaci; vel anticipationis æquinoctiorum; vel trepidationis stellarum. Hæc sanè omnia infirmis conjecturis, atque incertis observationibus nituntur. Illud porro silentio minimè prætermittam, Solem in ipso exortu, figuræ ellipticæ apparere, quòd diameter horizonti parallela præ refractione nihil quidem minuatur; cum diameter horizonti ad perpendicularum insistens aliquantum decreseat, ac decimâ ferè parte multata videatur: at postquam quinque, aut sex gradibus supra horizontem Sol elatus est, illa evanescit differentia.

*Cur Sol  
horizonti  
proximus  
major ap-  
pareat.*

Sed cur Sol horizonti finitimus major cernitur? quæ in aquâ contuemur, majora quidem apparent; sed tum radii ex densiore in rariora medium progrediuntur: Sol verò versatur in æthere puriori. An fortè vapores densi Solis imaginem ampliorem reddunt, atque idem efficiunt, quod vitrum convexum in telescopio. Verùm per instrumenta Sol minor apprehenditur; tum etiam latiore umbram projicit; quod argumentum est diametrum Solis à vaporibus non augeri, sed imminui. Imò interjecta nubecula Solis diametrum aliquantulum coarctat, atque efficit, ut Sol umbram spargat latiore. Nam quæ lux contingit umbram, debiliior est, quod ab extremâ tantum orâ, non à toto corpore solari prodeat; ita ut jam penumbra vocari possit: unde vel nubecula interposita degenerat in crassiorum umbram. Cur igitur Sol oculis nostris major appareat? an quòd pupilla apertior majore

maorem Solis excipiat imaginem? an fortè cum sub eodem angulo plura objecta contuemur, ea esse ampliora judicamus, quæ nobis videntur longius distita: Sol verò horizonti vicinus longè majori intervallo à nobis distare creditur, quàm cum circulum Meridianum attingit, unde multis partibus eum esse majorem arbitramur. Sed hæc sunt alterius loci.

Neque hîc necesse est accuratius expendere; utrum eadem sit crepusculorum, quæ refractionum causa: plerique volunt esse diversam. Materia quippe, quæ crepuscula accendit 12. saltem milliaria Germanica à tellure distat, & videtur esse halitus siccus, vel fumosus, qui manè radios Solis citius excipit, vespere tardius, eosque refractos ad nos transmittit. Si purus esset aër, fieret transitus à purâ luce ad meras tenebras; at illi fumi in altum sublatis illam dubiam, seu creperam lucem efficiunt, quæ non subito, sed sensim extinguitur. Sole 18. gr. sub horizonte depresso, jam crepusculum incipit: hî verò gradus numerantur in circulo verticali, qui per verticem nostrum, & gradum, in quo Sol versatur, transit. Alius item circulus verticalis, qui per horizontis punctum, in quo Sol exorturus est, ducitur; Sol verò dictum parallelum circulum describit. Quo autem arcus illius circuli paralleli inter utrumque verticalem interceptus, est prolixior, vel obliquior, eo longius est crepusculum, quod nobis in solstitio æstivo contingit. Vapor verò humidus, & pellucidus, qui terræ vicinior, vix ultra milliare Germanicum attollitur, ut ex triangulorum analysi Tycho demonstrat, refractiones parit. Sunt, qui non absurdè existimant, crepuscula ex radiis solaribus non refractis, sed potius reflexis in hujus crassi aëris superficie procreari. Idque eo ferè modo evenit, quo videmus in navali certamine globos bombardiles ad horizontem explosos, in superficie maris identidem subsultare, nec rectâ progredi: sic radii solares densum aërem horizonti vicinum stringentes, non cum rectâ percurrunt, sed inflexi ad nos usque resiliunt.

De naturâ & motibus corporum cælestium hætenus: ex quibus certò discimus, nihil esse inordinatum, atque fortuitum. An illa cæli conversio, Solis, Lunæ, siderumque omnium distinctio, varietas, pulchritudo, ordo denique, & motuum æqualitas, nullâ providentiâ, nullâ mente gubernantur? quis adeò absurdus est, ut ea, quæ vix summa ingenii ratione comprehendat, nullâ ratione moveri putet. Nulla igitur, ut pulcrè colligit Tullius, in cælo nec fortuna, nec temeritas, nec erratio, nec vanitas inest: contraque omnis ordo, veritas, ratio, constantia; nam planetæ falsò vocantur errantes, nihil quippe errat, quod in omni æternitate conservat progressus, & regressus,



reliquosque motus constantes, & ratos. Sed nimis secus videoe evadere.

*Th.* Præclarè, mi Simplici, nunc à te verba summi Oratoris usurpantur. Sed expectabam disputationem tuam de Astrologia conjecturali & quam tu fidem huic scientiæ tribuas, audire sanè velim.

*Qua sit  
nostra de  
Astrologiæ  
conjectu-  
rali sen-  
tentia.*

*Simp.* Magnus hic locus est, atque à doctissimis viris vexatus, qui uno fere consensu artis vanitatem proscribunt. Nam illud dementiæ est proximum ex diversis siderum aspectibus futura prædicere. Illa quidem influxus quosdam in terras demittunt, sed nihil sunt quàm causæ generales, ex quibus nihil certi concludi possit, nihil futurum prænuntiari. Jam quid absurdius, quàm aspectus stellarum quosdam benignos, alios infestos; quædam amica, nonnulla nobis infensa sidera comminisci; atque ex iis ingenia, mores, animum, corpus, vitæ munera, cujusque casus & eventus deduci. An tantum licet stellis, ut voluntatis nostræ actus moderentur, & liberum hominis arbitrium omnino perimant? quis enim libertati locus relinquitur, si omnia ex stellarum fatis suspendantur? Absit, inquiunt, ut stellæ vim inferant libertati; in corpora quidem influunt, sed animum non attingunt: quare Astrologi conjiciunt quæ quisque sit naturâ, quo temperamento, & ad quam maximè rem aptus futurus sit; de affectionibus verò, & motibus voluntatis nihil possunt judicare. Quod dant, accipimus; tametsi de omni vitæ statu, & fortunæ nostris sæpe decernant. Sed ne hoc quidem concessero, corporibus astra dominari, atque ex variis eorum aspectibus temperamenta, & mores effingi. Nam ut taceam de geminorum moribus dissimillimis: num omnes, qui eodem tempore in diversis oriuntur regionibus eadem sorte, & conditione nascuntur? nonne diversitas locorum dissimiles hominum procreationes habet? Præclarè Tullius interrogat, an omnes, qui Canensi pugna ceciderunt, sub uno astro fuerint. Exitus omnium unus, & idem fuit, ortus planè diversus. Quis nescit & formas, & mores, & plerosque motus effingere à parentibus liberos, quod non contingeret, si hoc non vis, & natura gignentium efficeret, sed temperatio Lunæ, cælique moderatio. Mirum etiam quòd Genethiaci nullam conceptus, sed nativitatis duntaxat habeant rationem: & tamen si quid astra possint, in ipso conceptionis momento, longè fortius vires suas exerunt. Scilicet ignorant illud momentum; quique se futura prævidere falso jactant, ne id quidem, quod jam effluxit, perspectum habent. Sed hujus artis levitas confutata à multis, & imprimis ab illusterrimo Mirandulæ Comite, qui 14. libris Astrologos expugnavit, non desiderat orationem meam. Nescio quo pacto viri nobiles, & ma-



gnâ ingenii, atque eruditionis famâ, gaudent huiusmodi commentis deludi. At multa, quæ prædixere, vera evadunt. Quid, quod multo plura falsa? Quis est (inquit Tullius) qui totum diem iaculans, non aliquando collimet. Quantam volent exemplorum copiam colligant, testibus utantur aut falsis, aut falsis; nunquam tam commodè dicent, ut eam artem (si rerum incognitarum ars dicenda est) quæ nullâ ratione ducitur, & libertatem nostram labefactat, veram esse mihi persuadeant. Quid enim hoc est nisi fatalis, & ineluctabilis necessitas, si omnia vitæ nostræ officia, opes, damna, connubia, mortem ipsam, morbos denique, & casus omnes, ex certis siderum positionibus, vel aspectibus colligant. Quid fortunæ nostræ cum Mercurio, aut Venere, quibus fictorum deorum nomina, & commentitias vires tribuunt? quantulus est Mercurius, si cum Sole componatur? Petrus Gassendus anno 1631. die 7. Novembris Mercurium in medio Sole, tanquam nigricantem maculam observavit: vix tertiam unius minuti partem, vel nonagesimam diametri solaris portionem occupabat. Quod si res ad calculum redigatur, Mercurius ter milleesima pars terræ futurus est. Sic Veneris diameter, quam Keplerus putat esse 7. minutorum, vix unum minutum sub Sole obtineret. Si quas igitur vires habent tam minuta sidera, haud dubiè ab immensâ Solis luce extinguuntur; nec probabile est hominum fata ex tam tenuibus filis contexti, adeò ut mihi permirum videatur quemquam exstare, qui etiam nunc credat iis, quorum prædicta quotidie videat re, & eventis, & rationibus refelli. Quodque olim Cato de Haruspiciis, id meritò de Genethliacis mihi licet usurpare. Vehementer admiram, quod non rideat Astrologus, Astrologum eum viderit.

*Men.* Papæ, quantam rerum varietatem, quantam vim complexus es, quantis ex angustiis ipsam Astronomiam educere ausus es! Nihil æquè vereor, atque ista è memoriâ dilabantur; quare si mihi per tempus licuerit, quæ hodiernâ dissertatione nobis tradidisti, litteris consignabo, ne illa fugitiva debeat oblivio.

F I N I S.



INDEX

# INDEX PRIMUS

## CAPITUM.

### LIBER PRIMUS.

#### *De lumine & coloribus.*

#### CAP. I. **D**E naturâ luminis.

Tres precipua de luminis naturâ sententia expenduntur.

I. Est Peripateticorum, qui lucem & lumen inter qualitates numerant.

II. Epicuri & Gassendi, qui lumen esse putant effluvium quoddam substantiale, à corpore lucido jugiter dimanans.

III. Cartesii, qui lumen aetherea substantia, quam secundum elementum vocat, impulsam definit, ab agitatione corporis lucidi profectum. Rejctis aliis, Aristotelis sententia defenditur.

#### CAP. II. De luminis motu.

I. Lumen in orbem diffundi, adeo, ut singula corporis lucidi puncta in omnes partes radiant.

II. Occursu corporis opaci ita reflire, ut angulus incidentia &

qualis sit angulo reflexionis: quæ sit hujus aequalitatis causa?

III. Cur lumen refringatur ad perpendicularum, cum è raro corpore in densius incurrit?

IV. De refractionis legibus multa.

#### CAP. III. De causis luminis.

I. De naturâ perspicui potissimam differitur: varia recentiorum opiniones reselluntur.

II. Veri propior adfertur.

III. Quæ sit effectrix causa luminis, quæ finalis?

#### CAP. IV. De naturâ, & diversitate colorum.

I. Colores omnes ejusdem esse generis, & vanam esse colorum in veros & apparentes distinctionem.

II. Omnes à luce dimanare, colorem nihil esse quàm lumen modificatum.

III. Utrum

III. Utrum colorōres ab externā,  
vel ab insitā luce corporibus  
prodeant?

IV. Tandem ab extrariā luce non

proficisci concludimus.

V. De numero & serie colorum,  
nec non quis lucis gradus sin-  
gulis competat.

## LIBER SECUNDUS.

## De naturā &amp; motibus corporum cælestium.

CAP. I. QUA sit cœli, &  
siderum mate-  
ria. 52

I. Stellarū à planetis secerni, quòd  
illa propriā luce fulgeant: pla-  
netæ verò sint opaca corpora,  
& lumine emendicato reluce-  
ant.

II. Cause scintillationis stellarum  
adferuntur.

III. De Solis natura & maculis  
varie opiniones excutuntur.

IV. Agitur de cometarum loco,  
& generatione.

V. Cælum esse instar aëris spira-  
bile & liquidum concludimus.

CAP. II. De motu diur-  
no. 64

I. Problema de telluris motu, vel  
quiete solvitur.

II. Quadam ex Euclide, & The-  
odosio demonstrationes, ad spha-  
ræ cælestis explicationem ne-  
cessaria præmuniuntur.

III. Circularum, qui in sphaera  
delineari solent, usum percur-  
rimus.

CAP. III. De Solis theo-  
riā. 86

I. Qua sit anni magnitudo defi-  
nitur, ubi de emendatione an-  
ni Juliani.

II. Varii Solis motus, juxta omni-  
um ferè Astronomorum hypo-  
theses explicantur.

CAP. IV. De Lunæ theo-  
riā. 96

I. Corpus lunare non esse tersum  
& politum, sed asperum &  
terre simillimum.

II. Lunam collustrari lumine à  
terrâ reflexo, & eandem ter-  
subire phases, quas in Lunā  
deprehendimus.

III. In corpore lunari, ut in terrâ  
montes, assurgere, vales de-  
primi, lacus & maria dis-  
fundi.

IV. De Luna influxibus, de men-  
se, atque aliis, quæ ad calcu-  
lum Ecclesiasticum pertinent,  
agitur.

V. Lunares motus juxta omnium  
ferè Astronomorum hypotheses  
explicantur.

Bb

VI. De

*VI. De Solis & Luna defectibus multa speculatione digna proponuntur.*

**CAP. V. De reliquorum planetarum theoriâ, ubi fusè de vero mundi systemate.** 119

*I. Systema Copernici proponitur, phasès Veneris, stationes, directiones, & regressus planetarum, juxta hanc hypothèsin explicantur.*

*II. Tria Ptolemæi, Tychonis, & Copernici systemata refelluntur.*

*III. Expositis omnibus phænomenis novum P. Fabry systema expenditur.*

**CAP. VI. De stellarum fixarum theoriâ.** 138

*I. Systema Cartesianum proponimus.*

*II. Multis illud oppugnatur rationibus.*

*III. Exposito firmamenti motu, quædam ex Euclide theoremata præmittuntur.*

*IV. Trigonometria ferè universæ, seu triangulorum Analysis ad præxim Astronomicam necessaria paucis demonstrationibus absolvitur.*

**CAP. ULT. De praxi Astromicâ.** 154

*I. Inchoatam capite secundo de sphaerâ cælesti tractationem*

*absolvimus: quibus utantur instrumentis Astronomi; quâ methodo lineam meridianam, Solis & aliorum siderum altitudines; poli elevationem; locorum longitudes aucupentur; quaque ad sphaera, vel globi cælestis usum pertinent, compendiosè exponuntur.*

*II. Quâ industriâ Solis, & aliorum planetarum eccentricitates investigent; tabellæ Astronomicas conficiant, atq; ex iis motus cælestes, & siderum loca explorata habeant, uno item & altero problematè edocetur.*

*III. Doctrina parallaxium, ex quibus planetarum à terrâ distantias colligunt, nec non quâ arte eclipses prænuntiari & delineari possint, aperitur.*

*IV. Agitur de variis defectibus observationum, veterum & recentiorum erroribus; ubi de refractionibus & crepusculis nonnulla; ac demùm Astrologia conjecturalis pervellitur, & vanitatè revincitur.*

**PROBLEMA I. Lineam Meridianam indagare.** 157

**PROBL. II. Solis & aliorum siderum altitudinè reperire.** ibid.

**PROBL. III. Altitudinem poli, seu latitudinem loci indagare.** 158

**PROBL. IV. Gradum Zodiaci, in quo Sol versatur, investigare.** 161

**PROBL. V. Longitudinem loci invenire.** 162

**PROBL.**

PROBL. VI. *Globum cœlestem, vel sphaeram in debitâ positione collocare.* 164

PROBL. VII. *Horologium solare describere.* 169

PROBL. VIII. *Excentricitatem Solis, & locum Apogei invenire.* 170

PROBL. IX. *Vera siderum loca ex tabulis Astronomicis eruere.* 172

PROBL. X. *Parallaxes, & siderum à terrâ distantias scrutari.* 177

PROBL. XI. *Eclipses Luna, & Solis prænuntiare.* 179

## INDEX SECUNDUS RERUM PRÆCIPUARUM.

A.

**A** Quator. p. 81.  
Æquatio. 92.  
Albedo. 35. 36. 45. 46.

Altitudo siderum. 157. poli. 158

Angulus reflexionis æqualis est angulo incidentiæ, p. 16. causæ hujus æqualitatis ex Cartesio. p. 17. refellitur. p. 18. alia Vitellionis itidem rejicitur, *ibid.* verior affertur. p. 20.

Anni magnitudo. p. 86. & *seq.*

Anni Juliani emendatio 87.

Annus Ægyptius. 88.

Aristotelis opinio de naturâ & loco cometarum. p. 59. refellitur. p. 59. 60.

Ascensio recta, & obliqua. p. 165. & *seq.* illius tabula. 166.

Astrologia conjecturalis impugnatur. 222.

B.

**B** isextilis. 86. & 103.

C.

**C**œlum esse liquidum. p. 62. & *seq.* non esse generationum experts. 62. 63.

Cæruleus color. 39. 46. 47. 50.

Cartesii sententia de naturâ luminis. p. 8. & 9. refellitur. p. 10. & 11. ejusdem opinio de naturâ perspicui. 24. & 25. ejusdem de colorum naturâ. p. 34. 35. ejusdem de maculis solaribus. p. 55. ejusdem de motu, & numero cælorum. p. 72. & *seq.* ejusdem systema. p. 138. & *seq.*

Chambræi sententia de luminis systemate. p. 5. 6. objectiones. p. 7. responsi. p. 11. & 12. ejusdem de naturâ, & varietate colorum opinio. p. 40. & *seq.*

Clima. 85.

Colores à lumine non specie differre. p. 34. omnes à lumine prodire. p. 34. sententia eorum, qui colores omnes ab extraxio luminis proficisci putant, illustra-

Bb a

stra-

- stratur. p. 34. *& sequentibus.*  
ubi de singulis coloribus. re-  
felliitur. p. 41. *& seq.* ubi singu-  
li colores perstringuntur. de  
colorum serie. p. 46. *& sequent.*  
eandem esse proportionem in-  
ter colores, quæ inter sonos  
invenitur. p. 47. 48. hæc assi-  
gnatur proportio. pag. 48. 49.  
*& seq.*
- Cometarum natura, locus, figura,  
& phaenomena. p. 59. *& seq.*
- Crepuscula. p. 59. *seq.*
- Cyclus decemnovalis. pag. 102.  
solaris 103.
- D.
- D<sup>E</sup>clinatio Solis. 82. Stellarum  
164.  
Distantias siderum invenire. 178.
- E.
- E<sup>C</sup>lipse. 110. *& seq.* 118.  
Eclipses prænuntiare, & de-  
scribere. p. 179. *& seq.*
- Epocha Christi. 104.
- Euclidis quædam theoremata. p. 8.  
*& seq.* item p. 145. *& seq.*
- Excentricitatem Solis, & Apogæ-  
um invenire. 170.
- F.
- F<sup>A</sup>bry opinio de naturâ Solis.  
p. 56. ejusdem de colorum  
natura. 35. *& seq.* novum il-  
lius systema. p. 136.
- Flavus color 39. 46. 49.
- G.
- G<sup>L</sup>obi cœlestis debita positio,  
& usus 164. *& seq.*
- H.
- H<sup>O</sup>rizon. 81.  
Horologium solare. 169.  
Horoscopus 168.
- I.
- I<sup>N</sup>dictio. 103.  
Influxus Lunæ. 110.  
Instrumenta Astron. p. 182.  
Iovis phaenomena. 128. *& seq.*  
Juliana periodus. 103. 104.
- K.
- K<sup>E</sup>pleri opinio de causis refle-  
xionum. p. 19. ejusdem de  
naturâ perspicui. p. 30. e-  
jusdem de naturâ cometa-  
rum. p. 60.
- L.
- L<sup>A</sup>titudo loci. 82. 158.  
Latitudo Lunæ. 110.  
Latitudo planetæ. 134.  
Linea meridiana. 157.  
Longitudo p. 82. qua arte inveniri  
possit. 162.  
Lumen non est substantia, sed ac-  
cidens. p. 2.  
Lumen esse tenuissimam flammam  
placet Epicureis. p. 3. & 4. 5. re-  
felliuntur. p. 6. 7.  
Lumen esse motum ex Cartesio.  
p. 8. refelliitur. p. 9. & 10.  
Luminis systema. p. 5. & 6.  
Lumen diffundi in instanti. p. 7.  
Lucis & luminis discrimen. p. 8.  
Luminis phaenomena ex Cartesii  
sententia explicantur. p. 8.  
Lumen non est qualitas intentio-  
nalis, sed realis. p. 13.  
Lux est formaliter calida. p. 13.  
in

in orbem radiat. p. 14. & 15. quid  
lumen visibile efficiat. p. 14. 15.  
luminis causa tum effectrix,  
tum finalis. p. 31. 32.

Luna corpus est non tertium, sed  
terræ simillimum, montibus  
asperum, lumen quoddam à ter-  
râ mutuatur. 115. & seq.

Lunaris motus explicatur juxta  
hypoth. Ptolemæi. p. 103. Co-  
pernici. 107. Lansbergii. 109.  
Comitis Pagani. 114.

## M.

**M**aculæ solares. p. 55. & seq.  
Cartesii opinio. *ibid.* ob-  
ject. contra Solis maculas.  
p. 57. resp. p. 58. macula-  
rum phænomena. 57. 58. &  
seq. earum motus. p. 88. &  
seq.

Mensis. p. 102.

Martis phænomena. 131. 132. 133.

Mercurii phænomena. 122. 123.  
seq. sub Sole visus. 177.

Meridianus. p. 81.

Motus cælestes esse æquabiles. p.  
80. motus medius, & verus. 92.

Motus terræ diurnus variis ratio-  
nibus adstruitur. p. 65. 66. re-  
fellitur. p. 66. & seq. motus an-  
nuus terræ. 125. & seq.

Motus spiralis siderum. p. 94. 95.

Motus capitis, & caudæ Draco-  
nis. 109. 110.

Motus firmamenti. p. 142.

## N.

**N**igredo. p. 37. 38. 45. quot lu-  
cis gradus participet. pag.  
50. 51.

## O.

**O**bservationum defectus. 184.  
Opacitas. 27. 28.

Ortus & occasus planetarum. p.  
137. 138.

Ortus & occasus stellarum. 164.

## P.

**P**arallaxes siderum invenire.  
177.

Perpicuum est luminis subjectum.  
in quo sita sit ejus natura. p. 24.  
Cartesii opinio impugnatur. p.  
25. & 26. verior ex Chambræo.  
p. 27. 28. variae conditiones ad  
perpicuitatem requisitæ. 29. 30.  
Planetarum phænomena. p. 122.  
& seq.

Polaris circuli p. 84. poli mundi.  
81. 82.

Primum mobile. p. 62. & seq.

Proportio. 47. 48. & seq.

Puncta singula corporis lucidi in  
orbem radiant. 14. 15.

Pupilla ex forti luce contrahitur.  
p. 53. & seq.

Purpureus color. 46. 58.

Pyramides radiosæ luminis. p. 14.

## R.

**R**adius luminis quid sit p. 12.  
13. nec differt à splendore.  
p. 13.

Reflexio luminis explicatur. p. 12.  
reflexionum causæ. p. 15. &  
seq.

Refractionum causæ ex Cartesio.  
p. 20. impugnatur. p. 20. 21. a-  
liæ conjecturæ afferuntur. 21. 22.

Refractiones siderum. 186.

Rubedo. 38. 39. 46. 49. 50.

Bb 3

. Sa-



- S.  
**S**aturni phenomena. p. 128.  
 Schoineri de Solis maculis opinio. 57. 58.  
 Sinus Anguli. p. 149. 154  
 Solis figura, calor, & maculae. p. 54. *seq.* sol & stellæ circa centrum gyrañt. 55. item p. 88. motus annuus Solis juxta Ptolemæi hypoth. p. 90. *& seq.* ex Copernico. 93. *& seq.* ex P. Fabry. 95. illius altitudo 157. illius diameter. 185.  
 Sphæra circuli. 81.  
 Stationes & regressus planetarum. 127. 128. *& seq.*  
 Stellæ congenito, planetæ mutatio fulgent lumine. 53. Stellarum scintillatio: *ibidem & sequent.* majores videntur, quam videri debeant. 53. 54.  
 Stellarum capillitium. p. 53. 54. stella nova Cassiopeæ. 63. 64.  
 Stellæ discernere. 164. earum loca obsignare. 168.  
 Systema mundi Ptolemaicum. p. 119. 120. Copernicæum. 120. *& seq.* Ptolemaicum infringitur. p. 133. Copern. rescitur. p. 134. *& seqq.* aliud verisimile proponitur. p. 136.  
 Systema Cartesianum. p. 138. *& seq.* rescilatur. 141. 142. *& seq.*  
 T.  
**T**abulæ Astronomicæ. 173. I  
 Terræ & cœli figura. p. 79. 80.  
 Terræ & Lunæ phasces similes. p. 98. *& seq.* Sol major terrâ 110. 111. 112.  
 Theodosii elementa spherica. p. 74.  
 Triangulorum resolutio, seu trigonometria. 149.  
 Tropici. 83.  
 V.  
**V**eneris scintillatio. p. 54. illius phenomena. p. 122. 123. 124. phasces. 124.  
 Z.  
**Z**odiacus. 82.  
 Zodiaci gradum à Sole occupatum invenire. 165.  
 Zonæ. 84.



# PETRI PETIT MONLUCIANI

REGIS ARCIBUS MUNIENDIS

PRÆFECTI

OBSERVATIONES ALIQVOT

ECLIPSIIUM SOLIS ET

LUNÆ

DISSERTATIO

DE

LATITUDINE LUTETIÆ, ET

MAGNETIS DECLINATIONE

NOVI SYSTEMATIS

AB

ANONYMO PROPOSITI

CONFUTATIO.

*Ad Clarissim. V. D. DE LA CHAMBRE*

*Regis Christianissimi Archiatrum ordi-*

*narium.*

CLA.



CLARISSIMO VIRO D.

PETRO PETIT

EQVITI DOMINO DU PORTAIL

REGIIS ARCIBUS MUNIENDIS

PRÆFECTO

IOANNES BAPTISTA DU HAMEL

S. P. D.



*itteras tuas accepi, VIR CLARISSIME, effusissima  
 humanitatis, & benevolentia plenas: ac subinde vereor  
 ne plus aequo mihi placeam, quod opuscula nostra tam  
 honorifice approbes. Non enim ignoro quantum apud  
 eruditos pondus habeat iudicii tui auctoritas: nec serè  
 quisquam est, cui hac nostra probari impensius stude-  
 am, cum vix ullus in scientiis Physicis, & Mathematicis, nec non in cri-  
 ticis te exercitator, vel acutior occurrat. Quod verò me benigne iden-  
 tidem admonuisti in definiendâ latitudine Parisiorum minis accura-  
 tum, aut constantem fuisse; cum illam interim 48. gr. 40. min. inte-  
 rim 48. 50. min. præscribam; quod nimis leviter, aut persuntoriè  
 Saturni phases, & phenomena (qui locus cum sit illustris, fusiùs tra-  
 ctari debuit) transcurrerim; quòd Arcontii opinioni de longitudine  
 loci ex astu maris reciproco inveniendâ, nimium indulgere videar:  
 cum tamen nihil absurdius, nihil hoc commento vanius fingi possit.  
 Æstus quippe in alto, & placido mari non percipitur, neque ad litora  
 eodem tempore, ne sub eodem quidem Meridiano, recurrit; venti quo-  
 que, & recessus terrarum, atque alia causa particulares, qua pluri-  
 mum habent momenti, æstus persapè accelerant, vel remorantur. Nec  
 tibi etiam probatur, quod Solis maxima declinatio immota, & stabilis  
 à me constituatur, & veterum observatis nimis dissidam; cum verissi-  
 mile non sit viros peritissimos 24. scrupulis aborasse. Postremò, cum  
 lati-*

latitudinis locorum indaganda methodum propono, tempus æquinoctii scilicet minimè ad id opus idoneum: siquidem tunc temporis declinatio Solis quàm citissime minuitur, vel crescit: adeò ut lubricam, & incertam observationem efficiat. Contrà evenit in solstitio æstivali, ubi minor parallaxis, nulla refractione, nec declinatio est adeò defultoria. Ad omnia accipe.

Non clam te est, VIR CLARISSIME, me hunc laborem suscepisse, ut Philosophis, qui Geometriâ, & aliis Mathematicis disciplinis non sunt initiati, (nostri quàm hæc studia sint per paucorum hominum) prodessem. Cumque integram, & absolutam Physicam tradere, eique restituere Astronomiam, Machinatricem, Opticam, Alchimiam, Medicorum Physiologiam, & alias si quæ sint scientias à suo velut corpore revulsas, in animum induxissim: placuit, ut bonâ fide agere viderer, ab Astronomiâ, quæ omnium iudicio difficillima, & spinosissima habetur, auspicari, eamque quantum mihi liceret, ac materies ipsa pateretur, pronam, & facilem reddere, atq. in illius penetratis Philosophos non profusos hebetes, vel à bonis artibus penitus abhorrentes inducere. Vidi enim plurimos hujus scientiæ amore deperire, quos difficiles aditus omnino deterrebant. Quocirca expectari à me non debuit illa Mathematicis usurpata inexorabilia, aut limata Geometrarum subtilitas: cum labores meos Philosophis destinaverim, qui rationes rerum, & causas physicas, magis quàm exquisitum calculum consueverunt. Profectò male, & nominis, & pudori meo consulvissem, si Astronomiam, ac potissimum planetarum Theoriam, cum à veteribus, tum à recentioribus, inter quos Keplerus, Gassendus, illustrissimus Comes Paganus, & doctissimus Bullialdus principatum tenent, accuratissimè pertractatam, non Philosophico, sed Mathematico more explicare voluissem. Quamobrem de Philosophis, quibus non erat unde scire possent ea, quæ ignorare minimè decet; non de Astronomis bene mereri cogitavi: ac tentavi efficere, ut illis nota essent, quæ ab his peti non poterant. Hinc quantum potui, hilaritate quadam conspersi scientiam, quæ procuditio plus alios, quàm mellis habet. Enimverò ne pravariari videar, hoc opus ipsis Mathematicis non injucundum, vel inutile fore confido: ac tentavi efficere, ut inventa per me, sed ab aliis tradita contineat, non idcirco minorem intibit gratiam, cum omnia, quæ ad siderum motus, aut phenomena explicanda sunt magis necessaria, complectatur: profectò nisi in meâ causâ parum sibi idoneus iudex, non supinè, & oscitanter, sed satis accuratè, ne dicam superstitiosè, minutis Astronomicis mihi videor persecutus. Quid si autem quædam scrupula nonnunquam negligam, id sane Philosopho imputari non debet, qui tabulas Astronomicas non conte-

xere instituit, sed methodum duntaxat, qua concinnari soleant, aperire. Hinc aliquando viam faciliorem, licet minus exquisitam comministro, ne difficultate praeceptorum infirmitas discipulorum oneretur. Sic poli elevationem, seu latitudinem loci, ex meridianâ Solis altitudine tempore æquinoctiorum exploratam haberi posse insinuo: tamen si hanc à veteribus usurpatam inveniende latitudinis rationem minus esse accuratam non ignoro, cum declinatio tum temporis multum crescat, aut minuat. Sed eodem loci alias rationes erroribus minus obnoxias non pratermitto, ut doctis iuxta, & indoctis satisfaciam: utrisque enim placere, hos juvare, illis probari affecto. Nec Lucilio assentior, qui dicere solebat ea, qua scriberet, neque se ab indoctissimis, neque à doctissimis legere velle; quod alteri nihil intelligerens, alteri plus fortasse quam ipse de se. Ego contra nihil aequè, ac semidoctos (dabis mihi hanc vocem) reformido; qui sibi similes magnis viris videntur, ac tumescunt inani scientia persuasione; cumque nihil aliud quam barbaras voces, & jejunas concertationes didicerint, illud probant quodcumque, in quod sunt iter, atque eos dedocere gravius est, quam docere. Nec facile de præjudicatis opinionibus decedunt, quia nemo non didicisse, mavult, quam discere: sed non longius evagabor, atque ad institutum revertar meum.

Videor tibi, VIR DOCTISSIME, in assignandâ Parisiorum latitudine fluctuare. Id facile mihi ignoscet, cum peritissimi Astronomi nequaquam inter se consentiant. Nec mihi in mentem venerant, quia ex tuis, & aliorum observatis in illa disertatione, quam de latitudine Parisiorum scripsisti, pulcrè disputas, telluris videlicet axem nonnihil de loco suo dimoveri; idq; ex declinatione Magnetis, qua in dies minuitur, optime demonstras. Quanquam non deerunt, qui malint veterum observationes cavillari, quam tuae sententiae accedere. Dabis hoc nobis, veteres Astronomos in observando non adeo solertes, & religiosos fuisse. Quot annabo ex instrumentorum vitis, neglectis refractio- nibus, oculorum situ, & varietate, ex circumfusa denique sacribus luce errores potuerunt irrepere. Verùm de his jam alibi à me dictum est, & malim in tuo judicio acquiescere, quam opinionem meam pertinaciter defendere.

Venio jam ad Saturni phases, quas certè levius, quam rei dignitas postulabat, me attingisse non ibo inficias: cum hic locus esset Astronomiae Physicae proprius, & acerrimâ contemplatione dignissimus. Sed adeo incerta erant, & male sibi constantes Astronomorum observationes, ut eas referre noluerim, ne artem ipsam infamare, & traducere viderer.

Qui.

Quidam enim Saturnum duobus satellitibus stipatum depinxere; alii velut ansulas hujus planetae lateribus inherentes; alii brachia in longum porrecta affinxerunt. Sunt, qui hoc sidus figura elliptica à se conspectum affirmant; negant alii; quidam ansas cum Saturno connectunt; nonnulli separatas exhibent. In tantâ opinionum varietate quam potissimum sequeretur non habebam; nec conciliari omnino poterant. Vix excussa erat Astronomia nostra, cum ex te accepi, clarissimum Hugonem de Saturni systemate librum edidisse, eumque ad te amicitia jure misisse: hujus adeo præclari operis copiam mihi fecisti, quod intento animo perlegi, illudque eruditione plenum judicavi. Major certe doctissimo viro, quam cæteris debetur fides, quod telescopia optima, & 23. pedibus longo, quod Saturnum centies nobis propiorem quam sit, adnoverit, usus fuerit, nec tanto viro industria, doctrina, & diligentia defuerint. Fervat ergo præcipua hujus sideris phaenomena ex peritissimi Astronomi observatu decurrere.

Anno 1655. die 25. Martii Saturnum brachium in rectum porrectum vidit, cum nigricante zonâ, quæ tum brachium paululum superior planetam in partes inæquales dirimebat. Anno 1656. die 16. Januarii Saturnum planè rotundum, & suis brachiis velut multatum, usque ad mensem Junium deprehendit. Hinc brachia sensim restituta sunt, quæ mense Octobri distincta sub conspectum venire; ac zona nigricans, quæ ante superior fuerat, inferior facta est. Anno 1657. die 17. Decembris brachia aperta, & sanquam ansa cum Saturni corpore conserata, visa sunt; ac sensim diduci cæpere usque ad finem anni 1658. & initium 1659. ubi apertissima, atque instar Ellipsis, cujus maxima diameter ad minimam eam ferè habebat rationem, quæ est 9. ad 4. efformata apparuerunt.

Jam verò ex plurimis observationibus liquet tum brachium, vel ansulus destitutum videri Saturnum; cum circa ea puncta, in quibus Saturni orbita æquatorem secat, nempe prope vigesimum gradum Virginis, aut Piscium versatur. Tum autem diductis ansis, & apertis sub obtutum cadit, cum circa solstitia seu maximam ab æquatore declinationem, videlicet circa vigesimum gradum Geminorum, aut Sagittarii commoratur. Nec denique major Ellipseos diameter ipsi ecliptica, sed æquatori est parallela; atque eundem penè angulum cum eclipticâ, quem æquator efficit, scilicet 20. gradibus majorem; adeo ut Saturnus diurnâ vertigine abreptus nitatur in easdem partes, in quas illius brachia porrigantur. Quod telescopia in Saturnum converso tibi manifestum fiet, diuturno modo centrum vitri, seu convexa lentis ad brachiorum

lineam dirigas ; tum enim eadem linea tubi immoti diametrum motu diurno sensim decurret ; ita ut eandem rectam, vel semitam diurnam conversione planeta signes : atqui motu diurno unumquodque astrum aequatori parallelum circulum delineat : brachia igitur Saturni erunt itidem aequatori parallelæ. Quod quidem ad suam hypothesim stabilendam plurimum momenti obtinere merito existimat Hugenius. Sed priusquam istam hypothesim explicare ingrediar, variae sunt nobis ante mittenda conjecturae. An fortè Saturnus, ut quibundam placet, figuram sortitus est ovi similem, cum duplici appendice ? diversas vero subit phases, quod circa minorem axem orbita sua ad perpendicularum erectum volutatur, eumque gyrum spatio 30. annorum, uti centrum ipsius planetae, absolvat : ita ut utrique motus, & centri, & orbis inter se aequentur. Hinc certis in locis planè rotundus cernitur, & suis exiit angulis ; cum scilicet oblongum axem ad nos convertit. Anfulas verò explicatas habet, ubi minor axis in nostras partes dirigitur. Spatium denique ansti comprehensum, nihil fortassis erit præter nigras, & obscuras maculas. Quod si ita sit, cedo cur illa macula, cum Saturnus globosus apparet, penitus expungantur ? quare hic planeta cum sit oblongior, sphaericam figuram interdum exprimit ? formam non mutavit suam, neque altitudine suâ fuit imminutus : oblongioris igitur semper figura, nec laxulis suis privatus videri debet. Quid igitur ? an potius nobis in eximii, atque in omni Matheseos genere prope singularis Robervallii sententiam est concedendum, quâ fingit, referente Hugenio, Saturni phases non aliunde, quàm ex densis vaporibus, quos Sol è mediâ, & velut torridâ illius sideris zonâ in sublime effert, prodire. Cum vapor interfusum æthera occupat, tum Saturnus figura elliptica, uti & Sol exoricens apparet. Cum autem usque ad Saturni corpus circumfusi vapores non perveniunt, sed velut nubes in aëre pensiles manent, tum radios ex ea parte, qua nubes sunt confertiores, nimirum ab extremis limbis (nostri habitâ ratione) ad nos usque reflectunt. Enimverò hoc ingentiosum videtur Hugenio commentum : quod nunquam Saturnus nisi minori, & debiliori tubo Ellipticus appareat ; quod non sit verisimile maiorem vaporum copiam è mediâ Saturni zonâ, quàm ex partibus poli finitimis atcoli : siquidem terra regiones polis viciniores densiori caligine, & majori vaporum proventu obsidentur. Phases denique Saturni constantiores, & certiores habeo causam necesse est, cum in iisdem, vel oppositis locis eadem planè recurrant.

Quare disjunctis aliis, sola superest Hugenii hypothesi, qua licet quandam primo aditu præ se ferat absurditatem, (neque enim quicquam



quam in aliis sideribus simile occurrit) pulcrè tamen cum phenomenis convenit. Placet illi Saturnum globosæ, uti alia sidera, figuræ, quodam circulo tanquam annulo cingi, sic tamen, ut ille circulus planeta non cohareat, sed instar fornicis eundem situm, eandem perpetuò servet ab ipso planeta distantiam. Utus sit, Saturnus cum sua corona circa suum axem, qui plano annuli ad perpendicularum insitit, rotatur: quemadmodum ex Copernici mente terræ circa suum centrum gyrat. Axis Saturni telluris axi, planum annuli plano æquatoris ubique erunt parallela. Quare illud planum eodem ferè modo cum ecliptica superficie, atque ipse æquator inclinatur, nempe angulo 23. gr.  $\frac{1}{2}$  vel circiter. Itaque concipio Saturnum ipsum non aliter annulo suo, quam sphaeram artificialem Horizonte, circumdatum: sed sphaeram intelligo parallelam, qualem habent ii, qui sub polis degunt. Cum igitur Saturnus maxime ab æquatore declinabit, tum brachia latissima, atque Ellipsim non pessimè exprimentia cernentur: tunc enim visus noster, qui in æquatoris centro constitutus concipitur, non stringit planum illius annuli, sed satùs altè, nempe angulo 23. gr. super illud attollitur; atque adeò annulus latior videtur necesse est: idq. tum evenire diximus, cum Saturnus vigesimum Geminorum, aut Sagittarii gradum cum semisse occupat. Quo autem longius ab iis punctis discedit, hoc angulus fit angustior, & latitudo annuli magis coarctatur: donec post septimum ferè annum, cum Saturnus circuli quadrantem peragravit, & sectioni orbitæ suæ cum æquatore vicinus est, oculus in centro æquatoris positus annuli planum ipsi æquatori parallelum radit, tumque omnis latitudinis expertus cernitur: nihil enim præter lineam videri potest, quæ præ distantia maximâ omnino evanescit: tum igitur Saturnus globosus conspicitur. Postquam verò ex iis locis est eluctatus, sua brachia recuperat, quæ paulatim insensulus, tum demum in ellipsim abeunt. Circulum mente concipio supra oculos elevatum, & Horizonti parallelum; is prospecto mihi recedenti, atque ex obliquo spectanti, ut ellipsis videbitur, cujus major diameter Horizonti ubique parallela apparebit; sed eo angustior ellipsis futura est, quo magis ex obliquo spectabitur: donec oculo ita constituto, ut circuli planum, si produceretur, in ipsum concurreret, tum nulla ellipsis, sed exilis quadam linea videretur. Idem fortasse in Saturni annulo evenit, cujus diversa phasces ex variâ Solis illustratione, & radiorum visualium obliquitate dependent. Quocirca cum Saturni locus ab assignatis æquinoctiorum punctis non longius, quam sex gradibus disidet, tum globosus, & brachiis privatus sub aspectum venit, quod annulus radios à Sole non directos, sed maxime obliquos excipiat: vix enim

duobus gradibus supra annuli planum assurgunt, quanta scilicet est Saturni in eo loco existentis declinatio. Non ignoro, apparentem cuiusque planetae locum nonnihil ab eo, quem in suo excentrico occupat, differre: sed ubicunque apparent, & quanta sit visus supra annuli planum altitudo, si reipsa Saturnus obliquioribus radiis à Sole illustretur, & debiliori luce perfundatur, nunquam sui copiam faciet. Major quidem, vel minor visus altitudo, seu loci planetae apparentis declinatio efficit, ut latior, vel angustior ellipsis cernatur: sed declinatio à Sole fortiterem, aut debiliorem irradiationem praestat, & saltem duos gradus cum aliquot minutis obtinere debet illa declinatio, secus ipse annulus visus aciem eludet. Sic anno 1612. circa solstitium aestivale apparebat Galileo Saturnus in 18. gr. Piscium, hoc est, duobus gradibus cum semisse ab æquinoctio suo discedere videbatur; ita ut declinatio, seu altitudo visus vix esset unius gradus, & tamen duo, ut tum existimabat Galileus, visi sunt satellites, vel potius brachiorum extrema, quæ cum cernuntur, & exiliori tubo cernerentur, speciem duorum siderum præbebant. Saturnus quippe longius quàm appareret, ab illis punctis sæpius nominatis distabat: non igitur sola visus obliquitas efficit ut brachia, vel insula penitus evanescant. Contra eodem anno circa mensem Novembrem cum Saturnus esset stationarius apparebat, in gr. 11. 10. min. Piscium, adeo ut ab æquinoctio suo 9. 26. min. distare videretur, quibus ex vulgatis declinationum tabulis 3. 42. min. respondent; & tamen annulus sub obtutum non veniebat; quod revera longè propior foret æquinoctio suo, quàm videretur; & altitudo Solis esset duntaxat 1. 36. min. Non ergo apparentis, sed veri loci ratio habenda est: Nam superficies quaque eo illustrior conspicitur, quò radiis excipit directiores, ex quocunque spectetur situ. Quod si tamen nulla esset visus declinatio, seu altitudo supra annulum illustratum, tum circulus ille non cerneretur. Contingit aliquando, ut superficiem annuli nobis aversam Sol colustret; cum nempe ejusdem annuli planum inter Solem, & visam nostrum incurrit; tuncque aspectum nostrum fugit, & Saturnus plane sphericus apparet. Jam ulterius intendamus animum, & videamus, quanto tempore globosus, ac brachiis suis carens Saturnus sub oculos cadat. Cum sex gradibus ante & post vigesimum Piscium, aut Virginis id ferè contingat, atque unius mensis spatio unum itidem gradum in propria orbita Saturnus perlustrat; necesse est ut toto vertente anno sine anulù, aut brachiis conspiciatur. Hoc itaque in una revolutione bis; nimirum in utroque suo æquinoctio usquevenit. Hinc Galileus sub finem anni 1612. & initium anni 1613. Saturnum suo satellitio, ut credebat,

nu-

nudatum, & figura sphaerica observavit. Idem post triginta annos Gasfendus, nempe sub finem anni 1642. ac decimo quinto post anno nempe 1656. idem denique comperit Hugenius. Idipsum anno 1671. recurret.

Quemadmodum anno 1664. ellipsis latissima futura est, quando Saturnus alteri solstitiorum erit finitimus. Illud quoque non indignum est quod observetur, illustriori luce Saturnum fulgere, quando anfas habet apertissimas, quod à circumducto annulo, ut terra à corpore lunari lumen mutuetur. Neque tamen annulus est instar Luna mobilis; sed immotus consistit, quamvis fortè circa suum centrum, una cum Saturni globo instar turbinis volvetur. Multum quoque in eam sententiam, licet dissentiat Hugenius, prozendeo, annulum cum ipsius planeta corpore committi: nam interjectus fortasse liquor radios non quaque versus regerit; hinc sub obtutum non cadit, nisi instar zeta nigricantis, non secus ad lunares macule; quid enim aliud est cingulum illud subnigrum, quod medium fere Saturnum dirimit, maxime ubi globosus cernitur, nisi extremus annuli limbus? Zona quoque nigriores, in aliis planctis, ut in Marte, videntur; in Jove quadam lucidiores, deprehenduntur; quae cum sint varia, & inconstantes, vel nihil quam maculae existunt; vel circumfusi vapores, aut nubes nostris non dissimiles fungi possunt. Trilateram verò Martis rupem, nigram in medio ejusdem planctae corpore maculam, atque alia ejusdem generis à Fontana conficta rejicit Hugenius, qui primus omnium lunulam circa Saturnium tribus fere scrupulis ab eo distitam deprehendit. Hac 16. dierum circa spatto Saturnium, ut Luna circum terram gyrat. Hoc autem à Luna differt, quod in plano aequatori, & annulo Saturni parallelo, Luna verò in zodiaco, vel orbita propria non amplius, quam quinque gradibus ab ecliptica declinante moveatur. Quocirca si quatuor Jovis satellites, & Saturni comitem septem planetas ab omni aeo cognitis adiungamus, duodecim planetae exsurgent. Sed quid causa est, cur observationes Astronomorum circa Saturni brachia adeò inter se dissideant? An quia plerique telescopia non satis exquisita, & ampla adhibuerunt? Hinc quidam extrema brachia ut globulos lucidos; alii ut ansas cum Saturni corpore non cohaerentes videre sibi visse sunt: quia debilius brachiorum lumen à fortiori planeta luce obscuratum minoribus tubis discerni non potuit.

Non mihi excidet in ense Orionis, ubi tres stellas Astronomi signant, 14. Hugenium deprehendisse, quarum septem trans nebulam candidiorem fulgent. Ejusmodi verò nebula nusquam nisi in hac firmamenti regione conspicitur. Omnium porro stellarum diametri nulla donantur latitudine, sed quasi puncta lucida exhibentur, cum telescopii vitrum

ocu-

oculo proximum fuligine leviter aspergitur, ut circumfusi radii, qui sidera in ampliores species spargunt, penitus arceantur: secus lux illa ascititia semper nobis imponet, quantumvis vitra tegantur, & vel minima aperturâ radii excipiantur. Nihil hic necesse est de arcano longitudinum ex astu maris inventendarum prolixam disputationem texere. Nihil quoque opus est, periodum Julianam à Scaligero excogitatam, uberius expendere, de quâ te coram quid mihi videretur, aperui; neque aliorum opiniones, quâ veras quâ falsas tueri velim. Jam diu est, quod in dissertationibus tuis Chronologicis hanc Scaligeri periodum pervellisti, eique epochas, quæ æram vulgarem, vel antecedunt, vel subsequuntur, præposuisti. Nec fortassis immeritò illam periodum inter difficiles & inutiles nugas referre soles. Verùm ista sunt alterius loci: ac video jam me Epistolâ modum excessisse.

Nunc vehementer te oro, ut ad me mittere non graveris observationes tuas eclipsion accuratissimas, neque non dissertationes de latitudine Parisiorum, magnetis declinatione, novo & fictitio quodam mundi sistemate memoriâ posteritatis dignissimas, quas mihi non ita pridem, cum apud te essem, amantissime obtulisti. Non eâ tantum causâ postulo quod Astronomie nostræ magno sint ornamento futura: sed profectò è re literariæ dignitatî, ut tam præclara opuscula in apertum proferas, neque iis lucem diutius invides. Vale, VIR EXIMIE, & nos amare porro persevera.



ERUDITISSIMO VIRO D.  
IOAN. BAPTISTÆ DU HAMEL  
P. PETIT MONLUCIANUS  
S. P. D.

**A**rdua haud dubiè res est (VIR CLARISSIME) veritatem sedulo inquirere & ingenue profiteri, siue obvis errorum tenebris, vel hominum ignavia implicetur, siue rara sit temporum felicitas, ubi sentire quia velis, & quia sentias dicere liceat. Hinc mihi primus ad Philosophiam gradus esse videtur, genera rerum & proprietates discutere, ut quid in singulis verum sit attentè perpendat Physiologus; alter ut quod sibi compertum fuerit, sincerâ fide palam fateatur, nec sibi plus ipse, aut aliis quàm par sit arroget, aut quàm ratio ferat. Sed quàm pauci sint, qui hoc ritè agant, & qui in intima natura penetrata sibi facto aditu posteris proficere studeant, norunt omnes: sunt enim nonnulli, qui veritatis adipiscenda negotio deterrentur, nec sine causa: in hoc enim studii multum & industria plurimum adhibendum est: alii hanc vel experientia duce, vel ratiocinio partam scriptis consignare desides negligunt: ceteri tandem sibi quid ab imperitorum disertiis metuentes, neve insanabili scribendi cacœthe teneri videantur, à scriptis abstinere. Nihil enim novi aut ex se proferre, quid aliud est quàm libellionem, aut amanuensem agere in exscribendis aliorum apographis, aut ipsarum digitorum prurigine laborare? De re autem nova certa vel conjecturali, imò critica, vel leve quidem opusculum ab eruditù viris præferri solet immensis voluminibus tot commentatorum & interpretum, in quorum libris si ipsius authoris textum excipias, nihil nisi verba, & voces ipsos, sapius obscuriores continentur. Hinc est, quod tua scripta meo quidem iudicio nunquam oblitterabuntur, in iis enim te criticum serio ludentem, aliorum errata festivè detegentem, & in abstrusioris Philosophia referendis mysteriis

Dd

omni

quasi demum scientiarum genere versatissimum universa posteritas commendabit. Si autem Varronis scripta, qua doctrinâ potius quàm eloquentiâ probabantur, ceteris omnibus anteponenda censuerit Orator Romanum, quid non prestabunt ii, qui solidâ eruditione potius quàm specie verborum adducti, in evolvendis tuis codicibus, ponent operam: uique, qui in illis Latini sermonis nitorem & purâ putaque Latinitatis elegantiam (Philosophia vulgaris in scholas ablegatâ barbarie) perspicient? Utrique procuditio tibi grates agent, imò solertiam (nam, sagacitatem & industriam condignis efferre laudibus satagent, quod in enodandis difficilioribus Mathecos & Physica loci (putâ Fossilibus, Meteoris, Lumine, & Astronomiâ) ita te geras, ut allatâ ab interlocutoribus tuis, quotquot hæcenus de re qualibet fuerunt opinionibus, dubia discutiantur; & obiectis improbabilibus, vera tandem aequiori mentis trutina expensa, solidis rationum fundamentis stabiliantur. Hinc fiet ut sicut non uno & eodem tramite per vastum mare navigia feruntur, ita variantia studioforum ingenia diversimodas habeant veritatis inuestiganda semitas, ut qua sibi magis ardeant amplectantur: & sic emenso longioris tractus itinere, tutò tandem & feliciter portum obtineant. Hicque nunc magis demirabuntur, qui scripta tua lustrabunt, quod in iis aberrantium placita citra invidiam refellas, probationum quorumvis sententias religiosè narres, tuâque sincerè & secluso tumentis animi fastu aperias, nec mordicus tueris: imò ea revocares semper parati, quoties mentem subierit verior cogitatio, sive tua sive aliena. Hoc igitur in te perfectò animi candore, non est quod mireris, cur communicatâ mihi, adhuc sub pralo versante, Astronomiâ tuâ, libere te monuerim de nonnullâ, qua in Epistola tua commemoras, De quibus si quid verius liberali quadam audacia protulerim, uti à te veniam deprecor, sic ab omnibus liberali disciplina studiis gratiarum actiones, jure quodam compensationis, sperare ausim: præsertim quod hæc eadem scripta uberiori Epistolâ tuâ quasi auctorio locupletaverim, in qua præter consutationem, tot gladii quot verbi jugulum patentem, doctrina longitudinum ex reciproco maris astu ab Arconlio proposita, & à te bona fide relatâ, novum insuper Saturni systema à Clarissimo Huggenio nuper divulgatum, sed contractum in epitomen profers, ut nihil desit Astronomiæ tuæ. Quod à me porro humanè rogas, ut ad te mittam



mittam Opuscula, qua tibi me officiosius invisenti videre contigit, Observationes nempe nempe nonnullarum eclipsæon, cum animadversionibus nostris; dissertationem item de latitudine Parisiana, & variatione magneticæ declinationis: tum novi cujusdam Mündani systematis explanationem, quod anno M. DC. XLV. anonymum quidam Illustrissimo Gallia Cancellario obtulit, paucisque abhinc annis-perperam rursus asseruit, cujus eo jubente castigationem susceperam, & Clariss. illius Medico, utriusque nostrum amantissimo, D. Chambræo scriptis consignatam tradideram. Lubenter exequor, eoque securius, quo te fidei-jussorem meum & vadem erga posteros habeam, utilis futuræ res nostras, quas monumentis etiam tuis adjungi vix & commendari. Adde quod Appendicis instar, Astronomiæ tuæ propter argumenti similitudinem, adjici non prorsus est alienum, præsertim Solis & Lunæ eclipses, de quibus capite ultimo sic aui: non fallere quidem demonstrationes Astronomicas, sed multa inter observandum occurrere, quæ nisi caveantur, in errores inducunt, observationesque incertas ac lubricas efficiunt. His autem cautè devitandis non leve (ut spero) monita nostra ferent suppetias, præsertim investigando tempore vero eclipsæon Luna, in quo majorem (ut est revera) difficultatem constituit, quam ex pendulorum horologiorum nuperrime inventorum usu penitus tolli, fusius ibi & accuratius demonstravi. Ad stabiliendam verò elevationem Poli Parisiensis, in qua statuenda, ut & in variatione magneticæ declinationis, dubiis hæreas, non parum lucus & utilitatis afferet fragmentum Epistolæ nostræ ad cl. Sauvallam, ea de re scripta; ut hac impostèrùm latitudo rata sit & fixa, saltè inter 52. & 54. minuta præter 48. gradus, indeque facilis & expedita methodus cujuscumque loci latitudinem ritè observandi Astrophiliis innotescat: quæ si rectè utantur, na in Astronomica praxi quidpiam verius frustra desiderent. Porro de dissertatione illa novi systematis mundi, quam à me flagitas, abundè habes sim quod expleat, imò quo gratissimam mihi fuisse super ea re percon-tationem tuam palam & apertè testificer: Primum, quod authoris amici & fautoribus etiamnum illud arrideat, licet de hoc dici posset, quod bellè & festivè de alio commemoras, meram esse fabulam, & vigilantibus cerebri somnia, hominisque otio & literis intemperanter abu-



tentis deliria, qui ea scripserit, quæ nec demonstrari, nec ratione suaderi possint. Præterquam quod etiam si hæc opinio ridicula emendatione non egeret, oportunitatem tamen dederit occasionem, restituendi locum quendam Ptolomæi, (quem graviores auctores perperam hucusque & oscitanter intellexerunt) uno solo jota mutato in omega, & ex ἀπὸ factō ἀπὸ: quem etiam si magnus ille Scaliger avi sui Criticorum Princeps advertisset, (ut me fecisse gloriari possum) ejusdem Ptolomæi Geographiam & Almagestum iteratim typum excudendum curasset, ut in fronte gestaret editio nova locum emendatum cum hac epigraphe, PALMARIA CORRECTIO, uti fecit, cum verba illa apud Q. Curtium, de curru Darii Nini & Beli gerentis effigiem, eruditè detraxit unâ literâ & alterâ additâ restituisse. Mitto ergo ad te lubens, quæ peramanter à me rogasti Opuscula, tum ut ea ab interitu vindices, tum ut propensum in te animi mei benevolentiam & obsequium hoc Epistolio significem: quæ enim te velle, quæque ad te & ad tua pertinere arbitror, omnia studiosè diligentèrque curabo. Vale, VIR ERUDITISSIME, & me amare perge. Dabam Lutetia Parisorum, ipso intercalari die anni M. DC. LX.



OBSERVATIONES ALIQUOT  
ECLIPSIUM SOLIS ET  
LUNÆ  
CUM NOTIS AD ID PERTINENTIBUS.

*Observatio Eclipsis Solis anno æræ vulgaris  
1659. Novembris die 14. Parisiis.*



Misſis quæ de varietatē calculi luminarium ſecundum has aut illas hypotheſes, & ſuper his extructas tabulas præmitti poſſent, tum quæ ex differentia viſæ, & ex variorum Ephemeridibus, & tabulis præſignificatæ eclipſes eruditi adnotabunt Aſtrophili, rem ut ſe habuit ſigillatim recenſere, eamque poſteritati conſulentes ſcriptis conſignare conabimur, ſtudioſam inde amicis obſequentiam, exteris verò ingenuam, imò gratam ( ut cenſemus ) operam teſtificaturi.

Qui per oſtidium ob denſiſſimas nubes & caliginofum cælum vix apparuerat Sol, tandem 14. Novembris circa nonam matutinam cum ſpe ſerenitatis aſſuſſit. Conſectim apparare inſtrumenta, teleſcopia nempe cum globulis illa, chartas & aſſeres ſpeciem Solis excipientes circumducentibus, attollentibus, & deprimentibus; ſextantem pedum ſex diametri, & quadrantem trium, utrumque æneum in minuta exquſitè diviſum cum pinnacidiis, perpendicularis & volubili ſuſpenſorio; horologia dentata tria; illaque pendulorum ope accuratiſſima, ſcrupula prima, & ſecunda exhibentia, quorum unum clariff. D. Huggenius ( novæ iſtius fabricæ inventor ) mihi nuperri- mē confici curavit Hagæ Comitum, alia duo ad exemplar iſtius, hic me dirigente fabricata: quibus, ſicut alia huius fabricæ horariis, nihil unquam certius & expeditius ad momenta temporum designanda exoptari potēſt, modò ad Sōlem diebus, aut ſaltem horis aliquot antè, ritè dirigantur. Quod peropportunè factum fuit horâ meridia-

Dd 3

nā

na ipſius diei 14 Novembris ad murale ſciotericum ſeptempedale, & ſere meridianum, quod ego ipſe in ædibus meis ſummâ eurâ, & omni gnomonice æxiſſe alias delineavi; cuius ope, durante eclipſi differrentias temporum (ſi quæ cum horologiis dentis, & altitudinibus Solis interſuiſſent) converſis duntaxat oculis explorandi cuiſlibet patebat facultas. Hoc tandem apparatu, his machinis inſtructi ad ritè peragendam obſervationem omnes accingimur,

Sed quoniam ex variarum tabularum calculo, initium eclipſis 20, aut 30. minutis poſt horam à meridie ſecundam futurum indicabatur, & cum ſub hanc ipſam horam agitatſi hinc inde nubibus Sol deliteſceret, ideo de tempore parum ſolliciti, minusque ad machinas attendi ſuimus, colloquiis & controverſiſ (ut verum fatear) circa teleſcopia & ſuſpendula utique diſtracti; interim adſtantium quidam per denſiſſimum vitrum jam temeratum Solem tranſpiciens, ad nos converſus, inquit, abſtinete à rixis quæſo, & obſervate, Luna jam diſcum Solis multum obſcuravit. Illico ad inſtrumenta currere. Hic ad tubuſpicilla, iſti ad quadrantes, alii ad horologia, unaque omnes munere ſuo fungi; ille duobus digitis cum ſemiſſe Solem deſeciſſe, hi 16. gradibus & 30. minutis altum, iſti duas horas cum 15. minutis, & 25. ſecundis ſimul conclamarunt. Ita hoc inexpectato caſu initium eclipſeos à nobis prætermiſſum fuit, ex ſubſecutiſ tamen phaſibus (quas unicuique obſervatorum quantum per nubes interfuſas, importunos item adſtantium itus & reditus, & inſtrumentorum volubilitates venari licuit) poſthac ſarciendum. Ut ſequens obſervationis ſeries uno proſpectu diſtinctius exhibebit.

Digiti eclips.	Hora ex horo. logio.	Altitudines Solis.	Tempora ex altit.	Arcus Solis ob- ſervati.
2	2 13' 40"	16 30'	2 13' 20"	
2 ½	2 16 25	16 15	2 16 25	
3	2 19 50			
4	2 26 30			
5	2 33 20			
5 ½	2 35 15	14 25	2 35 11	
5 ¾	2 37 20	14 17	2 36 32	115
6	2 41 30	13 37	2 41 25	119
7	2 50 40	12 40	2 51 11	130
8	3 1 50	11 20	3 3 44	140

Obstitero nubes captandis phasibus majoris obscuritatis, medio item eclipsis adipiscendo, attenuatis tandem & rarecentibus emergentem Lunam serenæ cœli status in hunc modum nobis exhibuit.

Digit.	Hora ex horolo.	Altitud. Solis.	Tempora ex altitudinibus.
1	3 49' 40"	1 38'	3 50' 44"
2	3 56' 0"	1 0'	3 59' 16"
3 ½	3 59' 0"	4 35'	3 57' 0"

Reliquas phases, uti finem eclipses ob ingruentes nubeculas, occasum Solis intervenientem, ejus item occultationem pone fastigium porticus regie luparæ, observare non sicut. Hora tamen 4. 20. horologiorum nulla in eo amplius nudis oculis visa est obscuritas, (nec enim tubos ulterius adhibendi supersuit locus) unde Lunæ emersionem concludere vox una fuit, simulque valedicere.

Sicuti verò ex observatis temporibus incidentiæ digitorum 3. 4. *Initium Eclipsis.* 5. 6. 7. & 8. ipsorumque differentis proportionaliter, & accuratissimam mechanice rationem ritè continuatis, initium eclipses citra lapsum sensibilem per retrogradationem statui potest horâ 2. 2. præterpropter; ita medium illius & maxima obscuratio (digitorum circiter 8. cum semisse) contingere debuerunt horâ 3. 12. Cum enim ab observatione digiti quinti incidentiæ, ad digitum quintum emersionis fluxerint fere 76. minuta, ex eorum dimidio nempe 38. addito tempore digiti quinti prodibit eadem hora 3. 12. quam ideo ratam & fixam habemus pro tempore medietatis. Finem autem pari ratione venamur collatis temporibus incidentiæ & emersionis, ut enim ex prædictis ab initio eclipsis ad digitum quintum fluxere 31. minuta temporis, ita à digito quinto emersionis ad finem defectus fluere, debuerunt totidem minuta 31. quæ si addantur horis 3. 49'. 40". exurgit hora 4. 20'. 40". quâ Sol debuit esse penitus liber à Luna, ut re- *Medium.* *Finis.* vera talis apparuit.

Per quod autem punctum à vertice disci solaris Luna sit ingressa, vel egressa, nihil equidem certi definiendum habeo, præsertim cum initium & finis defectus nobis exiderint, nec satis perspectæ fuerint phasces ipsius tam crescentes, quam decrecentes; hoc nobis invidit variantis cœli lubrica facies, istud prohibuit tenebrosus aër intercurrentibus nubeculis undequaque obductus, utrique obstitit nimis spectantium concursus, qui, debito apparatu instructæ & rectius (ut decretum erat) peragenda observationi remoram fecit intempestivis confabulationibus, & vagante interim turba, instrumentorum usum peni-

penitus ademit: quam jacturam nullis in posterum artibus restituendam non parum dolemus.

*Quanta  
Luna dia-  
meter.*

Quoad verò Lunæ diametrum attinet, solari minorem apparuisse ostendunt observationes digitorum s. 1. 6. 7. 8. quarum præcipua sexti, Lunæ arcum exhibuit per Solis diametrum transeuntem, nec 120. gradus circumferentiæ illius comprehendentem, sed tantum 119. incirca. Unde concluditur periphæria Lunæ apparens minor solari: in qua autem proportionem calculus exhibebit certiore, cui cura & otium fuerit omnes supputandi, nos ex 7. & octava comperimus Solis ad Lunæ diametrum visibilem fuisse ut 1000. ad 992. Si non concordant aliæ, oritur differentia ex varietatē imaginis, quæ tam certò & æqualiter ex utraque partē circuli hanc excipientis, propter mobilitatem continuam radiorum Solis & telescpii, momentanea inspectione notari non potest, quin committatur aliquis error. Ex omnium tamen comparatione certi aliquid elici potest, quod de aliis etiam observationibus & præcipuè altitudinibus Solis intelligendum est.

*Nunquam  
sibi con-  
gruunt  
omnes ob-  
servatio-  
nes.*

Nec enim potestas unquam fuit exactissimo cuicunque observatori suas omnes horas ex altitudinibus syderum, sibi, horologiis, & veritati ad amissim congruas invenire, cum nullus sit variis vicibus idem tentandi locus ob inquietam cæli conversionem. Quæ præcisio seu exacta ratio, desideranda, etiamsi deficiens in minutis aliquibus, non obstat tamen certitudini totius observationis, & fructui elicicndo in posterum, ad emendationem tabularum & hypotheson.

*Unde ori-  
tur diffe-  
rentia  
tempo-  
rum.*

Hoc unum addam Apologeticum pro differentiis temporum ex altitudinibus Solis elicitorum, & ab horologiis designatorum. Quamquam parum sensibiles sint, nec aliter aut exactius quibuscunque modis observari soleant, ut prædixi; quæcunque tamen sit illa discrepantia, oritur ex minutis aliquibus quarundam elevationum, (quod vitare in duobus instrumentis, & à duobus observatoribus feli tactum, ut cuique videtur taxantibus, plusquam humanum esset; cum interim dentata horologia pendula numero tria, ne uno quidem minuto temporis per mensem discrepantia, ac proinde simul incedentia, toto decursu eclipsis intervalla phasum æqualiter proportionaliter sic discriminarent; ut si quæ intercedit differentia, ea tota præcedat ex æstimatione arbitraria phasis alleujus seu digiti jam existentis, qui forsitan nondum erat vel præterierat. Unde rectè & scriò concludendum videtur, nova ista automata, dummodo pluries comprobata inter se collata, & alicui sciatherico grandi & exquisito seu lineæ meridiane, aut aliæ certissimæ aliquot horis antè observationem adæquata sint, quibuscunque aliis instrumentis licet ingentibus præferenda

*Horologia  
cum pen-  
dulis nri-  
ssima.*

da

da esse, quibus si Tycho, Lantgravius, Keplerus, Wandelinus, Gassendus, Bulialdus, Hevelius, & alii non caruissent, quot & quantos profectus in rebus Astronomicis egissent, & ad nos transmississent, nec fortasse jam hæreremus in eligendis tabulis exactioribus ad calculum planetarum & præcipue eclipsium, quarum aliæ 15. & 20. aliæ 30. & amplius minutis, tempora defectuum, vel anticipant, vel subsequuntur. Et quod mirum videri debet, & notatu dignum, in observatione eclipsium solaris anni 1652. die Aprilis 8. quam eam typis mandavimus, ut omnium quotquot ob orbe condito scriptis consignatæ sunt maximè insignem, & diligentissimè observatam à compluribus hæque nominis Mathematicis, vel in minuto concurrentibus etiam loco disitis, & in observando diversis. In hac, inquam, descriptione eclipsium adnotavi hujus calculum ex Longomontani & Eichstadii tabulis deductum præcessisse initium visi defectus plusquam 10. minutis. Ex Philolaicis plusquam 15. ex Copernicæis plusquam 25. Ex Lansbergianis plusquam 37. & ex Rudolphinis plusquam 45. Hanc prædictis autem, de qua nunc agimus, eclipsim tabulæ supradictæ, & novæ, subsecutæ sunt pluribus minutis, ita ut fallente calculo initium defectus incautos præterlaberetur, cum nequidem ad instrumenta parati essemus. Calculus enim ex tabulis illustriss. nec satis mirandi Comitis Pagani illud statuebat tantum, hora 2. 23'. cum æquatione temporis additiva 15. minutorum, vel hora 2. 8. minuta sine æquatione jam addudum à Wandelino rejecta, totamque durationem horarum 2. 15'. Ex Alphonsinis Muleri initium hora 2. 21'. durationem 1. 57'. ex Tychoniciis initium 2. 14'. durationem 2. 13'. ex Rudolphinis 2. 30'. & 2. 6'. Cum tamen inceperit hora 2. 2'. & finierit hora 4. 20'. Cujus diligentie lunaris in hac eclipsi, pigrissime in illa rationem reddere, ut & magnitudinum durationumque in aliis, ex ritè & rigidè nunc temporis observatis, & in posterum observandis sperare nostrum erit, & posteritatis assequi.

Ne quid verò prætereat notatu dignum, sensimus deficientē lumen solis, deficere etiam calorem tam sensibilibiter, ut unusquisque nostrum brumales optaret vestes, quod idem observavetam anno 1652. Sol deinde magis ac magis in ea mente confirmor, ut existimem, quidquid mensum contra sentiat vulgus, nullum aliud esse elementum ignis, præter principium illud luminis & caloris, primumque calidum & Solem converti, ut dicitur in scholis, sicut ex mea sententia frigidum primum, est aer ipse, qui purus & non affectus ab extrinseco seu Sole, aut alia causa externa nobis & ubique terrarum semper est frigidus, idque per consequens sequens obtinet à natura, quod alias alio loco à me scripsi est disputatum.

Et

De



De maculis porro solaribus nil hic dicendum habeo, nullae enim  
tum observatae sunt, sed ab omni labe deterius si nubes excipias visus  
est Solis discus. At colores, identidem apparentes in charta, & in  
confinio lucis & umbræ ipsius limbum variegentes, cur negligenter  
scriptis mandare tempore eclipsæ, rogatus a viro aliquo in eximio,  
sed dioptrices ignaro mihi adstante ac referente ad portentum hoc  
spectaculum; cum nec locus aut voluntas esset hominem tunc do-  
cendi, conticui: sicut & alias coram ejusdem Ingenii Consulari vi-  
ro, qui in eclipsi memoranda anni 1654. me vehementer sollicitabat  
ut illi ostenderem caput illud Draconis tam formidandum, in quo lu-  
minaria concurrere dicebantur, & tot atroces eventus ipsiusque  
mundi interitum certò præfigere, (quis enim cordatus moveretur in  
ineptiis?) Circa colores inquam rogatus quid sentirem, hac animad-  
versione satisfecisse putavero, & rem fortasse non inutilem indicasse  
rerum Astronomicarum, Physicarumque amatoribus, cum monerem  
colores istos, ab omnibus eruditiss. eclipsæ observatoribus Gassen-  
do, Bulialdo, Hevelio, & aliis, vulgò neglectos ut minus ad rem per-  
tinentes videri exillere ab æthere quicunque ille sit Lunam ambiente,  
vel etiam nostrate, sed præcipuè ex refractione radiorum Solis in  
convexum vel concavum vitri, satis oblique incidendum ad pingen-  
dos illos, ut dioptrices periti norunt, & sub quibus angulis unus-  
quisque color appareat, quod in lride sphaera crystallina & primæ  
vitreo experimur. De quibus non est hoc loco ut suæ disputemus,  
sed doceamus potius ad rectè instituendam observationem magis

**Blade color**  
**var. circa**  
**diffusa**  
**Salis.**

Monitum  
ad vitan-  
dos ipfos in  
observan-  
do.

Quale de  
beat esse  
telestipium  
ad aliter  
vandum.



cumferentia, Solis scilicet, & disti vitri sint semper concentricæ & parallelæ. Quod obtinere cum difficile sit propter continuum motum Solis, fero semper apparent colores varii secundum varium radiorum incidentiam & refractionem; quod non eveniet in vitro parum concavo, id est minoris concavitate; optarem porro vitrum istud minus concavum majorem habere amplitudinem, seu circumferentiam magis concavo, tum ad vitandos colores ut dictum est, tum ad consistendum diutius in eadem phasi & observatione, dum interea Sol percurrit amplam illam concavi circumferentiam, in cujus ingressu forsitan colores aliqui sed diluti, in medio nulli, in egressu pauci conspiciuntur. Quoad tubum verò quo firmior erit & rectior, eo melior, dummodò pollicis unius saltem sit diameter interior, seu orificium illius circa concavum, & apertura seu amplitudo foraminis ad convexum ferè eadem, & quam fieri potest rotunda.

Omitto quæ præfagire solent Apotelesmatici ex diagrammatibus eclipsium, quæ quo grandiores notantur ab Astronomis, eo portentosiores ab Astrologis prædicantur, ita ut præcipuè metus esse debeat penes regna, provincias, urbes ac populos, quibus incumbit signum, in quo deliquium contingit. Quod quidem credi si oporteat, Deus bene, quàm felices Gallia & Hispania, quibus sinistri nihil ex Solis hoc deliquio in Scorpione signo virulento, minari ausit Astrologus audax edipsi, licet, post confectam pacem pactumque hymenæum. Hos igitur malos effectus (nec enim unquam bonos, si fides judiciariæ, producere consueverunt celipses) metuant per me licet Norvegia, Suecia, Syria, Armenia, Cappadocia, Algerium, & aliæ tum provincie, tum civitates signo tam tristi & violento suppositæ, Neye frustra Sol defecisse videatur in signo Meridionali triplicitatis aqueæ; esto, magnos & inexpectatos imbres ciat cum plebis & ignobilium interitu, dummodo nos ab iis immunes cladibus salvi vivamus & incolumes, verso Turci cum in imperium toto duntaxat periculo. Ita enim superiore sæculo conjecit Leovitijs in prædictione eclipsis anni 1556. his verbis: *Expertus sum cum eclipsis aliqua Solis, in Scorpione facta est, Turcicum tunc Imperium in discrimine constitutum fuisse, ac cladem insignem accepisse: anno enim 1547. 1548. &c.* Quod omen Deus Opt. Max. veritat in bonum Reip. Veneræ orbique Christiano. Sed quid ita excurro, & falcem in alienam messem seu tribulos immitto? meminisse deberem quid produxerit Apotelesma ad finem observationis eclipsis anni 1652. à me ludendi causa addita; odium videlicet ac prociacis convitia tinguz, sed condemnanda ut ejus hominis, qui ab eruditis ne nominari quidem dum viveret, aut redargui mereba-

*Prædictio-  
na ex hac  
eclipsi.  
Venetis  
bonum  
omen.*

rebat, licet omnes lacerasset, ac præcipuè artem Gencethiacam, aut doctrinam longitudinum Phisii & Appiani ab ipso renovatam impro-  
bantes: de quo plura dicere manes vetant cum pridem ejus malevo-  
lentiam terra obtegat.

*Cur alia  
eclipses  
subjun-  
gantur.*

Finem hic feceram cum rogatus à plurimis tum præclaræ spei ju-  
venibus, tum aliis Uraniæ & Mathematicæ cultoribus eximiis, adhuc  
pergendum intellexi in iis exponendis, quæ locus & occasio postula-  
re videntur: aliis scilicet eclipsibus à me observatis paucis abhinc  
annis, omisis antiquioribus tum anni 1636. quam Trahonz in Valt-  
lina vidimus, tum aliis, quas Thesaurus observationum Cassendi no-  
bis dum viveret amicissimi & æternum observandi posteritati com-  
mendavit. Sufficiat quippe hic meminisse earum, quæ contigerunt an-  
nis 1652. 1654. 1656. & 1657. Quarum primam anni scilicet 1652.  
licet tunc typis mandatam, sed ob exemplarium paucitatem parum  
divulgatam, & à multis nunc expetitam, tum propter seriem, quas con-  
tinet, diversitatem, tum propter insignes aliquot eventus, bellaque Se-  
ptentrionalia, quæ inibi me invitum & veluti jocantem prædixisse,  
gloriantur Astrologi; & iterum prælo committo: sed alia sanè men-  
te, nimirum ne pereat profus labor multorum illustrium virorum, qui  
una mecum & separatim ei observandæ variis in locis regie hujus  
urbis incubuere. Hæc igitur & eadem hoc loco, licet extra ordinem,  
publici juris iterum fiat.

## OBSERVATIO ECLIPSIS SOLIS,

quæ contigit Parisiis anno 1652. die 8. Aprilis

ante meridiem, facta in ædibus Petri Petit Regiis arcibus muni-  
endis Præfecti, ab ipsa & à Dominis Jacobo Alexandro le Ten-  
neur in Aquitanico vespigalium Senatu Consiliario Regio, Adri-  
ano Auzotio Rothomagensi, & Jacobo Buotio Aquilensi, coram  
Eminentissimo Cardinale de Retz, & innumero cætu Illustriss.  
simul & Doctiss. virorum, Præsulum, Abbatum, Religiosorum,  
Præsulum, Senatorum, Physico-Mathematicorum, &c. Cui sub-  
junctæ sunt insigniores ejusdem defectus observationes Clarissimo-  
rum Virorum.

**T**empus verum prodit ab altitudinibus Solis per quadrantes in  
gradus & minuta divisos acceptis, ostensum etiam ex duobus ho-  
mologis dentatis & immenso sciatherico murali hora minuta exhi-  
bente

bente adequatis, sed excedentibus verum & observatum 36. aut 40. secundis huc illuc.

Initium Eclipsis ex Solis altitudine exactissima 38. grad. declinatione 7. 33'. 42". & poli elevatione 48. 52'. erutum, constanter maneat hora 9. 29'. 32". Quoad finem vero acquiescendum potius horologiis ad proportionem initii reductis, quam tempori ex observatione altitudinis circa (meridiem parum sensibilis) elicto. Nec fuit possibile tunc Angulos Azimuthales, ut consilium erat, observare; sicut nec omnes incidentiæ & emerisionis digitos per instrumenta, propter nimium expectantium concursum. Sit ergo finis Eclipsis hora 11. 17. licet ex altitudine Solis observata 48. 41'. circiter, & ipsius loco in ag. 25. 12". V cruatur solum hora per calculum 11. 50. 39". medium vero ex observatis & consequentis hora 10. 40'. 40".

Digitus Eclipsis observatus	Hora Min. S. ex Horologiis.	Hora Min. S. ex observationibus.	Altitud. Sol. observata	Locus Solis in Tab. Rud.
Initium 0	9 30 8	9 29 32	38 0	19 1 8 4
1	9 33 0			
2	9 36 8	9 35 25	38 44	
3	9 40 45	9 40 6	39 20	
4	9 46 3	9 45 20	39 56	
5	9 52 20	9 51 53	40 42	19 16 26
6	10 1 3			
7	10 9 12			
8	10 19 28	10 18 28	43 30	19 17 27
9	10 25 0			
10	10 38 36			
Medium 10. 20.	10 41 20			
10	10 44 50			
9	10 53 0			
8	11 0 10			
7	11 7 2			
6	11 13 4			
5	11 20 52			
4	11 27 50			
3	11 33 35			
2	11 39 24			
1	11 45 15			
Finis 0	11 51 43	11 50 32 46	41	19 21 12

Imago Solis per bina 4 pedum insignia telescopia refracta fuit, & expansa in circulum, cujus diameter pedis unius in 12. digitos divisa & subdivisa, circumferentia verò in 360. gradus tam incidentiæ quam emerfionis scrupula, & Lunæ diametrum exhibebant, ut conjicere licuit modo in præcedenti pagina scripto.

Luna Solem ingressa est à parte Occidentali ut solet, sed per diametrum Solis horizonti parallelam, egressa autem ex parte Orientali, inter gradus 40. & 45. super dictam diametrum.

Eclipsis fuit 10. digitorum & 20. aut 25. circiter minorum, totaque duratio hor. 2. 21. 30.

Posita diametro Solis apparente 100. partium, Lunæ diameter visa est 102. Nullæ maculæ in disco Solis à nobis conspectæ fuerunt.

Initio Eclipsis speculum Parabolicum magnitudinis 15. pollicum, globulum plumbeum facillimè liquefaciens, sub medium Eclipsis, in ligno tenui & sicco vix sumum excitavit: nulla tamen obsecritas, sed ob lumen solummodò pallidum & debile, ut ingruente tempestate imminutum, frigoris aliquantulum passa est Atmosphæra.

*Ejusdem  
Eclipsis  
observati-  
ones alia  
clariss. vi-  
rorum.*

Ex altera autem observatione facta à DD. Egidio Personerio de Roberval Regio Profess. Math. & Claudio Millon Parisino, in horto Ill. D. Brussart Abbatis Sanmartiniani Regi à Consiliis, mediantibus Azimuthis & Calculo, Initium apparuit hora 9. 29'. finis autem hora 11. 51'. neglectis secundis: diameter Lunæ, Solis diametro major: maxima obscuratio fuit 10. digitorum cum quadrante circiter, quæ secundum calculum ex supplemento Ephemeridum Magini debebat esse 11. digitorum: & medium defectus hora 10. 33'. circiter, unde sequitur differentia inter calculum & observationem 5. aut 6. tantum, qualis ferè observata est in Eclipsi Solis mensis Junii 1630. cum ex aliis tabulis pleræque 30. & 40'. à vero recedant. Hæc illi.

Altera etiam ejusdem Eclipsis observatio facta fuit in Collegio Claromontano Societatis Iesu à R. P. Petro Bourdin Mathem. Profess. adjuvante D. Fran. Gaynot Philomothem, coram Sereniss. Principe Henrico à Sabaudia Duce & Archiepiscopo Rhemenfi, per planum Equinoctiale 9. pedum diametri in horæ minuta distinctè divisum, quod exhibuit Initium Eclipsis hora 9. 29'. 42". finem verò hora 11. 51'. 22". medium autem & singulos incidentiæ & emerfionis digitos propter exiguitatem disci solaris in chartâ fortasse non adamussim reductos, & à quibusdam superscriptis, per aliquot minuta huc & illuc discrepantes, nec inter se coherentes hic inferere supervacaneum duxi.

Ex observatione Clariss. Ismaëlis Bullialdi facta in ædibus Illustrissimi Præsidis Thuani, initium fuit hora 9. 32'. finis verò hora 11. 48'. in quibus nesciretur quo fato solus à tot & tantis observatoribus uno aut altero minuto discreparet, nisi ipse ingenuè fateretur jam incepisse obscurationem cum observavit, & prius desisse observare quàm Sol obscurari, unde verisimilius statuit initium hora 9. 30'. finem verò hora 11. 50'. Rationem semidiametri Solis ad Semidiametrum Lune ut 100. ad 101. vel 102. Digitos Eclipticos 10. 25'. Lunæ ingressum in discum Solis per 88. gradum, & exitum per 44. grad. à puncto verticali Solis. Cæteras observationes cum calculo ejusdem Eclipsos ex Tabulis suis Philolaici deducto, & ab ipso typis mandato, ut videre licebit, ideo prætermitto.

Ejusdem deliquit observatores fuisse in Collegio Navarrae per maximum sextantem Ioan. Bechet Mathematicum Professor, D. Picart, & alii hora 9. 29. 30'. initio, quod nobiscum exactissime consentit, medium digitorum 10. 28'. finem verò non observarunt.

In Palatio Serenissimi Principis Ducis Aurelianensis Regis Patris, Nobiliss. Eques Marchio de Villenes, Ioan. Baptista Morinus Mathematicum Professor Regius, D. Agaratus, & in plerisque urbis ædibus alii etiam Mathematici, eandem Eclipsim observarunt, quorum observationes si ritè factæ fuissent cum instrumentis diligenter examinatis, & pinnacidiis debite collocatis, cum superioribus coincidissent: sed ex eo, quod sub finem Eclipsos, altitudinem Solis referunt majorem maximâ sive meridianâ, positâ elevatione poli 48. 53'. satis liquet, ipsos in aliis etiam altitudinibus tribus aut quatuor minutis ob defectum instrumenti aberrasse: ipsi juris publici facient si viderint.

Hæc ego, qui nusquam gentium exactius observatam Eclipsim facile persuaserim posteritati, cum à tot viris Illustribus omni superlectile Mathematica instructis, cælo serenissimo, ab omni refractione libero, in pote Sole admodum sublimi, vis & locis differentibus, idem minutum primum, cum discrepantia solum aliquot secundorum nacti sunt, quod ex diversa polaris elevationis, vel loci Solis suppositione, vel instrumentorum lubrica dispositione, nec infalibili divisione, oriri potuit.

Bandem Eclipsim observavit Dinia, quæ est Orientalior Lutetiâ 27. horæ minutis & sub elevatione poli 44. 6'. Clariss. & hujus sæculi Tycho, Petrus Gassendus cum Bernorio, per umbras rectas & versas, à quadrato Geometrico, cujus utrumque latus in 1000. partes divisum erat, exhibitæ, & altitudinis variationi circa meridiem in-

lenibilib, opem ferente horologio ſciatherico : de cujus tamen ſine contendere nolens ; ut habetur in ipſius Epistoia ad Bullialdum & amicos ſcripta, initium ſtatuit hora 9. 43. cum deviatione diametri à perpendicularo graduum 75. medium hora 10. 51. ſinem hora 11. 58. cum deviatione à perpendicularo graduum 45. digitos Eclipticos 9. 24. diametrum Lunæ 15. 50. circiter & Solis 15. 20. hoc eſt ſerè ut 100. ad 103. ut ex præcipuis defectus phaſibus diligentiffimè obſervatis, & inter ſe collatis, conſpicere potuit.

Placuit maniffiſſe loco, & publicæ utilitatis gratiâ, calculum ex variis Tabulis Aſtronomicis ad longitudinem & latitudinem Pariſienſem factum, & obſervationi ſupradictæ comparatum hic ſubungere, ut unicuique pateat, quænam propius ad verum acceſſerint, & quibus utendum deinceps, dummodo compluries eodem recidant, nec enim ſatis erit bis aut ter pene ſcopum attingiſſe : cum nullæ extent hypotheſes ex iis tabulæ, quibus ad aliquot Eclipſes & Planetarum loca obſervata ſatiſfactum non fuerit, his enim ut poſtulat ſuperſtrudæ ſunt. Sed omnibus & ſingulis, futuris & præteritis, ad minutum reſpondere, hoc opus hic labor eſt nondum ad ſinem perducus, quod ex Lunæ motibus variis & irregularibus nec ſatis hætenus comperitiſ manare certum eſt.

	Eclipſis ut ap- paret Pariſi- 1652. die 9. Aprilis.	Ut apparere de- bebat ex Longi- tud. & calculo Eclipticæ.	Ex Philolaus & calculo I. Bullialdi.	Ex Co- pernico Pariſienſi cum aqua- D. Petri- G.	Ex Lani- bergiano cum aqua- Tychon.	Ex Ru- dolphino Medice- æ.
	Ho. Min. Sec.	Hor. Min. Sec.	H. M. S.	H. M. H. M.	H. M. H. M.	H. M.
Initium.	9 29 30	9 13 51	9 13 39	9 4 8	8 52	8 44
Finis.	11 51 0	11 53 38	11 52 43	10 8 11	20 0	44
Duratio.	2 21 30	2 34 46	2 19 4	2 4 2	28	0
Digit.	10 20	10 42 38	10 36	11 20 11	52	10 46

\*\*\*\*\*

## APOTELESMA.

**C**erto certius eſt inſauſtos & inſolentes per varias mundi partes eventus Eclipſum hanc ſubſequuturos. Timeant Reges, Principes, Magnates, ſubditorum clamores, deſectiones, rebelliones : timeant proceres & Magiſtratus, civium contumaciam, plebis furo-

rcm,



rem, & Regum iras: timeant Ecclesiastici & sacrorum cultores, nova dogmata, schismata, & impietates: timeant cives dissidia, lites, seditiones, & deliria, quibus plectantur: Mensulari & Trapezitæ fraudes & versuras: Nautæ, tempestates, turbines & naufragia: Rustici grandines, gelu, siccitates, sterilitates, pecudum & jumentorum interitum: Populi denique omnes, bella, famem, pestes, incendia, inundationes, febres, vastationes, ruinas urbium, depopulationes, terræ motus, & quidquid asperum contingere solet hominibus, nec enim aliter nunc quàm olim, mundus ab infortuniis securus esse potest. Timeant Hispani, Lusitani, Galli, Veneti, Allobroges, Rhæti, Itali, Angli, Scoti, Hiberni, Belgæ, Dani, Sueci, Poloni, Moscovitæ, Germani, Turci, & quotquot in Europa, populi deliquim hoc observarunt. Verùm non extimescant, si quæ mihi fides, quasi effectus Eclipsis & influxus erantium & fixarum in hac aut illa domo, angulis, detrimentis aut dignitatibus collocatarum, tot & tantas divinæ potentia ludentis in rebus humanis dispositiones. Nec Martem Eclipsis dominum, cum Venere in undecima constitutum, nec Mercurium culminantem & luminaribus adstantem, in signo Ecliptico intercepto & æquinoctiali: nec Saturnum in aqualico mobili & ascendente, ipsis ad quadratum configuratum, & Jovi cadenti & subterraneo oppositum: nec ipsum Solem obsecratum, seu verius à Luna nobis ereptum in domo & signo Regiis, loco & tempore suæ exaltationis & medio cœli: nec quidquid insultum Arabes, Chaldæi, Græci & Latini minantur ab Astris, reformident: nec suis laboribus defectionem sideris adsimilantes, ut cum Tacito loquar, rationum ignari omen præsentium accipiant, & dies minaces & in scelera erupturos sibi prædici putent. Sed vereantur hæc infortunia propter vicissitudines rerum & proximas ad hos eventus causarum dispositiones, ex quibus certius quàm ab Astris Politici & speculatores futura prænoscerè consueverunt, quæ Deus ut averruncet hoc metro Boëtii ad rem, mores & tempora appositum, compellandum hortatur.

*Petrus Petit, Reg. Arcib.  
muniendis Præfectus.*

**O** Stelliferi conditor orbis,  
Qui perpetuo nixus Solio,  
Rapido cælum turbine versas,  
Legemque pati sidera cogis,  
Ite nunc pleno lucida cornu,

Totis fratris & obvia flammis,  
Condat stellæ Luna minores, &c.  
Omnia certo sine gubernans,  
Hominum solos respiciis actus.  
Merito rector cohibere modo.

*Ff*

*Nam*



*Nam cur tantas lubrica versat  
Fortuna vices? premit infantes,  
Debita sceleri noxia pana,  
At perversi resident celso  
Mores Solio, sanctæque calcant  
Injustâ vice colla nocentes.  
Latet obscuris condita virtus  
Clara tenebris, justusque tulit  
Crimen iniqui.  
Nil perjurâ, nil nocet ipsis  
Fraus, mendaci compta colore.*

*Sed cum libuit viribus uti,  
Quos innumeri metuunt populi  
Summos gaudent subdere reges.  
O jam miseras respice terras  
Quisquis rerum fœdera necis.  
Operis tanti pars non vilis  
Homines, quatinus fortunæ salo.  
Rapidos rector comprime fluctus,  
Et quo cælum regis immensum  
Firma stabiles fœdere terras.*

Apud PET. LAMY, in Palatio 1652.

Hujus tam insignis Eclipsis observationi quatuor adjicito, duas nempe solares, lunaresque totidem, annorum consequentium, quas penes me servabam.

Prima sit mensis Augusti 1654. quæ nescio quo fato toti Europæ terrorem tantum incussit, ut crederetur

*tandem adfore tempus  
Quo mare, quo tellus, correptæque regis calî  
Ardeat, & mundi moles operosa laboret.*

de qua tunc lusi Gallicè metro & oratione soluta, quod hîc nolo nesciri.

Secunda sit item solaris, mensis Januarii 1656. quæ licet æquè exactè, & cum eadem cura per quadrantes, spicilla & horologia (exceptis pendulis) observata fuerunt, ut hæc anni 1659. & illa 1652. Ne tamen sim prolixior in describendis stylo historico singulis earum phasibus, &c. quod est in utraque præcipuum, placet referre paucis, earum scilicet initium, finem & quantitatem.

*Anni 1654.* Illius igitur tam memorandæ eclipsis, quæ nescio quo contagio, non plebem solum, sed magnates & summos alioquin viros rerum physicarum ignaros, per totam Europam affecerat. Initium extitit Parisiis 1654. die 12. Augusti; Sole elevato 31. 34'. unde colligitur ex ejusdem loco in 19. 30'. 38". & elevatione poli 48. 53', qualem sæpius experti sumus, incepisse præcisè hora ante meridiem 8. 4. 20". fuit ejusdem medium hora 9. 17. 30". finis hora 10. 30. 40". Sole elevato 51. 29'. digiti ecliptici numerati sunt 9. 17'. Ingressa est Luna discum Solis per 10. gradum à Zenith, egressa verò per 50. Nadir, visus est uterque diameter Solis & Lunæ ad sensum æqualis.

Eodem

Eodem mense & anno die 27. initium eclipsis lunaris apparuit, cum stella, quæ in dextro fœmore Bootis elevaretur ad occalum 20. 25'. ex cujus ascensione recta 218. 16'. & declinatione boreali 28. 48'. emergit hora 10. 12'. 56'. finis eclipsis cum fulgens in dextro latere, Persei ad Orientem elevaretur 45. 28'. ex cujus ascensione recta 44. 46'. & declinatione boreali 48. 53'. elicitur hora 11. 42'. 32'. Observati sunt tres ferè digiti incidentiæ & totidem emerfionis, sed medium propter nubes observari non potuit, sicut nec insigniorum stellarum altitudo.

Anno 1656. faventibus iisdem instrumentis, telescopio scilicet *Anni 1656.* sextante & quadrante, dentatis horologiis & sciatherico septem-pedali supra descriptis, opemque ferentibus eximiiis viris & rerum cœlestium cupidis ac peritis, observata fuit altera eclipsis Solis die 26. Januarii, cujus phases omnes hîc describere, ut supervacaneum foret, sic præcipuas omittere piaculum. Ipsi igitur initium contigit Sole post meridiem alto 22. 17'. ex quo emerfit hora 12. 18'. 26', quam styli automatum & sciatheri, 20'. post meridiem demonstrabant, quibus hoc ad tempus magis videndum, quàm exquisitissimis quibus-cunque instrumentis altitudinum, tum propter exiguam elevationem refractionesq; hyemales, tum propter insensibilem illius variationem circa meridiem, ubi minuta pauca altitudinis plurima temporis anticipare aut retardare consueverunt, ut est prænotatum. Initium igitur statuimus hora 12. 20'. finem verò Sole elevato 9. 53', unde concluditur hora 3. 5'. 20'. satis consentiens ipsis horologiis: digiti ecliptici observati fuerunt 7. 55'. ingressa est Luna per gradum 100. à verticali Solis, egressa verò per 10. diameter ipsius minor solari ad sensum, sed quæ ad amissum non potuit taxari propter variantem charactem, quæ discum Solis excipiebat, nec telescopio satis firmiter adhærebat, ut unâ cum illo moveri faciliè posset, cui incommodo ut remedium adhiberetur, nec densa corona circumstantium, nec tempus patiebatur.

Aliam Lunæ eclipsim anno 1657. mense Junio die 25. cum ob- *Anni 1657.* servaturi essemus, tot nubes cœlum obturbarunt, ut neque Lunam, neque aliud sydus deprehendere liceret, donec tandem emergens, per tridentem adhuc esset obscurata, quod annotavimus (deficientibus tunc horologiis dentatis) cum Arcturus esset ad Occidentem elevatus, 50. 45'. unde colligitur hora 10. 17'. 30". Finem verò eclipteos, spicâ Virginis altâ 16. 40'. cui competit hora 10. 40'. 10". Sed huic & similibus lunarium eclipsium observationibus, quas noctu exequi necesse est, ingenuè fateor non tam esse fidendum ob multas in ob-

*Observationes eclipticæ.* servando tempore difficultates, vel ex parte pinnacidiorum, vel ex parte visus aut luminis deficientis alteriusve causæ, quàm bene spectandum imposterum nos habituros accuratiores. Pauca enim admodum sibi congruentes in uno eodemque loco, longitudinibus etiam, aliarum civitatum per tabulas exhibitis proportionales, observatæ referuntur: ex quo parum hæcenus emolumenti ab iis eclipsibus in Geographiam & Astronomiam derivatum est ad longitudes, quæ tamen ex his solis certius innotescere deberent, quàm alio quovis modo, quandoquidem uno eodemque instanti videntur earum initium & finis ab omnibus, quovis loco diffitis, quibus tunc Lunam videre contingit.

*Quomodo certiores fient.* Sperandum, inquam, posthac lunarium istorum defectum, sicut & solarium aliorumque cæli phænomenon, tam exactas fore observationes, ut ne uno quidem minuto à vero aberrare possint, ope scilicet pendulorum à non satis laudando & posteritati commendando

*Ex horologiis pendulis.* Huggenio Zulichenfi dentatis horologiis ad quævis intervalla temporis exactè designanda, nullam varietatem iis afferentibus calore & frigore, humore vel siccitate, quod vix unquam putasset, aut ex Huggenii scripto publico, aut ex ejus privatis ad me literis, nisi tandem experimento doctus, affabrè facta & semel æquata ejusmodi horologia, Solis esse æmula & ideo falli nescia, sapissimè

*Qua sunt certissima.* probassem. Sciant quippe omnes, quibus hæc legere contigerit, tribus abhinc mensibus continuis, horologia quatuor ejusmodi, quorum duo cum pendulis plusquam tripedalibus, alia cum minoribus, omniaque, minuta & secunda minutorum exhibentia, in uno eodemque cubiculo me asservasse, ac semper uno tenore eandem præcisè horam, & minutum inter se repræsentasse, nec discordasse tantillum à

*Ipsorum nistat.* sciatherico meo septempedali quoties Sol affulgeret. Quod mihi & in automatis cuicunque docto miraculi instar esset, obvium si non esset. Unde sperare licet nos habituros in posterum ex hoc invento non modò eclipsion, sed aliorum quoque syderum ac phænomenon observationes accuratiores, tum parallaxium refractionum, longitudinum terrestrium, magnitudinum Solis, Lunæ & astrorum, diurnarum inæqualitatum, seu temporis æquationum, reliquarum denique rerum etiam difficiliorum absolutissimam, omniq; ex parte perfectam cognitionem.



DISSERTATIO  
DE LATITUDINE PARISIENSI  
EAQUE IN URBE  
MAGNETICA DECLINATIONE,

Adductis pluribus argumentis, quibus suspicari licet utramque subinde variare.

*Excerpta ex Epistola scripta ad D. Sauvallam,  
& operi quod de Lutetia novo-antiqua  
edere parat, annexa.*



Ircā latitudinem Lutetiæ Parisiorum, de qua me rogas, ut scribam, id primò habeo dicendum: ita inter se discordes esse authores & Geographos in illā assignandā, ut si omnes diversæ sententiæ ad calculum vocentur, tot censi possint, quot à gradu 47. ad 49. scrupula interjacent. Cujus tantæ varietatis multiplex est ratio, atque hæc præsertim: quòd authores Græci, Arabes, Latini, Germani, Angli, Batavi, Hispani, Itali, Galli quæ ipsi, qui de Sphæra, vel Geographia, vel Astronomia disseruerunt, ipsiusque latitudinem assignarunt, aut Lutetiam nunquam viderint, aut nullā satis accuratā observatione usi, priorum duntaxat vestigiis insisterint, aut ipsi novi erroris fuerint antesignani. Quod cum ita sit, uti constat, prorsus incumbit modò, ut super ea re celebris alicujus authoris teneatur sententia, vel certè audiantur hi, qui exquisitis instrumentis nec mediocri eruditione instructi ipsam Poli altitudinem accuratius observarunt. Quamcunque porro sequamur viam non est valdè facile sese hinc expedire. Quòd si enim Ptolemæum, qui inter veteres Geographos primatum obtinet, consulas hoc loco: multum à scopo aberrabis. Is quippe secundi Geographiæ suæ libri capite 8. docebit nos, longitudinem Lutetiæ Parisiorum ab Insulis Fortunatis esse 23. grad. cum semisse, latitudinem verò poli elevationem 48. grad.

*Unde ori-  
atur di-  
versitas  
latitudinis  
Parisi-  
orum.*

*Ptolemæi  
sententia.*

30. min. atque hunc secuti sunt ferè omnes, quibus contigit ea de re disputare ante postremum sæculum: & recentiorum quoque nonnulli religioni ducunt ab hac tanti viri sententia facilè recedere. Et certè non abhorret à verò Ptolemæum, qui summo studio scribendæ Geographiæ incumberebat, dedisse operam, ut viri periti & industrii situm hujus urbis tum satis claræ ac florentis explorarent, cum id temporis, inter Egyptum, & Gallias, Nilum & Sequanam, sub uno & eodem Romano imperio majus fortè commercium quam nunc, intercedebat. Non me autem fugit alios antiquiores Ptolemæo nec indiligentes Geographos extitisse, quos inter Strabo, Augusti & Tiberii temporibus scriptor clariss. Gallorum ingenia nostrosque mores mixtè depinxit, sed terrarum situs silentio omnino prætermisit; ut & Solinus, Pompon. Mela, Plinius, alique ferè cœtanei, qui de locorum longitudine, aut latitudine nihil tradiderunt. A Ptolemæo igitur ad proximè elapsum sæculum non immeritò apud doctos ipsius valuit authoritas, quam cepit sensim revocare in dubium ætas majorum, sed infelici utplurimum successu. Sunt enim, qui hanc urbem sub 47. gradu constituent, alii sub 48. cum 10. min. alii sub 48. cum 20. quaquam pars melior & major Astronomorum Ptolemæum sequi maverit, quam obscurioris nominis authores secundæ notæ, qui aut malè concinnatis tabulis, aut observatoribus imperitis, iisque Astro labio chartaceo, vel exiguis duntaxat instrumentis utentibus, fidem adhibuerant. Utcunque se res habeat, in hunc errorem lapsi sunt non infimæ classis authores alioquin celebres, Mercator, Ortelius, Bertius, Gemma Phrisius, Scaliger, Mælius, Longomontanus, Stofiscus, Reinholdus, & plerique alii, qui Parisiensem latitudinem minorem Ptolemæica censuerunt, cum potius addi ad eam oportuerit, ut mox sum brevitè demonstraturus.

Constet interim antè observatam ex professo poli Parisiensis elevationem nihil pro certo admittendum, jamque esse opus ut variorum variz observationes strictim discutiantur: è quibus e. co prima Ioan. Fernelii Amblanensis Medici & Philosophi præstantissimi, quam libro, cui titulus est Cosmotheoria, dato in lucem anno 1528. his verbis refert. *Electa die perquam serena, quæ fuit Augusti 25. hic Parisiis Solis in meridie constituti elevationem per regulas deprehendi esse grad. 49. min. 13. Cum igitur Sol undecimum Virginis gradum tene- ret, cujus declinatio borealis 7. grad. 51. min. judicavi æquatoris eleva- tionem partes 41. min. 22. continere, quare Parisiorum latitudinem esse 48. grad. 38. min. Viden Fernelium hanc latitudinem jam 8. min. ampliorem quam Ptolemæum facere?*

Oron.

Orontius Finaeus, Fernelio coævus, & Regius Matheseos hac in *Orontis*  
*Finaei*,  
 urbe Professor, in Cosmographia sua & aliis passim libris elevationem  
 hanc 48. grad. 40. min. statuit, variasque Solis altitudines, & umbras  
 ex ipsa & ad ipsius usum computavit, tametsi aliquando in Ptolemæi  
 sententiam revolvitur cum civitatum catalogum contexit. Nec mul-  
 tum à Fernelio abhorret Orontius, cui major est habenda fides, ut  
 Mathematicis scientiis magis exulto, easque publicè docenti, quàm  
 illi alteri professione Medico & admodum juveni soliusque oblectati-  
 onis causà colenti hanc disciplinam, cum alius contra totus in cam-  
 incumberet, nec quidquam ipsi deesset ad exactas observationes insti-  
 tuendas, Francisco Primo Rege Christianissimo, & Cardinali à Lo-  
 tharingia ipsius Orontii Mecenate, sumptus largitèr suppetantibus,  
 Cujus rei fidem facere possunt à me visa instrumenta duo ex ipsius  
 mente & industria fabricata: quorum primum fuit quadratum Geo-  
 metricum ex ære, in quo circuli quadrans duorum circiter pedum  
 semidiametri rectè divisus cernebatur, sicut latera ipsius quadrati in  
 partes 1000. æquales: alterum verò fuit horologium dentatum 3. cir-  
 citer pedes altum, & septem æquis superficiebus circumscriptum, qua-  
 rum singulæ uniuscujusque planetæ motum exhibebant. Quod quidem  
 automa, ex mandato prædicti Cardinalis fabricatum, ut ex ipsius sym-  
 bolo argumentor, hederà scilicet pyramidom ambiente cum hac epi-  
 graphæ, *te stante virobo*, fidem facit quantà solertiâ & ingenio fue-  
 rit Orontius. Adeo ut nec exquisita instrumenta, nec quidquam ali-  
 ud ad accuratas observationes perficiendas ipsi defuerit, neque ullum  
 contradicendi locum reliquisset, si observationum suarum modum, di-  
 em, & annum tradidisset; quo non præstito nos idem dubium manet,  
 quod in observatione Fernelii, & summo viri ingenio Francisci Vic-  
 tæ suspiciamus.

Siquidem Victæ in lib. 8. Responserum, ipsa die æquinoctiæ Pa-  
*Victæ ob-*  
*servatio*  
*desce-*  
*ndit.*  
 risiis altitudinem Solis meridianam ex umbræ rectæ longitudine ob-  
 servasse, ex eaque positi elevationem grad. 48. min. 49. collegisse te-  
 statur. Sed demiror, quod & animum omiserit, & cum diem elegerit,  
 sit erroribus maximè obnoxium, eum citissimè varietur decli-  
 natio; ita ut nisi Sol ipsum æquinoctium terat in ipso Meridiano  
 (quod nequidem semel intra ducentos annos forsitan evenit) vix ci-  
 tra errorem altitudinem æquinoctialis deprehendi possit. Ex cā igitur  
 sumpta positi elevatio licet sit veræ propior quàm reliquæ omnes, val-  
 de mihi suspecta foret, & examini subijcienda, nisi aliâ methodo via-  
 que certiori illustrissimum virum hanc obtinuisse existimarem. Istud  
 verò, in exemplum eò tantum attulisse, quò triangulorum analysim  
 suam illustraret,  
 Quod

*Fernelii  
observatio  
dubia si-  
dei.*

*In globi  
terra men-  
sura.*

*In latin-  
dine Lu-  
setia in-  
quirenda.*

*Observa-  
tiones hu-  
jus sæculi.*

Quod attinet Fernelium, is mihi videtur rudem admodum & imperfectam observandi rationem tenuisse in opere supradicto, quod Ioan. III. Regi Lusitaniz dedicavit; cum tamen id ageret, ut globi terrestris magnitudinem definiret. Cujus voti ut fieret compos, multa milliaria sub eodem Meridiano se consecisse ait, quousque latitudinem, *que magis uno gradu quàm Parisi vergit in boream* deprehendisset, sic enim loquitur. *Cujus loci distantiam à Parisiorum Lutetia perquirens, vulgi testimonio accepit, intercapedinem esse 25. leucarum.* Nec tamen vulgi supputatione satiatus, ex revolutionibus rotarum vehiculi, vallibus & montibus ad aequalitatem propè redactis, ait se collegisse passus 63096. qui milliaria sunt Italica 68. cum passibus 96. &c. Atque hic Fernelii in isto pulvere est labor, cuius conatus potius laudandus, quàm eventus probandus est, ita agrè omnia isto in opere coherent. Omissis enim erroribus, quos videtur commisisse circa terræ mensuram, collium & vallium obliquitatem viarumque anfractus divinando & in lineam rectam contrahendo, aliisque huiusmodi, quæ non sunt hujus loci; in sola poli altitudine commorabor, in quâ etiam examinandâ, ista non requiram, quæ ab accuratioribus negligi non solent, sed querar solummodo ipsum reticuisse annum observationis suæ, imitatum in hoc Genethliacos circulatores, qui ne mensem quidem & annum nativitatis inquirunt ad erigendum thema cœlestis. Hinc porro constare posset, an rectè progressus fuisset Fernelius, an verum Solis locum explorasset, an declinationem maximam supposuisset 23. 28', quod sanè credibile est, (cum tamen Tycho eam deprehenderit illo sæculo 23. 31'. 30".) an refractionum & parallaxium tabulis usus esset, ut taceam de vitiis, quibus non fortè caruit ligneum instrumentum, & de ipsa, quam elegit, anni tempestate circa æquinoctia, ubi Solis declinatio citissimè mutatur, ideoque erroribus est maximè obnoxia. Quæ omnia si acriori iudicio contempleris, haud mirum videbitur nostras ab Orontii, Fernelii, ac Vietæ observationibus dissentire. Et quod molestius est, illorum nemo tempus ejusmodi observationum indicavit, unde forsitan discriminis earum causas nobis colligere liceret; nostræ tabulæ quippe longè sunt accuratiores, ex quibus Solis in Zodiaco locus certior, declinatio ipsa compertior, parallaxes denique & refractiones magis cognitæ. Quamobrem subductis vinnibus præteriti sæculi observationibus, quæ minis videntur accuratæ, modo superest, ut ex recentioribus nostris quiddam magis constans in medium proferamus. Primum ex iis occurrit Henrio Mathematicarum scriptor & professor non contemnendus, qui Cosmographiæ suæ pag. 325. refert, se anno



1614. ex maxima & minima stellæ polaris elevatione latitudinem Parisiorum invenisse grad. 48. min. 55. & pag. 328. ex Solis varia elevatione ipsam collegisse 48. 54'. Midorgius & Gassendus noster ut ipse refert ad annum 1625. Observationum Astronomicarum, eandem latitudinem 48. 52'. deprehenderunt. Becherus in suis tabulis de theoria planetarum hanc altitudinem poli 48. 52'. 30". definivit. Quod si, ut accepi, Alcalmus, Merfenus, Bourdinus doctissimi aliqui viri, non censuerint majorem 48. 40'. hinc liquet eam vel ab iis haud fuisse observatam, aut fortè oscitantibus. Nobilissimus Comes Paganus, Morinus, & Duretus in suis tabulis hanc fecerò 48. 50'. Doctissimus Bullaldus mihi retulit eandem se deprehendisse 48. 51'. Robervallus tandem Regius Mathematicum Professor, & in practicis vel ad scrupulum exactus, hanc definit 48. 54. min. Ego verò in utroque solstitio tum æstivo, (ne declinationis inconstantia in errorem induceret) tum hyberno, ut tentarem an parallaxium & refractionum tabulæ Tychonianæ, quæ in hanc latitudinem incurunt, cum observationibus æstivis convenirent, diligenter observavi.

Anno 1652. die Junii 23. beneficio quadrantis ex ære conflati, cujus diameter sex pedes æquat, meridianam Solis altitudinem 64. 37. min. deprehendi. Cumque Sol tunc 2. grad. 24. min. Cancrî obtineret, ipsius declinatio fuit 23. 30. min. 16. sec. quâ detractâ ex Solis altitudine, superest æquatoris elevatio 41. 6. min. 50. sec. quam si à quadrante circuli subduxeris, supererit latitudo quæsitâ, graduum scilicet 48. 53. min. 10. sec. Cùm prostridie eandem observationem iterâsem, meridianam Solis altitudinem 64. 36. min. inveni, cumque Sol 3. 21. min. Cancrî obsideret, ipsius declinatio fuit 23. 28. min. 51. sec. quare elevatio æquatoris 41. 7. min. 3. sec. & Poli 48. 52. min. 57. sec. hoc est 48. 53. min. neglectis utrobique secundis scrupulis tum loci solaris, tum declinationis.

Anno 1654. die 23. Junii observata Solis altitudine meridianâ 64. 38. min. ac Solis loco in grad. 1. min. 54. Cancrî juxta Argolum supposito declinatione itidem posita 23. 30. min. 41. sec. æquatoris elevatio 41. 7. min. 19. sec. concluditur, ex qua Poli sublimitas 48. 52. min. 41. sec. Cùm verò anno 1657. circa brumale solstitium aeris serenitas ad observandum me impulsisset, die 25. Decembris altitudinem Solis meridianam 17. 43. min. offendi, cui additâ parallaxi 21. min. 52. sec. & sublata refractione 6. min. vera Solis altitudo remaneret 17. 39. min. 52. sec. Cumque ejus locus ex tabulis esset in 4. 16. min. Capricorni, ipsaque declinatio 23. 27. min. 20. sec. elevatio æquatoris elicetur 41. 7. min. 14. sec. ipsaque adeo latitudo 48. 52. min.

46. sec. quæ quidem cum aliis æstivis observationibus satis exquisitè conveniunt, ac præterea tabulas tum parallaxium, tum refractionum, nec non Poli altitudinem esse 48. 53. min. potius quàm 52. min. confirmant: quanquam alibi ne à Midorgii, Cassendi, Bulialdi, & Bechetti æstimatione dissentirem, eandem latitudinem 48. 52. min. duntaxat definierim, ratus unius scrupuli errorem inter observandum, aut mihi, aut illis, seu ab instrumentis, seu à loco Solis diversimodè computato obrepere facile potuisse.

*Ipsa spectro de latitudinis variatione.*

Age verò? ex his variis observationibus inter se collatis quid nunc inferam, quidve coniecter, paucis aperio. Videtur mihi latitudo Lutetiz, seu Poli elevatio à Ptolemæi temporibus ad nostrâ usque, aucta semper fuisse, adeò ut à 48. 30. min. usque ad 48. 53. vel 54. min. increverit. Quòd si ab Orontii & Fernelii ætate 12. aut 13. min. à Viææ verò ad nostram 4. aut 5. minutis aucta fuerit, quis scit an retroactis sæculis idem subierit incrementum, aut variatio saltem aliqua intervenerit? Quis affirmare audeat, vetustiores omnes in ob-

*Veterum observationibus acquiescendum.*

servando hallucinatos fuisse? Superius quidem veterum observata quòd à nostris non mediocriter dissentirent, ut dubiæ fidelè perstrinximus, sed tamen tantorum virorum doctrinæ & industriæ prorsus est aliquid concedendum: atque ut nostris quoque fidem haberi à posteris postulamus, sic nos utique decet illorum observationibus acquiescere, secus in discrimen ipsa vocetur Astronomia, dirutoque hoc fundamento nullus in hac scientia progressus verus, aut fuerit, aut futurus sit. Quocirca nihil prohibet, meâ quidem sententiâ, quominus aliquam in Poli elevatione varietatem, ac mobilitatem suspicemus. Quòd si licuit Copernico, Tycho, atque aliis, ex Hyparchi, Ptolemæi, Albategnii, & suis propriis observationibus, Zodiaci obliquitatis librationem colligere ex aliquot minorum differentia, neque ausi sint veterum hac in parte iudiciis obstrepere, tametsi Tycho, ni per facile fuisset declinationem maximam 23. grad. 37. min. cum semisse uti deprehenderat, constantem affirmare; nullique unquam mutationi obnoxiam fuisse contendere, præcorum monumenta abrogando, cum de 20. duntaxat scrupulis ageretur. Quidni ex veterum, & nostris inter se collatis observationibus, latitudinis mutationem sit fas quoque concludere? Cum aliunde major sit differentia, quàm ut in vitia instrumentorum refundi possit, 23. scilicet minorum: in quo nec Astrolabia nautarum, nec Papyracei tyronum quadrantuli tam enormiter peccare consueverunt. Atque hæc fortè est ratio, cur Tycho, Fruenburgum misso discipulo, ut Poli altitudinem exploraret, illam 54. 22. min. compererit, quam Copernicus 54. 19. min. 30. sec.

*Idem latitudinis variæ ac obliquit. Zodiaci argumentum.*

circæ

circa annum 1500. offenderat. Unde tamen Tycho occasione arripuit, injustam sanè, Copernicum reprehendendi, quòd refractiones atq; alia id genus ad exquisitas observationes necessaria non adhibuisset, quasi probabile sit Copernicum Tychone longè peritiorum in observanda sui loci latitudine obdormiisse, vel ex ipsius Solis æstivi, vel stellarum, quæ nulli refractioni essent obnoxie, vel circumpolarium altitudine, methodum inveniendæ latitudinis ignorasse. Certè cum non fugiebat refractionum scientia, cum Vitellionis & Alhazeni libros evolisset omnes, Walterumque legisset, cujus observationibus utitur identidem. Quid porro Walterus? Notandum, inquit, quòd circa Horizontem astra apparent, propter radios refractos, supra Horizontem. Cum secundum veritatem sunt sub eo, quod instrumento armillarum sensibilibus sapienti mihi apparuit, &c. Quare effectus refractionum Copernico innotuere, ut etiam ex ejus libro 5. Revolutionum, cap. 30. aperte colligitur, ubi insinuat, Ptolemæo Alexandriæ serenitatem & aëria puritatem plurimum favisse, cum ipse locum incoleret sædum nebulis, & Vistulæ vaporibus præpinguem. Itaque non video cur Copernicus in Poli sui elevatione exploranda erroris sit insimulandus, ex eo, quod 90. post annis eadem, major reperta fuerit 2. min. cum semisse. Quòd si quis nunc Fruenburgi eidem observationi incumberet, forsitan nonnihil adhuc auctam reperiret, atque utinam eruditri alicujus & industrii viri has partes incolentis, Hevelii videlicet aut Eichstachii id animo insideret. Tum enim latitudo loci tam celebris, cui explorandæ isti duo tanti nominis Astronomi diligenter insudarunt, notior sanè foret. Nec minùs optandum nunc esset, Alexandriæ latitudinem quam nemo negarit accuratè observatam fuisse à Ptolemæo, ritè id temporis explicari: ut hinc tandem colligi posset, an tot labentibus sæculis immutata fuerit. Quemadmodum in plerisque civitatibus Italiæ aliarumque regionum contigisse suspicamur, quarum latitudines longè nunc sunt aliæ in tabulis & libris recentiorum, quam in Ptolemæi Geographia olim sunt obsignatæ. Ac ne procul exempla petam; si qua profectò latitudo debuit esse diligenter observata, Romana maxime, eo quòd hæc civitas tum orbis & imperii foret caput: atqui ejusmodi latitudo, quam olim Ptolemæus esse voluit 41. 40. min. Clavii temporibus ipso teste in sphaera sua observata fuit graduum præcisè 42. Keplerus autem in tabulis suis Rudolphinis, quas dat pro accuratis, eandem statuit 42. 2. min. Oportuit ergo à tempore Ptolemæi ad hanc usque nostram ætatem, Romæ latitudinem 22. minutis saltem auctam fuisse, quod ipsum de Parisiensi aequaliter demonstravimus, quandoquidem optimis experimentis modò constat auctam.

Copernici  
cum vitellio-  
nibus con-  
tra Tycho-  
nem.

Latitudi-  
nem alia  
nunc  
quam  
olim.

Roma &  
Lutetia  
latitudinem  
aqualiter

exaequare saltem 48. 52. min. E ceterioribus autem saeculi superioris intelligamus vix 48. 49. min. attigisse. Nec verò fieri potest, ut in eo genere observationum, tam veteres omnes, quam recentiores aberraverint: unde porro latitudinum talis varietas existat hinc non pro certo definitio: tantum dico videri adscribendam caelo terrae nostrae; quod posterius mihi longè probabilius videtur, cum suspicer aliunde;

*Ex motu  
axi terre-  
ni.*

(ut infra videbitur) terram peculiari quodam motu circa proprium suum centrum gyrare, & axem suum nonnihil ad caeli cardines inclinare, ob idque mutare paulisper situm longa successione temporis ac valde lentè. Nec est propterea cur negetur immobilis saltem ad sensum, cum longè sit alius Copernici motus diurnus annuusque, quo vult eam converti: de quo ut aliquid pronuntiem, nihil modò pertinet ad quaestionem, in qua versamur. Quare, ab eàne divertam, esto sanè variationis latitudinum causa, nunc obscurior; an minùs propterea credamus oculis doctorumque plurimorum observationibus accuratis, illam de factò variationem asserentibus? Sed erit fortasse tempus cum hæc veritas clariùs innotescet. Interim liceat motum hunc, quem dixi, terræ tribuere, sicut in pari causa similem finxit Copernicus, aut potius eundem, lib. 3. Revol. cap. 3. quanquam alio fine scilicet rationem redderet obliquitatis Zodiaci, excentricitatis Solis, & anticipationis æquinoctiorum; cum ait, *Telluris Polus loco moveri, ac processu temporis lineas quasdam describere corollæ similes*: ex quo motu non minùs rectè sequitur (quod nec ipse, nec alius, quod sciam, advertit) latitudinis loci, quam obliquitatis Zodiaci variatio; ut ex legibus Geometriæ facillimè demonstrari potest. Si ergo post centum annos poli Parisiensis elevatio 5. aut 6. minutis major à nobis quàm nunc temporis inventatur, num rectè suspicari possum eam esse mobilem? Sed si abhinc annis totidem alia reperiat, nonne hæc mea conjectura firmari poterit in apertam demonstrationem, sicut ex variis Astronomorum observationibus, aliquot inter se minutis, nec pluribus quàm nos discrepantibus, inclinationis eclipticæ mutatio jam antè rata fuit? atque eo tantum consilio meas & aliorum observationes hinc referri placuit, ut sint usus posteriori easque cum suis componant ad efficiendam veritatem quantum potest.

*Sicut ecliptica incli-  
natio.*

*Declinatio  
magnæ  
varietas.*

Sed ut quoque modo mihi persuadam, ad illius variationis causam indagandam, non temerè à me aliquem motum terræ adscribi (ut sileam de annuò aut diurno, quem doctissimi quique animo spectant, quamvis sua sensu evolvere non audent, ne vulgò insanire videantur, juvat quoque hoc loco occasione declinationis magneticæ, quid ab hinc annis ferè 30. fuerit deprehensum, pauca significare. Ego cum semper

ſemper illi Philoſophia, quæ Gilbertum principem agnoſcit, addiſtus ultro fuerim, atque ut multi teſtari poſſunt, cum P. P. Merſenno, Furnerio, Kirkerø, & Grandamico, qui jam id ipſum ſcriptis vulgarunt, tot mirabilium virtutum, quæ hoc in lapide deprehenduntur, jam olim fuerim perſuſioſus, illasque percunctarer, contigit aliquando, ut Lutetia, acus magnetica declinationem vellem explorare; quod ut majori diligentia præſtarem, lineas tres meridianas quàm fieri potuit accurate, in variis huius urbis locis delineavi; quibus verſoria, ſeu varias acus diverſa longitudinis applicui, quæ plures magnetes, & in diverſis quidem à Polo punctis contigerant (ut mihi liqueret an ex illa diverſitate lapidum & contradiuum, aliqua in declinatione varietas emergeret) ubique conſtanter & eandem 4. graduum cum ſemiſe à Septentrione in Orientem animadverti: quam hæcenus crediderant omnes 9. aut 10. graduum, ex obſervationibus Orontii & Caſtellfranci (qui magnum hæc de re volumen conſcripſerat, longitudinesque locorum, ex declinationis magnetica differentia fuerat pollicitus) adeo ut horologiorum ſolarium & pyxidum conſectores, acus magnetica locum inter duodecimam & primam horam medium vulgò depingerent. Hanc meam obſervationem vix evulgaveram, cum in plerisque Gallia regionibus idem à multis exploratum fuit, neque ulla declinationis diverſitas apparuit, quantumvis loca longitudine multum diſſiderent, ut ipſe ego ab ultimis Armorica litoribus, uſque ad lacum Comenſem in Vallateſina expertus ſum. Tum ſuius omnes in ea ſententia, ut putarem ab antiquis peccatum hæc fuiſſe, nec aliæ declinationis magneticae aliam exiſtiſſe poſitionem. Cum ecce nobis ab Anglia allata ſunt literæ, quibus accepiſus, hanc dubio procul hæc eſſe conſtantem; quandoquidem olim anno ſcilicet 1180. Bourroſius in Mathematicis eximius, ex obſervationibus ſolis Azimuthorum accuratiſſimis menſe Octobri prope Londinum, acum magnetæ illitam à Meridie in Ortum 11. grad. 15. min. deſcendere compererit; anno verò 1622. menſe Junio Gontherus Matheſeos Profeſſor, in eodem loco, declinationem multum immutatam, nempe 6. grad. tantum invenerit, poſtremo annis 1633. & 1634. Gelibrandus Gontheri ſucceſſor eandem obſervationem, eodem in loco, atque eadem proſus methodo inſtituens, cum acus 12. digitis longas adhibuiſſet, 4. duntaxat gradus à Meridie deſcendere cognovit. Quæ omnia cum in lucem hæc dedit nullus dubitandi locus relinquitur, Magnetis declinationem variariſſe, quod & nos experti ſumus, & quivis alius experiri facile poteſt.

*Obſervam  
Parisienſi.*

*Et Lond.*



*Suspicio  
causa va-  
riationis  
illius,*

Unde sequitur necessario vel axem terræ seu lineam meridianam cujusvis horizonis subinde mutari, si axis magnetis immotus consistit; vel hanc esse mobilem si terræ axis loco suo non dimoveatur; vel utrumque mutationi esse obnoxium, ut accessus & recessus utriusque ratio reddi possit. Cum verò longè probabilius videatur, hanc varietatem prodire potius ex telluris axe, qui situm mutet, neque semper ad eadem cæli puncta dirigatur; quàm ex axe magnetis, qui velut sub jure ac dominio globi terrestris, extra controversiam, positus est. Vix credo meliorem proferri causam posse istius variationis, quàm quæ sumi potest à motu polorum terræ, immoto centro illius, præsertim cum sit eadem, quæ mutabilitatis latitudinum. Nec enim audiendi sunt, qui variationem hanc magnetis, autumant oriri ex mutatione superficiæ terræ versus polos, quæ per accessum maris ad unam illius partem, & recessum ab alia faciem variavit, & acuta declinationem, quod nulla relatione probatur, aut ex ferri fodinis, quæ subinde generantur de novo: quasi verò una deficeret, aut ex se desineret esse ferrea, & acuum motrix cum altera constaret. At id præterquam quòd fieri non est probabile, ne fingi quidem potest, nisi ab illis, qui planè credent insulas esse & litora, quæ navium ferramenta ad se trahant, aut saltem versoria, quod experientia jamdudum falsi convixit. Quæ quidem omnia, uti sperandum, post aliquot annorum decursus longè illustriora fient; si locorum latitudines mutari comperiantur; si lineæ meridianæ in eodem plano horizonis, eoque stabili, delineatæ, non sint constantes; si versoria varias ac varias declinationes exhibeant. Quæ tria vel duo saltem concurrere si simul si deprehendantur, hæc sortè prerogativâ gaudebo, quòd primus dederim, huic suspicioni locum, unde post idonea sequatur hypothesi, præsertim elevationis poli & magnetis inconstantia, quorum, ut verbis utar Copernici loco citato, nemo meliorem adferet rationem, quàm axis terræ & polorum ejus deflexum quemdam. Ut mihi videtur.

*Ex motu  
axis terræ.*

*Non ex  
ferri fodini.*

*Probabiliter ex lineæ meridianæ magnetis & latitudinis variatione.*

Cum verò supradicta hæc inter scribendum amico cuidam, & earum rerum perito communicassem, is mihi retulit, se duobus abhinc annis in Bononia Italiæ miratum fuisse professores Mathematicarum tam celeberrimæ Academiæ, consensu aut jussu superiorum lineam meridianam accuratissimè observasse; neve aut injuriâ temporis, aut successorum incuriâ vitaretur, hanc secundum longitudinem templi vastissimi S. Petronio sacri, marmoreâ fasciâ descriptam in pavimento portexisse; credo ut explorarent, ac posteris explorandam relinquerent, seu lineæ meridianæ, seu declinationis Magneticæ varietatem

*Linea meridianæ  
declinatio  
Bononiæ.*

si

si quæ subesset, ipsis enim sat compertam credimus Gelibrandi observationem. Quæ revera sedulitas nunquam satis laudanda, & ad exemplum commendanda posteris, mihi videtur, atque equidem tanto impensius, quanto rariore existunt Principes & Magistratus, qui harum artium studiosi faveant, vel ipsas artes promovere studeant. Quod si jam olim præstitum fuisset apud nos, ab iis, qui Galliam nostram parentem ingeniorum, his præclaris factis exornare possant: quot progressus in Physicis & Physico-Mathematicis nunc faceremus, & quos sacuri sunt nepotes, si vias illis sternimus ad veritatis Indagationem?

*Opera  
Gallia  
&  
ubique.*

Sed ut cō redeam, unde tantisper digressus sum, & in summam conferam sparsa hinc inde superius. Cum extra controversiam sit, de declinationem magnetis fuisse immutatum, ipsamque nunc Parisiis, quæ abhinc annis gradus 4. excedebat vix duos superare (quod experiri usque licet:) quæ, rogo, assignari potest alia causa, quam terra sensus aliquis motus ut exposui? siquidem inter omnes, qui de virtute magnetica disseruere, utique conveniat, hunc lapidem vires suas omnes & proprietates à terra mutuari: cujus proinde axis tantum in versoriis inducere mutationem & potuit & debuit fortasse solus. Nec dubito quin intra 10. annos multo apertior evadat hæc variatio, cum nulla tunc futura sit magnetis declinatio, vel si declinet acus, à Septentrione in occasum defluxura sit. Quamobrem si terrestris globi motum, magnetis varia declinatio non obscure demonstrat, quid est cur dubitemus eundem confirmare per varietatem elevationis Poli? Verum si hæc Lutetiana post longam annorum seriem, 4. aut 5. minutis major ea, quam nunc certissimis experimentisprehendimus, observetur, nonne ad id explicandum tuto concludi poterit cælum aut terram mota loco fuisse? cumque præstet in solam certam resudi motum istum, ut satis evincit acus magnetice deviatio, colligamus sane, nostri hujus mundi nihil eodem statu permanere, sed omnia in perpetuo motu versari, si primum motorem excipias,

*De ma-  
gneti-  
citate.*

*Et lati-  
tudinis va-  
rietas.*

*Ex motu  
terra.*

*Ire jubet, stabilisque manens dat cuncta moveri.*

Atque hæc sunt, quæ de latitudine Lutetia, declinationeque magnetis scribenda duxi, dum venio ad ultimam tuarum petitionum, quæ est de positione ac situ veterum basilicarum; an scilicet spectent Orientem æstivum, aut brumalem, aut verum, &c.

Hæcenus pars Epistola. Idib. Jan. 1660.



DE NOVO  
SYSTEMATE MUNDI,  
QUOD ANONYMUS DUDUM  
PROPOSUIT.  
DISSERTATIO

*Ad Clariss. V. D. DE LA CHAMBRE, Regis  
Christianiss. Archiatrum ordinarium.*

**U**T obtemperem mandatis Illustrissimi Cancellarii, tibi, que morem geram, VIR AMANTISSIME, suspicio examen libri illius Gallici, cui titulus est *Abregé de l'Astronomie inferieure, &c.* Epitome Astronomiæ inferioris explicans systema Planetarum, duodecim signa Zodiaci, aliasque constellationes cæli Hermetici, cum specimine Astronomiæ naturalis adversus Ptolemæum, Copernicum, & Tychohem: quo demonstrantur illorum errores circa distantiam, magnitudinem & motum astrorum, cælumque Solis constitui supra fixas & errantes per I. D. B. Parisiis apud Sehleque & Remy 1644. Quod opus antequam aggrediar, pauca præloqui mihi licere postulo, & mirari etiam nunc aliquos reperiri post adultam Philosophiam, qui perinde cum ea versentur, ac si adhuc esset in cunis. Nam quò nos amandat isthæc hominis Astronomia tam infans egenaque? Inventus est aliàs, qui solius famæ cupidine Dianæ templum incenderet, ut vel insucto facinore notus esset, sed ne per scelus assequeretur quod ambiebat, Ephesii præviderunt indicto supplicio, si quis eum nominasset. Hic author, qui non templum Dianæ tantum violavit, sed ipsamet solia Saturni, Jovis, Apollinis, Martis, Mercurii, Veneris, omniumque Numinum susque deque evertit, contrarium effecit, noluitque apparere, ut ille sibi ipsi providens tacendo, sive ut lateret multis quibus poterat esse contemptui, sive ut insciam suam nominis silentio velaret. Quidquid sit, fateor, me ad aspectum hujus tituli magnifici & am-  
pulosi

pullosi non parum motum fuisse: sique de *Cælo Hermetico* prima pars illius siluisset, secunda mihi potuisset bilem excitare. Sed cum utramque conjunctam vidi ut rivulos ab uno fonte manantes, coque Chymico, risi & conieci ambabus aquls eundem inesse colorem, saporem, odorem, fictionis, vaniloquentiæ & mendacii, nec me fecellit opinio, Postquam enim librum evolvi, primam illius partem à fumivendulis seu pyrotheonicæ scientiæ cultoribus, aliisque, quos novitas materiæ ac verborum lenocinia delectarent probatum iri haud dubiè mox intellexi: secundam verò, doctis & rerum celestium studiosis nullo fore in pretio judicavi, cum destitutum veris Astronomiæ principis hominem Chymicum, & mediocri duntaxat sphæræ doctrina tinctum, in altum cæli pelagus sese dare præcipitem viderent. Quod si à divino Platone cruditissimè dictum est, solius Astronomiæ causa oculis nobis datos esse, quod innuit etiam ingeniosissimus Poëta, *os homini sublime dedit, cælumq; tueri jus sit.* Quis non stomachetur hunc Anonymum oculis gaudere? Comitem verò de Pagan hujus scientiæ peritissimum his orbari nec posse erectos ad sydera tollere vultus. Sed jam tempus est, ut aggrediar tum Hermeticam seu inferiorem, tum naturalem seu superiorem, ut ipse loquitur, Astronomiam. Ab illa igitur ut nobiliori, suo quidem judicio, opus orditur suum, & demonstrare nititur nomina, figuras, ordinem, & proprietates inditas tum planetis, tum signifero, tum reliquis cæli constellationibus originem sumpsisse ab Alchymia; neque aliud esse duodecim signa & domos Zodiaci, quàm duodecim præcipuas magni operis seu Philosophici lapidis conficiendi rationes. Caput autem & caudam Draconis, Cepheum Cassiopeam, Andromedem, Perseum, caput Medusæ, Pleiades, Ursam & Orionem præcipuè, aliasque configurationes, ortum habuisse ex divinis Chymicæ mysteriis, Astronomosque & Poëtas suas fabulas omnes hausisse ex veritatibus Hermeticis, ænigmatibus his involutas. Nec aliunde fluxisse illam celebrem Aristarchi de motu terræ sententiam, quàm ex dictis Pythagoræ malè intellectis. Cum enim hic, illius magister, conficiendi auri artem probè callens (quod probat Anonymus ex aurea coxendice, de qua ipse gloriabatur Pythagoras, ut ajunt fabulatores) doctrinæ suæ Hermeticæ mysteria vellet involvere Geometriæ figuris aliisque Mathematicarum præceptis, suosque auditores scientiam illam docere sub ænigmatibus sex corporum Geometricorum, variisque Astronomiæ involucris: contendit Anonymus Platonem & Aristarchum fictis his verbis circumventos, ipsius placita ad literam non ad sensum interpretatos fuisse. Platonemque figuris illis inhæsisse, Aristarchum verò ex hoc effato, *Ter-*

H b

ram

*Summa  
prima  
partii libri  
Anonymi.*

*Ex Chy-  
mia orta  
Astrono-  
mia &  
fabula.*

ram esse velut unum ex astris, ipsi motum & locum in cælo non in mundi centro tribuisse. Et sic omnia à Pythagora, aliisque veris Hermeticisq; Philosophis verè sed emblematicè, ad artem Chymicam & Chrysopœiam dicta, ab illius ignaris Geometris & Physiologis à vero sensu detorta fuisse: hincq; natas fabulas omnes tum Poëtarum, tum Astronomorum, quod non illepidè, sed eleganter & ingeniosè sanè probat hic author, cò tamen modo & iis argumentis, quibus sui similes venditare consueverunt suas ineptias, nugas & fatuitates. Sic enim voco libros illorum, qui nesciit tam profundæ scientiæ, quam non impugno ex proposito, de illa tamen adeò audaciter & confidenter loqui prætendant, ac si Hermes ipsi aut Geberi concionarentur. Atque hæc est prima pars libri propositi, cujus intentum resellere, aut approbare non est hujus loci nec instituti nostri. Venio itaque ad secundam, quæ est

Argumen-  
tum parvis  
secunda.


De *Astrohomia naturali contra systemata Ptolemæi, Copernici & Tychonis*, in qua ipsorum errores circa motum, situm, magnitudinem, & distantiam deleguntur, terræque immobilitas in centro mundi, Solis verò locus supra planetas omnes & fixas certò statuitur, Ad fastum hujus tituli, quis non exclamet: O curvæ in terras animæ, & cœlestium inanes! Ptolemæi, Copernici, Tychones, Landgravii, Kepleri, Galilei, Gassendi, Bulialdi, Ricci, Vandellini, Helvelii, Hugenii, vos denique quotquot estis miseri Astronomi, quantum olei & operæ hæcenus perdidistis! Repertus est unus, qui rem omnem acutè tetigit, & cò usque progredi parat, donec perspicuè intelligatur, an cœlestium globorum, mundi que visibilis machina inconcinne & monstruose ab antiquitate conficta, tot sæculorum consensu tradita, omnium applausu recepta, ab eximio illo ingenii que plusquam humani Copernico, Tychone, aliisque omnibus correctæ planè que reformata sit: an verò adhuc supersint aliqua subtilius trutinanda, adhibitis scilicet veræ Astronomiæ lancibus præcipuis, sensibilibus nimirum experimentis, & demonstrationibus, quibus intellectus rerum veritatem perpendat, ipsa que ratio leges sensibus præscribat, quibus si pareant, ab ipsa cœtitudine nusquam declinent. Quæ tandem omnia præsta-

Cap. 1. de  
motu cœ-  
lestium.

re se, gloriatur Anonymus, hac secunda parte distinctâ in quatuor capita, è quibus primum ita de motu tractat, ut cum hæcenus incognitum fuisse & pessimè ab Astronomis & contra ipsorummet phænomena stabilitum, author iste pugnet. Cùm enim, inquit, supponunt alii pro primo mobili nonum cœlum, alii decimum ab Oriente in Occidentem circumvolutum intra horas 24. reliquas inferiores sphaeras unâ secum trahens, quæ præter motum illum violentum, alium sibi pro-

proprium & peculiarem habent, neque hi cœli sint visibiles; fieri non potest experientia motus illius, ac proinde est imaginarius, ut & ipsi cœli. Quoad octavum verò seu sphaeram fixarum, quam antiqui ma- *Quem pra-*  
 jori cum verisimilitudine statuerant pro primo mobili, ut ait, non po- *tae inob-*  
 test etiam esse regula motus diurni, cum stella quævis in conficiendo *servabile*  
 suo circulo infumat tantum 23. horas 56. minuta. De Sole autem, *quoad*  
 quem hæctenus omnes agnoverant temporis indicem horarumque ve- *tempus,*  
 rum demonstratore hic negat: cum intra 24. horas totum, inquit,  
 circulum conficiat motu raptò sen primi mobilis, & præterea gradum  
 unum sui circuli ab Occidente in Orientem, qui gradus impedit accu-  
 ratam Solis revolutionem à Meridiano in Meridianum spatio 24. ho-  
 rarum, Lunam autem ad tempus id metiendum minimè idoneam esse,  
 cum singulis diebus præter circulum ab Oriente ad Occidentem, con-  
 ficiat in orbita propria 13. grad. & ampliùs ab Occidente in Orien-  
 tem. Ex quibus omnibus tam ruinosis & intricatis suas firmat con-  
 clusiones, assignando Astronomis, quæ vera, nec intelligendo, quæ  
 vulgaria, ut ipse etiam ineptire videar, si in his refutandis hærerè ve-  
 lim. Plus ultra igitur progrediendum, & eò usque, donoc aliquid no-  
 tatu dignum occurrat, quod tyrones morari possit.

Capite secundo de distantia Solis & Lunæ à centro terræ differit *Cap. 2 de*  
 iis argumentis. Deus omnia disposuit pondere, numero, & mensura, *distantia*  
 ita ut in rerum natura nil sit superfluum, nil redundans, atqui nulla es- *Solus &*  
 set proportio, si stellæ fixæ tantum distarent à terra & tantæ magni- *& Luna*  
 tudinis essent, ut vulgò docent Astronomi, cum adeò parvæ appare- *à terra.*  
 ant: frustra quæ viderentur tot miliaribus distare ac tantæ molis esse,  
 quæ respectu nostri orbis nonnisi puncta cernuntur. Hinc igitur So-  
 lem, quem certum est præesse reliquis astris etiam fixis, iisque lumen  
 impertiri, his esse majorem vult, & in ea ab orbe nostro adeò medi-  
 ocri distantia, ut sit tantum 12. diametrorum alta mundi suprema re- *Solis regi-*  
 gio, cœlique summus apex. Atque ita, Maximi creatoris opera ma- *onæ mundi*  
 xima, quæ alii ad ipsius gloriam & potentiam prædicandam quantum *ultimam*  
 possunt amplificanti, in exilitate & angustia ille collocat, ut probet à *faciè,*  
 Deo fabricata esse omnia in numero, pondere, ac mensura, quasi ve-  
 rò etiam cum ingenti mole operum stare ista non possint. Cui fragili  
 syllogismo & nihil ex nihilo concludenti sufficeret respondere, quod  
 ipsi Iob de similibus discurrenti fuit dictum, *Quis est iste involvens Iob. c. 37.*  
*sententias sermonibus imperitis, ac si cum Deo fabricatus esset?* Cum Eamque  
 tamen hanc distantiam seu mundi visibilis magnitudinem debet pro- *27. semi-*  
 portionatam esse statuat 27. semidiametrorum globi terrestris ad sal- *diametro-*  
 vanda phænomena, idque Geometricè probare velle se dicat, ut fun- *rum terra,*  
 dament-




damentum suæ novæ Astronomiæ: hunc audiamus. Super centro A & intervallo A K unius digiti, inquit, describatur circulus A B K terram repræsentans, & ex eodem centro A & intervallo 27. digitorum super eadem A K producta describatur alius circulus S N cælum Solis referens, ipsaque æquinoctii puncta sint S & ei oppositum è diametro, si ab uno eorum in S, ad punctum superficiei B in linea perpendiculari super A S, ducatur linea recta S B, tanget inquit circumferentiam circuli B K in puncto C nec secabit: unde concludit, Solem S à terra sufficienter recedere per lineam A S 27. semidiamentrorum, ut ab homine constituto in B medietas sui cursus seu circuli perspiciatur, quemadmodum experimur in æquinoctiis, cum Sol duodecim horis super terram & totidem infra commoratur. Quòd si minor esset circulus hic Solaris verbi gratià in G, nunquam sub æquatore vel tempore æquinoctii dies appareret 12. horarum, sed tanto minor, nox verò major, quo minor esset circumferentia, quia inquit *Ex figura non videretur semicirculus per lineam tangentem D C: & contra si mechanicè major esset peripheria quàm S N, dies etiam sub æquinoctiali exce-* probare si-  
deret duodecim horas, nox verò minueretur, quia plusquam circuli *bu persuas-*  
medietas videretur. Et sic nulla essent æquinoctia, ut eadem figura *des.*  
demonstrat ad sensum, ut ait, etiamsi in infinitum augeatur, servatis  
iisdem proportionibus. Unde concludit *nec augendam, nec minuen-*  
*dam Solis à terrâ distantiam ultra 27. semidiámetros, nisi ab iis, qui*  
*frustra aliquid factum à Deo velint contendere.*

En hominis acumen, en ratiocinium, quo tamen adeò gloriabundus exultat, ut quæ ipsius Alchimedris *supra*, aut Pythagoræ hecatomben meruere demonstrationes, isti infinitis cedant. Ne verò hic estentator aliis imponat, ut sibi ipsi imposuit, ignorantia Geometriæ, quamquam tota res alto sperni posset, hanc tamen ad sui defensionem huc advocare placet, & momentum aliquod temporis insumere in hoc paralogismo seu crasso errore detegendo, cum alioquin nihil probent intellectui ejusmodi figuræ mechanicæ, etiamsi oculis & sen- *Sed falli-*  
sibus sint manifestæ: neve etiam decipiantur amplius ipsius fautores, *tar.*  
aut alii, quibus similes sufficiunt demonstrationes, neque alias à Geometris perhiberi certiores autumant, quàm quæ per sensus ope circini & regulæ, veræ reperiuntur ut ista: dicere aliquid necesse est, & notus hic non Gordii, sed novitii enodandus, ne si propter contemptum rei tacuero, sibi ipsis forsitan ex nostra taciturnitate complacent. *Et contra-*  
Hic igitur sisto & demonstro, supposito systemate & figura illius, *rium Geo-*  
lineam D S quam vocat tangentem globi terrestris in puncto verbi *metrice*  
gratia C, & quam asserit duci ad altitudinem hominis supra punctum *probat.*

Hb 3

Bin





B in superficie terræ; ab eo distare seu altius evchī plus quam 13330. pedibus: ita ut si Sol non longius abesset à terra quam 27. semidiametris terrenis, non posset videri in S, nisi ab oculo supra punctum B erecto plusquam 13330. pedibus, seu millaribus duobus cum besse, quod calculo constabit cuicunque hunc volet inire post me.

Esto igitur linea SCD ducta à puncto S tangens circulum BK, seu terram in C, & secans in D diametrum AB productam & perpendicularē lineæ AS: ut sciatur distantia ipsius D ad B in superficie terræ, ducatur à centro A lineæ AC perpendicularis ipsi DS, ideoque ad punctum contactus C. Tunc fient duo trianguula ACD, ACS rectangula & æquiangula, in quorum magno ACS duo latera, nempe AC semidiameter unius pedis verbi gratiā, & AS 27. ped. ex hypothefi, angulusque ad se reclus data sunt. Ideoque si ex quadrato hypotenuse AS quod 729. æquale duobus quadratis laterum rectum angulum ambientium, auferatur quadratum lateris AC, quod est 1, remanebit quadratum lateris CS 728. nunc in trianguulo ACD æquianguulo ACS, ut quadratum lateris CS quod est 728. ad quadratum lateris SA quod 729. ita quadratum CA ad quadratum AD, ex cuius quadrati radice si auferatur radix CA, quæ est semidiameter globi terrestris, restabit altitudo quæsitā DB. Semidiameter autem globi illius ex mensura & observationibus Snellii omnium accuratissimis, ut videre est in suo Eratosthene, continet 19. 591. 160. pedes Rhinlandicos, qui si auferantur à radice quadrata lateris AD, residuum erit altitudo quæsitā DB, quæ reperietur 13333. pedum scè æqualium Parisiensibus

Quantitas  
globi ter-  
reni.

Sed ne fastidio sit radicem extractio, facilius expeditur calculus hic per trigonometriam. In trianguulo enim rectangulo ACS ut latus AC 1. ad latus AS 27. ita sinus totus ad secantem anguli CAS 87. 53. min. nunc in trianguulo minori CAD æquianguulo, ut sinus anguli CDA 87. 53. min. ad latus AC seu semidiametrum terræ 19. 591. 160. pedum, ita sinus anguli recti DCA ad latus DA 19. 608. 493. à quo si auferatur semidiameter AC remanebit altitudo quæsitā DB ut supra 13333. pedum: tot ergo oporteret hominem attolli à superficie terræ, ut videre posset medietatem circuli Solis, si distaret tantum à centro mundi 27. semidiametris. Cum tamen hic author pro certo & comperto det sufficere altitudinem hominis supra punctum B ad videndum S, non obstante globi terreni convexitate.

Addit etiam se mirari veteres & novos Astronomos non adverteisse majorem aut minorem dierum longitudinem consequi necessariò, ex majori aut minori Solis à terra distantia supposita: de qua cum

Errata in-  
numeri.

*Circa Solis  
excentrici-  
tatem &  
distanti-  
am,*

cum interdum discrepant per ducentas aut trecentas semidiametros, deberent dies esse multo longiores ex una sententia & breviores ex alia, nec omnino constare ut revera constant. Unde concludit ridiculas esse has differentias sicut ipsius excentricitatem, cum ne totus quidem mundus æqualis sit decimæ parti illarum. De quibus cum aut nihil omnino dici debeat, aut non parum saltem, tacendum videtur consultius, pergendumque. Subjungit observatum fuisse ab Astronomis totalium Solis eclipsium durationem esse trium horarum, ac proinde ab initio ad medium illarum incurrere temporis horam unam & semis. Unde sic arguit post intricatam verbis æquivocis aut male intellectis circumlocationem: si eo momento quo Sol totus deficere videtur ab homine quovis in aliquo loco constituto, duo essent observatores, hunc pericæci hoc est sub eodem parallelo degentes, & ab illo per 11. gradus 15. min. æqualiter hinc inde distantes, unus ad Orientem alter ad Occidentem, unusquisque istorum videret tantum mediâ partem Solis obscuram aliam lucentem. Quandoquidem enim intra tempus unius horæ 30. min. (quod respondet 22. grad. 30. min. dicti paralleli) Sol totus à Luna tegi visus est, ergo ab ipsius itineris medietate, quæ est 11. graduum 15. min. videbitur etiam mediâ pars Solis obscurata & alia splendens ab uno observatore Orientali, simile verò ab Occidentali, & sic ab ambobus simul & conjunctim totus Sol à Lunâ testis, & totus liber. Inde verò quot errores? Hos numeret, qui volet, mireturque hominem fanum tanta cerebri vertigine laborare potuisse ut contendat Lunam occupare in suo circulo spatium æquale 10. gradibus globi terreni, Solis verò diametrum visibilem æquari distantie duorum illorum observatorum seu 22. grad. 30. min. circuli terrestris, atque adeò Lunam æqualiter distare à terrâ & à Sole: tum ex ipsius Lunæ motu diurno, quem 12. grad. 11. statuit, infert spatium illud, quod occupat in suo cælo æquale 10. gradibus globi terreni, continere 45. min. 44. sec. indeque semidiametrum totius circuli seu cæli Lunaris æquari 13. semidiametris terræ. Ac præterea cum Luna sit mediâ inter Solem & terram, confirmari quod jam dixerat de distantia Solis à centro mundi 27. semidiametrorum ad summum, contra sententias omnium Astronomorum, quorum plerique Lunam 64 semidiametris, Solem verò 1300. aut 1500. à terra femovent: quod si esset, inquit, dierum sub æquatore duratio esset plusquam 18. horarum. Sub his & aliis paralogsismis, quos palam facere refutare est, crediderit licet Anonymus magnam esse aliquid, quod nos lateat, satis tamen sit hos ventilasse: sunt enim hæc omnia tam imperita, ut quisquis ea responso digna duxerit, ipse merito videri possit imperitor.

Capite

*Circa Solis  
& Lunæ  
magnitudi-  
nem,*

Capite tertio de magnitudine Solis & Lunæ disputat, & conten- *Summa*  
 dit ex scripturâ sacrâ, duo creata fuisse luminaria magna, quorum *capitis*  
 unum cùm Luna sit, hanc necessariò excedere debere reliquas omnes *terci.*  
 stellas, quæ ab Astronomis majores etiam ipsâ terrâ censentur : de-  
 monstratum verò fuisse cap. præcedenti Lunæ diametrum æquari 10.  
 gradibus terrenis, ideoque ipsam Lunam esse satis magnam, imò ma- *Lunam*  
 ximam cùm tot Galliæ sit ferè æqualis, Sirius verò seu Canem, quem *esse majo-*  
 multis partibus Lunâ majorem efficiunt, ipsâ minorem esse tot parti- *rem stellis.*  
 bus infrâ. Quoad Solem ultro fatetur illum esse terrâ majorem, & *Et aqua-*  
 rectè probari ait ex umbra istius, quæ est Conica, sed negat illum ex- *lem Gal-*  
 cedere terræ magnitudinem plusquam decies, quod probare seu poti- *lia.*  
 ùs obturbare contendit ex calculo temporis motus Lunæ sub Sole,  
 vel in umbra terræ in eclipsibus : tum ex ipsius visibilitate, ut ita lo-  
 quar, à conjunctione Solis, & tempore, quo ipsa & stellæ occultantur  
 à radiis, seu potiùs à nobis videri nequeunt per partem à Sole illu-  
 minatam, quæ terræ adversa est. Illud autem intervallum temporis *Diamet-*  
 nescio quo calculo gradibus 12. & paulo plus metitur : unde con- *trum Solis*  
 cludit, Solem occupare in suo circulo spatium plusquam 12. gra- *esse 12.*  
 duum ejusdemque esse diametri : cùm tamen, inquit, Astronomi, quos *grad.*  
 ideo deridet, illum definiant solùm 31. minutorum; ipsamque adeò  
 magnitudinem Solis, ait non excedere decies magnitudinem terræ.  
 Quæ si animadversione digna essent, quid non agerem, ut hæc omnia *Falsa quæ*  
 minutim falsi convincerem? Quis enim ferat Lunæ diametrum 45. *hinc ori-*  
 minuta 44. secunda, Solis verò, qui ad sensum æqualis illi est 12. gra- *minut.*  
 dus continere? Quis item ferat diametrum illam Lunarem æquari 10.  
 gradibus circuli terreni, diametrum verò Solis decies superare dia-  
 metrum terræ? Cùm tamen posita distantia illius 12. diametr. terr.  
 & magnitudine 12. grad. hæc Solis diameter non tripla sit diam. terr.  
 si verò statuatur ut est 32. aut 33. min. ipsâ terrâ minor erit multis  
 partibus, quæ portenta, quis ferre potest? Quis denique paralogismos,  
 quibus hæc probasse sibi persuadet? Quos omnes si refellere nunc  
 interesset operæ pretium foret elementa Cosmographiæ in hanc palæ-  
 stram revocare. Amandandus igitur hic author & sectatores ad Astro-  
 nomiam rudimenta & praxim instrumentorum, quibus, ediscunt quan-  
 ta sit inter 45. minuta, & 12. gradus differentia, ipsis oculis &  
 sensibus vel testibus vel judicibus, *qui nisi sint veri, ratio quoque*  
*falsa sit omnis.*

Capite 4. & ultimo de ordine & situ Astrorum disserit contra *Summa*  
 omnes, quotquot hæcenus fuerunt, Astronomos, ut ait, primumque & *capitis*  
 superiorem locum Sôli ut nobiliori impertit, ut inde lumen & influxus *quart.*

cæteris omnibus cæli & terræ corporibus tanquam è solio communi-  
cet, Lunam in inferiori sede sistere sinit, stellas verò fixas inter utrum-  
que luminare loco infra dicendo collocari indubitanter asserit. Quod  
ad reliquos planetas attinet, silentio prætermittit, donec in systemate  
generali, quod pollicetur, aliquem determinatè locum illis assignet sub  
Sole. Hæc porro tam audaciter affirmata, & tam certò falsa quàm ipsa  
falsitas, dum probare conatur, aliquid verisimile pro medio assumit;  
quod nobis ansam dedit inquirendi ipsam veritatem, tam certum est  
nihil adeò malum esse, ex quo aliquid boni non possit hauriri. Vide-  
amus igitur quid ipse peccarit, & nos quid inde boni elicere possi-  
mus. Quotquot, inquit, huc usque fuerunt & sunt Astronomi, asse-  
runt indubitatè horizontem dividere cælum & præcipuè fixarum in  
duas partes æquales, hemisphærium scilicet inferius à superiori, ideo-  
quæ cùm totus circulus sit 360. graduum, ipsius medietas erit 180. &  
quarta pars, quæ est à Zenith ad horizontem 90. gradus exactè con-  
tinebit. Ita ut verum sit dicere, non videri mediam partem cæli allu-  
cujus, si non videantur de illo 90. gradus à Zenith usque ad horizon-  
tem: atqui de cælo fixarum non videntur isti 90. teste ipso Ptole-  
mæo: ergo falsum est videri medietatem circuli fixarum, quemadmo-  
dum videntur bina media cæli Solis ut supra dixit; unde rectè con-  
cluditur stellas esse propiores terræ, ipsarumquæ cælum jacere sub  
solio Solis. Minorem suam sic probat. Ptolemæus, inquit, asserit ul-  
timam fixarum, quæ stringunt horizontem Alexandriæ, & sunt ipsi  
visibiles, esse Canobum primæ magnitudinis in constellatione navis  
Argo: atqui Canobus ex ipsius Ptolemæi longitudine & latitudine  
reperitur declinare tantum ab æquatore ad Austrum 51. grad. 18. min.;

*Horizon-  
tem non  
dividere  
cælum fi-  
xarum in  
bina me-  
dia.*

*Probat  
ex stella  
Canobo,*

*Ex bisso-  
ria Ame-  
ricana lo-  
an. de Le-  
ry.*

(Anonymus malè dixit 31. min.) æquator verò distat à Zenith Ale-  
xandriæ 30. grad. 58. min. æqualibus latitudini) quæ duo simul addi-  
ta, efficiunt 82. grad. 16. ergo ex Alexandria & quovis alio loco in  
superficie terræ non videntur ex circulo stellarum plusquam 82. aut  
83. gradus à puncto verticis ad horizontem, adeoque media pars illi-  
us cæli non conspicitur ut cæli Solis, ergo propius illud est terræ  
quàm istud. Eandem conclusionem elicit ex historia itineris Ioan-  
de Lery in Americam, qua refert, se sub æquinoctiali linea constitu-  
tum neutrum polorum detexisse, ipsique procedendum fuisse hinc &  
inde per duos gradus ut alterutrum videret: unde concludit ambos  
cæli fixarum polos infra horizontem esse duobus ad minimum gra-  
dibus iis, qui sub æquinoctiali versantur, ideoque non videri semicir-  
culum. Quod si perspiciantur, ut ajunt Astronomi, Ballistius & An-  
tares diametraliter & per 180. gradus opposita, simul horizontem

Rin-

stringere, id apparet, inquit, ex defectu instrumenti, sicut oriens Lunæ ab ipsius occidente distare videtur per totidem gradus 180. dum est in æquinoctiali, cum revera non distet; quodque eventurum semper asserit, etiamsi terræ multo vicinior esset Luna quam creditur. Quia, inquit, circuli, quibus utuntur Mathematici ad mensurandos illos gradus, sic divisi sunt, cum tamen habeant centrum diversum à centro cœlorum, unde oritur fallacia visus, nec per dioptras unquam dege possunt 180. gradus cujuscunque volueris circuli cœlestis, etiamsi mentorū, regula fiduciæ dum est horizonti parallela tot in instrumento demonstrat, cum tamen ipsius diameter non sit eadem, quæ circulorum cœli, quorum centrum est in centro terræ, non vero in superficie illius. Unde concludit erratum in observando semper fuisse ad minimum uno terræ semidiametro, quod maximi est momenti, ut pollicetur ostendere in suo systemate: cum tamen ipsa fixarum globo comparata tantilla sit, ut ejus quantitas propemodum evanescat, eamque ob causam observationes quæcunque in superficie terræ institutæ nihil differant ab iis, quæ in ipsius centro fierent, si nobis hîc statio concederetur. Interim prosequitur intentum suum probare hac experimentia, quam certus sum ab eo nunquam aut parum accuratè factam fuisse. Accipiat, inquit, stella quæcunque sub æquinoctiali circulo constituta, velut una ex cingulo Orionis, observeturque tempus, quod elabetur ab ortu illius usque ad occasum, non reperietur plusquam 11. horarum 50. minutorum, quæ conveniunt 177. gradibus 30. min. cum deberet esse 12. horarum seu 180. graduum, si semicirculum suum stella hæc absolvisset supra horizontem: ergo pars inferior illius circuli major est superiore, ideoque medietas cœli fixarum non videtur à superficie terræ, quia propius est ipsi quam cœlum Solis. Quod si fixæ supra Solem essent, & in distantia à terra 19000. semidiametrorum, ut quidam ajunt, multo diutius spectarentur supra horizontem quam Sol, ita ut sub æquinoctiali ab ipsarum ortu, inquit, usque ad meridiem interessent plusquam 120. gradus, & plusquam 16. horis essent conspicuæ, sphaeræque ipsarum tertia pars tantum sub horizonte lateret, & duæ tertiæ ad minus semper visibiles essent. Quod cum nimè verum sit, imò Solem diutius morari super horizontem quam stellas, sequitur, ut dictum est, ipsas terræ viciniore existere, Solemque omnium astrorum à terrâ maximè remotum esse, cum diutius super illam moretur. Idem etiam inculcat ex motu Lunæ, sed quam depravato, & iterat ab illa mora astri alicujus supra horizontem tutius judicari de illius à terra distantia, quam ex quocunque alio modo, ibidemque pro certo dat Lunam orientem distare à puncto verti-

Ex fallacia instrumenti,

Ex mora stellarum supra horizonem,

Stellas viciniore esse terram quam Solem.

cali 87. gradibus; à quo tamen ex ipsius hypothefi minus abesse deberet, cum sit terræ vicinior quàm stellæ, quæ distant ab illo tantum 83. gradibus. Sed hæc & similia menda sibi etiam ipsis pugnantis tanta sunt in toto libro, ut si omnia emendare necessum foret, dissertatio hæc in volumen excresceret non exiguum. Cum autem major illorum pars ex se corruat, de iis solum fiet sermo, quæ censurâ aliquâ digna judicabuntur; cum addidero ultimam rationem, quâ stellas omnes

*Probat  
etiam ex  
apparitione  
illarum  
à Sole.*


infra Solem, Venerem & Mercurium esse concludit, ex apparitione scilicet illarum, cum è radiis Solis emergunt. Ait enim, si Venus videatur in distantia à Sole quinque graduum, & Mercurius duodecim etiam si perexiguus, quia Soli viciniore sunt, faciemque ab illo illuminatam nobis exhibent citius quàm si essent inferiores, cur stellæ primæ magnitudinis multo majores his planetis non viderentur, cum existunt in parâ distantia à Sole, si à terrâ remotiores essent ipsis Mercurio & Venere, & ipso Sole altiores? Tunc enim pars illuminata stellæ alicujus primæ magnitudinis terram citò respiceret & conspicuam se nobis exhiberet: cum tamen non videatur nisi in distantia 12. graduum à Sole, quod arguit ipso multo inferiores esse, imò etiam Venere & Mercurio. Addit porro ex maculis solaribus manifestè probari locum hunc sub Sole fixis rectè assignari, cum nihil aliud putet has esse quàm stellas ipsas, & à terrâ dissitas tantum 24. semidiametris, ipsasque pluries millies globo terræ minores, ut verum perhibeatur Deum fecisse omnia in pondere, numero & mensura. Tandemque librum hunc concludit invehendo contra motum terræ diurnum & annum hoc præcipuè argumento. Si moveretur

*Ex maculis  
Solaribus.*

*Contra  
terram  
motum  
in-  
stantia.*

terra à solstitio australi ad borealem, idem eveniret ac si homo super illam immobilem eodem ferretur: atqui si hoc esset, singulis diebus mutaretur elevatio poli, novæ stellæ detegerentur, totumque fixarum cælum in anni decursu lustraretur. Quæ cum aliter habere se deprehendantur, asserit motum illum, quem vertiginosum & helleboro dignum appellat, non reperiri nisi in capite Aristarchi, Copernici & sectatorum ob malè intellectam, ut præfatus est, Pythagoræ Hermeticiam Philosophiam, terram esse unum ex astris. Sed quàm ipse malè intelligat hypothesein terræ motæ ex hac objectione conicere licet, quâ se prorsus indicat ignorare terræ mobilis axem parallelismum suum servare, idemque cæli punctum semper quoad sensum respicere, nec à polis fixarum per motum hunc annum sensibilibiter amoveri. Quæ cum vulgaria sint, nec mereantur uberiores disputationem, remitto ad impugnationes & Apologias doctrinæ illius; sicut & prætermitto absque responsionibus plerasque alias ab Anonymo allatas

satio-





rationes & instantias ad suum systema stabiliendum, nec enim est instituti nostri omnes recensere, cum id esset operis & otii longè majoris; proptero igitur ad eas, quæ præcipuè sunt & notè dignæ, postquam aliquid addidero de ipsius *additamento*.

*Appendix  
Anonymi  
circa stellas  
inferiores  
Sole,*

Sciendum itaque Authorem hunc, longo post editum librum intervallo audaciorum factum, quòd nullus publicè respondisset, sibi persuasisse doctrinam suam fere jam stabilitam esse, sed ampliores emissuram radices, si hanc novis argumentis fulciret; quod efficere præsumpsit quaternione in lucem emissio Appendicis instar, cum hoc titulo *Urania ad Astronomos Parisenses*. Hoc autem folio repetit, quæ jam dixerat cap. 4. stellas esse infra Solem, quia si essent supra, citius viderentur ab illius conjunctione quam Venus & Mercurius, eo quòd pars illarum à Sole illuminata terram respiceret, ut figura demonstrat; quam cum omisisset in libro, huic Appendici adjunxit, ut mantissa obsonium vinceret, tantum illi arridet hæc personata demonstratio. Sit igitur Sol S, Venus V, Mercurius M. Fixa vero aliqua F supra Solem in eadem linea DVMF, certum est, inquit, ipsam F majus ad nos lumen reflectere debere, & citius videri quam Venus aut Mercurius, tum propter ipsius magnitudinem, tum quòd major pars quantitatis illuminatæ terram respiciat quam Veneris aut Mercurii, quorum ne quidem quadrans aut triens videri potest, cum tota stella videretur, si supra Solem esset. Quod cum minimè eveniat, imò contrarium ut supra dixit, stellas nempe videri non posse nisi distent à Sole 12. gradibus, cum tamen Venus radiet & videatur à quinque. Hinc sequitur, inquit, esse omnes infra Venerem ut in G. Quod autem ut confirmet, & pro demonstrato posteris relin-

*Venere  
etiam &  
Mercurio  
ex illarum  
apparitione.  
Et eclipsibus à Luna.*

quat, utitur alio medio, eclipsibus scilicet fixarum & errantium. Audivit bonus vir, stellas & planetas aliquando à Luna eclipsim pati, cumque ipsa deficiat solum in umbra terræ, credidit etiam stellas occultari ab umbra Lunæ, dum in eam incurrunt: quam dum agnoscit conicam, nec apicem suum ultra terram seu Solem (in quorum est medio) protrahentem, concludit stellas aut planetas nunquam eclipsaturos si supra Solem essent. Sit verbi gratià Sol in N, Luna in L, ipsiusque umbra umbra LY, clarum est, inquit, fixas aut errantes, quæ in eam incidunt deliquium pati. Cum autem hæc non extendatur ultra circulum Solis, etiam certum est ab illa nunquam passuras eclipsim, si Sole aut umbræ vertice superiores essent; atqui patiuntur, ut ex Astronomis liquet, ergo tam planetæ quam fixæ sunt inferiores Sole, & Lunà multo minores. Sed age quæso, quis ferre potest ratiocinationem tam putidam, & puerilem hanc hallucinationem in homine

alio-

alioqui non imperito prorsus, & mediocriter saltem exercitato in Sphæra & trigonometria. Proponit enim eo loco modum mensurandi fixarum distantiam per triangula, sed quàm depravatè. Quidquid sit, nihil unquam incitius dici, ne quidem cogitari potest. Sique novus hic Hermes, qui se profitetur intelligere *Astronomos inferiores & hermeticos, saltem naturales percepisset*, cum dicunt fixam aut planetam aliquid hoc aut illo tempore eclipsari à Luna, nihil aliud velle, quàm occultari, obtegi, impediri, quemadmodum Sol, aut ab ipsa Luna, aut alio quovis opaco, imò & ipsa manu sic tegitur, ut omnino non videatur; in hunc miserandum errorem non incurrisset, ut crederet, eclipses has fieri debere ex umbra Lunæ, quas ex illius interpositione sive cujuscunque alterius densi stellas inter & oculos nostros fieri posse, præ oculis semper habebat.

*Malè intellecta.*

Venio tandem ad ultimas, quæ mihi præcipuæ fuerunt illius objectiones, testimonium scilicet Joannis de Lery, & aliorum, qui sub linea æquinoctiali neutrum polorum visibilem asserunt; & Ptolemæi dicentis Canobum, stellam primæ magnitudinis in temone Argus, Alexandriæ horizontem stringere, cum tamen à Zenith seu polo illius hemispherii non distet plusquam 82. gradibus, unde rectè concluditur, semicirculum cœli fixarum è terra non totum videri; majoremque ipsius partem sub horizonte latere. Quæ duo si vera sunt, actum est de Astronomia; pressius igitur examinandi sunt laudati duo testes de Lery, & Ptolemæus, quorum unus obscurus satis & tenuis, alter idoneus & gravis. Atque ut à primo exordiar, sciendum est, nec Physi-  
cum, nec Mathematicum, nec artis navigatoriæ gnarum fuisse authorem hunc, ut ex ipsius historia constat, sed privatum hominem ad Americam Meridionalem seu Brasiliam è Geneva cum 14. aliis missum penditur, anno 1556. cujus proinde relationi viginti post annos scriptæ fides adimi posset, aut saltem exigua deberi si quæreretur effugium, aut testis vita inspicienda esset. Quid autem ille? Post descriptam in Historia sua Americana cap. 4. æris intemperiem, ventis, pluviis, tempestatibusque difficillimam navigationem, quam circa æquinoctialem lineam experti fuerant, hæc ait. Sic itaque navigavimus usque ad 4. gradus ultra lineam æquinoctialem, unde polum Antarcticum primò vidimus, quem nauta stellam Meridionalem appellant, circa quam alius in crucem figuratus advertit, &c. Et infra. Dicam etiam non solum videri sub æquatore duos polos, ut quidam putant, & ex doctrina sphaera, fieri debere videtur, imò opus esse hinc aut inde duos gradus latitudinis habere ut videantur poli. Ex quibus ultimis verbis apparet nullam fuisse tunc observationem factam sub æquatore, ex primis verò parum accu-

*Testimoni-  
um Ioan.  
de Lery ex-  
penditur.*

*Ainsi nous  
cinglâmes  
jusques à 4.  
degrés, &c.  
où nous  
commen-  
çâmes de  
voir le pôle  
Antarcti-  
que, &c.*

accuratam, dubiumque manet, an per cœli serenitatem, de quâ hoc loco conqueritur, an per aliam causam stetit, quominus citius deprehenderetur polus Antarcticus. Sed esto non viderint illi polum Meridionalem nisi sub latitudine 4. graduum, neque etiam visus sit Arcticus aliquando nisi sub latitudine Septentrionali duorum, ut ipse refert nullo auctore: an ideo verum est, polos non fore conspicuos, si aliquo signo visibili notarentur, iis, qui sub æquinoctiali degunt? Minimè certè. Nec adeò me movet vis hujus argumentationis ut reticere velim ipsius confirmationem, quàm suggerit Epistola quædam ex insula Madagascar, à Mendoslo ad amicum scripta an. 1639. quæ subijcitur relationi, quam fecit Olearius, à secretis Legati Ducis Holstatiæ ad Moscoviam, Tartariam & Persiam: qua quidem Epistola

*Et confirmatur testimonio Mendosli.* monet hic nobilis, *se dum sub linea transiret in mari Indico neutrum polorum vidisse, inò borealem delituisse cum adhuc gradibus sex æquinoctiali distaret, nec Antarcticum nisi sub octavo latitudinis gradu conspexisse.* Quæ dissimulare nolui, etiamsi multò illustriora sînt

*Utrumque infermat.*

ad probandum id, quod impugnare proposui in Anonymo: de quo de Lery cum nihil aliud proferrem, quàm ipsum capite ultimo dixisse, Oceanum altiore esse terrâ, illiusque superficiem à centro mundi magis distare quàm superficiem terræ, & in Oceano ipso aquas, quæ sub æquinoctiali jacent reliquis esse eminentiores, unde oritur tota difficultas lineam illam superandi, ad quam cum naves magno cum periculo & labore ascenderunt, inquit, ex qua velis parte, facili negotio in aliam descendunt & libera navigatione gaudent. Abundè sufficeret hæc incitua ad detrahendam fidem huic relatori parum religioso, qui nequidem dicit se observasse, nec observantem vidisse nauclerum, dum esset sub linea aut ultra lineam, sed solum non antè sibi apparuisse stellas poli Meridionalis, quàm sub quarto gradu latitudinis, nec liquet ex illius relatione an obstiterint nubes, pluvix, & tempestates, de quibus conqueritur, ut supra dixi, an fuerit ipsis liberum tunc temporis illas videre, nec tamen potuerint. Quod verò subjungit, ab aliis quibusdam referri neutrum polorum conspici posse sub æquinoctiali, sed à distantia solum duorum hinc aut inde graduum; sive ut scribit Mendoslo sex à parte Septentrionali & octo à Meridionali, me parum etiam tenet, nec detinebit, qui meminerint se vidisse, aliquando stellas secundæ aut tertiæ magnitudinis horizontem stringere, aliquando nequidem conspexisse primas etiamsi multo lucidiores, impediende scilicet aëris dispositione, aut radiorum Solis aut Lunæ nimio fulgore, qui stellas minores præcipuè circa finitorem offuscat, ut experimur æstate & nocte lucida, cum alioquin omnes viderentur.

deamus in obscurissima. Quod idem demonstratur ex proposito à Ptolemæo toto cap. 6. lib. 8. Magnæ Construct. his verbis: *Sicut radii Solares ad diversitatem aeris disponuntur, sic stellæ quoque disponi necesse est, &c.* Fieri ergo potest, ut dum essent sub linea hi relatores, aut dies esset, aut crepusculum, aut nox splendida, qua stellæ secundæ, tertiæ & quartæ magnitudinis, cujusmodi sunt polares Arcticæ & Antarcticæ, conspici nequibant. Addé quòd fortasse ipsæ stellæ tunc essent sub horizonte, cum à navigatoribus quærentur suprâ, nec idè videri possent, nisi sub aliqua latitudine tantum distante ab æquinoctiali, quantum polares istæ à polis mundi. Cauda verò Urse minoris, quæ stellæ est tertiæ magnitudinis polo Arctico vicinior, ab illo distat hoc sæculo per tres circiter gradus: unde non mirum est, si aliàs dum magis distaret videri non potuerit sub latitudine duorum grad. cum etiam nunc fieri possit, ut non videatur sub latitudine trium, dum Sol est in Tauro, Geminis, Cancro, aut Leone, tunc enim de noctu occultatur sub horizonte, vel à radiis Solis ab Atmosphæra refractis & albicantibus offusatur.

Porro miraberis, Lector, cum dixerò totum illud testimonium *Et falsi* Lerlanum de polo Meridionali sibi viso per stellæ sub quarto grad. *convinci-* latitudinis falsum & suppositum esse, cum nullæ circum polares Ant-  
arcticæ sint conspicuæ, nisi sub octavo, aut nono latitudinis gradu *int.* celoque commodissimo, tum propter illarum exiguitatem, tum à polo distantiam. Nec quidquam falsum magis est quàm quod refert hic de Lery, *se stellam polarem vidisse, & circa illam alias in crucem, &c.* In hoc similis Eudoxo apud Hyparchum lib. 1. dicenti, ex versione Petavii: *Est verò stella quadam in eodem semper consistens loco, quæ quidam polus est mundi.* Contra quem Hyparchus de falsitate præscribit his verbis, *in polo ipso stellæ nulla sita est, sed vacuus est locus, &c.* Quòd cum verè tunc diceretur de Septentrionali, de isto Meridionali *Nulla e-* verissimè nunc dici potest; ex catalogo enim & descriptione fixarum, *nim sunt* quæ circa hunc polum gyrantur, (quas Ioan. Bayerus in Astronomia *stella polo* sua anni 1603. refert ab Americo Vesputio, Andrea Corsalio, & Pe-  
tro Medinensi observatas, diligentissimequæ à Pet. Theodoro Nabele- *Antarcti-* ro peritissimo annotatas publicèque divulgatas) constat duas esse *eo vicina* tantum constellationes circa hunc polum, Hydram scilicet & Apim *8. grad.* Indicem, quæ constanter ex stellis quartæ, quintæ & sextæ magnitudinis. Sicquæ viciniores polo, comprehensæque intervallo novem, aut decem graduum ab illo, sunt omnes quintæ & sextæ magnitudinis, una aut altera quartæ, sed extra declinum gradum, & tres aut quatuor magnitudinis tertiæ, sed quæ distant à polo plusquam 20. gra-

dibus: ita ut australissima stella secundæ magnitudinis (sicut cauda minoris Ursæ seu nostræ polaris) circulum Antarcticum tantum diurna conversione decircinet. Unde non mirum est, si nec Mendoslo, nec quispiam alius ullam viderit multo conspicuam sub latitudine octo graduum, cum revera nullæ sint adeo vicinæ huic polo, sicut

*Nec nubes candida.* nec ullâ *nubes candida prope polum, nec stelle in formam crues,* ut à nostro de Lery, & aliis fabulosè refertur. Nubecula autem hæc ex observationibus supradictis distat à polo Meridionali plusquam 12. gradibus, & alia major plusquam sexdecim: sed de illis neque de stellis polaribus Arcticis, & Antarcticis, visis aut non visis sub linea, aut

*Nec id refertur optima relationi.*

citra lineam per duos aut tres gradus hinc inde, nihil quidquam perhibetur ab Andrea Thevet, qui anno ipso 1556. Idem æquor confecerat, lineam transierat ad eundemque portum appulerat ac de Lery: sicut nec ab innumeris aliis navium magistris & navigatoribus (quorum hic relationes & nomina recensere longius esset) quidquam annotatur simile scripto Mendosli illius. Cujus rei non alios adducere testes velim, quàm scriptores Historiæ fluvii Amazonum, qui millies hac de linea loquuntur, cum totus fluvius aut sub ea sit, aut ba ea parum declinet, nec tamen verbum faciunt de polis occultis aut detectis.

Eximius verò naucerus Ioan. le Tellier in diario sui itineris ad Indiam Orientalem, typis edito Dieppæ anno 1640. refert se. octies lineam æquinoctialem transfretasse in hac navigatione trium annorum, nec quicquam profert de viso aut non viso hoc aut illo polo, etiam si in ephemerides redigat quidquid singulis diebus egerit, viderit, observarit, circa longitudines, latitudines, variationes acus, ventos, rhumbos & alia ejusmodi, quæ ab accuratioribus desiderari possunt; ipsique piaculum sit gradus quadrante à vera altitudine aberrare non tantum dum malacia est, sed etiam motis fluctibus. Nihil faciendum igitur quod scripsit Mendoslo, & multo minus Ioan. de Lery, cujus auctoritate nititur hic Anonymus ad confirmandum systema suum, & inferendum è terrâ videri non posse medietatem circuli fixarum, sicut videtur circuli Solis, ideoque cælum hoc esse remotius à terrâ quàm illud. Quod cum falsitatis arguatur evidentiissimè à tyronibus Astronomiæ, nec probari nunc debeat, satis sit huic relationi temerè & perperam contra veritatem allatæ fidem derogasse.

*Ptolemæi testimoni-um examinatum.*

Nunc restat Ptolemæi testimonium in jus vocandum, & conclusiones Anonymi ex illo elicite, amplectendæ. Quod ut agatur securius, producenda essent verba testis ipsius tam gravis & idonei, qui nec casu verus, nec credulitate falsus, nec ignorantia suspectus esse potest. Sed ubinam reperientur? Ignoro, cum locus allegatus non caput,

caput, non librum, non tractatum etiam præ se ferat. Opus igitur mihi fuit totum illius Almagestum transcurrere, quo perlecto & præcipue capitibus ad fixas attinentibus, cum nihil in iis reperissem, quod allegationi consonum esset, miratus sum audaciam scriptoris affingentis Ptolemæo, contra ipsum Ptolemæum, quod ne quidem tetigerat, imò contrarium docuerat, hoc est median cæli fixarum partem à terrâ videri. Siquidem libri primi cap. 5. demonstrat *sex sem-* *Contrari-*  
*per omnibus supra terram apparere signa, & sex reliqua non apparere* um Ano-  
*sc.* Et cap. 6. cui titulus est, *terram quasi punctum esse ad spheram,* nymo,  
*fixarum comparatam,* concludit, *hanc in partes aequales dividi semper,*  
*quod non feret, si ad distantiam cælestium sensibilis esset terra magni-*  
*tudo.* Unde sequitur à Zenith ad horizontem 90. gradus semper in-  
 tercedere. Quæ cum proflus contraria sint eementitæ allegationi, qua pro certo datur Ptolemæum alicubi dixisse non videri nisi 82; haud parum sui commotus hac Anonymi fallitate, cujus prima fronte conjecturam hanc facere ausus fueram, potius quam in dubio versari tantum *spæcium* in Ptolemæum cadere potuisse. Quomodo enim lingu-  
 lari viro excidisset scribere, Canobum Alexandriæ horizonem stringere? cum ex illius longitudine & latitudine ab ipso exhibitis, eruatur declinatio ab æquinoctiali 51. grad. 18. min. quæ addita elevationi poli 30. 58. min. efficiunt 82. grad. 16. min. quibus distat Canobus à Zenith Alexandriæ: ergo non stringit horizontem, sed ab illo elevatur plus septem gradib. Quod etiam Cleomedes post Possidonium, Geminus, & Plinius Ptolemæi ævo superiores scriptis mandaverant. Quid illi porro? Cleomedes lib. 1. sic ait ex versione Balforei, *Stella*  
*Canobus appellata, longè lucidissima, ad meridiem in temone Argus na-* *Ex Cleo-*  
*vus, quæ quidem in Græcia omni non videtur, unde ejus Aratus non* *mede.*  
*meminit in Phenomenis, sed ab Aquilone ad Meridiem euntibus pri-*  
*mium in Rhodo conspicitur, & in finiente conspecta repente mundi con-*  
*versione occidit, sed ubi à Rhodo Alexandriam versus quina stadiorum*  
*militia navigando trajecerimus, & pervenerimus Alexandriam, invenitur*  
*stella, quando in medio planè cælo est, supra finientem sublata quarta signi*  
*parte: Tirastræ Cætho scilicet gradibus septem & 30. minutis.* Geminus *Ex Gemi-*  
 Rhodius scriptor eruditus & perantiquus idem planè ait in Elementis no.  
 Geographiæ cap. 2. interprete Hedone Hilderico, *sed insignis stella, quæ*  
*sita est in summo gubernaculo navis Argus Canobus dicitur, atque hæc*  
*Canobi stella in Rhodo difficulter videri potest, aut in locis planè ex-*  
*celsis apparet, at Alexandria prorsus hæc videri potest, nam scilicet quar-*  
*ta parte signi Canobus ab horizonte elevatus apparet, in Alexandria* *Ex Ptole-*



ἔστιν ὡς ἐμφανὲς, χιθὼν γὰρ τίταται μετὰ τῷ ζῳδίῳ ἀπὸ τοῦ ἑλλο-  
τος μετακινουμένη φαίνεται. Proclus verò in sua sphaera ipsissimis ver-  
bis idem confirmat, Plinius demum lib. 2. naturalis Historiæ cap. 70.

*Ex Plinio.* Cleomedi prorsus adspulatur his verbis: *Ut Canobus quartam fere partem signi unius supra terram eminere Alexandriae insistentibus videatur, eadem à Rhodo terram quodammodo ipsam stringere, in ponto omnino non cernatur, ubi maxime sublimis Septentrio.*

Quæ cum scripta fuerint ante Ptolemæum ipseque cognita, quomodo potuisset iis contradicere si vera deprehendisset? vel si fecus, quomodo tacere, nec illos ut Marinum, Hyparchum, Eratosthenem, & alios redarguere, & falsi incusare? Quod cum non reperissem factum in illius magna syntaxi, imò consensum exactissimum cum supradictis. Canobum scilicet elevari ab horisæta Alexanderis

*Falsa itaque allegatio Prolemaei.*

Sed alius  
occurrit  
Ptolemai  
locus inex-  
tricabilis.

nem loci inextricabilis huc usque. In primo enim libro cap. 7. sub  
finem in hæc verba incidi ex editione Bertii Græco-Latina. *Potest  
etiam Canobus iis conspici, qui longè aëstro tropico sunt septentrionales,  
multaque stella, quæ semper apud nos sub terra sunt, in locis, qui no-  
bis sunt australes. ac etiam iis, qui circa Merocem habitant super  
terram. QUEMADMODUM CANOBUS IPSE, QUI NOBIS PONTICA*

terram. QUEM D. MODUM CANOBUS IPSE, QUI NOBIS BOREALIORIBUS HIC MINIME APPARET. Ex quibus facili negotio coniecimus Anonymum hunc aut alium quempiam pro illo, malè etiam & contra ipsa verba quamvis mendosa, argumentari potuisse Canobum nequidem videri in horizonte Alexandriae, ubi hæc à Ptolemæo scribuntur. *ὡς αὖτε ὁ αὐτὸς ὁ κανὸς τοῦ ἀποκρίπτεται ἵππῳ μὲν φανερός, quemadmodum ipse Canobus hic borealioribus nobis minime videtur.* Nec enim alio modo ad verbum interpretari possunt. Ut autem res tota altius sumatur, sciendum est Ptolemæum capite hoc contra Marinum disputare de distantia latitudinis terræ cognitis, ipsamque ab eo proditam corrigere phænomenis. Marinus enim indefinè scripserat, *ἴσθι, qui ab æqui-*



æquinoctiali ad æstrum progrediuntur tropicum, polum borealem semper plus supra horizontem attolli, australem vero plus sub horizonte deprimi, qui verò ab æquinoctiali ad brumalem pergunt tropicum, is polum australem supra horizontem elevari, borealem verò sub horizonte mergi. Ptolemæus verò addit, non solum de polis & de habitantibus intra tropicos hoc verum esse, sed etiam *astra quedam apud alios indiscriminatim apparere; quæ apud nos ne nominantur quidem. Potest enim, inquit, Canobus is conspici, qui longè æstivo tropico sunt septentrionaliores: multæque stellæ, quæ semper apud nos sub terra sunt, in locis, qui nobis sunt australiores, ac etiam is, qui æquinoctiali sunt borealiores veluti is, qui circa Meroën habitant, super terram sunt.* QUEMADMODUM CANOBUS IPSE, QUI NOBIS BOREALIBUS HIC MINIME APPARET. Ex quibus verbis tota Ptolemæi ratiocinatio nihil aliud concludit, quàm stellæ ex uno horizonte conspicias esse, quæ latent ex alio: sed an exemplum ab ipso allatum de Canobo constans sit & consonum argumentationi difficultas est. Potest enim esse ratum & verè dictum *Canobum hic minime videri*, *Ipsi quoque signi parte à finitore elevatus apparet, ut supra demonstratum est, contrari-* Quod ut verum esset, oporteret alium quempiam à Ptolemæo hæc descripsisse, & de alio *Hic*. Veluti Marinum Eudoxum, aut alium de horizonte verbè gratiâ Byzantii, Romæ, aut Athenarum, quibus in locis æquum fuisset dicere, *stellæ quedam sunt, quæ non videntur, quemadmodum Canobus ipse, qui nobis borealibus hic Romæ, Athenis, &c. minime apparet. Apparet autem Australioribus veluti Cipro, Egypto, Syene, &c.* Sed Ptolemæo in Alexandria degenti & scribenti nequidem licitum fuit hoc cogitare salva veritate experientia, cum ipse & ante illum plerique alii contrarium jam docuissent: si enim vi. gradibus, quomodo verè scribere potuit *hic minime apparere*. His igitur accuratè perpensis suspicatus sum mendosum fuisse codicem Græcum, quo usus esset Bertius, etiamsi dicat Franciscum Sylburgum *varias ipsius lectiones Palatinorum ope sua manu curiose admodum annotasse.* Itaque alios consulere tum Græcos, tum Latinos cufos, aut manu exarator operæ pretium duxi, Maginum ad hoc adi, qui non si & medioeriter in editione sua laboraverat: hanc similem Bertianæ comperi, nec quidquam ex illius notis edoctus sum. Munsterum consului, Ortelium, Mercatorem, Montanum, & quotquot hujus libri exemplaria Latina nancisci tunc potui, omniaque ferè innumera (nullus enim liber pluries editus) inter se eadem, & uni versioni à Bilibaldo

Pickermanno exaratae prorsus consentientia reperi. Græcum item ab Erasmo, anno 1533. Basileæ primò publicatum Bertiano simillimum inveni, ait enim *δὲ τοῖς ἀδελφοῖς ἐξ ὧν τῶν βορροεισὶν ἡμῶν πρὸς τὸν βορρην*. Canobus ipse borealioribus nobis hic minime apparet.

*Suspecti  
menda.*

*Locus hic  
Ptolemæ  
castigatus.*

*Ille sibi &  
veritati  
confitet,*

Quid inter tot autores Græcè & Latine scientes agerem ipse nescius, ratiocinio solo ductus & edoctus in animum constanter induxi reluctantes & invitis Bilibaldo, Erasmo, Bertio, Munstero, Magino, &c. imò Scaligero (qui lib. 4. de Emendat. temporum, omnes sæculi sui Astronomos arguit oscitantie in legendo Ptolemæo textuque illius intelligendo) reliquoque cætu Criticorum hujus & præteriti ævi, qui locum hunc intactum & incorruptum præterierunt, prorsus mendosum esse & castigatione dignum. Hacque nixo mihi certitudine, & rem omnem accuratius expendenti, tandem subiit in mentem occasionem errori factam esse mutatione unius litterulæ in pronomine personali, quæ sensum non solum variat, sed contrarium efficit, & ex vero falsum, ac proinde emendandum vocalis illius restitutione. Scribatur enim *βορροεισὶν ἡμῶν* comparative in genitivo cum omega, non verò *ἡμῶν* conjunctivè in dativo cum jota, tunc fiet *βορροεισὶν ἡμῶν* quàm nos, non verò *βορροεισὶν ἡμῶν*. Et sic quod falsò dicitur de illis borealibus, dicetur verè de aliis magis borealibus, tuncque sensus erit omnino diversus & verax in hunc modum, *multæ sunt stellæ, quæ semper apud nos latent, quæ in locis, qui nobis sunt australiores super terram videntur, quemadmodum Canobus ipse, qui borealioribus quàm nos hic, minime apparet.* Sicque oportuit necessariò Ptolemæum loqui, ut sibi ipsi & veritati constaret, hincque sequeretur Alexandriæ stellam hanc videri, non autem ab aliis, qui Alexandria essent multo borealiores. Hanc autem vocalis unius mutationem facile factam fuisse ab amanuensis, quis dubitare poterit in illo autore, excusando, in quem plura fortè menda irrepererunt quàm in quemcunq; alium. Non animadversum autem hoc ab Erasmo, Bertio, Mercatore, Magino, Munstero, cæterisque illustribus Geographis, Mathematicis, & linguæ Græcæ principibus etiam non miror: cum ad illud nulla occasione aut ratiocinio adducti fuerint, ut mihi contigit. In hocque solo argumento rei literariæ profuit Anonymus, nec in posterum uti sperandum est cum typis mandabitur textus, aut versio Geographiæ Ptolemæi amplius errabitur in hoc loco, ab iis, qui viderint hanc exercitationem. Sed ut tota res hæc conficiatur, nec ullus dubitationi scrupulus relinquatur, ecce quid secutum sit felicem illius loci castigationem. Cum vidissem in præfatione Gerardi Mercatoris alias atque alias tum versiones, tum editiones Latinas Ptolemæi

exti-

extitisse, quarum quinque præcipuas numerat, quibusque usum se dicit: has omnes querere & videre si possem vehementer cupi, ut explorarem an sibi congruerent, & mihi adversarentur, an aliqua pro me & veritate contra alias staret. Prima itaque, quam vocat antiquissimam, anno 1409. à Jacobo Angelo Florentino ex Græco sermone in Latinum conversa fuit, & Alexandro III. Papa dedicata. Cujus exemplar ex ipsomet authoris autographo mandato Nic. de Cusa Cardinalis exscriptum nactum se dicit Mercator. Secunda fuit ejusdem, sed typis mandata Romæ anno 1490. Tertia ex versione Bilibaldi Pykermeri à Michaële Villanovano ad Græcæ & prisca exemplaria recognita Lugduni 1535. quam cæteris præfert. Quarta ex versione Ioan. Noviomagi Colonia 1540. Quinta denique Josephi Moletii, qui versionem Bilibaldi rursus cum multis Græcis codicibus consulit, huc usque Mercator. Quæritis igitur quotquot nancisci potui Ptolemæis, plures reperi à Bilibaldo traductos, & ab aliis innumeris recognitos ut agebant & emendatos, sed omnes hoc in loco depravatos ut Pyckermerus; Villanovano, scilicet, Moletio, Munstero, & aliis; quorum hic ultimus cum parvi faceret versionem Angeli Florential, Græcè quidem, ut agebat, callentis, sed Mathematica imperiti, exiguum ipem repositui in illius translatione, omnesque contra me unum pugnatorios non dubitavi: res tamen aliter profecto se habuit. Inventa enim editione illa Romana 1490. aliisque 1507. 1511. 1515. itemque aliâ Argentoratensi 1513. quam Picus Mirandulanus ad Jacob. Escler mandaverat suppresso traductoris nomine, aliisque etiam Venetis an. 1480. & Ulmæ 1486. quæ cum prioribus haud absimiles essent, præ se tamen ferebant à domino Nicolao Germano translatus fuisse, & Papæ Paulo II. dicatas. Collectisque hinc inde & collatis inter se his omnibus editionibus, & manuscriptis Bibliothecæ Regiæ Angeli Florentini, conjecturam meam non parum suffulsi: sic enim loquuntur, Pluresque ex fixis, quæ apud nos semper latent, in locis magis quam non australibus, ac magis etiam septentrionalibus quam æquinoctialis, ut circa situm Merocis, supra horizontem videri possunt. QUEMADMODUM IPSE CANOBUS, HIC SUPRA TERRAM ELEVATUM, MINIMEQUE AD HIS VIDETUR, QUI MAGIS QUAM NOS SEPTENTRIONALES EXISTUNT. En quantum differat hæc versio à Bertiana, & aliis? Sed cum in illam incidi, quam Mercator loco quarto reponit ex versione Ioan. Noviomagi Colonia 1540. amplius non dubitavi aliter legisse hunc & Florentinum, Bilibaldum, Erasimum; Mercatorem, Munsterum, Bertium, & sectatores: sic enim Noviomagus, Et multa sunt inerrantes stela, nunquam ex subterraneo loco in conspectum nostri orbis emergentes,

Conclusio  
dissertati-  
onis.

gentes, quæ etiam in locis magis australibus quàm nos sumus, magis septentrionalibus quàm est æquator; velut circa Meroë situm accide exorientes emergunt. Quemadmodum Canobus ipse, in locis vicinioribus quàm nos sumus Septentrioni, super terram non exoritur. Ex quibus indubitatè colligitur aliud fuisse exemplar istius & Florentini, (cujus tamen faciliè crederem verba tantum mutata fuisse à Noviomago) quàm aliorum, aut istos rationem sequi máluisse quàm textum, quo duce decepti sunt Bilibaldi, Munsteri, Bertii, Magini, aliique omnes. Maneat igitur ratum fixum in Ptolemæo legendum esse loco citato, *τὸς βορροτρεπὲς ἡμῶν μὴ παρὴντος*, non verò *ἡμῶν*, unde tantum ablit ut sequatur ipsum dixisse stellam Canobum nōa videri ab Alexandria, ut potiùs constet ipsum docuisse hanc ibi videri, non verò ab aliis locis septentrionalioribus Alexandria. Quæ cum ita sint, nullus profectò hæere debet scrupulus falsitatis Astronomiæ istius, everso Anonymi præcipuo fundamento, quò summis antecessoribus Hyparcho, Ptolemæo, Copernico, Tycho, & aliis insultabat. In quæ etiam funditus evertendo, & confutandis erroribus ex illo deductis, nonnullum operæ pretium feci; ne qui fortè systemata munditatione & observationibus stabilita non nossent, putarent ab Anonymo contra Astronomorum placita probabile, aut saltem tolerabile aliquid esse confectum. Cætera commentū illius *νοεῖται*, & confectaria, quæ non excussi (cūm risu potiùs & commiseratione digna judicarem) tūc evulsis ac disiectis, quæ præcipua sunt, & ex quibus ducuntur, sublapta per sese ac labefacta concidunt. Finem itaque disputandi facio, tibi quæ, VIR CLARISSIME, nescio an gratulari debeam, quòd me ad hoc impuleris, nec tam jucundum, nec tam facile, quàm tibi & mihi visum fuerat. Gratulor tamen & amari cupio, qui eximia tuæ virtutis sum observantissimus; fac igitur ut soles, & æternum vale, qui curas ut alii valeant. Authorem verò tam fastuosi & inficeti operis sinamus.

*Discipulorum inter posthac plorare cathedras.*

P. PETIT.



IOAN.

II.  
JOAN. BAPT. DU HAMEL  
DE  
METEORIS  
ET  
FOSSILIBUS  
LIBRI DUO.



IN PRIORE LIBRO mixta imperfecta, quæque in sublimi aëre vel gignuntur, vel apparent, fusè pertractantur.

POSTERIOR LIBER mixta perfecta complectitur; ubi salium, bituminum, lapidum, gemmarum, & metallorum naturæ, causæ, & usus inquiruntur.

LI

PRÆ-

# PRÆFATIO.

**N**on me fugit, Physicam à multis tum gravissimis, tum doctissimis viris diligentissime tractatam fuisse; adeò ut nostram operam, fortassis non desideret: sed, quod Philosophicà libertate dicere liceat, plerisque ex recentioribus non ingenium, non eruditio, at propositum defuit. Quidam enim unius ex veteribus auctoritatem secuti, id habent ratum, quod ab eo quem probant, judicatum vident. Alii novas munierunt vias, atque in suam quisque induxit sequentes; adeò ut jam ex ipsis sectæ, & disciplinæ habeant vocabula. Plerisque Philosophia non arridet, nisi exilis, & squalida: neque aliquà delectatione lectorum animos volunt allicere, nec quæ sentiunt ornate, & concinnè eloqui. Postremo nonnulli partem duntaxat Philosophiæ, velut onus totius corporis veriti tractare maluerunt. Experiri itaque ingenium placuit, & tentare infinitos propè, qui de singulis hujus scientiæ partibus conscripti sunt, libros possem contexere, & optima quæque seligere: ita ut si minùs nova invenire, certè de aliis liceret judicare. Quæ porro à multis vel neglecta, vel contempta jacuerunt; seu quòd ad alias scientias pertinere arbitrentur; sive quòd iis religio fuerit ab inolità consuetudine recedere; seu denique quòd adolescentum ingenia tot & tantis rebus percipiendis non sufficere crediderint, hæc potissimum



tissimùm explicanda, & tractanda suscepi: nihil enim tam Philosophiæ proprium esse cognovi, quàm quod plerique ut alienum aspernantur. Nunc quid causæ fuerit, cur hanc Philosophiæ naturalis partem seorsim à reliquis edere in animum induxerim, verbo dicam. Quanquam admirabilis quædam sit scientiarum connexio, ut omnes inter se aptæ colligatæque videantur: hæc tamen, quam nunc tradere instituimus, illam habet prærogativam, ut cæteris disciplinis lucem inferat, neque ab iis ullatenus dependeat. Magnam quoque rerum copiam, & varietatem complectitur: nam quæcunque in sublimi aëre, atque in terræ visceribus gignuntur, sibi vindicat. Quidquid suo sinu pretiosum terra fovet, atque omnes naturæ divitias explicat; reconditiora scrutatur arcana: nulla ferè ars vel ad salutem corporis, vel ad vitæ usus destinata ex hujus scientiæ fontibus non manat. Quare non verebor Chymicos, Metallurgos, Aurifices, Medicos ipsos in subsidium vocare, ut Philosophiæ tanquam Principi famulentur. Medicis magnam remediorum ubertatem suggerit: artium verò pars maxima circa res fossiles occupatur, quarum intimas rationes, causas, & usus (rem sanè magis magnam, & uberem, quàm arduam, & difficilem) persequi volumus. Quos verò auctores potissimum sequar, quo ordine, quæve methodo procedam, nihil necesse est hîc attexere: quantum enim judicare possum, optimam ii philosophandi rationem insunt, qui nulli sectæ serviliter, & superstitiosè addicti, ex omnibus quod sibi rationi maximè consentaneum videtur, decerpunt, & concinnè distribuunt. Hæc ego non eo consilio dissero, ut illos redarguam, qui unum aliquem me-



litoris notæ Philosophum , ut duceim, ac præmonstratorem sequuntur: sed ii reprehensione non carent, qui præjudiciis abrepti, non enucleato judicio sese in Aristotelis, Galeni, vel Paracelsi familiam tradidere, atque auctoritate magis, quàm ratione ducuntur: quæque probanda sunt, non tam rationis staterâ, quàm populari quâdam trutinâ examinant. Omninoque in hoc omnis est error, quòd existiment unius effectus unam causam esse oportere: cum tamen nihil ferè sit in rerum naturâ, quod ex pluribus causis non prodeat. Singuli verò Philosophi in varias rationes animum intendunt, & universas plerumque contemplari nolunt. Hinc plures secari cœptæ sunt viæ, ac multiplices disidentium Philosophorum familiæ sunt profeminatæ, quæ tamen non tam contrarias, quàm diversas opiniones sequi videntur. Eòdem enim omnes tendunt, tametsi non eandem viam terant. Quòd si in quosdam auctores stylus noster interdum liberius incurrat, non obtrectandi studio (quod à me plurimum abest) id feci; sed hoc scribendi genus liberum à Platone, Cicerone, Fernelio, & aliis usurpatum, salibus aliquando & non intempestivis amcenitatibus est aspergendum; excitandus nonnunquam lector, ne indormiat, acres denique nos esse, non tristes oportet. Jam mihi, ut arbitror, deprecanda non est invidia, quòd Alchimiam ferè universam hoc opusculo complecti voluerim. Hanc enim scientiam non ut artifex, sed ut Philosophus pertractavi: neque nobis interdictum puto Chymicorum uti laboribus, & experimentis, quò major Philosophiæ naturali lux accedat.

DE  
METEORIS  
ET  
FOSSILIBUS  
DIALOGI.

LIBER PRIMUS.

*De Meteoris.*

CAPUT PRIMUM.

De mixtis imperfectis, vel Meteoris in universum; &  
de communi eorum materia.

- I. *Quæ sit materia, ex quâ omnia fiuntur Meteora, ubi de triplici halitu; vapore, fumo, & exhalatione.* II. *Varia de terra fremitu sententia proponuntur.* III. *Ex igne subterraneo, non solum terra motus, sed etiam plerasque aëris impressiones oriri concluditur.*

*Theophilus, Simplicius, Menander,*

Th.



Multi me, optime Simplicii, hesternâ disputatio commovit; ac jam incipio Aristoteli aliquantulum diffidere. Is meo quidem iudicio, Philophorum omnium est longè princeps; sed ut omnia, quæ ab ipso præscripta sunt, defendamus, nullâ necessitate cogimur. Illos tamen odi pessime, qui longa tollunt supercilia, & præ cæteris multum sapere

arbitrantur, si à summo Philosopho, quâ benè, quâ malè dissentiant. Quòd si eos iudices adhibeamus, virum propè divinum è choro Philosophorum brevi sustulerint. Quin etiam, si Deo placet, Aristoteli Cartesiiun, vel quosdam alios minutiores Philosophos auferre non erubescunt.

*Men.* Audire sanè velim, quid sit cur Cartesium nostrum oderis; vel certè minùs probes; quem unum arbitror vera rerum omnium principia sic exposuisse, ut illius Philosophia ex ipsius naturæ fontibus hausta videatur.

*Th.* Multa sanè probanda in Cartesio, multa etiam admiranda sunt: neque omninò velim cum è manibus adolescentium excutere: sed potioribus præferri non sino. Quòd illius principia attinet; pleraque mihi videntur commentitia; multa à veteribus deprompta: si quæ in iis voluit corrigere, deteriora fecit. Formas & qualitates exterminat, ut motù, figurâ, & magnitudini omnia referat accepta. Democritum, & Epicurum ferè sequitur, atque cum iis etiam labitur. Nam ut præclare Tullius, cum in rerum naturâ duo quærenda sint, unum quæ materia sit, ex quâ res quæque efficiatur; alterum quæ vis sit, quæ quidque efficiat; isti Philosophi de materiâ disserunt quidem; vim & causam efficiendi, nec non & formas omnes relinquunt.

*Men.* Rectè, an secùs formas & qualitates expunxerit Cartesius, erit aliàs proprius disserendi locus. Id unum in præsentia contendò, aptissimè cum rerum materiâ exposuisse. Quid enim naturæ magis consentaneum, quàm totum hoc universum ex tribus componi

*Tria esse  
ex Carte-  
sio rerum  
omnia  
principia.* **elementis.** Tria quippe cum sint corporum genera, totidem quoque esse prima rerum elementa, non abhorret à verisimili. Corpora quæ sunt lucida, ex materiâ subtilissimâ, quæ omnis motus, caloris & lucis fons existit, prædicere. Quæ verò sunt summè perspicua, ut aër, vel cælum ipsum, ex particulis constant paululum crassioribus, & rotundis; hi cœlestes globuli, ab ignitâ primi elementi substantiâ continenter agitantur, ac secundum efficiunt elementum. Corpora denique densiora, ut terra, & planetæ omnes, ex partibus longè crassioribus compinguntur Cœlestis substantia, tum primi, tum secundi elementi, omnium corporum poros subit, in iis motum procreat & calorem. Ex his itaque principiis, quæ mixta dicuntur corpora coaluere; sive ea sint perfecta, sive imperfecta. De imperfectioribus dicam primùm in universum, tum de singulis quoad utile videbitur. Mixtum voco imperfectum, vel in quo ex elementis unum prævalet, vel cujus principia malè conferta & colligata separari faciliè possunt.

Sic

Sic quæ dicimus elementa, terra quam incolimus, flamma, seu fumus accensus, aqua etiam, vel aër ex hoc genere censentur: sed usus obtinuit, ut inter rerum primordia numerentur. De his jam aliàs copiosè disseruimus: nunc ea tantùm mixta persequar, quæ vulgò Meteora dicuntur, quòd pleraque in sublimi appareant: & nisi fortè tibi aliter videatur, mi Simplici, perpetua oratione uti malim, quàm illis interrogatiunculis, quæ pungunt magis quàm persuadeant.

*Simp.* Tuo id quidem arbitrato: atque ut visû & ratione procedat disputatio, primum de iis, quæ in terrâ gignuntur, tum de aqueis, æreis, & ignitis impressionibus ex ordine agendum.

*Men.* Placet istè dicendorum ordo: sed priùs tamen, quæ sit communis velut materies, ex quâ Meteora prodeunt, intuendum puto. Mixta quæ sunt omnia ex vaporibus coalescere, tam certum est quàm *Quæ sit communis materia, ex quâ Meteora formantur.* quod maximè; miscibilia enim uniri nequeunt, nisi antè in minutissimas partes comminuantur; quod fieri non potest, nisi calor partes illas exagitet, atque in vapores resolvat. Vaporis hñc nomen tanquam communis generis abutimur. Ne me fugit vapores propriè ex aquâ, exhalationes è terrâ, vel succis terrestribus attolli. Hinc Vaporis particulæ sunt longæ & lubricæ, ac facillimè è corporibus separantur; non item sumi & exhalationes, quarum partes ramosæ, & irregulares, vi caloris ægriùs attolluntur: quæ igitur ex aquâ prodeunt, vapores; quæ ex terrâ, & succis oleaginosi, fumus; quæ de mum ex succis acrioribus exhalantur, spiritus appellemus. Spirituum particulæ instar cuspidum acuntur. Oleaginosæ sunt molliores; sed aliæ aliis magis implicantur, quàm aqueæ. Hinc plus nocet valetudini exhalatio, quàm vapor; quòd illa particulis terrestribus, & acrioribus abundet. Sed quid illos excitat tum vapores, tum halitus, nisi calor ipse, seu materia subtilissima, semper mobilis, ac quietis impatiens, quæ angustissimos complect corporum meatus, ac partes faciliè separabiles, huc & illuc movet, atque in orbem agit? Hinc majorem exigunt locum, quòd motu suo alias particulas extrudant: quemadmodum funis baculo alligatus, ubi rotatur, majus itidem spatium postulat. Quocirca licet mente concipere aquæ particulas, alias aliis priùs incumbentes, atque instar anguillarum repentes, quæ cùm subtilis materiæ, vel caloris impetu agitantur, tum in aëre volitant, ac gyris suis magna occupant loca. Neque idcirco sursum efferuntur, quòd sint aëre leviores, vel quòd à Sole attrahantur, ut visum est Scaligero: vis enim illa attractrix fictitia est, nec potest explicari: sed quòd vaporibus non alius pateat liberior locus. Nam ut stentula longè gravior, motu pedum in altum evehitur: sic sublimem aërem crassum

*Quare vapor sursum elevatur.*

crassi vapores perrumpunt, quos radii Solis diu terræ & mari incumbentes indefinenter attollunt. Atque ut magna equitum turma nubem pulveris excitat altiolem; ita radii solares undique in totum hæmispærium, & die toto vibrati, sola percussione vi, halitus in sublime agunt. Quo minùs mirum sit, si quandoque in fundo vasis, ubi pluvia vel nix subsederit, terræ ipsius crassiores particulæ appareant. Nee dubium est, quin æstate major vaporum, atque exhalationum copia exsurgat, cum paludes, & lacus exsiccari hoc tempore videamus: sed quòd fortius agitentur, sub aspectum non cadunt; nullamque luminis motui obijciunt moram. Simili prorsus ratione halitus ille quem expiramus, quique nihil est quàm vapor, cordis fuligine permixtus æstate non videtur, quòd præ calore rarior sit; hieme verò instar nebulæ densatur, ac frigore concrevit. Nullum porro esse corpus, quod halitus quosdam occultos non emittat, jam alio loco diximus. Hinc tanta canum sagacitas, quæ leporis vestigia festinantur; hinc secretus illo amor sæpe exoritur, de quo vir eximius Chambræus, & grata posteritatis memoriâ dignus, tractatum edidit adeò elegantem, ut nihil suprâ. Hinc etiam morbi innumerabiles ex halitu venenato propagantur; quòd fumus ille quibusdam spiritibus, seu corpusculis mortiferis, tanquam morborum seminaris insidiatur, quibus tota sanguinis massa faciliè corrumpitur. Cùm si succis mineralibus illi efflantur fumi, majorem edunt stragem. Unde venenatus aër è subterraneis locis multus exhalari solet; ut in agro Putcolano Avernus lacus fumos emittit sulphureos avibus perniciosos. In eadem serè regione spelunca est angusta, in quam animalia conjecta, omni motu, & sensu privantur; donec vicinæ paludi immerfa spiritum & vitam recipiant. Prope Baïas antrum existit, ex quo halitus adeò servidus erumpit, ut ceram liquefaciat. Sic multis in Campaniæ locis, ex antris subterraneis fumi sulphurei aut bituminosi exhalantur, vel mortiferi, vel salutare. Mons quidam est in Campaniâ, Tritulum vocant, in cujus medio spelunca existit in multas divisa partes, quæ aërem continet adeò servidum, ut pro sudatorio usurpetur: nam distillationes pituitosas; podagram, atque alios ejusdem generis morbos curat. In Vesuvio foveas excavant eidem usui destinatas. Sic lacus, atque antra innumera pestilentes halitus expirant; multa enim mortifera in terræ profundo latent. Aër ipse, qui pigritiâ & æternâ nocte torpescit, gravis haurientibus est. Aura illa serotina, quæ magis experienciâ, quàm ratione percipitur, quid aliud esse potest, quàm halitus tenuis, in aquæ guttulas modico frigore concretus. Æstate quidem minor est, & longè tardius post Solis occasum delabi-

tur,

*De aurâ  
serotina.*

tur, quàm vere, vel autumno: quia æstate major est calor, quàm ut iste vapor possit in aquam condensari: hieme autem non satis est caloris, ut vapor subtili exhalatione permistus sursum efferatur. Flante quoque vento dissipatur; pluvio cælo vix illa aura, uti nec ros decidit. Sub æquinoctia malignior est: nam temperato calore magna vaporum copia evahitur, maxime in locis palustribus, ex quibus perniciosi vapores erumpunt; qui cum corpusculis acrioribus abundant, nihil mirum, si faciliè subeant capitis poros, dentium doloribus, & humorum distillationibus viam aperiant, ac demum fibras cerebri vellicent. Hinc sanguinem nonnunquam exprimunt, somnum arcant, caput fatigant. Verùm in re apertâ, & minimè reconditâ nimis moror.

Jam ut ad propositum propius accedam; quid aliud est terræ motus, *De terra quam halitus inclusus, qui calore dilatatus majorem suo motui locum movet va-* exigit, & sui vasis latera concutit. Quo id modo accadat, non excutio; *via senten-* sive, ut ex Archelao explicat Seneca, ventus in concava terrarum *tia.* delatus, & novo superveniente spiritu densatus, omnes angustias dimoveat; & claustra sua conetur effringere: sic enim evenit ut terra spiritu luctante, & fugam quærente moveatur. Sive, ut placet Aristoteli, exhalatio ab infimo edita, & in quantum potuit elata, cum ulteriorem locum, in quem exeat, non habet, retrò fertur, atque in se revolvitur; dumque rixa spiritus reciprocantis jactat obstantia; sive interclusus, sive per angustia elisus est, motum ac tumultum ciet. Stratonis sententia magis aridet Agricola, quòd frigidum & calidum cum unà esse non possint, eò frigidum confluit, unde vis calida discessit. Quidquid igitur in terræ penctralibus calidi latet, frigori cedens abit in angustum, & magno impetu agitur: quia non patitur utriusque naturæ concordiam, nec in uno moram. Fugiens ergo, & omni modo cupiens excedere, proxima quæque remolitur, & jactat. Hæc sanè longè sunt probabiliora, quàm quæ Anaxagoras, vel Anaximenes de causis terræ motuum commenti sunt: partes terræ ruere, quas aut humor solverit, aut ignis exederit, aut spiritus violentia excusserit. Nam terra humore diluta, *Anaxago-* vel nimium exsiccata paulatim dissolvitur, nec subito corruit, neque *ra opinio* flammæ fremitus terræ comitari solent, & rarò magni strepitus eos *refellunt.* consequuntur: tametsi cum movetur terra, mugitus aliquando audiri non inficior, ventis in abdido tumultuantibus. Quòd si spiritus nec rimam quidem, per quam effluat, invenit, conglobatus ille furit, & huc, atque illò circumagitur. Sæpe evenit, ut ventus non exiguo tempore è terræ hiatus erumpat, neque ulla ignis scintilla appareat. Non igitur ignis subterraneus; non collecti torrentium impetus, non re-

M m

con-

conditi lacus, terræ motum procreant; sed interclusus aër, qui cæca sub terrâ spatia latus obtinet; quamdiu non impeditur, placidè fluit; cum offenditur, & retinetur, insanit; & moras suas abruptit. Non enim, ut pulchrè Seneca, ventum tenet ulla compages: indomitâ naturâ potentia liber exiit. Fremitus quidem terræ in locis inaritimis sunt frequentiores, quod ibi sit uberius vaporum copia. Nonnunquam præ terræ motu mare intumuit. Fors est ut tum temporis multi halitus è fundo maris erumperent. Postremò, hi motus vere, atque autumnus sunt crebriores, quod eo tempore vaporum, atque exhalationum copia sit uberrima, calor itidem moderatus, qui iis attollendis planè sufficiat. Quanquam meritò neget Agricola calore Solis terræ fremitus excitari: nam Sol magis vapores terræ attrahit quàm repellat. Hinc metallarii, cum venas metallicas fundunt, sub ipsis vasis ampliores fossas effodiunt, ne humor, quem è terrâ calor ignis attollit, cum metallis permisceatur, sed in depressiora loca dilabatur: nec demùm radii solares terræ profunda penetrant, ac spiritum terræ visceribus conclusum potius attrahunt, quàm exasperent. Sed jam sentio me longius esse prosectum.

*Qua sit  
probabili-  
or terra  
fremitus-  
que causa.*

*Simp.* Cætera quidem assentior; id unum vix concessero, terram ab aère, vel incluso halitu tantâ vi concuti, ut montes etiam subfide-  
re, valles assurgere, novas insulas emergere, alias absorberi videamus. Nec conclusus aër tantas strages edere; neque ita coerceri potest, quin  
facilè præsumat. Præterea, quomodo huius illè terræ concava sub-  
bit, an fortasse per patentes meatus? Quid igitur obstat quominus  
per eadem spiracula revertatur. An potius in ipsis terræ penetralli-  
bus spiritus procreatur, cumque nullum habeat exitum, necesse est ut  
magnas terræ moles disjiciat. Nam ubi crepta est discedendi facul-  
tas, & undique obstititur, tunc

*magno cum murmure montis*

*Circum claustra fremit.*

Jam cedo quid istum spiritum resolvit; quæ causa illius incendii, nisi ignis subterraneus, ex quo terræ fremitus proficiscitur, non ex aère intercluso, cui tantum non licet ut latè fusas provincias concutiat, montes atque urbes integras solo aquet. Hinc nusquam frequentiores sunt terræ motus, quàm in locis, quæ thermis, vel balneis tepent, ut in Campaniâ & Siciliâ, ubi montes sunt ignivomi. Sæpe prius terra tremit, quàm ignes illos evomat. Aquæ puterum ante fremitum terræ, sulphureo halitu insciantur; quod spiritus illi motores sulphurei sint, ac nitrosi. Quare loca maritima his motibus plurimum sunt obnoxia, quod ibi aqua meatus & venas excavare soleat, ac ve-  
luti



luti cuniculos agere. Quod si crebriores & apertiores sint meatus, tum spiritus accensus facili exitum sibi parat. Hinc Delos, quod cavia rupibus imposita sit, non tremit. Ægyptus è contra, quod nullos habeat patentes meatus, vix quatitur. Addit Fromundus Flandricas insulas, quæ Terceræ dicuntur, serè quotannis tremere; tumque vicinus aer veluti flagrans apparet, quod ignis sit hujus tremoris causa, sæpe altissimè defossus latet; unde & magnas regiones exagitat, quæ eidem cavernæ centro telluris propiori, atque adeò arctiori, tanquam eidem fornici incumbunt; sive id accidat ob nexum unius terræ cum alterâ; vel quia halitus sulphureus, per cæcos meatus diffunditur, & instar fulminis discurrit. Quid enim, ut optimè Plinius, aliud est in terrâ tremor, quàm in nube tonitruum. Nam mugitum edit huc & illic discurrentem; atque in terrâ fremitu solet

*Sub pedibus mugire solum, & juga celsa moveri.*

Quod spiritus terræ motor per aspera cavernarum sese verset; cumque ad dura corpora alliditur, tum sonitum edit, ululatus similiorem quàm tonitruum bombo. Jam ignes accensos per venas subterraneas instar aquarum longius serpere, satis verisimile est. Hinc Petrus Gassendus in vitâ Peireskii, refert eodem tempore incendium in Semo Æthiopum monte, quo Vesuvianum in Campaniâ circa annum 1633, contigisse; ita ut Vesuvius cum Æthnâ, hic cum Syriâ, quæ cum Arabia felice, ista demùm cum Semo monte communicet. Sive series quædam incurvatarum rupium canales faciant, sive ipsi ignes in rimas subeuntes, vias sibi aperiant, & canales creent; nam visi sunt montes eruptione ignium creari, ut Puteolanus, quem modernum vocant, anno 1538. Sic Therasia insula inter Cycladas, circa Senecæ tempora emerfit. Nonnunquam terræ motu flumina siccantur, nova succrescunt; quod lapsu terræ, vel meatus obstruantur, vel novi aperiantur. Tempore Vesuviani incendiî litus Neapolitanum aliquantisper rescitatum fuit, ut idem Gassendus commemorat, revomente interrim monte absorptas hiatis aquas, sed admistâ materiâ combustibili ignescentes. Longior sim, si omnes terræ motuum differentias, & effectus velim persequi. Septem illius species Damascenus enumerat; quarum duntaxat meminit Aristoteles, pulsus & tremoris, quibus addit Seneca inclinationem.

Cum exhalatio sulphurea & accensa cavernæ fornicem sursum *Variater* ejaculatur: adeò ut instar arteriæ erigatur, ac subsidat; pulsus est, *re motum* quo terra succutitur, hunc alii rhectem, seu effractorem vocant, *genera*. Cum autem latera cavernæ, quæ spiritum captivum retinet, alternatim & celeriter vibrantur, tremor est, qui inclinata citò restituit, sed ubi

non ita libratur hinc, atque inde terra, ut suis locis celeriter reddatur; inclinatio est ædificiis pernicioſa: nam parietes, & teſta extra fundamenti perpendicularum ſuſpenſa collabuntur. In tremore aliquando juga montium videntur concurrere, mox diſcedere, & quaſi arietare, quòd exhalatio fremens unam terræ partem attollat, quæ ſuo pondere relapſa mox vibratur. Tanta motuum varietas non aliunde oritur, quàm ex diverſâ cavernarum conformatione. Spiritus enim magnâ cavernâ inclufus, illius latera concutit & graviorem edit ſonum: ubi oblongâ, & arctâ coërcetur, tum incumbentem terram elevat, ac deprimit. Tremor minùs nocet, quia ſpiritus in multis partes diſtrahitur: ſed ubi in unam nititur partem, tum maximum periculum creat. Arietatio rarò montes loco movet; tum videtur accidere, cùm terra ex tranſverſo contrariis motibus agitur. Inclinatione verò eſt longè periculoſior, quando terra in latera nutat navigii more. Niſi enim celeriter ex alterâ parte properet motus, qui inclinata reſtituat, ruina ſequitur. Quando ventus per anguſtos meatus eluſtur, ſurſum terram movet, quæ ubi ſolida eſt, & fortiter reſiſtit, nullum eſt periculum; ſecùs ſi mollis ſit, & rara: tum enim novus ſubinde collis aſurgit. Quòd ſi cavernæ intùs ſint ampliores, tum urbes integræ abſorbentur, nullo ſul veſtigio relicto. Nonnunquam accidit, ut ſpiritus in vorticem adus terræ loca commutet, quod ultimo Neronis anno contigiffe reſert Plinius. Omitto quòd terræ motus plerumque peſtes & morbi ſequentur: exhalationes quippe venenatas in terræ abditis latere ſciunt, qui in fodinis profundioribus laborant: nam omnes ſerè phthiſi & juvenes moriuntur; neque ultra quatuor horas poſſunt ibi commorari, quin ſurſum identidem aſcendant & puriorem auram ducant. Verùm unde tantæ vires huius exhalationi ſulphureæ accedunt, ut montes deſiciat, novas inſulas erigat? Numquid ad euniculos conſugiam, quibus propugnacula in ſublime abripiuntur, nec mœnia modo, ſed etiam impoſitæ rupes exſcinduntur? eadem profeſſò, ut mihi videtur, eſt terræ motuum, & cuniculorum, & fulminum cauſa, accenſa nimirum materia, quæ ampliorem exigit locum, & tamdiu fremit, quò ſoluta & libera, nullis ampliùs clauſtris arceatur. Unde quæſo te, tantus in pulvere pyrlo impetus, niſi quòd ſingula huius pulveris grana accenſa, dilatantur? Globum plano impoſitum, vel levi icſtu percuti, is tardiſſimo quidem progreditur motu, ſed novos ſubinde icſus imprime; motus itidem augebitur, ac tandem velociſſimus evadet. Hinc enim, ut aliàs monuimus, corpora gravia motum ſuum accelerant, quòd novi velocitatibus gradus continenter accreſcant; ſic pueri tantâ vi per tubos vi-

treats

Unde tanta  
via ex-  
halationi  
ſulphureæ.

treos pisa levi flatu jaculantur, eoque longius, quo longiores sunt tubi; quamdiu enim flatus perseverat, novi ictus accedunt, qui producum augent impetum. Non dissimili ratione tormenta bellica globos bombardiles eo fortius explodunt, quo sunt longiora. Neque enim in momento temporis pulvis pyrius accenditur, sed successione quadam, licet imperceptibili, unde & flamma reluctanti globo novas subinde plagas inurit. Nec globum modò emittit, sed & bombardæ fundum concutit: nam ex utraque parte quærit exitum. Nitrum quidem instar folliis sulphur incendit, atque inflammationem promovet, quam admixtus carbo remoratur, nec citius quam par sit, accendatur. Quare in majoribus tormentis major itidem carbonum portio admiscetur. Huc adde ignem sese in orbem dilatare, ut videre est in bullis, quas in aquâ, lacte, & aliis viscidis liquoribus conclusus ignis effingit. Cum igitur pulvis pyrius incenditur, innumerabiles ejusmodi bullæ repente formantur; singularum quidem impetus meritò contemni potest, at simul junctæ vel solidiora effringunt corpora. Nam ut scitè monet nobilissimus juxta & doctissimus Digbæus, solida quæque citius franguntur, si repentino impetu, tempusque cedendi minimè permittente, verberentur. Vis itaque illa pulveris incensi in multitudine ignitarum partium, & motus celeritate consistit.

Quaquam vercor ne nimius in hoc genere videar, dicam ta- *De calore*  
men illum subterraneum effetricem esse causam non modò terræ mo- *subterra-*  
tum; sed omnium serè, quæ in terrâ gignuntur. Imò, si credimus *neo.*  
Agricolæ, vapores, fumi, atque exhalationes non à Solis calore, sed ab igne, quo terræ ardent viscera, evchuntur. Neque enim radii solares ultra decem pedum altitudinem penetrant; neque hinc omnes venti, imbres, atque alia meteora proficisci possunt. An mediâ hieme calor Solis tantam vaporum copiam attollit? Non tamen is sum, qui putem Solis radios vapores, atque halitus Meteoris gignendis, non resolvere; cum vere, & autumnò, copiosior imber decidat, quòd tum temporis multos vapores Sol evchat, quos temperatus calor dissipare non potest. Imò tot nebulæ è locis humidioribus sublata; ros matutinus; perennes pluviae, quæ cum Sol æquinoctia obtinet, in zonâ torridâ uberrimè delabuntur, non aliunde quàm à Solis calore oriuntur. An ubique ignis subterraneus latet? habent hæc sanè & bene longam, & satis litigiosam disputationem. Quid enim? Sol quidem è sumâ tellure multos halitus efferat, longè tamen plures ignis subterraneus attollat necesse est. Hinc cum repente mare intumescit, ac mediâ hieme crassi vapores attolluntur, vel in zonis frigidis copiosus imber decedit; probabilius existimo calorem subterraneum esse horum cau-

*Detripa-  
titâ terra  
divisioe,*

fam principem, quàm Solem ipsum, cujus lumen tam altè non pervadit. Neque tamen omninò accedo Morini sententiæ, quâ terram, uti aërem in tres regiones disperitur; prima alternis friget & calet; hinc me calida, æstate frigidior, usque ad 400. hexapedas, vel orgyias patet; hanc exiepit secunda regio, quam semper fervere ipse expertus est in fodinis Hungaricis. Tertiam centro mundi proximam jugi frigore algere conjicit; quemadmodum media aëris regio perpetuò frigida est, ac suprema & cælo finitima semper calet. Sed de his nihil certi constare potest. Imò ignem in centro terræ accensum existere, quo damnati torquantur, longè est verissimum. Quod verò putat mediam telluris regionem à radiis solaribus eò reflexis, calorem suum mutuari; nescio an cuiquam persuadeat? An tanta profunditas corporis opacissimi radiis solaribus pervia esse poterit? Vix calor à Sole productus ultra decem pedum altitudinem diffunditur, & radii in rectas lineas porrecti tam altè pervadent? Sed fumi, inquit, & exhalationes è terræ penetralibus evchuntur, quânto magis radii luminosi longè subtiliores terram porosam, & foraminulis undique perviam irreflexi subibunt? Est dissimile totum. Nam fumus per anfractuosa meatus paulatim sese insinuat; nec mirum si tantas perrunipat moles; non item radius Solis, qui restitudinem suam pertinaciter tuetur, atque ex occurso opaci corporis statim resilit. Non ibo tamen insicias mediam terræ regionem jugi æstu fervere: adeò ut qui in fodinis laborant, vel in mediis aquis nudi anhelent. Jam unde ille calor? non certè à radiis solaribus, sed ab igne subterraneo dimanat, vel saltem à spiritibus, quos venæ sulphuris, bituminis, aut vitrioli jugiter exhalant. Sed de his jam nimis. Nam quæ perspicua sunt, longa esse non debent. Nunc prolixior de fontium, & thermarum origine, & maris salcedine, atque æstu reciproco disputationem ingrediamur.



CAPUT

## CAPUT SECUNDUM.

De fontium & thermarum origine, Oceani  
æstu, & maris salsetine.

I. Fontium originem ex calore subterraneo potissimum duci. II. De  
qualitatibus, effectis, & examine thermarum, nec non de variis  
aquarum tum simplicium, tum medicatarum differentiis agitur.  
III. De æstu maris reciproco diversæ expenduntur sententiæ, &  
probabiles conjectura adferuntur. IV. De maris salsetine quid  
nobis videatur, brevissimè proponitur.

Theophilus.



ATEOR equidem cum Empedocle ignes multis locis  
terrâ opertos tegi, quibus aquæ præterfluentes inca-  
lescent; atque hinc thermarum originem deduci non  
inficior. Neque enim iis possum accedere, qui aquas  
allusione ad rupes subterraneas, vel vehementi motu  
tantum caloris contrahere; vel istum fervorem à ra-  
diis solaribus proficisci arbitrantur. Radii solares, ut jam subinde di-  
ximus, non eo usque penetrant; neque agitatio ulla intensum calo-  
rem aquæ impertitur: cum in locis subterraneis, teste Agricola, frigi-  
das aquas præcípites ruere experiantur metallarii. Quid igitur re-  
stat, nisi ut ille calor ex igne subterraneo dimanet? Verum, inquirunt,  
nihil necesse est, ignem accensum in terræ penetralibus conclusum,  
fingere; cum satis sit ibi cæcum, & potentialem ignem, qualis in sul-  
phure, & bitumine plurimus inest, agnoscere? nam omnes ferè a-  
quæ tepentes, sulphur, aut bitumen redolent. Sed tamen nec bitu-  
men, nec sulphur, neque alia substantia, si calcem exceperis, poten-  
tiâ solum calida, etiamsi vitriolo, halinitro, aliisque hujusmodi mine-  
ralibus turgescat, aquam trajectam calefacit.

De calore  
subterra-  
neo.

Objection.

Solutio.

*Men.* Age nunc, dic nobis quod illius ignis subterranei jure pa-  
bulum esse possit, unde tantus scaeat sulphuris aut bituminis proven-  
tus, ubi potissimum æterni illi ignes ardent: an ipsi canalibus, & alia ob-  
terræ venis, unà cum aquâ præterlabente continentur? Mirum si a-  
qua eos non possit extinguere. An extrinsecus tantum venas & re-  
ceptacula aquarum calefaciunt? Quid igitur est causæ, cur illos ca-  
nales tandem non disrumpant?

Th.

Resp.

*Th.* Quòd si, ut convenire debet inter nos, calidi fontes, & balnea sulphur aut bitumen plerumque sapiant, atque in locis flammivomis thermæ sint frequentiores; dubitari minimè potest, vel subest, vel circumposito, vel demum concluso igne aquas ferverescere. Nihil horum omnium absurdum erit, quodcunque statuerimus. Nam & bitumen accensum aqua non extinguit; In agro Parmensi thermarum aqua, quòd bitumine & naphtà abundet, ignem ultro ad se rapit, nec facillè extinguitur. Cùm fontes calidi bituminis, vel sulphuris odore imbuuntur, haud dubium est, quin hæc ignis pabula cum aquâ labantur. Quòd si nullum aquæ odorem spirent, per varios anfractus ac mazandros ductæ, extrinsecò duntaxat & circumjecto igne incalescunt; quî quidem calor dlutiùs durat. Nec canales, per quos aqua dilabitur, disrumpit: fors enim est ut eorum materia adversus ignem sit contumaciôr, vel aquæ frigus ignis calorem retundat. Quæris unde tanta sulphuris, aut bituminis copia? Novum fortasse sibi alimentum ignis continenter rapit; aut potiùs novum semper gignitur. Nam & Carbones fossiles; & metalla ipsa post aliquot annorum volumina reparari novimus. Profectò rem ita se habere testantur montes, qui flammam eructant; nec tamdiu ignis perseveraret, nisi novum subinde alimentum ad se traheret. Negant citra ignem adualem (ut loquuntur) aquas ferverescere. Sed calcem aquâ persusam incalescere, fugit neminem. Oleum tartari aquæ stygiæ infusum; butyrum antimonii frigida aspersum, ebulliunt: cur non simile quiddam in thermis possit contingere? Si Cardano credimus, ex sulphure, bitumine, & calce fit quædam mistura, quæ spûto accenditur.

*De fontium originis varie sententia,*

*Simp.* Est ita ut dicis: nec thermarum modò, sed etiam omnium ferè fontium origo, ex illo subterraneo calore ducitur. Quid enim aquam è terræ penetralibus, in illius superficiem, vel in montium cacumina possit attollere, quàm calor subterraneus, de quo tam multa diximus? Non equidem dubito quin fontes, qui ad radices montium scatunt, ex collectis pluviarum, vel nivium aquis per tubulos, & rimas dilabentibus plerumque oriantur, ii maxime quos æstare exsiccati videmus: sed alii sunt innumerabiles, qui & continenter fluunt, atque in montium jugis scatent, quos solus calor illuc evexit. Hinc metallarii ultra fontium capita, nihil quàm terram humidam, vel rupes rore madidas offendent; adeò ut post longos & tortuosos anfractus, aquarum guttulæ sensim colligantur, ut plenior venâ suant. Nihil igitur necesse est ad vim terræ emulgentem, & attracticem confugere; vel cœlestes influxus, cum Connimbricensibus obtendere; vel cum Bodinò aquam maris longè terrâ altiorem fingere, quæ idcirco

ad

ad suæ originis altitudinem contendat: vel cum Valleſio ad ætus maris recurrere. Multò minùs credibile est aquam elidi à terrâ comprimente, ut Scaliger autumat. Quid enim minùs verisimile dici potest, quàm alia vi quâdam occultâ hæc potius quàm alibi aquas attollere? Virtus quoque illa magnetica, & quasi ſuſtoria, ſi quæ ſit, eadem ubique exiſtit. Nec concedimus Bodino, aquam maris eſſe terræ ſuperficie elatiorem; ne dum montium jura æquabit, cum ipſis litoribus ſit humilior. Non clam me eſt, *omnia flumina intrare in mare*, ut clamat Eccleſiaſtes, & *mare non redundare*; ad eum locum, unde exeunt reverti, ut iterum fluant, hocque Spiritus ſancti oraculum principii loco nobis ſtatuendum eſt. An fortè aqua maris in vapores, extenuata colligitur in pluvias, ex quibus omnium fontium origo repetitur? Unde ergo fontes, qui in rupibus, & in ipſis montium jugis continenter fluunt? Nulla eſt pluvia tam inagna, inquit Seneca, quæ terram ultra decem pedes in altitudinem madefaciat: omnis humor intrâ primam cruſtam conſumitur, nec in inferiora deſcendit. Quidam fluvii è ſaxis & rupibus toto anno fluunt, quos pluviz, atque imbres non implent. Quocirca ſi flumina è mari exeunt, neceſſe eſt id per venas ſubterraneas, longo quidem circuitu perſci: ſunt enim duo velut omnium fontium & fluminum capita; Pluviz deorſum delabentes; atque aqua in terrâ penetralibus reſtagnans; quæ in locis etiam ſicciffimis, vel ultra quingentas orgyas occurrit, & vi caloris ſubterranei, per laxiores venas, vaporis ſpecie ſurſum efferitur, & quaſi in alembici capite concreſcit: hinc Jacob benedixit Joſeph, *Benedictionibus cæli deſuper* (propter pluvias, quas opportuno tempore effundit) & *benedictionibus abyſſi jacentis deorſum*. Non igitur ut optimè colligit Seneca, pluvialis aqua vaſtiſſima flumina à fonte ſtatim magnis apta navigiis replet, cum per hiemem æſtatemque par ſit à capite dejectus. Pluvia poteſt facere torrentem, non poteſt autem fluvium æquali inter ſuas ripas tenore labentem. Nec difficile erit ipſum Ariſtotelem in hanc ſententiam trahere: quod enim aëra terræ viſceribus contentum in aquam denſari putat; id fortè non de ipſo aëre, qui tot fontium laticibus non ſufficeret, ſed de vapore intelligi par eſt. Vapores autem vi caloris, quo media telluris regio ſemper æſtuat, ſublati per terræ meatus, facile conſcendunt: cum per ipſum aërem liquidum & ſemper mobilem uſque ad nubes efferantur. Si quidem in terrâ meatus anguſti ſunt, qui ſurſum eluctantes halitus melius ſuſtinent, nec relabi ſiunt. Ubi in ſummâ tellure præ frigore denſantur, fontes aperiunt. Ne illud quidem Ariſtoteſi concedam, aërem in aquam & viciffim aquam in aërem facere. Omnium, inquit

Nn

Sene-



Seneca, elementorum alterni recursus sunt. Quidquid alteri perit, in alterum transit, & natura partes suas velut in ponderibus constitutas examinat, ne portionum æquitate turbata, mundus præponderet. Hæc quidem magnificè dicuntur; sed nego elementa in se invicem commovere, id jam aliàs falsum esse conclusimus. Quânto igitur proclivius est apertos sub terrâ meatus agnoscere, per quos mare tantum reddat, quantum illi fluminum illapso accedit: Ita ut aqua in terræ venis, non aliter ac sanguis in corpore nostro jugiter fluat & refluat; nihil enim deficit quod in se redit. Miramur, inquit Stoicæ Philosophiæ princeps, quod accessionem fluminum maria non sentiant; æquè mirandum est, quod detrimenta exeuntium aqua non sentit. Occulto enim itinere subit terras, & palam venit, secretò revertitur; colaturque in transitu mare, quod per multiplices anfractus terrarum verberatum, amaritudinem ponit.

*Men.* His equidem vehementer assentior, quod rationi, ac principiis nostris consentanea prorsus videantur. Cum enim partes aquæ sint flexiles & lubricæ, non ægrè in vapores explicantur, & subeunt angustissimos terræ meatus. Contrâ salis particulæ rigidæ cum sint & duræ, in altum evehi, vel terræ poros transire non possunt; nam proprio pondere relabuntur. Itaque particulæ, ex quibus aqua constat, vehementius vi caloris motæ, atque ab invicem disjunctæ, usque ad montium juga conscendunt. Unde aquileges, qui aquarum latices scrutantur, ante Solis exortum observant, an tenuis vapor è terrâ assurgat. Cum enim oculis terram radentibus, tremulos vapores, vel nebulam incumbentem conspexerint, ibi fontem delitescere non dubitant. Alia sunt latentis venæ argumenta, quæ Vitruvius perstringit, lana defossa, vel linteam noctu extensum manè factum madidius; ros uberior; tussilago, & aliæ luxuriantes herbæ, quæ loca humidiora amant; maxime si earum viror magis in nigrum colorem degeneret; solum minus firmum ac stabile; vel tenue murmur, quod aure propius admotâ percipitur. De aquarum origine hæcenus. Nunc de fontium miraculis nihil attinet dicere; pleraque enim sunt vanitatis plena.

Novimus quosdam fontes æstu reciproco agitari, quod cum mat-  
*De fontibus medicatis,* ri per occultos meatus communicent. Alii citra ullum ordinem æstu-  
*ant,* ant, ut in Sabaudia nonnulli: quod nunc major, nunc minor vaporum  
*copia* copia fursum evehatur. Interim puteorum aqua, vel fontium salsa  
*inveniuntur,* inveniuntur; sive aqua maris per patentés rimas subeat; nec rigidas  
*salis* salis particulas exuat; seu potius salis mineræ delitescant, quas præ-  
*terfluens* terfluens aqua exsoluit. Hinc omnium fontium, qui medicati vocan-  
*tur,* tur,

tur, una est origo; succis quippe mineralibus aqua præterlabens im-  
buitur. Solent verò aquæ medicatæ vel qualitativis, vel effectis di-  
gnosci. Aluminis, sulphuris, vel lapidis calcaris admistio colore la-  
teo aquas inficit; bitumen subnigras, æs ærugineas præbet: ex ferro  
rubiginem contrahunt, sapor etiam; & odor alieni corporis misti-  
onem præbent. Aluminosæ adstringunt, dentes obtundunt, & conge-  
lant; nitrosæ amarum saporem præ se ferunt. Atramentum sutorium,  
seu vitriolum aquas nigro colore tingit, atque iis saporem acriorem  
communicat. Multis in locis acidæ inveniuntur, ut in Bohemiâ prope  
aquas Carolinas, quæ ebulliunt, nec calent tamen, hinc stultæ &  
furiosæ vocitantur, fors est ut hanc aciditatem ex vitriolo mutu-  
entur. Quamquam Casalspinus existimet æcidulas, quales sunt Aretii,  
ex subtilissimâ bituminis substantiâ hunc saporem trahere; quod in  
alveo lapides inveniuntur bituminosi: nihilominus tamen bitumen  
instar olei aquæ solet innatare. Hinc fontes petrolei ex subtilissimâ  
bituminis portione scaturiunt. Mirum sanè, quod cum eadem ferè sit  
sulphuris & bituminis natura, nunquam tamen sulphur, specie olei  
aquis medicatis superfusum extat. An fortè sulphuri multum inest  
salis volatilis, bitumen verò sale fixo abundat; quare illud in oleum  
non distillatur, sed concrevit in flores. Bituminis verò sal in fundo  
fixum remanet, purissima pars in oleum abit. Hoc etiam discriminis  
inter aquam simplicem & medicatam intercedit, quod illa sit pura, per-  
spicua, levis, subtilis, nullo colore tincta, nullum odorem spiret, nul-  
lum saporem præferat. Contrâ aquæ medicatæ plerumque sunt gra-  
ves, nec omnis saporis expertes, maxime, cum salibus imprægnan-  
tur; multum fœtent, si bitumine, vel sulphure inficiantur: crassiores  
sunt, quæ salium aliqua genera recepere, quàm quæ succos combu-  
stibiles admiserunt; sed hæc plerumque fervent, & theriacarum vel bal-  
neorum nomine insigniuntur. Sæpe evenit, ut aquæ medicatæ non  
sint aquis simplicibus graviore, nec distillatæ ullum exhibeant mi-  
nerale, ex quo virtus earum dimanet; limus aliquando restat distil-  
latione peractâ, sed omnis virtutis experta. Quare probabile est,  
tantas vires non in mineralium corporibus, sed in spiritu volatili  
esse constitutas. Hinc ubi aquæ diutius soli exponuntur, vir-  
tus earum plerumque evanescit. Aquæ omnes ardentes, ut jam dixi-  
mus, ex sulphure, & bitumine prodeunt: nam ignis subterraneus  
quamdiu terræ visceribus intercluditur, flammam non concipit; quod  
flamma perseverare diu non possit, nisi libero fruatur aëre, ut fumos  
expellat, & quod maxime affectat, dilatetur. Sed ubi liberum na-  
tus est aërem, speciem flammæ præbet. Refert Agricola quem-

Cur sul-  
phur in-  
star bitu-  
minis a-  
qui non  
innatet.

De ther-  
iacis.

dam esse lacum in Germaniâ, cujus aqua piscatorum retiâ incendit. Est alius in Thuringiâ, in quem coniectus lapis instar teli ardentis delabitur. Proculdubio bituminosus ignis in istis aquis occultus jacet. Nonnunquam venenata exhalatio aquas inquinat, ut accidit in lacu quodam, cujus idem meminit Agricola, qui septimo quoque anno pisces enecat. Quæ succum lapidificum vehunt, vix ab aquis simplicibus discernuntur, & tamen gravissimis morbos, vel mortem ipsam solent inducere, nam viscerum meatus occludunt, vel calculum ingenerant. Cum autem crustam lapideam corporibus hærentem depo-

*Qui sine  
aqua me-  
dicata ef-  
fectus.*

nant, dignosci facillimè possunt. Ex effectis, verò, aquæ medicatæ plerumque discernuntur. Acetosæ urinam movent, sudores excitant, vermes necant, sanguinis grumos resolvunt, putredini resistunt: hinc febricitantibus præteribuntur. Quæ succis congelatis, vel salsis imbuuntur, eadem serè calefaciunt & exsiccant. Hinc calido, & igneo temperamento nocent, frigidum & humidum juvant. Salsæ alvum tur-

*Salsidula.*

bant, superfluum educunt phlegma, congelatum expellunt sanguinem, maciem inducunt: sed cautio est ne consumptâ pituitâ ventriculum, & intestina exedant, scabiem & pruritus ingenerent. Negare videtur Hippocrates aquam salsam alvum solvere, cum potius adstringat. Utrumque tamen fieri potest, ut salsidula ventriculum abstergant, &

*Aqua ni-  
trofa.*

noxios humores disturbent, quibus expulsi alvus exsiccata, & adstricta remaneat. Extrinsecus adhibita nervos resolutos firmant, scabiem curant, neque hydropicis sunt inutiles. Vapor ipse ebullientis aquæ capitis gravedinem dissipat. Aquæ nitrosæ eadem præstant, sed efficacius, abstergunt magis quàm adstringunt. Hinc alvum solvunt, scabiem sanant, & præ tenuitate suâ urinam promoveant, arenulam extrudunt. Aluminosæ multum adstringunt, & corroborant. Hinc sanguinis sistunt profluvia, vesicæ & renum ulceribus medentur, abortus mulierum inhibent; humidiorum alvum exsiccant, oris ulcera, & gingivarum tumores sanant. Extrinsecus verò, & balnearum loco usur-

*Alumino-  
sa.*

pata exteriora curant ulcera; nervos resolutos confirmant; erumpentem sistunt sanguinem; copiosiorum arcent sudorem: unde illa, qui febri sunt obnoxii, plerumque nocent. Atramentosæ vehementer ad-

*Atramen-  
tosa.*

stringunt, cumque sint acriores, viscera exedunt: tutiores sunt, si extrinsecus usurpentur; nam ulcera maligna & corrosiva sanant. Quæ

*Metallica.*

eris sodinas præterfluunt, iisdem serè virtutibus donantur. Quæ auri pigmento, vel sandarachâ tinguntur, vim acerrimam & maximè stipiticam contrahunt. Quæ ferri mineras alluunt, ventriculum firmant, obstructions lienis, & hepatis recludunt, colicos dolores sedant; arenulas expellunt; exulceratæ vesicæ, & morbo articulari salutare habent.

habentur. Sulphureæ superfluas humiditates exsiccant, ventriculū solvunt; sed balneorum usus tutior existit; nervos enim exsiccatos emollit, dolores mitigat; articulare morbum, scabiem, vitiliginem, *Sulphureæ* seu maculas cuti inpersas curat. Intus potæ, hepatis, ventriculi, & *bitu-* lienis dolores sanant, tumores resolvunt. Balnea ex bituminosis *minosa,* quis parata, nervis frigore penè enectis, vel exsiccatis profunt: sed caput tentant, oculis nocent. Quæ argenti, plumbi, vel stibii fodinas proluunt, minus salubres censentur: nam viscera multo humore complent. Quæ cum hydrargyro miscentur, caput multā pituitā gravant. Nonnulli fontes alumine & sale temperantur, si sal abundet, ventrem conturbant, intestina non exedunt, siquidem alumen salis vires inhibet. Idem estō iudicium de cæteris aquis cum diversis mineralibus permistis. Quamobrem quid in uno fonte medicato dominetur ex effectibus rectè coniecimus. Unum vel alterum exemplū proferamus: quasdam reperiri aquas, quæ vini saporem præferant, multi testantur. Cæsalpinus eas esse bituminosas arbitratur, quòd bitumen spirituosam efficit substantiam, spiritui vini non dissimilem. Fontem esse in Æthiopiā, qui colore vinum rubrum referat, & furiosos efficiat, nonnulli perhibent. Haud dubiè hoc aquarum genus bitumine quodque inficitur: nam illius vapor cerebro est insensissimus. Scribit Plinius Albulæ aquas in agro Romano vulnera sanare, ratio obscura non est, multo alumine & sulphure abundat; hinc color lacteus. Aquæ Ciceronianæ in Campaniā oculis erant salutare, quòd æris mineras præterfluerent. Alias commemorat, quæ sterilitati medebantur, vel insaniam liberabant; utraq; nitrosæ fuere. Quæ partum retinebant, vel cutem vellicabant, cum tamen nervis, stomacho & toti corpori forent salutare, aluminosæ fuerunt; acetosæ erant, quæ quartanam & calculum curabant. Atramentosæ, quæ equos, atque alia animalia atro colore tingebant. Habetis de fontibus medicatis quid sentiam. Perpauca mihi restant de variis aquarum differentiis. Est nonnemo, qui thermarum originem ex sale quodam, quem hermeticum vocitat, deducit; atque aquam hoc sale prægnantem cum sulphure permistam incalescere existimat, idque ex resolutione ejusmodi aquarum se comperisse ait. Fortè hic sal nitrosus est, ut suo loco dicemus. Ignis verò particulæ in sale coercitæ, ubi humore diluuntur, quasi solutæ crumpunt, & unâ secum humorem in vaporem resolutum abripiunt. Ut evenit in lino vel sæno madido, ubi erumpentes ignitæ atomi incalescunt, idem in calce aquâ persusâ, vel in mixturâ tartari cum vitrioli spiritu videre est.

*Varia a-  
quarum  
differe-  
ntia.*

Quo purior est aqua, eo quoque est salubrior; levitate & perspicuitate eam dijudicari jam diximus; eandem quoque citò effervescente, ac pristino frigori restitui palam est: paululum illius aquæ multum vini diluit; nec gelida sit, nec tepida: hæc enim ut plurimum est medicata, non simplex; vel sanè quiddam ab ignis violentiâ passa est. Gelidior verò gravis est, cruditate suâ officit, status generat; diutius quàm par sit, moratur in visceribus; ibi putrescit atque morbos innumerabiles procreat. Postremò, non commodum est alimenti vehiculum, nec facile egeritur: quare illius cruditas est coctione minuenda. Ex axis & montium verticibus plerumque frigidiores manant, lutulentæ verò & cænosæ aquæ, quibus terra vel arena mollior subternitur, viscera obstruunt, febres intermittentes procreant, nam humores ventilatione prohibita brevi putrescunt. Quocirca hujusmodi aquæ crebrò ex uno vase in alterum sunt transferendæ, ut crassiores deponant limum. Merito laudat Hippocrates eos fontes, qui Orientem spectant; crudiores sunt, qui ad Septentrionem obvertuntur. Aqua pluvialis, cum levis sit & perspicua, atque ipsius naturæ artificio jam distillata, omnibus videtur anteponenda: nisi fortè terrenis exhalationibus inquinetur. Hinc cisternarum aquæ nisi cessarent, optimè judicaretur. Paludes & lacus aquam præbent minimè salutarem; nam partes subtiliores Sol evellit, crassiores remanent. Hinc viscera obstruunt, & morborum iliades procreant. Cum secur, vel emulgentes venas occludunt, hydropem; ubi venas, quæ alimentum perferunt, maciem inducunt. Si lienem indurant; adeò ut atram bilem non valeat amplius attrahere, quot morbi inde succrescunt? hinc quartanæ & aliæ febres oriuntur: hinc mania, ubi atra bilis sublata cerebrum petit; quæ eùm ad ima delabitur, hæmorrhoides suâ acrimoniâ, & varices, seu tumentes venas suâ impuritate efficit. Aqua fontana, quæ liberiore fruitur cælo, longè salubrior est, quàm putealis; istam enim nunquam aura liberior verberat. Hæc tamen eo minus nocet, quo sæpius extrahitur: aqua enim hoc pejor, quo se-  
gnior.

*De aqua-  
rum exa-  
mine.*

Jam non explico quibus artibus aquæ explorentur. Saxorum aut vcnarum inspicienda natura est; quid in fundo castellorum subsidat, quid concreseat in fistulis considerandum: leni calore sunt excoquendæ: vel potius æstivo Soli exponendæ: Sol quippe quicquid salis, vel nitri, vel aluminis inest, condensat; quod sulphureum later, illustrius reddit. Nec faciliè per distillationem mistio deprehenditur; tenuis enim substantia unà cum humore aqueo evolat: sed eùm radiis solaribus exsiccat aqua, tum partes tenuiores vario colore se-  
pro-

produunt; crassiores verò ignis subjiciuntur examini: quod enim aquæ deponunt, certam missionem indicat. Verum hæc prætereo, ne in re notâ & pervulgatâ multus, & insolens sim. Sed neque id suscepi, ut omnium, quæ circa fontium & fluminum naturas observantur, rationes aperiam. Quis enim explicare possit, cur flumen illud Syriæ, cujus meminit Josephus, septimo quoque die cessaret; unde & Sabbaticum à Judæis dictum fuit? Cur fontes quidam senis horis pleni, senisque sicci appareant? Hunc quidem nodum solvit Seneca more suo, hoc est, gravissimis sententiis, & verbis illustribus. Quemadmodum, inquit, quartana ad horam venit; quemadmodum podagra ad tempus respondet; quemadmodum præsto est ad mensem suum pectus: sic aquæ intervalla habent, quibus se retrahant, & quibus redeant. Et quid hoc mirum est, cum videas ordinem rerum, & naturam per constituta procedere? Hiems nunquam aberravit; æstas suo tempore incaluit. Sunt & sub terra minùs nota nobis jura naturæ, sed non minùs certa. Crede infra, quicquid vides supra.

*Men.* Fateor equidem hæc omnia dicta esse præclare, ac licet eandem omnibus ferè naturæ miraculis causam reddere. Nam ut de æstu maris reciproco, qui omnium Philosophorum mentes adeo exercet, dicere incipiam; nonne eodem pene modo bis de die intumescit mare, ac videmus febres per certa intervalla recurrere. Quæcunque sit illa causa, tum febris, tum æstus maris; utriusque certè similes sunt paroxysmi, sive ex accenso fomite, seu ex fermentatione quâdam oriantur. Omnis enim fermentatio spiritu & sale perficitur. Jam alio loco, optime Simplici, exundationem Nilî ex hac causâ duxisti, secutus illustris Archiatri sententiam. Quid igitur, eidem causæ similem effectum non reddemus? Egyptii ex limi nitrosi pondere quantâ futura sit Nilî inundatio prælagunt. Quantum verò crevit Nilus, tantum spei in annum est (ut loquitur Stoicus noster,) Is arenoso & sitienti solo, & aquam inducit, & terram: illato enim limo crenas saturat, ac jungit. Nusquam alibi uberior nitri copia reperitur; nec quicquam feracius est nitro, in quo, ut placet chymicis, spiritus terræ vitalis delitescit. Verum de Nilî incremento nihil pugno: atque ultro communi sententiæ accedo, Nilum circa 27. Junii intumescere ex nivibus, quas Sol in Atlantis jugis liquefecit, ubi ad principium Cancri pervenit. Sic fluvius Niger, qui inter æquatorem & tropicum Cancri sese in Oceanum exonerat, iisdem de causis, atque eodem tempore exundat. Accedunt etiam imbres, qui circa Nilî fontes, prope Lunæ montem, ultra tropicum Capricorni copiosissimi decidunt, cum Sol in Ariete, Tauro & Geminis commoratur: neque



sillæ ex imbribus aquæ, quas Nilus volvit, tanta locorum spatia, emetiri queunt, nisi post longa temporum intervalla. Nam duo lacus, ex quibus originem suam Nilus ducit, quos vocant Zatham, & Zemraw, ab ostiis ejus fluminis fere 4000. miliaribus distant; ex altitudine vero incrementi, futura terræ fecunditas portenditur, quod multum limi, & niri longo decursu secum trahat. Si ultra 20. pedes non asurgat, argumentum erit magnæ sterilitatis: quod si ad 22. aut 23. pervenerit, non mediocris futura est fertilitas: sed si usque ad 24. intumescat, futuram pestem conjiciunt, quod restagnans aqua corruptat aërem. Quadraginta diebus crescit, totidemque decrescit: sed nimis secus evado.

*De æstu  
maris re-  
ciproco di-  
versa opi-  
nionæ.  
1. opinio.*

2.

*Refellun-  
tur,*

quâdam fermentatione oriri mihi persuadeo: sed unde illud fermentum? an quod accessu Lunæ multo spiritu mare turgescat, quo consumpto detumescit? Ille verò spiritus excitatur, cum Luna circum eum meridianum attingit, ubi directis radiis mare verberat. An potius ad subterraneos ignes iterum confugiemus: adeo ut bitumen accensum, ut salfedinem, sic motum mari imprimat? Verum æstus maris constantiores causas exigit, nec suspendi potest à spiritu, vel incendio, quorum causæ adeo sunt instabiles & lubricæ. Qui fieri potest ut terrestris halitus tantas aquarum moles attollat? nec vapores sub aquâ evehantur, sine magno navium discrimine. Quid ergo futurum; cum pleno agmine totum mare exagitant; quantum incendium requiritur, ut Oceanus exæstuet? an forte rarefcit mare, cum tumet? Non poterit ergo naves onerarias sustinere; vel certe multo altius quam antè deprimentur. Quis concipiat tantam spirituum copiam, tam citò consumi? quid aquas poterit rarefacere, nisi calor? Quanto igitur maior æstus futurus est in zonâ torridâ, quam in utraq; temperatâ? atqui nullus fere percipitur sub æquatore: quin etiam Sol potius quam Luna æstuum causa existet: nam illius calor longè est maximus, si cum lunari conferatur. Postremo, cur mare Caspium, cur Mediterraneum fluxus & refluxus nesciunt? an desunt spiritus motores? an Luna iis non dominatur? Circumscriptis ergo his sententiis, quid verisimile asserri queat, paulò attentius intueamur. Ac primum illud longè verisimum mihi videtur, Lunam æstus maris temperare: nam simul atque Luna horizontem attingit, paulatim intumescit mare: cum illa ad meridianum pervenit, tum Oceanus incipit refluxere: donec Lunâ ad occasum vergente, iterum fluat; tandem ubi ad Meridianum Antichthonum descenderit, tum aquas retrahit; ac singulis diebus æstus; ut Luna 48. minuta, seu 4. unius horæ tardius recurrit. Mirum si æstus reciprocus cum lunari motu adeo sit colliga-

tus,



tus, & confertus, nec tamen ab illo, ut effectus à causâ dependeat. Cum videmus umbras ad motum Solis loca commutare, illas à Sole projici non dubitamus. Cum igitur fluxus maris Lunæ motum tam religiosè consequatur, quo jure illius effectum esse negabimus? Verum non facilè occurrit, quâ ratione, quove modo Luna motus maritimos possit moderari. An mare vi quadam magneticâ à corpore lunari attollitur? at quantò fortius intumescet inter tropicos, quàm propè utrumque polum; nam illic Luna radiis directis, & confertis, mare percutit; quare longè altius aquas attollet, nec patietur ut versus mundi cardines refluant. Sed tamen contrarium experimur: maximi enim sunt æstus propè polos, minimi inter utrumque tropicum contingunt. Fors est ut ex Lunæ maculis effluvium quoddam corpusculorum in mare defluat, idque ab ortu in occasum protrudat; hoc quidem in principio tardiùs ascendet, quòd extrario motui magis resistat, sed sensim aucto impetu, motus quoque maris intenditur; donec præ majori resistentiâ tandem languescat, ac per declive mare refluat. Itaque in pleniluniis majores futuri sunt æstus, quòd facies Lunæ teluri obversa, atque à Sole collustrata majorem humoris copiam affundat. In quadraturis verò æstus erunt minimi, quòd valdè oblique Sol Lunam, ac Luna terram aspiciat; perparum adeò humoris à Luna in mare defluit. Sed cur majores æstus in noviluniis, quàm cum Luna dimidio orbe luceat? an quòd intersunio Sol Lunæ proximus humorem resolvat uberiores. Hinc sub æquinoctiâ æstus in pleniluniis, & noviluniis sunt maximi, quòd tum Sol, tum Luna in æquatore versentur; atque adeò Sol fortius agit in hemisphærium Lunæ nobis obversum. Sed cur senis horis mare fluit, atque eodem spatio refluit, constanti & indefatigabili lege? quæ vis in istis corpusculis esse potest, quâ Oceani, non Mediterranei maris aquas attollant? an quòd latius pateat Oceanus, & latior aqua faciliùs agitur; sic pondus quò longiori funi appenditur, eo plures & majores edit vibrationes. Hæc quidem subtiliter dicuntur ab amico nostro, ac mare esse veluti inversum funependulum ingeniosè fingit. Quare ob minorem aquæ latitudinem, tum in lacubus, tum in mari interno, nullus ferè æstus contingit. Siquidem aqua faciliùs in lubrico fluit, & quo latius patet, & profundior existit, eo magis agitur. Hinc circa brumale solstitium majores in iis regionibus sunt æstus maritimi, quòd aquæ sunt uberiores. Non possum tamen animum inducere, ut existimem, tam certum & constantem effectum à causâ adeò infirmâ & stabili prodire. Nescio quid illud tenue, quòd sentiri nullo modo, intelligi autem vix potest, ex infinito propè intervallo à corpore lunari profuens,

fluens, tam validè, tam æquabili motu totum Oceanum ciere non potest.

Revertar igitur eò, unde sum progressus, nihil enim probabilius dici posse arbitror, quàm Oceanum præ spiritu nitroso intumescere: non quidem per rarefactionem: nihilo enim rarior fit aqua: sed per motum localem, novarum aquarum accessu. Spiritus verò ille à corpore lunari excitatur: unde citiùs medium mare, quàm extrema, intumescit. Uno tamen atque eodem tempore ejusdem Oceani diversa litora, quorum unum ad ortum, alterum ad occasum dirigitur, allabente æstu proluuntur. Quapropter ut motus omnis animalium à spiritu proficiscitur; sic verisimile est totum Oceanum à spiritu nitroso, quem in se recondit, agitari. Cum partes universi inter se connexæ sint & colligatæ, nihil mirum si Luna, quæ in res humidas vim suam potissimum exercet, illos spiritus stimulet, atque æstus maritimos gubernet. Siquidem inferiora à superioribus reguntur. Jam verò quid causæ est cur stagna, fluvii, lacus, internum ipsum mare non fluant ac refluant? An quòd angustioribus alveis coërcentur? an potiùs spiritibus motoribus destituuntur? hinc mare Balthicum minores æstus agitant, quòd magnorum fluminum appulsu illius falsedo retundatur, ac minorem habeat spirituum copiam. Nec omnis humor, sed spirituosus duntaxat, & turgidus Lunæ accessum sentit, quòd majorem cum Lunâ cognitionem habeat, Ostrea quippe & conchilia, ossium & arborum medullæ in pleniluniis turgescunt. Imò ostrea si longissimis terrarum spatiis à mari absint, fluxu Oceani accedente valvas aperiunt. Quid nisi vis quædam occulta Lunæ hæc admonet, ut hiatus valvarum aquam vitalem hauriant? quidni & Luna mare sollicitabit, atque reciproco æstu commovebit? non aliter ac magnes vasi suppositus, ferriamenta eidem vasi imposita huc atque illuc movet.

Engr. l. 6.

*Exultare etiam Samothracia ferrea vidi,  
Etamenta simul ferri furere intus ahenuis  
In scaphiis, lapis hic magnes cum subditus esset.*

Hæc, ni fallor, est de fluxu & refluxu maris, eruditissimi Fromondii sententia; alii quòd, ut falsedinem, sic æstum bitumini; ego nitro potiùs, quod naturæ stibellum à Chymicis vocitatur, ac totum spirituosum existit, tribuendum esse putem.

4. opinio  
refutatur.

*Mens.* Jam tua, vide, ne desideretur constantia, Negabas modò aquam maris per æstum rarefcere: quid igitur opus est illo spiritu, quo turgeat? quid causæ est, cur inter tropicos minores sint æstus, quàm versus utrumque mundi cardinem; huc denique omnia redeunt in-

com-

commoda, quibus aliorum opiniones mox premebas. Et quod caput est, cur senis horis fluit mare, atque eodem tempore relabitur? cur Luna sub horizonte depressa non minus attollit mare, quam cum vertici nostro imminet? an rursus ad magnetem vasi suppositum, tanquam ad ignorantiae azylum te referes? mirum si vis Lunæ magnetica globum telluris penetrat. Expecto ut cum Fromondo novum astrum quod Antisilenem, seu Antilunam vocat, quodque oppositum semper Lunæ locum occupet, nobis fabrices. Illud quidem sidus sub visum non eadit, sed ex effectibus colligi posse putat: non enim liquet cur Lunâ sub horizonte depressâ, mare exæstuet, nisi virtute alterius Lunæ iisdem viribus imbutæ attollatur. Hoc scilicet optare est, & svavissimè nugari. Hue atque illuc te verſes, mi Theophile, nunquam veram huic effectui causam reddes, quousque terram moveri fatearis. Neque enim aqua naturaliter fluit, nisi per declivia: nec moveri potest, nisi vase, in quo continetur agitato. Id certè præter cæteros perpulcrè Galilæus exposuit. Quod si terra uno & æquabili motu ab occasu in ortum tenderet, aqua quæ huic motui non adeo religioſè obsequitur, in occasum semper reflueret. Unde qui sub zonâ torridâ navigant, longè celerius ab Africâ in Americam, seu ab ortu in occasum, quàm è contrâ ab Americâ in Africam promoventur. Verùm terra duplici motu annuo & diurno circumagitur: cum igitur ambo illi motus in easdem conspirant partes, necesse est, ut motus ex utroque compositus sit multò celerior: idque semel in die usuvenit; semel item contrarium accidit, atque ambo telluris motus in oppositas partes nituntur: ex duplici illâ inæqualitate Oceanus quasi concussus & agitato bis de die fluit, refluitque. Jam quis nobis explicet omnia æstus reciproci phænomena: cur circa polos longè sit maximus, sub æquatore vix possit percipi? An fortè idem evenit, quod in vase agitato: nam aqua circa vasis margines altius subsultat, quàm in medio? sic maris Mediterranei elationes majores sunt Venetiis quàm Anconæ. Sed cur ipsum mare Mediterraneum non uti Oceanus fluit, ac refluit? An quod fretum Gaditanum angustius sit, quàm ut tantam aquæ copiam ab Oceano profluentem possit excipere, illique vicissim reddere? Quid demùm est cur æstus maris ad Lunæ motum alligetur? quare in pleniluniis & interluniis existit maximus? cur bis unoquoque die mare æstuat? hæc atque alia id genus innumera Galilæus non expedit: sed Cartesiani hanc mentibus nostris offusam caliginem discutunt, Terra & Luna in eodem quasi vortice, vel cælo continentur, quod spatio menstruo Luna conficit. Cum igitur ad meridianum circulum Luna pervenit, tum æther in-

*s. Sensen-  
tia ex tel-  
luris motu  
astrum ma-  
ris deducit.*

terjacens inter duorum corporum, terræ nimirum & Lunæ angustias, fuit vehementius; cumque omnia corporibus sint plena, neque ul- lum inane admittat natura; necesse est ut globus telluris de loco suo dimoveatur, atque in oppositam partem aliquantulum cedit: quod sine ullo negotio perficitur, cum sit in æquilibrio constitutus, atque in medio aëre pensilis, instar funependuli, quod minimo momento huc atque illuc impellitur. Quare æther interfusus inter illas angustias rapidius agitur, & subjectum aëra, necnon mare ipsum vehementius premit, idque versus litora attollit. Jam ubi præ terræ motu diuino longius à nobis abscedit Luna, tumque aër ex iis angustis expeditus, maria non amplius premit, aquæ ultrò relabuntur. Bis unoquoque die æstus recurrit, quod idem terræ punctum motu diurno ad illas cœli angustias bis de die revertatur; primum, cum id Lunæ obvertitur; deinde quando ad locum Lunæ oppositum per- venit; quocirca senis hōris mare fluit; senis itidem recedit, atque omni- bus sub eodem Meridiano constitutis, eodem prorsus momento æstus contingit. Hic porro singulis diebus, unā serè horā tardiùs recurrit, quod Luna vigesimam sermè octavam sui orbis partem dictum pera- gret; unde &  $\frac{1}{2}$  unius horæ tardiùs ad Meridianum accedit. Cum au- tem lunare cœlum non circularem obtineat figuram, sed ellipticam, vel ovali proximam: ita ut partes Soli obversæ sint angustiores & circa latera laxiores: non mirum, si æstus marini majores sint in ple- niluniis, vel interluniis, quàm in quadratis aspectibus. Siquidem illi majores angustia majorem quoque aëris pressionem, & maris agitatio- nem efficiunt. Hic contra cum partes cœli sint latiores, corporis lunaris interjectu, minùs aër comprimitur. Sed cur stagna & lacus, mare Internum, Caspium, Pontus, non æstuent? id verò accidit, quod lacuum superficies sint angustiores, nec corporis lunaris objectu pars una magis, quàm altera prematur: neque etiā aquæ ab Oceano per fretum Gaditanum exundantes Mediterraneum mare replere possunt. His ita constitutis aliò si vobis videtur pergamus.

*Refellitur  
ultima  
opinio.*


*Simp.* Nondum confecta res est, neque ad exitum perducta quæ- stio. Nam videris ea sumere, quæ non concedantur, aut ea, quæ etiā concessa, nihil te adjuvant. Profectò telluris motum jam hesternā disputatione profligatum puto? sed neque ex illā terræ vertigine æstus maris reciprocus concludi potest; Idque unicā demonstratio- ne evincam. Aqua vase contenta cum ipso vase unā movetur, nisi fortè vel motus vasis repenti sistatur, vel subito acceleretur; hocque principii loco supponitis. Sed motus terræ est æquabilis: ergo nihil est causæ cur mare singulis diebus bis fluat & recurrat. Audio equi- dem

dem Galilæum, qui magnopere contendit, terram duplici motu diurno, & annuo cieri, qui quidem motus cum in easdem conspirant partes, velociorem; cum in oppositas partes nituntur, motum ex utroque compositum reddunt tardiolem. Optime quidem. Verum in iisdem prorsus punctis, atque eadem penitus hora æstus maris recurrere oportet, cum certa sint & fixa loca, in quibus telluris motus velocior contingit, vel tardior. Neque à Lunæ motu æstus reciproci suspenduntur: non enim Luna terræ motum vel accelerat, vel remoratur. At Cartesius Galilæo quasi in subsidium venit: placet illi interjectum aëra à corpore lunari comprimi; Oceanum verò ab aëre attolli existimat. Sed cur ab ipso Sole, atque aliis sideribus maria non utique premuntur? Cum in eodem hæmisphærio totus simul Oceanus exæstuet, profectò motus ille à corporis lunaris compressione non proficiscitur. An fortè Luna simul tam vastam aëris molem sic urget, ut subjecta maria attoliat?

Non equidem inficior, æstum maris vix explicari posse citra aliquem telluris motum; non enim aqua naturaliter fluit, nisi vas, in quo continetur, huc atque illuc agitur; neque hunc motum efficit Luna; quo enim modo, quibus machinis illum perficiat? an fortè ad vim magneticam, & occultam, tanquam ad ignorantie aram confugiemus? Cur Luna sub horizonte delitescens mare attollit? quare æstuum periodus 15. diebus absolvitur: neque ut vulgò credunt, æstus in pleniluniis, vel interluniis sunt maximi, sed die tertio à novilunio maximi contingunt, qui usque ad decimum cum semisse diem, sensim minuantur; hinc usque ad 18. crescunt; ac rursus usque ad 25. cum semisse detumescunt: hinc demum usque ad tertium proximæ Lunæ augentur. Non igitur æstuum periodus cum revolutione Lunæ consentit: cum hæc diebus 29. vel circiter; illa 15. ad summum diebus perficiatur. Quocirca, cum rem omnem ad ipsius rationis trutinam exigo, multum in Cæsaris Arconsii opinionem propendeo, æstum maris à motu quodam insensibili terrestris globi proficisci. Motus quippe Oceani, si quis alius, est maxime naturalis, cum sit constans, & æquabilis: aqua verò naturaliter non fluit nisi per declivia. Necesse igitur est ut terra sursumve deorsumve moveatur, ut aqua fluere ac relabi possit. Id verò luculentius est explicandum.

Sit mundi centrum A, in quo medium terræ constituamus. Globus ex terrâ & aquâ compactus erit circulus GHG, quod si terræ centrum ibi prorsus staret immobile, nihil foret causæ, cur Oceanus GHG, qui terram cingit, moveretur: cum delabi non possit, nisi ut medium mundi viciniùs petat. Centrum itaque terræ hinc inde fertur

*Probabilis  
de æstu re-  
ciprocò  
conjectu-  
ra.*



In L, vel R, seu à Septentrione in Austrum & vicissim. Cùm fuerit in puncto L constitutum, circulus G M G, seu telluris globus partes quasdam altiores, vel à centro mundi remotiores; alias quoque depressiores obtinebit. Igitur aqua, quæ decliviora quærit, per G & I in punctum M delabatur; & vicissim, ubi terræ centrum punctum R occupabit, aqua refluet à puncto S per G & I, in T: centro terræ in L existente, altitudo maris in his regionibus minuetur longitudine H N, & tantundem in altero hemisphærio intumescit, nimirum rectâ S F. Mirum sanè quàm pulchrè hæc hypothesi cum experientiâ ipsâ consentiat.

*Æstus marini phenomena.*

- Primum enim, longo observationum usu compertum est eadem prorsus horâ, in eodem hemisphærio aquam maris intumescere. Centro quippe telluris ad R translato, aquæ in nostro hemisphærio attolluntur, ac simul ultra æquatorem minuuntur. 2. Æstus sunt maximi circa utrumque polum. Sic maximus æstus erit N H, cum A N sit omnium rectarum maxima, ut A M minima. 3. Propè æquatorem

GI

G I nullus ferè æstus contingit. Quocunque enim terræ centrum, transferatur, puncta G & I à medio mundi A æquis distant interval-  
lis. Unde mare ibi nunquam altius attollitur, vel humiliter deprimi-  
tur; nullus adeò ibi fluxus aut refluxus. Imò eadem proportionē  
æstus minuuntur, quo æquatori loca sunt viciniora. Unde ad Garum-  
næ ostium ubi polus 45. gradibus elevatur, æstus maximus OP est se-  
rè tertiâ parte minor, quàm sub utroque polo. Cùmque OP sit ferè  
20. pedum, necesse est lineam NH esse circiter 30. pedum. Adeò ut  
non ampliùs quàm 30. pedibus centrum terræ à puncto A, hinc at-  
que inde, sursum vel deorsum libretur. Hæc verò libratio 12. horis  
absolvitur. Nam senis horis ab L in R, (tùmque æstus contingit) se-  
nis itidem horis ab R in L redit, & tum aqua relabitur. Nec mi-  
hi illud est miraculo, terram à Septentrione in Austrum librari; cùm  
hoc habeat cum omnibus sideribus commune, quæ hoc celerius suas  
librationes perficiunt, quo terræ sunt propiora. Nam minùs spatii ha-  
bent decurrendum. Cùm verò senis horis æstus omnes conficiantur:  
eodem prorsus tempore recurrerent, nisi terræ centrum 12. minutis  
in unoquoque suæ librationis termino commoraretur: idque unoquo-  
que die quater contingit: unde æstus 48. minutis singulis diebus tar-  
diùs recurrit. Tantundem Luna motu diurno impendit &  $\frac{1}{3}$  unius  
horæ seriùs ad meridianum regreditur. Hinc falsò credidere æstum  
maris reciprocum à motu Lunæ proficisci: cùm tamen utriusque pe-  
riodi omninò sint diversæ. Nam, ut jam monuimus, aquæ vivæ, seu  
æstum incrementa circa decimum Lunæ diem usque ad decimum  
octavum contingunt: ita ut singulis diebus in elevatione poli 45.  
graduum, digitis ferè sexdecim, ac versus polum duobus pedibus au-  
gcantur. Hinc usque ad 25. diem Lunæ, eadem proportionē decre-  
scunt, tum aquæ mortuæ vocitantur. Nec difficile est in litoribus, quæ  
alluit Oceanus, ad quam æstus quisque perveniat, altitudinem obser-  
vare. Quocirca æstum revolutio 15. ad summum diebus perficitur,  
eâque confectâ, centrum terræ 12. unius horæ minutis in medio mun-  
di A conquiescit, priusquam novam ineat periodum. Quo quidem  
tempore totus Oceanus in æquas distribuitur partes, non aliter, ac  
si terra omnino quiesceret: quemadmodum bis unoquoque anno  
dies æquantur noctibus, cùm sol æquinoctialem circulum assequi-  
tur. Ut finiam, centrum terræ à medio mundi progressum 7. diebus  
cum semisse versus Austrum attollitur, tum aquæ Oceani in nostras  
regiones confluunt, & æstus sensim augentur: sed sub initium hujus  
periodi, ac primis subinde diebus centrum terræ non longè à centro  
mundi excurrit: primo die duobus duntaxat pedibus ab eo discedit;  
eâdem



eâdem proportione crescunt æstus, quousque expletis 7. diebus cum semisse centrum terræ 15. revolutiones versus Austrum, 14. versus Septentrionem perficiat. Tumque aquæ vivæ dicuntur. Has excipiunt aquæ mortuæ eodem temporis intervallo decrecentes, nempe septem diebus cum semisse, quibus centrum terræ 15. in Boream, 14. in Austrum periodos absolvit. Sic motus ille librationis paulatim senescit, ac minimus tandem evadit. Hæc vera sint an falsa nihil puto, sunt certe verisimillima.

*Men.* Hic quoque tuam constantiam desidero, jam enim non semel nos monuisti, corpora gravia non in mundi ipsius, sed in terræ centrum niti. Nam quocunque telluris globus transferatur, illius medium gravia petent. Quemadmodum pars à corpore lunari revulsa, non mundi, sed Lunæ centrum affectaret. Quod si ita sit, frustra terram fictitio librationis motu exagitas, ut aquæ quasi suspensæ, proprio pondere dilabantur. Illud etiam admiror, hunc terræ motum esse naturalem, non ascititium, nec tamen esse continuum, cum in reflexionis puncto terra immota consistat, quasi exhaustas vires restauret. An cœlestes motus unquam cessant? Quæ causa novum impetum telluri imprimit, cum 12. minorum spatio conquievit?

*Simp.* Quasi tabellis obignatis tecum agis, & quid aliquando dixerim mihi ipsi opponis. Nos, ut scitè Tullius, in diem vivimus, & quodcunque nostros animos probabilitate percussit, id dicimus. Verumtamen nondum mihi satis liquet, an gravia in mundi, vel terræ centrum propendeant. In eam sententiam magis inclinabam, corpora terrestria telluris, non mundi centrum affectare. Verùm æstus maris reciprocus in contrarium me retrahit. Vellem equidem terram hinc atque inde, à Septentrione in Austrum librari, nec de loco tamen suo commoveri; vel solum Oceanum ab intelligentiâ quâdam agitari fatendum est. Vetus est opinio terram sursum ac deorsum extra mundi centrum attolli, ac deprimi. Nec satis validis rationibus hæc sententia à Fromondo impugnatur. Negat ullam rationem reddi posse, cur fluxus & refluxus maris sint inæquales. Sed causam huic effectui jam reddidimus, nempe æstus esse majores, quo terræ centrum longius à mundi centro discedit. Sed cur hic motus cum Lunæ motu adeo confertus existit? Quod si fortè eadem causa omnes naturæ motus æquabiles temperet. Quicquid sit, hæc hypothesis cum experientiâ adeo convenit, ut quicquam probabilius afferri posse planè desperem.

*Men.* Vis igitur amici tui sententiam collato pede tueri.

*Simp.* Quidni ego velim?

*Men.*

*Men.* Ad resistendum igitur te compara, Totum Oceanum simul & eodem tempore à Septentrione in Austrum, ac vicissim, moveri putas. Id verò falsum est: nam & mare Indicum, & alia bene multa, ab ortu in occasum cidentur. Imò eodem æstu, idem mare prope Orçades à Septentrione in Austrum, & juxta Caletum ab Austro in Septentrionem nititur: in medio autem inter utrumque extremum spatio, vix æstus percipitur. Sic mare Britannicum non eodem tempore intumescit: sed longè citius in confiniis Normaniæ & Armoricæ, quàm versus Belgium recurrit. Addis quoque, vix ad 20. pedum altitudinem Oceanum intumescere: contrarium experientia demonstrat. Nam, juxta sancti Michaelis sanum, usque ad 60. pedum altitudinem æstus assurgunt; hæc sanè cum vestris principiis non coherent. Libet etiam inquirere, cur mare Rubrum, Mediterraneum, vel ipsa flumina, hunc librationis motum non sentiant? Fatearis ergo necesse est vel nullam hæcenus æstus reciproci causam allatam fuisse; vel si quæ sit, aliam esse non posse, quàm eam, quæ à Galilæo & Cartesio tam dilucidè exposita, omnium ferè Doctorem consensu recepta est.

*Simp.* Necdum de hac opinione, quæ tibi adeò absurda videtur, conclamatum est. Quæque objicis, dilui facillimè possunt. Atque ut præpostero ordine respondeam, fluvii instar Oceani æstus non recipiunt, quòd prono & declivi alveo fluant, atque in ipsâ origine multò sint altiores, quàm cum in mare delabuntur. Quòd si ingens aliquis fluvius foret ab uno in alterum polum porrectus, fortè instar Oceani æstaret. At nullus tam latè fusus invenitur, omnes si unum vel alterum exceperis, eodem hemisphærio continentur: quocirca, etiamsi per deversa non fluerent, vix sentirent terræ librationem. Hinc enim, ut ad aliam objectionem veniamus, Mediterraneum mare æstus suos, ut Oceanus non recipiat. Nam si pars illius citra, pars altera ultra æquinoctialem lineam excurreret, nonnullos æstus, licet minùs perceptibiles obtineret: nam parte Australi sursum sublata, aquæ in Boream confluerent, & vicissim. Sed res non ita se habet, ac totum illud mare, quod Mediterraneum vocant, cum terra in Austrum attolitur, simul intumescit; illius verò elationes eo sunt majores, quo longius ab æquatore mare discedit. Sic mare Rubrum vix ullos sensibiles æstus obtinet; est enim illius eadem planè, quæ interioris maris ratio. Sed, inquis, Oceanus huic sinui finitimus, ab ortu in occasum, non à Septentrione in Austrum ceditur. Ratio obscura non est: Oceanus ad litorum, quibus circumscribitur, situs sese accommodat; idem enim hic usuvenit, quod in fluminis exundatione. Licet tibi mente concipere Rhodanum undas suas à Boreâ in Meridiem vol-

vere: sed ubi exundat, ab ortu in occasum diffunditur. Sic Oceani motus ab uno in alterum polum dirigitur, sed in sinus etiam & freta exundat; unde accedit ut eodem tempore æstus maris in diversis locis non recurat. Hinc citius ad sancti Maclovii, vel divi Michaelis fanum, quam ad Caleti portum pervenit, quod Caletum magis sit in recessu, & longius ab ipso velut Oceani alveo dissideat. Cum autem mare Britannicum, & Germanicum efficiant duos sinus in eodem velut angulo prope Caletum concurrentes: nihil mirum, si Oceanus per oppositas ferè partes, in utrumque hunc sinum illabens, contrariis motibus ferri videatur, & in medio intervallo immotus ferè appareat; in diversas enim partes distrahitur. Ne illud quidem est miraculo, Oceanum ubique eodem tempore non æstulare, vel in eodem sinu; non potest enim, cum exundat, & quasi ad latera effunditur, in momento temporis ex. gr. 400. & amplius milliaria percurrere, sic ipsa flumina non uno eodemque tempore æstus complet. Sed quid est cur in fluviis majus tempus insumat æstus, quam ipse refluxus? Unum duntaxat proponam exemplum, quo res fiat illustrior. Garumnæ æstus usque ad 120. penè milliaria diffunditur; tantum spatii emittitur horis 18. non amplius verò quam 12. horas in ipso refluxu impendit. Idque ad calculum exigere facile est. Siquidem circa novilunium, æstus tertiâ horâ à media nocte incipiat; senis horis ad quinquagesimum milliare perveniet; nimirum horâ nonâ ante meridiem. Hinc rursus senis horis perveniet Burdegalam; atque adeò ibi tertiâ de meridie horâ naves gyraunt, ac puppes obvertent, quod est argumentum æstus adventantis. Tandem ad sancti Macarii, horâ sermè nonâ jam languidior advenit; neque ibi moratur, sed eum statim refluxus excipit, quem idcirco senis horis minus, quam æstum durare necesse est. Nec mirum si aquæ proprio pondere celerius in mare delabantur, quam à mari in flumina excurrant; ibi enim descendunt, hic videntur ascendere: est quippe mare ipso flumine depressius: quanto longius aquæ propelluntur, tanto ægrius procedunt, cum fluminis alveum hoc altiores offendant, quo suæ origini propiorem. Nam eò usque æstus progreditur, donec Oceani & fluminis aquæ veluti in æquilibrio constituantur. Multum quoque momenti affert situs, vel positio fluminis. Siquidem Garumna rectâ ferè in mare properat, non item Sequana; serpit enim hic fluvijs multiplex flexu, Hinc maris æstus multò longius in Garumnâ, quam in Sequanâ excurrit. Mirantur eodem tempore æstum in Oceano, & in Garumnâ prope Burdegalam contingere. Ratio in proclivi est; nam si interlunio æstus ad Garumnæ ostium, tertiâ post mediam noctem horâ incipiat,

piat, idem post duodecim horas Burdegalam perveniet; tertiâ nimirum de meridie horâ, quo tempore æstus in Oceano iterum redibit. Itaque eodem tempore Oceanus & Garumna prope Burdegalam intumescunt; non uno quidem æstu, sed diversis. Atque ut nihil videar omittere eorum, quæ ab Arconſio præclare observata sunt; dicam quid in Sequanâ ingentem illum æstum, quem vulgò (*Labarre*) vocitant, efficiat. Tres sunt ejusmodi fluctus, qui sub æquinoctiâ & solstitiâ, imò post novilunia, & plenilunia, adeo tument, ut obvia quæque steruant; & quod magis mirere, primus ad altitudinem quatuor ferè pedum assurgit, huic proximus 8, tertius 12. pedum altitudinem superat; & quatuor penè horarum spatio, 25. leucas Gallicas magno strepitu, impetu majore percurrunt. Idem ferè in Garumnâ, sed rariùs accidit, nimirum sub mensis Augusti finem, vel Septembris initium; quod tum temporis aquæ illius fluminis sint depressiores. Nec verò Garumna, uti Sequana tam sæpe exsiccat. Quo autem fluvius pleniore alveo fluit, eo minùs has Oceani exundationes experitur. Cum sub æquinoctiâ vel solstitiâ, nec non circa novilunia & plenilunia majores sint æstus, palàm sit cur his temporibus decumani illi fluctus, & majores & frequentiores existant. Sed cur in Sequanâ adeo effervant, non item in Garumnâ? An quòd Sequanzæ alveus instar infundibili extremum habeat latius, & apertius; adeo ut æstus adveniens ibi tumentes fluctus non excitet, at sensim instar tubi coarctatur; quare necesse est ut aquæ ex Oceano, magno impetu in angustiore alveum irrumpant? Quemadmodum ingentis stagni aqua ruptis obicibus, vehementius per prona devolvitur; quòd si angustiore valem, & saxis abrupta loca pervadat, quantum strepitum, quantas edet strages? nam, ut præclare Seneca, quamdiu flumini facilis & liber est alveus, primas quasque aquas explicat. Ubi saxa casu, vel manu illata pressere venientem, tunc impetum morâ quærit: & quo plura imposita sunt, plus invenit virum: omnis enim illa unda, quæ à tergo supervenit, & in se crescit, cum onus suum sustinere non potest, vim ruinâ parat, & prona cum his, quæ jacebant, surgit. Jam nihil necesse est hoc loco inquirere, quæ sit causa, cur in zonâ torridâ fluvii nullo æstu agitentur, cum in illis locis Oceanus ipse non æstuet, nedum flumina, quæ solius Oceani exundationibus tument. At in temperatis & frigidis zonis fluvii incrementa Oceani hoc magis sentiunt, quo polis sunt viciniore: nam ibi æstus sunt maxim. Verùm excipis, quid igitur est causâ, cur circa Normaniz & Armorizæ confinia tanti æstus incurrant, quanti alias nusquam: adeo ut non solum ad 30. sed etiam ad 60. pedum quandoque perveniant altitudinem? Hic

sanè nos sudare necesse est. Tametsi non absurdè responsum fuit ab hujus opinionis, quam nunc versamus, auctore. Idcirco id accidere, quòd Oceani aquæ à Meridie in Septentrionem agitatae Britannicarum insularum, ac potissimum Hiberniæ occursum resillire compellantur. Atque ab Armoricæ & Normaniæ litoribus iterum repercussæ, in ipsum veluti angulum, & concursus angustias confluunt uberrimæ. Idem evenit in freto Magellanico, propter utriusque maris Æthiopiæ, & Pacifici concursum, & motus in diversa nitentes: quemadmodum in maris Britannici, & Germanici confiniis contingere diximus. Sed in his jam sum nimius, neque hanc opinionem velim ut certam & exploratam jactare sententiam, aut vobis inveniendæ veritatis occasionem intercipere; cum duntaxat utcunque defendi posse contendere.

*De maris  
salsedine.  
Aristotelis  
opinio con-  
futatur.*

Sequitur ut de maris salsedine perpauca subijciam. Existimat quidem Aristoteles exhalationes terrenas, & adustas, quæ calore Solis attolluntur, hanc mari conferre salsedinem. Siquidem ex illius mente sal non nisi per adustionem educi potest, ut in calce & cineribus videre est. Hinc Oceani aquæ sub zonâ torridâ multo sale inficiuntur; contrarium evenit in mari Glaciali polis finitimo. Addit eximius Scaliger pro comperto veroque haberi, in fundo maris aquas esse dulces, superficiem non dulcem, quia dulce in levi, leve autem à Sole absumitur. Hic sanè Aristoteles, si usquam aliàs errore labitur. Non enim sal per adustionem procreatur, ut alibi ostendimus, sed cum in corporibus actu inesset, extrahitur. Atque ut ipsius quæstionis jugulum petam: Quod si exhalatio terrestris salsedinem mari impertitur; quid est cur stagnantes aquæ salsæ non appareant? nec faciliè tanta halituum copia, quanta inficiendo mari sufficit, vi caloris solaris educi potest. Maximè cum radii solares fundum maris vix attingant. Accedit quòd exhalatio ipsa salsa nequitiam exiit. Nimium verò Scaliger Aristoteli indulget, cum asserit urinatores vitreis vasculis aquam è fundo maris dulcem extrahere. Contrarium non experientia modò, sed etiam ratio ipsa persuadet; cum aqua salsa sit dulci gravior. Nec difficile est id experiri, & aquam è fundo haurire beneficio vasis, cujus operculum funiculo alligatum aperiatur, cum vas ad imum descendit. Quod autem de zonâ torridâ, & mari Glaciali obtrudunt, faciliè solvitur. Nam vel major aquæ copia in Glaciali Oceano, vel multorum fluminum influxus, ut in Ponte Euxinò, & in mari Caspio contingit, aquas possunt diluere. Sub æquatore Sol serventior majorem dulcis aquæ copiam extenuat in vapores, qui versus polos recidunt. Nemo ignorat, aquam cõsione sicri salubriorem, quòd pu-

rior

rior exhaletur. Quinetiam dulcis aqua longâ coctione falfedinem contrahit; non enim est omnis falis experta. Mare quoque falsius æstate, quàm hieme invenitur, iisdem de rationibus. Unde ergo falfedo maris? an fortè in principio suæ conditionis sale, nitro, & bitumine imbutum fuit: nec sal illud perit, cum in vapores resolvi nequeat, siquidem illius particulæ proprio pondere relabuntur; sunt enim, ut Cartesio placet, graves, rigida, & instar culpidum acutæ. An potius *De falfedo- dine maris* tas eas oportuit, nisi fortè novæ succrescant. An falis, nitri, bituminis exhalationes vi caloris, vel ignis subterranei continentet erumpunt, quibus aquæ maritimæ inficiuntur? sic lacus Asphaltides, seu mare mortuum in Palæstina, non aliunde suam falfedinem, gravitatem, saporem denique mutuatur, quàm ex copioso quo abundat bitumine. Non alia, ut mihi videtur, causa est, cur mare nauseam, ac vomitum provocet, nisi quòd circumfusum vapor multo sale volatili inficiatur, cujus corpuscula ventriculi fibras vellicant: hinc aër maritimus oculorum dolores excitat. Fortè etiam bilem calidam item & siccam naturæ familiaritate attrahit. Hinc spiritus falis multà aquâ permixtus huic incommodo remedium est: vel idoneo medicamine purganda bilis, tum succo limonum ventriculus refrigerandus. Aliud *Cur mare vomitum, & nauseam provo-* remedium nuper edidit vir omni pietate ac doctrinâ præditus Alexander de Rhodes, nimirum pisciculum è majoris ventriculo extractum, qui assatus permodico aceto, & sale conditus, hunc vomitum vi quâ-  
dam occultâ inhibet. Non ignoro jastrationem maris multum conferre: nam plerique in rhedis vedti nauseant. Nec dubium est, quin omnes ferè maris vires, & effectus ex eadem causâ, ac veluti ex eodem fonte dimanent. Atram bilem purgat, quòd lienis meatus oclusos falis corpuscula aperiant, his resecatis atra bilis expurgatur. Seabiem sanat; quia exsiccat, & abstergit. Lintea, imò & ligna nisi pice oblinantur, adurit, quòd falis corpuscula linteorum filamenta disrumpant. Unde aqua marina extinguendis incendiis minùs est idonea, quòd quiddam gerat pingue & unctuosum; hinc sæpè de fluctibus in scopulos vehementius impactis ignitæ scintillæ emicant. Quòd verò mare cadavera, & naufragiorum reliquias in litora evomat, id à virtute quâdam secretâ & expultrice non oritur, sed ab æstuum aut fluctuum impetu: Idem in exundante flumine cernere est; ubi refluxus imbecillior in alveum non revehit, quod fortior æstus expulit.





## CAPUT TER TIUM.

De aliis impressionibus tum aqueis, tum aëreis.

I. De sale multa ex Cartesio. II. De glacie, nubibus, nebulâ, pluriâ, rore, & pruina. III. De melle & mannâ fusè agitur. IV. De nive & grandine. V. De ventorum naturâ, causis, & effectibus; hæc de reliquis impressionibus aëreis disputatur.

Menander.



Acis tu quidem; optime Simplici, ut bonum virum, & perurbanum decet; nec quæ aliorum est perversitas, Cartesium nostram maledidis in seclis: quinimò persæpe illius opinioni non dedignaris accedere. Nihil profecto absurdius fingi potest, quàm mare falsedinem suam à terrâ limo repetere: cum enim aqua marina ita pelluceat, ut fundum sæpe videndum exhibeat, terrenis exhalati-

*De natura  
salis quid  
Cartesio  
videatur.  
Salis cor-  
puscula es-  
se instar  
spiculorū  
acuta.*

onibus non inquinatur. Neque, ut putant, falsedo qualitas existit; sed à sale dimanat in aquâ exoluta. Cum igitur in vellere, vel arenâ percolatur aqua; ibi non qualitatem, sed salis spicula deponit. Hinc aqua maris ubi distillatur, salem exiit; quod corpuscula, ex quibus sal componitur, gravitate aliqua donentur, nec possint ascendere, nisi extremum alterum deorsum vergat: sed tum facilius recidunt, quàm sursum elucentur. Figuram verò teretem & acutis similem salis corpuscula esse sortita, ex sapore colligimus: siquidem linguam suis cuspidibus altè penetrant; hinc brutis sal adeò sapit, quòd linguam habeant asperiores, quàm inflexibiles & rigide salis particule titillant. Hinc etiam sitim excitat, appetitum acuit, quòd linguæ & ventriculi

*Variis sa-  
lis effectus  
explican-  
tur.*

fibras vellicet. Eandem ob rationem pruritus excitat & scabiem, quia fibras corporis dividit, & viam pravis humoribus aperit. Quid, amabo te, est causa, cur sal à putredine vindicet, nisi quòd suis cuspidibus, & bacillis humorem corruptionis fontem, & fermentum expellat. Hinc caro salsa & ficior, & durior existit: nam humor si quis remanet, circum salis oblongas aciculas convolvitur, ne diffuat; atq; his bacillis omnes carnis particule fortius constringuntur. Humor enim motu suo corpora dissolvit & emollit; sal vero humorem vel exprimit, vel retinet. Quamobrem qui sale non utuntur, gravem spirant anhelitum, quòd sal putredinem arceat. Illud quidem est friabile,

nam



nam partibus constat rigidis, quæ faciliè separantur, nec flexi possunt, nisi summo ignis calore; tumque sal in aquam stygiam, seu fortem *Vnde aqua* abit, cum scilicet illius particulæ ex rigidis, & cylindricis, flexiles, *fortis tan-* planæ; & instar gladiatorum secantes efformantur. Hinc aqua stygia *sa vires.* penetrat, ac dissolvit metalla, linguam stringit, & sapore est acerrimo. Enimvero, si salis, ut ita loquar, atomi sunt crassiores, & graviore, ipsius aquæ atomis, quæ sit ut proprio pondere adimas partes non de-  
*Cur sal in*  
 riculæ sunt lubricæ, & flexiles, quod earum sapor dulcis demonstrat; *quæ ex-*  
 unde, circa rigida salis corpuscula faciliè advolvuntur. Et si credimus *volvatur.*  
 Cartesio velocissime circa ea gyrent, efficiuntque illam maris perspi-  
 cuitatem. Quod enim fluidum est, idem in perpetuo motu versatur,  
 nec luminis transitum adeo impedit, quia motui illius facilius obse-  
 quitur. Atque ea mihi videtur ratio, cur mare vix, aut nunquam con-  
 geletur: nam & calor salis natus, & motus aquæ salis concitatio-  
 ipsam impediunt congelationem, quæ in partium immobilitate consi-  
 stit. Mare quippe Hyperboreum fortasse in glaciem non concrevit,  
 sed nix copiosa, quæ tegitur mare, congelatur: vel si Oceanus ipse *De glacie.*  
 congeletur, id accidit, quod magnorum fluminum impulsu minorem  
 habeat salis proventum. Quid igitur inter aquam, & glaciem interest  
 hoc scilicet, quod aquæ particulæ à subtilissimâ materiâ agentur,  
 non secus atque anguillæ in navi perforatâ existentes, ab aquâ sube-  
 unte huc & illuc insectantur: particulæ autem, ex quibus glacies  
 constat, non amplius fluctuant, sed manent immobiles, atque aliæ aliis  
 incumbunt; ferè ut anguillæ (ne ab eodem exemplo recedam) in  
 fluminis ripâ exsiccata. Nec mirum si glacies dura sit, non item aqua;  
 hujus enim partes jam motæ facilius moventur, quàm glaciæ particu-  
 læ quiescentes. Quid enim aliud est frigus quàm motus imbecillior?  
 Quod autem aquæ corpuscula eam nata sint figuram; quod longa  
 sint & lubrica, & faciliè à se invicem separentur, sapor ipse indicat.  
 Non enim linguam, ut salis corpuscula compungunt, sed leviter allam-  
 bunt. Accedit etiam quod omnium corporum incatus non æquè sub-  
 eunt; quia certam obtrinent figuram, quæ quibusdam corporibus, ut  
 calci & arenæ accommodata est, aliis non item. Quod aqua madet,  
 facilius exsiccat, quàm id, quod oleo imbuit. Siquidem olei partes  
 sunt ramosæ, & tenaciùs inhaerent, partes vero, ex quibus aqua com-  
 ponitur, sunt flexiles & quàm minimo motu excutuntur. Sed de his  
 jam aliàs copiosè diximus. Nunc longius, si placet, progrediamur. Ac  
 de impressionibus aeris quid ego sentiam breviter explicabo.

Disimulare non possum Cartesii Philosophiâ acutâ & brevi mirificè animum meum capl: Peripatetici enim nihil quàm lites, & contentiones amant. Dum verba instar postarum fundant, vel adversarios tortuosis argumentis involvant, magna tollunt supercilia. Sed, mi Theophile, quid tuus Aristoteles de meteoris præclarum memoriæ prodidit? de reciproco Oceani æstu altum silentium: quod falsædinem maris attinet, quæ magis erat obvia, nihil vel verisimile sentit. Jam ubi de Cometis, de viâ lacteâ tractare aggreditur, quàm absurda scribit, atque ab ipso sensu penitus abhorrentia. Sed quàm breviter, quàm enucleatè Cartesius hæc naturæ arcana nobis aperuit. Quod si illum audimus, terra, aqua, aer ipse, ex eadem materiâ, quam tertium vocat elementum, prodire, Aquæ & aeris particulæ minùs inter se coherere, & facillimè huc illuc agitantur. Partes verò aeris sunt omninò disjunctæ, ac singulæ proprio motu gaudent, quem à subtilissimâ primi & secundi elementi materiâ, vel, si malis, à colore mutantur. Quare particulæ, seu filamenta, ex quibus aer componitur, majorem locum, vel circulum exigunt, quo majori motu cidentur: imminutio illius motus, frigus dicitur. Cum oblonga illa stamina sibi mutuo incumbunt, tum ærem esse crassiorem necesse est. Facile aer comprimitur, quia illius particulæ sunt flexiles & disjunctæ; compressus tamen magno impetu resilit: nam singulæ partes ab æthereâ substantiâ, vel calore agitæ, communi nisu vasa dirumpunt. Atque obices amoliuntur, quo majus occupent spatium, ac liberiores motum consequantur.

*Quare  
nubes in  
aëre sus-  
pendun-  
tur.*

Quæ porro causa nubes aded crassas, & densas in mediâ aeris regione suspendit? an corpora minùs gravitant, quo longius à terra discedunt? nix quippe jam efformata libratur in aëre, quo tamen densior existit. Planetæ ejusdem vel similis sunt cum terra naturæ, nec descensum affectant, quia longissimè à nobis recedunt. Aliæ forsitan causæ subesse possunt; aut calor, qui inferiorem aeris regionem dilatat, ac nubes sursum repellit; aut frigus, quo superior aeris plaga constringitur; aut vapor, qui continenter è terrâ erumpit, & nubes peniles sustinet; vel denique ventus, qui nubium particulas disjunctas, & malè colligatas, non evehit modò, sed sublatas retinet. Taceo, quòd minutissimæ nubium particulæ non satis habent virium, ut ipsum ærem diducant, quòd pro mole suâ multum habeant superficiei. Sic tanina auri tenuissima aquæ innatat; pulvis agitatùs diu libratur in aëre. Quid verò aliud est nubes, nisi vapor, qui in alto aëre suspenditur, & præ opacitate suâ sub obtutum cadit? hinc opacitatem nocti mihi videtur, quòd singula corpuscula nonnihil luminis reflectant;

ſeſtant; unde ſimul congeſta totam regerunt lucem, vix quicquam tranſmittunt: frigore autem denſantur. Neque nubes quicquam à nebulâ differt, niſi quòd hæc terræ vicinior eſt, & frigoris vi citius concreſcit, nec altiùs evehi poteſt. Ingenito terræ calore, non radiis ſolaribus plerumque exurgit: nam manè, vel vespere ſæpiùs; raro Sole ſervido terram obducit, ſubito totum horizontem complet, atque ex certis locis erumpit, quæ omnia in vapores à Sole attractos non cadunt. Cùm ex aquâ putreſcente expirat, tum ſætet & tuſſim exci- *De nebu-*  
tat. Ubi manè recidit, ſerenum cœlum promittit, nam ſi Sol non po-  
teſt tenuem illum vaporem attollere; nedum è mari aut fluminibus  
aquam evehet. Quòd ſi ſurſum attollatur, pluviã præſagit. Nam ter-  
ra adhuc calens, novos vapores ſuppeditat, qui tandem in aquam a-  
beunt, ex quâ prodire. Cùm ſcilicet vapores inſenſibiles in alios  
ſubinde cadunt, quoſque in guttas ſatis ſenſibiles creſcant, quæ hoc  
ſunt majores, quo ex ſublimiori loco delabuntur. Quapropter ſtante  
Auſtro guttæ ſunt pleniores. Cùm ver cœpit, major, inquit Seneca,  
inclinatio aëris ſequitur, & caldiore cœlo, majora ſunt ſtillicidia,  
tumque nimbi graves magis, vaſtiſque, quàm pertinaces deſcendunt.  
Guttæ porro decedentes rotundam obtinent figuram, quòd preſſus aër  
relictum à guttâ locum, quàm poteſt compendioſiore viâ occupat;  
ac guttam globolaſam faciliùs radit, quàm ſi aliam naſta eſſet figuram:  
vel materia ſubtiliſſima per poros aquæ commeanſ hos efficit globu-  
loſ, nam in iſtis guttulis citiùs movetur, & faciliùs, quàm in molli  
aëre; unde circa illas gyrat.

Sed cur media aëris regio tanto frigore alget, ut nubes conglo- *Cur me-*  
meret? non certè id accidit, quòd radii ſolares reflexione ſolâ calo- *dia aëris*  
rem excitent: eſt quippe idem radius directus, qui reflexus. *An regio adeo*  
igitur radii à terra reflexi citò coeunt, & quaſi in foculos, ut loquun- *frigida.*  
tur Optici, vel in nodos colliguntur: unde calor aucto lumine iti-  
dem creſcit. Nullumque eſt infimi aëris punctum, in quo plures ra-  
dii reflexi non uniantur, & eo plures, quo Sol verticibus noſtris vi-  
cinior exiſtit: tum enim radios directiores, & conſertiores vibrat,  
qui quaſi duplicati, in ſe ipſos ferè reſiliunt. Hinc mediâ æſtate u-  
berriſſimi quidem vapores ſurſum tolluntur, ſed Solis ardoribus diſſi- *De plu-*  
pantur, nec facile coguntur in pluviã, niſi vento frigidiore denſen- *viâ.*  
tur. Contrà hieme calor eſt debillior, quàm ut vapores attollat. Ve-  
re & autumnò calor eſt moderatus, magna quoque diurni æſtus, &  
nocturni frigoris inæqualitas: hinc pluviæ uberiores. Nec denique  
omnes nubes concreſcunt in pluviã: vel quòd vaporum particulæ,  
nimium inter ſe diſtent, nec ſeſe mutuò contingant; vel quia non

latis est frigoris nubi constringendæ. Stillicidia, ait Seneca, quamvis jam inclinent se, & labantur, nondum tamen efficiunt lapsum; sed ubi plura coëre, & turba vires dedit, tum pluere dicuntur. Quinetiam sublatis vapores, potius in glaciales atomos, quam in pluviz guttas conerescunt, nisi vento calidiore solvantur. Densantur verò nubes, tum vaporum ascendentium copiâ; tum vento Australi, vel occiduo; tum denique oppositis ventis, quibus sæpe vapor constringitur. Altissimæ nubes acerrimo correptæ frigore in nivem potius, quam in pluviam conerescunt. Unde vel in zonâ torridâ, excelsorum montium juga inter tantos ardores, ut cum Tacito loquar, opaca sunt, fidaque nivibus. Sed de nive postea. Nunc quæ sit pluviz utilitas; quæ illius indicia, brevi expediam. Aquam esse elementum, volatile norunt Chymici. Sublimatur, atque in mediam æris regionem evchitur, ut sæcæ exuat, purior recidat, tum ut terram humore superfluo exoneret. Nam ut scitè auctor Physicæ relictæ, hæc vaporis sublimatio quasi obstructiones terræ amovet, & fastidientem illius stomachum sublevat, eumque digestionis aptiorem reddit. 2. Vapor sublimatus, non crescit in aquam, atque in terram demittitur, ut eam necitare, cœlestique potu perfundat; paulatim distillatur, non confertim ruit, ne uberior aqua intimum terræ calorem extinguat, & vivifico spiritui (jam cum Chymicis loquor) aditum præcludat: sic enim æquabiliter distributa terram sæcundat. 3. Pluvia in plantarum atque arborum alimentum facessit. Hinc radices arborum nunquam ferè ultra duorum passuum, seu decem pedum profunditatem porriguntur. Quòd, ut putat Seneca, nulla pluvia ultra decem pedes in altitudinem madefaciat terram. Hoc alimento extremæ, ac minutissimæ radices, vi quâdam occultâ, aut secreto igne in propriam convertunt substantiam. Sed nullo tempore pluvia plantis acceptior est, quam circa mensem Majum, quo herbarum fibræ calore Solis laxantur, ac plantæ jam robustiores copiosius exiguunt pabulum. Æstate autem pluvia nonnunquam obest, nisi eadem sit uberior, quòd humor ille alimentarius apertas fibras faciliè penetret, facillius exeat, unaque secum insitum & nativum humorem educat. Sæpè usuevit ut pluvia mordaci, & acri exhalationi admista segetes adurat, idquæ æstate plerumque accidit.

*Qua futura  
pluvia  
inducia.*

Multa sunt pluviz adventantis indicia; ut Sol in ortu clarè affulgens, vel solito major, vel cæruleo colore infectus: nam vapor & Solis colorem immutat, & illius speciem auget; sic cum stellæ plus æquo scintillant, & lasciviunt, pluviam prænuntiant. Idem vapor Lunæ colorem imminuit, ac pallidam exhibet. Flavæ circa exortum

Solis

Solis nubes pluviam portendunt, quod cum sint humiliores, calore Solis sursum tolluntur, & tandem in pluviam resolvuntur. Vespertinae verò crastinam serenitatem promittunt: nam frigore nocturno recident. Sol concavus oriens (ut loquitur Plinius) pluvias prædicat; si ante illius ortum radii se ostendant, aquam & ventum significabunt. Ex animantibus quoque pluviae futurae signa conjiciuntur. Præusquam enim vapores cogantur in pluviam, jam insensibiles guttulæ infimum aërem complent, & proprio pondere decidunt. Tumque vapor roridus subtilitate sua poros animalium subit, ac vellicat. Hinc ubi gallus gallinaceus crebro, & de die cantat; cum boves extenso collo cælum suspiciunt; feles barbam detergunt; equi celerius promoveantur; pecora saltus edunt inconditos; cum denique porci stramina ore discerpunt: tum pluviam imminere conjicimus. Accedit frequens ranarum coaxatio, quod humidior aëre gaudeant. Copiosos aliquando imbres ventus vehemens in terram ruens antevertit; tum forte nubes cadit, quæ hunc ventum ac pluviam efficit; quæ quidem nubis præcipitatio muscas, & alia minuta animalia in terram deprimat, quas hirundines tanquam prædam persequuntur. Quapropter cum hirundines juxta terram volitant, tum pluviam brevi futuram prædicimus. Quinetiam, ut optime Fromondus animadvertit, res insensibiles illo subtili vapore, de quo mox diximus, perfusa, imminenti pluviae, aut tempestatis nos admonent. Trifolium inhorrescit, & folia erigit, quod fibræ humido aëre intendantur. Siquis corium vituli marini Austro flante sub dio exposuerit, tum pilos emittentes, & erectos videbit, sed flante Boræa subsident. Eadem causa efficit, ut qui podagrâ laborant, acrisiori dolore urantur; callum illud, quod pedum digitis succrescit, fortius pungit; ligna in ignem congesta crepitant; fores magis strident. Quæ quidem ferè omnia ex eodem fonte, nimirum ex vapore rorido & subtili, qui pluviam solet præcurrere, dimanant. Hæc atque alia id genus indicia fallunt persæpe: nam idem calor, qui vapores attollit, potest eos dissipare, vel in ventos diffilare.

Jam quid de rore, pruina, & manna, necesse est dicere, cum ea Ros, dem sit omnium materia, eadem prorsus effectrix causa? Quid enim aliud ros, quam vapor nocturno frigore concretus? Hinc loca aridiora, ros nullus tegit, quod ibi humor deficiat: flante vento, vel cælo nubilo perparum roris concrevit: nam ventus vaporem dissipat; ac pluvio cælo vel vapor nullus educitur; vel filamentis exhalationum implicatus cum nube confunditur. Siquis rore manus frequentius ablueret, fortasse scabiem, vel lepram brevi contraheret; quod acria

corpuscula habeat admista, quibus subtiliores fibræ dividuntur; hinc segetum rubigo, cum ros spicâ exceptus ardore Solis putrescit. Nec immeritò Chymici existimant nitrum subtilissimum rore contineri, quod fortè crucarum, atque aliorum insectorum procreationi multum confert. Nitrum quippe vim prolificam in se recondit. Quid autem pruina, nisi ros acerrimo frigore congelatus. Hæc cuniculos intra paucos dies saginat, quod instar roris perdulcis existat & nitrosa. Quod attinet illa filamenta, quæ Veneris capillitium vocant, & autumnò maximè, instar telæ aranæ volitant, nihil sunt quàm quædam nebularum veluti reliquæ calore Solis exsiccata: hinc ductiles sunt & viscosæ.

*Pruina.*

*De melle*

*& manna.*

Jam, ut minutiora quæque persequar, quid aliud mel, quàm vapor pingui exhalatione permixtus? Dulcedinem suam ac saporem, vires adeò omnes ab halitu tum florum, tum herbarum contrahit. Hinc flores odoriferi mel præbent suavissimum. Venenata herbæ mel quoque reddunt venenatum, quod plerumque pondere dignoscitur; nam gravius est innoxio, sternutamenta excitat, nec faciliè densatur. Quo vapor meliùs digeritur, eò mel efficit præstantius. Manna species quædam mellis existit, ex pinguiori halitu æstivo calore sæpè concrevit in granula, & foliis quarundam arborum, ut abietum & cedrorum adhærescit.

*Simp.* Et si minimè impediendus est interpellatione iste cursus orationis tuæ, ignoscas tamen, si quid ego de melle, & mannâ sentiam, paulò uberius aperiàm. Tu vulgi opinione ductus illa inter Meteora censēs, quæ mihi videntur ad mixta perfectâ referri oportere. Nam mel misionem constantem habet, & crassum stabilem; quinetiam fructus melle conditi diutius asservantur: in sua principia, ut mixta reliqua resolvitur, nutrit denique; quid igitur est, cur illud inter Meteora, quorum partes sunt malè colligata, recenseas? Idem prorsus de mannâ judico; sunt enim mel & manna congenera, atque ex iisdem ferè ducuntur causis, quas quidem nunc paulò diligentius inquirere non erit alienum. Vulgaris opinio est utrumque ex vapore rorido concrefcere; nam si æstivis diebus rorem colligas, eumque vitreo vase conclusum radiis solaribus exponas, is melleum saporem contrahet. Verùm hæc remotior mellis est, & mannæ materia; propiorem verò inquiremus; neque enim ros omnis vires mellis, aut mannæ obtinet; nec consistit, nec radiis solaribus induratur. An fortè hæc nihil sunt, quàm florum vel arborum succi? Siquidem mel non solum manè; sed etiam die toto ab apibus colligitur, idque ex profundis florum calicibus exfugunt, hinc etiam mel quoddam venenatum est,

aliud



aliud amarum; est quod gratissimum odorem afflat, aliud autem scetet. Unde tanta diversitas, nisi ex florum, herbarum, & succorum varietate? Manna quod attinet, illud nihil esse, quàm succum & veluti lacteymam quarundam arborum existimat Altomarus Neapolitanus. Non enim alibi quàm in fraxinis, & ornus succrescit Calabriæ manna: si ros foret æreus, nihil esset causæ, cur in aliis quoque arboribus non nasceretur. Imò sunt quædam fraxini vicinæ, in quibus manna oritur nunquam, quòd steriles sint, & effceta; jussit ille arbores pannis tegi, ne ros deflueret; manna tamen sub pannis inventum est; non igitur illud ab ære depluit; sed ex arboribus exsudat. Est gummi similis, quàm rori: hinc fraxini Calabriæ inclis corticibus manna profundunt, idque foliorum pediculis adhærescit, quòd sit humor excrementitius; unde æstate, non hieme erumpit. An potius mel ac manna ex plantarum succis, & halituoso rore concrescunt; ita visum est olim Erasmo, & meâ quidem sententiâ immerito reprehenditur à Libavio. Quid enim aliud quàm pinguis, & viscosus halitus, ex ipsis herbis, & floribus erumpens unâ cum rore aqueo & subtili permixtus mel primigenium efficit? Illud apes ex omni genere florum decerpunt; os & ventrem onerant, ac nimium distentæ evomunt, atque in alveolis recondunt; ibi post aliquot dies musli instar fermentatur, & ebullit. Quapropter ex tribus saltem ducitur mellis natura; ex vapore rorido, pingui florum, atque herbarum halitu, & peculiari quadam cõsione, quam in apum ventriculis consequitur. Ut taceam de effluviis, quæ ex terrâ & aquâ jugiter dimanant; nam sal quoddam nitrosum continet, unde in locis mari finitimis copiosius invenitur. Ros ipse hoc nitroso sale non caret, ex quo vis illius acrior, & purgatrix exoritur: hinc sortè fermentatio in melle. Est igitur mel ros quidam, sed excoctus, viscidus & pinguis, in quo omnia insunt elementa. Ex vapore quidem & halitu concrescit, sed odorem, & pinguedinem ex ipsis trahit stirpibus; hinc aliud thymum, aliud absinthium redolet; pars quidem roris aquosior calore Solis diffatur; sed ros melleus & tenacior remanet, quem exorto Sole apes colligunt; ille tamen aquam refert, & perspicuus est, cum in ventriculis apum continetur, idque evisceratis apibus, cum è pastu domos redeunt, facile comperies; sensim flavescit, & crassiorem adipiscitur substantiam. Sæpe floribus, & foliis arborum guttulæ roridæ insident, quæ si digito leviter excipiantur, nihil ab aqua differre videbuntur; at si linteo deterferis, melleum saporem, & pinguedinem præ se ferent. Ros igitur est ipsius mellis materies, sed ille ex plantis turgentibus potissimum attollitur, atque ex his pinguedinem, & visci-



ditatem depromit. Non succus est florum, vel arborum; nam sapor ille dulcis, vis acris & ignea, quæ in recessu latet, tenacitas, color, vires adeo omni melii communes, ex eodem principio, & communi origine dimanant. Sed tamen inficiari non possum, illud ab ipsis, ex quibus colligitur plantis nonnihil affici, atque alterari. Muitum quoque confert peculiaris quædam elaboratio in apum ventriculis: non enim mei, quod vesperæ conficiunt, ejusdem saporis ac naturæ est, cum eo, quod ex apum alvearibus colligitur.

Cum melle multum affinitatis habet manna, idem serè utriusque sapor, neque origo succum diversa. Nec mihi placet Donati Altomari sententia, manna succum esse fraxini, vel ornî; præterquam enim illæ arbores non sunt resinosæ, cur quædam fraxini in Calabria manna profundunt, aliæ his finitimæ steriles existunt? Quid est cur in alijs regionibus nullæ fraxini manna præbeant, cur sola Calabria hanc habet prærogativam? Succus, gummi, vel lacryma vires arboris continet, est enim purissima essentia, naturæ ingenio extracta: at folia fraxini sunt amara, fructus calidi & sicci, calculum comminuunt, hydropem sanant, succus vires habet alexipharmacas: nihil horum mannae convenit; dulcem & nauseabundum obtinet saporem, bilem subducit, calculosos non juvat. His atque alijs rationibus Altomari & Clusii opinionem infringit doctissimus Magnenus. Jam quæ causa subesse possit, cur manna Calabriae folijs fraxinis, vel ornî insideat? an quoddam istarum arborum folia non sunt bibula, ac manna subdulce respuit, cum ipsa sint amiora? an cera primigenia, quæ mannae compositionem ingreditur, ex iis arboribus copiosior educitur, cumque nihil sit præter lanuginem quandam surfuream, quæ ex plantis calore solari exhalatur, mannae coagulationem multum promovet. Nam eos liquidus, ex quo manna componitur, siccis & minutis filamentis, quæ ceram efficiunt, incrassatur. Eam porro esse ceræ primigeniæ naturam tibi constare poterit, si apes onustas, & redeuntes omphaloptrâ diligentius intueri, atque acu os vellis diducere; tum enim asperginem illam è floribus collectam videbis, ac magnum instrumentorum apparatus, quibus eam subigunt, & sortè cum succis arborum viscosis permiscet. Fors item est, ut multa ejusmodi arbores recremta profundant, eoquæ uberiora, quo major calor accesserit. Plantæ oleaginosæ, quæ diutius durant, & combustæ flammam candidiorem præbent, ex quarum censu sunt ornus & fraxinus, pinguliora ejus generis purgamenta effundunt, ex quibus non modo cera primigenia, sed etiam mannae coagulum & concretio oritur. Sed cur ex inciso cortice fraxini in Calabria manna distillat? an quoddam cortex

bibu-

bibulus hunc rorem intus admisit, quem ob naturæ diversitatem respuit? Cur foliorum pediculis adherescit? quia ob nodorum asperitatem ibi tenacius infigitur. Cur arbores linteis obstrictæ manna præbuerunt? quod ros lintea & pannos facile subeat, ac penetret. Quare ros illic in alias arbores non delabitur? quod illi desit idoneum coagulum ad mannæ consistentiam. Unde illius dulcedo? ex melle primigenio. Quare bilem subducit? ob naturæ familiaritatem hanc attrahit: sal verò nitrosum, quo manna non caret, naturam ad secretionem exstimulat. Nitrosi salis argumento est, quod ubi inflammatur, multum edat strepitum, & spiritus nitrosi cum impetu dissiliant. Huc accedit, quod ex rore Chymici nitrum colligunt. Terra quoque Calabriæ nitrosa est; in aquâ manna exsolvitur, frigore nocturno concrevit, calore Solis induratur: friabile est, & dulce; combustum nitrosos relinquit cineres: quæ quidem omnia ex cerâ primigeniâ, melle, & sale volatili, seu nitroso proficisci est verisimile. Pingui quoque & oleoso halitu constat; nam flammam concipit. Ubi adurit, odorem spirat mellis ceræ admisti. Ex iis igitur licet concludere mannâ ex pingui halitu, sale nitroso, & volatili; cerâ & melle primigeniis constari. Ceram ex apum cruribus avulsam, unâ cum melle ex earum ventriculis expresso commiscuit Magnænus; sub dio hanc materiam de nocte in ficus folio reposuit; ante Solis exortum, quiddam mannæ non dissimile concrevisse reperit; erat enim matura friabilis, & mellis odoris. Sed fortasse longius progredior: quare, si tibi videtur, refer te ad illa, quæ nobis explicare occæperas.

*Men.* Pervulgatas res requiris, & tibi non incognitas: pergam tamen quoniam ingressus sum; de meteoris, quæ mihi nota sunt, dicere. Haud equidem scio cur mel, manna, & saccharum ipsum inter mixta imperfecta recenseant: est enim saccharum quarundam arundinum succus alimentarius; qui salis naturam multum refert: siquidem in aquâ exsolvitur, & spiritibus ignitis abundat. Unde ex afflicto ferri lucem igneam in tenebris vibrat. Sic per sæpe aqua maris vehementius agitata scintillat: nam salis spicula ex particulis aqueis explicata, & magna agitatione vibrata, globulos æthereos secundi elementi expellunt, ac subeunte primi elementi subtilissimâ materiâ, ignis procreatur, eo quo diximus alibi modo. Neque omnes fluctus, sed decumani & maximi scintillant. Nec crassior & turbida aqua maris scintillas emittit, quod illius particule non satis lubricæ existant, ut salis atomi ex iis sese expediant. Imò æstivo tempore cum aquæ filamenta salis particulas minus arctè implicant, tum mare crebrius scintillare observamus. Est igitur saccharum quoddam salis genus; tam-

etiā

et si plurimum sapore differat, quod pinguiori succo temperetur: candorem suum, ut reliqua, ab atomis sphaericis mutuatur, quæ lucem uberiolem, atque in omnes partes regerunt. Neque aliud nivi tantum candorem conciliat: nam mille globulos in nive, microscopii beneficio licet intueri.

*Nix.*

Quid ergo nix nisi quædam vaporis spuma frigore concreta? non quod existimem cum Plinio, ex mutuâ nubium collisione, & conflictu, nivem instar spumæ ebullire: sed aëre forsitan, vel spiritu quodam tepidiorè turgent innumerabiles bullæ, quæ nivem componunt. Unde cum nix imminet, frigus aëris non mediocriter temperatur, ac pierumque caput gravedine laborat, distillationes cerebri excitantur. An quod spiritus quidam tepentes, ac nivium prodromi, ut loquitur Fromondus, deorsum exprimuntur? ut ut sit, flocci nivis non decidunt, nisi vaporum filamenta frigore congelata, in unum veluti globulum plura conspirent; nec coeunt, nisi extrema velut fila calore modico liquata floccum reddant, & densiorem, & graviorem. Quod si illi globuli priusquam terram attingant calore solvantur, non nix ipsa, sed pluvia quædam frigidior delabitur. Sed

*Grando.*

ubi inter cadendum flocculi calore liquantur, atque iterum frigore concresecunt, grandinem præbent. Est igitur grando, gutta pluvie acerrimo frigore congelata. Hinc perspicuitatem & rotunditatem suam obtinet. Verum ubi nivem jam liquefcentem ventus frigidior corripit, ac multos flocculos in unum colligit, tum grando & maxima, & polygona præceps ruit. Hujus extrema sæpè tralucunt, quod extremitates prius liquefactas frigus occupaverit, neque intimas partes subleget: hinc nix quædam in medio opaca remanet. Æstate frequentior est: nam hieme non satis est caloris, ut is ad nubes usque sublimiores perveniat: inferiores quidem attingit, sed citius nix soluta decidit, quam frigore iterum congelari queat. Cum igitur nix nondum liquata est, sed aliquantulum emollita, tum grando non pellicet. Sic nivis & grandinis figuras, tum venti, tum diversi halituum plexus, aut frigoris gradus, varias, ac propè infinitas exhibent. Alii grandinem ex nubis altioris in depresso casu summo frigore concresecere autumant; neque enim verisimile est, æstate cum aër infimus tepidior est, pluviam delabentem congelari. Nec prope terram, sed in mediâ aëris regione, ubi frigus intensissimus regnat, congelatur. 1. Mirari subit, quod pierumque nivis flocculi instar stellarum sex radiis distincti appareant. Placet Cartesio plures globulos simul & in eodem plano agitato pierumque sic coire, ut sex globuli eundem circumefforment, An potius ad spiritum universi, & rationes seminarias

cum

cum Platonicis nos conferemus? rerum enim omnium semina suis figuris instructa sunt; nec animantes modo, sed etiam res vitæ experimentes suas à naturâ figuras sortitas esse arbitrantur. Nivem ajunt fertilitatem terræ inducere: seu quâ succum benignum infillat; seu quod terræ & plantarum halitus contineat, neque expirari sinat. Hinc in montibus nive obductis, erumpentes halitus sibi fornicem, aut crustam exæviant, sub quâ læta exsurgunt gramina. An fortè fecunditatem suam ab halinitro mutuuntur? Hinc facillè in aqua solvitur, & dissoluta ventum frigidum spirat. II. Nix diu attrita manus calefacit: nam primò calidum sanguinem arcet, qui postea copiosior & uberior affluit: vel fortè nix ex innumeris sphaerulis compacta fibras eodem modo agitat, ac calor. III. Nix est friabilis, quia globulis constat, qui facillè separantur. Eandem ob rationem perstringit oculos, quod uberiores lucem ex illis sphaerulis reflectat: unde qui mediis in nivibus habitant, plerumque debilioris sunt visus. IV. Nix aquæ innatat, quod multo aëre turgat. Sed cur grandio citius, quam nix calore solvitur, eum grandio acriore frigore concreverit? id propter densitatem grandinis forsitan evenit. Quemadmodum libra plumbi citius quam butyri liquefit; quod ubi pars una calorem concepit, statim eum proximæ communicat, & ita quasi per manus citissime calor per omnes partes diffunditur. Præterea alios effectus nivis, quos Fromondus recenset; quod baliniam, ac quoddam virium deliquium in lis excitet, qui nivali tempore iter faciunt: quia halitus nivales subeunt corporis meatus præ calore apertos: atque adeo calor naturalis uberior expirat. Iidem halitus ventriculorum, & pulmones malè afficiunt, ac vellicant; cui morbo remedio sunt, tum panis, qui benigno spiritu ventriculum recreat; tum etiam vehementior tussis, quâ maligni halitus excutuntur. Cum ningit, campanarum sonitus, vel colloquentium ex proximo voces vix audimus, quia sonus in flocculos nivis toties impingit, ut tandem dissipetur, nec per eorum intervalla integer permeare possit. Nix itaque hoc à pluvia differt, quod illius corpuscula adeo sint exigua, ut delabi nequeant. Nam flocci nivis nihil sunt quam veluti cineres conglobati, non continui hinc illius candor, ut sæpè monuimus. Nix porro in loco sublimiore, quam pluvia generatur; cum excelsorum montium juga nive perpetuâ obducantur, neque ullâ pluviam solvantur. Mollis est, quia ex tenuissimis compingitur atomis. Frigus aliquantulum remittitur, cum nix imminet: quia nubes nive prægnans coarctat aërem terræ finitimum, atque halitus è terrâ erumpentes reperiunt, qui calorem augent, postquam verò nix delapsa est, tum aër magis tepet: vel quia

Rr

Sol

Sol radios prius nubilo oppressos, jam liberius vibrat; vel quod nubes antè pendula frigore subiectum aërem infestabat. Ita quidem videtur Thomæ Anglo.

*De pluviis  
in porten-  
siss.*

Hic nihil addam de prodigiis pluviis, de quibus tam multa alii scripsere. Nam & sanguinem, & lac, & lanam, imò & lapides pluuisse, Historiarum monumenta prodidere. Refert Agricola anno 1534. in Sueviâ pluuisse sanguine; ita ut vestes rubris & sanguineis crucibus tingerentur: idem in Germaniâ & Belgio anno 1501. contigit. Quoties Romæ lapidibus, & metallis pluit? hæc partim fuerunt divinæ providentiæ miracula, quorum tota ratio est omnipotentia facientis; partim etiam ex æditiis naturæ prodire. Vapores è terrâ rubrâ sublato pluviam rubeo colore inficere posse multi arbitrantur, sed falsò; nam vapores elati pristinum colorem exuunt, ut in aquis distillatis videre est. Nec aqua rosacea rutilum rosæ colorem servat. Quid igitur? an maculæ sanguineæ lapidibus ac parietibus adhærescentes, non ex pluvia, sed ex crucis oriuntur; quæ in papillones abeunt, atque ubi spolia exuunt, guttas relinquunt sanguineas? Rem ita se habere clarissimus Peirescius anno 1608. observavit. Hinc cruentas illas maculas vix aquâ ablui posse, referunt historici, quod ipsa demonstrat experientia in illis papilionum excrementis; neque è cælo sanguineas guttas decidere, hinc constat, quod neque in ædificiorum tectis, nec ferè in oppidis: sed potiùs in agris, atque in foraminibus, in quibus nidulantur; neque in devexis, & cælo obversis lapidum superficiebus, sed in aversis, & concavis conspiciantur. Sunt quædam ex illis guttis satis illustres, quæ aliquando assis magnitudinem exæquant. Neque inficias ibo vapores multis corpusculis terrestribus vel succis permisceri, quæ lactis, vel sanguinis colorem præbeant. Nam terrestria corpora usque ad mediam aëris regionem attolli posse, hinc jam ostendimus, quod ubi nix, vel pluvia refedit, in fundo vasis multum limum liceat inspicere; imò & pili animalium grandinum granis inclusi visuntur. Sed de his jam nimis. Per pauca addere de ventorum origine, nisi longius me esse provectum, quàm institueram, jam pœniteret. Nescio enim quo pacto omnia ferè meteo- ra, non solum ex Cartesii mente; sed etiam ex Peripateticorum fontibus exposui: nec potui pauca nisi è multis seligere.

*Simp.* Nihil est quod te pœniteat: res enim amplissimas, non je-  
juno quidem & exili stylo, sed tamen pressò, & contractò conclusisti.  
Hæc sanè ratio, & via docendi multum Cartesio arridet: hinc pleris-  
que subobscurus videtur. Profectò affectata illa brevitatis mirificè me  
delectat. Quid enim ineptius, quàm flexuosis ambagibus res minime

obscuras involvere. Perge igitur, quæso te, de ventorum naturâ, & origine, quid sentias expromere. Quicquid dicturus es, æquis & attentis auribus excipiemus.

*Men.* Quid fenserit Cartesius, quæque acceperim, ex sermonibus, colloctionibusque amici nostri, cujus ingenium acerrimum & propè omnium rerum capax, meritò demiramur (nostri, mi Simplici, quem hoc elogio designem) paucis aperiam. Ventus nihil mihi videtur, quàm aëris majorem locum affectantis agitatio. Hic communis sermonis consuetudine abutimur: aërem quippe dicimus corpus, quod nec visu percipitur, nec manibus contrectatur. Quanquam ventus ipse non tam aëris sit, quàm vaporum agitatio. Neque utrumque confundimus, vaporem, & aërem; hic facilius comprimitur, ægrè dilatur; ille cùm ex aquâ prodierit, multùm explicatur, vix coarctatur. Ventus verò ex dilatatione proficiscitur, non aliter atque in æolipilis aquei vapores subjecto igne irritati, suis gyris majorem quærunt locum, atque in patentem aërem magno impetu per foramen angustissimum prorumpunt. Non dissimili modo vapores ex aquis, nubibus, atque humidioribus terris sublati, totum aëra exagitant; atque in eam maximè partem feruntur, ubi aër frigore vel aliâ de causâ densatus eos excipit. Cùm verò exhalatio tantæ dilatationis non sit capax, ventus non tam halitus erit, quàm vapor. Quod ea sit ventorum causa, ex æolipiliis ipsis colligimus: nam ubi incalescere, ventus ex iis tamdiu erumpit, quamdiu aqua suppetit. Sic plerumque ex antris spirant venti: aliquando ex imo mari prodeunt: interim per terræ meatus diffantur, ac sæpe post terræ fremitus spirant. Hinc liquet, cur venti, ac procellæ sint in mari, quàm in terrâ majores; quod uberiores vaporum copiam mare suppeditet. Exhalationes verò, quæ è terrâ erumpunt, non tantùm valent, nec tantam sustinent dilatationem. Jam cur ortivi plerumque venti sub ortum Solis, occidui spirant vespere? Ratio in medio est, aërem noctu condensatum Sol exoricens dilatat, & vapores uberiores excitat, qui utrimque in partes Soli oppositas eientur. Vespere & sub occasum Solis venti, qui in nostras partes resiliant, occidui; qui verò in eas regiones, ad quas Sol accedit, spirant, ortivi dicuntur. Dumque aër continuo fluxu in occasum labatur, sive id telluris motus, sive diurna cœli efficiat conversio: palàm est, cur ortivi venti sicciore & vehementiores existant, nam duplici impetu aër propellitur, ac vapores subinde disjicit, nec coalescere permittit; sed occidui motu in contrarias partes nitente nubes sistunt, & condensant; hinc imbriferi sunt & humidiores. Huc accedit, quod aër noctu densatus Orientales ventos majori impetu ruentes excipit.



Siquidem sola aëris compressio ventum persapé efficit. Sic nimbus cadens magnum ventum excitat. Nonnunquam evenit, ut nubecula delabens nullum sensibilem in patenti aëre ventum procreet; sed in caminorum tubis collecta cineres & palcas turbinet. Neque ulla, si bene conjicio, tempestatum ac turbinum causa affertí potest, quam nubium è sublimi aëre in terram lapsus: nam hinc copiosi imbres, & vehementes venti oriuntur. Densata quippe nubes dant pluviam, & suo lapsu aërem exagitant, non secus ac si velum expansum ad terram identidem allideres. Hæ quidem procellæ in mari & crebriores sunt & magis pertinaces. Nam maxima vaporum copia ex mari erumpit, & quo nimbi sunt vel densiores, vel graviore, hoc majores excitant procellas. Verùm unde tam incertæ sunt ventorum tum vicissitudines, tum etiã affectiones? Ventus enim ex eodem spirans loco, nunc siccus, nunc humidus existit. Nunquid humidior exit, si ex proximo lacu, sicciór, cum ex arenoso loco perflaverit? Quare in Ægypto Ausfer, qui ex Africa arenis nascitur, siccißimus est, nec pluvias cogit. Nunquam adeo, vel rariò in Ægypto pluit, nam qui à Meridie fiat ventus sicciór est, nec vapores ab Oceano Australi ortos potest eò adducere, quia prius dissipantur, quàm in Ægyptum perveniant. Boreales quidem venti, à Mediterraneo mari spirant, sed frigidiore sunt, & ferociore, quàm ut vapores densare queant. Addunt nonnulli igneo spiritus ex Ægypti solo continenter trumper, qui nubes con crescere non sinunt. Indicio est soli fertilitas, vel corporum sepulcorum quædam incorruptibilitas, nec non diuturna incolarum vita. Jam ut ad eam partem sermonis, ex quâ egressi sumus revertamur, sicciore venti vaporibus terrenis, qui multo aëre & halitu abundant, humidi verò aqueis constant. Tantam porro inæqualitatem ventorum causæ propè innumerabiles efficiunt. Multi credunt variam Lunæ illustrationem non parum in procreatione ventorum momenti obtinere. Ut taceam de calore subterraneo, montium, & vallium asperitate, & diverso cavernarum situ. Nonne hæc atque alia penè innumera tantæ ventorum inæqualitati sufficiunt? Quocirca ubi omnes, vel plurimæ ex his causis defunt, venti magis uniformes, & æquabiles spirant. Unde illud amplissimum mare, quod ad Austrum dirigitur, Pacificum dixere; non quòd tutum sit à tempestatibus, sed quia illud minus irregulares venti perflant. Non omitam quosdam ventos penè anniverfarios existere; ut in nostris regionibus Etesias, seu Boreales, qui quotannis post æstivum solstitium serè spirant. An fortè Sol, ubi ad tropicum Canceri pervenit, ex locis Aquilonaribus vapores educt copiosos, quos effere non potest, cum ver-

fur



sus Austrum longius abscedit? Sic verno tempore procellæ sunt crebriores, quòd Sol ad Boreales plagas nubibus, & nivibus opacas, tum declinet, & magnum vaporum proventum sursum tollat, qui nocturno frigore statim densantur; sed diurno egent calore, quo dilatari queant, & in ventos diffusi: quare tum temporis venti Boreales & ortivi dominantur. Jam ne longior sim, dicam, cur circa oras maritimas, ventus de die à mari flare soleat; noctu verò à terrâ: hæc enim calorem persinacius retinet, quàm aqua, unde propter calorem illum, superflitem, terra etiam noctu vapores ventis procreandis suppeditat, qui quidem venti ad mare diriguntur, quòd ibi nocturno frigore aer condensetur, sed de ventorum origine satis superque dictum putato: nec tibi, mi Theophile, quantum ex vultu intelligo, magnopere probantur.

*Th.* Non adeò morosus sum, ut omnes Cartesii, vel aliorum recentiorum opiniones, quæ bonas, quæ malas infecter: sed nondum ita me comparavi, ut tanti viri decretis, ut inconcussæ fidei oraculis placere acquiescam, sæpe usucenit, ut illius inventiunculæ excussæ risum habeant, quæ inventæ facie ingenii blandiuntur. Jam ut contentiones, quantum potero, minuam, salis atomos rigidas, aqueas veturò esse flexiles; nubes, pluvias, & alia id genus metecora, eo ferè modo fingi, atque exposuisti, non invitus concedam. Nisi quòd substantiam illam ætheream adeò subtilem minimè arcessendam putem, ut explicemus modum, quo glacies concrescit: vel guttæ pluviarum conglobantur. Mallem equidem ire in Francisci Valesii sententiam, quæ existimat spiritum igneum, per fluida corpora diffusum, illius fluiditatis causam existere. Siquidem metalla ignitis particulis agitata liqueant, Tum igitur aqua, & cæteri liquores congelantur, cum calidæ atomi præ frigore expelluntur. Nec multum diversa est doctissimi Fabry opinio, quæ putat ignitas particulas præ nimio frigore, in primâ aqueæ superficie dividi: hinc ne quid inane remaneat, partes aquæ contrahuntur, atque superflites ignis atomos implicant: unde aqua purissima, si quæ foret, non posset congelari, uti nec vini spiritus, qui uberiori igne abundat. Aqua jugiter fluens, non facitè congelatur: nam perennis motus contractionem partium arceat, & novas subinde ignis particulas sibi comparat: eadem ratione salis corpuscula nativo calore frigori resistunt. Hinc denique glacies levior efficitur, nam poris & foraminulis magis hiat, majorem adeò exigit locum. Illam esse intimam congelationis causam pertinaciter tueri nolim: est certè verosimilis. Postremò nobilissimi Digbæi sententia non abhorret à vero; terrea, sicca, & exigua corpuscula aquam subire, penetrare,

*Cartesii  
placita  
expenduntur.*

*et c.*

*Abul.*

dividere, ac poris demum suis imbibere, cumque plena & satura fuerint, eorum lateribus reliquæ liquoris, vel aquæ particulæ adhærescunt, adeo ut glacies non aquæ refractione, ut visum est Galileo, sed potius condensatione & novorum corporum ingressu concresecat. Majorem quidem locum aqua congelata obtinet, & videtur quasi intumescere, quod novi spiritus accesserint, qui cum sint aqua leviores, nihil mirum, si glacies in aqua non deprimi, sed magis extare videatur. Circa vasis latera dehiscit, ut viam novis atomis aperiat, quæ aquam altius congelabunt. Hinc qui aquam æstate congelant, nivem, vel glaciem, cum nitro, aut sale ammoniaco permiscunt, ut salis calor cum siccitate conjunctus frigidas nivis partes protrudat, quæ subeuntes aquam lagenâ vitreâ conclusam sensim congelant. Nix fortè non dissimili modo concresecit, nisi quod in nive aquea corpuscula magis distrahuntur, in glacie sunt confertiora. Pluvia in guttas conglobatur, quod ab ambiente aëre stillicidia undique premantur æqualiter. Nubes verò in medio aëre sunt pensiles; non quod continuo vaporum ascensu veluti fulciantur; sed quia æqualis sunt cum medio aëre ponderis. Illud quippe staticæ leges exigunt, ut corpora, quæ sunt leviora, liquidis immersa sursum tollantur. Quare nubes eo sublimius efferuntur, quo sunt leviores. Sunt quidem aëre opaciores, sed non continuo graviore; ut lignum aquæ impositum extat, quam tamen opacitate vincit. Quod autem infimus aër, & densior, & gravior superiore existat, refractiones siderum, ubi horizontem stringunt, apertissime demonstrant: siquidem sereno & tranquillo cœlo 34. minutorum refractionem patiuntur, tum cum oriuntur, vel occidunt; sed ubi ad 30. graduum altitudinem pervenere, tum ab omni refractione sensibili liberantur. Dixerit aliquis, nubes vaporibus & pluvia gravida ipsum aërem densitate superat, & pondere. Id verò non concedo, donec nubes frigore contracta pluvie guttas exprimat. Hinc nubes vaporibus & pluvialis fortè longe sunt depressiores, quam fumus terreni, qui usque ad supremam aëris regionem efferuntur, & ultra 30. milliaria conscendunt, ac crepusculorum faces accendunt. Media verò aëris plaga non ultra 4. milliaria porrigitur: hucusque enim vapores evahi possunt, ac tantum ferè altitudinis. Etnæ vertici perpetuis nivibus obducto tribuit Abbas Maurolycus. Sunt quidem alii in Peruviam montes longè sublimiores, quorum juga nulli vapores obnubilant. Cum igitur nubes nobis finitimæ vix ultra dimidium milliare, vel 500. passus à nobis distent, (ut norunt ii, qui Alpium, & Pyrenæorum juga conscendere) necesse est mediæ regionis altitudinem trium ferè milliarum cum semisse existere: non enim ultra 4.

mil-

*Objection.**Solutio.*

milliaria vapores ascendunt, aut nives concrefcunt, Sed de his hactenus.

Nunc videamus quæſo, quid tandem novi de ventorum origine Cartefius attulerit. Diu eſt quod Seneca nos docuit edi è ſpecu ventos, reſſuque interiore terrarum: tametiſi non putat hanc ſolam eſſe ventorum cauſam. Addit aquarum, terrarumque evaporationes ex his gravitatem aëris fieri, deinde ſolvi impetu; cum quæ denſaſteterant, ut eſt neceſſe, extenuata nitantur in ampliorem locum. Sed nimium ingenio indulget ſuo, cum docet aërem ſe ipſum movere, atque in aëre, ut in aqua eſſe quiddam vitale, omnis motus principium. Modo, inquit, aër ſpiſſat ſe, modò expandit & purgat; aliàs contrahit, aliàs diducit: hocque intereſt inter aëra & ventum, quod inter lacum & flumen. Quid enim ventus niſi aër fluens impetu, aut curſus aëris aliquò concitior? Hanc certè definitionem non aſpernamur: ſed quid illum impetum procreat? negamus aërem vivere, neque id ullà ratione probari poteſt. Quid igitur aërem incitat, niſi exhalatio multo vapore permixta? nec tamen ſola ipſius halitus dilatatio magis ſpatium aſſectantis, ventum ciet: nam æſtate vehementiores ſarent venti, quàm vere, & autumnò: ſiquidem quo radios in terram rectiores Sol jaculatur, hoc aërem, & vapores magis extenuat. Quòd ſi ſolà rarefactione, vel condensatione ventus procreatur, neceſſe eſt, ut in omnes ſimul partes ſpiret; quandoquidem aër in orbem diffunditur. Hanc igitur vaporis, vel halitus extenuationem eſſe quidem in parte, ſed non ſolam ventorum cauſam exiſtimo. Nec mihi quorundam Peripateticorum ſententia arridet, exhalationem ſurſum nitentem nubium obſeſtu repelli, quæ cum præ levitate non poſſit deſcendere, nec ſurſum efferri, in tranſverſum movetur. Quod ſi ita ſit, neceſſe eſt, ut ipſas nubes ſingamus, tanquam corpora ſolida, quæ exhalationem adeò fortiter reſſunt: neque in eandem, ſed in omnes partes venti reſilient. Huc accedit, quòd media aëris regio longè foret gravior & ſolidior infimâ. Quæ igitur cauſa hunc vento motum imprimit? numquid terræ pulmones cum Keplero, vel Angelos cum *Kepleri & Bodino* obtendemus? ſed alterum vanum eſt, ac fabuloſum: alterum *Bodini* Philoſopho indignum videtur: tanta quippe ventorum inæqualitas ſententia cauſam habet minùs conſtantem & certam: atque ut flumina naturali impetu labuntur; ſic motum aëris à cauſâ naturali proſciſciſcitur. Non inſicior tamen creaturam viſibilem per ſpiritus inviſibiles regi: verùm alias his rebus cauſas & propiores, & magis cognatas inquirimus. An ſingulis ventis, qui provinciales dicuntur, & in certis regionibus ſpirant, ſingulos quoque Angelos, quaſi præfe-

De ventis.  
tum cau-  
ſis, & na-  
turâ.

Qos

*Obiectio.*

flor tribuemus? Sed, inquiunt, dæmones plerumque solent, & ventos, & tempestates excitare: sic magi unde libuerit ventos evocant. Addit Bodinus, quod si cadaver ex Ægyptiorum sepulcris erutum navibus aliò transvehatur, violentissimæ tempestates tamdiu navem jactant, quousque vel demergatur, vel cadaver in mare projiciatur. Unde qui Alexandriâ solvunt nautæ scrutantur onerarias naves, ne

*Responsio.*

forte quis mumiam imposuerit. Hæc atque alia id genus persuadent quidem multum Angelis, & dæmonibus licere in hæc inferiora, ac ventos posse undequaque excitare; multa extra naturæ ordinem operari: sed eos esse ventorum impulsores, & quasi æolos, vix hominæ mentis crediderit. Quid ergo ventos ciet? nūquid ut placet Aristoteli, exhalatio sursum sublata à sublimi aëre versus occasum cœli vertigine abripitur, & obliquè detorquetur? At necdum satis constat sublimem aërem primi mobilis conversione rapi: neque facile concipitur, quæ hoc fieri possit. Altissimorum certe montium vertices nullo inquietari vento compertum est. Accedit quod omnes venti ab ortu flarent, ac nubes in occasum propellerent. An forte nobis in Fromondi sententiam concedendum est, quæ putat ventos in terram suo pondere delabi? At ventus non adeo gravitat, ut tanto impetu præceps ruat: maximè cum præ levitate suâ sursum sublatus fuerit. Unde ergo tantum virium sibi conciliat, ut arbores altis infixas radicibus evellat? id nobis discutendum est. Sive ventus exhalatio quædam sicca; sive humidus vapor censeatur; vel quod mihi magis placet, exhalatio sit vapore permixta: suâ quidem levitate hunc crassum aërem perumpit; sed mediz regionis frigore densatus, instar torrentis confertim fluit. Non quidem, ut imber, cadit ad perpendicularum; inferior enim aër resistit; sed movetur in transversum, hoc validius, quo major fuerit exhalatio. Nam quæ sequitur præcurrentem urget, & instar fluctuum alia aliam pellit. Hinc sæpe venti vires acquirunt eundo; quo enim plures imprimuntur ictus, eo magis crescit impetus. Sed tamen cum longiorem tractum decurrunt, pars melior exhalationis plerumque dissipatur. Qui ex altiori loco decidunt, longius promoventur. Ventus Borealis cum densior sit, & gravior, quasi recta deorsum propellitur. Non raro ferocior est Austro: nam sæpius acriori frigore densatur. Austro vero, nisi imbribus sit gravis, levior est Aquilone & magis in obliquum fertur. Hinc cessante Austro, fluctus, quos excitavit, non statim subsidunt: quemadmodum ætus quos Aquilo commovit, qui subito sternuntur, ubi ventus rederit. Nam Aquilo vehementior quidem est, sed deorsum ruit: non item Austro, qui fluctus ex transverso perstringit. Sæpe tamen evenit,

nit,

nit, ut ventus proprio pondere in terram præcipitatus, non statim frangatur; sed resiliat, vel propter impetum, quem sibi acquisivit, vel quod una exhalatio aliam urgeat & insequatur; vel denique quod crassior sit aer terræ finitimus, quem non faciliè perumpit halitus ventosus. Nonnunquam in contrarias partes scuntur nubes: nam qui levior halitu constat ventus, sublimior est, nec facile delabitur. Contingit aliquando, ut infimum aëra ne minimus quidem ventus sollicit, cum tamen eodem tempore nubes celerrimè promoveantur. Horum omnium una est communis causa, quam subinde attigimus: major aëris inferioris densitas, quem ideo levior exhalatio non gravat. Quo verò aer magis densatur, eo minùs vaporum minutissimæ atomi in unum coire queunt. Hinc flante Aquilone cœlum serenum esse solet: sed ubi Auster spirat, tum aer calore laxatur, & vapor resolvitur; in majores adeo globulos colligitur. Ille est salubrior, quod poros adstringat, calorem nativum contineat, nec faciliè exspirare patiat: sed flante Austro caput gravedine laborat, quod corporis meatus subtili & calidæ exhalationi pateant, quæ humores fundit. Non easdem tamen ubique terrarum qualitates venti obtinent: nam Aquilo pluvias ac nubes vehit, cum à mari, vel lacu vicino spirat: Auster in Africâ serenus est & siccus, quod prodeat ab arenosis terris. Illud etiam constat, tenuem quandam auram à mari, & magnis fluminibus excitari: nam Sol vapores citius quam exhalationes educit. Huc accedit quod aer fluentis aquæ motui obsequitur. Sed cur venti solent maximorum circulorum arcus decurrere? an quod brevissimam affectant viam, quæ in sphaeræ superficie arcus circuli maximi? cur in unam potius partem, quàm in alteram spirant? an fortè id ex situ spiraculorum, ex quibus erumpunt; vel ex aëris resistentiâ dependet? quare alii sunt graves, alii leviores, nonnulli pluvias vehunt, alii cœlum serenant, quidam salubres, alii sunt insalubres? hæc quidem dependent è terrâ, ex qua educuntur, quæ si humida sit & frigida, densiores; si calida & humida, copiosos; si siccior, leviores procreat ventos; item ex calore, qui hos vapores effert, qui quò fuerit intensior, crassiores halitus educit. Denique ventus eam sortitur naturam, quæ materiæ, ex qua procedunt, convenit. Postremo minuta illa corpora, quæ vel radiis solaribus, vel calore subterraneo turmatim prorumpunt, in ipso itinere alia offendunt corpuscula, cum quibus sæpè consociantur; quæ si fuerint humida, frigidioris venti occursum in nivem, aut grandinem densantur. Si ventus siccior fuerit, imminuentem ardet pluviam; nisi major sit vaporum copia, quàm ut a vento exsiccati possint, tum enim pulvis ille cum

Sf

impetu

impetu protrusus, quem ventum dicimus, inito cum humidis vaporibus sedere in pluviam conrescit, atque effuso imbri ventus condidit.

De ventis anniversariis nihil necesse est dicere. Etesias vocant, qui æstate à Septentrione quotannis flare solent; sive concussæ magno calore nives (ut cum Seneca loquar) plus vaporis essent; sive quòd terræ exoneratæ nivibus, retectæque spirent liberius: nam probabile est spiritum nivalem sursum efferri, & frigore densatum recidere: quare Etesiarum ab Aquilone flatus in Meridiem dirigitur, quòd ibi aërem solutiorē, & calore jam dilatatum offendat. Neque alia mihi succurrit ratio, cur in zonâ torridâ Subsolanus ab ortu in occasum indefinenter spiret; nam eò ventus incumbit, quòd liberior exitus invitat, & loci laxitas: nocturno quoque frigore aër condensatur, quem Sol exoriens dilatatur, ac novos subinde vapores attollit, qui quærent quòd dissuant, & eò potissimum exeunt, ubi plurimum vacui est, & magna, & patens area. Agnoscitis Senecæ verba, quæ facile est traducere ad perennem illum motum explicandum, quem in zonâ torridâ ab ortu in occasum flare experiuntur: nisi si quis fortè velit cum Keplero, & aliis Copernicanis insanire, huncque ventum terræ motui referat acceptum. Terra, inquit Keplerus, in illis regionibus velocissimè rapitur ab occasu in ortum; nec tam celerem motum aër consequi potest; unde in contrarias partes videtur resuere. Quid igitur causæ est, cur circa vigesimum septimum gradum latitudinis Favonius serè indefinenter spiret? Crediderim potius Solem ex his locis vapores continenter attollere, qui Sole recedente in ventum dissuantur, hic ultra vigesimum septimum gradum occursum litorum resilit; hinc Favonius decem subsequentes gradus occupat. Quòd verò Thomas Anglus ex illo æquabili motu æstus Oceani deducat, vix adducor ut credam ventum tam leniter fluentem totum Oceanum abripere, qui occursum litorum ad Orientem resuat. Majores certè æstus sub æquatore, quàm versus polos contingerent: cur unâ serè horâ tardius recurrerent? Quod addit mare ab extrinsecâ causâ agitari, quia observatum est in locis non admodum profundis infra sextam orgyiam contineri: adeò ut inferior aqua quieta sit, & placida; id si verum est, causa, quam ex terræ libratione, mi Simplicio, duxilli, non parum vacillat: sed longius excurro.

Jam quæ restant decurramus: diu nocturne in easdem partes perflat ventus, quòd Solis motum consequatur: nam Solis calor, quod sæpè dictum est, vicinum aërem dilatatur; laxatus aër exhalationem ad se invitat. Nihil addam de procellis, quas Ecnephias vocant; nihil de

tur-



turbinibus. Ecnephias nihil est quàm spiritus è nube disrupta ruens; acer est, & vehemens, quod non fusus, nec in apertum veniat, sed laborat, & iter sibi vi, ac pugna parat. (non ignoratis unde tam magnifica verba depromam) Ventus verò circumactus, & eundem ambiens locum, & se in ipsa vertigine concitans, turbo est. Nam ut fluxus incurrens in aliquod saxum, retorquetur, & in orbem aquas sine exitu flectit, sic ventus quamdiu nihil obfistit, vires suas effundit; sed ubi aliquo promontorio percussus est, aut in tenuem canalem collectus, sapius in se volutatur, similemque aquis facit vorticem. Quod si pugnacior est, ac diutius volutatur, inflammatur, & efficit quem *νεφέλη* Græci vocant: hic est igneus turbo. Neque alia est, ut mihi videtur, fulminis & tonitruum causa, de quibus continuo agerem, nisi esset à cæteris separata ratio: hæc quippe ad ignita meteorum pertinet.

## CAPUT QUARTUM.

## De ignitis meteoris.

- I. De fulguris, fulminis, & tonitruum naturâ, causis, & effectibus.  
II. De reliquis impressionibus ignitis differitur.

## Menander.



Est sanè quanquam diversarum rerum quedam vicinia: siue enim Ecnephias sit ventus sicca nube excussus, siue sit nubes magno impetu cadens; non aliter ipsa fulmina, & fulgura procreantur. Quid enim fulgur, nisi exhalatio fulfurea nubibus intercepta, & superiorum nubium casu, vel agitatione inflammata?

Superior quippe nubes calore solvitur, atque in inferiores non sine magno sonitu ruit, eoque major est fragor, quo nubes sunt crassiores. Sæpe evenit, ut exhalatio inflammabilis copiosa quidem sit; sed non satis densa sint nubes; tumque citra tonitruum micant fulgura. Contrà accidit, si densis, & solutis nubibus exhalatio fulfurea, & altitrosa desit: tum enim tonat quidem, non fulgurat. Fulguratio, ait tuus Seneca, mi Theophile, est latè ignis explicitus: fulmen est coactus ignis, & impetu jactus. Nubium in se compressarum angustia, medium spiritum emittunt, & hoc ipso inflammant, & tormenti modo,

De fulgure, fulmine, & tonitruo.



ejiciunt. Quapropter fulmina exploduntur ferè, ut turbines: nisi quod turbo est cruda exhalatio cum nubibus in terram demissa, & sursum non sine magno impetu reflexa, quæ obvia quæq; contorta vertigine turbinat: sed fulmen exhalatio quidem est inflammabilis, quæ nubibus intercepta, & constricta, sæpe in lapidem concoquitur. Siccas quippe, & terrestres partes in mediam aëris regionem attolli, & in fundo vasis ubi diutius pluvia resederit, terrenas faeces conspici, jam subinde monuimus: quæ quidem cum nitrosis, & sulfureis fumis permixtæ, & incensæ, in lapidem abeunt. Quid igitur mirum, si actes, oleosæ, & terrestres particule, in nube tanquam in fornace decoctæ, lapidem ceraunium conscant: tametsi nemo ex veteribus, ante Avicennam, hujus lapidis meminerit. Ex quâ igitur materia fulmen euditur, nisi ex terrâ, nitro & sulphure? Communis quippe est pulveris pyrii, & fulminis materies: utriusque effectus omnino sunt similes. Quocirca nubes cava instar tormenti erit, cujus claustra dum sulfurea exhalatio disrumpit, & tonitru, & fulgur, & fulmen efficit: fulguratio ostendit ignem, fulminatio emittit: illa comminatio tantum est, ista jaculatio cum ictu; nec naturâ, sed impetu dilant.

Quare  
fulmen in  
terram de-  
jiciunt.

Enimverò multa nos abeuntes retrahunt. Primum quis fieri possit, ut sola fulminis flamma tanto impetu in terram usque dejiciatur? non enim flamma de tormentis bellicis tam longè prorumpit. An forte exhalatio illa viscosa est, & tenax, nec facile dissipatur, quod non sulfurea modò, sed etiam bituminosa sit? Sulphur quidem ipso odore se prodit: bitumen verò non abesse hinc conjicimus, quod in aquâ non extinguatur. Multa profectò in chymicis operationibus, fulmini non dissimilia intuemur: nam calcem auri fulminantem, atque ingenti strepitu deorsum nitentem præparant: ut nihil dicam de croco antimonii, quem per detonationem eliciunt. Sic ubi æs Cyprum in purum excoquitur, si antequam perfectum fuerit, aliquantulum aquæ injeceris, prorumpit ex eatino, non sine magno strepitu, ac prostermit quidquid attigerit. Sed quare fulmina deorsum potius, quàm sursum vibrantur? nam aer infimus, densior cum sit, plus resistit? An quod in illo conspectu densata nubes, vel confertus imber è sublimi aëre ruens fulmen deorsum præcipitat? juvat etiam inquirere, cur fulmen alta quæque feriat; cur aliquando illæsa vaginâ ferum fudat; cur dosia intacta fulmine exhauriantur? Exceffa quæque fulmine iciuntur, quod non rectâ deorsum; sed ex obliquo fulmen demittitur: unde exceffa quæ sunt, lapidæ ex transverso occurrunt; nubes quoque in mediâ sui parte facilis disrumpitur, eam turris, vel montis cacumen subest, quia plus ibi resistitur.

Varia ful-  
minis effe-  
ctum.

Czte-

Cæterum non eadem semper est, & uniusmodi exhalatio, quæ fulmen accendit: si pinguis fuerit, & oleosa, mollia tantum corpora adurit; si penetrans, & subtilis, cedenti materię parceret, obstantia quæque perfringet. Sic aqua fortis dissolvit metalla, non ceram, vel lignum. Exhalationem verò, ex quâ fulmen cuditur, multum nitri, ac salis volatilis continere, jam identidem monuimus. Nihil igitur mirum, si manente vaginâ ensis liqueſcat; vel inviolato ligno circa pilam ferrum omne diffillet; aut loculis integris conficitur argentum. Illud mihi majori est miraculo, quòd fracto dolio vinum incruſcet, ac tam citò faciem vini exſiccando, corticem obducatur; aut ipſum vinum congelaciet. Stat, inquit Seneca, in dolio vinum: nec ultra triduum rigor ille durat. An fortè ſpiritus nitri vinum congelat? Jam enim notum, & pervagatum eſt, quòd nitrum glacie contritâ permiſtum, ac lagenæ vitræ obduſtum, aquam lagenâ incluſam congelaciet. Rationem idoneo loco reddidimus. Jam unde tantus tonitruï fragor? An quòd in nube humidâ extinguitur ignis: nam ne ferrum quidem ardens ſilentio tingitur? Sed tamen ferrum aquâ extinguitum, ſtridentem edit ſonum, non tonitruï bombum. An fortè ex nubium collifione, vel exhalationis incluſæ luſtâ, & ignis accenditur, & tantus fragor exoritur. Sic lauri, & juniperi folia, vel caſſiæ non inciſæ, atque alia id genus, non ſine ſtridore incenduntur, quòd ſpiritus concluſus, & rarefactus, magno impetu corticem diſrumpat. Quod ſi ita ſit, non ſola collifio, ſed etiam nubium ſciſſio tonitruï ſonum facit; præſertim cum vehementiùs crepat. Talia, inquit Philoſophus, jam ſæpè à nobis laudatus, eduntur tonitrua, cum globata diſſolvitur nubes, & ſpiritus, quo diſſenta fuerat, emittit. Exemplum illuſtre habemus in pulvere pyrio, qui in tormentis rarefactus, magno fragore crumpit.

*Th.* Aſſentior planè, neque unum uni tam eſt ſimile, quàm *Objeſt.* tonitruum & tonitruï ſonus: verumtamen non reſonant mollia, niſi illiſa duris; nec auditur fluctus niſi impactus. Jam quid nubes ipſa mollius, quid ipſi cum ferreis, vel æneis bombardis commune?

*Men.* Tametſi nubium materia non ſit ferrea, ſtringit nihilominus ſpiritus accenſus, qui ſibi vi atque impetu parat viam. Non diſſimile quiddam videmus in fodinis Carbonariis: nam halitus bituminofus, ſi fortè in faciem accenſam inciderit, magnum edit ſtrepitum; nec tamen ad durum corpus alliditur. Multum etiam confert æris flagellatio: quid enim ſonus niſi iſtus aer? Cum verò nubes, non ſubitò, ſed paulatim effringitur, tum ſtridentem emittit ſonum,

ſi 3

non

non aliter ac si pannum diruperis. Cum denique per nubem crassiorē exhalatio discurret, tum grave murmur auditur: quando enim spiritum intra se claudere nubes, in concavis partibus earum volutatus aer similem agit mugitibus sonum. Nec demum inficiari possum nubium lapsu, & tonitru, & pluvias pleniores effici: nam ubi major crepitus insonuit, largior imber effunditur. Quid verò est causa, cur fulmen oblique feratur? An quia natura ignem sursum vocat, injuria deorsum premit (non potui hanc Stoici vocem omittere.) Interdum neutra vis alteri cedit, & ignis in superiora nititur, & in inferiora deprimitur; unde, ut jam dictum à nobis est, frequenter cacumina montium feriuntur; quia opposita sunt nubibus, & è cælo cadentibus per hæc transcendunt est. Fervidis & æstivis diebus plerumque fulminat, quod oleosa, & pinguis materia, nonnisi calore vehementiori attolli possit, ut videre est in distillationibus chymicis, ubi spiritus volatilis, & phlegma leni distillatione prolucuntur; olea vero non nisi austro igne extrahuntur. Celerrimam rarefactionem velocissima nubes & vicini aeris compressio sequitur: hinc ingens oritur sonitus.

*Th.* Jam si placet quàm brevissimè poteris, de reliquis impressionibus ignitis perge dicere: ista enim omnibus sunt obvia, nec longam exigunt disceptationem.

*Men.* Sequar quò vocas; cumque omnia serè meteora, quæ calore accenduntur, ex eodem fonte manent; nempe ex pingui & fumoso halitu: satis fortasse fuerit de his in universum dicere. Communis quidem eorum materies halitus est pinguis, & viscosus; sed quo incendatur modo, non ita est in promptu. Volutatio spiritus in nube conclusi valentissimum est accendendi genus. Hinc fieri potest, ut violenta agitatio vaporem ab exhalatione, ut serum à butyro secerneat; cumque copiosa est exhalatio, & tenuis vapor, ac nulla nubes sub obtutum cadit, sulfureus halitus facillè sese expedit à vapore, & sine crepitu in stellæ, aut globuli ignei modum, è cælo in terram præceps ruit. Idem serè hic, quod in pyrobolis accidit, nisi quod stellæ cadentes nullum vehementiorem edunt sonum, sed non sine magno strepitu charta toties replicata, & adstricta, perfringitur. Huc accedit, quòd pyroboli sursum nitantur, quia materia paulatim accensa ampliorem exigit locum; nec deorsum potest tendere, vel quod apposta obstat virgula; vel quod projicientis impetus sursum ire compellat.

Stellæ discurrentes simili serè modo non in supremâ aeris regione, sed propius terram incenduntur; videntur discurrere, quod aer

his

De stellis  
cadentibus.

his exhalationibus sit refertus, & accensus halitus, pabuli sul venam sequatur. Interim velut igne continuo totum iter signant, quia visus nostri tarditas non subsequitur momenta currentis; sed videt simul, & unde exilierit, & quò pervenerit. Plenaque ejus generis meteo<sup>ra</sup> tempestates præfagiunt: significant enim aëra infici multà exhalatione. Hinc postquam atrox tempestas sæviit, ignes ejusmodi navium malis adhærescunt; nec verisimile est ex fluctibus maris inter se collisis eos procreari. Crediderim potius vaporem vi tempestatis abripi, *De aliis* halitum solum pinguem & viscosum esse superflitem, cujus flocci per *impressio-* aërem volitantes aliquando obvisi navium malis tenaciter inhærent, *nibus igni-* atque ipso motu incenduntur. Interim unus duntaxat apparet; hunc *sic.* veteres nautæ Helenam dicebant, & tempestates portendere arbitrabantur: si duos conspicerent, Castoris, & Pollucis nomine eos insigniebant, felicioris, ut putabant, ominis. Nunc temporis nautæ secus augurantur, & quo plures contuentur, eo majorem fore tempestatem conjiciunt.

Quid necesse est hîc de Dracone, Caprâ, Clypeo, & aliis bene multis, quæ figurâ tantùm, non naturâ distant, fusius differere? Quando exhalatio accensa in mucronem acuitur, pyramidem dicunt: si teres sit, & cylindrica, columnæ; si latiori fastigio scintillet, facis; si rotunda sit & plana, clypei; si oblonga, & transversa, trabis; si mediz partes intumescant, Draconis nomen sortietur. Quòd si globus igneus circum se floccos pensiles, instar lanæ præferat, ac saltu incondito lasciviat, Capræ saltantis nomen obtinebit: tenuis quidem exhalatio hos efficit flocculos. Stipulæ dicuntur, cùm globus igneus non apparet, sed exhalatio latè dispersa incensatum stipularum speciem præbet. In quâ porro aëris regione hæc meteo<sup>ra</sup> accendantur, difficile est decernere. Nam vix adducor ut credam, non ali- *Ubi hæc* bi quàm in supremâ aëris regione illa generari; cùm nulli vapores *meteo<sup>ra</sup>* eò consendant, nec sublimem aëra ullus ventus exagitet: quo igitur *meteo<sup>ra</sup>* modo exhalatio ibi accendi poterit? sæpè hæc incendia ad terram usque perveniunt: non longè igitur à nobis procreantur. Cæterum cùm ignes illi aërei materiæ tenui & subtili infideant, facillè extinguuntur: nam si crassiori adhæreant materiæ, subito decident, nec proprio renitente pondere, in sublimi aëre diutius suspendentur. Quapropter cometas, imò & trabes, quæ aliquamdiu perseverant, (qualem se vidisse Aquis Sextilis, anno 1637. ab ortu in occasum prætervolantem testatur Gassendus, quæ eodem tempore per totam Occidentalem visâ est) nec terrenis halitibus constare, neque in ipso aëre formari mihi persuasum est, sed de Cometis aliàs pluribus.

Quod

non aliter ac si pannum diruperis. Cum denique per nubem crassiorē exhalatio discurret, tum grave murmur auditur: quando enim spiritum intra se claudere nubes, in concavis partibus earum volutatus aer similem agit mugitibus sonum. Nec demum inficiari possum nubium lapsu, & tonitru, & pluvias pleniores effici: nam ubi major crepitus insonuit, largior imber effunditur. Quid verò est causæ, cur fulmen oblique feratur? An quia natura ignem sursum vocat, injuria deorsum premit (non potui hanc Stoici vocem omittere.) Interdum neutra vis alteri cedit, & ignis in superiora nititur, & in inferiora deprimitur; unde, ut jam dictum à nobis est, frequenter cacumina montium feriuntur; quia opposita sunt nubibus, & è cælo cadentibus per hæc transcendendum est. Fervidis & æstivis diebus plerumque fulminat, quòd oleosa, & pinguis materia, nonnisi calore vehementiori attolli possit, ut videre est in distillationibus chymicis, ubi spiritus volatilis, & phlegma leni distillatione proliciuntur; olea verò non nisi aucto igne extrahuntur. Celerrimam rarefactionem velocissima nubes & vicini aeris compressio sequitur; hinc ingens oritur sonitus.

*Th.* Jam si placet quàm brevissimè poteris, de reliquis impressionibus ignitis perge dicere: ista enim omnibus sunt obvia, nec longam exigunt disceptationem.

*Men.* Sequar quòd vocas; cumque omnia serè meteora, quæ calore accenduntur, ex eodem fonte manent; nempe ex pingui & fumoso halitu: satis fortasse fuerit de his in universum dicere. Communis quidem eorum materies halitus est pinguis, & viscosus; sed quo incendatur modo, non ita est in promptu. Volutatio spiritus in nube conclusi valentissimum est accendendi genus. Hinc fieri potest, ut violenta agitatio vaporem ab exhalatione, ut serum à butyro secerneat; cumque copiosa est exhalatio, & tenuis vapor, ac nulla nubes sub obtutum cadit, sulfureus halitus facilè sese expedit à vapore, & sine crepitu in stellæ, aut globuli ignei modum, è cælo in terram præceps ruit. Idem serè hic, quòd in pyrobolis accidit, nisi quòd stellæ cadentes nullum vehementiorem edunt sonum, sed non sine magno strepitu charta toties replicata, & adstricta, perfringitur. Huc accedit, quòd pyroboli sursum nitantur, quia materia paulatim accensa ampliorem exigit locum; nec deorsum potest tendere, vel quòd apposta obstat virgula; vel quòd projicientis impetus sursum ire compellat.

Stellæ discurrentes simili serè modo non in supremâ aeris regione, sed fed propius terram incenduntur; videntur discurrere, quòd aer

his

*De stellis  
cadentibus.*

his exhalationibus sit refertus, & accensus halitus, pabuli sui venam sequatur. Interim velut igne continuo totum iter signant, quia visus nostri tarditas non subsequitur momenta currentis; sed videt simul, & unde exilierit, & quod pervenerit. Pleraque ejus generis meteo-  
 ra tempestates præfagiunt: significant enim aëra infici multâ exhalati-  
 one. Hinc postquam atrox tempestas sævit, ignes ejusmodi navium  
 malis adhærescunt; nec verisimile est ex fluctibus maris inter se col-  
 lisis eos procreari. Crediderim potius vaporem vi tempestatis abripi, *De aliis*  
 halitum solum pinguem & viscosum esse superstitem, cujus flocci per *impressio-*  
 aërem volitantes aliquando obviis navium malis tenaciter inhærent, *nibus igni-*  
 atque ipso motu incenduntur. Interim unus duntaxat apparet; hunc *sis.*  
 veteres nautæ Helenam dicebant, & tempestates portendere arbitra-  
 bantur: si duos conspicerent, Castoræ, & Pollucis nomine eos insi-  
 gnicbant, felicioris, ut putabant, ominis. Nunc temporis nautæ secus  
 augurantur, & quo plures contuentur, eo majorem fore tempestatem  
 conjiciunt.

Quid necesse est hæc de Dracone, Caprâ, Clypeo, & aliis bene  
 multis, quæ figurâ tantum, non naturâ distant, fusiùs disserere?  
 Quando exhalatio accensa in mucronem acuitur, pyramidem dicunt:  
 si teres sit, & cylindrica, columnæ; si latiori salsiglio scintillet, facis;  
 si rotunda sit & plana, clypei; si oblonga, & transversa, trabis; si me-  
 diaz partes intumescant, Draconis nomen sortietur. Quoddam globus  
 igneus circum se floccos pensiles, instar lanæ præferat, ac saltu in-  
 condito lasciviat, Capræ saltantis nomen obtinebit: tenuis quidem  
 exhalatio hos efficit flocculos. Stipulæ dicuntur, cum globus igneus  
 non apparet, sed exhalatio latè dispersa incensarum stipularum  
 speciem præbet. In quâ porro aëris regione hæc meteo-  
 ra accendantur, difficile est decernere. Nam vix adducor ut credam, non ali-  
 bi quàm in supremâ aëris regione illa generari; cum nulli vapores *illis hæc*  
 eò conscendant, nec sublimem aëra ullus ventus exagitet: quo igitur *meteo-  
ra*  
 tur modo exhalatio ibi accendi poterit? sæpè hæc incendia ad terram *gignere*  
 usque perveniunt: non longè igitur à nobis procreantur. Cæterum  
 cum ignes illi aërei materiæ tenui & subtili insideant, faciliè extin-  
 guuntur: nam si crassiori adhæreant materiæ, subito decident, nec pro-  
 prio renitente pondere, in sublimi aëre diutius suspendentur. Qua-  
 propter cometas, imò & trabes, quæ aliquamdiu perseverant, (qua-  
 lem se vidisse Aquis Sextilis, anno 1637. ab ortu in occasum præer-  
 volantem testatur Gassendus, quæ eodem tempore per totam Occita-  
 niam visa est) nec terrenis halitibus constare, neque in ipso aëre ef-  
 formari mihi persuasum est, sed de Cometis aliàs pluribus.

Quod

De igne  
fatuo.

Quod ignem fatuum attinet, plerique existimant nihil esse quàm halitum pinguem, & tenacem, nullo igne flagrantem : sed instar lampyridum, vel ligni putridi lucentem. Ioannes Fluddus se aliquando hunc ignem assecutum fuisse testatur, ac comperisse illius materiam non igneam, sed viscosam, lubricam, & candidam, nigris maculis inspersam. Alii aliter sentiunt, nec probabile putant, materiam adeò crassam nullo igne accensam, in aëre tamdiu pensilem fluuare. An Fluddo tanta fides debetur, quem ubique ineptire Philosophia Mosai-  
ca, titulo superba, re inanis satis demonstrat? Fieri etiam potest ut stellæ cadentis reliquias pro igne fatuo, manibus contrectaverit : nam illæ sunt viscosæ & lubricæ, ut experti testantur. Ejusmodi ignes circa cœmeteria, paludes, & cloacas frequentius discurrunt; quòd ex pingui halitu prodeant. In flumina deducunt insequentes : quia secundo flumine tenuis aura spirat, & contiguus aër ab aqua fluvii abripitur. Hinc ignis fatuus insequentem fugit, & fugientem insequitur : nam locum à moto corpore relictum occupat, & aëris fluxui obsequitur. Æstate & autumno, imò & in regionibus fervidis crebriores visuntur; quòd pinguis humor non nisi magno Solis ardore elici, & digeri queat. In præcipitia sæpe deducunt; nam ibi aër instar vorticis volutatur. Subsultant in aëre, quia fluuantem aëra pro vehiculo habent; vel quòd à nocturno frigore, aut ab ipso rore cadente deprimentur, atque ingentitè levitate resiliant. Ignis denique lambens nihil est, quàm spiritus tenuis, & pinguis, qui equorum sudantibus jubis insidet; vel circa hominum tempora, tanquam spiritus vini tenuissimus accenditur; neque urit tamen, propter raritatem maximam. Ex equis & felibus ejusmodi scintillas excuties, si adverso pilo affricueris. Spiritus enim lucidos esse jam hesterno colloquio demonstratum fuit. De mixtis imperfectis satis ut opinor multa reliquum est, ut de Iride, & aliis impressionibus, quæ Emphaticæ, seu Apparentes vulgò dicuntur, quid sentias, optime Simplici, explicare non graveris.





## CAPUT QUINTUM.

De Iride, Coronâ, & aliis impressionibus  
apparentibus.

- I. De loco, in quo Irius efformatur. II. De illius figurâ, magnitudine, & coloribus permulta. III. De coronâ & aliis emphaticis impressionibus. IV. De coloribus, qui per trigonum crystallinum apparent, varia mittuntur conjectura, ac pleraque explicantur ejusmodi phenomena.

## Simplicius.

**V**id ipse de naturâ, & coloribus Iridis sentiam quæris, optime Menander. Res est tot difficultatibus obstructa, & tantis circumfusa tenebris; ut qui in eâ indagandâ tempus omne contriverunt, invenire se posse quod cuperent diffisi sint. *Vide arcum, inquit Ecclesiasticus, & benedic eum, qui fecit illum. Valde speciosus est in splendore suo. Gyravit cælum in circuitu gloriæ suæ: manus excelsi aperuerunt illum.* Nec igitur mirum, si hoc divinæ manus miraculum mentis humanæ infirmitas capere non possit; cùm minutissima quæque nemo comprehendat. Quod non obscure innuit Ecclesiastes: *Intellexi quod omnium operum Dei nullam possit homo invenire rationem, eorum quæ sunt sub Sole, & quanto plus laboraverit ad quærendum, tanto minus inveniat.* Illud sanè cùm in aliorum naturæ operum, tum maximè in Iridis contemplatione contingit, de cujus loco, naturâ, & coloribus, summa est inter Philosophos contentio. Varias ac dissidentes eorum sententias nunc referre non vacat, nec refellere: quæ ad veritatem magis mihi videntur accedere, breviter attingam: neque ab eximii Chamberi decretis discedam. Nemo quippe, sive rectè judico, sive amore præcipui in Philosophia viri laboro, hoc argumentum divinius pertractavit. Primum, quod Iridis locum attinet, plerique omnes Philosophi magnè in errore versantur, dum putant illic efformari, ubi se videndam præbet. Pro-De Iridis festo nubes non tersa est, & polita instar speculi; sed mollis & inæ- loco, qualis: adeò ut nec radios Solis reflectere, neque eos variis possit coloribus tingere: præsertim cùm solâ reflexione lumen in colorem

T t

non

non degeneret. Radii quippe luminis in diversis speculis, vel septies reflexi, nullum idcirco induunt colorem. Denique Iris in arcum curvari nequit, nisi ipsa nubes instar speculi concavi existat: adco ut si vel minimum ab hac figura desceiverit, lumen Solis in arcum non flectat: atqui nubes nec cava sunt, nec satis solidæ, vel contiguæ, ut speculi vices obeant. At, inquit, non solâ reflexione, sed quâdam etiam radorum refractione Iris in nube roridâ & apparet, & gignitur. Quod si ita sit, non in extimâ modò superficie, sed in intimis nubis penetralibus Iris conspicietur, siquidem radii refracti à recto tramite deflectunt; sed tamen corpus ipsum penetrant, atque ulterius progrediuntur. Verùm quid ago, sanusne sum, qui enixè laboro in consutandâ opinione, quam visus ipse erroris revincit? Quoties enim vidimus pluviam de cælo labentem, vel arbores ipsas Iridis coloribus imbutas? quod ne concipi quidem potest, si Irim Sol in nube sibi oppositâ effingat. Quid, cum è montis vertice Iridis cornua in vallem usque demissa conspiciamus, an eò usque nubes decedit? Quid denique, cum nubem in quâ Iris depingitur interruptam videmus; num continuò Iris evanescit? Hæc sanè nisi me mens fallit planè demonstrant Irim non in ipsâ nube, in quâ depictam intuemur; sed in aliâ quâdam Soli viciniore non aliter effingi, quàm Irides, quæ radiis solaribus per trigonum crystallinum refractis in adverso pariete delineantur; nam suis coloribus tingunt quicquid interjacet. Nubes quidem Soli opposita est instar parietis, qui suâ opacitate radios Solis refractos sistit, ac videndos præbet. Quare non immeritò concludit Keplerus his verbis: ergo materia aquea, quæ inter spectatorem, & Solem est; seu pluvia sit, seu pellucida nubes, seu nebula, (Vidi enim, inquit, Irides & in nebula) hæc, inquam, format & figurat refractiones radorum Solis: quæ post spectatorem est, ea excipit hos radios Solis refractos. Nubes verò superflans obumbrat locum, & radios Solis directos avertit, ut colorati radii cerni queant. Itaque non est verum radios Solis, seu visus reperi, vel frangi in in ipso loco nubis, quò Iris apparet.

**Utrum**

**centra So-**

**lis, oculi,**

**& Iridis**

**eadem re-**

**cta conno-**

**sciat.**

Scitè tu quidem Keplere; sed tamen nimis jejune rem tanti momenti explicas: cumque subnectis, centra visus, Iridis & Solis in eadem rectâ esse disposita, Cardani, Maurolyci, atque aliorum communem errorem laheris. Videtur enim vobis Iris per solam radorum refractionem procreari: quasi nubes sit instar speculi chalybei, solida, & polita: aut guttæ roridæ penè insensibiles lumen solare tam validè possint regerere. Hinc tot Irides efformari; quot sunt spectatorum oculi, falso creditis: cum per trigonum crystallinum, una in oppo-

sito

sito pariete Iris delineetur, quam ex omni situ, & loco licet intueri: neque adeo necesse est, ut contra Solis, Iridis, & oculi in eadem recta lineâ constituamus. An Iris à Fromondo observata, cujus alterum cornu vix ultra 30. passus ab ipso distabat, cum alterum longissimè distitum appareret: vel duæ Irides à Fortunio Liceto visæ ad Austrum vergere, cum Sol occumberet, atque aliæ innumeræ à diversis spectatæ, centra sua, ut fingunt, sic disposita habuere? Quod si eadem recta lineâ tot centra conjungat; necesse est ut Iridis brachia æquo semper à nobis distent intervallo, cum Soli è regione arcus opponatur. Non multum abhorret à vero Fromondus, cum duplicem Irim ex Aristotele distinguit; unam quæ per *ἀνύλασι*, seu reflexionem; alteram quæ per *ἀνύλασι*, sive refractionem gignitur. Illius quæ per reflexionem efformatur, centrum cum oculi, ac Solis centrīs in eadem rectâ disponitur. Secus est de Iride, quæ per refractionem generatur, qualem prismata, vel trigoni vitrei, vulgare etiam vitrum vinarium efficiunt: nam si in cubiculo subobscurō radios Solis per fenestrâ rimulam admissos vitro aquâ pleno sic excipias, ut per summam, & tenuem ejus partem radii trajiciantur; tum in subiecto pavimento Irim suis coloribus distinctam affabrè depingent. Hæc quidem Fromondo concedimus, sed tamen multiplici nomine offendit.

Primum, quod radios Solis non in nube Soli finitimâ, sed in oppositâ, tot diversis coloribus tingi existimet; cum radil luminis hanc colorum varietatem ex proximâ nube, per quam refringuntur, hauserint: hinc pluviam decidentem lisdem coloribus induunt. An paries oppositus Irim, quæ per trigonum efficitur, tot coloribus distinguit? An potius vitrum ipsum cum radios infringit, tum eos suis ornat coloribus. Rem ita se habere non dubitabis, si oculo juxta parietem constituto, ubi arcus delineatus apparet, aciem in trigonum vitreum dirigas: hunc enim cernes jam Iridis coloribus imbutum, ipsumque arcum in facie trianguli Soli obversâ contueberis. Illud quoque mihi reprehendendum videtur, quod addit raras esse ejusmodi Irides, quæ per refractionem procreantur: cum omnes ita delineari in nubibus, ut altera sit instar trigoni vitrei, in quo formatur; altera instar parietis, in quo depingitur, tam certum sit, quàm quod certissimum. Neque tamen inficior, quosdam arcus lisdem in locis videri, in quibus effinguntur. Nam Halo, seu Corona, nihil est, quàm Iris, quæ totum suum implet orbem: sic in rore, vel adamante quiddam Iridi non dissimile efficitur. Hoc verò inter utramque Irim intercedit discriminis, quod hæc Sole adverso, illa averso spectetur: nam si oculum in pariete, ubi Iris per trigonum efformata depingitur, colloces;

in ipſo triangulo, ut mox diximus, Irim contueberis, quæ per ſolam reſractionem efficitur.

Fateor equidem, Irim per reflexionem quandam apparere, ſed nemo nubem, quæ illius imaginem excipit, eſſe inſtar ſpeculi politam: nam radii à corpore polito reflexi, non ex omni ſitu, neque ab omnibus; ſed certo quodam aſpectu, & ſub determinatis angulis oculos feriunt. Cùm igitur Sol horizontem ſtringit, radios à nube reflexos ſuſum reget, neque ullâ ratione poterunt ad nos pervenire. Finge animo ingens ſpeculum in nubis loco conſtitutum; id certè Solis imaginem ſuſum reflectet, neque illa ſub obtutum cadet: necesse eſt enim ut angulorum incidentiæ, & reflexionis ſervetur æqualitas. De loco Iridis latius ſuperque diximus; nunc quid illam tam aptè circinet, quæ ſit illius figuræ cauſa, intueudum.

*De figurâ  
Iridis varia  
ſententia reſe-  
luntur.  
Opinio  
Scaligeri,*

*Seneca  
placitum.*

*Confuta-  
tio,*

Hic ſanè Philoſophi plus ſatis ſudant, quantumvis Geometras vocent in ſubſidium. Quid enim obtuſius, quid abſurdius, quàm ad nubis cavitatem cum Scaligero confugere? An nubes adeo figuræ ſuæ tenax eſt, ut eam non mutet, nec jugi aëris motu, nec ventorum flatibus? An Iris, quæ per trigonum conſpicitur, vel in guttis aquæ, quam ore ſpargimus, efformatur, ab ipſius vitrei trianguli, aut guttarum cavitare in arcum curvatur? Placet alijs Irim eſſe conſuſam Solis imaginem. Sed ubi eſt illud ſpeculum, quod imaginem Solis adeo diſſimilem, & enormem exhibet? Nubes erit, ſi Senecam audimus, quæ in modum concavi ſpeculi, & rotundi formatur: neque enim omnia ad verum ſpectula reſpondent: ſunt quæ facies torqueant, vel evertant. Quid ergo mirum eſt ejuscemodi ſpeculum, quo Solis ſpecies vitioſa reddatur, in nube quoque fieri? Adde, quod Iris nunquam non adverſa Soli eſt, ſublimis aut humilis, prout ille ſe ſubmiſit, aut ſuſtulit contrario motu: illo enim ſcendente, altior eſt, alto depreſſior. Nec igitur dubium cuiquam relinquitur, quin arcus Imago Solis ſit malè expreſſi, ob vitium figuramque ſpeculi: nam & celerrimè naſcitur, & æquè celeriter aboletur. Nihil autem tam citò redditur, quàm à ſpeculo imago: non enim facit quidquam, ſed oſtendit. Ingenioſè quidem hæc dicuntur; ſed vix crediderim nubem eſſe ſpeculum concavum, vel Irim nihil eſſe quàm Solis imaginem: ſiquidem Sole laborante, vel Lunâ dividuâ viſæ ſunt Irides ejusdem proſuſæ figuræ, ac ſi Sol, vel Luna pleno orbe illuxiſſent. Præterea, ſi arcus nihil eſt quàm Solis imago; quare nec circulum abſolvit ſuum, nec tota area ſolari impletur lumine? Quid eſt cur Sol extremo duntaxat margini formam ſuam imprimat? Cùm enim radios per foramen vi-  
brat, ac ſe ipſum in obſcurioris cubiculi oppoſito pariete depingit,

non

non dimidiatum, sed integrum exprimit circulum. Sic Parhelii, & Coronæ totum orbem absolvunt. An cum Scaligero licet ineptire, ac totum illud spatium, quod inter Iridis cornua interiacet, à vaporibus liberum esse fingemus; neque ibi Solem exprimi, quòd speculum desit, quòd nubes non eò usque descendat? Nam si illam audimus, ubi duplex Iris cernitur, non nubes, sed aer inter utramque intercedit. Nónne, ut ipse loqui solet, hæc scuticâ digna sunt? quis illos hiatus nubium animadvertit? Nubes etiam, in quâ arcus depingitur, usque ad horizontem persæpe excurrit. Enimverò Scaligerum dimittamus, atque ad Senecæ opinionem revertamur. Cùm multa, inquit, stillicidia sint, totidem specula sunt: sed quia parva sunt, Solis colorem sine figurâ expriment. Deinde, cùm in stillicidiis innumerabilibus, & sine intervallo cadentibus reddatur idem color, incipit facies esse non multarum imaginum intermissarum, sed unius longæ atque continuæ. Nec mirum, si oculi nostri imbrium stillicidia non separent; ingenti spatio intuentibus minutarum imaginum discrimen interit. Hæc quidem faciliè refelluntur; imò Seneca, qui gloriose quidem, sed non constantissimè loquitur, multa adversus hanc opinionem objicit, quæ ipse non diluit. Quidnam est, inquit, tam dissimile, quàm Sol, & arcus, in quo neque color, neque figura Solis, neque magnitudo apparet: nullæ nubes habent similitudinem speculi, per medias sæpe transimus; nec in illis nos cernimus: singula stillicidia, singula specula sunt, concedo: sed illud nego, ex stillicidiis constare nubem. Habet enim quædam, ex quibus fieri stillicidia possunt, non ipsa. Nec aquam quidem habet nubes, sed materiam futuræ aquæ. Quid enim simile speculi habent nubes, cum illa non perluceant, hæc transmittant lucem: illa densa & coacta, hæc raræ sunt: illa ejusdem materiæ tota, hæc ex diversis temerè compositz, & ob hoc discordes, nec diu cohesuræ. Numquid hæc, quæ sibi objecit, priùs soluta oportuit, quàm sic concluderet: in eadem sententiâ sum, quâ Posidonius, ut arcum judicem fieri nube formatâ in modum concavi speculi, & rotundi, cui forma sit partis è pilâ sectæ. Pro me, ait, est repentina ejus facies, & repentinus interitus. Proprium enim est speculi hoc, quòd non per partes fruatur, quod apparet: sed statim totum sit: æquè citò omnis imago in illo aboletur, quàm componitur. Illud certè nemini persuadebit, nubem instar speculi, Solis imaginem reddere: nam arcus, qui per trigonum apparet, non per partes, sed totus statim exprimitur: numquid idcirco trigonus speculum est? Frustraque Geometrarum opem implorat, ut argumentis nihil dubii relinquentibus doceant, arcum Solis esse effigi-

effigiem: quid enim argumenti promant? An quòd radii à Sole manantes, atque à nube sic reflexi, ut æquales sint anguli reflexionis, & incidentiæ, circuli arcum exhibeant? Id verò non inficior: sed nego hos radios posse in oculos nostros incurrere, cum reflexi in omnes partes distrahantur. Verùm excipiunt, innumerabiles radii ab eadem gutta resiliunt, ex quibus aliquot ad oculos usque nostros pervenire nihil prohibet. Enimverò hæc stillicidia nimis sunt exilia, ut tot radios in omnes partes diffundant: & quod caput est, arcum non per reflexionem, sed per luminis refractionem produci jam consecimus.

*Probabilior de Iridis figura & sententia.* Quare dispunctis omnibus, quas posui opinionibus, relinquitur, ut Iris figuram suam non à Sole desumat; neque à nube, in quâ excipitur, & apparet; sed ab ipsâ per quam trajicitur nube. Argumento est Iris, quam vitrum aquâ plenum exhibet: cum enim eadem figura, iidem penitus colores in utraque Iride conspiciantur; necesse est ut similis quoque modo gignantur. In aliis rebus, ait Seneca, vana inquisitio est, ubi non habemus quod manu tenere possimus, & latè conjectura mittenda est: hic verò apparet duas causas esse arcus, Solem, nubemque; quia nec sereno unquam fit; nec ita nubilo, ut Sol lateat. Quocirca licet nobis nubem Soli adversam, & finitimam cum vitro contendere; nubes autem, in quâ arcus depingitur, instar parietis erit; radii solares summam, & quasi convexam aquæ superficiem extransverso subeuntes, in concavâ, vel infimâ vitri parte aliquantulum coguntur; & postquam è vitro exiere, citò in uno serè puncto colliguntur; ubi lucem Solis puriorem, & vegetiorem intueri licet. Hic est veluti focus, in quem omnes radii, qui vitrum pervasere, coeunt: ibique necesse est, ut sese mutuo intersecent: adeò ut qui radius inter cadendum fuit sublimior, jam depressior evadat: ut cum per exiguum obscuri cubiculi foramen imagines Solis, vel hominum foris stantium chartâ foramini oppositâ excipimus: tum objecta situ inverso cernuntur, quòd radii luminis per rimulam decussati transeant, ac situm adeò commutent. Idem planè in vitro evenit. Quorsum hæc? mox dicam, cum de coloribus Iridis sermonem instituiam. Cum itaque solares radii sæpius fracti, ac debilitati, ex illo communi puncto quasi soluti & liberi procedunt longius, eandem retinent figuram, quam induere, tum cum in summam vitri, vel aquæ superficiem inciderunt. Rotundum autem vitrum supponimus; unde nihil mirum, si in arcum curventur radii. Quòd si in pilam vitream ex omni parte incurrant, Irim quoque exhibebunt, sed cujus integer erit, & absolutus instar coronæ circulus. Secus est de vitro aquâ pleno, cujus di-

midium



medium duntaxat orbem radii penetrant, arcum adeò, non circulum expriment. Arcus itaque figuram à nube, aut vitro mutuatur, ac rotundam nubem existere par est: alioqui non circuli arcum, sed virgas tantum exprimet. Præterea necesse est, ut nubes illa, cujus intersecu arcus efficitur, densitatem habeat sui ubique similem: nam partium difformitas, colores, & figuram Iridis turbabit: ut accidit in vitro vinario, cui crystalli fragmenta imponuntur. Hinc raro apparet Iris, cum graves spirant venti: nubes enim, in cujus utero Iris formatur, citò à ventis dissipatur, ac distrahitur. Nec plus satis crassa, vel ampla nubes existat, ne radii eam penetrare non valeant: hinc raro hieme, sæpius vere, atque autumno arcus cernitur: nec diuturnus, vel largior imber eum consequitur, nisi fortè infusam & rariorem nubis partem radii subeant. Sic ubi nubes vel minor, vel rarior intercedit, quàm ut solares radios satis copiosos possit excipere, (qui idcirco in nube, nec tingi coloribus queunt, nec quantum necesse est infringi) tum nullus sub oculos arcus cadit. Hinc Irides, quæ per vitra, aut trianguia efformantur, cominus tantum videntur, quòd pauciores radii per vitrum subeant, quàm ut eminus spectari possint.

Jam quid est causæ, cur Iris diameter ejusdem ferè ubique magnitudinis conspiciatur? Illius quippe altitudo, vel semidiameter, si magnitudine, Vitellionem, & Maurolycum audimus, 45. ferè graduum semper existit: nam Sole depressiore, altior assurgit; Sole magis elevato, humilior quidem est: sed tamen sub angulo 45. graduum à nobis conspiciatur; centrumque Iridis tantum à circumferentiâ, quantum à visu nostro distat. Hæc pulchrè quidem explicantur, si arcum in nube tantquam in speculo per reflexionem radiorum, & formari, & videri fateamur: secùs nobis aquam hæreere necesse est. Enimverò si intersecu nubis radii Solis infringantur, & paulo ulterius progressi decussentur, atque in nube opposita, tanquam in tabellâ Irim circinent, quo punctum intersectionis propius nubi Soli aversæ futurum est, hoc minor erit arcus; major, quo longius distabit: quemadmodum supra diximus, radios per rimulam cubiculi, undequaque clausi vibratos majorem Solis imaginem in opposito pariete depingere, quo longius à foramine remouetur: quia radii decussati, quo longius procedunt, eo magis distrahuntur. Unde ergo arcus ejusdem ferè molis aspicitur? An punctum intersectionis in eodem semper consistit loco? At nubes Solis radios infringens in eadem statione non permanet. Perfacilis tamen at perexpedita responsio est, ubicunque Sol existat, radios à sublimiore loco emittit: quòd si vertici nostro sit vicinior, ac nubem ad Iridis procreationem offendant idoneam; Irim quidem gene-



generabit, sed in oppositâ nube tanquam in pariete eam non exprimet, cum radii in terram delabantur. Hinc aliquando evenit, ut arcus conversis ad Solem cornibus, magno spectantium miraculo videretur: quod radios solares per obviam nubem refractos, lacus, vel mare, exciperet, à quo sursum reflexi, vel in nube mari proximâ, vel in stillicidiis pluviz cadentibus Irim inversam juxta reflexionis leges exhiberent. Sic nonnunquam accidit, ut Iris in foliis arborum, vel in nebulâ circumfusâ depicta videatur, quod priusquam radii in nube aversâ excipiantur, vel crassus vapor, vel arborum folia, vel denique pluviz stillicidia eos sistant. Sic Iris quam Fromondus à se observatam Lovanii testatur, cujus alterum cornu vix 30. passibus ab eo distabat, non alibi, quàm in cadente pluvâ visa est: nam strictior apparebat quo propior; siquidem puncto intersectionis erat vicinior. Rem ita se habere indicio est, quod postquam cessavit pluvia, Iris in collem longè à spectatoribus distans se recepit. Quare non immerito concludit contra Iridis, Solis, & oculi non semper in eadem rectâ collocari: neque arcum per angulum 45. graduum necessariò spectari. Addit, arcum aliquando per refractionem radiorum interjectu nubis procreari. Verùm ignoscet, si arcum in nubibus non aliter formari pertendam. Quod enim toties inculcat Irim sequentes fugere, & fugientes sequi; quia radii per reflexionem ex determinato spatio, & certo angulo ad oculum revertantur: non quod eadem Iris locum mutet; sed quia aliam perpetuò, & diversam vides. Unde transferri de loco in locum apparet; quando ab uno ad alterum cornu progredieris, quod oculus ad centrum Iridis dirigatur: quare si quis locum mutet, aliam subinde videt Irim; tametsi priorem loco motam esse sibi fingat. Hæc sanè minimè concedimus: ostensum quippe fuit exemplo Iridis, quæ per trigonum effingitur, eandem ab omnibus conspici. Tametsi non inficior, quasdam per reflexionem sub obtutum cadere; ex hoc genere fuerunt illæ à Fromondo observatæ, quas pluviz stillicidia instar speculi reflectebant. Istæ quidem fugientes sequuntur, & diversæ à diversis conspiciuntur. Sed eò redeat, unde aberravit oratio. Qui fieri potest, ut arcus ejusdem semper magnitudinis exprimatur? Illud minimè admiror, cum nubium superficiem, & quasi fornicem iisdem temporibus, æquis à terrâ distare intervallis, nemmo non ultro fateatur. Quocirca cum Sol è sublimiori loco in nubem roridam, vel satis densam, radios suos vibrat, ii propter refractionem varis coloribus tinguntur, & in quodam puncto decussati, in nube Soli oppositâ sistuntur. Punctum illud intersectionis non eundem in aëre locum obtinet: nam Sole horizontem radente altius est: sed tamē

men eandem ferè ubique retinet tum à nube, quæ radios infringit, tum ab eâ, quæ illos excipit, distantiam. Cum igitur hoc, quod sæpius nomino radiorum intersectionis punctum, sit quasi arcus in nube delineati polus; non mirum si ubique ferè sibi æqualis arcus appareat: quanquam fortè Iris, quæ horizonti est vicinior, eadem quoque majoris circuli portionem efficiat. Nec dissimile quiddam evenit in vitro aquâ pleno, cujus summam superficiem si radii Solis directiores penetrent, majorem & illustriorem arcum præbunt: nec solum amplioris circuli portio major futura est; sed etiam limbus suis coloribus distinctus, latior apparebit. Cum igitur idem in arcu cœlesti observetur; utrumque eodem modo, atque ex eadem prodire causâ, non abhorret à verosimili: neque enim radiorum, qui per aëra crassiora horizonti incumbentem transcunt, refractio, speciem arcus adedò augere potest. Sol quidem, & reliqua sidera cum oriuntur, vel occidunt, videntur majora: sed tum radii è purissimo æthere in vaporum sphaeram incurrentes, multum infringuntur. Iris verò paucis milliariibus à nobis distat; nec interjecti vapores tantam refractionem possunt inducere, ut cornua ipsius arcus, quæ horizontem attingunt colores latius diffusos, quàm suprema illius portio, præferant. Quod magnitudinem Iridis attingit, cum horizonti finitima est, illius radium, vel semidiametrum esse 45. graduum plerique Optici existimant: nonnulli aliquot subducunt gradus, alii adjiciunt, ut hinc constare possit, non ejusdem semper magnitudinis arcum effingi; neque ex illâ æqualitate, quam ubique Iris servare nobis videtur, sententiam nostram posse labefactari. Habetis de loco, & figurâ Iridis quid sentiam.

Sequitur paulò abstrusior de coloribus disceptatio, quam tamen magna ex parte excussimus, tum cum de naturâ & varietate colorum *De coloribus Iridis.* agebamus. Meministis, ut opinor, non dubiis conjecturis, sed certis rationibus demonstratum à nobis fuisse, I. Colores, qui vulgò apparentes censentur, ejusdem esse generis cum iis, qui altius subjectis suis insident: adeò ut falsum sit, quod asserit Seneca, non esse in nube colorum substantiam, sed mendacium, & sine re similitudinem: Profectò, cum speculum hos reddat colores, cumque ab omnibus sine discrimine spectentur; cum tota denique coloris essentia in hoc posita sit, ut appareat, ac visibilis fiat; nihil absurdius dici potest, quàm hos colores videri tantum, non esse: ac ridenda omnino est colorum distinctio inter fictitios, & reales: quasi objectum visus signentur esse possit. II. Ulterius progressi ostendimus, colores ab ipso lumine ne specie quidem sejungì, cum unius facultatis unum sit ob-  
U u tum

Quum, cumque Iridis colores nihil sint præter lucem multiplici refractione debilitatam. Quot culque colori gradus luminis convenirent, ex doctissimi Chambræi meditamenti assignavimus; nempe quod si 24. gradus albo tribuamus, flavus 18. rubeus 16. viridis 12. purpureus 8. gradus decerpant; atque eundem ferè inter sonos, & colores concentum reperiri diximus: neque necesse est, quæ tum fusè à nobis disputata sunt, nunc repetere. III. Insinuatum quoque à nobis est lumen variis modis debilitari posse: nam quo longius à suo fonte procedunt radii, hoc magis distrahantur, & minus collucet: sed non Idcirco in colores abeunt, cum eorum natura nullum patiatur dispendium: nam In speculo concavo, vel in vitro convexo rursus colligi possunt. Verum ubi à rectitudine suâ excidunt, sive objectu corporis opaci resiliant, sive densioris occurso frangantur, tum sic debilitantur, ut hoc damnum sarcire amplius nequeant, atque in varios subinde degenerent colores, eo quidem illustriores, quo radii minus detrimenti acceperunt. IV. Illud denique consecimus, colores Iridis non ex solâ luminis cum umbrâ, vel opacitate mixturâ prodire: siquidem lux cum umbrâ, vel opacitate permisceri non potest, neque lucis & umbræ temperies tantam colorum varietatem efficiat. Quinetiam nec sola reflexio, vel refraçtio, sed utraque simul conjuncta lumen in colores commutat: non enim lux Solis sæpius à diversis reflexa speculis in colorem abit: nec radii per tubum opticum refracti, ullis imbuuntur coloribus. Neque mihi objicias similes Iridis colores, quos Sol exorians in foliis arborum pingit: tum enim crassi vapores radios Solis infringunt, eosque reflectunt arborum folia. Sic aranearum fila, licet tenuissima, suâ tamen perspicuitate donantur. Quod si aliquando per solam reflexionem lumen in colores comseat; tum id accidit, cum radii luminis tenuiores, vel debiliores sæpius hinc atque inde reflecti, eandem patiuntur imminutionem, ac si refracti fuissent; ut in subtilibus lineis stanno insculptis videre est; nam latiores lineæ hanc colorum varietatem non præbent. Pili etiam subtilissimi, ac conferti lumen eadem ratione in colores mutant: sic columbatum pennæ discolors apparent. Jam ut propius ad colores Iridis accedam, non assentior Senecæ, qui eorum varietatem, partim à Sole, partim à nube deducit: aded ut humor nubis roridus, modò æzuleas lineas, modò virides, modò purpuræ similes, & luteas, aut igneas ducat: duobus coloribus hanc varietatem efficientibus, remisso, & intento. Neque etiam arcus Idcirco efficitur discolor, quod partes aliæ in nubibus tumidiores sint, aliæ submissiores; quædam crassiores, quam ut Solem transmittant, aliæ imbecilliores, quam ut exclu-

excludant: ita ut hæc inæqualitas alternis lucem, ubramque permisceat, & exprimat illam mirabilem arcus varietatem. Non denique possum in Fromondi, & aliorum sententiam concedere, qui rubrum colorem ex forti radiorum reflexione, tum cum in primo ingressu resiliunt; viridem verò hinc oriri putant, quòd lumen paulò altius nubem penetraret, ac multà opacitate fiat obscurius; purpureum denique effici, cum lux altè immersa, nubis obscuritate ferè extinguitur. Mirum si nubes tam diversam naturam, tantulo spatio obtineat, ut in supremo arcus circulo, statim radios Solis arecat, atque omnes ferè regerat; in infimo, ubi purpureus depingitur color, adeò rara existat, & mollis, ut meliorem luminis partem transmittat. Quòd si arcus duplici tantum colore distinctus foret, ex lumine & umbrâ forsitan hos colores desumeret: sed neutiquam probabile est, tot, & tam dissimiles colores ex luminis & opacitatis conjugio nasci posse. Quæ igitur colorum Iridis causa, unde tanta varietas? Non recedamus ab exemplo trigoni crystallini. Hic prisma à Geometris dicitur: quinque enim superficiebus continetur, quarum extremæ duæ triangularæ, tres verò reliquæ, & oblongæ quadrangularem figuram nactæ sunt. Cum per illum trigonum objecta contuemur, tum illa quidem mirâ colorum varietate distincta apparent: hinc flutorum paradisus, à nonnullis satis ineptè vocitatur. Radios quoque Solis sic infringit, ut arcum cælestem in parietem opposito exprimat. Jamque ut puto id consecuti sumus, non solâ refractione lucem in colores commeari: siquidem objecta per vitrum intuentibus majora quidem videntur, sed nativus manet color: accedat igitur quædam reflexio necesse est. Imò nulla ferè est refractione, quæ cum aliquâ reflexione non sit conjuncta: nam vitrum omne quosdam transmittit radios, & alios regerit. Cum itaque solares radii trigonum crystallinum subeunt, nonnulli primam superficiem penetrare non valent, sed statim resiliunt; alii verò illam pervadunt, ex quibus rursus benè multi in tertiâ, seu ultimâ superficie sistuntur, & coguntur resiliire, qui ut angulorum incidentiæ, & reflexionis servetur æqualitas, in secundam primò superficiem, tum in primam, per quam subiere, regeruntur: adeò ut triplicem reflexionem, cum unâ refractione sustineant; tumq; adeò iminuuntur, ut in colores degenerent: tot reflexionibus fessi, trigonum penetrant, atq; alios radios puriores, qui tantas reflexiones non subiere, suis tingunt coloribus. Mentior, ni rem ita se habere ultrò concedas, postquam oculos in ipso parietis loco, ubi arcus depingitur, collocaveris: tum enim Irim in primâ trianguli, seu prismatis superficie delineatam cernes, ubi radii ter reflexi, & semel refracti in colores

Uu a

abe-



fit, conclusa ratio; lumen in colores abire eo vegetiores, quo directioribus & confortioribus lineis vibratur: neque enim facis accensae lumen per triangulum admissum Irim exprimet, quod lux illa sit imbecillior. Lumen quippe per crebras tum reflexiones, tum refractiones debilitari quidem oportet; sed ut colores tam splendidos procreet, validum & confertum sit necesse est: secus nec visum silet, nec rutilos colores exhibebit. Hinc per refractionem radii quasi inflectuntur, atque ex iis multi resiliunt; sed qui vitrum penetrarunt, colliguntur, & illustriorem in aëre splendorem præbent.

Quocirca cum duæ Irides per vitrum aquâ plenum exprimi soleant; altera est angustior, ac coloribus fortioribus imbuta; altera est quidem longè major, atque inversos exhibet colores: illam efficit lux Solis, quæ summam aquæ superficiem ILM pervadit; hanc vero lux eadem effingit, quæ de vexam vitri IEF partem ex obliquo stringit. Radii scilicet ad horizontem subeuntes, ut BP, & BF longè ultra vitrum decussantur, colores adeò debiliores procreant, & longè ampliori spatio sese explicant. Illud porro non omitam, rubèum colorem secundæ Iridis, minorem circulum, & vitri propiorem delineare, quod radii à Sole vibrati, & rectiores, & fortiores superiore vitri partem feriunt; atque adeò decussati inferiores fiunt, & colorem vegetiorem in secundæ Iridis infimo circulo expriment. Contra qui partem vitri inferiorem perstringunt, eum debiliores sint, sublimiorem quidem sed languidiorem colorem, scilicet purpureum, post interfectionis punctum, refracti depingunt. Viridis ut par est, medium locum occupat. Sic radius BP superior extra vitrum decussatus inferior evadit: BF verò superior; ille fortior, hic inferior; ille in secundâ Iride colorem rubrum, hic purpureum depingit. Ac ne longè abeam, eodem planè modo secundâ Iris in nubibus exprimitur, cum Sol de vexam nubis portionem collustrat: quemadmodum priorem Irim effingit, quando supremam nubis partem irradiat. Idem enim prorsus, atque in vitro contingit, ubi secundâ Iris & circularis amplioribus, & inversis coloribus, & loco sublimiore delineatur. Neque necesse est Irim secundariam, imaginem, ac veluti reflexionem primariæ comminisci: jam hoc ipsum absurdum est, nubem instar speculi imaginem arcus reddere, eamque simul in partes oppositas reflectere: si quidem Iris, quam primariam vocant, simul, atque eodem tempore, in oculos, & in nubem superiorem resiliat. Sed, inquiunt, quid colores permutat, nisi reflexio? Quod si reflexione hæc Iris effingitur, quid est cur illius cornua inversa non appareant? Illud quippe exigunt reflexionum leges. Numquid forte Iris illa amplior, quam radii

De Iride  
secundaria.

Objectio 1  
Dissolvitur.

per vitrum trajecti depingunt, prioris & vegetioris reflexio, vel imago existit? Et tamen colores omnino inversos obtinet? nonne  
**Objectio** 2. similes effectus similem quoque causam agnoscunt? Verum excipit  
 Fromondus: nunquam secunda Iris solitaria videtur, quod indicium  
 est secundam Irim esse prioris imaginem, atque ab illa dependere.  
**Responsio.** Sed unde habes nunquam secundam Irim visam fuisse solam? Nonne  
 aliquando id potuit contingere, quod nemo literis consignavit? An  
 forte cum 5. vel 6. visæ sunt Irides, ut Snellius se observasse testatur,  
 aliæ altiarum erant imagines? nec quo ordine singuli colores essent dis-  
 positi, memoriæ quicquam prodidit. Sed demus illud tibi secundam  
 Irim nunquam spectari solitariam posse. Numquid alia forsitan subest  
 causa? Iris namque secundaria non effingitur, nisi cum Sol nubes  
 ex transverso & radiis ferè ad horizontem parallelis pervadit: quod si  
 nubes sit densior, radii quidem eam penetrare non poterunt, sed illius  
 obliquitate extinguuntur: si tenuior sit & densitatis idonea, non se-  
 cundam modò Irim, sed etiam primam Sol delineabit: tum enim nihil  
 est causæ, cur supremam nubis partem radiis validioribus non tra-  
 jiciat, si deversam subit.

Jam ut quæ fusiore stylo disserui in summam contraham: Iris non  
**Brevi re-** in nube, in quâ cernitur, sed in aliâ Soli viciniore efformatur. Exem-  
**capitulo** plum habemus illustre in triangulo crystallino, vel in vitro vinario,  
**no.** per quæ radii solares transmissi, in pariete opposito Irim delineantur.  
 Arcum verò, non ipsius in quâ excipitur nubis concavitas, non Solis  
 figura circularis: sed nubis interjectæ rotunditas circinat: non enim  
 arcus imago Solis existit, nec nubes speculum concavum. Postremò,  
 colorum varietatem non efficit nubis, vel vitri opacitas: cum trian-  
 gula diversæ densitatis eodem prorsus exhibeant colores: sed neque  
 sola refractionis tot coloribus arcum distinguit: adeò ut certi, & deter-  
 minati refractionis anguli certos colores procreent: id enim falsum  
 esse hinc colligitur, quod sub diversis angulis idem color conspiciat-  
 tur: nam ab angulo 32. graduum, usque ad 78. idem per trigonum  
 colores spectantur: & quamvis inclinatum triangulum radii obliquos  
 perstringant, nihil tamen colores mutantur: non igitur sola radi-  
 orum obliquitas hanc varietatem inducit. An forte major radiorum  
 concursus colores item vegetiores procreat? Verum jam ostendimus  
 per solam refractionem lumen in colores non degenerare: tametsi  
 fiant dilutiores, & arcus magis ampliatur, quo magis triangulum in-  
 clinatur: speciem tamen ideò non mutant. Unde ergo hæc tam  
 grata colorum varietas? ex imminutâ & fractâ luce, quæ cum repe-  
 titis reflexionibus, non sine aliqua refractione, tertiâ sui parte mul-  
 tiatur, in rubrum abit; cum dimidiâ parte minuitur, in viridem; cum 3.



In purpureum degenerat. Opacitas verò, radorum obliquitas, reflexio, refraçtio denique, non seorsum, sed simul junctæ lumen eâ proportionè debilitant, quæ ad colorum procreationem exigitur. Enimverò quid est, cur lumen in hos potius colores, quàm in alios facessat? Nemo homo hunc nodum solverit. Non equidem ignoro lucem cum rubro colore sequi - alteram, cum viridi duplicem, cum purpureo denique triplam habere rationem: natura verò istas præter cæteras affectat proportionès; quod in musicis concentibus experimur: nam faciliè in diapente, tum in diapasone, tum denique in diapasopente, sonus comineat: sic ubi Solem diutius spectaveris, si visus aciem in obscuriorem locum convertas, lucis impressio circulum rubrum oculis exhibebit, qui in viridem, tum in purpureum degenerans, tandem evanescet. Illud minime dissimulandum puto, flavum sæpe colorem, rubrum inter & viridem, medium apparere: cum tamen supremum locum debeat occupare: siquidem luci vicinior est. An viridis, ac rubri commissura nos decipit, ac rubeus color viridis confinio splendidior videtur? Cur igitur extimus Iridis circulus nigriori nubi finitimus, flavo colore non suffunditur, cum nigredinis vicinîa illustrior futurus sit? Quare Iris per trigonum visa spatium illud, quod rubrum inter, & viridem colorem interjacet, adeò splendidum obtinet? An fortè splendor ille non est realis, sed visus duntaxat illusio? Quid igitur est cur Iride paulatim evanescente, puniceus color in flavum abeat, ac tandem extingatur? Flavum rubro esse illustriorem, ac majorem lucis obtinere portionem, jam alibi collegimus: cur hæc locum & stationem suam deserit? An fortè cum Iris desatur, tum directiores radii per nubem trajecti flavum colorem luci finitimum deplungunt; atque adeò flavus color in mediâ Iride, quasi extra suum ordinem collocatus, ex radiis in hanc partem directioribus emergit? At quid id fieri possit, cum obliquiores radii, viridem, & purpureum efficiant, qui flavo in Iride sunt viciniores, quàm rubro? Hæc sanè non pugnant: cum ab eodem Solis puncto innumerabiles radii in orbem spargantur, quorum medii directiores sunt, quàm extremi. Hinc nunquam flavus color apparet, nisi cum Iris est valde splendida; Idque evenit, cum pluribus radiis ab eodem Solis puncto manantibus perfunditur: cum enim à diversis tantum Solis partibus lumen vibratur, tum Iris efficitur debillior, nec flavo distinguitur colore. Habes, mi Theophile, quæ de Iridis natura, & coloribus summus & Philosophus, & Medicus disputavit; ac meo quidem iudicio nebulas omnes, quæ arcum hæcenus obduxere, non dubiis conjecturis, sed certissimis rationibus discussit; & tamen præclare agi secum putat, si in his rebus à naturâ involutis aliquid verisimile invenerit.

Th.

*Cartesii  
sententia  
perstringitur.*

*Th.* Ego verò hæc non verisimilia modo, sed etiam longè verisima esse arbitror: istas porro quæstiones hac arte tractatas oportuit, non à globulis cælestibus circa suum centrum gyranibus præsidium petere. Joculare enim quiddam mihi videtur Cartesius dicere, cum asserit cælestes globulos à corpore lucido recta impulsos luminis sensum efficere; sed ubi circa suum centrum velocius torquentur, aut tardius; varios colorum imprimunt sensus: quapropter radii per apicem trianguli transeuntes, rubrum in pariete depingunt colorem: tum enim circumvolutio, vel globulorum turbinatio longè celerior est, quàm rectus eorum impulsus; album verò, vel flavum inducunt colorem, cum illa rotatio ferè æqualis est recto globulorum impulsui; atque hos ferè colores radii intermediis expriment: sed qui profundiores trianguli partes subeunt, tardissimo motu contorquentur: colores adeò magis fuscior, & nigro propiores exhibent; quales sunt cæruleus, & purpureus. An radii possunt circa suum centrum tantà pernecitate rotari, ut rectam luminis emissionem, quæ in momento perficitur, longè superent? Nonne hæc fabulis quàm verò propiora sunt? Sed de Iride satis hoc loco dictum sit. Reliquas emphases, seu luminis impressiones raptissime decurramus.

Occurrit primo loco fulgor ille, qui cingit sidera, Halonem Græci, nos Coronam dicimus; nec multum ab Iride discrepat, nisi quòd plerumque unius coloris existat. Sæpius circa Lunam spectatur: nam in Solem agrè aciem dirigimus, ac tenuis ille vapor, qui coronam efficit, vix radios solares sustinet. Contra Sol Irim sæpissime, rarò Luna exprimit; quòd in densiori nube procreetur, quàm Luna vix, Sol faciliè suà luce pervadit: quòd si aliquando Irim Luna exprimat, variis ea coloribus non distinguitur: neque enim tantum possunt lunares radii. Sic corona discolor Solem nescit, quòd & nubes sit crassior, & lumen fortius: sed colores aliter atque in Iride disponuntur: nam puniceus Solem proximè ambit, quòd radii vegetiores illum exhibeant. Neque necesse est cum Cartesio fingere stellulas quasdam glaciales, quæ lumen Solis refringunt: mirum si tam faciliè in orbem disponantur, atque aliis tam cito succedant: nec lucernarum coronæ in stellulis congelatis, sed in aëre vapido, & crassiore formantur: hinc crebriores in balneis, & flante Austro cernuntur. Neque audiendus est Thimon, qui contendit lucernarum coronas non alibi, quàm in oculi Iride effingi, non faces ipsas cingere, sed oculis illudere. Fateor equidem eas posse lippis oculis, vel à somno surgentibus apparere, quòd humidiores oculi lumen infringant: sed negari non potest, in crasso & pingui aëre faciem cingente sæpius efformari: liqui-

liquidem circa summum apicem plerumque dirumpitur; ac si quæ fuligo fortè intercedat, ea puniceo colore rutilat. Displicet quoque mihi Senecæ sententia, quæ formari coronam putat, cum lux Solis, aut Luna in spissiorē aëra incurrens, illum recedere in circulos cogit; quemadmodum videmus lapide in piscinam misso, aquam in multos orbes diduci. Quasi verò corona sensim dilatur, & ampliores subinde describat circulos: quanto demum majores Sol coronas, & crebriores quàm Luna depingeret. Quod verò monet nunquam ullum sidus talem sibi effigiem circumdare, nisi cum aër est densus, atque immotus, & ob hoc custodiens incidentem in se rotundi lineam luminis; non valde repugno, quòd ille, qui manet aër possit figurari; at qui rapitur, & currit non det sui potestatem, & omnem idum venientemque formam exturbet. Quod verò subiicit de coronarum præfagiis, pulchrè Aristoteli succinit: nimirum ubi corona dilapsa fuerit aequaliter, & in semetipsa evanuerit, apparet temperatum esse aëra & placidum: jam si facies non universa subsederit, sed ab una parte intercisa sit, apparet inde aëra incumbere, & ideo illa regio ventum dabit; sed si pluribus locis dirumpatur, tempestas sit: manifestum enim est à pluribus partibus in illam impetum fieri, & inquietum aëra hinc, atque illinc assilire: Itaque ex hac in constantia cœli tam multa tentantis, & undique laborantis, futura tempestas, & ventorum prælium apparet. Non illud omitam, quod Petrus Gassendus de Halone in suis commentariis memorix prodidit: rarissimè coronam lunarem ab extremo Maji, ad extremum Septembrem à se visam fuisse; nec serè alio flante vento, quàm Coro, & Cæciā leniter spirantibus: diameter semper fuit tum in lunari, tum in solari Halone 45. graduum, crassitudo unius serè gradus. Sexdecim solares observavit, quorum intimus color rubeus, medius flavus, ultimus subviridis: qui manè visi sunt, plerumque subsequenter pluviam habuerunt, contra quæ à meridie sunt observati.

Quid nunc de virgis dicam, quas Sol in nubibus, instar Iridis variis coloribus ornatas depingit? quid aliud sunt, quàm imperfecti arcus, qui in rectum jacent, quòd figura nubis radios Solis infringentis, ad arcus efformationem minus sit idonea. Alia quidem est ratio virgarum, quas radii solares per angusta foramina nubium vibrati exhibent. Verum major nōs de Parheliis manet difficultas, cum plures Solis apparent imagines.

An nubes rotunda, & luce Solis splendida, illius imaginem mentitur? An nubes luce solari imbuta, nec Solem tam religiosè sequitur, nec tanto micat fulgore, ut vix à Sole scèrni queat; neque si-


gusam rotundam ita pertinaciter retinere solet: nec demum quatuor, vel quinque Soles tantâ luce fulgentes simul videri possunt, nisi nubes concava, & instar speculi tersa, multiplici Solem reflexione exprimat. Enimvero superius demonstratum à te fuit, mi Simplici, Solis imaginem à nube reddi non posse; quodd nec solida sit; nec continua. An fortè responsione Froinondi utendum est, vaporem eminus visum instar speculi esse posse? sic tenuis vapor manè pratis incubens, ubi procul conspicitur, exundantis aquæ speciem præbet. Nec parum conferunt terræ opacitas, atque ipsa distantia: sic nebula vix propè conspicitur, cum eminus densioris nubis instar appareat; nubes ipsæ eò videntur opaciores, quò longius à nobis recedunt. Quid igitur obstat quominus vapor Solis imaginem, tanquam speculum ad nos usque reflectat? nam opacitate suâ radios regerit. Quodd si Aristotelem audimus, ab omni levitate corporum visus aciem radios suos replicare testabitur: nam quidam hoc genere valetudinis laborant, ut ipsi sibi videantur occurrere, ubique imaginem suam cernant; quia infirmâ vis oculorum ne proximum quidem aëra potest percurrere. Taceo de illo Vitellionis familiari, qui cum de nocte juxta paludem equitaret, aliam quoque equitem videre sibi videbatur, qui unâ cum ipso progrediebatur, stabat, atque ad omnes illius nutus se componebat: sed cum in puriorem aëra se recepit, hoc spectrum statim evanuit. Quodd si tantum potest vapidus, & crassius aër, ut nostru imagines, ceu speculum reddat, an dubitabimus quin densior nubes Solis effigiem aliquando queat exprimere? Hinc parhelia sub ortum, vel occasum Solis frequentius apparent, quodd vapores, qui horizonti incumbunt, crassiores existant. Facies quippe Solis tam in sublimi potest, quàm in fonte, aut placido lacu reddi; si modò idonea est materia quæ reddat. Verum ut cum Menandro in gratiam redeam, Cartesii sententiæ non invitus accedo, quâ existimat Solem nubi congelatæ, atque adeo politæ, & perspicuæ imaginem suam imprimere: nubis verò superficies congeliatur, cum calore soluta repentino frigore corripitur. Sed quid glaciem illam in aëre suspendit? An vapores, qui continenter è terra erumpunt, aut venti, qui in sublimi vehementius spirant? Quid aliud dracones illos volantes, puerorum ludibria, tamdiu in aëre sustinet, nisi vis, & impetus venti? Ad extremum, nobis satendum erit, corpora minus gravitare, quo longius à terrâ discedunt.

*Men.* De arcu cœlesti, atque aliis impressionibus, quas lux Solis in nubibus effingit, vestra utriusque disputatio mihi fuit per jucunda, nisi quodd Theophilus Cartesio nostro paululum videtur iniquior, nec

sibi potest temperare, quia virum sine controversiâ magnum, cui renascens Philosophia spiritum ac vitam debet, orationis libertate identidem perstringat: illud sanè mihi inhumanum videtur summum virum nunquam nominare, nisi in ea sermonis parte, in quâ à nobis reprehenditur.

Cartesius quidem colorem nihil esse quàm lumen certâ quâdam ratione modificatum existimat: isthuc non reprehendis; nec fortè tu diversa sentis: lumen motum celestis substantiæ definit; id vero tibi non ferendum videtur. At illud saltem inter nos conveniat, lucem citra aliquem motum nec percipi, nec propagari posse; siue ea sit qualitas primi corporis alterantis, ut Aristoteles decernit, (quanquam vix ullam qualitatis notionem à substantiâ discretæ, quæ propriâ fruatursistentiâ, nec subsistat tamen, possim cogitatione assequi) siue nihil sit quàm ignis purissimus, è corpore lucido jugiter dimanans, ac summam adeptus raritatem, ut Gassendus, Digbæus, atque alii eruditissimi Philosophi statuerunt: dabis, ut opinor, lumen sine motu non diffundi. Neque enim tanta spatia potest decurrere; vel in angustum cogi, vel in latum effundi, vel refringi, resilire, atque omnes motuum servare leges, citra aliquam loci mutationem. Jam si lumen motus est, aut impulsio, ut placet Cartesio; vel certè cum motu conjunctum, ut fateari cogimur; color verò nihil à lumine dissidet; sequitur colorum varietatem, ex diversitate motionum, quibus lumen agitur, proficisci. Hinc lux reflexa, vel refracta in colorem degenerat: non quod ipsius lucis radios immutatos, atque in aliam naturam commisse putem; sed visus organum, seu nervulos, ex quibus retina textitur, aliter ferunt & commovent, quàm si recta progressi, nullius corporis occurfu fracti, aut debilitati fuissent. Jam ut quæ mihi dicenda sunt in compendium conferam: Colores Iridis ex luce solari, vel reflexa, vel refracta in globulis aqueis & rosidis, non aliter, atque eximius Cartesius exposuit, emergunt. Mitto rationes ex secretiori Mathematici de promptas, solius visus testimonio contentus; sub exortum solis, virentia camporum gramina rore aspersa paulò diligentius intueri singuli rosæ globuli ex certo situ, & loco spectati omnes Iridis colores exhibebunt: sic aqua, quam Sole adverso, ore spargimus, Irim pulcrè exprimit. Est quidam in provinciâ locus, Sillantium vocant, ubi fluviolus è præcelsâ rupe magno impetu præcipitatus, & vapore rorido, tanquam minutissimo pulvere circumfusus, Irim perennem exhibet; illiusque dextrum cornu sibi proximum, sinistrum verò longissimè distitum Gassendus vidisse testatur: adeo ut centra visus, Iridis, & Solis eadem recta linea non conduceret. Sed unde tanta colorum

diversitas? ex refractionum varietate; hæc porro ex diversâ oritur  
 angulorum obliquitate, & corporis refringentis figurâ; addam, licet  
 fortè reclames, mi Simplici, variam lucis & umbræ temperiem. Nam  
 ubi candor lucis dominatur, flavus, vel rubeus color emergit; cæru-  
 leus verò & purpureus exsurgunt, si ater color album vicerit. Nunc  
 sume in manus hunc trigonum crystallinum, atque experire, an ex  
 variâ lucis & umbræ commistione, tot colorum species duci & expli-  
 cari possint; quæque illustris Digbæus (ne fortè me soli Cartesio ad-  
 dictum putes) conscripsit, ipsi experientiz consentiant. Sed ante  
 omnia meminisse oportet, ab eodem objecti puncto plures radios e-  
 mitti, qui à diversis trigoni partibus reflexi, ad oculum quandoque  
 perveniunt, ac duplicem objecti imaginem oculo imprimunt, quarum  
 altera est expressior, altera languidior. Jam mensæ nigriori velo ob-  
 ductæ objectum aliquod candidum, qualis est papyrus, non longè ab  
 ipso mensæ margine colloca, atque trigonum sic compone, ut tibi  
 charta ad pedes serè jacere videatur, ac superficies trianguli, per  
 quam chartæ species subire debet, sit ipsi objecto, vel papyro pa-  
 rallela: quo res fiat illustrior, sit oculus B, charta IL tapeti subnigro  
 imposita, hæc duas sui emittit imagines; quarum debilior per super-  
 ficiem trianguli oculo viciniorē transit, hinc ipsum objectum oculi  
 admovet, & propius exhibet. Quòd si partem chartæ citiorem I  
 velo obduxeris; hæc species debilior, & confusa evanescet; non



quòd



quòd ab eâ parte effluat, sed quia in eo loco apparet; tamen à remotiore puncto L dimanet, cum ea sit languidior, ac sub minore angulo percipiat. Quorsum hæc evadant attendite. Primò, hinc liquet cur pars objecti candidi ceterior I cæruleo & obscuro colore infecta appareat: nam species distincta veli nigrioris puncto L vicini, evanidam & languentem objecti candidi imaginem opprimit, ac suo colore perfundit. II. Punctum L rubro vel flavo colore rutilat, quòd ibi sincera objecti imago languidam, & quasi spuriam nigri speciem superet. Nam punctum L est albi nigrique confinium, falsa quidem atrii coloris species, tanquam capillare velum nonnihil candorem objecti adulterat, sed debiliior cum sit, flavum, vel rubrum efficit colorem. III. Si tapeti albo atrum objectum imposueris, eosdem quidem colores, sed immutato situ videbis; punctum enim L flavum exhibebit, qui sensim in rubrum, tum in purpureum, denique in cæruleum colorem degenerabit; adeo ut nullus relinquatur dubitandi locus, colores omnes ex albi nigrique permissione exsurgere. Nec video unde Iridia colores deduci possint, nisi ex ipsius lucis immutatione; hæc verò ex radorum obliquitate, & angulorum exiguitate desumitur. Radius enim BI obliquè incurrens in punctum I, non penetrat vitrum, nisi porus I pateat, cumque angustissimi illius meatus latera, quæ in partem oppositam, nimirum versus L jacent, directam emissionem inhibeant; ac versus F reflectant, radius BI refringitur, atque ad perpendicularum propius accedit, non insitâ quâdam scientiâ, ut vires colligat, & majorem vincat opacitatem; sed quia repellitur à lateribus solidæ particule porum I contingentis: hinc refraçtio nulla sine reflexione perficitur. Radius porro infraçtus cum extra vitrum planum egreditur, iterum à puncto C repulsus in radium CO longius à perpendicularo dissitum comitat: nam ab eâ parte repellitur, cum quâ angustiozem efficit angulum: hanc enim magis premit, & vicissim magis ab eâ premitur; ac proinde non recto tramite ceptum iter pergit; sed in partem oppositam descedit. Quo autem radius BI obliquior est, & acutiozem efficit angulum, hoc in egressu angulus FCO erit obtusior, ac lumen magis dispergetur. Quare prope trigonum lux cum sit vegetior, nativum candorem servat, donec longius effusa, atque umbræ opacitate temperata, varios colores exhibeat. Unde si radius jam dispersos, atque extra triangulum effusos lentè convexâ colligas, vix in colores facessent. Ubi radii solares per rimulam obscuri cubiculi subeunt, ac vitri convexi adminiculo coguntur; tum varii luminis conï efformantur, cum quidam radii propius, alii verò longius à foramine concurrent; extremi istarum pyrami-



dum margines, non lucidi, sed variis coloribus tincti apparent, qui hoc sunt illustriores, quo locus fuerit obscurior. Jam corporis opacitatis & angustii interjectu breviorum conum ita separata, ut illius umbram lux ex utraque parte cingat; tum rubeus color in ipso pyramidis limbo emerget, quod lux vegetior umbræ opacitatem superet; contrarium experieris, si longiorem, ac proinde debiliorem lucis pyramidem corporis opacitatis interpositu secueris; tum enim vidua umbra corporis, ipsius pyramidis margines cæruleo tinget colore. Ne sim longior, radii obliqui, fracti, ac dispersi in colores abeunt; qui tri-  
goni extrema subeunt, acutiores angulos efficiunt: nam radius B L obliquiorem & strictiorem angulum cum vitri superficie procreat, quàm radius B I: ille in ipso exitu angulum apertorem efficit cum ultimâ vitri superficie; nam in ipso ingressu radii ad perpendicularum accedunt, in exitu recedunt & magis sparguntur: colorem ad eò obscuriorem radius B L exhibebit. Verbo dicam, ubi lux umbræ dominatur, ibi splendidi apparent colores; cum umbra lumen superat, obscuriores & nigro propiores emergunt. Hæc fortè cum tuis principis minùs conveniunt; sed, nisi me mens fallat, nihil asserri potest, quod magis cum ratione, atque ipsâ experientiâ consentiat.

*Simp.* Ego quidem videor debere non tam pugnare tecum, quàm quid ipse sentiam dicere. Colores Iridis ab ipsâ luce non oriri modo, sed etiam nihil esse præter lumen imminutum, jam subinde monuimus; lucem eo modo refringi, quo tu exposuisti, refractione debilitari, radios esse languidiore, quæ sunt obliquiores, non equidem reprehendo, sed ante oculos posita, atque ab omnibus concessa esse dico. Lumen vegetius in flavum, vel rubrum colorem, debilius in colores obscuriores commutare, donec penitus extingatur, ne id quidem reprehendo. Quid enim? si colores ex lumine dimanant, fortius lumen colores itidem fulgidiore procreare necesse est. At verò illud non rebar lucem cum umbrâ, vel tenebris commisceri posse; atque ex illâ temperie, tot colorum species sobolescere; nec putabam ex albi nigrique pictores rubrum, viridem, vel purpureum colorem procreare. Verùm ista sunt alterius loci: existimo quidem colorum rationes & causas in universum asserri posse; at definire quot cuique colori gradus luminis conveniant; quæ sit anguli refractionis mensura, ut rubeus color, potius quàm viridis emerget; hoc majus quiddam esse videtur, quàm ut hominum possit sensu, aut cogitatione comprehendere.





## LIBER SECUNDUS.

De naturâ, causis &amp; usu fossilium.

## CAPUT PRIMUM.

De principiis &amp; causis fossilium in universum.

- I. De spiritu universi, quæ sit Platoniorum & Chymicorum sententia.  
 II. Varia objectiones adversus spiritum illum cuncta permeantem, rationes seminarius, & vulgata Chymicorum principia proponuntur.  
 III. Quid nobis videatur de rationibus seminariis, generatione fossilium, & tribus principiis, sale, sulfure, & mercurio; Peripateticos cum Chymicis, quoad fieri potest, conciliamus.

Menander.



Non gravaberis, ut opinor, mi Simplici, exædificare id opus, quod instituisti; nam otiosi sumus, atq; ab omnibus negotiis vacui. Multa hæcenus de corporum cœlestium motibus, neque non de iis impressionibus, quæ in sublimi spectantur, & dilucidè, & satis copiosè disseruisti: sed cœlestia præcul sunt à cognitione nostrâ; metecora autem citissimè fugiunt, vix sui copiam faciunt; adeò ut nullâ ferè scientiâ comprehendi queant: & si maximè cognita sint, nihil tamen ad vivendum conferant. Sed quæ terra sinu suo complectitur, quæque ad humanæ vitæ usum, & oblectationem tam liberaliter effundit, minus quidè habent ostentationis: sunt tamen maxis necessaria, & ad cognoscendam non illiberalia. Magna quoque est in iis subtilitas, quæ exercere vel altissimam eruditionem, ac scientiam possit. Quare nisi tibi molestum est, à sublimibus ad ima, & terrena, nostra delabatur oratio; neque ut arbitror Theophilo aliter videbitur.

*Th.* Mihi verò id pergratum fuerit: nec potes hanc disputationem desugere: cum præsertim partem illam scientiæ naturalis non ignobilem, quæ circa res fossiles versatur, Alchimistæ ut desertam

OC. 11.

occuparint: unde & Philosophorum nomen sibi insolentissime arrogarunt: non enim Alchimistæ nomen jam in vulgus probatur.

*Simp.* Non equidem ignoro hanc scientiam pessimorum hominum infamiam laborare: nam impostoribus, & circulatoribus jam diu prædæ fuit: sed non continuo ars ipsa infamis censenda, si nequissimi homines in pravos usus eam detorqueant: suas habet dotes & quidem maximas, quas nunc persequi nostri non est instituti. Pessimè actum cum rebus humanis erit, si nobilissimas quasque artes proscribi oporteat, quod iis, malè feriat homines abutantur: Nec dissimulare possum me nihil reconditum, nihil expectatione vestra dignum de fossilibus vobis esse dicturum, nisi ipsa nobis Alchimia quasi in subsidium venerit: hæc enim non metalla modò investigat, & probat; sed etiam quæque corpora in sua revolvit principia; naturæ claustra, & quæ seclusa recludit, intimæque illius arcana scrutatur. Quo minùs ferendi sunt illi, qui hanc artem ut tenuem, ac jejunam cavillantur: cum summi eam Philosophi, & Medici coluerint: inter quos Avicenna, Albertus Magnus, Lulius, Fernelius atque alii eruditionis principes impensam huic scientiæ operam dederunt. Neque is sum tamen, qui Aristotelem, & Galenum præ Chymicis contemnam: sed utramque Philosophiam, & Peripateticam, & Spagyricam facillè conciliari posse arbitror. Quod ipse Severinus Danus ultro constituitur: nimirum Paracelsum cum asserit omnia constare ex sale, sulfure, & mercurio; non repugnare Aristoteli, qui rerum principia statuit materiam, formam, & privationem: nec Platoni dicenti Deum, exemplar & materiam esse principia omnium: singuli quippe diversas rerum æconomias scrutantur. Hæc quidem Severinus Paracelsistarum antesignanus, homo neque meo iudicio stultus, & suo valde sapiens. Ego verò libentissimè concedam fossilia (nam de iis potissimum nunc agimus) ex materiâ, & formâ, nec non ex elementis compingi: sed quemdam præterea æthereum spiritum, qui formam cum materiâ conciliet; tria quoque principia mercurium, sulfur, & salem, tanquam virtutum, & actionum omnium fontes admitti oportere; jure meritoque contenderim.

*Th.* Ista quidem sumis à Platoniciis, & Chymicis: sed vide, ne plus eis tribuas, quàm res, & veritas ipsa concedat.

*Simp.* Metuebam, ne à sutoribus, & coquis diceres. Verùm de spiritu cœlesti, qui materiâ, & formæ vinculum cum sit, meritò à Platoniciis natura clypea, archetypæ organum vocitatur, jam alias uberimè disputatum à nobis fuit, ac demonstratum apertissimè naturæ nomen nec materiæ, nec formæ, sed huic spiritui rationibus seminariis

fœcun-

*Peripateticos cum Chymicis conciliari posse.*

fecundato convenire. Est quippe natura intimum motus principium, quæ à nascendo dicta est; quod generatio sit illius fundio primaria; atqui forma non est intrinsecum generationis principium: non enim proprium subjectum præparat, sed in illud jam dispositum incurrit. Sed neque materia augustum naturæ nomen debet usurpare, cum sit iners, atque omni actione destituta. Hæc est Aristotelis quinta essentia, ab elementis toto genere discreta; calidum innatum Hippocratis, quo cuncta perfunduntur; vitale principium Theophrasti; balsamum naturæ, & sulfur vitale Chymicorum, quod species Individuorum propagatione conservat. Illius spiritus substantiam respondere proportionem quâdam elemento stellarum; nostris elementis longè esse diviniorem, calorem continere non igneum, (nam ignis nihil generat) sed planè cœlestem, & vivificum: eo denique non semina modo, sed etiam animalium excrementa perfundi, quod ex iis res vitæ participes procreentur, disertissimè demonstrat Philosophorum princeps. Spiritus dicitur, quod idem sit tenuissimus, ac subtilissimus; quo enim res est à materiæ contagio solutior, eo quoque est ad motum promptior, atque ad agendum efficacior: sic lumen in momento diffunditur; vitales spiritus, quos lucidos esse jam alibi ostendimus, & fortè ejusdem sunt cum spiritu mundi naturæ, ut subtilissimi, sic vivacissimi existunt. Cœlestem porro vocamus spiritum, non quod cum Sol in terram unâ cum formis demittat, ut plerique falsò existimant: sed quia purissimam, & quasi crystallinam cœlestium corporum naturam, atque eorum stabilem durationem æmulatur: corruptis enim ac dissolutis corporibus, is integer conservatur. Illud intueri licet in grano tritici, quod terra gremio molito, & subacto sparsum excipit, idque putrefacit, ac dissolvit: at balsamum radicale ab interitu vindicatur, ac novam subinde molitur generationem: cessare enim non potest; ante omnia elementorum mixtionem aggreditur: quid enim allud discordes elementorum qualitates conciliare posset? Profectò mirari subit, cur tantas de mixtione quæstiones moveant Philosophi: an miscibilia in mixto integra remaneant; an tota totis confundantur: an solæ qualitates destructis elementis sint superstites? nec inquirunt, quo motore mixtio perficiatur. An elementa ex conditio ad mixtionem confluant? quid tam iusta pondera, ac mēsuras præscribat? nec tanta est in elementis scientia, nec tantæ vires terræ, aquæ, aëri, & igni competunt, ut ex iis omnes corporum facultates, & actiones deriventur. Nimium simplices sumus, si colorum, & saporum varietatem, ac venenorum vires propè incredibiles, ex nudis elementorum qualitibus prodire arbitremur. Sed nihil est tam incredibile,

nec sensu percipi, nec ratione possit colligi? Veniat jam aliquis recensens Peripateticorum scholis, qui grandiloquentiâ Platonica non dilatat argumenta; sed minutis interrogatiunculis, & quasi punctis, opiniones tuas vellicet. Hic, inquam, roget te, quid sit ille spiritus, substantia an accedens? Si substantia, forma sit vel materia, an extrinsecus compositus? tot & tantæ dotes in materiam non cadunt: sed neque formæ rationem sibi vindicat, cum sit omnis corruptionis expertus, cum ex illo formæ scaturiant, cum denique sit formæ, & materiæ nexus. Nec demùm in accidentium censu repones, est enim quiddam divinius, ac præstantius, quàm ut inter accidentia numeretur. Urgebit ille forsitan, atque ex te requireret, an idem & uniusmodi spiritus, an multiplex, & varius in tantâ rerum diversitate reperitur? Si multiplex, unde illa distinctio, unde tot differentiæ repetuntur? non enim ex materiâ, & formâ compingitur; adeo ut materiæ titulo, cum aliis spiritibus conveniat, per formam ab ijs dissideat. Quod si unus est, simplex, & ubique sui similis: quo pacto tantam rerum efficit varietatem? an res eadem & uniusmodi tot functionibus obeundis sufficit? Instabit acrius, & quæret, an ille spiritus sit vitæ expertus, aut particeps? vitalem vocant; resque omnes vitâ perfundit: an eâ perfectione destituatur, quam omnibus tam liberaliter impertit, adeo ut ipsi lapides & spiritus universalis, & vitæ compositæ existant? Quod si enim Paracelsistas audimus: crescunt mineralia, sua maturitatis sortiuntur tempora, nutriuntur quoque, excrementa secerant, quæ potentibus paroxysmis sæpe rejiciunt, magnæ Metallurgorum pavore: nihil non vivit; ac sublimis illa philosophia priscis temporibus inaudita in viventium anatomia tota occupatur. Quæ cum ita sint, non dubitabunt hunc spiritum, vel mundi animam, vel certè illius spiraculum cum Platonicis vocitare. Verùm hæc jam inter ineptias evanuerunt; neque illa mundi anima à Christianis Philosophis recipitur, sœtus est profanæ philosophiæ, quam propè dimissam frustra revocas. Non igitur ex mundi animâ, quæ cerebri vigilantis somnium est, neque ex spiritu universi, qui nec concipi potest, nec enarrari, formarum origo repetenda est: sed fateri oportet & sinu materiæ illas erui, & benedictione divinâ, quam in sui conditione res, cunctæ acceperunt, propagari. Et quidem memini, quod cum de principijs rerum naturalium dissereres, negabas acerrimè formas in materiâ delitescere, quod alioqui nulla foret generatio, sed ejusdem individui multiplicatio, vel reconditæ formæ manifestatio: nec probabile esset formam pulli in ovo contineri; secus duabus simul formis ovum subternetur: acque etiam animâ alibi quàm in corpore suis

organis instructo reperitur: an nulli forma in equo actu existeret. Hæc atque alia id genus multa disputabas acutissime. Numquid repente factus transfuga, à Peripateticis ad Paracelsistas defecisti? nihil enim quàm rationes seminarias crepant; & magno supercilio reliquos despiciunt Philosophos, qui neglectâ illarum rationum contemplatione, privationes, informes materias, & mortuas qualitates sectantur.

Sed quid sunt illæ rationes, substantiæ an accidentiæ? nihili substantiale præter materiam & formam novimus: quod si materiæ dispositiones, & apparatus, aut vim causæ effectivæ, quâ similem procreat effectum, hoc nomine insigniunt, ultrò eorum sententiæ accedimus. Verùm in ea sunt hæresi, quæ formas in seminibus, non virtute, aut potentiâ, sed actu contineri statuit; atque in eo summa Pa-

*De forma-* racelsicæ Philosophiæ consistit. Negant generationem esse ex non  
*rum ori-* ente ad ens processum; nisi forte, inquirunt, non entia appellemus,  
*gine, quid* semina in quibus vita, potestas, essentia, scientia vigent: nec quic-  
*Paracelsi-* quam aliud est generatio, nisi fluxus seminum: quæ nova in dies fi-  
*stis vide-* cri videntur, in semine antè delitescunt, melioreque vitâ fruuntur.  
*ant.* Rursus quæ hîc corrumpi dicuntur, non festinant ad non ens, sed

destinatis muneribus absolutis, ad fontes suos recurrunt. Jam semina in nocte Orphei, vel orco Hippocratis, vel in iâstro Paracelsi, atque in occultissimis elementorum abyssi latent, ut formæ in seminibus, quæ variis donis, ac scientiis instructæ, per spiritus mechanicos, & artificiosos corpora sibi fabricant, & infelici tum principiorum, tum elementorum conjugio copulatæ, in mundanam scenam prodeunt; tumque partium distantias, & extensiones admittunt, locorum insuetis clauduntur angustiis, & temporum tam tardas revolutiones mirantur. Auditis portentosa Severini deliria, qui pergit ineptire, cum magnificis verbis docet in semine omnia vigere, quæ hîc generationum, & corruptionum vicissitudine fluere, & refuere videntur; adeoque formam uniuscujusque rei non extrinsecus accedere; non à datore formarum, post elementorum consentaneam mixtionem, infundi; non à stellarum momentaneo positu in inferiorem naturam derivari; non ex atomorum fortuito congressu integrari: sed in ipsis seminibus de-

*Refellitur.* litescere. Quid, si ista vera sunt, omnis generatio tollitur: nihil enim seipsum generat: formæ duntaxat emergent ex elementorum abyssi, & tanquam spectra peregrinis corporibus vestita apparebunt. Formæ erunt suis corporibus longè antiquiores, ac semen canis, jam canem appellare nihil vetat. Potestne quisquam ista sentire, & literis consignare? nihil gignitur, sed occulta quæ sunt, manifestantur; nihil



nihil quoque interit, nam formæ elementorum diversoria repetuntur: hinc rursus digestis temporibus suscitantur, & admirabili scientiâ, generationum corruptionumque fluxus, & refluxus moderantur. Sed quibus adminiculis generationum liturgias perficiunt, quibus organis elementa, ac principia permiscant? spiritibus nempe mechanicis, & architectonicis utuntur, qui amicâ societate dissilientes co-<sup>Qui sint spiritus</sup> pulent naturas: sunt enim visibilia, & invisibilia; corruptibilia, <sup>mechanica</sup> & incorruptibilia vincula, atque artificiosè omnia operantur. Hinc ex Chymia non ineptè mechanici nominantur; cùmque sint corporum, & spiri-<sup>corum sensu</sup> tium nexus, ambigunt quodammodo, & corpora sunt, sed spiritalia; <sup>sentiâ,</sup> sunt item spiritus, sed corporei: tincturis suis, & impressionibus sapores, colores, & alias signaturas, seu qualitates corporibus impertiuntur: horum enim omnium perfectam habent notitiâ: ne fortè In-<sup>doctos</sup> doctos spiritus putes. Nec mirum si tantâ arte animantium, stirpium, imò mineralium partes conformant. Quid est enim, cur vitam me-<sup>De vitâ</sup> tallis & lapidibus invidas? tametsi individuorum propagatione species non custodiunt, non continuò tamen seminibus donantur, & sua <sup>mineralium ex Se-</sup> maturitatis obtinent tempora; nec non paroxysmorum ratas periodos, venarum ordinatas progressionès, corporum consentaneas compositiones, saporum, & colorum efficaces virtutes, ætatum discrimina, morborum, & mortis necessitatem. Nec majus est artificium in plantarum, vel animalium formis, & figuris, quàm in colorum, odorum, saporum, & proprietatum, quæ in mineralibus vigent, ordinatâ explicatione. Quin etiam in iis formæ naturales non sunt prætermis-<sup>se</sup> sæ: alia namque est Adamantis, alia Crystalli forma; non igitur eorum semina vitâ, vel scientiâ destituuntur. Jam hoc ferè modo fossilium generatio perficitur. Semina in abyssis occultata, ubi digesta expleverint tempora, cum spiritibus conjugium incunt, qui quamvis sint initio invisibiles, corporum tamen principia, elementa, & ornatum omnem in se continent: cùm dispositiones aptas, & materiam attemperatam invenere, tum donorum varietate, scientiæ abditam, majestatem exerunt. Siquidem matricibus, & locis repertis, corporum visibilia, magisque concretorum admittunt commercium, tum elementa, & principia sibi idonea constituunt: sal nempe minerale, quod opportunam soliditatem tribuit; sed ne concretâ salium pro-



prietate ligati spiritus mechanici actionum principes, officiorum in-  
iusta paterentur dispendia; adjunxit idcirco natura principium, quod  
copiosâ, pingui, viscosâque substantiâ salis congelationem benignâ  
commixtione temperaret: sulfuris officium id fuit. Sed desiderabatur  
tertium, quod assiduâ irrigatione duo priora foveret, fluidâque & la-  
bili substantiâ mixtionem facilem redderet: hinc salî & sulfuri adjun-  
ctus est mercurius.

Hæc adeo sunt Severini & Paracelsitarum commenta, quibus  
veram Philosophiam evertunt funditus; ut difficile sit de eorum teme-  
ritate, perinde ut causa postulat, dicere. Primum; Philosophi non  
satis habent magnifica verba fundere, sed rationibus progrediuntur;  
*Refellitur* & incerta certis probant. Hic verò multa falsa occurrunt, pleraque  
*Severinum.* dubia, nihil demonstratione stabilitum. Audio semina in orco Hippo-  
cratis quiescere, nullis dimensionum legibus adstricta, digestis tem-  
poribus fructus parere, ac sulfuri incombustibili, seu vitali balsamo  
insidere: addunt spiritus mechanicos scientiâ instructos variis orna-  
tos donis, hæc semina corporibus alligare. An nobis argumenta  
1. querenda sunt, quibus hæc opinionum monstra convellantur? Quis  
ignorat animantes, & plantas in seipsis sua semina possidere, non ex  
2. liastro Paracelsi, vel Orphei nocte arcescere. Terra verbo divino sæ-  
cundata plantas produxit, quæ semen in semetipsis haberent, non ex  
vacuis elementorum abyssis repeterent. Sed ilud perabsurdum, semi-  
na, & spiritus mechanicos scientiâ donare; nunquid cogitando re-  
rum imagines depingunt, aut de rerum veritate judicant, vel unum  
3. ex alio colligunt? Taceo spiritus in corpora degenerare, nihil inte-  
rire, nihil corrumpi; cum tamen Christus & Apostolus testentur gra-  
4. num tritici terræ sinu exceptum prius mori, quàm in novam frugem  
adulescat. Jam quo fato semina, cum sint incorporea: corporum in-  
5. felix conjugium ambiunt? non ut propriam speciem individuorum  
multiplicatione conservent; sunt enim formæ spirituales, & mortî  
non obnoxie: quid formis separatis, & spiritalibus cum caducis cor-  
poribus? Sed quis illa artem fabrilem edocuit, ut ex elementis cu-  
dant principia? si tamen principia dicenda sunt, quæ ex aliis prodi-  
6. ere. Mitto dicere de sulfure incombustibili, cui semina, astra, radices  
inhærent; cum sulfur, oleum, balsamum, vel quocunque alio signetur  
nomine, quo purius existit, hoc citius ab igne consumatur; nec quic-  
quam sit in hoc inferiori globo ab omni corruptione tutum. Jam hic  
locus non postulat ut de generatione animalium ac plantarum disse-  
ramus: pauca duntaxat de mineralium orta delibemus; hic enim Pa-  
racelsitarum factio seriò triumphat.

Primum,

Primum, quod vitam fossilibus largiuntur, faciunt pueriliter: *Metalla* istuc enim non temerè assertum, sed probatum oportuit. Quod si vi-  
vunt mineralia, quid est cur non alia generent, uti plantæ, & animan-  
tes? generantur, inquit, sed ex occultis naturæ thesauris. Hæc  
quidem inconstantissimè dicuntur, cum Paracelsistæ, atque alii magni  
magisterii, seu lapidis Philosophici professores, aurum in seipso su-  
um semen recondere pertinacissimè defendant. Sed illa metallorum  
transmutatio meâ quidem sententiâ est impossibilis, neque ex semini-  
bus oriuntur metalla; sed ex terrâ & aquâ permixtis, ut placet Agri-  
colæ; vel ex vapore resoluta, qui frigore instar pruinae concrefcit, ut  
sentit summus Philosophiæ dictator. Verum de his alius est nobis  
sepositus locus. At crescunt metalla. Demus id vobis. An continuò  
aluntur? nisi fortè ignem vivere, quod pabulum exigat, stultissimus  
Paracelsista existimet. Jam quid absurdius, quàm fossilium semina  
elementis nutrire, atque illa ex orco Hippocratis evocare? an semi-  
na alimentis indigent? Quid demum illis deest? formæ sunt spirita-  
les (si vobis credimus) nec bene iis cum corporibus convenit. Sed  
neque corpora alibi, quàm in suis matricibus gignuntur: quis enim  
ferat stellas prægnantes fructus suos, pluvias scilicet, ac ventos in  
aëre; aurum, & gemmas in terrâ deponere? Unumquodque elemen-  
tum, inquit Severinus, non in propriâ, sed in peregrinâ regione par-  
turit. Atqui hoc falsum est, neque aqua in terram sua semina immit-  
tit, sed in seipsâ concipit, & concepta semina promovet: idem in ter-  
ra usuvenit. Falsum id quoque est, quasdam stellas ventorum genera-  
tionibus incumbere, in quibus spiritus mechanici, & scientiæ late-  
ant talium corporum produçtrices. Quis nescit pluvias ex vaporibus,  
quos è terrâ, vel mari Sol exexit prodire, non ex sideribus demitti?  
quasi ut Aristophanes de Jove jocatur, & Paracellus de stellis seriò  
nugatur, sidera per cribrum mejerent. Quod si quædam stellæ austra-  
les ventos, aliæ boreales excitant, profectò in eodem terræ hemisphæ-  
rio, eosdem simul spirare ventos necesse est: nam eadem ubique stel-  
læ collucent. Verum hæc otiosorum hominum, atque in Paracelsi  
lialstro somniantium deliria facessant.

Venio ad ea, quæ veri propria mihi videntur, nimirum ad prin-  
cipia, ex quibus Chymici omnia compingunt corpora. Ego quidem  
optarem, ut inter hujus scientiæ professores magis convenisset; magna  
quippe est inter eos de numero, naturâ, & officiis principiorum dissen-  
sio. Sunt qui principia ex elementis, tanquam ex fontibus deducant;  
alii contrarium placet, ac negant prima rerum initia ab elementis  
prodire: nec desunt qui putent in rebus omnibus eadem non esse  
prin-

principia: neque enim fit eis verisimile sulfur auri ejusdem esse naturæ cum aquâ ardente, seu vini sulfure: contrarium ab aliis defenditur, quod plantæ ex mineralibus, animalia ex plantis nutrantur: unde apertissimè colligi putant eadem esse omnium corporum exordia. Jam utrum stirpes è terrâ, unâ cum succo, hæc quoque rerum primordia eliciant; an potius ex eodem humore diversa principia vitali facultate producant, magnâ opinionum contentione certatur. Plerique posterius asserunt, cum ex maturis, & immaturis fructibus, eadem non eruantur principia: illa igitur humori, ex quo planta altitur, non inerant actû, sed potestate tantum, & sua habent coctionis vel maturitatis tempora. Reclamant alii, & prima rerum exordia non fieri, sed tantum secerni contendunt; cum ex eodem humore simplicis & uniusmodi, tam diversa principia prodire nequeant: neq; idem agens ex eodem subiecto diversos effectus procreare possit. De numero principiorum nullatenus inter se consentiunt. Paracelsus à Basilio Valentino, & Isaaco Hollando sulfur, sal, & mercurium mutuatus est. Libavius quintam essentiam, seu ætheream substantiam, vel calidum innatum adjicit. Veteres Alchimistæ duo duntaxat metallorum principia, sulfur, & mercurium agnovere: Geber arsenicum his adjungit. Omnes hoc communi errore labuntur, quod ea decernant principia, in quæ corpora mixta resolvuntur. Id verò concedimus, cum res naturali putrefactione dissolvitur: non autem cum vi quâdam per ignem destruitur: ignis quippe hæc principia generat, non educit: nam si varios ignis gradus adhibeas, diversos itidem effectus procreabis. Exemplo sit vinum, ex quo spiritum tenuissimum, phlegma seu aquam, acetum, aquam ardentem, oleum piæque, terram, salem denique tum fixum, tum volatilem eliciunt. Plura ex vitriolo proferunt: an tot principia statuenda sunt, quot res diversæ extrahuntur? Frustrâ nobis obtrudunt varias opii & vini qualitates, quas non nisi ex diversis principiis ori-ri falso colligunt. Diu multumque de opio dubitatum est, inquit Datus, quâ ratione in tantâ amaritudine stupefaciendi virtus excelleret: nos substantiarum factâ separatione, sulfur, vel oleosum quispian deprehendimus planè narcoticum: ejusdem naturæ sulfura antea conspexeramus: eâdem analysi in opio sal quoddam diaphoreticum deprehendimus, quod subtili resolutione penetrando sudores movet, cujus similitudinem in multis naturæ partibus similiter demonstrare possumus. Simili planè modo in vino oleum calidum cum multo phlegmate, & tartaro conjunctum deprehendimus: hinc minùs admiramur cur calidum cum sit, diuturnorum, & gravium morborum, calculi, podagræ, & colicæ causa esse possit. Hæc quidem magnâ verisimilitudine.

et similitudine dicuntur. Enimvero si quis ex te, Severine, requirat, cur opili sulfur somnum inducat, sal sudores excitet? neque enim hæ vires in sal, vel sulfur omne cadunt. Quid est cur spiritus vini inebriet, non item alia sulfura, vel olea? cur sal Rhabarbari adstringat, cum oleum illius virtute purgatrice excellat? hærebis. forsitan, nisi ad peculiarem crasin uniuscujusque corporis cum Galenicis, vel ad formas specificas cum Peripateticis te referas.

Sed non alio magis angor, quam quod principia ipsa Chymici inconstantissime designent: nam ut taceam de sale, & sulfure, nondum constare nobis potuit, quid per mercurium intelligant: an purissimum spiritum inflammabilem, & plane celestem? Verum hic nihil est quam sulfur tenuissimum, vel solemnis illa non magis cognita, quam nominata quinta Aristotelis essentia. An spiritus acidus, & penetrans mercurii nomine insinuat: an multi negant hanc aciditatem aliunde, quam à sale volatili proficisci; quo quidem si acetosum liquorem spoliaveris, humor fatuus, & insulfus remanebit. Non inepit quidam mercurium nihil ab aqua differre arbitrantur: sic enim commodius explicari potest: nunc ad te refero, quos sequar? Sed illud palmare est, omnes sapes sali, atque odores sulfuri tribuere: quasi ex eodem sale tanta saporum varietas proficisci queat. Nucem arborem in cineres redige, saleem extrahe, cedo an sal illi omnes exhibeat sapes, qui in solis, cortice, nucleis magna varietate discernuntur? an sulfur ipsum omni sapore destituitur? Verum hæc ad vivum non refeco: jam alias de principiis Chymicorum disputatum à nobis est subtilius: hæc adeo placuit leviter perstringere, quo te ab Alchimiatarum vanitate, si fieri posset, retraherem.

*Simp.* Non est quod vercare, ne ad Paracelsi, vel Severini stultas opinionones dilabar: ipsam quidem Alchymiam amo, quod naturas rerum quasi perfecare, & aperire videatur: sed illos Chymicos odimale, qui opinionum suarum monstra, tanquam certissima decreta venditant; fingunt omnia, probant nihil. Quocirca nobis hoc ipsum faciendum est, quod Alchimiæ profitentur, purum scilicet ab impuro, verum à falso est discernendum. Nec vero lum adeo mentis inops, ut cum Severino existimem formas rerum in seminibus actu esse reconditas; vel ex invisibilibus elementis, tanquam è latebris in lucem prodire: nec spiritus mechanicos scientiæ, & intelligentiæ præditos existere, mihi unquam persuadebunt, illi sumivenduli. Vix credam metalla vivere, vel tanquam siderum fructus è cælo in terram demitti: hæc qui sentiunt, prorsus desipere arbitror. Cæterum, quæ tibi vehementissime displicent; nimiram spiritus universi, quo cuncta per-

*Qua sit  
nostra de  
placitis  
Chymico-  
rum sen-  
tentia.*

funduntur; rationes seminariz, ex quibus formæ omnes repetuntur; mineralium ex propriis seminibus procreatio; tria demum pervulgata Chymicorum, ex quibus rerum omnium vires ducuntur, principia: hæc inquam puto, probabiliter posse defendi; neque tamen ea sicut caput, & famam tueri necesse est. Verum captiosis Interrogatiunculis tentas nos circumscribere: queris an Spiritus ille substantia sit, vel accidens; unus an multiplex; vitæ particeps, an secus? hos quidem cavillos nobis discutere in proclivi est. Itaque respondeo Spiritum illum coelestem tenuissimam esse substantiam ex materiâ, & formâ coneretam, simillimam Spiritui vitali, qui à corde, per arterias in omnia corporis membra diffunditur; qui cum sit uniusmodi, variâ tamen obit munera, quod animâ sit primarium organum. Adderet Aristoteles, hunc Spiritum esse veluti flammam purissimam, cujus oleum, & quasi pabulum sit humidum primigenium. Generantur, inquit, in terra animalia, & plantæ, quoniam humor in terrâ, Spiritus in humore, calor animalis in universo inest: ita ut quodammodo plena sint animarum omnia. Calor igitur coelestis, quem alias longè ab elementari diversum esse consecimus, huic Spiritui insitus est: quemadmodum humidum radicale, quod Spiritus ætherei est, veluti pabulum, humoris elementari longè præstantius existit: nam ut calor coelestis blandus est, & suavis, non vorax ut igneus; sic humidum primigenium est vitæ fomes; materiæ, & formæ nexus, elementorum gluten, oleum purissimum: hoc humore cineres ipsi diluuntur, & vitro coelestem planè naturam tribuit; neque enim vitrum posset fluere, si omni humore foret destitutum. Frustra interrogas an ille Spiritus vivat, an suâ donetur animâ? nego cum vivere, quoniam sit corporalis, & animæ vinculum: est quippe similia, vel ejusdem prorsus naturæ cum Spiritu vitali animalium, qui instrumenti nomine vitales functiones obit; nec vivit tamen. Quoniam Alexander Aiensis huic Spiritui vitam tribuere non reformidet; adeo ut Spiritus vitæ sit particeps, non animæ: neque ineruditè vitam ab animâ discriminat, cum anima corpori inesse queat, tametsi vitam illi non impartiat: quidni etiam vitam sine animâ consistere posse fateamur? Sed utrum ista descendat possint, ipse viderit: nobis satis fuerit Spiritui universi vitam, tanquam divinæ providentiæ organo, & naturæ clypeo concedere. Nec multum nos torquet alia interrogatiuncula, utrum unus sit, vel multiplex? utrumvis elegeris, mihi perinde est. Unus est, antequam ad rerum individuarum compositionem descendat; varius & multiplex, ubi naturam aliquam constituit; sic variæ exerit actiones, quatenus diversis formis quasi famulatur. Unde ergo, inquires, tanta rerum

varie-

De spiritu  
universi.

Respondetur  
objectionibus.

L. 3 de  
Gen. an.

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

an Q

varietas, si unus sit spiritus omnium generationum opifex? Unde, nisi à rationibus seminariis, quæ nihil sunt, quàm quidam idearum quasi *De ratio- nibus se- minariis.* characteres, numeri efficacissimi (ut cum Platonico loquar) qui generationes promouent. Et quippe ratio seminalis vis quædam occulta, quæ materiam ideæ divinæ conformat, (sic illam dodicissimus Fur-nencus definit: neque aliunde quàm ex ideis formarum origo, & varietas deducitur: istæ sunt formæ principales, & originales regulæ, ex quibus quæcunque nascendo ad oculos nostros exeunt, accipiunt progrediendi primordia, & incrementa debite magnitudinis, distinctionesque formarum. Non enim ab informi materiâ formas omnes, vel stabilem rerum seriem ex naturâ instabili proficisci, mihi sit verisimile. Sed rationes seminariæ jam aliæ sunt à nobis explicatæ, atque ab iis, si videbitur, qui ista disputant quæritote.

*Men.* Nos autem à te potius. Nec clam me est, non Platonico modo, sed etiam Augustinum, occultis illis rationibus divinæ sapientiæ organis, rerum omnium formas, & distinctiones acceptas referre. Sed quid sint istæ rationes, spirituales, an corporeæ; substantiæ, vel accidentia; formæ ipsæ, an formarum rudimenta; quod sit earum subiectum; effectrices, an formales sint causæ, quotusquisque explicat? Quare à nobis hanc veniam; ut ea quæ sentis audiamus.

*Simp.* Ego verò tibi obsequi studeo: nec gravabor breviter, meo more, quid sentiam dicere. Ac primum, à seminum cognitione sensus ipsos removeamus; nam eorum censura nequiquam subiiciuntur. Nam ut pulchrè Augustinus, rerum quæ corporaliter, visibiliterque nascuntur occulta quædam semina in istis corporeis hujus mundi elementis latent: alia sunt enim hæc jam conspicua oculis nostris, ex fructibus, & animantibus; alia verò illa occulta istorum seminum semina; unde jubentè Deo Creatore produxit aqua prima natatilia, & volatilia; terra autem prima sui generis germina; & prima sui generis animalia: neque enim tunc hujusmodi fetus ita producti sunt, ut in eis, quæ producta sunt, vis illa consumpta sit; sed plerumque desunt congruæ temperamentorum occasiones, quibus erumpant, & species suas propagent. Fateor equidem, mi Theophile, res omnes benedictione divinâ accepisse vim sui similis productricem: at quiddam est in rerum naturâ, quod jussu divinum exequitur, & generationis principium intimum existit. Docet quidem scriptura, Deum ab omni opere, quod creavit, die septimo cessasse: cuncta enim in seminibus suis tum creata fuerunt per generationem hæc semina in formas visibiles explicantur. Hoc ipsum apertissimè colligit Augustinus. In se-

adit

ZZ 2

magni.

L. 3. de  
Tua.

L. 3. de Co-  
acti ad lit.



magnitudinis; sed vi, potentiaque causaliter: nam illa magnitudo corporis terræ, & humoris congesta est; sed illa in exiguo grano mirabilior præstantiorque vis est, quâ valuit adjacens humor commixtus terræ, tanquam materies verti in illius ligni qualitatem, in ramorum diffusionem, in foliorum viriditatem, ac figuram, in fructuum formas, & opulentiam, omniumque ordinatissimam distinctionem. Quid enim ex arbore illâ surgit, aut pendet, quod non ex occulto quodam thesauro seminis illius extractum, atque depromptum est. Eadem ferè paulò superius præmiserat, cum exponeret locum illum Genesios: Fons ascendebat de terrâ, & irrigabat omnem faciem terræ. Omnia, inquit, primordia seminum; sive unde omnis caro, sive unde omnia fructueta gignuntur; humida sunt, & ex humore concresecunt: insunt autem in illis efficacissimi numeri trahentes secum sequaces potentias de illis perfectis operibus Dei, à quibus in die septimo requievit. Verum non locis, sed rationibus pugnandum, & quid sit illa ratio seminalis breviter est aperiendum.

*Quid sit  
ratio se-  
minaria.*

Nec substantiæ, nec accidentis nomen illi convenit, si exquisitè, atque ad scholasticorum regulam loqui volumus: non enim est quiddam completum, quod alicujus prædicamenti claustris arceatur; sed radix est tum substantiæ, tum accidentium. Nam rerum omnium numeri, & species in rationibus illis latent, non tumore locorum distanti, sed quasi complicati, atque eo ferè modo (ut ab exemplo Augustini non recedam) quo omnes numerosi soni Lusciniæ imaginationi quasi spiritaliter imprimuntur: vel ut pulchrè alicujus carminis numeri in ipsâ arte delitescunt: non enim ars quâ versus fabricatur, sic temporis obnoxia est, ut pulchritudo ejus per mensuras morarum digeratur; sed simul habet omnia, quibus efficit versus non simul habentem omnia. At molestissimâ subtilitate inquiritis, utrum illæ rationes formæ sint, an formarum exordia? cum formis eas non confundimus: cum hæ sint fluxæ, & caduæ; rationes seminales non item: sunt igitur formarum potius effectrices, quàm formæ; rationem, & quasi vim plasticam rerum continent, non ut causæ principes, sed ut instrumentariæ: sic artem, quâ versus cuditur, ab ipso versu discernimus. Nihil verò aliud est spiritus ratione seminali prægnans, nisi natura ipsa formarum radix. Quid autem natura, nisi ars Dei in materiâ? Cum igitur res gignuntur, numquid formæ prius in materiâ existerant? Responderet Albertus, formarum essentiam in materiâ ab ipso mundi exordio, sub existentia alienâ delituisse: sed cum res generatur, tum propriâ fruitur existentia. Huic opinioni neque omnino accedo, neque planè dissentio: sed ut omnem effugiam cavilla-



villationem, rationes seminales ut idearum vicarias, effectricis, non formalis causæ titulo rerum omnium formas procreare statuo. Nam ut scitè Augustinus, sicut matres gravidæ sunt sætibz, sic ipse mundus gravidus est causis nascentium. Jam ubi materiam idoneam natæ sunt, tum quæ secreto naturæ sinu abditæ continentur, erumpunt, & explicant mensuras, numeros, & pondera sua, quæ in occulto acceperunt. Idque eo ferè modo perficitur, quo ratio mente concepta inflati pulmonis capiat occasionem, ut voce sensibil induta, distinctè exprimat, quiddam antea indistinctum, & quasi convolutum gerebat. Nec dubito quin rationes seminares, distinctione, si minus reali, certè formali, ab ipsâ materiâ secernantur: nihil quippe sola materia molitur: atque alia est in semine ratio frondis, alia floris. Quid ergo sunt illæ rationes, corporeæ, an spirituales? Diu est, quòd Doctor eximius Alexander Alensis huic occurrit interrogationi: quòd nimirum elementis mundi indita sit quædam natura simplex, & incorporea, alia à naturâ elementari; quæ quidem virtus, seu seminalis ratio dici potest corporalis, quia radicatur in corporibus, seu in elementis; & spiritalis, quia mole caret corporali.

Restat ut his respondeam, qui subiectum & sedem harum rationum demonstrari sibi postulant; quod quidem nobis est in promptu: non enim alibi quàm in ipso spiritu æthereo inhabitant. Custos verò hujus spiritus, ac seminares rationis semen est visibile, quod potestate, non actu formam continet. Quare cælum ad generationem causæ universalis nomine conspirat; calore suo cuncta promovet, inferiores causas excitat, & corroborat: sed è cælo formæ non delabuntur, ut suo loco ostendimus. Unumquodque medio semine tanquam instrumento, suum simile procreat. Hinc virtus generantis est principium, quo, (sic enim hodie rerum nomina obtinent) ratio vero seminalis principium erit ex quo res quæque gignitur. Existit autem hoc loco quædam quæstio subdificilis de animalibus, quæ ex putredine nascuntur, ubi seminares eorum rationes delitescunt? non alibi profectò quàm in spiritu universi: aut dicant mihi, qui contrarium sentiant, quæ sit effectrix causa istorum animalium? unde prodeant, quæ è terrâ nascuntur injussâ gramina? Numquid fortè à cælo formantur? Sed cælum cum sit omni vitâ privatum, qui poterit vitam, & sensum largiri? nulla causa effectui suo deterior est, maxime si principis causæ nomine operetur. An necesse est ad intelligentias corporum cælestium motrices recurrere? at principium generationis intrinsecum, & naturale inquirimus. Cælum quidem ab Angelis moveatur, nihil repugno. Num continuò Angeli principales erunt generationum

*De animalibus,  
quæ ex putredine  
nascuntur.*

causæ? Hanc ego subtilitatem Philosophiâ indignam judico. Influxus cœlestes his inferioribus fortasse applicent: non aliud præstabunt, quàm quod cœli viribus est attemperatum. Non igitur spirituales illæ naturæ causæ sunt naturales eorum, quæ sine manifesto semine gignuntur. An verò saltem ut artifices operantur? ne id quidem, quid enim est opus artefactum, nisi id, quod ab ideâ artificis formam suam mutuatur? atqui res naturales non Angelorum, sed unius Dei ideas, seu formas originales participant. Structura, & conformatio animalium majus quiddam est, quàm ut ab ullâ creaturâ, tanquam ab artifice procreari queat. Aliud est, inquit sublimis Doctor, ex intimo, ac summo causarum cardine condere, atque administrare creaturam, quod qui facit solus creator est Deus: aliud autem pro distributis ab illo viribus, & facultatibus aliquam operationem forinsecus adhibere, ut tunc, vel tunc, sic vel sic exeat quod creatur. Ista quippe originaliter, ac primordialiter in quâdam texturâ elementorum cuncta jam creata sunt, sed acceptis opportunitatibus prodeunt. Quid igitur restat, nisi ut soli Deo tanquam omnipotenti artifice, & causæ principi omnium animalium, quæ sine semine nascuntur, ortus tribuatur. Sed fors est, ut Deus non sit immediata, & proxima generationis causa. Quamobrem reliquum est, ut spiritum cuncta permeantem, rationibus seminariis fecundatum cum universâ Academico-rum familiâ agnoscamus.

Nec stirpes modò, vel animantes, sed lapides etiam, metalla, & cuncta fossilia ex iisdem causis procreantur; non ex fortuito elementorum concursu, vel ex sublatis vaporibus, frigoris vi concre-scunt: non enim frigus quicquam generat: neque ex terrâ, & aquâ permixtis aliud quàm lutum fieri potest. Corporum quædam affectiones, ut densitas, raritas, durities ab elementorum qualitatibus non absurdè repetuntur: at rationes, & naturæ corporum, ab intimo motu, atque ab Interiore principio oriuntur; quod quidem principium seminale res cunctas maturat, perficit, ac certis circumscribit figuris. Unde quæso te crystalli hexagonam figuram ubique sortiuntur? an fortè ex fluitantis materiæ concretione? an potius ex spiritu architecto suis rationibus seminariis instructo? sed quid crystallos solas commemoro, cum natura vel in lapidibus arenaceis quiddam regulare affectet: nam cotes duplo longiores, quàm latæ esse solent: sic arenulæ, quæ ex vesicâ expelluntur, rhombi figuram imitantur: hinc fortè suis angulis tantos excitant dolores: sal gemmeus ex atomis cubicis exsurgit. Numquid hæc temerè & fortuito eveniunt? Quid igitur est, cur mineralia ex intimis principiis, vel seminis, uti plantæ

non oriantur? tamen si stirpes fecundæ esse soleant, non item fossilia. Non enim aurum aliud aurum gignit. Stirpium quoque semina terræ mandantur, ut multiplicata species suas conservent: semen verò fossilium in ipsis conclusum, & occultum manet: longæ temporum successione propriam materiam immutat, coquit, & perficit; non enim sequacem, ut in plantis materiam offendit. Ut semel finiam, fossilia maximam cum plantis, habent cognationem: nam instar arborum eriguntur, in ramos ac venas diffunduntur; pleraque exhausta ex seminis renascuntur; crescunt quodammodo, & nutriuntur; neque tanto à plantis intervallo, quanto stirpes ab animantibus, dissident; adeo ut infimum vitæ gradum obtinere videantur. Sed ne verbi controversia nos torqueat, fateor mineralia omni vitâ destitui; spiritu tamen æthereo perfundi, & suis rationibus seminaris instrui jure contenderim; cum iisdem ubique viribus, figuris, & coloribus donentur.

Venio jam ad principia Chymicorum, quæ tibi non probantur. De primis quod ne Chymici quidem de numero, naturâ, & officiis principiorum inter se consentiant. Nimis invidiosæ hæc æ te dicuntur: nonne & ipsi Peripatetici in multis, ne dicam in omnibus serè dissentiant. Nonnulli elementarum in mixto, alii potestate tantum remanere contendunt. Quanta pugna est de elementorum qualitatibus; utrum integræ, vel retulsæ conserventur; an potius his decedentibus novæ succrescant? utrum ex earum pugna, novæ eaque simplex qualitas exsurgat? quare Chymicos in invidiam vocas, quod negent omnes corporum vires ex elementis prodire, ac nova inducant principia, quæ ad intimam corporum mixtorum essentiam pertineant? minus fortasse de numero principiorum inter eos convenit; at illud certè apud eos constat, qualitates omnes ab elementis non ducti. Neque enim vis narcotica opii, aut facultas purgatrix Rhubarbari à terrâ, vel aquâ proficiscitur: nec tanta saporum, & colorum varietas ab elementis insipidis, atque omni odore, vel colore destitutis prodire potest. De sulfure quidem, & sale, magna est inter eos consensus; mercurius dubitè magis & ancipitis naturæ existit. Nonnulli eum spiritum acidum definiunt: in hanc quidem sententiam multum olim propendebam, cui nunc planè non confido; cum nitrum, & sales quique volatiles istam aquæ aciditatem conciliant. Imò spiritus salis cum lapide calaminari diffusatus omnem serè aciditatem exuit. Mercurium alii nihil esse putant, quàm liquorem aqueum corporis mixti virtute inbutum, qualis est aqua rosacea. Sed quid propriè sit mercurius, quia parum refert, liberum opinaturis relinquo. Neque etiam hic discutien-

sciendum est, utrum principia actu (quod mihi probabilius videtur) an potestate tantum in mixto resideant: satis est, si revera inesse fateamur.

**Obiectio 1.** At inquis, hæc sunt ignis artificialis, non naturæ opera. Mirum, si tantum arti liceat, ut essentias, quæ prius non erant, efficiat. Numquid ex vino spiritum ardentem eliciamus, quo extracto frustra tentaris alium proleclare? Quid causæ est, cur in ipsis essentis eadem viresprehendantur, quæ in mixto inerant? quid ignis, nisi ignem procreat? quid demum est, cur ex eodem vitriolo, spiritum, oleum, sal, terram, & aquam producat? sed cur ex omni vitriolo idem spiritus elicitur? Cum simi calore, vel balneo roris distillantur liquores, nunquid ignis violentiam, atque artificialem corruptionem obtendes? an potius eadem in artificiosis instrumentis, quæ in naturæ ipsis vasis eveniunt; nisi quod in illis diversa corporum principia facilius discernantur; non enim in auras abeunt, sed suis conceptaculis excipiuntur.

**Obiectio 2.** Falsa querela est non educi principia, sed produci. An terra ipsa, quæ in cineribus superest, vel aqua, quæ unâ cum spiritu distillatur, ab igne artificioso procreantur? Neque is sum tamen, qui elementa nihil esse quam sordes, & excrementa corporum putem. Terram, & aquam, nihil ad mixti essentiam pertinere, sed esse capsulas, & involucra principiorum, sentiunt quidem impuri Paracelsistæ, quibus minimè accedo: non enim ex solis nutrimur essentis, vel principis: ex hisdem verò alimur, ex quibus constamus: non igitur sola principia compositionem rerum ingrediuntur. Sed neque ex elementis principia, vel vicissim elementa ex principis prodeunt: nunquam enim terra in salem, vel sal in terram facesset. Elementa materis vices obeunt, principia magis ad formam videntur attinere: siquidem calor, frigus, humor, & siccitas, quæ ex elementis dimanant, materiam magis sapiunt, & qualitates sunt omnibus corporibus communes. Sed odor, sapor, vis purgatrix, & aliæ facultates, quæ ex principis ducuntur, formales, propriæ, ac specificæ jure nominantur. Hinc Mesue eos sapientes vocat, qui quod occultum erat manifestant, & quasi speciem à materiâ separant, quæ quidem sunt Chymicorum partes. Hanc ipse Galenus olim optabat artem, quæ diversas mixtorum corporum partes secerneret. Verum cum de principis alio loco multa dixerimus, nunc mihi est perorandum.

Sed tibi quid tandem videtur, optime Menander?



## CAPUT SECUNDUM.

De mixtis terreis, &amp; variis terrarum generibus.

I. Principia Chymicorum ex Cartesii decretis exponuntur. II. De resolutione, & variis illius differentiis, nempe sublimatione, distillatione, calcinatione &c. agitur. III. De diversis terrarum generibus, & usu pertractamus.

Menander.



Istahor, cum hoc, tum illud probabilius mihi videtur. Principia quidem Chymicorum non planè rejicio; sed nego ea inter se aliter, quàm partium subtilitate, vel crassitie; figurâ, vel situ differre. Primus enim isque tenuissimus humor, qui inter distillandum evahitur, mercurii nomen accepit; nihil est quàm aqua corporis tinctura, vel essentia leviter imbuta: minùs censetur utilis, quòd humor sit duntaxat alimentarius, nondum benè concoctus, percolatus, qui faciliè egreditur, quòd cum aliis partibus malè cohereat. Hunc excipit oleosus humor intimus corporis mixti succus, quem sulfur, vel spiritum vocitant: is majore calore attollitur: altius quippe rei ipsi, ex quâ elicitur, insidet. Salis demùm nomine quidquid sursum efferri nequit, insigniunt: crassioribus enim constat particulis, quàm ut à calore evehi possint. Quare facies illa crassiores, nec caloris vi satis agitari queunt, ut liquecant; nec attolli, ut in humorem distillantur. Hinc omnia naturæ, & artis miracula calore, & frigore perficiuntur; calor movet, agitat, dissolvit, aperit, separat; frigore verò humores concresecunt, interim secernuntur, ut in sanguine videre est. Jam ubi fossilium, & rerum sensibilibus naturas, vel causas scrutamur, frustra recurrimus ad spiritus mechanicos, vel rationes seminarias, atque alia ignorantie nostræ patrocinia: hæc enim sunt densissimis circumfusa tenebris, neque ullâ ratione percipi possunt. Alia sunt principia magis obvia, & intellectu facilliora, quæ magno errore inflati contemnimus. Placet mihi illustris Cartesii (cujus memoriam excipient omnes anni consequentes) sententia, quâ nulla corporum principia agnoscit, nisi eadem cum rebus ipsis consentiant, & sint explicatu facilia. Finge aliquem non planè impolitum, qui te ultro percontetur, quæ sit causa illius aciditatis, quam in

Aaa

spiritu

spiritu vitrioliprehendimus; quare aquæ fortes metalla, & lapides dissolvant; cur è contrâ pleraque olea quandam præ se ferant dulcedinem? numquid fortè ad materiam, vel formam, aut spiritum universi rationibus seminariis prægnantem te referes? Næ tu illi furere videberis: quid enim absurdius quàm rebus manifestis causas incertas, & abstrusas reddere? Quòd si eum apertè docueris spiritum vitrioli, vel nitri ex particulis rigidis, oblongis, & duris compingi, quæ tanquam aciculæ linguam pungant, subeant, penetrent, ac tandem dissolvant metalla: olea verò ex particulis mollioribus, & flexilibus componi; hinc linguam non vellicant, sed leniter allambunt, ac pinguedine suâ demulcent. Profectò ille tibi vehementer assentietur, atq; ultrò in tuam concedet sententiam. Sed redeo ad principia, & causas fossilium.

Omnis ut naturæ, sic artis operatio mixtione, & resolutione continetur. Cæterum eo serè modo miscibilia natura permiscet, quocernimus Pharmacopolas in suis mixtionibus procedere: terunt corpora quàm fieri potest minutissimè; coctionem adhibent: nam calor dividit, resolvit, agit: humore tandem diluunt; est enim humor quævis vehiculum, & faciliè subit mixti corpuscula, illaque separat, ut exquisitiùs misceantur. Neque aliter, quantum auguror, metalla, & lapides ex tribus principiis, mercurio, sulfure, & sale optimè permixtis exsurgunt. Mercurium voco hydrargyrum, cujus atomi à subtili materiâ (non enim à Cartesii decretis faciliè dimoveor) agitantur, nam licèt sint crassissima, malè tamen cohererent. Sulfur est succus oleosus, cujus particule flexiles, & ramosæ materiam omnibus bituminibus, quæ è terrâ exæstuant, suggerunt. Sales denique, ut vitriolum, alumen, nitrum constant ex rigidis, & acutis corpusculis. Omnia, ut jam dixi, mineralia ex iis succis compinguntur: nam liquida quæ sunt, faciliè permiscuntur.

*De resolutione corporum, & differentiis ejus.* Omnem verò mixtionem præcedit quædam resolutio, quæ varia est, & multiplex. Exhalatio inter præcipuas illius species numeratur, per quam, & eaquæ nihil est quàm resolutio in halitus; illius adeò tres species reperiuntur; sublimatio, distillatio, & calcinatio. Quòd si halitus in corpore durum concreseat, sublimatio dicitur: sic flores ex sulfure, stibio, & aliis mineralibus attolluntur, ac superiori vasis, in quo incendantur, parti, insar pruinæ adhærescunt: quo quidem modo metalla generari credidit Aristoteles; rectè, an secus postea viderimus. Plerumque autem sal volatile sublimari solet: hinc sublimata acris sunt & caustica, sæpe etiam & venenosa, ut hydrargyrum sublimatum: corpusculis enim duris, acutis, & penetrantibus constant. Sic fuligo, quæ ex incensu lignis, vel succis pinguioribus attollitur, est acerrima; & quia



quia ex striatis particulis componitur, amarum præ se fert saporem, camino tenaciter inhæret, & præ illis particulis asperis facile infigitur: flammam tamen concipit, quod omni oleo non destituatur. Illud quidem oleum non ignis violentiâ, sed quod magis mirere, summo extrahitur frigore. Fuligo multâ aquâ, vel urinâ, quæ huic negotio optima est, diluitur; coquitur, donec rubedinem quandam, quæ sanguinem referat, contraxerit; sub dio frigori intensissimo exponitur; confractâ glacie excipitur oleum fuliginis, quod in medium locum sese receperat, optimum (si Chymicos audimus) scabiei foetidæ, atque aliis id genus morbis remedium. Omitto fuliginem uberiorem esse, circa superiorem camini partem, quàm versus infimam: nam ubi nimio calore, vel flammâ agitur, non facile potest consistere. Solet, autem plerumque in floccos glomerari, quod omnis halitus in filamenta, & flocculos diducatur. Sic mycus in pane, & alijs corporibus putredini obnoxiiis, æstate præsertim, in filamenta floccescit; quod nimio æstu multus halitus diffletur. Nec solus calor, sed etiam humor aëris immodicus mucum educit copiosiore, quod halitum erumpentem transities aëris, vel humiditas repellat, cumque in summâ panis superficie hæreere compellat. Verùm ista ad putredinem spectant, de quâ jam aliàs diximus, eamque tum calore, tum humore perfici satis compertum est: siquæ quod calor aëris ambientis intimum corporis mixti calorem unâ cum humore evocet, quo vinculo sublato, miscibilia dissolvi, & separari necesse est; sic enim placet Aristoteli: seu potius calor poros corporis subeat, & aditum præbeat corpusculis acrioribus, quibus fibræ jam calore dissolutæ laxantur, & subtiliores mixti corporis partes exhalantur. Humor verò eandem ferè viam affert corporibus: nam fibras solvit, ac subtilissimas rei cujusque partes secum educit.

Nunc ad secundam exhalationis speciem accedo, in quâ subla- *Distilla-*  
tus vapor concrevit in liquorem, distillatio nominatur. Hæc meo  
quidem judicio est præcipua naturæ rota, quâ omnes ferè suos perficit motus: huic tota incumbit Alchimia; modò vapores in Alembico sursum extollunt; aliquando per ignem rotæ, vel circularem carbonibus in orbem dispositis, & sensim admotis, humorem deorsum propellant: sed ubi olea tenaciora sunt extrahenda, quoddam vasis genus, quod retortam vocant, adhibent; atque illius beneficio liquor magis rebellis ad latus, vel, ut loquuntur, per inclinationem elicitur. Nonnunquam distillatos liquores suo magmati, seu facibus remiscet, ut intimam essentiam, quæ plerumque in fundo vasis contumacior residet, educant: nam humor affusus tritas, & excussas corporis di-



stillati partes solvit, laxat, & secum trahit. Humore resoluto, restant soli cineres; unde hæc operatio, quæ corpus mixtum in minutissimum pulverem, omni humore absumpto redigit, dicitur calcinatio, quæ tertîa est exhalationis species.

*Calcinatio.*

Cinis quidem & plantis, & animantibus; casu verò ex lapidibus, vel metallis potissimum educitur. Tum calces, cum cineres quandam præ se ferunt albedinem, quod terrestres atomi, quibus maxime constant, globosæ sint, & rotundæ, & radios in omnes reflectant partes: hinc illa cinerum mollities; nam sphaerulæ nullis angulis tactum offendunt. Corpuscula tamen acris, & caustica continent, quæ non ignis vi, sed sola aqua separantur: terrestres enim particule ignis calore non facile excutuntur, quod crassiores existant; quam ut eas subtilis materia, quæ omnium corporum meatus subit, & in perpetuo versatur motu, exagitet. Sed cum laxiores habeant poros, humorem facile admittunt; is enim tenuiores partes secum educit, usque in ipsi vulgaris infusionibus usquevenit. Hinc lixivio sordes linteorum absteruntur: nam acris illa corpuscula humoris beneficio, linteis meatibus subeunt, tenaciter adhærescunt, nec elui possunt, nisi sordes una secum abripiant. Non dissimili ratione calcis corpuscula caustica, corrosiva, & acerrima cum sint, corporum particulas penetrant, & citò dissolvunt; hinc absumunt cadavera, & arenam conglutinant. Si qua verò sit ratio seminaria, seu vis organica, & plastica, in ipsis delitescit cineribus. Hinc illa plantarum & cineribus renascentium à Chymicis adeò jactata phantasmata: infinita propè ab his referuntur exempla. Quercetanus narrat, se lixivium ex urticarum cineribus consecisse, quod hiberno tempore congelatum urticas apprime delinæas exhibebat. Idem refert, se vidisse Potonum, qui cum varia haberet vasa sigillata, & in singulis pulverem quandam debite præparatum, moderato calore adhibito, quam quisque veller plantam ostenderet. Nec memoro ex finis animalium eadem sæpe herbas oriri, quæ ipsis pecoribus pabulo fuerent. Imò testatur Beguinus, plantas ex sparsis cineribus nonnunquam exsurgere. Ex cancri calcinatis & in aquam stagnantem projectis, alios subinde caneros renasci, plerique se experios dicunt. Multis quoque profuit plantarum radices cinerum dilutis perfundere; sive quod sal spiritus vivihei, & rationum seminum cultus existat, ut Chymici omnes contendunt: sive ut existimat amicus noster, vir summo ingenio, & exquisita scientiæ, superfluous imber subtilia salium corpuscula secum evehat, quibus occlusi per hincem fibrarum meatus, recluduntur. Satis, ut opinor, de præcipuis naturæ, & artis Chymicæ resolutionibus dictum est.

Nihil

Nihil addo de liquefactione, quâ partes duntaxat homogeneæ, *Liquefactio*  
 & congeneres corporis mixti separantur, cum perfecta resolutio *Alia*  
 etiam heterogeneas dividat. Hinc metalla faciliè liquantur, vix res-  
 solvuntur, quod partes heterogeneæ arctiori neantur vinculo, quàm  
 ut dividi possint. Lignum verò non aegrè resolvitur, cum liquari non  
 possit, quod partes heterogeneæ faciliè separentur; humor caloris vi-  
 citò avolat, terra superest, quæ liquari nequit. Nihil etiam necesse est  
 de coctione dicere, quâ crudiores partes exhalantur, vel maturantur:  
 hinc cocta sunt molliora: vinculis enim solutis, ac multis partibus  
 diffatis, reliquæ minùs distentæ tactui cedunt. Quod fixum est,  
 elixato durius existit, quod pinguis humor vix subeat angustos cor-  
 poris meatus: sed humor aqueus corporis elixati poros faciliè ingre-  
 ditur: unde pisces priusquam frigi possint, persecandi sunt, quo alti-  
 us oleum penetret. Cum verò olei particulae sint ramosæ, & tenaces,  
 nihil mirum, si corpora fortius agglutinent, & contrahant; unde spi-  
 ritus ventriculi, qui digestionem perficiunt, fixa corpora acrius res-  
 solvunt, ac digerunt. Quæ assantur vel fringuntur, intus humidiora  
 sunt, quàm quæ elixantur: siquidem in his ambiens humor fibras  
 laxat, poros aperit, atque intimum corporis elixati humorem evocat:  
 sed assata crudum, & mercurialem humorem efflant, quo absumpto,  
 fœciore crustâ obducuntur, ac meatus occluduntur; adeo ut succi  
 pars melior ad interiora revocetur. *Alia* quæstiones infinitas non  
 persequor; tametsi ad mineralium intelligentiam non parum lucis as-  
 ferant: sed hæc ipsa, quæ dixi, sentio fuisse longiora.

*Th.* Ista certè, quæ abs te breviter decursa sunt, jam copiosius alibi tractavimus; nunc igitur quod cœperas, mi Simplici, de ortu, natura, & causis mineralium perge dicere.

*Simp.* Dicam equidem, quoniam institui; simul ut vos pleniorē demetear obsequio, non modò de fossilibus disseram, sed etiam secretiora Chymicorum arcana vobis aperiā. Inquisitio ipsa rerum occultissimarum suam habet oblectationem: est enim, ut præclare Fulsius, animorum ingeniorumque naturale quoddam quasi pabulum, consideratio, contemplatioque naturæ. Sed præclara res mihi videtur, utilitatem cum delectatione conjungere: neque id infra Philosophi dignitatem puto, ad ipsius Alchimie opera quandoque descendere: nam vera sapientia utilitate, non solâ contemplatione laudatur. Nemini tamen auctor fuerim, ut in his operibus consenescat, vel curiosis, quàm par sit, inquirat in naturæ secreta: plerique enim, dum huic studio nimis indulgent, in damna, & dedecora incurrunt, sæpe etiam legum judiciorumque pœnis obligantur. Multos credendi fa-

*Fossilium  
in tria ge-  
nera di-  
stributio.*

cillitas decipit: sed non morabor in hac parte diutius: nimium est quod intelligitur. Nunc ad propositum. Fossilia, quorum naturas, causas, & effectus inquirimus, in tria genera brevissime dividi possunt; primum terras ipsas continet; siue sint communes, siue in pretio habeantur: alterum est succorum, qui vel pingues sunt, ut sulfur & bitumen; vel macri, ut sal gemmæ, alumen, & vitriolum: tertium denique mineralia propriè dicta complectitur, quæ iterum in tres veluti species diducuntur, lapides, metalla, & metallica, quæ nimirum inter lapides, & metalla ambigunt. Horum omnium ortus, naturas & usus investigare non erit injucundum.

*De variis  
terrarum  
generibus.*

Ac primum de terris ipsis dicendum, quarum facilis est, & expedita distinctio: nam aliæ sunt steriles, aliæ pingues, & frugiferae: illæ ut plurimum candidæ, leves, vel arenosæ existunt: quid enim arena, nisi minutissimorum lapillorum congeries cum permodicâ terræ portione conjuncta? hinc arenosa terra humorum non retinet, sed per laxiores poros trajicit, & quantumvis copioso imbri diluatur, non lutescit. Addit Gassendus corpuscula, ex quibus arena compingitur, esse angulosa, & vitrea: sic enim perspicillis, quæ rerum species mirifice augent, deprehenduntur. Quare nihil mirum est, si terra arenosa sterilis existat: non enim humore exsolvi potest; neque illæ particulæ, quibus constat, seminali, vel altrici facultati obsequuntur. Neque obscurum est, cur illæ arenulæ vim habeant abstersivam, cur cotes ex iis compactæ ferrum exacuunt; cur cæmentum ex calcæ & arenâ fiat tenacissimum. Ista enim omnia ex angulorum asperitate, & corpusculorum, quibus arena constat, duritie oriuntur: nam calcem viscidam hæc arenula suis angulis retinet. Fluvii omnes cum exuundant, sabulo obducunt terras: siquidem aqua corporum, quibus affluit, ramenta exedit, & secum defert. Terra pinguis ut plurimum subnigra est; humore quippe perfusa hunc exhibet colorem: sed exsiccata albescit: candor enim, ut Strato Lampascenus olim censebat, est nativus terræ color. Pinguis terra ubi aquâ diluitur, lutum facit; tenacior, & densior est quam arenosa; humore affuso, ac manibus subacta, vel agitata, non faciliè dividitur, aut dissolvitur: sterilis verò & macra citò solvitur, cum illius partes nullo vinciantur glutine. Hoc quidem indicio Georgius Agricola pingues à sterilibus terris discernit. Est tamen quoddam solum argillosum, densum, tenax, & sterile: generatio enim, ac nutritio fieri non possunt citra resolutionem; terra illa cum sit tenacior, resolvi nequit; nec succum plantis suppeditare, cum nullos habeat meatus, quibus alimentum percoletur; quin potius plantarum fibras suo glutine implicat. Nec tenacitas omnis

cum

cum pinguedine conjungitur : nam spiritus vini suo phlegmate pinguior exiit, non tenacior. Quædam est argilla succulenta, & pinguis, quæ terris inpersa eas fecundat; Marnam Galli vocant, olim Margam; mutuata à Germanis voce, quod sit velut terræ medulla: alia est durior, lapidi similis, quæ longiore temporis tractu dissolvitur, eaque humidioribus terris habetur utilior; alia verò mollior siccioribus magis convenit. Ultraque suam fecunditatem salî nitroso refert acceptam: sal quippe fertilitatem inducere (quânquam sint, qui dissentiant) jam aliibi demonstratum à nobis fuit. Huc creta ferè similis est, de cujus candore nihil necesse est dicere, cum hic locus non postulet, ut colorum causas indagemus. Omnes ex rationibus seminariis colores duci Severiniani existimant, quod mihi omnino non probatur; cum res eadem colores, non naturam mutet; cumque ex plumbo cerussa, vel minium conficiatur. Quis tantam colorum mutationem in rationes seminarias, vel spiritus inechanicos refundat? Vobis placet colores omnes, ex varia luminis reflexione proficisci; adeo ut eretæ candor ex corpusculis sphericis, quæ lumen solare in omnes partes regerunt, oriatur. Hinc mollis quoque est, & friabilis; ubi panno vel ligno affricatur, sui relinquit vestigia; vitro affricata non item; quod illarum partieturæ sint faciliè separabiles, & panni rimulis ultrò inhærescant: vitrum autem cum ejusmodi rimulas non habeat, vix eretæ inficitur. Hæc satis acutè concluduntur. Enimverò rubricæ, earbo, atque alia ejusdem generis corpora sphaëculis non constant, faciliè tamen sui vestigia imprimunt corporibus. Quamobrem in meâ veteri sententiâ permanceo, atque omnes colores non à diversâ luminis reflexione, neque ab ipso temperamento, seu elementarium qualitarum conjugio; ut vult Agricola, sed ab insito, & nativo corporum lumine prodire arbitror. Non equidem ignoro, nullam ferè esse terram simplicem, sed plerasque cum succis, vel aliis mineralibus permixtas inveniri. Hinc diversitum colores, tum sapores, diversæ adeo facultates oriuntur. Succus aluminosus adstringentem, atramentosus acrem, nitrosus amarum saporem concitat: ubi terra succo pingui, vel bituminoso imbutur, flammam faciliè concipit. Vix adduci possum, ut credam, ex incendio falsedinem, ex moderato calore pinguedinem oriri: neque ignis calor acrem, vel frigus acidum semper procreat saporem: cum eadem persæpe terra sit pinguis, casida, & adstringens: nec quidquid acidum est, id continuo frigidum exiit, nisi fortasse spiritum salis, vel sulfuris frigidum putēs.

Non mihi diu laborandum est, ut ostendam, unde terræ pretiosiores oriantur. Numquid fortè, ut placet Agricolæ, superflus imber tellu. *Qua can-*  
*sa pretio-*  
*sa terrar*  
*tellu. procreat.*

telluris meatus, & venas subiens, saxorum, vel lapidum ramenta vehit, quæ certis in locis colliguntur, & benigno calore digeruntur: tandem cum humor superfluous, vel frigore expressus est, vel calore absumptus, terra remanet. Hæc si minus vera sunt, formam quandam habent veritatis. Quod si tamen pluvix ultra decem pedum altitudinem non madefaciant terram, ut Seneca opinatur; necesse est ut terræ, quæ altius generantur, ex aquis subterraneis suam ducant originem; ac rupes illæ ad calcis naturam debent proximè accedere, quò prætercurrens aqua facilius eas arrodat. Sed ne diutius disseram de re nobis penitus ignotâ; quæ ex telluris visceribus non effodiuntur, sed in ipsâ superficie passim occurrunt terræ, ex aquâ lapidum minutias secum deferente prodire nequeunt. Quemadmodum Aristoteles omnia serè corpora ex vapore, & halitu effingit: sic Agricola, lapides, metalla, fossilia denique omnia ex terrâ & aquâ permixtis compingi arbitratur. Sed neutri sententiæ prorsus assentior; neque ex tenuissimo halitu metalla durissima concreescere, neque ex terrâ simplici, & aquâ tam varia fossilium genera procreari possunt. Quocirca vel unâ cum saxis, & rupibus in ipsâ rerum conditione terræ productæ sunt; vel ex elementis, & principiis Chymicorum in propriis matricibus gignuntur; vel denique ex terrâ diversis succorum genibus, infecta emergunt. Neque hic omnes terrarum species possum persequi: sunt enim infinitæ, ac pleræque varia sortitæ sunt nomina ab ipsis, ex quibus eruuntur locis. Sic creta, ab insula ejusdem nominis notissimâ; quanquam alibi passim inveniatur, nomen suum deduxit. Hæc, ut reliquæ omnes, variis usibus accommodatur: hinc Creta argentaria, argento expoliendo inservit; abstergit enim, & sordes eluit, vel propter arenularum asperitatem, vel quia salis abundat corpusculis. Terra Samia olim in pretio fuit, quòd ex illâ oculorum collyria pararentur: eam fuisse pinguem, mollem, candidam, & glutinosam ex Galeno colligimus. Terra Lemnia, vel sigillata præter cæteras est illustris, figurâ capræ, Dianæ sigillo olim signabatur; quemadmodum nunc temporis quædam literæ Turcicæ ipsi imprimuntur: pinguis est, densa, mollis, adstringens, rubricæ aliquando non dissimilis, nisi quòd manus contrectantium non inficit: oxycrate permixta sanguinem sistit ex ore profluentem; succo plantaginis diluta, sedat ventris tormina. Illud silentio non præteribo, quod clarissimus Busbequius de terrâ Lemniâ literis consignavit. Fuit, inquit, Græcorum institutum, ut non nisi sexto die Augusti festo transfigurationis Domini specus recluderetur, unde in Lemno terra, quam Ægos sphragida vocabant, hauritur. Idem institutum hodieque

*Terra Samia.*

*Terra Lemnia.*

*Epistola 3.*



dieque servant Turcæ, & ut olim Sacerdos Græcus liturgiam ibi celebrabat, sic & illam hodie celebrari volunt, ipsi quidem sacrorum. ex longinquo tantum spectatores. Terra Armena colore pallida, & *Terra Ar.* dura ferè instar lapidis vi exsiccante donatur, sanguinem inhibet, *mena.* oris sanat ulcera, eamque contra pestis venenum non manifestâ, sed occultâ qualitate utilem prædicant. Quædam terræ ex mineris eruantur, ac plerumque sunt acerrimæ, quod vitriolo abundent. Ochra non solam ex vitrioli, sed etiam ex propriâ effoditur min- *Ochra.* râ, colore luteo tingitur, auri pigmento non dissimilis; aceto extin- *Varii ter.* ctâ magis purpurefcit; acerrima cum sit, vulneribus perutilis censetur; carnes luxuriantes reprimi, tumores colli vel inguinum *Yatnu* curat. Ne sim longior, terræ ad varios usus à Medicis adhibentur: nam vel abstergunt, & mundificant; vel erumpentem sistunt san- *usm.* guinem, vel medentur vulneribus: ut plurimum exsiccant, adstringunt, corrodunt: verum hæc ad Medicos; non enim artem medendi tractare suscepimus, sed cum in ordinem incurreret, inhonoratam transire nolimus. Hinc jam quibus terris alii utantur artifices tradere incipiam. Pictores macris, & raris utuntur; sic varia cretærum genera, albam, nigram, viridem; necnon rubricam, & ochram plerumque adhibent. Qui vestibus abstergendis operam impendunt, ii terras pinguiore, acres, & raras seligunt, quas Sardinia, & aliæ passim regiones præbent. Ne illud quidem quod admonemus, indignum est, figulos, statuarios, plasticos denique omnes cretâ, vel argillâ pingui, viscosâ, densâ, molli, non terris aridis, & macilentis uti; cum enim argilla multo, ac pingui humore, & fibris tenacioribus constet, ductilis est, ac figuras ultro excipit. Terræ verò aridæ citius dissolvuntur; duræ vix subigi; & manibus tractari possunt; raræ igni admotæ liquores non continent. Sed tamen nisi ars, vel natura argillam fabulo miscuerit, vix catini, & alia vasa, quæ ignis ardore sustineant, effinguntur: sed arenulæ corpuscula, quæ dura, vitrea, & aspera esse diximus, suis angulis terram pinguiorem vinciunt, ne solvatur prohibent, meatus occludunt, & cæmenti vices obeunt. Ex terrâ minùs densâ figuli urceos, discos, atque alia ejusdem generis vasa fingunt, sed arenâ, vel fabulo per cribrum trajecto prius eam, commisceri oportet, ut ignis vim ferre queat: tum Soli antè est exponenda, & exsiccanda, quàm fummo fornacis calore torreatur. Rariorem quoque terram postulant lateres, & tegulæ, ne testæ graventur nimio pondere; fragiles fiunt humoris defectu; cum vasi aquâ pleno immerguntur, tum aqua videtur effervesceere, quod aër, vel halitus laterum poris conclusus erumpat bullarum specie. Ne illud qui-

dem ignorare oportet, quas terras Chymici fornacibus suis, crucibulis seu catillis, & testis accommodent, quo luto vasa sua conglutinent, ne iis diffractis spiritus erumpant: hæc enim instituto nostro vicini ora sunt, atque ad ipsius Alchimie enchirium pertinent.

*De terris,  
ex quibus  
furnuli  
compin-  
guntur, &  
vasa Chy-  
micorum  
parantur.*

Fornaces solent ex optimâ argillâ, vel lateribus benè junctis compingi: nec tamen laterculi ignis vehementioris patientes sunt; quare cum metalla funduntur, partem illam fornacia, quæ pyraliterium, vel focus nominatur, ac destinatur carbonibus excipiendis, ex terrâ optimâ constructam oportet: illa verò idonea haberi potest, ex quâ testæ vel crucibula finguntur, quæ igni fortissimo cremata albescit, faciliè abit in lapidem, neque in pulverem fatiscit. Soli prius exponitur, tum malleo ligneo contunditur, per cribrum traiecitur; cum alterius terræ in sigulino furno crematæ, atque in pulverem comminutæ duplâ, vel triplâ portione eam permiscet, aquâ temperant, subjungunt, denique beneficio typi lignei formant crucibulum, calore solis exsiccant; nec tamen sales retinebit, quousque in furno cremetur. Argilla verò, ex quâ fornax erigitur, nonnunquam murâ, & arenâ diluitur; sic enim rimas non agit. Consalit quoque Glauberus, vir meo quidem judicio industrius, ex capite mortuo, vel facibus vitrioli, aut aquæ fortis, cum suppetunt, arenâ, & aquâ argillam temperare, atque ex ea fornaces compingere; idque optimum erit lutum, quo vasorum colla jungantur; retortæ, & cucurbitæ, cum opus erit, armentur: nam linteo madido id faciliè separatur; quod non evenit ubi argilla, neque murâ, neque vitrioli facibus, sed aquâ tantum, & animalium pilis, vel equorum simo permiscetur: tum enim sæpè accidit, ut pilis aut palcis combustis lutum fatiscat; nec faciliè separari potest; adeò ut necesse sit vasa, non sine dispendio confringere. Cum verò spiritus subtilissimi distillantur, si corrosivi exstant, vasorum juncturæ non solum aquæ fortis capite mortuo, seu reliquiis committendæ sunt, sed etiam calce vivâ minutissimè contritâ, atque oleo lini dilutâ sunt obducendæ. Quod si spiritus tenuissimi quidem sint, non corrosivi, satis erit vasorum collis amyllum aquâ dilutum, vel vesicam bubulam albumine ovi madidam, vel denique argillam ovi itidem albumine temperatam, cum linteolis applicare. Ista quidem Philosophi, ut professione suâ minora despiciant: his tamen neglectis, vix majoribus relinquitur locus: plerique omnes abstrusis, & interminatis questionibus oblectantur, neque iis ulla disputatio placet, nisi quæ magnam largiatur contradicendi libertatem: sunt enim contentionum cupidiores, quàm veritatis, cum tamen nihil sit veritatis luce dulcius.

CAPUT



## CAPUT TERTIUM.

## De sale, &amp; nitro.

I. De salis naturâ & origine juxta Aristotelis principia, de salis & nitri vulgatâ in sua principia resolutione. II. Peripateticorum opinio de salis naturâ refellitur, & verisimilior adducitur. III. De nitri causis, usu, & præparatione: necnon de duplici satûspetra liquore, fixo & volatili, per multa explicantur.

## Theophilus.

**B**Enè actum tecum puto, quòd Medici, Chymici, Figuli, atque alii artifices huic disputationi non intersunt: nam universi impetum in te tacerent, vel certè litem tibi intenderent, quòd in alienas possessiones irrueria. Quid amabo te, Philosophiz cum arte figulinâ, cum quâ ne minimâ quidem societate conjungitur? Quid est, cur eorum luto manus inquines? Et sane cum Medicis, vel Chymicis licet quodam jure postliminii agere, & veluti nostrum reposcere: nam & suas omiserunt, & Philosophorum partes occuparunt. Medici quidem quorum scientia non ipsius contemplationis, sed valetudinis causâ probatur; nihil ferè nobis reliquere: Physicam enim totam, Physiologiæ nomine pertrahant: Chymici verò Philosophorum nomen impudentissimè sibi arrogant, cum tamen extra fusoriam, vel distillatricem artem non debeant excurrere. Utrique fines suos norint, neque in Physicorum ditionem temerè irrumpant. Verùm hæcenus evagari satis fuerit: ad mineralia redeamus: quæ quidem Avicenna in quatuor genera brevissimè distribuit, sales, sulfura, lapides, & liquabilia: de singulis nonnulla dicemus. Ac primùm id omne salis nomine complectimur, quod in aquâ, vel humore exsolvitur: quo titulo nitrum, alumen, & vitriolum inter sales censemus. De sale communi, quo cibos condimus, in primis agendum. Illud quidem ex aquâ maris, fontium, ac puteorum, Solis ardore, aut cõctione concre- pellucet, ut Sarmaticum, & Hungaricum; tum sal gemmæ vocitatur. Neque hîc necesse est omnes salium persequi differentias, cum propè innumerabiles reperiantur: nam sal candidum passim occurrit, nigrum in Norvegiâ, croceum in Cappadociâ, purpureum in Hispaniâ

& Siciliâ invenitur. Sal ammoniacum, quod in arenis Libyæ efflorescit, instar lapidis specularis tralucet. Illud verò sal melius sapit, quod ex aquâ falsâ excoquitur; non enim omni humore exiit; minus habet amaritudinis, & subtilius cum sit, citius liquefit. Quod verò Solis calore exsiccat, particulis constat aliquantulum crassioribus; hinc linguam acrius vellicat; nec ita facile solvitur. Sal demum fossile durius cum sit, magis quidem adstringit, & carnem à corruptione fortius vindicat, sed condiendis cibis minus est idoneum: nam & dentes suâ asperitate offendit, nec facile exsolvitur. Ne sim longus, id omni sali commune est, quod humore solvatur, quia calore, & siccitate concrevit. Quamobrem optimè conservatur in locis siccioribus: nam siccitatem amat, quòd ex illâ suam ducat originem. Humiditatem verò ut sibi infestam averfatur: neque in humidiori loco citra aliquod sui dispendium, asservari potest. Multâ abundat terrâ: siquidem ex humore aquoso cum terrâ combustâ permixto coaluit: hinc adstringentem, & exsiccantem obtinet facultatem. Neque hoc loco expendam, utrum sal, quod ex mixtis corporibus in cinerem redactis, per aquæ calidæ affusionem elicitur, naturæ, an Chymicæ artis sit opus: id enim jam alibi excussimus; neque in iis controversiis Latii opes positæ sunt. Per me licet Chymicis insanire, & suum Alkali, (sic enim vocant salem, qui è corporibus extrahitur) inter elementa, vel principia recensere; atque ex illo omnium saporum differentias, sæcundiatas, & coagulationis causas repetere: cum tamen salem ipsum in sua litem dissolvant principia: nam & sublimatione salem volatilem, & minutissimum consequuntur; distillatione spiritum eliciunt, quem mirificè commendant.

*De sale in  
sua princi-  
pia resolu-  
tione.*

Ante omnia salem ab omnibus expurgant sordibus, quòd soluti-  
onibus, & coagulationibus repetitis perficitur: siquidem salem aquâ  
exsolvunt, tum per filtrum trajiciunt, vel salem percolant, ut terro-  
nas sordes deponant; aqua sale prægnans moderato calore exhala-  
tur, quæ salem in fundo, & candidiorem, & puriorem præbet. De-  
inde vasi siccili, & operto, igne circulari, vel rotæ (cùm scilicet ca-  
tellus inter carbones sic collocatur, ut aliquo intervallo ab iis diste-  
at, & carbonibus accensis calor per gradus paulatim intendatur) tor-  
rent ut humiditatem elementarem, & pinguedinem quandam terre-  
stem, necnon spiritus persæpe noxios exuat. Tandem terrâ lutosâ,  
vel argillâ figulorum salem permiscunt, & permodicâ aquâ tempe-  
rant. Ex quâ mixturâ efformant globulos nucum juglandum ma-  
gnitudine, quibus blando calore prius exsiccatis, dimidiam ferè  
retortam luto undique obductam complent; collocant in arenâ, igne

per

per gradus adhibito spiritus distillatur; quousque sub finem retorta candeat. Sed ne vasa disrumpantur, excipulo (vas est quod recipiendo spiritui destinatur) aqua frigida, quam præmissoriam vocant, imponitur, ut spirituum turgentium frangat impetus: tum iteratâ distillatione, quam rectificationem nominant; in balneo phlegma separatur; balneum hæc voco, cum Alembicus, seu vas distillatorium aquæ servidæ imponitur; deinde vase in cineribus collocato, spiritum acidum eliciunt; oleum in fundo remanet. Alii in vesicâ bubulâ salem exsolunt, fragmenta ignitorum laterum, vel testas ollarum, candentes injiciunt, ut salis diluto inbuantur; hæc, ut prius, igne sensim aucto per gradus distillant; ultimo tandem ignis gradu terram ex sale dulcem, & candidam sublimant, quam fixam & saccharinam dicunt. Neque aliâ ratione salis ammoniaci, tartari, & nitri spiritus eliciuntur, nisi quod hæc non duplam modò terræ, cum quâ permisceantur, (ut sal commune) sed triplam, vel quadruplam exigunt portionem, quod magis effervescent. Jam verò spiritus salis optimè rectificatus metalla, si argentum exceperis, omnia, & lapides solvit; quinetiam si Chymicis credimus, omnes scèrè morbos profigit; ventriculum liberat noxio phlegmate, comminuit calculum, hydropem sanat: sed multâ aquâ cum temperaturatum oportet, ne suâ aciditatem quid oblit. Nec nihil, nec omnia credo: quotus enim quisque Chymicus imposturæ nomine suspectus non est; quis circulatoriæ jactationis infamiâ non laborat? Ac de sale quidem hæcenus: nunc de nitro perpauca dicemus; non quod latus locus non sit, sed explicatâ salis origine, atque usu, simul ea, quæ ad nitri naturam spectant, aperuimus: vix enim nitrum à sale differt.

Qui è solidioribus lignis quercu, buxo, guajaco, sal elicitur, is *De nitro.* nitrosus est: urina & recrementa animalium, fæces vini calcinatæ, calx ipsa viva nitrum præbent; adeò ut plerique Chymici nitrum esse rerum omnium principium essentiale arbitrentur; rectè an. secus, ipsi viderint. Id porro uti & sal vel à naturâ, vel ab arte gignitur; illud vel est fossile, ac majorem præ se fert duritiem, atque ex propria venâ, uti & alia mineralia, eruitur; vel mollius est, & rarioris naturæ, atque in ipsâ terræ superficie efflorescit: hoc Halmiraga, quasi terræ florem nominant. Ex nitro fossili sit Borax, seu Chryfocolia Veneta, quâ aurifabri tanquam glutine utuntur, quo argentum cum auro compingant, vel ut citius fundant metalla. Nitrum factitium olim ex aquâ Nili in scrobibus, vel nitrariis exceptâ, non aliter atque sal ex aquâ marinâ formatum fuisse novimus: illius pars subtilior Aphronitrum dicebatur. Nitrum fossile, uti & Borax aliquantulum

pellucet; flos vel spuma nitri magis candicat, faciliè in aquâ exsolvitur, mundificat, aperit, exsiccatur. Utrouque infectores utuntur, ut laqueam imbuant coloribus: ubi nitrum deest, facces vini adhibent. Quâdam rupes halinitrum, ut apud nos veteres muri, exsulant. Jam de nitri naturâ, mirum quantum, non Philosophi modò, sed etiam Chymici digladiantur. Sunt qui illud calidum & siccum instar ignis fingant: nam & flammam concipit, incidit, abstergit, corrodit: ita quidem Alberto Magno videtur. Aliis placet nitrum esse frigidissimum, nam sali & nivi, vel glaci contritis admixtum, ac lagenæ vitreæ aquâ plenæ circumpositum, ipsam aquam vel mediâ æstate congelat. Hinc Quercetanus in Chymia, & Medicinâ nobilis nitrum ex triplici sale componit, nempe ex fixo, nitroso, & ammoniaco; hic cum sit summè volatilis, in distillatione primus avolat; sequitur nitrosus: sed sal fixus, & marino similis in fundo remanet contumacior, atque ignis vires spernit. Vulgare halinitrum, ut venale prostat, ex sale constat, alumine, & nitro. Cum igni admotum dissilit, & crepitatur, tum multo abundat sale; alumen verò faciliè discernitur; nam ignis ardore effervesceat, neque ægrè calcinatur. Nitrum autem purum citissimè inflammatur, atque in prunas coniectum non exilit. Sic ubi nitrum calci vivæ admixtum est, prunis admotum, ingratum odorem foetet; cum purum, & non adulteratum existit, nullum ferè odorem spirat. Copioso quidem turget spiritu; hinc vasa disrumpit, atque in multos halitus sese effundit. Lazarus Erkerus ignem quendam frigidum in salepetrâ, portentosa opinione agnoscit, quod spiritus nitri frigidos lingua ipsa ac dentes experiantur: solent etiam plerique æstate injecto halinitro aquâ frigus intendere. Nec tamen nitrum expers caloris credimus: nam pinguedine quâdam sulphureâ donatur, quæ flammam concipit, quæque non modò in pulvere pyrio, sed etiam in salis prunellæ confectioe manifestè se exerit.

*Cryalli  
mineralis  
prepara-  
to.*

Nitrum quippe purissimum, atque ab omni sale liberatum imponunt vasi fictili, ut ignis calore liquecat; tum flores sulfuris paulatim immittunt, & prunâ, vel ferro candente sulfur incenditur, quod unâ secum nitri pinguedinem rapit, ac multum fumi non sine strepitu exhalat; singulis porro uncis nitri, singulæ sulfuris drachmæ apponuntur. Cum nitrum perspicuitatem debitam obtinet, tum ab igne removet; refrigeratum in marmore contundunt in pulverem: aquâ simplici, vel quod longè erit optimum, aquâ rosacâ hunc diluunt, pulverem; trajiciunt per manicam lanceam Hippocratis; dimidia ferè aqua evaporatur, vel si sit rosacea, distillanda est, ne pereat; reliqua in cellâ, vel cavâ frigori exponitur, donec cryalli, quas minerales

vocant, aquæ innatent. Hac quidem arte omne salium genus aquâ dilutorum crystallis præbet: nec tamen tota aqua statim in crystallos abit; unde rursus excoquenda erit usque ad dimidiâ partis consumptionem, vel quouque appareat cuticula; frigori iterum exposita crystallos exhibebit, quæ ablutæ in sicciore loco conseruentur. Nitrum sic præparatum, saleem prunellæ vocitant, quod linguæ atro colore infestæ, & instar prunarum accensæ, scabritiem abstergat, sitim immodicam in febribus restinguat; permagni quoque usus est ad anginam, & dysurias. Sed cautio est, ne summo frigore nativum opprimat calorem, ventriculo, & hepati noceat; neve humor tanto frigore impulsus obstructions gignat, atque in colicam, vel hydropem præcipitet. Cum bilis abundat, nescio an crystallo minerali uti oporteat: nam vi acerrimâ & mordaci instar salis donatur: quæ autem sunt ejusmodi cum bile malè conveniunt: siquidem acria simul permixta intemperantius effervescent.

Jam nihil necesse est dicere quâ industriâ nitrum parari solet: *Nitri præparatio.* id enim ab Agricola, Erkerio, atque aliis tractatum est uberrimè: atque ex ipsis officinis peti potest. Neminem fugit salempetræ ex terris nitrosæ, sive columbino, ex veterum murorum ruderibus, cellarum, & stabulorum pavimentis, nullo stratis lapide confici. Terræ porro nitrosæ plerumque sunt argillosæ: sic lutum, ex quo veteres muri compinguntur, dummodò nimio imbre non diluantur; terræ animalium lotio identidem persusæ, vel in quas insectores tincturarum reliquias conjiciunt; cumuli cinerum quos saponarii, fullones, atque alii ejusdem generis artifices sepelire, nitrum suggerunt; terra ipsa, vel alia materia nitro exhausta, quinto quoque anno novum salempetræ proventum suppeditat. Taceo de calce vivâ, quercus, vel fagi cineribus; de situ parietum, quisquiliis suburbanis, terrâ, in quam distillatores aquarum fortium facies, vel aurifabri aquas mortificatas projiciunt. Nitrosam verò materiam multâ aquâ solent diluere, coquere, percolare: ubi nec dum aqua satis halinitro imprægnata fuerit, illam novæ materiæ cupis, vel dolis conclusæ infundunt, vel in vas mundum per lacinias trajiciunt, seu filtrant; aquam denique nitro divitem ad justam consistentiam, vel crassitiem, indefinenter despumantes, excoquunt; tum exponunt cellæ frigori, quousque præbeat crystallos, quibus extractis, reliquum aquæ iterum igni admoveat, donec gustu acrior percipiatur; frigori itidem exponitur, & novæ subinde expectantur crystalli. Omnes demum crystalli aquâ dulci rursus diluuntur, & simili prorsus modo puriores procreantur: sal verò in fundo subsidit. Cum nitrum sine strepitu in igne funditur, &



& candela: calori admotum non exsilit, sed primò liquefcit, deinde flammam concipit, tum purum cœfcetur. Verùm hæc Alehimiflis rolinquamus. Nolim ego Philofophum his minutis illigari.

*Simp.* Quafi verò id Philofophi majestate indignum fit rerum, quæ ob oculos pofitæ funt, quæque vitæ humanæ commodis infervunt, principia, & caufas contemplari. Qui rectam philofophandi viam, & rationem infidit, non nudâ speculatione contentus eft; nec etiam totus in diſtillationem incumbit: ut plerique Chymici, quos Artiftas vocant, qui formulas ab aliis præſcriptas tanquam juſſi fequuntur, atque omne vitæ ſpatium fornacibus adornandis, vel tractandis carbonibus miſerè conſumunt. Hi ſatis ſe inſtructos putant, ſi quem ex iis, qui circumferuntur artis ſpagyricæ libellum edidiſcerint, & velut decretis Technicorum ſe tutos credunt: nec ultra intendunt Animum, ut rerum differentias, conſenſus, caufas, effectus denique ſpeculentur. Fateor equidem Philoſophiam in cognitione, & æſtimatione rerum maximè eſſe poſitam: neque tamen ab actu, & opera omninò recedit. Quòd ſi Aſtronomia, quæ prorsus *dioptra* videtur, quæque in rerum cœleſtium inſpectione verſatur, ipſo tamen actu, & obſervatione perfectionem conſequitur ſuam: nam fiderum intervalia, & menſuras terræ, ac Solis colligit; eclipſes prædicit; tempora definit, atque alia id genus præſtat innumera, quæ ſine obſervationibus fieri non poſſunt. Quantò magis hæc ſcientiæ naturalis pars melior, quæ circa foſſilia occupatur, quæque ut ex omnibus ſcientiis eſt noviffimè inventa, ita eſt longè utiliſſima; multo labore, aſſiduo ſtudio, pluribus conſtat experimentis. Quapropter ut Philoſophiæ ſtudioſo auctor non fuerim, ut ſtatim furnulos erigat, & in laboratorio (quæ vox licet dura videatur, tamen ſola eſt) conſeſcat: ſic illi ut Chymicos, Docimaſtas, Aurifices, & Gemmarios adeat ſuadere non dubitabo. Mihi enim videtur hæc ſcientia ex omnibus ſerè artibus multum ſuſumere. Quòd ſi id curæ foret Philoſophis, circa otioſas, & inutiles quæſtiones non hærerent, & rebus obſcuris majorem fortaiſſe lucem inferrent. Sed neſcio, quo pacto plerique cum veteribus errare malint, & eam ſententiam, quam ſemel adamaverunt, pugnaciſſimè defendere, quàm ſine pertinaciâ quid conſtantiſſimè dicatur, quid ſenſui & experientiæ conveniat, exquirere. Quod certè in hac ipſâ, de quâ nunc diſputamus, materiâ uſu venit. Multa enim à nobis te coram, mi Theophile, olim quæſita, & diſputata ſunt de ſalis naturâ, & origine: an inter elementa numeratum illud oporteret; an actu, vel poteſtate in mixtis corporibus deſiſceret; an denique ex terrâ combuſtâ prodiret? ac tota ſerè quæſtio tractata videbatur. Non po-  
tuiſſi

tuisi tamen sententiâ desistere; & in veteri tuâ persuasione manere, *De salis*  
 salem nihil esse quàm terram adustam, tenui humore perfusam. *Post-naturâ &*  
 testne quisquam dicere integros salis montes ex incendiis prodiiisse? *origins.*  
 Neminem latet è cineribus, per aquæ calidæ affusionem salem extra- *Refellitur*  
 hi: sed eam simus columbinus, atque alia animantium excrementa *apino Po-*  
 solius aquæ affusione nitrosum suum salem exhibeant; cum terra, quæ *ripateo-*  
 sale exuta est, quantumvis ignis calore fatigetur, in salem non abe- *rum,*  
 at, nec vicissim sal in terram convertatur; cum quedam herbe suum  
 salem ipso sapore prodant, ut præter cæteras herba Kali (sic enim  
 eam vocant Arabes) ex quâ Alkali, vel Sodam conficiunt: quis salem  
 in mixtis adu contineri non ultrò fateatur? Insaniunt scilicet Alchî-  
 mistæ, qui salem inter elementa numeratum volunt, quique ex illo  
 plerosque sapores ducunt. Non ignoro quosdam esse Chymicos timi-  
 diores paulò contra vestra convitia, qui salem in aliquibus mixtis adu  
 contineri; in aliis potentiâ duntaxat, ut loquuntur, proximâ & ex-  
 peditâ inesse putant: Verùm isti nullâ satis idoneâ ratione ducuntur.  
 Quid enim in rerum naturâ sale desituitur? neque extrahi potest,  
 quod antè non fuit; neque ignis unquam salem generabit; sed illum  
 aliis elementis occultatum, & quasi oppressum liberabit. Quis nescit  
 ex terrâ pingui, & argillosâ; ex muris veteribus cellarum, citrà ul-  
 lam combustionem nitrum elici? unde urinarum, & sudorum falsedo,  
 nisi ex sale, qui cibus inerat, quique blando animalis calore, non  
 ignis violentiâ resolvitur? illa quidem minime ferenda est opinio Pa-  
 racelsistarum, quâ sapores omnes ex sale proficisci statuunt: cum ex  
 eodem principio tanta prodire non possit saporum varietas. Certè  
 igitur cum illis, qui à te totî diversi sunt, noli mecum, qui sapo-  
 res omnes nego ex uno sale, sed ex variâ principiorum, atque ele-  
 mentorum mixtione arbitror dimanare. Quamquam ipsi Paracel-  
 sistæ facillè sese, ut mihi videtur, expédiant: magnam enim sali-  
 um diversitatem agnoscunt: aliud quippe est fixum, aliud volatile, &  
 fugax; est quoddam acidum, est nitrosum, & sulfureum: hoc facillè  
 sublimatur, & magnum in Medicinâ usum obtinet; quedam herba a-  
 crimoniam suam penetrantem & mordacem ex eo mutantur: sic  
 persicaria, allium, suapl, isto sale abundant, quod cum ammoniaco  
 nonnullam habet cognationem. Sal acidum tartaro vini non dissimi-  
 le ex visis ipsis, pomis sylvestribus, cerasis, atque omnibus plantis  
 acerosis copiosum elicitur. Hinc vina immatura, & austera multum  
 tartari, & phlegmatis, perparum spiritus ardentis distillata exhibent.  
 Contrâ, calidiora quæ sunt, ut Hispanicum, & Græcum spiritus ar-  
 dentis magnam copiam profundunt, & parum præbent tartari. Qua-  
 propter



propter non absurdè quidam existimant acetum nihil esse præter aquam, vel phlegma vini, cui multum salis acidī, aut tartari admisce-  
tur. Digna adeo res est, quam acriori studio expendamus.

Mustum ex uvis expressum plurimo quidem abundat sale, quod tamen ante fermentationem, vel ebullitionem noodum manifestè se exerit: quæ sit illius ebullitionis causa, suo loco dicendum. Fermentatione peractâ vinum partem salis tenuiorem exsolvit, quæ gratum ipsi acorem conciliat: pars crassior salis, partim lateribus dolii adhærescit, & tartarum vulgò appellatur, partim unâ cum facibus ad imum descendit, Sal quippe in humore calido non ægrè dissolvitur; sed ubi humor detepescit, saltem ipsum quasi manumittit, qui vel vasè lateris incrustat, vel instar crystallorum enatat, vel denique ubi crassior existit, ad fundum deprimitur. Quocirca in vino, ut in aliis liquoribus, duplex salis genus licet animadvertere: unum subtilius, quod per vini substantiam diffunditur; alterum crassius, quod in facibus fixum remanet. Quemadmodum spiritus oleosus, vel ardens, in duplici quoque invenitur differentiâ: alter quippe est fugax & maximè volatilis, qui ex vino distillato, statim profilit, huic phlegma succedit sale dilutum, quod acetū donatur nomine; alter spiritus magis est oleosus, & pinguis, atque ex vini facibus multâ aquâ persussa, vesicâ æneâ bene-  
ficiolo, suo alchemico instructæ solet elici. Fæces verò tanquam inutilis projiciunt, quibus porci saginantur: ex illâ magnam tartari copiam extrahi posse clarus in arte Chymicâ docet Glauberus.

*Quæ arte multum tartari aceti, & aquæ ardentis ex vini facibus proleciatur.* Fæces faccis concludit, ex quibus vinum prælo exprimit, quod in acetum vulgari methodo facili convergitur. Reliquum multâ aquâ perfundit, & spiritum ardentem per vesicam notâ arte exstillat: quæ in vesicâ residua est aqua, per oblongum tubum in saccum prælo subiectum deducit: aquam prælo urget, quæ vasè idoneis excepta, tartarum sponte sua dimittit: idque vel in fundo vasè subsidit, vel lateribus adhærescit, Fæces in saccos superfluentes exsiccat, & combussæ præbent cineres chvellatos, quibus insectores inuntur. Aqua quidem vasè contenta non omne deposuit tartarum, sed plurimum adhuc continet, quod aciditate sua se prodit. Hinc aliis vini facibus diluendis, ut spiritus ardens & vesicâ distilletur, optima futura esset. Aliis quoque usibus inservit: non cuprum dissolvit: ac viliores cupri Marcassitæ, vel inutilis scorpiæ in illâ aquâ excoctæ, per ferriamenta instar luti præcipitantur: quod quidem lutum aquâ quælibet abluatur, funditur, & in cuprum non contemnendum facessit. Tartarum porro contritum aquæ incocquitur, & incocquendum despumatur: aqua in vas mundum traiecitur: ubi refrigerat, crystallos tartari ad-  
vasis

vasis latera deponit. Libra tartari cum 10. vel 12. aquæ libris permiscetur, quod si nimium aquæ apposueris, tardissime effingentur crystalli: si parcius, tartari pars non exsoluta perit. Crystalli iterum solvantur, ut puriores fiant. Quod si cremorem tartari quæras, priusquam aqua refrigescat, eam baculo agita, tum enim ad fundum cremor tartari descendet. Ex his profecto liquet aciditatem vini à sale tartareo proficisci. Multi, qui aceto conficiendo navant operam, in loco calidiore aliquot erigunt dolla, quorum singula mediis fundis, tanquam septis foraminibus perviis in duas partes determinant: superiorem partem vinaceis implent, quibus jam incallescantibus, vinum affundunt; dola quam possunt accuratè tegunt, vinum in partem inferiorem delapsum extrahunt; cumque vinacea aliis dollis conclusa jam incaluerit, eductum prius vinum ipsis infundunt; quâ operatione identidem repetitâ, vinum in acetum convertitur: nam vinacea calore fermentata suum salem tartareum vino facillè impertiuntur. Non igitur vinum, cerevisia, pomacium, atque alii ejusdem generis liquores in acetum per solam corruptionem facessunt: sed istam aciditatem ex sale, fermentatione, atque ipsius aeris calore depromunt. Libram sacchari, vel mellis decem aquæ libris dilue, calido aëri per aliquot hebdomadas expone: tota aqua brevi in optimum acetum convertetur: vel quod calor aeris particulas salis, qui in melle, & saccharo inest, cum aqua permisceat; vel quod mihi magis probatur, aër ipse abundet spiritu acido, & nitroso, qui rerum ortus promovet. Est quippe in nitro spiritus universi, præcipuum naturæ instrumentum, cuncta fecundans, & vitâ implens.

Non mihi excidit, spiritum acidum à nitroso distinxisse: neque hæc, quam nunc tueor, sententia priori diversa est. Sal quippe acidum in nitrosum facillè commutatur. Nitrum enim dubium, & quasi amphibium sortitum est naturam; ignem & aquam; sulfuream, & mercurialem, sive acidam substantiam complectitur: hinc aqua ignea, & ignis aqueus merito vocatur. Intus calidum, foris existit frigidum: aciditate suâ cuncta permeat; pinguedine, ac sulfureâ visciditate rebus omnibus confert fecunditatem; ex fixo demum, & acido, seu volatili sale coalescit. Jam quid, & quale sit nitrum, non tam definitivè, & argumentis intelligi potest, quam usu, & experientia. Quantum ego quidem conjecturâ assequi possum, seminarie rationes in spiritu universi, hic verò in nitro, tanquam in propria sede residet. Nitrum quippe è rebus detrahe, vim ipsam prolificam, generationem, & vitam simul auferas necesse est. Quare mihi est miraculo, quod veteres Philosophi rem tam latè fufam, vel silentio præterierint,

vel tam breviter perstrinxerint: hinc enim pendet totius ferè naturæ contemplatio. Unde terræ & mari tanta fecunditas, nisi ex nitroso sale? Hinc solum mari finitimum uberius esse solet: nec tantam Ægypto Nilus exundans feracitatem largiretur, nisi nitro abundaret. In iis quoque regionibus pestis grassantis contagium Nilo exfluante sistitur, quod nitri corpuscula ob omni putredine corpora vindicent. Arenosum solum omnino inutile foret, nisi aliquantulum salis petra contineret, quod instar glutinis aquam cum terra consociat. Jam alio loco ostendimus terram ex cineribus palcarum, & fructicum reddi uberiores. Quis ignorat ossa vel cornua abrafa, aut coriorumamenta, in quibus halinitrum copiosum est, terras in multos annos pingues & feraces reddere. Verum hæc mitto: nam memini, me alias hoc argumentum vobis coram pertraxisse, & vereor, ne ista vobis, ut frigidi, & repositi cibi fastidium moveant. Nunc quæ sit nitri natura, quæ origo, qui effectus, paucis exequar.

*Quæ plan-  
ta nitro-  
sum salem  
habeant.*

Quod antea jeci, non muto, halinitrum, ex duplici sale pingui, & acido coaluisse: ex sulfure enim, & mercurio componitur, hinc illi amarus sapor: atque, ut supra monuimus, acidum saltem ex acetosis herbis elici; sic nitrum ex amaris, ut ex Absynthio, & Fumariâ copiosum educitur. Quod si enim ex iis succum expresseris; & ex eo purgato phlegma sustuleris; quod reliquum est liquoris in frigido loco constitutum, nitrum purum, & inflammabile præbebit. Eâdem ratione sal, quod ex urinis, & excrementis animalium educitur, facili in nitrum abit, eo quidem citius, quo magis urinosum, sulfureum & fugax existit. Imò quidquid salis inest in animantibus, id totum ferè est nitrosum: adeo ut non ossa modo, pili, vel cornua; sed etiam caro ipsa, & sanguis salepetra abundant. Nam ut generatiois, sic nutritionis est principium. Ac ne vobis videar verba tantum fundere, unum item & alterum exemplum, ex eo, quem supra laudavi, Auctore subijciam. Vas aliquod sanguine bubulo impletum calidiori loco, quousque putrescat, & quasi in terram lutosam degeneret, colloca: aqua fervente hanc terram persunde, lixivium extrahe, coque, donec cuticula appareat; frigido demum in loco reponere; crystallæ nitrosas dabit: adeo ut ex centum libris sanguinis, sex salispetrae libras non ægrè obtineas. Sic quodcumque animal calido loco ut putrescat expositum vermes procreat; quos si vitro oblongioris colli, & angusti, (quod postea chartâ ocludatur) imposueris, & in tepidiori loco constitueris, in aquam abibunt: hæc vasi cupreo, stanno quidem obducto, affusa, ovorum albumine, more aliorum succorum, ut loquuntur, clarificata, & usque ad cuticulam, ut prius, excocta, frigidiori denique loco

loco reposita lapillos nitrosos exhibet. Omitto terram nitrosam, quæ ex antiquis cœmeteriis eruitur, magnum salispetræ proventum præbere. Quamobrem qui citra magnos sumptus ingentem salispetræ copiam parare volet, nihil necesse est, ut proximo incommodet, ac cellarum muris, vel pavimenti abrādendis operam impendat: sed profundiores foveas, quæ Solem, & ærem admittant, pluvias arceant, compleat materiâ nitrosâ: quo loco cœferi possunt plantæ acriteres, & amaræ, quas bruta respuunt; arborum folia, animalium cornua, avium plumæ, fuligo caminorum, cineres, & terra ipsa è cineribus post lixivium tanquam inutilis abjecta. Hæc atque alia id genus aquâ communi, vel potius urinâ, mariâ, boum, vel ovium sanguine per biennium identidem irrigentur, quousque putrescant: ex illâ enim materiâ exsiccata, salispetræ per lixivium eruitur, unde spes lucri non contemnendi meretur.

Halinitrum ex sulfureo, & acido sale exurgere jam ostendimus: fertilitas, quam rebus propè omnibus conferi, pinguem illius naturam demonstrat; subtilitas vero, quâ metalla dissolvit, sapor ipse pungens, ac penetrans summam illius aciditatem, prodit: nam acetum in nitrum faciliè concrefeit, & vicissim nitrum, in spiritum acidissimum distillatur. Vulgarem tu quidem & usitatum distillandi modum nobis exposuisti, optime Theophile: sed longè compendiosior mihi videtur via, quam Glauberus ingreditur: non enim artificem per ambages fatigat, nec vasa discrimini fractionis obijcit. Unicum duntaxat vas requiritur, quod fornaci communi sic aptatur, & ut loqui soleant, incameratur, ut tubus è vase, dodrante pedis, vel novem digitis extra furnum promineat. Hoc instrumēto non nitri solunt, sed etiam aliorum mineralium spiritus, atque olea distillantur: ac duo saltem ejusmodi vasa parari debent, unum ferreum; terream alterum: nam quedam mineralia ferrum aggrediuntur, & corrodunt, quæ terrâ faciliè coërescent. Tubus, qui extra furnum eminet, & ex lato sensim fit angustior, cum magno excipulo committitur, ne spiritus fugaces per rimulas diffunderent. Cum igitur salispetræ spiritus acidus elicendus erit: partem unam nitri cum duobus aluminis, vel pulveris regularum commiscebis, ne luso nitri quid obstat: vasi jam candenti missuram ferreo cochleari impones: tum statim operculo vas claudetur. Interim è nitro accenso spiritus volatilis ruber, instat nebula erumpet, quæ quidem nebula ubi evanuerit, tantundem nitri imminet: sic paulatim totum halinitrum in spiritum acidissimum faciescit. Nec necesse est, ut moneam vasis operculum sua anfulâ instructum esse oportere, ut forcipe, commodè auferri possit: atque ut quàm accuratissi-

De spir-  
itu nitri  
distillatio-  
ne.

i velle  
-i p  
-i v  
-i v  
-i v  
-i v  
-i v  
-i v

mè vas occludat, cavendam est. Quo id modo fieri possit, norunt artifices. Vasis orificium in orbem excavant, sic ut hanc fossulam, vel cavitatem operculum parte sui prominula exactissime impleat. Vasi recipienti tantum aquæ præmittitur, quantum nitri est distillandum, ut spiritus facilius concresecant. Tum leni calore balnei spiritus rectificatur, seu iteratâ distillatione phlegma à spiritu secernitur: nam cucurbitam cum suo alembico in aquâ fervente, vel cineribus collocant; tumque spiritus volatilis rubeus primum egreditur; phlegma succedit, quod sublato recipiente exhalatur; tum iterum aptator receptaculum, quo spiritus nitri acidus, & corrosivus excipitur. Hæc quidem arte salis communis, vitrioli, & aluminis spiritus eliciuntur. Spiritum nitri volatilem ad gangrenam commendant: spiritus acidus magnum in re metallica momentum obtinet: nam metalla dissolvit, & aquæ fortis vices obit. Solet quippe aqua fortis ex vitriolo, & nitro per retortam luto obductam, seu armatam distillari: sed vitriolum eâ tantum ratione appositum plerique putant, ut nitri fusionem inhibeat: vix enim spiritus vitrioli una cum spiritu nitri, moderato calore sursum potest efferri. Huc accedit quod vitrioli spiritus aurum ipsum invadat: quod si enim cum nitri spiritu eum conjunxeris, aurum ab argento neutiquam secernes, quod tamen aqua fortis præstare debet. Hoc enim discrimine aqua fortis à regali discernitur, quod illa argentum, non item aurum: hæc contra aurum, argento illud dissolvat. Ex nitri spiritu acido regalem aquam conficies, si in illo saltem communem calcinatum exsolveris, & per retortam igne violento distillaveris: tum enim aquam regalem consequeris solvendo auro idoneam. Hæc diutius forent dicenda, si veluti nova præceptum: sed omnes ferè Chymici de nitri naturâ & usu copiose pertrahant, ac præter ceteros Glauberus plures de nitro conscripsit libros, quos nihil necesse est nunc contexere. Illud tanquam mundi miraculum, Philosophorum mercurium, & menstruum universale prædicat. Aliquando illud in fixum & igneum convertit liquorem, quo sulfurea quæque solvuntur: interim distillat in spiritum acidum, qui cum ea mineralia, quæ mercurio abundant, penetrat: utroque res venenatas sic expurgat, ut in optima medicamenta convertantur. Quod liquor sulfureus, & fixus exsolvit, illud spiritus acidus præcipitat, & vicissim: nitrum enim ex rebus contrariis, (quod sæpius dicendum est) nempe ex sulfureo, & acido sale, qui se mutuo retundunt, constituitur: salis quippe acidi vim corrosivam, & volatilem sal sulfureum elidit, sulfurei lentam, & fixam naturam acidum sal exacuit, & quod magis mirere, ubi liquor fixus cum acido conjungitur, uterque

velut

De aqua  
frygia.

Duplex è  
nitro li-  
quor fixus  
& volati-  
lis: utrius-  
que præpa-  
ratio.



velut inito fœdere in nitrum vulgare, tanquam in commune principium revertitur, & nitri vulgaris naturam induit. Hæc video, dum breviter volui dicere, dicta esse à me paulò obscurius: sed experiar, & dicam, si potero, planius. Maximam nitri vim esse in dissolvendis corporibus fugit neminem: quinetiam eluit, & abstergit; crudum quidem nitrum cuncta expurgat mineralia. Sic antimonium una cum sa-  
 lepetra calcinatum noxios exhalat spiritus: nam sibi sulfur combu-  
 stibile per salepetræ incensum diffatur. Eodem prorsus modo arse-  
 nicum, & auripigmentum, atque alia ejus generis toxica nitri bene-  
 ficio deponunt spiritus venenatos. Quanquam nemini nisi in hac  
 arte peritissimo suaserim, ut ista tractet deleteria. Alios nitri in me-  
 tallis fundendis, & separandis usus non illicenter prætereo, atque in  
 alium locum deferro: neq; enim omnia simul tradi possunt. Plantæ verò  
 & animantes crudo & simplici nitro expurgari, & parari nequeunt: il-  
 lud quippe accensum eas penitus consumit, & trahit in cineres: nec  
 vis purgatrix herbarum, vel animalium in cineribus, aut fixo sale;  
 sed magis in sale, vel spiritu volatili consistit. Hinc Chymici non im-  
 merito vulgares coctiones irident, quod tenuissimæ partes, quæq; vim  
 totius herbæ continent, ignis calore pereant, solo phlegmate super-  
 sit. Quod si enim stibicum adhibeas, spiritus volatilis primus e-  
 gredietur, cui cruda & insipida aqua succedet. Quare si mihi viden-  
 tur melius procedere, qui spiritus volatiles leni distillatione prolici-  
 unt, quos recenti herbæ affundunt, ut vires efficaciores obtineant,  
 sed redeo ad nitri spiritum, quo res vegetabiles, vel ipsa animalia  
 digeruntur, purgantur, atque in tota convertuntur medicamina. Ple-  
 raque enim medicamenta venenis sunt insimilis, ea maxime, quæ vi-  
 res suas fortius exerunt: quare nisi optime corrigantur, non sine ali-  
 quo vitæ discrimine abhiberi solent. Quod ut brevissimo pateat exem-  
 plo, quanta est in opio vis narcotica, vel somnifera? nam spiritus vi-  
 ratis ligat: nec raro nativum extinguit calorem, atque in summum  
 vitæ adducit periculum. Quæ igitur arte medicamentum utile dolo-  
 ribus leniendis, somno conciliando, viribus denique restaurandis e-  
 videt? Spiritu nitri digerendum est: hæcque vasculum vitreum an-  
 gustioris orificii fere complebitur, cui papavera concisum sensim ap-  
 ponet, quousque dissolvatur: deinde per tenue linteum percolabis:  
 facies, quæ solvi non potuerunt, abiescent. Jam illud caput artis est,  
 herbam exsolutam in stat pulvis præcipitare: id munus præstabit  
 liquor huius sulfureus: nam quæ spiritus acidus, & volatilis solvit, ea  
 huius liquor præcipitat, & vicissim. Quamvis enim ambo isti liquo-  
 res sibi insensu videantur, cum tamen ex una radice, & veluti ex eo-  
 dem

dem prodierint fonte, originis suæ non inmemores, ultrò consociantur. Itaque spiritus acidus exsolutum opium dimittit, ac præcipitat, ut is cum fixo nitri humore conjungatur. Effusis humoribus colligitur pulvis papaveris, qui multâ ablutus aquâ, ut omnes salispetræ reliquæ abstergantur, chartâ bibulâ aliquoties complicatâ percolatur, exsiccatum pulverem in tutum atque opimum medicamentum commicare affirmant. Illud mirari subit, quod ex utriusque liquoris acidî, & fixi conjugio nitrum iterum renascatur alijs usibus profuturum. Non deerant plura, quæ dicerem, nisi hæc à Glaubero jam tradita, verbosius fortasse, quam necesse erat, exposuissim. Illud tamen non possum omittere, quâ industriâ liquor nitri fixus, vel sulfureus præparetur. Res est minimè ardua, atque inter maxima Alchimie arcana merito recensetur. Nitrum purissimum, hæc est, ab omni sale communi expurgatum, fortî, & aperto cubiculo, medios inter carbonem imponitur: cum totum fuit, tum pulvis carbonum sensim in castillum conjicitur; hic pulvis flammam statim concipit; idque toties iteratur, donec injecti carbonem inflammari amplius non possint, ac nitrum viridi vel cæruleo colore tinctum appareat: illud extrahitur; mortario jam cadenti infunditur: nam si vasi frigidiusculo committeres, id in faciem involaret: contusum frigido colloçatur in loco, ut in liquorem igneum, fixum, & sulfureum abeat: quod quidem & sulfur commune, & mineralia, quæ sulfure combustibili abundant, exsolvet. Sic antimonium, auripigmentum, arsenicum rubrum, cuprum, ferrum, & stannum dissolvit, non item argentum, in quo mercurius est copiosior; nedum aurum solvet, cui nullum inest sulfur combustibile. Argentum verò spiritus nitri acidus, qui per distillationem elicitur, exsolvit idem spiritus, ne auro quidem parcat, si sale ammoniaco, vel sale communi imprægnetur. Quod si cum spiritu nitri acido lapis calaminaris contusus permisceatur, hic quidem lapis spiritum acidissimum secum retinet, dum phlegma, seu aqua insipida ignis calore exhalatur: adeo ut spiritus nitri tantam aciditatem lapidis calaminaris, vel alterius cujusdam mineralis, quod Zinchum vocant, acquirat, ut aurum ipsum facile dissolvat. Quamobrem licet irrideat, si quis velit, mihi persuasum est, nitrum esse quasi naturæ clavem, quæ corporum omnium penetralia nobis referat. An difficile eris fossilium vitæ & naturæ agnoscere, quæque mercurio abundant, vel sulfure discernere? cum liquor nitri fixus oleosa quæque, ut plantarum semina, pretiosos, & vulgares lapides, atque omnia bituminosa resolvat, quæ certè spiritus acidus non aggreditur. Contra spiritus nitri aurum, argentum, & hydragryum, herbas acidiores corrodit; quæ liquor sulfureus relinquit

illata.



illæsa. Stirpes igitur omnes oleosæ semina ferè omnia, vel animalia venenata, quæque pinguem, & resina similem naturam sortita sunt, liquore nitri sulfureo dissolvuntur: sive in pulverem comminuuntur, si sint aridiora; sive in frustula concidantur, si recentiora, atque humidiora fuerint; in illo liquore macerata, vel potiùs in balneo per 24. horas digesta, omne virus, atque inimicas exuunt qualitates. Quòd si spiritus vini ab omni phlegmate liberatus affundatur, hic nitri liquori innatans essentiam stirpis, vel animantis extrahet. Effuso igitur vini spiritu, novum affunde, idque sapiùs repete, donec omnem tincturam, vel essentiam eduxeris: tum leni balnei calore spiritum vini ardentem elice, oleosus remanebit liquor, quem herbæ, seminis, vel animalis extractum vocant: neque is humor nitrosus peribit: nam vitreato tigillo impositus, ad siccitatem usque decoctus, & calcinatus, frigido demum loco constitutus liquefcet, pristinae naturæ restituetur, atque aliis itidem operationibus inserviet. Mixta corpora, quæ nec mercurio, nec sulfure adeò excellent, utroque nitri humore, tum sulfureo, tum acido æquè dissolvuntur. De his in univæsum dixisse sufficiat; neque enim opus est ad minutas rerum particulas descendere: ac verecundius de his jamdudum loquor, quæ ad Medicæ, vel Chymicæ artis Professores videntur pertinere: quòd si ipsi adessent, mecum fortasse ex lege agerent, vel interdicto contenderent. Quare moderabor ipse me, ac rerum fossilium principia duntaxat, & naturas inquiram.

De nitro ambigunt, calidum sit, an frigidum; ego aquam esse. *Nitrum igneam meritò contenderim.* Nec desunt argumenta, quibus calor *esse igneum.* igneus nitri asseratur: nam metalla penetrat, & fundit: spiritus quoque vini quæ forti, vel nitri spiritui affusus flammam concipit: sic ferri, vel lapidis calaminaris frustulum eidem spiritui acido impositum, tantum procreat calorem, ut vas ipsum manibus vix contrahi queat. Quòd si ferrum, vel lapidem calaminarem in eodem spiritu dissolveris, ac phlegma frigidum ignis calore sensim exhalaveris, restabit spiritus planè igneus, cui si aliquot aquæ frigida guttulas instilles, igneum suum calorem quasi laceffitus prodet: istà quidem arte calor in vase citra ullum ignem diutius conservari poterit, dum novæ aquæ guttulæ identidem vasi affundantur. Idem planè efficiet liquor nitri per antimonium, eò quo sortè aliàs dicturi sumus modo, fixati. Nescio an thermarum ebullientium fervor oriri possit ex spiritu nitri acido, qui ferri, vel calaminaris lapidis mineras præterfluit, easque arrodit; atque ubi cum aqua dulci permiscetur, cum calorem procreat, quem in calce vivæ aquæ affusione cernimus. Mecum facit ipsa

Ddd

expe-

dem prodierint fonte, originis suæ non immemores, ultrò conlociantur. Itaque spiritus acidus exsolutum opium dimittit, ac præcipitat; ut is cum fixo nitri humore jungatur. Effusis humoribus colligitur pulvis papaveris, qui multâ ablutus aquâ, ut omnes salispetræ reliquæ abstergantur, chartâ bibulâ aliquoties complicatâ percolatur; exsiccatum pulverem in tutum atque optimum medicamentum commere affirmant. Illud mirari subit, quod ex utriusque liquoris acidij, & fixi conjugio nitrum iterum renascatur alijs usibus profuturum. Non deerant plura, quæ dicerem, nisi hæc à Glaubero jam tradita; verbosius fortasse, quam necesse erat, exposuissem. Illud tamen non possum omittere, quâ industria liquor nitri fixus, vel sulfureus præparetur. Res est minimè ardua, atque inter maxima Alchimia arcana meritò recensetur. Nitrum purissimum, hoc est, ab omni sale communi expurgatum, forti, & operto cubiculo, medios inter carbonæ imponitur: cum totum fluit, tum pulvis carbonum sensim in catillum conjicitur; hic pulvis flammam statim concipit; idque toties iteratur, donec injecti carbonæ inflammari amplius non possint, ac nitrum viridi vel cæruleo colore tinctum appareat: illud extrahitur; mortario jam candenti infunditur: nam si vasi frigidiusculo committeres, id in faciem involaret: contusum frigido collocatur in loco, ut in liquorem igneum, fixum, & sulfureum abeat: quod quidem & sulfur commune, & mineralia, quæ sulfure combustibili abundant, exsolvet. Sic antimonium, auripigmentum, arsenicum rubrum, cuprum, ferrum, & stannum dissolvit, non item argentum, in quo mercurius est copiosior; necdum aurum solvet, cui nullum inest sulfur combustibile. Argentum verò spiritus nitri acidus, qui per distillationem elicitur, exsolvit: idem spiritus, ne auro quidem parcat, si sale ammoniaco, vel sale communis imprægnetur. Quod si cum spiritu nitri acido lapis calaminaris contusus permisceatur, hic quidem lapis spiritum acidissimum secum retinet, dum phlegma, seu aqua insipida ignis calore exhalat: adeo ut spiritus nitri tantam aciditatem lapidis calaminaris, vel alterius cujusdam mineralis, quod Zinchem vocant, acquirat, ut aurum ipsum facile dissolvat. Quamobrem licet irrideat, si quis velit, mihi persuasum est, nitrum esse quasi naturæ clavem, quæ corporum omnium penetralia nobis reseat. An difficile erit fossilium vires & naturas agnoscere, quæque mercurio abundant, vel sulfure discernere? cum liquor nitri fixus oleosa quæque, ut plantarum semina, pretiosos, & vulgares lapides, atque omnia bituminosa resolvat, quæ certè spiritus acidus non aggreditur. Contra spiritus nitri aurum, argentum, & hydragryrum, herbas acidiores corrodit; quæ liquor sulfureus relinquit illæsa.

illata. Stirpes igitur omnes oleosæ semina ferè omnia, vel animalia venenata, quæque pinguem, & resina similem naturam sortita sunt, liquore nitri sulfureo dissolvuntur: sive in pulverem comminuuntur, si sint aridiora; sive in frustula conciduntur, si recentiora, atque humidiora fuerint; in illo liquore macerata, vel potius in balneo per 24. horas digesta, omne virus, atque inimicas exuunt qualitates. Quod si spiritus vini ab omni phlegmate liberatus affundatur, hic nitri liquori innatas essentiam stirpis, vel animantis extrahet. Effuso igitur vini spiritu, novum affunde, idque sæpius repete, donec omnem tincturam, vel essentiam eduixeris: tum leni balnei calore spiritum vini ardentem elice, oleosus remanebit liquor, quem herbar, seminis, vel animalis extractum vocant: neque is humor nitrosus peribit; nam vitreato tigillo impositus, ad siccitatem usque decoctus, & calcinatus, frigido demum loco constitutus liquecet, pristinae naturæ restituetur, atque aliis itidem operationibus inserviet. Mixta corpora, quæ nec mercurio, nec sulfure adeò excellunt, utroque nitri humore, tum sulfureo, tum acido æquè dissolvuntur. De his in universum dixisse sufficiat; neque enim opus est ad minutas rerum particulas descendere: ac verècundiùs de his jamdudum loquor, quæ ad Medicæ, vel Chymicæ artis Professores videntur pertinere: quod si ipsi adessent, mecum fortasse ex lege agerent, vel interdicto contenderent. Quare moderabor ipse me, ac rerum fossilium principia duntaxat, & naturas inquiram.

De nitro ambigunt, calidum sit, an frigidum; ego aquam esse. *Nitrum igneam meritò contenderim.* Nec desunt argumenta, quibus calor esse *igneus* nitri asseratur: nam metalla penetrat, & fundit: spiritus quoque vini aquæ forti, vel nitri spiritui affusus flammam concipit: sic ferri, vel lapidis calaminaris frustulum eidem spiritui acido impositum, tantum procreat calorem, ut vas ipsum manibus vix contrectari queat. Quod si ferrum, vel lapidem calaminarem in eodem spiritu dissolveris, ac phlegma frigidum ignis calore sensim exhalaveris, restabit spiritus planè igneus, cui si aliquot aquæ frigida guttulas instilles, igneum suum calorem quasi laceratus prodet: istà quidem arte calor in vase citra ullum ignem diutius conservari poterit, dum novæ aquæ guttulæ identidem vasi affundantur. Idem planè efficiet liquor nitri per antimonium, eo quo sortè aliàs diduri sumus modo, fixati. Nescio an thermatarum ebullientium fervor oriri possit ex spiritu nitri acido, qui ferri, vel calaminaris lapidis mineras prætersluit, easque arrodit; atque ubi cum aqua dulci permiscetur, cum calorem procreat, quem in calce vivâ aquæ affusione cernimus. Mecum facit ipsa

Ddd

expe-

experientia: saepe enim thermæ ferri, vel lapidis calaminaris fodinis finitimæ occurrunt. Quapropter nullatenus dubito nitrum calidum esse, & inflammabile: atque ipse me paululum in aliâ, quàm prius habuerim opinione, nunc esse confiteor. Huc enim adducebar, ut crederem, nitrum esse frigidissimum, nec flammam in pulvere pyrio concipere, sed instar venti vehementioris sulfur duntaxat accendere arbitrabar. Videbam enim in antimonii diaphoretici præparatione, ubi nitrum cum stibio permiscetur, injectâ prunâ misturam statim accendi; cumque cessasset detonatio, ac rursus tantundem nitri concijceretur, ægrè tamen flammam concipiebat. Quod si tertio nitrum apponeretur, nullum sequebatur incendium, nulla erumpebat flamma. Hinc sanè coniciebam, non ipsum nitrum, sed sulfur antimonii combustibile accendi. Nec attendebam nitrum per antimonium adeò fixum evadere, ut ignem amplius non reformidet. Cùm tamen in omnes partes cogitationem meam verso, vix quicquam causæ comminisci possum, cur salpetra, cùm sit calidissimum, linguæ ipsius iudicio frigidissimum percipitur; cur ipsâ æstate aquam congelet. An fortè non igneos modò, sed etiam frigidos continet spiritus: hi quidem extrâ prorumpunt, illi ad interiora sese recipiunt. An nitri, ut aceti phlegma frigidiusculum est, quo ignita, & sulfurea substantia temperatur? sed ubi hæc soluta, & libera existit, tum occultum, & quasi prius oppressum calorem exerit, maximè cùm permodicâ aquâ irriatur. Res enim sæpe omnes calcinatae & nitrosæ solius aquæ affusione incalescunt, cùm oleo potius extinguantur. Hinc simus equinus aquâ per-fusus adeò calet, ut plerisque distillationibus ac digestionibus Chymicis inserviat. Quod si quis contenderit, istum calorem persæpe ex motu, & velut conflictu spirituum oriri, non admodum repugno: nam calorem affricu corporum excitari satis compertum est. An fortè ex illâ spirituum agitatione tantis multi calor, vel fermentatione exurgit? frigus certè vini fervorem & fermentationem impedit. Testatur Io. Bapt. de Porta, quòd pumex, vel argentum vivum vitro inclusum, atque intra dolium demissum, multi fermentationem inhibeat. Contra Georgius Valla memoriæ prodidit, quòd si paululum casei in dolium musto plenum injiciatur, tantum excitabit fervorem, ut ipsi dolio periculum fractionis imminet. Eadem forsitan est ratio, cur injectis lapillis quidam lacus tumultuentur. In Comitatu Fuxensi inter Pyrenæa juga lacus est in montis cacumine constitutus, cui nomen Fanum sancti Bartholomæi dedit; hic lapide conjecto nitrosos, ac sulfureos exhalat vapores, qui in mediâ aeris regione densati, celum statim obducunt nubibus, & multum imbrem non sine tonitruu fragore

fragore effundunt. Idem prorsus consingere in quodam Helvetiæ laca, in montis, qui ruptus vocitatur, vertice collocato testatur Ioannes Faber in arte Chymicâ eruditissimus. Effudi vobis omnia, quæ de nitri origine, & naturâ sentiebam: quâ methodo in fixum liquorem, & spiritum acidum cuncta permeantem convertatur, exposui. Restabat, ut vos itidem docerem, quâ industriâ spiritus acidus ex plantis & lignis distillatus, non sine emolumento concreseat in nitrum: sed si quantum de nitro dici potest, prosequamur, finis orationis non reperietur. Potestis Glauberi libros consulere, ubi hanc artem, quâ spiritus acetosus ex omnibus lignorum generibus eliciatur, isque in nitrum abeat, tractat apertissimè; homo meâ quidem sententiâ est non multum oratione limatus, sed ingenio & solertiâ acutissimus.

## CAPUT QUARTUM.

## De aliis salium generibus.

*I. De nitri, & salis spiritu nonnulla præmittuntur. II. De alumine, III. De vitriolo, & variis illius generibus. IV. De vitrioli præparatâ, atque usu, ubi de medicamentis Chymicis perpaucâ.*

*Menander.*



**H**oc ipsum ex te audire cupimus: nec vacat nobis Chymicorum libros evolvere; plerique enim obscuritatem affectant, & nihil quam sinuosas, vel parabolicas descriptiones amant; mallem ut res nudas, atque inornatas proponerent. Nam Ciceroni facile accedo: A Philosopho, inquit, si eloquentiam affectat, non asperner; si non habeat, non admodum flagitem: nec me illius oratio offendit, qui complectitur verbis quod vult, & dicit plane quod intelligam. Jam verò Chymici non orationis modò ornamenta negligunt, (quod utique ferendum esset) sed latebras quarunt, nolunt intelligi; res dissolutas, & malè coherentes tradunt; abrupta quædam, ut foris ad manum venere, jaculantur. Quapropter magnam tibi habebimus gratiam, si optima quæque ab iis tractata seligas, & illustres. Injurius sim, si illud à te postulem, ut interpretis tantum fungaris munere, vel aliorum duntaxat dicta regeras: sed potes tueri

Ddd 2

ca,

ea, quæ dicta sunt ab illis, quos probas, eisquæ tuum iudicium adiungere. Quod si tibi materia tam latè fusa videatur, ut uno die absolvi non possit, quod tractandum supererit, in crastinum diem differemus.

*Quomodo  
& spiritum,  
& nitrum ex  
lignis in-  
censis edu-  
cantur.*

*Simp.* Pergam igitur, quoniam institui, de nitro, sale, alumine, & vitriolo dicere: sed peto à vobis, ne has meas ineptias efferatis; neque enim Chymicus esse, vel haberi volo: non quod ars illa me offendat; est enim liberalis, & jucunda: sed nobis difficile est huic studio seriò incumbere, quin labor noster in varias reprehensiones incurrat. Verùm ista facessant, & redeamus unde egressi sumus. Primum igitur, quâ arte spiritus acidus ex incensis lignis eliciatur, ostendam; tum quâ viâ ex illo spiritu nitrum colligatur, aperiam. Qui ex lignis incensis exhalatur fumus, multum habet aciditatis: nam oculos pungit, & lacrymas sæpe exprimit: itaque si frigore condensetur, non dubito, quin in spiritum acidum facîle concreseat. Neque ad hoc opus unâ pervenitur viâ; illa tamen mihi compendiosissima videtur, quam vir idustrius, & artifex eximius ingreditur. Furnum erigit ex laterculis, amplum quidem, & rotundum; adeò ut ex lato in angustum sensim desinat: tribus foraminibus instruitur. Primum in ipsius fornacis existit fastigio, per quod ligna conjiçuntur, & cùm opus est suo operculo clauditur: est item aliud in infimâ fornacis parte, quo extrahuntur carbonēs. Tertio denique in latere furni constituto fistula terrea quatuor saltem hexapedas longa aptatur. Incensis lignis singula foramina, vel ostia quàm fieri potest accuratissimè occluduntur: ita ut fumus per oblongam fistulam cogatur erumpere, qui in acetosum liquorem densatur, atque in vas subiectum unâ cum oleo sensim defluit. Fistulâ ablata foramen ipsum, cui adhærebat, madescentibus cineribus obducitur: sic enim carbonēs integros conservabis. Quod si minutos ramulos, vel frutices incenderis, nihil aliud quàm pulverem carbonum, cumquæ inutilem obtinebis. Licebit quoque carbonēs apertâ fornacē in cineres redigere. Priusquam lignum immittas, & acetum extrahas, operæ pretium fuerit lapides, ex quibus calx conficitur, in fornacem conjiçere, vel cum ligno alternis ordinibus disponere: nam unâ cum carbonibus calcinati, atque aëri exposti; ita ut tamen à pluviâ tuti sint, in minutissimum pulverem citò fatiescent. Denique poteris circa ullum furnum, vel in mediâ sylvâ hoc acetum elicere, si lignorum strues eo prorsus modo, quo solent carbonēs arte vulgari confici, cespitibus viridibus operiatur. Unâ igitur, atque eadem operâ spiritum acidum, oleum quod spiritui innatat, & salem lignorum consequeris. Acetum illud rectificatum, seu leni distil-

distillatione à superfluo phlegmate secretum, eadem prorsus quæ acetum vini distillatum præstat: uniones, seu margaritas, neque non animalium lapillos, vel calculos dissolvit: aquâ calente temperatum, balneum scabiei, & scetidis ulceribus curandis idoneum, atque ipsis fortasse thermis utilius exhibet; præsertim si ex quercu, & aliis nitrosis, vel solidioribus lignis proliciatur. Hoc enim balnei genus expurgat sanguinem, atque cum à putredine vindicat. Alios spiritus acidi usus prætereo. Quodd si intus fumatur, noxios humores per sudorem expellit, viscera referat obstructions. Exteriùs verò balnei loco usurpatus inflammationes restinguit: proprio oleo admistus podagræ lenit dolores. Verùm ista Medicorum iudicio relinquo. Addamne, ligna hoc oleo illita, etiamsi aquæ immergantur, vix corrumpi. Imò si palorum, quos vites, vel lupuli complectuntur, extrema adurantur, & dum adhuc calent, isto oleo imbuantur, diutissimè durabunt, vix putrescent, & vites reddent feraciores. Spiritus quidem acidus multo diluitur phlegmate, quo facilè liberabitur, si intenso frigori hiemis tempore expositus congelietur; tum enim spiritus acidissimus unà cum oleo ad interiora refugit: hinc longè acrior factus metalla ipsa corrodit, & dissolvit. Omitto ipsum oleum à spiritu, cui innatat, secretum, acri lixivio ex calce, & cineribus confiato solutum, & coctum, tantam terris arenosis ubertatem conferre, quanta ne vix concipi quidem potest. Sed ne longius exspatiemur, salempetræ facilè obtinebis, si carbonum cineres, necnon lapidis unà calcinati pulverem in spiritu acetoso (à quò tamen oleum proprium ne detrahas) exsolveris: huncque liquorem idoneis conclusum vasis, sub tecto quatuor columnis fulto, sic aëri exposueris, ut radios quidem solares admittat, pluvias verò arceat, atque urinâ identidem perfuderis. Cum enim materia exsiccata fuerit, ante biennium optimum præbebit salempetræ, quem more solito extrahes: aqua nimirum fervida affunditur, excoquitur, in frigidiori loco reponitur, ac nitrosæ supernatant crystalli. Quæ relinquitur materia, tametsi omni nirro videatur exhausta, nihilo tamen secius in eodem reposta loco, atque urinâ, vel aquâ subinde perfusa, vertente biennio novam salispetræ copiam suppeditat. Quibus ex rebus optimè colligimus salempetræ ex duplici sale, fixo nimirum, & volatili coalescere: nam sal, qui in cineribus carbonum, & calce fixus invenitur, spiritum ligni acidum multo sale volatili prægnantem reddit fixiorem, & quasi compedes, ne avolet, ipsi injecti: ac vicissim spiritus acidus obtusum salem carbonum exacuit; ex utriusque conspectu, & agitatione, longo temporis intervallo nitrum emergit. Non magna quidem præcipimus, sed



ea tamen, quæ ad Medicinæ, atque ipsius œconomix usum non prorsus inutilia videantur. Suspecti mihi sunt, qui nihil quàm Panaceas, aurum potabile, & Elyxir vitæ crepant: id enim circulatoriam jactationem omninò redolet. Perrarò accedit, ut promissis eventus respondcat: quo enim quisque ingenio, vel arte minùs valet, hoc se magis attollere, & dilatarè conatur. Magna sanè & stupenda esse, Chymicorum arcana consensio: sed optarem, ut Philosophus non in eruditus, quæ usu probatà, & expedita sunt, seligeret: nec solis contentus formulis, intimas rationes inquireret. Nisi enim ratio præhæceat, atque ipsa dirigat opera, necesse est, ut sepiùs ostendamus, & in multis erroribus dilabamur. Hæc ferè sunt mihi de nitro comperta.

Quòd si lignorum, ac vegetabilium spiritus, vel olea eò tantum desideres, quo quibusdam succurras morbis, nihil opus erit tam amplam struere fornacem; sed satis fuerit aliam minusculam, & ferè vulgarem adhibere, quæ duobus ostiis vel foraminibus pateat: unum in fastigio ipsius fornacis, ut moris est, apponetur, quod ubi necesse erit sup operculo accuratissimè occludetur; alterum verò ostium, per quod non carbones modò, vel prunæ ardentes, sed etiam herbarum radices, semina, & ligna concisa imponuntur, in mediâ velut fornacis fronte collocatur. Injectis rebus, quarum spiritum acidum cupis extrahere, mox utrumque foramen occludes, & spiritus unâ cum oleo per fistulam fornacis lateri aptatam, quam alter tubus longior, instar gnomonis, vel recti anguli formatus excipit, in vas quoddam terreum seducitur. Quod quidem vas oblongum in labro aquâ frigidâ pleno

Vide, si libeat, figuram hujus fornacis apud Glauberum, parte 1. fur-  
norum.

De spiritu  
salis exstilla-  
ndo.

constituetur; quò spiritus frigore citius concresecant. Hujus fornacis operâ brevissimo tempore magna spiritus salis copia educi potest: sal in communi aquâ exsolvitur, prunæ ardentes in illâ extinctâ aquâ, sale imprægnantur: alii carbones priùs incensî conjiciuntur in furnum, quibus prunas sale imbutas adjiciet: utroque foramine occluso, spiritus salis fumi instar, per fistulam exhalatur, qui statim in liquorem densatur, & sensim in excipulum defluit. Quòd si istum liquorem leni distillatione rectificaveris, spiritum nitri utilitate vincet: non enim modò metalla, (argentum excipio) & lapides solvit: sed etiam magnis, & gravibus medetur morbis. Nam si Chymicos audiamus, Illius spiritus aliquot guttule vino, vel aquæ instillatæ, ventriculum noxiis liberant humoribus, obstructions aperiunt; iscerum, & hydropem spiritus ille sanat, ventris sodat tormina, urinas promouet, arenulas disturbat, viscerum recludit meatus, vermes enecat, podagra dolores mitigat, maxime si oleo cereæ, vel terebinthinæ permixtus, adhibeatur. Hiç quippe spiritus acidus, & penetrans tarta-

reos humores discutit, putredinem inhibet, exsiccat, solvit, & superflua quæque consumit. Verùm tot, & tam præclaræ dotes non eadunt in spiritum salis, nisi idem quantâ potest diligentia maximâ præparetur.

Nec dissimulare possum aliam hujus spiritus distillandi methodum, laboriosam quidem, sed usu optimam: & meâ quidem sententiâ præstat longiorem ingredi viam, quàm compendio periclitari. Salem itaque (ut rem ipsam aggrediar) benè purgatum, eo quo tu, mi Theophile, superius docuisti modo, in aquâ exsolve; percolatam aquam ut omnes deponat fordes, quousque cuticula appareat, excoque globulos terre lutosæ ab omni arenulâ vacuæ exsicca, tum yasi sicili impositi ad ignem admoveantur, ut omnis pinguedo consumatur: hos globulos candentes in diluto salis extingue, quibus dimidiam sèdè retortam implebis, subjecto igne, eoque paulatim, & velut per gradus aucto totum spiritum extrahes, donec nullus fumus appareat. Neque opus est ut moneam aquam in excipulo præmitti oportere: illud enim in omni spiritu distillatione observatur. Spiritum in breviori cucurbita repositum leniori igne iterum distillabis; tum aquâ insipida primùm egreditur, hanc verò excipiet spiritus salis sapore non injucundus, cujus aliquot guttulæ communi aquæ affusæ, gratiam illam & salubrem reddunt, ac putredinem inhibent. Taceo, quòd hic spiritus salis vini dolio affusus tartarum superfluum præcipitat; ventriculi quoque crudos humores digerit, aquam intercutem expellit, viscidam pituitam dissolvit. Plura ne dicam deterreor, ne sortè Chymicis nimium videar indulgere.

*Th.* Istuc est sapere: Alchimiatarum nomen fugis, ut invidia atque infamiae subjectum, in eorum tamen opiniones ultro delaberis: hos si contemnis, & abjectos putas, quid est cur Aristotele neglecto, in eorum partes concedas? Profecto seriò ringor paulatim elabi è manibus adolescentum tanti Philosophi monumenta, atque illis antèponi abortivos partus quorundam Philosophorum, quorum præcipua virtus est furnos adornare, carbones tractare, & magnifica verba funderè. Peripatetica quidem Philosophia minùs vanitatis, atque ostentationis fronte ipsâ prætexit, sed magna habet in recessu; ubique, & secum & cum ipsâ naturâ consentit. Verùm nec otium datur, nec *De alu-*  
*mine.* fert animus, ut Philosophiam tot retrò sæculis bene constitutam à calumniis recentiorum quorundam nebulonum vindicem: id fortasse plenius alio loco exequemur: nunc ad id, quod cœpimus, revertamur, & reliqua salium genera transcurramus. Nec diu nos morabuntur alumen & vitriolum, quæ magnâ inter se societate junguntur.

Utrum.

Utrumque donatur vi adstringente, & stipticâ: utriusque eadem sunt in Medicinâ vires, atque ex eadem venâ interim eruuntur. Alumen quidem fossile est, vel factitium; liquidum item, vel congelatum existit: utriusque diversa sunt genera; aliud est scissile, quod in fibras, & veluti in capillos diducitur, idque sulfureum odorem sætet; aliud in laminulas, & quasi in foliola dividitur; aliquando instar spongiæ innumeris foraminulis pervium est; infinitis nonnunquam sphaerulis est asperum. Utuntur alumine aurifices, & quotquot rei metallicæ navant operam; insectores quoque in suum usum illud adhibent: nam lanæ soluto alumine imbuuntur, quò facilius, & tenacius colores excipiant. Sic charta nisi aquæ aluminosæ immergatur, non retinet atramentum, sed transmittit. Jam verò præstantissimi Philosophi Agricola, Scaliger, Libavius, & alii bene multi quâ industriâ alumen è lapidibus, vel terris aluminosis extrahatur, apertissime tradiderunt. Summa est, lapis crematur donec aëri expositus, & pluviam identidem irrigatus ultro fatiscat; sit lixivium ex calce vivâ, & cineribus betulæ, vel fagi, cui quarta pars lapidis in pulverem resoluti admisceatur; ulque ad tertiæ partis consumptionem excoquitur; liquor effusus percolatur; frigidus loco collocatus alumen præbet, quod specie crystalli humori innatat.

De vitri-  
olo.

Vitriolum alumini est finitimum, illud Græci chalcanthum vocant, quasi æris florem, Latini atramentum dixere; nostri mutuata ab Italis voce cuperosam appellant. In varias secatur species, vitriolum Hungaricum dicunt, quod ex ære, vel æruginè conficitur; chalcitis æris colorem imitatur; misy flavo, & aureo; sory rubro; melanteria elneritio colore tingitur. Sory durissimum est, quâdam donatur pinguedine, & gravem odorem sætet; sæpè multis foraminibus hiât. Misy subtile est, & quasi flos tenuissimus. Chalcitis ut sory subtilior, sic misy crassior existit; quò æri similior, eo plurius ducitur; maxime si longas, & splendidas gerat fibras, nec ægrè fatiscat in pulverem. Laudatur misy cùm instar auri micat; melanteria aquam atro colore inficit. Neque hæc naturâ, sed accidentibus duntaxat differunt: nam unum faciliè in aliud commeat; colores quoque habent instabiles: hinc vitriolum cæruleum in viride, hoc verò in album sensim degenerat. Nunc minimè necesse est, ut ostendam, quâ arte vitriolum ex aquis chalcanthosis, terrâ, lapidibus, pyrite imprimis, & lapide fissili eruatur: non enim aliter atque in alumine, & halinitro procedunt. Postquam è pyrite sulfur per descensum (ut loqui solent) extractum fuit, quod reliquum est crematur, sit lixivium, quod percolatum in cortinis, seu vasis plumbeis excoquitur. Siquidem plumbum à vitriolo

non

non corroditur: est enim dulce, & porosum, atque omnem pinguedinem ad se trahit: quæ autem pinguis sunt, vel dulcia, corrosivis, & acerbis resistunt: sic lacte, & butyro venenorum vires obtunduntur. Aqua excocta per lacus, seu cupas, vel alveolos ligneos distributa lapillos præbet. Consumpta demum aqua atramentum luteum in imo consistit. Ex terrâ cinereâ, quæque odorem præ se fert virulentum, & acerbum saporem, in agro Romano, eâ quam Cæsalpinus literis consignavit industria, vitriolum educitur. Terra non cuniculis, ne venenati halitus soffores encent, sed aperto solo eruitur, in cumulos congesta toto vertente semestri aëri exponitur; ut spiritus volatiles humore coerciti consistent: hinc alio semestri sub tecto asservatur, ut suam consequatur maturitatem, & fugaces halitus figantur: aquam affundunt; castellis, vel cupis eam excipiunt, tum in cortinis plumbeis excoquitur: sed addenda sunt æris, vel ferri frustula, secus non vitriolum, sed alumen concresecet; sic ubi ex lapide pyrite educitur, nisi quiddam æris, vel ferri adjiciant, quod illa, quæ in vitriolo super æris exordia, vel ramenta ad se trahat, vitriolum non prodibit. Idem ferè usuvenit, cum argentum aqua forti exsolvitur, & aquæ dulcis affusione præcipitatur; laminas enim cupreas supponunt, quæ argenti calcem colligant. Jam quæ sit vitrioli natura, ad quos adhibeatur usus intueundum puto.

Placet nonnullis, vitriolum ex alumine & sulfure potissimum confici. Multum certè cum utroque habet cognationis: nam cum alumine in eadem venâ conjungitur: nec facile est spiritum vitrioli a puriore spiritu sulfuris discernere; eadem sunt utriusque vires. Alii vitriolum ex tribus principiis, & quatuor elementis constituunt. Hic sanè Chymicorum de tribus principiis decretum vacillat: nam si vitriolum aqua dilutum in loco calidiore, ut in fimo equino ad digestionem collocetur, post aliquot dies sulfur volatile efflorescet; sæpè crassiores subsident. Quod si liquor per lacinias tractus, seu filtratus leni calore distilletur; primum spiritus volatilis, tanquam purissima vitrioli essentia prodibit, succedet spiritus vitrioli acidus, quem ut summum morbis omnibus melancholicis, & pituitosis remedium jactant, cumque feliciter ad calculum, jecinotis & ventris atoniam, puerorum vermes, & quartanam se adhibuisse testatur Libavius. Alii tamen non infimæ notæ Medici hujus spiritus acidi vim causticam, & corrosivam reformidant: maxime cum res acidæ nervis insectæ esse soleant; hanc litem Medici ipsi dijudicent. Cæterum diversis ignis gradibus varia vitrioli spirituum genera eliciuntur, quorum alii alios aciditate vincunt. Mitiores qui sunt, & multo phlegmate diluti primi erumpunt, hos

Ecc

exci-

excipiunt acriores, tum aucto igne oleum rubrum extrahitur; succedit oleum acerrimum, quo vel aurum ipsum dissolvitur. Restat velut calx vitrioli, Colcotar à Chymicis vocitatur, ex quo salem, oleum dulce, tertam denique, quam virgineam vocitant, colligunt. Ecce tibi tria sulfuris genera; unum est superfluum, & volatile, quod in primâ digestionem efflorescit; aliud est item volatile, sed essentielle; tertium denique fixum, & vitriolo intimum existit. Nec pauciores sunt spirituum differentiz; ut taceam de spiritu dulci, quem tamen Crolius negat se unquam vidisse; vel de spiritu, qui violam redolet, eumque ex quintâ vitrioli essentiâ, seu ex spiritu volatili, subdulci, & penetrante, unâ cum spiritu acido conjuncto, per longas in pellicano digestionem conficiunt. Pelicānum vocant quoddam alembici genus, cujus rostrum in ipsum ventrem reflectitur. Quod si ea sint rerum exordia, atque elementa, in quâ ignis ardoribus resolvuntur; non tria tantum, sed duodecim saltem vitrioli principia censenda sunt. An potest quisquam dicere inter sulfur volatile, & fixum; oleum dulce, & acerrimum nihil interesse? quare frustra Chymici principia rerum ex artificiosa distillatione colligunt: sed de his jam aliâ sæpe. Omnes vero summa apud antiquos auctoritatis, scriptores Aristotelem secuti hæc mineralia inter lapides & metalla ambigere consentiunt; ita ut ex vapore, atque exhalatione coalescant: nam metalla ex vapore humido, lapides ex halitu sicco prodire: ambo conspirant ad vitrioli, & aluminis generationem. Splendorem metallorum, inquit Albertus, & lapidum compositionem obtinent: siquidem instar lapidum, facili comminuuntur. Quapropter non aliundè quàm ex terrâ, & aquâ commixtis, atque caloris accessu concoctis, ut cætera fossilia, oriuntur.

Nonnunquam præterfluens aqua materiam metallicam arrodit, quâ in vapores exhaustâ, sal, alumen, vitriolum, chrysocolla, cyaneum, seu cæruleum condensata restant. Unde ex pyrite artifices alumen, & vitriolum eadem serè arte, quam ipsa adhibet natura, eliciunt. Sic chrysocolla, ærugo, & cæruleum ex aquis acetosis fodinas, æris atrodentibus emergunt: siue substantiæ adhæreant metallicæ, siue instar minuti pulveris, vel arenæ colligantur: graviora quippe illa corpâcula ab ipsis metallis abrasa in fundo aquæ subsidunt. Hæc quidem omnia vi quâdam acri, mordicante, & absteriva donantur: hinc chirurgis, pictoribus, atque ipsis insectoribus magno usui esse solent. Quis enim ignorat vitriolum sanguinem sistere, vel quod venarum meatus obstruat, vel quia extremum sanguinem coagulat. Neminem quoque fugit illud putrida ulcera abstergere, carnes luxuriantes excedere; atque ex ea collyria oculis parari. Cate-

Cæterum illud vehementer demiror, quod cum nec vitriolo, nec gallis ater color insideat, ex iis tamen aqua dilutis atramentum concipiatur. An fortè corpuscula, ex quibus constat vitriolum, eam temporis successione figuram adipiscuntur, quæ perpaucos luminis radios regerat, & nigrum adeo præferat colorem. Profectò vitrioli acuminatas esse particulas sapor ipse testatur: hinc atramentum tenaciter chartæ adhærescit. Sutores ipsi utuntur vitriolo, quò nigro colore coria imbuant; hinc atramenti sutorii nomen obtinuit. Ferrum vetus sero lactis solutum eidem quoque usui esse potest. Quare in veteri meâ persuasione permaneo, colores omnes ex solâ luminis reflexione, atque ex corpusculorum quibus res quæque constant variis figuris emergere: nam terrea corpuscula candidum, fuliginosa verò, striata, & acuminata nigrum colorem exhibent: neque tanta colorum varietas ex ipso ducitur temperamento; cum ex ære flavo ærugo adeo viridis exsurgat; quod si spiritum ammoniacum addideris, caruleum emerget. Dicta sunt à me, quæ in promptu erant, à te autem, mi Simplici, reconditiore desidero.

*Simp.* De principiis Chymicorum nihil necesse est contendere, non quod rationibus tuis ex vitrioli analysi desumptis respondere, me posse diffidam. Nihil quippe in vitriolo præter terram, salem, oleum, spiritum, & aquam deprehendes: sed de iis nec certare pugnaciter velim, nec committam, ut dubia faciam defensionis sollicitudine. Verùm, inquis, quanta salium, spirituum, & sulfurum varietas ex vitriolo educitur. Hoc ipsum in sententiæ nostræ argumentum traho, cum fieri nequaquam possit, ut ex eodem corpore res adeo diversæ ejusdem ignis virtute prodeant. Sed neque vitriolum in extrema prin- *Ex quibus*  
cipia vulgari arte resolvitur. Meministi, ut puto, nos duplicem salem, *partibus*  
unum volatilem, alterum fixum; duplex item sulfur, unum fugax, & constat vi-  
spiritalē, quod distillatione primum elicitur, alterum tenax, & visco- *trisolam,*  
sum distinxisse. Hæc infinitis propè modis permisceri possunt: nam  
sal vitrioli fixum oleum acerrimum efficit, sal volatile phlegmati acidi-  
tatem conciliat: oleum corrosivum spiritu acido temperatum dulce  
evadit: acria enim quæ sunt ab acidis, & vicissim acida ab acribus,  
ut sales volatiles à fixis retunduntur. Imò res ipsæ acres sese mutuo  
jugulant: sic oleum tartari spiritui vitrioli assutum fervorem, & velu- *De fer-*  
ti ebullitionem quandam excitat: sed ex utroque quiddam tertium, *mentatio-*  
subdulce, & minimè corrosivum exsurgit. Hinc musti fermentatio- *ne.*  
nem plerique deducunt: nimirum ex salium fixorum, & acrium cum  
fugacibus mutuo coactis: In illa verò ebullitione subtiliores spiritus  
exhalantur: sal fixum attenuatur; superfluum quod est, ad imum de-

Ecc 2

feca.



secundum. Itaque omnis præcipitatio à spiritu acetoso, hic verò à sale volatili proficiscitur. Rem ita se habere, cum multa, quæ jam supra attigimus de musti fermentatione demonstrant, tum illud, quod oleum ex vitriolo calcinato, seu ex colcotare extractum certis temporibus intumescat, aliis autem decreseat. Vix credam Lunam tumentem novum chalcantho humorem affundere, sitientem resorbere. Probabilius est oleum, vel spiritum vitrioli statim temporibus fermentari, cum sal fixum à volatili superatur: subsidit verò, quando sal volatile à fixo quasi subactum figitur. Fieri etiam potest, ut gravi, & humido cælo aer ipse subeat spiritum, vel oleum vitrioli, quidquid est salis exsolvat, & suo ingressu augeat humorem: nam quæ extremos ignes sustinere, occulta quâdam naturæ vi humidum aërem ultrò ad se invitant, quo summam siccitatem temperet, atque exhaustum humorem refarciat. Hinc illud chalcanthi oleum æstate plerumque minuitur, vere, vel autumnu intumescit. Interim tamen evenit, ut eodem tempore oleum vitrioli vase conclusum augeatur, cum alterum decrescit. Fors est ut alterum plurimo sale fixo abundet, aliud verò majore spirituum copiâ turgeat. Ut ut sit, mihi certum est nitrum, & vitriolum aëri exposita, non modò intumescere, sed novos etiam spiritus, ac veluti vim novam prolificam haurire. De nitro quidem nullus est dubitationi locus: vitam enim suam, & quasi animam ipsi aëri debet; adeò ut certis temporum intervallis renasci videatur, cum exhaustæ terræ novum salempetræ suppeditent. Verùm de vitriolo nunc agimus, quod ex quibusdam lapidibus nullo ferè labore elicitur. Nam contriti lapides aëri frigidiusculo per mensem expositi, humoris accessu aliquantò graviore deprehenduntur, atque in nigrum pulverem ultrò fatiscunt, qui post dimidium ferè mensem fit candidior, & quiddam vitriolo simile sapit. Illos porro lapides passim occurrere asserit Glauberus, qui hoc arcanum primus aperuit. Nigri & politi sunt lapilli, raro ovi magnitudinem æquant, in lutosa, & candidiore terrâ plerumque inveniuntur; fracti aureum colorem instar marcasitæ aureæ exhibent. Itaque hi lapides primùm in atrum, tum in album faciliunt pulverem; vitreis valis conduntur, multâ persunduntur aquâ; ita ut duorum digitorum altitudinem emineat: hæc intra aliquot dies virorem contrahit, in vas alterum effunditur; nova subinde aqua pulveri adjicitur, idque toties iteratum oportet, quousque nullum ampliùs virorem contrahat. Quidquid aquæ viridis collegisti, per chartam bibulam trajice, tum usque ad cuticulam calore moderato exhaletur, in frigidiori loco reposita caruleos præbebit lapides, qui nihil sunt quàm vitriolum purissimum. Reliquos aquæ

iterum



iterum usque ad apparentem cuticulam excoque, in cellâ colloca, ut novos exhibeat lapillos, idque toties repete; quousque aqua nullum amplius chalcantum suggerat, sed liquor tantum viridis remaneat, qui nec calore coaguletur, nec frigore congeletur. Illud esse oleum vitrioli dulce adeo quassitum, & à veteribus Chymicis commendatum, Auctor jam sæpe laudatus asseverat: ita ut aliquot guttulæ unâ cum vino, vel alio vehiculo haustz vitiosos & superfluos expellant humores, sanguinem expurgent, viscerum obstructions aperiant, epilepsiam, febres, pestem ipsam feliciter curent. Quæ si vera sunt, magna certè illi Chymico habenda est gratia, qui nos tanti arcanti fecit participes. Hæc quidem mihi usu comperta non sunt: plurimum in unum duntaxat confero inventa, non ingenii, sed curæ testimonium meruisse contentus. Id genus secreta minimè repudianda puto: sed iis bono modo utendum est, tantum scilicet, quantum sanitati expedit; nihil sine prudentis Medici consilio audendum. Cùm de vitæ summa agitur, periculum facere grave est.

*Men.* Medicos narra. Numquid forsitan te latet, quanta sit inter eos dissensio: nec de terminis, sed de totâ possessione contendunt, cùm alii medicamenta Chymica omninò ut venenata, & naturæ nostræ inimica proscribant; alii hæc remedia vulgaribus longè anteponant, quod morborum extirpent radices, cito & jucundè vires suas exerant. Ad te nunc refero quos sequar.

*Simp.* Ista quidem aliàs excutimus, neque hic locus negligenter à nobis transibitur. Vetera remedia majestas, & ut sic dixerim, religio quædam commendat: sed vel abolita, atque abrogata retinere, vel recens inventa damnare, insolentia ejusdem est, & pervicacia non ferenda. Neque me ejusquam sectæ, velut quædam superstitione imbutus addixi: neque has lites, quæ Medicos exercent, componere præsumo. Equidem optarem, ut Medici spagyricas medicamentorum præparationes, vel remedia è mineralibus deprompta non aspernarentur: hæc ad Chirurgiam, & Pharmaceuticem plurimum momenti obtinere, ne inimici quidem artis Chymicæ negaverint. At timent, ne intus sumpta calorem nativum oppriment, si frigidiora sint; vel ipsa incendiant viscera, si calidiora existant; vel certè arrodant, si multo abundant sale. Hinc quondam Riolanus spiritus vitrioli usu omninò interdicebat: nam si ipsa corrodit metalla, quid non visceribus facturus est? Quæ si accipimus, nec aceto, nec limoniorum succis, quibus lapides solvuntur, utendum est. In his certè eventus ipse optimus est controversiæ iudex. Fateor equidem spiritum vitrioli, nisi quam optimè præparetur, uti & alia remedia Chymicorum periculose adhiberi.

Ecce 3

Quod

Quòd si cretetur, non ars ipsa, sed artifex in vitio erit. Quo morbi adversus Galenistarum medicamina contumaces existent, qui spagyricis remediis statim profligantur. Sed, inquit, mineralia plerumque vehementius operantur. Sit illud incommodum, (nam quid ferè undique placet) nos illud comparabimus commodis: noxios quippe humores fortius invadunt; minore dosi exhibentur; quæ languidiora Medicorum remedia non aggrediuntur, spagyrica expugnabunt; tenaces, & viscosos humores, ex quibus morbi ferè omnes scaturiunt, facilius discutient, & incident: cruda quæ sunt suo calore digerent. Hæc penè omnia unus vitrioli spiritus (ne longius divertam) præstat. Nec difficilis erit illius præparatio: nam eodem planè modo, quo nitrum distillatur; sensim in vas candens fornace jam superius à nobis descriptâ inclusum, conjicitur: statim operculo suo vas occluditur; spiritus unà cum oleo in amplum delabitur excipulum. Ubi cum in liquorem resolutus fuerit, tantundem vitrioli, nimirum semuncia, vel circiter, operculo forcipe sublato, vasi immittitur. Isthà quidem arte magnam liquoris copiam faciliè eliciunt: sed cum novâ distillatione rectificatum oportet, secus nulli ferè usul futurus est. Quare quidquid humoris extraxisti in retortam effunde, quæ cum suo receptaculo quàm accuratissimè lutetur, & committatur: (nam utendum est vocabulis, quæ in unaquaque arte versantur) ea quæ in arenâ collocatâ, lentissimo igne spiritum volatilem primùm elicies; cum phlegma majoribus guttis se prodat, tum receptaculum subducitur; aliud sine luto apponitur: exhalato phlegmate oleum corrosivum superest. Sed cum spiritus volatilis multâ aquâ diluatur, poterit oleo corrosivo reddi, ac moderato calore iterum distillari. Quòd si spiritum illum volatilem ab omni phlegmate solum, & liberum eduxeris, næ tibi & temporis, & impensæ ratio optimè constabit. Spiritui vini admistus magnus erit chirurgiæ thesaurus: nam extrinsecè adhibitus ulcera tum nova, cum vetera, cancerum, scabiem, & male affectos nervos sanat, podagræ lenit dolores: pauculæ guttæ morbos omnes ab impuritate sanguinis, vel obstructionibus prognatos, epilepsiam, apoplexiam, & maniam expugnare perhibentur. Undè verò tanta spiritui volatili vis? nam totum corpus faciliè permeat? an fortè sulfure tenuissimo, & subtili sale abundat? Sanè quidem ubi acri & corrosivo oleo non redditur, ut iteratâ distillatione purior fiat, tractu temporis sulfur quoddam subrubrum in vasis fundo deponit; id enim debiliior spiritus, & uberiore aquâ dilutus retinere non valet. Nec sulfur tamen illud narcoticum pretio suo caret: nam egregium remedium est anodinum, & tribus, vel quatuor granis adhibitum aceri-

mos dolores levat, blandum quoque somnum conciliat. Enimvero neque artem Chymicam tractare suscepimus, neque his artificum formulis nimium confidimus. Nescio quo pacto ipsius Philosophiæ meditamentis ad spagyricos labores nostra identidem deflectit oratio: nec culpam tamen deprecor: nam vos hujus sermonis ordiendi principes fuistis: si quid peccatum est, maximam culpæ partem sustinetis.

\*\*\*\*\*

## CAPUT QUINTUM,

### De sulfure, & bituminibus.

*I. De sale, & aquis stygiis perpaucæ ex Cartesii principii præmittuntur. II De sulfuris naturâ, origine, & variis effectibus, necnon de auripigmento, & arsenico differitur. III. De variis bituminum generibus, & potissimum de succini naturâ, analysi, & usu agitur.*

### Theophilus.



Acilem huic errato veniam dabimus, eâ tamen lege, ut ejuratâ Alchimistarum pseudo-philosophiâ, in Lyceum totus concedas. Quid enim insulsius quàm extorquere ex animis nostris cognitiones tum rerum, tum verborum, quibus imbuti sumus, ac novas voces penitus barbaras, & inusitatas, obscuritate plenas, nova adco & laudita principia inducere. An qui sapiat, Aristotelem Paracelsi, & Severino non anteponat? vel error honestus est magnos duces sequentibus. Jam pridem desitum est contra Democritum, Epicurum, & alios magni nominis Philosophos disputare; nunc recentes, & minutissimi Philosophi cum ipso Aristotele de principatu contendunt. Mitto Chymicos, qui nec cum aliis, nec secum ipsi consentiunt, quique in infinitas propè hæreses scinduntur; & magno tamen supercilio non Galenistas modò, sed etiam suæ artis professores despiciunt. Quis ferat nunc Cartesii Philosophiam jejunam prorsus, atque aridam, ac densissimis tenebris involutam, omninò commentitiâ, non doceri modò publicè, atque omnibus, qui sibi de ingenii subtilitate blandiuntur, probari; sed, quod me magis animi angit, eam longè anteferrî Philosophiæ Peripateticæ, quàm totius orbis consensus tot re-

trō sæculis approbavit. Ille quidem, ut jam subinde diximus, Democriti, & Epicuri umbram secutus est, & quæ immutavit, ipse corripit.

*Men.* Desine quæso his communibus locis; nobis ista domi nascuntur. Quod si Democritum, & Epicurum sequitur Cartesius: an flagitium est ea sentire, quæ tu ipse nobilissimis Philosophis placuisse concedis. Sed pauca adjecit, & quæ immutavit, ipse corripit. Ista sanè nisi hîc in tuo regno essemus, non serem. An ignoras Epicurum atomos, & inane, ut rerum omnium principia inducere; ita ut ex fortuitâ atomorum concursione efficiantur ea, quæ cernuntur omnia. Inane quoque infinitum, in quo nec ultimum, nec extremum sit, commentus est. Motum deaique atomorum nulli principio refert, sed ab æterno tempore deducit. Jam vel teipso judice videamus utra Philosophia, Epicuri, an Cartesii cum rebus ipsis, & ratione magis conveniat. Cartesius nullum vacuum in rerum naturâ admittit: neque atomos insectiles, seu individua corpora inducit, tanquam rerum omnium primordia. Terram, aquam, aërem ipsum ex particulis ramosis, & crassiusculis componit: in terrâ sunt compactissimæ, & crassissimæ; in aquâ maximè flexiles, & lubricæ; in aëre tenues, & disjunctæ. Istarum partium, ut identidem monuimus, interstitia subtiliori quâdam complentur substantiâ, cujus particulæ sunt globosæ; neque unquam cessant, sed indefinenter moventur, eumque motum à supremo opifice in ipsâ rerum conditione accepere. Cumque ipsi globuli non possint seipso contingere, quin vacua relinquant spatiola: hæc adeo subtiliori materiâ, & veluti minutissimo pulvere repleti necesse est; hanc substantiam primum elementum liceat appellare; secundum globuli ætherei, tertium ramosæ, & crassiusculæ partes component. Tenuissima substantia in Sole, stellis, atque igne est uberrima, lucem, calorem, & flammam irrequieto suo motu efficit; cælestes globuli æthericum mundum constant, atque in aëre, & aquâ dominantur: non enim aquæ fluxilitas aliunde, quam ex motu secundi elementi deducitur; & corpus fluidum hoc solo à duro discrepat, quod hujus particulæ sibi implicatæ & consertæ, nec moveri, neque à seipsis disjungi faciliè possint; illius verò partes fluxiles in perpetuo versantur motu, quæ æthereæ efficit substantia. Quid igitur aër, nisi terrestres particulæ disjunctæ, & malè coherentes in cœlesti substantiâ, vel secundo elemento fluctuantes? Quid ignis, nisi terrestres particulæ in subtilissimâ materiâ, vel primo elemento innatantes, atque ab eo cellerrimè actæ. Sed cum hæc alio loco plura, nunc ad ea, quæ à te, mi

Simplici, de salibus dicta sunt.

Vobis

Philosophia  
Cartesiana  
fundamenta,

Aër.

Ignis.

Vobis quidem maximus est circa naturam salis, qualitates, & dif- *De sale*  
ferentias sudor: cur sal omne in aquâ exsolvitur; unde tanta sapo- *juxta Car-*  
rum varietas; nitrum calidum sit, an frigidum; cur sales metallis fun- *testi plac-*  
dendis & dissolvendis adhibeantur. Hæc atque alia id genus infinita  
vestrum acumen exercent, quæ nobis videntur facillima, & expe-  
dita. Sal ex multis corpusculis rigidis componi non semel diximus.  
Hinc friabile existit, quod particula inflexiles, & duræ, ex quibus  
constat, non ægrè separentur: statim in aquâ liquefcit, quod aquæ  
corpuscula lubrica & flexilia circa salis spicula convolvantur, easque  
secum abducant. Malim ego cum Cartesio salis atomos oblongas, &  
acuminatas, quàm cubicas, vel angulosas cum Epicureis supponere.  
Hinc enim salis compungens sapor, atque illius in aquâ, vel ære hu-  
mido exsolutio facilis explicantur. Nec mihi fit vero simile, poros  
in aquâ esse inanes, eosque figuræ cubicæ, qui salis quadratas ato-  
mos; item alios esse diversæ figuræ, qui vitrosi, vel aluminis corpu-  
sacula alterius figuræ excipiant. Nullum quippe inane patitur natura,  
cum omne spatium trinâ dimensione constans, corporis notionem, &  
naturam obtineat. Ne illud quidem Epicureis concedam alias atomos  
esse calorificas, alias frigorigas; sic enim (loquuntur) illas esse ro-  
tundas, has pyramidis similes, unde illæ discutiunt, & agitant, hæ  
verò consringunt, & condensant. Fateor equidem calorem & frigus  
inter qualitates male numerari; sed nego à solâ figurâ atomorum pro-  
dire. Calorem tum percipimus, cum nervi tactiles fortius moventur:  
hæc verò agitatio non aliunde ducitur, quàm à motu vehementiore  
partium corporis quod contrectamus, vel tangimus: istarum verò  
partium motus ab agitatione subtilis materiæ corporis meatu replen-  
tis proficiscitur. Itaque calor nihil erit, quàm insensibilium corpuscu- *Quid ca-*  
lorum major, & in omnes partes agitatio. Cælestis autem materiæ, *lor.*  
ex quâ omnis motus oritur, corpuscula alla sunt aliis majora; quæ-  
que cum aliis comparata sunt majuscula, eadem vehementiorem pro-  
creant calorem, quod fortioris agitationis sint capacia. Hinc frigi- *Quid fri-*  
diora censentur corpora, quorum angustiores sunt meatus, quàm ut *gus.*  
majusculis pateant subtilis materiæ corpusculis; ut marmor politum,  
& glacies ipsa, quæ nihil est quàm aqua, cujus partes fluiditatem u-  
nâ cum motu amiserunt. Cessat porro motus, quod subtilis materiæ  
majusculæ partes avolarint: minores verò, quæ restant, non satis ha-  
bent virium, ut partes aquæ comoveant: hinc ille partes ex flexilibus  
sunt rigide; ex fluidis duræ; ex aglatis immotæ. Imò sal ipsum ex  
crassioribus aquæ particulis constat, quæ cælestis substantiæ motu,  
nec seclâ possunt, nec cicri. Quod si ignis vehementiâ, vel mutuo  
Fff con-

confictu fiant planæ, & flexiles, tum metalla acie sua dissolvent, & linguam sapore acerrimo compungent.

*De nitro.*

Fruſta quærunť, utrum ſal, nitrum, & vitriolum frigida ſint an calida; virtualem, an formalem occultent calorem: cùm hiſ corporibus calor inſitus non ſit, ſed à ſubtiliſ materiæ motu dependent: ita ut ideim corpus in aliis calorem, in aliis frigis procreet; nitrum enim carbones accendit, & linguam ſummo frigore percellit: ſic vini ſpiritus extinguentia ſæpe inflammationibus utiliter adhibetur. Ne illud quidem à me impetrabunt, nitrum, vitriolum, cauſtica omnia, venena demum ipſa virtualem calorem continere: nam ſi ita ſit, cur linguam, & viſcera inflammant, cæteris verò parcunt corporibus? an potiùs idcirco cenſentur calida, quòd ſpiritus acerrimos concludant; qui humore diluti, & ſoluti nervorum fibras dividunt, atque eadem proſuſ, quæ calor ſolet efficere, exerunt. Plura ne addam & res occultiffimas aperiàm deterreor, ne fortè Theophilus non ſerat, ſi formis & qualitatibus exploſis, ad motum, & figuram, rerum penè omnium virtutes, atque actiones referam.

*Th.* Tamenne in iſtâ pravitare perſtabitis? & miror te hæc tam aperte, perſpicueque, & perverſa, & falſa ſequi.

*Men.* Hæc certè mihi magis probantur, quàm fallaces quædam concluſiunculæ, quas Peripatetici ex obſcuris, & incognitis principiis colligunt. Sed iſta omittamus, & varias ſalium differentias proſequamur. Sal fixum (ut pauca delibem) à volatili ſecernitur, quòd illius corpuscula craſſiora, huius ſint tenuiora. Sal ammoniacum præ cæteris maximè fugax, & penetrans exiſtit, quòd deſinat in cuſpides, quarum apicibus aliæ minutiffimæ ſuccreſcunt: hinc linguam pungit, & cuncta permeat. Sal tartari oleo vitrioli admiſtum efferveſcit, quòd iſti liquores ſinul commixti ſic aptatos habeant meatus, ut primi elementi ſubtiliffimam materiam admittant, globulos verò cœleſtes excludant. Ignis autem, vel calor tum gignitur, cùm ſubtiliffima

*Sal ammoniacum.*

*De igne & calore.*

materia in corporibus regnat, & cœleſtes globuli exulant: id verò evenit, cùm tenuiffima primi elementi ſubſtantia ſatis valida eſt, ut diſcuriat corporum partes, atque æthereos globulos propellat. Hinc ſpiritus vini, cujuſ partes ſunt tenuiffimæ, meatus anguſtiſſimi, & primo duntaxat elemento accommodati, ſtatim ignem concipiunt. Quòd ſi aquæ ſtygiæ, vel ſpiritus nitri inſtilletur, brevi incendetur; utriuſque enim mixturâ globulis cœleſtibus occluduntur meatus, & ſoli ſubtiliffimæ, vel ignitæ materiæ patent: hinc primùm calor, tum ignis accenditur, quòd tenuiffimæ ſpirituum partes facilè diſjungan-  
tur, & cum impetu quaque verſum propellantur: Cùm partes terreſtes

ſtres



Aëres adeo sunt crassæ, ut dividi non possint, solus calor, non flamma gignitur, ut in calce contingit. Sic metalla igne vehementissimo liquescunt, sed inflammari nequeunt. Sales vero fundendis metallis adjunguntur: nam spiculis suis partes metallorum duriores aperiunt: lapides autem nullo ferè calore funduntur, quia crassioribus constant particulis, quam ut possint separari. Quamobrem primum elementum tenues, & oleosas partes movet, dividit, & magno impetu disjicit: hinc flamma: metallorum corpuscula separat, & efficit fluida, sed fortas non expellit: unde nec ignis accenditur: marmoris verò partes movet quidem, sed non disjungit: nimium quippe sunt ramosæ, & sibi mutuo implicitæ. Itaque partes tenuissimæ corporum in flammam: crassiusculæ in fumum, aut fuliginem: crassissimæ in cineres abeunt. Nam ubi corpus exurit, si tenuissimæ particule tantâ erumpunt copiâ, ut globulos cœlestes à vicino aëre depellant, tum illud spatium flamma implet. Ex his porro liquet, cur sales fixi aquâ diluti calorem duntaxat, non ignem generent: spiritus verò volatiles, & tenuiores flammam concipiant. De spirituum collisione, & fermentatione nihil attinet dicere: nam palam est omnem liquorum missionem, fermentationem, pugnam, præcipationem denique à subtilis materie motu dimanare: neque enim liquores seipsis permiscuntur; sed cœlestes globuli corpuscula, tertii elementi sibi obvia exagitant, in omnes movent partes, & tandem confundunt. Si quæ sint partes crassiores, & magis rebelles, tamdiu de loco suo dimoventur, donec cœlestis materie agitationi, non magis quam cætera partes resistent: vel si id obtineri non possit, à reliquis separentur. Non dissimili ratione caseus coagulatur: crassiores enim partes, ex quibus caseus componitur, fluidis antè innatabant, atque unâ cum his movebantur: sed ubi calor fluidas partes congregat, vel separat; tum crassiores particule moveri desinunt, & tandem subsidunt. Quid attinet de his plura, cum ex hisdem principiis omnia artis chymicæ mysteria explicari facillimè possint: calore enim & motu cuncta perficiuntur: motus à cœlesti prodit materia, cujus majusculæ partes intensiorem calorem, vel motum vehementiorem procreant: sed hæc plenius suo loco exposuimus: nunc igitur seriem disputationis nostræ retexamus.

*Th.* Rectè tu quidem admones: nam si volumus omnia, quæ pro his, aut contra dici possunt, complecti, nunquam ad exitum deducetur oratio. Nec verò satis assequi possum quod sit vestrum consilium, aut quid velitis, cum materiam, formas, qualitates è medio tollitis, ut ætheream substantiam omnium motionum effetricem, cuncta



permilcentem inducat; quasi hæc materia invisibilis, atque omnis motus architecta facilius mente concipiatur, quam vulgatæ qualitates. Illa rerum omnium principia decernitis, quæ omnibus sint obvia, expedita, & summè perspicua: sed cùm cuncta moveri, & misceri ab æthereâ substantiâ supponitis, cumque corpora in minutissimas particulas conciditis, ex quarum varietate, motu, & figuris, rerum ortus, naturæ, & differentiz ducantur, in eandem inciditis obscuritatem, contra quam Philosophia vestra inventa est. Quidquid sit de veritate horum decretorum (neque enim hîc meam interpono sententiam) mihi certum est ab Aristotele, qui omnium ferè doctorem consensum meruit, non discedere, ut minulos & obscuros Philosophos sequar, qui laudem sibi ex temeritate, & arrogantia quæsierunt. Recta quidem, & aperta philosophandi ratio plerisque nihil habere ex ingenio videtur: corruptam verò, obscuram, & vitiosam iudiciorum pravitate mirantur; & quod pejus est, propter hoc ipsum, quod prava sit, & à recto itinere deslexa, laudant. Verùm hæc omittamus, ut ad id, unde divertimus, post longos errores tandem reveriamur.

De iis quidem succis, qui calore concresecunt, atque humore solvuntur, fufius, quàm necesse erat, disseruimus; nunc de aliis succorum generibus, quæ majorem pinguedinem præ se ferunt, quæque calore liquescunt, quòd frigore coalescant, pressiore stylo dicendum. Ante omnia occurrit sulfur, quod tanquam omnium fossilium commune principium Alchimistæ statuerunt; vix enim ulla marcaffita, vel vena metallica invenitur, ex quâ sulfur non eliciatur. Quibus verò

De sulfu-  
re,

modis ex pyrite, aut marcaffitâ sulfur, & atramentum per descensum soleant distillari, apertissimè ostendit Georgius Agricola. Pyritis, vel metallicæ venæ sulfure & atramento prægnantis per tabulam ferream multis perviam foraminibus, ignis incumbens ardore, halitus in vasa supposita efflatur, qui in aquam frigidiorẽ vasis contentam incurrens, statim concresecit. Marcaffita quoque in minutiores partes concisa retortæ ferreæ, cujus rostrum in aquam descendit, vel ollæ, cujus tubulus prominens aquæ itidem immergitur, imponi solet; igne accensa sulfur subrubrum præbet. Nonnunquam sulfur integrum, & purum è mineris effoditur, præsertim propè montes ignivomos: aliquando lapidibus adhærescit; sæpè ex aquâ sulfureâ; interim è glebis cõsione educitur. Magnos habet in Alchimia usus: sulfur sublimatione expurgant; hinc flores è sulfure sub campanâ accenso colligunt: spiritum item acidum, quem mirificè commendant, arte non dissimili eliciunt. Neque eandem viam insistant omnes: ea mihi & tutior, & compendiosior videtur, quam Libavius describit. Sulfur in

pulve-

pulverem comminutum paropsidi, vel conchæ latiori, aut vasculo terreo imponit; retortam vitream fundo reflecto ita suspendit, ut vapor incensî sulfuris per apertum retortæ fundum sursum enitens, in amplum ingrediatur excipulum, cui aqua frigida immittitur, & medio septo in duas secatur partes, relicto in medio diaphragmate foraminulo, per quod sulfuris vapor subeat, & in frigidam aquam impingens citissimè densetur. Rectificatione opus erit, ut spiritum acidum consequaris. Illud demiror spiritus acidus ex sale, vitriolio, & sulfure vix elici posse, nisi aquâ frigidiusculâ in receptaculo præmissâ temperentur; quod fortasse spiritus alii sint humidiores, & insipidi; alii aëtiæ, & sicci, atque ex utrorumque societate aciditas emergit. Cæterum hic spiritus noxios humores ad partes extimas propellit, atque illius ope multi à ferro vitriolum viride, ex ære caruleum, & cretâ alumen se faciliè extracturos pollicentur.

De sulfuris naturâ omnes serè consentiunt; calidum est, & siccum, ignis pabulum, terræ pinguedo, & quasi resina vocitatur. Cum purum est, citò incenditur: ubi alumine, & atramento inficitur, flammam ægrè concepit. Colores omnes instar chaicanthi induit; ex iisdem plerumque venis eruitur. Jam verò difficile est, omnes sulfuris vires atque usus enumerare: cum enim vi expultrice donetur, scabiem detergit, phthisim sanat; puimonem exsiccet, & consolidat ulcera, aliisque medetur morbis, qui ex putredine scaturiunt: sed sulfur flavum, splendidum, & molle ad hos usus eligitur, idque variis modis antè defæcatum oportet. Nonnunquam unâ cum cerâ liquefactum in aquam effunditur, cera innatat, sulfur subsidit, quod si identidem id repetitur, sulfur & purius existit, & rubro colore tingitur. Mitto alios usus, quibus ab Alchimis destinatur, nam rei metallicæ mirum quantum inservit. Ex illo quoque olea, balsama, spiritus, imò & lacteum succum eliciunt, sulfur enim cum lini oleo coctum, tum distillatum, liquorem lacteum præbet, cui oleum subrubrum innatat. Si quidem oleosa, & pinguis quæ sunt, cum aquâ permixta, lacteum persæpè candorem inducunt. Hinc aquæ sulfureæ aliquando albæ visuntur: licet enim sulfur non faciliè aquam subeat, nihilo tamen secius cum eâ tandem miscetur, & lacteum colorem illi conciliat.

Hæc de sulfure: nunc de arsenico, sandarachâ & auripigmento perpaucâ: nam sulfuris sunt finitima; ex iisdem venis, & marcasitis effodiuntur; nec tam naturâ, quàm accidentibus inter se dissident. Auripigmentum luteum est, auro non dissimile: in tenues squamas, aut solia diductum, vel in minutissimum pulverem comminutum spien-

didiore colore invenitur. Glebosum quoque, & subrubrum, ac sandarach similis occurrit; est volatile, & venenatum, nisi probe emendetur. Ubi halinitro, vel sale urinæ fixum, & correctum fuerit, non cancris modò, & externis ulceribus curandis accommodantur, sed etiam interioribus adhibent; & ita impunè de corio nostro ludunt. Veteres solâ ustione purgabant sandaracham, & resinâ temperatam præbebant astmaticis. Colore tantùm rubco ab auripigmento, vel arsenico differt: neque enim arsenicum ab auripigmento sejungimus; album quippe arsenicum factitium est, & solius additione salis per crebras sublimationes albescit. Sic testâ opertâ conclusum, ignis calore in sandaracham facessit; aded ut hæc omnia ejusdem speciei, & naturæ censeantur: cumquæ in omni ferè metallicâ venâ, maxime si auro, vel argento dutescat, soleat occurrere, credidit Geberus Alchimistarum princeps metalla ex sulfure, mercurio, & arsenico constari: nam multùm arsenici, vel cadmiæ, aut realgaris exhalant venæ metallicæ, cum excoquantur, idquæ è spiraculis fornacum colligunt, ad multos usus profuturum. Alii aliter opinantur; sed hæc posterius.

Nunc de bitumine, quod in varias species diducitur, paulò uberior agendum est: nam de sulfuris, & arsenici usu multis in locis spargemus, præsertim cum ad metallorum tractationem pervenerimus: sed de bituminum naturâ disserendi fortasse aliàs non recurret occasio. Magna est bituminum varietas: nam alia liquida, & oleo simillima aquis innatant: alia verò duriora, & compæctiora è terræ faucibus eruuntur: illa diversis signantur nominibus. Bitumen candidum, & subtile, naphtha vocitatur; nigrum, sætens, & amarum bituminis nomen retinet: in Judæâ purpureum invenitur, illud asphaltum dicunt, quo mare mortuum, seu lacus Asphaltides abundat. Sic pissasphaltum dicitur, quod ex pice, & asphalto compositum appareat; non, quod sit mixtura ex pice, & bitumine: sed quia communem utrique odorem sætet. Nonnunquam instar olei liquidum est, idquæ petroleum nominant; aliquando instar limi densum, & crassum existit, maltham vocant. Bitumen fossile & durum variis itidem donatur nominibus: nam gagates, lapis Thracius, obsidianus, carbo fossilis, lithantrax, terra ampelitis appellatur: quanquam fortasse tot diversis vocabus res eadem subjiciatur. Bitumen durum, & politum gagates dicitur, quod nomen à quodam Lyciæ, vel, ut placet aliis, Ciliciæ fluvio mutuatum est. Nec ferè differt à gagate lapis Thracius, qui è Thraciæ flumine colligitur: vel obsidianus, qui in Æthiopiâ à quodam Obsidio repertus fertur, cum tamen in Hispaniâ citeriore, Germa-

nia

*Arsenicum.*

*Bituminum variorum generum.*

*Gagates.*

na, & alibi passim occurrat. Terra ampelitis, cujus pulvis vermicul-  
 os, qui verno tempore vites arrodunt, enecat: pharmacitis, ex qua  
 multa parantur medicamina, carbonēs fossiles, & alia id genus vix in-  
 ter se, nisi fortè diversā coctione, & variā partium tenuitate, aut cras-  
 sitie dissident: sed diversæ nationes diversa itidem nomina illis indi-  
 derunt. Itaque hæc nihil sunt, quàm bitumen nigrum, & fossile: nam  
 accensa bituminosum odorem exhalant; contrita in pulverem, ut pin-  
 guia quæque in oleo exsolvuntur: ignem facillè concipiunt; neque  
 aqua, sed oleo extinguuntur. Eosdem quoque usus in Medicinā ha-  
 bent; exsiccant enim, & aperiunt: adde communem omnibus sevitā-  
 tem, nigredinem, splendorem, magnam cum piecæ arboris carbonil-  
 bus, quam veteres omnes observant, affinitatem. Imò crediderim bitu-  
 men liquidum ex fossili scaturire; utriusque enim eadem sunt vires,  
 eadem serè natura. Galenus quidem testatur, se in monte, qui mare  
 mortuum cingit, quosdam lapides planos, & leves collegisse, qui sub-  
 tilem flammam atque odorem bituminosum incensi reddebant: adeò  
 ut verisimile sit illos lapides nihil esse præter bitumen durum, & fossi-  
 le, quod ab aquis fervidis, & præterlabentibus dissolutum in mare  
 mortuum devolvitur.

De succini naturā, & origine multum ambigitur: quidam suc-  
 cum arboris definiunt: nam sucini nomen à succo deductum patant.  
 Alii, quorum nos sententiæ accedimus, succum quidem esse, sed bitu-  
 minosum, & fossilem contendunt. Qui succinum ex arboribus instar  
 resinæ, gummi, vel lacrymæ exoriri sibi persuadent, in diversas di-  
 strahuntur sententias. Quibusdam placet succinum ē populis arbo-  
 ribus defluere, in quas Heliadas mutatas fuisse, dum Phaëthontis in-  
 teritum deslerent, easque succinum pro lacrymis fundere Poëtæ fa-  
 bulantur. Sed faciunt imperitè, qui ab Euripide, & Ovidio ut à testi-  
 bus veritatem exigunt. Sunt qui à cedro, alii ab abietibus instar re-  
 sinæ extillari putant; atque ingentes sylvas ad litora maris Germa-  
 nici, in quo succinum expileantur, consitas fingunt. Mirum has ar-  
 bores, vel sylvas nec dum à quoquam conspectas fuisse. Nec cedri,  
 nec abietes in aliis regionibus hunc succum fundunt. Mitto ingentes  
 electri massas ex lacrymis arborum constari non posse. Non fa-  
 cillè explicabunt, quā ratione hoc resinæ genus in mare defluat, citi-  
 us frigore congelabitur, quàm in mare dilabatur. Quamobrem mihi  
 persuasum est succinum in mineralium censu esse reponendum. E fun-  
 do maris Borussici propter peninsulam Sudinorum ebullit, idque fri-  
 gore aquæ concretum, in recessu, seu refluxu maris incolæ retibus  
 extrahunt. Jam utrum sit species quædam bituminis, vel quasi flos, &  
 subti-

Succi-  
num.

subtilior pars sulfuris, quæque sint electri differentiæ, ex quibus principiis coalescat, aliis executiendum relinquo.

*Men.* Da nobis hoc, mi Simplici, & perfice, ut quæ Theophilus coarctavit, & perangustè referat, de variis bituminum generibus dilates tu nobis, atque explices.

*Simp.* Quod me vocas, aut quid hortaris, ut in illis diutius immerer, quæ conscripta sunt à multis diligenter, quæque sunt abjectiora, quam illa, quæ à vobis expectari puto. Nec mihi auctor fueris, ut curiosius inquiram in ea, quæ parvum, vel nullum momentum afferunt. Quid enim non irrideat magnorum alioqui, & nobillum Philosophorum ludicra certamina de bituminum origine. Utrum gagatis, Lyclæ, vel Ciliciz fluviolus nomen dederit: utrum inter lapides, gemmas, aut bitumina referri debeat? an eadem sit gagatis, nigri succini, lapidis Thracii, gemmæ vel lapidis obsidians, & lithantracis natura? an res eadem tot diversis vocibus signetur? an denique, quod Gesnero, & nonnullis videtur, variis duntaxat concretionis gradibus, & aliis quibusdam accidentibus discernantur? Naphta quippe liquidior est, quam excipit bitumen limosum molli luto simile; pissaphaltum sequitur, quod aliquantulum crassius existit: sed tamen instar cere digitis cedit: asphaltum majorem præ se fert duritiem: succinum nigrum, terra ampelitis, carbo fossilis, lithantrax, gagates, lapideam ferè duritiem nacta sunt. Hæc quidem omnia ex bitumine conescunt, sed varia terræ, & salium admixtio, diversa itidem coctio, tot inducunt differentias. Gagates plus olei reddit, quam ambra nigra; hæc sicciior cum sit, non tantum fumi exhalat. Qui istarum rerum intimas differentias inquirat, distillatione utatur; ea verò nec exiguo potest tempore absolvi, nec institui, nisi præparato otio: nec mihi vacat in his rerum minutis tempus impendere. Quod si Libavium, quem Theophilus cæteris Chymicis anteposit, audiamus, gagates distillatus primum aquam nitrosam, acrem, & albam exhibet. II. Oleum nigrum. III. Bitumen, quod initio liquidum, tum crassius est, & asphaltum simile ellicitur. Caput mortuum nigerrimum, & naturæ rarioris in fundo superest.

*De succi-*

*ni analysi.*

Succinum itidem distillatione resolutum aquam lacteam, & acrem præbet, tum oleum primum album, deinde citrinum, quod ultimo egreditur crassum est, & bitumini simillimum. Sal quoque candidum, quod pruinam refert, è succino attollitur: illius sapor nitrosus est, & acutus, in candentem laminam coniectum, multum exhalat fumum. Succinum vitrioli acrem saporem, cum pinguedine quâdam ingrata videtur præ se ferre, quod argumenti satis est, ut inter mineralia censatur.



featur. Bitumine quippe abundat, nec chalcantii, & nitri deest com-  
mixtio. Arborum verò lacrymæ, vel gummi ubi distillantur, nec cin-  
eres relinquunt, nec tot res, adeò, diversas præbent : non demùm tan-  
ta durities, in succum arboris cadit. Addit Gæbelius, se vidisse suc-  
cino adnatam melanteriam, vel chalcitim ; laticibz inventam esse mas-  
sam succini, quæ capitis humani molem æquaret. Odor, sapor, vires,  
colorum varietas electri, & bitumini sunt communes. Nec mirum, si  
bitumen ex imo mari exæstuans concreseat in succinum, cum oleum  
stillatitium electri, vel succini bitumen in fundo relinquat. Gagates,  
bitumen ; & alia id genus leviter incensa succinum olent ; quod si  
acriore flammâ torreantur, graviolem odorem satent, qualis est ni-  
dor sulfuris cum electro permisti. Purissimum quoque oleum succini  
vix à petroleo discernes.

Sed perturbat nos Plinii, Cornelii Taciti, atque aliorum vete-  
rum auctoritas. Hos quidem placare cupit Libavius, resellere non au-  
det. Succinum aliud esse minerale, & quasi bituminis florem ; aliud  
vegetabile & resinolum ; tertium denique ex utroque temperatum es-  
se decernit. Nam Orientale, quod instar vini Falerni tralucet, & Fa-  
lernum vocitatur, non succinum, sed quoddam aromaticum redolct.  
Hinc solvit argumentum eorum, qui electrum statuunt arboris suc-  
cum, quòd nimirum muscas sæpè, formicas, & alia animalcula visci-  
ditate suâ implicata exhibeat : quam rationem urget summo vir inge-  
nio C. Tacitus. Succum, inquit, arborum esse intelligas, quia terrena  
quædam, atque etiam volueria animalia plerumque interlucent, quæ  
implicata, humore mox durificante, materiâ eluduntur. Accedit etiam  
permagna succini cum resinis, & pice affinitas. Si naturam, inquit  
Tactus, succini admoto, igne tentes, in modum tædæ accenditur,  
aliquæ flammam pinguem, mox ut in picem refinamve lentescit. Pli-  
nius refert ex Indiis advectum electrum fuisse cum cortice. Sed quid  
obstat quominus muscas, vel alia animalia, imò & arborum cortices  
succino adhuc liquido, & oleaginoso involuta, ac veluti sepulta fu-  
isse fateamur ? Præsertim cum pisces, & piscium ova inserta, atque  
implicata succino nonnunquam reperiantur. Neque necesse est va-  
ria electri genera comminisci ; cum nullum nisi idem minerale oc-  
currat, cujus ut bituminis diversæ species numerantur. Primas qui-  
dem candido deferunt : est enim purissima bituminis portio, & odo-  
ris gratissimi. Illud excipit fulvum, seu Falernum, quod veteribus  
magno in pretio fuit ; sequitur succinum variis distinctum coloribus ;  
est quoddam oppacum, squalidum, nec colore, vel odore suave, quod  
nullo ferè habetur loco. Succinum, gagatem, ceram obsignatoriam,

*Obiectio-  
nis dila-  
tatur.*

Ggg

&amp;

& alia id genus pinguis, ac resinosa paleas attrahere fugit neminem: quæ sit hujus tractionis causa idoneo loco diximus. Spiritus acres, & oleosi affricu, vel calore excitati res obvias facillè penetrant, & visceri cum sint, tenaciùs adhærescunt; frigore coagulati ad locum suæ originis revertuntur, & secum levia corpuscula, quibus erant implicati, abducunt: vel halitus pingues erumpunt a pertis meatibus, & tanquam tenuissimi nervuli ducuntur, donec longo itinere tandem fatigati dissipantur: unde altera extremitas, quæ succino adhæret, in originis suæ locum redit, ut evenit in funiculo vehementius tenso. Quamobrem nihil necesse est ad sympathiæ, vel antipathiæ miracula recurrere, ut electricas attractiones explicemus: nam tenuis, & viscosus halitus, qui ex succino prorumpit, leviora quæque corpora corripit, iisque visco suo tenaciter adhæret; frigore verò densatus in locum suæ originis unâ cum prædâ revertitur. Hic nullus est qualitatibus locûs; effluviis, & halitibus res tota perficitur. Nec doctissimo Cabzo assentior, qui ex electricis, & bituminosis corporibus effluvia tantâ vi putat erumpere, ut ventum excedant, quo ær verberatus interjecta corpuscula in electrum desert. Mirum si ventus illa corpora potius in ipsum succinum, quàm aliud propellat. Quid est cur paleæ & arida folia in electrum impacta, ipsi adhærescant? nec verisimile est halitus pingues tanto impetu effari, ut circumfusum ærâ dimoveant. Quanto probabilius est illustri Digbæ, quam mox exposui sententia, halitus pingues è succis bituminosis calore exiguari, frigore contrahi, eumque sua spicula folio, vel paleæ infixere, tum illud corpusculum, non familiaritate quâdam naturæ, non occultâ & magicâ qualitate, sed glutine & oleosâ pinguedine irretitum in succinum ruit. Sed cur bitumina potius, quàm alii non minùs oleosi succi hæc vi attractice donantur? an quod dura hæc corpora halitus vegetiores emittunt, qui frigore contracti, non ab ære dissipantur, sed in fontem suum reflectuntur. Quare affricu lacescita fortius trahunt? an quod spiritus copiosi motu excitantur? an potius sordes frictione detergantur, & meatus aperiantur? Hinc politum succinum vim suam fortius exerit. Concretis etiam, & densatis halitibus oclusi meatus motu, & affricione reserantur. Tenuissima illa flamina nimio calore disrupti, moderato excitari satis compertum est. Vis quoque illa electrica humido cælo languidior est, sereno vegetior: nam humor aquosus illa effluvia reprimi, & poros obstruit.

Bituminosa quæque semel incensa vix frigida possunt restingui: non enim aqua facillè oleosa corpora penetrat, neque cum his permisce-



miscetur: sed affuso oleo citius extinguuntur, quod oleum suâ densitate, ac naturâ familiaritate istorum corporum subeat meatus, & flammam opprimat.

*Ment.* De naturâ, & origine succini, neque non de variis bituminum generibus satis ut opinor multa. Cum vero ad hominum commoditates tantam rerum ubertatem natura largita sit, si præcipuos tum succini, tum bituminum usus exponere non graveris, non mediocrem à nobis initurus es gratiam.

*Simp.* Expromam ut potero. Non equidem is sum, qui scientiâ De usu omnes utilitate, & emolumentis metiar: neque ignoro illas esse succini, longè diviniiores, quæ in solâ inspectione & contemplatione sui objecti posita sunt. Sed quorsum ad rerum minutissimarum cognitionem descendimus, si nolimus ex his, quosdam veluti fructus decerpere? Frustra mineralium, & plantarum anatomiam tam accuratè, & quasi superstitiosè persequimur, nisi hæc ad utilitatem nostram referamus. Succinum quidem, si retortâ concialum, cui excipulus cum aquâ præinissoria aptetur, leni & moderato calore distillem: prælim, oleum tenue, & album proliciam, cui flavum succedet, quod mutato receptaculo excipiam: tandem rubrum seorsim quoque extraham. Numquid tantum his operibus laborem impendam, ut natura succini mihi explorata habeatur. Quod si res omnes resolvere, & usque ad ultimas fibras refecare velim, quando finis? Quare longè consultius fuerit, ista olea ad corporis sanitatem, & morbos expugnandos convertere, quàm de eorum naturâ, & variis coloribus disputare. Quod si Chymicis aliqua sit habenda fides, nihil est chordi, & cerebro tam amicum, atque oleum succini repetitâ distillatione rectificatum. Balsami loco esse potest, atque illi potissimum conveniunt omnia, quæ petroleo (quod nihil est, quàm purissimum bituminis oleum) tribuuntur. Morbis ferè omnibus, qui cerebrum, & cor invadunt, medetur; apoplexiam, vertiginem, paralytim eurat; adversus venena, & pestem sumum habetur remedium; pestis tempore naribus admovetur, ut venenatum aëra procul arceat. Oleum crassiusculum succini cum unguento idoneo permiscetur, eoque membra paralytica illinuntur; contractos sæpe nervos solvit; nec mediocriter ad strangulatum uteri calculum, & hydropem confert. Dentium doloribus utilissimum quoque habetur: nam siye spiritus acres hunc dolorem afficiant; siye humores è cerebro distillati; seu denique vermes quidam dentes arrodant: succini oleum tenue, & penetrans spiritus dissipat, humoribus viam aperit, vermes enecat. Multis proluat camphora spiritu vini soluta: magna quippe est inter succinum, & cam-

De cam-  
phorâ,

camphoram cognatio : hinc Averroes ambram sive succinum camphoræ speciem definit. Et certè oleum succini camphoram redoleat ; ita ut multum in Agricolæ sententiam propendeam, qui camphoram inter mineralia, non inter gummi, vel lacrymas numerat : nec serè à Babyloniorum naphthâ differt, nisi solâ partium subtilitate. Imò quæ ex Indiâ in has regiones advehitur, factitia est, atque ex nativâ, seu ex bitumine Indico per sublimationem extrahitur. Nullus verò arboris succus sublimatione purior evadit : nam per arboris fibras, tanquam per tubulos elatus satis defæceat. Sic thus, myrrha, bdellium nullâ arte elaborata ad nos perveniunt. Sed quæ è terræ visceribus eruuntur, operam, & laborem hominum exigunt, ut fiant puriora : ex multis enim succis promiscuè confusis coalescunt, quorum alii nobis sunt utiles, alii verò infesti : atque in hoc artis Chymicæ summa consistit, ut fossilia in suas partes dissecant, venenatas à salutaribus secernant. Sulfurea imprimis, & pinguis vix pura, atque ànoxia mineralibus libera occurrunt : rarè sulfur omnis arsenici, vel vitrioli expers invenitur : quantumvis in flores sublimetur, virus suum non deponet. Neque aliter quàm salis, vel nitri spiritu acido expurgari omnino poterit. Florum sulfuris libra in cucurbitâ, seu vase vitreo unâ cum duabus libris spiritus salis collocatur ; aptato alembico, ne spiritus pereat ; primùm igne moderato, tum sensim aucto excutitur, quousque sulfur instar olei spiritui salis innatet : post aliquot horas instar vitri pellucidum extrahitur magno usui futurum : nam spiritus salis quicquid in sulfure alienum, & impurum latebat, exsolvit.

Eadem arte succini, bituminum, & omnium vegetabilium olea purgantur : nam rectificata cum spiritu salis, non modò puriora, sed etiam tutiora redduntur : suavem odorem affiant ; empyreuma, seu ignis impressionem exuunt ; crassiores faeces in fundo vasis deponunt. Sic oleum succini & gagatis purissimum & gratissimum elicitur, crassum in imo subsidit, quod à spiritu salis secretum, instar balsami vulneribus externis utile futurum est. Cum autem pleraque Chymicorum remedia vehementioris coloris vitio laborant, huic incommodò facillè possumus occurrere, si olea exstillata diversis vasis excipiantur : quod enim primum egreditur, purissimum quidem, sed idem impense est calidum, interiores sanat affectus, qui ex nimio plerumque frigore, vel obstructionibus oriuntur : est quippe penetrans & subtile. Sequitur aliud, quod ut tenuitate, sic calore aliquantulum infcrius est : utinàm tandem crassum oleum proficetur, quod interioribus morbis, minùs quidem commodum, sed vulneribus est optimum. Taceo spiritus salis beneficio ex rebus serè omnia oleum, non substantia-

modò

modò purioris, sed etiam odore, & sapore longè gratissimum, ac multo uberius quàm vulgarè methodo nos posse consequi. Quod enim ex retortâ elicitor, ut plurimum redolet empyreuma : ignis quippe gravem rebus omnibus odorem imprimit, ut videre est in rosâ per retortam distillatis. Neque illud ignis vestigium aliter deponunt, quàm spiritu acido, qui partes fuliginosas retinet. Major quoque ex rebus ferè omnibus olei copia hac arte educitur : neque enim seminum, & plantarum olea per vesicam vulgarè methodo faciliè attolluntur, cum aqua non satis habeat virum, ut delitescens in seminibus oleum solvat ; nec sat caloris, ut id sursum efferat : hinc vesicæ cupræ beneficio perpaucum elicitor, quod etiam cupri vitrioli inficitur. Copiosius quidem per retortam prodit, sed adustum, nigrum, odore ingrato, & sapore injucundo. Quapropter optimam his operationibus munierunt viam, qui spiritum salis, vel nitri acidum adhibere : quâ quidem arte ex succino, gagate, & carbonibus fossilibus oleum album, tum flavum proliciunt, nigro in vasis fundo superflite, quod instar balsami vulneribus curandis esse potest. Album verò, & flavum spiritu salis rectificata odorem spirant suavissimum, & plerisque sanant morbos, qui ex venenato aëre, obstructionibus, atque aliis ex causis scateant. Non equidem mihi excedit, quod superius attigi, sulfur, & ulcosa quæque fixo nitri liquore defæcari ; atque hac industriâ res venenatas in utilia commutare medicamina : sed aliâ inficitur viâ, quàm quidem vobis satis apertè demonstrâvi. Sulfur in pulverem comminuunt, qui alterum tantum nitri fixi adjiciunt : sulfuris libram cum duabus nitri fixi permiscant ; quibus sex aquæ libræ affunduntur ; in arena horæ spatio unâ digeruntur, tum sulfur exsolvitur, per chartam bibulam trajectum, spiritu nitri acido in tenuissimum præcipitatur pulverem, quem elutum pulmonum morbis utilem prædicant. Nihil hæc opus est de spiritu sulfuris dicere ; sed ne quid dissimulem, vix purum, & sincerum sulfuris oleum venale offendimus ; illius loco prostat vitrioli spiritus, non multum ab similis, sed viribus longè impar : nam spiritus sulfuris jucundam præ se fert aciditatem, pulmones juvat, gangrænam curat, magnos denique & multiplices habet usus, tum in Alchimiâ, tum etiam in Medicina. Campanæ vitræ beneficio perpaucum eliciunt ; citius enim incalcescit campana, nec possunt sublati vapores concrelescere. Mihi cuncta rimanti nulla compendiosior succurrit ratio, quàm in vas distillatorium superius à nobis descriptum jam candens frustulum sulfuris ovi magnitudine conficere ; occluso statim vase, spiritus unâ cum floribus in receptaculum protruditur : idq; sæpius iterabis ; spiritum à floribus per aquæ affusionem

secerne: aquam distillatione extrahes; ac reliquum erit optimum sulfuris oleum, vel spiritus: sed ista usu magis, quàm præceptis docebuntur.

## CAPUT SEXTUM.

### De lapidibus in universum.

*I. De communi lapidum materia, effetrice, & formali causâ ex communi Peripateticorum sententiâ differitur. II. Quid nobis videatur de lapidum causis proponimus. III. De principio coagulati-  
nis. IV. De calculo disputatur.*

### Alexander.



Obis quidem ista sunt pergrata, perque jucunda; & ut mihi videtur, de rebus obscuris à te dictum est, non modò dilucidè, sed etiam verbis ornatius, quàm plerique solent Philosophi. Non equidem in eâ sum sententiâ, ut Philosophus neglecta rerum copiâ, Latinitatis minutias capet; id enim puerile est, & frivola in parvis instantiâ. Præclare dixerit, si res bonas planè & perspicuè expediat; neque abhorreat ab omni politiore elegantia, nec verborum argutias affectet: obscuritatem tanquam scopulum fugiat; nec verba aliquando parere, ac nova novis rebus nomina imponere reformidet. Nam ut pulchrè Tullius, ne opifices quidem tueri sua artificia possent, nisi vocabulis uterentur nobis incognitis, usitatis sibi. Verùm hîc quoque certus est adhibendus modus: Chymici enim nimis intemperanter hoc jure abutuntur; nec satis habent loqui more quodam suo, nisi etiam nova quotidie fingant vocabula; adeo ut non tam sint rerum inventores, quàm verborum. Illis tamen vulgares Philosophi ignoscant velim, quorum scientia magis terminorum, quàm rerum explicatione continetur: magna quidem professi, in parvis versantur. Fremant omnes licet, dicam quod sentio, unius Cartesii libet omnium Philosophorum bibliothecas, & rationum pondere, & utilitatis ubertate superat. Verbis utitur non privatis, non barbaris, sed usitatis, & communibus; rerum omnium principia, mundi structuram, fiderum motus, atque omnia naturæ opera tam apertè tradit, ut post illum tacere modestissimum foret.

Th.

*Th.* Quàm sit facilis, & cuique obvia Cartesii philosophandi ratio, illi viderint, qui ejus disciplinæ arrogantiam, quasi difficillima sit, ita subnixi ambulant. Præclare de rebus cœlestibus, & meteoris tractaverit, nihil enim pugno: certè res subterraneas & fossiles parcè, ac leviter attigit. Quare licebit nobis per Cartesium de naturâ, & generatione tum lapidum, tum metallorum diligentius inquirere. Id enim sequitur, ut postquam de terris, salibus, sulfure, & bituminibus, fusiûs fortasse, quàm necesse erat, tractatum à nobis est, de lapidibus primum in universum, tum de singulis separatim agamus. Atque ut viâ, & ordine progrediamur; quæ sit communis lapidum materia, quæ causa effectrix, quæ demum forma, intuendum puto; tum de lapidum perspicuitate, coloribus, figuris, duritie, atque aliis accidentibus agendum. Placet igitur, quoniam omnis disputatio de lapidibus futura est, antè definire, quid sit lapis. Nonnulli definiunt mixtum perfectum, durum, terrestre, frangibile, non ductile, nec per se liquabile: alii paulo aliter finiunt, corpus mixtum, maximè durum, nec ductile, quod in aquâ non exsolvitur. Non enim adeò constat lapides liquari non posse, ut id extra omnem sit controversiam. Nunc quæ sit materia lapidum videamus. An fortè, ut ex vapore aquoso metalla, ita ex halitu siccò lapides concreſcunt? Sic videtur Aristoteli: an potius ex humido unctuoſo, vel ex terrâ, & aquâ subtilissimè permistis; vel denique ex succo lapidifico, per varios terræ meatus percolato lapides efformantur? Profectò eos ipsos, qui in hoc se aliquid certi habere arbitrantur, addubitare cogit doctissimorum hominum de re obscurissimâ tanta dissensio. Quòd si quid in his sequi oporteat, potior erit apud me Avicennæ sententia, qui lapidum materiam, non tenuem exhalationem cum Aristotele: non enim potest halitus siccus citra humorem in corpus durum commeare; nec solam terram, cujus partes, si omni humore destituantur, in pulverem faiscunt; nec solam aquam, quæ frigore concreſcit, calore solvitur; cum lapides vix, aut nunquam calore liquentur; non demum terram aquâ leviter dilutam, ex quâ nihil nisi lutum emergit; sed humorem viscosum & terrestrem esse putat; adeò ut continuitatem humor, terra largiatur soliditatem. Siccitas terræ humiditatem aquæ silit, ne diffuat; humor minutissimas terræ partes commisceet, & necit: hinc lutum induratum atque à superfluo humore liberatum, ad lapidis soliditatem accedit. Quòd si humor viscosus non foret, calore citò avolaret. Hinc quæ lapides pervagantur venæ, nihil sunt, quàm terra quædam exsiccata, quæ faciliè in pulverem comminuitur, quòd ab his partibus omnis humor sit exhaustus. Aristotelis sententia vix potest defendi, nisi fortè materiam

*Lapidis definitio.*

*Qua sit lapidum materia.*

teriam lapidum, non quidem proximam, sed remotiorem adferat. Quamvis non sola exhalatio sicca, ex qua nihil nisi minutissimus pulvis potest emergere; sed halitus vapore permixtus ad generationem lapidum conspiret: exhalatio tamen terrestris primas sibi partes sumit: nam terram magis, quam aquam in lapidibus abundere, hinc satis liquet, quod non, uti metalla, calore solvantur. Quod si sola in lapidibus regnaret aqua, nihil esset causæ, cur omnes fundum aquæ peterent: non enim glacies ad imum deprimitur, sed magis enatat. Quocirca lapides non aliundè, quam ex tenaci luto, vel succo lapidifico prodeunt: lutum est, ubi terra copiosior; succus, ubi aqua dominatur: nec succus lapidificus aliud est, quam aqua saxeis ramentis prægnans: hæc enim ubi calcis mineras præterfluit, calcem pulverem secum vehit, qui sæpe in gypsum, vel in lapidem specularem abit, cum exuberans aqua, vel percolata, vel calore diffusa fuerit. Quamdiu succus ille agitur speciem aquæ præ se fert, sed ubi consistit, lapidis duritiem statim contrahit. De materiâ lapidum hæcenus; nunc quæ sit eorum effectrix causa, dicere experiar.

*De causâ effectrice lapidum, ex vulgari sententiâ.* Non solus calor lapides fingit; ut placet Aristoteli: sed qui aquâ dissolvuntur, calore induruerunt; qui verò ignis violentiâ liquefcunt, ut silices, frigore obriquere: calor quidem humorem superfluum exhalat, & tantum relinquit, quantum partibus uniendis satis est; frigus verò cum aërem expellit, tum humorem fortius congelat, & conglutinat: hinc lateres, & pumices, quos calor effinxit, multis poris hiant: silices, & gemmæ occlusos habent meatus. Frustra igitur Avicenna, & Albertus Magnus ad vim quandam mineralem & plasticam consugunt; quasi lapides instar plantarum, vel animantium vi seminariâ, & formatrice donarentur. Lapis lapidem non gignit, & vis illa seminaria omnino commentitia est, & inutilis, cum solo calore, vel frigore lapidum materies transmutari possit. Sed de Alberti inconstantia longum est dicere: nam vim lapidum formatricem, in ipsâ materiâ aliquando collocat; modò illam stellis firmamenti affingit; Interdum loco ipsi, qui materiam lapidis comprehendit, illam virtutem tribuit: quæ quidem vis lapidifica primò materiam alterat, tum illam apprehendit, seu terram unguosam complectitur, & tandem superior facta terræ dominatur, & eam convertit in lapidem. Virtus verò formatrix à cœli motore, tanquam ab universali opifice dimanat, hanc stellæ determinant, atque ad certam speciem trahunt: nam ut ex planetis metalla, sic è stellis fixis varias lapidum species oriri putat. Elementa demum materiam suggerunt, & præparant; vis illa formatrix, quæ à primo motore defluit, est tanquam ars ipsius artificis, vel forma dirigens



dirigens : virtus stellarum similis est operationi manus ; sed elementa quasi instrumenta , quæ manus movet , & ars dirigit , famulantur . Hoc igitur fundamentum suæ opinionis præclarè jactum Albertus existimat . Non equidem inficior Deum ut supremum opificem , rerum , omnium ortus moderari ; cælum quoque causæ universalis nomine generationes promovere , non invitus concedam : sed variis stellarum affectibus , diversas lapidum species exoriri , nunquam in animum inducam meum ; & vehementer admiror , tantum Philosophum Chaldeorum vanitate seductum , puerilibus fabulis suos libros referuisse : quasi eadem sidera non ubique radiarent , aut stella , quæ toti lucet orbi , in unum locum potius , quàm in alium , influxus suos effunderet . An fortè cum calculi in lumbis concresecunt , stellas fixas , non lentum , & viscosum humorem , vel exuberantem calorem accusabis ? Quorsum ad causas primas , universales , & occultas confugere , cum proximæ , & continentales in promptu sint .

Omnes quippe lapides vel calor , vel frigus , vel succus denique lapidificus indurat ; sive hic corporum subeat meatus , sive plantas , vel animalia obducatur , & incrustetur ; seu demum intrinseco calore sensim concoctus , & densatus , ubi moveri cessat , statim cogatur in lapidem . Neque ulla vis lapidum effectrix ipsi loco inest : tametsi figuram fortè largiatur : nam succus lapidificus sui foci figuram induit ; adeo ut necesse non sit ad spiritum lapidificum , vel rationes seminarias recurrere . Non quòd existimem omnes omnium lapidum figuras à loco duci oportere : sed partim loci , tanquam vasis figuræ materia lapidum sese accommodat ; partim à caloris , vel materiæ diversitate oriuntur . Ubi calor æquo nisu humorem expellit , & materiam ubique sui similem subigit , tum lapides rotundat . Interim ex parvis initiis incrementa sumunt ; sive æquabiliter succus affundatur ; sive ex minutissimis compingantur arenulis . Cum verò humiditas exprimitur , non ipsius caloris vi , sed quia humor ipse sensim exhalatur , ac veluti languescit , tum lapides in diversos scinduntur angulos : idque eo serè modo perficitur , quo videmus nitrum , atque alia salium genera in varias efformari cuspides : tum enim humore paulatim ad interiora confluyente , partes leviores ad exteriora , vel angulorum apices protruduntur . Multum quoque hic fortunæ , & casui licet : nam materies lapidum exsiccata , sponte suâ finditur in varias partes ; sermè uti paludosa terra , ubi solis appulsu exarsit , ultro fatiscit , & variis linearum ductibus , diversas quoque delineat figuras , quarum rationes si curiosius investiges , nihil agas .

*Unde lapidum figura.*

Hhh

Non



Non figuram modò, sed etiam magnitudinem, & distinctionem, tum à materia diversitate, tum à loci dispositione lapides mutantur: majores enim exsurgunt, cum locus est solidus, & succi copia uberior: cum autem locus multis meatibus hiat, tum calor per hæc spiracula diffusus ipsam dividit materiem, nec tantæ molis efformantur lapides. Sic arena, & minutissimi lapilli effingi solent: quanquam arena non rarò ex aqua, quæ saxa præterfuit, colligatur.

*De lapidum perspicuitate, & coloribus.*

Hic quas tum perspicuitatis gemmarum, tum eorum causas esse putem, nunc dicere aggrederer, nisi hic locus jam alibi susè tractatus à nobis fuisset. Interim illud monuisse satis fuerit, perspicuitatem non à terrâ, sed ab aqua, vel succo purissimo dimanare. Nam terram sequitur opacitas, aqua verò pellucet, quam in pretiosis lapidibus dominari, hinc patet, quod gemmæ ignis ardoribus solvantur, cum saxa, quæ plurimum terræ obtinent, nullo liquentur igne. Crysellus itaque, beryllus, adamas, vitra sunt sincera, quæ naturæ elaboravit industria, & quam ars dare non potest duritiem, vel firmam partium adhesionem, gemmis natura concessit. Ars quippe imitatur naturam, non assequitur. Mitto alias causas, ex quibus gemmarum perspicuitas duci possit; præcipuæ tamen sunt substantiæ puritas, continuïtas, partium homogenearum in eadem rectâ lineâ collocatio. Nec diu nos morabitur alia huic proxima disputatio, unde oriatur tanta in lapidibus colorum varietas: nam de natura & distinctione colorum subtilius suo loco disseruimus: quanquam rem nondum confectam esse, neque ad exitum venisse quæstionem putem. Vix enim tibi assentior, Simplicii, colores omnes ex interno lumine emergere; neque, ut ego arbitror, una omnium colorum causa, & origo existit: nonnulli ex elementorum qualitatibus exsurgunt; quæ aduruntur, si paucò humore diluantur, nigrum contrahunt colorem: plumbum calcinatum, primò candidum fit, tum flavum, tum denique purpureum. Lapidis soli expositi plerumque virides, vel subnigri evadunt: sed qui in locis umbrosis, & opacioribus jacent, æruginosum quendam colorem præ se ferunt. Interim colores ex variâ corpusculorum figurâ, & diversâ radiorum interceptione procedunt: nam mihi persuasum est, sapissimè candorem ex multiplici reflexione, hanc verò ex multis corpusculis sphericis, oriri; idque in spumâ & nive licet intueri; quæ innumeris constant globulis: sic albi marmoris corpuscula sunt spherica, & longè minora, quàm nigri; unde illud crebriores radios regerit, hoc pauciores. Postremò lapides cum sæpe colorem servant, quem succi, ex quibus coaluere, antè obtinuerunt. Nonnunquam mineralium tinguntur halitibus. Quantum igitur complector animo, qua-

quatuor sunt potissimæ colorum in lapidibus causæ; temperamentum, varia luminis externi reflexio, quæ ex figuris corpusculorum, ex quibus compinguntur lapides, pendet; tinctura foris adveniens, quibus denique (ne tecum litigare videar) lumen quoddam intimum, & secretum, ac perspicuitatem rebus omnibus congenitam adjungemus. De materiâ, & causâ effedrice; nec non de figuris, coloribus, & perspicuitate lapidum diximus; sequitur ut unde duritiem suam, & soliditatem repetant, inquiramus. In quo mihi magnum cum Spagyricis certamen incundum est; ita ut verear, ne Simplicio Chymicorum patrono majorem largiar contradicendi libertatem, & licentiam.

*Simp.* Ego quidem nec Chymicis, neque ulli sectæ, ita addictus sum, ut mihi, velim nolim, sit certa quædam tuenda sententia. Quare ne verere quidquid istuc est, quod adversus Chymicos animo premis, nobis proponere.

*Th.* Accingor. Communis omnium Philosophorum sententia est, non lapides modò, sed etiam mixta quæcunque sint omnia, suam firmitatem, soliditatem, atque, ut loquuntur, coagulationem à terrâ repetere: seu calor ea constringat, seu frigus congelet. Metalla quidem, quæque calore solvuntur, multâ aquâ abundare fugit neminem; verum illam concretionem non aqua sola efficit, sed aquæ cum terrâ exquisita commixtio. Quare, ut id verbo complectar quod volo, in rebus solidis terra dominatur; calor, & frigus illam concretionem, ut causæ effedrices promovent; humor pinguis, & tenax, fibrarum plexus, accurata denique terræ, & aquæ permissio nihil esse, quàm causæ adjutrices mihi videntur. Qui ex succo prodeunt lapides, & gemmæ, plerumque sunt duriores; nam ex terrâ, & aquâ, subtilissimè permistis coaluere, oclusos adeò, & angustissimos sortiti sunt meatus; ita ut humor exitum non habeat. Postremò lapides, qui neque ex tenaci luto, neque ex succo lapidifico induvere, ubi longum, & vehementiorem sustinent calorem, tum humor malè commixtus apertis meatibus faciliè exhalatur, & sola remanet terra, plerumque instar cretæ alba, mollis, rara, friabilis, unde & in pulverem sponte suâ dissolvitur. Hoc lapidum genus fabricis est penitus inutile: nam soli expositi statim humore privantur suo, vel cemento suo distracti solvuntur; contra duriores, & densi ad Solem magis indurescunt; nam superflui duntaxat humor radiis solaribus extrahitur. Silices verò, quod poros habeant angustissimos, nec calcis corpuscula possint admittere, neque ad regulam secari queant, ab Architectis rejiciuntur. Marmor quidem cum patentiores habeat meatus, & rectâ dispositos, ferrâ inciditur, nec calcem recusat. Ex his igitur manifestæ sunt,

*De lapidum concretionibus, ex Peripateticis.*

concretionis, seu coagulationis, lapidum causæ: neque opus est ad salem cum impurâ Paracelsistarum fractione recurrere: salem quippe in lapidibus & metallis delitescere, magis à Chymicis disputatum, est, quàm probatum. Sed ut minuam controversiam, rem ita esse, ut volunt, concedam: quibus tandem rationibus evincunt rerum firmitatem, & duritiem ex sale potius, quàm ex terrâ duci oportere? Sal omne in aquâ exsolvitur, corpora quæque arrodit, ut in aquis stygiis videre est. Quomodo igitur figit, consolidat, ac rebus omnibus tribuit firmitatem, cum ipsum nec stabile, nec firmum existat? Quis unquam Chirurgus fractis ossibus sal adhibuit? Mallem ego ut oleosum, & bituminosum humorem coagulationis causam inducerent: nam & bitumina crescunt in lapides, & viscosus humor conglutinandis corporibus magis erit idoneus, quàm sal omni tenacitate, & soliditate destitutum. Profectò si à sale quidquid terræ, & olei inest detraxeris, nihil supererit, quàm minutissimus pulvis, qui dissolvat quidem, non adstringet corpora. Mirum etiam Chymicos coagulationem principiis potius, quàm elementis tribuere; cum illa sint subtiliora, hæc crassiora; illa spiritibus, hæc corporibus viciniora. Totæ res vacillat, & claudicat, nec quicquam efferunt constantissimè. Modò spiritus quosdam inducunt mechanicos, qui figant, & coagulent corpora; interim sal esse omnis concretionis causam defendunt acerrimè: neque hæc, neque usquam alibi sibi constant. An fortè ossa, quæ initio mollia sunt, & cartilaginea, suam à sale postea mutantur soliditatem? An potius calore sensim exsiccata, hanc contrahunt duritiem? Quid est eorum ossa, & cornua lixivii quibusdam emolliantur? Cur vitra candefacta aquis stygiis, vel cinerum clavellatorum, dilutis immersa dissiliunt? An ex eodem fonte rerum stabilitas, & dissolutio manabunt? Multi corallium quamdiu in fundo maris jacet, molle esse, & tenerum, extra aquam putant statim lapidescere. Illud sanè mihi est miraculo, salem, qui mari plurimus inest, quam cæteris conferat compactionem, ipsi corallio adimere. Sic ovorum testas statim indurescere, ubi excluduntur, autumant: numquid hanc duritiem à sale potius, quàm ab aëre sortiluntur? Imò sal exsolvitur, cum humidiori loco exponitur; non ergo ovorum putamina suam à sale duritiem desumunt. Sic laterculi, vel tegulæ ex terrâ pingui, & argillosâ, non salis vi, sed ignis calore induruerunt: nec salis copia, at terra pinguis, & tenax lapidibus materiam suppeditat. Sed enim, inquis, quores quæque sunt duriores, eo plus salis reddunt. Quem tibi hoc daturum putas? Mirum si tantum valeat ars Chymica, ut ex metallis, & lapidibus purum salem eliciat: nusquam eum mihi videre contigit.

Sed

Sed pugnare nolo, ad id enim quod agitur nihil interest, utrum calx illa, quæ ex metallis educitur, ejusdem sit cum sale generis, an potius, hoc unum habeat commune, quodd summis ardoribus exsiccata, dissolvatur in humido: id quidem mihi certum est, perparum salis ab omni terrâ expurgati ex illis educi corporibus: nec fortè ossa plus salis præbent, quàm mollis caro. Postremò, ut eundem locum sapius urgeam, in ovi albumine tantum salis non inest, ut ex eo pulli ossa, membranae, nervi, atque omnes partes compingantur.

Jam quid est, quod minùs probari possit, quàm calculum in reni. *De calculo* bus, vel vesicâ ex sale, aut tartaro concrefcere? An non monstri simile est, salem in aquâ non exsolvi, sed potius ibi lapidescere? Desipiunt scilicet Medici, qui aquas nitrosas & salsas, præscribunt his, qui laborant calculo. An quisquam conqueritur, se ex falsidulis, vel aluminosis aquis calculum contraxisse; nec certè usus salis vel immodicus, hunc morbum procreat. Accedit etiam, quodd calculus arte spagyrica resolutus, plus terræ, & pinguis sulfuris præbeat, quàm salis. Frustra recurrunt ad spiritum quendam salis, qui figat, & coagulet; cum eundem soleant spiritum confringendo calculo præcipere: ita malè instituta ratio exitum reperire non potest. Quocirca ut, quid mihi videatur, paucis aperiàm. Non una est calculi causa, sed varia, & multiplex: materia quidem est humor lentus, & pinguis, qui calore indurefcit: ex angustia meatuum; renum dispositione, & temperie; fibrarum ductu sensim coagmentatur. Sæpe ex arenulis viscoso humore conglutinatiss prodiit; arenæ verò unâ cum sero ad renes deferuntur, & prodeunt ex ciborum reliquiis, sanguinis vitio, vel hepatis ardore induratis. Neque una est omnium forma, vel natura; alii gypsum referunt, alii sunt marmorei, & duriores. Plerique adusti flammam alunt, ac tetrum spirant odorem; quod indicio est, non ex terrâ tantum vel sale, sed eos ex succo pingui, & bituminoso coaluisse: hinc persæpe bituminosum quid redolent. Libavius refert, quodd calculi contracti nucleus à se combustus, quiddam oleret faci cerevisiæ non dissimile, cujus etiam colorem referebat: fors est ut ex illius alimenti reliquiis coaluerit. Jam verò non disputo, utrum pituita crassa, & viscosa, longo, & lento renum calore exsiccata, & concocta in calculum lapidescat, ut veteres crediderunt? An fortè terrena, & limosa substantia omni humore exhausto abeat in lapidem; adeo ut serum, seu salsus & acrior succus cum terrestri materia permixtus sit, vera lapidum materies, ut Platero visum est: Utrum arenulæ ex nimio hepatis calore, cum sero sanguinis ad renes deductæ materiam calculi suggerant: id enim sabulum plerumque cum putri pituitâ

commiscetur, & nimium cunctando durefcit. Hæc Medici ipfi dijudicant: res sanè est magna, & diligenti contemplatione digniffima: fed mihi fit ineptiendi modus, neque enim tam dicendi mihi habenda ratio fuit, quàm audiendi.

*Quæ fit  
noftæ de  
materiâ  
lapidum  
fementis.*

*Simp.* Sanè quidem, ut ego judico, de lapidum naturâ & caufis dictum eft à te, non modò eruditè, fed etiam ornatè, & fententiis copiofè: adèò ut nihil ferè quod de hæc re dici poffit, mihi reliqueris. Et quidem de materiâ lapidum, non poteft inter nos effe magna contentio: nam ex tenaci luto, vel humore vifcofo, vel fucco lapidifico omnes lapides concrefcere, non ægrè conceffero. Tametsi putem, nec falem, cujus acrimoniâ terræ, & aquæ particulæ minutius conciduntur, & exquisitiùs permifcentur; nec oleofum & bituminofum humorem, qui partes diffipatas, & malè cohærentes conglutinet, excludi oportere. De fale quidem poftèa. De pingui & bituminoso humore nullus eft dubitandi locus. Quid enim aliud minutiffimas arenulas in unum corpus adstringeret? Quis ignorat, pulverem ex lapillis fluviatilibus detritum lapidefcere, cum refinæ fulz incoquitur. Sic lithocola, feu lapidefcens gluten ex calce, & adipe fuillo, vel ovi albumine effingitur. Neque extra fidem eft multos lapides bituminoso halitus, quem calor fubterraneus exexit, adunari. Hinc plerique molliores funt, quamdiu terræ conduntur vifceribus; fub dio autem durefcunt, non aliter atque ovorum putamina, & veficæ calculi. Interim calor vehementior gluten illud folvit, ut in Lybiæ regionibus; nec lapides ex his arenis nullo vinculo confertis compingi poffunt. Hæc sanè non invitus dabis, qui fuccinum, gagatem, & alia bituminofa in lapidem durefcere non ignoras; ac veficæ calculos multo bitumine abundare ex Chymicorum resolutionibus demonftrafti.

*De lapidum effe-  
ctibus cau-  
fâ.*

Sed illud moleftè fero, te nullam omnium lapidum effeetricem caufam, præter calorem, & frigus agnofcere. In quo quidem Agricola fecutus, illuftrès Peripateticos, Avicennam, & Albertum Magnum deferis, qui præter jejunas, & fteriles elementorum qualitates, quibus etiam plus tribuunt quàm necesse eft, vim quandam admittunt lapidum formatricem. Hæc vis plastica materiem nafta commodam, fimiles ubique terrarum lapides effingit. Nec video, cur Agricola Albertum omnibus vexet contumeliis, quòd ex rationibus fèminariis, non ex tumultuario elementorum concurfu lapidum formas deducat. Illud certè ne in cogitationem quidem cadit, omnium gemarum formas, figuras, diftinctiones, non aliundè oriri quàm ex vario elementorum temperamento, atque ex incertâ fluitantis materiæ concretione. Quòd fi mifcibilium formæ in mixto integrè conferventur, ut

jam

jam aliàs apertissimè collegimus, quid novam lapidis, vel mixti formam procreat, nisi ex inexhaustis naturæ thesauris, sive ex seminariis rationibus scaturiat? Quid illum calorem regit, quid frigus temperat, quid materiam colligit, quid tandem iisdem figuris gemmas ubique velsit, nisi constans, vegetus, & ubique regnans spiritus, rationibus seminariis prægnans, ac supremi artificis organum? Hinc rerum omnium varietas, & distinctio longè probabilius repetitur, quam ex instabili materiâ, vel ex incertâ elementorum crassi. Neque continuò geminis vitam vel animam affingimus; non enim individuorum propagatione species custodiunt suas; neque in seipsis, sed instar animalium, quæ ex putredine nascuntur, in naturâ communi, atque universali, sua habent semina. Exhalatio quippe spiritu lapidifico facta, ubi locum idoneum, colorem attemperatum, materiam rectè dispositam offendit; lapidem, vel gemmam effingit; gemma quidem ex succo puro, & defæcato, lapis ex impurâ, & crassâ materiâ fingitur. Neque, ut tu sumebas, crystallus, granata, atque aliæ gemmæ figuram suam à loco, tanquam à vase mutuantur: cum plures ex unâ succrescant radice; vel in eâdem matrice, ut grana in spicâ contineantur; eum denique sæpe bulbosis distinguantur radicibus. Crescunt quidem in suis fodinis gemmæ, & quo magis miscere, aliæ aliis decedentibus succedunt. Neque tamen crediderim hanc veram esse accretionem, per alimentum intus susceptum: sed eas puto per appositionem, sive incrustationem augescere: nam quæ ex succo lapidescunt, non aliter augentur. Sic vidimus gypsum novi fluoris accessu intumescere: hinc aliquando ex gypsi mineris ossa humana eruuntur, quod ante biennium his in regionibus visum est. Quapropter ut causas lapidum in summam conferam; materia pletumque est succus lapidificus, cuius puritas, perspicuitas, & nitor ex mixtione, tum elementorum, tum principiorum exquisitâ proficiscitur: ubi partes sunt crassiores & lutosæ, in lapides communes, & opacos degenerant. Opacitas verò non ex solâ terra, ut ex solâ aquâ non oritur perspicuitas: neque enim in lapide speculari, nec fortè in adamante, atque aliis gemmis aqua præ cæteris excellit elementis: cum speculari lapide nihil siccius, neque adamante quicquam sit solidius. Quare gemmarum perspicuitas magis ex continuatâ, & nullis ferè poris interruptâ partium dispositione, quam ex aquâ videtur proficisci: hanc porro continuitatem efficit miscibillum in minutissimas atomos resolutio. Siquidem cum terra, & aqua in tenuissimas particulas sunt comminutæ, & spiritu lapidifico adstrictæ, nulla relinquunt vacua spatiosa; neque adeò luminis radios sistant, nec propriis, sed uno, & communi termino clau-



clauduntur. Jam alio loco insinuatum à nobis est vitrum comminutum, vel fractum, perspicuitatem unà cum sua continuitate deperdere: charta verò, quæ multis meatibus patet, opaca est, nisi oleum affusum poros occludat. Quid porro terræ, & aquæ particulas adeò minutum concidit, nisi sal, quod aqua dissolutum terram suâ acrimoniâ, ac veluti suis gladiolis perseat, & humore exhausto in lapidem coagulat.

*Forma lapidum.*

Eorum autem lapidum non aliunde, quàm ex rationibus seminariis hauriuntur: hinc vires promunt suas: hinc constantes, & ubique sui similes sortiuntur figuras: hinc demum, si Anshelmo Boëcio credimus, tanta colorum oritur varietas. Siquidem ut figuris, sic coloribus, tanquam notis, & characteribus ab ipsâ naturâ inustis, gemmæ discernuntur: neque abhorret à vero, non figuras modò, sed etiam colores ex naturâ seminis prodire; maximè in iis gemmis, quarum constans figura, & certi sunt colores. In plantis quidem, & animalibus omnis colorum varietas non ab externi luminis reflexione, neque ab elementorum mixturâ; sed à virtute ipsâ formatrice, & plasticâ dimanat. Quid enim aliud fingi possit, quod Pavonis caudam tot coloribus illustrem exornet? Quid in illâ tot oculos vel orbes, ac veluti lunulas ita concianè delineat? An fortè ex ipso exsurgunt temperamento? Quid igitur eandem pennam diversis tingit coloribus? Unde illa tam apta, & blandiens colorum proportio? An non eadem est elementorum temperies? Sed mihi non est animus de colorum origine longam disputationem texere. Redco ad effectricem lapidum causam, quam spiritum lapidificum vocamus: nam spiritus latissimè fusus, cum in materiam duram, & minùs obsequentem incurrit, lapidem efficit, vel gemmam: atque omnis distinctio, & specierum diversitas, à seminariis rationibus, quibus natura grava est, repetitur.

*De spiritus lapidifico.*

Hic spiritus lapidificus arenulas compingit: Unde enses, solez, atque alia id genus eruntur è Rhodano, atque aliis fluminibus jam in lapides conversa: In montibus potissimum, & fluviis occultus ille regnat spiritus: hinc rarò in campis longè à fluviis, vel montibus distitis, magna invenitur lapidum copia. Unde ergo, iniquis, tot emerfere lapides, quibus Herculei campi (Crautium vocant) propè Arelatem cernuntur? Existimat Gassendus, hanc lapidum portentosam congeriem non aliunde, quàm ex Rhodani, vel Druentinx exundatione, & longâ aquarum restagnatione prodiisse. Indicio est, quòd in extremis veluti marginibus lapilli minutissimi, in medio jaceant majores. Quemadmodum sal in catino exsolutum, ubi aqua leni calore



calore exhalata fuerit, majora in medio, minora in extremis grana deponit. Illic quidem inter confertissimos lapides quoddam nascitur herbæ genus, quo pecora mirum in modum saginantur: non enim in his locis deest spiritus nitrosus, & pinguis humor. An fortè spiritus lapidificus multo sale abundet necesse est? Id sanè mihi confitendum erit, si omnem lapidum concretionem ex sale duci putem: verum illud mox video: nunc effectricem, & communem lapidum causam persequor, quæ spiritus lapidifici nomine insignitur. Non quòd ita insaniam, ut spiritus omnis magnitudinis expertes in corpora degenerare statuam; id enim perabsurdum est, atq; ab omni ratione alienum: sed spiritum voco tenuissimam substantiam, quæ ad certum corpus confirmandum destinatur. Quæ igitur abeunt in lapides, hoc spiritu correpta, tanquam aspectu quodam Gorgoneo rigescunt, cum succus lapideus corporis poros illabens, atque intima penetrans, minima quæque corpuscula occupat, & comprehendit. Sic arbores in Bohemiâ inveniuntur conversæ in lapides; sic calculi in vesicâ lamellatim incrassantur; sic visus est ante annos 55. Agendici Senonum embryo lapideus, quem 28. annorum spatio mulier gestaverat; sic denique quorundam Ruviorum fundus lapidescit. Est in Arvernâ amnis, cujus alveus lapideus sensim intumescit, quòd aquæ germine lapidifico sætè indurescant. Unde, amabo te, conchyliis lapideis procul amari, vel in ipsis occurrunt montibus, nisi natura, vel spiritus universi, qui cuncta permeat, nusquam cessat, juxta ideas sibi impressas, vel seminarias rationes, quæ nihil sunt, quàm idearum vestigia, conchas è succo lapidescente effingat? An fortè terra magnis motibus concussa, nonnunquam dehiscit, tumquæ pisces, vel conchyliis è subterraneis abyssis erumpunt, quæ spiritu, vel succo lapideo indurantur? Cum in Carthâ, inquit Seneca, talis exilisset unda, periire quicumque illòs ederant pisces, quos ignoto ante eum diem cælo, novus amnis ostendit. Nec id mirum; erant enim pinguis & differta, ut ex longo otio corpora; cœterum inexercitata, & in tenebris saginata, & lucis expertia, ex quâ salubritas ducitur. Nasci autem posse pisces in illò terrarum profundo, sit indicium, quòd anguillæ quoque latebrosis locis nascuntur: gravis & ipse cibus ob ignaviam; utique altitudo illas luti penitus abscondit. Hæcenus de causa lapidum effectricis, quam non absurdè spiritum mineralem Albertus nominat: nam hunc spiritum acutum esse, penetrantem, & salum necesse est, ut instar cæmenti adstringat, & compaginet. Illum adèò spiritum nitrosum in omni fusum esse naturâ, jam suprà ostendimus: ita ut in eo sit procreandi vis, & causa gignendi: est quippe vi prolifica, & sui assimilatrice præ-

ditus. Nonnunquam instar halitus effunditur, quò facilius subeat corporum meatus; Interim pinguis est, & sulfureus, qui corpora bituminosa, & oleosa citius permeat; sæpius humori aqueo insidet, ut terrestrem materiam ex omni parte penetret: sed nisi acutus sit, & salus, nec missionem exquisitam perficiet, nec poterit materiam pervadere, aut comprehendere.

*Sal est  
principii  
coagulati-  
onis, sed  
non solum.*

Quapropter sal tum effectricis, tum etiam materialis causæ nomine concutrit ad lapidum generationem, vel concretionem: materia quippe omni sale exhausta lapidescet nunquam: neque ex terrâ & aquâ pernitis, si salem detrahas, quicquam aliud quàm lutum prodibit. Nec conturbor subtilitate rationum, quas ex Libavio adversus Chymicorum sententiam protulisti. In quo quidem ipsius Libavii inconstantiam admirror: nam in Alchimiz triumpho acrius certè, quàm Philosophum deceat, adversus Riolanum disputans, salem esse concretionis causam multis evincit argumentis. Quòd sal metallicas solutiones cogat, cuncta induret corpora; quòd ovorum testæ, & marina conchyliæ ex sale suam repetant duritiem; quòd nitrum, & quædam lixivæ lapidescant: ut taceam de falsidulis, quarum canalibus tophi, & lapides succrescunt. Quis ignorat ligna eo esse solidiora, quo plus salis continent? Sic plurimum nistri è quercu, fago, guajaco elicitur. Quid addam de salis gemmei, vel fossilis duritie lapideæ, de concretionibus item lapideis, quæ cortinis, tum cùm muria excoquitur, adhærescunt? Calculum denique, & articulorum tophos, ex falso phlegmate durescere contra Riolanum decernit Libavius; quòd calculosi mucum sæpè reddant, qui falsus, corrosivus, & acerrimus cùm sit, linteo exceptus durescit in lapidem; quòd gustatus liquor artriticus nitro falsior appareat. Postremò non irridet modò, sed etiam conviciis exagitat Riolanum, qui negabat quicquam esse salis in sanguine, quòd illius concretionem efficeret, cùm sanguis triplici coctione, omni sale spoliatur. Quod si, inquit, natura salem separat: ergo in alimento prius inerat. Accedit etiam rem eo falsiorem evadere, quo magis excoquitur: non igitur ars, vel natura multiplici coctione salem exult. Atque hæc quidam tua sunt Libavi; sed soles in decretis tuis fluctuare. Huic equidem versatili ingenio faciliè ignoscerem, nisi eos, qui à te dissentiant, contumeliosissime vexares. Sed fortè ipsa veritate convictus, & coactus, à Chymicorum sententia destitisti: hoc ipsum excutiamus; atque ut opinor, unius, vel alterius argumenti conclusione tota causa comprehendì potest. Illud corpus consistentiam dare nequit, quòd nec firmum est, nec fixum, nec compactum, quòdque magis corporum vincula resolvit, quàm agglutinet; jam

*Objectiones.*

jam sal est ejusmodi, ut terrâ spoliatum, nec consistentiam, nec soliditatem habeat ullam; corpora potius exedat, quàm vinciat: non igitur sal figit, vel compingit lapides, quin potius subtilitate suâ eorâ compagem solvit; in aquâ vel humido aëre tabescit; nullamque nisi à terrâ habet firmitatem. Jam quid obtusius, quàm calculum ex sale compingere, cum sal in humido non soleat concreescere; cum resolutus calculus parum salis, plurimum præbeat bituminosi sulfuris; cum denique salis dulz, & aquæ nitrosæ comminuant calculum, disturbent arenulas. An fortè ex eadem causâ contrarii manant effectus? Sal calculum gignit, eumque dissolvit: ista non coherent. Huc ferè redeunt omnia, quæ Libavius colligit adversus Chymicorum opinionem; & certè illius loquacitas habet aliquid argutiarum; neque tamen difficillimum erit ejusmodi captionibus occurrere: harum, quippè omnium una depulsio est, sale esse coagulationis, & firmitatis principium, sed non solum. Verùm sal dissolvit corpora non compingit; quis hoc tibi dederit nullum sal figere, & coagulare? *Dilutum.* Quis nescit, sal aliud esse volatile, aliud fixum: illud corpora penetrare, & solvere, hoc vincire, & adstringere? Quid multa? Sal variè præparatum, diversa quoque obire munera ignorat nemo. Multo humore dilutum non concreescit; sed exhausto humore indurescit. At terra lapidibus duriem, & firmitatem potius, quàm sal impartit; calor verò exprimit humorem, & limum, qui est lapidis, vel calculi materia, indurat. Nos quidem, nec terram, nec calorem excludimus; sed terra omni sale spoliata fatiscet, neque poterit in lapidem durescere. Sal terram cum aquâ consociat, & utriusque est quasi commune vinculum: mutuis auxiliis subsistunt: nam terra sale retinet, ne in aquâ exsolvatur; sal vicissim terræ atomos coërcet, ne in minutum dilabatur pulverem.

Non inficior, calculos ex limo terrestri, seu ex alimentorum reliquiis, & quasi tartaro constari: at sale non abesse hinc conjicio, si generat quod calculi in renibus, vel vesicâ, non in aliis locis, nisi perraro gignantur. Enimverò calculum ex humore pingui & viscoso, tanquam lutum in fornace vi caloris indurescere, summa est inter Medicos consensus: sit ita sanè. At Medici communem, & remotam duntaxat, non proximam causam adferunt. Querimus enim, ex quibus elementis mucus ille coaluerit? An fortè ex solâ terrâ, & aquâ compingitur? Sed neque lutum in aquâ lapidescit; neque humor in lumbis, aut vesicâ deest. An calore induratur? Quid igitur est, cur senes calculo sæpius, quàm juvenes laborent; cum in his uberior sit calor? Cur urina reddita in matulis lapidescit, si calore, non facultatis expultricis

Imbecillitate, coacervata induratur? Cur mucus in naribus, intestinis, atque aliis conceptaculis non cogitur in lapidem? Omitto renum, & vesicæ naturam, ac siccitatem, ad calculi generationem non mediocriter conferre: sic tophi dentibus ex ciborum sordibus accrescunt, & unaquæque pars sibi familiare attrahit alimentum. Postremò generatio calculi multum pendet à certo fibrarum plexu, qui quidem à spermaticarum fibrarum textura, atque hæc à dispositione fibrarum in parentibus oritur: unde iste morbus à parentibus in filios traducitur. Non una denique est omnium calculorum natura, neque adeò una est eorum causa, vel origo: alii sunt arenosi, & scabri: alii politi, & tersti; alii demum gypsei, & friabiles: in nonnullis sal abundat, in aliis humor quidam pinguis, & bituminosus excellit. Quamobrem non una erit hujus morbi curandi ratio. Spiritus nitrosi & sulfurei utilius sæpè adhibentur dissolvendis calculis, quàm acetosi, & mercuriales. Multa facultatem expultricem irritant, & stimulant, quòd arenulas, vel lapillos protrudat; ut locustarum, leporum, scorpiorum cineres, spiritus vitrioli, quique ex nitrosis lignis, fago, quercu, buxo, & aliis per descensum educuntur spiritus. Oleum è fraxini semine, vel si illius copia non adsit, ex ipsa arbore extractum, plurimum commendat Glaberus: verum spiritu salis rectificatum, atque ab omni fæore liberatum oportet. Quod in fundo remanebit oleum crassum à spiritu salis secretum, cum cerâ permixtum, ut unguenti formam obtineat; linteo illitum, & lumbis extrinsecus appositum, non mediocriter ægrum juvare perhibet. Sed de his satis multa dicta sunt: nunc Menandrum de singulis scorpi lapidibus, si ipsi commodum est, differentem audiamus.



## CAPUT SEPTIMUM,

## De variis lapidum differentiis.

I. De magnete juxta Cartesii sententiam. II. De lapidibus seorsim sumptis, ubi de eorum formis, coloribus, & viribus disseritur.  
III De variis saxorum, & marmorum generibus tractatur.

## Menander.



Eram tibi morem, & agam quambrevissimè potero; non enim mihi est animus omnes omnium lapidum species persequi, vel in opinionum, quæ diversissimæ fuerunt, inquisitione, tempus conterere; quod sane foret longè difficillimum, & nescio an vobis futurum esset voluptati; sed illustriores duntaxat lapidum differentias percurram, eorumque originem, naturam, atque usus, cum res poscet, attingam; magis adeò, ut vobis obsequar, quam ut quicquam novi vos docere præsumam. Jam ne vagari, & errare cogatur oratio, quidquid communi lapidis notione comprehenditur, in quatuor veluti genera partiiri licet; in lapides propriè dictos, saxa, marmora, & gemmas. Aliis alia divisio placet: nam lapides, vel ex arenis compinguntur, ut cotes; vel lamellatim concresecunt, ut lapis specularis, aut talcus; vel contusi in frusta comminuuntur, ut silices, & marmora. Rursus quidam ex viventibus, alii ex vitæ expertibus erunt: illi vel ex plantis, ut corallium, vel ex animalibus prodeunt, ut bezoar ex caprâ Indicâ: hi verò vel certam, & quasi præscriptam habent figuram, ut granata & crystallus: vel nulli sunt additi figuræ, seu viles sint, & communes, seu rari, & pretiosi. Ego verò ab Agricola divisione, quam primo loco posui, non recedam, & nobilem secutus Philosophum, à Magnete, qui inter lapides principatû tenet, ducam exordium.

Quatuor  
lapidum  
genera.

Unde id nomen deduxerit, utrum à pastore quodam, qui primus in Idâ monte eum reperisse fertur; vel à Magnesiâ finitimâ Macedoniæ regione, quemadmodum Heraclius, & Hercules dictus est, quod propè Heracliam urbem frequens reperiretur, non est quòd placita, multum solliciti simus. Magnes, & ferrum ex iisdem sodinis eruntur, adeò ut multi existiment, Magnetem esse ferri matricem, & ve-

De Ma-  
gnete jux-  
ta Cartesii  
placita.

nam; ut ferrum nihil est, nisi Magnes excoctus. Profectò in Germania ferrum optimum ex Magnete elicitur, & maxima est inter utrumque cognatio. In veteri quidem meâ persuasione permanco, terræ nucleum interiorem nihil esse quàm Magnetem purissimum, cujus furculi in extimam partem subindè diffunduntur: adeò ut vis magnetica in supremâ telluris regione sit obscurior, quòd aquis, metallis, atque ipso aëre infringatur: idque non levibus indiciis, sed certis argumentis olim consecimus. Primum enim, virga ferrea, & candens vim à terrâ, in quâ jacet, magneticam haurit; adeò ut acus versoria polum suum Borealem, ad virgæ ferreæ cuspidem Australem dirigat: sic cancelli ferrei, qui terræ ad perpendicularum insunt, eâdem vi ad polos mundi directrice imbuuntur: versorium quippè ad partem cancellorum inferiorem, cuspidem suam Australem convertit. Jam quibus machinis Magnes ad se rapiat ferrum, cur ad utrumque mundi cardinem acus vi magneticâ imbuta suos obvertat polos: quare versorii polum Borealis, alterius itidem versorii polum Borealem, ut sibi infestum fugiat, Australem verò, ut amicum anxie insequatur, jam alio loco superiori stylo sumus persecuti. Placet mihi Cartesii sententia, quâ putat materiam striatam, & instar cochlearum contortam, jam sæpius à nobis explicatam, ab uno terræ polo ad alterum commeare: sed eâ lege, ut quæ per Australem polum crumpit, per eundem regredi non possit, quòd meatus offendant egressui quidem aecommodatos, non item reversioni: hinc cogitur per alterum terræ polum remeare. Cumque terra fibras habeat sibi, & axi parallelas, ex illis venulis striata materia indefinenter egreditur, quæ circa telluris globum innumerabiles circulos, & vortices agit. Subtilis quippe illa substantia poros in aëre minùs idoneos invenit: unde si in Magnetem vel ferrum incurrat, per utriusque fibrillas liberius, quàm per aërem it, redditque, & Magnetem ad utrumque telluris polum convertit. Nec mirum, si acus versoria, vel Magnes ipse ad terræ polos dirigatur; cum debilior Magnes sese ad fortioris situm componat: terram verò nihil esse quàm Magnetem ostendimus. Vis maxima in polis Magnetis viget; quòd in hæc puncta omnium fibrarum meatus, & quasi oscula definant. Polus Septentrionalis acus versoriæ alterius polum itidem Septentrionalem fugat, quòd particulæ striatæ, & contortæ ab uno polo egressæ, per alium ejusdem generis subire nequeant; quare in eum impactæ, vel resiliunt, vel ipsum versorium circumagunt, quo Australem polum ita obvertat, ut per eum commeare possint. Itaque striata materia, quam sæpè nominamus, Magnetem permeans, in orbem circumducitur, & per unum egressa polum, per alterum revertitur, ac

secun-

secundum fibras Magnetis axi parallelas fluit, & refluit. Quod ut vobis persuadeam: ecce duos Magnetes, qui suo colore ferrum referunt. Scobs ferrea circa alterum Magnetem temerè effusa sese in modum vorticum componit. Quid illam scobem tam aptè disposuit, nisi striata materia jugiter à terrâ dimanans; quæ magnetis fibrarum ductus sequitur, & per unum fibræ osculum egressa, per alterum regressi affectat. Neque hîc, ut jam aliàs monuimus, trahione, sed magis impulsu opus est. Jam polum ejusdem Magnetis Borealem eadem scobe chalybeâ obduco; quæ tanquam acicularum congeries illi ad perpendicularum insistit: huic alterius Magnetis consimilem polum admoveo; viden' ut scobem instar folliis, aut vehementioris venti difflet, ac separet: sed Australi polo alterius Magnetis admoto scobs eadem contrahitur, & quasi amicum polum completi gekit: tum striatam materiam ultrò excipit, quam priùs repellebat. Hæc sanè fieri nequeunt citrà aliquem impulsu, vel corpusculorum effluviu; nec solâ alteratione, aut occultis qualitatibus perficiuntur. Neque necesse est, ut longiori oratione demonstrarem, quo pacto striata materia à Magnete turmatim erumpat, interjectum aërem magnâ vi expellat, quo extruso ferrum in Magnetem ruit; cujus fortè motum non mediocriter promovet contorta illa substantia, quæ postquam pervasit ferrum, in Magnetem refectitur, & unâ secum ferrum desert. Jam vel ipsi judicent Peripatetici, utrum hæc natura miracula facilius per occultas qualitates, quàm per verum, & realem impulsu, explicari queant. Hîc quàm volent jocentur, plus apud me vera ratio valebit, quàm vulgi opinio: ac mihi certum est, è Magnete quiddam corporeum egredi: nam ferrum movet, impellit, trahit, densitatis, & raritatis est capax. Notum quippe est, Magnetem chalybe armatum multo majorem ferri molem ad se rapere, quòd radii confertiores, & densiores per chalybem erumpant. Tametsi dissimulare non possum, Magnetem chalybe instructum, non utique è longiore spatio ferrum attrahere, sed attractio tenacius adhærere; quòd plures ferri partes armatus tangat, quàm nudus. Quòd autem vis illa magnetica quiddam sit corporeum, non simplex qualitas, hinc constar, quòd odoris instar, vel temporis progressu, vel nimio calore evanescat. Addit Gassendus, effluviu quoddam tenuissimu è Magnete, & ferro indefinenter emitti; aded ut Magnes radios in orbem jaculetur; qui per axem ducuntur, sunt directiores, & fortiores, reliqui sunt quasi refracti, & incurvati, hi reciprocis radiis à ferro exeuntibus implicati, ferrum ipsum stringunt, & attrahunt. Hæc sanè mihi non probantur, neque ullo prorsus modo intelligo, & quod inter nos liceat, ne tu quidem, mi

Sim-



Simplici, Gassendo juratus intelligis. Non deest vobis copia rationum, quibus doceatis ferrum, & Magnetem vim illam ad polos mundi directricem à terrâ desumere: Magnetis fibras juxta telluris venas duci, atque à Septentrione in Austrum porrigi: hæc enim concedimus, & libenter quidem. Adde Magnetis declinationem in diversis locis variam existere, propter terræ fibras non uno modo dispositas: quemadmodum si virgæ ferreæ acum versoriam superinduxeris, juxta subdit ferri declinationem illa quoque à polis deviabit. Conveniat etiam inter nos necesse est, ferrum à terrâ, vel Magnete hanc virtutem non mutuari, citra aliquam minutissimarum partium immutationem: hinc ferrum quam vim uno ductu contrahit, eandem ductu contrario amittit; quod ne concipi quidem potest, nisi ferri particulæ situm mutant. Sed illud fateor, me nulla mentis contentione assequi posse, è Magnete, aut ferro effluviū quoddam jugiter dimanare, citra ullum, vel minimum ponderis, aut molis dispendium. Profecto cum Magnes vim suam ferro communicat, ferrum nihilo sit, gravius, nihil ipsi extrinsecum accedit: nam licet acus versoria cuspidem alteram inclinet, eam tamen in exquisitissimâ libellâ, cujus lancem quater millesima pars anius grani deprimebat, nihilo graviorem factam esse, Gassendus ipse expertus est. Unde ergo affricu Magnetis vim illam acus contrahit, si nihil novi accessit? Mutata, inquam, sunt ferri corpuscula striata materiæ affixu; obstantes fibrillæ depressæ viam subtili illi substantiæ aperuerunt; non aliter ac ventus Boreas segetes in Austrum, Auster in Boream insecut: sic illa substantia minutissimas ferri fibras in contrariam partem intorquet. Hæc illustranda forent exemplis, nisi aliud festinaret intentio. Nec tamen mihi possum temperare, quin majoris lucis gratiâ in hac chartâ scobem ferream in longum, atque in eandem ferè rectam lineam disponam, cui Magnetis polum Borealem obverto. Viden' ut ductu Magnetis illæ acidulæ tanquam vento perflatæ in Austrum insecutantur. Jam converso altero Magnetis polo, corpuscula erecta in Boream incurvantur. An putas ferri particulas affricu Magnetis aliter componi, cum ab illâ substantiâ, quæ è telluris globo jugiter ebullit, attolluntur, vel deprimuntur? sed hæc alio jam loco plenius tractata sunt.

*Simp.* Agis tu quidem Philosophorum, non Mathematicorum more: nam, ut rectè M. Tullius, Philosophi quamcunque rem habent in manibus, in eam quæ conveniunt congerunt omnia; & si alio loco disputata sunt: Geometræ verò, quæ antè docuerunt, id sumunt pro concessio, & probato: illud modò explicant, de quo nihil antè dictum

dictum est, sed Philosophiæ Cartesianæ studio longius te provecum scio; priusque te quis de omni vitæ statu, quam de istâ sententiâ de-  
 jecerit. Neque id nunc aggredior, ut tam leves, ne dicam ineptas  
 opiniones (bona venia me audies) resellam: id enim jam aliàs sæpè  
 præstitimus. Quis enim ferat striatam materiem ab Australi polo e-  
 gressam circa totum orbem circumduci, ut ingressum per oppositum  
 polum offendant? Cur tantos cursus circumflectit, cum omnis cochlea  
 eandem possit remetiri viam, quam decurrit: nec video, cur non pos-  
 sit remeare, per eundem polum unde est egressa. Mirum si totus aer  
 his effluviis scatcat, quæ si fortè in Magnetem incurrunt, jam cõ-  
 pto iter non pergunt, sed circa amicum corpus gyros, & quasi cho-  
 reas agunt. Verùm aliò pergamus, ac si placet infinitas illas concet-  
 tationumque plenas disputationes relinquamus; & lapidum histori-  
 am; quanto poteris compendio prosequere.

*Men.* Ne vobis tædio sim futurus, summa duntaxat rerum capita  
 decurram. Ac primùm de variis Magnetis speciebus, quæ coloribus  
 magis, quam naturâ inter se disident, mitto dicere. Vidimus non ita  
 pridem pseudomagnetem apud doctissimum virum, cujus venæ erant  
 interruptæ, & nonnihil inflexæ, nec totum lapidem permeabant.  
 Hinc scobs chalybea circa illum temere effusa, venarum ductus imi-  
 tata, dimidios duntaxat orbes, seu vortices delineabat. Taceo quo-  
 que de Theamede veterum, qui ferrum figaret. Albertus se vidisse  
 Magnetem, qui unâ sui parte ferrum alliceret, alterâ repelleret, ut  
 magnum quiddam commemorat; cum id tamen omnibus commune  
 sit: necdum enim veteribus comperti erant oppositi Magnetis poli.  
 Multa quoque commenti sunt omnino sciltia, vix digna lucubratio-  
 ne anicularum: Magnetem alio perunctum virtutem suam deperde-  
 re; eandem ab Adamante ligari, & ut ita dicam, fascinari; Magne-  
 tem aliquem inveniri, qui aurum, alium qui argentum, alium denique,  
 qui carnem attrahat. Sed ista opinionum commenta delevit dies; nec  
 ferè quisquam invenitur, qui istis fabulis fidem adhibeat. Novimus  
 quendam lapidem album nigris lineis distinctum reperiri, qui cum  
 sit mollis, & rarus facitè labiis suspenditur, & linguæ tenaciter adhæ-  
 rescit: nam humor, quo lingua perfunditur, lapidem diluit; ut vi-  
 cisim partes lapidis molliores subeunt linguæ poros. Hinc Itali,  
 istum lapidem Magnetis albi nomine insigniunt, cui certè eæ vires  
 prorsus mirabiles, quas se expertum esse testatur Cardanus, non con-  
 veniunt. Narrat ille, se hunc lapidem à quodam Empirico allatum vi-  
 disse, cui acus illita carnem citra ullum dolorem non penetrabat, mo-  
 dò, sed etiam extracta nullum vulneris vestigium relinquebat, quod

præstigiis, & magicis artibus ipse Cardanus refert. Infinita quidem jocularia & ludicra, quæ Magnetis ope exhiberi possunt, libens prætereo. Vidi, qui se aquam instar maris perpetuò agitatam exhibiturum promitteret. Scobem chalybeam aquâ forti exsolutam phialæ vitreæ imponebat, atque optimo Magnete phialam occludebat, illius collo vesicæ porcine, ne ær subiret, involuto; futurum ajebat, ut aqua fortis ferro prægnans à Magnete invitata ascenderet, mox proprio relapsa pondere, iterum assurgeret, & ita in perpetuo versaretur motu. Nihil de usu Magnetis medico subjeciam. Contritum pulverem aquæ calidæ infusum crassos humores evacuare, & hydropes curare; sanguinem sistere, atque eadem ferè, quæ Hæmatitem præstare ajunt; exsiccat enim, adstringit, consolidat.

*Hæmatites,*

Hæmatites quidem id nomen accepit, vel quòd succum sanguineum reddat ad cotem; vel quòd erumpentem sanguinem inhibeat. Hinc Trallianus magnis hunc lapidem effert laudibus, atque illius pulveris ad cotem contriti unum, vel alterum scrupulum vino infusum, præscribit iis, qui sanguinem exspuunt, & ulceratos habent pulmones: exsiccat enim, & agglutinat. In ferri fodinis, vel terris subraris passim occurrit, isque aliquando vi ferri attractrice, licet obscurâ donatur. Multas illius species recenset Plinius, nunè ferè incognitas. Lapis, cui minium nativum succrescit, secundam speciem videtur obtinere; Androdamas à Plinio vocitatur: niger est, & prædurus, ferrum, & alia metalla ad se rapere perhibetur, quòd multo abundet mercurio: magnam enim inter hydrargyrum, & metalla esse cognationem ignorat nemo. Quinta sanguinel lapidis species Schistos, vel

*Schistos,*

lapis scissilis, quòd facillè scindatur, ab eodem auctore nominatur: instar salis ammoniaci concrevit, croceus invenitur, atque ut lapis specularis pellucet: superficiem habet aliquando tersam, & ceu ferrum politum micat; interim scaber est exterius, intus micat, ut Cinnabaris. Hæmatites, & Schistos combusti colorem minii referunt, utriusque eadem sunt vires; luxuriantem carnem reprimunt, & vulneribus medentur. Quo nigrior, & splendidior est lapis scissilis, eo quoque durior censetur. Nodus Misenus nihil est quàm Schistos adeò prædurus, ut uncudi impositus, vix malleo cedat. Illo utuntur aurifices, ubi argentum inaurant, vel folia, quæ gemmis solent substernere, expoliant. Eiusdem ferè generis est Smyris, quo nihil ferè durius: hinc gemmis poliendis, & armis detergendis permagni est usus. In minutissimum contusus pulvererem, oleo vel aquâ aspergitur, quo duriores gemmas paulatim detrat, vel æruginem abstergat: hinc etiam dentibus detergendis adhibetur. Omnes isti lapides nigro, vel croceo colore

*Smyris,*

colore tinguntur, & multum de naturâ ferri referunt; in faxis, vel terris subrubris inveniuntur. Quemadmodum Galactites, Moroch-  
 thus, & Melitites. Talcus, & lapis specularis ex albis rupibus, & cal-  
 ceis eruuntur. Hæmatites, Schistos, & Smyris, cotis affricu succum,  
 croceum, vel sanguineum reddunt; ex Morochtho & Galactite succus  
 lacteus, & Melitite melleus exprimitur. Galactites ut plurimum cine-  
 rei est coloris; Melitites flavescit; Morochthus est subviridis, & ferè  
 instar gemmæ nitet. Nec fortè quicquam à Margâ indurata tres istæ  
 lapidum species differunt. Cicatrices obducunt, corporis spiracula  
 obstruunt: hinc sunt utiles iis, qui exspuunt sanguinem, distillationes  
 oculorum arcent. Nec multum ab iis discrepat Steatites; mollis enim  
 est, & sebaceus, colore tamen subruber, quamvis lineas candidas in  
 ligno ducat.

Talcus lapidis scissilis multum est affinis, nisi quod ex lamellis  
 flexilibus, & argenteis constat: neque igne, neque senio consumitur;  
 eisdem ferè usibus, quibus lapis Amiantus, seu Asbestus, potest inser-  
 vire: nam ex utroque perpetua conficiuntur ellychnia, quæ ignis  
 ardores impunè sustinent.

Amiantus quidem alumini scissili, vel plumbofo non dissimilis,  
 instar ligni fibrosus, & mollis colore candido, aut subviridi, magno  
 quondam in pretio fuit, quod ex eo confuso, atque in tenuissimas fi-  
 bras diducto quoddam telæ genus ignis patiens texeretur. Hinc li-  
 num vivum, vel asbestinum, quasi igni inconsumptibile dictum est.  
 Refert Plinius visas esse mappas, ex eo in focis conviviorum ardentes,  
 fordibus exustis splendescere magis igni, quàm possent aquis, Re-  
 gum inde funebres tunicas, quibus combusta cadavera à reliquocri-  
 nere separantur: rarum inventu, difficile textu propter brevitatem:  
 cum inventum est æquare pretia margaritarum. Ubi contunditur,  
 quendam præbet florem adedò acrem, & penetrantem, ut suis aculeis  
 instar urticæ compungat, & incredibili pruritu discruciet.

Lapis specularis talco non dissimilis, ex tenuissimis foliis com-  
 pingitur: atque instar vitri pellucet: hinc suum deduxit nomen. Hic  
 forsitan est veterum Selenites, sic dictus, quod noctu invenitur ple-  
 nus, Lunâ crescente. Selenites, ut placet Plinio, ex candido trans-  
 lucet, melleo fulgore imaginem Lunæ continens, redditque eam in  
 dies singulos, crescentis, minuentisque numero. Gemma tamen Sele-  
 nites, cujus maculæ nigræ juxta Lunæ ætatem ampliantur, qualem  
 habuisse Leo X. fertur, longè diversa est à lapide speculati passim ob-  
 vio. Tamen valdè dubiæ fidei sunt, quæ de Selenite referunt, vel He-  
 lite, cujus aurea macula solis motum subsequitur, qualem fuisse penes

Clementem VII. perhibent. Fieri tamen potest, ut tenuis halitus ad Solis, vel Lunæ motum instar humoris, qui conchyliis, vel ostris inest, crescat pariterque decrescat. Garcias ab Horto nobilis quondam apud Indos Medicus, memoriz prodidit Margaritas post plenilunium captas, cum tempore minui, & decrescere; quæ verò ante plenilunium capiuntur, huic vitio haudquaquam esse obnoxias: hinc colligit Cæsalpinus Selenitem veterum à Margaritis non differre. Sed salitur: nunquam enim veteres Philosophi uniones hoc nomine signarunt: ac de iis satis dictum sit: deinceps, ut erat propositum, de lapidibus, quibus certa est & constans figura, dicemus: atque ab Osteocollâ placet initium sumere.

*De lapidibus, quibus certa figura adducuntur.*  
*Osteocolla.*

Hic lapis diversis insignitur nominibus, & variz illius sunt distributiones. Prima, & præcipua illius species, os fractum, & combustum, figurâ, & colore refert; atque ubi comburitur, gravem urinæ odorem spirat; adeo ut nihil esse videatur præter os in lapidem conversum. Propè Hildebergam, atque in aliis Germaniæ locis quidam lapis arenosus, & fragilis invenitur, nodosus, & trunco arboris non abâsimilis; ita ut propemodum iis fidem habeam, qui eum esse quoddam plantæ genus existimant: nam in terrâ mollior est, è terra erutus indurefcit. In Marchionatu Brandeburgensi hanc plantam verno tempore foliis angustis, & subnigris panlulum assurgere, ex viro nobili refert Anshelmus. Nonnihil medullæ medium illius lapidis occupat, quâ luxatis ossibus congelatinandis nihil est utilius: Ad eundem usum adhibetur alius lapis figurâ non dissimilis, sed substantiâ solidiore: ex utrovis lapide detriti pulveris mero insusi unam, aut alteram drachmam præscribunt. Interim tamen os fractum restituitur, ligatur, & cætera quæ parari adsolent, non prætermittuntur. Eadem serè vires tribuunt lapidi distillato, qui et Stalactites, vel Osteocolla vocitatur; nam & ossa consolidat. In terrâ canalibus, vel thermarum fistulis concrefcit in pyramides duras, graves, candidas, intus micantes; Cornu Fossile, vel Ceratites non admodum abhorret ab Osteocollâ: ex Margâ, quam nihil esse, præter terræ medullam supra diximus, succo lapidifico indurâtâ plerumque oritur. Nonnunquam arborum rami hoc lacteo, & pingui humore incrassantur: ita ut infinita propè sit istorum lapidum varietas, diversæ adeo vires, & facultates. Qui pingues sunt, viscosi, & molles, cæteris præponuntur; exsiccant, & adstringunt; alvi profluviis, & sanguinis eruptioni medentur. Verum quibus gratus odor inest, ii tanquam optima alexipharmaca commendantur; pestilentes febres, & venenatos morbos profligant; unius drachmæ pondere, vino, vel idoneo insusi vehiculo, copiosum

EX-

excitant, sudorem, quo si quid veneni intus latet, foras protrudunt. Nihil addam de Cornu Ammonis, quod Arietis cornu exhibet, & succo imbutum aluminoso aureum præ se fert colorem: nihil de illo lapide, qui propè Compostellam invenitur, & cornu bovinum refert, in rotulas dissectus nigram exhibet crucem: hæmorrhagiæ utilem ferunt: nihil de Glossopetrâ, quæ serpentis linguam non pessimè exprimit. Huic lapis Ceraunius similis est, in cujus medio multa foraminula deprehenduntur: nec probabile est, eum è nubibus in terram præcipitem deijci: crediderim magis nihil esse præter cuneos, secures, malleos, vel alia ejusdem generis instrumenta in lapides conversa: nam persæpe cunei, vel securis formam lapis Ceraunius exprimit. In eodem censu reponendos puto Ombriam, & Brontiam: isti quidem non oblongam, sed hæmisphæricam nacti sunt figuram; neque aliud esse putem, quàm testudines recens exclusas, & spiritus Gorgoneo in lapides commutatas. Multa concurrunt, quæ huic opinioni favcant. Sunt enim testudinibus concolores; quibusdam testellis pulcrè distinguuntur; figura planè convenit. Ceraunil lapidia figuram ferè assequitur Belemnites, ita dictus, quod sagittæ cuspidem referat. Cum digitum magnitudine æquat, tum Dactylus Idæus dicitur, quod in Idæ monte frequens occurrat. Nonnunquam terram, lapillum, vel arculam in media sui parte gerit mobilem. Ferè adducor, ut credam, hos lapides nihil esse, quàm sagittarum cuspides, quæ spiritu, vel succo lapidifico transmutatæ fuerunt. Cum aliquantulum instar succini salerni pellucet, ac paleam subinde attrahit, tum Lyncurium vocitatur. Est quædam in iis omnibus scissura satis conspicua, quæ efficit, ut percussu faciliè in longum findantur. Quod si eos igni admoveris, cornu vel ossis adusti ingratum odorem exhalabunt. Plerique Medici eos calculo comminuendo adhibent: quæ quidem facultas illis cum multis lapidibus, & maxime cum Judaico communis est, qui olivæ nucleum formâ suâ exprimit. Variæ linearum æquis inter se spatiiis disitæ huic lapidi insculptæ videntur. Plerumque fragilis est, & mollis; intus politior, instar marmoris nitet. Huic similitimus Trochites, sic dictus quod rotæ, vel tympani figuram imitetur: fractus splendescit; variis quoque distinguitur lineis, non in longum, ut in lapide Judaico porrectis, sed à medio ad circumferentiam ductis. Cum multi unâ conjunguntur, tum lapidem efficiunt nomine Entrochum, in cujus structurâ illud est mirabile, quod inferioris Trochi radii prominentes, superioris sulcos ita concinnè subeant, ut industriâ humanâ aptati, & dispositi videantur,

Cornu  
Ammonis.Glossope-  
tra,  
Lapis Ce-  
raunius.

Belemnites.

Lapis Ju-  
daicus.

Trochites.

Entro-  
chum.



Innumerabiles sunt lapidum species, quibus vel propria figura, vel color, vel denique usus nomen dedit. Quod si omnes velimus persequi, immodici erimus, & frustra laborabimus. Neque enim magni refert nosse minutos lapides, nisi sint, vel formâ illustres, vel usu specabiles. Quamobrem libens præteribo Ostracitem, ostræis similem; Stromblitem instar limacis aquatilis turbinatum; Conchytem, instar conchæ intortum, & sulcis excavatum; Chrysitem quoque vocant, quod aureo colore fulgeat: uti Ammochryson, ex quo pulvis aureus scriptoribus utilis colligitur, lapsus est arenaceus, qui faciliè comminuitur: Ammonites ex arenæ granis, tanquam ex piscium ovis, compingitur: Hephæstites rubrò colore rutilat, atque instar speculi concavi reddit imagines. Neque expectatis, ut de silicibus, & cotibus, quibus ferrum exacutur, fufius disseram; ista quippè vobis sunt multò notissima.

*Silica.*

Plerique silices igne funduntur sique nonnihil solent pellucere, ex quibus vitra conficiuntur. Alii nec liqueunt, nec calcinantur, ex quibus typos æri fundendo fabricant; sed non nisi magno labore parari possunt: arenâ, vel Smyridis pulvere paulatim eos excavari necesse est. Qui liqueunt silices fortè multum vitri, aut metalli continent: quemadmodum pyrites, vel marcasitæ, de quibus nunc non est dicendi locus. Curvi sunt ut plurimum silices, squamis obditi, & venulis distincti: nec cædi possunt, nec sunt construendis ædibus idonei. Succus lapidescens paulatim accedens, & priori moll circumfusus silicem curvum, squamosum, & venis distinctum efficit: cumque angustissimos habeat meatus, nec calcis admittit corpuscula, nec terram patitur, sed percussus crustatim disilit.

*Cin.*

Cotes verò particulis mordacibus, & angularibus constant, quibus ferrum arrodunt, & gladium aciem exacuunt: aquâ, vel oleo perfunduntur, quo superficies earum complanata ferrum minus exadat. Multæ arbores in Germaniâ inveniuntur in cotes mutæ, quibus acuntur novaculæ: sed de his jam nimis. Transeo ad marmora, & saxa, quorum infinitæ sunt species.

*Marmor.*

Marmora, si est simpliciter breviterque dicendum, coloribus magis quàm naturâ differunt. Marmor candidum & fulgens Parium vocitant: Ophites instar pellis colubrinæ variis maculis inspergitur; huc affinia sunt marmor Augustanum, quod undulatum, & Tiberium, cujus venæ seu albi capilli dispersi jacent. An necesse est, ut de cinereo marmore, flavo, viridi, quod aliquando nigras gerit cruces, rubro quod Porphyrites, ferrugineo denique, & præduro, quod Balsates vocitatur, idque oblongum, & instar columnarum erectum ef-

fodi



fodi solet, sursus disseram, & loca, ex quibus eruuntur, designem? Malim ego de origine, duritie, & gravitate marmoris diligentius perquirere, quàm longas historias Philosopho quidem indignas contexere. Marmor ex succo benè subacto, & percolato, variis tamen exhalationibus infecto originem suam, colorum varietatem, & splendorem ducere mihi videtur. Ubi succus paulò est impurius, eique molliores, vel duriore lapilli immiscetur, tum vile, & fabricis inutile marmor eruitur, quod malleo percussum in frustula dissilit. Extractum marmor, ut ceteri ferè lapides, sensim indurefcit: ex particulis terrestribus, & multum implicatis constat: nec meatus habet nisi angustissimos; hinc illius durities & gravitas. Parum humoris, terræ permultum obtinet; unde calcinatur quidem, non funditur: nam humor prius avolat, quàm terrestres particule adeò implicatæ, & consertæ separari queant. Aquam non exsugit, quod angustiores sint pori, quàm ut illos aquæ corpuscula subeant. Porphyrites minus habet gravitatis, quod laxiores meatus obtineat: magna tamen est illius durities: nam partes illius sunt compactissimæ: hoc marmoris genus succi illabentes variis tingunt coloribus, ut in chartâ variegatâ omnibus notâ evenit: nam succus affusus, & per similes tractus discurrens, venarum quoque consimiles ductus efficit. Marmor candidum, ut Theophilus perscitè nos admonuit, minoribus constat sphaerulis: nigrum maioribus: hinc nigrum facilius perpolitur, atque ut lapis Lydius metalla probat. Heraclius enim, vel Lydius lapis inter marmor, & cotem ambigit; superficiem habet aliquantulum scabram; sed illa asperitas est penitus insensibilis: nam instar serræ metalla quidem exedit, & suis rimulis eorum tenuissima corpuscula retinet. At si illi denticuli majores forent, nunquam possent auri vel argenti particulas arrodere, & divellere. Hinc poliendo, vel secando marmori magnâ duritiæ prædito, quale est Basaltes, minutissimâ arenulâ, vel pulvere Smyridis utuntur opifices, ac ferram adhībent æream denticulis minimè incisam; aquâ identidem perfundunt arenulam, ne serra incale scat.

*De causis  
marmoris.*

*Porphyri-  
ta.*

Alabastrum ejusdem ferè cum marmore generis censetur, nisi quod mollius sit, & fragilius, atque instar gypsi combustibile; marmor pondere non cedit, sed duritiæ: nihil forsitan est, quàm marmor nondum benè excoctum. Alabastrites propius accedit ad marmoris duritiem, neque instar Alabastri humorem exsugit. Alabastrum in pulverem contritum, atque unius scrupuli pondere unâ cum lacte haustum, magnum habetur dysenterici remedium: sed cautio est, ne combustum, vel majori copâ intus assumatur, alioquin instar gypsi oscula

*Alabastris.*

*vena-*

venarum occludet, & suffocabit. Alabastrum enim præsertim mollius, quodque gladio facillè persecatur, non multum à gypso alienum est. Alabastrites in varias species diducitur: ubi unguem humanum coloribus exprimit, Onychem vocant; solà mollitie, & magnitudine à gemmâ ejusdem nominis discrepat: verùm hæc incombustibilis est; Alabastrites non item. Hinc marmor Alabandicum, cui Alabanda Cariz civitas nomen dedit, & ex quo vitra constantur, magis Alabastrites, quàm marmor censi debet. Ex Alabastrite Thebaico, vel Ægyptio aureis maculis insperso Reges olim obeliscos soli consecrabant: in Theriis Carolinis candore nitens plerumque concretum. Quod si Alabastrites cum sale fossili torreatur, & comminuitur, gravem oris, vel dentium fetorem magnâ ex parte auferet, ut testatur Plinius. Multa de industria transcurrimus, neque enim omnia colligi in tantâ rerum varietate possunt.

Nunc de saxis, quæ & majori mole, & frequentiora passim occurrunt, perpauca dicemus. Saxum ferè omne marmore mollius est, neque poliri potest, neque instar filicis liquari; cum ferro secatur, in frusta, vel in arenam comminuitur; vel in crustas, aut folia diducitur. Saxum ex arenis compactioribus, & asperis compactum ædificiis magis est idoneum, quàm illud, quod ex subtili arenulâ, & male coherente concrevit: hoc quidem facilius politur, sed in tenuem fatiscit pulverem.

#### Arena.

Arena potro (ne id mihi excidat) vel ex terrâ effoditur, vel è fluviis, vel denique è maris littoribus colligitur. Fossilis est optima, nisi quodam pinguiori succo inficiatur, vel multâ terrâ inquinetur: utrumque impedit, ne arena calci adhærescat: bituminosus succus gustu facillè percipitur. Arena verò digitis perfricta, si nullum stridorem edat, multâ abundat terrâ; maritimæ verò glarenâ plurima, seu lapillorum fragmenta immiscetur; salsedo quoque admixta illam facit deteriorem. Fluvialilis præferenda, dummodò exsiccata, & subtilis existat; fossilis utplurimum pinguior est.

#### Calx.

Jam saxa, ex quibus calx efficitur, passim inveniuntur: saxum molle, & candidum habetur optimum, præsertim si pingue sit, & multo nitro prægnans. Calx è duris conflata lapidibus utilior censetur incrustandis, vel dealbandis parietibus. Tres arenæ fossilis partes, vel duæ tantum fluvialilis arenæ cum unâ parte calcis permiscendæ esse statuit Vitruvius: quod si contrariæ testæ tertiam partem admiscueris, optimum cæmentum consequeris; & quo diutius arena cum calce commixta manet, antequam ad usum adhibeatur, eo quoque tenacior futura est; & muri in longius ævum duraturi, Veteres ex calce

&amp;

*Maliba.**Lithocol-**la.**3. 1. 1.**1.**Tophus.**Ardesia.**1.**1.**1.**1.**1.**1.**1.*

& adipe suo Maltham incrustandis aqueductibus, & castellis, ne aquæ diffuerent, consecere; calcem prius in vino extinctam adipe suo, & sicum succo temperant. Metallurgi aliud Malthæ genus ex calce, sanguine bovino, & farinâ præparant sarcindis vasis, quibus funduntur metalla, perutile. Lithocollam alii aliter parant; gemmarum ex laterum pulvere, & pice; alii ex marmoris minutissimo pulvere, ovi albumine, & pice constant, atque hoc glutine committunt marmoris fragmenta. Cæterum varii sunt, & multiplices calcis in Medicinâ usus, quos nunc persequi non vacat: sapius extincta vim illam mordacem, & urentem deponit, exsiccatricem retinet; oleo & ceræ admixta obducit cicatrices, aceto extinctio, atque identidem eluta optimum est adultis membris remedium, maxime si oleo rosæco temperetur. Calcis tres uncie in sesquialtera aquæ pluvialis extinctæ triduo una diluantur; vas subinde agita, & sine aquam per diem integrum in vase occluso quiescere; aquam linteo percolatam alio vase excipe; decem salis ammoniaci drachmas in ea exsolve, filtra; summum obtinebis, si Anselmo Boetio credimus, profundis, angustis, & cancris ulceribus, atque oculorum inflammationibus remedium, si tres guttulæ oculis instillantur. Eadem aqua cum adhuc calet, vesicium maculæ abstergi possunt.

Mitto de Topho, Ardesiâ, & aliis notissimis, vel saxis, vel lapidibus dicere. Tophus multis poris hiat, hinc illius levitas pumici similis: fors est, ut ex succo lapidescente non concreverit: sed ex granulis, quæ aqua præterfluens secum vehit: nam topi minere vix aquæ fluentis sunt expertes. Ardesiam nonnulli speciem cotis constituent; adeo ut constet partibus angulosis, quæ lumen ferè extinguunt: hinc illius nigredo; hinc faciliè cretâ inficitur: nam asperam habet superficiem, quæ suis rimulis cretæ pulverem recondit. Crustatim educitur, quod succus per varias superfusiones accesserit. Ardesiarum fodinæ multâ aquâ diluuntur, quæ quidem est nigerrima, & quasi atramento infecta, sed ubi aliquantulum resedit, limpidior fit, & salubrior;amenta quippe Ardesiæ illam aquam atro colore tingunt: sed tandem subsidunt, & una secum halitus, ac filamenta noxia præcipitant. Crustosi lapides, & cærulei, & virides, & cinerei inveniuntur; in nonnullis arborum rami, & folia, imò & integræ silvæ miro naturæ artificio depinguntur. In Comitatu Mansfeldensi quidam lapides nigri, & crustati occurrunt; quibus pisces flavi, & quasi cuprei ita concinnè insculpuntur, ut verisimile sit in eo loco stagnum olim extitisse, quo terris dilabentibus repleto, pisces aliquot exhalatione quadam minerali obriguerint: hinc cuprum opti-

num ex his lapidibus conflare testis est Agricola. Totus orbis his scatet miraculis. In Alsatiæ confiniis sunt campi fabis, pisicis, atque aliis leguminibus in lapides versis operti; ita ut non succo lapidifico, sed spiritu quodam minerali ista induruisse crediderim. Quis ignorat, plerisque in regionibus aquam puram in lapides concresecere, ex quibus domos aliquando fabricant. Sed neque omnia exequi volumus, nec de mundi mirabilibus disputationem instituimus.

*Lap. Bononiensis.*

Quamobrem nihil de lapide Bononiensi, qui in tenebris lucet, dicendum arbitror, præsertim cum doctissimus Fortunius Licetus de hoc lapide librum integrum conscripserit. Neque mihi cuncta cogitanti aliud occurrit, quam istius lapidis poros ita coarctari, ut primo elemento, seu ignitæ materiæ pateant, & cælestes globulos excludant; cumque subtilissima illa materia satis habeat virium, ut secundi elementi substantiam circumfusam impellat (in quâ quidem actione lumen consistere mihi persuasum est) non autem satis est valida, quæ terrestres particulas moveat, & separet: hinc ille ignis in Bononiensi lapide incensus lucet quidem, sed non urit; uti accidit in lignis putridis, vel piscibus sale conditis, cum exsiccare incipiunt. Placet, aliis sulfureum, & tenuissimum istius lapidis halitum luce diurnâ accendi, & non nisi post aliquot horas extinguî. Qui lumen substantiam fingunt, eam è lapide captivam servari putant. Ista quidem fusiùs differerem, nisi apud quos hæc haberetur oratio cernerem; ac subinde vereor, ne vobis tædio fuerim; neque enim in his admiscere potui aliquid nitoris: nec ingenium jactare volui, (nam in id eligi materia uberior poterat) sed propè nudam lapidum historiam tradere institui.



## CAPUT OCTAVUM.

## De gemmis.

I. De naturâ, origine, ac divisione gemmarum, & quomodo ab adulterinis geminis discernantur. II. De Crystallo, Adamante, & aliis pellucidis gemmis. III. De opacioribus & aliis minoris notæ differitur, ubi de viribus gemmarum, aut veris, aut fictis.

## Simplicius.



Ut potuit nobis tædium obrepere in tantâ rerum varietate: non ii sumus, qui inanum verborum flumine oblectemur, aut limatam quandam sermonis tenuitatem affectemus: satis politè eloquitur, qui rectè sentit, & id, quod sentit, dilucidè explicat, maxime si cogitationes suas disponere, & illustrare possit; adeò ut neque orationis siccitas animos audientium avertat, nec magis verborum, quam rerum splendorem consecrari videatur. Ego autem cûi vereor laudare præsentem, existimo tamen te non confusè, sed acutè, & subtiliter omnium ferè lapidum naturas descripsisse; ita ut nec materia latissimè fusa brevius adstringi potuerit, neque accuratius pertractari. Cûm igitur de lapidibus tam multa, tam præclare dixeris, vicissim si placet, Theophilum de gemmis differentem audiamus: sunt enim illi tam notæ, ut nulli notiores.

*Th.* Ineptiam si jubes; tamen eos, qui hoc studio tenentur, soleo ad aurifices, & gemmarios mittere, ut ista ab ipsis hauriant fontibus. Enimverò ut ad rem ipsam aggrediar, gemmam vocamus corpus mole parvum, substantiâ durum, quod vel traluceat, vel illustri aliquo colore niteat. Gradus autem gemmarum plures sunt, & species penè innumerabiles: sed ut ab illâ discedatur infinitatè, gemmas omnes in tria genera parti licet; quædam nullo colore infectæ omnino pellucet, ut Adamas, & Crystallus; hæc excipiunt aliæ itidem tralucentes, atque uno duntaxat colore insignes, ut Carbunculus. Tertio tandem loco lapides variis distincti coloribus collocantur, sive hi pelluceant, sive nihil aliud quam reluceant. Neque hîc necesse est, ut de gemmarum materiâ, origine, & effectrice causâ longiorem disputationem attexam; hunc enim locum superius jam satis expressimus.

*Quid sit  
gemma.*

*Varia  
gemma-  
rum ge-  
nera.*

De origi-  
ne gem-  
marum.

Ubique gentium inveniuntur, ex Oriente tamen, & sequentiores, & longe posteriores adferuntur. Nonnunquam in excelsorum montium jugis occurrunt; aliquando ex arenis, & fluviis; sapissime ex metallorum fodinis eruuntur; adeo ut Philosophi non ignobiles unam esse gemmarum, & metallorum originem non absurdè existiment.

Quod si aquis metallicis tantum licet, ut plantas & animales cogant in lapides; quis negare audeat magnam gemmarum partem ex iisdem aquis proficisci? Quare terra humida, & mollis aquis mineralibus scatens pretiosos lapides procreat, non sterile, & arenosum solum, quod nullo cohaeret glutine. Unde, quæso te, gemmarum color, nisi ex metallicâ exhalatione, vel iisdem aquis spiritu lapidifico factis? Qui gemmas adulterant, ii metallis ut plurimum abutuntur: hinc spuræ, & adulteratæ gemmæ, sinceris, ac genuinis aliquantum sunt graviore, nec limam sustinent, neque illis gemmis insitum splendorem vibrant. Sæpe impostores duos lapides mastiche committunt, ut mole ampliores, & majoris adeo pretij habeantur. Intersectio quoque vitro aptis imbutis coloribus splendorem augent; vel demum gemmas perforant, & colore illustri vacuum complent spatiosum, aut certis aquis suis coloribus infectis gemmas emolliunt, quò mutuatius color altius penetret, tum ignis beneficio pristinam duritiem restitunt. Joannes Bapt. de Porta, Alexius Pedemontanus, atque alii arcanorum scriptores, hanc pessimam gemmarum adulterandarum artem tradidere, quam certè in vulgus dispalescere non oportuit. Sunt qui duo vitra ex silicibus, & plumbo confata, atque idoneis coloribus infecta conglutinent: hæc porro seligunt vitra; nam quæ ex cineribus conficiuntur, faciliè pelliculam contrahunt, quæ elui non potest, atque eam ex falsæ acrimoniæ proficisci non abhorret à verosimili: si

De his  
gemmis

quid pinguedinis, lapidibus pretiosis adhaerescat, non aegrè abstergitur; non item in vitris gemmas mentientibus, in quibus etiam bullæ ignis violentiæ formantur, quæ fraudem ipsam produnt: nec tamen in omnibus hæc bullæ conspiciuntur. Quare longè tutissimum erit, gemmam ex annulo eximere, vel pondus expendere, vel denique eam limæ subjicere. Addit Agricola vitra tactu linguæ tepidiora lapidibus percipi, & colorem spargere languidiorem. Verum impostores nonnullos colores accendere; solia metallica gemmis fictitiis, ut nativis subternunt; sed adulterinis vitrum inserunt splendido colore fulgens. Imò hæc arte speciem mitiscere augent, vitro nimirum pellucido inter bracteolam metalli, & ipsum lapidem interposito. Inferius quoque lapidis portio, quæ annulo conditur, in varias superficies incisa, & complanata imaginem lapidis præbet longè ampliorem.

Multa



Multa prætereo, ne fraudes docere videar. Omitto folia, quæ gemmis subijciunt, ex metallis tenuissima parari oportere, quæ filo appensi foramini idonei furnuli, colore hyacinthino tinguntur: ubi cæruleum, vel alium colorem placet inducere, plumas addunt concolores, quarum fumo foliola metallica apto colore imbuuntur: sic buxi folia viridem colorem; lanæ coccineæ flocci consimilem reddunt colorem. Gemmis omnibus hæc folia subijciunt, quò lumen regerant fortius, & colore splendidiore fulgeant. Verùm iis omisiss, quæ ad artificum industriam pertinent, præcipuas gemmarum species, si minùs oculis, animo saltem perlustremus, ac primùm de iis, quæ pellucidæ, & omnis coloris sunt expertes, dicendum arbitror; tum de iis, quæ aliquo colore sunt illustriores, agendum.

Exordium ab ipsâ Crystallo capiemus, vel quòd sit notissima, vel *Crystallus* quòd à plerisque omnium serè gemmarum communis materies, & quasi primum rudimentum habeatur. Siquidem unà cum aliis pretiosis lapidibus occurrit, & solâ fortè mollitie ab iis, qui tralucet, distinet. Neque Plinii opinioni accesserim, quâ statuit, 'crystallum nihil esse præter aquam gelu concretam; quòd alibi non reperitur, quàm ubi hibernæ nives maxime rigent; adeò ut hinc nomen deduxerit suum. Verùm hæc sententia multiplici titulo falsi arguitur: nam aqua in crystallum abit nunquam, neque ut glacies, & alia, quæ frigore coæluerunt, calore solvitur; sed ut cæteri lapides calcinatur. Purissima quidem in rupum & montium jugis reperitur; è fodinis quoque subterraneis frequens erui solet: hexagonam, ut sæpè diximus, figuram assequitur: interim lapidibus adeò tenaciter hærescit, ut ægrè divelli queat. Frigida est & sicca, ut quæ maxime; in pulverem comminutam atque unà cum viro haustam dysenterias curare serunt. Permagis est usus: nam vitra, & pocula purissimâ ex crystallo parantur. Veneti crystallum vitro, arenâ puriori, & sale alkali temperant, ex quibus vitra exquisita constantur. Taceo gemmas adulteratas è crystallo calcinatâ, cum tribus plumbi partibus permistâ, additis quibusdam mineralibus, quæ colores idoneos conciliant, effingi. Quo purior & limpida aquæ similior est crystallus, hoc pluri ducitur: suis nævis, ut cæteri lapides pretiosi, non caret. Nam sæpè rubigo quædam lapides inficit, vel ferrens aut plumbeus color livorem inducit; aut candidior nebula, aut umbra opacior, aut denique fumus obscurior, gemmarum splendorem; & nativum extinguit colorem: crystallum umbræ, & nebulæ non rarò obscurant; aliquando inspersæ maculæ illius perspicuitatem quasi interpellant; maculam minutiore muscæ persimilem, saltem dicunt; capillus est veluti quædam scissura, quæ radios regerit, ac



perspicuitati obest. Omnis in gemma alienus color in vitio est; tametsi aureæ, & splendidæ quædam guttulæ in multis lapidibus laudantur. Præcipua crystalli dos erit perspicuitas, & nullo tingi colore. Iris est quædam crystalli species, sed paululum obscurior; hæc Solis radios sic inflectit, ut Iridis colores in pariete depingat: cum ad citrinum colorem accedit, tum pluris æstimatur, quamvis sit opacior.

*Adamas.*

Crystallo Adamas, colore & figurâ affinis quidem est, sed duritie longè dissimilis; adeò ut nullo igne, vel ferro eum domari possent veteres crediderint, atque hinc nomen suum invenerint, nam Adamantem, quòd non sit domabilis Græci dixerunt. Quamquam id falsum est; siquidem & malleo conteritur, & ignis ardoribus tandem liquatur. Nec veriora sunt, quæ de viribus Adamantis fabulantur, quòd venena prodant, ita ut præsentem veneno humescere, & quasi excludere videatur; quòd insaniam curet, vanos depellat metus, Magnetis virtutem suspendat: ista enim neque cum experientiâ conveniunt, neque ullâ satis idoneâ ratione fulciuntur. Sive Platonis Ideas, aut seminarias rationes; sive cum Hermete, atque impurâ magorum factione, stellarum influxus obtendamus: seu denique formas specificas, atque, ut loquuntur totius substantiæ occultas vires causemur, nihil quàm ignorantie nostræ patrocinia præteximus: at pudere debet Physicos à rebus valdè dubiis, aut omninò commentitilis petere testimonium veritatis. Mirari subit, Alberto Magno Hermetis, & magorum sententiam non displicuisse: quis enim tam cæcus est in contemplan-  
dis rebus, qui stellis potius quàm succo percolato, vel minerali fumo gemmarum vires, & originem referat? Sed nescio quò contagio hæc vanitas à Chaldeis ad Philosophos permanavit, qui miras & incredibiles vires gemmis ac lapidibus tribuunt, magorum, vel Alchimistarum portentosis opinionibus delusi. Quid stultius, quàm sibi persuadere lapides amorem, vel odium conciliare; fortunatos efficere; calamitates prænuntiare, atque alia opinionum monstra, quæ otiosi homines fingunt, ac nimium creduli Philosophi amplectuntur. Jam ne citra aliquam rationem desipere videantur, spiritum universi latissimè solum inducunt cum Platonis: vel certas stellas quibusdam gemmis addicunt, ut metallis planetas destinant. Quàm variè & multipliciter dispensant stellarum aspectus, cum alii sint benefici, alii infesti; alii opes, alii infortunia præfagiant; adeò, ut mirum sit, homines tantum habuisse abs rebus seriis otii, ut tam immania portenta parturierint, & inventos esse Philosophos, qui istis fabulis crediderint. Ne ipsum quidem Albertum excipio, virum alioquin doctissi-

*De viri-  
bus gem-  
marum.*

imum

mum, & multæ lectionis; at nimia credulitas tanti hominis famæ non-  
 nullam labem asperfit. Enimverò Albertum cum bonâ gratiâ dimittamus,  
 atque ad certiora veniamus. Quæ sit Adamantis, & cæterorum  
 lapidum natura, quod temperamentum, non satis liquet. Agricola ex  
 succo congelato Adamantem coahuisse putat; ita ut Crystallo & duri-  
 or, & longè frigidior existat. Anshelmus Boëtius ignem esse, & cal-  
 idum definit; siquidem in locis servidioribus, ut in Indiâ Orientali,  
 & frequentior, & præstantior invenitur: quemadmodum crystalli in  
 Germaniâ, Alpibus, atque aliis frigidioribus locis passim occurrunt;  
 in Indiâ vel rarò, vel nunquam. Adamantes quidem in Bohemiæ so-  
 dinis, & aliis Germaniæ regionibus reperiuntur, sed nothi, & vix à  
 crystallo discrepantes: nam qui hexaedricam figuram nacti sunt, &  
 molles, & crystallo simillimi existunt: globosi quidem sunt duriore,  
 sed tincturam, uti Orientales, non patiuntur. Hæc quidem notâ le-  
 gitimi à spuris discerni solent. Tinctura porro illa ex mastiche, &  
 eboris combusti pulvere temperatur, quâ quidem adhuc calefcente,  
 Adamantis infima superficies itidem calefacta illinitur, & bracteolæ  
 metallicæ imponitur; efficitque hoc pigmenti nigrioris genus, ut  
 Adamas radios fortius vibret, ac splendorem, velut loquuntur, ignes  
 vividiores jaculetur. Reliquæ autem gemmæ, atque ipsi Adamantes  
 nothi istam respuunt tincturam, neque ut Adamas perstringunt ocu-  
 lorum aciem, sed ipsius pigmenti nigredo radios sistit, vel extinguit,  
 vel denique obscuros, & languidiores regerit. Jam cur Adamas præ  
 tincturâ fiat vegetior, & acrius scintillet, cæteræ gemmæ non item,  
 aliis excutiendum relinquimus. An fortè Adamas cum sit compacti-  
 or, radios magis refringit, & longius reflectit, cum instar speculi opac-  
 itate quâdam obducitur? Hinc impostores panni serici, & nigrioris,  
 vel speculi frustulum inter metalli solium, & spurium Adamantem  
 artificiosè inferunt, quo radii fortius resiliant, & splendor vegetior  
 verum Adamantem mentiatur. Alii ex aliquot triticæ granis oleum,  
 proluciant, quo fuliginem, vel picem, vel eboris adustæ pulverem di-  
 luunt, idque facilius gemmis eâ supponunt industriâ, ut inter eas, &  
 mastichem nonnihil aëris intrecipiatur: sic enim radii luminis ante-  
 quam ipsius pigmenti opacitate extinguantur, resiliunt, atque illustri  
 fulgore vel peritis artificibus faciliè imponunt. Sed cur mastiche po-  
 tius Adamanti, quam cæteris gemmis adhærescit? Nunquid propter  
 naturæ cognationem? An potius quòd ea sit in Adamante linearum  
 structura, ut mastiches filamenta rimulas, & vacua spatiola Adaman-  
 tis occupent, & ita inter se optime conveniant? Sunt qui alias mino-  
 ris notæ gemmas, ut Amethystum, Sapphyrum, Chrysolitum laminulæ  
 ferreæ

ferreæ impositas calce vivâ, vel chalybeâ scœbe condant, & vivis carbonibus operiant, ut igne sensim aucto nativis coloribus exuantur, atque Adamantis speciem præ se ferant: nam si durities lapidi adsit, & perspicuitas, vix quicquam ab Adamante differt. Nihil addam de hujus gemmæ viribus: nam pleræque mihi suspectæ sunt, vel superstitionis, & vanitatis plenissimæ. Quis enim mihi persuadeat Adamantem furore, & infantiâ liberare, victoriam largiri, adulteria prodere, maximè si quidam characteres, vel figuræ inculcantur? Et ista quidem docent, qui sibi Philosophorum nomen inscribunt; nescio, quomodo illi superstitionis Philosophi quidvis malle videntur, quàm se non ineptos. At, inquit, magna est vis siderum, multa sunt nobis incognita, quæ non continuo sunt falsa, quanquam fugiant intelligentiæ nostræ aciem: quotus quisque stupendas magnetis vires mente assequitur? His sanè non repugno, ac totam ferè naturam tenebris esse involutam libenter concessero: sed quid stellis cum figuris lapidibus impressis? an fortè excitantur, & quasi admonentur Martis, vel Herculis figurâ, ut influentias viâtrices effundant? at multa eventus ipse comprobavit, multa docuit longinqui temporis observatio. An tu putas, ullam animum tam deliram fuisse, ut iis crederet, nisi casu nonnunquam, & temerè ista concurrerent, & forte quâdam contingerent? Verùm abeamus à nugis: placet alias gemmas crystallo affines cursim perstringere.

**Opalus.**

Nulla æquè oculis blanditur, atque Opalus, nam omnes Iridis colores tantâ varietate exprimit, ut nulla ars imitari hanc naturæ solertiam possit. Crystallos diversis quidem imbui potest coloribus, sed constantes crunt, & dispersi, nec ex eodem puncto varii colores emergent, quemadmodum in Opalo contingit: nam ut Soli diversimodè obvertitur, dissimiles quidem, sed mirum in modum temperati colores exsurgunt. Cum tralucet, atque omnes Iridis colores exhibet, vel si sit nigrior, atque instar carbunculi rutilet, magno venditur: non tanti æstimatur, cum opacior est & languidior; vel lacteo nitet candore. Nonnunquam pellucet, & Solis quasi vagam, atque errantem reddit imaginem: hinc Astroites à Plinio vocatur; Itali Girasole nominant, atque in varias diducitur species: modò caruleum colorem, modò niveum candorem præfert: varias stellulas multâ luce radiantes aliquando complectitur: interim diversis coloribus variegatur, tumque Astroitem, vel Solis oculum appellant: Opalum duritie superat, sed vincitur colorum gratiâ, & admirabili quâdam varietate. Nec me fugit, aliud esse lapidis genus, quod Asterites vulgò dicitur; lapis est opacus, coloris cinerei, in quo plures stellæ nigri-

**Astroites.****Asterites.**

ores

ores depinguntur : interim rosas, vel fluctus glomeratos ostendit. Mirari solent hunc lapidem aceto immersum sponte suâ huc atque illic impelli ; sive illius spiritus aceti acrimoniâ incitentur ; sive humor linearum ductus excavatos subeat, atque aer, dum exitum querit, lapidem exagitet. Adversus pestem, & venenatos morbos plurimum valere existimant : quatuor grana contrita idoneæ aquæ infusa præcipiunt : vermes quoque enecare, sanguinem expurgare perhibetur : adeo ut inter pretiosos lapides, si minus specie, certe utilitate maxima locum sibi vindicet. Anselmus meminit alterius cujusdam lapidis, qui in Comitatu Tirolensi invenitur, cuique stellaris lapidis, vel Astroitis nomen longè potiori jure quàm cæteris convenit : nam ex variis lapillis aptissimè inter se connexis, quasi lamellatim complingitur : atque in singulis stellulæ adeo conninè insculpuntur, ut sigillo impressas fuisse dejerares. Forma cujusque lapilli est variis angulis incisa, quibus totidem respondent stellarum radii, qui ad angulorum apices producuntur. Sed redeo ad gemmas.

Nulla oculis æquè aridit coloris suavitate, ac Smaragdus, cuius gratissimus vltor visum mirificè recreat. Orientales Smaragdi majori in pretio habentur, quod sint duriores, magis traluceant, circumfusus aëra suâ viriditate tingant : hinc majores videntur ; nam fulgor, quem circa se spargunt, auget eorum imaginem. Occidentales mole quidem sunt majores, sed dilutiori colore visum non implent, nec radios vibrant ; sale persæpè inficiuntur, aut nubeculis obscurantur ; substantiæ quoque sunt mollioris. Magnæ vires adversus venena, pestem, & alvi profluvia, huic gemmæ tribuuntur. Vulgaris dosis est sex granorum pulveris optime contusi. Nec desunt, qui Smaragdum infantium collo suspendant, quò morbum comitalem vel arceat, vel expugnet : quòd si major sit morbi vis, quàm ut profligari possit, Smaragdum dirumpi ajunt, quasi victus superstes esse nolit. Multa addunt Philosophi isti penè phanatici, quibus auctoritatem quidem nullam debemus, nec fidem adjungere. Quid enim est, quod minus probari possit, quàm Smaragdum illegitimos veneris actus non pati, sed statim confringi ? ingenium sanè lapidis mirabile, & castitas omninò incredibilis. Quinetiam demones fugat, terrores panicos discutit, memoriam firmat. A Magis quidem ista licentia, quæ potius à censore coerceri, quàm à Philosophis refelli debet. Illud quidem minus absurdum, Smaragdum hæmorrhagiam curare, si ori ; dysenterias, si ventri admoveatur ; parturientis femori alligatum, promovere ; si ventri applicetur, partum retinere. Ego verò, ut illis non accedo, qui negant, gemmas detractâ venustate quicquam habere utilitatis :  
M m m ita

ita neque earum vires tantas esse putem, quantas plerique Philosophi jactitant: vix in animum induco meum, solo lapidum contactu, non modo sanguinem sisti, sed etiam gravissimos curari morbos. Plerumque alius morborum causæ infixæ latent, quàm ut tam futilibus remediis cedant: neque ejusmodi medicamina plurimum valent adversus morbos contumaces; multa gemmarum ipsi mentiuntur, quò gemmas magno vendant.

*Prasium.* Sic Prasium, cujus viror dilutior est, quàm Smaragdi, atque hujus matrix sæpè existit, coram veneno decolorari tradunt; adeò ut pristinus color non nisi abluto restituatur. Sic Beryllum, quem Itali aquam marinam vocant, quòd viriditatem maris æmuletur (nam illius viror cæruleo temperatur) nos ab insidiis inimicorum tutos reddere falso prædicant. Illius pulverem ulceribus oculorum mederi non inficior, sed quâ virtute insidias avertat, non assequor.

*Malachitis.* Malachites itidem viridis, & venulis candidioribus ut plurimum distinctus, in pulverem contusus erumpentem è vulneribus sanguinem inhibeat, vino calido admixtus venenata curet ulcera, spasmo liberet, ventriculum malè affectum solo contactu juvet, nihil pugno: at nego eum lapidem à fulmine nos tueri. Nescio an contra fascinum aliquid possit; ista enim Theologi ipsi viderint; nos ultra naturæ limites non excurrimus. Sed neque ita sum rerum imperitus, qui negem, quicquam gemmas nisi per manifestas qualitates operari.

*Lapis Nephriticus.* Nephriticus lapis colore itidem viridi, ac vitriolum referens, brachio gestatus arenulas, & minutiores calculos non manifestat, sed occultâ qualitate protrudit, & mirâ quâdam proprietate renes æstuantem temperat. Id verò non indoctum vulgus, at magni, & nobiles Philosophi se experios fuisse testantur.

*Turchoidea.* Quod autem de Turchoide vulgò creditur, quis ferat? nempe infortunia avertere, atque in se transferre; ac vehementer demiror Anselmum Boëtium, virum pereruditum, & minimè credulum, his tamen nugis fidem quodammodo adhibere. Multum in eam propendet sententiam, demones certis lapidibus quasi illigari, ut homines variis præstigiis deludant. Narrat sibi à patre hanc gemmam dono datam (nam id quoque necessarium putant, ut Turchoides tanta patret miracula; adeò superstitio hominum imbecillitatem occupavit.) Hispani cujusdam olim fuerat, ac tùm cum viveret, hæc pulchrè nitebat: eo mortuo, quasi lapis domini sui lugeret exitum, omnem ferè decorem amisit, vili emptum pretio Boëtius annulo inseruit, ac paulatim pristinum nitorem recepit: & quò magis mirere, fractus lapis diffi-

diffiliit, cum is, qui illum gestabat, semel atque iterum summum adiit vitæ discrimen : cumque aliquando ex regio morbo convalesceret, gemma facta ante decolor, sensim splendidior evasit; ita ut ex illius lapidis coloribus futuræ sanitatis indicia colligeret. Franciscus Rueus his serè similia de Turchoide se expertum testatur. Nec forte absurdè ista explicari, atque ad naturæ leges revocari possunt, si cum ipso Anselmo substantiam hujus lapidis acriori animo consideremus : est enim mollior, nec colorem habet constantem : nihil igitur mirum, si halitu, qui è corpore jugiter per transpirationem erumpit, inficiatur ; adeo ut obscuretur malè affecti corporis vaporibus : contra splendidior futurus est, cum qui cum gestat, pulerè se habebit : & sanè hæc gemma aecti, & salis ammoniaci adminiculo primum nitorem recuperat. Quem verò fugit, tenues illos halitus, qui ex corpore continenter expirant, aecto, & sali ammoniaci affines existere : cum aeres sint, falsi & penetrabiles ? Sed cur Turchoides in magnis periculis confringitur ? cur Rubinus (ut à gemmis virentibus ad rutilantes, & sanguineas veniam) calamitates futuras suo pallore prænuntiat, ut præter cæteros se expertum tradit Gabelchoverus Andreae Baccii Scholiastes, nullâ ratione id explicari posse arbitror : neque hi auctores quanti quanti sunt, nos ita faciles ad concedendum habebunt, ut ea sumamus pro certis, quæ concedi nullo modo possunt. Ne illud quidem dabo Carbunculum, vel Rubinum morbos arcere, & Carbun-  
atraz bilis fumos discutere : nec tam præclaræ dotes in lapidem ca-  
cunt.

Rubini coccineus, & accensus est color ; matrix, & quasi illius vena cum pellucet, & roseo colore diluitur, Balatium, vel Palatium, *Balatium.* tanquam rubini domicilium dicitur. Nam Rubinus quasi alitur succo sanguineo, ; principio quidem candidus est, tum paulatim rubescit : interim parte alterâ candidum, alterâ cæruleum, vel rubrum præfert colorem, penes succorum, ex quibus cogitur, varietatem. Nec raro in iis natura ludere videtur, atque ex diversis gemmis solet unam componere. Spinelli minùs, quàm Carbunculi accenduntur. Granata minùs colorem referunt, & instar Anthracis rutilant : tamen variaz illius sunt differentiaz : quædam enim sunt nigriores, & pulerè fulgent, præsertim si argenti solium iis subjiciatur ; tum enim longè majorem splendorem jaculantur ; aliæ hyacinthino colore tinguntur. Quid etiam obstat, quominus Hyacinthum inter Carbunculi species recen-  
Mmm 2



scamus? non cum, qui instar succini flavescit, vel qui vitrum antimoni coloris suo refert; sed qui minii colore tingitur. Mitto de Atabandidis dicere, Rubinis paulò sunt nigriores. Amethystus Hyacintho vicinior purpurei est coloris, qui ferè ex rubro, & cæruleo exsurgit: pluris æstimantur quò sunt duriores: nam faciliè Adamantis speciem induunt. Contra ebrietatem commendari solent, fortè quia vini colorem imitantur. Quòd si tum Hyacinthus, tum Amethystus induriosos, vigilantes, & fortunatos efficiant, ut Philosophi nobiles prædicant; papæ, quàm magno erunt vendibiles? quanti erit pretii Sapphirus, quem cæruleus, vel cælestis color non adeò commendat, ac vires prorsus incredibiles. Nam pudicitiam confert, in pulverem comminutus oculos nimio humore diffuentes exsiccant, inflammationes temperat, hæmorrhagiam inhibet; unà cum lacte potus febres malignas, & venenatas, nec non interiora curat ulcera; lapis ipse vel fronti admotus sanguinem è naribus erumpentem sistit. Nulla adeò gemma est, quæ omnes ferè morbos non eliminet; ita ut mirum, sit in tantà remedium ubertate homines mori posse.

Quid memorem gemmas aureo colore fulgentes, in quibus Topasus excellit? veterum quidam Topasus pellucet, & viridi colore, sed dilutiore oculos pascit: cum aureo colore fulget Chrysolithus, vel Chrysoprasus dicitur. Hic bilem, & nocturnos horrores, nec non ipsam phrenesim curat; ille verò aurcus, & pulcrè nitens eadem ferè operatur miracula; morbum etiam comitalem, atque alios ex atrà bile ortos depellit; ipsis dæmonibus terrori est; audaciam, constantiam, impertitur, ingenium exacuit. Verùm hæc pariter cum cæteris explodantur, neque in istis nuntiis resellendis tempus frustra conteramus, ne laboriosè ineptire videamur.

Nunc ad gemmas opaciores descendam, quarum quædam ex parte pellucet, ut Sarda, quam carneolam, vel corruptâ voce cornalinam nominant, quòd subrubram carnem referat. Sardonyx, ex Sardâ, & Onyche quasi componitur; circulis ut plurimum nigris, albis, & sanguineis distinguitur. Onyx verò id nominis obtinuit, quòd unguem humanum colore, & splendore exprimat: aliquando eeu cornu politum refulget, & albis venulis inspergitur, quæ vario plexu oculi figuram imitantur. Chalcedonius lapis quædam fuit olim Carbunculi nigrioris species, nunc ad Onychem referri solet; durus est ut qui maximè; levi, & nebuloso colore per totum corpus fuso imbitur: aliquando nonnihil purpureascit, vel cæruleo diluitur colore, tumque pluris æstimatur: sed nunquam rubeus color à nigro secernitur; alioqui Sardonix futurus est.

Jam



Jam alia sunt gemmae, quae minimè tralucunt, sed nihil aliud quàm relucunt, in quo censu Achates, & Jaspidis varia genera reponuntur. Achates non quidem ut Onyx varis circulis cingitur, sed quasdam gerit lineas discoloris, quae suis ductibus arbores, fluvi-  
 os, & animalia pulchrè exprimunt. Hinc varia sortitur nomina: nam Dendrachates vocatur, si arboris, Corallachates, si corallii formam gerat: cum hæc gemma formam oculi nobis exprimit, tum Oculi bellè dicitur: siquidem nigrior pupilla suâ Iride cincta medium lapidis cætera candidi occupat, & varii colores miro distinguuntur ordine, adeo ut non temerè, sed doctâ naturæ manu appòsiti videantur. Jaspis porro, ut Achates in diversas species diducitur, si varietas colorum differentiam inducat: ut plurimum viridis est, & cum aliis gemmis sæpè confunditur: aliquando enim cum Achate, Interim cum Onyche, vel cum Sardâ permiscetur. Illustrior Jaspidis viridis speculæ punctis, aut venulis sanguineis distinguitur, nunc Orientalis Jaspis, olim Heliotropium, auctore Plinio, dicebatur, quòd hæc gemma aquæ immersa radios solares, quos regerit, in sanguineum colorem mutare videatur. Non committam, ut istorum lapidum vires silentio præteream. Ac primum de Onyche auctores non consentiunt: quidam enim sensus vegetiores cum reddere, ac perturbationes animi sedare perhibent: alii tristitiam, & terrores inducere asserunt: sed ita, ut præsentè Sardâ, vel Sardonyche, non noceat: siquidem hæc gemmæ animum exhilarant, & quò magis mirere, libidinum æstus temperant, fascinos ameliuntur: quòd si Cardanum audimus, litigantibus victoriam, & omnibus opes largiuntur. Sardæ pulvis austero vino infusus adversus dysenteriam, & humorum corruptionem præcipitur. Non dissimilia de Chalcedonio lapide promittunt, maxime quòd tristitiæ nubila discutiat. Albertus de Onyche refert, quòd admotus oculis, si quid pulveris, aut sordium inciderit, abstergit: Idem de Sapphiro se expertum esse tradit, postquam aquæ immersus fuerat. Ego quidem arbitror omnes ferè gemmas, dum teris sint, & politæ, idipsum præstare: sed illud magis miror, quòd de Sapphiro se comperisse testatur, qui carbunculos, vel anthraces fugaret: vel quòd ait de Smaragdo, qui, ut jam insinuatum à nobis fuit, impudicitia adeò est impatiens, ut in ipso veneris actu frangatur: illud tamen experimento Regis, qui tum Pannoniæ imperitabat, comprobare conatur. Eadem ferè alii de Sapphiro referunt: fors est ut spiritus acerrimi, & penetrabiles, è toto corpore prodeuntes, gemmas, vel inficiant, vel disrumpant. Verùm longius evagor. Achatem tradunt venenis resistere, adeò ut illum lapidem nido suo substernat aquilæ, quò pullos à venenatis animantibus

tutetur: febricitantium ore, vel manibus contrēctatus immodicam, ut ferunt, sitim restinguit. Jaspidis præsertim rubri, & nullo alio colore infecti vires, & majores sunt, & certiores: nam collo appensus omnem sistit hæmorrhagiam, ut sæpe à se compertum testatur Boëtius, ac multas refert historias, quas nunc non est narrandi locus. Ex nova Hispania obscurior quidam Jaspis sanguineis maculis inspersus advehitur, quo sanguini sistendo nullum esse remedium efficacius ferunt. Ex eadem quoque regione lapidem tersum & nigrum adferunt, qui umbilico admotus hystericum morbum sanat. Jaspis viridis è collo suspensus, ita ut tangat os ventriculi, mirum in modum stomachum corroborat, sanguinem inhibet, hydropem, & febres, quæ ex debili concoctione oriuntur, arcet; aliquando epilepsiâ liberat, & variis (ut putant) medetur morbis. Iisdem planè viribus præditum, esse Heliotropium autumant. Mitto futes, & penè aniles fabulas, quæ de hoc lapide Plinii temporibus jactabantur; scilicet quòd invisibilem eum, à quo gestabatur, redderet: alii fingunt Heliotropium tantum fervorem aquæ, cui immergitur, conciliare, ut in vapores mox instar pluvie relapsuros exhaletur. Nec major debetur fides Alberto, qui aquam ferventem Topaso injecto statim deservescere, idque à quodam suo sodali experimento compertum fuisse asseverat. Heliotropium non rarò Smaragdi, Prasii, & aliarum gemmarum viridantium matrix est, & quasi vena: inter Jaspidis species principatum obtinet, nisi Jaspidi formas quasdam nemorum, vel animalium natura impresserit; tum enim pluri ducitur. Mensam ex Jaspide, atque aliis gemmis compositam eâ solertiâ construi jussit Rôdolphus secundus, ut nemorum, arborum, & florum imagines pulcrè à naturâ insculptas redderet; hocque opus inter mundi miracula recensere non dubitat Anselmus illius Imperatoris Archiater: nam singulis gemmis tanquam tessellis inerat colorum gratia, & varietate suâ mirificè oculos pascerebat; neque ullum commissuræ vestigium apparebat. Jam, mihi videor satis de iis dixisse gemmis, quæ minùs sunt ad usum aptæ, quàm ad ornatum decore.

#### Lazuli.

#### Lapis Armenus.

Nec clam me est, alios esse lapides non specie quidem suâ, sed usu spectabiles, quorum omnium naturam & formas non vacat describere. Illustris est lapis Lazuli opacus quidem, sed instar Sapphiri cæruleus, atque aureis maculis inspersus; adeo ut cælum sideribus ornatum exprimat. Colorem in igne non ponit, cum lapis Armenus huic persimilis constantem in igne colorem non servet. Ex illo tinctura cœlestis, quæ vulgò ultramarina dicitur, auro pretiosior educitur. Armeno quoque lapide pictores utuntur, & cæruleum præbet.

colo-

colorem, qui sensim in viridem degenerat. Contritum lapidem identidem abluunt, atque in aquâ limpida, in quâ gummi Arabicum exsolutum fuerit, agitant; pulvis subsidit; aqua alio excipitur vase, & dilutiorem subinde colorem exhibet. Quâ verò industriâ ex lapide Lazuli pretiosum illum extrahant colorem, nunc dicerem, nisi id Anselmus à Boot, quem sæpè nomino, fusissimè exposuisset. Quod ad utriusque lapidis in Medicinâ vires attinet, quartanam, epilepsiam, & apoplexiam curare creduntur: sed præcipue lapis Armenus morbos omnes ex atrâ bile ortos domat; ni sæpius eluatur vomitum ciet, sed ablutus humores melancholicos per alvum dejicit: atrium scrupulorum pondere assumitur.

Restat, ut, quantum potero, brevissimè decurram lapides, qui ex rebus animatis educuntur. Ex veteri gallo gallinaceo extrahitur lapis Alethorius, coloris ut plurimum cærulei; hunc ore gestatum ajunt sitim restringere, & victoriam impartiri nugantur. Sunt quædam in Italiâ aviculæ, Romani palumbellas vocant, ex quibus lapilli eruuntur, qui calculum comminunt: in pulverem minutissimum contunduntur; semidrachma hujus pulveris unâ cum scrupulo cinnamomi, & tantundem florum sambuci juscule infusa per octiduum assumitur. Lapilli ex percâ, cyprino, & aliis piscibus extrahi ad eundem adhibentur usum. Sic cancri, qui exuvias ponere gestiunt, lapillos præbent, qui contriti in pulverem frangunt calculum. In vesiculâ felleâ animantium concreverunt calculi, quos adversus venena multum valere putant; maximè, qui ex boum felle eruuntur. Judæi, & Turcæ hos lapides diligenter exquirunt, quòd eos naribus admotos epilepsiæ paroxysmos inhibere arbitrentur. Tunicatim verò, & quasi per membranas solent concrevere: non secus ac lapis Bezoar præter cæteros insignis, & si vulgo credimus, viribus planè admirabilis: ex capris Indicis, vel Persicis colligitur, eumque in ventriculis gerunt. Non abhorret à vero, istum lapidem ex humore viscoso cujusdam herbæ croco similis compingi: novo enim accedente succo, ex parvis Initis tandem concrevit. Omnis adèò hujus lapidis virtus ex herbis aromaticis dimanat: hinc quæ pascuntur in montibus capræ, longè præstantiores præbent lapides, quàm quæ in planitie degunt; sæpè in ipso quasi lapidis centro herbæ suavam odorem afflantes reperiuntur: hinc tantæ vires adversus venena, pestem, & morbos penè omnes, qui cor ipsum invadunt, vel ex putredine oriuntur. Vermes enecat, quartanæ, & comitali morbo medetur: infantibus duoduntaxat grana; sex vel octo adultis, aquæ acetosæ, vel alteri idoneæ infusa solent præscribi. Ex capite bufonis lapillum hæmisphæricum

**Borax.**

cum obscuris maculis distinctum, coloris cinerei, vel subnigri aliquando extrahi plerique auctores referunt: Boracem vocat Albertus; alii Batrachitem, nostri (*Crapaudine*): crediderim istos lapillos in campis potius, quam in bufonum capitibus occurrere; atque haud scio, an tantum valeant adversus venena, quantum vulgo prædicant. Coram veneno sudare ajunt: idem planè asserunt de lapide, qui serpentis ovum vocitatur, & nihil est, ut arbitror, quam ovum testudinis in lapidem commutatum. Nec miram, si gemmæ quædam venenis admotæ exsudare videantur; cum id commune sit omni lapidi terfo, & frigido, ut aëri calidiori expositus humescat; nam spiritus, vel halitus calidi densantur occurso frigidi corporis, atque in aquam

**Lapis Chelidonium.**

resolvuntur. Boraci similis est Chelidonium lapis, nisi quod mole minor existit; aliquando subnigri, nonnunquam subrubri coloris invenitur: illum ex hirundinibus extrahi falsò putant: sed id præpuius vero existimo, quòd hirundines hujus lapilli beneficio exoculatis pullis visum restituant. Nam si pullorum oculos acu confixeris, futurum quidam ajunt, ut matres istorum lapidum operâ oculorum usuram, pullis reddant. Cassendus vir alioqui non multum credulus, ejusmodi historiam refert, quâ persuadet, non herbâ Chelidoniâ, ut vulgò credunt, sed lapillis subrubris visum pullis hirundinum restitui: hunc adèò lapidem quâdam naturæ cognatione omnes oculorum dolores amoliri putant, si globulo aureo inclusus, vel è collo pensilis gestetur. Quinetiam illius vires contra insaniam, & epilepsiam mirificè efferunt. Cæterum ut hirundines Chelidonium lapidem, sic aquilæ

**Ætites.**

Ætitem ad usum quidem diversos usurpant; sive ut serpentes, & venenatos animantes fugant; sive ut faciliùs parturiant, in nidis reponunt suis. Lapis est rotundus, coloris subnigri, minutiozem alium lapillum, qui nonnunquam pellucet, vel terram pinguem, & margæ similem complectitur; cortice siliceo obducitur: brachiis alligatum, sætum retinere; femori verò appositum partum accelerare sibi persuasum habent. Marga verò, vel terra pinguior, quâ Ætites quasi prægnans invenitur, terrâ sigillatâ vix habetur inferior: nam febres malignas, dysenterias, venenatos denique morbos, ne peste quidem exceptâ debellat: sed sæpius est eluenda, & aquæ acetosæ, vel spiritui vitrioli infundenda. Geodes inter pretiosos lapides numerari non

**Geodes.**

debet, quamvis Ætitem referat, atque induratum arenulam intus contineat. Sic Enhydros, qui aquam in sui medio recondit, nullius ferè usus habetur. Hæc multa de Margaritis, & Coralliis subjicerem, nisi ista alterius essent loci. Quare nos ad metallorum contemplationem accingamus: digna res est, cui aliquot horarum opellam demus: verum-

rum.

runtamen de his à prandio. Non equidem vos prolixè accipiam.: nec quicquam paravi, præter quotidiana: sic enim inter nos convenerat. Jam lavemus ac discubamus. Ipsa adeò Philosophia, ut paulisper fileat, est exoranda.

## CAPUT NONUM.

## De metallis in universum.

*I. De metallorum materiâ diversa opiniones conciliantur. II. De metallorum generatione. III. Utrum in diversas species deducantur.*

*Menander.*



Sedemus jamdudum otiosi; surgamus paulisper deambulaturi, ac disputationi nostræ finem aliquando imponamus: in hæc viridi, opacâque ripâ exspatiantes, tum interdum residentes, de metallorum naturâ, origine, & usu uberius, quàm soleant plerique Philosophi, disseramus; hi quidem contrâ quam polliciti, profectique sint, quidvis potius docere, quàm veram Philosophiam videntur. Neque abditas rerum naturas evolvere, sed barbaras voces barbarius explicare moliantur: eandem ferè omnes cantilenam occurrunt: paucis commutatis verbis eadem à pluribus scripta sunt sæpius. Ex illorum certè lectione surgo non doctior, sed irritatior ad contentionem. Vanis quæstionibus indormiunt; puerilia quædam, conserantur: uni Aristoteli litare volunt, quem discerpunt miserè, & in suas quique partes distrahunt. Cùm tamen non tam auctoritatis in disputando, quàm rationis momenta quærenda sint.

*Simp.* Rectè tu judicas: sed vercor, ne plura in diversum pecces: illi enim Aristotelem sequuntur, qui sanè ab optimo non plurimum, abest, & luminæ fuit apud veteres auctoritatis: tu verò unum Cartesium admiraris, omnibus anteponis, maximè diligis. Fuit certè vir magnus, & acutus: sed neque mihi Sibyllæ folium erit, quiddid ille dixerit; neque necesse est, ut Philosophi, quâ veteres, quâ recentiores huic fasces submitant. Mallem te solutum esse, & liberum, nullivè sectæ addictum. Profectò me illorum pudet, qui Philosophiam solâ terminorum explicatione metiuntur; intima naturæ arcana vel transili-

N n

unt,

unt, vel supinè & oscitanter pertractant; ita ut nec quicquam ex eruditâ Aristotelis scholâ; neque ullum ex veteribus legisse; sed tantum ex indicibus, & dictatis codicibus sapere videantur. Optarem sane, ut aliquem controversiarum facerent modum, atque ætatem in libris nollent conserere; studiosius antiquos legerent: ex iis enim liceret optima quæque decerpere, in ordinem disponere, proprium adhibere iudicium, non aliena tantum exscribere. Aristotelem, ut præcipuum Philosophiæ fumen sequi tutissimum est, veruntamen ab eo licet nonnunquam dissentire: supervacuum enim foret in studiis longior labor, si nihil liceret melius invenire præteritis. Nec pigeat aliquando multorum in unum conferre inventa, & plurima experiri: nam Philosophiæ naturalis pars vel maxima constat experimentis, non vanis disputationibus continetur. Siquidem, ut ad propositum nostrum revertar, cum agitur de metallorum naturâ, & origine, credam potius Alchimistis, Docimastis, atque iis, qui metalla effodiunt, liquant, & examinant, quàm umbraticis, & otiosis Doctoribus, qui tremulo cantu frangunt subsellia, nec quicquam experti, ratiunculis quibusdam ex Logica depromptis communem metallorum materiem fingunt, vel halitum nescio quem cum Aristotele; vel terram aquâ permistam cum Agricola, & Scaligero; vel cineres aquâ perflus cum Arabe quodam nomine Gilgile. Irrident verò Chymicos, qui metalla componunt ex hydrargyro, & sulfure. Quod si salem cum Paracelsi, vel arsenicum cum Gebero, vel denique terram chalcanthosant, cum aliis adjungas; statim convicia audies: nam maledictis sæpius quàm rationibus velitantur. Nec verò timendum est, ne iis, qui metalla tractant, expurgant, & resolvunt, temerè fidem adhibeamus.

*De metallorum materia.* Aristoteles quidem ea dicit, quæ probari minimè possunt, metalla scilicet, & lapides ex vapore, instar pruinae concrefcere. An velorum materia metallorum, quæ, ut refert Agricola, 60. pedum altitudinem plerumque superant, ex halitu condensato prodire? mirum si tenuis vapor lapides penetrat, & tam patentes diducit venas. Quæro an fumus ille antequam frigore concrefcant, naturam, & speciem obtineat metalli, an nondum etiam, sed expectandum erit, dum instar pruinae, vel roris cogatur? Enimverò frigus nihil generat, partes quidem divulsas colligit, at nulli rei formam præbet. Ergo halitus nondum concretus jam metallum fuit. Quod si ita sit, latet adhuc metallorum generatio; nec dum enim satis constat, quid illi fumo metallicam speciem dederit. Is quidem vapor è succo metallico exhalatur, quemadmodum hydrargyrum sublimatus in fumum diffatur, atque instar pruinae vasi adhærescit: sic vapor ex aquâ sublatus in aquam relabitur:

neque



neque fumi, si qui sint in mineris, aliundè quàm ex ipsis metallis erumpunt. Adi eos, qui venas perreptant, & metalla effodiunt; roga an instar pruinæ ex fumo, quem Sol evexit, densetur: vix risum eorum effugies. An Solis calor tam altè penetrat, ut tantam vaporum copiam sursum offerat? huc & illuc se versent Peripatetici licet, nihil in fodinis offendent, quod metalla ex vaporibus condensari fidem faciat. Nec tenuissimus vapor in corpus densissimum ita repente abit, quin priùs succi mollioris speciem induat: natura enim ab uno extremo ad aliud non statim evolat, sed per gradus progreditur. Fateor equidem in mineris metalla instar roris aspersa nonnunquam occurrere: sed id perraro evenit, cum scilicet mercurialis humor calore subterraneo effertur. Quòd si ea foret metallorum origo, ejusmodi aspergines in omnibus fodinis invenirentur; vel certè longè essent crebriores: neque ex iis, quæ vix, aut nunquam eveniunt, firmissimum argumentum desumitur. Mixta quidem imperfecta formantur ex sublatis vaporibus, qui conjugio instabili uniuntur: sed nego plantas, animalia, lapides, metalla denique cogi ex fumis levissimis.

Hoc igitur, ut opinor, dabitis, metalla non ex vaporibus, sed ex succis, ut mixta serè omnia, quæ perfecta vocitantur, condescere. Et quoniam omnia persequimur, (volumus sanè) intueudum est, utrum ex aquâ & terrâ subtilissimè permistis, an potius ex hydrargyro, & sulfure metalla exsurgant; res sanè est plena dissensionis, atque haud scio, an dijudicari unquam possit; ita sunt contrariarum rationum paria momenta. Terram quidem, & aquam ad metallorum generationem conspirare, nemo ibit inficias, nisi quis ita absurdus sit, ut illa ex elementorum albo expungat: sed aquam esse terrâ uberiorem quidquid Scaliger reclamet, cum universâ Philosophorum manu arbitror. Hoc enim inter lapides, & metalla interest, quòd in illis terra, in his aqua sit copiosior: hinc metalla liquantur, & ductilia sunt, non item lapides, in quibus regnat siccitas: nec malleo produci possunt, quòd præ siccitate resistent, & percussi dissiliant. Metalla verò humidiora cum sint, non faciliè comminuuntur, sed percussa cedunt, & malleo obsequuntur. Taceo metalla frigore coagulari, quòd in iis humor dominetur. Jam ut ad ea, quæ magis sunt contròversa, veniam: humidum illud, quo abundant metalla, aquosum esse nequit: non enim madefacit, nec faciliè exhalatur: quare illud tenax est, & viscosum, cujus partes inter se confertæ sunt, & colligatæ. Sic humidum primum animantibus viscosum à naturâ concessum est, ne calore citius evolare. Terram verò, & saltem cum illo humore pingui, & viscoso

*Metalla  
ex terrâ  
& aquâ  
composita,  
sed non  
solis.*

exquisitissimè commixta esse, hinc licet conijcere, quòd metalla sola nec madefaciunt, neque instar olei diffuunt: terra enim admixta humorem terminat, neque eum effundi, vel aliis corporibus sinit adhærescere. Terra igitur ad metallorum generationem concurrir, sed non sola. Propius verò sentit Agricola, qui aquam jam ab aliis elementis affectam, & alteratam in metallis prævalere arbitrat, quàm Scaliger, qui in iis plus terræ, quàm aquæ inesse putat: nam quæ terrea sunt, ignis ardoribus indurantur, non liquefcunt. Neque Gilgilis ferenda sententia est, quâ metalla ex aquâ, & cineribus instar vitri conflare existimat. Præterquam enim vitrum fragile est, nec tanta sunt in fodinis ipsis incendia, quæ terram in cineres redigant, illud quoque accedit, quòd vitrum non extraneo, sed insito, atque adversus ignem contumaci humore constat; neque aqua cum cineribus ita permisceri potest, ut ex iis vitrum, vel metallum concrefcant. Sed explicatâ Chymicorum sententiâ, ista corruent, universa. Quapropter metalla neque ex vaporoso halitu, neq; ex aquâ, & terrâ; sed ex mercurio, sulfure, & chalcanthoso sale prognata arbitror.

*Sententia  
Chymico-  
rum  
astruuntur.*

Primum verò vos credere sulfur commune, & fœtidum, ut vulgarem hydrargyrum statui à nobis metallorum principia: hæc enim sunt sulfuris, & mercurii metallici recrementa; vel certè materies cruda, indigesta, & depravata, quam virtus mineralis, & plastica in metalla excoquere, ac maturare non valuit; magna sanè est metallis omnibus vel cum sterili hydrargyro societas: nam in hoc solvuntur; atque in substantiam fluxilem mercurio similem, quæque frigore non figitur, artificum industriâ reducuntur: idque ipse faterur Erasus (ut Alchymistarum inimicum potissimum nomen) qui se huius rei testem oculatum sistit. Metallorum quoque proprietates hydrargyro conveniunt: nam in aquâ stygiâ exsolvitur, calcinatur, metallorum colores induit: hoc solum ab iis dissidet, quòd sit fluxilia, & fugax; tamen si plumbi fumo, atque ipso sulfure induretur. Ad damne in venis auri, & argenti auctore Plinio inveniri, atque è cadmiâ argentiferâ, & bismuto copiosum elici? Omnes ferè morbi, qui fossiles invadunt, ex argento vivo scaturiunt. Aquæ etiam, quæ metallorum venas alluunt, argento vivo plerumque insidicunt: hinc circa fauces multam colligunt pituitam. Quare meâ quidem sententiâ mercurius materiam, & pondus; sulfur tincturam, & formam metallis confert: nam sulfur ad eorum compositionem pertinere Alchymistæ ferè omnes consentiunt. Metalla quippe præter aurum omnia comburi possunt, & dum excoquuntur, sulfureum odorem naribus afflant. Nulla vena, dum torretur, non foetet, & fumum exhalat sulfurcum. Ex omni

*Metalla  
ex hydrar-  
gyro &  
sulphure  
constare.*

pyritic (lapis est metallis prægnans) sulfus exstillatur. Vidi, inquit Albertus, quod in monte æris ligna viridia ad lapidem æris appodiata, Lib. 1. de statim cremabantur, propter abundantiam sulfuris, & pinguedinis e-  
min. gredientis de lapide æris.

Neque obscurum est, quid soleant objicere; sulfus omne esse com-  
bustibile, metalla verò dum eliquantur, non incendi; absurdum esse  
pinguedinem in iis fingere, quæ flammam non concipiat, quæque nullo  
sensu, nullâ ratione percipi possit. Diu est, quod Albertus hanc dilu-  
it objectionem, duplici sulfuris adhibitâ distinctione; aliud enim  
est extrarium, impurum, & sæculentum, quod ignem non sustinet; aliud  
rebus ipsis intinuum, exquisitè permixtum, optimè digestum, &  
ignis patiens. Vino ipsi quædam excrementitia, & sulfurea pingue-  
do innatat; sed aliud est pinguis humor per totum vini corpus solus,  
qui nonnisi distillatione elicitur. Norunt artifices methodum, quâ  
sulfur commune ex fugaci fixum reddant, & incombustibile. Norunt  
et metallis oleum pingue, & sulfureum extrahere. Exquisita mercurii  
cum sulfure permixtio mercurium figit, ne calore statim avolet, atque  
hydrargyrus sulfur ab ignis violentiâ tutatur. Argentum vivum &  
sulfure indurari, præter cætera cinnabaris demonstrat, quæ ex sulfu-  
re & mercurio concrevit; hic omnibus metallis tanquam materia sub-  
sternitur; illud formam, & tincturam præbet.

*Men.* Ego planè vellem me arbitrum inter Philosophos, & Chy-  
micos datum: nam rebus, ut mihi videtur, conveniunt, verbis discre-  
pant. Aristoteles ex vapore, & halitu; alii ex terrâ & aquâ; Chymi-  
ci ex sulfure, & mercurio metalla compingunt: nonnulli saltem, vel  
arsenicum, vel chalcanthum adjiçunt: in omnibus ratio consentit,  
oratio pugnat. Siquidem Philosophi remotam, Chymici proximam  
adferunt materiam: illi inquirunt primam metallorum originem; cum-  
que ex vapore halituoso mixta omnia prodeant, atque in eum resolu-  
vantur, non absurdè hic fumus primum fossilium rudimentum, & ma-  
teria constituitur. Quod si in sublimi aëre aliquando generentur me-  
tallorum ramenta, ut historiarum monumenta prodidere: neque eò  
quicquam pervenire potest, præter vapores aut fumos; palam est, me-  
talla ex halitu in terræ visceribus concreto efformari. Adde metalla,  
atque eorum venas filatim, & quasi pedinatim concrelescere, quod  
omnibus mixtis, quæ ex densato halitu gignuntur, commune est. Ne-  
que assequor, quomodo succi crassiores permisceri queant, nisi iidem  
in vapores dissidentur. An terrâ cum aquâ ita commisceri potest, ut in  
minimas partes utrumque elementum concludatur, quemadmodum  
mixtionis leges exigunt, nisi prius in tenuissimos halitus diducantur?

*Diversa  
opinioner  
conferuntur.*

Albertus ipse, qui Alchimistis plus satis indulget, ac metalla ex pingui, & viscoso humore compingit, in sententiam Aristotelis vel invitus desabitur. Is enim cum de loco generationis metallorum edisserit, aurum in lapidibus duobus modis inveniri docet: aliquando per totum lapidem quasi diffunditur, eumque flavo tingit colore; interim venas duntaxat auro prægnantes conspicimus: cujus discriminis causam reddit: nimirum quod fumus, ex quo aurum, & reliqua metalla prodire, per lapidis meatus discurrens sensim congeletur. Cum igitur lapis est porosus, tum fumus ille mineralis illius substantiam, penetrat, & cum eo confunditur; sed ubi solidior est, & compactior, tum halitus venarum ductus sibi aperit, nec totum lapidis corpus permeat. Sæpe auriamenta fluvii devehunt, quæ in filamenta tenuissima diducuntur, quod exhalatio de sub terrâ erumpens, aquæ frigore repercussa congeletur. Qui metalla ex aquæ & terræ exquisita mixture compingunt, si communem fossilium, non metallis propriam materiam adducunt. Quis enim ignorat fossilia ex terrâ, & aquâ proficisci: sed eandem gemmis pellucidis tribuunt originem. Addit Cæsalpinus, nullum humorem aqueum præ frigore effici ductilem, & presilem. Neque tamen ibo in incias, aquam in metallis abundare: sed ea jam est alterata, atque ab aliis elementis sic affecta, ut aquæ nomen jam non possit usurpare; nisi fortè mæis corpus nostrum ex aquâ, quàm ex humoribus compingi. Nihil igitur impedio, quominus aqua cum terrâ subtilissimè commista argentum vivum, vel mercurius appelletur, & communis metallorum materies censcatur: tamen etsi non facillè concessero ejusdem esse naturæ cum hydrargyro: nam plerique hydrargyrum inter metalla numeratum volunt: omnes illi metallorum affectiones præter consistentiam, & soliditatem conveniunt: quod si metalla resolvantur in mercurium argenteo vivo similem, is facillè in metallum reducitur, ac pristinæ restituitur firmitati; adeo ut naturam metallicam minimè exuerit. Ferrum in æs, ut plumbum in stannum non ægrè comseat, nec continud unum alterius est materia, vel principium. Sic inter plumbum, & hydrargyrum magna est affinitas, & unum alterius naturam facillè induit: sed nego hinc rectè colligi argentum vivum plumbi, atque aliorum metallorum communem esse materiem. Fortasse hydrargyrus nimio humore diffuit, qui sulfuris, aut aquæ fortis beneficio temperatur, & metallicam duritiem assequitur. Nec mihi aliorum Chymicorum sententia displicet, qui metalla ex terrâ chalcanthosâ, & sulfure componunt: nam omnia ferè metalla in vitriolum resolvuntur; atque in omnibus ferè mineris, venis, & mareis suis secundis atramentum una

una cum sulfure offendunt. Vitriolum è metallis extractum si in sua dissolvas principia; terram quæ in vitrum cum suo sale confatur, & funditur; aquam mineralem, & pinguedinem sulphuream proficiet. Magna sanè est inter sulfur, & atramentum cognatio; ex utroque spiritus acidus, & penetrans elicitur; utrumque figi potest, & soliditatem, vel firmitatem sufficientem acquirere; ex his magna tincturatum, vel colorum oritur varietas; nec conveniunt carent pondere adeo ut vitriolum, & sulfur materiem saltem remotam metallis præbere mihi persuadeam. Neque alia excludo mineralia; nam arsenicum in plumbo animadvertimus; nitrum, quod in rebus cæteris invenitur, à metallis forsitan non abest: mira certè & stupenda in his fundendis, excoquendis, & dissolvendis nitrum operatur.

Quod si, ut Cartesio videtur, interior telluris pars, & quasi nucleus sit solidior, & compactior, profecto metalla omnium corporum solidissima, in intimâ terræ regione reconduntur: quædam duntaxat illorum particula, & quasi venula in superiorem, & molliorem telluris portionem excurrunt, ac diffunduntur, quas fortè succi acres, & corrosivi exsolverunt, atque eas partibus oleaginosas involutas calor subterraneus in extimas partes evexit. Omnes quidem Chymici metallorum naturam ex sulfure, mercurio, & sale componunt; sed tamen de illis principiis inconstantissimè loquuntur. Nonnulli communè sulfur, vulgarem hydrargyrum, & salis in aquâ exsolubilis quoddam genus intelligunt. Negant alii ex sulfure, & argento vivo metalla coalere, vel in illa resolvi posse: sed mercurii nomine humidum quoddam unctuosum, crebris sublimationibus, & variis coctionibus expurgatum, quod metallici spumam fermentantem dicunt: sulfur verò calidum innatum, vel quandam lucis portionem ratione seminali, & vi plasticâ donatam volunt intelligi. Negant quippe elementa quicquam gignere, nisi seminibus è cælo defluentibus fortentur; ac miram sanè nobis mineralium generationem describunt. Placet illis Solem radios, & influxus suos in terram, tanquam in commune centrum effundere; lux quidem opaci corporis occursum resistit; calor verò, qui lumen comitatur, ulterius progreditur, quousque in communi centro collectus ignem gehennæ ibi accendat; atque hinc per totam terram fusus, ubi materiam humidam, & gignendis metallis idoneam nanciscitur, eam digerit, coquit, indurat. Rationes undique colligunt, quibus tam delicias opiniones stabiliant. Metallorum substantiam calore paulatim cogi, & durefcere multis probant argumentis: id quidem concedimus, Sal quippe & alii succi calore, non frigore concrefcunt; ne frigus quicquam generat; quamvis ultimam per-

*De metal-  
lorum ge-  
neratione  
ex Cartesio.*

*Disfiden-  
tia chymi-  
corum de  
metallorū  
generatio-  
ne opinio-  
ne.*

perfectionem & consistentiam metallis conferat, speciem tamen iis non largitur; nec eliquata metalla naturam mutant; in ipsis fodinis non frigus, sed magnos æstus sentiunt metallarii. Hinc latentis venæ argumentum desumunt, ex conuscationibus, & cæruleis flammis, quæ identidem terram allambunt; ac quidam sulfureus, & caldus vapor ex iis locis solet erumpere, qui faciliè percipitur. Hinc etiam nives, in iis regionibus statim liquefcunt, nec ros concrefcit, neque arbor proceræ, vel læta gramina assurgunt; sed pallidis, & tenuioribus fossiis sterile, & exustum solum indicant. His sanè ultro assentior, verum huc animum parare non possum, ut credam, calorem è sideribus manantem totam terram pervagari, atque in illius medio tanta incendia procreare. Quod si cryptæ subterraneæ à calore solis tutæ sunt; si gelidæ aquæ in ipsis terræ penetralibus discunt, atque in antris Hungariæ aqua sæpe in gelu concrefcit; profectò Solis calorem usque ad telluris centrum pervenire nemo sanæ mentis crediderit. At inquit, calor nunquam retrò, sed prorsum semper diffunditur; idque multis experimentis comprobant: nam si prunam ardentem cretæ laminæ imposueris, prunâ sublata inferiorem laminæ partem multum incaluisse comperies, cum superior omnem calorem exuerit. Quando ad ignem propius assides, si fortè argentum in crumenâ reconditum habeas, id certè multum caloris concipiet; quamvis vestimenta non adeò incaluerint. Verum hoc quidem ut volent; sed quis illis daturus est calorem gradatim usque ad terræ centrum pervenire, atque illinc in omnes diffundi partes. Frustra nunc querimus loca arboribus opaca, quo recreemur ab æstu Solis, si fraudes arborum lumen quidem, non ipsum calorem arceant: nec video, cur æstare loca subterranea habeantur frigidiuscula, si calor semper rectè promovetur, neque unquam remeat. Longè satius foret, eos sateri potius nescire, quod nesciunt, quàm ista effutientes nauseare. Sed esto calor centralis, ut loquuntur, metallorum substantiam digerat, & perficiat: an licebit hunc calorem sulfuris nomine designare? effectricis, non materialis causæ titulo, ut opinor, metalla procreabit. Fac id, quod ne intelligi quidem potest, mihi esse persuasum, fossilia ex suis seminis prodire; hæc semina ex astris in terræ penetralia, medio calore tanquam vehiculo deduci; calor substantiam crassam, & humidam, quam mercurium nominant, resolvat, ac reddat puriorem, dum crebris sublimationibus excrementa sua deponit. An continuò calor ille cælestis substantiam fossilium materię, vel sulfuris nomine ingreditur? Hæc utique ferrem, si calorem inter corpora, non inter qualitates numerarent: at qui fieri potest, ut accidens fungatur munere



nere materię, atque in corpus facessat? Verum nos tarditatis accusant, quod mente non assequamur, quo modo spiritus in corpora, & qualitates in substantias commicare possint. Invisibilia semina quotidie induunt corpora: lux ipsa Solis abit in substantiam palpabilem. Nobilissimus Digbaeus se ab amico intimę admissionis, & fide dignissimo factum fuisse certiorē testatur, lucem per vasa vitrea, & concava certo quodam modo disposita in purpureum, & minutissimum pulverem precipitari. Ignis calor incrementum, substantiam, ac pondus rebus addit: hinc liquores viscosi à mineralibus prodeuntes, Soli expositi, vel igne moderato digesti, mole, & pondere augentur. Multa in hanc sententiam adferunt, quę nunc non est discutiendi locus. Illud quod antè jeceram, iterum inculco, Chymicos inter, & Peripateticos de naturā, & generatione metallorum posse convenire. Utrique ex duplici potissimum materiā, quarum altera humida est, altera siccior, metalla quęque componunt: illam Chymici mercurium, vel aquam viscosam; hanc sulfur, animam, vel tincturam vocitent, mihi perinde est. Dum res intelligatur, in verborum usu faciles esse debemus. Sed neque halitum Aristotelis cum vapore conjunctum rejiciunt: nam vapor humidus mercurii; halitus siccus sulfuris vices obit: frigus quidem coagulat; at calori metallorum, generatio debetur: nam calor superfluum humorem expellit, elementa permiscet, superflua excernit: frigus verò miscibilia potius confundit, quàm miscet. Generationis metallorum modum Philosophus non absurdè explicat pruina, vel roris exemplo: hæc enim, ut cætera meteora, ex vapore, & halitu prodeunt; sed exhalatio sicca humidum vaporem citò deserit; hinc vapor in aquam concrevit: in metallis seeds contingit; halitus quippe apprehendit vaporem, eumque figit. Metalla frequentius in montibus generantur, quod ibi terra fit rara, & multis meatibus pervia; calor ibi acrior conservetur; nec resagant aquę, ut in camporum planitie. Primum verò metalli rudimentum est substantia quędam falsa, in aquā exsolubilis, quę paulatim excoquitur, neque aeris amplius, vel aquę injurias reformidat. Nec tamen pertinaciter negaverim, metalla quandoque in extimā terrę superficie procreari. Auri granula, quę ex multis fluminibus colliguntur, non ex montibus torrentium impetu devolvi putem; nec tam facit aurum à suā minerā abraditur, neque ab aquā præterfluente tam longè potest deveci. Illud sanè aurum quod apud Indos in montium jugis arenę, vel terrę admistum offendunt, in terrę penetralibus non gignitur. Belgę cespitibus sulfurcis, & bituminosis, vice ligni utuntur, ex quibus sulfur, & arsenicum, imò cuprum,

& terram ex paulò profundioribus eruunt, quò indicio est non fossa terræ visceribus metalla condi.

Quid mihi de effeſſrice causâ, quid de metallorum materia videretur, exposui; Philosophos cum Chymicis in gratiam redigi posse ostendi: nec difficile erit ex his veluti principiis omnes metallorum affectiones deducere. Quo enim partes terrestres cum aquosis, vel humidis exquisitiùs permiscetur, eo metallum gravius exsurgit: nam pauciores & angustiores meatus admittit: hinc ductilitas oritur, quia partes densissimæ, exiguæ & maximè complicatæ in amplissimam superficiem duci possunt. Quapropter aurum præter cætera metalla, & pondere, & ductilitate excellit; neque ex cremabile, quò partes ejus sint denſiores, & magis consertæ, quàm ut exhalari queant: aqua terram, ne comburatur, terra aquam tuctur, ne avolet; neutra alteram deserit; sed arctissimo vinculo stringuntur: humor ductilitatem, terra præbet soliditatem. Ubi mixtura minùs accurata occurrit; seu terra dominetur, seu aqua; nec tantum invenitur pondus, quò ampliores pateant meatus; neque metalla igni adeò resistunt: nam si terra copiosior est, ut in ferro, vel abundat aqua, ut in plumbo, calor unam ab altera divellit; humor evolat, terra in scorias seccernitur; nec metallum citra magnum sui dispendium funditur.

An metalla unâ specie continentur.

Verùm de metallis mox seorsim agemus: neque hîc discutiendum arbitror, utrum metalla unâ specie contineantur, ac solis accidentibus disſideant, ut placet Alchimiſtis, an potiùs, ut Peripatetici contendunt, in diversas ſcindantur species: utrisque argumenta non defunt. Hi quidem diversâ metalla ex sordinis itidem diversis erui, atque ex variis principiis coalescere demonstrant: addunt affectiones, vel proprietates omninò diversas formarum distinctionem arguere. Alchimiſtæ, ut possibilem metallorum transmutationem esse persuadeant, illa non specie, sed gradibus discernunt: aded ut omnium una, & communis sit origo, eadem sint primordia, solius loci, vel matricis diversitate distinguantur. Natura ipsa aurum gignere meditat, sed defunt sæpè locorum congruæ opportunitates, nec expectatur tempus, dum imperfectum metallum prædestinatam perfectionem assequatur. Aurum itaque ferro præstat, quò natum sit sulfur, & mercurium optimè digesta, atque ab omnibus extraneis defæcata: non item ferrum, cujus sulfur impurum, & combustibile cum mercurio malè cohæret. Hinc metalla imperfecta artificis manu elaborata auri perfectionem consequuntur: ex omnibus aurum extrahitur: vix illud purum ab omni argenio, & cupro liberatum occurrit; ex iisdem eruuntur mineres diversâ metalla. Innumerabilia proferunt, ex quibus

bus effici colligique possit unam esse omnium metallorum speciem, nec formis, sed accidentibus differre. Neque hinc pacem Chymicos inter & Philosophos componi posse existimo: nam de summâ rerum agitur: & nisi me conjectura fallit, Alchimiatarum permultum interest omnia metalla in unam speciem concludere, ut Elyxir suum, quod artis caput est, facilius tueantur, atque ab omni absurditate vindicent. Hæc crederem, nisi hoc hominum genus magnificè mentiri solet: nam isti Cinisones multa pollicentur;

*Que cuncta aërii disperant irrita venti.*

*Simp.* Non est ita, optime Menander, nec metalla unâ specie contineri Alchimiatarum principes credidere, neq; id magni ad transmutationem comprobendam refert. Quod si præter calorem & frigus nulla foret metallorum effectrix causa, in hanc fortè sententiam nobis liceret concedere: (quanquam varia mixtio diversas quoque inducat species) at metalla, ut lapides ex suis seminibus oriri, vi quâdam plasticâ non errante, & vagâ, sed stabili, ubique gentium eodem planè modo operante, jam identidem demonstratum à nobis esse puto. Non quod animâ vegetatrice donentur; quamvis specie plantarum crescere, in truncos, & ramos diffundi, ac sursum eniti videantur: sed in seipsis sua gerunt semina; neque ut plantæ seruntur; at vis formatrix, quæ sulfuris inest, materiam paulatim immutat, maturat, atque ad suam perfectionem deducit. Hoc quidem sulfur non è cælo, non à sideribus depluit, non ex igne centrali proficiscitur, ut nugantur Paracelsistæ, sed ejusdem forsitan est naturæ cum vulgari sulfure, nisi quod longâ alteratione in fixum, purum, & incombustibile evasit. Non absurdè metallorum anima vocitatur; nam iis speciem largitur, & formam; ac custos est virtutis seminalis ab auctore naturæ insitæ; neque enim calor, & frigus rebus formas impertiunt. Cedo quid aliud conferre possit calor, quàm heterogenea separare, vel resolvere? Quod si substantiam procreat, carnem generat, metalla perficit, non causæ principis, sed instrumentariæ titulo operatur. Gladium quidem calore, vel frigore indurari, aut emolliri scio; at forma gladii ab arte solâ repetitur: sic ratio ferri, vel auri ab intimo naturæ principio ducitur, non à nudâ, & sterili qualitate. Cum igitur specierum diversitas ex naturæ additis seminibus hauriatur; neque una sit omnium metallorum ratio seminaria; nec solius auri generationem natura mollatur; cum cætera metalla suos habeant usus, palam est non unam esse metallorum formam. Neque audiendi sunt Paracelsistæ, cum ferrum nihil aliud præter aurum imaturum esse definiunt: neq; hinc argumenta adversus metallorum transmutationem depromi possunt, cum nihil sit in

*Metallorum diversæ effectrix species.*

*De effectrix causâ metallorum.*

naturā tam vulgatum, quam specierum commutatio. Nec mirum, si metalla, quæ cum auro composita sunt imperfecta, ubi suo sulfure exuuntur, atque in communem resolvuntur materiam, & auri sulfure sciantur, in aurum facessant. Humor ad radices arboris illabens, in ipsius plantæ naturam, & soliditatem convertitur; alimenta in sanguinem, hic in carnem abit; ac tota natura his mutationibus plena est: sed hæc posterius. Nunc verò istuc non dabunt Philosophi metalla suo sulfure exui posse, atque in communem materiam, quam mercurium vocitant, reduci: nec Chymicis fidem habent, cum variis demonstrationibus, & experimentis idipsum confirmare moliantur. Unum item & alterum ex Heliophilo adducam experimentum, quo exploratum sit, metalla ex argento vivo coaluisse, atque in illud redigi posse. Neque per longas ambages procedere necesse est. Plumbum in pulverem minutissimum redigunt: id sanè usu tritum, & pervulgatum est; funditur, in vase cretâ obducto agitur, quousque comminuitur in granula; vel fufum inter patellas ligneas cretâ oblitas conteritur. Argenti vivi uncia in duabus aquæ fortis exsoluta, phialæ vitreæ ocluse imponitur; leni calore dissolutio promovetur: ubi hydrargyrus in aquam limpidam abiit, tum plumbei pulveris uncia sensim immittitur, ne aqua nimium effervescat. Statim argentum vivum instar calcis albæ præcipitatur: plumbum verò continenter agitatam resolvitur in hydrargyrum; adeo ut tres illius partes soleant in mercurium converti, unâ duntaxat superstitæ. Argentum vivum, quod in fundo subsidit, alio vitro excipitur, & cum libebit pristinæ naturæ, ac ponderi reddetur; hydrargyrus autem ex plumbo extractus vulgari paululum lividior, & segnior per corium trajicitur. Sic ferri mercurium educunt vegetum, & planè igneum beneficio hydrargyri, & salis ammoniaci. Hæc si vera sunt, quæ sanè experiri in proclivi est, manifestè colligitur metalla ex hydrargyro, & sulfure, ut Alchymistis, & metallurgis videtur, coaluisse, atque in ea, ex quibus prodierunt, resolvi posse primordia. Sed de metallis nunc sigillatim, & distinctè agendum.



## CAPUT DECIMUM.

De metallis seorsim sumptis, ubi fusè de transmutatione metallorum.

I. Transmutatio metallorum diversis rationibus impugnatur. II. De singulis tractatur metallis. III. Transmutationis possibilitas asseritur. IV. Objectiones diluuntur.

Theophilus.



Non mihi faciliè fidem faciunt Alchimistæ, qui verba dare, & credulis solent imponere: Attali divitias promittunt, cum ipsi inopes, & pannoſi huc & illuc circumcurſitantes, & erroneſe ferantur. Egeſtas ipſa, quæ gravatur, vanitatem artiſ ſatis demonſtrat: magnificè tamen, & glorioſè loquuntur,

*Atque immenſa cavi ſpirant mendaciæ folles.*

Adco ut mihi permirum videatur tot inveniri viros nobileſ, qui ab hoc nequiſſimorum hominum genere decipi ſe tam faciliè patiantur. Utinam hîc vanuſ eſſem? ſed ſerîo ringor, cum video horum veteratorem fraude tot ingenuoſ homineſ deludi, qui rem ſimul, & ſaniam miſerè decoquunt, & ſerò ſentiunt ſuæ credulitatis labem. Quod me magis angit animi, non deſunt illuſtreſ Philoſophi, qui frigidam ſuſfundere, atque animoſ pecuniæ avidoſ incendere non dubitent, dum Chymicoſ ſummâ ope propugnare, & artē tranſmutatricem eſſe, poſſibilem; enixè perſuadere moluntur. Mirum ſi Alchimistarum arti plus liceat, quàm ipſi naturæ, quæ rerum ſpecieſ non cōmutat; neque aurum alibi quàm in propriâ matrice, & venâ procreat; nec deſiquibus nique tantum opus in momento, ſed poſt multa annorum volamina, abſolvit. Ignorant Chymici, quæ ſint auri primordia, quod temperamentum, quæ natura; & temerè pollicentur ſe quodcunq; metallum in aurum eſſe cōmutaturoſ. Norant ſcilicet vertere rerum ſpecieſ; aurum in ſumoſ reſolvunt, & plerumque pro theſauro inveniunt carbonē. Omneſ auri parteſ adeo inter ſe cōhærent, ut nullâ arte ſeparari queant, neque alteri corpori adhæreſcere. Hinc aurum neque corpora ſuo colore tingit, neque eſt cremabile; nullâ quippe igniſ vi exhalari ex eo quicquam poteſt. Si quid alienuſ, aut ſi quæ

ferdes ipsi adhæreant, salibus acutissimis, vel plumbo liquato elu-  
uptur: rubiginem non contrahit, quia nihil expirat; nihil olet, ni-  
hil sapit; ne igne quidem absimitur; hæc sunt eodem pondere egerit-  
tur: quare nullum in Medicina usum obtinet: nec æmum in liquo-  
rem potabilem abire unquam potest. Quâ igitur arte, quibus machi-  
nis in hydrargyrum possunt resolvere, tincturam, sulfur, vel formam  
extrahere? sed quod monstri simile est, forma ab auro separata plum-  
bum, vel hydrargyrum perficit, & industria artificis exaltata, formæ,  
seminis, & effectricis causæ obit munera: nam rudem informat ma-  
teriam, foetum aureum parurit, atque instar grani tritici sese felici  
prole multiplicat. Auditis delirantium somnia, non Philosophorum  
Judicia. Aurum formâ suâ exiit. Nescio, an ullâ arte corrumpi  
queat; tamen si facilius est rem destruere, quàm gignere. Forma avul-  
sa conservatur. Et quidem arbitrabar nullam formam, si animam ra-  
tionalem exceperis, consistere posse separatam. Quinetiam illa auri  
anima (sic enim loqui solent) tantam puritatem, tantas vires in va-  
sis vitreis adipiscitur, ut in momento temporis colorem, pondus, sub-  
stantiæ firmitatem plumbo liquato impertiat. Nos verò tardi sumus,  
qui rem tot rationibus, tot experimentis comprobata non assequa-  
mur, ac nobilissimæ arti calumniemur. Artem sanè mirabilem præ-  
dicant, quæ naturam longè superat; nam materiam præparat, formam  
inducit, rerum species commutat, & perficit; huic demum natura ipsa  
famulatur.

*Plura hi-  
storia pro  
transmu-  
tatione  
elegantur.*

Quò verò tanta nobis persuadeant paradoxa, nullis ferè utun-  
tur rationibus; sed pugnant commentitiorum exemplorum mirificâ  
copiâ: Raimundum Lullium, Arnoldum de Villâ Novâ, & totum  
Chymicorum senatum citant, quibus sanè non assentior, sed magis, si  
opus est, eos refellam. At Joannis Andreæ Jurisconsulti inconcul-  
sam auctoritatem usque ad nauseam nobis obtrudunt, qui in additio-  
nibus ad speculationem de falsi crimine, hæc habet: Nostris, inquit,  
diebus habuimus Arnoldum de Villâ Novâ in curiâ Romanâ sum-  
mum Medicum, & Theologum, de quo scripsimus consilium de obser-  
vatione jejunii, qui & magnus Alchimista, virgulas auri, quas faci-  
bat, consentiebat omni probationi summitti. Mirum si Arnoldus tan-  
ti arcani conscius non Medicinam modò Sacerdos exerceret; sed  
etiam de stipendio, ut ferunt, cùm ægrotos inviseret, satis fordidè  
pacisceretur. Nec Albertus se vidisse aurum ex Alchimistarum offi-  
cinis productum, quod omnia ignis examina sustineret. An non po-  
tuit Arnoldus Joanni Andreæ, atque aliis illudere? Colligunt innu-  
mera exempla, quæ nullo satis idoneo auctore nituntur, atque ab his  
pro-



proferuntur, qui hujus artis amore deprecant, & quo plus impendēre, hoc minū8 volunt defistere: alios vero in sui erroris consortium trahere gestiunt, ne soli insanire videantur. Quorū spectant omnes Hoghelandæi historię de nobili Scoto, qui Colonię Agrippinæ anno 1603. coram aurifabris ferrum, & plumbum in purissimū aurū convertisse, atque idem Basileæ, & Argentorati præstitisse, ac frustra hujus auri Zuingerum donasse fertur. Mitto id, quod Barnaudus de Anshelmo Boëtio refert, idque ex ejus ore accepisse profitetur. Summa est, cum Anshelmus Alchimistis foret iniquior, atque artem omnino impossibilem arbitraretur, ut ex ejus scriptis facile colligitur; forte quadam incidit in libellum, cui nomen Cymbalum aureum, & aliquot granula pulveris rubei chartulā involuta offendit, unā cum formulā verbis ænigmaticis, & obscurioribus, qui mos est Alchimistarum, expressā; tum coram aurifice semel, atque iterum, conjecta hujus pulveris portiuncula in hydrargyrum, statim eum in aurum purum putum commutavit. Crederem fortasse, si Anshelmus id memoriæ prodidisset, sed Barnaudi, atque aliorum Chymicorum fides valde mihi suspecta est: magna quippè pars artis est scitè mentiri. Prætereo quæ de Pharmacopola Trevisano, qui coram Reipublicæ Venetæ Duce, & aliquot Senatoribus argentum vivum in aurum convertit, referente Hieronymo Canlano, & aliis pluribus, commemorant. Mitto denique quod præter ceteros de Kelleio Anglo Penotus Aquitanus narrat, Pragæ, inquit, meo tempore idem ab Eduardo Kelleio factum in ædibus D. Aggetii Thadæi, ubi libram integram argenti vivi in purissimū aurum conversam guttulā unā pulveris rubicundissimi vidi. Extat adhuc, & servat, ut incredulos exemplo illo vincat. Præ manibus sæpius habui; & quod magis mirum est, restat videre signum illius latetis hærentis supra mercurium in aurum conversum, instar rubini. Horum sanè omnium una depulsio est, non temerè fidem esse adhibendam Alchimistis, quorum maxime interest, artem suam splendidis efferre mendaciis. Summa voti est, credulos divites emungere; quo id fiat, norunt dignitatem nugis addere, fabulas texere, multa exempla tolligere; & si quem offenderint, qui jam in hanc artem insanat, incendunt plus satis, magnā spe lædant, atque ægrotum animum plerumque ad deteriore partem applicant. Nemo, cui mens sana contigerit, cum istis impostoribus inibit societatem, sed hos effugiet tantam scopolos multorum exitio infames.

*Simp.* Assentior planè, ac nemini auctor fuerim, ut temerè Alchimistis fidem adjungat. Hoc hominum genus imposturæ nomine non immeritò suspectum est: quod si tantam çallarent artem, non iis foret res angu-

*Transmutatio-  
nis*

*possibilitatis  
ascribitur.*

*1. Exem-  
plis com-  
probatur.*

angusta domi. Plures vidi ad incitas redactos, qui grandes auri summas exsculpere magnificis pollicitationibus natebantur; modo non montes auri promittebant, cum gravi rerum omnium inopiâ prementur: qui verò ex hac arte ditesceret, vidi neminem. Sed soli sumus, & quod quisque sentit, licet impune dicere: artem quâ metalla transmutentur, arduam quidem, periculi plenam, & à paucis comperitam, at impossibilem esse minime arbitror. Atque ut præpostero ordine tecum agam; historiæ ipsæ, quas protulisti, quantumvis Chymicorum auctoritatem cleves, serè mihi persuadent artis veritatem. Nam si in re capitali trium hominum testimonia recipimus; quo jure, quâ ratione tot illustrium auctorum fidem contemnemus? Verum ea fallit fortasse nonnunquam, fateor: sed tamen ad veritatem sapissimè dirigit: nec faciliè, & temerè rejici debet. At Chymici in propriâ causâ non sunt audiendi. Quibus igitur auscultabimus? an fortè Mischymicis, qui istam artem ne intelligunt quidem. Quid enim, ut Tertulliani verbum usurpem, iniquius, quàm ut oderint homines quod ignorent, etiamsi res meretur odium? tunc enim meretur, cum cognoscitur an mereatur. Taceo de Chymicis. Sanctus Thomas, Albertus Magnus, Fernelius, atque alii Philosophiæ principes artem esse, possibilem apertissimè concludunt. Idem tradunt Marfillus Ficinus, & Joannes Franciscus Picus Mirandulæ Comes, vir omni exceptione major, qui se multoties expertum fuisse metallorum transmutationem, atque aurum ex plumbo factum omni examini subjecisse testatur. Multa quidem exempla præter cæteros refert Euvaldus de Hoghelande, nullum sine locuplete auctore, & teste. Quem non movet historia nobilis Germani Stauberger, qui acceptis à Medico aliquot drachmis pulveris argentifici, coram Philippo Secundo Hispaniarum Rege, & multis proceribus, ferventem hydrargyrum in argentum commutavit: quo experimento invitati quidam Aulici societatem iniere, atque impensam huic arti navarunt operam, sed irritò conatu. Interrogatus, inquit Euvaldus, de his à me Serenissimi Baviaræ Principis Ernesti Archiepiscopi Colonienfis Aulicus Ameiden, cujus pater cum aliis societatem inierat, rem ita se habere, & vasa, atque alia instrumenta, quibus usi essent Pseudochymici in castro quodam adhuc asservari, affirmavit. Sed quid ego vetera? paucis abhinc annis Aurifaber Parisienfis, quem si necesse foret, nomine designarem, aliquot granula pulveris aurifici à Polono in patriam remeante accepit, cujus ope plumbum fustum in aurum purissimum commutavit. Est homo nasutissimus, ac tibi fortè, mi Theophile, à nomine, & à facie notus, Sed Philosophum non decet testibus uti, qui aut casu

casu veri, aut malitiâ falsi, fictique esse possunt : argumentis Igitur, & rationibus pugnandum arbitror. Negant rerum species posse commutari. Mirum id obijci à Peripateticis, qui elementa in sese mutud commutare decernunt. Mixta quæ sunt imperfecta alienas formas quam facild induunt ; omnium viventium generatio, nutritio, accretio denique specierum mutatione continetur : ex equi aut vituli cadavere Scarabæi, & apes nascuntur ; granum tritici in herbam virentem adolescit : ovum in pullum efformatur ; alimenta in chylum, hic in sanguinem, sanguis in carnem facessit : an sola metalla à communi naturæ lege excipiuntur ? Fatemur sanè formas específicas, non posse in alias converti : quis enim ita insaniat, ut formam plumbi, in formam auri transmutari existimet ? sed materiam plumbi suâ formâ spoliari, & speciem auri induere nihil prohibet. Ferrum in cuprum, plumbum in stannum, sibi in plumbum commutare docet experientia, & nemo in arte metallicâ versatus negabit : quid est cur argentum in aurum mutari posse dubitemus ?

*Aris possibiles multiplicationes ratione fiadetur.*

*Th.* Neutrum quidem tam facild, quàm tu arbitraris, conceditur : neque ferrum in æs mutari putem, neque eo concessio, aurum ex argento confici posse evinces. Non me fugit Chymicos ex ferro vitriolum extrahere, ex quo cuprum confiatur. Elias artista, seu Heliophilus modum satis apertè explicat ; laminulas chalybis aquæ & oleo sulfuris per campanam extractio immergit ; duplo plus aquæ quàm olei apponit : vase ocluso sex horarum spatio aquam servere finit ; vitriolum splendens, & viride in superiorem vasis partem elatum colligit : recenti aquâ solutum, excoquit, donec appareat cuticula ; tum chalybis laminulas supponit, quibus æris ramenta adhærescunt, collecta in cuprum funduntur. Idem compendiosiore viâ aggreditur : scobem ferri cum triti sulfuris æquali pondère calcinat, & reverberat, quousque sulfur comburatur ; quod reliquum est in serventem aquam consicit ; cui laminulæ chalybis impositæ, multum æris statim colligunt, quod deterfum liquatur in cuprum. Zapata, auctor non infimæ notæ, vitriolum in aquâ decoquit, cum effervesceat, tum chalybis laminas injicit, quæ eductæ non parum æris contrahunt ; hoc abrafo laminas iterum immittit, donec totæ in cuprum abierint. Non etiam ignoro, quæ Mathesius, atque alii referunt de fonte Cy-psenfi, qui ferrum in cuprum committat ; atque idem artificum industriâ in monte Kuticensi perfici. Concedam hæc omnia, si vis : neque hinc aliud colliges, quàm in ferro, & cupro plurimum inesse vitrioli, atque in vitriolo, & sulfure, pleraque æris corpuscula delitescere, quæ ferro sibi cognato suâ sponte adhærent : neque ulla metallorum trans-

*De ferri in cuprum mutatio-*

mutatio perficitur; at minuta cupri atoma in vitriolo dispersa colliguntur, & in idem corpus confluunt.

*De ferro*  
*De chalybe*  
*De* Sed ferrum in chalybem, plumbum in stannum, antimonium in plumbum abire fugit neminem. Pugnas quidem, sed cum adversario facili: hæc enim omnia, si pollulas, concedo: at nego chalybem à ferro, stannum à plumbo specie dissidere. Novimus chalybem esse, veluti ferri nucleum; repetita coctione hanc duritiem adipisci scripsit Aristoteles, cum scilicet à scoriis expurgatur. Sæpe ferri vena statim in chalybem constat: hoc ipsum quandoque præstant aquæ adstringentes. Comi in Italiâ, aquæ præstantissimum efficiunt ferrum: norunt denique artifices aquas parare, in quibus extinctum ferrum adeo indurefcit, ut magno sit usus ensibus, loricis, atque aliis id genus instrumentis conficiendis: Alchimistæ virgulas ferreas cæmentant, cum cum sale, & fuligine, quæ urinâ perfunditur: alii prunas exqueren, sago, & aliis solidioribus, vel nitrosis lignis adhibent. Postremo ferrum urinâ, aceto, succo raphani adjunctis terræ lumbricis, auctore Alberto temperatur, & in durissimam aciem evadit, quod stuppi acres ferro addant adstringentia corpuscula, quibus illius partes stipantur, & arctiori vinculo inter se cohærent. Contrâ molle sit, & tenerum, cum aquæ ferventi, butyro, vel oleo immergitur: hæc enim lubrica, & uliginosa ferro communicant corpuscula, quæ ipsi molliorem, & flexilitatem conciliant. Cum durius efficitur, tum angustiores poros habet, nec flexile, sed fragile redditur. Sic ubi stanno, vel zri admiscetur, partes adipiscitur fragiliores, quod ab extraneis divisæ, & separatæ, jam minus inter se cohæreant. Stannum verò faciliè admittit, ubi candens humore pingui, & oleoso perfunditur: ut cum picæ, vel sebo illinitur: nam sulfure unctuosio, & combustibili (jam cum Chymicis loquor) abundat. Hinc candens ferrum admoto sulfure statim liquefcit, & guttatim decedit. Non ægrè inflammatur, atque ingratum odorem fætet: rubiginem citò contrahit, tanquam adusti sulfuris fuliginem: quæque tangit corpora, eadem inficit. Multum denique terrenæ siccitatis obtinet: recens è venâ faciliè liquatur, & instar aquæ decurrit: sed ubi semel conflatum est, vix funditur: nam in primâ fusione permultum humiditatis decessit: restant verò partes crassæ, terrestres, & implicatissimæ, quæ igne quidem emolliuntur, non liquantur: calor quippe humorem educit, superflua, & quasi excrementitia secernit, sed non satis humoris superest, ut fluere possit. Hoc quidem omnibus ferè metallis commune est, ut ignis ea puriora reddat, quod ab extraneis, & superfluis liberentur: sed non continuò speciem mutant.

De are,  
vel cupro.

Æs regulare quod ignis ardoribus à scoriis expurgatur, non specie differt à caldario, quod ut obscurius, sic vilius existit; illud auri colorem magis refert, & duci, & fundi facilius potest; hoc fulsile quidem est, sed minus ductile: nam plurimum habet terrenæ impuritatis. Quod si Alberto credimus, ex argento vivo, ab omni humore extrario jam purgato, & adusto sulfure æs componitur; hinc mistio oritur minus exquisita, quod miscibilia non satis extenuata fuerint. Quare ubi excoquitur, multas faeces deponit; & flammam uberiorem non sustinet, sed instar ferri incenditur: magnâ quippe æs & ferrum societate junguntur: utrumque durum est & sonorum; vel quod ambo multâ terrâ abundant; vel quod partes habeant tensiones, quæ idcirco acutiùs resonant, & crebriores edunt vibrationes: ambo denique adusti sulfuris fuliginem expirant. Æs politum aquâ, vel sanguine madefactum citiùs æruginat: imò sale, vel aceto, vel urinâ pueri aspersum statim mutatur in viridem æruginem: hæc enim omnia poros efficiunt laxiores; atque adeò halitus excrementitius faciliùs erumpit, & in æruginem concrevit. Quid igitur est causæ, cur Imperatorum numismata è terrâ eruantur illæsa, cum cuprum tam faciliè in æruginem resolvatur? Fors est, ut pice liquidâ peruncta fuerint: olcosa enim, & bituminosa quæque cuprum conservant, quod obstruant meatus, ne halitus erumpat. Illud quidem negare non possum, æs multo vitriolo abundare, quod ærugo ipsa demonstrat; ex iisdem quoque eruuntur venis, & cuprum ex atramentosis aquis excoquitur. Ferrum verò huic affine vitriolo non caret, quod multâ terrâ permisceatur. Quocirca ex ferro cuprum, & vicissim ex ære ferrum exsurgit: nam ubi cuprum ad regulam excoquitur, quæ in fundo catillorum instar sæcis subsidunt excrementa, confusa, & cocta in ferrum evadunt. Non quod metalla in sese mutuo commutentur; sed fors est, ut cuprum vitriolo magnâ ex parte exhaustum, nihil sit quàm ferrum; vel quod mihi magis probatur, natura ut ars metalla confundit: hinc nullum ferè æs invenitur, ex quo argentum educi non possit. Verùm hoc ipsum mox videro. Quot quæso te æs signatur nominibus, quot vultus ex metallorum permissione induit? Cum rubro & pleniore induitur colore, tum æs Cyprium, vel cuprum appellant: ubi lapidi calaminari, vel cadmiæ fossili admiscetur, & dilutioris præfert auri colorem, orichaleum vocant; tamen id quoque fossile inveniri auctor sit Plinius. Omitto æs Corinthium, quod in urbis conflagratione cum diversis metallis permixtum fuit, idque postea ars est imitata. Taceo de ære coronario, quod in tenuissimas diducum bractæolis felle tauri tingitur, atque aurum ipsum colore ex-

primis; ex illo quondam histriones texebant coronas. Sic æs ad campanas stanno temperatur, ut gravior sit sonus: cum vigesima stanni pars admiscetur, atque alia adjiciuntur mineralia, tum bronzum vocant, atque ex eo tormenta bellica constantur.

*De plumbo.*

Jam quid de plumbo, & stanno dicturi sumus? an unâ, & eâdem specie continentur? at ex eâdem venâ non eruantur, non iisdem proprietatibus afficiuntur. Plumbum molle est, colore livido, & obtusiores reddit sonum, quod in illo humor prevaleat, & partes habeat non multum implicatas. Cum in cerussam redigitur, fit gravius, idque habet cum coctis lateribus commune, Rationem affert Cæsalpinus, quod fuligo ignis in ipsis conclusa poris, tum plumbi, tum laterculorum pondus augeat: nam flamma reflexa in illis meatibus fuliginem reponit. Indicium est, quod ubi cerussa in plumbum reducitur, non parum de illius mole decedit. Et sanè plumbum in fornace fumosam exhalationem; sub dio verò expositum, vel etiam in terrâ sepultum vaporosam attrahit substantiam, mole crescit, & pondere. Impurum quippe existit, & partes habet male confertas, quæ tamen aliis corporibus faciliè adherescunt; hinc faciliè liquatur, manus decolorat, si diu, & cujuscunque halitus accessu crescit. Nullam contrahit rubiginem: nam qui erumpit halitus in crassiores sordes densatur: magnam cum reliquis metallis habet affinitatem, illorum abstergit sordes, cum auro, & argento funditur, & faciliè commiscetur: sed quia ignis violentiam sustinere non potest, recedere compellitur, & unâ secum quiddam alienum, & excrementitium auro, vel argento inest, aufert: adeo ut neque aurum, neque argentum citra plumbum expurgari queant. Gemmæ sordidiores in plumbo fuso excocæ, longè puriores, ac splendidiores redduntur.

*Metalla  
plumbo  
purgari.*

*Stannum.*

Stannum verò candidum est, fragile, sonorum, leve, nec ductile: nisi plumbo temperetur: cum cæteris metallis nullo modo convenit: nam si argentum in catillo, ubi pridè liquidum fuit stannum, consistat, fragile evadet. Quæ quidem stanni longè diversam à plumbo naturam demonstrant: nam in hoc vapor humidus, vel si malis, argentum vivum; in stanno halitus siccus, vel sulfur dominatur. Ex illa siccitate levitas oritur, & stridulus sonus: tinnitus enim, ut ait Cæsalpinus, non in molli, & flexibili fit corpore, sed in duro, & rigido, ut uno ictu sæpius ær verberetur. Tenuibus quoque constat partibus: nam teste Aristotele, exigua admodum parte æris admixtum, albidum ipsi conciliat colorem, quod non contingeret, nisi tenuissimas haberet particulas, quæ magnam æris molem pervagari possunt. Quod si stanno non decisset humiditas, & gravius, & ductilius foret:

hinc

hinc

hinc



hinc cum vasa area stanno obducuntur, vix eorum augetur pondus. Impedit verò stannum, ne ex vasis æneis ærugo venenata efflorescat, & ne tam citò liquentur: nam meatus occludit igneis particulis; neque halitus æruginem facturus clausis meatibus erumpit. His igitur concessis, videtur stannum non ejusdem esse cum plumbo speciei. Quis ergo fieri potest, ut plumbum granulatum, aquâ falsâ ablutum, cum sale communi, vel ammoniaco camentatum, seu alternis ordinibus dispositum, & igni moderato coctum, ac tandem reductum, in stannum convertatur. Nemo dixerit antimonium, & plumbum eadem specie concludi: at quis dubitat stibium in plumbum converti? antimonii duas partes cum unâ crudi tartari, & tantundem scobis ferreæ liqua; in aquam frigidam effunde; cum id sæpius iteratum fuerit, stibium in plumbum faciescit. Alii regulum antimonii cum sale plumbi tritum horarum spatio camentant, atque in ardentissimâ fornace fundunt. Jam vide, optime Simplici, quam tecum agam liberaliter: regulum antimonii in plumbum, hoc in stannum commutare fateor; verum hoc in ista specie inter se convenire pertendo. Plumbum humidum est, impurum, & molle; ablutis per sales sordibus, idque exsiccatum albedinem, siccitatem, & fridorem stanni consequitur. Stibium verò a plumbo differt, quod in illo sulfus, in hoc humor sit oberlor; detrahe ab antimonio sulfus exuberans, plumbum obtinebis. Non igitur concludit ea ratio, quæ à vobis adducitur ad metallorum transmutationem comprobendam. Siquidem ut æris, sic plumbi varii sunt gradus, non species diversæ: aliud est nigrum, seu lividum, aliud candidum, tertium denique cinereum, fragile, & sonorum existit. Stannum quippe stridet magis quàm sonat, plumbum verò mutum est, cinereum reguli antimonii simillimum resonat: illud Germani bismuthum vocant. Cum stanno, & plumbo temperatur, atque ex eodivërfa constantur vasa, quæ splendorem suum diu conservant. Misceatur quoque cum stibio, & alii metallis, ut typi, seu characteres efformentur. Stannum ni plumbo admisceatur, nullus erit usus: plumbum enim humore suo stanni siccitatem temperat, & visissimum stannum tenuitatem, ac firmitatem plumbo impartit. Solent utique plumbi nigri tertiam partem candido adicere. Utrumque suam habet rubiginem; cerussa appellatur, quæ ex plumbo, vel aceti vapore, vel sponte suâ efflorescit; quæ autem ex stanno educitur, album Hispaniæ vulgò nominatur. Jam ut ego, quemadmodum sentio, loquar, plumbum in stannum abire mihi verisimile videtur: sed vellem, ut Alchimistæ eadem metalla in argentum, vel aurum commutarent.

is enim est limes præcipuus, in quem eorum labores diriguntur. Quod si tanti arcani forent consoci, non se inculcarent auribus nostris, neque operam suam magnatibus vel invitis offerrent. Illa conturbationalis Alchimistarum paupertas artem ipsam falsi revincit. Sed tamen libros edunt infinitis formulis repletos, quibus saltem artis possibilitatem confirmare moluntur. Ex omnibus certè metallis aurum vel argentum educi non inficior: sed meminisse oportet metalla alia aliis esse permixta, vix solitaria inveniri: argentum omni serè cupro inest, vix ullum aurum argenti experte eruitur. Hoc ipsum artis est vel maximum, quæ confusa sunt metalla secernere, non eorum spectes vertere.

*Utrum* Ex argento quidem auri granum, sed portiunculam colligunt, sed citra ullum emolumentum. Quod si maximam argenti partem in aurum possint commutare, tum artem callebunt sine controversiâ magnam; neque immeritò Philosophorum nomen usurpabunt. Sed quâ arte argento pondus, colorem, & ductilitatem suam dabunt? placet illis hydrargyrum purum, & defæcatum in argento abundare; hinc illius nitor: liquefactum, instar hydrargyri tangenti non adhæret, neque instar olei, vel aquæ diffunditur. Argentum liquatum addito sulfure calcinatur, quod sulfur cum metallis magnâ societate jungatur: hinc illa adurit & penetrat, non item ligna, & lapides: sulfuris tenacitas humorem secum abripit, atque unâ evolat, hinc calcinatio. Nec tamen in argenti commixtione vincit sulfur, nisi fortè qualitate, & agendi efficaciâ. Sæpè, inquit Albertus, sub terrâ argentum instar spissæ pulvis molle occurrit, quod probat in hydrargyrum abundare. Nonnihil in igne deperdit, & rerum acutarum vapore suam aliquando rubiginem cæruleam expulit: lineas nigriores imprimat, & manus collybo inficit; quod substantia illius nonnihil habeat impuritatis. Contrâ aurum tincturam suam non à mercurio, sed à sulfure, desumit, neque usu atteritur, nec deciduâ materiâ manus inquinat; in bracteolas adeo tenuis, argento præsertim substrato diducitur, ut color tantum superesse videatur. Nullam, ut dictum est, contrahit rubiginem, vel squalorem; ab hydrargyro statim solvitur, cuius tenuissimæ partes auri meatus subeunt, atque in minutissimum pulverem comminuunt: in liquorem aut vitrum, quidquid mentiantur Alchimistæ, abit nunquam. Purissimo, ut illis placet, constat sulfure, eoque fixo non combustibili, non pingui, vel unctioso. Neque arsenico, neque sulfure aduritur: nam partes habet ætiori vinculo devindas, & subtiliore mixtione conjunctas, quàm ut divelli possint; hinc tanta illi ductilitas, & tantum exoritur pondus: nec sonorum est,

est, nec tinnulum, quod poros habeat angustiores: nec quicquam ex-  
hilar; nec contactu suo tingit corpora. Purum persæpe invenitur,  
quid non facili societatem inquit cum imperfectis metallis; cum argen-  
to liberius conjungitur: hinc mixti auri color citrinus, & pallidus;  
sed ubi expurgatur, majorem acquirit rubedinem. Aurum denique,  
ut puritate, sic pondere cuncta metalla superat: adeo ut hæc gravi-  
tatis proportio inter metalla inveniat, quemadmodum vir clarissi- *D. Petri*  
mus, atque cruditissimus expertus est. Sic aurum 100. mercurius  
erit 71.  $\frac{1}{2}$ , plumbum 60.  $\frac{1}{2}$ , argentum 14.  $\frac{1}{2}$ , cuprum 47.  $\frac{1}{2}$ , ferrum 42.  
stannum commune 39. magnes 26. marmor 21. lapis communis 14.  
cristallus 12.  $\frac{1}{2}$ , aqua 5.  $\frac{1}{2}$ , vinum 5.  $\frac{1}{2}$ , cera 5. oleum 4.  $\frac{1}{2}$ .

Variis quidem pigmentis argentum auri colorem potest induere:  
neque hæc coloritia, & sophistarum laci Alchimistas fugiunt: sed ne-  
go auri pondus, & ductilitatem argento conferri posse, quantumvis  
illud fusione, vel cæmentatione satigent; nedum imperfecta metalla  
in aurum pulveris cujusdam additione in momento facessent. Unde  
tanta grano pulveris aurifici virtus, ut magnam plumbi molem in ictu  
oculi propria formâ exuat; speciem, colorem, firmitatem, & pondus  
auri largiatur? Profecto non ex calore elementari vis illa dimanat. *Contra*  
At forte ad cœlestes influxus, & occultas qualitates confugient; ve- *transmu-*  
rum hæc ignorantia patrocina tibi non placeat, mi Simplici. An for- *tationem*  
tè pulvis ille projectionis semen est ex auro secundo educum, quod *alia obje-*  
in materia sibi attemperatâ exceptum vim habet prolificam, & sui ge- *ctionem.*  
neris propagatricem. Utrumque absurdum, metallis semina tribuere,  
eaque in momento adolescere, ac sese felici incremento multiplicare.  
Nimis absurdè quidam Chymici metallis non animam, & vitam, sed  
quasi animam, aut vitam largiuntur: hoc dicere turpius est, quàm il-  
lud, quod volunt, non posse defendere. Nam dum effugere reprehensionem  
volunt, afferunt aliquid, quod ne concipi quidem possit. Me-  
tallis semina, vitam, & vim plasticam affingunt, cum nemo ejusmodi  
semina conspexerit, neque ulla vitæ obeant munera, nec capiant in-  
crementa. Jam non animam, sed quasi animam; non semen, sed quasi  
semen, ne tu quidem (quod inter nos liceat) intelligis. Quantum sa-  
tius est Alchimistarum flagitia proscribere, quàm tam impudenter re-  
sistere, atque ea dicere, quæ omnium mentes respuunt. Nec multum  
me movent historiae, quas vel ipsi texuere, vel ab aliis delusi accepe-  
runt: nam si semel suscipimus genus hoc argumenti, vide quò serpat:  
circulatores omnes, Empirici, Astrologi, atque alii impostores, omnis  
rationibus ad experimenta provocant, ut credulis facilis illudent:  
Philosophi verò quare quidque ita sit, argumentis, & rationibus do-  
cent,

cent, non eventis, quibus liceat non credere. Ceterum quanta est pugna Alchymistarum inter se, cum alii universale menstruum, seu Philosophorum mercurium, vel substantiam, quæ aurum exsolvat, & formâ exuat in hydrargyro, alii in nitro, alii in spiritu vitrioli quærant: & quod mihi permirum videtur, plerique se tanti arcani compotes jactitant, alios verò, qui ab ipsis dissentiunt, ut impostores, & sacrilegos totis voluminibus concidunt. Cedo quem sequar? Veteres in mercurio, & sulfure laborabant; juniores nitrum & vitriolum mirificè commendant: utris credam? cur cogar eos sequi, qui neque inter se, neque cum aliis consentiunt?

*Aliæ rationibus transmutationis adstruuntur.*

*Simp.* Equidem video Alchymistas in magno discrimine constitutos: quid tamen possint reponere paulò attentius consideremus; neque enim inaudita causâ sunt proferibendi. Primum quod metallorum transmutationem attinet, non video, cur omnino impossibilis habeatur: nam ferrum in æs mutari tum naturæ, tum artis industria, ne inimici quidem Alchymistarum negare audent. In monte Carpatho fons est, in quem ferrum injectum corroditur, & conflatum abit in cuprum. At fortè æris ramenta in ferro inerant, quæ per aquas atramentosas defluunt. In hac olim opinione fuit Ercherus, sed postquam experientiâ cognovit in vitrioli sodinis clavos, & alia ferramenta in purum æs conversa, tum veram fieri transmutationem fateri tandem coactus est. Neque id novum, vel mirum videri debet, cum ligna, & ossa in lapides, metalla in lithargyrum, & vitrum convertantur, ac rursum vitrum in metallum reducat. Quid vitro cum metallo commune, & tamen reciprocis mutationibus unum in alterum commutat. Neque hic subtilius requiro, an plumbum à stannæ, vel antimoni regulo, specie differat: nam rerum species, ut collibitum est, modò confundis, modò distinguis. Mihi certè argentum tam simile auri videtur, quàm stanni plumbum. Negas argentum ita figi posse, ut aurum æquet pondere. Dic ergo, cur stannum in plumbum, & vicissim plumbum in stannum commigret. In Magni Hetruriæ Ducis thesauris duo clavi partim auri, partim argentei ostenduntur, Alchymistarum arte conlati. Ex iisdem sanè principiis aurum, & argentum ducuntur, nec rarò eidem mineræ adhærescunt. Vidit Albertus auri fibræ, quæ per silicem discurrebat, degenerasse in argentum, cum ad aliud lapidis mollioris, & rarioris genus pervenisset. His addit Cæsalpinus, auro omni argentum inesse vario pondere, alibi denâ, alibi nonâ, alibi octavâ parte; cui pars quinta inest, electrum dicitur, cumque est nativum, id ferunt venena prodere, atque in calicibus discurrere arcus cœlestibus similes, cum igneo stridore. Fieri potest, ut veneni vis acer-

acerrima quasdam electri particulas separet, & virus suum stridore, prodatur. Quòd si tanta sit argenti cum auro cognatio, ut ex iisdem principiis, atque in iisdem venis procreentur, cur unum in alterum commigrare posse inficiemur? præsertim cum Innumeris constet experimentis, metalla in sese reciproca mutatione commutare. Omitto formulas, quibus Chymicorum libri scatent: nam partim sunt falsæ, partim inutiles, & citra ullum compendium perfriciuntur; solam artis demonstrant possibilitatem. Nam Alchimis religio est arcana sua evulgare: hinc omnibus æqualiter abrogatur fides, atque omnes sine ullo discrimine imposturæ nomine infames habentur: quanquam verisimile non sit, omnes Alchimis hoc vitio laborare, ac prorsus sit incredibile, tot illustres viros impudentissimè mentiri, ac toti orbi illudere.

Cætèrùm ut ingenuè dicam, quòd sentio, vix ullà mentis contentione assequi, complectique possum, quā arte hydrargyrus pulveris aurifici, vel ut ajunt fœcundi sulfuris grano, non solum figi, & aureo colore tingi, sed etiam augeri pondere possit, cum nullius materiæ fiat accessio. Eadem est ratio argenti in aurum commutati: nam unde argento tantum accedit ponderis, quòd si cæmentorum, vel refectionum beneficio quippiam alienum subierit, quòd argento, & eolorem, & pondus auri conciliet, hæc non erit vera transmutatio, sed sophistica potius adulteratio, quæ faciliè à Docimastis deprehenditur: neque enim ignem, neque alia sustinet examina, & citò evolat, cum appositum duntaxat fuerit, non exquisitè permixtum. Argentum coctione figi, & maturari non repugno, sed pondus crescere citra novæ substantiæ accessionem, non puto. Nec clam me est, ex ferro chalybem, & duriorē, & graviorē prodire; at id non sit citra ferri immutationem. Chalybem quoque in crocum levisimum abire non inficior; at mole augetur, vel certè multum de illius substantiā decedit. Laterculi coctione fiunt graviores; & meritò quærit Modestinus, quid fiat, ut in examine metallico res ignem passæ non sine detrimento favillarum, ponderosiores inveniuntur, quàm nondum in flammam illatæ: nam si testam, vel eupellam, plumbum, & metallum ponderes ante examen, omnia sunt leviora, quàm post, iterum ad libellam revocatis scoriis, testâ, massulâ, metalli, quæ probanda erat, & eupellâ cinerâ; cum tamen de plumbo multum perierit. Rationem ex Cæsalpino jam supra reddidisti, quæ tamen Libavio displicet: quòd si enim fuliginis additione pondus crederet, calcem vivam lapide ipso fieri graviorē necesse foret. Existimat verò levi aëre extruso, eupellæ, vel cineritii meatus spiritibus metallorum fixis & ponderosis com-

*De lapide philosophico, an sit possibilis.*

pleri. Utut sit, difficile est homini non hebeti, neque inexercitato persuadere totum argentum in aurum facessere, aucto quidem pondere, mole nihil imminutâ. Quemadmodum ex ferro chalybem, sic ex argento aurum procreari nihil contradico; adeo ut pars argenti purior, & defæciator in aurum commigret, & quantum ponderis accedit, tantum de ipsâ mole decedat. Reclamant quidem Alchimistæ, ac plerique se expertos testantur totum argentum, vel mercurium in aurum conversa fuisse. Mitto cæteros, non parum me movet Glauberi, qui adhuc in vivis est, auctoritas: is quendam ex nitro liquorem præparat instar aquæ pellucidum, cujus vires omnino incredibile miris effert laudibus, eumque auri potabilis nomine Insignit: huius liquoris unciam cum scrupulo, vel dimidiâ drachmâ hydrargyri vitro infundit, arenæ calidæ ipsum vas vitreum imponit, quousque humore exhalato sal candidum in fundo sublidat, & aquæ pluvialis affusione humorem restituit, atque in fundo vasis totum mercurium in aurum commutatum remanere asseverat. Eâdem arte docet cætera metalla in tenues laminulas diducta in aurum converti, nullo tamen compendio, & citra ullum emolumentum. Ipsum denique liquorem humore efflato in salem redigit, cujus dimidiam unciam cum 20. vel 30. granis alicujus metalli in tenuissimas laminulas comminuti perhibet, crucibulo imponit, sal metallum penetrat, & intra horæ quadrantem in optimum aurum commutat. Multa mihi in hanc sententiam occurrunt, quibus transmutatio metallorum non suadetur modò, sed etiam persuadetur: Verùm ea non invitus silentio prætereo, ne quod ipse expertus non sum, vos docere videar. Neque eo consilio hæc disputo, ut vos ad studium Alchimie incendam, deterrerem potius, cum nulla scientia difficiliore habeat aditus, nulla periculosior, nulla magis impostoribus pateat. Neque ego utilitatem aliquam aucupans Chymicorum libros, sed delectationis causa, cum est otium, legere solco, vel eorum labores Intueri. Sed ad institutum revertar meum, atque experiam, an rationes, quas adversus metallorum transmutationem collegisti, solvi ullo modo possint. Totam disputationem in pauca conferam. Negas Chymicos, ex quibus principiis metalla consistit, vel quo loco, quo tempore, quibus instrumentis utatur natura, exploratum habere; atque adeo imposturæ nomine suspecti sunt, qui chrysopseam profitentur. Ego verò Alchimistarum non suscepi patrociniolum, neque artificum vitia, sed artis excellentiam defendo. Nec necesse est omnia naturæ momenta in procreatione metallorum Chymicis esse perspecta: satis erit, si viam insistant per experientiam sibi cognitam. Qui tepore simi in Ægypto ex ovibus pullos exclu-

*Satisfa-  
cobjectioni.  
bui.*



excludunt, quo modo pullus efformetur forsitan ignorant. Serit tritici agricolæ, terram vel stipularum incendio, vel fimo reddit fecundiorē: an necesse est, ut ipse norit modum, quo tritici granum terræ gremio exceptum, primum in herbam viridem assurgat, tum sensim adolescat? An occultum in cineribus, vel fimo inesse salē, eumque nitrosum, & secundum, habet exploratum? Sed incredibile est tantum valere artem Alchymisticam, ut plumbum subito in aurum convertat, cum ipsa natura non nisi labentibus annis hoc metallum in terræ visceribus procreet, quod ex purissimâ materiâ, non mole magnum, sed sæpè in granula comminutum, vel in lapidum fibris diffusum reperitur: non enim substantia adeo defæcata, vel ubique, vel magnâ copiâ potest occurrere. Cum igitur naturæ solertiam nulla ars, nulla manus, nemo opifex consequi possit imitando; verisimile non est obscuros homines, & abjectos posse ad libitum ex plumbo, hydrargyro, atque aliis inferioris notæ metallis aurum purum putum conficere. Hæc sanè me non mediocriter movent, ac difficile dictu est, quæ hujus repentinæ transmutationis ratio, quæ causa esse possit. Sed ratio ipsa nos lateat, nunc continuo tot illustres Philosophos, aut stultitiæ, aut vanitatis, aut impudentiæ insimulabis? Magna quæstio est, utrum ars naturæ opera moliri possit. Verum ad propositum nostrum nihil pertinet: non ars, sed natura ipsa species metallorum mutat: naturæ verò ars famulatur; ignem regit, vasa præparat: sed natura sola opus absolvit. Exemplum Medici adhibet Albertus, qui noxios humores expurgat, tum naturam ipsam corroborat, atque insitum adjuvat calorem; adeo ut sanitas naturæ, ut causæ principi; arverò ut organicæ, & instrumentariæ accepta referatur. Non dissimili modo Alchymistæ hydrargyri, & sulfuris impuram substantiam purgant, tum paulatim digerunt, atque insitam vim calore convenienti promovent, & ad perfectionem deducunt. Neque necesse est, ut tantum temporis natura arte sibi aneillante adjuta impendat, quantum in visceribus terræ insumere perhibetur. Quis enim ignorat naturam ab arte perfici? plumbum, vel stibium, silices ipsi in vitra splendida commutantur: ex ferro æs purissimum intra paucas horas conficiunt: è plumbo cerussam, & minium; ex argento cæruleum; ex cupro æruginem, & orichalcum, atque alia infinita præstant artifices, quæ natura vel nunquam, vel nonnisi post longam annorum seriem, absolvit. Natura quippe arte adjuta paucis momentis pleraque gignit, effingit, mutat, quæ sola nequit perficere. Illud non ignorant Medici, qui naturæ adjutores, & ministri cum sint, morbos præfigant, quos solius naturæ vis expugnare non poterat. Sic hortulani fructus præ-

coces procurant, & varias transplantationes (ut Chymicorum vocem usurpem) varias insertiones adhibent. Quid multa? ars & natura sibi mutuas tradunt operas, quæ hæc inchoavit, illa perficit: natura sine arte multum valebit, ars nulla esse sine natura poterit. Terræ, inquit Fabius, nullam fertilitatem habenti nihil optimus agricola profuerit: è terrâ uberi utile aliquid, etiam nullo colente, nascetur: at in solo fecundo plus cultor, quàm ipsa per se bonitas soli efficiet. Istuc quidem ad propositum faciliè accommodari potest. In primâ metallorum generatione majus naturæ, quàm artis esse momentum crediderim: sed ubi de summâ eorum perfectione, & multiplicatione agitur, plus arti deberi, quàm naturæ puto. Illa materiam suggerit, hæc veluti formam largitur, ac vim prolificam in metallo quasi sepultam, atque in materiæ recessu abditam excitat. Ac ne illud quidem verè dici potest, Alchimistas formam ab auro scjungere: tenuissimam quidem ac subtilissimam cujusque metalli portionem formæ, tincturæ, vel fecundi sulfuris nomine insigniunt: illamque, ut loquuntur, exaltant, ac purissimam reddunt. Nec mirum, si hujus pulveris granulum in materiam sibi attemperatam conjectum, temporis momento eam figat, atque in aurum convertat: nam illa tinctura est potestate maxima, licèt sit mole minima; materia quoque est omninò disposita: quare nihil superest, quod transmutationi moram objiciat. Subitaneas in metallis operationes & mutationes quotidie miramur. Aqua fortis stibio affusa statim effervesceit: quot præcipitationes in momento perficiuntur? cuprum, vel plumbum, vel stannum in laminulas diductum, cum unâ parte scobis tiliæ, duabus sulfuris, & novem nitri partibus permixtum, si prunâ injectâ accendatur, hoc incendio metallum adeo perficitur, ut per cupellam fulminatum non nihil auri, vel argenti expromat, cum antè ne micam quidem contineret. Ultima certè perfectio materiæ optimæ dispositæ, atque ad suscipiendam formam proclivi in momento accedit. Quantula veneni pars totum corpus pervadit, & in puncto temporis corrumpit? hæc sanè vis efficacissima non à solo calore, vel elementari qualitate, sed ab occultiore causâ proficiscitur. Verùm, inquis, aurum nec corrumpi, nec destrui potest, nec propriam formam deponere, nedum aliud gignere: non enim virtute seminali, & fecundâ donatur, vel instar viventium propagatur. Hoc ipsum in quæstionem vocatur: nam Alchimistis contrarium videtur: nec desunt historiæ, ex quibus metallorum propagatio quodammodo persuadeatur. Citat Martyrem Libavius, qui decade 3. l. 8. hæc habet: In Hispaniolæ, inquit, provinciâ Cotoy dictâ, ex montium fissuris nascitur arbor aurea, cum acmante,

&amp;

& ramis. Ad urbem Firmicum in Pannoniâ arbuta aurea assurgere narrat Fulgofus. Sic in montibus Huñgariz, ex quibus multum auri extractum est, nasci vites foliis & uvis deauratis, ex oculatis testibus refert Glauberus. Ferrum in propriâ fodinâ renasci jam alibi diximus; imò ex recrementis in cumulos divisis, & congestis ferrum constat. Curbachii in Vefphaliâ exhaustorum metallorum cumulos quaternis annis excoqui; temporis tractu fodinam in meliorem commutari; quædam metalla subterraneis halitibus absumi, cum seriùs effodiuntur; ex bismutho, & cadmiâ fossili omni argento vacuis, atque in cumulos congestis, post aliquot annorum volumina multum argenti extractum fuisse docet Matheſius, cætera Alchimiſtis non satis æquus. Hæc fanè, ne concipi quidem poſſunt, niſi vires feminarias, & fecundas in metallis eſſe fateamur, ex quibus generatio omnis, & propagatio ducatur. Noſunt Chymici artem, quâ metalla inſtar fruticum, vel arborum creſcant, atque in ramos diſſundantur. Alii aliter id opus aggrediuntur. Glauberus cryſtallum, vel ſilices, vel arenam mundam, & exquiſitè lotam comminuit in pulverem; ſalem niveum è tartaro calcinato per multiplicem ſolutionem, & coagulationem educit cum pulvere ſilicum permiscet: uni parti ſalis tartari, quarta duntaxat cryſtalli, vel ſilicis pars adjungitur; mixtura in illam fornacem, cujus ſuprà meminimus, paulatim conjeſta ſpiritum Cap. 2 præbet album, & craſſum, quem utilem adverſus plures morbos, ut calculum, & podagram, eſſe teſtatur. Quod verò in fundo vaſis remanet, vitro fuſili, & pellucido non diſſimile ſervandum eſt, idque extractum ab aëre cuſtodiendum, ne humore tabeſcat: mira in rebus metallicis præſtat: nam metalla ſolvit, digerit, perficit, atque aurum exſolutum præcipitat. Cum aurum in aquâ regiâ, vel argentum in aquâ forti exſolveris, & aquam leni calore extraxeris, tum calcem colliges, atque in globulos compones; liquorem è tartaro & ſilicibus educitum cum tartari lixivio æquâ portione commiſcebis: cucurbitæ vitreæ affundes, cui globuli metallici imponentur, ac ſtatim creſcere, & inſtar arborum aſſurgere, non ſine voluptate cernes; quaſi amicam, & uberem terram naſta fuerint, ſic in momento adoleſcunt. Sed cavendum eſt, ne aër ſubeat. Idem auctor nitrum fixum alibi præfert tartaro. Silicis, vel arenæ partem unam, carbonum tiſiæ partes 3, nitrî optimi part. 6. permiscet, ſpiritum prolicit eo, quo diſtum eſt, modo: facies in fundo instrumenti remanentes colligit, quæ omninò eadem exhibent, ac liquor tartari: nam metalla præparata huic oleo immerſa brevi creſcunt inſtar arborum. Riſerit fortaffe aliquis hæc Chymicorum miracula, comentitias fabulas, atque aniles ſuperſtitio-

nes putet; ego non audeam reprehendere, quousque mihi contrarium experientiâ confiteri.

\*\*\*\*\*

## CAPUT UNDECIMUM.

### De præparatione metallorum.

- I. De venis metallicis agitur, & quo modo discernantur. II. De earum fusione, & examine. III. De metallorum variis separationibus, ubi de cupellâ, quartatione, & camentis; ac multa Alchymistarum arcana illustrantur. IV. Horum omnium rationes inquiruntur.*

*Menander.*



On mihi est animus experiri, aut furnos adornare. Ista quidem studia non improbo, moderato modò sint: sed nemini suadere velim, ut se in hoc vitæ genus conficiat periculis, & molestissimis plenum laboribus. Licet ex aliis exemplum sumere: Nemo ex iis furnulis largiùs inauratur: nec magna messis solet ex eo agro provenire. Ars spagyrica suas quidem habet dotes, & latissimè patet: non parum lucis Philosophiæ infert; omnium serè artium principia complectitur: permagni quoque ad Medicinam usus est, ac potentissima remedia suppeditat, modò à peritis Medicis, non ab indoctis tractetur Empiricis. Ex illius fontibus rerum tum maximarum, tum etiam occultissimarum rationes hauriuntur, quarum cognitio humanissimè complet animum voluptate. Quamobrem non intercedo, quominus hanc artem ediscant Philosophi, dum sibi caveant ab impostoribus, qui omnes hujus scientiæ aditus, tanquam latrunculi obsident. Quòd si me audierint, non incumbant in metallorum transmutationem: nam certa his hominibus impendunt naufragia, & vix unus ex millibus voti sui compos evadit. Stultum est incertam spem tanti emere: multum auri profunditur, tanquam venturi auri illecebra; sed rarò tali escâ capitur. Enimverò cum ipsâ arte pugnare nolo, sit sanè tanta, quantam Chymici illam esse volunt: nos ex te recôndita Alchimiæ mysteria non exigimus: at redde cætera, quæ ad artem metallicam pertinent, & de venarum excoctione, usu, & vasis (ut cum Chymicis loquar) magisteriis perge dicere, atque expleveris expectationem nostram.

*Simp.*

*Simp.* Longum est me nunc exponere, quâ arte metalla ex suis eruantur fodinis, quo examine probari, & fundi soleant venæ metallica; quibus artificiis aurum, & argentum ab extraneis purgentur, & separentur; quomodo in calcem, flores, spiritus, & olea resolvantur; quibus demum usibus inserviant: hæc sanè ex metallariis, docimastis, aurificibus, & Chymicis sunt requirenda: sunt etiam innumerabiles de iis rebus libri, neque additi, neque obscuri. Sed quoniam libitum est vobis me ad hæc impellere, faciam ut vultis, & locum istum totum, ut à doctissimis tractatus est, explicabo. Non repeto, quibus indiciis latentes metallorum venæ deprehendantur; in montibus eas esse frequentiores fugit neminem: gramina solito tenuiora; pallentia arborum folia; cæruleæ flammæ calidioræ potissimum cælo huc, & illuc discurrentes; metallorum ramenta, ac veluti fibræ in vicinis detegantur fluminibus conspicuæ, tot sunt venæ delitescentis argumenta. *Quâ arte mineræ detegantur.* Ar- genti, atque auri fodinæ rarè in frigidioribus locis, sæpè in calidioribus ad Orientem, vel Meridiem obversis reperiuntur: contra plumbi, & stanni mineræ frigidiora loca amant. Sunt, qui coryliæ virgæ ejusdem anni, & bifidâ utantur, ut latentes venas explorent. Heliophilus id sæpè se expertum tradit, quod cum furculo coryli sursum erecto, & virgulas utroque pollice compressas, obversis manibus gestaret, illuc virgæ erectæ apex ultrò inclinabat, ubi inerat argentum; sive jaceret in terrâ, seu foret in ipso thorace reconditum. Alii id valdè incertum esse experimentum, & superstitionis plenum contendunt. Glauberus globulum ex electro confatunt, atque in medio perforatum furculo coryli inserit, isque erectus circumfertur: cum mineræ furculus imminet, tum velut suâ sponte deprimitur, ac delitescentem venam prodit.

Metalla plerumque lapidibus adhaerescunt, quos Græci pyrites, *De venis metallicis;* marcasitas Arabes dixere. Quamquam pyrites in æris fodinis orichalcum colore referens, sit frequentior; aliis tamen coloribus imbutus passim occurrit. Ex illo lapide nonnunquam æs argento permixtum; interim alia metalla extrahuntur. Galena quoque argenti, & plumbi communis vena colores suos variat: nam sæpè lividum, aliquando fulvum, aut cæruleum exprimit colorem: plumbaginem Latini, molybditum Græci vocitant: ex 100. plumbaginis libris vix una argenti: sæpè 40. plumbi libræ eliciuntur. Aurum ex pyrite quodam cinereo, vel subnigro galenæ non dissimili excoquitur; silicibus, vel durissimis faxis aliquando foliatim adhærescit: purum quoque reperitur in fibris saxorum. Argenti verò majores moleæ è fodinis erui constat: vidit Agricola massas argenteas malleis, vel securibus similes

similes: Interim lucentibus scintillis argentum se prodit, vel in tubulos, & virgulas assurgit: sæpè illius vena subrubra, vel cærulea occurrit: nonnunquam ex bismutho galenæ simillimo; vel ex cadmiâ fossilis, quam cobostum vocitant, extrahitur: aliquando argenti mineræ galenam colore refert; atque hoc indicio discernitur, quòd non uti galena percussa disiliat, sed facilius dilatetur: 100. hujus mineræ libraræ 90. argenti suppeditant. Postremò argenti vena nonnunquam mollis, & subrubra instar carbunculi tralucet; cum verò obscurior est, & magis ductilis, tum majorem argenti copiam præbet. Non igitur audiendus est Plinius, cum ait, venam, unde argentum excoquitur, non nisi in puteis reperiri, nullâ sui spe, ac nullis scintillis lucere; sed è terrâ, vel rubrâ, vel cinerâ extrahi. Siquidem & vena illius sæpè lucentibus micat scintillis, atque ingentes argenti moles in Germaniæ, & Bohemiæ fodinis, teste Agricola, cruuntur. *Æs* quoque purum inventur: illius vena non rarò est coloris purpurei lincis viridibus inspersa: hunc lapidem chalcitini vocant: interim saxis foliatim accrescit, atque ex argenti minerâ crebrò extrahitur. Ferrum rarò purum, & sincerum, nisi in minutissima granula concisum occurrit. Terra, inquit Cæsalpinus, quæ eruitur in Ilvæ insulâ, dum vena effoditur, tota procedente tempore in venam convertitur: laudant candidiorem, & quæ rubricam habeat admistam; damnant luteam, & nigram. Stannum donique ex lapillis nigrioribus saxo arenoso adnatis, summo labore excoquitur. Metalla per sæpè cum aliis permista, & confusa inveniuntur, quod magno est argumento illa ex communi materiâ proficisci. Non ex puteis modò altioribus effodiuntur, sed etiam in summâ tellure offlorescunt. Aurum, & cuprum è terrâ purpureâ, aut flavâ; interim ex chrysocoliâ, vel cæruleo, imò ex ipsius constantur silicibus.

Glauberus (quem sæpè nomino, quòd in rebus metallicis tantos progressus habeat, ut cum excellentibus in eo genere Chymicis comparatur) quâ arte aurum è silicibus, non sine aliquo emolumento extrahi possit, peculiari libro aperuit. Silices eligit in locis arenosis, vel in fluviorum ripis; eos crematos aquâ frigidâ restinguit; quòd si fracti rubeum, aut flavum colorem exprimant; tum auro prægnantes judicantur: sin albedinem custodiant suam, indicium est, eos omni auro esse destitutos. Cum silices antea rubri extinctione obscuram exhibent rubedinem, indicium est, eos non aurum, sed ferrum continere: nam qui auri sunt feraces, cremati flavo, & splendide nitent colore. Albos quoque lapides maculis, vel lincis cæruleis, flavis, tubris, aut virentibus inspersos non aspernatur. Pteraque præparat



parat infundibula ex terrâ tenaci, & optimâ, quæ in scamno multis foraminibus pervio ex ordine disponit, ac singulis vasa, vel receptacula supponit: comminutos silices cuique infundibulo sic imponit, ut majora frustula infimam, & angustissimam infundibuli partem compleant; minutiores verò particulae supremum locum occupent. Spiritum salis rectificatum, atque eâ methodo, cuius supra meminimus, præparatum primo infundibulo affundit: ita ut trium digitorum filicibus emineat: hic nonnihil auri in lapidibus delitescens exsolvit; atque ubi in vas suppositum effluerit, secundo infundibulo, deinde tertio, & ita porro est affundendus, quousque rubro auri colore, sat imbutus appareat: tum novum salis spiritum cuique infundibulo, simili prorsus ratione apponit; idque toties repetit, quousque omni auro exhausto, nullo amplius colore tingatur. Spiritum novo operi profuturum per distillationem prolicit: aurum ferro, & aliis metallis admixtum in fundo retortæ, aut vasis distillatorii remanet: nec faciliè per cupellam ab aliis metallis seceratur, sed beneficio antimonij, eo quo infra dicturi sumus modo. Aliam subindè rationem, & methodum proponit, quâ aurum è silicibus eliciatur, sed brevitati consulens eam prætermittit. Neque ut puto, id mihi negotiis datis, ut omnes machinas, & fornaces, quibus mineras expurgare, & examinare solent, vobis describam: nam præter cæteros Agricola, Erkerus, & Mathæsius hoc argumentum satis illustrarunt.

Torrentur venæ metallicæ, eluuntur, lixivii incoquantur, ut *De vend-* arsenico, sulfure, & cadmiâ, quæ metalla deprædari solent, liberentur: *rum præ-* nisi enim vena auro, vel argento prægnans torreatur, aut certis fig- *paratione,* tur lixivii, sulfurei, & arsenicales sumi per multum metalli abripi- *et fusione.* ant necesse est. Hinc docimastæ, & metallurgi in urinâ, vel calcis, & cinerum clavellatorum lixivio venam diu macerant, aut contusam, aquâ forti perfundunt, ut metalli involucra detergantur, atque ipsum metallum antè reconditum, & quasi oppressum appareat. Sal fusionem promovet, ac metallum quasi injectis compedibus retinet, ne unâ cum volatili sulfure fugam capeßat. Ferri quoque squamas adhibent, figit enim ferrum volatilia, auget fervorem, arcet fugacia. Cùm vena more consueto torretur, tum mineralia quidem volatilia dissipantur; sed unâ secum non mediocrem auri, vel argenti portionem efferunt: quòd si non torreatur, ignis vehementior majorem metalli partem consumit. Postremò si vasis oclusis liquentur venæ, quidquid metalli inest, in scorias abit, nec plumbum ingreditur. Si nitrum tam magno non constaret, cum tritâ, & contusâ minerâ subduplum nitri permiscendo foret, quod prunâ incensum, moximum, & combustibile sulfur absu-

Rrr

meret.

meret. Hac quidem arte non antimonium modo, sed omnia propè mineralia expurgantur: nitrum quippe quidquid sulfuris inest, consumit. Sic vena combustibili sulfure spoliata plumbo fusio sensim imponitur; extrahuntur scorix: cum plumbum auro, vel argento satis diteseit, tum semel, atque iterum aliquantulum nitri immittitur, ut sulfur inutile diffidetur: sic plumbum cupellæ ex cineribus confectæ imponitur, cujus meatus sensim ingreditur; aurum, & argentum sola remanent.

Jam caput artis est idoneas fornaces struere, atque ignem opportune moderari. Per mihi placet Glauberi furnus, quem in explicatione miraculi mundi satis apertè describit. Oblongus est, ex optimis compactis lapidibus, in tres velut cameras distribuitur, quæ suis veluti parietibus, ac tabulatis distinguuntur: sic tamen, ut calor ex primâ in secundam, ex secundâ in tertiam per apertum, & patens foramen commeari possit: singulis cameris suum conceditur ostium, per quod mineralia apponuntur. In primâ hujus fornacis regione, ubi calor est intensior, focus, seu vas ex optimâ terrâ compactum collocatur; in secundâ cupella ex cineribus, vel testa ex argillâ; in tertiâ demum focus aptatur. Hic minere torrentur, tum in primæ partis focum transferuntur, ut unâ cum plumbo eliquentur. Jam alius oblongior furnulus huic contiguus adornatur, in quem signa accensa conjiciunt, ut flamma per apertum foramen in ima parte positum, primam fusoriæ fornacis regionem subeat. Injectis lignis furni hujus lateralis pars suprema ferreo operculo tegitur, sic fornacia fusoriæ ostiola clauduntur, cum opus erit aperienda. Regula denique inter utrumque furnum mobilis, quæ commune ostium, seu foramen ad libitum claudit, vel reseat, aptabitur. Foramina quoque non decurrunt in infimâ lateralis furni parte, ventilatores vocant: nam aperta ignis calorem ventilant, & clausa temperant. Quare vena auri, vel argenti in supremâ parte leviter aduritur, tum plumbo, quod in primâ camerâ fluere diximus, sensim immittitur; hanc flamma ex laterali furno perstringit; fusa cum plumbo minera, nitri accessione purgatur; in secundam transfertur regionem, ubi ignis crebrâ ventilatione intenditur; plumbum abit in lithargyrum; aurum verò, vel argentum instar placentulæ à plumbo secretum manet. Non dissimilis est fornacis constructio, quam lib. 4. furnorum idem auctor, qui mihi hujus artis antistes videtur, exhibet: In plures hujusmodi partes distinguitur; sed in infimâ tubus aptatur, qui quo longior existit, hoc vehementiorem ignem accendit. Hoc furni genus aptari potest propè cubiculi superioris caminum, & perforato pariete aer ex inferiori do-

mus cubiculo, per ambo, tum muri, tum fornacis sibi contigua foramina irrumperet. Quinetiam si tubum ferreum medio foramini, quod in tecto fornacis patet, accommodes, ignis calorem misum in modum augebis: adeo ut non follibus, non ventilatoribus opus sit, sed satis fuerit regulam mobilem, seu registrum infimo foramini adhibere, ut varios ignis gradus moderetur. Hujus fornacis beneficio diversis simul operationibus incumbes: nam in parte infimâ fundentur metalla, calcinationes, cæmenta, atque alia id genus opera, quæ vehementiorem ignem requirunt, perficientur; in aliis verò vegetabilia poterunt calcinari, distillari, crucibula exsiccare, vena torrerî, atque alii ejusdem generis labores peragi.

Quoniam attigi rem difficillimam, atque à paucis comprehen-  
sam de metallorum fusione, & examine, illud silentio prætermittere  
non possum, omnes metallicas venas fundi, & liquari posse plumbi,  
vel nitri, vel sulfuris, vel antimonii denique adminiculo. Nonnun-  
quam mercurius, & aquæ stygiæ in hunc usum adhibentur. Plum-  
bum verò in cineres redigi solet, quò mineras altius pervadat, & su-  
bigat: illud cum auro, argento, & cupro facillè confunditur, sed ferri  
& stanni, quoddam diversæ sint naturæ, societatem aspernatur: in his  
quippe sulfur, in plumbo abundat mercurius. Nitrum verò sulfur omne  
superfluum invadit, quidquid à metallo alienum est convertit in scorias:  
tum effusa minera in vas cerâ oblitum, auri, vel argenti regulum  
in vasis fundo deponit; postremo cupellæ, seu cineritii beneficio  
plumbum ab auro, vel argento secernitur. Ubi vena agrestior est, nec  
facillè domabilis, aliquantulum scobis ferreæ nitro adjungunt, quæ  
fusionem accelerat, & reguli descensum promovet. Non dissimili mo-  
do chalcitis, quidquid recondabat argenti, depromit: hæc enim liqua-  
tur; tum salpetræ paulatim in catillum injicitur, donec chalcitis in  
scorias, aut vitrum viride faceat: liquata massa effunditur, argenti  
regulus in imo subsidit: scoriarum iterum catillo, seu crucibulo comissa  
prunâ conjectâ funduntur, & chalcitis pristinam recuperat formam.  
Non me latet aliis quoque modis metallorum venas probari. Sunt qui  
aliquantulum venæ contusæ cum multo vitro Veneto, vel alio fusili  
liquent; vitrum enim colore metalli delitescens imbutur: quod si ef-  
fusum viridem exprimat colorem, vena cupro sætatur; si rubro, vel  
cæruleo colore tingatur, argentum, vel aurum vena continet. Non-  
nulli miscent sulfuris partem 1. puri tartari 2. nitri itidem expurgati  
4. cum drachmâ contritâ minere; hæc crucibulo imposita ferro can-  
dente accenduntur, quo quidem incendio minera redigitur in scorias;  
quidquid in eas abire renuit, cum novâ iterum mixturâ, atque eodem  
proflus

prolus modo inflamatur : scorix igne fusionis convertuntur in vitrum, quo effuso granum, seu portiuncula auri, vel argenti in imo remanet.

*De metallorum separatione.*

Non dissimili arte metallorum separatio instituitur; sive plumbo, sive antimonio, & sulfure, seu nitro, seu demum aquis stygiis utantur artifices : horum enim omnium una serè est ratio : unumquodque metallum alterius sibi consimilis societatem affectat; dissimile, & alienum fugit. Sic mercurius facilè cum auro, ægrè cum ferro vel cupro conjungitur : & plerique sperant se, ex terrâ aut venâ beneficio hydrargyri aurum, vel argentum extrahere posse ; adeò ut mercurius cum terrâ auro scetâ coctus aurum sibi amicum rapiat, idque dimittat, cum per corium, ut moris est, trajicitur. Sic aurum unâ cum cupro dissolutum, & simul cum eo digestum, quidquid auri in cupro inerat, attrahit, & nihil incrementi sumit. Quis ignorat aurum in cupellâ cum plumbo fufum, atque ut loqui solent, fulminatum, gravius inde, & pallidius educi, quòd in illo examine sibi ut simile, ut amicum rapiat argentum, quo nullum serè plumbum caret.

*De cupellæ examine.*

Non vos fugit cupellam ex cineribus ossium compingi ; huic prius exsiccatæ plumbum imponitur, cui liquato quartam vel circiter auri partem adjungunt ; id quoque brevi plumbi calore funditur ; augetur ignis, cujus vim plumbum sustinere non valet ; nec tamen infumum, ut plerique putant, evanescit, sed Lithargyrum extenuatur, & poros cupellæ subit ; quidquid in auro vel argento alienum erat, secum trahit : aurum verò invictum superest : non enim in scorias abire potest, quòd nullo sulfure combustibili inquinetur, nec sale superfluo abundet : sed partes habet ardiori vinculo constrictas, quàm ut solvi queant, vel in scorias mutari. Plerique artifices vtant cupellam ex ossibus suillis, & calcinatis parari ; fortè quòd laxiores relinquant meatus, quos aurum ipsum unâ cum plumbo subit : neque hinc aurum nisi summo labore, per crebras ablutiones colligi potest. Vidi qui mihi affirmaret aurum in cupellâ ex ossibus galli gallinacci constat fulminatum, seu examinatum statim dissilire. Porro non aurum modò, sed etiam argentum in cineritio, vel cupellâ expurgari solet ; maxime si cum cupro commixtum fuerit : nam ubi cum ferro, vel stanno confunditur, cupellæ examini subijci non potest : ferrum quippè cum plumbo non liquatur : stannum verò statim convertitur in scorias, quæ crassiores sunt, quàm ut cineritium ingredientur, ac persèpe multum auri, vel argenti deprædantur. Quamobrem necesse est, ut hæc metallorum secretio, vel antimonii, vel nitri adminiculo, vel aliâ industriâ perficiatur. Verùm hæc linquamus, quæ satis dilucidè

ab aliis tractata fuisse, quæque magis ad artifices, quàm ad Philosophos videntur pertinere. Neque ista cò attigi, ut vos ad rei metallicæ studium impellerem; sed ut rerum, quæ ante oculos positæ sunt, intimas, si fieri posset, rationes scrutaremur. Nec clam me est, hæc magis usu, & exercitatione, quàm præceptis edoceri. Non est quidem tanta in his rebus obscuritas, ut ea non penitus acri vir ingenio intelligat, si modo adspexerit: sed nemo res tantas nisi monstratas poterit percipere. Jam illis omiſſis ad reliqua progrediar, & de usu metallorum dicere incipiam.

*Men.* Hæc quidem partes fuerunt tuæ, de examine, separatione, & variâ metallorum præparatione ut diceres, & cras jam ipse ingressus artem chymicam: quare nisi jam defessus es, & si tibi graves non sumus, refer te ad illam, quæ ut puto intellectu est facilis, & usu necessaria.

*Simp.* Me igitur quando ita jubes, ad meum munus, pensumque revocabo. Aurum, & argentum ab aliis, quæ imperfecta dicuntur metallis, non uno quidem modo secernuntur: sed nullus mihi videtur, vel utilitate major, vel usu facilius, quàm qui nitri, & stibii beneficio perficitur. Antimonium enim ex impuro quodam, & combustibili sulfure, neque non ex mercurio à metallis non abhorrente componitur. Cum itaque regulas antimonii cum cupro, stanno, vel plumbo, æquali pondere liquatur, tum sulfur antimonii cum metalli sulfure, illius item mercurius cum hujus mercurio conjungitur. Quod si tantum nitri, quantum utrumque tum metallum, tum antimonium, ponderat, sensim adjectis, sulfur omne vi, atque impetu nitri agitatatum in scoriarum convertetur, quibus aucto igne liquatis, atque in aliud vas effusis, tum regulus, seu pars metalli gravior, & purior, omni sulfure inutili liberatæ in vasis fundo subsidet. Licebit quoque nitrum cum metallis, & stibio contusus prunâ accendere, detonatione peractâ, scoriarum accenso carbone, vel candente ferro iterum funduntur; effusa regulum præbent, qui per cupellam fulminatus, aurum, vel argentum in metallis reconditum prodit. Eadem prorsus arte cuprum, aut stannum auro, vel argento admixta separantur. Tres uncias tum cupri, tum stanni cum unâ auri librâ confusas supponamus, quæ per cupellam non sine magno dispendio extrahi possunt. Itaque tres itidem uncias reguli antimonii unâ cum impuriori massâ liquare operæpretium fuerit: stibium quidem stannum, & cuprum in scoriarum mutabit: quò verò stibii regulas ab auro secernatur, tres quoque salispetræ uncias non subtrahò, sed sensim, cum pulcrè metalla fluent, in catillum conjiciam; tum nitrum & regulum antimonii, & cuprum,

& stannum in scorias mutat, quæ tamen nonnihil auri deprecantur. Quare illas iterum catillo imponam, ferro candente incensæ regulum auri, vel argenti non expertem dimittent; idque toties iteratum oportet, quousque scoriarum fusionem respuant. Quoniam verò hæc tum Chymicorum, cum Docimastarum, & aurificum mysteria præteritis satius fuisset, quam incepta deserere; dicam itidem quibus artificibus aurum ab argento, atque ab aliis minoris notæ metallis separatur.

*De quar-  
tatione.*

Pervulgata est, & omnibus nota quartatio. Tres argenti partes cum unâ impurius auri parte aquæ forti infunduntur: argentum ab aquâ exsolvitur; aurum verò non solum instar calcis ad fundum delabitur, atque in metallum calx illa fusionem reducit: aqua fortis, vel distillatione abstrahitur, vel in vas aquâ communi plenum effunditur; cupræ subijciuntur laminæ, quibus argenti calx adhærescit. Hæc quidem est trita aurificum via; sed magnos sumptus, longum, etiam tempus postulat. Nam prius argentum funditur, in frigidam effusum comminuitur in granula: nunquam integrum ex aquâ forti educitur; nec facili in metallum reduci potest: siquidem calx argenti aquis stygiis vexata sit fragilis, & ægrè funditur, nisi eam cum lixivio tartari excoquas, vel crucibulo aliquantulum salis tartari præmiseris, quod ubi fluere inceperit, tum paulatim argenti calcem, ut pristinam metalli formam recipiat, injicies. Quod si major sit auri, quam argenti portio, in aquâ regia dissolvitur: sic enim vocant aquam fortem, cui sal ammoniacum adjungitur, quæque aurum, non item argentum exsolvit: sal tartari, vel aqua salsa aurum præcipitat. Difficile dictu est, quæ causa sit, cur aqua fortis argentum, non item aurum, contra aqua regia aurum non argentum exsolvat: cur oleum, seu liquor tartari, si paulatim infillitur, tantum excitet fervorem, atque ipsum aurum præcipitet. An forte spiritus salium, ex quibus aquæ stygiæ consiluntur, ex atomis tanquam ex spiculis constant, quæ metallorum subeunt meatus, ac vincula, quibus partes erant colligatæ, resolvunt. Jam verò salis ammoniaci corpuscula ita sunt conformata, ut auri, non argenti poros ingrediantur. Sed de iis jam alio loco copiosè disputatum est, cum de principijs rerum naturalium ageremus: nec repeto, quæ tum fusiori stylo sumus persecuti de calore auri per liquorem tartari præcipitatæ, quæ aquâ calente identidem abluta, tum exsiccata fragorem edit tonitruum simillimum. Illud quoque observatione dignum est, aurum in eadem laminæ ferreæ parte sæpius fulminatū, illam tincturâ aureâ imbuere; adeo ut acus ex illâ chalybis portiunculâ confecta, auri omnia subeat examina. Sed cautio

*Aurum  
fulmi-  
nans,*

est



est, ne liquor tartari uberior, vel parcior in auri fulminantia præparatione affundatur: hinc non omnibus hoc experimentum succedit; ac longè certius futuram est, si aurum non liquore tartari, sed urinæ, vel salis ammoniaci spiritu præcipitetur. Quæ sit causa hujus fragoris aliis excutiendum relinquo. An fortè partes auri sulfureæ calore rarefacta magno impetu carceres suos distringunt? Scobis chalybea igni admota, fulgurat quidem, non fulminat, quòd sulfure abundet, sed partes ferri non adco sunt compactæ, atque auri partes: hinc nullus ferè sonus: tamen peritissimus in arte Chymicâ Barletus pulverem ex ferro, & ære fulminantem parit. Cum in æs fufum lapillus conjicitur, adco æs ipsum effervesceit, ut cum magno strepitu extraprofilat: nam calor multas lapidis particulas resolvit, quæ magno impetu æris corpuscula dividunt, & attollunt; hinc ebullitio, hinc sonus oritur. Quemadmodum oleo ferventi admixtus humor, vel elychinium madefactum stridet: in his enim omnibus strepitus ex partium divisione, & collisione proficiscitur.

Non vagabitur oratio mea longius: dixi de vulgata auri ab argento separatione aquæ fortis, vel regie adminiculo. At meâ quidem sententiâ mixtum aurum longè majori compendio solvitur spiritu salis, cui perparum nitri admiscetur; factâ præcipitatione purum extrahitur. Plerique malunt viam siccam insistere: sed longæ sunt ambages, operatio sæpius repetenda, molestus denique, & diuturnus est labor. Glauberus aurum ex argento, cupro, ferro, atque aliis metallis permixtum granulat; contriti sulfuris quartam partem adjicit; *Metallorum separa-* nam in tigillo accuratè occluso, & optimè lutato accendit, aucto per *ratio per* gradus igne fluit metallum; paululam nitri sensim immittit, quod *cementa,* aliâ quâdiu fluere permittitur; tum effusa massa regulum aurum deposit. Quod si nullus exeat regulus, reddendum est metallum tigillo, tantum scobis ferreæ addendum est, quantum ferri cum auro permixtum esse conjicitur; unco ferreo, & candente massa est agitando; atque ubi per horæ quadrantem fluxerit, effunditur, ut regulum suum dimittat: idque toties repetitur; quousque regulus plus argenti quàm auri expromat. Argenti verò regulum eadem arte evolves. Omnes demum regulos sigillo, seu catillo impositos nitri beneficio expurgat: nitrum quippe sulfurea quæque aggreditur: antimonium verò ferrum, stannum, & cuprum multo abundant sulfure: hinc faciliè cum salpetræ societatem ineunt: aurum verò, & argentum cum parum, vel nihil habeant sulfuris illius superflui, & combustiblis in regulos colliguntur, & ab aliis impuriorebus metallis secreta vim salis petræ contemnunt, atque ut graviora corpora in imo subsidunt.

Expo

Expofui ferè ut potui, quæ ad venarum fufionem, metallorum, examen, & feparationem pertinere arbitrabar. Ifta quidem omnia, ignis, vel caloris adminiculo perfici oftentum eft: dum enim calor, vel ignita corpuscula ( nihil hic litibus opus eft) venas aut ipfa metalla liquant, atque in minutiffimas atomos comminuunt, & vincula, quibus metalli partes adftringebantur, refolvunt; tum quæ funt graviora ad ima delabuntur; quæ autem leviora, vel efflantur in fumos, vel infar fpumæ enantant. Cùm vena metallo prægnans, vel ficcior, vel contumacior exiftit, adeò ut fundi non poffit; plumbum, aut venam plumbi adjiciunt, tum ut humiditate fuâ agrefcem æris, vel argenti venam temperet; tum ut fummo calore, quem liquefactum acquirit, fufionem præmoveat; tum demum, ut fi quid in venâ auri, vel argenti delitefcant, naturæ quâdam familiaritate alliciat. Cùm vena liquata fluit, partes quæ funt ficciores, quæque humiditatis metallicæ funt expertes, fupernatant, & cruftatim coeunt; hæc quidem auferuntur fuis ufibus profuturæ. Quamdiu infar olei fuæ extant, ne metallum in fumos difletur, impediunt: nam humiditate fuâ tenaci, & vifcofâ ipsis metallis funt quafi præfidio, ne in vapores extenuentur. Scoriz quidem multum de natura vitri referunt; nam fuæ, vifcofum, & tenacem humorem produnt; cum verò frigore induruerit, tum fragiles exiftunt. Contrarium planè in metallis experimur, quæ liquata nulli corpori adhærefcunt, fed infar aquæ in guttulas dividuntur; coagulata ducilem, & flexibilem fortiuntur naturam. An scoriz multâ terrâ, & fale abundant? nam vitro confimilem naturam

*Cur plumbum venis fundendis adhibeatur.*

*Scoria metallorum.*

*De vitri, vel Amaufis.*

habent, atque ex iis vitra afpectu pulcherrima, quæ ipfas gemmas nitore, ac splendore vincunt, parant Chymici. Comminutæ cryftallo triplum fandycis, feu minii admifcent, conflant in vitrum fmaragdo fimillimum. Hinc olim Obsidiana vitra ex metallorum fcoriis, infar lapidis obsidiani nigerrima conficiebant; vitrum fanè ex arenâ, vel flicibus, cum nitro permiftis, & fufis conflatur; neque ullum fine fale perficitur. Quid ergo causæ eft, ut fcoriz tam leves, tam fragiles exiftant? an quòd iis humor metallicus deeft, qui pondus, & confiftentiam præbet? an corpufcula, ex quibus tum fcoriz, tum vitra compinguntur, malè fibi cohærent? Sunt enim velut arenulæ, quæ inter fe mifceri exquisitè non poffunt, fed in punctis duntaxat fe contingunt; hinc fragilitas, hinc adeò levitas exfurgit: nam multis poris hiant, unde in vitro perfpicuitas, & fplendor in amaufis, feu vitris, quæ ex metallorum fcoriis parantur: nifi fortè hic nitor ex pingui, & oleofo humore, quo nec vitrum, nec fcoriz carent, oriatur. Sed cur fcoria contrita venæ metallicæ, & rebellis, fufionem accelerat?

an quia duræ, & acutæ, quibus scoria constat, particule calore agitatae venas metallicas dividunt, secant, aperiunt? Eadem præstant omnes sales, qui suis spiculis viam sibi parant, & discutunt corporum vincula. Hinc varia salium genera, Metallurgi, Docimastæ, & *Cur salti Alchimistæ* adhibent, quò venas doment, & fundant; metalla purgent, & separent, neque ullus ferè labor citra salem ritè suscipitur, *bus vene domentur,* Quòd si tibi aliquod minerale sugax, & volatile figere incumbit, hoc *& liquensur.* ut si in aqua forti cum exsolvas, atque aquam distilles; idque sæpius repetere non tadeat, tantam adipiscitur firmitatem, ut ignem impune ferat. Sic aqua stygia stanno affusa, atque ab eo abstracta tantam huic metallo duritiem tribuit, ut fundi recuset, sed in vitrum potius candidum abeat; idem ferè in plumbo contingit. Quid porro hæc mollia metalla adeò fixa efficit, nisi nitrum, ex quo aqua fortis paratur? an quia superfluum humorem temperat? an quod suis atomis partes male confectas vinciat, & adstringat? mirum quod idem salpetræ metalla dissolvat, & figat; separet, & jungat. An ignem in se occultum gerit, qui heterogenea segregat, & unit congenera? imperfecta quæ sunt metalla maturat, ac digerit; superflua verò excernit. Experimenta proferrem innumera, nisi me Sol, qui jam multum inclinatur, ut sim brevior, admoneret. Antimonium, arsenicum, atque alia mineralia, quæ suâ subtilitate nobis sunt insensibilissima, unâ cum nitro incensa, omne virus unâ cum superfluo sulfure deponunt, & fixa evadunt.

Cùm etiam hæc mineralia multum auri volatilis contineant, quod promere non possunt, nisi prius ignem pati discant; nitrum id præter cætera præstabit; nam in aqua forti semel, atque iterum exsoluta, quæ per distillationem abstrahitur, in calcem fixam abibunt, atque unâ cum plumbo per cineritium fulminata, si quid auri recondant, exhibebunt. Tutius fortasse erit per viam siccam, sed cæmentationem procedere; modò tractandi ignis non sis imperitus. Cuprum in tenues laminulas diducum unâ cum arsenici, auripigmenti, & aliorum mineralium pulvere cæmentant, hoc est alternis ordinibus in pyxide, vel crucibulo disponunt, quòd bene opertum, & lutatum igne circulari circumdatur, donec candescat, (sic solent confusa metalla separare, cæmento ex sale, vitriolo, & pulvere tegularum, quæ quod impurum auro inest, rapiunt) cuprum & catillo extractum mineralium ingressu fit friabile, in pulverem comminuitur, per salempetræ purgatur; atque unâ cum plumbo in cineritio excoctum, quicquid ipsi, & venenatis mineralibus auri inerat, deponit. Sic hydrargyrum quo

nihil fugacius, argento incrementum affert. Argento enim in aqua forti dissoluto quadruplum mercurii adjiciunt; in loco frigido una manent, donec mercurius soluto argento adhærescens præcipietur: quod si unius saltem anni spatio simul relinquantur, argentum non mediocriter augmentum illi promittit Glauberus, cujus libri cum ejusmodi arcanis sint repleti, ac jam omnium manibus terantur, nihil est, quod istis formulis vos distineam. At enim veretur, ne aut vobis difficiliora, aut non satis certa, & explorata videantur.

Ego ista quidem arcana non aspèrno, quæ maximam utilitatem in se continent, ac secretiorem Philosophiam non mediocriter illustrant: nec forè tanti sunt laboris, quanti videntur, sed exercitatione, & usu faciliè percipiuntur. Nolim tamen (quod mihi sæpius dicendum est) quenquam in metallorum tractatione versari, nisi à peritissimo, & longo usu subactio artifice dirigatur. Nulla est ars periculosior, nulla quæ fraudi, & imposturæ magis pateat. Optarem equidem ut nemo, nisi vel auctoritate publicâ munitus, vel artis suæ professione cradus, his laboribus incumberet: nam Alchimia videtur perditorum hominum extremum esse perfugium: falsariis, & impostoribus undique obsidetur: ac plerique, quibus res sunt accisæ, è furtivis suis præsidium quærunt, & variis sæpè criminibus sese illigant. Non continuo tamen ipsa Alchimia in invidiam vocanda, neque artificum vitia artem pulcherrimam insament. Quis autem ignorat, maximam partem artium, quibus communis hominum societas carere non potest, ex ipsius Alchimie quasi fontibus derivari; his omnibus una dominatur, principia, leges, modum, & finem cuique arti, tanquam Architectonica præscribit. Quocunque mentem, & cogitationem converteris, artifices circa res metallicas occupari comperies. Metallurgi effodiunt, abluunt, fundunt venas metallicas. Jam quæ illos edocuit, venas agrestiores una cum plumbo, vel plumbi venâ eliquare, scorias addere, quò fusio sit celerior; nisi ipsa Alchimia, quæ novit plumbum ut auro, & argento amicum, ea ad se rapere; adeò ut æs ipsum levius extet, & crutatum coeat: quod ut ab omnibus extraneis omnino liberetur, secundæ fornaci iterum immittitur: si quid putent nonnihil auri, vel argenti adhuc continere, plumbum adjungitur, quod nobiliora metalla secum ad ima deducit; tum scorias exstantes colligunt, æs ipsum à plumbo, moderato calore secernitur: plumbum enim facilius liqueat, & descendit; æs verò inftar pumicis spongiosum in propria fornace ad purum (ut loqui solent) excoquitur; cujus scoriam multis rebus utilem, diphrygem vocant,

Quid in metallis contemnendum, cum ipsa excrementa, vel scorias non recentiores modo, sed etiam Medici ad suos usus adhibuerint; sed de his posterius. Omnia quidem metalla sua habent recrementa, si aurum exceperis; quo enim sunt imperfectiora, eo scorias, cum funduntur, uberiores præbent. Ferrum cum sit maximè terrestre, & impurum; non solum ubi funditur, sed cum igne emollitur, vel in chalybem expurgatur, scoriâ multam egerit: è chalybe cærulea efflorescit, vulgari longè præstantior. Plumbi scoria, mollem, lentam, nec fragilem nata est naturam, in aqua exsolvitur, quam luteo colore inficit. Cum plumbum liquatur in fornace; vel unâ cum argento, vel solum: instar spumæ quiddam oleosum enat, quod lithargyrus appellatur; est enim veluti argenti spuma: cum argentum in secundis fornacibus expurgatur, instar olei ignis ardoribus extenuatur: hæc levitatem acquirit, tametsi in plumbum reduci possit: hoc utuntur figuli, cum stanni cineribus permixto, ut vasis squilibus crustam vitream inducant. Distat, inquit Plinius, à scoriâ, quo potest spuma distare à facie. Alterum purgantis se materiæ, alterum purgatæ vitium, est. Multa olim lithargyri genera statuebant; nunc vel aureo colore fulget, cum aliquid æris argenti venæ inest, tumque squamis lucentibus distinguitur, vel argenteo colore nitet. Lithargyro finitima est molybdæna, quæ vel fossilis est, vel fractitia; illa est plumbi & argenti vena communis, galenam vocant; aureum præfert colorem, friabilis, & modicè gravis: cocta cum oleo jecinoris colorem trahit, ut Plinius refert, hæc primis fornacibus adhærescit; illa granis distinguitur; hæc squamis instar auripigmenti constat; à lithargyro differt, quòd hic in secundis, molybdæna in primis fornacibus concrefcit. Argentum denique cum à venâ purgatur, scoriâ tenacem, aliquando cæruleam, aliquando nigriorem expellit, ac merito dubitant, utrum ex argento, vel ex plumbo oriatur. Ista quidem sunt metallorum veluti recrementa, quæ illa, cum excoquuntur, innatant, nec tamen metallorum naturam exuerunt; sed in ea plerumque reducuntur; at quæ in fornacum parietibus instar fuliginis adhærescunt, præsertim, cum æris, vel argenti venæ eliquantur, diversam planè à metallis sortita sunt naturam. Cadmiam vocant, crassiorem fuliginem, quæ variis insignitur nominibus, prout vel crustatim, vel racematim concrefcit, ac varietate colorum, aut partium tenuitate distinguitur. Eam judicat optimam Plinius, quæ à cameris fornacum dependens botrytis cognominatur; hæc fortè nunc tutiæ Alexandrinæ donatur nomine; intus lenis est, & terrea, exterius verò gravis, aspera, atque arboris cortici non dissimilis, gravis est, & sonora; alia quidem est

Lithargyrus.

Galena.

Cadmia.

Tutia.

cadmia fossilia, quæ terræ similior, quàm lapidi, gravior est, & pallida, fundi nequit, sed in exitiales fumos evanescit; cum ære camentata, illius pondus auget, & in orichalcum convertit; in Germania frequens occurrit, lapidem calaminarem vocant. Est aliud cadmiæ fossilis genus, cuius Galenus meminit, testaceum, durum, ita ut attritu chalybis scintillet, subniger est hic lapis, sulfureum nidorem cum adurit exhalat, in fodinis chalcanti reperitur, atque inter pyritis species, vel marcasitas referri potest. Postremo cum æs perficitur, vel cadmia crematur, tum fuligo levissima fornacis tecta obsidet, candida atque instar velleris glomerata; quæ pompholyx vocitatur; fuligo crassior, quæ vel parietibus inhaeret, vel in pavimentum cecidit, coloris cinerei, & substantiæ densioris, spodium appellatur; illa candida, & tenuis, & favillæ est similis, cum spodium cinerem colore, & naturâ referat, ac sale fixo abundet.

Pompholyx.

Hæc quidem veteribus non fuerunt incognita; sed quâ arte metallâ confusa separari, atque ex imperfectis perfectiora secerni possent, omnino ignorarunt, nam artifices longâ observationum serie, & magno rerum usum peritiores facti, veterum inventa expolierunt, multa retrò incognita edidit: ipsa metallorum tractatio, & usus quotidie ex se gignit aliquid novi, quod longa dies, perficit. Jam quoque Philosophi his studiis ardentes, nec solum docti, sed etiam experti, & longo usu inbuti magnam his rebus abstrusis, & reconditis lucem intulerunt. Nam mirus inter Philosophiam, & ingenuas artes consensus reperitur; ratio ipsa artes illuminat; usus doctrinam confirmat; Philosophia arte destituta, jejuna est, exilis, & tota in serie disputationum, & verborum concertatione versatur; usus ipse, cui ratio non præluet, in magnos errores nos præcipitat; quare unum ab altero non separemus; nec Philosophus artificem contemnat, neque artifex ipsos despiciat sapientes; sibi mutuas tradunt operas, ac mutui auxilii subsistunt. Multa commentatio fontes rerum aperit, principia, & causas pervestigat, ex quibus ad experimenta descendimus. Longâ rerum meditatio cum multo usu conjuncta nos docuit perfectâ metallâ ex paribus artissimè confectis, exquissimè permistis, & digestis compingi; imperfecta verò partes malè colligatas, nec satis deinceps habere, sed multo vitriolo, vel sulfure combustibili abundare compertum est: hinc artem quâ ignobiliora metallâ ad imperfectis secerantur, excogitarunt; sive id cupellatio efficit: (cùm aurum, vel argentum impuriss, cùm multo plumbo permistum, & liquatum, tamdiu ignis ardoribus exerceatur, quousque cuprum, vel plumbum admixtum, in cineres, & scorias redigatur, ac cineritium subeat; illa so-

auro



auro vel argento, cujus partes divelli nequeunt:) five camentatio, quam superius exposui, five aqua stygia, seu denique antimonium aurum expurget.

Omnis separatio, ut diximus, calore perficitur; resolutis vinculis, quæ sunt congenere unâ coeunt, quæ diversam nata sunt naturam, seceduntur. Hinc sulfurea quæque metalla, nitro, sulfure, & antimonio expurgantur: nam unumquodque, quod sibi simile est, quærit dissimile & alienum fugit, hinc solutio in aquis stygiis, hinc oritur præcipitatio. Sic cuprum dissolutum in aquâ forti, per ferrum; argentum per cupri laminas præcipitatur; nam ut argento cuprum, sic cupro ferrum amicum est, & auro hydrargyus. Hæc sanè ratio latissimè patet: non enim modò metalla aquis stygiis exsoluta res quædam vel aquis, vel metallis affines, præcipitant; ut sal tartari, sal commune, urina, & alia id genus: sed massa ex diversis metallis conflata, ubi cum antimonio liquata fuerit, scobis ferreæ additione, tota forè in scorias convertitur, præter aurum, quod instar reguli in fundo remanet; iterum fusæ, si adjeceris ferri scobem, argentum dimittit, & ita singula metalla seorsim ferrum præcipitat, dum quæ sibi sunt cognata invadit, & in scorias convertit, quæ diversam ab ferro sortita sunt naturam intacta remanent. Sic sulfur metalla in cineres redigit, quæ liquantur, & ferri beneficio seorsim separantur. Hac arte venâ metallicâ unâ cum triplo, aut quadruplo antimonio fusâ, metalla quibus prægnat extrahuntur; ac nitro expurgantur. Imò si partem unam ferri cum duabus antimonii liquaveris, & aliquantulum salis petreæ identidem adjeceris, qui pro more suo scorias procreabit; regulum ex ferro, & antimonio consequeris auri non expertem: nam cum plumbo fusus, & nitri additione iterum purgatus, per cupellam fulminatus aurum non contemnendum præbebit. Plumbum sit reguli triplicum, aut quadruplum, quo plus nitri apposueris, eò plures scorias obtinebis; sed danda est opera, ut una saltem plumbi pars in regulò remaneat, per cupellam probanda. Hæc sanè est mirabile, nullam ferè venam metallicam, nullum metallum, nullum adeò minerale, auro vel argento non distecere, quod nitri beneficio, vel spiritu salis (ne scio an cum aliquo emolumento) potest extrahi, seu per camentationem, aut aquam fortem minerale fugax, & auro volatili prægnans fixetur; seu nitri adjectione impura, atq; imperfecta metalla in scorias feruntur. Alredigantur, regulò in imò remanente, qui plumbo, vel sale petreæ iterum expurgatur; seu denique sulfuris, vel antimonii beneficio idem regulus substat. Verùm ista, quod sæpe dicendum est, non inexercitatum artificem desiderant: nam cautissimè metalla tractanda sunt; magnâ

*Præcipitatio  
venarum, &  
separatio-  
num di-  
versi mo-  
di, & va-  
ria ratio-  
nes.*

*Omnia fe-  
rè metalli-  
ca quiddā  
auri re-  
condere as-  
serunt.*

opus est indutria in furnulis, testis, cupellis, focis adornandis; magna in ignis moderamine cura est adhibenda: cavendum imprimis est ab halitibus venenatis, quæ mineralia serè omnia efflare solent. Danda quoque est opera, ne carbones, in catillos aut focos incidant, maxime cum metalla per nitrum separantur; aut figuntur mineralia. Cum enim salpetræ quidquid in metallis inest impuri sulfuris aggregatur, ac tota mineralia, quæ hoc abundant sulfure in scorias, & cineres convertat; si quæ in catillos, vel crucibula prunæ delabantur; statim nitrum, quæ corripuerat metalla, dimittit, vel sulfur carbonum sibi familiaris complectatur. Hinc scoriarum faciliè in metalla reducuntur, injectâ ardente prunâ; neque, ut mihi videtur, alia est præcipitationis ratio. Imò, si bene auguror, tota serè Alchimiâ huc principio innititur: unumquodque sui similibus societatem affectat. Plura salium genera in aquâ exsolve, aquâ in vapores dissipatâ, unumquodque sal cum suo congenerere, alumen cum alumine, vitriolum cum vitriolo conjungitur.

Ferrum, cuprum, stibium, arsenicum nitro liquata, & fixata aliquantulum auri præbent: at si unâ cum iis fossilibus aurum, vel argentum liquetur, longè uberius aurum educitur; partem unam auri, duas cupri, tres reguli antimonii funde; salempetræ, quantum utrumque, tum cuprum, tum regulus ponderant, sensim immitte; atque in fluxu, quantum poteris, conserva; aurum non medicriter auctum consequeris. Illud quippe quâdam naturæ similitudine aliud aurum volatile, & malè digestum attrahit, dum nitrum sulfurea metalla invadit, figit, & scorias mutat, quæ tamen citò prunâ injectâ pristinam formam recuperant; adeo ut nihil serè pereat. Quomodo fornax huic operi idonea, & focus sit parandus, peculiari tractatu fusè exponit Glauberus, quem, si libeat, consulitis: neque enim mihi est animus hic omnium Chymicorum formulas, & arcana intexere. Rationes, & ipsos velut fontes aperio, rivulos omnes, qui ex iis ducuntur, consecrari non possum: id enim infinitum foret, non necessarium. Quare nisi quid vobis aliud placet, ad illa pergamus, quæ ad metallorum usum pertinent. Sed ista secundum hunc diem. Satius enim multa hodie dicta sunt.



## CAPUT ULTIMUM.

De usu metallorum: ubi de antimonio, & hydragyro, & aliis rebus metallicis.

- I. Omnium ferè circa metalla operationum, ut dissolutionis, præcipitationis, &c. cause, & rationes inquiruntur. II. De floribus, regulo, & vitro antimonii, atque eorum usu differitur. III. Variæ mineralium præparationes, atque usus describuntur, ubi quæ arte metallorum essentia, olea, vitriola educi queant, paucis exponimus. IV. Remedia ex hydragyro, antimonio, ac metallis deprompta multis oppugnantur rationibus. V. Quid de usu metallorum nobis videatur, paucis aperimus.*

*Menander.*



Nonnihil etiam deesse videtur iis rebus, quas exposuisti, quod sit antè explicandum, quàm illuc pergamus, quò te dicis intendere. Pontes quidem, unde hauriemus, atque ipsam viam demonstrasti, sed volumus te ipsum itineris ducem, atque ut nobis aditum, & januam ad secretiora in ipsius Alchimie arcana patefacias, postulamus. Noli nos mittere ad Alchimistas, qui solo usu contenti, intimas rerum causas non aperiunt, optima quæque arcana silentio premunt, nihil quàm pervulgata præcepta decantant. Quàm breviter de fusione, examine, & separatione metallorum à te percussa sunt, quæ ab omnibus Alchimistis vix sperare liceat: exiles, concisas, & minutas formulas nullo ordine, nullâ ratione digestas exscribunt, multis eas parabolis involvunt, nihil sine pigmentis, fœcoque puerili; quæ uno verbo expediri possunt, longo circuitu, & per ambages circumferunt. Sed hæc nihil ad me. Illud unum à te postulo, ut operi inchoato, & propè absoluto tanquam fastigium imponas, ac mineralium scientia universa, quæ magnis voluminibus continetur, unus diei disputatione pertractetur. Cum autem non tam fœnulos adornare, quàm recondita metallorum, & fossilium principia, & causas peruestigare oporteat, antequam de mineralium usu dicere ingrediamur, quid mihi de horum corporum concrectione, & principii videatur, brevis exponam: sic enim ad ea, quæ quærimus nos perventuros arboror. Metalla ex terrâ, & aquâ potissimum compingi satis, ut opinor,

Unde me-  
tallorum  
compactio.

mor, manifestum est; ex terrâ pondus, & partium firmitatem, ex aquâ ductilem, & fusilem naturam depromunt. Terræ atomi sunt densi, hinc durities, & soliditas terrenis corporibus inest; sed simul cohesi nequeunt, nisi humidis, & flexilibus aquæ corpusculis vinciantur; nam quæ duram, & densam sortita sunt naturam, ut arenæ granula, vix cohererent, nisi mollioribus particulis, tanquam glutine adstringantur. Quo verò illa vincula minutioribus constant atomis, eo difficilius separantur, maxime si corpus durum, & densum conjungant. Non enim divelli possunt, nisi vis subtilior admoveatur, quæ corporis densitatem vincat, atque illius dissolvat vincula. Hinc omnis ferè dissolutio igne, & calore perficitur; quod nihil sit in rerum naturâ, vel subtilius, vel ad agendum efficacius; ignis enim summam adeptus raritatem, maximum affectat locum, atque ex minutissimis atomis componitur; hinc mobilis est, rarus, & facile divisibilis; cuncta extenuat, & obstantia quæque dirumpit; quod soliditate partium non valet, id impetu, & celeritate motus consequitur. Contra terrena quæ sunt, ex atomis densis, & conglobatis, quæ vix divelli, vel loco moveri possunt, coaluere, minus ad agendum sunt idonea; sed fortiter resistunt; nam raritas ad agendum, densitas ad resistendum videtur comparata. Ignis ut raritate, sic mobilitate cuncta vincit corpora; terrâ verò, & densa, & immota consistit, atque ubi cum aliis elementis exquisitè permiscetur, ignis violentiam impune sustinet, nec divulsæ, & male coherentes ignis atomi stipatas, & densas terræ particulas secum efferre valent. Hinc aurum ignis liquefacit, non dissolvit, quod humidarum, & siccarum partium unio intima nullam admittat separationem; quantumvis ignitæ atomi subtilitate suâ, ac motus celeritate urgeant, nexum illum nequeunt dissolvere; nec graves auri partes in altum evehere. Aurum quidem solum intumescit. Quod partes perfectiora ignis intus conclusæ illud sublevent; sed in sumum cessare non permittit abesse. Hæc quidem notâ metalla liquata dignoscuntur; quo enim sunt imperfectiora, eo magis tumunt, atque in orbem curvantur; imperfecta vero, seu aquâ, ut plumbum, seu terrâ abundent, ut stannum; cum liquantur, magis subsidunt; nam igni non resistunt, aquæ partes avolant, terrestres in calcem, aut scorias abeunt. Aurum verò, vel argentum nullum in igne patiuntur dispendium, sed liquata in orbem gyrant, quod conclusus calor partes eorum extenuare, ac sursum movere non valeat, sed in orbem duntaxat circumducit; cessare enim non potest. Aquæ stygiæ hæc quidem metalla in minutissimum pulverem corrodunt, non dissolvunt tamen: nam hoc genus aquarum ex salis spiculis constat, quæ multo igne præstant, auri atomos divellunt,

Qua causa  
dissolutio.

Quâ notâ  
perfectiora  
metalla abesse.  
Hæc quidem  
notâ metalla  
liquata  
dignoscuntur.

ac sursum propellunt, præsertim cum externo calore adjuvantur: neque enim auri atomi irruenti ignitarum partium agmini possunt resistere. Nec dubium est, quin ignis in aquâ forti, ut in calce, & sale actu contineatur; nam aëri exposita vim omnem deperdit. Idem in calce vivâ evenit, quæ nisi terrâ condatur, brevi emarescit, nec humore perfusa adeo incalcesceret, nisi ignis, qui suos ante carceres effringere non poterat, dissolutâ calce erumperet, & unâ secum aquam in fumos dilatam abriperet, nihil enim moliri potest, nisi substantiam offendat, quæ extenuari, ac debilitari possit; sed ubi sale, aut duro, & sicco corpori coërectur, tum nullas edit strages, ac placidus, & quietus manet; nec calefacit, nisi fortè humore diluatur. Corpora igitur quæ sunt mollia, & rara igni cedunt, densa verò, & sicca resistunt. Sic asbestus nullo igne consumitur, quia calor nullum ferè humorem, qui extenuetur, invenit; hinc poros illius corporis subit, ac nullâ onustus prædâ solas duntaxat fordes absument.

Unde talis  
est aqua  
frigida cal-  
lor.

Ex his sanè fontibus non naturæ modo, sed etiam artis spagyricæ (quæ nihil aliud quàm cogit, & separat) secretiora ducuntur mysteria. Nec necesse est ut ad qualitates occultas, aut manifestas, quæ nihil sunt quàm Philosophorum commenta; vel ad universalis naturæ ingenium, quo res unaquæque cum simili facillè congregitur; vel denique ad antipathiz, & sympathiz magicas voces provocare. Omnis corporum mixtorum dissolutio, ut concretio, calore, vel humore, hoc est igne, & aquâ perficitur: partes quippè siccæ nisi humido glutine nectantur, non coherent; calor verò moderatus, humorem attenuat, ac toti corpori æquabiliter distribuit; quod durius subinde evadit. Quo enim partes humidæ minutius conciduntur, & cum siccis accuratius permiscentur, hoc mixtum fit compactius. Contrà facillè dissolvitur, ubi partes humidæ, magnæ, & raræ existunt, ut in plumbò contingit. Sic, calor indurat, cum superfluum humorem educit, & eum, qui remanet, sensim extenuat: quæque unire, & simul agglutinare volumus, ante sunt calore, vel humore emollientia; sic ferrum candens, cum alio itidem candefacto coniungitur: sic fractæ gemmæ lithocollâ prius madesactâ committuntur. Calor quippe corporum meatus aperit, ut alterius, partes prominulas excipiant, gluten quoque viscidum ubi aliquantulum incaluit, vel humore perfusum est, & vi quâdam compressum, corporis sicci, & duri rimulas subit. Accedit etiam, quod corpus calore emolli- tum vapores circum se fundit, qui alterius corporis meatus ingrediuntur, lique frigore correpti, contrahuntur, ac tanquam vincula utrumque corpus coniungunt; circumfusi quoque vapores apertos meatus subeunt, ac priores halitus, jam ingressos, tanquam cunei adacti (ut

partes  
mixtas

loquitur clarissimus Digbæus : cujus nunc principiis insisto ) arctius infigunt.

Illud sanè mihi est miraculo effectus planè diverfos, & contrarios ex iisdem oriri causis : nam idem calor cuncta compingit corpora, & resolvit ; unit, & separat ; gignit, & destruit. Idem planè in humore contingit, qui cum sit rerum omnium quasi commune vinculum, corpora tamen quæque dissolvit ; nam quæ sicca sunt, humore perfunduntur ; ut partes eorum separari queant ; nihil ferè putrescit, nisi in humido : hinc quæ putrescunt, solent intumescere : humor enim calore moderato adjutus, partes calidas à reliquis separat, humore vero dissato, reliquæ partes crassiores ; & aridæ remanent, sed divulsæ, & quasi in frustra concissæ. Hinc Chymici putrefactiones suas in fimo equino, ubi levis, & moderatus inest calor, perficiunt. Corpus vero resolvendum, vel humidum est, vel humore perfunditur : nam quæ sicca sunt putredini resistunt ; calor quippe moderatus partes terrestres, & crassas nequit attollere ; nedum insolubiles nexus, quibus vinciuntur, poterit dissolvere ; humore igitur opus est, qui cum tenuis sit, flexilis, & mollis, à corpore sicco vitro admittitur, cujus ariditatem temperat ; is cum singulis atomis unitur, quæ jam ipsi liquori innatant, & diffiunt, sed laxioribus vinculis solutæ faciliè separantur : nam calor humorem evocat, quo exhalato partes sicciores remanent nullo amplius nexu colligatæ. Partes subtiliores unà cum humore evolant, crassiores subsident. Est igitur putrefactio naturalis quædam corporis in sua principia resolutio. Cum in vasis occlusis perficitur, subtilissima, & ignita substantiæ, innatat ; quam quintæ, & celestis essentia nomine Chymici insigniunt. Hanc non modo ex plantis, & animantibus, sed etiam ex ipsis fossilibus colligunt. Solvunt metallum spiritu salis : balnei calore phlegma separant : quod superest unà cum spiritu vini optimè rectificato ad digerendum collocant ; digestionem levi calore perficiunt, tinctura, vel quinta metalli essentia post aliquot dies enatat, quam ut morborum debellatricem mirificè commendant. Spiritus quidem salis metalli poros subit, cum illius atomis conjungitur, calore externo adjutus paulatim resolvit, & fermentat ; adeo ut sulfur tenuissimum, & purissimum exhaletur, cumque erumpere non possit, instar olei subrubri extat : atque ut mihi videtur latissime patet ea ratio. Hinc enim dissolutionis, fermentationis, & putrefactionis causæ ducuntur.

Aqua è cineribus saltem exsolvit, dum humorem in terrâ superfluum, quem ignis non valuit separare, suo ingressu auget, corpuscula cinerum dividit, & levioribus atomis imbuatur, quibus gravida, ne

metall-



metallis quidem parci: nam gravior, & acrior facta illa in atomos comminuit. Hinc cuprum, vel ferrum aquæ falsæ immerfa rubiginem contrahunt. Ex ære, aceti vapore æruginem rasilem colligunt; vel laminulas cupri aceto immergunt, aut alternis ordinibus una cum vi-  
 diaeci acerrimo vino aspersis in ocluso vase disponunt. Eodem serè modo è ferro crocum, seu subtillem florem; è plumbo cerussam aceti ope decerpunt. De fermentatione, ac putredine nihil addo, hæc enim sunt alterius loci, nec quisquam dubitat eas calore, & spiritibus per-  
 fieri: hinc ebullitio, & subeillorum partium separatio; quòd si exitum non habeant, vasa ipsa diffingunt, ac densiores vini partes subinde attollunt, quibus valis latera commovent, quòd si liberiores offendant exitum, igniti duntaxat spiritus avolant, crassiores partes spiri-  
 tibus exhaustis, instar spumæ remanent, quibus doli latera sensim in-  
 crustantur, atque in tartarum abeunt. Cùm autem illi spiritus mi-  
 nus effertantur, in flore, seu spumâ liquori innatante plerique inclusi manent; hinc flos ille spiritibus turgens colligitur, atque ad panis fermentationem adhibetur; sic pistoris ocreviliæ flore utuntur, cujus spiritus tenaces & viscosi non facillè avolant, nec ita fervent, ut vini spi-  
 ritus, nec coërciti sua effringunt claustra, nec demum partes illas, quibus tamquam carceribus includuntur, adeò excoquant & indurant. Mirum sanè quàm citò exiguum fermentum totam massam pervadat, inflet, & acido sapore inficiat; spiritus illi igniti humore excitati, per totum corpus diffusi illud in minutas atomos concidunt, calidiores, & ignitas particulas ad defectionem sollicitant, quæ una erumpere moluntur, sed crassis, & viscosis partibus coërcitæ, incumbentem molem attollunt, extenuant, & digerunt. Spiritus illi acidi multo facilius volatili abundant, hinc suum acorem fermentato corpori commu-  
 nificant: calidi sunt, & igniti, hinc rarefactio, & inchoata putrefactio; hinc adeò panis fermentatus longè facilius digeritur, ac levior existit. Videtis quasi aditum patefactum ad occultiora naturæ arcana. Quæ enim alia subesse causa potest, cur vinum, atque alii fermentati liquo-  
 res corrumpantur, ubi tota non implent dolia, nisi quòd igniti spiritus ægrè ferunt se à densis, & frigidis vini partibus concludi, ac quantum possunt ex iis solvi vinculis connituntur; densiores partes secum at-  
 tollunt, cùmque locum satis amplum offendant, ut liberè possint expa-  
 tiari, reliquum liquorem spiritu suo privatum, & corruptioni proxi-  
 mum relinquunt, recluso vase spiritus erumpunt, & si candela accensa orificio admoveatur, statim incenduntur. Idem accidere in aquâ testa-  
 tur Digæxus. Nemo ignorat aquam fluviatilem, quam solventes na-  
 turæ secum vehunt, intra paucos dies corrumpi, tum puriorem effici,

quod crassiores partes subsidant, leviores sursum efferantur; & quod sæpius putrescit, eo salubrior habetur, quod purior subinde evadat: ubi vas aquâ fluviatili plenum post aliquot annorum volumina reseratur, spiritus ex aqua, uti ex vino turmatim erumpit, qui admotâ lucernâ flammam concipit. Quod enim flammæ commodius pabulum esse potest, quam spiritus crebra, & repetita putrefactione extenuatus? cur oleum tam cito inflammatur, nisi quia ex tenuissimis constat partibus? Hinc oleum chartæ affusum admoto calore diffunditur, donec eam assequatur partium raritatem, quam flamma postulat. Ignis enim tenuitas summa est: neque aliud aquæ affectat, ac raritatem, atque ex pabuli fonte, in amplissimum effundi spatium; nihilque rarefcit, nisi ignis vel caloris impetu. Hoc sane mirabile videri debet, quod ignis una, & eadem operâ, dum partes subtiliores resolvit, crassiores fortius compingit, atque effectus omnino dissimiles simul in eodem corpore procreat. Ignitam enim & puriorem substantiam primum educit tum humidiores & aquosius partes expellit; oleosæ quod cum terrenis arctiori vinculo sint devinctæ, fortiorem exigunt calorem: his tamen quoque cedentibus, terrenæ & siccæ partes quasi invictæ remanent, quod calore factæ fuerint crassiores, nec tenuissimis ignis atomis, vel dividi, vel in fumos explicari queant; perparum enim humoris restat qui nullo igne potest extenuari. His dumtaxat cavendum est ab humore subdolo, quem exulta corpora, non sine magno suo malo avidè excipiunt: humor enim eorum meatus subit, & vincula resolvit. Sic tenuissimæ partes à crassioribus divulsæ, aquæ innatant, crassiores subsidunt, quæ terra damnata, & inutilis appellatur; aqua salis atomis prægnans percolatur, aut filtro traiecitur; tum in vapores diffusa saltem tenuissimum, & mordacem in fundo relinquit. Sic igne & aquâ cuncta resolvuntur corpora. Quæ humida sunt ignis micantem gladium fugiunt, vel in illius pabulum cedunt; sicca vero, & terrestria, si omni oleo destituantur, ignis ferocientis minas spernunt; vaser humor sales dissolvit; sola terra superest, quæ nec dolo opprimi, neque ullo potest igne expugnari. Quamobrem mirari debemus, cur quædam fossilia ignis calorem non ferant, ut sulfurea quæque; alia vero nullo igne domentur, ut aurum & argentum; horum enim exquisita est, & perfecta; illorum rudis, & inchoata mixtio. Ex his sanè omnium fossilium ortus & causæ omnium propè Chymicorum laborum rationes depromi possunt. Quid enim causæ est, cur calor quædam iaduret? an fortè in his humorem aquosum, & superfluum expellit, oleosus tantum, & tenacior superest, ut in succis bituminosis contingit, qui calore moderato digeruntur. Quare antimonium, arsenicum, & alia

& alia ejus generis mineralia facile in flores extenuantur? An quod partibus sulfureis, siccis & male colligatis abundent? Antimonium contritum super carbones in eâ fornace, cujus jam meministi, mi Simplicii, effunde, statim in fumum evolabit; quem ut excipias, ollas sublimatorias (quæ sunt lagenis in versis similes) sic dispone, ut primi vasis collum foramini in fornacis fastigio existenti, inseratur: sic hujus fundum, secundi vasis collum excipiet, & ita porro; sunt enim vasa tantum lagenæ fundis resectis, aut perforatis, quæ fuliginem, vel potius florem antimonii excipient; qui ad sublimiores ollas conscendere flores, ut summè volatiles, ac sulfurei vomitum cient, ac satis periculose assumuntur; infimi sudores tantum excitant, atque adversus venenatas, & contagiosas febres censentur salutare; mediæ purgant, ac vomitum quoque lenem excitant. Eadem ferè ratione ex imperfectis metallis colligi possunt flores, qui ad Chirurgicos usus adhibentur. Nam qui ex cupro, ferro, stanno, plumbo, & quodam minerali, quod zincum vocant, ulceribus peritiles feruntur. Ex floribus antimonii vitrum per solam fusionem constat, longe majori compendio, quam per calcinationem.

Flores metallici.

Variæ antimonii præparationes.

Antimonium enim contusum solet cum subduple nitro commisceri; in crucibulo prunâ injectâ accendi, quo quidem incendio impurum, & venenum sibi sulfur dissatur, quod remanet ablutum aquâ fervente, ut omne salpectra exsolvatur; hepar antimonii vocitant, ex quo vinum parant emeticum: cum sæpius nitrum adjicitur, adeo ut nullum amplius edat strepitum, & omne sibi sulfur exhaletur, sit antimonium diaphoreticum, quod per sudores purgare perhibetur. Sed redeo ad vitrum, quod ex antimonio semel nitri beneficio, ut dictum est calcinatum; ac fortissimo tigillo commissum; summo calore in regulum, tum in vitrum abiit; utrumque vino infusum mirum in modum purgat; ex regulo pilulas conficiunt, quæ perpetuas vocitant, nam citra ullum sui dispendium egeruntur; quod si pocula ex regulo conficerentur, iis vinum affusum, aliquot horarum spatium vim purgatricem contraheret. Verum non difficile erit vitro antimonii pocula obducere; si vitro fuso immergatur vasculum fictile, jam in furnulo candefactum, quod forcipe in suo furnulo repones, ut sensim refrigescat. Illud certe mirari subit, vitrum, vel regulum antimonii, citra sensibilem sui imminutionem noxios humores susque deque protrudere. An occultâ & abdita qualitate? an potius effluvio quodam substantiali vinum insicit? an subtile, volatilem, & sulfureum salem liquor affusus exsolvit? id sanè mihi longè probabilius videtur. Nam quidquid reclamet Libavius vitrum tandem vini infusione non

Vitrum &amp; sibi regulus.

nihil deteritur, nec pristinum nitorem servat, certam quoque quantitatem sibi solvit humor, quâ tandem satiatur: æstate citius hac vi purgatrice vinum, vel aqua imbuitur, quàm hieme: quo generosius est vinum, eo celerius istam virtutem trahit. Quemadmodum aqua sale, aut vitriolo saturata, si incalascit, non parum adhuc salis dissolvitur: nam quo subtiliores sunt aquæ, vel alterius liquoris atomi, eo facilius salium commissuras subeunt, ac leviores particulas involvunt.

Non enim in eâ sum sententiâ, sales in aquâ exsolvi, quod illorum poros inanes, ac sibi accommodatos offendant, adeo ut alii meatus salis corpusculis, alii vitrioli, vel aluminis destinentur. Hæc sanè ingeniosè à Gassendo finguntur, sed vereor, ut satis sint firma: præterquam epim nihil esse mihi videtur cause, cur aquæ atomi, quas esse ejusdem figuræ docet Gassendus principiis Epicuri succinens, meatus tot diversis circumscriptos figuris impleant, quot & quanta erunt va-

*Cur aqua uno sale saturata, aliud exsolvat.*

cua spatiola, si numero, & varietate corpusculorum, quibus compleri possunt, æstimentur: tota profecto aqua foraminulis erit pervia, nihil terè solidi remanebit, atque inanes pori ipsas aquæ atomos infinitis partibus superabunt. Quantum enim salis, vitrioli, aluminis, nitri, sacchari, in aquâ potest exsolvi? Quod si horum omnium corpuscula meatus inanes, & sibi accommodatos in aquâ reperiant, quàm spongiosa, quàm aperta, & foraminulis hians futura est? an tot corporum accessu nihil augetur, nihil intumescit aqua? facessant quæso illa Epicureæ Philosophiæ figmenta, nihil in rerum naturâ inane, nihil omni corpore destitutum occurrit. Quid est igitur, cur aqua sale communi satiata, non parum aluminis, atque aliorum salium dissolvat? non displicet nobilissimi Digbii responsio, tennes aquæ particulas salis corpuscula ingressu suo divellere, eaque dispersa in ipso liquore fluctuare; cum verò satis est imbuta sale, ac densior facta, non potest amplius salis subire corpuscula, sed tamen his velut armata spiculis, vitrioli, aluminis, aut succi alicujus crassioris partes separat. Sic aqua uno tenuiori sale prægnans, disposita quodammodo est, & parata ad alterius crassioris dissolutionem, nec necesse est infinita spatiola, tanquam diversoria, variis salium generibus præparata comminisci.

*Præcipitatio.*

Quocirca ut salern aqua, sic spiritus acidi tenuitate, & subtilitate partium exsolvant corpora, atque in atomos comminuant. Præcipitantur verò, & instar pulveris decidunt, accessu alicujus liquoris, qui majorem cum solvente, vel cum re ipsâ exsoluta societatem habeat; tum enim spiritus acidus prædatam suam dimittit, ut cum acri tartari liquore, vel aquâ salâ conjungatur; idque non sine quodam fervore, ac veluti fermentatione contingit, quam spiritus igniti eodem fere modo,

modo, atque in calce aqua perfusa, vel in musti ebullitione excitantur: ex illa pugnâ aqua fortis aciditatem, tartarum vini acrem deponit. Sic ex oleo tartari, & spiritu vitrioli quiddam subdulce componitur: nam unum alterius vires retundit, & ut cum Chymicis loquar, mortificat; non eas extinguit tamen, si quidem oleum tartari à spiritu vitrioli separatim vini acrum & corrosivum, ut vitrioli spiritus aciditatem suam recuperat; illud fixum est, hic volatiliss: ex utriusque conjugio quiddam temperatum exsurgit; quemadmodum superius nitrum ex fixi, & acidi societate emergere ostensum est. Hæc, nisi rite ratio fugit, vera est tum dissolutionis, tum præcipitationis causa: nam si unumquodque corpus in aqua dissolvitur, quod illius atomi certâ mole, & figurâ circumscriptæ meatus offendant sibi conformatos; non video cur alterius corporis accessu præcipitentur: reens illud corpus alia velut hospitia reperiat, nec necesse est, ut tot corpuscula locis suis dimoveat. Non etiam mihi liquet, cur aqua in vapores extenuatur, sal cum sale, alumen cum alumine congregiatur: non enim omnes meatus, quos salis replent corpuscula, juxta se dispositi jacent. Fateor equidem, rationem illius congressus facis esse reconditam; nec mihi facile succurrit, cur omnes salis atomi in vinum, velut ex condito confluant, nec cum aluminis corpusculis confundantur? an quod simile sui similis societatem affectat? Illud verum, atque hinc communem præcipitationum causam duxisti: quamquam sicca corpora humidorum societatem ambiant, & volatilia cum fixis ultro consociantur; nam unum alterius excessum castigat, humida siccis terminantur, sicca humidis vincuntur. Spongia aquam non naturæ similitudine, sed quâdam indigentia; aut potius certâ materiæ, & partium conformatione attrahit. Atque ea mihi videtur potior, tum dissolutionis, tum etiam præcipitationis ratio: Non quod inficer similitudinem naturæ plurimum ad utrumque momenti obtinere, sed unitus effectus non una est causa. Sæpe quod aurum præcipitat, majorem cum ipso auro cognationem habet, ut cum mercurius in hunc usum adhibetur; interim solventis societatem querit, ut liquor tartari aquæ regię affusus, cum illâ inito fœdere auri pulverem deorsum propellit. Interim per præcipitationem pars ignobilior & deterior descendit. Sic tartarum crebris solutionibus expurgatur; terrestris enim, & limosa substantia aqua non solvitur. Contrâ vitriolum multâ aquâ affusum cuprum, aut ferrum dimittit; sal quippe, quod vitriolo inest, aquâ copiosâ debilitatur non valet metallorum ramenta retinere. Cum vitriolum in aquâ solutum, & unâ cum zincho in granula conciso

EXCO-



excoquitur, tum illud minerale, quod totum sulfureum est, sulfur omne, & quidquid in chalcanto metalli inest, secum præcipitat, quod superest vitrioli spiritum præbet optimum: zincum ipsum spiritu salis solutum, præ siccitate sua salis spiritum tam arcte retinet, ut distillatione nihil præter phlegma proliciatur, uberiore tamen igne spiritus plane igneus, qui vix ullo vase contineri possit, & omnia dissolvat metalla, educitur. Idem in lapide calaminari contingere supra diximus, sed optimo salis spiritu opus est, qui lapidem calaminarem saltem sextupla proportionem excedat: continuo agitur, ne in lapidem non amplius exsolubilem concresecat, phlegmate exhalato, restat oleum rubrum, & pingue, cuius acrimonia a lapide obrunditur: illius usum ad podagram, hydropem, atque alios morbos commendat Glauberus, ac vulneribus optimum esse balsamum asserit. Verum de usu medico nihil decernor hæc eo duntaxat attingi, ut ostenderem quædam corpora cum aliis congregari, non ob naturæ similitudinem, sed quia meatus ita habent excavatos, & partes sic inter se aptas, ut quosdam præ cæteris admittant liquores, alios respuant. Sic aqua regia aurum, non argentum solvita sulfur argentum ab auro separat; illud velut in cineres redigit, hoc ne minimum quidem lædit. Hydrargyrum aurum domat; stannum vero ipsum figit hydrargyrum: nam liquato stanno affusus, statim huius metalli sulfure quasi, illigatur: imò metalla serè omnia cum stanno fusa rediguntur in scorias, adeo ut vix pristinae formæ reddi possint, sed in vitra potius consentiant. Non magna est mercurii cum stanno affinitas; sed humidas & mobiles hydrargyri atomos, siccis, & sulfureis corpusculis stannum silit, ac temperat; unius defectum excessus alterius compensat, nam adest uni, quod deest alteri.

*Breviter  
capitula-  
tio.*

Quo igitur totam disputationem in pauca conferam, metallorum dissolutionem aquæ fortes, tum naturæ quædam similitudine, tum etiam partium subtilitate perficiunt. Præcipitatio vero non ex uno fonte ducitur; nam aquæ stygiæ vel aquæ dulci debilitantur; vel alterius liquoris, non similis quidem substantiæ accessu, sed diversæ, sibi tamen amicæ, metalli pulverem dimittunt. Cum autem plures sales in aquâ soluti præcipites descendunt, unusquisque cum suo simili & congenere coniungitur; partes enim ejusdem gravitatis, & densitatis

*Præcipita-  
tio, quæ per  
viam sic-  
cam perfici-  
tur.*

ad eundem se locum recipiunt. Illa porro, de quâ jamdiu loquimur, metallorum præcipitatio, non modo per aquas stygias, aut spiritus acidos; sed etiam per viam, ut loquuntur, siccam, seu per fusionem instituitur. Nam metalla cum arenis, silicibus, tartaro & salibus fixis fusa expurgantur, dum sales fixi impurum sulfur aggregantur, illæsis metallis melioris notæ. Cinerem plumbi (ut rem exemplis illustrem)

cum



cum arenâ, vel silicibus, aut rebus aliis sulfureis liquant; vitrum confatur; aurum verò, vel argentum in plumbo reconditum ad imum descendit. Sal commune ferrum, & cuprum, quæ copioso vitriolo abundant, solvit. Hinc massa, aut vena cupri, cui multum ferri admiscetur, unâ cum sale communi liquatur, quod ferrum præ cupro exsolvit; utrumque confusum aquæ incoquitur, laminæ ferreæ supponuntur, quæ cuprum præcipitant, ferrum verò unâ cum sale remanet: ferrum ipsum metallis in fusione additum, quidquid est sulfureum attrahit. Nam copioso sulfure præditum est: hinc scobs chalybea admoda candela incenditur, ac fulgurat; & ferrum candens contactu sulfuris liquefcit. Hinc partes antimonii ferro addito separantur; frustula ferrea forti crucibulo imponuntur: ubi cadent, duplum sibi pondus contriti adjicitur; sulfur antimonii ad ferrum se recipit, & in scorias abit, relicto regulo graviore, qui stanno additus clangorem, & firmam partium cohesionem confert. Nitrum quoque, sal tartari, & antimonium æquis partibus commixta, trita, & fusa regulum præbent; sales enim fixi sulfur antimonii invadunt, in scorias convertunt, atque à puriori, & graviore parte sejungunt.

*Reguli antimonii præparatio*

Ac ne plura, quæ sunt penè innumerabilia confectet. Omnes ferè Chymicorum labores sale continentur: nam metallorum fusio, separatio, dissolutio, præcipitatio denique salis, nitri, tartari, aut vitrioli adminiculis perficiuntur. Metalla in olea, spiritus, vitriolum, flores resolvunt, nihil ferè citra sale. Scobem ferri spiritu salis dissolvunt, filtrant, omnem humiditatem superfluum leni igne abstrahunt, massam sanguineam, & rubram, quæ in fundo remanet, quæque admodum sicca est, & Chyrgis perutilis (nam consolidat & mundificat, & carnem superfluum exedit) oleum vocant, quod in humido loco, instar salis tartari per deliquium tabescit. Hanc massam rubram oleo silicum, cujus supra meminimus, impositam, unius, vel alterius horæ spatio, instar arboris crescere, atque in ramos diffundi, auctor est Glauberus. Idem è ferro, cupro, & aliis metallis non dissimili arte vitriolum colligit. Oleo vitrioli suo phlegmate diluti in arenâ calidâ ferrum, vel cuprum solvit, solutionem filtrat; phlegmate exhalato coquit, donec appareat cuticula; extractam collocat in cellâ, ut crystalli virides è ferro, ceruleæ ex cupro concresecant, reliquum aquæ iterum usque ad pelliculam coquit, atque in frigido loco crystallos, ut antè colligit. Spiritum verò, flores, & oleum unâ atque eadem operâ beneficio illius vasis distillatorii, cujus jam supra meministi, mi Simplici, consequi licet. Scannum, exempli gratiâ, cum subduple nitro sensum in vas injicitur;

*Oleum ferri.*

*Vitriolum ex metallis*

*Cap. 4.*

Uuu

pars

pars quedam in spiritum, alia in flores attollitur; quod remanet, oleum dici potest. Sic regulum antimonii per ferrum præparatum cum salispetræ triplâ portione mixtum sensim in idem vas immittunt, spiritus, & flores ascendunt; calx verò acerrima, & salis tartari non dissimilis in fundo vasis remanet, aquâ dulci abluunt, & præcipitatur in subtilem pulverem, quem in peste, & aliis febribus contagiosis mirum in modum commendat Glauberus: est enim diaphoreticus, ac sudores movet.

*De floribus stibis.*

Quanta remedium sylva, vel ex solo antimonio paratur: nam in flores sublimatione, ut dictum est, extenuatur, quorum alii vomitum, alii sudores tantum excitant; calcinatum cum nitro fit primo emeticum, tum repetitâ calcinatione vires ferè omnes una cum sulfure amittit: vis enim illa, quæ vomitum ciet, sulfuri volatili insidet, niri incendio dissipato sulfure, figitur: nitrum quippe hanc habet prerogativam, ut mineralium virus, quod volatili inest sulfuri, in auras attollat; eaque figens reddat innoxia. Sal autem commune cuncta mineralia, & fugacia, & magis efficit venenata: hinc mercurius sublimatus tantum edit stragem: venena omnia nitrum retundit, sal excutit; illud enim figit, maturat, digerit; sal è contrâ res fugitivas, & fusiles reddit. Argento aquâ forti dissoluto, si æquam aquæ falsæ portionem affuderis, atque ex uno in aliud vas identidem transfuderis; ubi aliquamdiu aqua resederit, calx argenti sale præcipitata descendet, adeo mollis, & fusilis, ut candelæ admodum statim liqueat; hanc calcem Chymici Lunæ cornu vocitant. Eadem arte plumbum fugax & volatile efficitur; urinâ verò præcipitatur adeo durum, & fixum evadit, ut vix liquari possit. Nihil adeo cibus in

*De sale & niri viribus.*

*Calx argenti fusibilis.*

ventriculo comminuendis, ac per totum corpus distribuendis inservit, ac sal commune, quod alimenti vehiculum est: quod si ab omnibus recementis, & terrenis sordibus, per repetitas solutiones, & coagulationes defecaretur, longè salubrius foret: sunt qui illud fusile, & liquabile tentant efficere: torrent, ut omni pinguedine liberetur; solvant, exhalatâ aquâ coagulant, idque sæpius repetitum volunt; deinde tandiu calcinant, quousque granula candelæ admodum: statim liqueantur hujus salis magnas ad metallorum transmutationem vires prædicant; quibus nec plane assentior, neque omnino repugno: illis sanè gratulor, qui tantorum arcanorum sunt conscii. Mihi autem nondum ditiores quemquam ex iis videre contigit, qui in arcanorum per investigatione studium omne suum posuerunt. Non quod illa contemniam, quæ summi artifices, non solum ingenio, sed etiam otio, studioque abundantes nobis de metallorum naturâ, origine, & perfectione reliquerunt;

querunt; ac concedam quoque Philosophis, ut consumendi ovi causa de his differant: sed dabunt veniam Alchimistæ, si animum meum huc parare non possim, ut credam salis fusilis, vel alterius mineralis beneficio per cæmenta, & alios labores argentum figi; ita ut auri pondus & naturam consequi valeat. Proculdubio in omni re vincit imitationem veritas; nulla potest ars naturam assequi, nedum superare.

TH. Profectò nisi conjecturâ fallor, nihil arte Chymicâ vanius esse potest; siue metallorum transmutationi incumbat, de qua jam satis dictum est, siue ex rebus metallicis remedia, ad morbos profligandos depromat: nec quemquam hoc errore duci oportet, ut sibi persuadeat antimonium, hydrargyrum, & alia mineralia tutò, & citra ullum periculum assumi posse. Quid enim hæc nisi venena esse possunt? nulla est illis cum corpore nostro familiaritas, nec calore nativo domari, aut subigi possunt; cum sint naturæ insensibilissima, eamque continenter lacestant; ex illâ veluti pugnâ virium dejectio, humorum effervescencia, deliquia, convulsiones, & gravissima oriuntur symptomata, quibus per sæpe natura viribus impar, opprimitur: magnæ quidem evacuationes subsequuntur, sed citra ullum humorum delectum: natura quippe irritata & stimolata vires colligit, ut hostem sibi infestissimum expellat, atque unâ cum eo (si viribus prævaleat) magnam humorum, quibus gravatur, copiam protrudit. Sed quanta totius corporis succussio, quanta molestia consequuntur? adeò ut longè sit consultius hostem intra mœnia non admittere, quàm eum receptum, non sine magno discrimine foras ejicere. Naturæ laboranti subsidia mittenda sunt, non hostilibus copiis prosternenda. Cedo quid furiosius, quàm illa haurire mineralia, quæ artifices ipsi non audent contractare: nam qui argentum vivum in pilulas cogunt, solent oleo illinire manus. Adeò perniciosum est, ut illud merito rerum omnium venenum appellet Plinius: nam exedit, & pertruncat vasa, permanens tæbe dirâ. Ipsi fosfores, quantumvis ori vesicas applicent, ut se adversus lethalem hujus veneni fumum muniant, brevi tamen, aut phthisi, aut paraly si consumuntur. Ne auro quidem parcit, sed illud in minutissimum pulverem comminuit; nec nobis solidiora sunt metallis viscera, ita ut ab hoc minerali tuta esse possint. Frigiditate sua vel solo contractu nervos affligit, atque in paraly sin inducit: quid non faciet, si intus admittatur? an non salutem suo pondere ventriculum gravabit, naturam opprimet, vi caustica ipsa intestina exedet, maxime si aquis stygiis præparetur, vel salibus sublimetur? Hinc nervorum tremor, ingens picuræ profluvium, otis factor, ventris tormina, atque alia ejusdem generis gravissima symptomata, quantumvis abluatur, distilletur, præcipietur.

Remedia  
Chymica  
variis at-  
tumentis  
opponenda  
sunt.

De hydrar-  
gyro.

redit semper ad ingenium, neque unquam potest esse salutare. Non enim solâ quantitate, sed toto genere, ac naturâ deleterium est, animalibus & plantis exitiale; seu quia terrâ impurissimâ, & superfluo humore abundat, ut visum est Alchimistarum principi Gebro (nam color ille plumbeus, atque ex albo in lividum degenerans; nigredo quâ corpora quæque inficit, impuram illius substantiam producit: ) seu impenitè frigidum nervos solo contactu lædat, & calorem nativum extinguat; seu tenuitate partium in cerebrum involet, nervorum originem invadat, venas solvat, intestina corrodat; seu denique ex marcaffitis venenatis, ut ex cadmiâ argentosâ, minio nativo, vel cinabrio quod lapis est fragilis, gravis, & coloris subrubri calore exprimitur: inter venena, si quid aliud, debet recenseri, ac nemo nisi sui prodigus, aut vitæ pertæsus tam perniciosum remedium adhibebit.

De anti-  
monio usu,  
& natura.

Nec meo quidem iudicio (quidquid aliter vobis videatur) minus innoxium est antimonium, quo Chymici omnes præcipiti audaciâ in exitium nostrum aburantur. Quæ insania, quis furor, tantam remedium ubertatem, quæ stirpes, & animantes nobis suggerunt, contemnere, ut deleteria nostræ naturæ insensibilissima non modò ad exteriores, vel ad desperatos, (quod utique ferendum esset) sed etiam ad leviores morbos, febres intermittentes, atque extra omnem periculi aleam positas, ut tuta medicamina assumere? At quàm multos jam conclamatos, atque extremum spiritum agentes antimonium restituit? Quid, quod multò plures sustulit, qui jam adesse non possunt, ut de hoc veneno conquerantur. Istius mineralis naturam paulò diligentius expende, nihil quàm purum putum venenum esse comperies. Quid enim est, ut ipsi Alchimistæ fateantur, nisi crudum metallum impuro sulfure infectum, nec arsenici, vitrioli, & hydrargyri experts? hinc illius foetor ex arsenico, fusio facilis ex hydrargyro, albus & penetrans fumus, ac sublimato persimilis, summa rapacitas, adeò ut nulli metallo præter aurum parcat: fuligo venenata, ac vis vomitiva. Nec mirum si adeò sit versatile, ac tot vultus induere videatur: nam ex omnium fossilium ramentis coaleuit. Similis planè est naturæ eum marcaffitis, quæ metallis prægnant; quæque sunt omnes venenatæ. Sic vena bismuthi antimonium masculum vocitatur; ex illâ regulus stanneus conficitur, & vi emeticâ donatur, solâ infusione liquores facultate purgatrice induit, venenatos effiat halitus. Eadem quoque est natura cadmiæ argentosæ, cuius flos virulentus cobaltum dicitur. In eodem censu reponimus alias marcaffitas, vel steriles, vel metalliferas, quocumque signentur nomine;

mine; five pyrites cum ære; seu galena, cum plumbo; seu gelsum, zinchum, quorum illud in Vngariâ frequens, hoc in Comitatu Tyrolensi, illud argento, hoc variis metallis fortatur: ista, inquam, nihili sunt, quàm metallorum capsulæ, vel abortus, atque arsenico impuro sulfure, nec non & crudo hydrargyro inficiuntur nobis omnino perniciofa. At fortè ignis flammâ, vel falepetrâ expurgantur, atque omnem ferociam dediscunt: nam vis illa venenata in sulfure volatili insidet, quod nitro accensum in auras diffiatur. Sit ita sanè, quid igitur est, cur flores antimonii impensè volatiles præscribant? cur crocum metallorum, ex quo vinum emeticum jam toto orbe notum (quod Martinus Rulandus primus, sub aquæ benedictæ nomine ad usus medicos adhibuit) adeo perfunctoriè, & negligenter præparant? Non enim semel, sed sæpius nitro purgatum oportuit, ut omne virus deponeret. At vitrum ipsum antimonii tot ignibus vexatum arsenicales spiritus adeo exiit, ut vino vel aquæ, solâ infusione vñ non catharticam, sed venenatam & pestiferam impertiat. Nam vomitus concitat, ac totum corpus vehementer concutit. Ne ipsi quidem antimonii patroni, vitrum illius excusant. Nam ut omitam Quercetanus, qui in hoc, ut in cæteris, satis anceps, ac lubricus videtur, ut taceam de Basilio Valentino, & Renodello, qui antimonio trophæa erexere, ac triumphalem curram illi decrevere; Severinus Darnus Paracelsitarum antistes hoc vitrum non probat; quòd puri, inquit, ab impuro separationem non receperit: quòd resolutionem debitam, & digestionem non sustinuerit: quòd fusionem vitrificatorem admiserit, in omni remediorum præparatione fugiendam.

Ignosco Chymicis, qui metalla ad usum Chirurgiæ accommodant: nam & veteres his usos fuisse novimus; neque aquas minerales aut thermas abjicimus, quas adversus plerosque contumaces morbos esse salutare non inficiamur. Sed ferendi non sunt, qui metallis ipsi ventrem onerant, vel aurum poculentum pollicentur. Quasi ipsum aurum in liquorem possint redigere, atque illius crasim conservare. Si natura auri manet, quomodo vires prostratas eriget, extinctum calorem excitabit? an poterit in nostri corporis substantiam commicare? an nativus calor tantum valet, ut indomitum metallum subigat, atque in carnem mutet? Quòd si auri liquor reduci amplius nequeat, & auri naturam exuerit, unde illi tantæ vires? nihil est præter sulfur & hydrargyrum, quibus malè cum corpore nostro convenit? Sed quid vanius, quid magis circulatorium, quàm auri candentis sæpius repetitâ extinctione, auratas, & mineralibus præstantiores aquas promittere? Quid amabo ignitum aurum aquis frigidis, nisi

empyreuma, seu ignis vestigium confert? Neque enim aurum vel mole, vel pondere minuitur, neque ex eo quicquam exhalat. Iam quid necesse est metalla in liquores, oleo, crocos, & calces resolvere? si quid possint, haud dubiè integra longè utiliora erunt, quam tot modis vexata. Malim ego chalybis scobem, quam illius calcem, aut ignis reverberio, aut sulfure præparatam. Siquidem igne, sulfure, aquis stygiis metalla indurantur, non solvuntur, nec recluduntur. Non mihi est animus, omnia Chymicorum flagitia persequi: profectò è re communi foret, ut auctoritate publicà caveretur, ne quis hydrargyrum, antimonium, atque alia fossilia ad usus medicos adhiberet, atque ut eam medendi rationem omnes sequerentur, quam Hippocrates & Galenus munierunt, quæque omnium gentium consensu fuit comprobata.

SIMP. Optarem equidem, ut nemo nisi idem in arte Medicâ peritissimus hæc tractare remedia, quibus circulatores, & empirici in perniciem hominum sæpe abutuntur. At non continuo infamanda sunt præsidia, quæ multis saluti fuere, sed imperitorum temeritas accusanda, qui nullâ temperamenti, morbi, ætatis, temporum habitâ ratione, eadem omnibus præscribunt. Quod si ex animantibus, & plantis tanta pharmacorum ubertas succurrat, non video, cur ex mineralium familiâ nonnulla quoque adversus morbos contumaciores depromi non possint. Quam magni sint usus aquæ minerales? quædam, ut refert Baccius, ferrum, & metalla corrodunt, quæ tamen potæ juvant. Unde tanta virtus thermarum, nisi ex spiritibus fossilium? Quod si quid veneni recondant, id profectò in spiritibus insidet. Erasius ipse qui odio plusquam Vatiniano Chymicos prosequeretur, aquam, aut vinum chalybeatum, in quo scilicet ferrum candens extinguitur, multum commendat, neque immeritò. Nam aqua chalybeata lienosis, & hydropicis mirum quantum confert, obstructions recludit, abstergit, exsiccat. Hinc primum alvum turbat, nitri quippe, & chalcanti spiritibus, quibus ferrum abundat, tum adstringit & corroborat. Sed nisi ferrum impensè candeat, aquas potius virulentas, quam salubres efficiet. Aquæ, in quibus æs extinguitur, balneis sunt utiliores, vetera ulcera, tumores, & scabiem sanant: nam superfluos humores consumunt. Sic aquæ, in quas liquatum plumbum sæpius injicitur, exterius usurpatæ refrigerant, ulcerum cavitates complent; tumores scirrhosos emolliunt. Nec deum aquæ auratæ omninò sunt inutiles. Neque hic longâ disquisitione opus est, an aurum aliquod effluvium in aquas transmittat, ac poculentum fieri possit, atque in liquorem redigi? Ego enim ut

difficil-

Quibus se  
incantur  
rationibus  
Chymiatrici.



difficillimam auri in sua principia resolutionem judico, ita omnino impossibilem non arbitror; & meâ quidem sententiâ fides aliqua doctissimis viris, atque in arte spagyricâ peritissimis potius habenda est, quàm iis, qui hanc disciplinam nequidem à limine salutaverunt. Neque tamen in eâ sum hæresi, ut putem, tantas esse vires auri potabilis, quantas vulgo prædicant. Fors est, ut ex plumbo, ære, ferro vitiliora, quàm ex auro, & argento medicamina repetantur. Vix in animum possum inducere, hæc metalla in alimenta converti. Admota pectori auri lamina cordis palpitationes arceat; renibus applicata, lumborum dolores leniat, at non necesse est, ut haustum prostratas vires erigat, calorem nativum familiaritate quâdam naturæ mirum in modum corroboret. Neque à ventriculi calore id consumi putem: nescio an aliquantulum alterari queat. Ignitum quoque aurum spiritibus suis aquam nonnihil imbuere non ægrè concessero; nam ubi sæpius extinctum fuit, fit pallidius; quod si in aquis, quibus plumbum liquatum identidem affusum fuerit, illud extinxeris, nonnihil mollius, & ductilius evadet: contra durius futurum est, si ignitum aquis chalybeatis aliquoties immergatur. Enim verò metalla ad Chirurgiam permultum conferre, ne inimici quidem Chymicorum inficiari audent: nam veteres æruginem ad putrida ulcera, cerussam, & minium, vel sandycem plumbi, ad cicatrices indubendas, & fluxiones ex ulceribus, & contusis partibus arceandas; æris, ferri & chalybis squamas ad contumacia ulcera adhibuerunt. Iisdem ferè usibus ferri scoria, quæ vehementer exsiccant, lithargyrus, qui ut cerussa leniter adstringit, & vim habet emplasticam, accommodantur. Illud non timide dixerò, non posse Chirurgiam metallis aut fossilibus carere. Non mihi est animus hinc longas remediorum formulas pertexere; sed non possum tamen mihi temperare, quin vos arcani cujusdam non contemnendi participes efficiam. Lapis est ex diversis mineralibus, nimirum ex librâ vitrioli, tantundem aluminis; semilibrâ sandycis, seu minii ex plumbo confecti, 4. unciis boli Armeni, ac æquâ portione, nempe 4. unciis salis communis compositus. Hæc contrita 4. aut 5. libris urinæ sunt incoquenda, continenter agitando, donec pulvis consistentiam assequantur. Hæc massa nonnihil fortens frigore in lapidem concrevit; cujus uncta in semilibrâ aquæ communis exsolvenda immittitur; quâ quidem aquâ omnis exterior inflammatio, erysypelas, purulenta ulcera, scabies foetida & canceri identidem abluuntur, vel linteo madido obducuntur, atque intra paucos dies curantur; dummodo emissio sanguinis, & apta purgatio non interim negligantur: idque me sæpius expertum fuisse licet affirmare. Non ægrè conceditis magnam remediorum sylvam ex mineralibus ad-  
exte-

exteriore morbos succrescere; at usum interiorem, non injuriâ fortè accusatis: atque ut quantum potero, contentiones minuam, de hydrargyri usu ferè inter nos convenit; non quòd toto genere deleterium existimem: sed substantiæ tenuitate, & penetrante nervos, ac cerebrum invadit; & quamvis Mathiolus agrè parturientibus scrupulum hydrargyri præscribat; ac soleant plerique aliquot grana pueris, ad ventriculi, & intestinorum vermes enecandos præcipere; longè tamen consultius erit omninò ab hoc minerali abstinere. Nunc de antimonii usu quid mihi videatur aperiam; sed ita audies, ut Philosophum partium studio minimè abreptum, ut timidè ingredientem ad hoc genus disputationis: nam plerique Medici solent, id quod vigorum bonorum est, admodum irasci, si quis eorum decretis non acquiescat: at soli sumus, nec vereor, nequis eorum exaudiat: neque ii sumus, qui in disputando non nostrum judicium sequamur, sed auctoritati aliorum pareamus. Antimonium quidem (ut rem ipsam loquamur) non omni veneno caret, quòd in sulfure volatili potissimum insidet: quare hoc remedium non promiscuè, & sine ullo discrimine omnibus est adhibendum; neque ab imperitis tractandum: & certè in minimâ dosi alvum turbat, vomitus excitat, totum corpus vehementer commovet, quæ quidem in simplex medicamentum non cadunt. Verùm hoc ad Medici industriam pertinet, ut venenis ipsis virus detrahat, eaque in optima convertat medicamina. Veteres arsenico, & sandaraca utebantur; nec officinæ, & pharmacopolia carere venenis possunt. Sæpe morborum radices altius hærent, nec communibus remediis, eorum semina, ut loquuntur Chymici, possunt transplantari. Interim venenati morbi aliis venenis quasi jugulantur. Hinc usum antimonii in peste, arque aliis morbis epidemicis non ausim accusare. Nonnumquam natura humorum copiâ velut oppressa hæc validiora præsidia exigit; irritate eam oportet, & quasi spiritam excitare, quod præter cætera antimonium præstat. Sic morbi chronici, quique diuturnitate temporis invaluerunt, aliquando usu antimonii profligantur. Neque (ut mihi videtur) stibium inter venena toto genere deleteria numeratur; neque in iis, qui vinum emeticum hausere, ullum veneni indicium apparet. Solâ quantitate, ut pleraque pharmaca nocet, nec fortè elleborum, elasterium, atque alia id genus medicamenta, quibus usi sunt veteres, sunt benigniora. Vix ullum emeticum est stibio aptè præparato lenius; nec tamen medendi ars vomitivis carere potest. At quàm multi hausto emetico perire? quòd si hoc genus argumenti recipimus, nullum remedium à calumnia tutum erit. Verùm hæc Medici ipsi viderint, qui fortè verbis, non re dissident: cum alii antimonium ut venenum accusant,

alii ut innoxium defendunt. Est sanè venenum, si intempestivè propinetur, si nitro, aut vehementiore flammâ arsenicali suo sulfure non spoliatur; si ægroti vires, morbi genus, & symptomata acri iudicio non perpendantur; si ab agyrtis, & circulatoribus temerè, & magnâ dosi præbeatur. At vitrum antimonii exitiale est, nec potest excusari, cum Severinus Danus, atque alii Chymicorum principes id de albo medicaminum expungant. Fortè ita est, si illius substantia majori dosi, non sola infusio, quam vino emetico benigniorem puto, propinetur. Quid enim fidei causâ afferunt, ut crocum, seu emeticum probent, vitrum infament? Non facta est, inquit, puri ab impuro secretio: mirum si sulfur illud volatile tantos ardores sustinuerit. Sed omnis vitrificatio in vitio est. Illud porro probatum, non temerè assertum oportuit. At vis pharmaci spiritibus, non crassis corporibus inhæret, nec aliquid magni ex tam rudi præparatione expectandum. Tantò, inquam, benignius erit vitrum, quòd maxima pars spirituum, quibus omnis virtus purgatrix tribuenda est, sit exhausta; solum sal in liquore exsolubile superest, quod tantas strages non potest edere. Restat ut iis respondeam, qui nullum ex mineralibus præsidium sperandum esse arbitrantur, quòd nulla sit fossilibus cum corpore nostro societas. Quasi hæc ut alimenta, non ut medicamenta sumantur: nec vinci debent, sed vincere. Perparum refert, utrum sint amica corpori, dum morbum expugnent, ac vires suas in pravos humores exerant. Caterum nemo me auctore hæc remedia accerset, nisi Medici doctissimi consilium adhibeat, nullam enim periculosius erratur; atque ubi de vitæ summa agitur, nihil temerè & inconsulto audendum. Hinc Crollius non absurdè monet, ne antimonium iis, qui angusto pectore, aut debili sunt ventriculo, aut colicis doloribus ex aliquâ obstructione vexantur; aut denique malè affecta habent viscera, præbeatur: ne vena, antè, vel post incidatur; omninò hîc cauto opus est; nec tam remediorum violentia, quàm imperitorum audacia vel usu firmata, est incusanda: neque omnibus cedit inconsulta temeritas. Sed sanusne sum, qui has Medicorum controversias ingressus, me nec Chymicum, nec Medicum esse sum oblitus: magis id adeò facilitate, quàm ullâ aliâ culpâ meâ contigit, qui dum vobis obsequor, extra Philosophiæ cancellos identidem excurrò. Sed vos enixè rogo, ne has nugas in apertum proferatis. Neque enim (quod mihi sæpe dicendum est) Chymicus haberi velim, aut in Medicorum, quorum apud me magna est auctoritas, odia incurrere.

TH. Magnam (ut pro utroque respondeam) tibi habemus gratiam, mi Simplici, ac recipimus tibi silentium optimâ fide.

F I N I S.

X x x

INDEX

De vitro  
antimonii.

# INDEX PRIMUS

## CAPITULUM.

### LIBER PRIMUS

#### De Meteoris.

CAP. I. **D**E mixtis imper-  
fectis, vel Mete-  
oris in universum; & de  
communione eorum mate-  
ria.

269

I. Quae sit materia, ex qua omnia  
figuntur Meteora: ubi de tri-  
plici halitu: vapore, fumo, &  
exhalatione.

II. Varie de terra fremitu sen-  
tentiae proponuntur.

III. Ex igne subterraneo, non so-  
lum terra motus, sed etiam ple-  
rasque aëris impressiones oriri  
concluditur.

CAP. II. De fontium & ther-  
marum origine, Oceani  
æstu, & maris falsedi-  
ne.

279

I. Fontium originem ex calore  
subterraneo potissimum duci.

II. De qualitatibus, effectibus, &  
examine thermarum, nec non  
de variis aquarum tum simpli-

cium, tum medicamentorum diffe-  
rentiis agitur.

III. De æstu maris reciproco di-  
verse expenduntur sententiae,  
& probabiles conjectura adse-  
runtur.

IV. De maris falsedine quid nobis  
videatur brevissime proponitur.

CAP. III. De aliis impressi-  
onibus tum aqueis, tum  
aëreis.

302

I. De sale multa ex Caresio.

II. De glacie, nubibus, nebulâ, plu-  
viâ, rore, & pruina.

III. De melle, & manna sus-  
agitur.

IV. De nive & grandine.

V. De ventorum naturâ, causis,  
& effectibus, ac de reliquis im-  
pressionibus aëreâ disputatur.

CAP. IV. De ignitis Mete-  
oris.

323

I. De fulgure, fulmine, & toni-  
trui naturâ, causis, & effecti-  
bus.

II. De reliquis impressionibus  
ignitis differunt.

CAP.

CAP. V. De Irīde, Coronā, & aliis impressionibus apparentibus. 329

I. De loco, in quo Irīs efformatur.

II. De illius figurā, magnitudine, & coloribus permulta.

III. De coronā & aliis emphaticis impressionibus.

IV. De coloribus, qui per trigonum crystallinum apparent, varia mittuntur conjectura, ac pleraque explicantur ejusmodi phanomena.

\*\*\*\*\*

LIBER SECUNDUS.

De naturā, causis & usu fossilium.

CAP. I. DE principiis & causis fossilium in universum. 351

I. De spiritu universi, quæ sit Platoniorum & Chymicorum sententia.

II. Variæ objectiones adversus spiritum illum cuncta permeantem, rationes seminariæ, & vulgata Chymicorum principia proponuntur.

III. Quid nobis videatur de rationibus seminariis, generatione fossilium, & tribus principiis, sale, sulfure, & mercurio; Peripateticos cum Chymicis quoad fieri potest, conciliamus.

CAP. II. De mixtis terreis, & variis terrarum generibus. 369

I. Principia Chymicorum ex Cartesii decretis exponuntur.

II. De resolutione, & variis illius differentiis, nempe sublimatio-

ne, distillatione, calcinatione &c. agitur.

III. De diversis terrarum generibus, & usu pertractamus.

CAP. III. De sale, & nitro. 379

I. De salis naturā & origine juxta Aristotelis principia, de salis & nitri vulgatā in sua principia resolutione.

II. Peripateticorum opinio de salis naturā refellitur, & verisimilior adducitur.

III. De nitri causis, usu & preparatione: nec non de duplici salis petre liquore, fixo & volatili, permulta explicantur.

CAP. IV. De aliis salium generibus. 395

I. De nitri, & salis spiritu nonnulla pramittuntur.

II. De alumine.

III. De vitriolo, & variis illius generibus.

XXXX

IV. De



*IV. De vitrioli analysi, atque usu, ubi de medicamentis Chymicis perpaucā.*

**CAP. V. De sulfure, & bituminibus.** 407

*I. De sale, & aquis stygiis perpaucā ex Cartesii principii pramittuntur.*

*II. De sulfuris naturā, origine, & variis effectibus; necnon de auripigmento, & arsenico differtur.*

*III. De variis bituminum generibus, & potissimum de succini naturā, analysi, & usu agitur.*

**CAP. VI. De lapidibus in universum.** 422

*I. De communi lapidum materia, effectrice, & formali causā ex communi Peripateticorum sententiā differtur.*

*II. Quid nobis videatur de lapidum causis proponimus.*

*III. De principio coagulationis.*

*IV. De calculo disputatur.*

**CAP. VII. De variis lapidum differentiis.** 437

*I. De magnete juxta Cartesii sententiam.*

*II. De lapidibus seorsum sumptis, ubi de eorum formis, coloribus, & viribus differtur.*

*III. De variis saxorum, & marmorum generibus tractatur.*

**CAP. VIII. De gemmis.** 451

*I. De naturā, origine, ac divisione gemmarum, & quomodo ab adulterinis genuina discernantur.*

*II. De Crystallo, Adamante, & aliis pellucidis gemmis.*

*III. De opacioribus & aliis minoris notā differtur, ubi de viribus gemmarum, aut veris, aut falsis.*

**CAP. IX. De metallis in universum.** 465

*I. De metallorum materia diversae opinioniones conciliantur.*

*II. De metallorum generatione.*

*III. Utrum in diversas species deducantur.*

**CAP. X. De metallis seorsim sumptis, ubi fusē de transmutatione metallorum.** 477

*I. Transmutatio metallorum diversis rationibus impugnatur.*

*II. De singulis tractatur metallis.*

*III. Transmutationis possibilitas asseritur.*

*IV. Objectiones diluuntur.*

**CAP. XI. De præparatione metallorum.** 494

*I. De venis metallicis agitur, & quo modo discernantur.*

*II. De earum fusione, & examine.*

*III. De metallorum variis separationibus, ubi de cupella, quærtatione, & cavento; ac multa Alchē*



*Alchimiſtarum arcana illuſtrantur.*

IV. Horum omnium rationes inquiruntur.

CAP. ULT. De uſu metallorum: ubi de antimonio, & hydrargyro, & aliis rebus metallicis.

L. Omnium ſerè circa metalla operationum, ut diſſolutionis, præcipitationis, &c. cauſæ, & rationes inquiruntur.

II. De floribus, regulo, & vitro antimonii, atque eorum uſu diſſeritur.

III. Varia mineralium præparationes, atque uſus deſcribuntur, ubi quæ arte metallorum eſſentia, olea, vitriola educi queant, paucis exponimus.

IV. Remedia ex hydrargyro, antimonio, ac metallicis deprompta multis oppugnantur rationibus.

V. Quid de uſu metallorum nobis videatur, paucis aperimus.

## INDEX SECUNDUS RERUM PRÆCIPUARUM.

A.

A Cetum, pag. 387  
Adamas, 394. & ſeqq. vires, 455

Aër, 304. unde frigus mediæ regionis, 305. illius altitudo. 318

Aëris natura, 483

Aëtus maris reciproci diverſæ opinioniones referuntur, & reſoluntur, 288. 289. & ſeq. varia ejus phænomena, 294.

Ætites. 464.

Alabaſtrum. 447. 448.

Alabaſtrites. *ibid.*

Alchimia defenſio. 356. 506.

Aluminis natura, & præparatio, & uſus. 399. 400.

Amiantus. 443.

Amethyſtus. 460.

Animalium, quæ ex putredine naſcentur generatio. 365.

Antimonii flores, 521. uſus, & natura, 517. & ſeq. variæ præparationes, 517. uſus, 529. & ſeq.

Aquæ corpuscula. 271. 303.

Aquæ medicatæ. 284. bituminofæ, ſulfureæ, acetofæ. 284. 285. earum effectus. *ibid.*

Aquarum differentia, & examen. 286. 287.

Aqua fortis. 303. 389. 390. 512. 513.

Aquæ chalybeatæ. 524. aroſæ, auratæ. 528.

Aqua uno ſale ſatiata aliud exſolvit. 518.

Aquilo. 320. 321.

Xxx 3

Arena

Arena. 373. 374 377. 448.  
 Ardesia. 449.  
 Argilla. 375.  
 Aristotelis opinio de terra motu,  
 273. de origine fontium. 231.  
 de salitudine maris. 300. resel-  
 litur. *ibid.* de ventorum origi-  
 ne. 319. 320.  
 Argentum vivum. 505. 506. u-  
 sus. 527. 528.  
 Argentum. 486. utrum in aurum  
 abire possit. 487. *§ seq.*  
 Asterites. 456. 457.  
 Astroites. 456.  
 Auripigmentum. 413. 414. arseni-  
 cum. *ibid.*  
 Auri natura. 477. 478. aurum de  
 silicibus. 496.  
 Aurum fulminans. 502.  
 Aurum ex mineralibus. 509. 510.  
 Aurum potabile. 525. 526.  
 Auster. 320. 321.

## B.

**B** Alatum. 459.  
 Belemnites. 445.  
 Beryllus. 458.  
 Bezoar. 463.  
 Bismuthum. 485.  
 Bituminum varia genera. 415.  
 Borax lapis. 464.

## C.

**C** Admia. 507  
 Cæmentum. 503. 505. 506.  
 Cæsaris Arcanum de æstu maris  
 sententia. 295 *§ seq.*  
 Calcinatio. 372.  
 Calculi generatio. 429. 435. 436.  
 ejusdem curatio. 436.

Calor subterraneus. 277 *§ seq.*  
 Calor ex Cartesio. 409.  
 Calx. 448. 513.  
 Camphora. 420.  
 Cartesii tria elementa, vel princi-  
 pia. 270. 369. 408. ejusdem de  
 æstu Oceani sententia. 292. re-  
 fellitur. 292 293 de maris sal-  
 sedine. 301. *§ seq.* de Iridis  
 coloribus. 343. 346. 347. ejus-  
 dem de sale opinio. 409. ejus-  
 dem de magnete. 437. 438.  
 Carbo fossilis. 415.  
 Carbunculus. 459.  
 Cera primigenia. 310. 311.  
 Ceraunius lapis. 445.  
 Cerussa. 485.  
 Chalcedonius. 460.  
 Chrysolitus. 460.  
 Chambræ de Iridis coloribus.  
 338. *§ seq.*  
 Coagulum. 413.  
 Codio. 373.  
 Colorum causa. 337. 375.  
 Cornu fossilis. 444.  
 Cornu Ammonis. 445.  
 Cotes. 446.  
 Creta. 375. 376.  
 Crytallus. 453. *§ seq.*  
 Cupellæ examen. 500.

## D.

**D** igneus de coloribus, qui per  
 triangulum vitreum spectan-  
 tur, sententia. 348. *§ seq.*  
 Distillatio. 371. 372.

## E.

**E** lectrum. 488.  
 Elementa. 353. *§ seq.* 408.  
*§ seq.*

Entro-

Entrochites. 445.

Epicuri Philosophia. 408.

Etesia. 316. 322.

Exhalatio quid. 271. 370.

F.

**F**ermentatio. 285. 403. 411. 515.  
Ferri natura, & in cuprum mu-  
tatio. 481. Ferri in chalybem.  
482. 493.

Fontium origo. 280. *ſeq.* laten-  
tium aquarum indicia. 282. fon-  
tes medicati. *ibid.*

Formarum origo. 378. 389. 363.  
*ſeq.* formæ renaſcentes. 372.

Flores metallici. 517.

Fromondi de æſtu maris opinio.  
289. 290. refellitur. *ibid.* de  
ventorum origine. 319. 320. de  
Iridis coloribus. 337. 338.

Fulgur. 323. *ſeq.*

Fulmen. 323. *ſeq.* effectus. 324.  
325.

Fuligo. 370. 371. illius oleum. 371.

Fumus quid ſit. 271.

Furnorum materia. 378. præpara-  
tio. 389. 390. 398. 428.

G.

**G**agates. 414.

Galena. 507.

Galilæi de æſtu maris ſententia.  
291. refellitur. 292. 293. ejus-  
dem de glacie. 318.

Galactites. 443.

Gaffendi obſervationes. 345. 347.  
348.

Gemmarum natura, & origo. 451.  
452. gemmæ adulterinæ. 452.  
vitia. 453. vires. 454.

Geodes. 464.

Gellum. 325.

Glacies. 303. 317. 318.

Glossopetra. 445.

Grando. 312.

**H**ematites. 442.

Halitus triplex. 271. cur æſta-  
te copioſior cum ſit, non vide-  
atur. 272 ex omni corpore ex-  
halari. 271. 272. halitus vene-  
nati. 272. ſudorifici. 272.

Halo. 344.

Hyacinthus. 459. 460.

**J**alpis. 461.

Ignis. 410.

Ignis ſatuus. 328.

Ignis lambens. *ibid.*

Ignita meteora. 323. *ſeq.*

Iris. 329. *ſeq.*

Iridis locus. 330. 331.

Iris eſt in duplici differentia. 331.

Iridis figura. 332. *ſeq.* magni-  
tudo. 335.

Iridis colores. 338. *ſeq.*

L.

**L**acus conſecti lapidum tumultu-  
antes. 394. 395.

Lapidum materia. 424. *ſeq.* 430.  
432.

Lapidum cauſa effectrix. 424. 430.

figuræ. 425. 432. Perſpicuitas

& colores Lapidum. 426. 427.

Lapidum coagulatione. 427. 434. di-  
viſio. 437. 438.

Lapis ſpecularis. 443.

Lapis Iudaicus. 445.

Lapis Bononiensis. 450.

Lapis.

Lapis nephriticus. 458.  
 Lapis Alcaëstius. 462.  
 Lapis Armenus. 462. 463.  
 Lapis Chelidonium. 464.  
 Lapis Philosophicus. 478. & seq.  
482. & seq.  
 Latres. 477.  
 Lazuli. 462. 463.  
 Lithocolia. 449.  
 Lichargyrus. 507.  
 Liquefactio. 373.

## M.

**M** Alachites. 458.  
 Maltha. 449.  
 Magnes. 437. ejus vires. 438.  
& seq.  
 Manna. 308. & seq.  
 Marmor. 446 447.  
 Marga. 371.  
 Materia, ex qua procedunt meteo-  
 ra. 271.  
Medicamenta Chymica. 405. 406.  
523. & seq.  
 Meliites. 443.  
 Mel. 308. & seq.  
 Meicora. 271.  
 Metalla non vivere. 355. 356.  
367.  
 Metallorum materia 466. & seq.  
 generatio. 471. & seq. ductilitas.  
474. an unica specie contine-  
 antur. 474. effectrix causa 475.  
 an reduci possint in hydrargy-  
 rum 476. metallorum pondera.  
487.  
 Metallorum separatio. 500. 501.  
503.  
 Metallorum compactio. 512. dis-  
 solutio. ibid.

Mineralium vita, & generatio, ex  
 Chymiciis. 357. 358. 366.  
 Mineralium divisio. 380.  
 Mixtum imperfectum quid sit. 373. 374.  
 Mixtionis principia. 353. 354.  
370. 371.  
 Morochus. 443.

## N.

**N** Atura quid sit. 353. 364. 365.  
 Nebula. 305.  
 Nili exundatio. 287. 288.  
 Nitri natura & preparatio 381.  
382. 383. 387. & seq. 390. 391.  
394. 397.  
 Nitrum esse fertilitatis causam.  
388. cuncta mineralia expur-  
 gat. 390. 391. 511. 512.  
 Nitri calor. 410.  
 Nix 312. 313.  
 Nubes quid sit. 304. illius opaci-  
 tas. 304. 305.  
 Nubes cur in aëre pensilesque  
304. 318.

## O.

**O** Chra. 377.  
 Olei corpuscula 274. 301.  
 Oleum ferri. 521.  
 Onyx. 460.  
 Opalus. 456.  
 Opium. 360.  
 Oiteocolla. 444.

## P.

**P** Arhelia. 345. 346.  
 Plumbi natura. 484. tria plum-  
 bi genera. 485. cur venis fun-  
 dendis adhibeatur. 504.  
 Pluvia. 305. 306.

Pluvia

Pluviz indicia 306. 307.  
 Pluviz portentosa. 374.  
 Pompholyx. 308.  
 Porphyrites. 447.  
 Præfius. 458.  
 Præcipitatio. 518. 519.  
 Principia Chymicorum. 352. 353.  
 & seq. 358. 359. 360. 367. &  
 seq. 385.  
 Pruina. 308.  
 Putrefactio. 371. 372.  
 Pyrites. 525.

**Q**uartatio. 502.

R.

**R**ationes seminatæ 354. 355.  
 oppugnantur. 356. defenduntur. 363. 364. & seq.  
 Regulus antimonii. 517. 521.  
 Ros. 307. 308.

S.

**S**accharum. 311.  
 Salis corpuscula. 302. illius effectus. 302. 303. illius natura, atque in sua principia resolutio. 379. 380. & seq. 385.  
 & seq. differentia. 385.

Salsedo maris. 300.  
 Sal prunellæ. 382. 383.  
 Sal ammoniacum. 410.  
 Sapphirus. 460.  
 Sarda. 460.  
 Sardonyx. 460.  
 Saxa. 448.  
 Schistos. 442.  
 Scintillatio maris. 311.  
 Scoriz metallorum. 506. 507.

Senecæ opinio de terræ motu. 274.  
 & seq. de fontium origine. 281.  
 282. de ventorum naturâ. 312.  
 de Iride. 332. 333.

Silices. 446.  
 Smaragdus. 457.  
 Smyris. 442.  
 Spiritus quid sit. 271.  
 Spiritus universi. 353. oppugnantur. 355. & seq. defenditur. 362.

Spiritus mechanici. 357.  
 Spiritus salis. 380. 381. 398. &  
 seq. usus. 399. 420. 421.  
 Spiritus nitri præparatio, & usus. 389. & seq. 392. & seq.

Spiritus acidi ex vegetabilibus educio & usus. 396. 397.  
 Spiritus vitrioli. 406.  
 Spiritus lapidificus. 432.  
 Stannum. 484.

Stellæ cadentes. 326. discurrentes. *ibid.* alia ejusdem generis metæora. 327.

Sublimatio. 370.  
 Succinum. 415. 416. 417. cur trahat paleas *ibid.* usus. 418. 419. resolutio. *ibid.* & seq. 420. 425.  
 Sulfuris natura, & origo. 412. 413. flores. 420. Spiritus. 421.

T.

**T**alcus. 443.  
 Tartarum. 385. 386.  
 Terræ motus. 273. ubi variz sententiæ excutuntur illius causæ. 273. 274. effectus. 275. variz differentia. *ibid.*  
 Terræ tripartita divisio ex Morino. 278. refellitur. *ibid.*

Yyy

Terra-

Terrarum varia genera 374. &  
*seq.* pretiosa. 375. 376.  
 Terra Samia, Lemnia, Armena.  
376.  
 Terrarum usus. 377. 378.  
 Thermarum origo. 383. 384. &  
*seq.* 393. 394.  
 Tonitru. 323. & *seq.* 326.  
 Topasus. 460.  
 Tophus. 449.  
 Trabes. 327.  
 Transmutatio metallorum impu-  
 gnatur. 477. & *seq.* defenditur.  
480. iterum impugnatur. 487.  
 defenditur. 488.  
 Trigonum vitrei colores. 340. 347.  
348.  
 Trochites. 445.  
 Turbo. 315. 316.  
 Turchoides. 458. 459.  
 Tutia. 507.

V.

Vapor quid sit. 271. quid eos  
 attollat. 272.  
 Vena metallica quomodo detegatur.  
495. 496. præparatio & lu-  
 flu: 497. examen. 499. cur ve-  
 nis liquandis. Lales adhibean-  
 tur. 505.  
 Ventus. 315. & *seq.* 319. 320. &  
*seq.* venti æquabiles. 322.  
 Vini principia. 360.  
 Vitrioli natura, species, & præpa-  
 ratio. 400. 401. resolutio in sua  
 principia 401. 402. usus. 403.  
 Vitriolum ex metallis. 521.  
 Vitra metallica. 504.  
 Vitrum antimonii. 529.  
 Usus mineralium. 526. & *seq.* ad  
 Chirurgiam 527. 528.  
 Z.

Zinchum 525.



III.

DE CONSENSU  
VETERIS ET NOVÆ  
PHILOSOPHIÆ

LIBRI QVATUOR.

SEU

PROMOTÆ PER EXPERIMENTA

PHILOSOPHIÆ

PARS PRIMA.

*Authore*

J. B. DU HAMEL, P. S. L. & Regiæ  
*Scientiarum Academia à Secretis.*



## RATIO HUIUS OPERIS.

**J**Am fidem libero meam : recepi enim me, nisi quis gravior obstaret casus, Physicam omnibus suis partibus absolutam viâ, & ratione sic traditurum, ut nullam ferè scientiam ex iis, quæ in naturæ cognitione versantur, prætermitterem. Cumque naturalis Philosophia brevissimè dividatur in eam, quæ generalis dici potest, quæque rerum principia, causas & elementa, ex quibus cuncta componuntur, communes denique corporum affectiones inquirat; & alteram magis specialem, quæ universi partes seorsum explicat, eaque rursus est duplex; vel enim res vitæ expertes, vel animæ compotes inspicit. Jam pars illa, quæ circa res inanimatas occupatur, pertractata à me fuit: nam siderum motus, aëris impressiones, quæque terra suo sinu recondit fossilia, quatuor libris complexus sum. Nunc de Physicâ generali, quæ multum lucis ad specialis Philosophiæ intelligentiam est allatura, ingredior his libris scribere, qui *De Consensu veteris, & novæ Philosophiæ* inscribuntur. Nam id mihi propositum est, omnium penè Philosophorum disciplinas

lustra-

lustrare, atque ex iis, quod verisimillimum erit, quasi nostrum arripere; extremas opiniones ad iustum temperamentum adducere; eas demum, quæ non tam inter se dissident, quam primo aspectu videntur, ut fieri maxime poterit, conciliare. Præterquam enim magis absoluta erit Philosophiæ naturalis tractatio, si uniuscujusque Sectæ forma, non leviter adumbrata, aut potius, ut fieri solet, contradicendi libidine deformata, sed omnibus suis expressa lineamentis exhibeatur: id sanè cuius non hebeti constabit, Platonem, Aristotelem, atque alios Philosophiæ Principes neque omnia, neque nihil vidisse. Eodem omnes tendunt, quamvis diversas muniant vias; ac demum alii in aliis rebus tractandis excellunt.

Istuc autem Operis in duos libros cum primum editum est, fuit distributum. Nunc in quatuor divisum libros prodit in publicum. Primus Philosophiæ Platoniciæ enucleandæ tribuitur. Cum enim Platonicus hos rerum gradus constituent, Deum, mentem, seu intellectualem mundum, tum animale, post, seminarium, tandem sensibilem mundum. Postquam principia, & causas rerum in universum juxta Platonicos expendimus, de cognitione, & existentia DEI fusè differimus. Sequitur de mundo intellectuali, videlicet de Ideis, Numeris, & Pulchritudine tractatio; tum de mundi animâ, & naturâ, necnon de providentiâ disputatur uberrimè. Tandem mundi sensibilis originem, & interiora principia explicare aggredimur. Hujus Philosophiæ explicationi diutius immorati sumus,

quod res maximas, & cognitione dignissimas complectatur. Habet id quoque præ cæteris, quod ad æternas, & primitivas rationes mentem erigat, eamque à fluxis & perituris rebus avocata, ad eas, quæ solâ intelligentiâ percipiuntur, convertat. Quâ quidem in re infinitum, propè momentum est: nam obruimur turbâ Philosophorum, qui nimis fidunt sensibus, & nihil præter corpora intelligi posse contendunt. Atque ut mihi videtur, nulla perniciosior pestis in vitam humanam potest invadere, nihil quod magis Religioni adversetur. Hoc itaque libro magnam Theologiæ naturalis & Metaphysicæ partem sumus executi, dum externa rerum principia, aut causas indagare volumus. Quæ ad DEI existentiam, providentiam, concursum mundi originem pertinent, ut alia omittam, plurima, non perfunctoriè, ut mihi videtur, tractata invenies. Quod reliquum est Metaphysices, liber proximus persequitur, simul & interna rerum principia inquit diligentius. Nam explicatâ Platoniorum Philosophiâ ad Peripateticos descendimus, ac multa de principiis rerum ex Aristotele, multa de formarum natura, & origine disputamus. Necdum tamen decernimus, an formæ viventium, aut qualitates corporum sint res quædam à materiâ discretæ. id enim alio loco fuit excussum. Huic subtili, & argutæ philosophandi rationi Epicuream subnectimus minus difficilem, & magis obviam. Postremo Philosophiæ Cartesianæ principia, quanta possumus, & brevitate, & perspicuitate pertractamus: quæque nobis in hoc genere Philosophiæ obscuriora videantur, ingenue proponimus.

Unam

Unam item & alteram dissertationem hoc in loco adieci-  
mus. Priorem de naturâ & ratione corporis; utrum in tri-  
nâ dimensione posita sit: posteriorem de motu; ubi de col-  
lisione corporum, de vi elasticâ, & certis naturæ legibus  
fussè differtur. Postremi duo libri ea continent, quæ multi  
faciliora judicabunt. Nam elementa, & Chymicorum,  
principia, tum universim; tum separatim explicata com-  
plectitur: nec rationes modo intellectu faciles, sed etiam  
quàm plurima experimenta non injucunda & Chymiam,  
penè universam continet. Multa in hac editione adieci-  
mus, quæ aut nuper inventa sunt, aut certè mihi in men-  
tem non venerant, cum primum hoc opus exiit in publi-  
cum. Quædam etiam detraximus, quæ aut difficiliora, aut  
minus verà nobis visa sunt.

Quæ futura sit huius Operis fors, quodve eruditorum  
iudicium emereatur, nescio. Neque enim quisquam ferè  
magis offendit, aut in plures incurrit similitudines; quàm qui  
aliorum lites nititur componere, aut tumentes animos  
compescere. Ac plerique non tam quid veri sit exquirere,  
quàm ab aliis volunt dissentire. Nemo ferè non probat  
qualecunque ingressus est iter: adeò ut nefas duceat à su-  
sceptâ semel persuasionem discedere. Optandum id tamen  
esset, ut Philosophi facerent aliquem controversiarum mo-  
dum: nihil enim magis ab hac scientiâ bene, & liberali-  
ter institutos deterret, quàm tumultuantium certamina  
Philosophorum. Hinc Philosophiæ studium, non vulgus  
modò, sed etiam ii, qui politoribus literis imbuti sunt, ut  
iners,

iners, & inutile criminantur. Nam Philosophi, inquirunt, maxima polliciti, in minimis versantur, atque omnis eorum cura in vanis contentionibus, & captandis verborum argutiis impenditur. Negant eam, quæ tradi solet, Philosophiam, aut acuendis ingeniis, aut excolendis moribus, aut rerum, quæ ad vitæ usus sunt necessariz, cognitioni vel minimum conferre? cum sectas ad tenuitatem suam ingenii vires, ut Fabius loquitur, nimia subtilitate consumat; neque ulla vitæ secta longius à civilibus officiis recesserit; nec quisquam fere minus ex virtute agat, quam qui acutius de virtute differit. Postremo rerum, quæ ante nos sunt positæ, & quarum cognitio non mentem modò liberali quâdam oblectatione perfundit, sed etiam ad vitæ humanæ commoda, & salutem corporis est perutilis, causas & rationes perpauca inquirunt: sed omnes fere in rebus obscuris, & inutilibus omne studium suum ponunt. Multa sane in hanc sententiam dicunt ii, quibus Philosophiæ nomen invisum est: quos quidem non tam refellere, quam placare velim. Primum enim nemini auctor fuerim, ut nimis multam operam conferat in res obscuras, & difficiles, easque non necessarias: hoc quippe studium obstat inferioribus. Nolim ego erectum, & magnarum rerum capax ingenium in eâ parte Philosophiæ consumi, quæ tota versatur in verbis, quæque Dialectica, aut disputatrix appellatur. Hanc tamen omnino negligere non debet: cum ea doceat rem universam tribuere in partes, latentem explicare, definiendo, obscuram explanare interpretando, ambiguum primum videre, deinde distinguere, postremo habere regulam,



lam, quâ vera, & falsa judicentur. Atque hanc Philosophiâ partem satis accuratè, ut mihi videtur, in iis, quos de mente humanâ inscripsi libris exposui. Jam quid magis humanam attingit mentem, quàm cognitio contemplatioque naturæ? Nisi fortè indignum homine putes statas, & constantes siderum conversiones, fossilium, plantarum & animalium incredibilem varietatem, & usus; corporis nostri fabricam, vires, & functiones animi; Opificis denique admirabilem sapientiam, & providentiam oculis, & animo lustrare. Hæc quidem præfati sumus, non tam ut Philosophia, quæ una est adipiscendæ sapientiæ magistra deferretur, quàm ut iis satisfaceret, qui ad Theologiæ studia, nos vocant, & mirantur nos tantum operæ, & temporis in Philosophiâ naturalis tractatione ponere. Nolumus equidem in his artibus consensescere, aut à rebus agendis, quæ nostræ sunt personæ, & muneris præ Philosophiâ studio abduci. Sed neque ullâ lege nobis interdictum fuit, mandare literis res cognitione dignissimas, quibus neglectis vix ad sublimiores scientias locus sit. Nec quæ jam effecta sunt perdere volumus, aut quæ promissinus omittere: cum penè ad exitum perductus sit labor.

Ex quo quidem hæc scripsi duodecim effluxère anni, atque in eo labore, quem ex longo intervallo repetere coactus sum, jam penè consenui. Quanquam ne me admodum impensæ operæ pœniteat, facit tum huius operis, tum aliorum, quæ secuta sunt, non infelix exitus. Jamque opus ipsum, quod ante aliquot annos inceperam, ut Philosophi-

Zzz

am

am per experimenta promotam in unum conferrem corpus, penè exactum & absolutum video. Nam si primùm ex his, qui nunc iterum exeunt in publicum, libris, quique naturali Theologiæ datur, exceperis, reliqui in observati-  
onibus, & novis experimentis magnâ ex parte versantur. Quocirca nobis licet experimentalem Philosophiam in tres velut partes tribuere, quarum prima hoc volumine. Secunda tractatu de corporum affectionibus, ut tertia libris de corpore animato continetur. Multa quidem primæ huic parti sunt adjecta, quædam mutata, & utrique Philo-  
phiæ tum contentiosæ, tum experimentalis hanc aptare vo-  
luimus, ut pluribus usui foret.



# DE CONSENSU VETERIS ET NOVÆ PHILOSOPHIÆ.

## LIBER PRIMUS.

De Principiis rerum naturalium juxta  
Platonicos.

### CAPUT PRIMUM.

*De Principiis in universum juxta Platonicos.*



Mnes omnium ferè Philosophorum, cum veterum, tum recentiorum de Principiis rerum naturalium sententias, ad tria velut Capita referri posse existimo. Cum enim tres in nobis sunt vires ad cognitionem rerum destinatæ; mens, quæ aut divina, aut ea, quæ sunt à sensibus longè remota percipit; tum phantasia, quæ corporum simulachra non excipit modo, sed etiam illa mirum in modum vel auget, vel minuit, vel ad libidinem fingit; sensus denique exteriores, in quos imagines corporum incurrunt. Plerique ex veteribus Philosophis ratione duce, ea constituerunt rerum primordia, quæ nec sensu possunt, nec imaginatione comprehendi. Sic Pythagoras, & Plato in divina penitus intenti, principia quædam æterna, & incommutabilia, quales sunt idææ, aut numeri, induxerunt. Itaque hi videntur rerum principia externa & metaphysica indagasse. Aristoteles verò, quique eum secuti sunt, medio quodam philosophandi genere ducti, materiam, & formam, quas nec sensus percipit, nec vis imaginatrix consequitur, sed ex iis, quæ sub sensus cadunt, ratione colliguntur, prima rerum exordia, aut fundamenta posuere; eaque non

foris accersenda, sed in rebus ipsis quaerenda esse decreverunt. Hos excepere Philosophi, qui illa corporum principia finierunt, quæ cum sint simplicissima, non sensu quidem, sed imaginatione percipiuntur, vel atomos, & inane, ut Democrito & Epicuro placuit; vel ut Carthesio, & aliis visum est, subtilem quandam materiem, aut corpusculâ certis figuris, ac motibus illigatâ, quæ rerum omnium ortus, atque interitus promoveant. Alii denique Philosophi, iique meo iudicio minimè contemnendi, res sensibiles sensibus metientes, nulla statuere principia, nisi eadem essent sensibus obvia; eaque vel quatuor elementa cum Hippocrate; vel aquam cum Thalete Milesio; vel ærem cum Diogenè; vel demum præter pervulgatâ elementa, sulphur, salem, & mercurium cum Chymicorum familiâ, admisserunt. Non absurdè forsitan ea corporum principia definire, in quæ ultimò ignis analysi, ipsa corpora resolvuntur. Verùm de Elementis, ac Chymicorum Principiis postea dicitur à nobis; nunc aliorum Philosophorum opiniones, quæ fortassis non tam inter se dissident, quam primâ specie videntur, diligenter excutiamus, atque à Platonicis ducamus exordium: ii quippè primos rerum fontes videntur aperuisse.

I.  
Quid inter  
Platonicos  
& Peripateticos in-  
sercedat  
discrimini.

Hoc quidem Platonici differunt, non à Peripateticis modò, sed etiam à reliquâ plebe Philosophorum, quòd illi ad primas rerum, & externas causas mentis aciem intendant: hi verò circa interiora, & cum rebus ipsis conjuncta principia, materiam scilicet, & formam; motum, ac figuram hæere videantur. Illi cum excelsius, tum magnificentius & dicunt, & sentiunt; hi verò è contrâ tenues sunt, acuti, callidi, omnia docentes, & dilucidiora, non ampliora facientes. Plato sublimior, & verborum gravitate, & maiestate rerum, quas tractat: Aristoteles subtilior quidem est, atque in rerum naturalium indagatione diligentior, nec verbis dilatat sententias, sed subtili quâdam, & pressâ oratione limatus, verborum quidem curam, ac rerum habere sollicitudinem videtur. Diverfa quoque utriusque in docendo est ratio; ille à divinis, & cælestibus se refert ad humana; hic verò quasi gradatim sursum versus redit, atque ad primi motoris cognitionem, ex quacumque hujus universi notitiâ, tandem elucatur; proximas, & quasi continentes corporum causas Aristoteles prosequitur; primas, & immobiles rerum omnium rationes Plato investigat; easque non alibi quam in mente divinâ incommutabiliter vivere arbitratur: omnem adeò Philosophiam putat in Dei contemplatione versari. Idque nonnulli hoc ferè argumento colligunt.

II.  
Tripartita  
philosophia  
ratio.

Cum Philosophia in tres partes sit distributa; in naturæ obscuritatem; in disserendi subtilitatem; in vitam, atque mores; primam, quæ

quæ est de naturâ, & rebus occultis, Physicam dixere; Altera quæ differendo, quid verum, & quid falsum; quid consentiens, & quid repugnans sit, iudicat, Dialectica vocatur; tertia quæ est de vitâ, & moribus, Ethices, aut Moralis nomen accepit. Atqui Deus est principium naturæ, ut Augustinus passim innuit, & veritas doctrinæ, & felicitas vitæ. Est rerum creaturarum effector, & lumen cognoscendarum, & bonum agendarum; quorum trium, unum ad naturalem, alterum ad rationalem, tertium ad moralem partem intelligitur pertinere. Ergo cognito Deo, repersemus quæ sint rerum naturalium causæ, & quinam sit modus discendi, atque vivendi.

Lib. 8. &  
11. de Ci-  
vitate  
Dei.

Hæc sanè accepta à Platone Philosophiæ ratio triplex, omnibus penè Veteribus placuit. Quam enim vulgò huic tripartitæ divisioni addunt Metaphysicam, ea nihil aliud est quàm secreta quædam, & longè à sensibus remota Philosophiæ naturalis portio, quam adeo in hujus Operis quod ingredimur decursu, ut se se dabit occasio, non separatim tractabimus. Quod autem Platonici omnem philosophandi rationem Dei contemplatione putant contineri, id utique sic accipiendum puto, ut primas rerum omnium rationes, nusquam alibi, quàm in summo omnium Principe quæri oporteat. At vero nihil prohibet, quominus proximam quoque, & conjunctam cuique effectui causam indagemus; nec ubique ad Deum, vel Ideas, cum rerum causæ continentes, & proximæ inquirentur, ut tragici Poetæ, inquit Tullius, cum explicare argumenti exitum non possunt, confugiemus. Jam ad principiorum explicationem veniendum.

Principium Platoni id est, cujus participatione reliqua sunt, cum ipsum per se sit, atque, ut ita loquar, omnino imparticipatum. Nam sic alterius sit compos, jam principii titulo excidit, atque illud alterum, ex quo defluxit, hoc nomine donandum est. Quotuplex vero sit principium, non adeo apud Platonem liquet. *Tria*, inquit, in presenti genera sumenda sunt, unum, quod gignitur, aliud in quo gignitur, aliud à quo similitudinem trahit quod nascitur. Igitur comparare hæc ita decet, quod recipit, matri; unde recipit, patri; naturam istorum mediam, proli. Hic sane videtur duorum duntaxat principiorum meminisse, materiæ, quæ formas gremio suo fovet, & excipit; atque ideæ, ex quâ materia velut factatur: nam forma, quæ instar prolis gignitur, effectus est, non principium. Eandem fere sententiam secuti sunt Stoici. Dicunt, ut scis, Stoici nostri, inquit Seneca, epist. 54. duo esse in rerum naturâ, ex quibus omnia fiant, causam, & materiam. Materia jacet iners, res ad omnia parata, cessatura, si nemo moveat: Causa autem, id est ratio, materiam format,

III.  
Quid &  
quotuplex  
principi-  
um.

In Timæo.

*Et quocumque vult, versat, & ex illâ varia opera producit.* Neque tamen inficior tria ex Platonis mente principia admitti oportere, ut præter cæteros Apuleius ostendit, Deum scilicet, Ideam, & Materiam. Deus enim, quem opificem, Patrémque mundi nominat, ut effectrix causa unicuique existentiam tribuit; Idea essentiam, & speciem largitur, quam materia contrahit, & omnino singularem efficit. Est quippe Deus id, à quo omnis participatio, (repetam enim id nomen sæpe,) proficiscitur; Idea est id, cujus forma sensibilibus, est quædam adumbrata similitudo, ut materia id, in quo participata forma excipitur: neque aliud quoddam principium fingi potest, quod ad hæc tria non referatur. Quanquam idea non est quiddam re à Deo diversum, sed cogitatione tantum differt; ut apud Aristotelem privatio à materiâ, solâ ratione discernitur. Verum hæc postea.

## IV.

*Quoniam  
per causam*

Quinque causarum genera Platonici agnoscunt, quæ Proclus breviter, & acutè his notis discriminat. Effectrix, inquit, causa est id à quo; Exemplaris id ad quod; Finalis id propter quod; Forma id quo; Materia id ex quo, vel in quo res fiunt. Exemplarem verò ab effectrice, & finali causâ diversam esse hæc argumentatione præter cæteros concludit amicus noster cum viveret, Furnencius. Ubi causarum influxus (causalitates vocant) sunt diversi, causas etiam inter se distingui necesse est: sed Effectrix causa, Exemplaris, & Finalis diversis planè modis influunt in effectum: siquidem ad Efficientem executio; ad exemplarem directio; ad Finale pertinet intentio. Efficiens per motum, Exemplar per cognitionem, Finis per amorem operatur. Tria hæc, motus, cognitio, amor inter se differunt: ergo & causæ, ex quibus prodeunt, discrimine aliquo discernuntur.

## V.

*Opinio  
quorundam  
qui nulli  
præter effi-  
cientem  
agnoscunt  
causam.*

Quanquam fortè non absurdè quidam, iique non è vulgo Philosophi, ad solam efficientem, si propriè loqui volumus, causæ nomen, & rationem pertinere existimant. Quid enim Causa, nisi, ut S. Thomas definit, id ex cujus esse sequitur aliud; vel id quod per se influit in aliud à se diversum? Hinc Pater æternus est quidem principium, sed non est causa Filii: nam filius est alius à Patre, non aliud: est videlicet alia persona, non alius naturæ. Jam verò materialis, & formalis causa, nihil à se diversum procreant: idque maximè si forma non sit res quædam, vel entitas à materia diversa, quod inferius erit discutiendum. Uno verbo materia, & forma magis partes compositæ, quàm causæ haberi debent: cum id absurdum meritò videatur, causam esse effectui suo deteriorem. Finis verò est id, cujus gratiâ fit aliquid. Res autem quæque ab agente fit & gignitur: neque adeo alius est finis, & agentis influxus, actio nimirum, quæ ut ad finem,





ac materia simulachris, & rerum imaginibus: hoc enim nomine formas sensibiles, & perituras designant. Itaque si Platonicos audimus, tres sunt rerum omnium causæ principes; Deus, à quo unitas; mens, ex qua ordo, & pulchritudo; anima quæ motu, & vitâ cuncta implet. Mundus intellectualis, seu mens quam infra Deum perperam constituunt, fluit à summo bono, seu ab ipsâ unitate, ferè ut lux à sole sibi conjuncto; hoc est immutabili quodam, & jugi fluxu. Rationalis mundus ex intelligibili, ut lumen à luce, non sine aliquo motu procedit. Lumen quippè est imago lucis, neque est omnis mutationis expers: lumen est in aère, lux in sole. Natura foeta seminibus ex rationali, ut calor è splendore dimanat: splendor quippè nihil est quàm reflexum lumen, ex quo non colorum modo varietas, sed calor etiam omnis, & vigor corporum prodit. Postremò sensibilis ex naturali, & seminario mundo non aliter atque è calore vitali generatio proficiscitur. Sic mens, anima, natura, materia denique sunt veluti quatuor circuli, qui circa Deum, ut rerum omnium cardinem volvuntur, & causarum omnium seriem absolvunt. Hos circulos ut totidem vitra radius divinus penetrans in mente ideas pingit, in animâ rationes, in naturâ semina, in materiâ formas sensibiles exprimit. Itaque omnes mundi hujus partes, quasi ejusdem catenæ annuli, ita sunt inter se confectæ, & colligatæ, ut unâ vi, atque unâ consensione naturæ constrictæ videantur: atque omnia sint quodammodo in omnibus, & unum sint quodammodo omnia.

Multum quidem Platonici hoc in loco sibi indulgent: verum hæc grandiloquentia non omnibus æquè arridet. Nam Philosophorum est docere magis quàm delectare; dilucidum, & subtile, non solum, pictum, & expositum dicendi genus sequi. Neque tamen cum sententiarum hæc velut lumina, tum de rebus excellis verba magnifica mihi omnino displicent, si modò & circumcisè, & parè his utatur Philosophus. Ego verò ut quid sentiam, loquar apertè: grandes ac penè divinas in Platonicis sententias non odi, sed quæ uno verbo dici possunt, pluribus onerant, aut magnâ sepe obscuritate involvunt: adeo ut in plerisque cum brevitatis, tum ordo, & perspicuitas desiderentur; in longas abeunt digressiones, & sæpius quam par est, divertunt. Sed ne fortè in idem vitium, quod in aliis reprehendo, ipse incurram, me ad id, quod propositum erat, refero, ac primum de Deo, vel ipso bono, tum de mundo intellectuali, vel ideis; postea de rationali; postremò de naturâ & mundo sensibili dicam, quæque pluribus disserunt Platonici, complectar brevi, atque eorum Philosophiam naturalem in pauca contraham.

Multa

Multa quidem de primo uno, aut Bono sublimiter, & magnificè Platonici disputant, quæ in hunc locum omnia conferre non vacat: ea tantum, quæ ad divinæ naturæ qualemcumque notionem pertinent, summam attingam. Id enim verè jurèque contenderim esse operis nostri, ut primam rerum omnium causam, quæ huic universo præest, & cuncta vi suâ continet, quantâ maximâ poterimus animi cogitatione contemplemur. Cum autem nobis, quamdiu in hoc obscuro carcere & corporis compage inclusi sumus, lumen illud incircumscriptum, nisi reflexâ ad creaturas acie, vix intueri liceat: duæ sunt tantum viæ, quæ nos ad Dei cognitionem dirigunt, negationis una, cum quicquid imperfecti est in creaturis, à Deo sejungimus; altera huic opposita ex perfectionibus, quæ rebus ipsis insunt, nos ad supremi Opificis noticiam ducit. Remotione quidem omnium, quæ à Dei puritate sunt aliena, obscuram, & involutam, sed magis nostræ infirmitati ætemperatam, divinæ simplicitatis imaginem cogitatione depingimus, quæ non potest nisi nominibus negativis signari, ut cum dicitur Deus infinitus, immensus, invisibilis. Sed cum ex analogiâ, & similitudine quâdam omnes creaturarum dotēs Deo tribuimus, tum magis distinctam, & explanatam divinæ Majestatis ideam efformare nobis videtur: ut si cogitemus quandam substantiam vivam, perpetuam, omnipotentem, ubique præsentem, ubique totam. Hinc Plato Deum unius, aut boni nomine eleganter exprimit: unus est, aut potius ipsa unitas, cum sit unicè omnia, cumque sit omnis compositionis, ac divisionis expers. Ipsum est bonum quatenus prima est, & maximè universalis causa, quæ liberaliter se diffundit, atque ab omnibus expetitur: tanta enim est vis boni, ut nulli rei non sit quædam propensio, & velut nisus in bonum. Iam nihil unitate prius est, quam multitudo quæque participat, quæque est ex se se, & omnis multitudinis causa; nihil item bono aut prius, aut melius concipi potest: quare idem est, & primum unum, & primum bonum, quod Deum dicimus: cum à nullo dependeat, & sit omnium causa primaria. Quid enim ex unitate essentiali non fluit? Quid in rebus est boni, quod à summo bono non prodeat? Quæ causa potior esse potest, quam bonitas ipsa, cujus radiis cuncta perfunduntur? Quid demum est, quod boni ipsius desiderium non teneat? Nec verò id expetimus, cujus jam sumus compotes: est igitur summum bonum à rebus ipsis secreta, & absolutum. Quidquid est in iis boni, id valde angustum, & participatum existit. Hinc res quæque suam sibi jure naturali debitam perfectionem, ut sensus sensibile bonum, exoptant. Ac præterea universale bonum ab omnibus expetitur; in illud redeunt universa,

A a a a

idque

idque nullis augultis, nullis terminis coercetur. Ergo Deum remotionis viâ, ut unum; per analogiam verò & similitudinem cum creaturis, ut bonum ipsum rectè concipimus. Nihil, inquit Trismegistus, vel quisquis alius, est omnium, & tamen est omnia. Ut unus est, à cunctis secernitur; ut bonus, rei cujusque dotes eminenti quâdam ratione continet: est enim quâdam similitudo causam inter & effectum. Hinc bonum rebus adest omnibus, quas efficit, & tuetur, neque cum iis ullo modo miscetur, sed & puritate naturæ suæ extra omnia est.

IX.  
Verum  
num sit  
ente supe-  
rius,

Jam cur Platonici Deum unius, aut boni potius, quàm primi entis nomine exprimunt? Non alium sanè ob rationem, quàm quod illis persuasum est, unum, vel bonum ente prius, & superius existere. Nam Plato contendit essentiam ex unitate profluere, nec in supremo rerum gradu eam consistere, cum omnino simplex, & unius modi non sit, sed jam aliquo modo composita videatur. Aliud enim est esse, aliud essentia, ut aliud vita, aliud vivere. Sed cum huic rationi facile occurri possit: (quando quidem illa compositio opus est mentis nostræ, quæ simplicissima quæque in partes dividit, & eas, cum libitum est conglutinat:) aliud adhibent argumentum ex abdito magis erutum. Placet illis unitatem esse velut proprium divinitatis gradum, qui Deum formaliter (neque enim communem usum loquendi reformido) in seipso constituat: adeo ut unitate, vel simplicitate summâ ab omnibus sejungatur. Entis nomine cum creaturis convenit, easque essentiae participes efficit: sed unitas omnino est imparticipabilis. Omnis enim res creata, & divisa est, & multiplex; neque unitas alibi, quàm in Deo regnat, atque ab omnibus rebus procul abest. Reclamant tamen Peripatetici, & negant omnino quicquam esse ente superius, aut latius patere, aut prius concipi; nec Deo bonitas, aut unitas magis propria est, quàm essentia aut veritas: cum hæc omnia attributa solâ cogitatione discernantur. Fors est ut tota controversia in verbis posita sit, idque si res posceret, demonstrare non esset arduum. Illud multis longè verisimillium videtur, essentiam rei ante omnia sub intellectum cadere, cui succedit veritas, quâ res quæque est id quod esse debet: ex veritate bonitas dimanat, quæ in quâdam integritate, aut perfectione consistit, cum scilicet res aliqua non modò est id, quod esse debet, quod ad veritatem pertinet: sed integra est, & absoluta, ita ut nihil ei desit eorum, quæ ad essentialem illius perfectionem exiguntur. Ex essentia, veritate, & bonitate ipsa unitas exurgit. Unum quippe est indivisum in se, & multitudini opponitur: at prius est rem esse in seipsâ, & qualis esse debet, & integra, quàm ut concipiatur indivisa in se; prius est omnes perfectiones adesse, quàm illæ simul unitæ intelli-  
gantur.

gantur. Itaque essentia, veritas, bonitas, unitas diversa quidem sunt attributa, non re, sed cogitatione distincta, atque unum supponit alterum, ut prius natura. Nam unitas ex aliis consequitur; ut bonitas ex veritate, hæc demum ex essentia colligitur. Quod essentia implicite, id veritas explicite, & distincte significat; res autem & veritatem, & bonitatem repetit ex originali, & quasi primævæ suæ naturæ regulâ: est quippe vera, aut qualis esse debet, cum idæ seu exemplari suo convenit; nec potest non convenire, secus non esset tale ens, sed aliud quiddam; Est item integra, aut bona, quatenus eidem exemplari perfecto similis est. Hæc fusius explicat vir singulari doctrinâ Magnanus, illud tamen addendum puto, rei cujusque bonitatem, ut à nobis concipitur, aut veritatem in quadam habitudine, aut relatione positam videri. Bonitas ad nos utique refertur; cum scilicet res nobis convenit, tum bonam judicamus. Eam porro nobis convenire, tum ratione, tum sensu quodam intimo, & quodam velut gustu percipimus. Veritatem in quadam æqualitatis relatione collocamus. Sive illa æqualitas, aut similitudo rebus ipsis inesse concipitur, ut inter mensuram, & rem mensuratam; inter pannum & ulnam: sive illa æqualitatis relatio sit inter ipsas rerum ideas; qualis in mathematicis plerumque veritas invenitur; ut cum numerorum rationes inter se conferimus; seu denique inter ideas & res ipsas sit similitudo; quæ quidem communior est veritatis acceptio; ut si concipiam terram esse lunam majorem, vera erit illa cognitio: cum autem, ut sapienter observat vir doctissimus, mens nostra sit finita admodum, & diuturna intentione fatigetur, rerum differentias, & varios respectus non ita subtiliter persequitur, ac longè facilius sub eadem æqualitatis, aut similitudinis ratione multa confundit. Hinc sæpe fallitur, & res dissimiles unius & ejusdem esse naturæ perperam judicat. Quod illi est proclivius, quam tot ideas rerum distinctas efformare, aut rerum discrimina minutius exequi.

Met. cap.  
3.

## CAPUT SECUNDUM

## De Existentia DEI.

**V**ERUM hæc spinosa, & ipsa subtilitate molesta relinquamus, remque omnium amplissimam, Dei videlicet existentiam, ex Platoniorum disciplinâ comprobare planius, atque uberius, quam plerique solent Philosophi, aggrediamur. Quoniam vero Deum contemplari licet, vel extra nos,

in vestigiis creaturarum; vel in nobis per illius notionem mentibus nostris inculptam; ac denique in seipso quodammodo, & citra ullum ad creaturas ordinem spectari potest, eo quo infra dicturi sumus modo, hinc varii argumentorum loci ad existentiam Dei demonstrandam, & quasi fontes aperiuntur.

### Prima Classis Argumentorum.

I.  
Deum ex-  
istere ex  
triplici  
causarum  
genere de-  
monstra-  
tur.

CUM Deus sit finis, exemplar, & effectrix omnium causa, ut finis bonitatem, rebus, ordinem, & pondus imprimit; ut exemplar, speciem, numerum, & veritatem largitur; effectricis demum nomine cunctis modum, mensuram, & unitatem tribuit: ex triplici illo fonte magna argumentorum seges erui potest. Quis enim tam cæcus animi est, ut ex rerum structurâ mirabili artificem non agnoscat? An non illius immensitas ex universi magnitudine, sapientia ex ordine, fecunditas inexhausta ex tam multiplici varietate; pulchritudo ex ornatu, & splendore corporum cœlestium; unitas denique ex mutuâ rerum consensione, & harmoniâ elucescit? Sed ut viâ & ratione procedat disputatio, Deum esse primum omnium principium in genere causæ efficientis, exemplaris & finalis ostendamus. Ac primum mitto Aristotelis argumentum ex motu desumptum: ne illam quidem, licet eximiam ex necessitate, & contingentia rerum petitam rationem, aut alias pervulgatas, & notissimas attingam, unâ quam S. Damascenus adhibet, contentus, quæ sic contrahi potest. Quidquid in rerum naturâ existit, id effectum est, vel causa: cumque nihil sit sui ipsius causâ, esset quippè seipso & prius, & posterius: ne detur progressus in infinitum, sistendum erit in primâ causâ omnino non productâ, quæ Dei notione comprehenditur. Cum enim sit ens à se, & independens, profectò causâ est eorum omnium, quæ sunt ab alio, quæque cum sint imperfecta, & quasi precario subsistant, ab eo, quod est absolutum, & ex se se, profluunt. Sed juvat hanc rationem paulò explicatius confirmare.

Cedò unde habeas quod sis, quod existas, an à teipso? Quod si tui causâ sis, jam eras antequàm esses: ergo non à te, sed ab alio existis. Jam id requiro, unde ille à quo factus es, suam habeat existentiam? Non licet tibi in causarum serie in infinitum progredi, quod omnino decurri non posset: & si nulla est causâ prima, non utique erit aut secunda, aut tertia, aut ultima. Quare tibi sistendum est in primâ causâ neutiquam productâ, quam Dei nomine signamus. Idem planè attentius cogitanti ex conservatione rerum efficitur. Cum enim conservatio sit continuata rei productio, nec quicquam se se iterum,

atque



atque iterum valeat producere, nihil seipsum potest conservare. Nam ut scite animadvertit Cartesius, cum temporis momenta sint diversa, & partes distinctæ; eo quod nunc existam, minimè sequitur, me post horam, vel diem adhuc existitum: neque eas in nobis experimur vires, quibus vel in futuri temporis momentum nosmetipsos tueri, & conservare valeamus: magno sanè argumento nos à superiori quâdam causâ sic pendere, ut ea nobis usuram vitæ, & existentiam continenter impertiat: quemadmodum (ut exemplo vulgari utar) imago solis, quæ in aquâ refulget, pendet à sole, non modo ut fiat, sed etiam ut jugiter permaneat.

In Metaph

II.

Deum existere, Platonici ex causæ exemplaris conditione, cujus præter ceteros Philosophos maximam habent rationem, ita serè colligunt. Omnis, inquit, forma, quæ est in alio, hoc est, quæ subjecto alicui insidet, est idem ab alio, atque à nobiliori ducitur formâ. Quod enim est in aliquo, id omnino participatum, finitum, imperfectum est, ac pendet à formâ completâ, illimitatâ & non participatâ. Quocirca formæ omnes creatæ & finitæ, profluunt à formâ quâdam principali, & archetypâ, quæ cum non sit formata, & recepta, perficit, & format omnia. Hanc Dei nomine intelligimus, qui omnibus rebus præsidet, iisque vitam, & existentiam continenter largitur. Addunt hi Philosophi Deum ut exemplarem causam esse omnis veritatis & cognitionis fontem, adeò ut vel ex illo causæ exemplaris munere existentiam Dei probare conentur. Quemadmodum enim sensum communem externis superiorem, quique de iis iudicet, & rationem sensu communi excellentiorem admittimus: sic supra rationem, aut mentem, regulas quasdam incommutabiles, & veritatem primam, secundum quam possit mens intueri, quid in quâque re sit veri, agnosci oportere magnopere contendunt; eamque veritatem, quæ & mentem irradiat, & in quâ rectè iudicamus Deum esse, & lumen, quod illuminat, omnem hominem venientem in hunc mundum, non Platonici modò, sed etiam nonnulli ex Patribus affirmant. Cum veritas illa neque loco tumida sit, nec temporibus varietur, sed omnibus æque præfens adsit: ita ut immensa, æterna, spiritalis, ubique sit tota, infinita, qualem omnino Deum mente concipimus. Quanta sit vis huius argumenti, commodius expositum fuit à nobis, toto serè de mente humana libro secundo, ubi sententiam Aug. ut maximè probabilem attulimus, quâ statuit res saltem incorporeas, quasque per sensus non hausimus, non alibi, quàm in Deo ipso, nos contueri. Non quòd essentiam Dei clarè videamus: quod enim cernimus, est admodum imperfectum: sed in ideis divinis res ipsas intuemur. Nam Deus rerum omnium ideas & exemplaria complectitur; est sum-

mè intelligibilis, & mentibus nostris intimus. Itaque tantum de rerum veritate, aut naturâ cernimus, quantum ipse nobis aperire dignatur. Quare, si credimus Aug. *Deus est intelligibilis lux, in quo & per quem, & à quo intelligibiliter lucent, quæ intelligibiliter lucent omnia* Sol. c. 1. Ac nescio an aliter possit explicari humana cognitio ut diligenter persequitur Auctor inquisitionis veritatis. Neq; enim res, quas mente percipimus, per seipsas cum animis nostris conjunguntur; nec species spirituales immittunt, sed ut plurimum, corporeas & rudes imagines. Unde ergo vis illa animæ, ut tam expressam rei formam aut ideam depingat, nisi exemplar aliquod intueatur? Sed neque id probabile videtur, ideas rerum menti esse ingenitas. Cum enim infinitas ex. gr. triangulorum uti & aliarum figurarum species possit per totam æternitatem contemplari, ac novas subindè efficere demonstrationes; an forte species, ut ita dicam infinities infinitas, habet congenitas? Quantò est verisimilius, mentem nostram in Deo ipso, qui ei intimus est, rerum ideas & rationes intueri. Sic enim facile intelligimus, quod totius inculcat Aug. *quod munus Dei est intelligentia; quòd existimare non debeamus quemquam hominem aliquid discere ab homine. Admonere possumus per strepitum vocis nostræ, si non sit intus qui doceat, inanis est strepitus noster.* Quo quidem modo facilius intelligitur quantum mentes nostræ à Deo dependeant, & quam verum sit illud Apostoli, *quod non sumus sufficientes cogitare aliquid à nobis, tanquam ex nobis, sed sufficientia nostra ex Deo est; Qui scientiarum dominiis est; Qui docet hominem scientiam; à quo, ut à patre luminum, omnis sapientia descendit.* Explicatu sanè arduum est, quomodo illæ regulæ veritatis menti nostræ affulgeant, an instar luminis, quod non videtur, cum in eo cuncta cernantur? An aliis fortè modis, quos Henricus Gandavensis fusè explicat, id suo loco excussum fuit. Nunc ad planiora veniendum.

## III.

Postremò Deum existere, ut extremum, & ultimum finem rerum omnium ostenditur. Cum enim omnia etiam, quæ cognitione carent, in eundem conspirent finem, necesse est, ut in eum scopum ab aliquo uno agente dirigantur, quod cum sit primum principium, unde omnia fluxere, est item ultimus finis, in quem refluunt universa. Ut primum principium omnia ex se emittit, ut finis extremus omnia ad se reflectit. Cum enim ordo effectuum ordini causarum respondeat, primus, & maximè universalis effectus, scilicet existentia, non potest aliundè proficisci, quam à primâ, & maximè universali causâ, quæ non modò cuncta produxit, sed ea tuetur, & in suum quæque finem ducit. Et sanè, quæ aspectabilis hic mundus complectitur, composita sunt, ac dissolubilia: ergo necesse est ea ab aliqua simplici, & indissolubili naturâ conservari, & in suum

suum quæque ordinem digerit. Qui quidem ordo in hoc maximè positus est, ut inferiora superioribus subdantur, atque unum in aliud ordinetur. Ne ergo detur progressus in infinitum, nève omnis intentio naturæ sit vana & irrita, siltendum est in ultimo, & extremo fine, ad quem omnia referuntur. Quare ex rerum multitudine primi principii unitas; ex compositione simplicitas; ex ordine sapientia; ex subiectione & dependentiâ autoritas summa rectè colligitur.

### Secunda Classis Argumentorum.

**P**roximum est, ut ex imagine Dei nostris animis impressâ, vel antipatâ quâdam notione, illius existentiam demonstremus. Hoc sanè *IV. Ex conceptione Dei notione illius existentia colligitur.* magis obscurum & involutum videbitur, quod pauci sint, qui ad ea, quæ in seipsis aguntur, intendant animum, & quanta sit vis mentis, seriâ æstimatione perpendant. Id promptum est, & apertum ex opere operientiam, quæ cuncta ex nihilo produxit; sapientiam, quæ tam aptè suis quæque locis disposuit, & bonitatem omnia tuentem agnoscere. At illud difficillimum homini in exteriora prolabenti, & circa res sensibiles occupato, imaginem Dei in seipso contueri. Est enim id vel maximum animo ipso animum videre: quanto igitur magis arduum erit Deum in nostrâ mente cernere? Quo minùs miror, si Platoniorum rationes ex iis fontibus ductas reliqui Philosophi aspernentur; minùs enim sunt ad captum vulgi accommodatæ. Ego sanè cum in cæteris rebus, tum maximè in Philosophorum disciplinis, extrema quæque esse fugienda arbitror. Non ita fidentum est sensibus, ut in illis omne iudicium veri & falsi reponatur; adeò ut ex iis omnis cognitio nostra pendeat, & nulla sit informatio Dei, à naturâ mentibus nostris insculpta, nulla illius idea vel cognitio, quæ per sensus non subierit; id enim esse falsum aliàs ostendi. Sed neque ita abijciendi sunt sensus, quasi ad scientias comparandas nullius sint usus, aut animus nihil novi addiscat, sed cognita tantum afferat. Id quidem mihi longè optimum videtur, ut sensibilia sensibus, intelligibilia verò mente potissimum æstimemus; neque in rebus Physicis iudicium sensuum est repudiandum; neque ii in Metaphysicis, tanquam soli arbitri sunt adhibendi. Jam ut ad institutum revertar.

Imago Dei quædam in animis nostris, & splendidior, & expressior, quam in rebus corporicis fulget, ut fusè prosequitur S. Bonaventura in eleganti, & propè divino Opusculo, quod *Itinerarium mentis in Deum* inscripsit, ubi æterni Numinis præsentiam in memoriâ, intellectu, & voluntate fusè explicat. Atque ut nihil dicam de memoriâ, quæ est propè infinita, & innumerabilium rerum, quæque æterna scientiarum principia

piâ recondit; ipsius dundaxat mentis tripartitam functionem placet summam attingere, simplicem videlicet perceptionem, iudicium, & ratiocinium.

## V.

*Ex prima  
mentis fin  
dione ra  
tiones plu  
rima depro  
munt.*

Triplex illa intellectus operatio, terminorum, propositionum, & illationum scientiâ continetur. Terminum porro intelligimus, cum quid sit res, per definitionem nobis innotescit: definitur verò unumquodque per superiora, ut homo per animal, animal per vivens, & ita de cæteris: ergo fieri non potest, ut quid sit homo noverim, nisi unâ sciam, quid sit animal, vivens, corpus, substantia, ens: nam superioribus ignoratis, inferiora definiri nequeunt. Jam verò quomodo ens in universum cognoscam, nisi aliqua Dei, menti insideat notio? Cum enim ens sit vel perfectum, vel diminutum; per se, vel per aliud; per essentiam, aut per participationem: cumque privationes, & defectus cognosci non possint, nisi per formas, & perfectiones oppositas, ut tenebras novimus per lucem. Qui sciam ens aliquod esse imperfectum, incompletum, participatum, nisi menti inest aliqua cognitio entis unde quaque perfecti, completi & omnino per essentiam? Ex his profecto sequitur, nullam rei creatæ notitiam haberi posse, quæ in cognitionem primi entis non resolvatur: ita ut Deus sit primum cognitum intellectus, ut optimè colligit Seraphicus Doctor, quod etiam uberius ex Henrico Gandavensi confirmari potest.

## VI.

*In omni  
cognitione  
nostrâ qua  
dam confu  
sa Dei no  
tio invol  
vitur.*

Duplicem Dei cognitionem distinguit, unam naturalem, alteram rationalem; illa est implicita, hæc distincta; illa simplex, hæc reflexa, & per ratiocinium evoluta. Illa sanè generali cujusque entis notione includitur. Cum enim cognitio nostra ab iis, quæ magis sunt indeterminata, & universalia ducatur, necesse est, ut omnem cognitionem præcedat, quædam imperfecta & confusa Dei notitia. Nam qui fieri potest, ut aliquod verum, pulchrum, bonum esse affirmemus, nisi ipsum verum, pulchrum, bonum, universale utcumque perfectum habuerimus. Sed quid aliud est Deus, nisi ipsum bonum, verum, pulchrum, indeterminatum, universale, imparticipatum? Neque ulla res, vel quicquam bonum determinari, aut cognosci potest, nisi per formam indeterminatam, & penitus absolutam. Ergo in omnibus veris Deum intelligimus, ut in omnibus bonis primum expetimus bonum: adeo ut Deus sit principium, & finis omnis cognitionis; principium quoad ejus notionem generalissimam; finis quoad ejus perfectam notitiam.

Excipiet aliquis, quod bonum, pulchrum, verum, universum percipiamus, hoc opus est mentis nostræ, præcisio quædam intellectus, figmentum rationis; neque necesse est bonum aliquod universale, per se subsistens, non participatum, tanquam omnis bonitatis fontem, comminisci.

Quæ

Quo hunc cavillum discutias, licet tibi duplicem mentis nostræ abstractionem distinguere, una est confusa, & universalis; altera distinctior, ac formalis dici potest. Prior fit, cum mens formas separat quidem à materiâ, sed tamen cum relatione, & ordine quodam ad inferiora; eaque nihil est forsitan quàm mentis figmentum, & extensio quædam ideæ, quam de re ipsâ percipimus. Cum autem mens formam intuetur absolutam, & participabilem, qualis est ipsa bonitas, veritas, vita, & pulchritudo; tum illa forma concipitur indeterminata, non privativè quidem, ut accidit in præcisione universali, ac logicâ; sed omninò negativè, adèd ut ipsa bonitas, jam non sit apta esse in hoc, vel illo bono: eaque in seipsâ omninò subsistat, atque illius participatione omnia bonitatem consequantur. Sic DEUM summâ mentis agitatione concipimus, ut bonum omnis boni, non per prædicationem, instar illius universalis, quod Peripatetici effingunt, sed per participationem, omninò ut universale Platonicum definitur: tumque ideam bonitatis ad plura ex quibus velut excerpta sit, non extendimus, sed quæ in suo complexu involvit, mente attingimus. Sanè quidem cum bonum illud in universum appetimus, non utique bonum participatum, & per mentis operationem præcisum, ab hoc, vel illo bono; sed bonum absolutum, & nullatenus ex alio decisum expetitur. Idem accidit cum verum intuemur: nam prima veritas in omni cognitione nostrâ, intellectum quasi vocat ad se, & allicit suapte naturâ; ut primum bonum in omni appetitu vocat, & invitat voluntatem, quò nitatur in sui fruitionem. Concludit sublimis Doctor omnem cognitionem nostram confusâ quâdam DEI notione per-

*Henric. Gadavens. in Summa art. 2.*

*fundendi: adèd ut DEUS sit principium & finis rerum omnium in esse cognoscibili, sicut est principium & finis earum in esse naturali.*

ut ut sit de duplici illa mentis abstractione universali & formali, illud omninò liquet, vix posse ab animo ideâs universales & abstractas effici, nisi res multas in quodam ente non limitato, non participato, sed infinito conspiciat. Est enim illa entis universi tam altè in nobis impressa ratio, tam intimè unita animo, tam præsens; ut eam non possit exuere, ubique sese offert, etiam cum animus feriari, & nihil cogitare sibi videtur: tum vagas & generales entis illius notiones secum volvit, ut optime explicat vir doctiss. Confusæ sunt quidem, propter animi angustias; neque ad eas plerumquæ attendit animus, quod & sunt nimium familiares; neque eum ita percellant, ut quæ per sensus animo imprimuntur, nec demum ex confusa rerum singularium cognitione: sed magis è contra generalem entis ideam ad res singulares applicamus, in ea res cunctas percipimus: cum ea sit illimitata

mitata ut immensa, ac rerum omnium ideas complectatur. Quas rerum creaturarum habemus ideas, aut notiones, eæ nihil sunt, quàm quedam determinationes illius ideæ universalis, quam creator animis nostris imprimit, aut quæ potiùs DEUM ipsum sub generali & confusa entis notione nobis exhibet, dum menti adest, eique est intimus.

VII. Quòd si in primo mentis obtutu imago DEI tam clarè elucescit, *Ex secundâ* multò splendidior est in secundâ, & tertiâ operatione. Negant enim *da mentis* Platonici, nos ita constanter, & certò quarundam propositionum *actione.* veritati acquiescere, aut stabiles quasdam regulas sequi, nisi luce ipsius veritatis desuper radiantis, mens perfundatur; aut quicquam esse, aut concipi posse omninò incommutabile, æternum, ubique præfens, nisi aut DEUS sit, aut in DEO: quod enim est omnis mutationis expers, creatum non est. Atque in hoc sita est mentis cum DEO similitudo, aut imaginis ratio, quòd per cognitionem veritatis illi quodammodò assimilatur, serè ut oculus luci, quam percipit. Neque enim illam præ se fert DEI imaginem, quatenus ad res creatas deprimitur; sed cum ad DEUM, aut primam veritatem, quæ lux est animi erigitur. Sed de his alio loco fusè diximus.

VIII. Jam necessitas illationis, aut consequentiæ unde oritur? Non *Idem ex* ab ipsâ re existente in materiâ, cum ea sit sæpissimè contingens, ac *tertiâ operatione.* corruptibilis: neque ab existentia ejusdem rei in mente. Præterquam enim mens est mutabilis, quod in re ipsâ non invenitur, & nusquam est alibi, quàm in mente, nihil est, quàm figmentum intellectus. Unde ergò illa necessitas consecutionis, aut recti ratiocinii, nisi ab ipsâ luce veritatis? Aut si Platonici credimus, ab ideis profuit, quæ aut mentis apice attingimus; aut certè notiones iis consimiles habemus innatas. Nam placet illis formas habere triplicem existendi modum; in materiâ, in mente nostrâ, in arte divinâ. Nullo modo sunt necessariæ in materiâ immerse, nec acceptæ à materiâ: ergò non alibi sunt incommutabiles, quàm in arte divinâ, quæ est ratio omnium rerum.

IX. Pars illa restat animæ affectuum sedes, quæ amat, & eligit: quis *Ex voluntate & appetitu sibi consensu.* quis autem deliberat ut eligat, is quod melius est inquit; melius porrò dicitur quod optimo vicinius, eique similis videtur: quocirca necesse est, ut qui deliberat, quandam summi boni notitiam menti habeat impressam. Neque enim ullatenus fieri potest, ut aliquis mihi Regis facie similis esse videatur, nisi Regem ipsum utcunque noverim. Nam ut præclare Augustinus, non diceremus aliud alio melius, cum verè judicamus, nisi esset impressa notio ipsius boni, secundum quam, &



& probaremus aliquid, & aliud alii præponeremus: Sic ubi voluntas eligit, consentit, & statuit unum alteri esse anteponendum, secundum aliquam legem dijudicat; quæ lex mente superior est, cum de illa judicare fas non sit. *Nihil porrò mente nostra superius, præter eum, à quo facta est, qui lux est anima nostra, lex omnium artium, & ars omnipotentis artificis.* Denique nihil voluntas amat, nihil expetit, nisi summum bonum, vel quod illius effigiem, aut vestigium præ se ferat.

Id genus argumenti Platoniciis usitatisimum est: hi quippè passim ostendunt DEUM existere, ex anticipatâ illius notione, quæ omnem rationis usum prævertit, quamque divinitatis contactum, ac divinum præfugium vocitant. Imò constanter afferunt, nos omnia quodammodò in DEO, ut colores in lumine conspiciere. Tamen, ut colores multò melius quàm lumen ipsum distinguimus, sic cognitione explicitâ, & reflexâ nos, & creaturas longè distinctius percipimus, quàm æternæ veritatis lucem. Hinc formæ visibiles nos ut plurimum ab æternâ luce avocant, quas idcirco Plato eleganter vocat, atheas, quia nos à DEO disjungunt, atque illius imaginem menti nostræ insitam, quodammodò obducunt: non secus ac colores lumen quo videntur infuscant. Multa solent in hanc sententiam disputare, id imprimis DEUM nos perfectius intueri, cum mentis acies ab omnibus exterioribus sejungitur: quemadmodum si clausuris oculis, prius in objectum variis distinctum coloribus intentis, nullum amplius remanet in oculis colorum vestigium; sed quædam duntaxat confusa lucis impressio, quæ clausos oculos circumfundit. Sic, inquiunt, ubi mentis oculum à rebus creatis penitus sevocaveris, tum lucem, in quâ vides omnia, statim instar corruscationis præcipis. DEUM ergo, si queris, noli foras ire, in teipsum redi, in interiore homine habitat veritas, : illuc ergo tende, unde ipsum lumen rationis accenditur. Ista quidem Platonici suâ grandiloquentiâ multum dilatant, atque ut forsitan non sint ex omni parte vera, quod similitudinibus magis, & sententiarum luce, quàm rationum pondere fulciantur. Id fanè persuadent, mentem nostram, quiddam æternum, incommutabile, ubique præsens, licet raptim, & imperfectè, & modo quodam finito, & quasi per nebulam cernere. Quamvis in ænigmate, aut potius ut in speculo, & non per speciem; in caligine, non acie directâ, atque ut loquuntur, intuitivè, DEUM ipsum, vel ideas videamus. Neque enim eis assentiri possum mylticis, qui contrarium videntur innuere; idque plenius ostensum est, cum de animæ rationalis naturâ, & cognitione tractavimus.

*August. de  
verâ Rel.*

X.

Huc etiã  
pertinet  
Cartesii  
demon-  
stratio, ex  
ideã entis  
summè  
perfecti.

Ac multis quidem videtur illustri Cartesii ratio, ex notione DEI mentibus nostris insitã, iis quas Platonici adducunt, & tutior, & ad communem sensum accommodatior, illa autem est ejusmodi. Habemus, inquit, menti nostrã insculptam, & congenitam ideam entis summè perfecti, infiniti, immensi, æterni, omnipotentis; atqui illa non potest idea aliundè proficisci, quàm ab ente summè perfectò, & æterno: ergo illud ipsum infinitè perfectum, quod DEUM omnes vocant, existere fatendum est. Singulas propositiones diligentius expendere nobis incumbit.

Ac primo certum est, me clarè, & distinctè rem illam præstantissimam percipere. Quomodò enim aliquid mihi deesse, aut me non esse undequaque perfectum intelligo, nisi alicujus rei perfectioris ideam mente complectar, ad quam, quæ mihi desunt comparem. Hæc notio perfectio clara est, ac distincta: nam quidquid perfectioris distinctè, & perspicuè in aliis rebus intueor, hoc omne in ista idea continetur; ac demùm illa mentem suo fulgore ut lux visum percillit; omnibus communis est, evolvi tantùm, & explicari debet.

Object. 1.

Resp.

Verùm obstitunt multi, & negant infinitum à nobis concipi posse, aut clarè & distinctè illud ens infinitum percipi. Non possum, inquam, illud infinitum comprehendere, at percipere nihil vetat. Nam scio id esse infinitum, quod nullis limitibus coercetur; novi item, id esse quid in rerum naturã positum, cum plus insit rei, seu entitatis in re infinita, quàm in iis, quæ finitæ sunt. Quod formale est in infinito, seu ipsa infinitio, ut loquitur Tullius, modo quodam negativo comprehenditur, quia videlicet nullis rem terminis finimus: sed ipsum infinitum etiam positivè, ut ajunt, licet non adequatè, aut perfectè intelligimus. Aliud verò est habere ideam rei perfectam, aliud eam clarè percipere; splendida clara, distincta in nobis est, aut DEI, aut infiniti notio, non perfecta, non integra.

Object. 2.

Resp.

Rursùm inquit, quòd si infinitum non comprehendimus, sed tantùm cogitatione attingimus, non est in nobis infinitum, sed finiti duntaxat notio: uti non habeo ideam hominis, si nihil quàm extremum illius capillum videam. Et certè longè minor est proportio finiti ad infinitum, quàm unius capilli ad totum hominis corpus.

Hoc ipsum nego, nos infiniti nullam habere notionem, nisi illud omnino comprehendatur; quasi non mihi insit idea trianguli, nisi omnia, quæ de ipso demonstrantur, perfectè noverim. Ergo satis est ad hoc, ut infinitum intelligam, si nullis illud claudi limitibus clarè & dilucidè perspexerim.

Quem-

Quemadmodum ut idea trianguli animo inest, id tantum requiritur, ut figuram tribus lineis contentam mentē complectar, tamen si forte ignoro tres illius angulos duobus esse rectis æquales. Nec de-  
mum partem infiniti, sed totum ipsum intelligo, licet non totaliter, ut ajunt, & velut ex omni parte: quod si enim id comprehenderem, non foret amplius infinitum: nam de ratione infiniti est, quod à nullo finito comprehendi possit. Quare illud negare non possumus, esse in nobis quandam infiniti ideam. Hoc utique in figuris ipsis clarè perspicimus. Nam infinitas esse triangulorum species novimus, quæ eandem habere basim possunt, & quorum diversæ sunt proprietates. Idem de cæteris figuris dicendum est. Infinitum ergo percipimus, id-  
que si non comprehenditur, hoc utique non ex defectu ideæ, sed ex angustia mentis nostræ proficiscitur. Quin etiam prius infinitum, quam finitum, mente attingimus. Cumque rem finitam esse, animo complectimur, ex illa entis generali notione quiddam decerpimus. Communis igitur infiniti, & illiuitati entis notio, rerum finitarum, cognitionem anteverat necesse est.

De hoc itaque omne certamen est, utrum idea, quam de re un- XI.  
dequaque & infinite perfectâ habemus informatam, non aliunde *Hanc Dei*  
quam ab ente infinito dimanet. Quod ut demonstrari possit, notatum *notionem*  
oportet, in ideâ duo esse considerata, quorum unum ab intellectu, *mentibus*  
alterum habet ab objecto. Primò enim est accidens quoddam menti *nostris esse*  
inhærens, seu modus, seu forma sit cogitationis, mihi perinde est, *in scul-*  
tum verò unam rem potius quàm aliam repræsentat, idque non à *piam.*  
mente, sed ab ipso objecto mutuatur. Illa repræsentatio vocetur per-  
fectio, vel realitas, vel artificium objectivum: nihil est enim quàm  
perfectio, seu entitas rei cognitæ, quatenus fulget in ideâ, tanquam  
in imagine. Jam sic nobis philosophari licet.

Perfectio seu realitas objectiva, quæ in ideâ continetur, nempe  
quod unum potius quàm aliud objectum exhibeat, aliquam habet  
causam, in quâ non modò objectivè, sed etiam actu, & realiter, seu  
entitativè eadem perfectio invenitur; idque vel formaliter, vel emi-  
nenter. Ergò necesse est, ut agnoscamus quoddam ens infinite perfe-  
ctum, quod suam ideam menti nostræ impresserit, & cui tanquam cau-  
sæ principi, ideæ perfectio referatur accepta.

Antecedens luculentius probandum. Omnis perfectio, quæ est  
in effectû, continetur in suâ causâ: nam ex nihilo nihil fit. Si quid  
sit in effectû, quod in suâ causâ totali non inveniatur, meritò quæri  
potest, undè illud prodeat? Si nullam habeat causam, necesse est, ut  
oriatur ex nihilo. Quod enim quidam de insectis, quæ à sole pro-

creantur, nobis obtrudant : id omnino negamus, solem esse viventium causam adæquatam, & integram : cum lumine naturali notum sit, nihil esse in effectu, quod in sua causâ non contineatur. At fortè perfectio illa objectiva, quæ est in idæâ nullam habet causam realem. Quâ fieri id possit ? Est quiddam reale, & plusquam nihil. Ergò habeat aliquam causam realem necesse est.

*Object.*

*Resp.*

*Object.*

*Resp.*

Sed excipis, causam habet, quæ non reipsâ, at objectivè tantum, atque instar imaginis eandem, quæ in idæâ reperitur perfectionem includat. Sit ita sanè, verum eadem recurret quæstio, unde illa causa suam perfectionem objectivam mutuatur : namque ejusmodi causa, quæ tantum objectivè illas perfectiones complectitur, nihil erit quàm idea, vel imago, cujus causam iterum licebit exquirere. Neque hîc in infinitum fas est progredi, secus nemo unquam cogitare inciperet. Negari igitur nullatenus potest, ideam, quæcunque sit illa, ab aliquâ causâ reali proficisci : sed ne ullus remaneat dubitandi locus, juvat eandem rationem amplius illustrare.

Quod si quis habeat ideam alicujus machinæ, quæ omne artificium excogitabile contineat : causam illius idææ jure possum inquirere ; eaque vel erit machina prius visa, vel perfecta mechanicarum scientia, vel summa ingenii subtilitas : omneque artificium quod inest illi notioni modo duntaxat objectivo, id reperitur in aliquâ causâ (quæcunque sit illa) vel formaliter, ut ajunt, vel éminentè. Sic idea entis summè perfecti, quam mente conceptam gerimus, quæque omnem perfectionem excogitabilem nobis exhibet, non potest aliundè proficisci, quàm ab ente infinito, quoddam omnes illas perfectiones reipsâ complectitur. Quid enim aliud ejusmodi notionem menti nostræ inseruit ?

Postremò omnis cognitio nostra huic stabili principio innititur, Nam unde, quæso te, nosti solem existere, nisi quia illum vides ? Quomodo, inquam, cernis ? scilicet per illius imaginem : ipsum quippè solem non attingis. Ergò ex eo, quod habeas ideam solis, rectè colligis, illum existere. Nimirum quia omnis idea causam habeat suæ realitatis objectivæ, eamque verè existentem, necesse est. Non quod pertendam ea existere, quorum ideas, aut imagines effingimus. Id enim falsum est, sed quod clarè & distinctè percipio, id utique de re ipsa possum affirmare. Cumque habeam claram infiniti notionem, quæ à nullâ re finitâ potest proficisci, infinitum quiddam existere, non dubitabo. Per ideam verò non intelligo tantum imagines in phantasâ depictas, sed omnem intellectûs perceptionem, sive apprehendat, sive judicet, sive ratiocinetur. Exempli gratiâ, nosti solem  
esse

esse longè majorem terrâ, idque non modò à sensibus hauisti, sed per demonstrationes mathematicas percepisti : hæc idea solis non est in imaginatione delineata, sed solâ ratione percipitur. Maneat igitur illud tanquam verissimum, ideam entis summè perfecti menti nostræ esse infixam ab Authore naturæ, quam vel ipse Epicurus cogitur *Lib. I. de* agnoscere. Solus Epicurus, ait Vollejus apud Tullium, vidit primum *Nat.* esse Deos, quòd in omnium animis eorum notionem impressisset. *Deor.* ipsa natura. Quæ est enim gens, aut quod genus hominum, quod non habeat sine doctrinâ, anticipationem quandam Deorum, quam appellat *Opéra*. In Epicurus, id est anteceptam animo rei quandam informationem, sine quâ nec intelligi quidquam, nec quæri, nec disputari possit. Atque ut ipse concludit, de quo omnium natura consensit, id verum esse necesse est : esse igitur DEUM confitendum est, quoniam insitam ejus, vel potius innatam cognitionem habemus.

Cui sententiæ non modò acquiescendum puto, quòd multùm dare solemus præsumptioni omnium hominum, atque ut Seneca, licet non constantissimè ait, apud nos veritatis argumentum est aliquid omnibus videri. Sed etiam multò maxime, quòd omnibus de DEO non sola opinio, sed cognitio, & idea sit insita : nec ulla, inquit idem Stoicus, gens usquam est adeò extra leges, moresque projecta, ut non aliquos Deos credat. Quòd si nulla foret mentibus nostris innata DEI notio, nunquam, in hunc furorem, ut ipse loquitur, consensissent. Quòd verò alibi docet non tam bene cum rebus humanis agi, ut meliora pluribus placeant, & argumentum pessimi turbam esse : nullatenus intelligi debet de notionibus, quæ nobis sunt congenitæ, quæque sunt claræ & distinctæ, quales sunt cæ omnes, quibus naturale continetur.

Multa sunt, quæ vim hujus rationis videntur infringere. Cùm *Object.* enim tria sint idearum, seu imaginum genera; quædam sunt innatæ, aliæ adventitiæ, plures commentitiæ. Quid obstat quominus hæc idea, de quâ loquimur, inter fictitias, & ab intellectu fabricatas numeretur : ut, si infinitum mundum mihi exhibeam, nōne hæc idea fictitia erit ? Ad summum notio entis undequaque perfecti erit adventitia, scilicet quia ex aliis audivi DEUM existere : vel denique ex variis perfectionibus, quæ in variis universi partibus, quasi dispersæ jacent, hanc confeci imaginem, quæ rem infinitam exhibeat : sic ex notione mentis meæ, & Angeli, formo ideam intellectus divini. Imò quis adeò in philosophiâ alienus est, ut contendat ideam Angeli, ab ipso Angelo mentibus nostris insigi.

Hæc

Resp.

Hæc quidem magnam præ se ferunt probabilitatem: nec tanti sunt tamen, quæ demonstrationem nostram labefactent. Primo enim illa idea non potest inter ficitias recenseri, cum omnibus sit fere hominibus communis, maneatque ad unum, omnium firma consensus, per DEUM intelligi ens summè perfectum. Quare in explicatione ideæ, quam de DEO habemus informitam, si diligenter attendere velint Philosophi, omnino consentiunt. Nam si qui DEUM ut corpus sibi fingunt; hi pugnantly loquuntur, cum corpus sit divisibile; neque adeo perfectè unum, aut simplex, aut ens summè perfectum esse possit. Cum effingo ideam equi alis instructi, possum alas ab equo, mentis agitatione separare, & unum sine altero distinctè percipere, quod ejusmodi idea ficitia sit: at verò de ideâ entis summè perfecti nihil possum detrachere, non igitur commentitia est, sed omnino vera, & realis. Accedit illud quoque, quod postea uberius explicabitur; in ideâ entis omnino perfecti existentiam includi, quod de nullâ quam effingimus ideâ dici potest.

Non etiam inter adventitias haberi potest: nam quomodo ex diversis dotibus, quæ variis rebus insunt, unum quoddam summè perfectum potui componere? An fortè ampliando, & extendendo illas imagines, quas ex diversis rebus præsumpsi? Sed undè mihi illa facultas ampliandi omnes perfectiones creatas, & quiddam majus quàm reverà sint, concipiendi? An non satendum est id eò fieri, quod idea rei longè perfectissimæ menti meæ sit innata? Hinc adde quod summâ Dei perfectio in eo sita est, quod omnes illius dotes non sint separatæ, ut in creaturis, sed cum summâ simplicitate, atque unitate conjunctæ. Nec quicquam ejusmodi in creaturis deprehendimus.

Object.

Resp.

An fortè illam unitatem eodem planè modo nos fingimus, quo unitatem specificam, aut genericam comminiscimur? Magnum sanè discrimen inter utramque intercedit. Illa unitas universalis, ac commentitia, nullam rebus perfectionem addit, cum unitas Dei sit summâ illius perfectio: Ac de illâ duplici abstractione jam superius dictum est. Quamobrem id certum videtur, infiniti, aut Dei ipsius ideam nobis esse intimam; neque aliundè eam manare posse, quàm ex Dei ipsius præsentia, & conjunctione cum anima nostra. Nulla quippe res creata rei infinitæ ideam potest efficere; neque ulla idea aut imago finita Deum, aut ens infinitum, quod tamen mente attingimus, exprimere. Neque id verum est, hanc ideam ex rerum creaturarum ideis in unum confusis emergere; cum potius, uti dictum fuit, rerum notiones nihil sint, quàm participationes quædam hujus ideæ generalis, quam de infinito habemus impressam, uti res omnes



ex DEO fluxerunt. Quare, ut Autor inquisitionis veritatis, quem sæpè laudavimus, scitè explicat, DEUM ipsum non in quâdam imagine creata, sed cum quatenus menti nostræ adest, & ipsam illuminat, utcumque cernimus, quanquam imperfecta admodum sit DEI cognitio; est tamen clara & distincta. Rerum corporearum naturas in ideis, quas DEUS animis nostris exhibet, omnino contuemur; neque enim per se sunt intelligibiles, neque eas alibi quam in summo omnium principe, qui eas modo intelligibili complectitur, intueri licet. Quod deest earum absolutæ perfectioni, id ex nostræ mentis defectu, non ex ideis ipsis oritur. Animus verò seipsum, & quæ in eo aguntur, per quandam conscientiam, & sensum intimum, non per ideas percipit: hinc illius cognitio admodum angusta, sed certa; neque in seipso experitur, definire potest, aut aliis explicare. Color viridis solo sensu, non definitione percipitur. Reliqua verò, ut naturam animi, aut Angeli, conjecturis tantum, ex similitudine cum mentibus nostris, utcumque cognosci possunt; neque enim earum rerum ideas accepimus.

Verum, inquis, ideam habes rei summè perfectæ, vel quòd ex aliis esse ejusmodi rem audieris, vel quòd eam à Philosophorum libris acceperis. Quæro, inquam, unde illi, ex quibus accepi, illam notionem hauserint? Nam eodem semper revolvemur, & eadem prorsus recurret difficultas. Quod addunt de ideâ Angeli, faciliè dissolvitur: Nam utique possum eam ex ideâ mei ipsius, & notione DEI compingere. Concludimus itaque ex notione DEI menti nostræ insculptâ, optimè colligi DEI existentiam, adeò ut sit illa velut nota artificis operi suo impressa.

### *Tertia Classis Argumentorum.*

**R**Em aliquam existere, ex triplici velut capite nobis constare potest. Primò ex illius cum altero connexionione, ut ignem ex fumo colligimus. Secundò ex illius præsentia. Jamque, ut puto, satis firmis rationibus DEUM existere ex duplici illo loco ostendimus. Superest, quod erat tertium, ut existentiam DEI ex ejus essentiâ, & divinam naturâ demonstremus: quo quidem modo nullam creaturam existere ostendi potest: nullius enim rei præter DEUM, existentia necessaria est. Hoc argumentum altius investigare, ac persequi par est. Id porò in hanc formam contrahit Cartesius. Quod clarè, & distinctè intelligimus pertinere ad alicujus rei veram, & immutabilem naturam, seu essentiâ, id potest de eâ re & verè, & certò affirmari: sed postquam satis accuratè investigavimus quid sit DEUS, clarè & distinctè intel-

Cccc

intel-

intelligimus ad ejus veram, & immutabilem naturam pertinere ut existat : Ergo tunc & constanter, & verè possumus de DEO affirmare quòd existat.

Propositio per se ita clara, & aperta est, ut majori explicatione non indigeat : id verò quod assumitur, probari hoc modo potest. Cùm DEum ut rem summè perfectam mente concipimus, tum certè eum existere omninò intelligimus : quandoquidem existentia est maxima perfectio. Imò nihil potest distinctè à nobis percipi, nisi id existentiam habere saltem possibilem intelligatur. Hinc montem omni valle destitutum clarè, & distinctè non concipimus. Ergo ubi ens summè perfectum acri & attento animo contemplamur, illi existentiam saltem possibilem tribuimus : ubi verò illud summè potens à nobis cogitatur, statim agnoscimus, id suà vi posse existere. Atque adeò reverà esse, & semper extitisse : nam lumine naturali notum est, id, quod proprià vi potest esse, semper existere. Negabis fortè essentiam DEI alibi, quàm in mente nostrà subsistere, adeò ut nihil sit, quàm intellectus figmentum. Verùm hæc responsio jam superius depulsa est, cùm in nullius rei fìctitiæ intellectum, existentiam necessariò includatur. Deinde illa essentia vel possibilis est, vel impossibilis. Si primum datur, necesse est, ut existat : quæ enim alia res illi rei, quæ possibilis est, existentiam potest impertiri? Quòd si impossibilem esse dixeris, repugnantiam, si quæ sit, ostendere tibi incumbit. Certè omnis contradictio non tam in rebus ipsiis, quàm in notionibus nostris hæret : eum videlicet ideas, quæ secum pugnant, conjungimus. Id verò accidit in iis, quæ confusè tantum, & obscure percipiuntur, non in rebus, quas distinctè, & clarè intelligimus. Non obscuram verò, aut involutam rei summè, & undequaque perfectæ esse notionem, jam ostensum à nobis fuit. Quò enim ea res simplicior est iis omnibus, quæ sensus seriant, hoc menti nostræ dilucidior videtur, eique cognator.

*Objecl.  
Resp.*

Dixerit aliquis, si foret ens quoddam infinitum in omni genere perfectionis, omne aliud finitum excluderet. Unde inquam, hoc habes? Nihil enim scire potes de naturà ejus, quòd nihil esse putas. Sed quàm levis sit hæc adversus existentiam DEI ratio, pulchrè Cartesianus hoc exemplo demonstrat. Ut fortè habes ingenium longè præstantius quàm quisquis alius, num ideo ille nihil ingenii habiturus est? Crescat in infinitum vis, & solertia ingenii tui, an propterea illius quantulacunque perspicacitas, minuetur? Sic profectò licet DEUS sit infinitus, non propterea excludit cætera : secus cessabit virtus illius infinita, si nihil possit efficere. Verùm eò falleris, quòd fin-

gis DEum instar corporis infinitum, quod haud dubie cœtera excluderet corpora. At si DEUS foret corpus, jam non esset infinitè perfectus, cum partes haberet divisibiles, hinc ab unitate, & simplicitate summâ excideret. Falsum igitur est, rem infinitam cœtera destruere. Imò ex perfectionibus, quæ in creaturis diminutæ, & sparsæ reperiuntur, colligimus DEum existere, in quo omnis perfectio, pulchritudo, sapientia, veritas, sint summæ: nam si unum est altero melius, aut pulchrius, hoc non est nisi per accessum ad aliquod unum optimum, ac pulcherrimum. Et ita eminentiæ, vel excellentiæ viâ, rectè existentiam DEI demonstramus: neque enim (ut optimè Tullius) dici potest in ullâ rerum institutione non esse aliquid extremum, atque perfectum.

Mitto innumerabiles alias rationes, quas in hujus operis decursu prosequemur: non enim aliò tendunt ea, quæ in hoc opere de ideis, de providentiâ, de naturâ dicturi sumus, quæque in aliis libris de æquabilitate motuum cœlestium, conversione cœli, solis, lunæ, siderumque omnium, distinctione, varietate, pulchritudine, ordine, tutius executi sumus, quarum sanè rerum aspectus ipse satis indicat, eas non esse fortuitas. Et quidem cum omnes illas demonstrationes, quas in unum locum congesi, iudicio certo, ac ratione pondero, facilius dubitarem me vivere, quàm DEum existere.

### CAPUT TERTIUM.

#### *De ideis, Numeris, & Pulchritudine.*



Unc formæ rerum exemplares, quas ille non intelligendi solum (ut Ciceronis testimonio utar,) sed etiam dicendi gravissimus author, & magister Plato, appellat ideas, mihi accuratius, & distinctius sunt explicandæ. Non illa quidem inter nubes errabunda, atque extra DEUM posita simulachra, ut pŕŕique Philosophi nugantur: sed rationes rerum primævæ, quas Plato gigni negat, ait semper esse, easque ratione, & intelligentiâ contineri: cœtera nasci, occidere, fluere, labi, nec diutius esse in uno, & eodem statu. Illæ inquam rationes vivunt in mundo intellectuâli, quæ & archetypus, & boni splendor vocitatur, quique nihil est, quàm DEUS ipse, quatenus primi entis nomine participabilis est; æterna videlicet sapientia, aut verbum divinis rationibus, & ideis fulgens, principio suo

1.  
*Quid sit  
mundus  
intellectu-  
ali.*

simillimum, & ejusdem prorsus essentia, (si Platoniorum decreta, ad rectæ fidei regulam exigere volumus) intellectualis mundi nomine designatur.

II.

*Quid sit  
idea.*

Quid verò idea, nisi exemplar DEO semper præsens, ad quod aspiciens, ea quæ sunt, molitur. Exemplar porro illud est natura ipsa divina, ut hæc, aut illâ ratione participabilis: hinc sanctus Dionysius ideas vocat prædefinitiones: cum enim essentia DEI sit infinita, eaquæ simplex, participari à creaturis non posset, nisi divina sapientia definiret, modum, ordinem, & numerum, quo res quæque DEI essentiam, ut imago quædam, adumbraret.

*Object.*

*Resp.*

Verum dixerit aliquis, Quæ similitudo DEUM inter, & creaturas esse potest? Hæc sanè quàm minima erit, si rerum gradus æstimetur; sed magna futura est, si res creatæ spectentur, ut formæ quædam eotypæ, & imitamina idearum, quæ sunt formæ archetypæ & principales. Sic literarum ductus, & characteres, quos nunc manus exarat, nullam ferè similitudinem habent cum iis rationibus, quas mentes concipio; quando nihil aliud in iis inspicitur, quàm quædam atramenti guttulæ certo quodam modo effusæ. At si velut signa quædam, & notas consideres, nulla esse potest major similitudo. Idem quoque de imagine cum Cæsare comparatâ existimare par est, Equus profectò longè propius ad Cæsarem accedit, si gradus rerum, & conditionem utriusque naturæ spectes; sed ubi ratio imitationis habetur, imago in tabulâ depictâ multò melius Cæsarem exprimit.

*Object. 2.*

*Resp.*

*L. 82. 99.*

Insuper acrius: quæ ratio nos cogit plures ejusmodi formas in DEO fingere, cum in eo nihil sit divisum, nihil multiplex? Responsio perfacilis est. Idea objecti rationem subit: quocirca nihil absurdi, nihil à divinâ simplicitate alieni statuimus, cum plures Ideas DEO tribuimus: quando quidem multa, imò infinita cognoscit. *Sunt igitur idea, ut Augustinus fuse explicat, principales formæ quædam vel rationes rerum stabiles, atque incommutabiles, quæ ipsa formata non sunt, ac per hoc æterna, atque eodem modo se habentes; quæ in divinâ intelligentiâ continentur: & cum hæc neque oriuntur, neque intereant, secundum eas tamen formari dicitur omne, quod oriri, & interire potest, & omne quod oritur, & interit. Anima verò negatur eas intrinsece posse, nisi rationalis, & eâ sui parte, quâ excellit, id est ipsa mente, atque ratione.*

*Quod plures  
res sint  
idea,*

Plures verò ejusmodi rationes in DEO concipere nihil prohibet: cum idea non sit quiddam à DEO diversum; nec res propriè, sed ratio dicenda sit; Ac demùm ut uno verbo, quæ pluribus differi possunt, complectar, idea non aliud est, quàm divina essentia, quæ

ut

ut participabilis cognoscitur. Sunt enim ideæ velut sigilla quædam, quæ suas rebus imprimunt similitudines. *Namque omnia*, ut ait Augustinus, *sunt ratione condita, nec eadem ratione homo, quæ equus; hoc enim absurdum esset existimare: sed singula singulis sunt creata rationibus.* Omnis quippe artifex nisi temerè, & fortuito agat, necesse est, ut formam habeat mente conceptam ejus operis, quod molitur. Atqui DEum esse præstantissimum artificem, nec quicquam fortuito operari, omnibus in confesso est: ergo ideas rerum complectitur, ex quibus omnis formarum ornatus, distinctio, species, ordo denique proficiscitur. Nam multitudo quæque ad aliquam unitatem revocatur. Quare omnes homines, & idem de cæteris rebus esto judicium, in unâ conveniunt formâ aut ideâ, cujus participatione suam sortiti sunt naturam. Quid enim Socratem ab equo distingueret? Unde similis homini alteri foret, nisi à primâvâ suâ ratione, aut ideâ, per quam ejus essentia constituitur, in quâ cum aliis convenit hominibus; ac demùm secundùm illam ab aliis diversæ speciei, aut generis discernitur?

1. Ratio

2.

3.

Plura adderem è Platoniorum monumentis deprompta, quibus idearum scientia mirificè illustrari posset, nisi essent vulgo notissima. Illas verò mentis acie utrunque percipi existimavit Plato, eâ petis-  
simùm ratione ductus, quòd nec sinceram, nec stabilem de rebus scientiam habeamus, nisi formæ, aut species perfectæ, quæ semper sunt, & nunquam occidunt, animo cernantur. Cum enim corporales formæ indefinenter fluunt, de iis nulla cognitio haberi potest, nisi obscura, & variis erroribus obnoxia. Quod ut persuaderent nonnulli hoc utuntur exemplo, cum naturam hominis ut secretam ab omnibus individuis mente concipimus, quàm incertam, & confusam illius notionem effingimus? Sed ubi eandem naturam, ejusque attributa per se se, & citra ullum ad individua ordinem, eamque non ut participatam, sed ut participabilem contemplamur: tum demùm sinceram, & elaram illius speciem cernimus. Priorem quidem notionem à rebus, posteriorem mutuamur ab ideis; illa sit cum intellectus ad phantasmata deprimitur; hæc verò menti ad ideas erectæ inseritur; tum quidquid idea rei in suo complexu continet, quæque in eâ includuntur velut in luce quâdam animi cernimus. Cum autem alicujus universalis notionem effingimus, illam utique ad multa, ut inferiora quædam extendimus, aut alias quibus arctatur ideas detrahimus: ut cum triangulum nulli materiæ, aut loco additum, atque ut quiddam multis commune concipitur: tum quæ non sunt divisa secernuntur; atque ut quoddam universale, quod-

III;

Omnis sci-

entia ex

Platone, in

cognitione

idearum

posita est,

Cccc 3

que

que latissime pateat, observatur animo: confusum tamen, & indeterminatum id cogitatione depingitur. At si illius attributa spectentur, exempli gratia, quod tres ejus anguli duobus rectis æquantur, tum sanè id dilucidè, & distinctè percipio. Id mente consequi non possumus, qui possit illa tot abstractiones efficere, aut ideas universales sibi exhibere, nisi res ipsas in quodam ente comprehensas & velut conclusas intueatur. Quare, ut spatium est locus corporum, sic mundus intelligibilis, & idearum plenus, est velut animorum locus. Atque ut generalis illa in bonum universum impulsio, in omni affectione nostra dominatur; sic naturalis DEI, aut entis ipsius cognitio à naturæ autore nobis insita, in omni perceptione nostra sic occurrit, ut rerum ideæ, quas habemus, non aliud sint, quàm quædam illius naturalis cognitionis determinationes: uti omnes voluntatis in res creatas motus primum illum, & generalem in bonum, seu in creatorem, motum, certa ratione inflectunt aut determinant. Neque hinc sequitur, ut vir doctiss. pulchrè observat, nos aut DEI essentiam, aut ideas intueri; sed res ipsas in DEO, aut in ideis conspiciamus. Quod enim cernimus, est finitum, aut divisibile. Non igitur ideam circuli, sed circulum in idea contuemur: nec ideam, quæ menti est intima, sed circulum, ut extra nos positum, videre nobis videmur. Ad hanc velut absolutam circuli rationem, tanquam ad certam regulam, quos oculis cernimus, omnino exigimus.

Ista quidem de ideis paulò uberius differuimus, quòd in earum explicatione pars magna philosophiæ Platonici versetur. Atque, ut mihi videtur, Socrates hanc sublimem, & penè divinam scientiam, hauserat ex Pythagoreis, qui unitatem, & numeros, ut prima rerum exordia statuere: neque enim numerorum voce aliud quiddam ab ideis diversum intellexere: ex iis quippè, ordo, species, modus, distinctio denique omnis repetitur.

## IV.

Quid numeri  
apud  
Platonicos.

Quocirca numeri apud Platonicos vel sunt ideæ, vel earum quasi radii, qui in rebus creatis resurgent. Hinc per varios numerorum gradus ab ipsâ unitate, quâ omnia continentur, usque ad formas rerum sensibiles descendunt. Est enim numerus quidam semper manens, quem locorum spatia non distendunt, nec temporum vicissitudines mutant, de quo Scriptura loquitur, cum ait: *Circumvi ego, ut scirem, & considerarem, & quæverem sapientiam, & numerum. Quod nullo modo arbitrandum est*, ut pulchrè sanimadvertit Augustinus, de his numeris dictum, quibus etiam flagitiosa theatra personant; sed de illis credo, quos non à corpore accipit anima, sed acceptos etiam à summo DEO, ipsa potius imprimit corpori. Alii sunt numeri præter-

cuntes



cuntes quidem, non tamen per loca extensi, qui nihil sunt, quam seminariz rationes, quibus prægans natura concipitur. Sunt denique numeri & loco tumidi, & tempore mutabiles, qui velut extrema idearum vestigia formis corporeis imprimuntur.

Illud porro non indignum est, quod admoneam, res spirituales apud Platonem numeris, ut corporales figuris designari. Neque enim per numeros divinos, animales, & naturales, aliud quam idéas, aut notions, aut vires seminarias, aut certè rerum sententias intelligit, quæ optimè numeris mathematicis, qui menti nostræ sunt cognationes, & propiores, exprimuntur.

Cùm autem omnis pulchritudo certâ numerorum ratione contineatur, de illa deinceps mihi dicendum videtur: quid enim aliud est quam æqualitas numerosa, vel quædam numerorum explicatio? *Quid si mens nostra*, inquit Augustinus, *cælum, terramque collustræt, sentiet nihil aliud sibi placere, quam pulchritudinem, & in pulchritudine figuras, & in figuris dimensiones, & in dimensionibus numeros.* Hæc finitur à Platone splendor, & fulgor boni: nam ut splendor lucem, sic pulchritudinis species latentem intus bonitatem nobis exhibet. Ea quippè mentem vi suâ illicit, atque ad boni possessionem nos ducit. Itaque pulchritudo exterior, est bonitas interior: hæc in medullâ, & radicibus arboris delitescit; illa in floribus micat. Bonum quidem latius patet: est enim omne quod appetitum allicit, aut alteri convenit, aut se se diffundere affectat: pulchrum, verò, ut optimè definit sanctus Thomas, est id, cuius cognitio placet: nec quiequam aliud est, quam blanda quædam facies boni. Cùm enim bonum vires rerum cognitioni destinatas vi suâ implet, tum, pulchri rationem induit. Nec pulchra admodum iudicamus, nisi quæ distinctâ, & dilucidâ cognitione perspicimus. Hinc ea tantum sensibilia, quæ visu, vel auditu attingimus, pulchra decernuntur: reliqua ut suavia, aut jucunda sint, pulchra nemo nisi incipè dixerit, quod visus, & auditus ad rationem propius accedere, & perfectiorem de suis objectis notitiam habere videantur. Quò verò cognitio est accuratior, hoc pulchritudo melius percipitur, & magis arridet. Quare intellectus, qui intima velut rerum viscera penetrat, pulchritudinis iudex est incorruptus. Cùm enim objectum cognitionis sit verum, quo veritas, melius exprimitur, eò perfectior existit scientia. Unde species rerum bruta non movent: quæque acri, & attentâ cogitatione non excipimus, minùs formosa nobis videntur; & in unaquaque arte soli artifices de operum formis perfectè dijudicant.

V.

VI.

De Pulchritudine.

Hinc

Hinc Platonici triplicem distinguunt pulchritudinem, animi, corporis, & vocis. Species animi longè maxima est, cum sit quasi imago divinæ pulchritudinis: cum enim pulchritudo creaturarum sit velut radius quidam divini vultûs: quò magis ad illud profundum pulchritudinis pelagus ( ut loquitur Plato ) accedunt, eò sunt formosiores. Nam ut idem docet in Phædone, pulchra sunt omnia, quia ipsum pulchrum participant; quantò igitur res suo fonti sunt viciniore, tantò sunt pulchriores, quia suam ideam meliùs exprimunt, inidè & puriores, & veriores existunt: est quippè pulchritudo quædam species boni. Atque ut res melior, sic pulchrior existit: est autem melior, & perfectior, quò plus essentia, ac veritatis obtinet: cum videlicet maiorem habet unitatem cum magnâ virtute conjunctam. Sic DEUS, qui simplicissimus est, & potentissimus, pulchritudinis, & bonitatis apicem tenet, à quò ut à centro in omnes creaturas proficiscitur, eò impurior, quò remotior. Siquidem DEUS efficit omnia, convertit, ac perficit: creat per suam bonitatem, quam omnibus impertitur, convertit ad se per suam pulchritudinem, implet, & perficit per voluptatem, quâ omnes creaturas sensûs, & rationis compotes, cum redeunt in suum principium, perfundit. Hinc bonitas rationem habet principii, à quo fluunt omnia; pulchritudo est tanquam medium, per quod resfluunt; delectatio est finis, in quo quiescunt universa. Bonitas est velut semen, cujus flos est pulchritudo; atque ut ex flore semen, & ex semine flos vicissim nascitur; sic pulchritudo nos allicit ad bonitatem interiorem, quæ rursus ex se pulchritudinem fundit; adeò ut pulchritudo sit quasi circulus quidam divinæ lucis ( ut optimè Ficinus ) à bono manans, in bonum residens, ad bonum per bonum sempiternè reflexus.

## VIII.

De pul-  
chritudine  
corporum.

Tria sunt, quæ ad pulchritudinem exiguntur ut docet sanctus Thomas. 1. Est perfectio, seu integritas, quæ illius relationis, in quâ bonitatis, & pulchritudinis rationem ponunt, est fundamentum. 2. Est claritas quædam, seu nitor: unde à Cicerone definitur debita membrorum congruentia cum quâdam coloris suavitate. 3. Est apta proportio. Hinc plerique Peripatetici existimant rationem pulchritudinis in illâ proportionem esse constitutam: nimirum in modo, specie, & ordine; seu in quantitate debita, in nitore, vel claritate, & in aptâ partium dispositione, sive in iustè partium intervallo. Reclamant nihilominus Platonici, & negant rationem pulchritudinis in illâ proportionem esse repositam: nam simplicia, quæ sunt, eadem sunt & pulchra, ut lumen. Res item spirituales longè sunt pulcherrimæ; tamen omnis partium.

pro-

proportio, ac concentus ab illis procul abest. Nihilò fecius conciliari facile possunt, si dixerimus pulchritudinem duntaxat rerum corporcarum & compositarum in illa proportionem esse constitutam.

Partium consonantia, ac proportio duplex est; altera subiecti, in quo residet, altera accipitur penes organum, & facultatem, quâ pulchritudo percipitur. Cum enim pulchritudo sit splendor bonitatis, seu perfectionis intus latentis, nihil erit quàm congeries omnium dispositionum, quas res unaquæque exigit, ut functiones suas commodè exerat. Quocirca (ut optime observavit eximius Chàmbræus) tamen color viridis sit longè pulcherrimus, ac visui nostro maximè attemperatus, nihilominus non ubique convenit; nec deceat barba viridis; quia depravati temperamenti foret argumentum; sic vox gravis, quæ viros decet, in mulieribus indecora est. Ergo ut sanitas in aptâ humorum temperie, sic pulchritudo in concentu omnium dispositionum posita est. Tamen lux est in se pulcherrima, nihilominus magis aridet nobis viridis color. Quid ita? nisi quia organo visus melius attemperatur: sensus enim non ad destructionem, sed ad tutelam, & conservationem corporis a naturâ concessi sunt: unde sensibilia quæ propriè constitutioni, ac temperamento adversantur, minus pulchra judicantur: sic nimiam lucem ferre non possumus, & colores qui temperato tinguntur lumine, suaviore, ac pulchriore nobis videntur. Sed unde illud pulchritudinis judicium? Quas illius leges sequimur?

IX.

Vnde illud  
pulchritu-  
dinis cri-  
terium.

An fortè insidet in mente nostrâ species quædam pulchritudinis ad quam ea, quæ cernimus comparata referuntur: cumque illi formæ vel idæ, quam tenemus animo comprehendimus, magna ex parte conveniunt, tum pulchra aut formosa judicantur. Est quippe humana mens imago divinæ mentis, atque illius summa, & uniformis pulchritudinis quosdam velut radios, aut characteres impressos habet, quos tum consulit, eum de rerum specie, ac pulchritudine decernit. Itaque Augustinus cum multis in locis, tum maxime in libris de Libero

Lib. 2.

Arbitrio, scilicet, ut cœtera, explicat. Quoquò, inquit, te verteris, vestigiis quibusdam, quæ operibus suis impressit, loquitur tibi Deus, & te in exteriora reludentem ipsius exteriorum formis intrò revocat, ut quidquid te delectat in corpore, & per corporcos illicet sensus, videas esse numerosum, & quæras unde sit, & in te ipsum redeas, atque intelligas, te id, quod attingis sensibus corporcois, probare, aut improbare non posse, nisi in te habeas quosdam pulchritudinis leges, ad quas referas, quæ pulchra sensus exterioris. Hoc ipsum Tullius disertissime tradit, atque ut certum statuit, nihil esse in ullo genere tam

Lib. qui  
O ator in-  
scribitur.

Dddd

pulchrum

pulchrum, quo non pulchrius id sit, unde illud, ut ex ore aliquo, quasi imago exprimitur, quod neque oculis, neque ullo sensu percipi potest, cogitatione tantum, & mente complectimur. Itaque Phidiaz simulachris, quibus in illo genere nihil perfectius videmus, cogitare tamen possumus pulchriora. Nec verò ille artifex cum faceret Jovis formam, aut Minervæ, contemplantur aliquem, è quo similitudinem doceret: sed ipsius in mente insidebat species pulchritudinis eximia quædam, quam intuens; in eaque defixus, ad illius similitudinem, artem & manum dirigebat. Est igitur in formis, & figuris aliquid perfectum, & excellens, cujus ad excogitatam speciem referuntur ea, quæ sub oculos cadunt.

Nonne animus quandam in se continet vocum omnium & sonorum mensuram. Notat quidem ars, qui verborum, qui sonorum modi efficiant voluptatem: sed eos tamen numeros, ut idem Tullius docet, aures ipsæ tacito cum sensu sine arte definiunt: perfecto completoque verborum ambitu gaudent, & curta sentiunt, nec amant redundantia.

Neque id nos conturbet, quod diversa sunt adeò & dissidentia non variarum modò gentium, sed etiam ejusdem nationis hominum de pulchritudine judicia. Quod si enim, inquires, à naturâ eruditus oculos habemus, eaque pulchritudinis judicium in animo collocavit, & speciem pulchritudinis menti impressit; quid est cur homines in iis non conveniant? Id, inquam, movere nos non debet, cum unusquisque insitam pulchritudinis imaginem ad ea transferat, quæ vel consuetudine, vel opinionis errore, vel temperamenti pondere sibi aptiora, & magis consentanea dijudicat. Atque in hoc, ut in cæteris, non proprium cujusque, sed communis rationis adhibendum est judicium: ac universim pulchra sunt censenda, quæ aptam & suo generi debitam hæc sunt perfectionem. Neque idea pulchritudinis, quæ in mentibus nostris hæret, omninò est evoluta, neque ex eadem velut parte ab omnibus conspicitur, & phantasmatum turbâ, vel perturbationum æstu non mediocriter obscuratur.



## CAPUT QUARTUM.

## De Mundo animali, &amp; seminario.



Uoniam omnium rerum gradus persequimur, ab intelligibili mundo, ad rationalem, vel animale[m] descendere oportet: quanquam nihil habeo ferè dicendum de illa animâ, quam Plato suam per omnes mundi partes fingit. Hoc enim commentum à multis refutatam jam inter ineptias evanuit. Neque ita otio, & literis abuti velim, ut exoletas Veterum opiniones, aut defendam, aut oppugnem. Nec verò dubium est, quin Plato hoc universum instar hominis, vitâ, sensu, & intellectu esse præditum crediderit: cum absurdum illi, & Stoicis videretur partem vivere, non totum; cum mundus generet animantes, nec quod animi est experti generare possit animalia, cum nullius rei sensu carentis pars aliqua possit esse sentiens, ac mundi partes sentientes sint: cum intelligens non sit intelligente præstantius, ac mundus sit quiddam optimum, & pulcherrimum: cum denique mundus unum quoddam sit corpus, cujus partes, ut in animalibus inter se aptæ, & colligatæ sunt, quod fieri minime posset, nisi unius spiritûs, atque unius animæ vis eas inter se devinciret.

Quod si non aliud visum est Platonî, quam partes universi spiritu quodam æthereo rationibus seminariis facto contineri: aut per mundi animam non aliud quiddam intelligi voluit, quam Deum ipsum, qui partes universi dispersas continet, & administrat: adeo ut primi, & intimi motoris titulo huic universitati præsit, sèrmè ut anima corpus movet, & tuetur: nisi quod formæ ratio procul à Deo abest: nihil à ratione, nihil à fide alienum sentit. Nam idem est gubernator naturæ, & ejus Creator, ac frustra quicquam conderet, quod idem non posset conservare, vel regere.

Sed id nec dubium est, & si quid habet questionis, hoc tamen ipsum ad id, quod propositum est, non pertinet. Ne illud quidem queri debet, quid de mundi animâ sentierit Plato: nam ipse in Timæo opinionem suam apertissimè exposuit. Postquam enim docuit, unum esse mundum, quia ad unius factus est exemplum: addit, eum esse pulcherrimum, quodq[ue] Deus illi formam concesserit sibi maxime cognatam, & decoram. A quo enim, inquit, animante omnes reliquos

Dddd 2

vellet

I.  
De Mun-  
di animâ  
juxta Pla-  
tonicos.

II.

vellet contineri animantes, hunc eâ formâ figuravit, quâ unâ omnes reliquæ formæ concluduntur. Ergo globosus est, cujus omnis extremitas paribus à medio radiis attingitur, eumque ita tornavit, ut nihil effici possit rotundius; ut nihil asperitatis haberet, nihil offensionis, nihil inclusum angulis, nihil anfractibus, nihil eminens, nihil lacunosum, omnesque partes essent sui simillimæ, quoad ejus præstabat judicio dissimilitudini similitudo. Nec oculis egebat, quia nihil extrâ, quod cerni posset, relictum erat; nec verò desiderabat aut alimenta corporis, aut detractionem confecti, aut consumpti cibi; neque enim ulla decessio fieri poterat, neque accessio; neque verò erat unde: ita seipse consumptione, & senio alebat sui, cum ipse per se, & à se pateretur, & faceret omnia. Hæc quidem politè, & copiosè, sed minis probabiliter dicuntur.

## III.

*Refellitur  
illa senten-  
tia.*

Quid enim absurdius, quàm fingere animal ex aliis infinitis compositum, seipsum depascens, nec visum, neque alio sensu præditum: cum omnibus organis, & sensum officiis delectatur? Quid enim! si terra sensu viget, crudeles sumus, qui illam aratris scindimus, effodimus, & omni genere laboris vexamus. Nonne hæc sunt portenta, & miracula non differentium Philosophorum, sed somniantium? At verò intelligens non intelligente præstantius; nihil melius mundo generantur ex mundo animantes, non adeò expers erit animi. Hæc si placent, efficiens mundum, & disertum, & mathematicum, & tibicinem! Nam earum quoque artium homines ex mundo procreantur. An necesse est, ut totum universum intellectum, vel sensum sit prædium? Nonne satis erit, si partes illius quædam, mentis, & rationis, & vitæ sint compotes? Sed nobis non licet his fabulis credere; nec subtiliorem ratione opus est, ut resellantur, quæ minimè defenduntur. Nunc igitur quæ ad veritatem propensiora sunt, videamus; ac de mundo seminario, vel naturâ, id enim proximum est, differamus.

## IV.

*Quid natura.  
Lib. de  
sensibus.  
c. 1.*

Naturam Platónici in archetypam, & ectypam secant: de illâ primum, & accuratius dicendum puto. Quomodo ab iis finiatur, jam alio in libro exposui, sed plenior ejus rei tractatio ad hunc locum videtur pertinere. Est igitur natura archetypa ars Dei in materiâ. Natura quippè principium est innumerabilium propè rerum, quæ sine summâ, & incomprehensibili ratione perfici non possunt; neque id principium aliud quiddam esse potest, quàm ars omnipotentis Artificis. Quid enim ars, nisi virtus quædam, ad cuius leges mente conceptas opifex ea dirigit, quæ operatur extrinsecus. Jam quis dubitat eadem arte, res omnes administrari, & quodammodo reparari, cum perire, quâ primum creatæ sunt? Quid igitur natura, nisi ars divina,



divina, juxta quam omnia sunt ordinatissima? An fortè vis illa, quæ tam artificiosè progreditur, cujus solertiam nulla ars, nulla manus, nemo opifex consequi potest imitando, expers erit rationis, atque ordinis? An cum machinatione quâdam, ut loquitur apud Marcum *Lib. 2. de Nat. Deor.* Tullium Balbus, moveri aliquid videmus, ut spheram, ut horas, ut alia permulta; non dubitamus, quin opera illa sint rationis: cum autem impetum cœli admirabili cum celeritate moveri, vertique videamus, constantissimè conficientem vicissitudines anniverfarias, cum summâ salute, & conservatione rerum omnium: dubitamus quin ea non solum ratione fiant, sed etiam excellenti quâdam, divinâque ratione? Aut verò alia quædam natura mentis, & rationis expers hæc efficere potuit, quæ non modò ut fierent, ratione eguerunt, sed intelligi qualia sint, sine summâ ratione non possunt. Et sanè meliora sunt ea, quæ naturâ, quàm illa, quæ arte perfecta sunt: nec ars efficit quidquam sine ratione: non igitur natura rationis expers est habenda. Nisi fortè Archimedem putes plus xaluisse in imitandis spheræ conversionibus, quàm naturam in efficiendis; aut tabulam pictam cum aspexeris, aut procul navigii cursum cum videris, non dubites, quin in tabulâ sit ars adhibita, ut navigium ratione, atque arte moveatur: mundum verò sine consilio, & arte summâ, aut effici potuisse, aut gubernari existimes? Quod si concursus atomorum, vel cærens mente natura, ea quæ videmus effecit, quæro (inquit Firmianus) cur facere cœlum potuerit, domum non potuerit? Non igitur *Lib. de ira Dei.* tanta rerum magnitudo, tanta dispositio, tanta in servandis ordinibus, temporibusque constantia, aut olim potuit sine provido artifice oriri, aut constare tot sæculis sine incolâ potenti, aut in perpetuum gubernari sine perito rectore.

Ad nos quidem nimis multa de re apertissimâ: neque id suscepimus, ut de providentiâ divinâ, quæ sanè ab archetypâ naturâ non *V. De providentiâ, & mundi regimine.* sejungitur, longam disputationem texeremus; id enim non hujus est operis. Sed tamen cum de rerum naturâ omnium artifice, & mundi regimine verba facimus, necesse est, ut quæ ad providentiam pertinent, quæque illius fidem faciunt, argumenta delibemus. Neque enim summum naturæ artificium, quod maximè elucescit in generatione, & propagatione animalium, quodque omnium rerum creaturarum vires, & intelligentiam longè superat, omnino explicari potest, quin unâ sapientissimum artificem, ac potentissimum, qui omnia naturæ opera dirigit, velut in transitu, & propter viam contemplemur. Quis enim, ut Trismegisti vel incerti potius Autoris verba usurpem, *In Psalms. mand.* puellam, ac divinam hanc operatus est hominis imaginem? Quis ocu-

los tornavit? quis naves, & aures perfodit? quis nervos produxit, & alligavit? quis venas derivavit? quis ossa solidavit? quis pellem carni circumduxit? quis digitos separavit? An fortè anima est proprii corporis architecta, atque hujus tam admirabilis conformationis causa primaria? at nescit quibus partibus constet corpus, quod machinata est: ne id quidem comprehendit, quâ ratione proprias exerat functiones, quomodo membra moveat, quibus organis cibos conficiat.

Lib. de fa-  
sui cõform

Itaque mihi placet illa Galeni conclusio, quâ orationem omnem de animâ, quæ partes conformârit, omninò incertam esse, minimèque demonstrari posse decernit. At certè, inquit, ea manifestè indicare mihi videtur artificis, qui nos condidit, artificium, quod nemo, qui libero animo rem perpendet, in temerariam, rationisque expertem fortunam referre potest. Idem passim insinuat in libris de usu partium: sed mihi non est animus loca, & testimonia colligere, aut argumentis rem omninò perspicuam, de quâ inter omnes ferè constat, dubiam quodammodo facere; perspicuitas enim argumentatione elevatur. Nec verò quicquam est evidentius, quàm plantarum ortus, & incrementa; structuram animalium, naturæ denique totius regimen, & mundi administrationem, quæ nihil habet in se, quod reprehendi possit, (doceat enim aliquis potuisse melius) nec intelligi posse, nec perfici, citra divinum, & admirabili vi præditum artificem, qui, ut loquitur Lactantius, consilio utitur ad incipiendum, ratione ad disponendum, arte ad efficiendum, virtute ad consummandum, potestate ad regendum, & continendum.

# VI.

Qua ab  
Epicureis  
in contra-  
rium oppo-  
nuntur.

Sed iis se se opponunt Epicurei, & pertinacissimè negant providentiæ rationem, cum in mundi fabricâ, tum in procreandis animalibus quicquam molitam esse. Negant oculos ad videndum, aut pedes ad ambulandum esse natos, cum prius effecti sint fortuitâ quâdam atomorum concursione, quam esset usus videndi, vel incedendi. Nec placet illis divinam mentem, aut exemplaris, aut finis alicujus intuitu, partes animalium effingere: sed cum ex necessitate quâdam materiæ prodierint, earum officia, & usus postea innotescere arbitrantur: ita ut quæ diversam naturæ sunt atomorum texturam, diversis quoque motibus serviant. Nec mirum, si vis animæ in oculis cernat, in naris odoretur, cum istarum partium apta sit ad videndum & olfaciendum compositio. Quomodo, inquiunt, oculi ut viderent effecti sunt, cum antè nihil esset visum, & quid esset visio omninò nesciretur: illud omninò præposterum est, ut propter aliquid, quod nondum est, aut certè ignoratur, aliud jam natum esse credamus.

Nil

*Nil idcirco quoniam natum est in corpore, ut uti  
Possimus: sed quod natum est, id procreat usum.*

*Lucet.  
l. 4.*

Eandem fuisse Empedoclis, atque aliorum Philosophorum sententiam auctor est Aristoteles. Omnia videlicet necessitate quâdam oriri, ex quibus usus aliquis quæritur. Sic, inquit, Jupiter pluit, non ut augeat frumentum, id enim ex accidenti est, sed quia sublatis vaporibus, & frigore densatis, decidunt. Sic dentes non ut sciant, & terant cibum, sed ex materiæ necessitate facti sunt; usus postea accidit; spina dorsi propter contorsionem variè disfracta est: oesophagus, ventriculus, intestina, ex humoris præterfluxu sunt excavata; nares ex spiritu permeante disrumpæ fuerunt. Plura ejusmodi omitto, quæ disertè explicat, & optimè refellit vir maximi ingenij Gassendus.

Quid est enim, quod minus probari possit, quam tot animalium partes non divinâ moderante providentiâ, non arte summâ, non solertiâ mirabili, sed quâdam necessitate materiæ esse constitutas; neque utilitates earum esse provisas, sed casu quodam contigisse: cum id quod effici potuit optimum, effectum sit; ut neque ad usum meliores potuerint esse, neque ad speciem pulchriores. Corporis humani fabricam acriori animo perpende, quanta sit partium varietas, quam aptè inter se cohæreant, & mutuas operas in se se conferant; ut singulis partita sunt officia, ut nihil sit supervacaneum, nihil desit, nihil loco suo moveri, nihil immutari possit; quam sint omnia non modo ad usum, verum etiam ad venustatem conformata: tum verò etiam atque etiam cogita, an illa tam admirabilis machina sine artifice aptata fuerit. An nullus erit hujus ædificii architectus; sed ex fortuitâ quâdam atomorum consensione, quæ interjecto inani, volitantes cohererunt inter se, & aliæ alias apprehendentes, non humani modo corporis, sed omnium formas, & figuras effecerunt? An non illud summæ inscitæ est tam præclari operis, tam sapienter dispositi, causam nullam nisi cæcam, insipientem, & expertem consilii adducere? Non, inquit, oculus ad videndum natus est, non lingua ad loquendum, non mamma lactandis infantibus destinata; sed oculus ita forte quâdam, & atomorum incurfione constitutus est, ut luce percelli posset. Cumque linguam variis modis ærem verberare observatum esset, in eum postea usum est accommodata, ut mentis notiones, & conceptus suis motibus exprimeret. Sic contigit ut mamma in feminis lactesceret, non à naturâ provisum est, ut infantes alerentur. An rationes quærendæ sunt, quibus hæc refellantur? Ergo ne oculus suis humoribus, & tunicis tam aptè constitutis, & uni visioni necessariis, non ut videat, sed casu quodam instructus est?

Et

VII.

Et uvea perforata, non ut radios transmitteret? Nec crystallinus tam commodam figuram hactus est, ut plures radios ex eodem objecti puncto prodeuntes, in unum quoque locum colligeret refractos? Nec denum oculi tenuissimis, & pellucidis membranis vestiti sunt, ut per eas cerni posset? Nullus à naturâ provisus fuit usus palpebrarum, sed forte ita evenit ut sint tegumenta oculorum? Nonne hæc sunt flagitia, & portentosa Philosophorum? Quid est quod aures minus pari possint, quam eas non consilio, non artificio divino, sed casu quodam extra eminere, & multis flexibus esse tortuosas; non ut sonos melius excipiant, atque ut ex flexuosis locis voces ampliores reddantur.

Sed mihi non est animus omnium partium usus persequi, id enim in alium reservandum est locum; nec quisquam ferè est adeo mente captus, qui dubitet humani corporis, ut & reliquorum animalium fabricationem, divinâ curâ esse perfectam: cum nihil præclarior, nihil sapientius effici possit. Ac nemo tam experts consilii & rationis est, qui sibi persuadeat cum Empedocle spinam non divinâ providentiâ, sed casu, & fortuito ex contortione esse contractam, aut stomachum, vel intestina humoris fluxu esse excavata. An potuit spina ex contortione illâ temerariâ tam aptè in vertebrae ethingi, quæ ob flexibilitatem, non callo ut ossium fragmenta, sed cartilaginis interventu cohererent, & medullam sinu suo continent, ex quâ nervi multiplici sobole fruticantur? An illa contortio & nervis exitum per apta foramina præbuit, & costas, quæ cor, & pulmones tegerent, produxit; alias quæ liberam ventriculo, & intestinis dilatationem permitterent, velut rescuit? An fortuitus aquæ lapsus os aperuit, stomachum suis membranis, & fibris instruxit, intestinorum gyros circumduxit, & tam exquiritè tornavit? Jam incredibilis illa varietas, quæ in partibus animalium cernitur; mirabilis solertia, & machinatio, quæ his data est ad sui custodiam, defensionem, & pastum, non erit minus provida, solertisque naturæ? Quid dicam de ortu animalium, an forte habitu quodam edocta est natura, ad ea, quæ casu effecit, iterum faciendâ; ut aqua per alveum: quem excavavit, dilabatur. Sed quis illam edocuit, nisi naturæ ipsius gubernator? Neque, ut optime ait Gassendus, natura eundem tramitem servans comparanda est cum torrente, qui sibi viam temere per campos prorumpens aperiat: sed cum aquâ, quæ per canales ab Aquilege constitutos fluat.

## VIII.

Respondetur  
in Epicu-  
rism.

Quæ autem contrâ opponunt Epicurei de animantibus, quæ sponte nascuntur ex quadam materiæ necessitate; de monstris, quæ à sapiente opifice non videntur effici posse; de partibus, quæ

quæ multis animantibus concessæ sunt, tamen nullius sint usus, quales sunt mammæ in hominibus; lingua in piscibus; & partes generationi destinatæ in mulis: ut e diverso si quod membrum defecerit; aliæ partes illius munus suppleant, ut quibus gingivæ ita induruerunt, ut cibum terant; aut qui manibus destituntur, pedibus eadem sæpè munia, quæ manibus solemus, obeunt. Ista, inquam, partim ex iis, quæ diximus, soluta sunt, partim ex iis, quæ suis quæque locis dicemus, faciliè diluuntur. Nam quæ sponte quâdam naturæ oriuntur, non temerè, sed ex certis seminibus in ipsius mundi exordio sparsis ab autore naturæ gignuntur. Monstra ad generalem Dei providentiam pertinent, quæ naturales causas à confucto agendi tenore non arceat, præsertim cum monstra mirabilem artificis in perfectorum animantium conformatione magis commendent. Nullæ autem animantibus partes concessæ à naturâ sunt, quæ ad certum usum, aut saltem ad venustatem non sint provisæ. Imò pleræque omnes varias habent utilitates, ut lingua, quæ & vocis explanationi, & saporibus dijudicandis servit. Quocirca in piscibus non omnino inutilis habenda est. Ac demum in hoc quoque mirari subit divinæ providentiæ consilium, quòd ubi pars aliqua animalis, aut materiæ vitio, aut aliâ ex causâ deest, alia membra suppleant ejus quæ deficit partis officium, ut quæ ad salutem, & sui conservationem necessaria sunt, parare possit. Rectè igitur Seneca: *Cogita-  
vit nos antè natura, quàm fecit: nec tam leve opus sumus, ut illi potuerimus excidere? Scias non esse hominem tumultuarium, & incogitatum opus. Inter maxima rerum suarum natura nihil habet quo magis gloriatur, aut certè cui gloriatur. Quantius iste furor est controuersiam Diis muneris sui facere?*

Lib. 6. de  
beneficiis.  
c. 23.

IX.

Objec. 2.  
Quod providentia  
videatur  
liberum  
arbitrium  
perimere.

X.

Resp.

Sed queri solent Epicurei tolli omne libertatis arbitrium, si providentia Dei cuncta moveat, regat, gubernet; quando nec Dei prævisio falli possit, nec voluntas frustrari, aut impediri: nihil fortunæ, nihil non fatali necessitati relinqui; cum quidquid accidit, id ex æternâ veritate, causarumque continuatione fluxerit. Hinc Velleius apud Tullium id cum Stoicis expostulat, quòd imposuerint cervicibus nostris sempiternum Dominum, quem Dies, & noctes timere-mus, Quis enim, inquit, non timeat omnia providentem, & cogitantem, & animadvertentem; omnia ad se putantem pertinere, curiosum, & plenum negotii Deum? His verò terroribus se ab Epicuro solutos, & in libertatem vindictos jactant, quòd nec metuunt Deos, quos intelligunt, nec sibi fingere ullam molestiam, nec alteri quæ-  
rere; & pie sanctèque colant naturam excellentem atque præstantem.

Hæc sanè cum levissima sunt per se, & falsa, tum in Epicurum  
Eeee revolv

*Lib. de  
fato.*

revoivi facillimè possunt. Quid enim magis puerile, quàm sibi, aut suæ libertati vim inferri à prænotione Dei, quæ omnino externa est rei cognitæ, arbitrari? At falli non potest. Quid tum? Ergo, inquiunt, ex æternitate verum fuit fore, ut ex hoc morbo convalescas, aut falsum. Itaque adhibere medicum nihil attinet; quid enim vel ex fati necessitate, aut ex æternâ veritate mutari potest? Hinc rectè, ut ait Cicero, genus hoc interrogationis ignavum, atque iners nominatum est, quod eadem ratione omnis è vita tollatur actio. De fato postea dicam, nunc prænotionem Dei, aut æternam veritatem nihil necessitatis asserre ostendam: non modò ex pervulgatâ Theologorum distinctione, quâ omne prævisum à Deo necessario futurum esse tantum ex suppositione, non absolutâ necessitate decernunt; sed etiam ex eo maximè, quod contingens ex naturâ suâ indefinitum sit. Exemplo utitur Ammonius globi in plano horizontis quiescentis, cujus indifferentia ad motum, aut quietem libertatis nostræ æquilibrium non malè exhibet: at si plani inclinatio fiat, jam non potest ut non moveatur; sic postquàm futura fuit voluntatis in alienam partem determinatio, sic quædam necessitas, sed ex suppositione tantum, quod se ipsam huc flexerit, aut futuram illam inclinationem Deus ab æterno præviderit. Cùm autem illius motus principium in nobis sit, quid est cur vereamur ne prænotio aliena necessitatis vinculo libertatem nostram constringat? Metuit videlicet Epicurus à prænotione Dei, nec turbulentam atomorum incurfionem, aut imaginum per inane volitantium, & animos nostros pulsantium reformidat. Et fanè si atomi feruntur in locum inferiorem suo pte pondere; si nihil animus nisi imaginum appulsu percipiat, quid erit in nostrâ potestate, cùm sit earum motus certus, & necessarius? Quod si aliæ alias impediunt, an non quæ potentiores sunt, debiliores eadem necessitate aliò inflectent? Nec quicquam erit in nobis situm, sed aliæ ex aliis consertæ causæ & imagines mentem abripient. Quod quidem Democritus auctor hujus philosophiæ non dubitavit, ut suis principiis consentaneum defendere: at Epicurus invenit quo modo illam necessitatem effugeret, declinatione videlicet atomorum, quæ aliqui suo pondere, & gravitate directè deorsum animum, vel invitum percellerent. Ita naturalem motum eripit atomis, easque sine causâ declinare statuit, & tamen si constanter loqui vellet, libertatem omnem perimeret, & fatali necessitati, ut Democritus cuncta alligaret.

**XL.**  
*Objct. 3.*

At, inquiunt, si in ipso mundo Deus inest aliquis, qui regat, qui gubernet, qui cursus aliorum, mutationes temporum, rerum vicissitudines ordinésque conservet, terras, & maria contemplans, homi-



hominum commoda vitamque tucatur, nihil erit fortuitum, nihil eventus ancipitis, nihil non fatale, atque ex illius nutu, ad quem rerum summa pertinet, stabunt universa.

Ergone præstans illa, atque excellens natura omnino cessabit, ne libertas nostra violetur; cumque nihil cessatione sit melius, si quid egerit, beatus esse non poterit? Quæ porro pietas ei debetur, à quo nihil acceperis? Quid est, inquit Corta apud Tullium, melius aut præstantius bonitate, & beneficentiâ? Quid absurdius, quàm Deum fingere nihil cuiquam tribuentem, nihil gratificantem, omnino nihil curantem, nihil agentem? At si Deus cuncta moderetur; nihil erit contingens: id fallum, cum is rerum naturas non tollat, sed vi suâ conseruet, & tueatur. Nihil erit fortuitum, ita est, sic ad Dei scientiam quæque referantur.

Quid enim fortuna, nisi ut Lactantius finit, accidentium, rerum subitus, atque inopinatus eventus? Tolle ignorationem illius eventus, quæ à Deo procul abest, nihil est quàm naturalium causarum concursio quædam, quæ præter opinionem, aut intentionem nostram fit: sed causas illas concurrere facit ordo ille, qui de providentiæ fonte descendens, cuncta suis locis, & temporibus disponit. Qui verò omnium connexionem seriemque causarum, quâ fit omne, quod fit, fatum appellare voluerit, sententiam, inquit Augustinus teneat, linguam corrigat. Non utique illam Democriti ineluctabilem ex necessitate materiæ, aut atomorum motibus contextam seriem causarum, quæ nihil relinquit in libertatis arbitrio; non mundi animam cum Platonicis, non vim motricem materiæ cum Chrysippo, aut Parcarum fila, aut siderum aspectus sati nomine signamus: sed aut naturæ legem cum Platone, aut causarum naturalium, quæ tamen impediri possunt, contextum cum Aristotele intellegimus. *Necessitas verò illa omnium rerum actionumque, quam nulla vis rumpat, cui etiam Dii omnes, & ipse Jupiter pareat, quæque à Chrysippo apud Aulum Gellium finitur, sempiterna quedam, & indeclinabilis series rerum, & catena volvens ipsa se se, & implicans per æternos consequentiæ ordines, ex quibus apta, connexaque est, & Philosophia omnino pellatur, ut libertati nostræ insensa, & omni vita rationi inimica.* Nam ut duplex sit causarum genus, atque aliæ sint principes, aliæ adjuvantes; illæ antecedentes, hæ proximæ, quæ in nostrâ sint potestate, ut adhibere medicos, & similia: quemadmodum solent Stoici distinguere. Atque ut cylindri, & turbinis exemplis quantum volent utantur, quo nobis explicent animum extrinsecus; ut Cylindrum pulsari, quo moveri incipiat; id autem cum acciderit, jam suapte naturâ vel Cylindrum, vel turbinem volvi; & ani-

Resp.

Nec Dei  
providen-  
tia rebus  
contingen-  
tiam adi-  
mit.

Quid for-  
tuna.

L. 5. de  
Civitate Dei,  
c. 8.

Quid fa-  
tum.

mum assentiri, postquam speciem ab objecto viso impressam, aut signatam acceperit. Hæc sanè ad summum efficiunt, nos ex dimidio tantum esse liberos, nec principium motionis in nobis esse, sed ex antecedentibus causis; atque ex iis omnia naturali colligatione confectè fieri, adeo ut omnia necessitas efficiat.

Quocirca illud omnino fatendum est, providentiæ Dei causas omnes cum necessarias, cum liberas ita subesse, ut suo quæque modo agant, & moveantur. Illæ ex necessitate; hæc quidem ex libertate. Ac nihil absurdius est, quam libertatem nostram, quam in nobis experimur, cujus ita sumus conscii, ut nihil sit lumine naturali illustrius, negare velle, quod eam vix cum divinâ omnipotentia, aut providentiâ, quam propter intellectus nostri angustias non comprehendimus, possimus conciliare. Nec mirum, si vis animi finita satis quidem habeat lucis, quâ Dei providentiam percipiat; neque omnia, quæ ad illam pertinent, investigare possit: ac semper meminisse debemus, nos quidem finitos esse, Deum verò infinitum; neque adeo quod in nobis est liberum arbitrium tollere oportet, quod cum divinâ voluntate, quæ extra nos est, quamque animi nostri capere non possunt, vix componere valeamus: id enim ex nostrâ duntaxat ingenii infirmitate oritur.

Quare facessat illa gloriosa Stoicorum philosophia, quâ negant fata commoveri prece, aut misericordiâ flecti, aut gratiâ; sed cursum fervare irrevocabilem, & destinato fluere. *Quemadmodum, inquit Seneca, rapidorum aqua torrentium in se non recurrit, nec moratur quidem, quia priorem superveniens precipitat. Sic, inquit, ordinem rerum sati æterna series rotat, cujus hæc prima lex est, stare decreto.* Profecto vix intelligo, qui possint ista cum libertate convenire, cum votis, & precibus, quæ Deo funduntur; cum virtutibus, & vitiis, cum iis denique, quæ intra subijcit. *Quadam à Diis immortalibus suspensa ita relictæ esse, ut in bonum vertant, si adnota Diis preces fuerint, sic vota suscepta. Fatum est, inquit, ut hic disertus sit, sed si literas didicerit. Addit illud tamen, ne à rigidâ Stoicorum secta videatur recedere, ab eodem fato contineri, ut literas discat; idèò discet.* Quod si sati nomine, nihil aliud, quam divinam dispositionem intelligat, ut in libro de Providentiâ passim innuit: nec ita nos regi imperio divino statuat, quin nos etiam ad nutum voluntatis nostræ moveamur, atque in nobis motionis nostræ principium sit; non multum mihi videtur abhorre ab iis Theologis, qui res omnes ex decretis divinis suspèdunt, & physicam prædeterminationem admittunt.

Lib. de

Prov. 6. 5.

*Olim, inquit Seneca, constitutum est, quid gaudeas, quid flear. Ille ipse*

*ipse omnium conditor, ac rector scripsit quidem fata, sed sequitur.* Cum tamen non soli providentiæ, quæ attingit à fine usque ad finem fortiter, & disponit omnia suaviter, sed longo causarum fatalium ordini, omnes eventus etiam ancipites tribuat, in eo sanè exculari non potest, atque ab omnibus Theologis, ut ab ipsâ veritate longè deflectit. Melius Plato apud Plutarchum negat fati omnia fieri, quamquam nihil non fati, seu potius divinâ ratione contineatur. Scitè enim, ut notat Gassendus, fatum cum jure civili comparat. Quidquid lex complectitur, id non est legitimum, sed illud solum, quod lege præscriptum est, legitimum appellatur: simili prorsus ratione ea tantum fatalia dici debent, quibus causæ necessariæ, & fatales aptatæ sunt; reliquâ fati dumtaxat, vel potius divinâ providentiâ continentur.

XII.

Fatum verò Platonice triplex est, divinum, cœleste, & naturale. Divinum nihil aliud est quàm Dei ordinatio, seu, ut placet Stoicis, legis perpetuæ, & æternæ vis, quæ quasi dux vitæ, & magistra officiorum sit. Cœlestium causarum connexio, quatenus vim habent universalem in hæc inferiora, fatum est cœleste. Series denique causarum naturalium fatum naturale appellatur. Jam cuncta ex divinæ mentis stabilitate motus suos, generationes, & progressum ordinem repetunt: qui quidem ordo in conspectu divinæ mentis existens, providentia dicitur; quatenus verò in ipsis rebus inest, fatum nominatur. Providentia igitur, ut Boëtius disertè explicat, est divina ratio in summo omnium Principe constituta, quæ cuncta disponit, ac dirigit. Fatum est inhærens rebus mobilibus dispositio, per quam providentia quæque suis necit ordinibus. Illa quidem ordinis temporalis explicatio in divinæ mentis adunata prospectu, providentiæ est; eadem verò adunatio digesta, atque explicata temporibus fatum erit. Jam quæ Deus providentiâ stabiliter disponit, eadem fato multipliciter, ac temporaliter administrat: quòque longius aliquid à primâ mente discedit, eò majoribus fati nexibus explicatur, ac tantò aliquid fato liberius est, quantò illum rerum omnium cardinem viciniùs petit: Uno verbo, ut concludit Boëtius, quod est ad intellectum ratiocinatio; ad id quod est, id quod gignitur; ad æternitatem tempus; ad punctum medium circulus, hoc est fati series mobilis ad providentiæ simplicem stabilitatem.

XIII.  
Objec. 4.

Nunc dissolvendum est aliud Epicureorum argumentum adversus providentiam. Deus, inquiunt, aut vult tollere mala, & non potest; aut potest, & non vult. Si vult, & non potest, imbecillus est, quod in Deum non cadit; si potest, & non vult, invidus, quod æque alienum à Deo: undè ergò sunt mala? Quæ quidem interroga-

Ecce 3

tio

gio hoc magis urget, quod Deum ita regere naturas arbitremur, ut citra illius motionem, aut concursum nihil agere, nihil moliri possint, adeo ut difficillimum videatur, Deum à peccati consortio eximere, si suâ providentia cuncta administret.

*Respons.*

*Cur Deus permittat mala.*

*In Enchyr. & aliis passim.*

Multa sunt, quibus formidolosum hoc argumentum diluamus: ac primò nihil absurdi est, si Deus res finitas & defectibiles condiderit, & multa in libero hominis, vel Angelorum arbitrio reliquerit. Quid enim cum Deo expostulare possumus, si nos ita creavit, ut errare nobis liceret, & summam perfectionem, quâ deficere non possemus, non dedit? An potius grati esse debemus, quod tanta munera acceperimus, non queri, quod plura non dederit. Neque tamen Deus auctor mali futurus est, quod eam perfectionem non concesserit, quam dare non tenebatur. Id verò concedimus, Deum permittere malum: nam ut ait Augustinus, *ut naturarum bonarum optimus est creator, ita malorum voluntatum est iustissimus ordinator.* Quin etiam malum sup loco positum, & ordinatum, ad pulchritudinem universi conspirat. *Neque enim Deus omnipotens (quod etiam Infideles fatentur) rerum cui summa potestas, cum summè bonus sit, nullo modo sineret mali aliquid esse in operibus suis, nisi usque adeo esset omnipotens, & bonus, ut bene faceret etiam de malo.* Sic totum istum agonem decenter edit incommutabilis divina providentia, aliud victis, aliud certantibus; aliud victoribus, aliud quietis, & solum Deum contemplantibus tribuens. Est enim iustitia pulchritudo cum benignitatis gratia concordans, ut quoniam bonorum inferiorum dulcedine decepti sumus, amiritudine paenarum erudiamur; & est pulchritudo universa creatura per hæc tria inculpabilis, damnatione peccatorum, exercitatione iustorum, perfectione Beatorum. Quod verò Deus suum concursum etiam malè agentibus accommodet, id cum peccati communionem non obligat; cum malum nihil sit quàm defectus, qui à creaturâ, non à creatore descendit: hic enim causæ universalis nomine, quicquid rei, aut boni est in effectu producit, sed res creata sola deficit, aut peccat.

XIV.

*De concursu divi no.*

Quamquam non desunt, qui cum Durando negent concursum divinum quicquam esse à conservatione distinctum. Nam vel una, & eadem erit actio Dei concurrentis cum causâ secundâ; vel diversa: illud defendi non potest, cum actio nihil sit ab agente, & effectu discretum, neque adeo possit esse eadem operatio, ubi & vis operatrix, & agens duplex invenitur. Quod si igitur duæ sint actiones Dei, & hominis: cedo an altera sit prior? Jam si ita est, eadem actio totum effectum procreabit, & posterius

posteriori actum aget. At forte simul erunt: ergo altera erit super-  
vacanea, cum unaquæque planè sufficiat. Quis enim neget ignem  
solum posse calefacere.

Ego sanè nolim à communi sententiâ recedere; sed cum in eo  
concurrit explicando magna sit Philosophorum dissensio, & unicui-  
que liberum sit iudicium; iis potissimum assentior, qui rem totam,  
& facilius, & simplicius evolvunt: ac providentiam Dei non modò  
cum libertate nostra conciliant, sed etiam ab omni omnino mali  
communione secretam apertius ostendunt. Quid ergo? Si dixerimus  
cum Magnano, & aliis, ut actionem, sic motum, non esse rem ali-  
quam ab agente, & effectû; à motore, & mobili distinctam: adeo  
ut per motum etiam localem nihil novi fiat, nihil producat. Lo-  
cus enim, qui ex translatione corporis acquiritur, jam antè erat, nec  
de novo procreatur: nihil sanè à ratione alienum, nihil, quod sensus  
communis respuat, dicturi sumus. Cum ergo res aliqua aliam mo-  
vet, nihil fortè in eam diffundit; quid enim illud esset? Sed cum vi  
ingentâ, seipsam è loco in locum transfert, rem aliam, quæ sibi  
conjuncta est, loco pellit; cum utraque sit impenetrabilis, & in eo-  
dem loco ambæ non possint consistere. Cum verò Deus rem ali-  
quam movet, quid aliud quàm illam in variis locis continuatâ, &  
minimè interruptâ successione conservat, aut indefinenter creat? Est  
enim, ut sæpè diximus, conservatio rei continuata productio. Jam  
Deus rem aliquam nonnisi in aliquo creat loco: tam enim absurdum  
esset rem effici nullibi, seu nullo in loco, quàm nullo in tempore;  
neque hæc duo sunt re, sed tantum ratione distinguenda, rem pro-  
duci simpliciter & creari alicubi: ergo cum res ipsa in duobus, aut  
pluribus locis successivè producit, rationes illæ locorum nihil erunt  
ab ipsâ creatione diverſi; & solâ cogitatione discernentur. Ita ut  
si quid in variis locis successivè creatur, aut quod eodem recidit,  
conservatur, id omni alia re detractâ, hocque solo moveatur à Deo.  
Nec necesse est aut novam qualitatem, aut novum ubi comminisci:  
sed ut rem Deus loco moveat, id omnino satis est, quòd eam in plu-  
ribus locis conservet. Quod si enim, ut diximus, idem esse creare,  
& in loco producere; cum res effici non possit nullibi; nec loco-  
rum numerus quicquam novi addat: quòd aliquid in pluribus locis  
successione quâdam creetur, in nullam rem, vel entitatem ipsi crea-  
tioni, aut conservationi, sed rationem duntaxat, aut diversum  
concipiendi modum, formalitatem alii vocant, adjicit: atque ut  
uno verbo, quod differi pluribus potest, absolvam: cum Deus movet

creatu-

creaturam, nihil aliud quam eam in variis locis tuetur, & creat. Actio tamen Dei diversa omnino est ab actione creaturæ; cum sint duo agentia: tametsi ob ejusdem effectus unitatem, eadem actio juxta communem concipiendi, & loquendi modum habeatur. Cum autem Deus agat liberrimè, potest non modo operari, cum vult, sed etiam cum aliæ causæ exigent. Quid verò tum efficiet? Eas utique conservabit in tali loco, aut tempore, juxta earum exigentiam; idque erit concurrere cum creaturâ. Actio illa Dei, quâ creat, tuetur, & conservat causam secundam, universalis est, motio prævia, indeterminata. Quid illam determinat? exigentia creaturæ, quæ sola nec subsistere potest, nec agere. Nec fortè illa exigentia est quiddam re, sed solâ cogitatione ab actione Dei sejunctum. Quod enim Deus, aut ex beneplacito suo, aut ex nutu & exigentiâ creaturæ, hic vel alibi; in uno aut pluribus locis eandem conservet creaturam: hoc, inquam, nihil videtur esse quam denominatio extraria, quæ nihil quam relationem quamdam addit ipsi conservationi. Est idem Deus qui agit, eadem res creata; eadem sunt loca, eadem motio. Quid ergo novæ rei esse potest, nisi denominatio, quæ ex indigentia creaturæ reperitur, eaque est velut occasio agendi; cum autem Deus ex beneplacito voluntatis movet creaturam, illa actio ab actu propriæ voluntatis nomen accipit. Sed utcumque ea res sit de consensu Dei generali; cum rebus rationis expertibus, ea mihi videtur hujus divinæ motionis aut concursus explicandi ratio, quam præter cæteros vir doctiss. explicat, & tutior, & intellectu faciliior. Quod in materia est motus, id ferè quædam in natura existit in bonum universum impressio, vel inclinatio; utrumque enim ab autore naturæ profluit. Ex illius certa & constante lege omnis motus in rectam nititur lineam, nisi quæ causa extraria obstiterit, & mutum aliò inflexerit. Sic inclinationes, aut naturales animi propensiones in Deum ipsum, seu in fontem omnis boni tendunt, nisi voluntas nostra in alios fines has naturæ impressiones deflecteret; & quidem materia ex se iners, & omni est actione destituta, nec impressum à Deo motum aut sistere, aut aliò potest divertere. Sed rectam semper affectat lineam, aut si quid impediat, quam potest maximum circulum, & rectæ lineæ proximum describit, nam certas & constantes naturæ leges non prætergreditur. Non ita est de voluntate nostra, hanc enim vim à suo conditore accepit, quâ naturalem in bonum impressionem non possit extringere, sed aliò tamen & in diversos fines detorqueat. Vis illa, quâ naturalem impulsionem, quæ à Deo profecta, in Deum tendit, quò libitum est flectit & determinat, libertas appellatur.

Eaque



Eaque cum indifferentia semper conjungitur. Itaque citra amorem boni universalis, quod DEUS est, nihil in rebus creatis amare possumus: nam insitum nobis DEI amorem ad res ipsas convertimus, sicut omnes rerum ideæ, aut notiones generalem creatoris cognitionem, aut ideam mentibus nostris affulgentem determinant. Atque in hoc omnis perversitas voluntatis posita est, quod illam, quæ à DEO manat, impressionem, quæque in DEum tendit aliò inflectimus, & instinctus tantum, aut naturæ, non rationali, & electivo amore, DEO inhæreamus.

Sed, inquiunt, DEUS homines, & Angelos condidit, quos in malo permanfuros prævidit. Respondet Augustinus, quod DEUS nullum Angelorum, vel hominum crearet, quem malum futurum esse præscisset, nisi pariter nosset, quibus eos bonorum usibus commodaret; atque ita ordinem seculorum, tanquam pulcherrimum carmen etiam quasi ex quibusdam antithetis honestaret. Sicut ergo ista contraria contrariis opposita sermonis pulchritudinem reddunt, ita ex quadam non verborum, sed rerum eloquentiâ, contrariorum oppositione sæculi pulchritudo componitur. XV. Object. 5. & Resp.

Præterea non debuit DEUS abstinere à condendâ creaturâ, quam proprio vitio, non Creatoris, deformem futuram prævidebat, quod luculenter docet S. Doctor. Sicut melior est vel oberrans equus, quam lapsus propterea non oberrans, quia proprio motu, & sensu caret: ita est excellentior creatura, quæ libera voluntate peccat, quam quæ propterea non peccat, quia non habet liberam voluntatem. Et sicut laudarem vinum suo genere bonum, in quo vino inebriatum hominem vituperarem; & tamen eundem hominem jam vituperatum, & adhuc ebrum laudato illi vino, de quo ebrus factus est, anteponerem: ita corporalis creatura in suo gradu jure laudanda est, cum illi vituperandi sint, qui ejus immoderato usu à veritatis perceptione avertuntur. Quamvis tamen rursus jam perversi, & quodammodo temulentis eidem creatura in ordine suo laudabili, cujus aviditate evanuerunt, non merito vitiorum, sed adhuc naturæ dignitate præferantur. Verum eò fallimur, quod de rebus ex usu nostro, non ex rectâ ratione judicamus. Aliter enim æstimat ratio luce veritatis, ut recto judicio subdat minora majoribus; aliter usus, qui ex consuetudine commoditatis plerumque inclinatur, ut ea pluris æstimet, quæ veritas minora esse convincit. Cum enim corpora cælestia corporibus terrestribus magnâ differentiâ ratio præponat: quis tamen carnalium hominum non mallet, quam unam arbutusculam in agro suo, aut vaccum in armento? Quod si igitur ordine corporearum creaturarum, ab ipsi siderum choris, usque ad nu-

ffff

metum

merum capillorum nostrorum, ita gradatim bonarum rerum pulchritudo contextitur, ut imperitissimè dicatur, quid est hoc? aut quid hoc? Omnia enim ordine suo creata sunt; quanto imperitius de quacunque animâ dicitur, quare creata est, cum futura esset mala? Nam ad quantalibet diminutionem, defectumque pervenerit, omnium corporum dignitatem sine ullâ dubitatione superat. Sic pulchrè Augustinus impiorum calumnias adversus providentiam retundit. Quibus adde, quod in eodem opere accuratissimè docuit, *DEUM videlicet non esse mali autorem, cum natura ipsa, quas condidit, sint bona; & in tantum fiant vitiosa, in quantum ab ejus, à quo facta sunt, arte discedunt; & in tantum rectè vituperantur, in quantum earum vituperator artem, quâ facta sunt, videt, & hoc in eis vituperat, quod ibi non videt.* An illud omninò absurdum non est, malum, quod à solâ voluntate proficiscitur, in naturâ autorem conferre, quod liberam voluntatem condiderit? Quod si suarum actionum domina est, cur deficere non poterit? Sin autem non est sui juris, & agitur tantum, non magis laudem meretur, quàm horologium suis rotis optimè institutum, quod horas pulchrè indicat. Illud quoque nos fallit, quod æternitatem DEI instar temporis mente effingimus: cum ea sit indivisa, ac rebus præteritis juxta & futuris, propter infinitatem suam, coexistat. Itaque in DEO non est præscientia, sed scientia; nec videt, quæ non sunt futura, sed quæ in tempore posita, æternitati sunt præsentia. Neque adeo ex imperfecta nostra cogitandi ratione ullum satis idoneum duci argumentum potest. Ac perperam colligitur, DEUM, à condendo homine, quem præsciebat peccaturum, cessare oportuisse. Quomodo enim videbat DEUS hominem peccaturum, si homo non peccasset, qui sciebat futurum, quod minimè erat futurum, uti passim argumentari solet Augustinus.

Rursus instant, si DEUS cuncta providentiâ suâ moderatur, cur justî affiguntur, & improbis cuncta sæpè prospere succedunt? Vetus hæc querela est. Uno verbo respondet Augustinus; quod ista temporalia bona, & mala utrisque voluit esse communia, ut nec bona cupidius appetantur, quæ malî quoque habere cernuntur; nec mala turpiter evitentur, quibus & boni plerumque afficiuntur. Nam his bonis temporalibus, nec bonus extollitur, nec malis frangitur. Atque ut sub uno igne aurum rutilat, palea sumat; & sub eadem tribulâ stipula comminuuntur, frumenta purgantur: nec ideo cum oleo amurca confunditur, quia eodem prali pondere exprimitur: ita una eademque tribulatio irruens, bonos probat, purificat, eliquat; malos damnat, vastat, exterminat. Et certè, si in hac vita bonis cuncta ex voto cederent, Bonorum

Lib. 1. de  
Civ. Dei.

rum & malorum aperta nimis & manifesta esset distinctio. Quod & fidei nostræ, & huius vitæ conditioni minus conveniret. Neque enim hic præmio aut mercedi locus destinatur.

Ac de naturâ quidem archetypâ hætenus, nunc de illius velut organo, naturâ eotypâ dicamus. Hæc quidem est primum motus, & quietis principium: id enim omnes naturam dicunt, quod eum sit rebus ipsis intimum, eas quodammodo ad agendum impellit, generationes promovet, atque ad incrementa debitæ magnitudinis perducit. Quodnam igitur illud est? An spiritus cuncta penetrans, divinæ artis idealibus numeris, quos rationes seminarias vocant, insignitus? Hæc natura eotypa ex archetypâ, ait Furnencius, velut phantasma imaginatricis ex verbo mentis nostræ proficiscitur; adeo ut illius spiritus vitalis interjectu divina providentiâ res omnes corporeas moderetur: non secus ac peritissimi musici mens medio phantasmate, vocis harmoniam fingit; atque ut ars, quæ in præceptore viget, in ipsâ voce, quâ discipulos erudit, sit sensibilis: sic ferè divina sapientia spiritu universi quodammodo vestita se prodit in ipsius mundi regimine.

XVI.

Enimverò spiritus mundi nomen jam invidiosum est, atque à Peripateticis spreum, à recentioribus quoque repulsim est, quod explicari non possit, nec sensibus subijciatur. Quasiverò aut materiæ notio, aut formæ, quibus naturæ nomen tam liberaliter concedunt, sit nobis apertior. Quid est, cur illi spiritui seminariis rationibus factò animalium conformationem omnino admirabilem, maxime eorum, quæ ex putredine gignuntur, potius quàm formæ non tribuant? Quid aliud elementa conciliat, aut miscibilia tam iustis ponderibus temperat? Undè tot vires occultæ, quæ in quatuor elementa, aut Chymicorum principia referri non possunt? Nec video, cur à reliquis Philosophis tam fastidiosè repellatur, cum omnes quiddam illi simillimum inducant, vocibus paululum immutatis. Peripatetici ad celestes influxus plerumque confugiunt, ut formarum origines, & secretas corporum vires explicent: hic spiritus. Platonici est planè celestis: terra enim est tanquam uterus, qui vim prolificam excipit à cælo; sol verò ut luminis, sic vitalis spiritus fons in medio mundi constitutus, calorem vivificum, vel spiritum æthereum in terram continuo afflatu inkillat. Jam inter Peripateticos, qui calorem celestem ab elementari specie distinguunt, iidem sanè admittunt spiritum universi cuncta permeantem, vitali animalium spiritui congenerem. Hunc quippè unâ cum aëre spirantes ducimus; hoc vivimus, hoc alimur. Nam si rerum sublunarium vita in arctissimâ societate materiæ

Ffff 2

cum

cum formâ consiliit, utriusque nexus est mutus calor, seu spiritus, & humidi vitalis amplexus: spiritus est tanquam flamma purissima; ipsius pabulum est humidum primigenium. Mitto Chymicos, qui plura fortassis quam necesse est, huic spiritui tribuunt. At Cartesiani non plurimum à Platonici videntur diffidere, cum subtilem fingunt materiam per omnes mundi partes diffusam, quæque ex sole potissimum, & aliis sideribus, quæ propriâ luce fulgent, profluit, atque omnium serè motuum est opifex. Nec video quid certæ, ac definitæ motuum leges, ex quibus naturæ ordo, generum propagatio, ac rerum ortus, & occasus pendent, à rationibus seminariis, quæ spiritui prolifico sunt impressæ dissideant. Verùm de iis rationibus jam alibi plura diximus, & variis in locis nonnulla quoque spargemus; id unum restat, ut de mundo sensibili, ac primùm de materiâ, & formâ differamus.

Lib. de sensibilibus, c. 1.

## CAPUT QUINTUM.

### De Mundo sensibili, ubi fusè de Mundi origine.

I.

Quod in tempore Mundus conditus sit.



**D**EUM esse hujus Mundi opificem agnoverunt saltem mellioris notæ Philosophi, Plato imprimis, qui in Timæo tanti operis fabricam, & molitionem pulchrè explicat. *Primum*, inquit, *consideremus, quod in omni quæstione ante omnia investigare debet, utrum hoc universum semper fuerit, sine ullo generationis principio, an genitum sit, ab aliquo principio sumens exordium.* Id profecto cernitur, tangitur, & corpus habet: omnia verò hujusmodi sensus movent; quæ sensus movent opinione per sensum percipiuntur: hæc verò talia esse constat ut gignantur, & genita sint: quidquid autem gignitur, ab aliquâ causa gigni asservimus. Opificem quidem, & Patrem mundi invenire difficile, & cum jam inveneris, predicare in vulgus nefas. Et sanè nihil absurdius fingi potest, quàm existimare hunc mundum ex turbulentâ atomorum concursione prodiisse. Si mundum, inquit Tullius, efficere potest concursus atomorum; cur porticum, cur templum, cur domum, cur urbem non potest, quæ sunt minùs operosa, & multò quidem faciliora? Item cur non idem Epicurus putet, si innumerabiles unius & viginti formæ literarum, vel au-

Lib. 1. de Nat. Dier.

rea, vel qualeslibet aliquò coniciantur, posse ex iis in terram excussa annales Ennii, ut deinceps legi possint, effici, quod nescio, an ne in uño quidem versu possit tantum valere fortuna.

Verùm hñc nobis turba Philosophorum obstrepat, qui nullà mentis contentione concipere possunt, quomodo DEUS citra ullam sui mutationem mundum in tempore condiderit. Quasi verò DEUS necessitate agat, non libero voluntatis arbitrio. An tantus stupor illos oppressit, ut nihil de novo DEum creare posse existiment? Certè si nunc temporis potest vel hominem, vel Angelum procreare, quis negabit potuisse mundum in tempore producere.

At inquirunt, quid placuit DEO facere cælum, & terram: cur antea non fecit? Quibus respondeo cum Augustino, causas voluntatis DEI scire querunt, cum voluntas DEI omnium, quæ sunt, ipsa sit causa: & si voluntatem DEI nosse quispiam desiderat, fiat amicus DEO; quia si quis voluntatem hominis nosse vellet, cuius amicus non esset, omnes ejus impudentiam & stultitiam deriderent.

Quocirca suavissimè nugatur Vellejus apud Tullium, cum requirit, cur mundi adificatores repente extiterint, innumerabilia ante sæcula dormierint? Quæ molitio? Quæ ferramenta? Qui vectes? Quæ machina? Qui ministri tanti muneris fuerunt? Quid enim stultus, quàm omnia casu, & fortunâ, non ratione facta fuisse arbitrari? Utri potius audiendi, Epicurei, an Platonici? Illi cælum, terram, homines concursu atomorum repente prodiisse, DEum omninò cessare, nihil moliri contendunt: Hi contrà ex operibus magnificis, atque præclaris cùm ipsum mundum, & ejus membra, ut loquitur Tullius, cælum, terras, maria, tum horum insignia solem, lunam, stellasque vidissent; cumque temporum mutationes, maturitates, vicissitudinesque cognovissent, suspicati sunt aliquam excellentem esse, præstantemque naturam, quæ hæc fecisset, moveret, regeret, gubernaret. Quòd si, ut I. b. de ait Seneca, non sine aliquo custode tantum opus stat, neque hic siderum Providentia certus discursus fortuiti impetus est; nam quæ casus incitat, sæpe turba, c. 1. bancur, & citò arietant: hæc verò inoffensa velocitas procedit æternæ legis imperio: an dubitabimus, quin hoc universum idem condiderit, qui gubernat?

Neque nos conturbent Aristotelis cavilli, dum negat motum, vel tempus incæpisse, quòd vel ab æterno mobile fuerit, vel unà cum motu cæperit. Hoc utique posterius accipimus. At non potest mobile fieri, quod antè non erat, nisi per motum; id verò negamus. Quod enim fit ex nihilo per creationem, id sine motu efficitur; neque creatio est quiddam rei, quæ efficitur; adjunctum, vel à creante

In Astro-  
nomia  
Physic.  
Lib. 2. c. 1.

discretum. At si tempus aliquando incepit: ergo aliquando, aut priùs non erat tempus, cum tamen priùs, vel aliquando sine tempore concipi non possit. Hoc scilicet ludere est in æquivoco: cum in tempore scitio, aut potius in ipsâ æternitate, nihil sit priùs, aut posterius: nec antè verum, sed scitium tempus fuit. At cælum est generationis expers: uti & materia: & motus cæli circularis principium & finem non habet: id demus, quod tamen alibi falsum esse ostensum est, nullum esse in cælo, aut generationi, aut corruptioni locum. An fortè sine sumès id creari ex nihilo non posse? Sed negant Philosophi, quod ortum sit, æternum esse posse, aut ejus aliquod initium sit, ejus nihil esse extremum. Hæc ad summum suadent mundi coagulationem suâ naturâ esse dissolubilem: quanquam, ut ait Plato, DEO volente non dissolvatur: nec necesse est ejusmodi effata Philosophorum, quæ nullâ ratione demonstrantur, pro confesis admittere.

Sed acriùs sibi videntur urgere, cum motorem æternum sine motu, aut tam immenso spatio DEUM cessasse, & nihil agere non potuisse pertendunt; si enim, inquit Proclus, potuit DEUS, & noluit, fuit invidus. Laborémne fugiebat, ait Vellejus, at iste nec attingit DEUM, nec erat ullus; cum omnes naturæ Numini divino, cælum, ignes, terræ, maria parerent. Multa ejusmodi congerunt, quæ non ex alio errore manant, quàm quod DEUM instar hominis mutabilem; aut potius ut agens quoddam fingant, quod impetu, & naturâ, non ex libertate operetur: cum tamen tam facili sit animo concipere, cur DEUS undequaque perfectus, & liberrimus, & nulli necessitati addictus mundum condiderit, quàm quod nunc res singulas efficiat: nisi fortè velint DEUM omnino seruari, & etiamnum nihil agere, quod sanè omnium mentes refugiunt. Nec invidus fuit DEUS, si universum ab æterno non effecerit, quid enim erat cui invideret? Sed antiqua DEI voluntas, inquit Averroës, non magis potuit mundum de novo producere, quàm nova potest voluntas id, quod vetus est, efficere. Ridiculum, quasi in DEO quiddam sit antiquum, aut novum, aut hominum more sit mutabilis. Sed idem quamdiù idem permanet, diversa non efficit. Illud fortè de agente necessario, & naturali, non item de causâ liberrimâ statui potest. At ne in cogitationem quidem cadere potest, ut fuerit tempus aliquod, nullum cum tempus esset. Nemo id dixerit: sed una fuit æternitas, quam nulla temporum circumscriptione metiebatur.

Et sanè mihi hæc attentius perpendenti, quæ fides nostra de mundi origine docet, multò videntur ad credendum procliviora, quàm



quæ Aristoteles, & cæteri Philosophi commenti sunt, Quis enim in animum potest inducere jam infinitas temporum, & motuum periodos esse decursas? An Deus primum aliquem vel hominem, vel leonem ab infinito tempore condidit? Si nullum, qui primus esset, creavit, profecto non is rerum auctor, vel opifex futurus est: atque omnino in eorum opinionem, qui omnia casu, & necessitate materię formata putant, revolvemur. Quod si primus aliquis homo à Deo creatus est, cedo qui possit esse infinitus hominum numerus duobus extremis ex utràque parte conclusus? Aut quomodo ab infinito tempore finita duntaxat hominum series pertransiit? Mirum si ah æterno mundus sit conditus, tot artes ad vitæ usum necessarias, tot præclara inventa tam nupera esse, quæ si aliquando fuissent excogitata, nunquam perisissent, ut acus nauticæ usus, typographia, pistrinorum usus, & alia penè innumera. Hæc sanè magno sunt argumento, mundum non esse Deo coævum? Sed jam mittamus obsoletas veterum opiniones de mundi origine, & divinum Moscm au- *August.*  
diamus, *qui creationem mundi sex diebus absolutam sic narrat, ut altitudine superbos irridens, profunditate attentos terreat, veritate magnos pascas, affabilitate parvulos nutriat.*

Atque, ut ego arbitror, nemo omnium est, qui cum rem ipsam æquo judicio perpenderit, Moyse potius fidem non adhibeat, cum hoc universum ab omnipotenti artifice conditum narras, quam Pphilosophis, qui aut æternum id esse perpendunt, aut ex turbulentâ atomorum concursione prodiiisse: primum enim ea dicunt, quæ sensus communis omnino respuit, rerum distinctionem, ordinem universi, plantarum varietatem, structuram animalium, citra ullum artificium, aut certis motuum legibus, aut materię necessitati, aut casus temeritati, non divinæ sapientiæ referri oportere. Cum illius mentis, quæ cuncta condidit, & disposuit vestigia quædam rebus omnibus impressa, quasi descripti characteres appareant.

Qui verò æternitatem mundi tuentur, tot se induunt difficultatibus, ut ex his sese expedire non possint, nec quicquam afferunt, nisi subtiles quasdam & minutas rationes ex intimâ metaphysicâ depromptas, & ab hominibus excogitatas, quæque adeo non dubiæ, non suspectæ esse non possunt.

Quanto facilius his, quæ à Moyse tradita sunt, acquiescit animus. Primum enim ea narrat de mundi origine, de hominis creatione, & lapsu, & ipso diluvio, ut alia omitam, quæ nulli unquam homini in mentem venire potuissent; narrat, inquam, res tantas stylo simplici, non fucato, non humano, sed qui omnes veritatis notas

notas præ se ferat; Cuius mundi creationem uno capite completitur, legentium animos non præparat, ut intentos efficiat, non motus excitat humanos, non exaggerat, non accersitis descriptionibus indulget, sed rem ipsam nudè & simpliciter exponit; atque ea dicit, quorum traditio per paucas hominum generationes transmissa, in multorum animis integra vigeat. A tot miraculis, tot prodigiis, quæ ipse, ut publica, ut testatissima, ut confessa monumentis tradidit, adeo auctoritatem sibi conciliat, ut qui omnes rerum gestarum circumstantias intento animo perpenderit, de iis nullo modo dubitare possit. Nam ut sapienter à viro clariss. fuit observatum, rationes ex sensu ipso communi, ex factorum evidentia, ex intimo hominum sensu, aut moribus, rerum historia, & experientia ipsâ desumptæ, non minus firmæ sunt, & inconcussæ, quàm quæ ex abditiore metaphysicâ sumuntur demonstrationes. Hæ quippè magnâ ex parte subtiliores sunt, quàm, ut à vulgo hominum faciliè capiantur. In iis, quæ moralem habent certitudinem, penè tota vita consistit; nec minoris esset, dementia de his dubitare, quæ falsa esse non possunt, quàm si quis geometricas demonstrationes in dubium revocaret. Quod si eo volumine Judæorum Resp. religio, leges omnes continentur, ac sapientissimi Reges ut David, & Salomon, nec non Prophetæ omnes hoc velut fundamento subnixi, tam præclara divinæ cujusdam sapientiæ documenta tradiderint: Quod si & Judæi & Christiani hunc librum æquè venerantur: hinc religionis quique suæ velut jura primæva depromunt: hoc quidem opus non esse humani ingenii factum, quisquis rem ipsam certo iudicio, non cæco animi impetu expendit, faciliè iudicabit. Ac longè major illius, cum de mundi origine agitur, quàm omnium Philosophorum apud nos valere debet auctoritas. Ac plura quidem de iis, quàm statueram, ut quorundam levitatem reprimerem, qui perturbationum æstu abrepti, & voluptatum illecebris excæcati religionis nostræ fundamenta convellere moliantur; Philosophos, qui æternitatem mundi, aut tumultuarium atomorum concursum commenti sunt, Mosis & Prophetarum auctoritati antepone non verentur. Il scilicet ex mundi angulo, in quem eos natura detruisit, temerè pronuntiant, quæ Moses de mundi primordiis tradidit, fictitia esse & fabulis proxima; nullum esse mundi conditorem; ex nihilo nihil fieri potuisse; quæ Moses per 40. annos edidit, prodigia, nihil fuisse, quàm præstigias; mare rubrum sicco vestigio Israëliticum populum pertransisse, quod, ælius reciproci tempus captaverit. Atque alias huius generis magno conatu nugæ agunt, quas aut referre non vacat, aut refellere.

Quod

Quòd si pravis affectibus, aut malis moribus iudicium animi corruptum non haberent, ac seridò in rem tanti momenti animum intenderent, profectò ex ipsà scribendi ratione, quæ non ab imposturâ solum, sed ab humanâ prudentiâ, aut affectu, & omni ostentatione, mirum quantum abest; ex rerum maiestate, quæ ab hominis ingenio, rudipotissimum eo sæculo, excogitari non potuere; ex ipsius DEI notione, & ideâ tam sublimi tum DEO digna, quam tradidit, qualem nemo *Ego sum, qui sum.* ex Philosophis est consecutus; & DEI cultu, & sumâ religionē, quam *Qui est,* in DEI amore potissimum constituit, quod unum vel maximè verum *misit me* DEI cultum à falsis discriminat. Quod si, inquam, hæc omnia acriori animo, ut par est, intuerentur, faciliè intelligerent, Mosē nec fallere, nec falli potuisse, cum mundi creationem tam aptè, tam sapienter exposuit. Neque id pertenderent per 40. annos tam numerosam plebem falsis miraculis, aut prodigiis delusam unius hominis, qui tam apertè moneretur, regimini sese tradidisse; tam duræ, tam severæ legi, quæ prævaricatores morti addicebat, homines ad idololatriam pronos, ad seditionem promptos, solâ seductoris autoritate permotos sese subsidisse, atque in eâ legis observatione per tot ætates ita constantes fuisse: adeò ut lex & ceremoniæ non minùs in Judæici populi usu, observatione, & regimine, quàm in libris ipsis descriptæ videantur. Verùm his omisissis ad institutum redeundum.

Narrat, inquam, Mosēs primò, creationem universi. 2. illius in III. partes distinctionem. 3. ornatum. In principio, inquit, DEUS cre- *De creati-*avit cælum & terram. Terræ, & cæli nomine, tanquam centri, & *one mundi* circumferentiæ totum complectitur universum: triplicem verò in- *in universum*nuat informitatem, cæli, aquæ, & terræ. Primam exprimit per tenebras; secundam per abyssum; tertiam per inanitatem: cum ait, terra autem erat inanis, & vacua: inanis, sive ut habet alia versio, invisibilis, propter obscuritatem; vacua, seu incomposita, propter informitatem.

Sed ut eò, unde digressa est, revertatur oratio; hæc verba divini Mosi accuratius ponderemus. In principio DEUS creavit cælum, & terram: fortè in principio, id est in verbo æterno: nam verbo Domini cæli formati sunt, & spiritu oris ejus omnis virtus eorum; aut potius in principio temporum: nam fide credimus aptata esse sæcula verbo, ut ex invisibilibus visibilia fierent, id est, ut ex mundo archetypomundus ectypus prodiret.

Creavit cælum & terram, hoc est naturam spirituales, & corpoream: vel materiam omnibus communem, cæli & terræ nomine intelligit, quæ sex diebus distincta fuit, & ornata. Hinc Plato terram,

*In Timao.* & ignem primò fuisse creata docet. Quoniam (inquit) quod sit, corporeum, spectabile, & tractabile esse oportet: ac sine igne videri nihil potest, nihilq; sine solido tangi, & solidum absque terrâ nihil: idèd in opcris hujus exordio, DEUS ignem primò terramque creavit. Addit ignem, & terram duplici vinculo scilicet aëre & aquâ eâ proportionè fuisse inter se devincta, ut quantò ignis aërem, tanto aër aquam, & aqua terram puritate superet: ex quo, inquit, universum seipsum amicitia concordie completitur, atque ita aptè coheret, ut nequeat dissolvi ullo modo, nisi ab eodem, à quo est colligatum. Sequitur.

## VI.

Terra autem erat inanis, & vacua, &c. Illa abyssus tenebrosa, cujus meminit Moses, forè est materia prima, quæ per terram vacuum, & inanem, ut privatio per tenebras; dispositiones materiam præparantes, per aquas adumbrantur: triplex materiæ dimensio per abyssum exprimitur; nam abyssus est profunditas aquarum: terra aquis operta, est materia suis dispositionibus quasi irrigata, ut beneficio agentis, quod per spiritum aquis incubantem insinuat, formam, quæ lucis scintilla est, parturit: & ita ex materiæ & formæ conjugio fit compositum, tanquam dies unus; ita ferè conjicit Joannes Picus Comes Mirandulæ. *Et vidit DEUS lucem, quod esset bona. Numquid ergò quia placet ei quod fecit, idèd non noverat bonum? prorsus noverat intus in mente suâ, ubi ars ipsa pulchrior est, quàm illa, quæ arte fabricantur: sed quod videt artifex intus in arte, hoc foris probat in opere.*

*In Heptaplo.*

*August.*

*2. De aquarum divisione.*

*Lib. 3. de Gen. ad hi.*

Nunc igitur ad secundum diem veniendum, in quo aquæ superiores ab inferioribus per firmamentum divisæ sunt. Longa mora est commemorare omnes sententias de firmamento, quod tanquam septum, superiores aquas ab inferioribus discriminat. Illud duntaxat adnoto cum Augustino, quòd aquarum natura bipartium locum sortita est, inferiorem scilicet in undâ labili, superiorem in aurâ stabili; illum deputatum natantibus, istum volantibus: sicut huic elemento congruos duos etiam sensus animalibus datos videmus; olfactum explorandis vaporibus, gustum explorandis liquoribus. Non igitur abhorret à vero per aquas cælestes aërem intelligendum.

Tertio die congregatæ sunt aquæ subcælestes in locum unum: nam, ut ait Trismegistus, terra quidem & aqua manserant in seipsis commixta: ita ut terra non videretur præ aquâ? sed discreta sunt ab invicem terra, & aqua, quatenus mens voluit. Frustrà igitur quærunt quomodo aqua in unum collecta sit locum, an ex aëre condensato

fato prodiit aqua? an per meatus subterraneos in lacus ingentes se se recepit, an fortè aliter? Eodem die iussit DEUS ut terra germinaret s. *Prodeat* herbam virentem, & lignum pomiferum juxta genus suum. Hinc *Ælio plan-* origo formarum, quæ jussu DEI indefinenter multiplicantur: hæc *rationes*, de quibus suo loco egimus; reliqua breviter perstringamus.

Quarto die sol formatus est, cum lunâ, & stellis innumeris, ut essent in tempora, dies, & annos: per tempora intellige planetarum *De ornatu* revolutiones; per dies motum primi mobilis; per annos statas solis *cali, & terra.* periodos. Hæc sidera vocat Plato Deos cœlestes, quos DEUS sic allocuitur in Timæo. *Dii orti ex diis, quorum opifex ego, & pater sum, hæc attendite. Quæ à me facta sunt, me ita volente indissolubilia sunt: omne siquidem, quod vinctum est, solvi potest: sed mali est, quod pulchrè compositum est, seq̃. habet bene, velle dissipare. Quapropter quia generati estis, immortales quidem, & indissolubiles non estis; nec tamen unquam dissolvemini: nec mortis satum subibitis: nam voluntas mea majus præstantiusque vobis est vinculum ad vitam custodiam, quam nexus illi, quibus estis tum, cum gignebamini, colligati.*

Quinto die aqua pisces, & volatilia edidit, ut sexto die terra omnis generis animalia protulit. *Aër*, inquit *Hermes*, *volatilia protulit, aqua natantia, & produxit terra, quæ habebat animalia, quadrupedis, reptilia, fera, & cicura.*

Sexto denique die homo ad imaginem sui opificis creatus est, ut cum Rex aliquis statuam suam jubet in medio civitatis, quam extruxit, collocari. Ad imaginem DEI formatus homo dicitur, non solum propter animam rationalem, quæ est quasi radius immortalis divini luminis (sic enim Angeli multo majorem DEI similitudinem gerunt:) sed quia ut DEUS rerum omnium perfectiones in se completitur, sic homo totius naturæ est quasi compendium: divina cum humanis conciliat; tempus cum æternitate connectit: unde à Christo Domino omnis creatura appellatur. *Prædicatè*, inquit, *Evangelium, omni creatura: & Apostolus; omnis creatura ingemiscit, & parturit usque adhuc: quem locum explicans Augustinus. Omnis, inquit, creatura in homine est, qui intelligit spiritu, & sentit animâ, & localiter corpore movetur: insunt illi ex omnibus hujus corpore mundi elementis quadam partiula ad temperiem valetudinis: nam & calore membra vegetantur, qui est ab igne, cujus etiam lux per oculos emicat; & aëre venarum discursus, quas arterias vocant, atque spiramenta pulmonum replentur: & humor nisi esset, nulla sputamenta conflu-*

erent, vitam absumeret siccitas : nam & ipse sanguis humido lapsu alias venas replens , quasi rivus , & fluminibus per cuncta diffunditur. Itaque sicut DEUS mundum propter hominem machinatus est , ita ipsum propter se tanquam divini templi antistitem, spectatorem operum, rerumque celestium.

Mitto quærere, an omnia simul & in eodem momento creata fuerint, ut placet Augustino : adeò ut Scriptura infirmitati hominum blandiens, potiùs rerum creatarum ordinem, prout omnes erant in verbo disposuit, quàm creationis opus sex dierum voluminibus absolutum descripserit : unde cum dicitur factum est vespere, & mane dies unus : vel intelligamus vespere propter translationem consummati operis, & mane propter inchoationem futuri operis : vel quia res omnes creata sunt ab æterno in verbo ; per diem intelligamus cognitionem, quam habent Angeli in verbo, per vespere, cognitionem, quam habent Angeli in seipsis : sit autem mane cum non habeant in cognitione creaturarum, sed eam referunt in DEUM, à quo irradiantur. An potiùs sex integri Dies verterint, & sexto omnia fuerint absoluta, ut sexto die opus reparationis perfectum est : & septimo DEUS cessavit ab omnibus operibus creandis, non propagandis : sicut die septimo Christus requievit in sepulchro, ut nos æternum sabbathum celebremus. Tot igitur de mundi creatione dicta fuerint, quæ omnia eò tendunt, ut ex opere Opificem agnoscamus, & per ea, quæ facta sunt, invisibilia DEI conspiciamus. Sed dicit aliquis, ista quidem DEI opera video, illum non video. *Ad ista*, inquam, *videnda corporis oculos dedit ; ad se videndum mentem* : neque enim ad animam hominis vides : sicut ex motibus, & administratione corporis animam, quam non vides, intelligis : sic ex administratione totius mundi, & ex regimine ipsarum animarum intellige Creatorem.

August.

VI. Nunc perpauca de mundi principiis dicamus. Mundi hujus generatio (inquit Plato) ex necessitatis mentisque coitu mixta est, id est ex materiâ, & formâ prodiit. Materiam vocat generationis receptaculum, seu formæ sensibilis subjectum, & quasi nutricem : formam quippè generationis nomine insignit, quia in continuo fluxu est posita : cum sola permaneat materia, tanquam formarum omnium locus. Si quis, inquit, cunctas figuras ex una eademque materia fictas continuè in alias, & alias reformet, deque una quadam illarum præsens aliquid, quid sit quærat ; verè admodum, & turrisimè respondere possumus aurum illud esse, triangulum verò esse, aut aliam figuram earum, quæ impressa sunt, & continuò permutantur, quasi reverà sint,

non



*non licet dicere.* Sic formæ sensibiles continenter dissipantur, solâ materiâ supersite.

Materia prima cùm sit informis, adulterinâ duntaxat cognitio-  
ne percipi potest. Siquidem ut visus nihil nisi lumen perspicit, sub  
quo aliquid tenebrosum latere potius divinat, quàm videt: sic mens,  
quæ forma est, nihil nisi formatum intuetur, quantumvis conjiciat,  
aliquam materiam sub formâ delitescere.

Quòd verò materia informis sit, ac propriâ specie destituta, hæc  
similitudine docet Plato. Qui unguenta suaviter redolentia conse-  
cturi sunt, humidam materiam, quam certo condire odore volunt, ita  
preparant, ut odorem nullum proprium habeat; & qui materiis mol-  
libus, impressionique cedentibus, figuras imprimere aliquas volunt,  
nullam omnino priorem in eis figuram apparere patiuntur: sed ex-  
actissimâ quâdam lavigatione eas poliunt. Ita illud, quod omnibus  
passim æternorum simulachris rectè figurandum est, his omnibus for-  
mis naturâ suâ carere necesse est. Quid igitur est ignis, si Platonem  
audias, nisi pars materiæ humefacta? Siquidem ignis sensibilis est tan-  
tùm per participationem ignis idealis, ac melius aliquid ignitum,  
quàm ignem dixeris.

Porro unum quodque elementum ab alio discrepat pene mate-  
riem, virtutem, & actionem: nam elementa subtilia sunt vel crassa;  
acuta, vel obtusa; mobilia, vel immobilia. Ignis subtilis est, acutus,  
& mobilis: terra è contrario crassa, & obtusa, & immobilis: aer  
subtilis, obtusus, & mobilis; aqua crassa,  
obtusa, mobilis.



Gggg 3

LIBER



## LIBER SECUNDUS.

De Principiis rerum juxta Peripateticos, Epicureos, &amp; Cartesianos.

## CAPUT PRIMUM.

De Principiis rerum juxta Peripateticos.

I.  
Quia sit  
Philoso-  
phia Peri-  
patetica  
character.



C mihi quidem videor summa Philosophiæ Platonici principia breviter complexus : nunc ex Academiâ in lycæum, & velut ex ludo in aciem, dimicationemque veniendum. Platonici enim verbis grandes, sententiis crebri, magis ad pompam, quàm ad victoriam certant : contra Peripatetici subtiliter definiunt, acutè concludunt ; quæ sunt in mediâ Philosophiâ reclusa, atque abdita, investigant diligentius : lique perpugnaces in disputando, non tam palæstrâ, & oleo, quàm armis instructi, ac concisis disputationibus illicari in arenam descendunt. Hinc se suis aculeis pungunt, & dum quisque Aristotelem in suas partes vel invitum trahit, in varias sæpè scinduntur hæreses. Nam hujus philosophiæ dictator rerum comprehensione brevis est, & interdum subobscurus, atque ut intelligatur, magno opus est ingenio : quanquam & interpretum numero laborat. Nos sanè, qui omnes omnium Philosophorum sectas lustramus, & quantum fieri potest, eos in gratiam redigere, & conciliare nitimur, quique in singulis, si quid veri quàm simillimum videatur, quasi nostrum arripimus, nec obscuritas Aristotelis deterret, nec summa Peripateticorum inter se dissensio repellit. Quocirca primum quid de rerum primordiis Aristoteles statuerit explicabo brevi ; tum varias Peripateticorum sententias excutiam, & quid mihi probabilius videatur, (nam verum in occulto latet) tandem aperiam.

II.  
Veterum  
de princi-  
pium  
placita  
explican-  
tur.

Multus est Aristoteles in confutandis Veterum opinionibus de primis rerum principiis : sed vercor, ne parùm sincerè, quæ summis viris visa fuerint, Philosophus minimè sui contemptor, alijs paulùm iniquior, retulerit, Parmenides enim, quem adeò exagitat, magnis à Plato-

Platone laudibus effertur : nec adeo fuit absurdus , ut unum esse omnium principium , & immobile decerneret : cum idem , teste Aristotele , principia inter se contraria , calidum videlicet & frigidum definierit . Ergo vel unius principii nomine DEUM seu mentem cum Anaximandro , Anaxagora , Xenophane , & aliis intelligi voluit , vel totum hoc innuit universum , quod unum est ordine , multiplex sensu . Sic Thales Milesius aquam , Diogenes aëra , Heraclitus ignem , Hesiodus terram , prima rerum omnium principia statuere . Non quod Thales ex sola aqua cuncta coalescere arbitraretur ; sed eam esse aliis substantiis refertam , & quasi vehiculum : DEUM verò esse eam mentem , quæ ex aqua cuncta fingeret , cum Anaxagora , & Anaximandro opinatus est . Hi quippe secretionem , & compositionem partium , non materiæ transmutationem effici omnia crediderunt . Non dissimili ratione de igne , aëre , & terra , vel seorsum , vel simul spectatis , alii veteres senserunt : ignem videlicet esse causam rerum effectricem , non materiem . Æthera vim prolificam cunctis impertiri , non in corpora facessere ; terram denique suo sinu fovere omnia , quæ gignuntur ; quatuor elementa esse velut matrices omnium seminum , quæ per amicitiam , & litem , consensum , vel dissensum , aut coire solent , aut secerari .

At si omnium sententias expendere , atque ad rationis trutinam castigare volumus , ubi finis ? Sed quæ fuit summa omnium Veterum Principia consensio , principia rerum contraria statuere . Empedocles litem , & esse com-amicitiam ; Parmenides calidum , & frigidum : Democritus plenum , & *traria* , vacuum . Et hoc quidem rectè , ut videtur Aristoteli . Principia enim sunt , quæ non fiunt ex se invicem , neque ex aliis ; sed ex iis omnia . Quare necesse est eadem esse contraria , imò & prima contraria : nam ex his oritur omnis contrarietas . Siquidem quodlibet non fit ex quolibet : album non fit ex musico , sed ex non albo , ex nigro videlicet , vel ex alio quodam colore , id etiam quod corrumpitur , aut inuitatur , in contrarium degenerat . Necesse igitur est , ut omnia , quæ naturâ fiunt , sint contraria , aut ex contrariis generentur : ac proinde quidquid gignitur , ex oppositâ privatione quodammodo fit , ac proficiscitur . Hinc tria esse generationis principia colligit Philosophus .

Cum enim ea sint contraria , non unum , sed plura esse necesse est : neque erunt infinita ; tum quia cognosci non possent , tum etiam *Tria esse* . vel maximè , quod unius generis una est contrarietas , ad quam cæ-*ex Aristotele* terz omnes revocantur : substantia verò unum , quoddam genus est : *tele genera* ergò in principiis substantiæ , non sunt plures , nedum infinitæ , sed *rationis* una duntaxat contrarietas . Atque adeo jam nobis duo ad sunt prin-*principia* cipia

cipia, quæ inter se sunt quodammodo opposita, scilicet forma, & privatio; illa acquiritur, & abjicitur. Verum non potest unum contrarium in aliud commigrare. Calor non congregat frigus; nec amor conciliat odium. Tertium igitur quoddam principium, quod tanquam subiectum excipiat contraria, admitti debet, nempe materia, quæ omnem mutationis, & generationis ordinem sustineat. Nam in generatione, ut in motu omni tria reperiuntur: terminus à quo fit recessus, qui nomen privationis obtinuit; terminus ad quem festinat generatio, qui nihil est quàm forma: ac demum id quod utriusque termino subternitur fundamentum, quodque materia prima vocatur; hæcque forma & privatio per vices occupant.

V. Lib. I. *Physicæ*, *Argumenta in contrarium* *quomodo solvantur.* Hæc ferè Aristoteles de principiis in universum disputat, quæ sanè omnibus non probantur. Neque enim, inquit, privatio, quæ aut nihil prorsus, aut ad summum forma est quædam à ratione confecta, augustum principii nomen debet usurpare. Quin etiam ipsa privatio est contra naturæ intentionem, cujus finis est forma; quomodo igitur in principiorum numerum adscribitur? Sed forma, ipsa gignitur, è materia eruitur; neque adeò potest inter principia, quæ neque ex aliis, neque ex se invicem fiunt, numerari. Quæ ergo sunt illa principia, quorum unum ne entis quidem rationem habet; alterum effectus est generationis; tertium, ne cogitatione quidem comprehenditur; neque enim materia, quæ sit omnis formæ exars, intelligi potest.

Nihil meo quidem iudicio afferri potest, quod Aristotelem ab omni calumpniâ magis vindicet, quàm quòd nuperrimè in hanc rem fusè disseruit doctus juxta & elegans scriptor, qui peripateticæ & Cartesianæ philosophiæ principia sic libravit, ut, quantum fieri poterat, hos philosophos inter se conciliaret. Illud itaque statuit, non aliud Aristoteli fuisse propositum, quàm ut brevem & dilucidam naturæ dignoscendæ rationem aut methodum traderet, prima rerum principia, non naturæ, sed cognitionis nostræ, non simplicissima, sed notissima, unde cognitio nostra duceretur, non in quæ ultimò desinere, exposuisse. *Opinibus*, inquit l. 5. Met. *principiis commune est, esse primum unde aut est; Ecce principia compositionis; aut fit; principia sunt activa; aut cognoscitur*; de his agit potissimum in *physicis*. Hoc enim loco discipulos erudiendos suscipit, doctrinæ adeò, non ipsius naturæ methodum sequitur; ab his, quæ sunt maximè sensibilia initium capit; *non enim*, inquit, eodem Met. loco, *à primo ac rei principio* aliquando inchoandum est, sed unde *quis facilius discat*: cum autem duo sint compositionis principia, materia scilicet & forma: hæc cognosci antè non potest, quàm materiæ quædam cognitio præ-

præcesserit, Quò autem materia sit nobis perspecta, & forma, & accidentia omnia, primò sunt detrahenda, ut in statuâ; forma & modi omnes, aut accidentia, quæ materiam determinant, ut habeat statum rationem, sunt abjicienda, quò primam seu proximam & notiorum ut in statuâ materiem, nempe æs ipsum, omnium accidentium subjectum perspectum habeamus, sic primam cognitionem privationis aut remotionis viâ consequimur; ac materiem seu æs ipsum neque esse quid, neque quantum, neque quale, neque aliquid aliud, quibus statum determinatur, jam novimus. Sed non continuo nobis nota est materiæ potentia: quî scilicet potuerit in statuam efformari; nisi æris proprietates quod fundi possit, & figuræ moduli aptari noverimus, ex iis enim in formæ cognitionem ducimur. Sic ex privatione materiam, & ex materiâ formam novimus. Hæc igitur physices principia divi possunt, non aliter ac grammatices regulæ, elementa latinæ aut alterius linguæ vocitantur. Tamen si grammaticè neque est lingua, neque ipsius cognitio sed discendæ linguæ peritia & ratio.

VI.

*Quid nobis de natura principiorum videatur.*

Verum, inquit, cur inter naturæ principia habenda sit privatio, cum non entis nullæ sint affectiones; nec magnum ad secretiora naturæ arcana diligentius exploranda asserere possit momentum privationis cognitio. Quid enim magni dicimus, cum ignem ex non igne gigni asserimus? An istuc quis de vulgo ignorat? Nisi forte is qui artem pingendi, aut ædificandi vult edificare, ante omnia docendus sit effigiem Cæsaris in tabellâ ejusmodi imagine privatâ, aut domum ex lapidibus nondum in formam domus aptatis, esse construendam. His quidem Respond. privationem inter cognitionis principia numerari oportere. Vix enim materiam cuiusque rei & formam, totum adeo compositum perspectum habueris, nisi materiam suâ formâ exutam, & privatam, sis ante contemplatus. Quò melius horologii structuram cognoscas, partes omnes seorsum spectabis, & si fieri possit, non mente solum, sed reverâ omnem rotarum compagem dissolves, ut materiam suâ formâ privatam consideres. Cum itaque hoc loco Aristoteles principia cognitionis inquireret, non mirum, si privationem inter principia, non compositionis quidem, sed cognitionis recensuerit. Sic vir eruditissimus Peripateticos cum aliis Philosophis satis aptè conciliat; Id enim statuit, Aristotelem ut Magistrum & doctorem rerum principia exposuisse: neque eum quæ sint prima naturæ principia, sed qua nobis notissima, & sensu perspecta, non synthetica, sed analytica methodo definiisse. Neque enim hanc esse rectam docendi rationem existimavit, ut ab iis, quæ sunt simplicissima,

Hhhh

exordium

dem potitâ, ei tanquàm marito in dotem amplam corruptionis, & vitiorum suppellectilem confert. Hæc de notione, & existentia materiæ ut solet explicari; nunc quid ea sit, paulo diligentius intuendum.

Et quidem Aristoteles variis in locis diversas affert materiæ definitiones. Aliquando eam primum potentia corpus sensibile definit: interdum illam non omni modo formâ destitutam; sed etiam nullo entis genere conclusam videtur exhibere, adeo ut neque sit quid, hoc est, substantia, neque quantum, neque quale, neque quicquam eorum, quibus ens determinatur. Sed planius in physicis materia definitur subiectum uniuscujusque ex quo fit aliquid, cum insit, non secundum accidens. Materiam inesse composito insinuat, quo illam à privatione discriminet, quæ accedente formâ discedit. Sed quid sibi volunt hæc verba, cum insit? An fortè illa subiecit, ut primam rerum materiem à transiente materia, quale est vinum respectu aceti, discerneret? In calce definitionis adjecit, non secundum accidens, ut ostenderet ex materia, & formâ unum per se, hoc est unius essentia corpus, non aggregatum quoddam per accidens constare.

Verum hic pugnant acriter inter se Peripatetici, & nescio an possit unquam inter eos de materiæ primæ naturâ, & notione conveniri. Thomistæ quidem contendunt materiam ita esse puram potentiam, ut omnis omnino actus, & existentia sit expers. Alii, quorum sententia communior est, negant materiam omni actu saltem metaphysico, atque omni prorsus existentia esse destitutam. Est quippe materia quoddam ens, eaque realem, & positivam habet essentiam, ut fateantur omnes: quidni ergo existentia propria fruatur? Quod non existit, nihil est: neque essentia rei ab illius existentia plusquam cogitatione distinguitur: non enim res, quæcumque sit illa, per aliquid à se distinctum extra suas causas sistitur. Nisi fortè velis existentiam cum essentia, ut quid alienum conjungi, atque ex duobus inter se distinctis unum quoddam effici. Sed essentia nihil omnino est, antequam actu existat: neque adeo existentia cum eo, quod non entis rationem habet, re ipsâ conjungitur. Nonne existentia suam habet, ut aiunt, quidditatem, vel essentiam: cum sit res quædam? An forte ab illa scernitur? Plura adderem, nisi hæc disputatio ad primam philosophiam pertineret.

Redeo igitur ad materiam primam, quæ non ita nuda est potentia, ut omni prorsus perfectione, vel actu careat. Est enim compositum perfectius quiddam, & nobilius, quam sola forma. Quocirca si me arbitro hæc lis dijudicaretur, materiam primam non modo suâ existentia, & actu, ut vocant, entitativo donarem, sed ne omni quidem actu physico privarem.

Hhhh 2

Pura

VIII.  
Quid sit  
materia  
prima,  
Lib. I. de  
Gener.  
L. 7.  
Met.  
Lib. I.  
Physic.  
textu 82.

IX.  
Utrum  
Materia  
sit pura po-  
tentia om-  
nis actus  
expers.



X.  
Materiam non esse experientiam omnium abstrusum physici.

Putam enim illa potentia omnis perfectionis naturalis experientia, commentum est, & figmentum rationis, quæ res omnino simplices separat; atque ea, quæ diversis, & inadæquatis notionibus percipit, variis etiam signat nominibus: & quam ipsa facit distinctionem, rebus affingit. Hinc voces abstractas adhibet, quibus diversas perfectiones ex variis fortè operationibus perfectas exprimit: quæque non potest uno velut prospectu intueri, quasi per partes dividit, & lustrat: sic in homine plures entis gradus discernit, qui dividi nequaquam possunt. Aliam substantiæ, aliam corporis, aliam viventis, aliam animalis, aliam denique hominis notionem effingit: & tamen una, & eadem res omnino indivisa, his vocibus subest. Atque hinc abstractæ cognitionis nomen, & ratio descendit: cum mens non integram, & adæquatam efformat rei notionem; sed quasdam illius dotes, & perfectiones, aliis non intellectis, quasi separatas percipit. Sed nisi caveat ipsa sibi, in varios errores subinde labitur, dum ea distinguit, quæ naturâ juncta sunt, & indiscreta. Quod cum in aliis ferè omnibus rebus, tum maxime in materiæ, & formæ explicatâ notione, usu venit: cum enim in corporibus vel simplicissimis mens duo quædam discernat, unum quoddam commune, quod perficitur; alterum, quod perficit, & cuique rei proprium est; illud potentiæ, hoc actûs; illud materiæ, hoc formæ nomine designat. Quanquam una, & eadem sit res, cujus natura in plures partes, nisi fortè homogeneas, & sui similes non magis distrahitur, quàm sentiendi in homine, atque intelligendi principium. Una enim, & eadem forma utrumque munus sustinet: tametsi gradus animalis sit potentiæ, intellectivus actui persimilis: ille inchoatæ naturæ, hic perfectientis rationem habere videatur. Verùm ex iis, quæ supra diximus, liquet, Aristotelem in Physicis materiæ primæ nomine, non vagam illam, & informem potentiam, sed proximam & formæ subjectam intelligere. Quod utique multis probatum est argumentis. Illud enim constat, Aristotelem in physicis prima rerum principia appellare, quæ nobis sunt notiora, quæque in rerum cognitionem nos ducunt; occulta quæ sunt, & prima naturæ principia in Metaphysicis diligentius inquirunt. Sed in Physica auscultatione rerum sensibilem, ortus & principia sic exequitur, ut ab iis, quæ sunt notissima, ad occultiora progrediatur. Sic materiam statuat non aquam, aut elementa, sed æt ipsum, quod primum cognoscitur, passim appella. Neque interim negat materiem omnium remotissimam esse corpus ut extensum, & nulli rerum formæ additum, aut elementa, aut quid aliud simplicissimum. Verùm hujus contemplatio non ad Physicam, sed magis ad primam Philosophiam videtur

detur pertinere. Neque id erat Aristoteli propositum, ut Physicam docturus, à primis naturæ principiis, quæ maximè sunt involuta ordiretur. Alia fuit ei docendi ratio & melior, & discentium animis aptior, ut ex iis, quæ sensibus subjiciuntur, ad occultiora & simpliciora paulatim deduceret. Itaque materia hominis prima & notissima, erit corpus organicum; remotissima & in quam ultimum Physica contemplatio desinat, erunt elementa. Quod si ulterius pergas, à Physicis ad Metaphysica excurras. Non enim visum est Aristoteli in Physicis ultra res sensibiles progredi. Ex his & prima principia, ex quibus res cognoscitur, privationem, materiam & formam; ex quibus res componitur, materiam & formam, ex quibus res efficitur, elementorum qualitates primas & sensui magis obvias, deprompsit. Hoc utique ad essentiam materiæ pertinet, ut subiecti habeat rationem; sic aqua in vase, corpus est completum; in planta materia est, & principium. Sic elementa in seipsis spectata, imò & substantia extensa, non sunt principia, sed res completæ. Cum rerum compositionem subeunt, tum communis aut remota materia dici possunt. Quod utique iis accidit, ut docet Aristoteles. *Non enim materia, est per se turpis, sed ex accidenti.* Est essentiale materiæ, ut sit informis, sed rebus ipsis hoc accidit.

XI.

Nihil forte nos cogit aliam in rebus corporeis materiam primam aut remotissimam fingere, quàm elementa, & si quæ sint alia cor-<sup>am nihil</sup>pora simplicia, in quæ ultimo mixta resolvuntur. Est quippe mate-<sup>forte esse</sup>ria id, ex quo inexistente sit aliquid: ex elementis cuncta componun-<sup>quàm ele-</sup>tur; hæc sunt omnium motionum prima principia; ex eorum com-<sup>menta.</sup>plexu mixta constantur; nec forte generari possunt, nec corrumpi. Ergò non alia ab iis materia prima quaerenda est, ne rebus ipsis quasi tenebras offundere videamur. Nam si forma mixti corporis non est res quædam, vel entitas à materiâ sejuncta, sed diversorum specie elementorum quædam attemperata proportio, ut verisimillimum judicamus; quid in simplici elemento materiæ, quid formæ locum obtinebit, cum illius partes omnes sint homogeneæ, & unius modi? Quorsum id corpus in materiam & formam, ut in res diversas secabimus? Profectò formam cum sustuleris, quæ supererit materia, cum propriam habeat existentiam, quoddam ens definitum futurum est: nullum enim ens potest existere vagum, & indeterminatum. Jam quo genere rerum, quo gradu ignis, aut aquæ materies concludetur? Si existit suapte naturâ communis illa omnium materies, erit instar Protei in omnes naturas versatilis; si nihil est determinati, profectò hoc monstrum perpetuis tenebris damnatum, & omnino incog-  
nitum

nitum, non valde idoneum est occultis rebus explicandis principium cum neque esse, neque concipi possit. Non igitur elementorum materia à formâ secernitur, sed ipsa est omnium prima, & communis mixtorum materia. Accidit verò elementis, quod materiæ titulo rerum subeant compositionem. Substantia quidem extensa, ut à Cartesio, & aliis concipitur, est materia omnium prima, uti in prima Philosophia, seu Metaphysica spectatur. Sed Physicus, qui res tantum sensibiles persequitur, non aliam inquit remotiorem materiem, quam elementa. Triplicem hanc materiæ acceptionem usurpat Aristoteles l. 8. Met. c. 4. *Ex eodem fieri omnia primo*; ecce communissimam materiem, substantiam nempe extensam. *Aut ex eisdem tanquam primis*: quæ nempe sunt elementa. *Est tamen*, inquit, *quædam materia cujusque propria*. Hanc in Physicis maxime inquit. Cum itaque, ut pergit, *quisquam quam sit causa querat*. . . oportet causas proximas dicere. Quæ materia, non ignis vel terram, sed propriam. Hoc unum potissimum Aristoteles ad materiæ rationem postulat, quod sit rei subjectum. Sic enim est potentia quædam, quæ forma indiget, ut subsistat.

## XII.

*Object. 1.*  
*Varia proponuntur, & dituntur objectiones.*

*Resp.*

Occurrunt nobis Thomistæ, & hoc ipsum argumentum in suæ opinionis patrocinium trahent: cum enim materia prima sit penitus indeterminata, vaga, informis, nullâ specie comprehensâ, negabunt eam posse solitariam, & à formâ secretam existeret. Ad quod enim entis genus pertinebit, cum forma cuique rei speciem largiatur?

Hoc autem quod oppinitur, firmum adversus eos fortasse sit, qui materiam primam omnis actûs physici expertem, non omni perfectione metaphysicâ privatam volunt, eamque ut puram potentiam physicam definiunt. Nobis verb, qui nullam materiem ab elementis aut substantiâ extensâ diversam statuimus, adeo non obest, ut nihil magis nostram sententiam confirmet. Demonstratum quippe est nullam posse concipi materiam à formâ sejunctam, quæ ut essentiâ, sic existentia sibi propriâ non potiat. Quod si ita sit, certum ac definitum entis gradum, certam adeo speciem occupabit. Atqui materia elementorum, si quæ sit à formâ sejuncta, nullum entis gradum obtineret: nulla igitur ejusmodi materia in elementis inest, sed ipsa potius obeunt materiæ vices, cum ex iis omnia corpora initium duxerint.

*Object. 2.*  
*Lib. 7. Met.*

Verum non Thomistarum modo, sed etiam universa fere Peripateticorum manus adversus nos impetum faciet; quod ab Aristotele deficere videamur, qui passim negat materiam esse hoc aliquid, eamque omni actu privat, qui ens universum in actum, & potentiam fecat.

fecat. Quocirca etiam si prima rerum materies pura sit potentia, erit nihilominus quid reale; quod etiam magis illustrari potest. Deus, inquiunt, & materia, hoc est, actus, & potentia; virtus, & infirmitas totius entis quasi extremos limites claudunt. Ergo ut Deus est actus purus ab omni potentia liber; sic materia erit pura potentia omni actu destituta. Quod ut nobis persuadeant, subtiliori ratione utuntur. Nam si materia quodam actu, qualiscumque sit ille, donetur; vel nihil erit quam actus, quod plus satis est absurdum; vel ex potentia, & actu coalescet. Quod si ita est, jam à conditione primi principii degenerat. Est enim quid compositum ex actu, & potentia: detrahe illum actum, quod reliquum est, materiam dicimus. Jam quid, inquiunt, absurdius est, quam essentiam materię cum illius existentia confundere: cum nullius rei creatę eadem sit essentia, quę existentia: Idque unius Dei sit proprium, ut sit suum esse, & per existentiam suam existat; res vero omnes esse quoddam participatum, atque ab essentia discretum acceperint. Quod si materia jam existit, neque omnem suam perfectionem precario à formā mutuatur: forma quę illi accedit, non unum quid per se, sed aggregatum per accidens efficiet: quemadmodum albedo, quę parieti inhaeret, unum per accidens cum eo constituit. Ac ne forte cavilleris materiam non esse actum quid completum, neque adeo illā, & formā succrescente fieri ens per accidens: id effugium tibi occlusum est, cum nullam ab elementis diversam materiam agnoscas, elementa verò esse in suo quęque genere completa nemo negaverit. Quid igitur restat, nisi ut mixtum quodque ex elementis conflatum non unum per se corpus, sed aggregatum per accidens habeatur? Quid hoc est, nisi principia philosophię convellere? Omitto formam non quidem esse, ut ajunt, simpliciter, sed tantum secundum quid materię largituram: jam enim hæc existebat, neque suum esse à formā repetit: quod si ita res se habet, nihil generatio ab alteratione, nihil forma substantialis ab accidentaria dissidet: quo nihil absurdius dici potest.

Hæc tela Peripatetici sæpius revolvunt, quę tamen cum extrinsecus, atque ex metaphysicis, quę longè disjuncta sunt, non ex intimis naturę principiis assumantur, minus terroris nobis afferunt. Demus igitur Aristoteli materiam non esse hoc aliquid; neque enim vel elementa, vel ipsa corporis organa, vel materiam, ut subjectum est, & pars compositi, sed totum ex corpore, & animā conflatum, seu individuum ipsum, hoc aliquid dici debet. Nec sola materia vel quantitate signata, aut alicui formę destinata ipsum constituit individuum; sed unitas illius, quę

XIII.

Quid con-  
stituat in-  
dividuum

Resp.

quæ ex bonitate, seu integritate, & veritate profuit, ipsum hoc aliquid, vel individuum efficit: quique aliud individuacionis, aut singularitatis principium; sive materiam quantitate aut virtuali, aut formali sigillatam; sive hæcœcitatem quandam, sive aliud fingant, magnam molestiam suscipiunt, & minimè necessariam. Itaque unus est Socrates, quòd illius anima cum corpore intimè uniatur; corpus item unum est ex compage organorum: hæc denique ex certâ elementorum temperie unitatem suam ducunt; ultrâ elementa non licet progredi, cum in alia corpora simpliciora non resolvantur. Quòd si ipsa elementa in diversâs partes, quarum una potentia, altera actus rationem habeat, distrahis, divisio illa tantum metaphysica futura est, quæ nullam ipsis rebus distinctionem, nisi formalem infert. Quemadmodum in Socrate varios entis gradus discernimus, qui tamen solâ cogitatione dirimuntur. Licuit ergò Aristoteli ens universum in actum, & potentiam distribuere. Sed non continuò hæc dupl. distincta sunt: res enim eadem cum rebus diversis comparata actus, & potentia rationem subit. Ipsa, de quibus loquitur, elementa, cum se se mutuò perficiunt, & agunt in se se, ut actus compotes intelliguntur; sed potentia rationem sustinent, in quantum instar materiae præstantiori formæ subternuntur, & cum eâ unum per se, hoc est, unam, & indivisam essentiam constituunt. Natura enim quæque, vel essentia una est, eaque prorsus indivisibilis, quatenus ad unius ideæ præscriptum formata est. Quòd si ab ideâ vel minimum defecerit, jam non erit ea, quæ supponitur natura: nihil enim essentia addi potest, vel detrahi. Itaque forma hominis, quæ ipsis elementis advenit, cum iisdem unius essentia totum, vel unum aliquid per se constituit.

At, inquiunt, si materia ex actu, & potentia componitur; jam à primi principii conditione depellitur. Id utique falsum est: nihil enim principii rationem debet usurpare, nisi idem actu ad totius compositionem pertineat. Quod non est actu, nihil omnino, nedum principium erit. At si elementa ex actu, & potentia constant, detrahe inquiunt, illum actum, quod supererit, materiam dicimus. Non potest, inquam, actus à potentia, nisi solâ cogitatione disjungi. Res eadem ut perficit, actus; ut perficitur, potentia rationem obtinet. Id verò, quod sæpius dicendum est, nos fallit, cum de principiis disputationem instituimus, quòd voces metaphysicas, quæ potissimum ex nostrâ concipiendi ratione rebus imponuntur, ad rerum naturalium explicationem traducamus. Cum tamen longè alia sit ratio totius physici, alia metaphysici; illius partes essentielles sunt reipsâ discretæ, elementa

nimi-

nimirum diversæ quidem speciei, & certâ quâdam ratione temperata: quæ sunt prima principia motûs & quietis; hæc adeo naturæ nomen sibi vindicant, & ad causam materiale præcipue pertinent: cum ea insint composito, nec quicquam fortè (si hominem exceperis) præterea in mixtis occurrat. Contra totius metaphysici partes, sive, actûs, & potentia, sive essentia, & existentia, seu denique generis & differentia nomen acceperint, sola ratio discernit. Nam quæ prædicata essentialia vulgò nominantur, sive latissimè pateant, atque in omnibus sint rebus diffusa, ut essentia, veritas, bonitas, unitas, quæ idcirco transcendentia dici solent: sive ea quasi per gradus usque ad ultimam differentiam descendant, undè & graduum nomen invenêre. His adde, si lubuerit, generales quasdam totius entis divisiones in actum & potentiam; essentiam & existentiam. Hæc inquam, & si quæ sint alia, non reipsâ, ut jam dixi, sed cogitatione, tantum, & mente distinguuntur; quæque ad formalem, quæ quid res sit, explicat; non ad materiale causam revocantur. Est enim forma quædam ratio essentia, quam involutam evolvit definitio. Cum verò

*Quid se  
supposi-  
tum.*

*VIIX*

*ad se*

*ad se*

*ad se*

*ad se*

*ad se*

Cum igitur instant, qui contra sentiunt, id quod rei completa, & existenti adjicitur, non unum per se, sed aggregatum per accidens efficere, nec rei, cui accedit, esse simpliciter, & substantiale, sed accedentarium duntaxat, & secundum quid imperituri. Id verò concedi, per se, & mus, cum nove rei accessu, prior in novum suppositum non transit, per accidens. Ut paries idem manet, qui erat antea, nec alterius fit juris, cum colore imbuatur. Sed elementa cum seipsa mixti alicujus compositioni tradunt, non amplius sunt sui juris, non in se subsistunt, at nobilioris essentia mancipio addita, in novam migrant suppositum. Quod si aque gutta cum oceano confusa non amplius in se, sed in oceanum subsistit; quanto id magis sentiendum de materia, seu elementis, quæ mixtorum compositioni ut partes incompletæ, & essentielles à



naturâ destinantur. Neque necesse est, ut materiæ essentiam ab existentia sejungamus, quasi forma existentiam; vel, ut ajunt, esse simpliciter, materiæ largiatur. Nam si hæc duo in materiâ, aut re, qualiscunque discrimines, posita materiæ essentia, illius existentia non continuo apponetur, nec vice versâ; unius enim productio erit ab alterius generatione diversa: cum sint res duæ, non una; cumque existentia ipsi essentia advenire supponatur. Quare existentia productio non erit essentia formalis positio, sed materiæ essentiam jam constitutam supponit. Jam quæro quomodo materia, aut alterius rei essentia jam posita, extra nihil concipiatur, necdum tamen existat? Quid novi affert existentia?

At enim, inquirunt, nulli rei creatæ concessum est, ut sit suum esse, ut per essentiam existat. Id verò confitemur: nulla enim res creata, est sibi adæquata existendi causa: nulla non pendet à primo rerum effectore, cujus essentia cum sit infinitè perfecta, omnem omnino perfectionem complectitur; cumque existentia sit maxima perfectio, essentia DEI concipi nequit ultra existentiam, quod in nullam creaturam cadit. Sed non concedimus rem aliquam per existentiam à se distinctam existere, id enim ne suspicione quidem attingimus.

**XIV.**  
*De formæ  
materiae  
notione,  
& exi-  
stentiâ.*

Enimverò nimis nos diu morantur difficiles illæ, & anfractuosæ, ex Metaphysicâ repetitæ concertationes. Nunc igitur è densissimis materiæ tenebris expediti jucundiorē de formis tractationem aggrediamur. Forma sic dicta est, quod perficiat, ornet, ac formet materiam, cujus est actus primus, vel primaria perfectio. Mens appellatur à Platone; est enim quasi radius, aut participatio divinæ mentis, ac sigillum idealis pulchritudinis. Unitas quoque à Pythagoreis dicta est, quod materiam, quæ ut vaga, & indeterminata concipitur, ad unam speciem determinet. Hinc etiam character vocatur, quia composito eam speciem imprimit, quæ illud ab omnibus aliis disjungit. Species, ratio, vel definitio, quidditas ab Aristotele nominatur, quod cuique rei suam tribuat speciem, atque in definitione primas obineat. Hæc de notione formæ substantialis: nunc quibus argumentis ejusmodi formas existere contendant Peripatetici, paucis expediā.

Quod si, inquit, nulla est forma substantialis, nulla quoque erit generatio, nulla corruptio. Quid enim novi res acquirit, cum gignitur? An maiorem molem, an novam accidentium congeriem? Illa erit accretio, hæc alteratio quædam; nec gignitur quicquam, nisi nova, eaque substantialis forma accesserit. Aurum est quædam substantia, sed habet à formâ suâ quod sit aurum: non enim quæ cor-

pus

pus est, aut trinâ dimensione constat, naturam, & speciem auri obtinet; nam id æquè omnibus corporibus conveniret: ergo forma auri est substantia. Nisi fortè velis cum Cartesio certam accidentium, ut magnitudinis, figuræ, sitûs, motûs, & quietis congeriem, auro speciem tribuere. At quàm id absurdum sit, velim ipse iudices: hæc enim accidentia detrahe, tolle figuram, magnitudinem, situm; nihilominus aurum remanebit. Non igitur ille accidentium complexus rei naturam & essentiam constituit. Profectò si materia substantia quædam est, ut nemo non fatetur; multò magis forma, quæ & perfectior, & diviniore est, substantiæ nomen, & rationem sibi vindicat. Quantum ponderis habeat hoc argumentum postea videbimus.

Nullum accidens essentialem inducit differentiam: neque homo albus est alterius naturæ ab homine nigro: sed differentia essentialis à formâ repetitur, non à materiâ, quæ communior est: ergo forma non est accidens quoddam, neque accidentium complexus, sed pars substantiæ, eaque nobilissima.

Addunt alii, quòd supremus naturæ opifex cuncta arte summâ, & ratione produxerit; atque eo ferè modo, quo artifex formam suo operi imprimit, quæ ideam mente conceptam refert: sic DEUS formas rerum omnium æternis rationibus, vel ideis conformes distinxit.

Jam si artifex formam suo posset operi impertiri, quæ illud regeret, contineret, tueretur: id utique ipsum effecturum non dubitamus. Quid igitur est, cur id divinæ sapientiæ, & arti omnipotentis artificis denegemus? Cur inficiemur DEUM innumerabiles rerum formas, tanquam radios multiformis sapientiæ suæ effudisse, quæ sint quasi seminaria omnium functionum, ac facultatum, quibus res quæque in suam perfectionem nitantur. Maximè cum fateantur illi, qui contra sentiunt, animam rationalem esse corporis formam, idque fuerit olim in Concilio Viennensi definitum. Nonne eadem prorsus est ratio de animantium formis, quæ majorem cum suis corporibus videntur habere cognationem? Unde, quæso te, tanta rerum varietas, tam apta corporum viventium structura, & conformatio? Unde tot vires, vel proprietates adeò fixæ & stables, nisi ex formis, quæ licet sensibus non sint obviæ, sunt tamen menti, ac rationi manifestæ. Nam ut figura exterior, & alia accidentia movent sensum, sic forma interior, quæ speciem tribuit, proprietates ex se fundit, & vim sui similis procreatricem composito largitur, ab intellectu percipitur: cum sit rei ipsius, ut ita loquar, intelligibilitas; ac species menti impressa sit ipsius formæ substantialis, velut effigies quædam; ut forma substantialis, autore S. Thomæ, nihil est, quàm similitudo, seu participatio

*Tractatu  
de formis  
quest. 1.*

primi actus rebus impressa. Cum enim, inquit idem Doctor, DEUS sit agens per intellectum, oportet ut omnium quæcunque produxit, in se præhabeat similitudines ideales, & per consequens ut effectus ejus in tantum perfici dicantur, in quantum formarum idealium aliquam similitudinem representant: ut sic in rebus materialibus non inveniatur solum materia, verum etiam formarum idealium aliqua similitudo, quam alio nomine dicimus formam. Quare manifestum est, quod ad perfectionem rerum naturalium requiritur, ut ignis non solum sit materia, verum etiam forma. Hæc quidem ut persuadent quædam in rebus formas existere, sic non omnino demonstrant eas formas à materia esse distinctas, de quo quidem hæc statui possunt.

1. Illud certum videtur ut materiem, sic formam ad essentiam compositi pertinere. Quam Aristoteles vocem adhibet, *ὅν*, tam essentiam rei, quam substantiam significat. Unde non satis liquet, an Aristoteles formas substantiales, an essentielles tantum admisserit. Ac multi in ea sunt opinione, hoc esse Arabum commentum, quod veteribus in mentem non venerat, ut formas substantiales præter animam rationalem agnoscerent.
3. Ratio substantiæ, materiæ remotiori, ut elementis, quæ seorsum possunt existere, & formæ cuique rei propriæ, ex æquo non convenit.
4. Ut formæ rerum substantiæ dici nequeunt: cum per se non existant; ita substantiales dici possunt. Nam ut materia cujusque rei propria; sic & forma, sunt partes compositi incompletæ & substantiales; ac neutra sine altera concipi potest. Unum compositum est completa substantia.
5. Ut crassiora corpora, quæque sensibus subjiuntur, sunt substantiæ, quæ materiæ habent rationem; sic ætherea, & quodammodo incorporea substantia, quæ in omni viget corpore, & est omnium actionum principium, forma cujusque rei potest nominari, ut infra suis ostendimus: nunc videamus, quæ sit formarum origo, quomodo aut generentur, aut destruantur. De his itaque accuratius differendum puto.



## CAPUT SECUNDUM.

*De formarum origine, ubi de rerum ortu  
& interitu.*

On alla est in totâ Philosophiâ quæstio, aut explicatu  
difficilior, aut magis involuta, quàm ea, quæ nunc no-  
bis est in manibus de naturâ, & origine formarum, quæ  
si rectè dijudicatur, magnum nobis aditum ad secreti-  
ora naturæ arcana patefacit. Nam quæ sint generati-  
onum primordia, quæ seminariæ virtutes, quæ causæ  
ortus, & interitus rerum (quod physicæ contemplationis caput est,)  
promoveant, undè corporum differentia, & species ducantur, tum de-  
mùm intelligemus, si formarum origines perspectas habuerimus. De  
quo quidem cùm mihi videam esse dicendum, summâ opinionum va-  
rietate nonnihil perturbor. Nam ut assios omittam Philosophos, non  
mediocris inter ipsos Peripateticos dissensio est, quos quidem tres in  
partes potissimum divisos arbitror. Fernelius, medicorum à Galeno  
princeps, existimat formas omnes à cælo præfisci: quòd animan-  
tes, quæ ex putredine oriuntur, cælestes habeant formas, neque e-  
nim aliunde formari possunt: sed perfectorum animalium non est  
origo deterior: ergò perfecta quæ sunt animalia à cælo formas su-  
as mutuuntur. Cælum quippè medio lumine, quòd instar vehiculi  
cælestes vires, & influxus desert, in subjectis aptè preparatis formas  
inesinenter procreat; elementa verò materiam suggerunt: eas  
proximæ subjectum adornant, & instruunt, ut forma in id incurrat.  
Quid enim est generatio, nisi societas materiæ cum formâ? Homo gi-  
gnit hominem; tametsi nec materiam procreat, nec formam; sed ut-  
ramque ad summum connectit, & conciliat: id verò præstant  
cæ-  
sæ continentes, & proximæ. Neque est verisimile elementa reb-  
gignendis universam conferre substantiam, & cælum otiosum, ac ve-  
lut feriatum manere. An illa tam admirabilis motuum cælestium con-  
stantia nihil efficit? Docet quidem Philosophus totum hunc, qui ter-  
ram ambit, mundum, hoc est elementarem regionem cum superis con-  
versionibus, id est cælo sic continuari, ut omnis ejus virtus inde gu-  
bernetur. Nam illa est prima causa, undè omnibus est principium  
motus, quæ est quasi sempiterna, nec locum habens definitum, nec a-

I.

*Sententia  
Fernelii  
de forma-  
rum origi-  
ne.*

nem: quandoquidem in circulari motu nullum principium, nullus item finis assignari potest: & sicut localis motus omnium primus est, & causa cæterorum: sic illud corpus, quod jugi, perennique motu circumagitur, omnium corporum causum esse convenit. Hinc sol suo ad nos accessu, & recessu rerum sublunarium ortus, & occasus efficit. Quod si calor naturalis tantâ vi præditus est, ut alimentum in substantiam viventis convertat, superflua quæ sunt, excernat, & quod cuique parti conveniens est, distribuat, quis calorem cælestem vivificum esse, ac prolificum inficietur? Ita ferè sententiam suam Ferneli-  
us majore fortassis verborum pompâ, quàm veritate conatur stabilire, atque illustrare,

*Lib. I. de  
abditis ge-  
nium cau-  
sis.*

II.

*Refellitur.*

Videtur mihi Fernelii sententia ab opinione Cartesii non multum abhorre: hic enim putat cælestem quandam substantiam è sole, atque aliis sideribus continenter profluere, quæ in mixtis corporibus ita regnat, ut omnis motus principium sit, atque in hanc subtilem materiam cadunt omnia, quæ formæ tribuuntur. Sed hoc Cartesii placitum suo loco expendemus. Interim quidem concedam Fernelio hunc quondam inferiorem à cælesti foveri, regi, contineri: ac cælum ortus rerum, & occasus moderari: at causæ duntaxat universalis nomine. Hinc nego formarum distinctiones à communi & generali causâ proficisci posse. Nonne ante solis creationem terra herbas germinavit, quæ in suo quæque genere produxerunt semina, ex quibus aliæ orirentur. Non igitur formæ omnes è cælo profluxere. Sed neque illud Fernelio assentiar, animantium, quæ ex putri materiâ nascuntur, formas è cælo deduci, cum cælum sit inanimè, neque id causâ princeps alicujus animalis esse possit. At, inquit nonnulli, cælum, aut sidera, ad imperfectiorum animalium generationem conspirant, ut instrumenta, quæ motrices intelligentiæ adhibent. Verum id meritò rejicimus, cum generationis principium sit rei genitæ initium, neque adeò mens separata, naturalis quædam horum animalium causa haberi possit. An fortè agentis artificialis nomine operatur? At solus DEUS ut naturæ opifex secundum divinæ dictamen sapientiæ, & juxta æternarum rationum regulas cuncta artificiosè procreat. Res quippè artefacta sit participatione formæ idealis, quæ menti artificis insidet: atqui res naturales non sunt juxta præscriptum idearum, quæ insunt menti Angelicæ. Non igitur intelligentia quædam opifex crit, & causa primaria viventium, quæ ex putri materiâ formantur: horum enim productio, & admirabilis conformatio naturæ creatæ vires omnino excedit. Intelligentiæ verò, si quæ sunt, quæ cælo, & sideribus præsent, non aliud quiddam meliuntur, quàm

quàm id, quod cœli viribus est attemperatum; illud enim duntaxat loco movent, atque influxus cœlestes rebus inferioribus applicant.

Undè ergò, inquires, istorum animalium formæ oriuntur? Magna sanè, & ardua quæstio: horum tamen alterum fateri oportet; vel nullam esse aliam à DEO istarum animantium causam principem; vel ex aliorum seminibus perinde ut perfectiora animalia generari. Cum autem verisimile non sit DEUM immediatè generationes promovere: si ad DEUM, ut ad causam principem confugimus, necesse est, ut seminarias quasdam admittamus in naturæ occulto reconditas vires, quæ sint idearum instrumenta. Neque id nos movere debet, quòd perfectiorum animalium origo futura sit ignobilior, quàm eorum, quæ ex putredine oriuntur: cùm hæc nulli causæ principali, nisi supremo artifice referantur accepta, Nam si rem totam ad severiora judicia revocemus, nulla est omninò causa, quæ DEI instrumentum censerì non debeat. Tametsi ea dici solet causa principalis, quæ effectui suo formam sibi similem, vel deteriorem imprimit: sed eadem causa instrumenti obit vices, quatenus formam ideæ divinæ similem efficit. Ac si Doctori Angelico credimus, res creata ipsum esse non largitur, nisi instrumenti nominè. Nam primus, & maximè universalis effectus, nempe esse, ad primam, & communissimam causam pertinet, ut ordo effectuum causarum ordini respondeat. Jam quid dicam de organorum structurâ mirabili, quam superiùs ad DEUM referri debere ostendimus.

1.  
Qua sit  
causa anima-  
lium,  
quæ ex pu-  
iri ma-  
seriâ gi-  
gnuntur.

Ista verò occulta viventium semina non ex animalibus ejusdem generis prodissè, sed in spiritu universi, vel elementis, sparsa existere multi cum Platonici opinantur. Ecce, inquit Augustinus, brevissimus furculus semen est: nam convenienter mandatus terra arborem facit: hujus autem furculi subtilius semen aliquod ejusdem generis granum est, & huc usque nobis visibile. Jam verò hujus etiam grani semen, quamvis videre nequeamus, ratione tamen consicere possumus, quia nisi talis aliqua vis esset in istis elementis, non plerumque nascerentur ex terrâ, qua ibi seminata non esset, nec animalia tam multa nullâ marium, seminarumque commixtione precedente, sive in terra, sive in aqua, qua tamen crescunt, & coëundo alia pariunt, cùm illa nullis coëuntibus, aut parientibus orta sint. Hæc sanè mirificè placent Chymicis, qui occulta rerum semina in elementorum abyssis putant delitescere, atque ex his renascentes rerum formas, vel ut loquuntur, plantarum resurrectiones quasdam; seu potius figuras umbratiles deducunt. Unum item & alterum hujus spectaculi exemplum pro-



proferi Doct. Coxes in nuperis tractat. Anglicanis. Cum lixivium ex filicum sale per aliquot hebdomadas in vase vitreo reliquisset, & pars salis tractu temporis in imo vasis resedisset, ad duorum pendè digitorum altitudinem, ex ea salis massa repentè filicum 40. aut circiter rami visi sunt assurgere, polypodio similim, sal vero non igne aperto, sed in vase clauso extractus fuerat, isque adeò tartareus & essentiali proximus erat, nam & filices non omnino erant exsiccata. Hoc utique spectaculum multis exhibuit. Ulti & aliud ex iis cineribus accertimis, quos ex Lituania, & Norvegia advehunt, & sale ammoniaci aquis partibus una commisit, ac leni calore in ampla cucurbita capitello instructa sublimatis; cum enim hanc distillationem aut sublimationem subito deseruisset, ut aliis vacaret negotiis, ut rediit, statim velut silvam in capitello Alembici & pinuum, & abietum, & cujusdam arboris ipsi ignotæ conspexit, quæ arbores mirum in modum erant delineatæ, & quidem notum est hos cineres ex abietibus potissimum, & pinis parari. Plura in hanc rem jam alibi diximus, quæ si forte fidem non habent, aut minùs intelliguntur, id unum restat, ut insecta, atque imperfecta animalia, non ex seminibus, quæ ab ipsâ mundi origine creata in elementis conservantur; neque ex fortuito externarum causarum congressu, sed ex aliis ejusdem generis animantibus, prognata esse fateamur.

Hoc enim discriminis inter simplicem rei productionem, & generationem intercedit, quòd illa prodeat ab exterioribus causis, hæc verò non nisi ex semine, quod vim formatricem complectitur. Neque ullo modo fieri potest, ut quæ ex semine nasci debent, solo externarum causarum concursu emergant. Quomodo enim ita opportunè, & velut ex condito ad unius plantæ, vel animalis procreationem causæ omnes conspirabunt? Vis autem seminaria, cujus crassum illud corpus, quod semen vocamus, est velut capsula, omnino est invisibilis, neque ullo sensu percipitur. Ea quidem potest vel in exili corpusculo, tanquam in matrice integra servari, atque eò facilius, quo ignobilioris plantæ vel animalis virtutem formatricem continet: tum enim minorem partium apparatus exigit. Sic videmus cruciarum ova per totam hiemem servari. Exteriores igitur causæ vires illas velut in seminibus sopitas exsuscitant. Sol enim veris tempore terram plantis, & animalibus complet, cum calore suo seminum vires explicat. Itaque si Vehmhusio, & aliis credimus, nullum animal, nulla planta ex putri materiâ oritur, nullaque est generatio, nisi eadem univoca; tametsi putrefactione corpora dissolvuntur; ac vis genitalis, quæ prius obruta jacebat, jam se prodit atque in actum erumpit.

Unde

*Chenilles.**Tract. de gener.*

Undè ergo terra tantam herbarum copiam sine ullo semine procreat, & quò magis fimo aut stercore pinguescit, hoc in plures plantas, quas antè non extulerat, effunditur? An fortè seminum illa occulta semina, quæ in primâ rerum conditione terra accepit, causis exterioribus adjuncta emicant: aut seminariæ vires in fimo reconditæ evolvuntur? Adde illud quoque in seminibus interdum, aut plantis nobilioribus aliarum ignobiliorum vires seminarias contineri. Sic triticum in lolium, avena in avenam fatuam degenerat. Cum enim vis seminaria tritici præ sterilitate soli debilior est, quàm ut triticum procreet, inferioris notæ fruges, aut zizania, aut lolium, aut aliud quiddam fundit: quemadmodum eadem vis in arboribus, & folia & flores, & fructus, dum vegetior est, gignit: sed ubi languidior est, frondes duntaxat, aut ad summum flores profert, fructibus, ac seminibus procreandis impar.

Atque hæc fortè non ægrè quis concesserit: at difficile est huc animum inducere, ut animalia, quæ spontè nascuntur, ex seminibus, quæ in terrâ, plantis & aliis corporibus latent, originem suam repetere credamus: nec illa semina, si quæ sint, aliundè quàm ex aliis animalibus procreantur. Undè ergo tot in vestibus tineæ, in libris blattæ, in lignis cossi? Undè illa animalcula, quæ in casei jam putrescentis superficie tam numerosa deprehenduntur? An fortè horum semina in herbarum succo delituerunt, atque ab aliis ejusdem speciei fluxère, quæ commoda materia excepta tandiu servata sunt, donec opportunitatem nacta, & causis exterioribus adjuncta vires suas exererent. Hæc fortè defendi possent, si usquàm alibi ejusmodi insecta deprehendere liceret. Fateor enim insectorum ova in terrâ, vel aliis corporibus diutissime conservari posse, quòd viscosa sint, & exilia, nec magnum apparatus ad sui custodiam exigant. Dabo illud quoque nulla ferè animalia, quantumvis exigua, ex maris & semine congressu non nasci; atque ubi opportuna loca offendunt, quàm numerosissimè sobolescere. Notum est muscas semel imprægnatas vermiculos in carne deponere, qui subito in muscas formantur. Sed quis hoc dabit, tot vermes, qui ex lignis putridis; aut tineas, quæ ex vestibus succrescunt, ex seminibus, aut ovis aliorum vermium, in longum ævum servatis, procreari? Neque enim facillè intelligitur, quæ possint illa semina in herbis, aut terrâ dispersa, per radicum fibras unâ cum succo nutritio percolari, vel unâ cum alimentis primum in chylum, tum in sanguinem, post in excrementa, & fuligines, tandem in pilos, aut lanam deduci: adeò ut post multa annorum volumina, cum putredo accesserit, aut blattæ, aut tineæ ex suis seminibus,

Kkkk

nibus,

nibus, quasi in scenam prodeant. An potius ut ex terrâ plantæ, sic ex animalium, aut plantarum corporibus animalia quædam sine semine quidem manifesto, sed non citrà vim seminalem aliquam oriuntur? Quòd si vegetatrix anima nihil est, quàm purissimus & spirituosus illius succus, ut sensitiva non differt à vitali spiritu, aut puriori essentiâ, quæ sili, oleo, & spiritui potissimum insidet, ut nonnullis videtur, & suo loco expendemus, neutra quidem anima erit quid homogeneum, & unius modi, sed utraque ex diversis constabit elementis certâ quâdam lege coagmentatis: aded ut imperfectiores animæ nonnunquam perfectioribus serviant, iisque contineantur. Hinc enim, ut jam diximus, triticum in lolium, & flores exquisiti in vulgares degenerant, cum vel cœli intemperie, vel cultûs negligentia, vel soli ariditate, quædam partes formæ tritici detrahuntur, quæque superant, lolium, aut viliores fruges constituunt. Sic plantæ, & animalia spontè nascuntur, cum idoneam materiam, aut subtilis Cartesii substantia, quæ nunquam cessat, aut spiritus quidam, ut cum Chymicis loquar, mechanici, & artifices comprehendunt, quam primum fermentant, seu levioris caloris motu sensim attenuant, postea digerunt, atque intensiore calore exagitant, donec in certum ordinem, ac figuras, organa quæque disponantur. Nam hic motus non temerè, & citra rationem perficitur; sed juxta naturæ leges, aut seminarias rationes ex aptâ materiâ, ac spiritu determinato procedit. Utrum hæc vera sint, vel falsa, decerni non potest, antequam de naturâ tum vegetatricis, tum sentientis animæ nobis constiterit. Quocirca in his, quæ aut valde dubia, aut falsa, certè sunt maximè abstrusa, non est diutius immorandum.

IV.  
2. *Opinio*  
*Themistii,*  
& *Scaligeri.*

Fernelii sententiam excipiat altera, quæ Themistio tribuitur, eaque à Scaligero, & Sennerto, ut alios omitam, acerrimè defenditur. Illic scilicet existimant formas multiplicari, non aliter, atque ignis ab alio accenditur; aded ut cum glande forma quercûs traducatur, quæ tractu temporis in magnam arborem assurgit: sic omnia viventium semina esse animata, magnoperè contendunt. Dicant enim nobis, qui secûs sentiunt, quo tempore forma quercûs glandi, aut pulli anima ovo accedat? An expectandum erit, donec arbor sit in ramos effusa, aut pullus omnibus sit suis organis instructus? Ergone nondum est vita, cum germen crumpit, aut cor jam appulsu sanguinis agitur? An fortè cum tumet glandis gemmula, & corticem disrumpit; aut etiâ ubi illa macula, vel cicatricula ovi, quæ vim genitalem pulli complectitur, calore soventis, & incubantis gallinæ explicatur, tum demùm vita adest? Sed undè anima emergit? Quantò proclivius est  
for:

formam cum ovo traductam supponere; adeò ut plantæ, & animantes (nam hominem, ut par est, excipiunt) non materiam modò gignendis corporibus, sed formas etiam seminibus conferant. Hinc enim perennis generationum series facild explicatur, neque illas patiemur angustias, in quas plerique omnes coarctantur Philosophi, dum formas educi è materiâ volunt, in quâ non actu, sed potestate continentur.

Res sanè digna est acriori examine. Ac primùm quæri meritò potest, quid pulli anima in ovo delitescens molliatur? An quasi manibus insinuatis feriat? An potiùs proprium corpus fabricat? Verùm si forma proprii corporis est architecta: ergò res seipsam generat; quod ab omni penitus ratione abhorret. Accedit etiam illud vel maximum, quòd ut forma per se non existit, ita solitaria non operatur. Mitto animam nusquam nisi in corpore organico posse reperiri. Quòd si anima è corpore excedit, cum illius organa malè sunt affecta, cumque instrumenta defunt, quibus suas functiones commodè exerat, quis eam in semine sopitam, & quasi veterno oppressam, jacere arbitretur? Sed cujus erit anima, patris, an matris, an ex utroque parente suam duxit originem? Animam quidem rationalem, quando ita volunt, existimus: nec sanè illa, cum sit insectilis, ex traduce propagari potest: pulli quidem anima ovo contineri nequit, nisi eadem materia duabus formis, iisque specificis ovi & pulli substernatur.

Quid respondeant, obscurum non est. Negant rem tum generari, cum corpus suis organis instructum jam manifestas viventis functiones exerceat: sed ubi aut semen, aut ovum fecundatur. Nam ut vivens aliquid de propriâ materiâ, sic particulam, & quasi radium suæ formæ proli communicat; quæ quidem, ut ita dixerim, scintilla paulatim in majorem crescit formam.

Sit ita sanè: jam cedo, quemodò forma illa traducatur? An sit ex nihilo? Sed hoc vires naturæ superat. An educitur è potentiâ materiæ? At hoc ipsum respuunt hujus opinionis assertores. Quòd si formâ effectûs geniti jam actu erat in generante, nulla omnino sit generatio. Quod enim jam erat actu, non gignitur, vel ad summum generatio nihil erit, quàm ejusdem individui multiplicatio. Hoc scilicet est una summis permiscere, & totius philosophiæ fundamenta concutere.

Hæc tamen non tanti sunt, quæ Scaligerum à præsumptâ opinione depellant. Respondet enim formam viventis aliam formam traducere, eodem ferè modo, atque ignis alium accendit; vel sicut arbor

per fursculum avulsam aliam gignit arborem : vel denique non aliter, atque ipsa viventis anima in materiam alimenti se se insinuat. Quid enim absurdi, si viventium formæ multiplicentur, cum flamma hanc habeat prærogativam, ut citrà sui dispendium seipsam diffundat? Negant formas per sui divisionem traduci; cum tamen videamus ex fursculo salicis exciso, & vivente, aliam prodire salicem. Nolunt formas seipsas propagare posse, nec advertunt, quòd in accretione anima seipsam in materiam alimenti promoveat.

## V.

*Quomodo  
hæc opinio  
defendi  
possit.  
Lib. 4. de  
mente  
hum.  
Lib. de  
fossilibus  
6, 1.*

His igitur argumentis in utramque partem libratis, ita sentientium puto. Primum animam rationalem ab hac quæstione esse removendam, cum enim, ut suo loco plenius ostensum est, incorporalis sit, & partium experta, non potest ex aliâ animâ, divisione quâdam propagari. Sed neque mixta, quæ sunt inanima, formas suas in alia trahunt corpora; neque enim lapis lapidem gignit, tametsi fortè lapidem, ut aliorum fossilium sua sint semina, ex quibus oriuntur. Verum hæc semina ab aliis ejusdem generis non formantur; ac de his jam copiosè alius diximus. De plantis itaque, & animantibus aliqua discussio est. Et quidem multum in eam sententiam propendeo, plantarum formas ex aliis per divisionem quandam deduci: non enim ab animo meo impetrare possum plantas vivere, semina non item: cumque rami, aut radices excisæ in novas arbores adolescant, quid est, cur in totâ arbore vim prolificam inesse dubitemus? Quorsum hanc à formâ disjungimus? Nec quercus jam fortè combusta alterius erit causa primaria, nisi quatenus glandem emisit, in quâ novæ quercus forma quasi complicata jacet. Cum enim nobis obtrudunt, glandem nihil esse, quàm instrumentum quercus, ex quâ defluxit; id necdum cogitatione complector, quæ fieri possit, ut causa primaria habeatur, quæ amplius non est; cum agere quicquam non possit, nisi idem existat.

De animantibus nihil certi statui potest. Nam si horum formæ insectiles sunt; aut cum omnino non essent, repente emergunt; atque è materiæ sinu eruantur: quemadmodum formas nobis describere solent Peripatetici, fatendum est eas ab aliis non propagari, atque argumenta, quæ contra Scaligerum adduximus, id omnino evincere videntur. Nihil enim seipsum generat; nec forma, ut vulgò definitur, sola operatur; nec demum verisimile est in grano tritici omnes segetes, in glande omnes silvas, quæ ex illâ oriuntur, actu contineri. At si brutorum animæ non modò corporales sunt, sed etiam per se divisibiles, eæque ex diversis partibus coagmentatæ; vel illæ à spiritu vitali, aut sanguinis flore non discernuntur; seu quinta sint & pu-

rior

rior corporum essentia, quod alio loco examinari debet: nihil sane nos cogit, eas à virtute formatrice, & prolificâ, quæ viget in semine, disjungere. Cumque hæc vis plastica non sit vitæ expers, atque ex viventis formâ deducatur; quid est, cur ab eâ formam prolis separemus? Hæc enim format, & perficit corpus, idque in membra ducit. Interea tamen vivit, atque animâ suâ donatur corpus; nam spiritu, & sanguine vegetatur: ac si vita plantis tribuitur, non est ovo, postquam gallina aliquot horas id fovit, deneganda. Nec video, cur cordis, & arteriarum pulsus; nutritio, & generatio animæ cujusdam sint functiones, non item facultatis conformatricis machinatio. Nisi fortè alia vis corculum, aut subrubram sanguinis guttam, quæ in ovo post tertium incubationis diem micat, alternis moveat; atque alia ipsum cor, dum pullus omnibus suis partibus est absolutus, impellat. Profectò aut negandum est vitales, & naturales functiones ab animâ proficisci, aut fateri oportet vim plasticam ejusdem animæ esse facultatem, quæ tùm cessat, cum suo munere defuncta est.

*Varia ob-  
ject. &  
solutiones.*

Verùm, inquiunt, anima nulli corpori, nisi organico inesse potest. Id de animâ rationali, id etiam de sentiente, quatenus præcipuas animæ sentientis functiones exerit, facillè conceditur: non item de animâ, quæ sibi suum domicilium parat. At nihil seipsum generat: id utique verissimum, sed anima jam producta supponitur, eum ovum secundum avis excludit. Tot igitur, inquiunt, futuræ sunt animæ, quot ova in gallinæ utero? Non utique; quemadmodum enim una est, & communis anima, quæ glandes omnes, quamdiù arbori hærent, vegetat: sic unâ, non multiplici animâ continentur ova, quæ gallinæ utero adhærescunt: separata verò jam propriâ quæque fruuntur formâ. Urgent pressius, & quærunt, undè illa prodit anima, ex gallo, an ex gallinâ? Ex utràque, inquam: eum enim ea sit divisibilis, nihil obstat, quominus ex utriusque tùm maris, tùm feminae commixtione deducatur. Quemadmodum videre est in mulo, & in aliis velut naturæ monstris, quorum ut corpora, sic animæ ex diversi generis animantibus compinguntur. Ergò, inquiunt, eadem ovi materia duabus formis, tùm ovi, tùm pulli subjicitur. Imò, inquam, longè aliæ plures formæ insunt: nam elementa cum formis suis ovo contineri suo loco ostendemus; est tamen una ovi specifica, & denominans forma, nec pullus dici potest, donec præcipua illius organa sint absoluta; neque adeò spiritus ille, qui albæ cicatricis velut punctulo continetur, & calore adjutus paulatim crescit, forma dici, aut pulli anima debet, quousque mirabilem illam organorum compagem juxta

Kkkk ;

naturæ



naturæ leges, aut seminarias rationes, struxerit. Neque id mirum videri debet, animam suam sibi domicilium parare, cum omnes hoc operis spiritui vitali, & prolifico tribuant; nec major, ut mihi videtur, scientia uni quàm alteri adest, & utrumque ut divinæ sapientiæ instrumentum agit, neque ulla nos cogit ratio in brutis animam à spiritu vitali sejungere, cum spiritus vitalis animatus esse, illustri Chamberæ, & aliis melioris notæ Philosophis videatur. Atque ea Scaligeri opinio ex nuperis observationibus doctiss. Malpighii non mediocriter illustratur. Ex iis quippè constat, in ovo læcundo etiam antè gallinæ incubationem, prima pulli rudimenta microscopii exquisiti ope conspici, quæ in ovo sterili, aut subventaneo non apparent. Ac de plantis quidem illud vulgò notissimum, prima arboris stamina in ipso germine distincta plerumque cerni, quod in sabis citra microscopii opem intueri licet. Sed fortè hæc aliena sunt ab eo, quod propositum est; neque hoc in loco quicquam velut certum audemus definire: nec demùm res tanta, ut par est, tractari potest, antequam viventium procreatione egerimus; ista igitur velut delibasse sufficiat, quod reliquum est prosequamur.

## VI.

3. *Opinio  
& communis,*

Tertia, etæque apud Peripateticos inagis vulgata sententia est, formas omnes, rationali animâ exceptâ, è potentiâ materiæ educi. Non, me hercule, quòd in materiâ latitantes, tanquam è tenebris formæ in lucem prodeant: neque etiam quòd materia vi propriâ, atque impetu illas emittat; sed quia virtute agentium è materiâ ritè dispositâ, atque instructâ formæ eruuntur. Non enim, si propriè loqui volumus, forma generatur, vel creatur; illud quippè gignitur, quod existit; cum fieri sit quasi via, & motus ad existentiam. Compositum verò ex materiâ, & formâ existit, & operatur. Ergò forma, quæ nec generari, nec creari potest, è sinu materiæ eruitur, quatenus quæ prius erat potentiâ fit actu. Quocircâ eadem actio diversis signatur nominibus: ratione compositi, quod gignitur, generatio dici solet; mutatio verò ad materiam, quæ unam exiit formam, ut aliam induat, comparata nominatur: denique educationis nomen accipit propter formam, quæ fit actu, cum antea esset potestate. Neque porro forma educitur, nisi eadem à materiâ dependeat, tum ut sit, tum ut operetur. Quare anima rationalis, quæ per se existit, & operatur separata, è potentiâ materiæ non eruitur. Reliquæ autem, quæ eadem actione fiunt, quâ ipsum compositum, neque à materiâ separata possunt existere; quarum tota essentia in hoc posita est, ut informet; nec per se fiunt, aut quicquam solæ moliuntur: illæ, inquam, omnes formæ in materiâ demerisæ, ex eadem materiâ educuntur: quatenus agens

vim

vim suam, quæcunque sit illa, in subiectum quoddam emittit, quæ quidem virtus materiæ impressa eam intrinsecus movet, & quasi agentis, ex quo manat, sigillo ac specie imprimit. Sic unius speciei individuum in alterius speciei individuum commutat, illud informat, ac perficit. Anima verò intellectus particeps, non è corpore elicitur, neque eadem actione, quâ ipsum compositum, procreatur: nec demum virtute agentis naturalis, ex subiecti immutatione prodit: sed præparato, & instructo corpori infunditur, & creatur.

Hæc, ni fallor, est Aristotelis de formarum origine sententia, & eaque omnium ferè Philosophorum calculo comprobata. Est enim quodammodo media inter extremas opiniones, quarum altera formas nullo modo procreari, sed in elementis, vel materiâ latitare, & jam actu inesse putat; quæ quidem sententia tribuitur Anaxagoræ, & acriter à Sennerto defenditur. Altera huic opposita, formas omnino de foris advehi statuit; sive è cælo depluant, ut putat Fernelius, sive ab ideis ducantur, ut visum est Platonicis; seu denique ab intelligentiâ quâdam proficiantur, ut sibi persuasit Avicennas. Probabilior itaque videtur sententia, quæ formas non quidem actu, sed potestate in materiâ contineri; neque omnino extrinsecus advenire statuit, sed virtute agentium naturalium, & benedictionis, seu imperii divini, cujus vis etiamnum manet, & regnat in formarum propagatione, educi.

His sanè acquiescerem, nisi multæ, & non contemnendæ rationes me in diversum retraherent: educi enim formas è materiâ potentia nihil apud Peripateticos magis tritum, nihil vulgatius: sed quid sit illaeductio, quidvé illam à creatione sejungat, quotusquisque nobis evolvit? Quædam generatur forma, quæ antea nullo modo erat: sit etiam ex nihilo, & secundum omnem rationem entis; quomodo igitur non creatur? At, inquiunt, jam erat in potestate materiæ: quid hoc est, nisi fortè capacitatem fuisse in materiâ, ut formam exciperet? Non enim alia est materiæ potentia, quàm ut subiecti vices obeat, & formas ut fundamentum sustentet. An id vocas educi è materiâ? Dic potiùs formas fieri in materiâ: aut cedo, cur anima rationalis non itidem educatur, cum materiæ sit quædam capacitas, & propensio, maximè cum est disposita, ut intellectivam animam excipiat. Materiam definiunt id, ex quo inexistente sit aliquid; atque ea definitio in composito quidem, cui materia inest, ut pars illius locum obtinet: quæ ergò persuadet ratio eandem materiem formæ non esse partem, si ex illâ hæc gignitur? Aut causæ materia-

lis

lis definitionem muta, aut concede illius rationem omnino esse æquivocam, cum ad compositum & formam traducitur: aut sater, materiam non esse à formâ sejunctam. Quis enim concipiat formæ, & materiæ entitates, sic enim libet loqui, omnino distinctas, & formam fieri ex materiâ, si hæc illius non est causa intrinseca, hoc est, ut planius loquar, si forma ex materiâ non constituitur? Quid est, quod solent dicere, formam fieri ex nihilo sui, non ex nihilo subjecti, si ipsum subjectum nihil est formæ, ut vice versâ forma nihil est subjecti: sunt enim duæ res penitus secretæ? At formam sustentat materia: quid hoc est aliud, quàm formam recipi in materiâ? Verum non potest forma sine materiâ subsistere. Esto: Sed neque materia, ut volunt, citra formam potest consistere; aut si possit, forma nihil ab accidente discrepabit. Et certè definitio accidentis ab Aristotele in Prædicamentis allata omnino in ejusmodi formas, quales describuntur à Peripateticis, cadit: est enim in aliquo, nempe in materiâ, & non ut pars illius subjecti; nec seorsum ab eo, in quo inest, fieri potest; nec demùm secundum rationem, sed tantùm secundum nomen de eo dicitur; non enim corpus est anima, quamvis denominetur animatum. Dicant igitur nobis quid ejusmodi formam ab accidente distinguat, quid ejus productionem à creatione secernat? Nihil enim est forma antequàm gignatur, atque ex nullo propriè sit subjecto, quamvis in subjecto aliquo recipiatur; ac denique secundum omnem rationem entis in ipsâ conclusam procreatur. Mirum sanè tot formas è materiâ depromi citra ullius materiæ dispendium; easque è sinu tam fecundo sobolescere, tametsi nullam particulam vel à materiâ, vel ab effêctrice causâ decerpunt: easque substantias, cum extinguuntur, non abire in nihilum, tametsi nihil omnino earum remanet. At, inquit, forma propriè neque est, neque producitur, sed compositum. Cumque forma educitur, non ens aliquod, sed tale ens gignitur: nam illius essentia in hoc consistit, ut alteri in sit, ut subjectum informet. Quare non fit ex non ente simpliciter, quod ad creationem requiritur, sed ex tali non ente: ut si canis ex equo gigneretur, non fieret per se ut animal, jam enim erat: sed ut tale prodiret animal. Sic forma ignis non fit ex non ente simpliciter, sed ex non igne, atque, ut ajunt, ex non ente secundum quid: nam cum balbis balbutiendum est, & usitato loquendi mori serviendum. Hæc quidem magnâ subtilitate dicuntur, sed vereor ut distinctiones metaphysicæ rem satis apertam magis involvant. Nam si forma non generatur, non utique est entitas quædam à materiâ sejuncta: quod enim non fit, id nec entis

nomen

nomen, nec rationem debet assumere. At illius esse est alteri inesse. Quid tum? An illud ipsum, quantumcunque est, produci non debet, si modò sit aliquid? Verùm ex Aristotele non fit rotunditas, neque æs ipsum, sed rotundum: id quidem ultrò concedimus: sed neque rotunditatem ab ære rotundo, neque formam à materiâ formatâ discernimus. Forma autem, si est quiddam, producit; si nullum est ens à materiâ disjunctum, per se non generari fatemur. At volunt esse entitatem quandam absolutam à materiâ secretam: itaque non modò ut tale ens, sed etiam ut ens produciatur, atque à DEO creatur, ut ipse fatetur Philoponus. Id enim inter creationem & generationem est discriminis, quòd illa nihil ejus, quod producendum est, supponat. Nam quod creatur, fit ex non ente per se, ex nihilo sui; secundum universalem, & adæquatam totius entis rationem: adeò ut ens, in quantum ens producatur. Non quòd ens in universum emanet à creante: nihil enim nisi idem *Discrimen* singulare procreatur: sed quia nihil in re creatâ concipimus, quod *inter crea-* ante fuerit. At generatio fit ex non ente per accidens: id enim, ex *tionem, &* quo quid gignitur, est quidem simpliciter, sed non est tale ens, non *generatio-* id quod generatur. Itaque non prorsùs ex nihilo, sed potius ex aliquo sui efficitur; neque secundum universalem, atque adæquatam entis rationem pròdit in lucem; jam enim erat omninò id, ex quo canis gignitur, sed nondum erat canis. Quare si forma est quiddam natura, vel entitas à materiâ sejuncta, cum ab agente naturali produciatur, omninò creatur: tota enim ab eo dimanat; nihil ejus extitisse supponimus ergò non modò ut tale quiddam est, sed etiam in quantum est, ab agente procreatur.

Verùm, illud semper occinunt, formam esse ens incompletum, quod neque esse, neque effici per se potest: est enim id, quo res composita existit, vel operatur; atque adeò non ut quod, sed ut quo produciatur. Id effugium jam magnâ ex parte præclusum est: nulla enim res ab aliâ discreta, quæque propriâ entitate donatur, actione sibi propriâ non efficitur. Quandoquidem ut actio non est quiddam ab agente, & effectu distinctum, quod in creatione evidentissimè liquet: tot sunt actiones, quot res sunt, ac nulla res non ut quod produciatur. Et sanè si forma suam habet entitatem, suâ quoque existentia fruitur: ergò per se existit; quid enim est entitas, nisi id quod natum est existere: est igitur entitas formæ adæquatum propriæ existentie subiectum; neque alio indiget, ut suam existentiam accipiat, nisi fortè causæ efficietis auxilium expectat: sed id omni substantiæ creatæ

communis est. Non igitur satis assequor, quid fieri possit, ut forma, si est quædam entitas à materiâ diversa, non per se existere, generari, aut potius creari, consensda sit. Quod vero ajunt nonnulli materiâ ad formæ productionem causæ effectricis titulo conspirare; præterquam non satis probatur, id nihil impedit formæ creationem, quandoquidem materia formæ aliena est: neque enim forma ex materiâ constituitur. Mirum sane quod ajunt formam non fieri, nisi quia totius compositi productionem subsequitur; cum pars sit ordine generationis prior, quam totum: cum etiam forma sit causa totius. Quapropter si forma per se fiat, vel nihil ejus in materiâ præest, tumque creari dicenda est; vel aliquid ejus præexistit; idque erit assignandum. Mitto alia argumenta, quæ congerunt Sebastianus Basso, Berigardus, Thomas Angelus, P. Magnanus, ut nihil de Cartesio, & Galicendo loquar, de quibus suo loco.

VIII.  
Variarum  
opinionum  
comparatio.

Quoniam enim omnes non uno modo explicant rerum generationem; cum alii formas eliminant, alii eas in proportionem quædam miscibilium reponant, alii aliter opinentur; in id tamen juxta incumbunt, ut formas à materiâ non re, sed cogitatione tantum, aut ad summum, ut modum à re modificatâ discriminant. Neque in re adeo obscurâ quicquam certi, aut explorati mihi occurrit. Nec formas tamen, quas superius multis argumentis probare conatus sum, omnino sustulerim; neque eas creari mihi omnino persuado: fateor me educationem illam à Peripateticis decantatam non assequi. Tametsi forte aliquis educationem à creatione diversam aliquo modo possit defendere, quod creatio nulli materiæ innitatur; educatio autem formæ circa aliquod versetur subiectum. Sed præterquam animæ rationalis creatio in corpore perficitur; nihil aliud quam recipit materia, nec formam ex se fundit; neque illius materialis causa dici potest, cum ex eâ forma minimè constituitur. Atque omnia redeunt argumenta, quæ satis copiose prosecuti sumus. Non igitur forma corporis mixti (nondum enim quicquam de viventibus decerno) est quædam entitas à materiâ diversa; sed nisi me mens fallit, non est aliud, quam miscibilium, quæ partes essentielles jure nominantur (cum sine his compositum nec esse possit, nec concipi) compositio, ratio, vel proportio. Non enim materia est homogeneum, quid & uniusmodi; sed ex diversis constat elementis: hæc juxta se posita agunt in se se, mutuo complexu se stringunt, atque ad certam proportionem se se redigunt: hinc juxta diversas compositionis, aut missionis rationes, varia item composita exurgunt, & formæ, seu actionum quarundam principia distinguuntur. Quemadmodum sola accidentium collectio,

&amp;

& materiae diversitas, arte facta ipsa discernit. Nec minor est inter horologium, & domum, quam inter lapidem & metallum differentia; in utrisque essentia, vel naturae diversae sunt: essentia quippe rei in constituta materiae compositione posita est.

Non ignoro quantum mihi concitem pugnam: cum praesertim diversam huic, quam nunc tueor sententiam superius visus sum innovare, quando formas substantiales existere demonstrabam. Enimvero nec formas negaverim, nec à meipso dissentio, sed omnes sententias hanc ratione conciliari posse existimo. Sic enim compositum ignis, atque ab agente produci planum est: quatenus partes materiae prius dispersae colliguntur, & certâ proportionem temperantur. Jam illae partes in unitatem totius conspirantes, communem actionem, & compositi propriam exerunt: hinc naturae nomen, & primum motus principium his jure convenit: suas quaeque dotes aliis aliis communicant: certâ quiddam ratione sese determinant, atque ubi & praecipue actioni destinantur. Rem vero ita se habere hinc facile colligimus, quod vitrioli, nitri atque aliorum mixtorum partes, separatae, rursus in idem mixtum arte chymica, ut postea dicemus, redigantur. Quod si elementis ea via inest, ut se se naturali vinculo complectantur, & mutuas actiones conferant in se se, ac velut in commune consulant, quid necesse est novam formam ab elementorum mixtura diversam fingere? Quandoquidem ex elementis simul junctis mixtum quoddam exurgere necesse est: illa quidem miscibilitium ratio, quam formam dicimus, est in quo res est: seu quidditas, vel essentia, & species rei. Neque illa forma à Peripateticis, *Quid sit forma.* data, cum sit pars compositi, tota rei natura, aut species, aut causa formalis dici debet: non enim est adaequata rei quidditas, ut hinc non est sola anima. Illa vero miscibilitium ratio totam rei compositionem essentiam complectitur, per se non sit, sed à materia pròdit: quatenus haec ab agente formatur: neque circa materiam esse potest, quaeque omnia de forma dicuntur, huic omnino conveniunt, ad quam nobis illud, quod, ut supra dictum est, de rebus physicis ageremus, metaphysicas, & abstractas voces usurpemus. Hinc formam ab agente produci fingimus, cum materia ab eodem formatur: nec ipsa compositio, vel partium convenientia, sed compositum generatur. Itaque natura, cujusque mixti corporis physice spectata nihil est, quin elementa, aut partes essentiales, certo quodam modo temperatae, ipsa vero proportio, vel partium convenientia erit species, natura, aut formalis causa, ut à metaphysico considerari solet: hanc enim explicat definitio. Neque adeo quicquam est in formali



causâ, quod idem non fit in materiali, præter illam convenientiam, quæ non est entitas quædam materiæ succrescens, sed ordo, vel relatio, aut relationis potius fundamentum. Non enim illa proportio est metaphysicum, & abstractum nescio quid, sed nihil est quàm partes ipsæ inter se connexæ, & sibi invicem certâ quâdam ratione consentientes. Neque entitatem aliquam agens procreat, sed partes duntaxat antè disjunctas admovet; adeo ut nihil conferat præter motum. Compositum tamen verè gignitur: nam partes seorsum sumptæ aliud quiddam erant; in unitatem compositi adductæ; jam novæ formæ subjiçuntur, & aliam essentiam, vel naturam constituunt, quia diversas induunt proprietates, & novas subindè actiones fundunt. Istæ sanè formæ; intellectu, imò & sensu quodammodò percipiuntur. Quidquid enim serè de rebus physicis exploratum habemus, id sensu quodammodò nobis innotescit; adeo ut operationes penè omnes corporum, à qualitate aliquâ sensibili proficiantur. Atque idcirco formæ, quæ sunt harum operationum principia, sensibus ipsis, aut rationi, quatenus internuntiis sensibus utitur, quodammodo subjiçuntur. Non ergò aliud quiddam erit forma, quàm certâ materiæ determinatio: hæc verò vel in complexu quorundam accidentium, aut partium insensibilium certâ configuratione vel in attenuatâ quâdam elementorum proportionem, vel in utroque consistit: neque necesse est, novæ entitatis eductionem, aut potius creationem comminisci: quomodo enim res ex aliâ, in quâ non erat, actu, eruitur? Nisi fortè putes aurum ex fodinâ, aut crumenâ, in quâ tantum est potestate, elici posse. Informis quidem, & rudis materia paulatim perficitur, ac formatur, idque non in momento, sed temporis successione peragi constat: est enim generatio motus ad substantiam; nihil autem movetur, nisi in tempore. Itaque formæ à materiæ sinu quodammodò eruitur, aut potius materia ipsa seorsum formatur; quemadmodum sculptor dum marmor incidit, & expolit, formam Cæsaris exprimit, à rudi marmore solâ partium dispositione diversam: aut cum ex argillâ figulus vas certis usibus destinatum fingit, tum enim figuram vasis ab illius materiâ minimè secretam elicit. Et sanè ut ferrum diversis figuris instructum varias quoque actiones edit, sic materia variè conformata distinctas actiones exerit: nec magis necesse est formam à materiâ, quàm figuram à ferro secernere. Atque, ut ait Aristoteles, 2. Physic. text. 12. & 19. Forma non est separabilis, nisi secundum rationem, ut limitas, inquit, quæ à naso auferri non potest.

Hæc fusius disserui, quòd ad totius naturæ explicationem necessaria esse putaverim. Nam si in principijs ipsis peccatum fuerit, longè, latèque

Iateque error pervadet. Ista sanè disputatio semper mihi visa est perobscura, & nescio an Id Peripateticorum culpâ contigerit, qui neglectis sensibus, rationis quædam figmenta, & subtiles argutias consecrantur: quæ sunt ante oculos posita, contemnunt: abdita quædam, & nullo intellectu comprehensa optant magis, quàm inveniant. Materiam, quæ sit pura potentia, & formam fingunt à materiâ distinctam, sine quâ tamen esse non possit;eductam ex eadem materiâ, in quâ actu non erat; ex nihilo sui, ut ajunt, prodeuntem, nec creatam tamen; quæ substantia sit, nec possit subsistere; materiæ inhæreat, neque accidentis tamen rationem habeat; entitas quædam sit, non creata, non genita, sed educta è subjecto tenebroso, informi, & omnis perfectionis experte: hocce est philosophari, an divinare? Quanto apertior, & intellectu faciliior est eorum sententia, qui elementa ipsa, non tantum illa pervulgata quatuor, sed etiam Chymicorum principia, & alia, si quæ sint, aut corpus ipsum, quatenus trinâ dimensione constat, vel minima quædam physica, aut atomos, ut materiam omnium primam concipiunt: formam verò definiunt vel accidentium complexum; (accidentia voco, non entitates quasdam à substantiâ discretas, sed determinationes substantiæ, quales sunt raritas, densitas, figura, motus, & alia, de quibus suo loco dicendum) vel elementorum certam rationem; sic enim persæpe ab Aristotele signatur, ut species, ut ratio, ut quidditas rei. Exemplum affert illius toni, qui in musicâ diapason vocatur, illiusque causam formalem esse proportionem duplam tradit. Dux quippe voces materiæ locum tenent; sed cum superior sit dupla inferioris, & inferior dimidia superioris, hæc ratio vocum, vel proportio dupla, formam, seu definitionem diapason efficit. Sic partes essentielles, ex quibus totum componitur, ad causam materialem pertinent; sed ratio partium, quæ speciem tribuit composito, & certæ actioni illud accommodat, causa formalis censetur: est enim essentia rei integra, non ultimum duntaxat illius complementum. Neque veteres Peripatetici aliud quiddam de formis sensere; neque generationem à mixture diversam statuerunt. Hinc Alexander Aphrodisæus formam corporis mixti ex simplicibus elementorum formis composuit: adeo ut nihil esset, quàm harmonia quædam, vel concentus multarum formarum, quæ in unum conspirant.

Multa quidem adversus hæc à Peripateticis recentioribus opposui solere scio, quibus non difficile erit occurrere. Prima his argumentatio ex rerum differentiâ desumitur. Res enim omnes specie diversas ajunt, non accidentariò tantum, sed etiam essentialiter inter se differre. Quod utique verum est, Sed accidentium congeries, vel forma-

IX.

Objecta?  
distribuntur,

1.

rum simplicium, seu miscibilium quædam proportio, nihil est quam accidens. Id verò esse falsum ex dictis liquet: eùm illa proportio, harmonia, ratio partium ab ipsis partibus quædam ratione inter se connexis, nequaquam differat.

2. Altera calumnia est, generationem à mitione nihil fore diversam: erit enim elementorum, vel miscibilium alteratorum unio. Id quidem libenter confitebor: nam elementa variis modis attemperata, ut mixta, sic composita diversa efficiunt: sunt enim eùm mixti, tum compositi partes essentielles; & varia temperatio diversas agendi virtutes procreat. Sunt quippè elementa activa, eaque simul unita & se se, & alia sibi consociata, & ipsum compositum movent. Hinc naturam quandam, seu certum motus principium efficiunt: essentiam definitam, & propriam agendi vim mixto conferunt.

3. At, inquit, compositi partes sunt homogeneæ, & unius modi: partes vel minime carnis, caro sunt. Id verò falsum esse in sequentibus probabo: nullum enim est corpus, quod in sua principia archymicâ non resolvatur: tametsi ea non prima sunt, sed secundaria, & ex aliis orta.

Verùm instant, non unum per se compositum fore, sed per accidens tantum. Jam aliàs responsum est, unam esse compositi essentiam, neque id in plura ejusdem secum essentia dividi posse. Alii distinctionem commodam adhibent. Fatentur compositum non esse unum unitate simplicitatis, sed unitatem compositionis habere volunt, ratione cuius in prædicamento reponitur, ac principium habere in se motus & quietis, naturæ ad eò speciem quandam constituit, idque omnino sufficere contendunt.

4. Plurima autem ex eo contra opinionem nostram cavillatio est, quod essentias, & formas rerum in quâdam partium harmoniâ, contextu, aut proportionem reponamus. Indè hæc, harmonia non regit, vel moderatur cytharam: sed anima, vel forma quævis regit, & continet corpus. Ubi proportio mutatur aliquantulum, omnis statim perit harmonia: at offenso corpore non statim bruti anima extinguitur. Neque omnis alteratio cum corruptione, aut generatione conjuncta est: quod tamen necessarium foret, si formæ quorundam accidentium, congerie, aut partium certâ proportionem constarent. Mutatis quippè accidentibus, aut proportionem variatâ, formæ quoque mutantur: idque hoc magis, quod essentia rerum sunt nobis latentibus omnino indivisibiles. Est igitur forma aliud quiddam præter illam proportionem, quæ ex elementis simul unitis resultat: aliud est a complexu quorundam accidentium, quæ quidem ex formâ oriuntur, non eam efficiunt,

ciunt, accidentia enim ad essentiam rei minimè pertinent. Hinc Aristoteles, cum disputat adversus Empedoclem, docet mixtorum formas non esse compositas, sed simplices & unius modi. Quomodo enim contrariæ qualitates, & formæ adeò inter se dissidentes tam aptè convenirent, nisi illa una, & simplex forma vinciret, coërceret, & arcto quodam vinculo contineret, ne divulsæ, ac dissipatæ omnino distraherentur? Huc adde, quod corpus mixtum, vel animatum non alias exerceret functiones, quam quæ sunt elementorum propriæ. Et ita forma equi nihil aliud, quam calefaceret, vel exsiccaret, vel aliquid aliud præstaret, quod non superat elementorum vires. Sed viventia innumerabiles exercent functiones, quas mortua corpora, vel elementa obire nequeunt. Ergo viventis forma, imò & mixti cujusque corporis, longè diversa est ab elementorum formis, nedùm cum illa fiditiâ accidentium congerie confunditur. Sanè quidem Galenûs, qui nimium fortasse tribuit elementis, negat tamen spiritum vitalem ab elementis prodire, cum sit planè cœlestis, ac divinus: quod multo potiori jure de animâ cujusque plantæ, vel bruti licet affirmare. Atque ut concedam partes similes à calore, vel frigore, aut aliâ qualitate elementorum formari: nunquam id dabo, partium dissimilariarum, ut capitis, oculi, manûs structuram ab iisdem qualitativis proficisci. Nam ut calor, vel frigus vis, aut motus fortè causa est primaria æris, vel argenti; non item phialæ, vel alterius vasis, quod ab arte fingitur; sic partes homogeneæ ex variâ elementorum mixturâ prodeunt, non item dissimilares, & organice, quæ nobiliorem longè, & diviniorem causam exigunt.

Nisi quæ me fortè fugiunt, hæ sunt serè rationes, quas adversus Alexandrum Aphrodisæum, & eos, qui nobiscum sentiunt, afferre solent. Quibus ut paucis respondeam, meminisse oportet me quid harmoniæ, quid accidentium nomine intelligerem, jam exposuisse. Non enim illa miscibilium apta consensio quiddam est ab iisdem sejunctum. Accidentia item, quæ ad rei alicujus formam pertinent, non sunt tenues quædam entitates à subjectis, quibus insunt, diversæ; sed determinationes & modificationes quædam substantiæ, quæ illam certæ actioni reddunt idoneam; quorum accidentium nonnulla ad præcipuam adionem, cui natura quæque destinatur, omnino sunt necessaria, alia non item: sed adjuvant duntaxat, atque ut ea commodius exerceatur, in subsidium veniunt. Hæc igitur si fortè destruantur, non idcirco compositum ipsum corrumpi necesse est; sed alterationem duntaxat id patitur. Cum verò ea tolluntur accidentia, sine quibus actio corpori propria stare nequit,

tum omnino corpus destruitur. Itaque viventium quantitas augei potest, vel minui, dum illa maneat præcipuis actionibus exercendis necessaria magnitudo. Idem de calore, frigore, figurâ, motu, & reliquis accidentibus dictum puta, quorum cû nullum fortassis omnino sit necessarium, horum tamen congeries certum postulat modum, numerum & ordinem: quæ si abfuerint, non remanet amplius idem sensibile. Nam ea, quæ dicimus accidentia, sensus movent, atque his destructis, nihil ejus quod erat antea, sensu comprehenditur: tumque mixtum ipsum non alteratum modo, sed etiam corruptum, intelligimus. Est tamen in re quâque unum quoddam præcipuum, in quo natura illius potissimum eminet, quodque unum in re maxime dominatur, ac merito forma dici potest. Exemplo utar jam ab aliis occupato. In cultro duæ sunt partes, altera, quæ manubrio inseritur, altera, quæ fecat; illa suam habet figuram, tum ut firmior sit, tum ut facilius apprehendatur: hæc verò & crassiori parte, & tenuiori, & suâ latitudine, & mucrone instruitur: sed potissima illius pars, cui cæteræ inserviunt, est ipsa acies, quâ fecat; hæc quidem est tenuissima, sed si eam sustuleris, ratio instrumenti omnino perit. Sic in mixtis corporibus quoddam præ cæteris elementum regnat, in viventibus purior essentia, & quasi flos corporis viventis formæ locum obtinet; huic reliquæ partes famulantur; hæc corpus regit; hæc adeo si evanuerit, rei natura penitus destruitur; neque tamen eam partem simplicem esse, aut eduei è corpore necesse est: sed ex purissimis elementorum, aut aliorum corporum essentiis compingitur.

Ac de his quidem fusiùs alibi, cum de viventium formis agemus. Itaque jam potentissimis adversariorum argumentis breviter occurrâ, ne in infinitum evadat quæstio. Forma, inquit, regit, & continet corpus: non igitur est harmonia quædam. Antecedens fateor esse verum de præcipuâ parte, & quasi flore mixti corporis: non de ipsâ elementorum compositione: hæc enim ratio, vel proportio dici potest, non illa; hæc si mutatur, adeo ut præcipua actio corporis exerceri non possit, mixtum ipsum dissolvitur: quare illius essentia in quodam indivisibili posita est: quemadmodum sublata cultri acie non est amplius instrumentum sectioni accommodatum. Sed in quo rei cujusque essentia posita sit, definire omnium difficilimum est. Quamdiù cætera accidentia mutantur, atque id, sine quo res esse non potest, manet: alteratio quædam est, non corruptio: ut si crassior cultri pars vitietur, aut mucro obtundatur: quamdiù acies manet integra, culter esse non desinit. At docet Aristoteles

mixti

mixti corporis formâ elementorum formas contineri : id de parte illâ præcipuâ, quæque in mixto potissimum dominatur, & maxime in viventibus emicat, omnino confitemur. At vivencia multas actiones exerunt, quæ elementis tribui non possunt. Quis hoc negaverit, cum ex temperatione elementorum novæ vires, novi motus exsurgant? Nec ab elementis ad viventium formas, nisi per varios gradus pervenitur. Neque ii sumus, qui quatuor tantum corporum primordiis contenti, omnes vires, & motus ex vulgaris elementis ducamus : nec demum ita simplices sumus, ut partes viventium organicas, ab elementis formari, & fingi arbitremur : id enim divinæ cujusdam est facultatis, hic verò non effectrices rerum causas, sed materiam duntaxat, & formam inquirimus, quæque ad animalium generationem pertinent, in alium locum differimus.

Quocirca ut summam eorum, quæ dicta sunt, faciamus, & diffidentes Philosophorum sententias, quantum fieri potest, conciliemus: damus Fernelio celum causæ universalis titulo, formas penè omnes effundere. Scaligero concedimus viventium formas, ut corpora, magnâ ex parte sui divisione propagari. De mixtis verò corporibus id nobis videtur, compositionem ipsam, aut certam miscibilium rationem causæ formalis locum obtinere; eamque quodammodo educi è subjecto: partem verò, aut elementum, quodcumque sit illud, quod reliqua in sui obsequium trahit, cuique actio primaria tribuitur, formam quoque dici posse, si cum aliis conferatur elementis. Cum autem ex illâ parte dominatrice, ut ex aliis constat ipsum compositum, ea procul dubio ad materialem causam pertinet: nam id omne, ex quo inexistente fit aliquid, ad eam causam revocatur. Postremo ne illa quidem Alberti sententia omnino est repudianda, quâ statuit, formas rerum, quæ oriuntur, in materiâ, vel elementis, tanquam in thesauris esse reconditas, ibique præexistere, non ut absolutos, sed ut initiales, & incompletos actus: nihil enim forma ab ipsâ materiâ secundum entitatem differt. Itaque forma quercus in glânde jam est inchoata: actum, ut vocant, virtutalem, melius seminarium dixeris rationem, possidet. Nam in germine alia est ratio trunci, alia ramuli, alia frondis, alia floris: hæc porro rationes, vel seminares vires, aut quocumque alio nomine appellentur, sunt in ipso germine quasi involutæ, non aliter ac radii in centro circuli uniuntur. Unde si Alberto credimus, jam essentiam, vel rationem suam habent; nondum tamen propriâ existentia fruuntur: quousque enim evolutæ fuerint, nondum formæ nomen obtinent. Hæc si bene intelligo, rationibus seminaris, quæ materiam formant, planè convenient: sunt

Mmmmm

enim



enim velut characteres idearum, & sigilla materiæ impressa; ex iis formarum distinctio pendet, neque à materiâ diversam habent existentiam, sed ratione, vel essentiâ differunt, sèrmè ut figura ceræ impressa. Neque hinc tamen essentiæ ab existentia distinctionem captes: multa enim sunt indisereta, quæ definitione, vel essentiâ separantur; ut figura marmori insculpta eadem est cum marmore, ut diversa tamen & concipitur, & definitur. Sed in his fortasse nimii sumus, & aliò pergendum. Nunc ergo tentemus rerum naturalium vera principia è puteo Democriti eruere.

### CAPUT TERTIUM.

#### *De Principiis juxta Democritum & Epicurum.*

I.

**D**emocritus quidem rerum omnium principia pleno, & vacuo, seu atomis, & inani contineri statuit: huic Epicurus planè succinit, qui diligentius formas & motus atomorum secutus, atque ex variâ atomorum complexione, copulatione, & adhæsiōe credidit effici ca, quæ sunt, & cernuntur omnia. Hujus philosophiam fere sepultam, & planè exoletam his temporibus excitavit P. Gassendus vir omni doctrinâ eruditus. Nos sane, qui verum, aut verisimile saltem invenire volumus, quid à singulis philosophiæ disciplinis traditum fuerit, quidve nobis maximè probeatur, persequi instituto operi maximè necessarium arbitramur. Habet id commodi philosophia Epicuri, quòd intellectu non sit difficilis, nec multitudine terminorum involuta: ac si minùs vera, tamen apta sunt inter se, & coherencia hujus disciplinæ elementa; neque à sensibus abhorrent, nec ab ipsâ fortè naturâ, quæ à parvis initiis ad summa progreditur. Cum autem illa, ut dixi, ex quibus res omnes constant, principia duo sint, atomi, & inane; prius est dicere de atomis, quæ ex Epicuro sunt corpora individua, quæ ita feruntur in infinito inani, ut concursuionibus inter se coherescant, & efficiant quæ gignuntur omnia.

*Quid atomi & quibus rationibus demonstrantur.*

Jam ut rem ipsam loquar, atomi non ita sunt insectiles, ut omnis omnino extensionis sint expertes: non sunt præcæta mathematica, sed physica, ac quæque suâ extensione, ut figurâ continentur. Naturæ quidem viribus secari non possunt: nam res eatenus divisioni est obnoxia (si Principes hujus philosophiæ audimus) quatenus inania

spa-

spatiola habet intercepta. Cum igitur atomi solidæ sint & continuæ neque ullos admittant poros, divisioni nullum præbent locum. Solidas verò esse atomos hinc colligi potest, quòd nullum foret corpus durum, & solidum, si molles, & tractabiles forent atomi. Res enim quæque eò mollior est, ac tactui magis cedit, quò plures poros, aut plus finis admittit: neque ullum est corpus adeo tenue, ac liquidum, quòd non ex solidis atomis compingatur. Nam ut sunt spatiola adeo inania, ut nullo repleantur corpore: sic quædam fatendum est esse corpuscula adeo plena, & solida, ut nullum penitus inane intercipient. Quid autem dentur ejusmodi corpora individua, ne Peripatetici quidem negaverint; tametsi ea nomine atomorum non designant, sed aut puncta physica, aut minima naturalia solent appellare. Eodem tamen revolvuntur, dum concedunt esse aliquod minimum, ultra quod naturæ progredi non liceat. Quique contra nituntur, non advertunt, nihil misceri, nihil generari posse, nisi quæ ad mixtionem conspirant, in minima resolvantur: non aliter ac videmus salem in aqua, aut metalla in aquis stygiis dissolvi, cum in minimas ferè partes sunt comminuta. Quæ porro ratione materiam existere probat Aristoteles, eadem planè dari atomos demonstrat Epicurus. Nam ut ille in generatione, & corruptione rerum subjectum aliquod esse ortus, & interitus expers rectè conclusit: sic Epicurus cum cerneret omnia dissolvi, & dividi posse, neque in infinitum quicquam moliri naturam, omnino existimavit sistendum esse in atomis, quæ cum sint partes minimæ, in alias utique minores secari nequeunt. Cum etiam partes illæ sint duræ, ac solidæ, non magis naturæ viribus dividi possunt, quàm se se mutuo penetrare. Ac fortè ratio corporis in illa potius soliditate, & unitate, aut continuitate consistit, quàm in partium extensione. Idcirco enim partes materiæ diffusæ, & extensæ concipiuntur, quia se se non penetrant, atque impenetrabilitas ex soliditate manat. His rationibus aliam non minoris momenti adjiciunt quidam inter recentiores Philosophos non postremi: quòd nisi ejusmodi corpora individua sint in continuo, nihil omnino erit, quod per se creationi respondeat: hæc enim quæque ex nihilo educit, ut generatio ex subjecto aliquo rem procreat. Partes igitur continui majores cum ex aliis consistant, non tam creari, quàm gigni, & componi manifestum est: quid ergò ad creationem pertinet, nisi illa corpora penitus insectilia, quæ ex aliis partibus non fiunt, ac solâ creatione producantur?

Verùm hic morosam, & planè difficilem quæstionem movent: *an* utrum illæ atomi partium expertes, quæ tamen suis dimensionibus non carent, *an* carent, *an* machinæ *an* tactu.

M m m m 2

II.

*an* atomi ex*an* punctis*an* consistunt*an* tactu.

carent, ex punctis mathematicis, atque omnino individuis constant, an potius sint in infinitum divisibiles. Quodcumque enim statuerimus, vix reprehensionem possumus effugere. An continuum ex finitis, vel infinitis, & mathematicis punctis constabimus? Infinitum natura nescit; quidquid creatum est, id pondere, numero, & mensurâ est definitum; ne possibile quidem esse infinitum multi arbitrantur. Verum hæc quæstio ab eo, quod propositum est, videtur penitus aliena, seu finita, seu infinita statueris puncta, mihi perinde est. Neque unquam vim demonstrationum, quas Aristoteles, atque alii adversus indivisibilia attulere, infringes. Indivisibile additum indivisibili rem non facere aut majorem, aut magis extensam, manifestum puto. Non enim punctum aliud secundum partes, cum nullas habeat, sed secundum se totum tangit; & idcirco in eodem puncto loci simul existunt, nec majus ambo spatium occupant, quam si unum duntaxat adestet indivisibile. An putas tria puncta longiorem efficere lineam, quam si duo tantum forent? Illa sanè duo puncta, quæ velut extrema medio indivisibili nectuntur, non plus inter se distant, quam si immediatè & proximè se se contingerent: interjacens quippe punctum cum nullo distendatur spatio, non auget inter extrema distantiam. Mitto demonstrationes mathematicas, quæ nimis quàm vulgares sunt: tot fore in minori circulo, quot in majori puncta, nec quadrati diagonalem, quæ scilicet oppositos angulos connectit, majorem ejusdem quadrati latere futuram: non posse rectam bipartitò secari, si imparibus punctis constet: idque pugnare cum iis, quæ ab Euclide sunt demonstrata. Id quidem concedimus licere Mathematicis puncta fingere, non item Physicis; illi enim quantitatem speculantur ut à materiâ secretam, quæ tamen nusquam est, ut ab iis concipitur: nullæ adeo sunt lineæ, nulla puncta, nisi in mente mathematici: imò nullæ sunt in rerum naturâ figuræ, quales cogitatione depinguntur. Neque ullum in rerum naturâ reperire est circulum, qui suam ideam impleat. Res enim participata ideæ suæ perfectionem non assequitur. Damus illud quoque punctum additum puncto augere extensionem, ut unitas adjecta unitati numerum facit. Sed illud concedant, puncta non magis in rerum naturâ existere, quàm unitatem à re ipsâ secretam, & utrumque esse cogitationis opus. Quod si, ut fatentur, puncta mathematica nec situm, nec ordinem habent in continuo, non video cui usui futura sint; Mathematici ea sibi servant, non in physicam inducant.

Quid ergo? An continuum erit in infinitum divisibile? Illud enim ex duobus propositis alterum restat. Cumque ex punctis om-

nino

### III.

An conti-  
num sit  
infinitè  
divisibile,

nino infectilibus non compingatur, necesse est, ut semper in partes secari, neque ullâ divisione exhauriri unquam posse fateamur. Enimvero nunquam potui huc parere, aut inducere animum, ut credam corpora esse in infinitum sectilia. Nusquam enim ejusmodi progressus in infinitum in rerum naturâ occurrit. Quis credat pedem acari, vel minutissimæ arenulæ granum posse in infinitum dividi? adeo ut, quæ summa est absurditas, per totam æternitatem secari possit, neque unquam partes omnes exhauriantur: sed longe plures ex continuâ divisione prodeant, quam sint arenæ grana in toto oceano; imò quam totum universum capere queat. Hæc profectò portentosa mihi videntur. Multa in hujus sententiæ probationem à geometris probata afferunt, quibus efficitur lineam esse in infinitum sectilem, atque ex eâ partes semper demi posse, neque ad extremum perveniri. Sed meo quidem judicio nihil necesse est ingenia discipulorum ejusmodi demonstrationibus vexare. Concedimus Geometris quantitatem, ut ab iis inspicitur, nempe à materiâ abstractam, esse infinite divisibilem; sed ea nusquam est, nisi in mente Geometræ; Phisicus eam, ut materiæ immerfam, ut actioni, vel passioni subjectam contemplatur; quo quidem modo in ultimas, & minimas partes tandem comminui posse certum est. Quid enim si corpus est in infinitum divisibile, aquæ guttulæ eò usque dividi poterit, & in tot partes secari, ut cum toto oceano misceri possint. Quod scio quidem ab iis concedi, sed nihil incredibilius fingi potest, nisi hoc fortasse, quod in pedè acari infinitæ sunt partes, & extensæ, cum tamen illud corpus non sit infinitum, sed adeo minutum, ut oculorum aciem eludat. Neque ullâ mentis contentione possum concipere partes in continuo potestate dumtaxat, non actu contineri: neque ulla ratio me coget credere venas in homine non actu, sed potentiâ à nervis distingui: cumque sæpè eveniat, ut pars una doleat, alterâ non dolente; ut manus frigeat, dum calet altera, quæ subtilitas ex ipsis metaphysicæ adytis deprompta huc animum impellet, ut eas partes non esse actu distinctas sibi persuaदेat. Profectò dividitur corpus in partes, quæ erant antea, non in ea, quæ recens producuntur. Plures aquæ guttulæ simul cœunt: an desinunt esse quod erant prius? Rursum eadem major aquæ moles in plures guttulas resolvitur: an novas entitates illæ guttulæ sibi acquirunt? An de novo gignuntur? Nonne eadem unitas, idem esse, eadem veritas convenit guttæ, sive hæc sola sit, sive cum aliâ conjuncta? Profectò prædicata quæ sunt essentialia, nunquam mutantur: ergo eandem servat entitatem gutta, sive unita sit, sive omnino separata. Nunquam una gutta erit,

Objecta,  
& solut.  
1.

aut fuit altera, tamen sunt conjunctæ, non idcirco unum quiddam sunt.

Sed, inquis, compositio partes omnes ad unitatem redigit, neque illa unitas cum multitudine partium salva esse potest. Fateor compositum suam habere unitatem, quæ sibi propria est, quæque compositionis appellatur, sed hæc partium multitudinem non excludit. Corpus itaque omne est unum, insectile, solidum, & continuum; nihil enim est quàm atomus. Sed materiâ ipsâ, seu atomorum, aut corporum acervus est divisibilis, ex partibus constat certo numero comprehensis, & sibi mutuo contiguus.

Instas, & urges pressius: si partes illæ jam sunt ab invicem secretæ: ergo quæque suam habebit essentiam completam. Hoc argumenti jam suprà dissolvimus; atque eadem ratione evinci posset, elementa non actu, sed potestate tantum contineri in mixto. Nihil itaque absurdum est, si quæ separata per se existunt, simul conjuncta novum, & præstantius suppositum efficiant. Sic rerum gradus natura temperavit, ut inferiores præstantioribus inservirent, atque earum omnino partes forent.

V.  
Nulla esse  
in continuo  
puncta,

Quamobrem ut longæ, & molestæ disputationi finem imponamus; sic nobis de continui divisione, & naturâ videtur, ut id partes habeat actu diversas; nisi enim actu sint in continuo, partes erant nunquam; siquidem separatæ jam non sunt partes. Sed ne illud quidem potest intelligi, continuum esse in infinitum divisibile: cum cujusque rei moli sint certi à naturâ præscripti fines. Augeri quidem indefinite potest continuum, id enim omnipotentis Creatoris opus est: sed nullius rei natura patitur, ut in infinitum minui possit. Restat igitur, ut continuum ex minimis particulis, quas vocant atomos compingatur. Neque tamen ex punctis mathematicis id constat, ut probatum est: imò ne ulla quidem sunt in continuo ejusmodi puncta, nullæ omnino lineæ, nullæ superficies. Hæc quidem finguntur à Geometris, non asseruntur. Quid enim sit in rerum naturâ, non est eorum definire. Quemadmodum his liberum est supponere à singulis circumferentiæ majoris circuli punctis lineas per minoris circuli peripheriam ad commune centrum deductas: adeo ut tot sint futura, non modò in minore circulo, sed etiam in centro puncta, quot in majore numerantur. An non illud omnino absurdum videtur, tot esse puncta in minore, quot in majore circulo? Uterque circulus in rectas lineas porrectus concipiatur; ac minorem majori subduplum ponamus; nonne id sequi necesse est, ut tot sint puncta, tot adeo partes in dimidiâ parte lineæ rectæ, quot linea integra comprehenditur? Jam enim ostendimus non plura esse in majore circulo, quàm in minore puncta:

puncta: nunc verò illi circuli in rectas lineas explicantur: ergo in utraq[ue] lineâ indivisibilium numerus æqualis futurum est. Quomodo id incommodi effugient, qui demonstrationibus mathematicis ad rerum physicarum explicationem abutuntur: cumq[ue] ex punctis mathematicis continuum conflare non audeant, illius partes punctis vinciunt, & terminant? Graviorem scilicet plagam accipiunt, ut levio-rem repellant. Præterquam enim iisdem premuntur incommodis, quæ afferri solent adversus eos, qui continuum ex punctis componunt: nam minor terræ circulus tot puncta habiturus est, quot maximus in firmamento circulus. Quorsum ista in continuo puncta, cui tandem usui deservient? Scilicet ut extrema linearum terminent. An verò his sublati linea non erit terminata? Profecto finita est, neque proprios excedit limites; intrinsecus adeo jam est terminata, neque hos exigat fines extrarios. Sed fortè puncta lineæ partes copulant? An non sua sponte uniuntur? An non se se tangunt, & se se mutuo complexu stringunt? Cum etiam linea in duas partes dividitur: numquid duo puncta ex uno dimanant? nisi fortè velis idem punctum in duas partes secari. Undè hæc puncta oriuntur, quæ prius non erant? neque enim duo immediate consequuntur. Sed neque arbitror defendi posse quicquam in lineâ præter puncta, vel in superficie præter lineas existere, cum ejusmodi indivisibilia, ut nexus, & copulas partium admiseris: ubique enim secari potest linea, cumq[ue] divisa est, in utrisque extremis puncta insunt: nec satis liquet, quomodo generentur, si antè non erant. Demonstrationibus mathematicis confici volunt circulum à rectâ lineâ in puncto tangi, ut ab Euclide demonstratum; quemadmodum globus planum in puncto contingit, ut Theodosius probat. Adde quoque cylindrum plano secundum rectam lineam insistere; quid ergo aliud erit in plano, præter indivisibilia? Quid præter lineas ex punctis compositas? Volvatur enim globus, vel cylindrus in plano; ille describet lineam ex punctis, hic superficiem ex lineis conflata[m]; nihil enim est in plano, quod cylindrus motu continuo non attingat: nec tangit planum, nisi in lineâ: nihil adeo in plano præter lineas futurum est. Facetè quidam respondent, globum, vel cylindrum, dum movetur, subsultare; alii, de magnum suæ subtilitatis argumentum excogitarunt planum à globo non in puncto, sed in parte indeterminatâ tangi. At quomodo globus subsultat, illi viderint: neque enim ulla in plano asperitas, vel in globo inæqualitas supponitur; sed aliquid iis fuit dicendum, ne nihil dicerent. Nec satis cogitatione complector quid sit illa pars indeterminata, cum ipse contractus sit certus, & definitus. An non satis est omnia omnino puncta mathematica tollere, quam tam impudenter resistere?

Enim

Lib. 3.

pr. 16.

Lib. I.

spher.



Enimvero demonstrationes mathematicas nobis obtrudunt, quibus jam à nobis satisfactum puto; quare Geometras bonâ cum veniâ dimittamus, eosque exoremus, ut figuras, & dimensiones corporum ut à materiâ secretas persequantur, nihil de naturâ, nihil de existentia rerum, nihil de materiâ corporum definiant. At verò circulus rectam in puncto tangit. Ita est de circulo, ut à Geometrà concipitur, sed is nusquam est, uti nec linea. Sed corpora se mutuò tangunt; hoc verum. Nec secundum profunditatem se se penetrant. Fateor id quoque. Realis, & determinatus est ille contractus; ne illud quoque negaverim. Ergo secundum longitudinem, & latitudinem dumtaxat: neque id negari potest. Ergo, inquis, est aliquid in corpore, quod longitudinem tantum, & latitudinem habet, idque vocamus superficiem. Detrahe illam vocem exclusivam, *tantum*: est enim in corpore longitudo, & latitudo; sed utraque à subjectâ profunditate non sejungitur: cumque unum corpus aliud tangit, id quidem, in quo perficitur contactus, profunditatem habet suam: tametsi quâ profundum est, non tangitur. Quemadmodum ipsi fiuntur superficiem extimam corporis subjectas partes tangere, sed non secundum profunditatem; id enim citra penetrationem fieri non potest.

VI.  
*Quomodo  
inter se  
vincian-  
tur atomi.*

Democriti atomos esse omnino admittendas ostendimus, simul expedita est de continui compositione operosa, & difficilis questio. Nunc quomodo atomi aliæ aliis inferantur, videndum est. Hæc solent in atomorum structurâ distinguere hujus philosophiæ Principes, figuram, situm, ordinem, magnitudinem, motum, vel pondus. Innumerabiles sunt atomorum figuræ: quasdam enim esse rotundas, alias quadratas, alias ellipticas, aut alterius figuræ, non abhorret à verisimili. Cujus rei indicio est; quod ubi aqua salis ignis calore exhalatur, in fundo vasis corpuscula salis subsident, eadem figurâ, nempe cubicâ comprehensa, quod ex atomis itidem cubicis coierint. Quin etiam si aquæ salis guttula, quæ vitro fortè adhæserit, in vaporem extenuetur: tum innumeras salis particulas figurâ cubicâ instructas microscopio discernes; sic aqua aluminosa ubi calore fuerit diffusa, omnes aluminis atomi, vel molecule figuræ octaedricæ, quæ scilicet octo facies habet, easque triangulares, in fundo vasis apparebunt. Imò si aqua alumine, vitriolo, sale, & saccharo prægnans evaporetur; minutissimæ salis particule in unum confluent, & cum aliis diversi generis non confundentur: adeo ut quæque cum similibus societur: ea quippè est constantissima naturæ lex, ut res unaquæque sui similem quærat.

At quomodo, & quibus vinculis connectuntur atomi? Multa sane comminiscuntur Epicurei, quæ nullâ demonstratione, sed conjecturis tantum assequuntur. Læves, inquit, atomi aliarum angulis implicantur, vel hamulis coercentur. Itaque necesse est alia corpora quædam esse lævia; alia aspera; rotunda alia; partim angulata; curvata quædam, & quasi adunca. Neque hæc sunt flagitia Democriti, vel Leucippi, ut Ciceroni videtur, sed rerum compositioni explicandæ omnino accommodata. Nisi enim hæc sit figurarum in atomis diversitas, nisi hamis pleræque se stringant, vix tanta rerum varietas, aut partium in corpore continuatio explicari poterit. Minores quidem particule sola convolutione, ut in contortis funiculis videre est, sibi mutuo adherere possunt. Hinc quæ corpuscula intra aliorum hamos minus cohibentur, facilius se se expediunt, ut vim caloris effugiant: sic aqua facilius in vapores abit, quam oleum: & quò metallum perfectius est, ut aurum, hoc difficilius exhalatur: neque enim atomi, vel aduncæ, vel hamatæ, quæ se se mutuo arctissimo nexu complectuntur, facile evolvi possunt. Ex his quoque explicare licet; tum molliem, tum duritiem corporum: sed de his plenius erit dicendum, cum de qualitativis corporum agemus.

Jam illa corpora, licet individua; ut magnitudine, & figurâ, sic motu suo ac pondere donantur. Nam res quæque ex atomis concreta, quò tenuior, hoc mobilior est: si quidem atomi sunt liberi, atque ab aliarum vinculis magis expeditæ. Sic bruti animam concipiunt, ut tenuissimam atomorum texturam, quæ idcirco principium sit omnis motus. Falsus tamen est Epicurus, quod motum atomorum fortuitum esse crediderit, cum sit ab autore naturæ impressus; secus enim nihil aliud, quam monstra videremus, nec simile ex simili nasceretur. Quis credat ex atomis effectum esse cælum, atque terram, nullâ cogente naturâ, sed concursu quodam fortuito? Quis fuit iste casus, undè tam felix concursus atomorum, ut repente homines, & animalia nascerentur? An fortè tam præclara opera, ex individuis corpusculis, nullâ moderante naturâ, prodire?

Jam quæ fieri possit, ut tot rerum species ex atomorum vario contextu emergant, dictu difficile videtur. Non deest tamen Epicuro, & Lucretio rationum, atque similitudinum copia, quibus res concursu atomorum generari posse satis aptè explicant. Infinitas inquit, dictiones, innummerabiles adeo libros ex paucis litteris variè dispositis, formari, atque impleri nemo ignorat. Aliter pro-

Nnnn

fecto

VII.

Unde tan-  
ta rerum  
varietas  
ex atomis:  
libris de ge-  
neratione.

fecto sonat vox illa *Roma*; aliter *Mars*; aliter *amor*: & tamen eadem sunt ubique litteræ; sed quæ diverso ordine collocatæ, voces itidem diversas efficiunt. Non dissimili modo ex vario ordine, situ, figurâ, magnitudine atomorum, species rerum propè infinitæ prodeunt. Nam ut ex litteris syllabæ, ex syllabis dictiones, ex his denique constant orationes: ita ex atomis quædam corpuscula, ex iis alia majora constantur: adeo ut atomi materiæ, compositio formæ, locum obtineat: nisi fortè iis quæ crassiores sunt, partibus, materiæ nomen tribuas, ut tenuiores, quæ spiritus vocari solent, formæ nomen & notionem sibi vindicant.

Quibus autem modis generatio perficiatur, præter ea, quæ superiori capite diximus, quæque non multum abhorrent ab Epicuri philosophiâ, paucis aperiam. Generationem fieri transpositione partium, additione, & detractone docent. Cum è calco formantur vermes, id fieri per transpositionem minutissimarum partium existimant, idque de omnibus, quæ ex putredine oriuntur, sentiendum putant: sed de his quid nobis videretur, aut potius quid non videretur, jam supra diximus. Quæ autem prodeunt ex semine, ut plantæ, hæc quædam partium additione formari arbitantur: tum enim parva seminis moles quidquid invenit sibi simile, id sibi conciliat, & fermentationis beneficio in suam commutat naturam. Nec dissimili modo nutritio, vel accretio perficitur: siquidem forma animalis, vel plantæ, seu flamma tenuissima, partes alimenti sibi similes evolvit, & instar ignis pabulo suo continenter alitur. Atque ut ignis facilius nutritur, quàm accenditur, sic vegetatrix, aut sentiens anima ægrè quidem generatur, sed ubi semel accensa est, tum alimenta facile pervadit, eaque in minutissimas redigit partes, ac sibi tandem alfiscit.

Multi denique solâ detractone generari putant Epicurei: sic ignis emicat ex secretionem aliarum partium, quæ simul in ligno cum igneis atomis erant confusæ. De mixtione nihil dicam, eam quippè fieri solâ partium appositione, ut cum vinum aqua diluitur, ex iis, quæ superius dicta sunt, facile colligitur. Nam minutissima aque corpuscula, cum vini atomis, citra ullam penetrationem, vel corruptionem permiscuntur: aquam enim vino mixtam extrahi posse neminem fugit. Nihil etiam de qualitatibus, quæ nihil sunt Epicuro, præter atomorum effluvia, subiciam: ista enim suo quæque loco fusiùs, atque uberius sunt exponenda. Hic rerum principia, non qualitatat persequimur.

Restat

Restat alterum ex Democriti sententiâ naturæ principium, quod inane, aut vacuum appellatur: idque aut coacervatum est, & patens, aut dispersum, & quodammodo in rebus disseminatum: de hoc in præsentia dicitur à nobis, illud enim opportunius alibi tractabimus. Vacuum in naturâ saltem dispersum admitti oportere, multis rationibus probare nituntur Epicurei. Primum negant quicquam moveri posse, si plena sunt omnia: quod enim corpus movebitur, si loca quæque aliis corporibus obsidentur: nisi fortè plura simul corpora eundem subeant locum. Verùm hæc ratio non satis firma mihi videtur: nam simul atque corpus loco movetur, aliud sibi proximum expellit; idque rursum aliud proterudit, donec motu quodam circulari locus à primo corpore relictus, ab alio juxta posito occupetur. Rem totam satis commodè explicat Cartesius, exemplo globorum, qui in orbem disponuntur: cum enim unum ex his dextrorsum impellis, hic globum vicinum sibi trudet in easdem partes; hic rursus alium, donec continuato pulsu locus, quem primus deserit, à proximo globo simul impleatur; non enim corpus loco cedit, quin eodem momento eidem loco succedat alterum.

Nec illa ex salibus in aquâ exsolutis deprompta ratio, quæ tan-  
toperè placet Gassendo, nobis omnino probatur. Sale in aquam injicit, donec aqua velut saturata nihil ejus possit amplius exsolvere. Tum immittit saccharum, quo itidem usque ad certam quantitatem imprægnatur: deinde alumen, post vitriolum adjicit; hæc quoque dissolvuntur. Undè hoc? Nisi sint in aquâ quædam spatiola penitus inania, variis figuris comprehensa? Quæ igitur quadrata sunt, aut cubica, minutissimas salis partes ejusdem figuræ excipiunt; his impletis sal amplius dissolvi nequit: sunt item alia foraminula ejusdem cum sacchari, aluminis, aut vitrioli partibus figuræ, quæ tandem opplentur, nec aqua plus exolvit hujusmodi salium, quam illa possunt capere spatiola.

Sed neque hoc argumenti omnino concludit: nam aqua sale, saccharo, & alumine prægnans intumescit; & licet fortassis in cyatho aquâ pleno, ut cinerum, ita salis certa quantitas, citra aquæ effusionem, possit accedere: nihilominus tum aquæ superficies tum attollitur, & fit globosior: undè si thermometro, seu tubo vitreo, quem alibi descripsi, sale, aut cineres impolueris, tantum crescet aqua, quantum salis injeceris. Non igitur aquæ spatiola penitus inania, ex salium solutione demonstrari possunt. Quid verò causæ sit, cur aqua uno sale saturata alios excipiat, jam alio loco exposui.

*L. de fissi-  
c. atomo.*

Sequitur aliud argumentum ex rarefactione, & condensatione depromptum: idque meo quidem iudicio minime est contemnendum. Vix enim explicari potest, quomodo res possit rarefcere, nisi illius meatus, vel pori amplientur, ut in condensatâ coarctantur. Aër fortassis illa foramina subire potest, & implere: sed cum aër ipse dilatatur, an corpus aliquod fingere necesse est, quod illius meatus distendat: hoc quidem argumentum omittam hoc tempore, nam raritatem, & densitatem suo loco, ut cæteras qualitates persequar.

Nunc verò vacuum disseminatum ex ipso atomorum contextu demonstrabo; non enim possunt atomi inter se coherere, nisi eas quodammodo hamatas, & aduncas mente concipiamus: id verò fieri nequit, nisi quædam vacua spatiola intercipient. Sic majores particule ex atomis contextæ, seu convolutione quâdam fibrarum, ut in contorto fune; seu mutuis velut ansulis sine inter se confertæ, quosdam poros, quibus & dividi, & separari possint, admittent: hi for-  
tè meatus subtiliori corpore pleni sint; sed illud subtilissimum corpus ex atomis utique componitur, quæ profecto non possunt ita ad amissum sibi convenire, ut foraminula omnino vacua non intercipient, & eò plura aut majora erunt, quò corpus ipsum rarius est. Quæcumque enim figurâ donentur atomi, non possunt se se mutuo contingere, quia inane aliquod spatiolum relinquunt; nisi fortè omnes atomos quadratas, aut cubicas velis. Sed præterquam solo contactu vix possunt connecti: cum moventur, & separantur atomi, vix aliæ cubicæ loca relicta statim occupabunt, quin spatia omnino vacua in ipso saltem motu efficiant: neque illæ atomi cubicæ ad motum erunt accommodatæ, nec verisimile est omnes atomos eadem figurâ comprehendi. Hæc quidem cum relegerem, incidit in librum eleganter conscriptum, cui titulus, varia Philosophica, & medica, cujus prima dissertatio est de Atomis. Ubi præter cætera scitu dignissima, illud observatum video, atomos admitti oportere, non omnino insectiles, sed indivisas. Tametsi enim ex particulis constant minoribus, nunquam tamen in eas à natura dividuntur. Sic in aqua sal exolutus, in exiguas concisus particulas, vix ab eadem aquâ in minutiores dissolvi potest. Sunt enim cuicque dissolutioni à natura fines constituti, & manent in omni naturæ actione, aut mitione partes quædam indivisæ: nec ferè alio explicari modo potest, quî fiat mixtio per minima, cur quædam corpora majorem habeant partium tenuitatem.

Quamobrem Atomi sunt velut in duplici ordine constitutæ. Aliæ sunt ita minutæ; aut solidæ, ut nunquam à natura dividantur.

Aliæ

R R E E M

Alia in certis solutionibus ita manent integræ, ut in aliis secari possint. Prioris generis atomi partes habent continuas, ejusmodi ferè sunt partes ejusdem annuli. In hoc genere sunt forsitan auri atomi, quæ aut nunquam, aut ægrè admodum à natura confringuntur. Ac nisi plures atomi ipsa continuitate partium essent indissolubiles, nihil in rebus firmum, nihil solidum foret. Itaque primi saltem generis atomi solidæ sunt, & inflexibiles. Quod enim est molle, id debiliorem & minus firmam habet partium cohesionem: tum igitur illæ atomi, ne vix quidem dividantur, partes habent ætissimo nexu copulatas, non mutuis velut anulis concatenatas, quod ex Aristotele flexibilitatem efficit. Ac secundi quidem generis atomi ita ferè sunt constitutæ, unde & dividi quandoque possunt.

Non me fugit, quæ & quanta adversus Epicurum opponi solent: sed neque ea sunt, quæ omnino dissolvi non possint. Naturam alunt, horrere vacuum. Quibus tandem argumentis id colligunt? experimentis scilicet, quorum rationes cum ignorent, eas ad fugam vacui referunt; sed ea profectò non est naturalis, & efficiens causa, aut ascensus gravium, ut aquæ in thermometro; aut ejusdem aquæ è lagenâ inversâ suspensæ, aut illius tam firmæ adhesionis, quam inter duas tabulas planas, & leves contruemur: his enim & aliis effectibus veras, ut puto, & positivas causas suo loco reddidimus, non fictitium vacui metum, quod non magis natura refugit, quàm excitationem, tenebras, & alias privationes. Sed esto: Vacuum coactervatum ut vulnus in corpore animalis horreat natura, cur spatiosa corpora vacua, ut poros in cute, tanquam spiracula, quibus effluvia continenter erumpant, & alia de foris incurrant, adeo pertimescet? An fortè nutritio, vel accretio fieri posset, nisi infinitis propè hujusmodi foraminulis corpus esset pertusum? Quomodo aer cum lucem siderum, tum alios forsitan influxus exciperet, si nullos haberet meatus, si omnino plenus esset? An duo corpora simul esse possunt? aut id, quod plenum est, comprimi poterit, & densari, citra partium penetrationem? Quomodo, intra bombardile pneumaticum, aer comprimitur: si nulli erant meatus, nulla velut hospitia in ipso aère quieto, & libero, quibus novus subinde aer intrusus exciperetur? Nihil, inquis, in aère nisi plenum est: ubi ergò locus novo aëri? Sint mille partes aëris non compressi, hæc sanè mille itidem partes loci occupabunt; & ipsa loci capacitas aëris quoque mole respondebit. Ecce quindecuplus aer non sine magnâ vi immittitur in sclopetum: nonne ergò quindecim partes aëris in eadem parte loci simul incurrunt? Idque cùm penitus absurdum sit, quid est

IX.

Satisfit  
objectioni



cur aërem suis poris, ut reliqua corpora pervium esse inficiemur? An forte æther, aut subtilis materia Cartesii, è poris aëris densati fugit? sed æther quò rarior, hoc plura admittet foraminula, quid illa tandem implebit?

Sed nullus, inquis, locus vacat corpore, cum trinâ dimensione constet: hic rursus mathematica quæ sunt, & omnino à rebus sejuncta, ad res ipsas transferro non dubitas. Fateor vacua spatiola suam habere longitudinem, & latitudinem, & profunditatem, mathematicas quidem, non physicas. Itaque vacuum illud corpus erit, ut a Geometra spectatur, trinâ dimensione constans, non aliqua substantia, vel natura. An non potest Deus omnem aërem, qui hanc implet aulam, destruere, atque impedire, ne ullum aliud succedat corpus? Nonne eadem manebit parietum inter se distantia, idem situs, idem omnino locus? Nisi forte credas cum Guillemo Parisiensi, fore ut parietes se se mutuò contingant: nam ea se tangere dicuntur, quæ nullo corpore intermedio disjunguntur? Hinc Cartesius existimat omnino vacuum esse impossibile, quod locus corpore destitutus trinâ suâ dimensione constaret: quæ quidem ut ipsi videtur, est notio, & natura corporis; & ita locus esset vacuus ex hypothesi, & plenus quandoquidem corpus esset. At vir eximius, atque in mathematicis propè singularis, hoc ipso fallitur, quod res physicas Mathematicorum more contempletur. Hinc essentiam corporis in trinâ dimensione collocat; & ubicunq; dimensiones concipit, ibi corpus existerè colligit. Sed natura, quæ est agendi principium, in solâ quantitate, quæ nihil efficit, posita non est: neq; ubicunq; trinâ dimensio mente concipitur, ibi necesse est, aut corpus, aut realem quantitatem existerè. Cum se tangunt corpora, nullum quidem aliud corpus interjacet; sed non retrò commeat, neque necesse est ea se contingere, quæ nullo corpore disjunguntur. Quod si Deus novum conderet exelum, longè ab empyreo distitum, an cogeretur aliud interjacens corpus fabricare? Nec aliud quiddam est locus, quam spatium illud inane à corpore occupatum. Est enîm quid penitus immobile, quod omnes loci notioni, aut naturæ tribuunt. Est etiam æquale, atque ut aiunt, corpori locato commensuratum; trinâ quidem dimensione constat, sed penetrabili, non Physicâ; non positivâ, ut loquuntur. Quæ quidem ambientis corporis superficiæ non conveniunt. Neque enim est immobilis, cum aëris superficies continenter varietur; neque contento corpori æqualis: cum id extrinsecus tantum ambiat, nec denique ea superficies communi notione concipitur, cum rem loco motam, aut in certo loco esse constitutam concipimus. Quidam sane ab aëre,

aut

aut aquâ diversum tum intelligimus, nempe vacuum illud spatium, quod cum sit immobile, diversa corpora non simul, sed alia aliis succedentia excipit. Contra in tempore perennem fluxum concipimus. Hinc pulchre vir Doctiss. & candidus Bernerius, qui Gassendi Philosophiam non contraxit modo, sed maxime illustravit, tempus cum loco comparat. Ut locum, sic tempus in omni sua latitudine, ut quid infinitum concipimus; locus seu spatium illud inane ultra hoc universum ita porrigitur, ut nullis finibus coerceatur; idque solus Deus sua immensitate implet quodammodo, dum ubique est non spaciis, divisus sed unus simplex, & ubique integer: simili quidem ratione tempus, ut infinitum quiddam citra initium & finem, quod unus Deus sua aternitate complectitur, summâ mentis agitatione intelligimus. Res creatæ ut alicubi, ratione loci, hoc est in certo spatii illius infiniti puncto, sic aliquando, id est, in certâ temporis parte consistunt. Unumquodque temporis momentum idem ubique est, sic idem loci punctum in omni temporis successione permanet: suas habet locus dimensiones, sed fixas, & permanentes; suas idem habet dimensiones tempus, quæ non unâ, aut pede, sed horologii fluxu, aut certo solis motu dimetitur. Quamvis idem esset tempus, etiamsi sol aut celerius, aut tardius moveretur. Idem est locus seu vacuum sit, seu repleatur corpore. Idem quoque est tempus, sive res aliqua in tempore existat, sive nihil omnino esse fingamus; seu res aliqua moveatur, seu quiescat. Ut loci continuitatem, aut immobilitatem nulla vis potest perturbare, sic nec jugis temporis fluxus ullâ vi fuit potest. Certam spatii, aut loci infiniti partem elegit Deus, in quâ mundum conderet, sed merito quæri potest an locus, aut tempus sit quiddam reale, & positivum, an nihil omnino. Quod tempus attinet, id mihi à rei alicujus duratione distinctum non videtur, ac fluxus ille, in quo ejus ratio consistit, imaginatione quidem concipitur, sed nusquam est in rerum natura. Est igitur tempus, aut locus, ut numerus, non quid positivum, aut reale à rebus ipsis secretum. Locus enim dicitur spatium incorporeum, non quod sit quiddam spiritale, ut mens: sed quia non est corpus. Est reverâ spatium illud, sed non est res quædam, nec substantia, nec accidens, uti de numero diximus.

Non equidem ignoro Cartesium corporum meatus subtili quâdam materia replere, quæ cum sit divisa in partes, non quidem infinitas, sed quodammodo indefinitas, se se cujusque foraminuli figure accommodat? Sed præterquàm illæ partes finitæ sunt, aut infinitæ, neque illa vox indefinita intelligi potest, vel à Philosopho admitti:

subtilis illius corporis quasi atomi, cum diversas habeant figuras, necesse est, ut infinita propè vacua spatiola intercipient; nisi fortè in subsidium veniat alia subtilior substantia, & ita res in infinitum evadat. Quid est, cur non potius atomos Epicuri, quam corpus in minutissimum pulverem, aut partes indefinitas comminutum agnoscat? Nempe illi, ut reliquis Mathematicis persuasum est, quantitatem esse infinite divisibilem: sed nobis naturâ omne infinitum refugit. At verentur ne atomi Democriti, cum sint figuris suis circumscriptæ, dimensiones habeant suas, atque adeò sint divisibiles; maxime cum una atomus sit aliâ major: ego sanè ut dimensiones atomis concessero: ita partes omnes facile sustulero: figuras nactæ sunt diversas, sed forsitan omnes æqualem sortita sunt molem, quâ minor dari non potuit. Illud tamen in philosophiâ Democriti & Epicuri displicet, quod atomos non specie, sed figurâ duntaxat, positione, motu, & pondere inter se differre velint, quod rerum varietati, & generationi explicandæ non sufficit. Sed ab Epicuri ad Cartesii principia fallente transitu labor, quæ capite proximo plenius tractabimus.

## CAPUT QUARTUM.

## De Principiis rerum juxta Cartesii, &amp; aliorum juniorum placita.

L  
Quæ sit  
forma phi-  
losophiæ  
Cartesiane

**V**entum est ad eam philosophiæ disciplinam, quæ novissimè à Cartesio inventa, his temporibus maxime viget: hæc sanè tenuis à fonte, ex paucis nec intellectus arduis ducta principiis, initium quidam à parvis capit, sed protracta longius, pleno jam alveo fluit, & planè omnium maximarum artium scientiam complectitur. Quid enim in mechanicis, astronomicis; quid in dioptricâ, ut nihil dicam de iis, quæ ad medendi scientiam pertinent, intactum relinquit? Occultos naturæ motus, & leges; summum quoque illius artificium, in rerum magnâ varietate, distinctione, ortu & interitu adeò diligenter persequitur, ut principia hujus philosophiæ, non tam excogitata, quam inventa videantur. Vera sint, an falsâ nescio; certè cum rebus ipsis ita coherent, & corporum omnium vires, tum occultas, tum magis obvias, tam pulchrè explicant, ut alia non esse naturæ primordia, vel doctissimus quisque facile dejeraret. Vix enim fieri posse putem,

putem, ut falsa principia, tam apta sint inter se, & cum rebus ipsis ita consentiant, ut nullius ferè effectus ratio, ex iis velut fontibus non manet. Hoc sanè philosophandi genus à geometricà demonstrandi ratione non abhorret: siquidem à paucis initiis gradatim ad summa pervenit; atque ex prioribus probat insequentia. Quòdque mihi in Cartesio multum placet, is molestà disputandi subtilitate aliorum opiniones non refellit, sed quid ipse sentiat, citra omnem invidiam proponit, idque ex constitutis principiis deducit, quæ prima quidem specie videntur commentitia: sed qui totius operis contextum acriori animo intuebitur, ea saltem verisimilia judicabit. Hæc idcirco de Cartesii philosophiæ præfatus sum, quòd eam à me damnari, & inviam quoque haberi nonnulli existiment. Idque ex dialogis, quos non ita pridem in lucem emisi, conjiciunt. At nusquam, quòd meminerim, Simplicius, qui primas inter collocutores tenet, sed Theophilus duntaxat vulgari philosophiæ addictus, Cartesium, ut reliquos recentiores infectatur. Quid verò de principiis hujus philosophiæ mihi videatur, hoc in loco dicam apertius: nam mihi propositum est veri repertiendi causa, & pro omnibus, & contra omnes Philosophos dicere; sed antè philosophiæ Cartesianæ summa est velut in conspectu ponenda.

Cùm autem hæc, quam tractamus, scientia in naturæ contemplatione versetur, quid sit natura ignorare non decet. Hæc porrò non aliud quiddam est, quàm internum, & corporeum agendi, patiendi, & cessandi principium. Neque res à naturâ profectæ ab arte factis differunt, nisi quòd in illis etià abjectissimis longè maximum elucet artificium: cùm tamen utræque id habeant commune, quòd ab intimo principio moveantur. Horologium quippè suis rotis ac ponderibus instructum, non minùs ex seipso movetur, quàm gravia corpora. Neque adeò quicquam, nisi proprio motu fertur. Sic globus, qui antè immobilis ab alio pellitur, non alieno, sed jam proprio cietur motu. Omnis quoque res naturalis motu ab alio mutuato fertur: cùm ea sit constantissima naturæ lex, ut res quæque in suo statu permaneat, donec ab aliâ validiore deturbetur. Quandoquidem nihil sibi ipsi est adversum, nec quicquam à seipso destruitur. Quòd igitur antè quiescebat, moveri non potest, nisi ab alio impulsus.

Naturam item, ut Peripatetici, duplicem distinguunt hujus philosophiæ Antistites, materiam scilicet, & formam: de utrâque dicendum. Materia nihil est quàm corpus, quatenus corporis notionem obtinet, nempe ut trinâ dimensione constat. Nam si dimensiones à corpore sustuleris, profectò jam spiritus, non corpus futurum est. Non igitur aliud corporis nomine concipimus, quàm substantiam trinâ dimensione

II.

Quid natura  
intra &  
quomodo  
natura ope-  
ra ab arte  
factis dif-  
ferant.

III.

Quid materia:  
quid corpus.

mentione extensam. Neque illa extensio accidens quoddam est, sed à corpore non aliter discernitur, quàm ab ente differt essentia: adeò ut non reipsa, sed ratione & mente tantum diversa sint.

Quocirca ibi est corpus, ubicumque trinam dimensionem reperire est. Neque alia corporis notio perfecta, & liquida aut distincta efformari potest. Reliquis enim detractis, ut colore, duritie, sapore, &c. dummodo in longum, latum & profundum pateat, corpus erit; has dimensiones cum iustuleris, ratio, vel idea corporis nulla remanebit. Hinc omne vacuum merito rejiciunt, idque omnino impossibile judicant, quòd, ut supra diximus, omne spatium trinà dimensione constet: unde corpus id erit, aut plenum corpore. Quæque extra mundum spatia imaginatione depingimus, hoc ipso sunt corpora, quòd extensa concipiuntur. Nullum adeò spatium licet effingere, quod omni vacet corpore. Ex quibus efficitur, materiam cujusque rei totam esse substantiam: tamen non est tota rei essentia, vel natura. Siquidem non materia modò, sed etiam forma ad rei alicujus essentiam quodammodo pertinet.

IV.

Forma  
nello

Quid porro illa forma? An pars substantiæ incompleta, eâque præstantior; actus primus corporis, vel quiddam aliud consimile? Nihil minus. Absurdum quippe est formam esse substantiam, nec posse tamen subsistere. Una igitur rationalis anima forma erit substantialis à materiâ secreta. Cum sola sit suatum ætionum sibi conscia; cùmque per se operetur, eam quoque per se existere necesse est. Alia enim est notio corporis, alia perceptionis, vel animi cogitantis: igitur animus longè est à concretionem materiæ removendus. Neque ulla est illustrior nota, quâ unum ab altero discernatur, quam quod idea unius distincta & clara, & integra, non sit alterius notio; quæ enim clarè, & distinctè percipimus, eadem possunt à Deo sic fieri, ut concipiuntur: cùmque unum ab aliò distinctum clarè, & dilucidè intelligitur, idem potest saltem divinitus ab eo separari: neque unum est alterum, sed essentia utriusque est omnino diversa. At quis negaverit corporis, & perceptionis ideas completas, & integras esse penitus discretas? Quod igitur percipit, corpus non est. Cæteræ autem formæ nihil sunt præter quorundam accidentium congeriem, aut extensionis modos. Accidentia voco non qualitates, quæ substantiæ insideant: sed quosdam substantiæ modos ab eâ non re, verum cogitatione tantum, atque, ut aiunt, formaliter distinctos. Accidentia dicantur, quatenus adesse, vel abesse possunt: modi ut rem variè disponunt; qualitates ut rem talem denominant.

Hi verò modi, ex quibus formæ omnes prodeunt, quinque nu-  
meran-

racrantur, figura, situs, motus, quies, & magnitudo. Forma itaque materialis nihil est quàm istorum accidentium complexus, qui rei naturali constituendæ est accommodatus. Ex ferro sunt gladii, horologia, & alia penè innumera, quæ quidem non substantiâ, sed formâ tantum distinguuntur: sic etiam ex eadem materiâ, sed variè tamen determinatâ, & modificatâ, res prodeunt infinitæ. Quamobrem materia per se est iners, & nullius actionis compos: sed omnem vim suam ab accidentibus mutuatur. Neque hæc accidentia virtute substantiæ, sed potius vice versâ substantia vi suorum accidentium operatur: quæ quidem ut pertineat ad rei, quam constituunt, essentiam, ipsi tamen materiæ penitus accidunt, ut figura gladii est ferro extranea, & gladio essentialis. Quæ autem ut substantiæ appendices concipiuntur, tametsi persæpe substantia his destituta clarè & integrè concipi possit, non tam modò, quàm attributa nominantur; sic duratio, seu continuata rei existentia non modus, sed attributum dici debet.

Inter accidentia, quæ formam rei cuiusque efficiunt, primas tenet motus: verùm hic de motu locali disputare non vacat. Succedit quies; quæ definiri potest corporis in eodem loco permanens; estq; vinculum, quod continui corporis partes necit. Nam aliud quiddam est, quàm motus privatio; quandoquidem ubi major est quies, ibi corporis partes motui, ac separationi fortius resistunt. Est igitur quiddam in rerum naturâ positum, cum effectus habeat itidem reales, atq; ut vocant positivos. Sic figura, quæ nihil est, quàm quædam extensionis terminatio; situs, qui est corporis inter alia corpora positio; magnitudo quæ corpora variè in omnes dimensiones possunt distendi, vel plures intensionis gradus acquirere: hæc, inquam, omnia non omni virtute, atq; efficaciâ destituuntur. Si quidem in machinis, ut in statera vulgò *Romaine*, aut vecte diversa pondera propter sitûs varietatem attolluntur; nec secaret ferrum, nisi aptâ figurâ, aut magnitudine donaretur. Ista quidem esse rerum omnium principia, hinc pulchrè colligitur, quod aperta sint, & plana, ac rerum omnium naturis explicandis omnino sufficiant. Cum enim prima rerum exordia sint etiam cognitionis nostræ principia: (remi quippè cognoscimus, cum ejus causas mente complectimur:) hæc principia adeò sunt obvia, & cum rebus ipsis ita coherent, ut nemo, qui anticipatæ opinionis præjudicio non laborat, ea vera esse, ac sola rerum primordia, non ultrò fateatur. Vulgata autem Peripateticorum principia ita sunt obscura, ut ullâ mentis agitatione possint comprehendi. Quis enim materiam, quæ non sit actu, sed potestate corpus, principium esse corporum in animum inducet? Quis mihi explicet, quomodò formæ & materiâ eruantur? Quid porro absurdius quàm formas substantiales



V.

Tria esse  
elementa.

effingere, quæ subsistere nequeunt? Nolim ergo verbis meis exaggerare, quantum à ratione videatur alienum, privationem inter rerum principia recensere: quasi lumen è tenebris, vel è cæcitate visus prodiret. Ac de his jam supra diximus; nunc ad prima rerum elementa veniendum.

Elementa, quantum ad præsens institutum attinet, ea voco, quæ sunt partes rei simplices, quæque ad ejus constitutionem materiæ titulo conspirant. Cum autem quæque corpora minutissimis partibus constent, quæ sensus omnino fugiunt, & solâ ratione percipiuntur: illa quidem corpuscula non absurdè elementa nominamus. Quamquam ex particulæ non sunt Democriti atomi; non enim ut solidas, & compactas, nodum insectiles effingimus, sed infinitè sunt divisibiles. Ex his aliæ majores, & sensibiles componuntur; nam quæque corpora tenuibus initiis natura pertexuit. Illa verò corpuscula, ex quibus majora constantur, continuitatem habent, atque ex iis partes majusculæ, & jam sensibiles texuntur, semè ut corbis ex multis viminibus. Sunt autem partes illæ, quæ sensus aciem fallunt, in triplici differentiâ constitutæ: hinc adeo tria procedunt elementa, quæ fusiùs infra persequemur: idque non temerè, & velut arbitrato nostro effingimus, sed ex continuatâ rerum serie, & totius naturæ explicatione liquidò constabit. Liceat igitur nobis more Astronomorum hanc velut hypothesim præmittere, ex quâ omnes serè naturæ effectus ducuntur. Primum nobis elementum statuitur, materia quædam subtilissima, perniciosissimè agitata, fluida, nullius figuræ tenax, sed quæ faciliè corporum adjacentium figuras induat. Hoc adeo elementum in sole, stellis, igne, & lucidis corporibus potissimum regnat. Succedit aliud elementum ex globulis minutissimis compositum; id non modò, ut primum elementum, implet meatus corporum, sed purissimam ætheris, vel cœli substantiam efficit. Tertium denique ex materiâ densiori, & particulis ramosis, aut aliter figuratis compingitur: atque ex his partibus crassioribus terra, aqua, ær, imò & corpora quæque mixta formantur.

Jam duplicem rerum creationem placet distinguere; in primâ Deus materiam, seu universam corporum molem ex nihilo produxit; in secundâ communem illam, & informem materiam dividit in plures velut provincias; variis eam formis, & figuris ornavit; diversas adeo vires, aut facultates rei cuique concessit: idque non sine aliquo materiæ motu effectum est. Nam in tempore creatum esse mundum Scriptura insinuat: nec possumus concipere materiam in varias aut formas, aut figuras digestam, quin illius partes variis quoque in locis collocatæ fuerint, atque illa partium diversa positio citra motum esse

non

non potuit. Placet igitur prima mundi exordia sic mente concipere, aut si mavis effingere. Communis omnium materia in ipsâ mundi origine vehementi motu fuit agitata; adeo ut motus ille, uti & materia etiamnum perseveret; nihil enim eorum periit, quæ à Deo fluxere. Ergo partes illæ minutissimæ, & magis concitatæ primum effecerunt elementum, quod instar pulveris, aut scobis tenuissimæ ex aliarum partium abrasione profectum est: cum exilia ista corpora motus impressioni non obstant, neque alia aliis sint implicata, sed omnino divisa: quàm citissimè ea moveri necesse est. Secundum elementum prodiit ex infinitis ferè, & minutissimis globulis, qui minus perniciose cidentur. Prima quidem agitatione quasi tornati fuere, ac muruo contactu spatiosa quædam reliquere non omnino vacua, sed primi elementi velut pulvere completa. Terra denique elementa, planetæ ex tertio elemento, seu ex partibus communis materiæ crassioribus & ramosis, ut aliæ aliis implicarentur, prodire.

Nunc quibus tandem rationibus corpus aëre subtilius, & omnium motuum artifex persuaderi possit, paucis expediam: sic enim fortassis Cartesiana philosophiæ principii major fides habebitur. Negari non potest, quin partes cujusque corporis aliæ aliis confertæ, intuitos propè meatus atque interstitia relinquant, quæ crassiore aëre non opplentur; neque enim aër vitri poros, nedum metalli, aut marmoris subit cæca foramina: sed quoddam erit corpus aëre subtilius. An fortè cùm prælongæ trabis extremo aurem admoveas, & quàm minimum in altero extremo, aut motum, aut murmurantis vocem audis, aër ille crassior, quem spiritu ducimus, totam trabem pervadit? An potius id subtilis corporis munus est? Id sanè ex nuperis experimentis circa inane luculentius patet. Quid enim implet summam tubi partem, cùm hydrargyrus ad consuetam altitudinem tubi descendit? Quid globum vitreum subit, postquam magna pars aëris, antliæ vel syphonis ope extracta est, nisi corpus aëre subtilius?

1. Nullum corpus, quod quietum est, movetur, nisi ab alio vel impellatur, vel saltem excitetur. Quid ergo in corporibus tot motus efficit, nisi id subtile corpus, quod cuncta permeat? Quid metalli fusi partes minimas exagitat, cùm antè quiescerent, nisi illud tenue, & vegetum corpus, quod partes minimas concutit? Neque enim fluidum corpus à duro, alio discrimine se jungitur, quàm quod hujus partes immotæ consistant; cunq̃ue una pellitur, reliquæ omnes quæ circa sunt, impulsioni resistunt. Sed liquidi corporis partes omnes huc illuc agitantur; hinc tactui cedunt, nec moveri tamen possunt ex seipsis: quare is motus non aliunde, quàm à subtili materia proficiscitur: quod uberius alibi erit demonstrandum.

Oooo 3

Qld

VI.  
Quibus  
rationibus  
materia  
subtilis  
persuade-  
atur.

2. Quid vitrum tot poris perforavit, ut luminis transitum permitteret, nisi eadem materia, quæ sibi meatus aptos accommodat. Cum vitrum è fornaceeductum loco frigidiore reponitur, statim dililit, & frangitur, quod meatus partium exteriorum citius frigore occludantur, quam qui sunt interiores: subtilis adeo materiæ intus conclusæ exitum inhibent, hæc itaque impingens in solidiores partes vitrum confringit. Quod si vitrum fufum, & aquæ immerfum servari posset illasum, ejus quidem partes extremæ repentinò frigore occupatæ poros valde arctatos haberent, dum interiores apertioribus poris hiarent: ergò extremi meatus non omnem, sed subtiliorem dumtaxat substantiam admitterent, quæ per oppositam partem eadem facilitate erumperet. Sed sensim pertusò vitro, & crassiusculis partibus æthereæ substantiæ admisis per patentiores meatus, iisque exitum non invenientibus, vitrum comminueretur. Sic nuperrimè vir ingenio, & doctrinâ excellens in Physicis & Mathematicis versatissimus pulchrè explicabat, cur lachrymæ vitreæ, quas è Prussiâ non ita pridem hûc advehunt, aut pertusæ, aut limatæ, aut parte oblongâ resectâ, statim cum strepitu exiliant, & in minutissimum pulverem abeant. 1. Ex duro & crassiori vitro componuntur, quod aquæ frigidæ immerfum servari potuit. 2. Extimæ partes sunt valde compactæ, vix enim malleo contusæ franguntur. 3. Extremo & tenui apice disrupto lacryma rarò confringitur; nondum quipè pori fiunt satis aperti, quò subtilis materiæ partes majusculæ subire possint: sed ubi pars oblongi colli jam crassior resecatur, tum subtile quidem corpus, sed majoribus atomis donatum confertim irruit, cui cum exitus non pateat, vitrum comminuit. Cumque majorem impressionem faciat in partem lacrymæ oblongam, in quam rectâ incurrit, hanc in tenuissimum pollinem comminuit: contrâ evenit si fundum lacrymæ, smyridis V. *Pierre d'Emeril* pulvere deteras, tum enim pars crassissima vitri maximo cum fragore in minutissimas partes dililit: quæ quidem vix in aëris circumfusi vim elasticam, aut in sulphur quoddam vitro interceptum, sed in subtilem materiem referri possunt. Cedo enim unde oriatur vis illa elastica, quæ in aëre, & aliis corporibus cernitur? Cur lignum, chalybs, & alia infinita, dum curvantur, sponcè resiliunt? nisi quod in iis convexa superficies meatus habet apertiores, per quos subeunt materiæ subtilis partes majusculæ, quæ cum in opposita superficie arctatos meatus ostendat, dum transit, eos aperit, & simul corpori suam figuram restituit. Id efficit in corporibus duris, quorum meatus facti sunt arctiores, non item in mollioribus, vel in iis, quæ apertos, & hiantes habent poros. Sed ista suo quæque loco.

Omitto

D. Ros-  
hams,

Omitto magnam esse varietatem hujus substantiæ cuncta permeantibus : hinc diverſi illius motus, variæ determinationes, & movendi leges : nam unaquæque in eo corpore liberius moratur, in quo ſuum motum facilius conſervare & tueri poteſt. Hinc quæque fluida diu illæſa conſervat, quæ ſtatim corrumpi neceſſe eſt, ſi ſubtilis illius ſubſtantiæ motus perturbetur. Sic tonitruï fragore vinum doleiſ contentum omnino turbari cernimus : ſanguis nihil externâ ſpecie mutatus venenolum virus fovet ; aut ſubito in febrim exardescit. Nonne hæc, atque alia penè infinita oriuntur ex motu corporis ætherei perturbato ? Non enim fortuito, & temerè moventur corpora fluida, neque aliud quicquam certos, & naturæ eorum attemperatos motus tueri poteſt, præter illud corpus ſubtile, quod ſæpè nominaviſ, cujus præcipuum munus eſt corporum partes minimas ad ſui motus leges inflectere : tùmque res aliqua in naturali ſua diſpoſitione perleverat, cùm ita corpus illud cœleſte eam movet, & diſponit, ut prima illius creatio exigat ; atq; eæ qualitates, ſeu materiæ illius tenuiſſimæ impreſſiones manent, quæ propriis functionibus obeundis ſunt neceſſariæ.

Plura non addam, ubique enim cùm qualitates, & viros corporum exponemus, hujus ſubſtantiæ, quæ motum omnem efficit, mentio recurret : adeo ut tot ſerè argumentis perſuaderi poſſit, quot ſunt in naturâ effectus, qui ad alias cauſas referri nequeunt. Sed præcipuum hujus ſubſtantiæ cœleſtis opus, mixtorum videlicet generationem prætermittere non poſſum : id enim ad noſtrum inſtitutum maxime pertinet. Neque hic novæ formæ acceſſum cum veteris extincti-  
one comminifci neceſſe eſt : ſed omnis generatio fit materiæ ſubtilis motu, juxta naturæ leges ordinato. Cùm enim res quæque corporea rationem & eſſentiam corporis non aliunde, quam ex partibus ſuis depromat, hæc mutationem nullam ſubit, niſi partes illius itidem mutantur : quamdiu enim eundem ſervant inter ſe ordinem partes illæ minutæ, ex quibus res quæque componitur, tum res ipſa ne altera quidem videtur. An ſi particularum variatur contextus, ſive novarum acceſſu aliæ ab aliis divellantur ; ſeu è contra magis arctentur ; aut quocumque alio modo à priſtinâ ſeriè, & poſitione recederint, tum ſanè aut alterationem, aut corruptionem nobis ſubire videntur. Quamdiu res eadem ſenſibus noſtris ſubſeſt, nondum eam omnino corruptam dicimus ; ſed ubi ſenſus nihil eorum, quæ antè conſpexerat, animadvertit, tùm ſanè rem penitus mutatam, aut corruptam dijudicat : tamenſi fortè non aliud quoddam corpus, ſed ex iſdem partibus, diverſo quidem modo conformatis, & diſpoſitis prodierit. Utcumq; ſit, non alicujus formæ acceſſio, ſed motus partium,

VIL

De generatione

ex

ex quibus res quæque constat, hanc diversitatem induxit. Omnis autem motus à corpore subtili proficiscitur, idque à sole, aut aliis sideribus jugiter fluit. Hinc veris tempore dum succi, quos hieme terra fovet, calore solis, vel subtili corpore exagitari in seminibus, aut plantis, meatus sibi aptatos offendunt, hos quidem subeunt poros; sic enim motum acceptum facilius tuentur; atque hæc est naturæ lex, ut res quæque agitata eo versus motum suum inflectat, quò liberius ferri potest; & motum suum in rectam lineam facilius propagare: nihil enim non postulat in suo statu permanere. Cum autem meatus illi, in quos succorum particula impetu feruntur, vel angustiores, vel nimium inflexi, & contorti occurrunt, tum iis progredi ulterius non licet, nec regredi quidem possunt: hinc seminis, aut plantæ molem sensim augent; sed ubi nimius calor patientiores meatus, aut vehementes frigus angustiores effecit, tum aut succi recta pertranseunt, nec morantur; vel omnino subire nequeunt, ac necesse est vel semina, vel plantas emori: sed in hac plantarum seu generatione, seu accretione, nihil præter motum à corpore subtili profectum, & certis legibus progredientem occurrit. Cum istorum motuum velut extremos limites continuatâ mediorum serie neglectâ perpendimus, tum veterem formam petiisse, novam subisse fingimus: neque idem corpus manere solâ partium dispositione permutatâ, sensus ipsi, quibus nimium hæc in parte fidimus, sinunt nos credere. At cum horum motuum omnes progressus, ac velut gradus intuemur, nusquam novæ formæ locus patet, nec quicquam præter motum localem, & partium insensibilium agitationem occurrit. Exemplo utar, quod non ita pridem acerrimo vir ingenio, ut eloquentiæ, sic philosophiæ laude excellens, coram illustri doctissimorum virorum cœtu adhibuit. Cum tritici grana in farinam molarum compressione rediguntur, tum tritici speciem non aliud quam motus imprutat. Jam ubi subtiliores hujus farinæ partes cum aquâ permiscuntur, tum aliæ aliis consertæ massam efficiunt, quæ manibus subacta, in clibano coquitur, ubi pars aquæ in vaporem abit; interiores cum farinæ, tum aquæ particula, vi caloris agitata, longius à se invicem dissidere incipiunt, ac tota subinde massa intumescit; extremæ partes ab aëre radente quodammodo poliuntur, & magis exsiccantur; quæ intus oclusæ sunt, humidiores manent, quod illam, quæ calore furni, & aëris pressione induruit crustam, non facile possint perfringere. Tandem panis extrahitur, in quo nihil præter farinæ massam variis motibus agitatam conspiciamus; dentibus conteritur, tum in ventriculum demittimus, ubi aut calore viscerum, aut acido, & penetranti succo magis comminuitur, atque

*D. de Cor.  
demoys.*

atque eam ferè induit formam, quam illæ discolorés lacinix aqua influenti perfusæ, & vehementi malleorum agitatione in pristinis con-  
tulsæ præ se ferunt; nam massa viscosa, & candida efficitur, quæ in  
chartam solâ partium agitatione extenuatur. Hujus itaque liquoris  
quem nominant chylum, partes crassiores in ipsa intestina protruduntur,  
dum tenuiores per quosdam meatus sibi aptatos in venulas lacteas,  
tum in communem ductum Pecqueti, tandem in venas atque in  
cordis dextrum thalamum, ut suo loco exponemus, illabuntur. Nihil  
dum præter motum localem animadvertimus, quantumvis species ipsa  
mutari videatur, ac nihil ferè ejus quod antè fuit tritici appareat,  
postquam in sanguinem commeavit: sed cum ejus liquoris insensibiles  
particulæ non eandem figuram natæ sint, mirum videri non debet,  
si ex eo carnes, ossa, nervi, ac tot dissimillimæ partes nutrian-  
tur. Dum arteriarum pulsu quædam sanguinis particulæ per arteria-  
rum extrema, aut aperta spiracula erumpunt, atque inter fibrillas,  
ex quibus caro contextitur, impingunt, ibique ob figuræ similitudi-  
nem adherent: quid aliud, quàm motus & figura, tritici grana in  
carnem commutavit. Cum ipsa mutatio, ac partes, quæ situm, aut  
figuram variantur, sensibiles sunt, ut quando triticum in farinam  
comminuitur; tum sanè motui, & figuræ, non alicui formæ, quam  
nec sensus attingit, nec ratio consequitur, quidquid mutatum est, fa-  
cile tribuimus. Sed ubi & motus, & partes, quæ moventur, sensus  
omniò fallunt, tum ad formas substantiales, tanquam ad aram con-  
fugimus: sicque totam philosophiam in magnas redigimus angustias,  
nec patimur veras, aut certè intellectu faciliores causas inquiri: cum  
enim occultæ corporum vires expenduntur, statim forinas obtendi-  
mus. Quid hoc, nisi tenebras rebus ipsis offundere? Quòd si mo-  
tus, qui sensu percipitur, tantam in rebus efficit varietatem; an non  
rationi consentaneum videtur, eodem motu partes, quæ sensus fugi-  
unt, cieri, & variis tum figuris partium, tum motuum differentiis cor-  
porum ortus, & interitus contineri? Quòd si partes, quæ sensibus  
subjectæ sunt, juxta naturæ leges moventur, atque ex figurâ, & mo-  
tu, omnium quæ contingunt, rationes ducimus: quid est cur partes  
insensibiles, quæ sunt corpora suis figuris comprehensa, & ad motum  
maximè idonea, iisdem velut mechanicis legibus non subdantur? Cur  
ex eorum motu, & figurâ, quidquid mutationis intervenit, non  
pendeat? An non aquæ in vapores extenuatæ eandem, quæ prius  
particulæ, iisdem figuris, ac motibus obnoxie manent: cum frigore  
rursus densatæ pristinam aquæ speciem repetant?



Hæc sane magnâ probabilitate dicuntur; nec facîle refelli possunt: illud quoque adjici potest, quod insensibiles corporum partes in rerum omnium, & maxime viventium generatione etiam intrinsecus mutantur. Nam ut fortè in auro, talco, hydrargyro, atque aliis corporibus minimæ, aut insensibiles particule artificio nexu inter se cohæreant, ac nulla vis eas separare possit, aut ita subigere, quin ad pristinam formam revocentur: non id tamen æquè omni corpori commune est: non enim verisimile puto carnis, ossium, pilorum minimas particulas in ipsis nutrimenti delitescere. Corpus nostrum ex terrâ, & pulvere compositum Scriptura docet. Non igitur caro ex minutissimis particulis, jam in ipsâ mundi origine creatis, ac suam naturam pertinaciter tuentibus constabit; sic enim tot essent elementa, quot rerum species, ac differentiarum numerantur. Neque tot in naturâ cernimus elementa omnino incorrupta: cumque eadem planta ex diversis corporibus putredine consumptis nutriatur, non utique corporis putrefacti minima corpuscula pristinam naturam tuentur, adeo ut nihil in iis præter ordinem, aut situm varietur. Multa in hanc sententiam dicit Velthufius, ex quibus colligit, ne minimas quidem & omnino insensibiles corporum particulas esse mutationis intrinsecæ, & substantialis expertes: vix ullæ sunt adeo minutæ & concisæ, quarum motus, quies, figura, situs, magnitudo, in quibus forma cuique corpori propria consistit, ab aliis mutari non possint.

Lib. de gener. 6. 1.

VIII.  
Quædam  
adversus  
hæc principia  
proponuntur  
argumenta.

Nunc Cartesii principia ad rationis trutinam expendamus: nec profectò velim ea refellere, sed tantum quæ minus intelligi requirere. Primum illud non dabo essentiam corporis in triâ dimensione esse positam. Fateor equidem corporis mathematici essentiam in triplici dimensione esse constitutam: sed hæc de corpore naturali agimus, ut motus, & quietis principium existit, cujus adeo essentia non in longitudine, latitudine, & profunditate sita est: secus corpora omnia unâ specie continerentur: nam major, aut minor latitudo, aut sola figuræ diversitas rerum species non distinguit. Atque hoc idem mihi Cartesius, quod vulgares Philosophi, videtur peccare: ille enim, geometriæ asluctus, mathematica, hi verò metaphysicam ad naturæ explicationem transferunt; ille ad mechanicas, & geometricas leges rerum omnium naturas, & motus revocat: ut Peripatetici ad suas notiones, & conceptus quosdam generales, quos ut libitum est, aut dividere solent, aut confundere, omnium corporum referunt essentias. Hinc secant res omnino indivisas; entia citra ullam necessitatem multiplicant; & quæ solâ differunt cogitatione, omnino diversa putant.

Utri-

Utrique sanè no tam res in seipsis cernunt, quam ut mente concipiuntur, ac quodammodo sunt abstractæ: sic continuum infinitè dividuum æquè definiunt, quòd quantitas à materiâ secreta aliter concipi nequeat. Enimverò non ita res se habent, ut eas cogitatione depingimus: idem sæpè varios sensus impellit, ac diversas in phantasiâ excitat imagines. Ut vini spiritus aliter oculos, aliter tactum, aliter olfactum, aliter gustum movet, quod istorum sensuum organa non uno modo sint constituta: hinc vis imaginatrix tum caloris, tum odoris, tum etiam saporis, & aliarum qualitatum diversas effingit imagines: quanquam fortè illa omninò sunt una, & eadem res, non tam naturâ quàm effectibus diversa: nam ut nervorum fibras exagitat, calida; ut linguam pungit, sapida; ut retinam oculi impellit, colorata dicitur.

2. Non satis assequor, quâ fieri possit, ut ex motu materiæ quàm raptissimè agitata tria prodierint elementa: adeò ut ille motus jugiter perseveret. Antequam enim communis illa totius universi materies tantâ pernecitate moveretur, partes unitas inter se, & omninò continuas habebat: quomodo igitur distractæ sunt à se invicem? An velut flumina in glaciem concreta, subito contracta est illa non infinita quidem, sed immensa propè & omninò indefinita universi moles? Quæ ergò rimas & hiatus opplevit substantia? Quomodo partes inter se priùs coherentes, & si benè auguror, omnes quadratæ, ne vacuum interciperent, circumactæ sunt, neque ullum inane spatium admiscere? Hæc sanè nequeo mente complecti, & fateor me tardior rem esse, quàm ut partes illas cubicas agitari, & circumagi potuisse, (càm uniusmodi esset illa materia, & omninò plena) animo comprehendam. Sed esto: fac mihi id, quod ne intelligi quidem potest, esse persuasum. Primum elementum sit pulvis ille, qui prodiit ex angulorum asperitate, instar scobis minutissimæ, & motus ab ipso rerum exordio impressus etiamnum permaneat. Quid illas primi elementi partes se atomos connectit? divisæ sunt, & separatæ, variis figuris comprehensæ: non ergò ita se tangunt, quin spatiola omninò vacua relinquant; aut si omninò nullum admittunt inane, quadratam nactæ sunt figuram. Quare non ita sunt densæ, & compactæ, ac ramenta illa crassiora, ex quibus terra, & vulgata elementa profecta sunt, quæque velut tartarus, aut sæx hujus fluidæ substantiæ in imo subsidunt? Jam si motus ille semel unâ cum materiâ procreatus adhuc perseverat, ac globuli cœlestes indefinenter exeduntur; certè aliquando tandem lux, seu primum elementum totum universum occupabit, ac corpora diaphana, quæ ex secundo orta sunt, tandem ita comminuentur, ut nulla

- futura sint. An fortè globuli ætherei rursus ex primo elemento cõ-  
bunt? Nam elementa in se invicem commicare necesse est: cum stel-  
læ in cometas, aut planetas subindè commutentur: quò id modo fieri  
possit nondum intelligo. Cumquæ rationes omnes ex motibus à DEO  
impressis ducuntur, rationi nostræ velut compedes injici videntur, ne  
quidquam ulteriùs inquirat; quemadmodum qui formas aut, qualita-  
tes occultas nobis obtrudunt.

- Lib. 3. de mente hu-  
manâ, c* Mitto quæ contrà præscriptas motuum leges dici possunt, quæque  
suo loco plenius exposuimus, neque ea, quæ præter ceteros Thomas  
Anglus adversùs singula persequitur elementa, necesse est ut regeram.  
Nec me fallit hanc velut mundi hypothesim à Cartesio non ut cer-  
tam, sed ut possibilem effictam fuisse, quò naturæ phænomena com-  
modiùs explicaret. Varias quoque corporum qualitates, ex multi-  
plici partium insensibilium figurâ, situ, & motu explicari posse non  
contumaciter negaverim. Corpus etiam aliquod subtilius aëre, quod  
alia permeat corpora, & varios in iis motus efficit, sive id ex sideribus  
demittatur, sive rebus ipsis infusum fuerit, non ex modo rationes,  
quas suprà attigimus, sed occultæ vires inagneticae, & venenatæ qua-  
litates, quæ in vulgata elementa referri non possunt, ortus, & in-  
teritus rerum, elementorum in unum discors concordia, omninò  
videntur persuadere. Itaque nulla ferè mihi æquè probatur philoso-  
phandi ratio, ac Cartesiana, si modo quædam ex Mathematicorum  
fontibus derivata, quæque sunt intellectu difficilia, & forè minùs re-  
rum naturis explicandis idonea, sustuleris: nam tanta motuum va-  
rietate mens confunditur. Neque illud faciliè concedam, nullum cor-  
pus à seipso, sed ab æthereâ moveri substantiâ, quæ ut dominetur in  
corpore, tamen non sola est, quæ moveatur. Nam absurdum videtur  
corpus naturale non habere in se sui motus principium, & naturam  
cujusque rei in hoc esse positam, ut moveri possit: sed motum suum,  
& agendi vim omnem ex subtili materiâ depromere: verùm hæc po-  
sterius. Mirum id quoque rerum omnium species, varietatem, pul-  
chritudinem, ordinem, animalium vires, & motus ex illis elementis  
duci, atque eodem prorsus modo animal seipsum agere, quo cerni-  
mus horologium suis rotis ac ponderibus instructum agitari. Illud  
omninò incredibile, equum à lapide non differre, nisi penes motum  
subtilis corporis, aut quietem partium; aut figuram, aut situm, aut  
magnitudinem. Sed quis ferat nullum de novo motum procreari, &  
quantùm uni accedit corpori, tantùm de altero decedere, adeò ut mo-  
tus è subiecto in subiectum commeat: cùm tamen nihil sit quàm mo-  
dus quidam corporis, de cujus essentiâ est subiectum, cui insidet.

Mitto

Mitto cœtera accidentia perlequi. Neque tam facilem me præbebo, ut quietem non solam esse motus privationem, sed quiddam in rebus positum, & pertinacem partium contactum nullâ demonstratione persuasus concedam. Cum enim res cessat moveri, jam quiescit; neque ille contactus motui per se opponitur; atque ut contactus pertinacia motum inhibeat, non est tamen quietis ratio, aut essentia, (est enim quies cessatio motus:) motus extrinsecus corpori advenit, quod per se otiosum est, & quiescit. Quod figuram, situm, & magnitudinem attinet, ut ad motum conspirent, non idcò activa sunt, & naturam rei cujusque efficiunt. Cuneus quidem lignum non potest findere, nisi certâ donetur figurâ; ob sitûs varietatem in statera, aut vecte majus à minore pondus attollitur: sed malè hinc concluditur, aut figuram, aut situm quicquam moliri; sunt quædam conditiones, & velut subiecti apparatus ad agendum requisiti, non principia, aut causæ, quæ actiones possint exercere, & quidem motus, quies, situs, figura, magnitudo, sunt communes totius corporis proprietates, quodammodo magis extrariz, neque adcò qualitates dici possunt. Rem enim talem non efficiunt; ut motus partium insensibilium, qui fluiditatem efficit, ut quies duritiem; configuratio earundem partium, aut densitatem, aut raritatem, imò naturam cujusque rei potissimum constituit. Quare communes illæ proprietates, rei qualitates dici non possunt: cum enim qualis res sit querimus, eam moveri, aut quiescere non respondemus. Qualitates sunt rebus intimæ non extrariz.

Hæc quidem in universum de principiis Cartesianæ philosophiæ diximus: nam singula persequi, ut forsitan molestum, sic ab inlicito alienum videri posset. Interim illud breviter admonebo, mihi non videri essentiam corporis positam esse in triplici dimensione: quam vis fortè extensio, vel quantitas ipsa à corpore non re, sed cogitatione tantum distinguatur. Corpus physicum habet in se vim motricem, & sui sæpè similis effectricem, atq; alias affectiones, quæ in solas dimensiones, uti nec distinctio rerum specifica, & summa rerum varietas, nullatenus referri potest. Quod verò Cartesius nos non habere aliam corporis ideam claram, & distinctam subinde contendit, hoc nihil est. Ideam quippè corporis mathematici, non physici effingit, neq; necesse est, ut omnium rerum distinctas, & claras notiones habeamus; cum, ut ipsemet docet, vis mentis nostræ finita sit, nec rerum omnium ideas gerat. Et sanè cum me ipsum consulo, & ideas mentis revolvo, vix claram, & distinctam corporis infinitè divisibilis notionem invenio; id enim ut esse, ita ne concipi quidem potest. Quid igitur erit corpus? An substantia extensionis capax, ut mens est substantia, quemadmodum Cartesio

videtur, cogitans : at mentem nihil esse quàm cogitationem, aut corpus nihil esse quàm extensionem, vix ut credam adducor. Quàm enim multiplex est cogitatio, quàm varia ejusdem rei esse potest extensio. Neque iis assentiri possum, qui negant eandem esse animam, si propriè & physicè loqui volumus, cum diversa percipit ; cum mentis essentia sit in perceptione constituta : tametsi eadem est moraliter, & minùs subtiliter rem totam expendenti. Id quidem ex principiis Cartesii videtur sequi ; sed nihil æquè sensus còmunis respuit, & omnem vitæ rationem tollit. Estlo, generica corporis ratio in hoc posita sic, ut dimensiones habeat vel exlgat : an tota cujusque individui corporis essentia in tria dimensione erit constituta ? Profectò omnia corpora eadè omnino specie containerentur. Nam ut in uno corpore major sit dimensio, non idcirco ad aliam speciem revocatur. At verò, inquit, eadè manet corporis extensio ; eundem semper occupat locum, etsi multùm id rareseat, dum instar spongiæ meatus ampliantur, & subtiliori corpore implentur : nec quidquam extensionis addi potest, quin simul nova accrescat substantia. Sit ita sanè. Sed reddit eadè, quam suprà attigimus, difficultas, an subtilis materia, quæ corporum meatus subit, ita sit densa, ut nullos intercipiat poros ? At quæ fieri id possit, cum divisa sit, & figuræ multiplices ? Et sanè secundi elementi globuli spatia relinquunt, quæ primo elemento complentur. At quomodò hujus tenuissimi pulveris granula ita se contingunt, ut nihil inane intercipient ? An naturæ sunt ita flexibiles, ut quamlibet figuram statim possint induere ? At solidissima sunt, ut ipsi globuli, ex quibus sunt excisa, nullos enim meatus intercludunt ; & vix aliquid flecti potest, quin poros habeat. Sed neque facillè concipimus nihilò plus esse substantiæ in auro ; quàm in eadè mole aquæ, vel aëris, aut ignis ; cum eadè sint ubique dimensiones. Mirum si hujus aëris, quem spiramus, partes omnes quiescerent, tam duræ, tam solidæ forent, ac metallum quodvis durissimum. Sed ea, quæ suis quæque locis excutientur, in præsentia mittamus. Nunc quæ sit corporis natura, quæ ratio, ex Cartesio paulò diligentius retexamus.

X.

Primum itaque nec Cartesii, nec aliorum mihi placet opinio, qui corporis naturam in triplici dimensione reponunt ; quantumvis eam magni nominis Philosophi, & major recentiorum pars, ut inconcussum philosophiæ principium, defendant. Eà potissimum ratione subnixi videntur, quod detractis omnibus, quæ in corporibus inesse solent, ut motu, calore, duritie, fluiditate, & aliis affectionibus corporum, dummodò relinquatur extensio, seu triplex in longum, latum, & profundum dimensio, semper integra Corporis idea, aut ratio, aut natura

rema-

remanebit : sublata vero extensione, quamvis cœtera adsint, jam non corpus futurum est.

Hoc argumentum specie quidem firmum videtur, excussum ne-  
scio, an vim ullam sit habiturum. Primum enim, quæ sit corporis na-  
tura, non ex ipsius materiæ affectionibus inter se collatis; sed ex ideâ  
colligunt; quæ ex sensuum præjudiciis fuit efformata. Corpora quæ  
videntur omnia, triplici constant dimensione; hæc sublata, cœteræ  
corruiere videntur affectiones: Ergo, inquiunt, hæc est intima cor-  
poris natura: sed cur tanta tribuitur sensibus autoritas, ut ex iis  
non modò rei existentiam, sed etiam intimam ejus essentiam habea-  
mus exploratam? Et quidem vir doctus, idemque Philosophiæ Carte-  
tesianæ vindex acerrimus, multis nuper contendebat argumentis, nos  
ex sensuum testimoniis, vel de rerum existentia certos fieri non pos-  
se. Quid ergò, an quæ sit rei substantia, vel natura, ex solâ sensuum  
cognitione perspectum erit nobis & indubitatum? Undè scimus na-  
turam corporis in extensione positam esse, nisi quòd nullum corpus,  
nisi idem extensum viderimus. At nullum quoque est, quod tribui in  
partes non possit, quod non sit impenetrabile, aut quod certâ figurâ  
non sit comprehensum. Quid est igitur, cur essentiam corporis non in  
eo reponamus, quòd sit divisibile, aut impenetrabile, aut quòd certâ  
figurâ terminari possit? Nam priùs concipimus corpus habere partes,  
quàm eas extendi. Quid si mentis ideas non ingentitas, sed haustas à  
sensibus, vel arbitrato nostro effectas consulimus, tam impenetrabile  
mihi corpus videbitur, quàm extensum.

Nec dum satis liquet, an in rarefactione & condensatione non  
varietur extensio, non mutata corporis natura. Quamvis enim lon-  
gè probabilius videatur, & intellectu facilius, aquam rarefcere, cum  
ejus partes aëre, vel æthere subeunte, longius inter se distant: tamen  
non ita explicato facile est, quâ fieri possit, ut aqua, quæ nullâ pene  
vi densari potest, tot poris sit pervia, tot meatibus pertusa, ut hydrar-  
gyro ferè quindecies sit levior.

Hæc quidem non eò dico, quòd rarefactionem fieri in solidum,  
& aquam in vapores exsolutam, in omnes crescere dimensiones pu-  
tém. Nam satis verisimile mihi videtur corpora rarefcere instar spon-  
giæ aquâ plenæ, aut rectis explicati, vel auri in tenuissimas bracteo-  
las, aut folia diducti; sed tamen non ut auri, si aquæ partes ita per-  
tinaciter sibi mutuo coherent. Nec facillè mens ipsa sibi persuadet  
eamdem esse extensionem in fumo, aut vapore, quæ in oleo, vel aquâ  
fuit; neque id ita certum est, ut principii loco assumi queat.

Verùm

XI.

D. R.  
haust.

XII.



Verum aliis quoque rationibus, quas superiori capite attigimus, eadem refelli potest sententia, quæ corporis naturam in triplici dimensione constituit. Quod si enim ita sit, adeo plena erunt omnia, ut nihil inanis aut vacui, ne divinâ quidem virtute admitti possit. Quod quidem libenter, ut principiis suis consentaneum, fatentur Cartesius, & qui eum sequuntur Philosophi. Enimverò, non satis, ut mihi videtur, attendunt, quæ & quanta hinc sequantur absurda, quæ jam superius attigimus.

Ex iis sanè efficitur opinionem illam, quæ primâ specie rationi blanditur, ab ipsâ ratione penitus esse alienam. Nam qui hanc defendunt nullos corporibus possunt fines præscribere; eaque in infinitum augent, ne spatium extra hoc universum hoc corpore vacuum. lidem & corpus in infinitum sedile statuunt. Cùm enim, ut illis placeat, de essentiâ corporis sit extensio, partes cujusque corporis, quantumvis parvæ, dividi semper in infinitum possunt. Quod quidem à Mathematicis acceptum in scholis obtinuit, ac nescio, an quicquam cogitari possit absurdius, ut jam fusè exposuimus; nam ut extensio, ut à nobis concipitur, sit infinitè divisibilis, hoc nulli rei extensæ convenit.

Ex quibus colligitur extensionem esse corporis Mathematici essentiam, non item Physici, quod extensionem quidem, ut quandam affectionem, vel accidens sic exigit, ut tamen sine illâ possit divinâ virtute consistere, cùm ad corporis naturam non pertineat: præsertim cùm triplex dimensio, sine ullo corpore esse, & concipi possit, ut in spatio inani contingit.

Quod quidem cùm rectæ rationi, ut fusè probatum à nobis fuit, omnino est consentaneum, tum etiam ad tuenda fidei nostræ circa Eucharistiam Dogmata, multò magis est expeditum, quàm si naturam corporis in triplici dimensione colloceamus. Non quod eos, qui contra sentiunt, erroris condemnem: sed cum Philosophorum communis opinio cum ratione & hujus sacrosancti mysterii fide magis consentiat, nec tantis sit obstructa difficultatibus; (quæ tamen cum de fide agitur terrere nos debent;) non video, quid nos à receptâ magis opinione cogat discedere. Scio quidem fidei nostræ dogmata omnium retrò sæculorum traditione, & scripturæ autoritate munita non periclitari, etiamsi Philosophorum placitis non consentiant; satis esse, quod DEUS ita esse voluerit, idque nobis à verbo scripto, & tradito per omnes fuerit ætates revelatum. Quod autem potuerit DEUS, ne ipsi, qui contradicunt, negaverint: cum DEUM omnia posse facere. Id omnes Catholicos fide credere, post consecrationis verba

sub-

substantiam panis desinere, corpus Christi adesse, species tantum panis remanere. Quo autem modo fiat illa panis in corpus Christi conversio; quid sint illæ species; an panis quantitas; aliorum accidentium comitatu instructa, inter Theologos illæsa fide agitari posse. Quò pluribus modis hoc fidei dogma defendi poterit adversus heterodoxos, hoc utique è re Catholica melius futurum, nec uni Philosophorum sectæ nostram fidem addici oportere, quam utique non à Philosophis, sed ab Apostolis accepimus. Cumque varia fidei dogmata SS. Patres adversus hæreticos defenderint, non multum solliciti fuere, quid Philosophis videretur, sed quid sacræ Scripturæ, & universæ Ecclesiæ sanciret autoritas; omnino persuasi. DEUM efficere multa posse, quæ ipsi capere non possumus, in quibus tota ratio facti est potentia facientis.

Hæc quidem & alia hujus generis, quæ afferri possunt plurima non negaverim; id tamen jure, meritoque contendam, non ita indulgendum esse præjudicatis Philosophorum opinionibus, ut eas non delectamus, si fortè iis, quæ fide sunt certa, non omnino consentiant. Nam Ecclesia *destruit omnem altitudinem, quæ se extollit adversus scientiam DEI.* Cavendum id tamen esse non infelior, ne superstitione potius, quam veræ religionis studio, ita fidem nostram certæ Philosophorum sectæ addicamus, ut ab eâ discedere nefas esse arbitremur, etiam si ratio, sensus, experimenta, contrarium persuadeant. Neque id etiam velim, argumenta ex fide desumpta ad stabiliendas Philosophorum conclusiones transferri oportere: sed illud à Christiano Philosopho requiro, ut nihil astruat, quod fidei aliqua ex parte repugnet. Quod utique futurum multis videtur, si quis Corporis naturam in triplici dimensione reponeret. Manet quippè omnino, quæ fuit trina panis dimensio; nec tamen superest ejus substantia: quin & corpus Christi Domini integrum sub minimâ parte contingetur, quod tamen verisimile non est, ibi trinam habere dimensionem: magno quidem argumento corporis, cujusque essentiam in triplici dimensione, non esse constitutam.

Quid respondeant non ignoro. Negant videlicet Corporum species, aut quæ vulgò dicimus accidentia, ut saporem, odorem, colores ipsos usquam alibi existere, quàm in sensoriis nostris, vel organis, quatenus scilicet ex impressionibus factis in sensuum organis, tales in nobis exurgunt perceptiones, quæ saporis, aut coloris, aut soni nomine donantur, quæque non magis in ipsis sunt corporibus, quàm dolor ex pungente aciculâ, ipsi inest aciculæ. Est quidem in rebus

ipsis vis quædam, aut effectrix causa earum perceptionum, ut caloris, aut saporis; sed species, aut qualitates ad nos ipsos, non ad objecta, unde manant, refert affectiones. Cumque mens adesse res ipsas ex iis qualitatibus colligat, ut ex sapore, & colore panis, ibi & panem adesse putat, qui has efficiat in organis impressiones: & ita quidem se res habet juxta consuetum naturæ ordinem. At nihil prohibet, quominus DEUS omnipotens easdem in nobis impressiones efficiat; etsi panis substantia non adest, ex qua tales solent affectiones, aut species dimanare. Quamobrem nihil habere videtur hæc opinio, quod fidei repugnet. Nam ex sensuum impressiones, quæ species sensibiles dicuntur, tametsi cum panis substantiâ, ut effectus cum causâ jungi solent, tamen in sacrosancto altaris Sacramento, ab eadem substantiâ separantur. Quod quidem est, accidentia sine subjecto, ad quod referri solent, & unde profluunt, separata conservari. Quamquam & alia sunt accidentia, quæ nostris non insunt sensibus, sed sunt in re ipsâ, aut in pane: ut ipsum *ubi*; ut figura, & si quæ sunt, alia ejusmodi, quæ sanè remanent omni subjecto destituta. Cum enim corpus Christi, quem ante panis substantia tenebat locum, & eandem figuram occupet, ubicunque erat panis substantia, ibi adesse corpus Christi necesse est; Manet adeo eadem figura, idem ubi, manent eadem superficies corpusculorum, quæ antè in pane fuerant. Nam ubicunque erat panis, jam est corpus Christi; atque eodem prorsus modo terminatur, quo ante panis fuit circumscriptus: quod quidem vocamus eandem remanere ubique superficiem, eandem figuram. Nec mirum, si eodem prorsus modo, impressiones in sensuum organa dimanent: cum corpora ipsa simili ratione sensus nostros afficiant, ac superficies consimili modo habent dispositas. Corpus enim in aliud per contactum agit: contactus verò omnis per superficies perficitur. Nec objectorum impressiones, aut species sensibiles aliud quiddam sunt, quam contactus quidam modales. Cum igitur corpus Christi in Eucharistiâ eadem velut superficie contineatur, hoc est, eodem modo terminetur, & ibi sit, ubi erat panis, nihil mirum, si sensus nostros eodem panem modo afficiat.

Addunt id quoque, ad fidem nostram non pertinere, an species sacramentales sint accidentia, quæ antè panem, ut subjecto inhærebant; an nihil sint quam impressiones in sensibus factæ: dummodò illud certum & fide definitum teneamus, corpus & sanguinem Christi actu & re ipsâ sub speciebus panis adesse; nec panis & vini substantiam remanere; reliqua serè Theologorum disputationibus permittuntur. Nec quisquam potest certam velut legem, aut necessitatem

alii

aliis imponere, ut mysterium eo quo sentit modo, ipsi concipiant, aut opiniones Philosophorum, quas Tridentinum concilium illasas reliquit, ut à fide alienas proscribant. Sæpe enim usu venit, ut opiniones quædam fidei repugnare videantur, quæ minimè repugnant, ut multas persæpe falsas judicemus, quæ veræ sunt. Atque in his non temerè & inconsultò, sed rebus diu multumque perpensis agendum. Nec video SS. Patres hujuscemodi argumenta ex sensuum, aut Philosophiæ testimoniis deprompta, cum de mysteriis agebatur, magni unquam fecisse, aut eorum aliquam habuisse rationem. Philosophi naturam consuetò itinere progredientem, & res ipsas, ut fieri solent, contemplantur: Quid autem fieri possit à DEO, aut quæ præter usitatum naturæ ordinem interdum moliantur, non attingunt. Quo id fiat modo, ut corpus Christi sub speciebus panis contineatur, non est Philosophi decernere; satis illi fuerit, si rem ita esse crediderit.

Hæc utique cùm concessero, tamen id meritò pericendam, cavendum esse, ne illa velut certa & explorata Philosophiæ principia statuamus, quæ cum fide nostra minùs videntur convenire: maximè si ex sensuum tantùm præjudiciis illa velut principia statuamus. Cujus generis videtur esse illud Cartesianæ Philosophiæ decretum, naturam corporis in trina dimensione esse constitutam. Cùm enim natura cujusque rei mutari non possit, non video, quò fieri possit, ut corpus Christi sub minimâ hostiæ particulâ contineatur, atque ore sumatur integrum, nisi penetrabilitatem in corporibus admiseris, quam ipse Cartesius, ut principiis suis alienam non admitteret: quanquam, ut video, à plerisque, qui cum sequuntur, non penitus abjicitur. Neque id assequor, quò fieri possit, ut superficies cujusque particulæ remaneat, non trina dimensio, non profunditas: id sanè non dicam explicari (non enim hoc exigimus) sed nullo modo concipi potest. Quod si hoc velut principium, cui nonnulli paulo pertinaciùs adhærescunt, sustuleris, ac naturam corporis in triplici dimensione non posueris, faciliùs ex his laqueis te evoles. Cùm enim trina panis dimensio, aut quantitas remaneat, hæc species, seu emphases, aut reliqua accidentia, vel sustinebit, vel in sensus nostros immitteret; nec quicquam alieni à receptâ Theologorum sententiâ, quod fidelium aures offendant, afferetur. Nec clam me est, quàm multa multi in hanc rem scripserint, quæ sanè non sunt contemnenda: sed vereor ut satis sint tuta.

XV.

Existimat quidè Pater Magnus, per species posse intelligi impressiones, aut motus, qui sensus aut eorum organa percellunt,

XVI.

quique non à panis substantiâ, quæ jam nulla est, sed ab actione & virtute Christi proficiuntur. Nam DEUS uno & eodem miraculo, omnia efficit; quæ ad hujus mysterii occultationem sunt necessaria.

Quodd si enim Angelus ita movere sensus potest, ut corpore vestitus appareat; neque necesse est, ut id corporis ex aère fabricet; sed eodem prorsus modo sensoria potest afficere, ac solent à corporibus impelli: An forte id negabimus omnipotentiz Christi, ut eodem in sensibus nostris procreet motus, qui à panis substantiâ prodirent: quamvis nihil eorum, quæ panis, aut vino inerant, post consecrationem remaneat. Neque hinc metuendum est, ne sensibus illudatur; non enim ad sensus pertinet judicare, unde, aut ex quo fonte illa dimanet impressio, percipiunt tantum, nihil affirmant, aut negant, neque ullum de rebus ferunt judicium. Hoc munus rationis est; quam si fides non irradiat, proculdubio eam aberrare necesse est; cum illa, non accidentia modo, sed etiam panem adesse, ex sensuum perceptione colligat. Cum igitur Theologi accidentia panis & vini adesse uno penè ore affirmant, id utique, non ut fidei dogma, sed ut rem sensuum judicio firmatam supponunt. Cum tamen sacro-sancta Concilia, ut Latetanense, & Tridentinum, non accidentium, sed specierum vocem usurpent: neque ullâ potest autoritate canonica ostendi, per species, accidentia intelligi oportere. Cum eadem Concilia doceant, corpus Christi Domini non sub propria specie adesse: cumque unanimi ferè consensu Theologorum constet, corpus Christi in Eucharistiâ suâ quantitate, & aliis accidentibus non carere. Per speciem igitur, id quod apparet sensibus, non accidentia nisi forè metaphysica, vel logica, quæ scilicet non sunt de essentiâ rei, Patres & Concilia intelligunt. Quod si ex Thomistarum sententiâ in eadè vere nullum eorum, quæ prius fuerunt, accidentium, ne ossis quidem, durities, aut albedo, aut figura partium superest; quid absurdi erit, si nihil omnino reale, nullam entitatem, quæ prius in pane fuerit, reliquam esse dixerimus? Fide quidem certum est, & inconcussum tenemus, substantiam panis omnino nullam, consecratione peractâ relinquî, & verum Christi corpus illius loco substitui: sed modus, quo id fiat, de fide non est: nisi omnimò constet, aut revelatione divinâ, aut certissimis demonstrationibus aliter fieri non posse. Neque id temerè assertum oportet, cum innumérabiles sint viæ, quibus hoc inenarrabile mysterium DEUS potest efficere.

Quandiu peripateticæ doctrinæ principia viguere, non occurrit Theologis alius possibilis modus: nunc vero si firmis demonstrationibus

bus

Dist. 4. de  
gener. scilicet  
5.

IIIX

XVII.

bus demonstrent Philosophi, formas illas accidentarias aut impossi-  
biles esse, aut omnino inutiles, nec quantitatem à materia distingui  
quid est? Cur religionem nostram argutis Philosophicis illigatam, &  
velut captivam teneamus? Cur ea, quæ ab Ecclesiâ non sunt, consti-  
tuta, temere, & inconsiderate, ut articulos fidei decernimus? Docet  
Arriaga in pane & vino consecratò gravitatem duntaxat apparentem  
esse superflitam; quidni quoque idem de cæteris accidentibus sentia-  
mus? An rursus veremur, ne lucus fiat sensibus? Quasi verò in rerum  
naturâ ita prorsus se habeant omnia ut nobis videtur. An fortè cum  
Christus Dominus Magdalene sub specie hortulani, aut duobus disci-  
pulis sub formâ peregrini apparuit, tunc habitu & instrumentis hortu-  
lani, vel peregrini instructus fuit; an potius certâ quâdam ratione mo-  
vebat oculos intuentium, & spiritus ita afficiebat, ut quàm velle spe-  
ciem, citra ullam deceptionem imprimeret? Cur non idem prorsus in  
Sacramento altaris potest efficere? Cum verisimilimum sit Angelos, aut  
animas etiam separatas non aliter sensus nostros afficere. Plura in  
hanc sententiam Magnus affert, quæ forsitan non omni earent pro-  
babilitate. Quamvis in re tanti momenti nihil temere, aut pertinaciter  
tueri velis, atque ut par est Ecclesiæ judicio hanc subijcit opinionem.  
Neque ego praefatâ ista fieri non posse pertendam. Quamquàm in  
Magnani opinionem, quam olim Cardinalis de Alliaco, ut probabilitem  
proposuit, id durum videtur, nihil reale quod ante esset, in parte re-  
manere. Quod si ita est, quid rationem Sacramenti est habiturum?  
Quare, ut mihi quidem videtur, Nominales, qui accidentia quæque  
suâ quantitate non privant, facilius ex his se laqueis expediunt.  
Neque ab his multum abhorret P. Steph. Natalis S. J. Vir candidus &  
doctus. *Supponit is quidem, ut substantiæ, sic accidentis, varias esse ac-*  
*ceptiones; ac poteris quidem omissis substantiæ nomen vel pro essen-*  
*tiâ rei, vel pro subjecto, seu mole quâdam sensibili (nam de corpore*  
*santum loquimur) usurpari. Quemadmodum accidens id intelligimus,*  
*quod est extra rei essentiam, vel quod ita est in subjecto, ut non sit il-*  
*lius pars quâdam. Itaque in pane, ut in aliis rebus, partes integran-*  
*tes, quæ & mole sunt sensibiles, & per se quodammodo existunt, ad*  
*substantiam pertinent, distantiora verò, aut partium interstitia, ut po-*  
*ri in vitro, per quos traheret, in accidentium censu haberi possunt.*  
Sic folium rosæ, cum tractu temporis exaruit, quoad substantiam ma-  
net integrum; odor verò & tenues illæ entitates, quæ meatibus inclu-  
sæ vim agendi, aut sensus nostros impellendi, rosæ tribuebant, penitus  
evanescere. Hæ quidem cum ad integritatem substantiæ non spectent

notum

Q499 2

cum-



cumque abesse, & adesse possint, nec sint mole sensibiles, nec sint partes subjecti, cui insident, nec demum naturæ viribus separata, eum eodem ordine, virtute, situ, coherensione, possint consistere, non video cur inter accidentia non habeantur: cumque substantia per eas res sit sensibilis, & operetur, species, seu emphases illius meritò appellantur. Hæ demum species in pane & vino consecratis sunt divino miraculo superstites; cum nulla sit amplius panis & vini substantia. Contra atque accidit in rosâ exsiccata, ubi pereunt accidentia manente substantiâ; harum fortè specierum moles divinâ virtute juxta panis & vini congenitas dimensiones augetur: Christus ut causa effectrix illas continet, movet, conservat, in eodem ordine, situ, virtute, & ratione, quam tum habuere, cum aderat panis substantia.

## XVIII.

Quocirca hic articulus Jo. Wiclef meritò à Concilio Constantiensi inter alios proscribitur, *accidentia panis non manent in hoc Sacramento sine subjecto*. Cum enim Wiclef negaret accidentia panis reperiri extra panis substantiam, idemque testimonio persuasus fateretur accidentia panis in Eucharistiâ remanere; malè colligebat in Sacramento adesse cum suis accidentibus panis & vini substantiam. Nec fortè decretum est à Concilio, accidentia panis, seu entitates quasdam sensibiles post consecrationem superesse: cum id forsitan ad fidem non pertineat, sed ad summum ex judicio & perceptione sensuum colligatur. Accidentium igitur nomine, non aliud quiddam quàm species sensibiles, quæcunque sint illæ, ut longè antè à Concilio Lateranensi, & à Concilio Tridentino postea, dictæ sunt, designatum esse à Concilio Constantiensi, satis est verisimile. Quamquam qui tum temporis, quique aliquot antè sæculis extiterunt Theologi, specierum nomine signarint formas quasdam accidentarias, ut à Peripateticis explicantur. Hinc potuit meritò Wiclef propositio, ut scandalosa & seditiosa damnari. Quare Concilium usitatissimam in scholis accidentium vocem adhibet: adeò ut iis, qui contendunt nullam in pane consecrato entitatem remanere, ex hac parte non desit aliqua responsio. Sed ex P. Natalis sententiâ tutius & longè expeditius esset accidentia panis, seu entitates quasdam à substantiâ secretas fateri esse superstites. Neque corpora dici possunt, cum non habeant molem sensibilem, & per se existentem, nec viribus naturæ seorsum esse possint, neque ex formâ & materiâ constent: sed sint quædam vires, seu potentia, aut species corporum, ab iis solâ virtute divinâ separabiles: quamvis suâ quantitate & mole donentur. Accidentia Physica dici possunt, cum ab agente naturali dimanent; quo quidem modo hoc mysterium esse evidenter possibile arbitratur.

Verum

Verum ut aperte, id, quod res est, dicam, satis commodè h. omnes explicant, qui fieri possit, ut panis accidentia, aut species remaneant, panis ipsius substantiâ non superstitet. sed præcipuam difficultatem non attingunt, quomodo corpus Christi, si suum habet extensionem, ut carere eâ non potest ex eorum sententiâ, sub minimâ hostiæ parte contineri, & ore sumi possit integrum. Nam vel penetratio dimensionum est adhibenda, quæ non videtur cum principiis Cartesianæ philosophiæ coherere; vel fatendum, quod nobis magis probatur, extensionem, aut tres dimensiones, ad rationem vel essentiam corporis non pertinere. Neque hunc modum expedit utriusque. *P. le Bossé* philosophiæ conciliator doctissimus, qui extensionem à quantitate sic in *Parall.* discriminat, ut hæc à materiâ possit separari, illa non item. Quantitas enim est rei quasi mensurabilitas, quæque adeo nihil est, quàm accidens, aut modus substantiæ corporeæ. Sic panni quantitatem, unâ dimetitur, unde res infinita certam non habet quantitatem, tametsi extensionem habet infinitam. Ista quidem ut vera sint, integratamen non soluta manet difficultas, quam attigi.

Cum de his nuper verba facerem cum clariss. & magni ingenii viro, qui à philosophiâ Cartesianâ non abhorret, is rem ipsam satis apertè, ut mihi videtur, expediebat. Duo quidem sibi concedi postulabat, primum eandem extensionem, quæ in uno fuit corpore, in alio remanere posse, ut quæ fuit in aquâ extensio, manet in plantâ. Alterum quod postulati loco erat, tam faciliè poterat concedi, idem videlicet fuisse corpus Christi in beatissimæ virginis utero, quod in arâ crucis; neque enim major, aut minor moles corporum distinctionem potuit efficere. Jam his positis faciliè intelligimus id fieri posse, ut quæ entè fuit panis extensio, aut quantitas, sic ad corpus Christi pertineat, ut sub minimâ, quæ saltem sensibilis sit, parte, sacro-sanctum corpus Christi contineatur. Quod si in grani triticeï germine jam partes distinctæ sunt, & formatae; si in ovi cicatriculâ, etiam antè gallinæ incubationem, pulli partes sunt delineatæ, ut nuperæ observationes ostendunt, an dubitabimus, quin Christus possit suum corpus, vel sub minimâ parte hostiæ integrum constituere? Fateor equidem vix quicquam asserri posse probabilius, sed tamen in veteri meâ sententiâ adhuc permaneo, naturam corporis in extensione non esse positam, atque adeo corpus omnibus suis dimensionibus exui posse.

Hæc utique paulò fusiùs, quàm institueram, exposui; ut omnibus liqueret, fidem nostram decretis Philosophorum non ita illigari, ut salva & illæsa esse non possit, si sortè certis Philosophiæ principiis non

XIX.

XX.

XXI.

non consentiat. Fides enim divinâ authoritate, non humanâ ratione, quæ admodum infirma est, & incerta, inniuitur. Frustra igitur nobis quidam obijciunt heterodoxi, pterosque ex SS. Patribus id philosophandi genus secutos fuisse, quod cum fide nostrâ non cõhæret. Præterquam enim id negari potest, ex iis, quæ mox attulimus, planum sit, nullam penè Philosophorum sectam, cum iis, quæ catholica de sacro-sancto altaris Sacramento tradit Ecclesiâ, non posse conciliari. Id scitè jam à doctiss. responsum est Theologis, SS. Patres religionis mysteria ad notiones philosophicæ non solitos exigere; quæ fides, quæ Scriptura, quæ perpetua, quæ universalis Ecclesiæ traditio credenda proposuit, complexi sunt; parum solliciti de humanis rationibus, quæ huc illuc flecti possunt. Rem ita esse, ut fides decernit, ut certum & inconcussum statuerunt. Quo autem modo DEUS rem adeò mirabilem efficeret, non ita anxie quæsiere: DEO ipsi vias & rationes, quibus mysteria, & promissa sua pertheceret, omninò reliquerunt. Neque eos fugiebant, quæ afferri solent difficultates; quin & eas identidem attingunt, ac subinde monent, non esse in hac parte fidendum sensibus, ac pro certo tenendum quod videmus, non amplius panem, quamvis gustus ita judicet, sed corpus Christi existere. Mirantur qui fieri possit, ut corpus Christi tot fidelium viribus distributum, integrum permaneat, fidem, aut Christianam sapientiam in eo maxime esse positam, ut vim & potentiam aruinam natura finibus non coërceat: falsam esse, quam de DEO habemus cognitionem, nisi eadem ab ipso fluxerit. Id factu esse optimum, ut rationi fides prælucet, at, ne à DEO ipso, ut ab hominibus, rationem exigere videamur. Quæ sacra tradit Scriptura, parato & submisso animo esse excipiendâ, quæ ipsa reticet, aut occultat, non esse curiosius inquirenda, frustra nos ea scrutari, aut mente consequi velle, quæ nec penetrari, nec comprehendi possunt: fides enim à nobis obsequium exigit, non curiosam & instabilem rationis inquisitionem: quibus enim deest fides, Ariste naufragium hos experiri necesse est. Iis sanè non dissimiles, qui mare citra navim trajicere moluntur. Multa in hanc sententiam docent sancti Patres, & quod rem maxime continet, ad mysterium Eucharistiæ celestes hæc regulas adhibent, ut fusè à viro doctissimo ostensum fuit.

XXII.

Quare nihil necesse est molestius inquirere, cur tot difficultates, quas magno conatu nunc heterodoxi adversus Eucharistiâ congerunt, Patres silentio prætermiserint. Neque enim id erat illis propositum, mysterium, in quo summa religionis consistit, oppugnare. Omnes, quæ contra afferri possunt rationes, sancti Spiritus bene consunt

JXX

opor-

oportere docuerunt; idque demum futurum, si qua nobis impossibilia videntur, à Spiritu sancto fieri posse persuasum habeamus, ut de hoc sacrificio loquitur Hefychius, hanc unâ ratione difficultates omnes, quæ *Lib. 2. in* *Levitic.* tanquam nebulæ mentem conturbant, dissolvi. Itaque & fide inconcusâ, & humanæ rationis contemptu, non eorum, quæ comprehendere nequeunt, molestâ indagatione, hæreticorum argumentationes elidi crediderunt. Hæc enim ratio, & humanæ mentis infirmitati, & Christianæ pietati est aptissima. Neque id æquum est hominum ingenii licentiam excurrendi in omnes subtilitatum recessus, permittere, ne incitata non possint intra fidei septa retineri. Illi ingeniorum æstus in ipso exortu, & priusquam adoleverint, divinæ autoritatis pondere sunt coercendi. Ac facilius est mentem humanam continere, ne in vanas excurret cogitationes, quàm semel effusam, & sibi ipsi permissam revocare.

Frustra quoque inquirunt, an id philosophandi genus, quod plerique ex Patribus amplexi sunt, ab iis, quæ de sacro-sancto Sacramento tenet Ecclesia, sit alienum. Nam perrarò de iis, quæ nunc in ore heterodoxorum versantur, objectionibus verba faciebant; uti apud Orientales de his nulla est contentio, nec mysteria nostra ad rationis humanæ, sed ad unius fidei, & traditionis normam exigebant. Cum de naturâ corporum disputarunt, tum unius rationis lumen, & usitatum naturæ ordinem secuti sunt. Quæ ex ipsâ corporum naturâ profluunt affectiones, non quæ iis ex Conditoris omnipotentia, quæque magis in divinam naturam, quàm in ipsa corporum principia refunduntur, sunt persecuti; nec anxie quæsierunt, an Physicæ, quas afferebant rationes, cum nostris mysteriis, convenirent. Quasi exceptionibus semper iis utendum, aut cautio adhibenda fuerit, cum de naturâ corporum verba facerent, Physicæ principia ad consuetum naturæ ordinem, revocarunt: ut cum Augustinus corporum impenetrabilitatem astruit; vel non dubitabant, quin sua mysteriis constaret veritas, tamen nòndum perspicerent, quâ ratione cum naturæ legibus cohererent, omnino persuasi DEO ipsi viam & rationem esse perspectam, quâ perficiat, quæ nobis revelavit.

Sed heterodoxi pergunt ad sensuum testimonium provocare, in iis certitudinis criterium positum à DEO contendunt, unde & Scriptura & SS. Patres resurrectionis veritatem, ex sensuum evidentia comprobant. Multa in hanc sententiam congerunt, quibus jam sæpius responsum fuit, nec verum, aut falsum, neque ullum adeò de rebus iudicium ad sensus pertinere. Ab objectis quidem in sensuum organa impressiones manant, cum quibus simplex quædam animi perceptio

Rrrr

ceptio

ceptio, quæ nec vera, nec falsa dici potest, ab autore naturæ conjuncta fuit, hanc plerumque judicium animi consequitur, quo illam impressionem à certis objectis proficisci dijudicat, atque objectum esse hujusmodi, ut idea, quam animus effinxit, id repræsentat. Dabo illud quoque hujus generis judicia non vera solum, sed & certa esse posse; secus & religio, & omnis vitæ ratio tolleretur: cumque judicium de rebus, quæ sensu percipimus, ferre teneamur, nec DEI providentia, aut veritas nos in errorem necessitate quadam induci patiatur, hoc utique manifestum est ad DEI providentiam spectasse, ut nobis certas rationes, aut vias, quibus verum à falso distingueretur, tradiderit. Quamvis enim de rebus, quæ sentiuntur, certum judicium, efformare vix liceat; nisi id nobis constet, perceptiones nostras non ab imaginatione, ut inter dormiendum solet, sed à sensibus ipsis profluere; ab objectis, non ab Angelis, aut DEO ipso imprimi; non à morbo effici, ut iis accidit, quibus manus, aut pes fuit abscissus, quique per sæpe in iis partibus dolorem acerrimum sentiunt. Illud tamen divinæ providentiæ, ut certas notas, aut judicia traderet, quibus phantasmatum ludibria ab objectorum impressionibus secernantur, præsertim ubi acri, & intento animo rem ipsam inspeximus. Neque id æquum erat, ut in dubio semper esset animus, an sensibus illuderetur. Si quando visiones animo DEUS imprimit, simul & certa, quibus ex discernuntur à sensuum perceptionibus, argumenta præbet, aut certe is prohibet, ne temerè de iis judicetur: ut contigit in raptu D. Pauli, qui utrum in corpore, an extra corpus esset, omnino dubitabat. Sed ubi DEUS ipse nos tam apertè monuit, sub speciebus panis corpus Christi contineri, non panis substantiam; jam divina veritas, cui uni certitudo sensuum innititur, in discrimen non vocatur, si quod speciem habet panis, panem esse inficiemur. Nulla enim fit illusio sensibus: nam ab objecto, certo in loco, & distantia posito, ut affici debeat, ita afficiuntur, quod ipsi accepere, animo renuntiant. Ad eos quippè non pertinet judicium, an panis substantia adhuc remaneat. Si rem ita esse contra DEI ipsius testimonium animus judicat, se ipsum sciens & volens seducit, temerè dijudicat, aut concludit, id omne scilicet panis naturam habere, quod illius speciem præ se fert.

XXV.

Sed, inquires, quod videtur sensibus, ita prorsus est, ut videtur. R. primum excipiendi sunt omnes organi defectus, tum imaginationis phantasmata, demonum quoque illusiones, DEI tandem miracula. Deinde cavendum tibi, ne ideæ, aut imagini, quam à sensibus hausisti, quædam adjicias, quæ ei non sunt conjuncta. In Eucharistiâ quidem nullus est aut visioni, aut illusioni locus, nec fucus sit sensibus, qui  
ab

ab objecto, ut par est, impelluntur, sed malè ratiocinamur, si contra Christi & Ecclesiæ testimonium panem adhuc supersse, temerè concludimus. Atque in hoc omnis est error, quod prius admoniti, & divinâ autoritate muniti ideæ simplici à sensibus hausæ adjicimus panis substantiam, quæ quidem ex usitato naturæ ordine, cum speciebus panis, conjungitur. Sed eam sensus non percipit, & ab ipsius naturæ authore separatur. Neque in hoc nobis, uti nec Prophetis, quibus certas visiones imprimebat, nec Patriarchis, quos per Angelos docebat, illusum à DEO esse credendum est. Quanquam longè facilius est Christianis corpus Christi ab usitato pane distinguere, quàm illis in promptu fuit, quæ videbantur ab objectis ipsis, quæ in sensus incurrunr, divellere. Quod autem afferunt de resurrectione Christi, aut veritate corporis, quæ sensuum testimonio comprobatur, hoc nihil est: cum nullis argumentis, nullis indiciis hæc in parte credendum non esse sensibus, DEUS nos admonuerit, nec suâ autoritate adversus hoc animi judicium nos munierit. Sed fortè nimium extra Philosophiæ septa excurri: tametsi Christianum philosophum me esse meminerim; neque id alienum ab instituto putem, & non solum philosophos inter se, sed eos etiam cum religione nostrâ, quantum fieri poterit, conciliem.

\*\*\*\*\*

## CAPUT QUINTUM.

*De tribus Elementis, ubi fusè de motu, &  
illius legibus.*



**L**ota hujus universi materia, (si Cartesium audimus) unius modi est: cum illius essentia in trinâ dimensione sit constituta: quæ igitur summâ formarum varietatis cernitur, hæc omnis ex divisione, & motu materiæ profecta est. Is autem motus fuit ab Authore naturæ impressus, cum materia suâ vi, suoque impetu moveri nequeat: cumque ex se nihil sit quàm triplex dimensio. Atque ut eadem materiæ moles, sic eadem prorsus motus quantitas, quæ in principio rerum fuit, etiamnum permânent: nihil enim novi præter rationalem animam creatur; nihil omninò destruitur: & motus, qui corpori accedit, ex alio profuit, ut offensum est in globo, qui alium immobilem pellit: quantum enim motus huic globo acquiritur, tantum perit alteri,

I.  
*Trium elementorum  
origo ex  
Cartesio.*

Rrrr 2.

Quam-



Quamvis autem nobis sit persuasum, quæcunque cælum, & terra continent, perfectæ & absoluta fuisse condita : nihilominus licet ea mundi primordia supponere, quæ ut non sint vera, sunt tamen possibilia, & rerum explicationi accommodata. Scimus enim terram in primâ rerum origine plantis, & animalibus instructam fuisse : sed ut magis erit explorata, & plantarum, & animantium cognitio, si ortus earum, & incrementa contemplemur ; sic nobis licet prima hujus mundi visibilis velut semina diligentius intueri : & quibus modis ex eadem materiâ tot sidera potuerint emergere, subtiliori quâdam ratione indagare.

Quamobrem licet nobis ut quiddam non absurdum supponere, creatam esse à DEO materiam, ex quâ universum constat ; illam in partes æquales divisam, easque particulas mediocris quidem molis fuisse, & æquis motibus agitas : ita ut singulæ tum circa se, tum plures simul circa commune aliquod centrum verterentur ; necdum esset ulla vel in partium mole, vel in motu inæqualitas, nisi ea, quam ex stellarum inæquali distantia colligimus. Cum enim, ut mox dicturi sumus, stellæ sint quasi tot vorticum centra, circa quæ materia jam divisa volvitur, necesse est, ut centra vorticum æquis spatiis non sint inter se disjuncta : sed hæc postea sient illustriora, atque ex his, quæ in Astronomiâ physicâ jam diximus, utcumque intelligi possunt. Et quamvis in principio confusa omnino materia fuisset, nihilominus tamen partes mundi hujus visibilis eum, quem cernimus ordinem, aliquando habituræ essent, ac juxta motuum, vel naturæ leges eo, quo moventur modo, possent agitari. Sed longè facilius erit partem, & motuum æquabilitatem supponere, quàm ordinatam rerum seriem ex summâ confusione repetere. Quid igitur ex his, quæ supponimus, futurum fuit ? Partes illæ, in quas materia secta fuit, rotundæ ab initio non fuerunt ; secus multa spatia omni prorsus corpore vacua mutuo contactu reliquissent. Sed tamen circa se torqueri diu non potuere, quin mutuo collisu omnis asperitas lævigaretur, & prominentibus angulis resecis tandem globosæ fierent : nam ingens ille motus, quo divisa fuit materia, & partes illius agitatæ diutius perseverant, satis validus fuit, ut angulorum apices elideret. Quare scobs illa minutissima, quæ ex attritu majuscularum partium prodiit, quæ fuissent vacua implevit spatiola : sed hujus tenuis pulveris velut granula hoc celerius, & facilius moventur, quò sunt minora, & per angustiores meatus, vel globulorum anfractus impelluntur. Motus quippè, quo attritæ sunt partes, validus supponitur ; decisum pulverem citissime agitât, & conterit : adeò ut scobs illius velut atomi ob sui parvitatem, & vim motûs facillimè comminui, & secti possint ; nullique sunt additæ figuræ primæ

primi elementi particulæ, sed eam induunt, quæ spatiolis implendis est magis idonea: idque juxta motus, & naturæ leges omnino fieri debet. Cum enim corpus ab alio impellitur, hoc citius movetur, quod minus est; ut magis resistit, quod majorem habet molem: quod enim minus est, hoc majorem habet superficiem pro mole suâ, & sic alia corpora ob magnitudinem superficiæ fortius in id vim suam exerunt: idque quàm minimum resistit, quod perparum habeat materiæ. Quare scobe illa minutissima tanto impetu concisa, quàm raptissime movetur per globulorum anfractus, ut foliis vel lento motu oclusis, aer per tubi angustias quàm citissime prorumpit.

Ecce tibi jam duo elementa: primum ex ramentis, vel scobe tenuissimâ partium majuscularum prodiit: secundum efficiunt globuli mutuo attritu, & rotatione lavigati: tertium ex particulis crassioribus primi elementi minus agitatæ, atque ob inæqualitatem figurarum implexis, & ad motum minus idoneis exurget. Primum regnat in sole, stellis, & igne; secundum cœlestem substantiam & liquidam efficit; ex tertio planetæ omnes, ex quibus est terra, prodierunt. Primum lucida corpora efficit, secundum diaphana, tertium opaca, & luci impervia. Nunc juvat nostri hujus vorticis, in quo degimus partes & motus acriori animo expendere. Sed fortè operæ pretium fuerit præcipuas motuum leges antè summatim decurrere, quod facilius sit aditus ad ea, quæ dicturi sumus.

II. Illa est prima naturæ lex, quæ res quæque postulat in eo statu, in quo nunc est, permanere, nisi aliarum rerum occurso de hoc statu di-  
 moveatur, sic quod antè quiescebat, moveri non potest, nisi motu ab  
 alio corpore translato; & vicissim quod movetur, non antè potest qui-  
 escere, quàm motus in alia corpora diffundatur; idque in projectis  
 cernere est, nam emissæ suum utique motum diutius retinent.

2. Quodcunque movetur, rectum iter ut brevissimum, & simplicissimum insitit: adeo ut à recto tramite nunquam, nisi occurso aliorum corporum defleat. Cum autem res in orbem fertur, ut lapis in fundâ circumactâ, semper à centro quantum potest, removeri nititur; hinc fundæ funiculi in ipsâ rotatione tenduntur, & eò magis, quod celerior est motus. Quamvis lapis fundâ conclusus in orbem feratur, motus tamen illius semper in rectam lineam determinatur; nam ubi liber exitus patet, secundum rectam, quæ circumulum tangit, emittitur, sic figuli rota perniciter incitata lapillos circumferentiæ impositos secundum rectam contingentem propellit.

3. Corpus motum in aliud impactum variè motum suum inflectit, ut corpus in quod incurrit, variè resistit: hoc enim si fortius obstitat,

Rrr 3

quàm

nam globus plumbeus plus resistit manui percutienti, quam ligneus, quamvis minore aëris molem ante se propellat.

Hinc fit, ut fluida quæ sunt, non tanta vi in dura impingant corpora, ac si ea essent firma, aut solida: cum enim ex particulis disjunctis, tanquam ex arenulis consistant, non simul omnia, sed pauca admodum corpuscula in ipsâ collisione vim suam exerunt: quæ tamen repetitis ictibus brevi adeo invalescit, ut flante vento navis celerissime agatur, donec auctæ celeritati æqua moles omnino resistat, nec tam cito loco moveri, aut scindi se patiatur; & quidem quò validior est ventus, hoc navis in principio celerius fertur; cum enim corpus moveri incipit, jam determinatam habet celeritatem, neque per infinitos gradus progreditur. Sic corpus grave per lineam perpendicularem decedit citius, vel in ipso sui motus exordio, quam si per inclinatum planum provolvatur. Cum enim, ut optimè demonstrat, D. Mariotte, inter motum, & quietem nullum sit medium; ubi lapis descendere incipit, jam movetur, & determinatam habet celeritatem, nec necesse eam esse infinite tardam. Quidquid in contrarium Galilæus, & alii obtendant, quibus persuasum est, & celeritates, & spatia decursu in infinitum dividi posse. Et quidem si corpus grave à subtili quadam materiâ deorsum propellitur, palam est, vim, & actionem illius substantiæ æthereæ & invisibilis esse determinatam, effectum adeo, nempe velocitatem determinari. Sic Magnes cymbulæ impositus, & aquæ innatans ad ferrum accedit hoc celerius, quò ferro est propior: adeo ut motus illius initium certum & definitum habeat celeritatis gradum.

His de motus naturâ, & communicatione explicatis, facilius erit ad illius leges descendere, quas cum Cartesius ad geometricam subtilitatem exegerit, non mirum est, si cum ipsâ experientiâ minus conveniant. Quamobrem recentiores Philosophi ad experimenta confugere coacti sunt. Hinc clariss. Hugenius ad funependula hoc quoque recurrendum arbitratus, plures globulos ex ebore, vel chalybe rite paratos curavit, quos ita filo appendit, ut beneficio arcus circuli, quâ lege, quâve ratione unus alterum percuteret, & quantum sui motus in ipsâ collisione ei impertiret, facile esset demetiri.

Præcipuæ autem collisionum leges hæc sunt observatæ. 1. Æquales globuli ex eadem altitudine utrimque simul demissi, post collisionem, ad eadem ex quibus profecti sunt, loca redeunt. 2. Si alter sit iminotus, in hunc æqualis globulus decedens motum suum transferet. 3. Si fuerint inæquales, & minor hoc velocius descendat, quantum minoris est ponderis; post collisionem ad eandem quique redibit altitu-

V.

Tractat. de Corp. collisione.

VI.

VII.

titudinem, ex quâ descendit. 4. Quod si & pondere, & velocitate, motus sint inæquales, tum à collisione pro reciproca ponderum ratione velocitatem motus partientur, eo quidem modo, quem ingeniosè admodum apud eruditorum Ephemerides explicat Hugenius. 5. Tandem si globulus in plures, qui se se mutuo contingant, incurrit, tum is globulus, & reliqui omnes præter ultimum, erunt immobiles; adeo ut motus omnis in remotissimum transferatur.

## VIII.

Hæc quidem ita se habent in collisione corporum, quæ sunt dura, non mollia; quorum adeo partes aliquantulum pressæ resiliunt, ac vi elasticâ v. qui font ressort, donantur: qualis in ebore, jaspide, chalybe benè temperato est maxima. Horum enim minutæ partes pressione flectuntur quidem, sed suum situm, aut positionem statim recuperant, & sanè convexa, quæ sunt ejusmodi corpora, ut globuli ex jaspide, aut chalybe efformati, ex fibrillis constant, aut paribus, quæ sese restitunt celerimè, & eâ quidem vi, quâ fuerunt compressæ. Sic globuli ex jaspide in invicem decedentes ad perpendicularum, ad eandem penè altitudinem reflectuntur. Nam partes corporum tensæ eodem prorsus modo resiliunt, quo cernimus fides citharæ adductas se se restituere, non minore scilicet vi, quàm adductæ fuerunt; aut sermè, ut funecunda ad eandem penè altitudinem, ex quâ deciderunt, eriguntur, eò quidem celerius, quò sunt breviora. Cum itaque celeritas, qua partes inflexæ resiliunt in duris corporibus, sit incredibilis, palam est, illas particulas esse velut fibrillas brevissimas, quæ citò se se restitunt. Non idem usu venit in reticulo, quo pila excipitur, aut vesicâ, vel folliculo, v. balon, aëre pleno, horum enim restitutio est tardior, quamvis in his compressio est manifestior.

## IX.

D. Mari.  
om.

Sed quidquid sit de causâ restitutionis, non difficile esset, ea quæ in percussione duriorum corporum apparent phænomena, ex his, quæ dicta sunt, explicare. Sed cum vir Clariss. hæc de re tractatum conscripserit, in quo hoc argumenti copiosè pertraxavit, nihil necesse est, ea quæ ibi dicta sunt, omnia regerere. Perpauca duntaxat attingam. Ex his itaque liquet. 1. Quod si duo globi æquales sibi mutuo occurrant, æquâ celeritate incitati, eâdem quoque celeritate resiliunt. Quâ enim vi globus in ipsâ collisione comprimitur, eâdem resiliendo globum alterum ferit, & eò, unde profectus est, repellit.

2. Quod si alter sit immobilis & æquabilis, hic post percussionem eâdem vi impelletur, quâ globus percutiens movebatur; sed globus, qui percussit, immotus manet. Sic enim contrariis & æquis determinationibus jam distrahitur, immobilis adeo remanet: quâ enim vi antè movebatur, eâdem à collisione repellitur.

3. Si

3. Si globus sit subduplus alterius, sed duplo celerius quam major moveatur, uterque cum eadem velocitate, quâ progressus est, revertetur. Nam reflexio illa, aut globorum separatio, quæ vi elastica perficitur, eadem est cum eâ vi, quæ compressionem, aut elaterium procreavit. Reliqua minutiùs persequi nostri non est instituti. Illud magis ad propositum pertineret in causas hujus elaterii diligentius inquirere, si nobis quid certi, aut explorati liqueret. Id unum ex illis, quæ diximus; apertum videtur, partes corporis elastici ita esse flexibiles, ut pressæ mancant: quemadmodum in molli cerâ, aut argillâ contingit: nec ita sunt tamen rigidæ, ut flecti non possint. Quare hæc vis elastica in duris corporibus magis est conspicua; in plumbo magna est partium flexibilitas, sed mollities major; non enim partes compressæ pristinam formam, aut situm recuperant. In sonoris corporibus, ut in ære, vitro, testâ, & corporibus, quæ faciliè confringuntur, magna est vis elastica, neque enim sonus citra partium fremitum; nec fractio fieri posset, nisi partium figura mutaretur. In multis corporibus vis elastica magis est conspicua, tamen lentior videtur, ut in pilâ palmariâ, in reticulo, in folliculo inflato: in quibus sanè ratio ipsa elaterii, aut motus reflexionis sit manifestior. Pila reticulo excepta, intestinula, seu funiculos, quibus constat reticulum, secum propellit, dum si funiculi nimium tensi resiliant, & pilam sibi conjunctam in partem oppositam repellant: nam, ut jam innuimus, in hoc motu elastico idem serè evenit quod in funependulo, ubi corpus ex alto demissum, non modò ad locum quietis, & infimum descendit; sed eo, quem inter descendendum acquisivit impetu, ad æquam serè altitudinem conscendit; sicque varios itus, & reditus, seu vibrationes edit multiplices, quæ vix desinerent, nisi æris molis conceptum impetum infringeret. Nam motus semel inceptus vix cessat, nisi quæ obstat causâ, quæ determinationem mutet; adeò ut plumbum sunt quinque pedum appensum, si à loco quietis tres pedes removeatur; & in orbem agatur, plus 200. circuitus, hoc est plus octavâ parte leucæ gallicæ conficiat, priusquam omnino quiescat; tamen ær multum huic motui obstat. Nec dissimili ratione, ut vir D. Mari-  
Doctiss. animadvertit, fides testudinis, aut arcûs intenti chorda, vi quâ-  
dam adducta, cum impetu resilit, nec solum ad quietis locum, sed tantum ultra progreditur, quantum citra fuit adducta; ita ut vel globulum eadem vi reperiatur, quâ in funem incurreret, ut de funependulis diximus. At fortè ea est ratio explicandi motus elastici & facili-  
or, & verisimilior. Sic in folliculo aëre distento, quo pueri solent ludere, aut in vesicâ inflatâ cum in terram decidit, pars, quæ pressa est,

paulatim se restituit, & eodem impetu, sursum rediret, quo descendit, nisi magna aeris molea obstaret. Nam restitutionis motus augetur, donec ad quietis locum ventum sit, ubi maximus impetus, & idem plane qui fuerat in ipsa collisione; uti ex funependulis & tensis fidibus citharæ palam est. Itaque par vesicæ, quæ in lapidem impingit, excavatur; sed illa cavitas paulatim imminuitur, donec omnino evanescat. In duris corporibus, ut in globulis eburneis, illa complanatio ex collisione minùs percipitur: nam vis elastica aut restitutionis est celerissima, sed eam adesse negare non possumus, cum & poris donentur, & partium flexibilitate, quæ in ipsâ percussione velut compactiores factæ, pristinum situm faciliè recuperent. Quod si tam dura essent corpora, ut partes eorum nullâ ratione flecti possent, nescio an ullus in iis esset motus elasticus, aut reflexionis: nam facilius est globum agitaturn sustinere, quàm in partem oppositam repellere: nec faciliè occurrit, quæ tum esset causa motûs illius reflexionis: si partes corporis pressæ non resiliunt.

X. Illud quoque ex Clar. Alphonso Borello addiderim, illud esse Lib. de vi percussio-  
ni, discriminis inter mollia corpora, & dura, ut inter plumbum, & chalybem, quod illis inflexis fiat quædam minutarum partium transpositio, non item in duris corporibus: nam ubi laminam plumbeam arcuaveris, pars illi concava arcabitur, convexâ, seu exteriori distendit: sed in vitri aut chalybis laminâ, partes suis locis non expelluntur, figuras tamen suas, & situm nonnihil immutant; cum pori in superficie convexâ ampliuntur, in concavâ contrahantur: quod vix, inquit, concipi potest, nisi quædam partibus etiam solidis mutatio accesserit. Cum autem dura quæ sunt corpora, quæque vi elasticâ maximè donantur, & sonora sint, & percussa tremant, ea videntur partes habere flexibiles, & fibras hæc breviores, quod celerius pressæ, aut inflexæ se se restitunt: non enim sonus aliundè videtur oriri, quàm ex tremulo aeris motu, quem efficit duri alicujus corporis tremor.

XI. Verum id mirari licet, quid fieri possit, ut rupes, saxa, & ingentia quæque corpora, ad tubæ, aut tympani sonum tremere videantur. An forte ad vim percussione, quæ si cum solâ gravitate comparatur, infinita quodammodo est, confugiemus? Id sanè constat clavum altius figi, quod à graviore corpore comprimitur; sed ubi corpus, cui clavus infigitur, tantum resilit, quanta est vis in corpore incumbente, tum clavus subire amplius non potest, & sit quoddam velut æquilibrium: ac nisi clavi obstaret asperitas, partes ligni circumjectæ, quæ clavum tanquam forcipes stringunt, cum fursam repellerent: ut quando lignum intra aquam, vel hydrargyrum immittitur, ubi vis

exte-



exterior defierit, partes aquæ sic illud premunt, ut sursùm repellant, non aliter atque nuclei prunorum digitis pressi vibrantur. Sed quod ab ingentis corporis pondere non efficitur, ut clavus altiùs subeat, id malleoli ictus repetitè præstant: quod longè major, & pendè infinita sit vis percussoris, cum solà gravitate collata. Primum enim vis illa non statim desinit, sed priusquam extincta est, alia subindè percussio eam excipit. Atque ideò serè accidit, quod in funependulis, quæ si vel levi ictu dum regredi incipiunt, percusseris, mirum quantum hæc suum motum accelerant. Quod si libræ ingens pondus & durum, puta ferreum, sic appenderis, ut in subiecto plano quiescat; vel malleoli in lance alterà percussione, magni ponderis corpus aut tremet, aut subfultabit. Res meliùs succedet, si clavò ferreo pondus ipsum cum lance innitatur. Quod velocitas motûs in percussione, corporis percutientis levitatem compenset. Quid igitur futurum est, cum infinitæ velut percussoris, aut plagæ se se invicem excipient, ut accidit in pulvere pyrio accenso: tum enim sunt infinitæ, ut ita dicam, percussiones, quæ se se mutuò excipiunt, neque id ignis inflammationi, quæ hos effectus non procreat, sed nitri particulis vehementer agitati tribuendum est.

His adde aptam corporum structuram: nam fortè constant ea corpora ex innumeris velut machinulis, aut armillis, aut fibrillis ita complicatis, ut dilatari & comprimi possint. Cum igitur se se mutuò premant, & sint velut in æquilibrio positæ, si quâdam partis percussione ardentur, illæ alias sibi subiectas prement, quæ, ubi defierit percussoris ictus, se se illiò restituent: atque ut in fidibus tensis evenit, crebras vibrationes, seu varios itus ac rēditus efficient. Addam illud quoque ex viro clariss. D. du Clos, mediā quādam & mediocrem partium rigiditatem in corporibus vi elasticâ præditis observari. Hinc chalybs temperatus, nec postea recoctus, aded sit rigidus, ut flecti non possit. Quod si usque ad rubedinem recoquatur, tum inflexus non resistit, nec satis vi exteriori resistit, quod partes sint molliores. Sed vis elastica tum est vegetior in chalybe, cum temperatus, ut par est, recoquitur, & aliquâ pinguedine oblinitur. Sic filum vitreum, tenue, & recoctum vi elasticâ donatur quâ crassiora fila destituntur, quod ea sint rigidiora.

Quid porro his fibrillis, aut armillis, aut flexilibus particulis motum illum restitutionis, seu elasticum imprimit, explicatu quidem arduum videtur, nisi ad subtilem Cartesii materiam, confugiamus, aut certè ad ignitas atomos, & corporum effluvia, quæ tanquam totidem cunei, indexi corporis arctatos meatos dilatent. Idem enim serè ac-

XII.

VII.

XIII.

cidit, quodj in phialâ vitreâ oblongioris & angustî colli; quam si aquâ usque ad medium ferè collum impleveris, camque intra aquam fervidam demerferis: tum aqua intus conclusa nonnihil descendet: quodj vitri meatus præ calore ampliores facti sint, & vitrea phiala capacior. Sed ubi diutùs phiala intra aquam ferventem manserit, tum quæ intus erat sensim calefacta altius efferetur. Contra evenit dum phiala intra gelidam immergitur: tum enim arctatis vitri poris aqua altius evehetur. Quod quidem experimentum, primum à Sereniss. Principe Etruriæ Leopoldo factum fuisse testatur Borellus. Sic laminæ vitreæ convexa superficies, si panno calido tergatur, magis curvabitur; contra accidet, si concavam superficiem aquâ fervidâ ablueris, aut panno calidiore terferis: tum enim ejus curvitas imminuitur, quod igneæ particulæ vitri poros augeant. Sic igitur corporum effluvia, cujus generis sunt magnetica, & alia hujus generis plurima, corporis inflexi superficiem convexam faciliè subeunt, quod meatus ampliores offendant; sed ubi in arctatos partis concavæ meatus incurrun, eos tanquam cuneoli dilatant, sicque corpus inflexum restituitur. Accedit etiam quoddam substantia quæcunque sit illa, quæ poris corporum continetur, ab incumbente aëre, aut fluido æthere ambiente continenter premitur, cum levior existat: simul & partes solidæ arctantur, dum aliæ interim dilatantur.

## XIV.

Cum hæc scriberem, vir clariss. & omni genere eruditionis excellens; D. Perrault, elegantem mecum hæc de re benigne communicavit dissertationem, in quâ ex principiis intellectu non arduis, & certis experimentis, firmitatem & duritiem, & vim elasticam corporum tam aptè deducit, ut vix quicquam probabilius afferri possit. Supponit is quidem, quod negari non potest, circumfusum aëra esse in duplici differentiâ constitutum. Alius est crassior, ex terræ, aquæ, & aliorum corporum particulis magnâ ex parte decisis, quem spirando ducimus, & reddimus, quique, nec vitrum, nec solida quæque corpora pervadit; alius est longè subtilior, & penetrans, quique cum crassiore ferè, ut calx cum arenâ miscetur, & ambo in æthereâ materiâ simul innatant, moventur, & cum eâ ferè, ut calx cum aquâ permiscetur. Crassiori aëri, qui ad aliquot usque milliaria extenditur, suum esse pondus ex nuperis experimentis jam est notissimum. Sed longè majorem esse subtilioris aëris vim, aut pondus ex aliis quoque experimentis, quæ libro tertio afferemus, satis liquet. Huic sanè subtiliori aëri corpora quæque ambienti, & firmitatem & vim elasticam, & alias, de quibus hoc loco nihil necesse est dicere, affectiones non immerito vir Doctiss. refert acceptas. Ex eadem quippe causâ & firmitas,

mitas, & cohesio, & vis elastica corporum ducuntur; cum scilicet corpuscula, ex quibus res quæque compingitur, & planas & latiores & multiplices habent superficies, tumque vix ea divelli possunt, quin circumjectæ aëris partes loco suo dimoveantur, & moles aëris incumbens nonnihil attollatur. Nam à circumfuso undequaque aëre premuntur, non aliter ac corpus aquæ immersum ab aquâ ubique comprimitur. Quare ubi corpus aliquod firmum, ut ramus arboris inflectitur, partes illius convexæ à se invicem, non sine vi aliquâ, divelluntur. Sed ubi vis cessat exterior, tum partes figuram, ac situm quæque suum recuperant, id ab aëris subtilioris pondere maximè perficitur. Sic exaësum aërem in sclopeto pneumatico compressum, subtilior dato exitu, non sine magno impetu propellit. Nam crassi aëris particulae à solidis corporibus instar scobis lignæ decisæ, quantumvis minutæ sint, & insensiles, tamen vim suam elasticam tueruntur, sed ubi nimium compressæ in angustum arctantur, tum eadem subtilis aëris vi explicantur, & in pristinum statum restituntur. Non quòd inflexa corpora subtilis aër penetret; (nam id efficit tantum substantia æthereæ, quæ poros arcus inflexi ampliores lubit;) utriusque verò aëris, ac subtilis potissimum pondere restituitur. Cum major sit inflexio, aut pressio corporum, ac subtili aëri patet aditus, tum corpus frangitur, & partes corporis à se mutuo divelluntur. Quòd autem plumbum, & alia metalla molliora, vi elasticâ non donentur, id non modò partium figura efficit, sed etiam hinc oritur, quòd molles & humidas habeant particulas. Unde plumbum & stannum contusa sunt molliora, non item ferrum, & cuprum, & duriora quæque corpora. Plura non addam; nam, ut spero, vir clarissimus hanc dissertationem brevè emittet in publicum.

Ac de collisione corporum, quæ vi elasticâ donantur, jam satis, ut opinor, dicta sunt. Quòd si corpora, quæ colliduntur, molliora sint, non dura, cuiusmodi sunt globuli ex argillâ paululum exsiccata efficti, tum sanè ab iis, quas exposuimus, collisionum legibus, discedent, ut fusè demonstrat D. Mariotte. Nam si duos hujus generis globulos, & æquales eo, quo dictum fuit, modò filis appenderis. *Tract. de collisione corporum* 1. Si collisione unus immotus supponatur, cum alter in eum impegerit, tum impetus seu velocitas motus utrique ex æquo distribuetur; & ambo globuli unâ, & in easdem partes progredientur, ad dimidiam scilicet altitudinem, ex qua globus alter decidit. Ex utroque enim unum corpus efficitur, & idem motus in duo corpora diffusus partem suæ velocitatis dimidiam amittit.

XV.

5111

Quòd

2. Quod si duo globuli æquales, eadem velocitate, seu ex eadem altitudine descendentes sibi mutuo occurrant, tum ambo ab ipsa collisione immobiles manebunt. Quantum enim unus progreditur, tantum ab altero repellitur.

3. Idem accidet, si globuli sint inæquales, sed quantum unus alterum mole superat, tantum ab eo velocitate vincatur; seu, ut loquuntur, sit reciproca ponderum, & velocitatum proportio. Ut si alter sit alterius duplus, sed duplo tardius moveatur. Idem enim atque in velle, statera, & aliis machinis futurum est, in quibus sit æquilibrium, cum minoris ponderis velocitas, aut distantia à centro immobili tantò major est, quantò minùs à minore pondere vincitur. Quòd utique totius Mechanices principium est, idque latè fufum: hujus ea videtur physica ratio, quòd corporis cujusque aut vis motrix, aut resistentia ex duplici capite sit æstimanda; ex pondere nimirum & motus velocitate. Quòd si enim satis habeam virium, ut pondus 100. librarum intra arteriæ pulsus ad unius pedis altitudinem possim attollere, duplicanda est potentia, seu altero tantò virium opus est, quò idem pondus intra ejusdem temporis spatium duplo altius, seu ad duos pedes usque attollam. Quà igitur proportionè crescit velocitas, eadem vis motrix, aut momentum, ut vocant, augetur; unde si in bilante, aut statera pondus aliquod duplo magis distet à centro, seu puncto immobili, quàm pondus alterum: quò illud attolli possit, pondus oppositum sit duplum & amplius necesse est. Tum enim sit æquilibrium, cum defectum ponderis velocitas, seu spatium eodem tempore decurrendum compensat. Utriusque idem est in statera aut libræ momentum, aut pondus, non absolutum quidem (nam quod majus est, idem fortius manum subjectam premit) sed relativum. Tum enim unum ab altero attolli non potest, & quantum hoc vincit pondere, tantum ab altero motus velocitate separatur.

## XVI.

Ex his colligitur, quàm aptè explicari possit, quæ ab Aristotele assertur, motus definitio. *Actus entis in potentia, quatenus est in potentia.* Nam ut ea omittam, quæ ab aliis sunt allata, ea mihi facilissima videtur illius definitionis explicandæ ratio, quàm vir Doctiss. nuper exposuit. Motum eatenus considerat philosophus, quatenus ad rerum productionem, aut immutationem quandam rerum confert. Id verò tum fit, cum quædam inest corporibus aut agendi, aut patiendi potentia. Si quid potest globus bombardis ad evertendum murum, hoc plus poterit, quò plus habebit materiæ. Sed vim suam non exercit nisi per motum; nam si globus quiescat, nihil efficit. Quare motus est actus, seu principium agendi; est, inquam, actus entis in poten-

potentiâ, seu ad agendum, seu ad patiendum sit illa potentia; quatenus ea res ad aliquid producendum conferre potest. Hoc enim potissimum in Physicis spectat Aristoteles, non solum corporis de loco in locum translationem; quæ sæpè nihil efficit. Hoc igitur vocat actum entis in potentiâ, quod scilicet potest agere, aut pati. *Quatenus est in potentiâ*: nam sub eâ ratione in motum considerat, quatenus per motum, corporum potentia in actum redigitur, atque ad novam aliquam productionem excitatur. Hinc mechanici vim motricem potentiae nomine solent designare.

## LIBER TERTIUS

### De Elementis.

#### CAPUT PRIMUM.

#### *De Elementis in universum.*



Attenua conjecturæ locus fuit, & prima rerum exordia non tam à nobis inventa sunt, quam quæsitæ: hæc enim aliis in naturæ oculis, quasi defossa latent, quam ut vel ullâ curâ, vel cogitatione eni possint. Nunc ad ea veniendum est, quæ ipsis sensibus inesse quodammodo videntur, quæque, nisi me ratio fugit, vera sunt, & physica rerum principia. Nam reliqua fortassis, de quibus superiori libro egimus, vel ab elementis ipsis non dissident, vel omnino sunt commentitia, & rationis ludibria. Quid enim illa omnibus subiecta materies, nisi elementa, ex quibus corpora quæque constant; quæ ut diversâ ratione miscentur, varia itidem efficiuntur composita: adeo ut mixtio sola & compositio, forma & species rei cuique propria videatur. Jam utrum elementa ex atomis, seu individuis corporibus, vel ex ramosis & inter se se implexis particulis compingantur: utrum illa corpuscula juxta mechanicas leges, an alio quodam modo moveantur; quibus tandem figuris sint comprehensa, id magis divinare, & conjecturis persequi, quam sensu iudice aut decernere liceat, aut demonstrare.

His ergo missis, quæ alii aliter, ut libitum est, excogitant, de ipsi elementis primum in universum, deinde seorsum tentemus dicere; ac si fieri potest, sensus & experimenta rationi præluceant, ne quod

quod fieri solet, mens, aut vis imaginatrix res fingat potius, quàm eas, ut à naturâ sunt fabricatæ, contempletur.

I. *Elementi notio.* Antè omnia quid sit elementum, & quotuplex intuendum est; tum utrum in se invicem commeari, & transmutari possint, nobis erit excutiendum. Est igitur elementum ut ab ipsâ definitione ordiatur, pars simplicissima, ex quâ res quæque componitur, sunt enim elementa, ut resolutione ultima, sic compositione prima. Quapropter homogenea sunt, & uniusmodi, neque in partes specie diverfas, quas superius essentielles diximus, sed tantum in partes ejusdem rationis, & integrantes dividuntur. Nam si aqua partes habeat sui dissimiles, & specie differentes, non utique elementum, sed corpus mixtum futurum est. Haec enim inter omnes ferè convenit, nisi si forte qui sunt, qui elementa in materiam & formam secernunt: sed per me licet materiam & formam, si modò sint res discretæ, & separatæ, elementa nominare, cum iis elementi natura unâ cum definitione conveniat. Quod si negas, aut aliam cedo definitionem, aut da id nobis, ut elementa materię & formę nominibus signentur. Sed de his jam suprà; neque hęc concertationibus metaphysicis locus destinatur. Elementorum igitur nomine terram, aquam, aërem, ignem, & alia, si quæ sint, in quæ ultima resolvitur corpus, omnino intelligimus.

II. *De numero elementorum vulgaris opinio.* Jam de numero elementorum majori contentione certatur. Per-  
vulgata sanè, & communi omnium ferè hominum consensu probata sententia est, quatuor esse elementa. Cum enim hæc rebus omnibus gignendis, ut communis materia subternantur, necesse est, ut mundum sublunarem tanquam partes illius præcipue constituent. Terra igitur, aër, aqua, ignis, quæ partitas inter se, & divisas habent sedes, quatuor erunt genera corporum omnia gignentium. Ex his sursum deorsum ultro, citroque comitantibus partium universi conjunctio continetur. Qui ergo vel plura, vel pauciora induxerit elementa, is sanè vel novas sedes, & regiones novis itidem elementis assignet; vel aliquam ex iis, quas nominavimus, naturis, loco depellat necesse est; neutrum quidem, nisi omnino insanat, tentabit. Terra namque, & aqua medium locum mundi occupant suâ gravitate, & pondere; ignis verò & aër superiora appetunt; nullus adeò vacans istis corporibus locus relinquatur. Qui verò unam ex quâ constarent omnia, naturam vel elementum statuere, iidem proscindunt, & mixtionem, & generationem sustulerunt: quandoquidem nihil patitur, nihil alteratur, nihil efficitur à seipso. Hinc illi Philosophi, ut scitè Galenus notat, communem rerum omnium materiam elementis subjectam videntur somniasse, sed pergam longius. Nihil potest ex mutuo ele-



elementorum congressu prodire, citra præviam miscibilium alterationem: neque ab eo, quod sui simile est, & ejusdem secum naturæ, alterari quicquam potest: necesse itaque est elementa contrariis esse qualitatibus prædita, atque ex earum conflictu mixtionem omnem proficisci.

Quæ sint autem elementis congenitæ qualitates paucis aperiam: nam ex earum numero, elementorum itidem numerus aptissimè colligitur. Primis corporibus, qualia sunt elementa, qualitates etiam primas inesse rationi videtur consentaneum. Principes verò illæ dicendæ sunt qualitates, quæ sensus maximè feriunt; eas esse tactiles fateri cogimur, cum tactus in corpore latissimè pateat: est enim per omnes partes fusus, ac reliquorum sensuum functiones quodam tactu continentur. Non itaque sapor, non odor, non sonus, non color denique inter primas qualitates censi debent; sed quæ fuit summa omnium Philosophorum consensus, quatuor sunt primæ qualitates, veluti quatuor rotæ, quibus omnis mixtio, omnis adeo generatio perficitur: calor nempe, frigus, humiditas, & siccitas. Calor, & frigus activæ sunt qualitates: nam iis tanquam instrumentis utitur natura, ut siccum cum humido permisceat. Humidum verò, & siccum rebus gignendis materiam suggerunt: siquidem omnia corpora ex limo, hoc est, ex terrâ, & aquâ, uti vasâ fictilia, formantur. Nunc ad propositum.

III.  
Qualitates elementorum ex communi sententiâ.

Hæc ferè de elementis in universum Peripatetici disputant, quæ sanè omnibus Chymicis non probantur: ac primum de numero elementorum, tum de qualitatibus, postremò de transmutatione elementorum omnino dissentiunt. Itaque negant elementa ut partes universi sphaeris suis, & quasi regionibus distincta consistere. Nam de numero terræ, aquæ, aëris, non sunt vera elementa, sed eorum dumtaxat matrices, & velut officinæ. Quis nescit terram, & aquam ex omnibus elementis constare, atque in ea resolvi? Argumento sunt omnia, quæ in terrâ, & mari gignuntur. Neque aër, quem spirando ducimus, omnino purus est, aut simplex: fortè nihil est præter halitus, qui e terrâ, & aquâ continenter erumpunt. Id etiam nolunt concedere hunc aërem ad corporum mixtionem elementi nomine pertinere, cum subtilius quiddam sit, & fugacius, quam ut mixti formâ cohiberi possit. Implet quidem corporum meatus, atque omnia penetrat, sed non continuo pars erit corporis mixti: non enim terminari potest, aut ullis clausuris coerceri. Non igitur mixtorum compositionem subit, atque ob nimiam, quâ præditus est, tenuitatem, cum aliis partibus necti, aut continuari nequit. Quod si aër elementi titulo excidit,

IV.  
Quid videatur Chymicis de numero elementorum.

Lib. de fos-  
silibus. c. 1.

Nullum  
esse ignem  
sub luna  
concreto.

Lib. 1. me.  
teor. textu.  
18.

In prafati-  
one ad  
Encl. opt.

excidit, quid de igne comburente futurum est? Hic enim, ut alias diximus, naturæ potius exitio, quam illius conservationi destinatus videtur. Hinc magno in errore versantur, qui sphaeram ignis aëre superiore levissimis adducti conjecturis fingunt. Primum enim oculorum aciem non fugeret, tum prædo ille cuncta depascens proximum aërem ignis, ut volunt, pabulum jam pridem depopulari debuit. Ac frustra summam illius raritatem obtendunt, quæ non patitur eum à nobis videri, aut vicinum aërem ab illo consumi. Quomodo enim ignem cælo proximum, tanquam in propria regione constitutum fingunt, si nullo is sensu, nullâ ratione percipiatur. Lunam profecto laborantem, & exiguo perfusam lumine cernemus: qui ergo ignis adeo lucidus nostros tallit oculos? Aristoteles in eam usque plagam exhalationes siccas, & calidas è terra attolli, & interdum accendi docet: sed perperam fumum illum ignis nomine Peripatetici insignant. Ex illo quidem halitu incenso trabes, capras, & discurrantia sidera formari existimat. Non igitur fumus ille, seu calidum, & siccum, quod, inquit, dictum ignem, innominatum enim est, & jugi flagrat incendio, ignis est: secus ut trabes, & alia ejusmodi meteorâ sub oculis caderet. An forte ignis ille, qui tantum loci occupat, rarior est solaribus radiis? Jam concipe, quantum æstate calorem procreent. Sed quid obstare potest, quominus aër in pabulum ignis cedat: cum ipsis autoribus res eò facilius flammam concipiat, quò magis naturam aëris participat, ut aëps, & oleosa quæque? Mitto alias rationes, quibus tanquam fluminibus ignis ille extingui posset. Utrum siderum radios infringeret, & eorum loca perturbaret, ut præter ceteros Joannes Pena contendit, ipsi viderint Astronomi: mihi sanè omnino commentitius, & inutilis videtur. Quod enim putant hujus ignis quasi scintillas in terram decidere mixtionis corporum efficiendæ; quoddam ignis ideo ascendat, quò in cælestem locum subvolet; utrumque sanè perridiculum est. Non enim ignis è suâ provinciâ potest in hanc regionem sponte suâ descendere, nisi fortè terrestri aliquo corpore veitiatur: ut sæpè de nocte videmus halitus sulphureos in aëre inflammatos, ceu stellas in terram devolvi. Mirum, si hâc scientiâ, eoque ingenio docetur ignis elementaris, ut scintillam mittat, quotiescumque mixtum aliquod gignitur. Mirum, si terram ipsam penetret ad metallorum procreationem. Sed, inquit, ignis sursum patit. Scilicet, quia levior cum sit, ab aëre premitur; hoc tanquam carcere conclusus, quâ minùs comprimitur, sibi quærit exitum. Numquid oleum, quod aquæ innatat, ideo sphaeram sibi propriam, & separatam vindicabit? Non ergo necesse est elementa

elementa suis sphaëris distincta, & regionibus separata consistere, cum nullum in rerum naturâ purum elementum inveniatur: atque ipsa elementa, vel principia, nonnisi in mixtorum corporum gratiam existant, neque adeo solitaria esse possint.

Quocirca igne, & aëre ex albo elementorum disjunctis, necesse est, ut alia in eorum locum principia, nempe salein, sulphur, & mercurium substituamus. Atque in hoc omninò audiendi videntur Chymici, qui in corporum resolutione maximè versantur. Rem igitur totam non ad vanas conjecturas, sed ad sensus judicium, & experimenta revocemus. Cum vinum in alembico distillatur, primum spiritus inflammabilis egreditur, tum phlegma, seu aqua iners, & insipida; huic succedit liquor acidus, & penetrans, qualis in aceto plurimus est; fæces, quæ in imo cucurbitæ subsidunt, calcinatæ terram, & salein, imò & prius crassum oleum præbent: sal à terrâ secernitur per affusionem aquæ calidæ; eo quo infra dicturi sumus modo. Sic ubi lignum comburitur, humor aqueus primus erumpit, hunc excipit sulphureus, vel oleosus humor, ignis pabulum; spiritus, sive mercurius partim cum oleo, partim cum aquâ exhalatur & suâ acrimoniâ oculos pungit. Omnibus tandem humoribus exhaustis restant cineres, in quibus, ut dictum est, terra & sal continentur. Eadem ex omnibus plantis, & animantibus eruantur principia. Quin etiam ex pyrite lapide, qui omnium serè mineralium communis est matrix, & sulphur, & hydrargyrus, & vitriolum, & alumen, & metalla sæpe eruantur. E vitriolo leni igne phlegma distillatur, aucto paululum igne spiritus acidus, & penetrans, qui mercurii nomen accepit, tum fortiori igne oleum rubrum, tandem è fæcibus sal eruitur. Terra, & aqua cum nullas serè habeant vires, non sunt principia, sed magis eorum capsulæ, aut potius recrementa dici debent: nisi fortè hæc materiæ, ut illa formæ locum obtineant. Non enim sapor, non odor, non aliæ vires ex terrâ & aquâ omninò insipidis, & nihil olentibus manant: nemo quippè ut illud usu tritum axioma usurpem, dat id, quod non habet. Terra, aqua, adde & cætera elementa, his qualitatibus, quæ secundæ vocantur, omninò carent: qui possunt ergo illis ornare corpora? Ad formas fortassis substantiales confugies, sed præterquam illæ formæ, ut solent explicari, nullo intellectu comprehendi possunt: cum mixtum destruitur, eadem vires in ipsis principiis vigent: undè ergò prodeunt? An fortè ex iis, quæ vulgò elementa nominantur? Verum hæc nullum in se colorem, nullum odorem, nullum denique recondunt saporem. Sed esto, quædam qualitates formam mixti, quæcumque sit illa, consequantur, ex nimirum,

T t t 2

quæ

V.  
De mer-  
curio, sul-  
phure &  
sale in uni-  
versum.

quæ corrupto corpore evanescunt : jam unde manant eæ vires , quæ destructo corpore non pereunt , imò quasi in libertatem vindicatæ longè sunt vegetiores ? Hæ profectò non à forma , sed ab ipsis , quibus tam pertinaciter insident principiis oriuntur. Sic spiritus vitrioli , cum à phlegmate , & ab alijs , quibus obrutus jacebat , elementis liberatur , quam penetrans , quam acidus est ?

## VI.

Ac de numero quidem elementorum quid plerisque videatur *De quali-* Chymicis , quàm brevissimè diximus : sequitur , ut eorum qualitates *salibus ele-* summatim decurramus : nam de his alio loco uberius à nobis dictum *mentorum* fuit. Primum id cum Peripateticis expostulant Chymici , quòd hîc *ex Chymi-* non magis , quàm alibi inter eos conveniat. Nam multi , iique illu- *corum pla-* stres Philosophi ignem , ut calidissimum , ita & siccissimum putant : *cilis.*

terram quoque impense frigidam , & siccam definiunt. Quòd si enim calorem levitas , ut gravitas frigus , consequitur : cum igni summa tribuatur levitas , qui impensissimè est calidus : cur non terræ summum frigus cum summâ gravitate conjungatur ? Alii negant aërem esse humidiores aquâ , cum illa magis humectet , & madiaciât : profectò aër exsiccât , & ne fortè propter calorem conjunctum per accidens id præstare causeris , flante boreâ , exsiccât. Quomodo igitur humidissimus erit ? Tenuitatem ab humiditate discerne ; illa aëri , hæc non item convenit. Nec calidus est , sed aquâ frigidior : indicio est aquæ congelatio , hæc enim ab aëre ambiente efficitur : nam mediâ hyeme aër liberior est à vaporibus , & facilius aquam permeat. Hinc pars aquæ summa , & aëri proxima congelatur. Quid ? An non pluvix , nives , grandines , quæque in mediâ aëris regione concrevunt in gelu , frigidum esse aëra demonstrant ? Mitto summum calorem , aut frigus intensissimum cum humiditate non posse consistere ; quomodo igitur aqua frigidissima erit ; cum eadem sit humida ?

Ac ne illud quidem fortè verum erit , elementa alia alijs esse insensâ , & mutuis odiis usque ad internecionem se se persequi , cum potius se invicem perficiant , & magnâ affinitate jungantur : siquidem mutuis vinculis nectuntur , & quod uni deest , aliud præstat , ut mixtum cujus compositioni à naturâ sunt destinata , efficiant ; & suas quæque dotes , tum in mixtum , tum in se se conferant. Quòd si inimica sint sibi & insensâ , non poterunt diu in eodem composito permanere. Scio formas quasdam substantiales eò confectas fuisse , quò discordes elementorum qualitates cohiberent : sed quid opus est formâ ab elementis diversâ : cum terra aquam suâ sponte retineat , aqua salem , hic sulphur complectatur ? Elementa quidem dissimiles habent agendi modos ; alia pertinacius inhaerent ; alia citius profu-  
giunt ;

giunt; sed non idcirco inter se odia, & inimicitias exercent. At, inquit, ignis aquam calefacit, hæc ignem extinguit. Non ita est: nam calor est aquæ omnino extrarius; aquæ meatus ignita spicula implent, quæ cum sint fugacia, ultrò avolant; neque ignis corrumpi potest, ut suo loco dicemus, sed motus dumtaxat illius inhibetur, aut in minimas partes, ut aqua in vaporem dissipatur.

Nullum itaque ex illâ qualitarum pugnâ argumentum duci potest, quo mutua elementorum transmutatio demonstraretur. Cum enim VII, elementa in se se mutuo agere contendunt, id fatemur: cum autem in se invicem subnectunt, omne agens id eniti, ut id in quod agit, sibi simile efficiat, id omnino salum videtur. Non enim, si quis alium verberat, eum sibi similem reddere nititur. Quare elementa non in se invicem vires suas exerunt, ut alia ab aliis deltruantur, sed mixti potius corporis generationi, aut compositioni serviunt. Quo enim modo terra in aquam mutabitur? Rarefcere profectò eam oportet: est quippe, ut iis videtur, terra compactior; atque ipsis authoribus rarefactio calore perficitur: ergo ut terra in aquam convertatur, terræ frigus deprimi, & frangi necesse est: sed aquam esse frigidissimam volunt. Ita sane non coherent. Jam neque aqua in terram potest facessere: cum enim densatur frigore, non terra fit, sed glacies. Quantumvis terram aquâ diluas, neutra in alterius naturam degenerabit. At fortè aqua in aërem, & vicissim aër in aquam commeat? Hospes est in philosophiâ, qui vaporem cum aëre confundit. Vapor aquæ naturam non exiit, & in eam rursus revertitur: qui possit ergo aqua in aërem, aut aër in aquam converti? profectò necesse est, ut præ calore rarefcens aqua in aëra commutetur: nec potest aër cogi in aquam nisi densetur frigore, sed aërem esse aquâ frigidiorē jam conclusum à nobis est, & sere demonstratum. Vix potest aër magis densari, quàm in bombardili pneumático, ubi tantâ vi comprimitur, ut globum maximo impetu explodat: neque tamen aër summâ vi adactus in aquam concrefcit. Multa quidem de igne nobis obtrudunt, quæ proximo capite uberius excutientur. Interim negamus omnia elementa in ignem converti: nam quæ fixa sunt, ut sal, & terra, nihil ab igne patiuntur, nedum in illius naturam facessunt. Quæ vero sunt volatilia, ut aqua, & mercurius, in vapores quidem dissolantur, sed in ignem non abeunt. Non enim ex aquâ nutritur ignis: parum, vel multum aquæ, aut terræ in ignem conjicias, perinde est. Neque id concedimus aërem in ignis pabulum cedere, aut ab eo inflammari, nisi fortè vaporibus & vini spiritui prodeuntibus cum aliis è sulphure, vel terebinthinâ permixtis aër impleatur: tum enim aër quasi incensus apparebit.

quod intuentibus, & causam ignorantibus magno erit miraculo. Cur extinguatur ignis, nisi identidem perficitur, suo loco reddemus. At oleum, vel sulphur in ignem convertitur. Id utique verum est: sed video quosdam è Chymicorum gente, qui flammam ab oleoso spiritu, non tam essentiali, quàm accidentariâ differentiâ sejungant. Est oleum per se inflammabile, ut aqua est ex naturâ suâ, ut ita dicam, congelabilis: utrique accidit, quòd illud inflammetur, & hæc congelatur. Quid enim flamma, si Aristoteli sit fides, nisi fumus accensus, ut carbo est lignum incensum: ergò ut in carbone lignum cum igne conjungitur, sic in flammâ remanet oleosus, & pinguis fumus: tamen si magis dilatatur, & concitatus movetur. Cum enim ignis extinguitur, neque abit in nihilum, neque commeat in aërem, quem frigidum esse ostendimus: ergò flamma redit in tenuissimum, & sulphureum vaporem. Quòd si spiritus, vel oleum purissimum aliud quiddam est ab igne, nec simplex elementum, sed corpus mixtum haberi debet, ut Peripatetici opinantur, quò fieri potest, ut idem corpus mixtum in ignem transmutetur totum? Non enim illud oleum ex uno constatur elemento, neque adeò in unum, sed in plura dissolvi necesse est. Nam res quæque in ea tantum resolvitur, ex quibus est composita,

Addamne vix posse unum elementum in aliud commeari, quin ex mutuâ collisione & pugnâ qualitates eorum valde refringantur; neque adeò retusè qualitates materiam disponent ad elementi alicujus procreationem: cum summæ & vegetæ esse debeant, non fractæ & depresso. Mitto experimenta bene multa, quibus ostendi facile posset nec aquam in aëra, nec vicissim aërem in aquam facessere. Unciam aquæ in phialâ, cujus collum sit saltem duos longum pedes, colloca, cineribus calidis impone, vapor quidem ad medium collum interim consurget: sed cum calor sit debilis, & pars dumtaxat aquæ infima caleat modicè, vix aqua minuitur: cum tamen nihil hic desit ad aëris generationem, calor, humor, tenuitas, locus: ut discretè demonstrat Berigardus, qui illud quoque non prætermittendum adjicit, carbonem phialâ vitreâ undique clausâ contentum, quandiu in igne est, ardere, nec ullo tamen tempore consumi. Habet phialam aquâ limpidâ semiplenam, & ante 60. annos sigillatam à Clavio vir toto orbe notissimus, & omni genere doctrinæ illustris Kircherus: necdum tamen quicquam aquæ in aërem mutatum est, nec vicissim.

## VIII.

De numero  
elementorum  
varia sententia  
conci-  
liantur.

Hæc ferè non Chymici modò, sed alii quoque magni nominis Philosophi de elementis in universum disputant. Nunc nostræ sunt partes



partes libratis utrimque rationibus nostrum adhibere iudicium. Quod ut in re non adeo obscurâ minus timide præstabimus. Primum igitur nihil est, cur à receptissimâ opinione recedamus, aut quatuor rejiciamus elementa, ex quibus hic mundus aspectabilis potissimum coagmentatur, quæque sunt omnium corporum prima. Non quidem ignis regionem sub cœli lunaris concavo, sed in sole, tanquam in fonte omnis caloris, & luminis collocamus. At non video, cur is in elementorum numero non habeatur: cum nullum ferè corpus sit expers caloris, qui aut ignis est, aut ab igne non sejungitur: ignem tolle, omnem actionis, aut vitæ vigorem, omnem adeo motum, & generationem sustuleris. Vasis Chymicorum contineri non potest, sed non ideo omnino non est: cum tot actionibus se prodatur. Idem profectò de aère, qui corporum meatus subit, & sine quo fortassis ignis esse nequit, sentiendum puto. Quod si in omni corpore spiritus insunt volatiles, quid est cur aërem esse fugaciorem, quam ut ad mixti compositionem pertineat, arbitremur? Sed de his foris agendum erit diligentius. Nunc id mihi concedi velim, vulgata, & omnibus notissima elementa non esse tantum velut capsulas, & excrementa mercurii, sulphuris, & salis, sed ea vel sola esse elementa, vel in principiis Chymicorum potissimum dominari: quos quidem modo Chymicos cum Peripateticis in gratiam redigimus. Nego ea quæcumque sint principia, elementorum nomine esse donanda, cum non habeant proprias, & separatas regiones, nec sint velut promptuaria, ex quibus mixta quæque gignantur; neque alibi, quam in ipsis corporibus mixtis insint. Erunt igitur principia, aut miscibilia, non elementa: decet enim nos communi loquendi consuetudini servare. His fortè principiis elementi definitio ab Aristotele allata convenit: sed non satis vulgo nota sunt, neque inter Chymicos satis convenit, quid mercurii, vel spiritus nomine intelligant: nec quicquam est, quod aures imperitorum magis respuat, quam aut elementa pervulgata negare, aut alia nova, & nondum bene explorata his adicere. Nam obruimur opinionibus vulgi, & quantum veritas patitur, iis indulgendum puto: neque voces tot sæculis usurpatæ sunt temerè immutandæ, aut aliæ arbitratu nostro, qui mos Chymicorum est, fingendæ. Quis enim vetat terram, aquam, aërem & ignem, non elementa, sed excrementa, scorias inutiles, quiesquilias elementorum, salis nimirum, sulphuris, & mercurii appellare? Cur translatis, & inauditis vocibus potius utuntur, quam notis, & communibus? Cur oleum sulphuris, spiritum acidum, & volatilem mercurii nomine exornant? An philosophorum est barbaris, & ad usum remotis vocibus obscurare quæ dicunt? Sed

Sed nulla sit de nominibus nobis contentio : neque enim mutatur. vocabulis vis rerum. Ego ut Chymicorum principia libens admiserim, ita sola esse, ex quibus vires omnium corporum ducantur, omnino negaverim. Neque enim, si qualitates primæ ex elebientis, & saporum, aut odorum differentie satis aperte ex Chymicorum principiis colligantur, omnes aliæ vires cum occultæ, tum manifestæ ex iisdem derivantur principiis. Mirum, si vis illa in magnete conspicua quæ se ad mundi cardines convertit, ac ferrum ad se rapit, aut sal, aut sulphuri, aut mercurio referatur accepta. An vita in plantis, sensus in animalibus, vis plastica in utrisque mirabilis, ex his solis fontibus manat ? Spiritus vitales, aut ii principes, qui omni ferè corporum generi insunt, quique miscent elementa, & certos rebus singulis velut characteres imprimunt, quibus organis, quibus vasis coerceri possunt ; ad quæ demum principia revocantur ? Quocirca ut rerum primordia non infinita, sed certo esse numero comprehendenda fateor, sic ea longè plura esse, quàm quæ numerantur, facile mihi persuadeo. Neque enim sensus adeo acres, & vegetos habemus, ut primæ nobis rerum stannina cernere liceat, aut ipsa principia in numeratò habeamus. Quod si quis, antequam ars distillandi inventa est, non alia esse præter quatuor elementa pertinaciter defendisset, quod corpora in alia non resolverentur principia, is sanè vix potuisset experientiâ refelli, rationibus fortassis refutari potuisset : cum saporum, & odorum differentie atque alia prope infinita, quæ ex Chymicorum principiis satis aperte demonstrantur, ad quatuor elementa vix revocari queant. Quot amabo, in plantis, & fossilibus medicatæ, & venenatæ vires, quot abstrusæ, & nobis incognitæ sunt qualitates, quæ non magis ex principiis Chymicorum, quàm ex quatuor elementis ducuntur ? Quid est igitur, cur vereamur nova his principia adjicere, quæ sic fallunt visus aciem, effectibus tamen se produnt. Ipse animantes, in quibus sensus aciores vigent, multa odoratu, multa visu percipiunt, quæ nos omnino fugiunt. Canis ex vestigiis leporem sagacissimè persequitur, quæ tamen vestigia non modo non odoratur, sed quo pacto latè suam spargant, & tamdiu conservent odorem, ne intelligimus quidem. Sic è corporibus effluvia continenter erumpunt, quæ à nobis nequaquam percipi fatendum est : tamen si animantes plerique non latent. Non ergo si quid nostrò fallit sensus, id continuo abesse putandum est, aut principia non esse plura, quàm quæ oculis nostris cernimus, pertinaciter tuendum : longè est natura locupletior, quàm vel sensu, vel mente consequi possumus : nec suas opes propalam collocat ; cumque eas

contem-

contemplari cupimus, vix aspiciendi, nisi fortè per quædam involu-  
era, atque integumenta potestas datur.

Non me fallit quid adversus Chymicorum principia opponi so-  
leat: nempe artificiali quâdam, & minime naturali resolutione non  
tam ea separari, quam produci. Verùm huic objectioni quid respon-  
deant Chymici alio in loco dictum est. Nec satis intelligo, quid vio-  
lentam, quid artificiosam corruptionem vocent: cum omnis mixti  
corporis resolutio, ab agente naturali, igne potissimum perficiatur. *IX. Objecta delinuntur.*  
At Chymici varios ignis gradus inoderantur. Quid tum? An non *L. De fos-*  
medicamenta naturali quodam modo purgant corpora, tametsi arte  
solent præparari? Aut concede operationes Chymicorum omnino  
esse naturales, aut nega ipsam putredinem ex præscripto naturæ fie-  
ri: cum mixtum corpus vase conclusum in fimo equino putrescit,  
atque in sua redit, unde ortum est, principia. An fortè cum lages-  
na vino plena, & inversa sepelitur in aquâ gelu concretâ, ac purissi-  
mum oleum, quod ad interiora se se recipit, factò foramine elicetur,  
contendens illum vini spiritum violentâ, & artificiali corruptione  
uisse generatum? Dic quoque oleum ex amygdalis, olivis, vel lini  
semine expressum non educi, sed novum omnino procreari.

At, inquiunt, principia, quæ sunt, & elementa mixtis omnibus  
sunt communia; atqui oleum, sal, & mercurium omnino diversa  
esse in mineralibus, plantis, & animantibus constat. Neque hisdem  
viribus donantur: nisi fortè velis eundem esse spiritum vitrioli, &  
vini; idem oleum ferri, & nucis. Quid ergo? An tot erunt prin-  
cipia, quot rerum species? *2.*

Miror equidem id nobis à Peripateticis opponi, qui formam in-  
ter principia numerant: cum tamèn ipsa forma gignatur, neque una  
sit omnium rerum, sed omnis distinctio à formis repetatur. Sed  
esto, quæ materiz loco subjiciuntur elementa, sint eadem in rebus  
omnibus: nec tantùm sint ob similitudinem quandam analoga: qui-  
bus tandem rationibus evincunt non eundem esse in animalibus sa-  
lem, vel spiritum, qui in plantis reperitur, cum ex his illa nutrian-  
tur? Cum plantæ mineralium succos alliciant; cumque è mediis fa-  
xis, iisque confractis, in maris litore constitutis, conchyliâ quædam,  
quæ glandes, aut dactylos vocant, cruantur: & in ipsis arboribus,  
aut fructibus mille insectorum genera formetur: cum denique  
nitrum ex terris, lapidibus, plantarum cineribus, excrementis;  
& partibus animalium aquè fieri videamus, nihil est probabilius,  
quam ex hisdem quæque corpora gigni principiis, quæ communes  
quædam affectiones, non speciem, aut naturam mutant suam.

Uuuu

Alia

In anatomiâ hepatis,

Alia aliis variè commixta in certis corporibus crassiora sunt, in nonnullis tenuiora; nonnunquam fixa, interim sunt fugaciora: diversas itaque in variis corporibus impressiones accipiunt: sed non idcirco communem naturam exuunt. Quo quidem modo, ut Glissonius existimat, spiritus naturalis fit vitalis, & hic demum animalis, dum scilicet variis impressionibus signatur. Sic fieri potest, ut diversarum plantarum spiritus nonnihil salis, aut sulphuris subtilioris admisti habeant, eoque nomine variè ab invicem distinguantur. Cave enim putes mixta corpora in prima principia arte chymicâ resolvî; sal, quem extrahunt ex plantâ, non est purum putum principium, secus vim omnem, & qualitatem plantæ congenitam deperderet, neque etiam Peripatetici vulgata elementa ab omnibus aliis secreta, & omnino pura demonstrare possunt. Satis nobis fuerit, si corpus quoddam exhibeatur, quod sal, vel spiritus maximâ ex parte sit. Illum verò salem ab omni elemento expurgare non est Chymicis propositum: cum nulli amplius usui foret.

X.

Sed Chymicorum principia libro quarto paulò accuratiùs tractabimus: nunc de elementis potissimum agimus, quæ omnino retineri oportere arbitramur. Ac de his cum nuper verba facerem cum clariss. viro D. du Clos, & in rebus chymicis, si quis sit alius, versatissimo, is quidem contendebat quatuor elementa esse in corporum analysi ultimâ, atque ex iis mixta quæque constare. Terra & aqua hunc, quem colimus, globum potissimum constituunt, quem aer non solum ambit, sed etiam penetrat, ignis movet, perficit, vivificat. Sic mixtis corporibus terra velut materiem præbet: hanc aqua suo humore diluit, & partes conciliat, aer meatus implet, vim omnem & calorem & motum, ignis à sole aut ab aliis sideribus dimanans impertit. Est quippe Lucida, subtilis, actuosa substantia, quæ in aère diffunditur. Hanc aqua excipit, terra fovet & conservat. Præcipuè elementorum terræ, aquæ, & aëris affectiones sunt densitas & raritas, quæ quantitatem consequantur, uti & mobilitas. Terra densa est, aer rarus, aqua mediam nacta est inter utrumque naturam. Aer vi elasticâ donatur, quò subeat corporum meatus, atque in iis ut occasio tulerit, dilatari, aut comprimi possit; id aquæ ex parte convenit, terræ nullo modo. Terræ & aëri siccitas, aquæ inest humiditas. Aer videtur terrâ frigidior, quòd præ subtilitate altius penetret: nam terra præ partium crassitie tactum minus afficit.

XI.

Paulò secus Peripatetici has qualitates cuique tribuunt elementis: nam humidum aërem, & calidum esse perpendunt nulla. Ve-

rūm

rum de his multa nobis fit cum Philosophis contentio. Licuit Aristoteli, ut observatum est à viro doctissi. eas qualitates, ut elementares, & quatenus ad rerum productionem conspiciant, definire: nam ut usitatum à Philosopho exemplum adhibeam: quò statua ex ære fiat, primùm calore opus est, quo metallum fundi possit, & heterogenea quæque secerni. Unde & calorem definit Aristoteles non in universum, sed quatenus rerum generationi inservit. Deinde fustum metallum propriis terminis non continetur, sed typi, aut moduli figuræ se se accommodat. Quare humor in metallo, ut siccitas in typo, tanquam in matrice requiritur. Tandem frigus metallo duritiem & firmitatem tribuit. Eadem qualitates in rerum omnium generatione occurrunt; unde & primæ ab Aristotele, & aliis Philosophis merito nominantur: quòd sint velut activa rerum principia, & præcipua generationis instrumenta. Quo quidem modo aer humidus erit, non siccus. Sed humorem & siccitatem, ut calorem, & frigus, non tam ut sunt internæ rerum qualitates, quàm in ordine ad res exteriores definire voluit Aristoteles: cum durities & fluiditas magis sint cuique corpori intrinsecæ, & propriæ. Quòd enim aqua alienis terminis contrectatur, non propriis, hoc illi extrarium est: sed quòd partes illius insensibiles huic illuc moveantur, hoc illi est intimum, ea est illius qualitas, quæ liquiditas, aut fluiditas dicitur.

## CAPUT SECUNDUM.

*De Igne.*

**I**gnem esse præcipuum naturæ & artis organum, cuius vis insit omni corpori, vitæ, & motus opifex, non Stoici modò, sed omnes penè Philosophi fatentur. Eum quoque esse in triplici constitutum differentia, veteres juxta & recentiores docent. Alius enim est, qui lucet quidem, sed non urit; alius qui urit simul, & lucet; alius denique ardet, sed non radiat. Primum esse vitalem; ac planè cælestem volunt; secundus sulphureus est; tertius in terrâ, salibus, fumo, & aquis stygiis quasi obrutus jacet. In fumo, qui ex rebus combustis erumpit, ignis quidam est, qui fluit, sed non radiat; in ferro accenso, aut carbonibus radiat, sed crassioribus elementis implicitus, non fluit; in calce, nec fluit, nec lucet:

Uuuu 2

sed

I.  
Triplex  
ignis differentia.

sed in flammâ fluit, ardet, & lucet. Dùm enim ignita corpuscula sulphureum, aut spirituosum humorem, quo magna vis ignis continetur, summâ celeritate volvunt, unâ simul erumpunt in flammæ speciem; ac spiritus ignei undequaque vibrantur, termè ut aqua è vase globoso crebris foraminibus pertuso, in omnes partes radiatim spargitur, dum aquæ corpuscula turmatim exiliunt, & priora ab insequentibus premuntur.

II.  
*De motu  
ignis.*

Ignem quippè per seipsum, & suâ sponte moveri nemo negaverit, cum cetera agitet elementa, quæ omnino torpent, nisi eadem impulsu ignis, qui omnis est quictis impatiens, excitentur. Hinc calor, vel ignis, (non enim facilè est unum ab altero scungere, ut suo loco fufius dicitur) corporibus non insitus, sed adventitius, suo, ut ita dicam, ingenio, & mobilitate quâdam sibi congenitâ, non impetu alieno evolat. Nec verò ab alio corpore tenuiori propellitur: cùm nullum ferè sit igne, qui tranat omnia, subtilius: nec omnino perit: sed teneri non patitur, & dato exitu ultrò fugit. Neque cum motum levitas quædam, & ad cælestem locum propensio efficit: cùm in omnes partes, & in orbem æquè moveatur, nec minùs calor deorsum, quàm sursum diffundatur; ut experiri licet in laminâ cupri, vel argenti igni suppositâ: sed in eam partem motum dirigit, quâ minùs resistitur. Cumque non sensim, & quasi per gradus velocitatem suam, ut gravia quæque, & levia corpora libi comparet: sed totam simul, & quantam habere potest maximam celeritatem, in sui motus principio consequatur, non mirum est, si incredibili pernicitate moveatur, & tanto impetu, quantum cernere est in pulveris pyrii accensione, erumpat. Ac nisi terrenis corporibus esset illigatus, quæ non mediocriter illius pernicitatem infringunt, in puncto ferè temporis moveretur. Hinc sanè lux, quæ ignis est purus, atque ab omni crassiori corpore solutus, in momento diffunditur: sed de luce, & calore suo loco: nunc ignis generationem, naturam, & varios effectus persequi volumus.

III.  
*Ignis generatio ex  
Epicureis.*

Ignis quidem generis, & naturam non uno modo explicant Philosophi. Placet nonnullis Peripateticis ignem non actu, sed potestate in mixtis includi, eumque generari vel motu, vel alterius ignis contagio: adeò ut nullum iis sit paratius exemplum, quo formarum educationem, & elementorum generationem demonstrent. Nam igne ad omnem omnium rerum explicationem abutuntur. Reliqui omnes Philosophi, quasi conjuratione factâ adversus hos Peripateticos, struunt aciem, atque ignem minimè gigni, sed latentem prius, & alius elementis impeditum evolvi, atque in apertum prodire contendunt.

Epicurei



Epicurei igneas atomos in corporibus disperfas, vel aliarum ingressu, vel externâ agitatione, vel intestino motu excitari, atque in unum tum coire putant, cum res pinguis accenditur. Ignis enim, & corpus omne actu calidum calorificas atomos continenter emittit. Hinc nulla res ardet, aut actu calefacit citra aliquod suæ substantiæ dispensidium. Hæc ignea corpuscula cum oleosam, aut sulphuream materiam subiçre, cognatas sibi, & congeneres atomos ad defectionem sollicitant, quæ cum sint ad motum succinctæ, uno velut agminæ ruunt, atque humores, quibus obruuntur, unâ secum efferunt. 2. Ignem ex intimâ partium agitatione excitari volunt, ut in sæno humidiori, quod aliquando flammam concipit; vel in calce cernimus, quæ affusione aquæ incalescit: tum enim atomi calorificæ jam liberæ, & quasi sui juris fiunt: cum terrestres molecula, quæ prius coercitæ, & vinctæ tenebantur, aquâ solvitur, atque ignis atomi ab aquâ obsessæ, & densiores factæ, se se excitant, & unâ cum vaporibus prorumpunt. Nam accessu aquæ, ignei spiritus jamjam erupturi, intus revocantur, ac ruptis, quibus à se invicem separati erant, repagulis, simul confluant, & cum aqueis atomis in amplius spatium explicantur. Sic aquæ fortes, frigidæ affusione, accendi solent, quod igneæ atomi, parvis intervallis antè discretæ, ubi illa interstitia aquæ interjectu soluta sunt, unâ coeant. Nec aliâ fortè ratione ex puteis jugibus aquam calidam trahi videmus, & id maxime hibernis fieri temporibus, quod magna vis caloris terræ cavernis contineatur, eaque hieme sit densior: ob eamque causam calorem insitum in terris contineat arctius, ut Balbus apud Tullium, ex Stoicorum sententiâ decernit. 3. Corpus ex motu externo non calorem modo, quod nostris contingit corporibus, cum motu atque exercitatione recalescunt: sed etiam cum sulphureum est, perpasse flammam concipit. Sic rotæ, & axes curruum aliquando incenduntur, & lapidum conflictu, atque tritu elici ignem videmus. Tum enim ignitæ atomi motus agitatione suis vinctulis expeditæ, simul vibrantur, atque in scintillas abeunt. Has vero atomos esse rotundas Epicurei opinantur, cum sint tenuissimæ, maxime mobiles, & quaquâ versum penetrent.

Neque id concedimus Peripateticis, novum ignem, qui antè non erat, actu generari: cum ignis atomi omnino simplices, non generatione, sed creatione solâ producantur: neq; id temporis momentum, in quo ignis forma elicitur, designari queat. Sed nolim his quibus Peripatetici se invicem pungunt aculeis uti: dabo illis, tametsi non intelligo, toto præcedente tempore ligni materiam fuisse præparatam, atque in eo, quod tempus terminat, instanti, formam ignis omnium:

IV.

Ignem esse  
actu in  
mixto corpore.

II uuu 3

accj-

accidentium ornatu, instructuque comitatam accedere. Jam cedo quæ causâ effectrix illam educat speciem, cum ex lapidum collisione ignis accenditur; aut focum madidum deflagrat; aut in pistrinis molæ attritæ ignem emittunt? Nulla sanè univoca & principalis causâ occurrit: æquivoca si quæ sit, hæc erit igne nobilior: at quænam illa est? sed neque instrumentum huic effectui accommodatum asserre in proclivi est. Qui potest igitur ignis citra effectricem generari causam? Audio Alexandrum, qui non ex lapide, sed ex aere ignem elici putat, & sagittas plumbeas motu liquefcere decernit Aristoteles. Verum neutrum ratione, aut ullo constat experimento. Non enim globi plumbei è sclopetis explosi, ne dum sagittæ plumbeæ possunt ignescere. Neque in lanam, aut sulphur, aut pulverem pyrium globi bombardiles immissi flammam accendunt. Ne sulphureus quidem globus, è sclopeto erumpens incenditur. Quod si attritu chalybis, & silicis inflammatur aer, cur nihil quàm scintillæ decidunt, non flamma emicat, aut sursum petit? Cur ignis ex aliis lapidibus, ut ex porphyrite, & omnium marmorum genere non elicitur; Non igitur, quantum conjecturâ assequor, alia huic effectui causâ reddi potest, quàm ignearum atomorum vehementior agitatio. Neque enim iis ob duri corporis resistentiam intrò subire licet, nec tantâ vi excussæ sensim diffusi possunt: sed confertim unâ cum iis partibus, quæ magis sunt volatiles, & ignis feraces, quas Chymici aut spiritus, aut sulphuris, aut oleosi, & pinguis calidi signant vocibus, prorumpunt. Hinc scintillæ emicant, dum ignitæ particule à crassioribus expeditæ magno impetu profiliunt. Idque fit tum maximè, cum ferri acie pars silicis tenuior atteritur: tum enim sulphur, quod ignis est vehiculum, ipsâ collisione facilius excutitur. Non ergo vel motu, vel attritu corporum ignis, aut calor excitari solet, nisi igneæ atomi insint agitatæ corporibus. Hinc aer celerrimè motus frigidior est, etsi per tubum calidiorem transmittitur: ne fortè aliquis eum ab ambiente circum aère refrigerari obtendat.

*D. de la  
Chambre,  
tractatu  
de lumine.*

Jam in solidis corporibus sæpè non motus celerior, sed vehemens compressio ignem acendit. Axis enim currus magnâ celeritate moti (ut exemplis utar ab illustri Argiatro usurpatis) non rarò ignem prius concipit, quàm rotæ: cum hæ tamen, longè velocius gyrent. Trocleæ licet tardissimo motu volvantur, plurimùm tamen incalescunt, & hoc magis, quò majora attollunt pondera: tametsi levioze appenso pondere, longè celerius rotentur. Serra fit calidior ex motu, non item lignum quod serra comminuit: contrà verò lima parùm caloris, & ferrum quod limatur, plurimùm concipit. An quòd lima durior

sit,

fit, nec sinat igneas, aut sulphureus atomos separari? An potius eadem ferri pars vim totam, & impetum limæ excipit: cum hæc longior minus à ferro patiatur: nam ferri, ut aiunt, reactio, seu vis reciproca in plures limæ partes spargitur. Lignum verò minus incalcescit: siquidem abundat sulphure volatili, quod sensum minus ferit. Cumque partes ligni meatus habeant apertiores, spiritus à ferrâ commoti facili exiliunt, ac totus in scobis abraße pulvere impetus extinctus manet, neque in alias ligni partes propagatur. At verò in ferrâ spiritus sulphurei reciproco motu vehementius agitari, ob meatuum angustias non facili possunt dissipari: quare intus coarctati se se mutuo exagitant, & tandem velut irritati excandescunt.

Ex his liquet, cur clavus malleo percussus, sæpe adeò incalcescat, ut sulphur accendat, cum vix ullus in malleo sensibilis percipiatur calor: nam multò majorem clavus à malleo, quàm vicissim malleus à clavo impetum recipit. Sed quid in causâ est, cur inter metalla, ferrum vehementius quàm stannum, vel cuprum incalcescat? An quòd uberius in ferro, quàm in stanno sulphur inest? An potius id major ferri durities, & celerior partium insensibilium motus efficit. At vereor ne ista, quæ ad caloris explicationem pertinent, hoc in loco præposterè tractentur: sed calor cum igne ita conjunctus est, ut difficile sit unum sine altero intellectu consequi. Quid enim calor, ut id obiter dicam, nisi ignitæ atomi, quæ dispersæ magis, & distractæ visus aciem fallunt: sed ex tamen tactu percipiuntur? Eadem verò atomi simul unitæ, & viribus conjunctis fortiores ignem efficiunt. In fumo quippè calor est simul & ignis, tametsi non radiat: ignea enim spicula sunt inter se nimium disjuncta, & numero pauciora: hinc motum non satis pernitem habent, ut luceant simul, & ardeant. Aucto calore in flammam abit fumus, ut videre est in illo fonte, qui propè Gratianopolim visitur: nam exhalatio, quæ visum fugit, ex fonte egreditur, adhibitâ face ardente statim inflammatur, quòd sit igne facta.

Nec magni refert, utrum illæ atomi sint à sulphureis distinctæ, an potius, ut Chymicis videtur, ignis nihil sit præter sulphurea corpuscula, quæ concitatus mota simul erumpunt: satis enim constat in sulphure ignem delitescere. Nam quæ oleosa, aut pinguis, aut sulphurea sunt, eadem facili inflammantur: sed quæ aut terrâ, aut sale, aut aquâ abundant, vix incendi possunt. Huc adde sulphureas partes cum igne simul avolare: his consumptis, restant cineres, quæ ut sulphure magnâ ex parte destituuntur, sic incendi amplius nequeunt.

Quo.

V.  
Epicureo-  
rum &  
Chymico-  
rum de ig-  
nis naturâ  
consensio.  
Et utrique  
cum Ari-  
stotele cor-  
sulantur.

Quocirca ignis vix usquam nisi in sulphure invenitur, ac difficile est unum ab altero scungere: quamvis diversus est utriusque status, & diversa fortè natura: de hoc enim nihil certi habeo, nihil explorati. Quamquam in eam magis inclino sententiam, cum sulphure ignem confundi non oportere. Atque ut mihi quidem videtur, magna est inter Chymicos, & Epicureos consensio: quod enim Epicurei ignis atomos, hoc illi sulphurea vocant corpuscula. Quamquam fortè sulphur sit domicilium, aut certè, ut aliis placet, ignis pabulum. Eodem prorsus modo ignis genèsim utrique explicant: videlicet igneas, aut sulphureas atomos, vel motu glomeratas, vel sui juris factas, vel ab aliis jam agitatis, & accensis in ejusdem motus societatem adductas, subjecti cui insunt compagem solvere, & quidquid attingunt destruere, dum subeunt obvii cuiusque corporis meatus, & suis quasi pugiunculis corporum claustra referant.

Illa porro incendi vix possunt, quorum pinguis humor a siccis, & terrenis particulis nequid separari, ut metalla. Non enim corpus incenditur, nisi cum ignea spicula unâ cum humidis in aère simul erumpunt. Atque, ut ego judico, utrisque tum Chymicis, tum Epicureis cum Aristotele potest convenire. Quandiu enim ignea corpuscula in mixto quiescere maneant, & aliorum elementorum atomis oppressa sensu non percipiuntur, tum sanè non actu, sed tantum potentate ignem corpori inesse dicimus: sed ubi motu excitata ruptis repagulis, & solutâ mixtione simul coeunt, jam ignis actu emicat.

Cum igitur è corpore spiritus sulphurei sensim dissipantur, tum citra ullum serè calorem corpus marcescit: quod si paulò concitatus exhalentur, tum calor quidem se prodit: sed nondum erit ignis, quousque spiritus illi sulphurei turmatim, & magno impetu prorumpant. Partes itaq; volatiles, & sulphureæ omnino dissolutæ, & ignitis spiculis convolutæ speciem præbent flammæ. Præsertim si sit subeunti aeri, locus, est enim aère, ut aliàs diximus, quoddam menstrui genus, quod sulphurea quæq; corpora, serè ut nitrum solum exsolvit. Ut il. 1. de corpor. affect. c. 3. copiose exposuimus. Ignea quidem corpuscula dato exitu in rectas lineas diffundi affectant, ut in luce videre est: sed quamdiu cum aliis miscentur corporibus, atque iis anfractuosis subire meatus necesse est, motus ille præceps non mediocriter perturbatur. Hinc quas sibi obvias habent particulas conborquent, easque instar torrentis unâ secum volvunt. Atque ut aqua recto itinere objectu laxi deflexa in vorticem agitur, & si quæ offendant corpora, hæc in orbem torquet: sic ignis effluvia aliorum elementorum atomis im-  
pedita,

pedita, & in se se conuoluta eadem corpuscula secum abripiunt. Cum autem continuato motu partes sulphureæ indefinenter atterantur, ignita spicula una cum iis avolant, & solutis vinculis quaquà versum fusa jam sui copiam faciunt, ac se sestant in conspectum. Exhaustis demùm spiritibus sulphur quoddam in carbonibus fixum, & crassiorum elementorum vinculis irretitum manet, quod vehementi quidem motu se se agitat, sed extra sui corporis pomœria non faciliè prorumpit.

Placet aliis tum ignem ardere, cum illius effluvia motu celeri, & velut reciproco dilatationis, & compressionis partes aëris, aut cuiusque interjecti corporis medii exagitant. Cum verò igneos, & solares spiritus, qui poros aëris implent, vehementius impellunt, tum radios lucidos vibrant: sic lampyrides lucent, nec urunt tamen, quia particulas aëris non commovent: sed de his postea.

Quid ergo flamma, nisi oleosus humor igneis corpusculis scetus? Porro eadem perseverat, non aliter atque aqua pleno alveo fluens: nam pinguis humor eodem tenore dissolvitur. Hinc flamma extinguatur affusione aquæ: hæc enim ignis humidum pingue depascentis actionem inhibet, nec possunt aquea corpuscula subito attenuari, eaque suo lentore quasi compedes humori sulphureo injiciunt, ne jugiter fluat: obstruunt quoque corporis incensi meatus, & obstant, ne pabulum igni continenter accedat. Oleum non extinguit flammam, quia multum ignis in se continet.

Non equidem crediderim aërem esse flammæ pabulum: sed is tamen ignis accensionem non mediocriter promovet: seu ignita spicula flammæ speciem non præbeant, nisi tenuem dividant aëra, & una cum eo misceantur, seu tenues aëris particule pinguem illum & viscosum humorem, qui in flammam abit, penetrent, & quodammodò solvant, ut ignitis atomis liberum permittat exitum, quod nisi fit, vix flamma, sed ater dumtaxat fumus erumpit. Hinc carbonēs ferè extincti aëris motu accenduntur, quod ignei spiritus una cum aere intrò repulsi se se agitent, & alios sibi congenere velut sopitos & veterno oppressos excitent. Sed tamen vehementiori flatu flamma extinguatur: cum enim illa velut fila, quibus constat oleosus humor ab ipsis radicibus evulsa, aut nimium dissipata continuum ignis fluorem interpellant. Nam halitus ille non fluit, nisi cum accensæ partes alias adhuc involutas secum efferunt, & eas in similem conflagrationis motum trahunt: siquidem aliæ alias quasi contagio, aut concatenatione quoddam ad eruptionem sollicitant. Cum autem hi rivuli jugiter fluentes aliquà ex causâ vel dissipantur;

Xxxx

vel

VI.  
*Quid  
flamma.*

vel motu prohibentur, tum novi halitus non succedunt, atque ignis in ipso fomite extinguitur. Exemplum ad id aptissimum Magnanus adhibet ex rotis, quæ se se mutuis dentibus implicant, & movent; quales in horologiis conspiciamus: nam prima quidem secundam, hæc tertiam corripit, & ita porro: quod si ultimæ rotæ motus inhibeatur, reliquas cessare necesse est. Ita ferè tum alii alios halitus serie quâdam motionum secum trahant, ubi nimîa aëris commotione flamma diffunditur, tum effluxus spirituum inapeditur, ut vicissim halitus in ipso fomite vel aquæ affusione, vel aliâ de causâ impedito, flammam extingui necesse est.

Non ignoro quædam esse sulphurea, & bituminosa corpora, quæ partes habent adeo viscosas & confertas, ut nullius ferè venti flatu extingui possint. Sic facies, ut nonnulli perhibent, ex mundo sulphure, & cerâ pari portione committis, & liquefactis; vel ex camphoræ sesquiunciâ, picis semiunciâ simul in pulverem contritis; & ceræ liquefactæ libræ immersis, conficiuntur nullo vento extinguibiles. Nam status aëris idem in his flammis, quod in magnis præstat incendiis: augeat vim ignis, & viscosi alimenti plicatiles fibras non abrumpit, sed potius extenuat. Sunt enim, ut jam dicere occiperam, non ignis quidem, sed pinguis quo alitur humoris particule oblongæ, & flexiles, ut cernimus in flammâ, quæ vento perflata inflectitur: nec longiora quibus constat fila disrumpuntur, ne tum quidem, cum lucernæ flamma per tubum vibrata fundit vitrum.

Sed cur difficile est faciem ad maiorem flammam accendere? An quod hæc totum aëra proximum ad se rapiat? Hinc ubi major ignis ardet, vicinus aër non parùm agitur: & si clausum fuerit cubiculum, externus aër intrò subire tentat, ac vela fenestris appensa intus propellit, ut ejus quem flamma secum rapuit locum, occupet. Ergo necesse est, ut aër immixtus, suâ tenuitate halitum pinguem pervadat, eumque atterat, ut ignei spiritus effractis carceribus erumpant: siquidem halitus inflammari non possunt, nisi commoti: hæc agitatio non fit sine quâdam collisione, quam non similis exhalatio, sed aër tantùm potest efficere.

Nec flammam modò accendit aër, sed eam quæ accensam fovet: nam in cellâ vinariâ quam ferventis multi crassiores halitus implent, & in cryptis subterraneis, in quibus humitus aër torpet, vix accensa candela se tuctur: cæque tubo ex superiori parte occluso altius immerfa statim extinguitur, cum subeunti aëri non pateat aditus.

Ac de flammæ quidam origine, & naturâ diximus: simul veteres cum recentioribus Philosophis conciliare tentavimus. Sed neque

Car-

VII.  
Cartesii de  
igne senten-  
tia, &  
cum aliis  
concilia-  
tur.



Cartesii sententiam nos deceat, velut inhonoratam præterire, quæ fortasse non plurimum ab aliis dissentit. Quam enim vocat primi elementi substantiam, hanc alii ignem, vel sulphur tenuissimum nominant; ut secundum elementum fortè cum purissimo aëre, vel æthere confunditur. Sit igitur, ut Cartesio placet, ignis, materia primi elementi, quæ cum terrestrium corporum meatus implet, vix sensu percipitur. Ast ubi copiosior est, atque in majoribus regnat spatiis, tum vires suas magis explicat; terrestres particulas, quæ duræ sunt, & crassæ in orbem agit; obvia quæque divellit, nervos tactiles vehementius afficit, & lacerat; radios lucidos, pulsus quoque versus secundi elementi globulis, vibrat; durissima quæque dissolvit corpora, emollit, separat, fundit. Hæc itaque est ignis origo, hæc natura: cum tertii elementi particule duriores primo elemento circumfusæ illius motu abripiuntur: majores quippè corporum meatus complent secundi elementi globuli, quorum alii aliis incumbunt. Quæque globulorum interstitia, vel actiores meatus corporum implet primi elementi substantia, non satis valida est, ut secum trahat terrena corpuscula, nisi vis quædam extrinsecus accesserit, quæ circumfusus disjiciat globulos, quò primum regnet elementum, cui cum partes terrenæ innatant, tum formam ignis induunt, ut aeris speciem præbent tertii elementi particule in secundo elemento fluctuantes. Nec diu tamen poterit ignis se tueri, nisi terrenæ partes jam à primo elemento rotatæ, satis firmæ, & solidæ sint, quæ globulos irrumpere molientes procul arceant, & novæ subinde partes è corpore accenso aliis decedentibus, atque in aërem dispersis succedant: multum enim de impetu suo remittunt, cum jam longius progressæ fumi duntaxat speciem præbent. Cum naturam & generationem ignis acriori animo perpendo, propè est ut concedam in eorum sententiam, qui ad ignis procreationem tria videantur exigere, subtilem quandam & ætheream substantiam, in jugi motu positam; partes aeris maxime actuosas & nitro aëreas; ac demùm sulphur quoddam, aut quid oleosum, quod ignem apud nos fovet; cum enim in motu ignis res contra se habeat, atque in aliis motibus, & incendium ex scintilla interdum procreetur, cum tamen corpus agitatam, de motu suo tantum soleat decedere, quantum alteri corpori communicat. Id sanè vix intelligi potest, nisi subtilis quædam materia, quæ in perpetuo motu versatur, ignis quoque motionem promoveat. Quocumque id modo accidat, id sanè compertum est, maximas quasque motiones, ab exiguis particulis proficisci: ut in motu animalium cernere est.

Partes aeris actuosæ, ac nitrosæ, salæ, solidæ ad procreandam

Xxxx 2

ignem

ignem omnino necessariæ videntur, cum in machina pneumatica statim ignis exhausto aere extinguatur, nec quicquam sulphureum accendi possit, nisi id cum nitro sit conjunctum, hinc pulvis pyrius, intra tubum parte alterâ occlusum vi adactus, vel in ipsâ aquâ accenditur, quod nitrum solum aere non indiget quò flammam accendat. Tot enim abundat partibus, quæ flammæ alendræ sunt idoneæ; in nitro quidem nullæ sunt partes sulphuræ; neque enim in crucibulo, neque speculi ustorii vi inflammantur, sed ubi carbonēs, aut quid aliud sulphureum, injeceris, statim flammam concipit.

3. Partes sulphuræ ignem foyent, cumque ex solæ sub oculos cadant, non item nitrosæ, hinc fit, ut sulphureis duntaxat ignis partibus generationem tribuamus, cum tamen ex sint molioris, & nimium flexiles, quàm ut possint tantâ vi obvia quæque perumpere & destruere, nisi aliæ partes solidiores, actuosæ, lassæ, penetrantes accedant, quæ cum sulphureis congressæ, & cum impetu divulsæ, unâ cum subtili & æthereâ substantiâ tam perniciosum motum efficiunt: hæc quidem partes actuosæ in spiritu nitri sunt plurimæ: hinc ignis ille cæcus & potentialis, qui in hoc liquore plurimus est, sed partibus humidis involutæ, quodammodo obruuntur; tum verò se se exerunt, cum liquor acidus sali fixo, aut nitri, aut tartari, aut cuiuscumque alcali affusum, in novum nitrum coalescit: tum enim nihil obstat, quominus partes illius aeræ magno impetu evolutæ hunc motum, in quo flamma consistit, procreent.

Sed cur in calce, sanguine, fumo equino, humidioris fœno, aquis stygiis ignis urit, non lucet. An quòd ea corpora, in quibus cæcus ignis regnat, partes habeant molliores, sive aquosas, sive aeræ, quæ materiæ primi elementi innatant: hinc calorem, non lucem, seu validum globulorum cœlestium impulsus procreant. Quid enim illam in spiritu vitrioli, & oleo tartari ebullitionem efficit, nisi corpus subtile, cujus consueti motus ex illâ novâ mixtione turbantur? Nam aliter in oleo tartari scorsum, aliter in spiritu vitrioli fluere solitum erat: impeditus ille materiæ subtilis com meatus luctam, & velut rixam inter liquores creat: hinc calor paulò vehementior. An potius liquor alteri affusus calorem efficit, quòd ita aptati sint illius liquoris pori, ut alterius partes ramosas, primo tantum elemento circumfusas, admittat: sic globulis expulsi primum elementum dominatur. Non dissimili modo in calce meatus ita aperti sunt, ut partes aquæ primo duntaxat elemento septas excipiant. In fœno autem humido ita res se habet: subtilis materia, quæ graminis crescentis meatus subit, eosque sibi aptat, ut liberè commeari possit, post-

postquam exsiccati graminis pori arctati sunt, & quodammodo obstructi, velut indignata cum impetu solitum iter pergere nititur; humidiores partes exagitat, easque secum rapit; præsertim si scænum malè exsiccatum fuerit: idque fit non sine magno calore, & fumo; restantque ex eo velut incendio foli cineres omni humore, & pinguedine destituti. Clarius rem explicat Cartesius: succi aut spiritus, qui à radice cujusque plantæ per caudicem ascendere soliti erant, nondum penitus egressi, ex aliis in alia gramina excurrunt: neque enim facillè exhalari possunt, cum locus sit clausus: sed cum scænum exsiccati incipit, & meatus habet solito angustiores, tum illi spiritus non secundo, sed primo dumtaxat elemento vallati intrant: hinc motu rapidiori feruntur, & partes plurimas cum impetu disjiciunt, quæ si in alias quoque impactæ, eandem stragem edunt, tum ignis, aut flamma erumpit: secus si pauciores partes loco moveantur: tum enim scænum incalescit quidem, & cæco igne consumptum marcescit.

Hæc sanè ingeniosè sunt ficta, vel inventa: neque iis omninò contradico: ignem enim cum summâ agitatione subtilis alicujus corporis conjunctum esse non abnuerim: seu in orbem, seu in omnes partes perturbato motu feratur. Sed cur secundum elementum, vel purus aer ab ignis generatione removeatur, necdum satis intelligo id enim jam penè ostendimus, flammam citra aeris ventilationem non accendi. Atque ut aer cum igneis corpusculis, nonne ex illo congressu ignis prodibit? Nam in carbonibus ignitæ atomi cum crassioribus elementis luctantur, neque in flammam abeunt, ni tenuis aer cum impetu irrumpens, ignis pabulum exagitet. Hinc nitro liquefacto ferrum candens immersum extinguatur potius, quàm incendatur; carbonem verò si injeceris, cum detonatione quâdam, ut loquuntur Chymici, & carbo, & nitrum concipiunt flammam, quod spiritus nitro-sulphurei pervadant carbonum meatus, & partes evocent subtiliores, quæ igne factæ in flammam aere subeunte extenuantur, & quod concepere incendium nitro communicant. Ferrum verò compactius quiddam est, quàm ut sinat sulphureas partes elici; neque aeri subeunti præbet locum; quare inflammari non potest: vix enim quicquam inflammatur, nisi id tenues emittat halitus, quos non à solo calore, sed ab igne jam lucente, co modo, qui ad flammam exigitur, agitari necesse est. Scio equidem candelam ferè extinctam, & muro, vel ori alicujus statuae liquido bitumine, quod petroleum vocant, & sulphure illito, admotam statim accendi: sed hic materia adest impensè inflammabilis, & ignis jam lucens.

Xxxx 3

Hinc

VIII.

*Quæ in  
hac opi-  
one diffi-  
cilia nobis  
videantur.*

Hinc sulphur ipsum, oleum, adeps in catino, aut sartagine liquantur quidem, sed inflammari non solent, nisi ignem aut flammam ad-moveris, ex quâ sui motus capiant velut rudimenta.

Id quoque reprehensione non caret, quod globuli ætherei adeo sint igni infensi, ut cum penitus, si possint irrepere, extinguant: cum tamen à sole vel leviter impulsî, ignem procreant. Quid enim sunt radii solares, præter illud secundum elementum, primi agitatione in rectas lineas undequaque impulsû? Quis credat radios vi suæ agitationis ignem in corporibus excitare? Quam probabilius est, hos radios nihil esse quàm ignem purissimum, qui aliû sibi congenere in subjecto idoneo procreat. Refert Magnanus se Roma vidisse cineres frigidos è scobe buxæ post o'eum pridie extractum supersti-tes, quos in ipsâ hieme solares radii per fenestras vitra subeuntes in-cenderunt: adeo ut subjecta charta cum asseri populeo exureretur. Non vehemens utique radiorum motus, sed ignis ipse, quem secum vehe-bant, sulphur in cineribus non accensum (nam manibus tractati ci-neres nullum calorem prætulère) sed jam velut ad exaltationis apicem evectum, & inflammationi proximum incendit. Nullus igitur est ignis lucens expers caloris: quod si non urat, id evenit, quod nimi-um spargatur, neque idoneum subjectum offendant, in quod vires su-as explicet. Sic radii solares aut vitro convexo, aut concavo specu-lo collecti sulphurea urunt corpora: dispersi calorem dumtaxat indu-cunt. Vix tamen corpora quantumvis sulphurea radiis solaribus exu-sta, flammam concipiunt, quod radii cum sint tenuissimi, non satis habeant virium, ut adigant aëra in corporum meatus: quod si vel levi flatu aër ignem jam procreatum ventilet, statim flammam dabit.

Quod verò Cartesius terrestres particulas à corpore subtilissimo rotari arbitrat, id sanè, ut puto, de oleosis particulis, quas ramo-sas existere non infior, est intelligendum: non enim rigide sunt, sed omnino flexiles. Terrestria verò corpuscula magnâ ex parte abe-unt in fumum: igneos quidem spiritus secum vehunt, qui crassio-ribus involucris tecti, non lucent.

## IX.

*Quadam  
flamme  
Phenom.*

- 1.
- 2.

Hinc candela, quæ longius trahit ellychnium, fumat: crassio-res enim partes junctæ cum sulphureis intactæ repunt, & integræ avolant. Cum verò candela emungitur, terrestris fumus diu in flam-mâ agitatus: ab eâ tandem in minutissimas, ac prorsus insensibiles resolvitur partes: unde frequens earum partium humidiorum crepi-tatio. Quod si ellychnium xylinum, inquit Camparius, in aceto albo dimidiâ nitri puri parte imprægnato per 24. horas reliqueris, idque exsicandum soli exposueris, nullum id fumum emitter: quod nitri, & acci

& aceti partes salinæ, & volatiles omnem humorem ita minutim concidant, & agitent, ut nihil humoris vim flammæ eludat. Quo autem purior est flamma, & minus fumi egreditur, hoc diutius fax accensa perseverat. Unam è multis quas affert Caneparius formulam dabo. Nucleos olivarum in cineres redigit, salem extrahit, cum ceræ immiscet, quò & diu, & splendide fax ardeat.

3.  
Lib. de  
astram.

Ex his liquet, cur lamella extremitati flammæ imposita, parùm aut nihil fuliginis contrahat: partes quippè illæ terrestrès adeò sunt à flammâ comminutæ, ut egressæ non ampliùs appareant, neque ulli adhæreant corpori. Cùm verò lamella flammæ immergitur, tum atrâ fuligine tincta retrahitur, quòd crassiores illæ particulæ nondum à flammâ subactæ ipsi lamellæ adhærescant. Ergò fuliginem efficiunt partes pabuli minutis puræ, quæ cum igneis atomis sursum efferuntur: sed longius protractæ, & ignis motu minutis agitatæ glomerantur, & si quam habent pinguedinem, inflammantur. Tales esse sub sole maculas, & in ipso sole faculas, aut remotos cometas suspicatur Stephanus Natalis.

Sed cur sursum versùs, atque in longum, non in orbem flamma porrigitur? An quòd subtilissima materia huc tendat: nam recedere à centro quàm maximè nititur. An potiùs ob levitatem attenuati pabuli supera petit flamma, & sursum continenter fluit? Jam in ardente face media flamma vehementiùs agitur, exteriora quæ sunt, minùs commoventur: sive id propter ambientem aëra, & undique obsidentes globulos æthereos contingat, ut convenienter Cartesianis principiis dici potest; sive potiùs, quòd totus sursum nitatur impetus, quâ parte ignis fluit: hinc spiritus ignei ex lateribus se se faciliùs expediunt, quàm ex medio axe. Et rursus hinc sequitur accensam flammam esse acuminatam, nempe ex infimâ parte latiore, quâ igneæ atomi nondum erupere: sed cùm sensim ex lateribus se subducant, atque in medio velut axe non ita facili se se possint evolvere, quò altius flamma ascendit, hoc acutior est: nam in mediis duntaxat partibus se ruetur. Fors item est ut flamma sursum petat, & in mucronem abeat, quòd ab aëre crassiore comprimatur. Unde si ferri laminam faci accensæ ineumbentem paulatim attollas, longè altius flamma conscendet.

Cur autem flamma non continuo, & æquabili motu, sed quasi subsultans sæpè moveatur, ratio est in promptu, quòd variè sit ab aëre agitata, vel quòd pabulum non æqualiter flammæ nutriendæ suggeratur.

Extingui verò solet ignis, cùm illius partes distrahuntur; ut coitione

5.

6.

7.

8.

lione partium accenditur : nam vel aeris flatus vehementior, vel aquæ affusio ignitas particulas divellit : cumque negatur exitus vaporis, is in se se reflexus partes ignis dividit. Quo sane modo fieri potest, ut in cellâ vinariâ è recenti multo magna halituum copia erumpens, accensam extinguat facem.

X.  
*De calce  
igne, qui  
in calce &  
aliis in ossi  
corporibus*

Redeo ad cæcum ignem, lucis expertem, quem potentialem vocant. Is quidem est in fœno, aut lino malè exsiccatiss, aut fimo manifestus : non quòd subtile corpus per graminis poros commearé solitum, sibi occludi itineris sui vias moleste ferat : id enim fortè est augurari : neque in iis plantis, quæ sulphuris perparum habent, sed in calidioribus & oleosis, ut in lino & oleosis se prodit, quòd ut supra attigimus, pinguis humor aquâ intrinsecus diluatur, & quodam modo resolvatur. Non enim aqua potuit sensim exhalari, cum ventiliatio deesset : unde sulphureæ partes, ut verbo à Chymicis usurpato utar, exaltantur, & eruptionem parant. Quòd si aqua sit uberior, hæc unâ cum sulphureis atomis in se se mutuo reflexis, & incitatis specie fumi egreditur. At si pars aquæ maxima jam sensim diffusa est, ignea corpuscula facilius se se expediunt, nec densis stipata vaporibus occultantur, sed extenuata ingenitam promunt lucem, atque incendium minantur.

De calce jam aliàs diximus : hanc igne reverberii è faxis aut lapidibus effici ignorat nemo : ignea fortè corpuscula cum salinis particulis velut implicata, & captiva remanent, postquam humor aqueus inter coquendum in vapores evanuit. Hinc nexu soluto lapis facile comminuitur, & abit in pulverem. Eadem ignis corpuscula, quæ terrenis particulis antè divisa, & variis inclusa poris, aut salinis atomis conferta quiescebant, affusione aquæ tumultuantur. Soluta quippe ingenitis cientur motibus, calorem excitant, & magnâ ex parte vaporibus involuta profugiunt : pars tamen uberior aquâ detinetur, neque his atomis ignitis avolare concessum est. Quare nisi calx recens aquâ extinguatur, cœmentationi sit inutilis, quòd aer humidior paulatim se se in meatus ignis vi apertos insinuans solvat ignea corpuscula, quæ sensim, & sine tumultu in auras abeunt ; hisque calx destituta brevi fatiscit in pulverem. Idem quoque usu venit, cum aer magno tonitruï fragore quatitur : hic enim calcem recentem subit, ignis empyreumata commovet, & locum evehit. Quod autem vivæ calcis, dum aquâ extinguatur fervor, non ab ingenito lapidi calcario sulphure, sed ab igne ascititio proficiscatur, ex ipsius calcis analysi probat vir in medicinâ, & philosophiâ clarissimus Thomas Willis. Calcis sesquibram cucurbitæ amplæ, seu vasi vitreo impositam,

*Lib. de  
fermentis.  
c. 10,*

& aquâ



& aquâ perfusam, statim aptato alembico cum vas recipiente capacissimo distillavit: aquæ uncias sex minimè acris, sed subdulcis, & astringentis excepit: reliquum pulverem aquæ communi infusum igne decoquendum curavit: pellicula alba, & crustacea subinde extabat, quâ sublata nova ltidem emergebat, subdulcis quoque saporis: adeo ut toto humore exhalato, nihil salsi, nihil acris in fundo remaneret. Ex quo quidem colligit fervorem illum, qui affusione aquæ in calce conspicitur, nullo modo à salinis, & sulphureis calcarii lapidis particulis vehementius agitatæ proficisci, cum sal eliciatur subdulcis, expers omnis acrimoniæ: nec sulphur dominetur in eo lapide, qui ignis vi non destruitur, & mole perparum minuitur. Itaque ignis empyreumata in corporibus calcinatis hærent, ut in salibus fixis, qui igne fiunt acriores, & aquis stygiis impensè calidis videre est. Hæc nisi moveantur, nullo se produnt calore: nam interjectu terræ secreta manent: & tanquam somno oppressa: sed ubi accessu aquæ turbantur, & suis velut hospitibus depelluntur, tum eadem confertim erumpunt, & magnum excitant calorem. Quæ corpora activis principis, sale, sulphure, & spiritu abundant, & laxiora sunt, aut minùs firma, eadem ignis aculei citò penetrant, & destruant: non enim ibi diu hærent; sed unà cum prædâ citò discedunt. Quæ verò corpora ita sunt densa, & compacta, ut coctione magis indurentur, ac partes habent, quæ à se mutuo disjungi non possunt, ut lateres, metalla, lapides arenacei, hæc ignis corpuscula non diu retinent. Sed quæ dura quidem sunt, igne tamen calcinata quodammodò fatiscunt, & laxantur; quæque humidioribus exhalatis partibus lapideam, & duram non amittunt forinam, ut magna lapidum pars, hæc, inquam, intra poros volatiliū elementorum fugâ excavatos ignis spicula, seu empyreumata libenter admittunt, quæ cum salis atomis faciliè cohærent. Cuiusque salis & ignis corpuscula diutius mixta laxantur, & volatilia fiunt, pars in fumum abit, pars altera aquæ affusione retrahitur à fugâ: sal verò ab aliis elementis penè divisus, & quasi solitarius existit: hinc conjugium appetit, astringens, & subdulcis evadit, estque rei cœmentariæ perutilis.

Ita ferè vir eximius de calcis effervescentiâ philosophatur. Ego tamen crediderim, non externum modò, & adventitiū ignem, sed insitum quoque in calce, ut in aquis stygiis, & salibus fixis dominari. Sulphureos etiam, & salis feraces existere calcarios lapides hinc conjicio, quòd cum in furno calcinantur, fumum omnino sulphureum, & foetidum exhalent: neque id genus sulphuris in calcinatione gypsi similiter se pròdit: neque hoc aquâ perfusum adeò incalefeit:

Yyy

tam-

tamen si aqua dum laxatos subit meatus, quodammodo fervere videatur.

Ex utroque lapide nitrum, vel temporis decursu, ut in rudibus, & cellis efflorescit; vel etiam arte, ut nonnullis placet, extrahi potest: quod argumento est sulphure, & sale utrumque lapidis genus abundare: quanquam fortè major est in gypso salis copia, ut in calcario lapide sulphur fixum est uberius. Hinc calx, quæ viscosa est, & pinguis, cum arenæ vitreæ & angulosis corpusculis optimè coheret. Atque ut mihi videtur, non ea modò, quæ ad naturam, generis, & varias ignis differentias pertinent, fusè, & diligenter exposuimus, sed etiam ignis phænomena, ac varios illius effectus magnâ ex parte sumus executi. Reliqua enim, quæ desiderari possent de usu ignis, tum in rebus calcinandis, fundendis, & comburendis, tum in digestionem, elixationem, tostionem, & distillationem corporum, partim in libro de fossilibus tractata sunt, partim in hujus operis contextu, quando res exigit, tradentur à nobis. Omnes ferè Chymicorum labores in ignis regimine versari fugit neminem: hinc ars eorum pyrotechnica nominatur. Modò igne aperto utuntur, quò res comburant, atque in cineres aut calces redigant; vel ut fundant metalla. Vel denique ut quæ fixiora sunt, resolvantur. Sic carbo accensus, & vase conclusus dissolvi non potest, donec subeunti aëri locus pateat. Sulphur sublimatur in flores, quamdiu in vase ocluditur; sub campana accensum, acidum spiritum præbet. A bituminosâ pinguedine lignum solutum, in retortâ conclusum nullam dabit fuliginem. Sed quod magis mirere, dum ignis partes mixti mobiliores protrudit, simul fixiores arctiori nexu copulat, ut in vitri consecratione cernere est: nam arena cum sale Alkali tam arctè connectitur, ut ignis vi divelli non possint. Multa olim in hanc sententiam afferebat in Academiâ Regiâ vir Clariss. D. du Clos. Addebat id quoque, non unius rarefactionis, sed multò magis impulsione vi, partes corporis mobiliores, præ calore sursum efferri; nam fumus per tubum camini celerius fertur, quàm in aperto aëre, ubi majorem nactus est raritatem. Ac plerumque ejusmodi operationes in furnis instar fornacum arcuatæ perficiunt, quò flamma in seipsam reflexa sit acrior: ignemque illum reverberii vocant, qualem in coctione panis adhibemus. Sæpè ignem rebus aut distillandis, aut digerendis non proximum admovent, sed illis duntaxat calore moderato, & alterius corporis interjectu depresso utuntur: ac sæpius carbones adhibent, quàm ligna, quòd illorum calx sit magis æquabilis, & sui ubique similis.

Cap. 2. &  
ulimo.

Tacco

Taceo id quidem res distillandas non igni vehementiori statim committi, sed initio leniorem, tum acriorem, quasi per gradus admove-  
 ri, ne omnia simul elementa prorumpant, & vasa periclitentur. Nec statim vasa ab igne removeri debent, & frigido reponi loco, tum enim ea frangi necesse est: sive subtilis corporis majusculæ partes, quæ per vitrei, aut fictilis vasis apertos meatus ire, & redire solitæ erant, cum eisdem offendunt poros subito frigore obstructos, in partes solidas impingant, & velut effractis claustris cum impetu proflillant; sive id totum igneis, & sulphureis corpusculis, quæ intra vitri meatus agitantur referamus acceptum. Cum enim commoda hospitalia ut in calce, sic in vitro, aut terra fictili non reperiant, neque cum salinis partibus vitri implicari possint, fugam moluntur: cumque oclusos repentino frigore meatus offendant, malè coherentes atomos dissociant, & ruptis obicibus avolant. Hinc vitrarli formata vitra de fornace educta alteri furno tepidiori committunt, ut sensim concre-  
 crescant.

## CAPUT TERTIUM.

## De Aëre.



Um aër sub oculos non cadat, neque ut cœtera ele-  
 menta, seorsum possit separari, aut vasis distillatorii *Quis sit*  
 coerceri, illius natura, & vires nos maximâ ex par- *aëris usus,*  
 te fugiunt. Fluidum esse, & spirabilem, ac velut na- *qua for-*  
 turæ cribrum, quo cœlestes influxus ad terram us- *ma.*  
 que demittuntur; illiusque interjectu terram cum

cœlo velut nundinationes suas, & commercium exercere; animalium denique vitæ inservire, luminis esse vehiculum, & corporum meatus subire, omnibus in confesso est. Sed quæ sit aëris natura, quæ figura atomorum, ex quibus contexitur: calidus sit, an frigidus: poros habeat penitus inanes, an plenos subtiliore corpore; levis sit, an gravis; quibus motibus agitetur; & alia benè multa in controversiam veniunt. Quod sibi libitum est unusquisque fingit, & principiis jam præsumptis accommodat. Cartesius minutas aëris particulas statuit, ex tertio quidem elemento compactas, sed aquæ corpusculis tenuiores, primi & secundi elementi continuo motu extensas, & volitantes: hinc corporibus non uti aquæ corpuscula, adherescunt, facillè comprimuntur: adeo ut aër intra tubum ferreum instrumentis

Yyyy 4

mecha

mechanicis vel quindecuplus adigi possit; ut in sclopeto pneumatico cernere est. Sed multò majorem fieri aëris compressionem, cum ex aliis experimentis, tum ex aquæ in tubo vitreo artificiali congelatione constat. Nam aqua tubo, aut ovo vitreo conclusa, sensim attollitur, ut in glaciem concrevit, & ære in, qui summam tubi occlusi partem obinet, in summas quandoque angustias redigit, uti alio loco fusè diximus: disjunctæ enim, & tenues tertii elementi particule globulorum cælestium motibus obsequuntur; atque iisdem globulis vi quâdam expulsi densantur. Sed tamen illa æris velut capillamenta se se mutuò impediunt, & expellunt, atque à subtili corpore lacerata intestinis cientur motibus: hinc adeò vires suas intendunt, quò majus occupent spatium: sic ær pressus aquas sursum jaculatur, & globus in tormentis pneumaticis magnâ vi emittit.

## II.

De nain-  
tà aëri.

Crassus ille, & caliginosus ær circa terram fusus, quasi quidam vapor aquæ multâ exhalatione permixtus, habendus est; magnâ enim ex parte oritur ex respiratione aquarum. Nec terræ modò, aut aquæ, sed omnium ferè corporum exhalationes, aut spiritus excipit. Hinc non ubique sul similis: sed alibi purus est, alibi crassus, & viscosus, qui motum gravium, aut projectorum nonnihil infringit; interdum est gravior, aut levior; aliquando salubris existit, interim pestilentior. Existimat etiam Magnanus in hoc aëre quorundam mineralium, & plantarum, vel spiritus vel semina halituum specie inclusa delitescere, quòd terra è profundiore specu eruta, & soli exposita qualdam herbas suâ sponte effundat, easque imprimis, quæ in his locis magis fruticantur, jam aliàs diximus nitrum, & mineralia pleraque ex cumulis ferè exhaustis, tractu temporis reparari. Sic putat vitriolum, seu colcotar, ex quo jam spiritus unâ cum phlegmate & oleo educus est, sub dio expositum, novum spiritus & olei proventum interjecto tempore ex aëre circumfuso trahere; ac nitrum eodem modo in rudibus, aut maceris succrescere. Refert N. Faber se aliquando salem, & alia elementa extraxisse è feniculo, & terram è cineribus superstitem projecisse, ut inutilem: ex quâ tamen anno sequenti magna feniculi copia exorta est.

Illud tamen multis incredibile videtur, ubique in aëre & vitrioli, & nitri, & aluminis, aut aliorum fossilium spiritus occurrere, qui in matrice commodâ excepti, tanquam in opportuno diversorio hospitentur. Quòd si in locis arenosis, aut vitrioli calx, aut nitrosæ fœces reponantur, & novum spiritum, & salem nitrosum extrahes, qui non ex fodinis, quæ nullæ sunt in iis locis, sed ex magnâ salium volatilium copiâ forsitan prodeunt, qui ab aëre ut à menstruo quodam uni-

universalis exsoluiti, cujusque mixti naturam induunt, ut infra dicturi sumus; nitrum verò non ex seminis per aërem sparsis, sed ex ipsorum fortè lapidum sale efflorescit, Nam ubique terrarum nonnulli lapides copiosum nitrum fundunt.

Hunc verò caliginosum aëra esse velut terræ, & aquæ lanuginem, & omnis generis effluvia excipere non inficior. Sed tum solum in mixtis corporibus, atque in hac inferiori plagâ dominari non fit mihi verisimile. Nam puriorem aëthera, quem subtilè corpus, aut spiritum universi, aut alio quovis nomine per me licet appellare, crassum hujus aëris inania spatiola, & aliorum corporum meatus subire, atque illud immane spatium, quod cælum dicimus, complere, ac demùm motus ferè omnes in fluidis corporibus efficere, rationi maximè consentaneum puto. Quis enim credat totum illud, in quo sidera moventur expansum omni vacare corpore? An nullum aliud cælum, præter crassum illud, quem spiramus aëra, vel atmosphæram, ubi nubes, & pluviae coguntur? Ut planetæ singuli circum se solum aërem habeant, qui ad aliquot milliaria pateat; quantum id est, si cum reliquo cæli complexu comparetur? Quis ferat solem, & stellas in vacuo pensiles; atque id quod cælum dicimus, nihil esse præter spatium omni corpore destitutum? Quin etiam hujus, quem spiramus, aëris naturam, longè diversam esse à fumis, & vaporibus ex vi elasticâ, quæ in aëre plurima est, quæque in terræ, & aquæ halitibus ferè nulla est, facillè colligitur. Necessè enim videtur, ut aëris partes sint velut spiræ convolutæ, quæ ab incumbentis aëris mole comprimuntur; sed ubi gravi hoc pondere, aut aliâ pressione solutæ sunt, tum se se in majus spatium dilatant. Elaterium vocamus id, quod vehementius compressum se se explicare, & evolvere nititur; hæc via in arcu intento; in tormentorum rotis; in spiris chalybis, quæ intra horologii portatilis tympanum convolutæ omnes rotas agitant, atque in aliis propè infinitis conspicua est.

Hinc multa explicari possunt phænomena, quæ ex illâ aëris vi elasticâ ducuntur. 1. Liquei, cur in vulgari, & jam omnibus notissimo circa inane experimento, hydrargyrus tubo conclusus, ad altitudinem 28. pedum, aut circiter suspensus maneat: aqua verò ad 32. pedes attollatur. Tubus enim alterâ parte occlusus, & 3. circiter pedes longus, impletur hydrargyro, tum in vas subiectum mercurio itidem plenum invertitur. Manet in tubo erecto mercurius pensilis ferè ad 28. digitorum altitudinem; pars suprema tubi est saltem aëre destituta: sed utrum illa sit omni omnino corpore vacua, suo loco expendimus. Hic quærimus, quid hydrargyrum suspendat. An non ex

III.

De natura aetheris.

IV.

De vi elastica aëris, ubi varia experimenta proponuntur.

Yyyy 3

co

eo quod descendere non possit, quin circumfusum aëra premat. Hic vero ab incumbente aëre densatus vix cedit: partes enim aëris complicatæ faciliè evolvuntur, non eadem facilitate comprimuntur. Quò igitur aër est crassior, hoc magis resistit. Sive id ponderi aëris incumbentis, sive elasticæ illius vi referatur acceptum. Id sanè liquet eò usque attolli in tubo hydrargyrum, quousque sit velut in æquilibrio cum vicino, & circumfuso aëre: neque enim potest descendere, quin hydrargyrus in subiecto vase restagnans attollatur: id fieri non potest, quin aër vasi insistens prematur. Atque huic pressioni magis resistit, quo magis ab incumbente aëre comprimitur. Non enim aër per tubi vitrei meatus, aut ipsum hydrargyrum subire potest. Cum autem aër variis mutationibus sit obnoxius; interim majori exhalationum copiam densetur, interim sit rarior: non mirum est, si altitudo hydrargyri adeò varietur citra manifestam causam; & uno sæpè, eodemque die, modo sit altior, modò depressior. Unde hoc experimentum jam ad varios usus adhibuere: jamque ex ascensu & descensu hydrargyri, quæ sit aëris gravitas, aut levitas, dignoscimus. Unde & barometri nomen accepit. Hinc serenam aut nimbosam aëris temperiem prælagimus. Nam flante borea, aër gravior est, pluvio cælo vel Austro flante multò est levior, & hydrargyrus depressior.

2. Hinc patet, cur digitus tubi ostium claudens incumbentis hydrargyri pondus non sentiat. Quia non magis ab hydrargyro, quam ab aëre circumfuso premitur. At si aëri per summam tubi partem pateat aditus, tum digitus mercurii pondus vix sustinebit: is enim ab incumbente aëre premetur.

3. Sæpè accidit ut cum tubus impletur hydrargyro, partes quædam aëris inter vitri latera, & mercurium subcant, & tanquam aqueæ bullæ in summam tubi partem efferantur; tumque inclinato tubo hydrargyrus molliter, & sine strepitu supremam tubi partem ferit. Nam in mollem aëris substantiam impingit. Secus evenit, cum omnis aër abest: siquidem hydrargyrus inclinati tubi partem hermetice sigillatam præcipiti motu, & cum strepitu ferit. Id magis ad rem nostram pertinet, quòd tantillum aëris multum hydrargyrum deprimat; atque eò magis, quòd tubus minus habet altitudinis. Nam aër, qui in ea tubi parte ferè vacuè liber & minimè arctatus est, se se evolvit, & vi suâ elasticâ subiectum premit hydrargyrum, hoc magis, quòd tubus est angustior: siquidem ubi tubus major existit, explicata aëris particula non satis valida est, quæ hydrargyrum deorsum pellat.



Hæc atque alia penè infinita sunt illustriora ex nuperis experimentis, quæ in machinâ pneumaticâ vir nobilissimus facta à se commemorat. Neque necesse est hic machinam fusiùs describere, aut omnia referre experimenta, quæ integrum volumen exigèrent: per pauca duntaxat, quæque ad notitiâ aeris magis sunt necessaria, breviter attingam. Machina illa pneumatica vas est vitreum, quò majus, hoc melius. Parte sui summâ foramen habet amplum, per quòd ea, quæ libuerit, immitterentur. Idque cùm opus erit, suo operculo claudemus: parte itidem infimâ pertusum est & foramini aptatur clavicula ænea, qualem doliis extrahendo vino solent adhibere. Ea verò clavicula cum æneo quodam cylindro sic ferruminatur, ut verticilli ope aer è globo, aut vase vitreo in cylindrum æneum, qui cavus est, liberè commect. Hic porro cylinder est syringi vel syphoni Insectorio persimilis. Itaque obstructo superiori globi aut vasis foramine, & inferiori verticillo aperto, evacuatur aer globo conclusus per cylindrum æneum, attollendo & deprimendo embolum, seu rotundum & solidum baculum, ut sit in syringe. Jam ubi embolus sursum impellitur, aer claviculâ clauditur, ne aer è cylindro in vas vitreum irruat, hæc aperitur, ubi iterato labore embolus exsurgendo aëri deprimitur, Nunc præcipua experimenta, quæ vim aeris elasticam persuadent, cursim perstringamus.

D. Boyle,

De novis  
experi-  
mentis cir-  
ca vim  
elasticam  
aëris.

Cùm aer magnâ ex parte exhaustus est, tum embolus non vi, sed suâ sponte sursum impellitur: imò evacuato penè aëre, qui machinâ vitreâ includebatur, cylindri embolus cum appenso pondere 100. librarum sursum propellitur, non metu vacui: sed circumfusi aeris pondere, qui enim intus est, cùm sit maximè debilitatus, externi aeris impetui non resistit. Quare si operculum, quo foramen superius occlusum est, amoliri tentaveris, ingentis velut ponderis vim senties: qui enim incumbit aer deorsum id pellit: nec satis vehemens est ejus, qui intus est aeris elater, ut repellat. Ubi aerem per claviculam admiseris, tum faciliè operculum attolles: jam enim æquabiliter utrinque premetur. Sed quid causæ est, cur globus non frangatur, ubi adeò validè ab externo aëre comprimitur, & is quem continet summâ rarefactione vim elasticam penè amisit? An fortè arcuata & instar formicis concamerata globi figura; eum ab interitu vindicat. Nam ab aëre ambiente æquabiliter premitur. Quòd si vitrum aliâ figurâ instructum, & planius cum syringe aptaveris, & aerem evacues, vitrum brevi confringetur: tametsi id valdè compactum sit: sola igitur figurâ globum aut vas vitreum tuetur. Cur verò aer externus per sissuram, si quæ sit in globo, non faciliè subeat? An quòd incumbens undique

dique ær suo impetu labra fissuræ non diducit, sed magis adducit. Nam partes vitri intus pellit, & ita sibi ipsi aditum intercludit. Jam unde tanta vis æri intus conclusa, ut non minor sit, quàm externi æris impetus: & tamen cum externo is non communicat, nec illius pondere juvatur? An fortè æris partes plicatiles vim elasticam non amittunt, quamdiu vase aliquo undique premuntur: neque enim se se possunt evolvere. Sed ubi pars magna illius æris est exhausta, quod reliquum est, magis se se explicat & dilatat.

2. Hinc vesicæ collum si ligaveris, & penè ære destitutam intra globum vitreum immiseris, exhausto ære, qui in globo fuit, vesicæ intumescet, & sæpè magno cum fragore disrumpetur. Idem sæpè vidimus in vulgari Torricelli experimento: nam immissa in tubum cyprini vesica penè æris vacua statim inflatur, quod partes æris residuæ, à vicino ære solutæ se se evolvant. Unde admissio ære vel in globum, vel in tubum, statim vesica detumescit. Idem quoque accidit, cum partes æris calore agitantur: videmus enim vesicam semiplenam ignis calori admotam vehementer inflari, & indurescere.

3. Facile potest oblongus tubus argento vivo piensus cum alio vase subiecto, in quo restagnet hydrargyrus in globum, vel machinam immitti: nam licet tubus sit altior, eminere potest extra globum, & sic cum pertuso operculo cæmentari, ut æri externo non pateat aditus. Quid verò tum fiet? Hydrargyrus ad consuetam altitudinem 28. digitorum aut circiter suspensus manebit. Sed exhausto ære sensim subsidet: adeo ut tandem in vas subiectum dilabatur. Admissio rursus per claviculam intra globum ære, hydrargyrus attolletur: ita ut palam sit non aliud hydrargyrum in tubo suspensum tenere, quàm ambientis æris pondus; aut vim elasticam, quæ pressioni resistit. Nam qui globo includitur, hōe debilior est, quod crebra exsuctione fuit magis dilatatus: is adeo ponderi hydrargyri non resistit: sed ubi ær externus intrò subit, tum hydrargyrum sursum repellit, donec æquatæ vires velut in æquilibrio sint constitutæ: nec pondus hydrargyri vincat æris resistantiam, nec vis cisternæ.

Jam ut ad globum, vel machinam nostram redeamus. Si loco hydrargyri, aqua tubo 4. saltem pedes longo infundatur; hæc sanè tota manebit suspensa. Sed educto ære per antiam, vel syringem, paulatim descendet. Tubus aqua plenus, vel hydrargyro, & machinæ, ut dictum est, aptatus indicat, quantum æris è machinâ sit exhaustum. Nam si aqua tubo conclusa in vas subiectum omnino descen-

derit, indicio erit omnem penè aërem educum fuisse. Quanquam id fallit aliquando: nam quæ ex aquâ erumpunt aëræ bullæ, hanc etiam deprimunt. Quare huic incommodo occurrit D. Hugen, dum aquam per 10. & amplius horas in machina reliquit, quò omni aëre expurgaretur. Aqua ab interno aëre sic expurgata jam indicio esse potest, quantum è machinâ aëris educum fuerit.



Nam inter exhauriendum aëra plures ascendunt ex aquâ bullæ; tenaciore & diu permanentes è spiritu vini; cæque crescunt hoc magis, quò plus aëris per syphonem, vel syringem exsugitur: adeò ut hunc aërem in omni liquore inspersum esse optimè concludatur. Hic ab ambientis pressione liber se se evolvit, liquorem attollit. Quantum verò se se dilatare possit, ex magnitudine bullarum, quæ ex minimis fiunt maximæ, colligi potest, & fortè in centuplum & amplius spatium explicari potest. Admisso per claviculam aëre bullæ contrahuntur. Nec tamen hydrargyrus vel aqua eam repetit altitudinem, quam priùs in tubo obtinebat: nam qui sursum specie bullarum ascendit aër, & vi elasticâ se se evolvit, liquorem premit, & deorsum aliquantum propellit: ita ut in vulgari circa inane experimento hydrargyrus, qui ante 28. digitorum altitudine suspensus erat, &

Zzz

ex-

exhausto aëre subsidit, cum externi aëris ingressu sursum repellitur, non eam quam antè obtineat altitudinem. Mitto etiam aquam, quæ prius ignis ardore ebullit, & nondum penitus refrigerata machinæ imponitur, mirum in modum intumescere, adeo ut iterum effervescente videatur. Idem in aquis stygiis vel aceto contingit, ubi metallo-  
rum vel coralii ramentis imprægnantur. Cum enim aër exsugitur, tum quasi ebullirent, intumescunt, quod aëris vel spirituum inclusæ particulae, ab ambientis aeris pressione solutæ, in amplius spatium se se explicent. Mitto denique omnia, quæ ad staticam, hydraulica, pondus aëris, atmosphæræ altitudinem pertinent: sunt enim alterius loci, atque in eo opere, quod motus, & qualitatum explicationi destinamus, commodius executientur. Hæc utique ex figurâ pag. præcedenti appositâ sunt clariora. Tubus C. C. intra recipiens B. aquâ, vel hydrargyro plenus in vas subiectum D. immergitur.

## VI.

Ex quo primum ista in lucem edidimus, innumera penè facta sunt experimenta cum in Galliâ, tum in Angliâ, quæ magnam rebus Physicis lucem afferre possunt. Multa ex his in libris de corporum affectionibus protulimus: pleraque à Clariss. Hugenio facta nuper edita sunt, quæ ad aëris vel ætheris cognitionem maximè videntur pertinere, quæque hoc loco omninò reticere non possum: nam Physicam experimentalem non mediocriter illustrant. Ac primum machinam à D. Boyle excogitatam, is invertit quodammodo, quò facilius aër exhauriatur. Jamque & ad usum paratior, & experimentis faciendis est aptior. Novam non ita pridem vir eruditus & industrius Papinus, pneumaticæ hujus machinæ faciendæ rationem invenit. Hæc Boylianæ, quam descripsimus, similior videtur, eaque paratu est facilis, & ad usum satis expedita. Illius ad figuram simul & nova experimenta non injucunda edidit, quæ in pauca conferam, quod pleraque ex his in Academiâ Regiâ D. Hugens fecerit; quo major iis fides erit adhibenda.

I. Corpora penè omnia etiam putredini magis exposita, ut fructus, flores, panis in vacuo, (sic enim jam libet loqui,) diu conservantur: nec dubito quin longè diutius permanerent integra, si aër exterior non subiret, aut, quod sæpius accidit, ex ipsis corporibus non erumperet. Nam quædam ex iis, ut cerasa, mala persica, caro cruda multùm aëris statim emittunt ex se se, uti ex aquâ tubo conclusâ, quæ probationis, aut signi loco est, faciliè colligitur. Sic pomum acu pertusum in vacuo positum, spumam emittit, quasi igni admoveretur. Rosa post 15. dies educta, nec odorem, nec vividum colorem penitus amisit: sed pressu aëris brevi emarcuit: quod aliis  
flori-

floribus, imo & tenerioribus foliis accidit. Non eorum pori in vacuo dilatantur, ex quibus humor præ æris pondere statim exprimitur. Nec dubium est, quin ær ut dissolvens, aut menstruum quoddam universale, corporum corruptionem non mediocriter promoveat. Unde pomum jam putredine affectum diu in vacuo servatum est, citra ullam immutationem. Quæque in recipiente, seu vase vitreo apponuntur, dummodo subeunti æri non pateat locus, aut ipsa corpora ex se ærem non emittant, ab omni putredine vindicantur.

2. Ut corruptionem, sic vegetationem rerum ær promovet. Nam plantæ inter phialam aquæ plenam in vacuo collocatæ non vegetantur. Imò cum immerguntur aquæ expurgatæ, (quæ scilicet diu in vacuo relicta est, dum ær omnis specie bullarum eruperit,) tardissimè vegetantur: etiam si aperto æri postea exponantur. Radices plantarum extra vas, seu recipiens positæ sunt, & intra aquam immerstæ, tum aquæ guttulæ per fibras plantæ subeuntes in folia intus conclusa delabi visæ sunt. Citra vegetationem folia & viridantia & integra permansere, donec æri exposita, brevi, ut diximus, emarcuere. Sic aqua per ramum salicis partim in vacuo, partim in ære constitutum subire visa, & multas subinde bullulas æris intra vas efformare. Idem evenit in ulmi ramusculo; sed cum is esset durior, tardius aquæ guttulæ apparuerunt. Utrùm aqua per fibras ligni percolata in ærem transmutetur; an potius ærem in se contineat, non ausim discernere.

3. Ac videtur quidem ær ex liquoribus in vacuo collocatis, aut sæpè erumpere, aut generari. Cum D. Hugenius vas terra plenum, cui herbas, flores, & grana mandaverat, in machinâ aptasset, & exhausto aëre ibi reliquisset, post 24. horas plantæ illæ quidem, sed non autæ permanserunt: sed ubi radii solaribus sunt expositæ, quædam ex iis emarcuerunt, quas scilicet radii solares adusserant. Interim de terrâ subiectâ vapores continenter eruperunt; idque per 8. dies: adeo ut aquæ guttulæ recipientis parietibus adhærescerent, & plus aquæ, quam videretur, in terrâ delituisse, continenter dilaberetur. Mirum sanè, quod in vacuo vapores sint sublati; cum levissimæ quæque corpora tam præcipiti motu decendant. At non dubium est, quin vapores non ex levitate tantum ingenitâ, sed multò maximè ex vi aliquâ impellente; quæcunque ea sit, aut calor, aut vis æris elastica, ascenderint. Unde & multum aëris tum generatum, fuisse in machinâ, ex aquâ, quæ in tubum probationis loco aptatum ad 2. digitorum altitudinem conscendit, licet colligere.

Z z z z z

Nec

Nec videtur aer extrinsecus irrupisse : cum nullæ bullæ in aquâ, quæ in fundum recipientis satis copiosa defluerat, apparuerint.

4. Idem planè ex fermentationibus liquorum, quæ in vacuo fiunt, colligitur. Cum enim aut spiritus vini solus, aut idem cum aquâ forti admixtus adhibetur, tum magna fit ebullitio : simul & aqua per tubum probationis loco aptatum conscendit : quo exhausto aëre, aqua paulatim decidit. Cum oleum tartari unâ cum oleo vitrioli confunditur, tum ebullitione factâ aer educitur, qui aquam è subjecto vase in tubum attollit. Sed quod mihi videtur mirabile, hic aer suâ sponte destruitur intra 24. horarum spatium, & aqua in tubum sublata ultrâ in vas subjectum delabitur. Non idem accidit, cum cuprum in aquâ forti exsolvitur : nam qui in ebullitione efformatur aer, vim suam elasticam non exuit, & aqua in tubo semper suspensa manet, nisi aer ille exhauriatur. Cum industrius D. Papinus 18. grana nitri, seu salis-petræ radiis solaribus per speculum ustorium collectis, intra machinam, seu recipiens amplum accendisset, tum hydrargyrus è tubo in vas subjectum delapsus ad 18. linearum altitudinem conscendit. Tantum scilicet aeris in pulvere pyrio inclusum fuit : adeo ut inito calculo tria saltem aeris grana in 18. pyrii pulveris delituerint. Quod vix fieri potest, nisi aer in eo pulvere ad trecentessimam partem loci incredibili condensatione adductus fuerit. Atque ex hac compressione aeris tanta in nitro vis exurgit. Illud quoque non tacendum, pulverem pyrium in vacuo non simul accendi, nec contagio quodam ignem ab uno in aliud granum diffundi : sed quæque granula seorsum incendi, nisi diutissimè vitrum ustorium soli expositum adhibeatur. Sæpè itidem pulvis ebullire, & fumos subflavos emittere videtur, isque è machinâ exemptus, & carbonibus impositus, ut salpetræ inflammatur, quod sulphur tantum præ calore eruperit : sic pulvere inflammato, & fumis discussis salispetræ aciculæ recipientis parietibus videntur adhærescere.

5. Ex his liquet quantam aer rerum inflammationem, ac dissolutionem promoveat. Quod multis experimentis alio loco confirmatum à nobis fuit. Panni serici frustulum admoto speculo ustorio intra machinam combussit, author quem identidem nominavi : fumo discusso vix pannus specie immutatus apparuit, donec admisso aere, dum contractare id voluit, in cineres redactum comperit. Mirum tamen quàm citò & diu aqua ebullierit, subjectâ candelæ flammâ : & si recipiens vitreum, quod usque ad quartam sui partem aquâ impletum fuerat, ne incaluerit quidem. Cum autem mercurius in tubum probationis loco adhibitum non conscenderit, quantumvis aqua efferve-

sceret,

feret; ne illud quidem liquet, an effervescencia illa aquæ, quæ tamdiu, & tam vehemens apparet, ex incluso aëre, an ex subtiliori materiâ oriatur. Et quidem cum spiritus vini eodem modo incaluisse, mercurius ad unius digiti altitudinem ascendit: subductâ flammâ, & vase intra aquam frigidam immerso, vehementior orta est ebullitio, quod vaporibus frigore densatis recipiens fieret inanius. Hinc spiritus vini ab omni pressione liberior magis solet effervescere. Duabus post horis mercurius in vas subjectum omnino recidit. Ac fortè vapores illi vi quâdam elasticâ donantur: sed quiddam sunt tamen ab aëre diversum. Mirum etiam, quod cum omnis ferè liquorum fermentatio in vacuo augeatur, tamen ubi calx exhausto liquore aquæ immergitur, vix ulla sit effervescencia; an fortè spiritus volatiles inter exhauriendum aëra exhalant; contra res se habet in gypso, nam majores bullæ in vacuo erumpunt; & major sit ebullitio, quàm si in aperto aëre aqua diluatur.

Ex iis, quæ diximus, demonstratum puto, omnes effectus, qui in vacui fugam referri solent, ex aëris pondere, aut vi elasticâ proficisci. Unde si vas cupreum, cui operculum vitreum aptatur, ab incumbente aëre, ut aliàs diximus, post aëris intus conclusi educationem, confringitur, idem prorsus evenit, cum vas illud intra recipiens reponitur: exhausto enim recipiente, qui intra vas cupreum aër includitur, vi suâ elasticâ vitrum frangit, quod antè ab aëre cum externo, tum interno, æquabiliter pressum, manebat integrum. Quod si vas cupreum in conum, seu ex lato in angustum desinat, tum incumbētis aëris columna erit angustior, quàm ut vitrum frangat. Et tamen vacui horror debuit æquè hos effectus procreare; cum enim utrobique par sit vacui metus, non video, cur idem omnino non sequatur effectus, quæcunque sit vasis forma. Quod si inter cementandum vitreum operculum cum vase cupreo, exilem tubulum sic aptaveris, ut aër ex majore vase, seu recipiente in vas cupreum commcare possit, tum operculum vitreum manebit illæsum: nisi fortè celerius aër exsugatur. Tum enim idem accidit, quod lagenis oblongo, & exili collo instructis, quæ cum citius ab igne removentur, quàm ut aër subire possit, tum conclusi aëris elaterium sit debilius, nec externi aëris pressioni valent obistere. Multa in hanc rem ex novis experimentis D. Boyle, alio loco attulimus, cum de aëris pondere disseruimus.

Unum est, quod receptæ apud recentiores opinioni videtur adversari, idque luculenter exposuit D. Hugenius in epistolâ ad clarissimum Abbatem D. Galois, quàm Ephemeridi Eruditorum anni 1672, die 25. Julii inseruit. De quo quidem perpauca subtexam: res enim

VII.



*Idē Fig.*  
*pag. 729.*

est, si quæ alia in Physicis, speculatione digna. Ac primum jam à nobis dictum fuit tubum aquâ plenum & inversum, ut C. C. aptari in machinâ solitum, quod dijudicari possit, an omnis è vase B. quod recipiens vocant, aer eductus fuerit: tum enim aqua è tubo in vas subiectum omnino delabitur. Jam si aqua per diem, aut 12. horas, vel hydrargyrus per aliquot dies in machinâ exhausta relinquatur, omnium aere aqua vel hydrargyrus exurgatur. Si tubum aquâ expurgatâ, vel hydrargyro, iterum impleveris, eumque in vas subiectum inverteris, tum exhausto è recipiente B. aere, aqua vel hydrargyrus non deciderit, sed in tubo manebit pensilis: tumque non aer exterior, qui nullus pendè est, liquorem suspensum tenebit. Quid, quod in Angliâ hydrargyrum usque ad 77. digitorum altitudinem in tubo suspensum tenuit D. Boyle: ac ne tum quidem deciderit, cum tubus extra vas subiectum, & hydrargyro plenum sublatus fuisset. Cum autem ex aquâ, vel mercurio, tractu temporis quasi aeris bullulæ egerantur, & in summam tubi partem tolluntur, tum liquor deciderit. Idem evenit machinâ aliquantulum successâ, Ratim enim aqua, vel hydrargyrus, in vas subiectum delabitur.

## VIII.

Hujus phænomeni tam mirabilis causâ D. Hugenâ asserit rationem; quod præter externi aeris pondus, quod hydrargyrum ad 27. aut 28. digitorum altitudinem attollit, alia sit longe subtilior materia, quæ vitri poros pervadit. Sed propter solidiores vitri particulas non satis confestim ligitur, ut liquoris partes divellat. Quæque vitrum tangunt, hydrargyri, vel aquæ particule, minus ab eâ substantiâ premantur, quam quæ in vase subiecto hujus ætheris impressi onæ patent. Idem enim pendè accidit, ac si duas lamellas ex marmore terfas, & politas, sed crebris pertusas foraminulis, cuidam liquori innatantes, & sic motu sibi aptatas animo finxeris, ut plures unius partes solidæ alterius foraminulis respondeant. Tum sanè liquoris particule huc, illuc agitate, utriusque laminæ extimas superficies premere, & unâ compingere molentur: quare una alteri lamellæ adhærescet, sedè ut duo marmora exquisitè polita sibi mutuo conglutinantur, quod ab aere ambiente premantur undique: neque aer, qui inter hæc subit corpora, valeret ea divellere. Non aliter sanè, ut vir eruditus D. Huet explicat, aquæ vel hydrargyri expurgati partes sibi & vitro contiguae, ut totidem lamellæ se se mutuo sustinent.

## IX.

Successâ vero machinâ statim aqua tubo conclusa deciderit, vel quod eo motu, quæ fuit antè partium contiguitas tollitur; vel quod æther nimium antè disiectus hæc successione alibi colligatur, & subiectas aquæ partes deprimat. Fieri etiam potest, ut partes liquoris agi-

tata novum aëra procreant. Huc adde suspensum liquorem in tubo tamdiu remanere, quamdiu ab ambiente corpore non premitur, aut certe pressio ipsa debilior est. Sed ubi motus accesserit, jam partes liquoris gravitant, unde forte quis colligeret, gravitatem à pressione, & motu illius ætheris, aut subtilioris aëris proficisci.

Quare aqua in tubo, etiam exhausto aëre, suspensa manet, quod minus in tubo ab aëre prematur, quam quæ in subiecto vase continetur. Eam verò ætheris pressionem cum multa alia, tum illa duo Clariss. Hugenii experimenta maxime confirmant. Primum est, aquam in machinâ exhausto aëre per syphonis, seu tubi inflexi, crus longius, continenter fluere. Alterum duo marmora levigata etiam educito omni aëre, sibi mutuò pertinaciter adherescere. Contrarium quidem videram Londini in machinâ D. Boyle. Nam educito aëre statim marmor inferius à superiore divulsus est: verum id eò accidit, quod spiritus vini, aut olei interjectu duo illa marmora quodammodo essent conglutinata. Nec mirum, si ex oleo, vel spiritu vini bullæ acreæ statim emerferint, quæ vi elasticâ, aut ab æthereâ substantiâ dilatata corpora antè coherentia disjunxerunt.

Totum igitur, quod circa nos est, fluidum ex triplici potissimum materia constat, ut supra ex viro Clariss. D. Perrault exposui: nempe ex crassiore aëre, qui ultra atmosphæram non attollitur; huius & gravitas, ut vis elasticâ satis nota sunt; illius partes pro ratione incumbentis ponderis comprimuntur. Nam si folliculus aëre impletus à pondere aliquo, puta centum librarum, comprimatur, à duplo pondere pressio ipsa dupla futura est. Sic in Toricelli experimento, quod residuum est aëris, si subiectum hydrargyrum ad 2. digitorum altitudinem deprimat, ubi pars tubi vacua duplò minus fuerit, hydrargyrus duplò plus descendet.

2. Aër subtilior corpora quæque subiecta premit undique, ut supra diximus, hinc forte tam firma corporum adhesio, & vis elasticâ; cum in crassiore aëre, tum in firmis corporibus. Ingens illius esse pondus, atque in immensum ferè spatium extendi, ex iis, quæ dicta sunt, licet colligere.

3. Est æthereâ substantia, in quâ motus omnia perficitur; hæc pondere omni, & vi elasticâ destituitur, sed omnem forte motum procreat.

Quæ sint huius aëris qualitates, alii viderint: res enim est tota in conjecturis posita; maxime frigidum esse, hinc forte colligi posset, quod hyeme frigidior est aër, què purior, atque à terræ halitibus liberior; in mediâ aëris regione nubes frigore, & nives, & pluviz

X;

XI.

con-

concreſcunt: quò ær etiam fervidus atrium longius percurrit, hoc frigefcit magis. Nónne ær, quem ore tenui filo reddimus, manus refrigerat: contra evenit, cum patulo ore, & multo anhelitu gravis egrreditur. Multa ejuſmodi afferri poſſunt, quæ ingenitum eſſe ætheri, vel æri puriori frigus, ut quiddam probabilius ſuadere videantur.

Præter eas qualitates, quæ in ære nobis ſunt utrunque perſpectæ, cujuſmodi ſunt illius gravitas, vis elãſtica, fluiditas, aliæ ſunt. *Conjectura circa occultas quasdam aëris qualitates.* plurimæ, & magis abditæ, ut fuſè demonſtrat illuſtris D. Boyle in nuperrimo opusculo, quòd de hoc argumento Anglicâ linguâ conſcripſit, quodque pro ſua humanitate paucis ab hinc menſibus ad me miſit. Multis rationibus in eo tractatu oſtendit ærem commune quoddam eſſe velut emporium, ubi cælum & terra ſuas, ut ita dicam, exerunt nundinationes: effluvia quippe è ſubterrancis indefinenter erumpunt: uti planetæ, & fortè ſellæ fixæ alios effluxus continenter in terram demittunt, quibus ær imprægnatus, multa efficit, quæ vix aſſequi poſſumus. Sunt enim plurima in terræ viſceribus ſoſſilia, quæ nobis incognita, peculiareſ habent effluxus. An lunæ & aliorum planetarum partes, quas teleſcopio utrunque detegimus, nulla penitus emittit effluvia? Sæpè evenit ut atmophæra ſubito, & citra manifeſtam cauſam gravior appareat, nec fortè id aliunde quàm ex turmâ effluviolorum repente erumpentium proficiſcitur. Quid, quòd vis illa æris adèò diſſolvens, quâ ferrum & cuprum exedit, cum ille ſit omnis penè ſaporis & odoris expers, non aliunde quàm ex illis ducitur effluviis: quòd enim ær qualitatum vi non præſtat, id mole ſua, & continuò affluxu poteſt efficere. Nec mercurius ipſe, quî metallâ exſolvit, manifeſto ſapore, aut odore ſe prodit. Nec dubium eſt, quin ær ſalinis & ſulphureis particulis abundet, quibus & duriffima quæque exedit corpora. Sic è marcaſitis ſolidioribus, vel in ære ſiccoſ affirmatis, partes quædam vitriolicæ, & ſplendidiores efflorefcunt. Hinc etiam teſte Agricola, terra aluminofa æri expoſita, uti & nitroſa æri expoſita, alumine, aut nitro quo jam fuit orbata, denuò imprægnatur: ſive ſal ille ex ſuo velut ſemine per maturationem quandam prodeat, ſive ab ære attrahatur; adèò ut quiddam ſit in ære, quòd in varias rerum naturas faceſcat. Utcunque ea res ſit, id experientiâ conſtat, eam eſſe vim in ære, quæ flammam, quæ vitam animalium tucatur: quæ ex calce, & gypſo nitrum; è marcaſitis vitriolum eliciat; quæ duriora quæque corpora interdum emolliat, aut fragiliora efficiat, quæ fixis corporibus volatilitatem quandoque impertiat: ſic antimonium diaphoreticum,

reticum, quod, scilicet sudores ad summum excitat, aeri expositum plerumque emeticum evadit. Hinc D. Boyle ex indutrio artifice se accepisse testatur novaculae à chalybe damascena factas, plerumque aliis esse deteriores, nisi per aliquot annos aeri exponantur. Nihil addam de vitriolo calcinato, ex quo oleum & sal penè omnis ex magna ignis vi sunt extracta, quod tamen aeri expositum & novo salis proventu & pondere ipso augetur de his enim alius erit dicendi locus.

Neque id abhorret à vero in aere, ut in nitro spiritum quemdam subtilem, & actuosum, qui inter ignera & aerem ambigat, vigere, quocumque is appelletur nomine, aut nitro acreus, aut nitrum volatile, aut spiritus universi, mihi perinde est. Aer hoc spiritui destitutus nec flammæ alendæ, nec vitæ animalium est idoneus; hinc tam citò flamma in vase occluso extinguatur, nec in machina pneumatica sulphur, aut alia res combustibilis speculo ustorio accenditur, nisi pulvis pyrius, qui nitroso hoc spiritu non destituitur. Nec forte id aeri, qui nitro includitur, tribuendum est, licet ingenioso viro aliter videatur. Cum enim spiritus nitri acidus salii fixo, qualis est sal tartari, affunditur, ac nitrum ex utriusque conjugio etiam in machina pneumatica prodit, vix probabile est, tantum aeris nitrum subire. Quare illud facile assentiar eruditiss. viro Joan. Mayou, magnam partem effectuum naturalium huic spiritui, quem Nitro-aereum appellat, esse referendam. Hinc enim, ut diximus, vita animalium, flammæ accensio, imò calor omnis, fermentatio, plantarum vegetatio dependent; sed hæc suo quæque loco. Interim id monuisse satis fuerit, illius spiritus partes rigidas, & mobiles, & solidas vim elasticam aeris aut efficere, aut certè non mediocriter promovere. Unde si candelam accensam intra aquam sic immerferis, ut ellychnium, supra aquam ipsam uno aut altero digito emineat, ac cucurbitam vitream & amplam ita invertas, ut aquam subjectam paululum subeat, aqua intra cucurbitam ascendet, quod aeris inclusæ partes illæ nitrosæ à flammâ evolutæ, aut consumptæ reliquum aeris multum debilitatum relinquant. Hinc aer flammæ proximus his partibus solidis, & rigidis destitutus fit debilior, nec valet proximi aëris pressioni resistere; sic novus continuo ad flammam aer accedit.

Quocirca id non aegrè concederem, non aliud quiddam esse ac non nobis circumfusum, quàm effusivæ terræ, aquæ & corporum, quæ terrestri globo continentur, cum illo spiritu nitro-aereo conjuncta; unde & forte novus aer indefinenter procreatur. Argumento erit

illud

A a a a

iusd experimentum, quod a viro doctiss. mox laudato asseritur. Vas aqua & spiritu nitri implet, cui lagenam inversam penitus immergit, sic tamen ut illius collum aliquot globuli chalybei occudant, qui paulatim ab aquâ subiecta, & corrosiva ita exeduntur, ut vaporibus lagena impleatur. Sed ubi ea defuerit agitatio, & lagena usque ad subiectæ aquæ superficiem sublata fuerit, tum quartam ferè illius partem novus aer implebit; cum machinæ pneumatice lagenam unâ cum suo aere recens producto imposueris, tum hunc aerem eadem vi elastica præditum comperies; sed animalia in eo tandiù non vivunt, quandiù in communi aere, novus quippe ex rigidis ferri particulis, & nitrosis aquæ corrosivæ præcreatus, non satis vitalibus, & nitro-aëreis particulis ditescit, ut vitam animalium fovere possit.



## CAPUT QUARTUM.

## De Aqua..

I.  
*Aqua natura.*



Equuntur duo mixtionis principia omnibus notissima, terra nimirum, & aqua: de hac primum dicendum arbitror: nam & resolutione est prior, & majorem cum aliis elementis videtur habere cognationem: adeo ut non desint, qui nullum præter aquam esse elementum pertendant: cum ea gignendis, & alendis corporibus una sufficiat, ac nullum ferè corpus in aquam ultimò non resolvatur. Quod utique l. i. de corp. affect. variis experimentis ut probabile, & non contemnendum attulimus. Quamquam vix concipi possit, quomodo ex uno principio tanta rerum varietas oriatur; aut quâ arte terra & ignis, ut alia mittam elementa, in aquam facessant. Ut fortè omnia elementa, (terram excipio) in liquorem quemdam abeant, non idcirco aquæ naturam, aut speciem induunt. Ac nescio an aqua in rerum naturâ omninò pura, atque ab omni alio secreta elemento inveniri possit: cum aqua pluvialis, quæ naturæ artificio distillatur non modò putrescat, quod in corpus simplex non cadit; sed etiam ex sevaria gignat animalia. Jam quanta est in aquis saporum diversitas: an hi omnes ex uno principio ducuntur? Quid quod aliæ sunt limpide, & graves: aliæ lutescæ, & leviores, atque ex omnibus ferè triplex salis genus, fixi, nitrosi, & volatilis elicitor. Nulla non aliquid terræ continet: quin etiam stillaticie nonnihil habent sulphuris, & salis & spiritus admixti: nam omnis omninò aut saporis, aut virtutis

virtutis expertes non sunt, ac difficile est laxato mixtionis vinculo, id quod in aliis elementis jam resolutum fugam parat, non unâ egredi. Est quippè (ut ad id, quod propositum est, tandem accedam;) aqua omnium ferè elementorum commune vehiculum: cum nullo ita pertinaciter cohæret, quin ignis vi statim excedat. Ubi copiosior est, activa quæ sunt principia longius à se invicem dissita, minus videntur. Hinc mixtum frigidius, & languidius habetur; facile putrescit, quod resoluta salis, sulphuris, & spiritus corpuscula citissimè discedant: nullo enim arctiori vinculo tenentur. Contrà ubi aqua deest, activa quæ sunt elementa propius admota se se mutuo complexu stringunt arctius, & nisi fortè mutuâ actione se consumant, in longius sunt ævum duratura. Nec tamen tum mutuo attritu putrescunt: sed magis solent paulatim marcescere; verum de putredine postea. Id unum addam vix elementa, vel principia etiam activa quicquam moliri, aut vires suas promere, nisi aqua diluantur: hæc enim illa quodammodo separat, cum mutuis amplexibus irretita moveri non possint.

Jam difficile dictu est quibus constet aqua corpusculis. An fortè, ut videtur Cartesio, partes illæ, quibus aqua compingitur, tenues sunt, læves, flexiles, lubricæ, atque aliæ aliis more anguillarum incumbunt, & repunt. Sic enim facilius fluunt, cum à subtili materia continentur agitantur: & quò sunt tenuiores, hoc citius ab illâ celesti substantiâ quaquà versum moventur: hinc spiritus vini nunquam concrevit in glaciem. Mitto ex his principiis facile explicari quomodo aqua in vapores explicetur; dum scilicet illa, ex quibus componitur, filamenta, fortiori calore evolvuntur: Quomodo subtilis corporis cuncta permeantis excessu congeletur aqua: cur ferrum candens aquâ temperatum durius efficiatur? Quod ut in glacie, sic in ferro particulæ jam calore dilatæ repentino aquæ frigore fiant rigidiore: ista enim partim jam in alio loco explicata sunt, ubi rerum qualitates persequemur.

Placet aliis aquam esse corpus in atomos resolutum: sive ex sint omnino indivisibiles, ut visum est Galilæo; sive sint puncta physica, aut rotunda, aut cubica: hic enim magnus patet conjecturæ locus. Quod autem partes aquæ nullo inter se vinculo nectantur, hinc intelligimus, quod facillimè separentur; quod omnes velut ad libellam constitutæ, æquabilem & nullo loco superiorem habeant superficiem. Nam acervus quidè tritici, cum ex granis majusculis constet, in cumulû facile congeritur, quæq; superiora sunt, decliviorè locû non continuo petunt; jam minutissima arena longè minus assurgeret. Cum igitur aqua nullû tumore, nullû hiatus pati possit, videtur esse in suas atomos pene resoluta,

etiamque esse cubicas nonnulli verisimile putant, quod nullos, vel paucissimos admittat poros: unde nec comprimi ullâ vi potest: imple enim tubum ferreum aquâ, & embolum, vel cochleam impone, hanc intra tubum adiges nunquam. Illud tamen longè credibilius aquæ particulas aut sphaericas, aut teretes & oblongas existere: cum intar pulveris facillimè separentur. Quod si aut cubicæ, aut alterius essent figuræ, vix à se mutuo divelli possent, ut ex iis, quæ supra diximus, planum sit; nam illud satis est verisimile, duritiem corporum hinc magnâ ex parte oriri, quod eorum particule secundum planas superficies se se contingant: unde fortius à subtilioris aeris mole comprimuntur, ut superius ex viro cl. ostendimus.

## II.

*Cur aqua  
gutta glo-  
bosæ sunt.*

Quâ figurâ donentur aquæ corpuscula divinare non possumus: ea tamen non esse à se invicem disjuncta omnino crediderim, idque de aquâ communi tam certum est, quam quod maximè. Unde enim, quæso te, prodeunt tot bullæ, quæ in aquâ agitata formantur? An non hæ pelliculæ, quibus aer continetur, viscosæ sunt, firmæ, & tenaces? Non quæro unde illam uliginem pinguem aqua mutuetur, an ab ignis filamentis, an à sulphure; an pura aqua his omnino careret, nec compressa circa margines assurgeret, neque in guttas globosæ tornaretur? Nusquam enim aqua pura occurrit, & nullus est humor, cui hæc omnia non adsint. Esto, aqua pura nec congelari possit, quod spiritus adventitii hanc illi tribuant partium rigiditatem; nullo item calore, nullo sapore imbuatur: sed cur in globulos non assurgat? An quod illi deerunt filamenta pingua, & uliginosa, quibus tanquam claviculis foliorum, aut graminum poris affigitur? Cur igitur id omni humori, hydrargyro, vitro, & metallis fuis commune est, ut in globulos agitata tormentur. An potius, ut existimat Galilæus, roris, aut pluvie guttula globosæ sunt, quod ab aëre ambiente æquabiliter undique premantur; quodque aquam inter, & aera sit naturalis quædam dissensio, quam ex eo probat, quod rotunda illa guttula si aliam aquam, aut vinum attigerit, statim effundetur: id enim videtur fieri propter quamdam naturæ similitudinem. Sic aqua è phialâ oblongi, & angustioris colli inversâ non effluit: quod si os phialæ vinum subiectum attigerit, statim aqua descendet, & vinum sponte suâ quasi filatim ascendet. Ista sanè non omnino recipimus, cum certum sit roris, & pluvie guttas multâ exhalatione esse permixtas, neque eas, ut Galilæus putat, in atomos esse resolutas. Quare mallem ad interius quoddam vinculum, qualecumque sit, quam ad nescio quam antipathiam recurrere. Cum tamen, ut Mag-nanus fuscè explicat, non hydrargyrus modo, sed etiam vitrum, & metal-



metalla ad vibratam per tubum lucernæ flammam fusa, (tametsi ab igne, non ab aere premuntur,) rotundam figuram affectent; id non aliâ ex causâ oriri putat, quam ex eâ, quæ vulgò asserri solet, quod cujusque guttulæ partes eam figuram sibi querant, quæ toti aquæ communis est, quæque ad sui conservationem est maxime accommodata. Sic enim partes omnes circa idem centrum conglobatæ externis non patent injurils, & facilius se se tuentur: cumque sint mole perparvæ, communis illa ad centrum mundi propensio non vincit privatam, ut ita dixerim, sui ipsius tutelam; vix enim sensibiliter aliæ aliis præponderant: sed cum assusam aquam, aut vinum attingunt, cum his suâ sponte uniuntur, & jam mole majores sunt, quam ut inæqualem à centro mundi distantiam servare possint, tumque communis inclinatio, quæ gravitas dicitur, potior est. Hæc fortè defendi possunt, sed alias causas huic effectui propiores, & magis continentes reddere in proclivi est; vel subtilem Cartesii materiem, vel partes aeris volitantes, & jugi motu agitas. Nam quæ intra aquam est subtilis substantia, partes ejus movet, quæque centro sunt propiores, repellit, easque æquabiliter à centro cogit recedere: ut eadem subtilis primi & secundi elementi materia, quæ aquæ est circumfusa, partes guttæ nimium à centro distitas sic comprimit, ut quàm minimum obtinent motui, quo recedere à centro vorticis molitur. Sic partes aquæ insensibiles à subtili quod intus est corpore, à medio ad circumferentiam; ab exteriori contra ad centrum pelluntur æquabiliter, & globosam adeo nanciscuntur figuram. Sic enim subtilis corporis motum minus perturbant, quàm si partes quædam magis quàm aliæ prominerent. Idem dici potest de partibus aeris, quæ fluitantes in æthera aquam premunt æquabiliter, angulos omnes elidunt, ut quàm minimè obtinent ingenitis motibus. Cum liquoris partes sunt crassiores, & arcti micatus, ut in hydrargyro, guttæ fiunt majores, nec ab exteriori aere intus subeunte multum dissipantur: contra evenit, cum liquoris partes sunt tenuissimæ: nam ab externo aere in mille guttulas penè insensibiles dividuntur, ut in spirita vini certissimus, qui in aere penitus evanescit. Verum ista alio loco exposuimus: hic de aquâ, tantum, ut inter mixtionis principia numeratur, agere instituiamus: quæ ad illius gravitatem & motum pertinent eodem loco, diligenter, sumus executi. Illud tamen addendum mihi clariss. viri D. Perrault, quam supra exposui, valdè probari conjecturam, aquam in guttulas efformari, etiam cum crassior aer omnino abest, ut in exhaustâ machinâ pneumaticâ, quod à subtiliore aere prematur undique: nam magnum illius esse pondus multis argumentis ostensum fuit.

A a a a 3

Jam

Lib. 2. de  
corp. affect  
c. ult.

III. Jam ut aqua faciliè cum reliquis elementis, sulphure tamen excepto, permiscetur: ita corpora, quorum minus firma est concretio, permeat, & solvit; atque ex iis quædam velut ramenta, & minutias *Quæcor- pora exsol-* delibat, hoc facilius, quò aqua calidior fuerit, & mixta erunt laxiora. *vis aqua.* Nam aqua igne acuitur; sales imprimis exsolvit: vegetabilium omnium vires induit, & tenuiores partes longâ maceratione, vel incotione decerpit: ne metallis quidem parcat, maximè cum salium aculeis instruitur. Hinc ros, quem mensè maio colligunt, pluvia ipsa, aquæ acidulæ rebus dissolvendis maximè inserviunt, quod in iis sal quidam, aut nitrosus insit, aut volatilis. Quamquam enim vapores è terrâ, & mari sublatis magnam salis partem exuant, non tamen omni sale carent, ut ex ipsâ destillatione cernimus. Imò testantur nonnulli circa Narbonensis Galliæ littora, & aliis fortè in locis salern quemdam candore, & sapore eximium arborum foliis, & graminibus insidere, quod argumento est salern sublimari, atque unâ cum vaporibus efferri. Quod verò aqua res sulphureas & bituminosas non exsolvat, ea mihi videtur ratio, quòd sulphuris, vel olei corpuscula viscosa sint, & tenacia: nec possint ea molles, & teneræ aquæ particula perrumpere. Dispersas quidem, & male colligatas terræ, aut salis atomos amplectuntur, & tenuis spiritus persicillè dividunt: sed cum oleo non itidem miscentur, quòd forsitan hæc ramosis partibus sint valde irretitæ. Cum aqua sale semel imbutur, vix eum dimittit: nam salis atomos minutissimè concidit, seu aquæ plicatiles fibræ salis spicula involvant, ut videtur Cartesio; seu illa sustineant, serè ut aciculam chalybeam liquori innatare cernimus. Minus fortè est probabile salis corpuscula intra aquæ spatiosa omninò vacua condere: quandoquidem, ut antea diximus, salis accessione aqua intumescit. Sed tamen non abhorret à vero metalla, sales, quæque in humore dissolvuntur, poros sibi aptare, atque eorum velut foraminum partibus sustineri; adeò ut arctatis frigore meatibus, vel illis ab alio corpore tenuiori obsessis, solutum ipsum loco moveatur. Sic aluminis solutio urinam perturbat, & fæces ad imum præcipitat: hinc etiam acerosi coaguli accessione caseus concrescit: nam in urinâ maximè ægrotantium varia tum salina, tum sulphurea, tum etiam terrena corpuscula continentur, quæ quidem à sanguinis massâ unâ cum ferro foras expelluntur. Hæc non nisi longiore morâ subsidunt, maximè cum urina crassa est, & multo sale imbuta; aut cum altius sero incoquantur: tumque nec sale tartari, neque acido spiritu, sed aluminis dumtaxat solutione, quæ meatus astringit, aut loco moveri, & perturbari, ut se se dent in conspectum, aut præcipitari possunt.

Quan-

Quandiu enim calor, aut spiritus viget, cum meatus apertiores efficiat, & lumini transitum præbet, ac demum fæces sic agit, ut urina nobis appareat limpidior: sed cum frigus poros coarctavit, quæ urinæ innatabant corpuscula, ad imum protrudi necesse est; aut saltem, si leviora sunt, alia aliis implicata instar nebulae suspensâ manent. Sal verò toto liquore diffunditur, sed distillatione partim cum spiritibus, quæ perpauci sunt, exhalatur; partim in fluorem reductus tertio ignis gradu instar aceti extrahitur; partim in fundo remanet, quem si urgeas, in sublime ages. Quocirca difficillimum est saltem in urinâ, vel aquâ marinâ per solam præcipitationem secernere. Terræ quidem corpuscula cum sint crassiora, tractu temporis ad imum descendunt. Quare in lacte acetosi liquoris, aut coaguli penetrantis infusione partes crassiores extruduntur, atque agitatae se se mutuo implicant, & præ gravitate suâ subsidunt. Idque accidit: vel quod penetrans liquor per lactis meatus diffusus crassiora hinc corpora deturbet; vel quod eisdem poros contrahat; vel demum saltem, qui in lacte est, jam calore commotum ad fluorem sollicitat, quod fieri non potest, quin meatus antè caseosis partibus obsessi contrahantur. Butyrum verò ex sulphureis partibus vehementi agitatione sibi mutuo implicatis efficitur. Jam enim sal, spiritus, & sulphur discessum parabant: sal ad fluorem evectus in liquorem, qui ex butyro reliquus est, se se recipit, flores lactis sulphurei cum sint crassiores, exhalari non possunt. Itaque in lacte sunt caseus, butyrum, & serum, in quibus elementa omnia continentur. Sal fixus cum terrâ plurimâ in caseo remanet; sulphur in butyro cum sale volatili, & spiritu; aqua in sero copiosior est: easdem esse, aut consimiles partes in sanguine hic fusiùs dicerem, nisi analysim sanguinis in alium locum reservarem. Quocirca ut semel finiam, quæ aqua exsolvit, aut sunt volatilia, eaque faciliè profugiunt, cum laxior sit, & minus firma aquæ compages; aut si fixiora sunt, vel sponte subsidunt, vel spiritu acidulo, ut succo limonis deturbantur, aut albumini ovi, vel alteri viscoso humori adhærescunt.





## CAPUT QUINTUM

## De Terra.

I.  
TERRAM  
esse elemen-  
tum.

**P**ostquam cineres omni sale per aquæ affusionem spoliati sunt, restat terræ elementum, quod nec fluere potest, nec sublimari, neque ad altiotem gradum exaltari: hinc terra damnata, vel caput mortuum à Chymicis vocitatur; vel quòd omnis sit virtutis expers, atque ad nullos usus adhiberi queat, vel quòd in loco intimo subsidat. Nihilominus ad mixtionem corporum elementi nomine pertinet: nam suâ siccitate diffuentes humores, aquam imprimis sistit, activa principia, quæ si sola essent, minimè se se attererent, & temperat, & ab invicem disjungit: quæ plus satis sunt volatilia, figit, fluxa cohibet, ac rebus unâ cum sale firmitatem, & consistentiam tribuit. Utrum cæteris elementis gravitate præstet, in controversiam cadit. Negant enim plerique, & rem esse leviozem quò plus terræ continet, perducunt: plus terræ esse in scissilibrâ suberis, quàm in quatuor hebeni libris: experienciâ teste affirmant. Atque idem est de cæteris iudicium: nam ex lignis ponderosis multum salis, & aquæ, perparum terræ colligitur. Verum hi non advertunt, magnam esse in signis ponderosis olei copiam, quod multum terræ continet. Addunt terram vulgarem hydrargyro, qui maximè aquosus est, innatare. Negant terram, quam incolimus, cum terrâ elementari, quæ subit corporum mixtionem, confundi oportere: illa enim est corpus ex omnibus elementis compactum: idque fateri necesse est, cum tot succos gignendis plantis contineat; cum tanta sit terrarum varietas; cum denique ex unâ terræ librâ, si Stephano Claveo credimus; 4. aquæ, mercurii duæ, (salem fluidum cum mercurio confundit) tres salis, una sulphuris, & sex terræ elementaris uncie extrahantur. Quid, quòd sal longè præponderat. Nec omnino concedunt terram elementarem esse aquâ graviozem, tametsi fundum perit: nam si æquâ portione terra, & aqua misceantur, terra instar salis per totam se aquam diffundet, ut siccitate suâ aquæ humorem terminet. Cum major est aquæ moles, tum aliquantum terræ aquâ imprægnatæ ad ima descendit; neque tamen hinc necesse est aquam esse leviozem, cum vini spiritus non aquæ innatet, sed cum eâ confundatur.

Nec

Nec multum laborandum puto, quod dissidentes illæ sententiæ conciliantur. Non enim inficari possumus terram, & firmitatem; & consistentiam corporibus tribuere: cumque in terrâ, quam calcamus & in lapidibus sit uberior, patet eam esse aquâ graviorem; tametsi in hoc fortè à sale vincitur. Nam in metallis, ubi sal copiosior est, majus pondus, major firmitas invenitur. Nec abhorret à verisimili hydrargyrum multo sale, eoque fluido abundare. Vis enim illa penetrans, quæ metalla exsolvit; ejus in crystallos concretio, quando cum salibus in sublime agitur; illius denique confectio ex salibus fluidis, ut quidam perhibent, manifestum faciunt salem fluidum in hydrargyro esse potentissimum. Eadem est fortè & hydrargyri, & vitrioli origo, nempe lapis pyrites: isque, ut Geber testatur, est in marchasitâ unâ cum sulphure, sed ibi velat occisus, atque, ut ajunt, & mortificatus jacet. An verò insit huic commune fossilium materiæ, his notis investigat. Sublimata marchasita primum sulphur exhalat: tum aucto igne cœlestem argenti vivi colorem cum metallico splendore ostendit. Addit sulphur conflagratione citra sublimationem se se proderet. Postremo argentum vivum inesse colligitur, cum cuprum colore albo imbut. Quare non aqua, sed sal & terra tantum ponderis, & hydrargyro, & metallis imperiunt.

Et si illud verum est, terræ corpuscula esse fixa, & crassa, id tamen non præfractè negaverim, eam mixta efficere quandoque leviora: sive terræ atomi interdum rotundiores sint; ac plures aded. admittant poros, quam si cubicæ forent, aut oblongæ, ut aquæ corpuscula; sive ut arenæ granula inæqualibus angulis, & lateribus consistent, quæ ut permultos inducunt poros, ita corpus minus solidum, & compactum efficiunt. Nam mixta corpora, imprimis vitæ compotia, multis poris esse pervia necesse est, ut quæ superflua sunt excernant; quæ sibi apta sunt, & accommodata excipiant; exhaustum reparent humorem; ac denique mutua inter se exerceant commercia.

Quocirca utrumque fateamur oportet, terram esse gravissimam, & nihilo fecius levitatem sæpè inducere. Imò & firma, & in longum ævum duratura efficit corpora; eaque sæpè laxiora; & ad pusillam tremorem procliviora reddit. Cum salis, & sulphuris vacua spatiosa impler, & activa separat principia, ne plus satis offerata seipsa constent, & citius avolent, constantiam, & firmitatem rebus tribuit, easque à corruptione vindicat: maxime ubi cū sale, vel vehementiore calore conjungitur, tum enim nullâ ferè vi divelli potest.

Sic lapides & metalla diutissimè perseverant ; in illis terra , in his sal , ut multis placet Chymicis , primas tenet : atque ubi hæc duo elementa minutim concisa simul uniuntur , & ab aliis fugacioribus principiis soluta sunt , ut in laterum coddione , & vitrificatione cernimus , tum efficiunt mixta , quæ ab omni interitu , & dissolutione penè sunt tuta. In lateribus , & vasis fictilibus major est terræ quàm salis copia ; neque tamen omnis sal abest : nam aliquando sufficere patiuntur , ut in furnis calcariis cernimus ; neque ulla fusio citra salem perficitur. Contrà in vitro major est salis copia , quidquid reclamet vir in arte chymicâ clarus Davissionius. Existimat ille quidem citra salem , qui fusionem promovet , vitrum effici non posse. Eum tamen fusione peractâ totum extrahi putat : nam instar spumæ acris , & falsæ ollis innatat , & cochleari ferreo subinde educitur , eo ferè pondere , quo fuit in cineribus. Itaque videtur nihil aliud esse vitrum quàm terra purissima , quæ vi caloris penè cælestis evasit : ut spiritus nitrosus cuncta procreans , dum mixta corpora ingreditur , è cælesti in terrenam formè degenerat naturam. Enim verò id mihi persuadere non possum , nihil salis in vitro remanere : nam quis possent terræ corpuscula inter se conjungi , ni viscoso sale necerentur ? Nec video quâ ratione vitrum iterum fundi queat , si omni sale exuatur. Elegantiora quidem vitra ex arenis , aut lapidibus fluminum intus viro micantibus , sodâ , & magnesiâ parari solent. Itaque 100 libras sodæ , 200 arenæ albæ , quæ microscopio pellucida , & vitro prægnans conspicitur , magnesiæ sex uncias in furno reverberii excoquunt , reliqua ut artifices norunt prosequuntur. Jam quæro an quod erat salis in sodâ , aut nitro , aut alio sale factitio in spumam abeat : id sanè nemo dixerit. Est quidem illa spuma , quam sel vitri appellant , acerrima , & falsa , imò & amara , quem saporem à sale , & sulphure oriri puto ; nec totum salem , sed impurum , & sulphuri admixtum , & inutilem complectitur. Magnesiâ expurgando vitro , & perspicuitati conciliandæ adhibetur : secùs enim vitrum , aut viride , aut opacum , & impurum fieret. Quòd si major hujus lapidis quantitas apponeretur , vitrum foret purpureum , quod ubi acciderit , perparum salis tartari adjiciunt , hic enim abstergit , & alienos colores eluit. Neque illud inficior , magnam vitri partem in arenâ , aut lapidibus vitro micantibus actu contineri : sed neque omni sale caret , nec citra salem potest fluere. Ac necesse est ut minima salis corpuscula cum minutis terræ atomis accuratâ mixtione temperentur , quò illa perspicuitas , qualis est in crysallo , & vitro emergat.

Humor

Humor in vitro adest, sed viscosus, & contumax, quique non madescit, & ignis vires omnino despiciit. Hinc vitrum vulgò indissolubile habetur, nihil enim in se habet volatile, nihil quod concretionis vinculum possit rescire. Resolvitamen in suâ principia nihil prohibet, cum simplex non sit, & uniusmodi.

III:

Jam ut terra cum sale arctissimo nexu conjuncta rebus firmita-*Terram* tem, & stabilitatem penè indissolubilem confert, ita cum aquâ & cum aquâ aliis principiis non potest accuratè misceri, neque instar salis per & alius minima, ut ajunt, copulari. Hinc aditum ad corruptionem pate-*principia* facit: porosa enim & malè compacta efficit corpora; adeò ut malè minus per- colligata principia faciliè discedant. Quocirca Chymici terram, & tinaciter aquam esse corruptionis principia contendunt: nam ut ortus, vel *vehementius* generatio ex commixtione salis, sulphuris, & spiritûs, quæ activa sunt elementa, ducitur: ita mors, vel interitus ex eorum separatione proficiscitur. Hæc autem duo elementa, terra nimirum & aqua, laxiorem mixti compagem efficiunt: ita ut sal, quod vinculum est mixtionis, nec sulphur, nec spiritum à sugâ possit retrahere. Aqua imprimis, cum activa principia à se invicem divellat, adeò ut non possint mutuo implexu inter se devinciri; cumque sit admodum volatilis, vinculum mixtionis suâ sugâ referat, & volatilia elementa januis patefactis statim excedunt. Hinc quæ aquosiora sunt, quæque sunt compositiora, ut herbarum decocta, & phar- maca vulgari modo præparata perfaciliè corrumpuntur: essentia, & extracta, & sales, & olea cum sint simpliciora, diutius à putredine vindicantur. Ubi activa principia primas tenent, dummodò occlusis vasis servantur, diutius perseverant, ut cernere est in vino generoso. Sed de corporum resolutione, & interitu infra fusiori stylo differemus.



Bbbbb i

LIBER



## LIBER QUARTUS.

## De principiis Chymicorum.

## CAPUT PRIMUM.

*De principiis Chymicorum in universum.*

I.



Unc ea principia, quæ in corporum mixtione videntur primas tenere, quæq; micante ignis gladio solent separari, & oculis subijci, paulò accuratius pertractemus. Quanquam de his jam multa cùm libro superiore, tum in aliis operibus diximus: tamen hic locus magis idoneus videtur iis explicandis, quæ timide & hæsitanter alibi proposuimus. Ac meritò cùm illustri D. Boyle olim dubitavimus, an ea, quæ Chymici jactant, rerum principia, mercurius, sulphur, & sal sint in ipsis corporibus, uti se dant in conspectum; eaque sint in mixtis formâ, numero, statu, quæ separata exhibent? An potiùs ignis magna ex parte ea procreet? An pliusquam partium texturâ, figurâ, & motu inter se differant? An prima sint, an ex elementis composita?

II.

Illud enim nondum liquet, an quæ ab igne fit resolutio, partes ut erant in ipsis corporibus, nobis exhibeat, an earum dumtaxat mutet contextum, & figuram, ac novas rerum species ponat ob oculos. Itaque, ut alio loco diximus, partes, in quas ignis vi corpora resolvuntur, aliæ sunt volatiles, aliæ fixæ; quædam liquidæ, nonnullæ sicciores. Quæ sunt volatiles, & siccæ, & sapidæ, solent sales volatiles nominari; ut insipidæ, siccæ, flores appellantur. Quæ liquidæ & inflammabiles, olea; quæ penetrantes, & inflammari non possunt, spiritus; quæ sunt insipidæ, phlegmatis nomen sortiuntur; quæ fixæ & sapidæ, & sicciores, sales alcali; quæ insipidæ, terræ, aut capitis mortui nomen obtinent; meritò, inquam, dubitatur, an hæc antè fuerint in corporibus; atque ut in iis delituerint, an prima sint rerum elementa, an eadem ubique. De his quidem cùm nihil certi haberem, nihil constituti; placuit doctiss. & expertissimum virum D. du Clos consulere, qui mihi pro suâ humanitate, quid de his Chymicorum principiis sibi videretur

*Lib. 1. de  
corp. aff.  
6. 8.*

videretur, breviter aperuit. Quin, me hortante, & impulsore, elegantem hæc de re scripsit dissertationem, ex qua quæ operi nostro erant necessaria, decerpam.

Primùm illud sapienter animadvertit, hæc principia ab Hermeticis ad vulgus Chymicorum manasse. Cùm enim Hermetici in elyxi-  
 re suo minerali, seu in lapidis Philosophici magisterio tres velut  
 dotes, aut proprietas requirerent, ut facilis esset fusionis, ut per  
 facilem in corpora haberet aditum, ut vi tingendi donaretur, quò  
 imperfecta metalla in perfectiora commutaret. Huic consuecundo  
 corpora in fossilium genere quaesierunt, in quibus hæc dotes excelle-  
 rent. In sale vitriolico fusionem facilem, promptum in mercurio  
 minerali aditum, seu ingressum in corpora, & tincturam in sulphure,  
 quod è perfectis educitur metallis, invenere. Unde & ea magisterii  
 Philosophici principia esse dixerunt, scilicet nomen, mercurium, &  
 sulphur. Quæ recentiores Chymici vocum homonymiâ decepti ad  
 omnia naturæ mixta corpora traduxere, Hermetici verò tria rerum  
 naturalium principia posuere, Mentem, Spiritum, & Corpus. Quid  
 mentis nomine intellexerint, an cum Platonici mundi animam; vel  
 illius portionem; an quid aliud, non est hujus loci diligentius exqui-  
 rere. Id scilicet sunt opinati quiddam intelligentiæ & sapientiæ præ-  
 ditum in rerum procreatione, in plantarum vegetatione, & anima-  
 lium conformatione dominari, quod rerum ortus, & incrementa pro-  
 moveat, cuncta apud distinguat, & incertum quæque finem dirigat:  
 de quo quidem jam libro primo, quid mihi videretur, exposui. Spi-  
 ritus nomine ignem coelestem insinuarunt, unde vis omnis, calor,  
 vita, motus, in elementa, & mixta quæque corpora dimanat. Corpo-  
 ris denique nomine terram, aquam & ærem designarunt. Hæc cum  
 subjecti inertis, sterilis, & frigidi locum teneant, ab igneo spiritu ve-  
 getantur, & variè, ut ita dicam, modificantur. Hic enim corpo-  
 reis infusus elementis diversas induit formas, mercurii in aëre, salis  
 in aqua, sulphuris in terra. Quæ tria cùm sint mixtorum natura-  
 rum velut primitiæ, possunt utcumque aliorum corporum, quæ ma-  
 gis sunt composita, haberi principia.

Verùm hoc loco ea potissimum principia quaerimus, quæ sub sen-  
 sus veniunt, quæq; ex analysi corporum, aut certè ex affectibus se pro-  
 dunt. Analysis porro aut prima, & magis obvia, aut secunda, vel ex-  
 trema dici potest. In primâ analysi mixta corpora, ac plantæ potis-  
 simùm in partes liquidas, vel solidas resolvuntur. Quæ liquida ex-  
 ceunt, cum inflammari non possunt, vel sunt insipida, quæ phlegmatis  
 donantur nomine, vel sapida existunt, sive acres, quæ sulphurei spi-  
 ritus, sive sint acida, quæ spiritus mercuriales appellantur.

Bbbbb 3

Parv

III.

IV.

IV.

Partes inflammabiles vel sunt aquosæ, tumque ardentes spiritus; vel oleosæ, sive aquæ innatent, sive præ gravitate deprimantur. Hæ quidem balsama vocitantur. Quæ innatant vel sunt subtiliores, & spiritus oleosi dicuntur, vel crassiores, qui commune olei nomen retinent.

Quæ ex analysi occurrunt partes solidiores, vel in aquâ exsolvantur, & quæ sales appellantur, sive si sint fixi, sive volatiles; vel in aquâ dissolvi non possunt, & quæ terræ, aut capitæ mortui nomen accipiunt.

**V.** Hactenus de primâ corporum analysi; sed quæ extrema propè est, & juxta artis præscriptum perficitur, multo est operosior. Itaque in hac analysi, aut liquores, aut sales iterum in partes simpliciores resolvi possunt. Qui flammam non concipiunt liquores, & saporis non sunt expertes, si sint ex eorum genere, quos mercuriales diximus, in phlegma insipidum, & salem tandem abeunt; si sint sulphurei, & acres, in phlegma, terram, & salem ultimò resolvuntur. Non dissimili ratione, qui inflammantur liquores, si sint aquosi, cujusmodi est vini spiritus, in salem & phlegma; si oleosi, & simplices, in phlegma, salem, & terram; si sint admodum crassi, & balsamici, in spiritum acidum, in quo phlegma, & sal occurrunt; in oleum quod, ut diximus, ex phlegmate, sale, & terrâ componitur; in salem denique cum terrâ permixtum resolvi possunt.

**VI.** Sales denique volatiles in phlegma, oleum, quod ut dictum est, ex phlegmate, terrâ, & sale constatur, in terram denique faciunt. Qui sunt fixiores, ex phlegmate & terrâ coaluere. Quæ quidem non dubiis conjecturis, sed certis experimentis magnâ ex parte sunt comprobata. Quare in extremâ, & Chymicâ corporum analysi, aqua seu phlegma, terra & sal ultimò remanent, quæ nunquam ad simplicitatem elementorum perducuntur. Nunquam enim aqua citra insensibilis terræ particulas, nec terra sine sale occurrit: nec sal terrâ & aquâ omninò destituitur. Ac fortè ab igne invisibili suum saporem mutuatur, ut liquores, aut aquosi, aut oleosi vim omnem suam à sale deprimunt. Hic primùm ab igneo spiritu produciuntur, & ultimò destruitur. Sed de sale, uti de aliis Chymicorum principiis ex mente clariss. viri dicturi sumus, cum Chymicorum principia sigillatim exequemur.



## CAPUT SECUNDUM.

## De Mercurio.



Equitur ut Chymicorum principia sigillatim persequamur. Et primum de mercurio, vel spiritu dicemus, de quo quidem non constantissime loquuntur Chymici. Interdum quidquid volatile est, spiritus nomine insigniunt; aliquando mercurium vocant spiritum acidum, & penetrantem, qualis in aceto plurimus est: non desunt, qui aquam stillatitiam levi corporis mixti tincturâ imbutam mercurium appellant. Nobis olim tutissimum videbatur plures aucthores sequi, & mercurii nomine eos designare spiritus, qui potissimum vigent in plantis, & animalibus, atque in fermentatis liquoribus, ut in vino, cerevisiâ, omnium primi distillatione separantur: sunt enim ætherei toti, omnino volatiles, & nisi eos crassiora retineant elementa, brevi in auras evanescerent: ex iis motus serè omnis, vita, & vires cuique rei insitæ magnâ ex parte oriuntur; in mineralibus si qui sint, qui pauci sunt, crassioribus elementis sepulti, vix sui copiam faciunt. Plantæ ut plurimum frugiferæ, quæque flores suaveolentes fundunt, spiritibus abundant; sed nusquam uberiora sunt, quàm in sanguine animalium. Nam è succis plantarum, & animalium, quæ nobis sunt alimento, copiosi spiritus, primum unâ cum chylo, deinde cum sanguine sæpius ad cor remeante, ita fermentescunt, ut in vitales, & animales spiritus vitæ, motûs, & sensûs opifices (si claris in philosophiâ viris fidem habeamus) exaltentur: illi magis sulphurei, & pinguiore sunt; hi sale ditantur volatili.

Alii mercurium confundunt cum sulphure, quod utrique, & calor, & motus, & volatilitas conveniant; adeo ut spiritus nihil esse videatur, quàm pars sulphuris purior, quæ idcirco statim inflammatur: neque ignis pabulo quicquam nisi oleosum, & sulphureum esse potest. An fortè sal volatilis, qui in spiritu copiosus invenitur, est aliud à sale fixo principium? Quorsum ergo ætheream illam, & velut quintam sulphuris essentiam longâ fermentatione extenuatam à pinguiori, & aliis elementis, magis implicato sulphure dirimes? Nisi fortè velis spiritus salis, aus terræ vinculis irretitos, neque amplius ad fugam succinctos propriam naturam exuisse. Quis nescit varios esse principiorum status? Aliquando ita sunt fixa, & aliis impedita,

ut

I.

Quid mer-  
curii no-  
mine Chy-  
mici desig-  
nent.

II.

ut nullâ vi ignis evolvi queant; interim magis explicata jam vires suas exerunt; nonnunquam ita exaltantur; ut fugam capessant: primum statum fixationis; secundum fusionis; tertium volatilitatis appellant.

Cum igitur sulphur in erudis fructibus sit fixum, & quodammodo aliis elementis oppressum; in iis verò, quæ ad maturitatem tendunt, jam quasi sulcus odorem suum spargat; grato colore saturetur, & sapore dulcescat; ac tandem ita luxurietur ut in putredine discedat, vel post fermentationem tumultuetur, & fugam, ac mixti corporis dissolutionem minetur, ut in musti effervescentiâ contingit. An non idem est sulphur, quod ubi fixum est, cruditatis; cum solum maturitatis; cum demum est volatile, putredinis, aut dissolutionis effectus promittit? Detrahe ab oleo pingui, & sulphureo viscosam illam fuliginem, quam ignis adustione ex terræ volatilis, & salis contagio traxit, quæque efficit ut aquæ innatet, jam erit purum, & æthereum totum; idque adeo spiritus nomen merito sibi vindicabit.

## III.

In anatomi  
hepatis  
c. 39.

Glissonius, & alii plerique duo spirituum genera distinguunt: alii sunt pinguioribus, & sulphurei, quales ex rebus oleosis, ut ex cinamo eliciuntur; alii sunt salini, & aquæ speciem præbentes, quos ex vino, pomis, atque ex aliis plantarum succis post longam fermentationem extrahimus; in illis, inquit, sulphur, in his sal volatilis prævalet. Multum profecto inter saltem, & spiritum vinosum, ut inter pinguem spiritum, & sulphur convenit, sed non continuo, ut putant, ambo spiritus à sale, & sulphure suam ducunt originem. Nam inter distillandum uterque spiritus primum avolat: phlegma subsequitur, tum oleum, quod tertio ignis gradu propelli necesse est: tandem sal vix igne aperto potest in spiritus acres atolli. Magno igitur intervallo oleum à spiritu; & longè majori sal ab eodem spiritu sejungitur. Tamen fatentur nonnihil olei, vel salis volatilis una cum spiritu erumpere. Accedit illud quoque vel maximum, in fossilibus, atque aliis fixis corporibus; ut in pyrite, communi sulphure, antimonio multum sulphuris, perparum spiritus inesse: nec sulphur in illis tumultuari, aut exitum sibi querere, aut facile exhalari: eaque corpora levi calore distillata; nihil quàm phlegma aut spiritum acidum præbent. At ubi spiritus copiosi sunt, otiosi non manent; fugam meditantur; lento balnei calore profiliunt; adeo ut toto genere ab oleo, & sale differre videantur. Oleum enim cum sale, & terrâ ultrò coheret, non item spiritus, qui libentius cum aquâ, & sulphure, quàm cum sale fixo socius inhi; longâ tamen consuetudine, & sal spiritum figit, si prævalet, ut in fossilibus evenire

verisimile

verisimile putant, aut spiritus vegetior soles efficit volatiles, ut in animalibus, & potissimum in sanguine, & urinâ cernimus. Jam ut id concedatur, spiritus pingues, & oleosos nihil à sulphure dissidere: illud sanè dari non posse arbitrantur, spiritus acidulos, & mercuriales, qui in fructibus acidis, ut in aurantiis, pomis, & vino sunt uberiores, nihil quàm sulphuris, aut salis velut purissimos flores existere. Pingues spiritus magis nutriunt, & calefaciunt: unde oleo similiore videntur; mercuriales verò summè volatiles cum sint; minimè adhærescunt nutriendis partibus: sed prostratas vires erigunt, & animales spiritus, cum quibus magnâ societate junguntur, mirum in modum corroborant. Hinc caput tentare, ut pingues & oleosi non solent: sunt enim frigidiusculi, tametsi impensè volatiles, & ad motum celeres existunt: cerebrum quippè, & nervi, quibus hi spiritus sunt amiciores, intensiorem non ferunt calorem. Quocircâ faciliè iis assentires, qui spiritus animales eosdem esse mercuriales volunt; neque caloris vi, sed substantiæ tenuitate sursum ferri arbitrantur. Nihil enim æquè hos animales spiritus juvat, ac succi aciduli ex citris, limoniis, atque aliis ejusmodi fructibus, qui multo mercurio perfunduntur, extracti. Vina acidula minùs inebriant, & calidiora quæ sunt, cum succis acidis temperantur, mentem minùs turbant. Contra evenit cum saccharum, & dulcia quæque vino permiscuntur: nam ut sæpè diximus, spiritus dulces & sulphurei, non item aciduli, & vivido sapore præditi spiritus animales confundunt. At quorsum spiritus supera capessunt, si minùs quàm oleosi fervent? Id fortè evenit, quòd spiritus illi mercuriales, & famelici longè sint subtiliores. Fors item est, ut constant duriusculis, & compactis velut spiculis, quæ obvia quæque penetrant, & ad motum sunt promptissima. Hæc igitur subeunt cerebri meatus, atque in nervorum tunicas manant, dum oleosæ, aut pingues, & ramosæ particule, quibus constant sulphurei spiritus, molli cerebri substantiâ retinentur. Quemadmodum oleum solet ab aquâ, aut spirituoso liquore per lanæ trajectionem separari: aqua enim percolatur, illud viscosum, & pingue lanam non permeat. Ita quidem non absurdè conjectatur Vethusius. Neque aliter spiritus in cerebro animalis, atque in alembico vinosi spiritus efformantur, ut præter cæteros perpulchrè D. VVillius demonstrat. Nam quòd in alembico capitellum, hoc idem calvaria os menyngibus succinctum in homine videtur efficere. Atque ut spiritus in ipsum usque capitelli centrum propulsi, & ibi coerciti radianim profluunt: (non enim, ut aqueus vapor instar rosis undique suffusi, statim concresecunt, sed subtiliores cum sint, usque ad fasti-

Cccccc

gium



grum alembici enituntur, ibique collecti repelluntur, & tanquam rivi ab eodem fonte ducti hoc facilius descendunt, quò frigidius offendunt capitellum:) sic animales spiritus unà cum sanguine per arterias sublatis, in supremâ corporis parte, sistuntur. Atque ut spongiam, vel quiddam aliud simile intra alembicum solent apponere, quò partes crassiores transitu arceantur, subtiliores solæ pervadant: ita cerebrum huic muneri natura præfecit, quòd molliori substantiâ solos transmittit spiritus, còsque per nervorum tubulos, quâsi per totidem rostra demittit. Nam cæcos nervorum meatus faciliè permeant, ut spiritus vini fidium, aut corii fibras pervadit: cum alii humores non nisi per apertiores tubos distillantur. Longi autem, & sinuosi arteriarum à corde usque ad cerebri conclave ductus, cum cerebri innato frigore conjuncti, permultum conferunt ad spirituum animalium procreationem: nam si rectâ pergerent, vix ab aliis humoribus secerni possent. Nunquam enim spiritus solitarii erumpunt, sed aquæ aut sulphuris laxiores partes secum efferunt.

IV.  
*Saris*  
*Objeſt.*

Quæ contra sunt allata, faciliè dissolvi posse arbitrantur. Quod nempe eadem sint & sulphuris, & spiritus affectiones, iisque calor motus eeleritas. & præceptis volatilitas juxta convenient: ambo æquè igni sint pabulo, adeò ut spiritus nihil sit quàm olei pars subtilior. Id enim concedunt, magnam inter spiritum oleosum, ac sulphur esse cognationem. Utrisque id commune est, quòd sui corporis ruinam moliantur: cumque sibi vi, & impetu exitum parare, alia quoque corpora dissolvunt, & laxatâ mixtorum compage congenere sibi spiritus, aut sulphureas atomos ad defectionem impellunt: nisi fortè crassiora prævaleant elementa: tum enim hæc fugitivos retrahunt spiritus, qui rursus calore solis, vel aliorum copiis aucti ex his velut carceribus nituntur erumpere, sed terræ & salis auctoribus laqueis detinentur.

Fatentur etiam sulphurea, & resinosa quæque ex vegetabilibus parata, ob naturæ similitudinem, & partium tenuitatem, faciliè à spiritibus oleosis exsolvi: tametsi mineralia vix spiritus vini delibat; nec sales fixos, aut quæ his abundant corpora, ut margaritas, & coralia, nisi aceto prius soluta, & longâ digestionem cum eo circumlata attingit, quæque ab aquâ solvuntur serè illæsa dimittit. Qui verò uberiore sale volatili acuantur spiritus, quales ex sanguine, fuligine, & cornu cervi educuntur, si mineralia quædam, & alia, quibus sal copiosior inest, fortius adoriuntur. Ista sanè omninò persuadent, vix spiritus ob omni vel sulphure, vel sale, vel aquâ solutos extillari, iisque cum sulphure magnam esse necessitudinem,

cum



cum oleosi sunt, & inflammabiles: ut faciliè cum sale confociantur, dum sale prægnant volatili. Subtilitate verò, & similitudine substantiæ vegetabilia, in quibus principia sunt laxiora, & minus fixa subeunt, & unà cum iis in pelicano (quod genus est vasis alembico non dissimilis, nisi quod rostra habet in ventrem reflexa;) aut in aliis vasis omnino oclusis contenti, vel cinerum, vel fimi equini calore adjuti, mobilitate suâ, eliciunt tenuiores, & puriores partes corporum, quas tincturas vocant, & sibi cognatis elementis onerantur. Ex iis sanè magna paratur remediorum copia: cumque spiritus prædâ suâ onustus, & cucurbitæ insusus leni calore exhalatur, vel ne pereat, distillatur, quod in fundo remanet, crassioris substantiæ, extractum appellant, in quo totius mixti vires colliguntur, idque in parvâ mole plurimum potest.

Quòd verò oleosi spiritus sint ignis alimento, id nequaquam, ut ipsis videtur, efficit quòd intendunt, nempe spiritus ab oleo, vel sulphure non differre: cum ignis spicula, aut subtilis Cartesii substantia, & spiritus, & sulphuris, imò aliquando salis & aliorum elementorum atomos eodem motu volvere, & agitare possint: nec necesse est, quidquid in alimentum ignis cedit, eodem genere contineri: cum ne ignis quidem unâ specie contineatur: uti nec forte cætera elementa: sed illa mittamus.

Qui spiritum nihil esse præter sulphur volatile putant, triplicem sulphuris statum, fixationis, fusionis, & volatilitatis pulchrè distinguunt, neque huic tam commodæ divisioni alii repugnant: sed easdem differentias in spiritu, ut in sulphure, & sale constituunt. Tùm fixi dicuntur, cum aliis elementis ita implicantur, ut ab his nullâ arte separari queant: in fossilibus quasi incarcerati, & retrihi manent: in fructibus itidem immaturis sub aliorum elementorum jugo velut depressi, diuturno tantum calore se se explicant. Cum fructus mitescere, & maturari incipiunt, jam crassa elementa, quorum pondere antè erant oppressi, spiritus subigunt, & agitatione indefessâ digerunt, extenuant, ac subtiliora tandem efficiunt: tumque itidem spiritus æquabiliter fusi, & ferè ab aliorum elementorum tyrannide soluti, medium fusionis, aut fluoris statum adepti sunt. Sed nequeunt in eo statu diu permanere: nam exaltati, & ingenitæ mobilitatis memores, ni retineantur, statim evolant: ut videre est in vino fermentatione peractâ, & in fructibus dum putrescere incipiunt: idem contingit in sanguine, qui nimium fermentescens, aut corrumpitur, aut instar vini vappescit. Quid enim aliud in vino, pomaceo, cerevisiâ, pane, & eduliis ferè omnibus, illam efficit fermentationem, ex quâ jucundus sapor, & facilis coctio oritur, nisi spiritus evecti, qui cum

V.  
Triplex  
spirituum  
status.

CCCC 2

fugam

fugam parent, aliis elementis coërcentur, tumque indignati exca-  
descunt; pars avolat, pars occlusis vasis retenta cum sale, & aliis  
principiis luctatur. Cumque ii spiritus latius se se explicant, tum  
majus affectant spatium: mox depressi, quasi sub crassiorum elemen-  
torum jugum mittuntur, atque humor statim detumescit, donec spi-  
ritus unâ cum sulphure & sale iterum erecti, novam effervescentiam  
creent, quæ cum nimia est, vinum, aut pomaceum, aut sanguis,  
aut alius liquor corrumpitur. Sed de fermentatione jam aliâs dixi-  
mus, & suo loco plura dicentur: nunc de sulphure agendum. Non  
enim possumus propositæ quæstioni de spiritu & sulphuris disci-  
mine satisfacere, nisi quæ ad naturam sulphuris pertinent, fuerint  
ante explicata.

### CAPUT TERTIUM.

#### De sulphure.

I.  
*Notio &  
natura  
sulphuris.*



ILLud sulphuris nomine intelligant Chymici, jam iden-  
tidem monuimus: id scilicet omne, quod cum pigue  
sit, & viscosum inflammari potest, aut ignem alere,  
sulphuris, vel olei nomine designatur. Partibus  
constat crassioribus quàm spiritus; tenaciùs quoque  
sali, & terræ adhærescit, & longè inajorem quàm spi-  
ritus cum sale habet affinitatem. Est enim utriusque tum salis, tum  
spiritus commune vinculum: minùs illi cum aquâ convenit: nec po-  
test cum eâ permisceri, nisi salis interventu: neque enim oleum in  
aquâ facilè dissolvi potest, nisi aut sale, aut saccharo imbuatur. Ra-  
mosas esse olei, vel sulphuris particulas non ægrè Cartesio assenti-  
mur; pertinaciter aliis elementis implicatur; neque sursum in alem-  
bico, ut spiritus, & aqua, sed vehementiori igne per retortam, in-  
clinatâ quidem, non rectâ distillatione extrahitur. Pars quidem sul-  
phuris subtilior unâ cum spiritu persæpè exhalat, & suavi odore se  
prodit; altera cum sale remanet, quæ nisi majori flammâ urgeatur,  
ab ætioris salis complexu divelli non potest. Utrumque olei genus  
è succino distillari aliâs diximus: illud pellucet, hoc adustum, & ni-  
gricans foetet: utrumque ex omnibus penè plantis duplex illud ole-  
um elici, ex analysi plantarum, quæ facta est in Academiâ facilè col-  
ligitur. E communi sulphure, camphorâ, & aliis ejusmodi vix oleum  
purum distillatione educes: sed in flores quidem aliquantò puriores,

NON

non resolutos tamen in sua principia efferuntur. E sulphure etiam communi sub campanâ accenso spiritus quidam acidus, qui forte à vitrioli spiritu non differt, attollitur, & vasis lateribus adhæret: quod reliquum est deflagrat. Cum enim partes sulphureæ ita sint copiosæ, ut terræ & salis interventu nec constringi possint, nec à se mutuò divelli queant, accensæ statim evolant, atque in flammam abeunt cœruleam: compages enim faciliè solvitur: neque alia elementa, quæ nec mole, nec viribus valent, ullas obijciunt moras. Itaque sulphuris oleum purum vix distillatione eruitur, quia ferè solum est: dissolvitur tamen à terebynthinæ spiritu, qui partium subtilitate, & naturæ quâdam familiaritate sulphuris tincturam excipit, dum interim sal in crystallos concrevit. Jam enim diximus sulphurea quæque à spiritibus, vel distillatis oleis faciliè dissolvi: sic vini spiritus scobem guajaci, aut alterius ligni ponderosi ita solvit, ut scobs ferè omni oleo exuatur, & frustra aliud oleum distillatione per retortam tentes prolicere. Quod sanè magne est argumento, id sulphuris, vel olei, non ignis vi à scobe, vel aliis corporibus educi, sed in iis actu existere. Quæ corpora sulphure, tanquam vinculo mixtionis colligantur, eadem à spiritibus vel oleis distillatis exsolvantur: adeò ut spiritus, vel oleum terebynthinæ ne mineralibus quidem sulphureis, ut antimonio, lapidi pyriti, & sulphuri parcat: eorum enim tincturis oleosis imbuatur, relictis salinis partibus, quæ ab aquis stygiis dissolvi solent. Cum tamen illa menstrua oleosa, vel spirituosâ partes dumtaxat tenuiores eliciant, quæ omnes occupant meatus; cumque laxiora sint, tum solventia, tum soluta, prædam suam dimittunt, & loco cedunt, ubi aqua quævis, vel stillatitia, vel communis affunditur: hæc enim tincturam poris menstrui solventis contentam deturbat, & præcipitem agit.

Cæterum id, quod omni ferè corpori inest sulphur, primum aliis elementis oppressum jacet: seu multâ diluatur aquâ, ut in ligno viridi; seu terrâ, & sale obruatur, ut in fructibus immaturis, atque in iis ferè seminibus, quæ primum sunt insipida, & postea dulcescunt: tumque fixum, & iners omninò delitescit: sed cum paulatim evoluitur, & superfluum aquæ humorem consumit, maturitatem unâ cum spiritu promovet; calorem auget; cruditates digerit, ut in ovibus, carnibus, pane cocto, & aliis eduliis cernimus: tum ad medium fusionis statum pervenit: talis in juventute; atque in bonâ corporum constitutione, in maturis fructibus status sulphuris emicat. Verùm ubi partes sulphureæ ita vigent, ut à reliquis solutæ, & quasi in libertatem assertæ fugam meditentur, tum volatiles factæ turgescent, & præcipitem agit.

& magnas in corporibus, ut in vino, & sanguine effervescentias excitant, quæ non sedantur; donec effrænes sulphuris particulae discesserint. Quod si una cum spiritu, vel aqua sensim exhalantur, tum res citra putredinem marcescit: sed ubi magna spirituum parte diffusa, sulphur sale aculeatum erumpit, tum ingens fœtor, & putredo consequitur: at si cum impetu sulphur erumpit, sæpè procreat incendium.

- III. Ista quidem cum scriberem de spiritûs, & sulphuris naturâ, & discrimine; ea esse, & prima, & distincta miscibilium principia verisimilius judicabam. Sed quæ superius de extremâ corporum analysi ex clarissimo viro attuli, me in diversum trahunt, & quidem memini, mihi olim ab eo ostensum fuisse spiritum vini purissimum, in aquam penè inspidam magnâ ex parte resolutum: adeo ut mihi vix dubitare liceat, spiritus ardentis ex phlogmate, & sale constari. Quin etiam cum in Academiâ Regiâ viderimus 10. uncias crassi & fœtidi olei, ex variis plantis extracti, per crebras distillationes sic rectificati, ut communis aquæ portio æqua semper adderetur: post 24. rectificationes aqua multo sale volatili imprægnata fuit exstillata. Nam & mercurii sublimati solutionem semper præcipitavit: magna quoque terræ nigra, & insipida portioeducta est: adeo ut duæ tantum uncia, aut circiter olei magis diluti superfuerint, quod rectificatum potuit in phlegma, salem, & terram adhuc resolveri.

- IV. Quæ cum ita sint, vix dubitare possumus, quin oleum, aut sulphur principium sit dumtaxat secundarium, ex aliis utique compositum: & quidem Helmontii sententia satis est verisimilis, rei cuiusq; speciem, vel crasim in eâ potissimum parte, quæ oleosa est, & inflammabilis, dominari. Quod pluribus demonstrare conatur D. Coxé, in Actis Philos. clariss. viri D. Oldembourg. Primum enim sales volatiles, in quibus præcipuè mixtorum vires sæpè insunt, oleo suo, aut sulphure exuti, penè sunt uniusmodi in variis corporibus, & ad elementati simplicitatem ferè revocantur. Sal volatilis oleum suum exuit, cum in vase oblongo sæpius, & leni calore sublimatur: tum enim oleum, vel in imo vasis subsidit, vel lateribus adhærescit: quo quidem sales destituti, vix ullo inter se discrimine sejungi, idem autor pergit. Qui & aliam quoque viam, quâ sales volatiles à proprio sulphure eximantur, & ad communem redigantur naturam, proponit. Spiritum salis aptè rectificatum sali volatili tamdiu affundit, donec nulla fiat amplius ebullitio, aut calor omnis desinat; tumq; abstracto phlegmate, cum quo non nihil salis minùs arctè conjuncti etiam avolat: quod remanet, in optimum salem Armoniacum sublimatur: qui

in

in pulverem comminuitur, & forti lixivio, ex optimo Alkali parato, affunditur: tum sal Alkali cum acido ardeam inicit societatem, & leni calore sal volatilis, ab omni oleo solutus in sublime agitur. Sed aer, ut diximus, omne salium volatilium genus, omni sulphure expeditum, continet, qui faciliè cujusque mixti naturam induit.

V.

Quare, ut huic Doctori videtur, plantæ cujusque vis, & quasi Epitome in ipso oleo, aut sulphure posita est, nec serè sulphur à spiritu dissidet, nisi quòd longà fermentatione partes olei sunt comminutæ, ac fortè minutioribus ramulis instructæ minùs adhærent corporibus, & faciliùs evolant. Rem ita esse, hinc licet colligere, quòd ex plantis antè fermentationem multum olei, nihil, aut perparum spiritus; post fermentationem parum olei, multum spiritus eliciatur: quod post longas digestiones, & iteratas distillationes, oleosus liquor sæpè abeat in vinosum spiritum, qui serè in omnibus est homogeneus, & uniusmodi.

VI.

Ex iis confectum videtur sulphur, & spiritum ardentem solà partium texturâ, non essentiâ, aut specie inter se diffidere. Ac faciliè viro elariss. D. du Clos assentiar, utriusque vim, ac totius mixti virtutem in sale volatili, & sulphureo potissimum collocari. Hunc si ab oleo detraxeris, nihil præter terram & aquam supererit. Hæc enim interpositu salis sulphurei arctissimè inter se devinciuntur. Sal volatilis est ignei spiritus domicilium, omnis adeò virtutis & actionis principium: hujus vim terrâ; & aqua temperant. Nam in aquosis liquoribus atque in oleosis, aqua simul & terra vim igneam salis sulphurei, & ignei plurimum infringunt. Sed in sale volatili ritè expurgato, nec aqua exundat, nec terra dominatur: in hoc sale cujusque mixti naturalis essentia, & via omnis potissimum viget. Quin & alexiteria hinc potissimum depromuntur; in plantarum seminibus, in sanguine animalium abundat maximè, ac principium vitæ in sale volatili sanguinis videtur constitutum. Igneus spiritus hos sales procreat, ex iis olea formantur, quæ in ignem tandem resolvuntur. Ignis quidem in omni salium genere dominatur, nec tamen sales inflammantur, quòd in iis ignis, ut loquuntur Chymici, concentretur. Quò igitur res inflammari possit, necesse est ut partes fiant subtiliores, ut in spiritu vini; aut certè ut ignis antè crassiorum elementorum, velut compedibus illigatus, & quasi captivus liberetur, atque, ut loqui solent, extrovertatur, ut in oleo, & sulphure: salem in spiritu vini ardente dominari, ex illius acrimoniâ faciliè colligimus. Olea quoque sale volatili abundare ex eorū analysi jam ostendimus, spiritum igneum quasi extroverti cū terrestris materia sit subtilior, ex multis plantis experimentis.

Aul.

Antimonium in tenuissimum pulverem comminutum ignem faciliè concipit, ubi speculum ustorium adhibueris. Cum funditur plumbum, si pelliculas, quæ subinde solent concrefcere cochleari detrahas, hæc folia citò inflammantur, cum plumbi massa flammam non concipiat. Sic ferri limatura ad candelæ flammam faciliè accenditur. Quare ignis cum aliquo elemento conjunctus si dominetur, ut plurimum spiritus nominatur, ubi cum aëre confociatur & prævalet, mercurialis dicitur; cum terrâ oleosus aut sulphureus; cum aquâ conjunctus salis nomen obtinet: in sale quidem regnat, sed cum minus liber sit, aut solutus, non continuò salem efficit inflammabilem. At vercor ne ista ad salis translationem pertineant.

## CAPUT QUARTUM.

## De Sale.

I.  
Salem esse  
actu in cor-  
poribus.

In lib. de  
met. & fos-  
silibus.

Lib. de  
fossil. c. 8.



Superest ut de sale quàm brevissimè dicam: neque enim hoc in loco mihi diu laborandum est, ut ostendam salem in mixtis corporibus non potestate modò, sed etiam actu contineri, atque ex eo omnem ferè generationem, compactionem, & pondus corporum, imò & sapores magnâ ex parte duci: cum hæc aliis in libris manifestata fecerim. Primum igitur illud tanquam certissimum, & multis argumentis firmatum statuunt Chymici, salem non esse terram adustam cum aquâ arctissimè colligatam, ut plerique Philosophi definiunt: sed cum ut terram, & aquam actu in mixto contineri, atque in principiorum censu esse reponendum. Falsum enim putant, quod identidem oggerunt Philosophi, non corruptione naturali, sed violentâ calcinatione nimirum, & incineratione corporum salem prodire: cum è fimo columbino, terris nitrosis, stabulorum pavimentis, antiquis rudicibus sal nitrosus solius aquæ affusione eliciatur. Plerique artifices tertiam ferè partem cinerum è lignis exsiccatis, & ponderosis addunt, & eo quidem modò procedunt, quo alibi diximus: nitro jam præparato, & in crystallos concreto, sal condiendis cibis optimus in fundo remanet: qui sane actu erat in corporibus? Quâ ratione id principium non erit, quod in fossilibus, lignis, animalium denique excrementis occurrit? Undè illa falsedo, quæ in urinis, & sudoribus se ostendit, nisi ex sale, qui alimentis inerat, & calore vitali solutus, ut quiddam inutile expellitur? Quod si abundet,

det, aut commodè excerni nequeat, is scabiem; tumores, ulcera, morbum articulare, fortè & calculum procreabit. Nec dissimile quiddam cernimus in vino fermentato: ille enim tartarus qui latera dolii incrustat, copiosum continet salem, qui spirituum vi, & motu, non adustione secernitur. Plantarum cineres suo semel exutos per lixivium sale quantum voles calcina, adure, ut novum salem extrahas, nequicquam sudabis. Quid demùm absurdius, quàm terram cum sale confundere? Hic aqua exsolvitur, cum ea percolatur, & filtro trajicitur; nihil horum terræ convenit, sed in fundo vasis hæc omnis virtutis expers, nulli ferè usui destinata subsidit. Quòd si, ut aiunt, sal adustione solà producit, cur in plantâ viridi & crescente copiosior est, quàm in sicca, vel efficta? Cur uberior in plantis, quàm in animalibus, cum in his plus insit caloris.

Quâ verò arte sal è cineribus, vel calcinatis corporibus elicitus, nihil necesse est dicere; cum res sit multò notissima. Plantam calidiorem, ut absinthium redigunt in cineres, qui per aliquot horas in aqua fervida digeruntur; hæc sale facta, panni facinâ, seu filtro è vase pendulo in aliud vas subiectum guttatim decidit: vel cineres aqua persasi per linteum triplex, aut chartam bibulam percolantur, idque bis, aut ter iteratur. Aquâ leni calore exhalatâ, sal in imo remanet, qui in aqua rursum exsolutus purior evadit. Sic tartarus alternis ordinibus, quod atratum super atratum vocant, unâ cum carbonibus dispositum, & accensum tum demùm extrahant, cum albus evaserit. Vel Chartâ includitur, quæ postea madefit; sic in ignem conjicitur, ut undique vivis carbonibus tegatur. Sicquæ per horam & amplius relinquitur. Hunc vase vitreo, aut fictili inclinato impositum in cellâ collocant, quò aër subeunte paulatim exsolvatur, atque in vas subiectum stillat: hic liquor salis, quem oleum tartari per deliquum soluti appellant, ad magnos usus adhibetur. Notum est quomodo sodam ex herba alcali in cineres redactâ conficiant. Mitto de aliis vegetabilium salibus dicere, quorum omnium eadem est ratio. Quòd si ad mineralia descendimus, quanta tibi salium varietas occurrit? Ac de iis ferè omnibus jam in libro de fossilibus fustis à nobis tractatum est; nec libet ea regerere. Id plane constat nec salem communem, nec salempetræ, neque alumen, neque vitriolum adustione, aut calcinatione procreari. Atque ut calore, & siccitate concreverint, non solo frigore, sed etiam igne intensiore liquefcunt.

Ex his salibus metalla coaluere, in eos demùm resolvuntur: nam id satis est probabile in vitriolo metalla, ut in metallis vitriolum

D d d d

deli-

II.

Quâ arte  
sal è cine-  
ribus eli-  
citur.

III.

De sale  
metallo-  
rum, ubi  
de vitriolo.



TRACTATUM  
de ratione  
artis.

delinescere. Hinc Raimundus Lullius docet atramentum croceum vim ferri continere; idem quoque in livescente vitriolo metallum regnat; ut æs in viridi; argentum in cæruleo; aurum in luteo, vel cæruleo aureis punctis, aut lincis micante. Ac metalla in aquis stygiis exsoluta isdem ferè se produnt coloribus. Neque id mirum nobis videri debet, cum una sit, persæpe & communis atramentorum, metallorum, sulphuris, & hydrargyri matrix, nempe lapis ille, quem Græci pyritem, Arabes marchasitam vocant. Lapidem accervatim ita disponunt, ut subeunti aëri permittatur aditus, quemadmodum in calcario lapide excoquendo observare solent: subiecto igne suâ sponte incenduntur: nam in iis sulphur copiosum est, quod ingrato odore, & flammâ se profert. Sæpè per aliquot menses durat incendium: quidquid erat in iis lapidibus metalli crudi, & immaturi unâ cum sulphure evolat: qui graviore sunt, & scintillas metallorum ostendunt, si funduntur in fornacibus, aut furnis, quò metalla, quæ in his lapidibus, ut vitrum in arenâ, aut silicibus, dispersa erant, fusione separantur. Reliqui lapides qui carent metallis, quique minùs ponderant, & nullas ferè scintillas ostendunt, in aquâ piscinam coniecti, & sæpiùs agitati suo atramento aquam imbuunt. Cum faeces subsidunt, & aqua limpidior facta est, tum eam in vasa plumbea reclusis ductibus derivant. Plumbea vasa præ aliis eligunt, quòd ea vitriolum non excedat: in his aqua excoquitur. Quod si vitrioli vires augere velint, nonnihil æris inter coquendum adiciunt: id enim illustrius, & acrius atramentum efficit. Contrà evenit, cum ferriamenta immittuntur: hæc quippè infringunt vitrioli vires: id adeo certis usibus, ut sericeis pannis inficiendis aptius efficitur. Aquam decoctam in vasa lignea trajiunt, in quibus brevi coprescit vitriolum. Jam aliàs innuimus ferri laminas ab aquâ, atramentosâ, & fervidâ exedi, atque in æs purum converti; dummodò ære sætum sit atramentum. Mitto referre quâ arte, ex aquâ vitrioli excelsâ, & percolatâ, aceti, vel calcis vivæ, vel olei tartari infusione, sulphur præcipitetur: id mihi in præsentia demonstrâsse satis fuit, vitriolum esse metallicum saltem, atque è lapidibus, & metallis, cum actu inesset, educi; in aquâ exsolvi; nec solo calore, sed etiam frigore, quemadmodum nitrum, alumen, & alios ferè sales, in crystalli modum concrefcere. Cum enim aqua exhalatione imminuta est, salium atomi priùs à se invicem divisæ paulatim sibi admoventur, atque aliæ alias complectuntur.

IV.

Quæ causa  
utriusque

Sed illud aciori contemplatione dignum puto, quæ vis, quæ causa efficiat, ut sal communis in cubos; vitriolum in stirias; alumen

in

in octohedricas figuras; nitrum in pyramidales; sal ammoniacus in hexagonas efformentur. An fortè ad spiritum universi, vel rationes seminarias confugiemus? Constantes enim illas figuras designatione quâdam divinâ impressas esse omnino satendum videtur. An cujusque salis atomi has nactæ sunt formas? An verò in his salibus viget spiritus, quos in rerum efformatione potissimum dominari ex plantarum, & animalium generatione facile colligitur. Quocirca clariss. VVillis spiritus illos architectos eleganter comparat cum pede mobili circini, aut stylo, quo manus artificis varias lineas protrahit: horum quidem excursus sal tanquam regula, juxta fines à naturâ præstitutos, dirigit, & moderatur. Major in viventibus varietas figurarum occurrit: quòd in his regnent spiritus, qui aut vasis, aut aliis elementis coerciti evolare nequeunt: sed tamen variè excurrunt, & omnis generis lineas ducunt. Hinc etiam sales volatiles, qui ex urinis, sanguine, cornibus animalium eliciuntur, mille induunt formas: quemadmodum serè vapores congelati, qui hyberno tempore fenestrarum vitris adhærent, formas plantarum, & silvarum quandoque reddunt imagines. Sic mercurius cum calce argenti amalgamate, ut vocant Arabes, confusus, argenteam arborem exprimit. At verò cum sal copiosior est, & spiritui dominatur, ut in fossilibus contingit, tum figuræ simpliciores, & mathematicis similiores delineantur: hinc sal marinus ægrè in cubo concrevit; alumen uberiori turget spiritu; unde magis elaboratam sortitur figuram; nitrum omnium maximè spirituosum in figurâ pyramidalem 4. triangulis pulchrè distinctâ assurgit.

Ex his sanè id quod alias fusè diximus, utcumque videretur confirmatum, sale esse potissimum in corporibus compactionis, & soliditatis principium. Is enim sulphur, aquam & spiritum retinet, ne avolent: ubi copiosior est, ut in fossilibus, ibi & firmitatem, & pondus affert. Salis corpuscula interdum cum terræ atomis, vel diuturno, & lento calore, vel summis ignis ardoribus ita cohererent, ut divelli amplius vix possint; ut in vitri fusione, laterum coctione, neque non in lapidum & metallorum procreatione usu venit. Quanquam in his sulphur, & mercurius ductilitatem efficiunt. Interim minutæ salis particule inter se arctius uniuntur, & perparùm terræ intercipiunt; ut in ossibus, cornibus animalium, seminibus, & ovarum putaminibus, conchyliis, atque aliis propè infinitis, quæ suam firmitatem à sale repetunt. Hinc sales cum aliis rebus vel fluxilibus sublimati, eas efficiunt compactiores, ut sal communis, nitrum, vitriolum cum hydrargyro in vase, cujus pars superior occluditur,

*salis certam  
figuram  
addicere.*

V.

*Salem esse  
compactionis  
causam.*

sublimata, instar nivis concresecunt. Idem sales cum antimonio sublimati in glaciei modum effereuntur: ubique sanè firmitatum & soliditatem moluntur. Cum enim aquæ sortes, quæ nihil sunt, quàm sales fluidi, metalla dissolvunt, non tam ipsa metalla destruere, quàm cum iis ætiori quodam vinculo conjungi affectant.

VI.  
Triplex  
salis status.

Verùm hæc sient illustriora, cum varios salis status, fixi nimirum, fusi, & volatilis perspectos habuerimus: fixus est in tartaro; fusus in aceto, vel spiritu vitrioli; volatilis in sanguine, atque in iis ferè omnibus, quæ spiritu, aut puro sulphure abundant. Duos tamen fixationis, ut fusionis gradus licet distinguere. Interdum enim sal ita cum terrâ, vel sulphure constringitur, ut nullo pendè modo separari queat, ut in vitro, in lapidibus quoque & metallis videre est. Aliquando sapore acerrimo se prodit: sed omni aquâ, & spiritu destitutus, nullâ ferè ignis vi atolli potest, ut sales vegetabilium, si qui sint fixi: in utroque statu sal ab omni motu cessat. Quod si ejus particule spiritu, aquâ, & oleo dilutæ jam diffundi, & moveri incipiunt, ut in primis viventium exordiis contingit, tum primum fusionis gradum nactæ videntur, quibus sensim crescit, donec aliquando ista corpuscula spiritu, & sulphure magnâ ex parte exhaustis, summâ rerum potia simul uniantur, atque aciditatem quandam toti mixto concilient. Cum autem spirituum agitatione exaltata cum iis effereuntur, tum supremum volatilitatis statum adepta, & ad motum accincta, vires corporum mirificè acuunt.

De tartaro.

Inter sales fixos, qui ex facibus vini, aut tartaro elicuntur, permagni est usus: nam in omni ferè metallorum præcipatione adhibetur: ejus autem præcipationis talis est ratio. Metallum in aquâ fortis dissolvitur: id verò cum ejusmodi sale fluido, seu aquâ solvente quandam affinitatem habet. Sal itidem tartari, atque omnes omnino sales fixi cum fluidis salibus ultrò consociantur, & simul uniti in crystallos, ut plurimum concresecunt. Itaque sal tartari, guttatim instillatus in aquas fortes, ebullitionem creat, quod diversorum salium corpuscula mutuo attritu ætiora inter se ineant conjugia. Grana verò metalli, quæ ab aquæ fortis atomis comprehensa sultabant, & ipso motu partium insensibilium suspensa, novi hospitis adventu expulsa, ad ima devolvuntur: vel quia meatus, quos implebant illa metalli corpuscula, salis fixi accessione arctantur; vel quod verisimilius est, ipsa soluti metalli grana cum novo sale conjuncta aucto pondere delegendunt. Nam hæc longè graviora in fundo vasis deprehenduntur, quàm antè fuerunt: adeo ut sal fixus tartari, & fluidus solventis aquæ, unâ cum metalli calce pertinaciter cohæreant.

ant, & vix tandem eluantur. Quæ sulphure abundant, à sale tartari, & aliis fixis solvi possunt. Sic liquor tartari tincturam sulphuris extrahit, quam spiritus vitrioli, aut alii acetosi, & fluidi præcipitant. His quoque salibus fixis aqua communis vel stillatitia multum acuitur, quò vegetabilium tincturas eliciat, aut metalla superficiei tenus corrodat: sed quæ copioso alcali, seu fixo sale adstringuntur, ut corallia, ab his aquis, vel tartari sale aculeatis manent illæsa; quòd in utrisque homogenei sales regnent, qui in se mutuas vires non exerunt, nec meatus offendunt sibi accommodatos, quò partes ipsas divellant, in quo ratio dissolutionis posita est.

Quocirca sal fixus cum terrâ, sulphure, & aquâ ultro coheret, quæque sunt volatilia figit, ac retinet: hinc rebus stabilitatem, firmitatem, & durationem impertit: incendia cohibet: nam sulphureas partes stringit ardentioribus laqueis ne avolent; spiritus ipsos figit: hinc sanguis falsior factus, pauciores spiritus gignit: hinc etiam sal carnes à putredine tuetur, dum implexu suo partes sulphureas à fugâ retrahit, & humorem aqueum sistit; partes dissipatas connectit, & velut rimas explet.

Cùm sal aut spiritu, aut sulphure copioso diffusus, jam diffunditur per singulas corporis particulas, tum fixum illum, & otiosum statum deserit, ac spiritus mobilitati quodammodo obsequitur: ipsum adeò spiritum, qui se se in majus spatium explicare nititur, quantum potest inhibet, atque ex illâ velut pugna, non modò fermentatio quædam fit in sanguine, & aliis liquoribus; sed etiam rerum generationes, & incrementa promoventur. Hinc sal susus fecunditatem rebus omnibus tribuit, isque potissimum viget in nitro, quod instar lanuginis, vel lapidibus, vel terræ insidet: nullum quippe salis genus est nitro seracius, adeò ut in eo vim seminalem cujusque corporis delitescere, non spagyrici modò, sed gravissimi quoque Philosophi arbitrentur. Hoc pingui sulphure abundat, quod cum sale non fixo, sed jam fuso, atque ad motum accipio ita coheret, ut non solo ignis calore, sed rei alicujus sulphureæ conflagratione, ut carbonum, antimonii, tartari ipsius, quod sulphure non caret, injectu, sal qui nitro inest solvatur, & sulphur inclusum referatis claustris cum impetu, & detonatione quâdam erumpat. Probabilis tamen mihi videtur, nitrum ex aëre intra saleem sulphureum inclusum emergere. Quod cum ex variis observationibus, tum ex illo, quod supra attulimus in machinâ pneumaticâ, factò experimento confirmari potest. Quamdiu nitrum solum est, catillo impositum liquefeit quidem, sed non concipit flammam: nam caloris corpuscula non ita

*De fusione  
salis: ubi  
de nitro.*

hunc solvunt salem, ut sulphur possit erumpere: sed alicujus rei sulphureæ incendio laxantur salis repagula, & sulphureæ partes tam ardens carceribus conclusæ, in amplius spatium dilatantur. Nitrum itaque & sale constat jam exaltato, & sulphure captivo quidem, sed ad eruptionem parato: nam potissimum id ex animalium sulphureis excrementis nascitur; & ipsa deflagratio, quæ in pulvere pyrio, vel in calcinatione antimonii tantâ vi efficitur; ut flammeus color, quo spiritus, aut fumus nitri inter distillandum rutilat, hoc salis genus sulphureum esse planissimè demonstrant. Hinc illa, ut jam dicere occæperam, nitri fecunditas. Quis enim ignorat in fimo, urinis, sanguine, cornibus, plumis, coriis animalium nitrosum salem esse uberimum, qui terras fertilitate impertit. Hinc agrorum stercoreatio, stipularum, imò & in pluribus locis genistarum combustio, ut ex sale nitroso & pingui terræ fecunditas accedat. Quòd si terram hoc nitro per lixivium, seu affusionem aquæ calidæ spoliaveris, nihil procreabit, donec pluvîa & rore perfusa, post longa temporis intervalia, hoc sale vitali imbuatur. Unde, quæso te, terra velut effæta, & sterilitis evadit? An quòd prolifico sale, quem nutriendis frugibus supeditat, tandem exiit; ac nisi valdè nitrosa, & pinguis est, cessare debet, quò novum faciat nitri proventum. Taceo id quod aliàs innuimus, terras mari propiores, easdem ut plurimum esse feraciores: hinc maris incredibilis fecunditas, quòd sal velut eustus sit spiritus vitalis, & prolifici: hinc rustici nostrates pinguem, & salisam è mari advehunt arenam; quâ agri in multos annos fecundantur.

## VII.

*Cur sal  
acidus  
metalla  
dissolvit.*

Nitrum porro (quod aliis quoque salibus convenit) cum distillatur, tum fluidum, acidum, & corrosivum admodum efficitur; adeò ut omnia ferè metalla exsolvat. Quæ sit hujus dissolutionis causa jam sæpius diximus. Sal in fluorem, seu liquorem valdè penetrantem intenso calore convertitur: hujus specula velut gladioli secantia, acuta, ac jugi motu agitata, id potissimum corporum genus adorantur, in quo sal viget, ut ignis sulphurea quæque aggreditur. Itaque sal fluidus è nitro, sale, alumine, vitriolo, aut aliis fossilibus distillatione extractus, metalla, quorum sal vinculum est, laxat, eorum subit meatus: non quòd metalla resolvat in prima mixtionis elementa, sed in minutum dumtaxat pulverem frangit, & calcinat. Hic pulvis in menstruo diffusus, & unà cum ejus particulis involutus, aut poris conclusus, ut sal in aquâ oculos fugit, donec sal ille fluidus, aut uberiore aquâ debilitatus, aut fixi alicujus salis accessione prædam suam dimittere cogatur. Ratio potissima dissolutionis ex fluiditate salium depro-mittitur: nam partes corporis fluidi insensibiles in perpetuo versantur motu:

motu: hinc subeunt corporum, quæ exsolvenda sunt, meatus, hoc fortius, quò partes fluidi magis agitantur, & sunt solidiores. Nihil quippè ab alio destruitur immoto.

Jam acidi, & corrosivi spiritus non modò ex mineralium fami- *De aceto,*  
liâ, sed etiam ex vegetabilibus & animalibus extrahuntur: quid enim est acetum, nisi sal ad fluorem calore, aut spirituum atritu evectus? Vinum tenue, aut cerevisiam æstivo tempore soli exponunt, aut ipsâ hyemè in loco calidiori collocant, magna spirituum pars diffatur; sal interim exaltatus excusso spiritûs, & aliorum elementorum jugo fluit, quod reliquum est spirituum deprimat; & aciditate suâ totum liquorem perfundit: spiritus enim volatiles cum profugerent, salem evexere. Hinc acetum tertio caloris gradu distillatur, cum sal fixus, & nondum exaltatus vix quarto gradu attolli queat. Sal tamen fusus, aut fluidus suos non exiit aculeos: hinc cuncta permeat; ignem, & sitim ardentem extinguit, dum prædura salis corpuscula incensæ materię altius infiguntur: neque hæc spicula potest ignis, vel calor ad sui motûs leges flectere. Cum liquor aut sulphure, aut pingui spiritu abundat, vix potest accescere: ubi sal fixior deest, ut in succis limonium: cum id quod erat volatile, evanuit, quod reliquum est, accescere non potest, sed vappescit: salem quoque longâ agitatione factum volatilem spiritus secum abripiunt. Sulphur enim tenaciùs adhæret sali, quàm ut illum faciliè dimittat. Quæ sulphure abundant, exhalatis spiritibus amarescunt. Idem usu venit, cum pauciores sunt spiritus, quàm ut salem exagitent, & ad fusionis statum perducant. Itaque illud manifestum fecimus, acetum nihil esse quàm salem exaltatum, & usque ad fluorem evectum: nam solo calore, & spirituum fugâ ad hunc statum pervenit. Unde ligna, quæ magnam salis copiam continent, ut quercus, buxus, fraxinus, guajacum, quæque magis ponderant, & diutius se tuentur, aut semper virent, aut saltem si folia hieme defluerint, nutritium humorem sub cortice conservant; eadem, inquam, distillata spiritum acetosum præbent uberrimum, qui corallia, margaritas, & testacea, quæque sale fixo, aut volatili, ut cornua, vel ossa abundant, exsolvit: quòd sal ille fluidus cum alio tum fixo, tum volatili ultrò consocietur. Sulphurea quæque, dummodò in iis sal vigeat, & præviâ sint calcinatione laxata, acetosi liquores adoriuntur. Sic antimonium & plumbi calx, quam vulgò minium vocant, ab aceto distillato solvuntur: hoc quidem exhalato, sal, ut ajunt, plumbi, vel saccharum dulce, & candidum remanet optimum inflammationibus remedium: ex quo distillatione per retortam elicitur spiritus ardens, qui profectò non ex plumbio, cum

cum id saccharum in plumbum fusione redire possit, sed ex aceto superflite extrahitur. Neque enim existimare par est, omnes spiritus ex aceto avolasse: secus non acetum, sed vappa fieret. Pars quidem fugit: sed pars altera à sale commoto, & regnante velut captiva detinetur. Nam ut suprà innuimus, cum sal uberius est, tum spiritus figit. Sic vini fæces, & tartarus spiritum ardentem, quem ad ima depresserunt, quasi victoriæ jure illaqueatum servant; ut vicissim spiritus in fermentatione luxuriantes tartareas fæces, tanquam exuvias ad summum vasis evehant. Itaque sal in acetosis liquoribus primas obtinet: nam quò plus acidi humoris elicitur, hoc in cineribus minor salis copia remanet: his perit, quidquid acetoso liquori accesserit: hoc aceto tanquam muria plantæ frigidiores condiuntur, atque à putredine vindicantur. Quis etiam ex melle, & saccharo, in quibus sal unà cum spiritu primas tenet, quæque idcirco condiendis fructibus, & succis acidulis inserviunt, acetum quoddam efficitur. Nam una pars mellis, vel sacchari cum decem aquæ partibus permista, & calori ætivo per aliquod tempus exposita, transit in acetum: præsertim si aliquot grana seminis cruce, aut alterius plantæ, in quo sal volatilis regnet, leviter contusa, & linteo involuta immittantur. Non eà solum ratione, quam alio loco ex Chymicorum sententiâ reddidimus, quod aer spiritu acido, & nitroso abundet, quem rebus ipsis gignendis confert, sed multo id magis sal, qui diuturno calore fluit, referendum arbitror.

Lib. de  
fossilibus.  
c. 3.

VIII.  
De sale  
volatili.

Postremo sal volatilis, in animalium succis, ut in sanguine & urinâ, necnon in rebus sulphureis, succino, fuligine, cornibus animalium, & ossibus potissimum viget. Cum sit substantia tenuis, & ad motum agilis, spiritum, aut aquam, aut sulphur suis spiculis exacuit, & corporibus dissolvendis non parum idoneus videtur: cuncta enim permeat, tinturas elicit, & cujusque corporis compagem laxat, ut sali fluido facilior pateat aditus. Jam ut in tartaro sal fixus, in nitro, ut volunt, fusus; sic in ammoniaco volatilis excellit. Hunc verò salem nonnulli ex quinque partibus urinæ, unâ salis communis, & dimidiâ parte fuliginis conficiunt: his scilicet concoctis, usque ad totius humoris consumptionem. Qui vulgò spiritus urinæ dicitur, nihil fortè est præter aquam sale ammoniaco, & volatili prægnantem. Hinc faciliè citra ignem elicitur: nam urina leniter usque ad tertiâ, vel dimidiâ partis consumptionem exhalata, si cucurbitæ vitreæ calce vivâ usque ad duorum digitorum altitudinem repleta infundatur, & statim capitellum aptaveris, spiritum urinæ, quem mirificè commendant, faciliè obtinebis. Hoc salis genus magnam vide-

tur



tur cum auro cognationem habere; nam aqua fortis, quæ argentum solvit, aurum illæsum dimittit, nisi sale ammoniaco aut sale communi imbuatur, tumque regalis nomen sibi sumit, quæ tum aurum exsolvit, non item argentum. Huic effectui causam jam suo loco reddidimus. Nec displicet alia ratio, quam nonnulli ducunt ex salis ammoniaci similitudine cum eo sale, qui auri compagem efficit. Nam aurum, & argentum, metalla sunt ab omni sæce terrestri, & impuro sulphure pene expurgata, quorum scilicet vinculum sal quidam est, non terra: neque adeo solvi possunt; nisi ab alio sale consimili: in argento sal vitrioli, in auro sal ammoniacus, aut ab eo certè non abhorrens dominatur. Quocirca illius concretionem aqua fortis recludit, hujus aqua regalis, quæ sale ammoniaco imprægnatur: utrumque nisi clave sibi accommodatâ aperiri non potest. Cum pleraque alia metalla sine ullo discrimine ab utrâque aquâ exedantur: vel quòd in iis non sal purus, atque ab omni sæce terrenâ liber sit ipsius mixtionis vinculum: unde non penitus dissolvuntur in aquis stygiis, ut aurum, & argentum, sed eorum scorix, & recrementa intacta ad fundum descendunt; vel quòd eorum partes non ita sunt firmæ, & compactæ, ut in auro, & argento. Antimonium verò id habet mirabile, ut ne secum quidem consociat; partes enim habet adeo laxas, ut in quolibet ferè lixivio diluantur; alias ita pertinaces, ut ab aquâ forti tutæ sint, neque exsolvi queant, nisi ab aquâ regali, idque non fit sine impetu, & magnâ fumi eruptione. In illis scilicet partibus sulphur quoddam volatile, & immaturum continetur; hæc verò jam metallis & auro congenere sulphur maturum, & cum sale arctissimo nexu colligatum obtinent. Illud tamen mihi longè verissimum videtur, unumquodque corpus durum à fluido dissolvi, quòd partes fluidi agitatæ subeant poros corporis, & partes minùs tenaces secum devehant; crassiores verò intactas relinquunt, ut videre est in infusione sennæ, & omnium medicamentorum. Cum autem aqua salis spiculis armatur, tum & duriora corpora potest defluere: nam illius partes majori impetu agitantur; nec tamen fluidi particulæ dura corpora sine discrimine exsolvant, sed ea tantum, quorum meatus subire possunt. Atque hinc ratio ducenda est, cur aqua regalis aurum, & antimonium, non item argentum, ut vicissim aqua fortis argentum, non aurum dissolvat.

Ista quidem de triplici salium statu magnam per se ferunt probabilitatem: sed quorundam recentiorum non minùs probabilis opinio mihi scrupulum injicit: placet enim illis sales fixos in plantis potissimum, & animalibus, ac ne fortè quidem in terris, & fossilibus ante

Eccce

incine-

IX:

De corp.  
affect. lib.  
1. c. 2.  
& 3.

incinerationem, vel calcinationem delituisse. Nam ut omitam, quæ alibi in hanc rem attuli, multa ex plantarum, quæ in Academiâ Regiâ summo studio, & curâ facta est, analysi, possem colligere: ex quibus fortè confici posset sale, qui à plantis eruitur, saltem maximâ ex parte ante analysim fixum non esse, sed volatilem, aut acidum. Plures quoque rationes in eandem sententiam vir doctiss. Daniel Coxé in clariss. viri D. Oldembourg adis Philosophicis nuper exposuit, quæ minimè videntur contemnendæ.

X.

Primò sal ille fixus nec gustu, nec ullo effectu, in ullo penè corpore se prodit: cum sales volatiles aut oculis, aut olfactui plerumq; sint manifesti, iique vel in fuligine, vel ex ipsâ distillatione statim appareant: uti sales acidi in tartaro, aceto, omphacio, ærugine conspiciuntur: ut nihil dicam de iis, qui vulgò essentielles appellantur. Partes animalium, aut excrementa multum salis volatilis, aut acidi præbent; vix quicquam in iis salis fixi invenitur: & tamen animalia pleraque ex plantis aluntur. Neque id probari ullâ ratione potest, eam esse vim fermenti, quod in ventriculo, & aliis partibus dominatur, ut sale fixum in volatilem commutet. Vix enim sal fixus in volatilem abit; nec Chylus quicquam salis alcali præ se fert. Imò & herbæ ex omaso ruminantium extractæ citra præviâ digestionem multum salis volatilis suppeditant; quasi in aperto aëre citra additionem ullius materiæ essent fermentatæ. Atque ex hâc analysi & naturali, & minùs suspectâ, quæ præviâ fermentatione fit, aut putrefactione, multum olei, acidi spiritûs, & salis volatilis elicitur: sed nihil ferè salis alcali à putrefactione extrahitur: magno quidem iudicio sale volatilem, aut acidum actu in plantis, non sale fixum existere.

Hinc quæ comburuntur plantæ, dum adhuc virent, multum salis acidi, aut tartarci præbent; quæ autem exsiccata comburuntur, etiam si multo abundant spiritu volatili, ut satureia, aut rosmarinus, multum salis alcali exhibent.

XI.

Neque hîc diligentius inquirendum puto, ex quibus maximè principiis sal alcali prodeat; An fortè ex acido sale cum oleosis partibus involuto? Nam sal tartari, qui inter fixos maximè dominatur, & nitrum ipsum magnam præ se ferunt aciditatem. Quin & salpetræ, seu nitrum, quod tum efficitur, cum spiritus acidus suo sali fixo affunditur, totus penè in spiritum acidum solet exstillari. An potius, ut videtur Authori, quem mox laudavimus, sal alcali ex salis volatilis cum oleo arctâ permissione prodit? Cum eadem penè vires utrisque conveniant, & magnâ inter se cognatione jungantur; ac solâ penè gravi-  
tate

tate diffideant, Nam ambo sales, & diuretici sunt, seu urinas movent, & obstructions expediunt, & corpora sulphurea æquè dissolvunt. Item quoque citra luctam, aut ebullitionem inter se confociantur: & acidis salibus æquè sunt infensi, nec sales plantarum, ut vocant, essentielles fieri possunt alcali, donec omnem aciditatem exuerint.

Id quidem mihi videtur satis verisimile, sales omnes, imò sortè & principia corporum solà ferè partium figurà, aut texturà, inter se differre, uti alio loco exposui. Sal tartari magnam partem aciditatis exuit, & in salem volatilem cum reduci posse multi opinantur. Sic nitrum sale abundat volatili, ut ex illius genesi palam sit.

Quanquam inter sales fixos magna est varietas, illud tamen falsum est verisimile, eos esse penè uniusmodi, cum ad summam partem pervenire, uti alio loco ostendimus. Cum plantæ comburuntur aut virides, aut humidæ, aut igne fumoso; tum sal essentialis, aut tartareus elicitur, qui plerumque vires plantæ integras conservat: quod essentialis olei partem, aut crasim ipsius plantæ conservet integram. Sæpè enim vix olèa à salibus divelli possunt, sed ubi sales alcali sunt ab aliis principiis expediti, tum eandem habent vires, nec ferè inter se discrepant.

Utrùm sal omnis, qui ex fossilibus eruitur, sit naturà suà volatilis, & longà velut coctione figatur, non audeo decernere, idque operosiorum postulat inquisitionem. Interim id certum videtur ex variis terrarum generibus, ut margà & argillis sales volatiles distillatione elici. Id quoque notum ex Æthiæ incendiis plerumque salem ammoniacum, inter alia salium genera, erumpere. Quid dicam de nitrosis terris, an eo sale non imprægnantur? Sed & sale volatili, qui ex locis subterraneis, ex plantarum & animalium resolutione erumpit, aer ipse abundat, qui specificam velut naturam exuit, quique in pluviâ dissolutus vegetabilium fibras subit, & ab iis speciem suam excipit.

An potius cum clariss. viro D. du Clos censendum est, salem in metallis idcirco fixum existere, quòd cum multà terrà arctissimè permisceatur. In terris sæcundis, quæ sale aliquo imprægnantur, ut in margà & quibusdam argillis, postquam omni ferè sale sunt exhaustæ, novum subinde recuperant. Sic aqua, quæ diu soli fuit exposita, novum salis sibi acquirit proventum, quod utique luculento probat experimento. Aqua intra vas vitreum & amplum sic fuit inclusa, ut vas ipsum gypso undique esset obductum, parte unà exceptâ, per quam diebus æstivis radii solares à vitro convexo collecti, & intus admissi salem quandam velut ammoniacum, & mirabilem, post longum

tempus procreantur : de quo fortè alio loco erit dicendum. Id quoque ad veritatem propensius videtur, quod supra monuimus, salem volatilem, aerem, & sulphureum, primum ab igne, vel sole effici. Hinc illius acrimonia ab igne, non ab aliis proficiscitur elementis. Huic acrimoniæ dulcedo & amaror subduntur. Aciditas verò tum exurgit, cum ignis deprimitur, sive aer, sive aqua crudior, aut copiosior dominetur. Huic acerbitas, & austeritas subjacent. Salsus sapor ex acri & acido temperatur. Fructus immaturi aut ignis coctione, aut maturitate, uti & fructus acidiores dulcescunt. Succus citri igni admotus aciditatem non exuit, sed ubi concentratur, (sic enim libet loqui,) ut cum corallio affunditur, tum fit acrior. Multum de aquâ crudâ sales acidi, ut de terrâ fixi contrahere.

## CAPUT QUINTUM

### *De mixtione corporum.*

**D**ictum est de elementis & principiis Chymicorum in universum; dictum de iis seorsum: extremum, & reliquum est de mixtione & resolutione corporum dicere. Quanquam, & huic etiam quæstioni, cum in libro de fossilibus, tum in hujus operis contextu, satisfactum puto. Quid enim ipsi sequamur obscurum esse non potest, postquam elementa non potestate modò, sed etiam actu in mixtis contineri ostendimus. Nunc tamen collatis in hunc locum omnibus omnium serè Philosophorum sententiis, & quantum fieri potest ad concordiam revocatis, quid explorati videatur, non modò rationibus, sed etiam firmissimis experimentis aperimus.

Atque ut ab ipsâ rei notione ducamus exordium, quam mixtionis assert definitionem Aristoteles, omnes unanimi consensu amplectuntur. Sic igitur mixtio miscibilium alteratorum unio. Verùm quæ, & quanta sit illa elementorum alteratio; utrùm mutuo se se confictu atterant, ut locum præbeant nobiliori formæ; an integra, an fractis, & debilitatis viribus supersint, summâ opinionem diffensione certatur. Quid ipse Aristoteles senserit, Peripatetici viderint: quisque, ita ut sit, Philosophiæ principem in suam sententiam trahere conatur; neque in hoc multum nobis laborandum est, cum Interpretum munus non suscepimus: valde cum dubium, & ancipitem

I.  
*Varia de  
mixtione  
sententia*

tem fuisse, cum ex multis locis, tum ex libro secundo de partibus animalium, colligi potest.

Ea mihi videtur communior inter Peripateticos sententia, elementa se se invicem retundere; & alterare per quatuor illas qualitates primarias, calorem, frigus, humorem, & siccitatem. Non enim res in se invicem agunt, ut falsæ, vel acidæ, sed ut calidæ sunt, aut humidæ: neque illa mixtio sit citra præviam alterationem. Ergo necesse est ut quatuor elementa suis se primis qualitibus atterant, ut tot mutationes possint & conversiones subire. Idque hoc facilius perficitur, quò molliora, & subtiliora fuerint miscibilia: nam duræ quæ sunt, & solida, & crassa omnem mixturam respuunt. Hoc sanè argumento, quod alio loco attigimus, principia Chymicorum in exilium relegata, atque à mixtione depulsa existimat Erasmus. Verum fac ita esse, nondum planè ad exitum perducta est quæstio. Nam meritò dubitamus, utrùm elementa ex illo certamine salva, & intacta remaneant, eaque, ut visum est Avicennæ, integra, & sui similia in mixto corpore vigeant? An potius ut placet Averroi, formæ quidem elementorum manent, sed repressæ, & fractæ quodammodo? An denique elementa potestate dumtaxat, & virtute quâdam, per vicarias qualitates insunt composito, ut pars magna Peripateticorum opinatur? Sed ne hi quidem inter se consentiunt. Nam Albertus Magnus ex quatuor primis novam, eamque simplicem qualitatem exsurgere arbitratur; nec multum ab eo dissidet Scotus, qui putat mixti corporis formam elementorum formas eminenti quâdam ratione continere. Thomistis denique videtur elementorum qualitates, non eorum formas in composito esse superstites; sic tamen ut non ipsissimæ qualitates, quæ in elementis fuere, sed novæ, & recentes, quæ ex illis fluxere, mixto corpori insint.

Adversus Arabes reliqui magnis animis, atque, ut ajunt, omnibus unguis decertant. An, inquiunt, contraria, & sibi insensa manent in eadem sede elementa? Ergo eadem pars ossis, vel lapidis, simul erit aqua, & ignis. An sortè pars una aqua, ignis altera futura est? Quod si datur, partes corporis mixti non erunt mixtæ, & sui similes, ut pulchrè Philosophus contra Empedoclem prosequitur. Quid aliud erit corpus mixtum, quàm individuorum congeries, & aggregatum quoddam instar acervi tritici, ens denique per accidens, non unius, sed multiplicis, varietque naturæ. Jam cedo quibus vinculis elementa specie diversa inter se colligentur? Ut plurimum partes illæ adeò dissidentes contiguæ erunt, non continuæ, neque enim una res, vel essentia ex rebus non diversis modò, sed

Eccce ;

etiam

etiam contrariis effici potest. Et quidem si iis credimus, plura peccat Avicenna, quàm Averroës; hic enim elementorum formas, & qualitates (altem refractas, & quasi remissiores in mixto remanere statuit, ille autem integra elementa cum intensis qualitatibus inesse composito existimat, adeò ut summus calor, (quo nihil absurdius) cum summo frigore conjungatur: neque Alberti sententia defendi potest, cum mixto una simplèxque qualitas non insit, secùs foret incorruptum.

## II.

*In mixto  
manent  
elementa.*

Ego verò, ut quemadmodum sentio, paucis complectar: elementa in mixto integra, ut Avicenna decernit; alterata quoque, & retusa, ut sentit Averroës, manere arbitror, atque ex iis novam formam, aut qualitatem prodire cum Alberto iudico. Primum enim si pereunt elementa, quomodo uniantur, quomodo alterantur: nec video, quo illa modo iterum gigni possent, quando compositum in ea resolvitur. Jam quis ferat miscibilium formas omnino deleri, & qualitates, seu affectiones, quæ formas consequuntur, remanere? Quo jure mixtum appellabis, quod tantum ex materiâ constat, & simplici formâ; sed pressius urgeamus. Tu qui elementa in mixtione omnino corrumpi, & in resolutione generari contendis, dic quæso cur simul, & eodem tempore ex ligno vi caloris, aqua & ignis procedant? Partes ligni omnes sunt homogeneæ, & sui similes; ignis & aqua sibi invcem, ut tua fert opinio, contraria sunt, & dispositiones penitus oppositas exigunt; quid est igitur, cur ex eodem ligno, ab eadem effedrice causâ tot diversa prodeant elementa? Partes, inquam, ligni sunt, ut Peripateticis videtur, unius speciei; si una ignem concipit, cur non item altera? Quomodo etiam idem alimentum, quod unâ materiâ, & simplici formâ constat, tam varios, & tam dissidentes humores gignit?

## III.

*Varis ex  
perimentis  
isdem often  
ditur.*

Nunc à subtilitate disputandi ad experimenta traducatur oratio. Mitto quæ dispersæ multis in locis à me dicta sunt, aut de sale nitrosum, qui è terrâ, lapidibus, excrementis animalium, sola aquæ affusione elicitur; aut de oleo, quod ex amygdalis, nucibus, olivis, lino, & aliis exprimitur; nihil dicam de spiritu vini, vel oleo fuliginis, quæ non ignis calore, sed summo frigore extrahuntur: hæc, inquam, ut alia multa prætereo. Sed illud, quo nihil illustrius afferri potest ad nostræ sententiæ confirmationem, silentio prætermittere non possum: ipsissimum corpus, quod in sua principia fuit resolutum, ex iisdem planè elementis in integrum restitui. Id sanè in omni ferè corpore, in quo minor est sulphuris, & spiritus copia experimur. E nitro, vel tartaro, & aliis id genus, aquam, & spiritum acidum extrahere, capiti mortuo redde; eadem omnino, & ejusdem ferè molis cor-

pora

pora reviviscunt. De nitro fusè diximus alibi, atque ostendimus spiritum niri acidum cum fixo ita redire in gratiam, ut ex utriusq; conjugio salpetræ optimus prodeat. Plura in hanc rem l. 1. de corp. affect. c. 2. attulimus.

Hæc fortassè majoris sunt operæ, faciliora videamus. Cùm vinum aquâ diluitur, dubitare non possumus eam manere integram, cùm tot modis extrahi possit. Atque revocemus in memoriam, quod superioris capite ex Galilæo adduximus, aquam phialâ vitreâ longioris & angustioris colli contentam, ubi alius liquor aliquantum levior subjicitur, ut vinum, id sponte suâ ascendere: quanquam & vini perparum ascendit, & ferè quantum satis est aquæ rubro colore inficiendæ. Phialam aquâ vini ardentis plenam sapposuit vir Doctiss. Magnanus, tum aqua vino tincta descendit, quò vini spiritui locum concederet: vinum ipsum se se in coronam collegit aquæ innatans: id tamen jam diu cum aquâ erat permixtum. Quis ergo non Inteligit tantulum vini in aquam non posse converti, nec vicissim aquam in vinum commeari, sed utrumque illibatum, & incorruptum servari.

Neque mihi opponas summi Pontificis Innocentii III. auctoritatem, qui ut probabilius judicat, in sacro-sancto altaris Sacramento aquam cum vino in Christi Sanguinem converti. Id enim non inficiamur, & omninò verum arbitramur: nam sit ex utroque vinum commune, quale verèsimillimum est Christum Dominum consecrasse. Sed non continnò necesse est aquam in vinum priùs abiisse: atque huic loco satisfactum puto à P. Magnano. In eadem opinione est, ut alios omittam, Eminentissimus Cardinalis de Lugo. Neque ulla tenens probabile judico vel aquæ guttulam in vinum converti posse: nam si vel una in vinum facessit, cur non item altera, cur non mille, & ita in infinitum? An quod vinum sensim debilitatur? At quo in modo fieri potest, cùm mole semper augeatur, atque hoc facilius aquam superadditam vincat? Jam enim plus viribus pollet, quòd aqua in partes vini transierit, & eandem cum illo naturam induerit: cùmque ea sit reliquo vino homogenea, cur vini vires infringet; maxime cum vis agendi, vel potentia operatrix ab ipsâ substantiâ non sit ullo modo sejuncta, ut suo loco ostendimus. An ignis debilis est, quòd plures ligni partes in suam, ut volunt, substantiam convertit? Sed quæ causa est, cur vinum fiat debilius, quòd plures aquæ guttulas paulatim adjeceris? An quòd aqua vires, & actiones vini inhibet? Sed ipsa in vinum abit: jam cum eo junctis copiis pugnat. An potius id quod verum est, fateri cogimur, totam aquam

remanere

IV.

*Satisficob  
jell. Cap.  
Cum  
Mariba.*

*De Eusch.  
dist 4. S. 3.*



remanere, quæ & distillatione elicitur; cumque uberior est, partes vini nimium disjunctæ, & separatae fiunt languidiores, adeo ut tandem ab aquâ velut obrutæ omni serè virtute spolientur: extrahi tamen possunt, atque ab inertî & languido elemento separari.

At fortè cùm vinum aquâ diluitur, tum vera mixtio non intercedit, sed rudis quædam, & imperfecta confusio: unde arte multiplici aqua potest extrahi, sive hederacçi vasis beneficio, quod tamen non omnibus æquè succedit: sive ut aliis placet, spongiâ oleo, inunctâ; sive summi frigoris vi, & quasi expressione quâdam; vino enim congelato aqua in globulos concrevit. Cedo igitur quid hæc tandem ad veram mixtionem desideratur? An cùm sal in aquâ solvitur, ibi non est vera & accurata mixtio, cùm soluti corporis partes minimæ cum minimis aquæ solventis atomis permisceantur? An exigimus cum Plotino ad veram mixtionem, ut minimæ partes elementorum se se mutuò penetrent? Profectò nihil ampliùs ad mixtionem à Philosophis requiri potest, quàm ut qualitates, si quæ sint à corporibus distinctæ, secundùm se totas uniantur, atque aliæ ab aliis retundantur; & quamvis eadem secundùm essentiam remaneant, vim tamen earum quodammodò temperari necesse est. Quemadmodum juxta Galenum major inest calor infantibus, quàm juvenibus; in illis cum humore; in his cum majori siccitate conjungitur, hinc longè acrior est in juvenibus. Sic elementorum qualitates in mixto corpore languidiores videntur, quamvis sint integræ, quòd aliæ alias abundant. Oleum vel spiritum vitrioli cum acerrimo tartari sale permisce; primò ebullitio quædam ex utriusque congressu orietur, tum inito sædete uterque liquor omnem ferociam, & acrimoniam deponet; adeo ut illud compositum ex duplici sale admodum corrosivo, penitus insipidum evadat. Jam spiritum vitrioli distillatione à tartaro separa, tum demùm perspicies ambo vires suas, & aculeos non exuisse: nam sua cuique manet acrimonia, & vis corrosiva. Idem serè usu venit, quando spiritus acidus cum salibus fixis coniungimus. Atque ex hæc uno intelligi potest elementa in mixto quasi sopita, delitescere, adeo ut ab aliorum vinculis expedita vires suas manifestè prodant. Sed esto, sac vinum dilutum inter mixta corpora non esse numerandum. Quid ergò? An mustum, pomaceum, & succi è vegetabilibus expressi non erunt mixta corpora? An fortè ex iis aqua distillatione non elicitur? Quis ignorat uberiores è vino aquam procieli, quò vindemiarum tempore, aut æstate ipsâ totâ avæ largiore pluvîa perfusa intumuerint.

Expecto ut aliquis neget in cerevisiâ ullam esse aquam superfluentem: nec tamen fermentatione peractâ facillè separatur aqua. Elementa enim longâ fermentatione minutius conciduntur, & accuratius permiscentur. Spiritus verò commoti illum, ut suprâ diximus, motum intestinum efficiunt. Prius fortè erant aliis elementis sepulti, calore excitati fugam capeffere moliantur. Ex illâ velut pugnâ liquor perturbatur, elementa sus deque impulsâ se se mutuò exagitant; tandem spiritus viçiores, & ubique diffusi gratum saporem liquori conciliant; & nisi vas ocludatur, profugiant. Antè fermentationem aut distillationem, aut aliâ arte prolici vix potuere: nam fortassis quasi victi, & aliis elementis oppressi jacebant. His dissipatis cerevisiâ, vinum, & alii fermentati liquores, ut diximus, vel acescunt, cùm sal ad fluorem evectus primas tenet; aut vappescunt cùm sal non fluat; atque aqua & terra, languida scilicet elementa dominantur. Cùm subtiles partes crassioribus inter fugiendum implicantur, tum lanugo quædam, aut mucor in summo concrevit: sic triticum diu in horreis servatum crusta quædam obducit, sub quâ per multos annos incorruptum manet.

Ista quidem de fermentatione, ut vero proxima attulimus: tamen rem ipsam attenuatè intuenti facillè apparebit, fermentationem nitro, ac spiritui nitroso, de quo jam multa diximus, acceptam referri oportere. Illud enim liquet nitrum, aut salem petra ex sale fixo, seu alcali, & igneo vel acido esse compositum. Sal fixus terrâ, igneus ex aëre potissimum ducitur. In terrâ sales sunt fixi; aut certe eorum velut semina cum sulphure commiscuntur, quæ fermento igneo ab aëre oriundo paulatim ad maturitatem perducuntur. Neque enim sal fixus ex aëre dimanat, sed quod magis est in nitro volatile, hinc oritur. Unde & terra, ex quibus fit nitrum, aëri exponantur necesse est, cum sal fixus una cum sulphure leni calore excoquitur, tum quiddam prodit terre nigriori non dissimile: adeo ut terra pura, ut vir peroruditus aptè susplectus, non aliud fortasse existat, quàm sal cum sulphure tam arde commixtus, ut evolvi citra longam fermentationem non possit. Ac nescio an in solo nitro quicquam sit sulphureum, cum nullâ vi caloris inflammari queat, nisi sulphurea materia accesserit. Quanquam terre pingues, & sulphureæ nitri generationem multum adjuvant. Dum enim spiritus ille igneus & aquosus, qui in aëre est cum materia sulphureâ & salinâ, qualis in stabulis est pluitima, congregitur, & effervescent, fit spiritus ille acidus, qui cum sale fixo, quo terra imprægnatur, societatem init, & nitrum procreat. Itaque spiritus ille igneus, & volatilissimus est instar

mercurii; sulphur itidem est aquosum, utriusque lucta, & effervescencia lenem in terrâ fermentationem omnis vegetationis fontem efficit. A sale nunquam motus incipit, tametsi activa principia cum eo consociantur. Ac sales fixi, acidi, volatiles, solâ fortè partium configuratione inter se discrepant. Aqua utriusque cum sulphuris, tum spiritus nitro ærei est commune vehiculum. Cum itaque spiritus ille aquosus sulphur terrenum à sale solutum & liberum efficit, ipse cum sale ipso partim salso, partim acido coalescit, & frixor evadit, tumque nitrum emergit. E terris ferè omnibus sal nitrosus elicitur: cum in multas effunduntur fruges, tum minorem nitri copiam præbent, quod jam penè sit exhaustum. Itaque sales fixi aut volatiles materiam nitri suppeditant; sulphureæ quoque partes ad generationem nitri conspirant, dum effervescunt cum adipis æris partibus: hinc enim spiritus nitri acidus emergit. Hinc terræ ut diximus salino sulphureæ magis sunt nitrosæ, ut quæ animalium excrementis scatent.

Nec ferè aliter nitrum ex terrâ fertilî, quàm vitriolum è terrâ metallicâ gignitur. Spiritus enim ille igneus, de quo jam multa diximus, cum sulphure congreditur, salem metallicum fundit, exacuit, & aciditatem illi conciliat. Sic coleothar, ex quo ignis vi oleum omne acidum educitum fuit, cum aëri exponitur, novo tum spiritu scatur: cum spiritus ille nitrosus, & aquosus, qui in aëre est, paulatim sulphur metallicum subigit, & exsolvit, simul & salem metallicum exagitat & fluiditatem ei conciliat: neque aliâ ratione vitriolum è marcasitis emergit, cum aëri exponuntur. Nam ferè ex omnibus flores sulphuris vi ignis extrahuntur. Spiritus nitro-æreus, ut vocant, cum sulphure fermentescens salem fixiorem colliquat, qui cum metallicis partibus lapidis coalescit, & vitriolum procreat: Nec dissimili modo rugo in cupro, aut rubigo in ferro emergit, dum partes æris aquosæ sulphur metallicum aggressæ, simul sales metallicos exacuant, ac fluidos efficiant, qui ferrum exedunt, & quoddam vitrioli genus præbent.

Neque tamen existimandum est, tantam esse in vitriolo aciditatem, quantum in ejus oleo experimur: nec verisimile est spiritum adeo fixum & gravem, tamque acidum in hoc corpore contineri: sed cum partes ignis nitrosæ cum sulphure vitrioli colliduntur, simul & salinas exacuant, dum fluidæ siant, & acutæ. Idem omninò de sulphure sentiendum, quod enim oleum, ut vocant, seu acidum liquorem sulphure sub campanâ accenso eliciunt, non erat is liquor in sulphure; cum id nihil habeat aciditatis, cumque non effervescat, ubi

cum

cum salibus lixivialibus commisceatur. Quare hoc sulphuris oleum non aliunde ortum videtur, quàm è sale metallico, qui manifestè se prodit: dum sulphur à spiritu therebyntinz exsolvitur; nam salis instar, in crystalli formam solet concrefcere. Itaque dum nitrosæ aëris, vel ignis particulæ cum sulphureis colluctantur, salinæ & metallicæ ita atteruntur, & acuuntur, ut quasi totidem gladioli omnia penetrent; hinc summa earum vis & aciditas: hinc flamma sulphuris languidior, ac cærulea, quod partes salinæ, & metallicæ cum sulphureis arduissimè colligatæ, vim nitrosarum infringant. Nam ubi flamma est vegetior, tum ea est splendidior, & latius se diffundit; sed ubi languidior est, ut in lampade, quæ extinguitur, cæruleum induit colorem: sic in sulphure accenso flamma est debilior: vix adurit, non late se effundit, sed subsultim attollitur, & liquori ebullienti similior est quàm flammæ, quod interpositu falsæ illius materiæ, quæ in liquorem acidum abit, multum debilitetur.

Ac nescio an spiritus acidi, qui è saccharo, melle, lignis ponderosis, & omnibus penè vegetabilibus elici solent, ex eadem causâ non oriuntur. Quod videlicet in his omnibus salis partes tam ardè cum sulphure sint devinctæ, ut in ipsâ collisione nitrosæ & sulphuræ substantiæ, sales fixi acuantur, ut gladioli, & vim secantem, vel acidam acquirant. Nam guajaci scobs, aut decoctio cum sale lixiviali non effervesct, ut eveniret, si aciditas in eo corpore dominaretur. Imò cum spiritu vitrioli nonnihil & tumultuatur, magno utique argumento, saltem potius fixum, aut sulphureum, quàm acidum, aut mercurialem in his corporibus vigere. Eadem est vini, & aliorum liquorum, qui acescunt, ratio, cum sal fixus vi spiritus nitrosi acuitur. Quod enim fermentationem auget, ut æstus, aut tonitru, id omne hanc procreat aciditatem, dum in confictu utriusque substantiæ sulphuræ, & nitrosæ sales exacuuntur. Hæc utique quæ magnam præ se ferunt probabilitatem, quæque nonnihil lucis principiis Chymicorū afferunt, cum nuper à viro pererudito, & ingenioso D. Mayou fusè explicata legerem, nolui prætermittere. Maximè cum videantur mihi non multum abhorrere ab his, quæ circa analysim plantarum in Regia Academia sunt observata. Cum enim è spiritus liquor acidus, & copiosus eliciatur, quæ nullam præ se ferunt aciditatem, quæq; potius vires & affectiones habent oppositas, cujus modi est, *consolida major*, & aliæ innumera, multum in eam sententiam propendeo liquores acidos magnâ ex parte vi ignis procreari. In plantis quibusdam, tanta est, & tā arcta olei & salis nitrosi societas, ut calcinatione separari non possint.

Nam

Nam sulphureæ incensæ nitrosas secum abripiunt. Hinc resinosa parum salis præbent. Quæ magis sunt nitrosæ, facilius inflammantur, ut fraxinus.

Jam ut ad fermentationem redeamus, ea certè magnâ ex parte nitroso spiritui, qui in aëre dominatur, accepta est referenda. Hinc enim oritur lenis illa fermentatio, quæ vegetationis omnis est causa præcipua. Cum spiritus ille penè igneus terram subit, sulphur aggréditur, quod cum sale est colligatum; id evoluit, & à sale vinculis expeditum reddit volatile. Interim tamen spiritus ille cum sale partim fixo, partim acido consociatus, figitur, & nitrum efficit. Quare omnis fermentatio naturalis, quæ maximè in vegetatione plantarum est conspicua, motu intestino spiritus nitrosi, & sulphuris, & salium terrestrium continetur. Hinc major nitri copia verno tempore, quàm aliis temporibus eruitur; nam solis accessu spiritus nitrosus, velut antè obrutus, excitatur; sales sulphurei, calæ viva, animalium excrementa terram fecundant, quòd facile cum spiritu nitroso effervescent, ac nitri materiæ præbeant. In fermentatione, quæ ad corruptionem tendit, sulphur plerumque nimium exaltatur, & unâ secum spiritum nitrosum rapit, ferme ut in inflammatione contingit. In corruptione plerumque liquores accescunt, quod magnâ saltem ex parte spiritui nitroso intus subeunti tribuendum. Hinc quæ huc spiritui aditum præcludunt, corruptionem arcent, ut cum caro butyro immergitur; aut ferrum oleo illinitur, sulphur volatile cum nitroso spiritu non effervescent: hinc spiritus vini aëri calidiori expositus, non fermentescit. Quæ sale fixo, aut volatili, & sulphure abundant, ut vitelli ovorum, sapo, & alia hujusmodi, eandem fermentationem augent.

## V.

De triplici  
rerum statu,  
et primò de cruditate,

Atque ut hæc omnia, quæ ad mixtionem, & resolutionem corporum pertinent, fiant illustriora, placet nonnullis triplicem rerum statum distinguere, cruditatis videlicet, maturitatis, & declinationis. In primo cruditatis statu, activa quæ sunt elementa aliis oppressa, nec fermentationem ullam efficiunt, nec accuratam mixtionem. Quare succi ex immaturis fructibus expressi, ut pomaceum è crudis, & auferis pomis confectum; cerevisia ex hordeo crudo, & nondum germinante parata, vix aut nunquam fermentescit: non enim possunt spiritus ex aliis elementis evolveri. Sic hordeum in cerevisiæ præparatione triduo aquâ maceratur, in arcâ sicâ, donec germinare incipiat, collocatur, ut spiritus exaltari queant, & fermentationem promovere: secus torpidi manerent, & segnes: tum hordeum in furno adhuc calido aliquantulum tostum conteritur molâ;

aquâ

aquâ calente farinâ per aliquot horas imbuitur; neque diutius quam par sit, hæc maceratio fieri debet: nam aqua terrestris farinæ partibus nimis saturata ægrè fermentesceret. Aqua clara extrahitur; ad justam consistentiâ excoquitur, dolliis una includitur cum aliquo fermento, nempe floribus cerevisiæ, quæ post fermentationem spiritibus turgent; flores addunt lupulorum, qui meatus à farinâ vacuos occupant, & salis fluorem inibent. In vino, & pomaceo nullum fermentum addicitur: non enim in his deest spirituum copia: hi brevi totum liquorem exagitant. In vino plus salis, quàm in pomaceo inest; unde fermentatione peractâ non modo fæces, ut in cerevisiâ, & pomaceo subsident: sed etiam dolii latera incrustant; nec tot bullæ, quot in cerevisiâ ad summâ feruntur: fors est ut cerevisiæ spiritus magis oleosi, & viscosi sint, quàm in vino, cui plus inest salis volatiliss: sed longius excurro.

Redeo igitur ad secundum rerum statum, quem maturitatis, aut perfectionis nominare licet: tum spiritus æqualiter fusi gratum rebus saporem conciliant: crassiora enim elementa, & subacta, & exquisitè mixta spirituum imperio mancipantur. Sic vinum postquam in lacu, & dolis longè fermentatione deservit, & pulchro colore nitet, & acidulo sapore palatum delectat, & suavi odore nares permulcet. Quæ sit saporis, quæ odoris causa, dixi idoneo loco. Illud clarum, & perspicuum sit; quòd longa fermentatio terræ & salis particulas ante confusas tandem aut subleget, & minutissimè conecidit; aut crassiores, & magis rebelles in fundum, vel ad latera protrudit. Unde cum tardius defæcantur vina, solent œnopolæ aut res viscidas, ut ovorum albumina, injicere, quæ facibus adhæreant, easque una secum præcipitent; aut res graviiores immittunt, ut filices calcinatos, qui dum impingunt in facès, eas loco movent, & ad imas partes deturbant: facès tamen, & tartarus non ita descendunt, aut quasi subacta deprimuntur, quin plures spirituum, & sulphuris particulas velut bello captas secum abducant: hæc quidem paulatim extricata novæ subinde fermentationes procreant. Hinc vinum tenuè exhaustis spiritibus vappescens extrahi solet, quò recentius, & opulentius faci assusum novâ fermentatione soboretur: ut contra vinum plus satis effervescens ob sulphur nimis evehum ex uberiori tartaro, in vas aliud traducitur. Reliqua, quæ aut nimiam ebullitionem coercent, ut lactis assusio; aut mucorem emendant, ut calx viva, sal, alumen combustum, quæ fermentatione excitatâ, crassiores illas, & terrenas partes sulphuri admittas deiciunt; aut salis florem inhibent, ut cineres, scobs, vel rasura salicis, semen porri, triticum

**Ffffff** :

COR-



corlice nudatum, caro suilla eaque falsa, & linteo involuta, atque alia, quæ vel sulphureo odore salis fluorem arcent; vel quæ eidem salî amica omnem illius vim, & impetum in se convertunt: ista inquam, quæ cùm à multis, & maximè ab eo, quem sæpè laudavi, clar. Th. VVillis uberrimè tractata sint, prætermitti possunt. Atque ad defectionis statum, qui rebus omnibus est à naturâ constitutus aliquando veniendum est: namque

*mors est finis omnibus:*

*Reddenda est terra terra; tum vita omnibus*

*Metenda, ut fruges: Sic jubet necessitas.*

Cùm spiritus diu cum alijs elementis luctati, & longâ fermentatione exagitati, tandem emitti è custodiâ & levâri vinculis gestiunt, suo discellu laxant mixti corporis compagem, atque unâ secum sulphuris partem puriorem, permultum aquæ, & nonnihil salis volatilis abripiunt; sal verò quem antea spiritus arcebat, post eorum fugam principatum tenere affectat. Itaque si paulo uberius est, fermentatione attritus in unum confluit, & suo fluore liquorem in acetum commutat. Idque non modo in vino, pomaceo, & cerevisiâ, sed etiam in sanguine contingit: cùm spiritus vel ex morore, vel ex pravâ victûs ratione, vel aliâ ex causa deficiunt. Idem in lacte, quod apud nos hiemis tempore mulieres adjecto sale in quadragesimam servant, id enim fermentatione peractâ omnino accescit; in melle denique aquâ diluto, & omnibus serè edulîis idem experimur. Ubi spiritus turmatim erumpunt citra præviâ fermentationem, tum sal non potest tam subito ad fluorem evehi: quare ut jam diximus, liquor quicumque sit ille, aut vappeseit, aut cum putredine dissolvitur. Hinc vinum, postquam primi fermentationis impetus in lacu, vel dolis confederunt, nî vasa diligenter occludantur, in vappam degenerat. Hinc etiam succi è fructibus horalis brevi putrescunt. Spiritus enim jam nimium volatiles facti, repente, & sine ullâ fermentatione profugiunt. Unde sanguis emissus è venâ non fermentescit, sed ad putredinem citò properat: idem quoque in urinâ contingit. Cùm autem spiritus, terra, sal, & sulphur quæta, & tranquilla remanent, tum res exarescit quidem, & citra putredinem satiscit. Verùm ubi sal, & sulphur commota, & fluere, & prorumpere incipiunt, tum gravi odore nâres offendunt, & sensorium suis aculeis lancinant. Hinc fœtor cum putredine conjunctus: humor enim extrarius spatium à sale & sulphure antè occupatum subit; & sulphur excandescens calorem sæpè procreat. Cùm minor est salis, & sulphuris copia, tum res sine fœtore, & putredine

mar-



marcescit; & quò magis res sunt compositaë, hoc citius putrescunt, nisi sale, aut balsamo, aut aromatibus, aut saccharo, aut aceto condiantur. Sal enim, ut diximus, & aromata, carnes à putredine vindicant; illius particulæ tanquam claviculi tum aquam, tum sulphur figunt, & retinent. Aromata quoque salis inhihent fluorem. Utrumque quod activis principiis abundant, novam inducant fermentationem, quâ fugitivas partes retineant, ut Th. Villis placet: an potius sale, & sulphure, non illo spiritu acidulo, quem mercurium vocant, referta sulphureas, & mox erupturas corporum particulas figant, hoc in loco definire non possum. Illud multis probabilius videtur, aromata fermentationi minus esse idonea: hæc enim potissimum per spiritus istos macros, acidulos, & mercuriales pericitur, qui cum sint ad motum promptissimi, vel tenui calore expediti majorem subinde locum postulant: hinc tumor, & levis quædam ebullitio. Sed quæ oleosa sunt, aut viscida, fermentationem adeò non promovent, ut eam potius inhibeant. Quocirca quibus sanguinis fermentatio impedita est, iis non aromata, sed succi mercuriales exsaurantur, aut citris, aut limonibus utiliter præcipiuntur: hæc enim non tam calore, quam volatilitate suâ spiritus recreant, & fermentationem accelerant. Cum autem calor sulphureus, & vehemens fermentationem, aut ebullitionem efficit, ut in vino & sanguine interdum evenit, tum liquor fermentatione ipsâ corrumpitur. Quin etiam nimius calor cerevisiæ fermentationem impedit, quòd spiritus volatiles, & activa principia plus satis distracta se semutuo complecti non possint: contra vehementi frigore adeò coardantur, ut omni careant motu. De saccharo, & aceto jam diximus; in utroque sal copiosus est, qui volatiles spiritus figit, & succis vegetabilium condiendis inservit. Illud salis fluorem prohibet, dum liquoris implet meatus, & gratum saporem, aut floribus, aut succis plantarum confert; acetum verò pingues, & oleosos fructus, ut capparas, & olivas, imò & plantas frigidiores tum suis partibus solidiusculis penetrat, & tuctur; tum etiam jucunda aciditate temperat.



## CAPUT ULTIMUM

## De corporum resolutione.

I.  
An resolu-  
tio fiat us-  
que ad ma-  
teriam pri-  
mam &  
solvuntur  
objectiones



**N**ihil hoc loco necesse est explicare, quo elementa mo-  
do inter se permisceantur: utrum in corruptione sola  
materia remaneat; an plures formæ aliæ aliis acced-  
dant, quæ sub unius regimine contineantur, adeo ut  
una destructa reliquæ sint integræ: ista quippè ex his,  
quæ secundo libro diximus, satis intelliguntur. Quod  
si enim nulla sit alia rerum materies præter elementa, quis non vi-  
det sapè mixtum in primam usque materiam resolvi. Sed illud om-  
nem fidem superat, in cadavere nihil ex iis, quæ prius inerat, esse  
reliqui; non omnes modò qualitatis, sed etiam figuram, & quan-  
tatem penitus evanescere, ac novas repente lucrescere. Quid ama-  
bo causæ est, cur in hominis cadavere non sit amplius eadem quan-  
titas, quæ fuit? An hæc fortè animæ rationali inidebat? At omnino  
est infidelis, & divisionis expertus. Quæ causa effudit novam  
quantitatem, novas cicatrices, atque omnem accidentium suppellecti-  
lem in momento procreat?

Obj.

At, inquit, subducto fundamento, quidquid extractum erat,  
corruere necesse est: forma substantialis omnia accidentia, ut basis  
sustinet: est enim materiæ prima perfectio; huic dat esse simpliciter:  
accidentia verò sunt formæ appendices, illam consequuntur, illius  
sunt instrumenta, & velut ornamenta quædam. Cum ergo destrui-  
tur forma, ea quoque extingui necesse est. Revocare oportet men-  
tem a sensibus, cum de rerum naturis decernimus: eadem in cada-  
vere est figura; idem quandoque calor sensu iudice percipitur: sed  
recta ratio aliter decernit: neque ignorat formam una cum suo famu-  
litio recessisse & novam ab agente universali aliis quoque acciden-  
tibus comitatam procreari.

Resp.

Utrum ista sensibus arbitrè, an ratunculis ex Metaphysicâ re-  
petitis dijudicari debeant, ipsi viderint. Ego ingenuè fateor, me tar-  
diorem esse, quàm ut sensu, aut mente consequar, in mixti corrup-  
tione materiam ita nudari, ut nihil eorum, quæ prius erant acciden-  
tium relinquantur. At verò ea omnia uni formæ, quæ destructa est,  
aut separata, inhærebant. Quid ergò, si non una, sed complures

in

in eodem corpore insunt formæ, quarum aliz aliis instar materiæ subternuntur? An necesse est, si ultima, quæ ceteras continet, velut ædificii tectum corruerit, reliquas etiam formas dejici? Sed negant plures eidem materiæ formas inesse, cum unus sit duntaxat actus primus, qui existentiam & speciem largitur. Unica, inquam, forma est, quæ principatum obtinet, quæ speciem, & nomen tribuit; sed quid impedit quominus ad prænobilem illam formam per alias inferiores tanquam per gradus perveniat. Quorsum sua ossi temperies, sua forma non constabit, quæ animâ separatâ remanebit integra. Quò enim mixtum præstantius est, hoc plures formæ, seu compositiones præcedant necesse est. Quot quæso te, triticum mutationes subit, antequam in sanguinem, vel in carnem facessat? Rerum ceterè, ut dictionum, ex paucis elementis, vel literis incredibilis est varietas. Non enim solum ipsa elementa, quæ fortè neque unius sunt generis, neque tam pauca numero, quàm existimamus, infinitis præpè modis temperari possunt; sed etiam ex primis secunda, ex his tertia, & in infinitum mixta exurgere nihil vetat. Sed tandem quid necesse est formas ab elementis distinctas comminisci? Nam verisimile puto nexum, compositionem, rationem, temperamentum esse formam compositi, quâ destructâ, alia non elementa modò manent integra, sed mixta etiam, quæ vices elementorum gerebant, ut ossa, carnes, nervi conservantur. Quemadmodum vitrum ex arenâ, & sodâ constatum, unum quoddam est compositum, cuius forma est certa arenæ & salis complexio: cum resolvitur, atque in sua principia revertitur; jam vitrum esse desinit: sed soda, & arena salvæ, atque integræ remanent. Quo plures intercedunt mixtiones, hoc perfectius mixtum futurum est: ita ut fortè in animalium compositione innumerabiles præcedant, non elementorum modò, sed etiam mixtorum temperationes.

Enimverò si formas mixtorum tollimus; nec quicquam in iis præter elementa agnoscimus; non erit major in mixto perfectio, quàm in ipsis elementis. Quid enim est in composito, quod idem in elementis non inveniatur? Id sanè argumenti concluderet, si ex complexione miscibilium novæ vires, aut facultates longè quidem excellentiores, quàm quæ insunt elementis, non prodirent. Sed cum elementa mutuas dotes in se se conferant, atque ex iis unum quoddam agendi, seu movendi principium exurgat; ipsa ex mutuo congressu maximè perficiuntur. Rotæ in horologio, vel machinis dentatis sibi invicem sunt adjumento, ac multò majora attollunt pondera, quàm si divisæ essent, & seorsum vires suas exercent. Non dissimili quidem

Ggggg

modo

Alia ob-  
jecta, dilu-  
untur.

modo communia rerum principia, ut rotæ quædam se se mutuò movent, & perficiunt, & quò præstantiori muneri destinantur, hoc magis excellunt; & tamen possunt, ut automata separari, atque iterùm restitui, adeò ut sola compositio & modus, functionum & munerum efficiant varietatem. Modus autem ille, & mensura, vel temperatio principiorum talis est, qualis supremo artifice cuique speciei, aut generi est definita. Sed de his jam sæpè: nunc quæ jam ab initio proposuimus argumenta, adversus hanc, quam tuemur, sententiam, diluamus.

## II.

*Varia con-  
siliantur  
opinionem.  
& multa  
solvantur  
argumen-  
ta.*

Negant elementa simul permisceri posse, nisi alia ab aliis retundantur; hoc utique concedatur. At retundi, & alterari non possunt, nisi ut contraria sibi sunt, & insensa; id sanè non dabo. Alterantur enim maximè, cùm dispersa & dissipata aliorum interjectu vires suas minùs exerunt. Imò quodammodo pereunt, cùm nullum ex iis vestigium, nulla forma sensibilis apparet; ut si perparum vini, aut modicum salis in aquam, vel aliquantulum scobis ferreæ in arenam conjeceris: sed tamen illa, quæ oculis nostris evanescere, aut distillatione, aut præcipitatione, aut si ferri limatura cum aliis metallis confusa sit, magnetis beneficio educi possunt. Quo quidem modo omnes ferè de mixtione sententias defendi posse jam diximus. Elementa enim alterantur; neque ignis disjunctæ atomi, terræ, & aquæ corpusculis obretæ adurunt; neque aqua terræ & sale terminata diffuit. Sic alia ab aliis infringuntur, ut sentit Averroës; integra tamen sunt, ut Avicennas existimat: ex iis nova forma, seu compositio exurgit, quam certæ & specificæ vires consequuntur; nec jam elementa proprias, & congenitas actiones exercent: sed totius compositi actioni præcipuè serviunt: adeò ut non tam elementa, quàm earum virtutes, eæque temperatæ adesse videantur. Verùm molestius insistant, & instant acrius, non alterari elementa, quatenus falsa, aut acida, sed ut calida sunt, aut frigida, & contrariis inter se, qualitibus pugnant. Quasi verò mixtionem non amor potius, quàm odium, aut contrarietas elementorum perficeret. Cùm sales acidi fixis affunduntur, ebullitio quædam, ut diximus, exoritur, tum ardius quàm antea inter se devinciuntur: an fortè putas hos sales sibi esse insensos, qui ex eadem velut stirpe prodire; An cùm spiritus nitri butyro antimoni affusus ignem procreat, ex occulto dissidio, aut potius is oritur ex utriusque mobilitate maximâ, & sulphureâ naturâ, quæ in antimonio, & nitro est uberrima, quæque à nitri spiritu penetrantissimo commovetur. Quæ contrarietas inter spiritum vini & oleum terebinthinæ intercedit? Simul tamen & certâ ratione confusa exardescunt.

descunt. Neque omnino verum est fermentationem, quæ in diversis liquoribus inter se commixtis cernitur, ex antipathia potius, quam amicitia quâdam, & mobilitate partium, quibus salini, aut spirituosi humores constant, proficisci. Elementa enim cum in mixtorum gratiam condita sint, nihil tam ambiunt, (si quid amant) quam aliorum societatem: simul juncta se se mutuo, & strictissimo nexu complectuntur; spiritus quidem in liberiores auras evolare gestiunt, sed alia elementa velut injectis compedibus eos retinent. Hinc ebullitio quâdam, hinc tumor, hinc calor persæpe; nonnumquam & flamma oritur, maxime cum sulphur uberius est. Salem elementarem, & fixum, fluido sale, aut spiritu acido perfunde, tum se se invicem cum fermentatione quâdam atterent; accessione aquæ hæc ebullitio nonnihil sedabitur: adde terram, quæ uberiorem aquam sistet, & corpus aliquantulo erit compactius, sed adhuc fragile; donec oleum infuderis, id enim corpus efficit magis ductile, & flexile; atque ita corpus obtinebis ex elementis compositum, quæ non tam odio, quam propensione quâdam, & velut scedere à naturâ sancito conjunguntur.

Neque necesse est, ut hic fufius inquiram, quid efficiat ut quâdam elementa, vel corpora facile cohæreant. An similitudo quâdam naturæ, an atomorum accommodata figura, an se se suis irretiunt hamulis, an solo contactu, nec alio glutine vinciantur. Hæc fortè non absurdè dici possunt. Res specie dispares ætids inter se connecti, quàm si ejusdem forent naturæ: nam humida cum siccis, ut aqua cum calce & arenâ, melius quàm humida inter se cohærent. Inter metalla stannum partes habet molles, & facile exhalabiles: quòd si cum ære conjungatur, quàm firmum, quàm durum, quàm fixum efficitur. Nec fortè alio glutine opus est, quàm ipso contactu, & apta figurarum convenientiâ. Cum argentum inauratur, quid hæc metalla connectit, præter immediatum utriusque contactum? Multa inter se misceri non possunt, quia horum figuræ inter se aptari non possunt, & fortè motus habent omnino dissimiles. Exemplum affert Berigardus plumbi liquati & loti, vel olei ebullientis cum caparum succo: nam assersit manibus lotio perunctis plumbum fufum, (alii portulacæ & mercurialis succum majunt,) ut imbutis caparum succo frixos in sartagine pisces, & oleum fervens impunè contrédari. Idem existimat omnium miscibilium atomos, vel partes similes esse humidas & fluctuantes, ut facilius cum aliis permisceantur; illam verò fluxilitatem sisti, & partes fieri solidas, ubi cum aliis consociantur; sic aqua pulveri, vel hydrargyrus sebo mixtus concrevit. Imò narrat drachm

nam pulveris, qui salem adustum odore referebat, sibi ab amico datam in decem hydrargyri drachmas injecisse, ex quibus brevi decem serè auri drachmæ coaluerunt, quòd pulvis per hydrargyrum diffusus, & tincturam & firmitatem auri effecerit: quanquam fortè citra ullum emolumentum, & magnis potiùs impensis hæc tinctura præparatur. Bodem penè modo ligna in quibusdam fontibus lapidescunt, quod tenues substantiæ, tanquam lapidum semina ligni, aut alterius corporis subeant meatus, & decursu temporis lapideam firmitatem impertiant. Contrà sæpè evenit, ut corpora solidissima cum aliis mixta omninò volatilia fiant. Sic idem author refert, se vidisse argentum priùs calcinatum, unà cum sale communi per deliquium soluto, & oleo tartari abluto phialæ oblongi colli impositum, & per 18. menses igni admotum ita volatile & fugax factum, ut in auras evanesceret, & obvia quæque argenteo colore inficeret.

Non placet Erasmo res commisceri, vel alterari, ut acidæ sunt, aut salæ: sed ut calidæ & frigidæ, humidæ sunt & siccæ. Quid igitur dicturus esset de fermento, cujus pars vel modica totam farinæ massam pervadit? Vis ejus tota non solo calore continetur, cum acidæ potiùs frigida sint ex Galeni sententia. Nec sanè in aceto, aut salibus fluidis, aut acidulis spiritibus magna vis inest caloris: sed verisimile est horum solidiusculas partes vehementius agitari, cum ruptis carceribus sui frunt juris: hinc alias itidem congenere particulas, quæ in farinæ massâ inertes erant, & velut sopitæ excitant, atque in ejusdem motûs societatem trahunt. Hæ quidem incitatæ dilatari, & extendi affectant: unde massa intumescit, & variis foraminibus perunditur. Interim ne effluant hi fugitivi spiritus, eadem farinæ massa manibus subigitur; tum in clibano excoquitur, & fit panis levior, gustu jucundior, quique faciliùs digeritur. Nam ubi deest fermentum, elementa quæ sunt activa, sal, sulphur, & spiritus non se exerunt; sed aquæ affusione fit massa gravis, viscosa, indigesta. Fermenti accessione eadem principia exaltantur, & fugam adornant. Quare ventriculi calore se se explicant; cumque sint minùs fixa, aut rebellia, ad statum fusionis, aut volatilitatis citiùs efferuntur. Hinc sanguinis in corde fermentationis & celerior, & æquabilior est: spiritus adeò gignuntur uberiores, ac totum corpus suavi calore perfunditur. Secus accidit, cum sal & reliqua elementa in chylo sunt fixiora: nam cum sanguine confusa fermentationem inhibent; spiritus figunt; tabem, atque alios inducunt morbos: sed longiùs excurro.

Redeo igitur ad id, unde excefferam, non unius caloris, aut frigoris vi, sed etiam salis fluidi, aut volatilis, aut spirituum mobilitate farinæ



farinæ massam intumescere, & fermentari. Nam quæ his abundant, ut flores cerevisiæ, ova quassata, & alia id genus fermentationem admodum promovent. Quibus autem multum inest viscosi sulphuris, ea quidem leviores efficiunt panem, dum calet: sed ubi recedit calor, & gravis, & coctu difficilis evadit. In hoc censu butyrum, adeps, atque alia ejusmodi plurima sunt, quæ viscidis & ramosis constant partibus: hæc quidem ignis calore incitantur: sed ubi calor excessit, tum subsidunt, atque alia alias suo glutine implicant. Itaque non tam calidæ, quàm solidiusculæ, & firmæ, aut salis, aut spiritus atomi, ut fermentationem, sic mixtionem omnem perficiunt. Nam generatio, & corruptio; vita & interitus fermentatione continentur, quam sæpè promovet calor, frigus temperat: sed ingenitus certis elementis motus, & quidam velut libertatis amor; aut certè subtilis alicujus corporis agitatio illam efficit. Nam cœlestis illa Cartesii materies erit in subsidium vocanda, si sit omnis motus artifex. Hæc fortè spiritum vini liberè permeat, ejusque partes ita disponit, ut motus suos non interpellent: sed olei terebynthia accessu confecti illi turbantur motus: hinc pugna, & velut quædam inter liquores rixa oritur, quam excitat subtile illud corpus, cujus æquabilis motus inhibetur.

Quare qui liquores sunt simplices, & uniusmodi, diu citra corruptionem, aut fermentationem asservantur: sed ubi cum aliis non tam insensis, quàm diversis confunduntur, statim fit ebullitio quædam, fermentatio, & interdum corruptio. Jam reliqua, quæ nobis opponunt, videamus.

Quærent, utrùm in eadem parte omnia elementa insint omnia. Quid ni? cum in ea pars quæque mixti corporis resolvatur. At contraria sunt inter se ignis & aqua, neque in eadem sede morari possunt. Primum id negari potest. Non est quidem in elementis eadem agendi ratio; alia concitatus, alia tardius feruntur; quædam fortè in orbem, alia in rectum moventur: sed non idcirco contraria sunt. Verùm id demus ea sibi invicem esse infesta: nonne aliorum miscibilium interjectu temperantur? Ergo, inquis, non omnes omnes, aut ligni partes sunt homogeneæ, & sui similes. Nulla, inquam, est pars sensu perceptibilis, quæ non sit homogenea: sed ubi corpus finis, aut caloris gladio minutius conciditur, tum demùm intelligimus partes singulas sensu, vel minimas ex variis elementis, aut atomis esse compositas. Neque insit acervi tritici corpus illud aggregatum quoddam per accidens futurum est: quandoquidem elementa omnia accurate mixta in unius naturæ compositionem veniunt, atque ex his



una res, una essentia, quæ in se habet principium motûs, & quiescentia, exsurgit, & unumquodque elementum alteri se tradit, ut mutuâ perfectionum, & motuum cõmunionē, distinctam ab omnibus aliis naturam, uni præcipuæ actioni destinatam efficiant. Ac demum inter elementa unum quoddam excellit, quo reliqua devinciuntur, quod ea ab interitu vindicat, cui denique omnia serè, quæ formæ tribuuntur, omnino conveniunt. Id enim principatum tenet; nomen sæpè & speciem, & vim agendi præcipuam composito impertit. Cùm excesserit, tum mixtionis solvitur vinculum, & singula elementa quasi gregarii milites amisso Imperatore in varias distrahuntur partes. Sic spiritus in animantibus, seu in naturæ unius & simplicis, seu multiplicis sit & variz, potissimum regnat, huic ortus, incrementa rerum, ac vires primaria tribuuntur. Spirituum quoque nomine intelligimus, subtilissimas elementorum particulas, quæ sunt maximè mobiles; quæque mixtionis, & operationum fontes existunt. Nam si elementa in se habent sui motûs principium, cùm ex atomis consient, hæc sanè minuta corpuscula non erunt omnis motûs expertia. Imò quod sunt ab aliorum vinculis solutiora, hinc celerius moventur. Cumque omnis actio motione quâdam contineatur, quis non videt elementa horum spirituum beneficio simul permisceri, & moveri, & operari. Nisi fortè malis omnis motûs fontes è cœlesti quâdam, & tenuissimâ materiâ ducere. Verum id suo loco excussum est; interim illud merito contendimus elementa, quæ sunt in mixto, nec solitaria operantur, sed junctis viribus in eandem, & communem conspirant actionem, longissimè abesse ab aggregato per accidens, cujus saltem pars aliqua in se sistit, & sui omnino est juris; ac plerumque singulæ partes suas, & sibi proprias exerunt actiones.

Quod autem quærunt, quibus ansulis necessantur elementa, jam supra fecimus satis. Nec veremur, ne nos irrideant, cùm miscibilium corpuscula mutuis vel ramis, vel contactu solo, vel tanquam serica fila convoluzione quâdam, vel aliis modis inter se devinciri dixerimus. At, inquit, partes diversi generis & naturæ non continuæ, sed contiguæ futuræ sunt. Quasi verò partes viventium organicæ, tam diversæ, tam dissidentes non continuæ sint. Quasi electrum ex auro & argento compositum partes non habeat inter se continuatas.

F I N I S.

INDEX,

# INDEX PRIMUS

## CAPITULUM.

### LIBER PRIMUS

#### De Principiis rerum naturalium juxta Platonicos.

#### CAP. I. DE Principiis in universum jux- ta Platonicos. 547

I. Quid inter Platonicos & Peripateticos intercedat discrimi-  
nis. 548

II. Tripartita Philosophia ratio-  
ibid.

III. Quid & quotuplex principi-  
um. 549

IV. Quotuplex causa. 550.

V. Opinio quorundam, quod nul-  
lam prater effectricem agnoscunt  
causam. ibid.

VI. Diversa conciliantur opinio-  
nes. 551.

VII. Qua sit rerum omnium se-  
ries. ibid.

VIII. De primo rerum gradu, seu  
de primo uno. 553

IX. Utrum unum sit ente supe-  
rius. 554

#### CAP. II. De existentia DEI. 555

I. DEUM existere ex triplici  
causarum genere demonstratur.  
556

II. Idem in genere causa exem-  
plar colligitur, ubi multa de  
humana cognitione, & intuitu  
veritatis addidimus. 557

III. Ut finem extremum DEUM  
existere ostenditur. 558

IV. Ex congenita DEI notione,  
illius existentia colligitur. 559

V. Ex prima mentis functione,  
rationes plurimae depromuntur.  
560

VI. In omni cognitione nostra,  
quadam confusa DEI notio in-  
volvitur. 561

VIII. Ex

VII. Ex secundâ mentis actione idem colligimus. 562.

VIII. Idem ex terciâ mentis operatione. ibid.

IX. Ex voluntate & appetitu idem conficitur. 562.

X. Huc etiam pertinet Cartesi demonstratio ex ideâ entis summè perfecti. 564.

XI. Hanc DEI notionem mentibus nostris esse insculptam. 565.

XII. Quod existentia DEI in essentia divina conceptu includatur. 569.

### CAP. III. De Ideis, Numeris, & Pulchritudine. 572.

I. Quid sit mundus intellectualis. 572.

II. Quid sit idea. 572.

III. Omnis scientia ex Platone in cognitione idearum posita est. 573.

IV. Quid numeri apud Platonicos. 574.

V. Quid sibi velint Platonici per unitates, vel numeros divinos. 575.

VI. De pulchritudine. ibid.

VII. Triplex pulchritudo. 576.

VIII. De pulchritudine corporum. ibid.

IX. Unde illud pulchritudinis criterium. 577.

### CAP. IV. De mundo animali, & seminario. 579.

I. De mundi anima juxta Platonicos. 579.

II. Quid de mundi anima senserit Plato. 580.

III. Refellitur illa sententia. 580.

IV. Quid natura. ibid.

V. De Providentia, & mundi regimine. 581.

VI. & VII. Quæ ab Epicureis in contrarium opponuntur. 582.

VIII. Respondetur Epicureis. 584.

IX. X. XI. Objecta diiuntur. 585.

XII. Fatum triplex. 587. 589.

XIII. Alia solvitur objectio de mali permissione. 589.

XIV. De concursu divino. 590.

XV. Alia ducuntur objectiones de providentia quadam. 592.

XVI. De natura ecclæ Platonici cum aliis conciliantur. 595.

CAP. V. De mundo sensibili, ubi fusè de mundi origine. 596.

I. Quod in tempore mundus conditus sit. ibid.

II. Multa in contrarium opponuntur, & solvuntur objecta. 597.

III. De creatione mundi in universum. 597.

IV. Distinctio partium universi. 601.

V. De ornatu celi & terra. 603.

VI. De principis mundi sensibilibus, materia, videlicet & forma. 604.

## LIBER SECUNDUS.

De Principiis rerum juxta Peripateticos, Epicureos, & Cartesianos.

CAP. I. DE Principiis rerum juxta

Peripateticos. 606.

I. Quis sit Philosophia Peripatetica character. ibid.

II. Veterum de principiis placita explicantur. ibid.

III. Principia esse ex Aristotele contraria. 607.

IV. Tria esse ex Aristotele generationis principia. 607.

V. Argumenta in contrarium, & quomodo solvuntur. 608.

VI. Quid nobis de numero principiorum videatur. 609.

VII. De materia prima existentia. 610.

VIII. Quid sit materia prima. 611.

IX. Utrum materia sit pura potentia omnis actus experta. 611.

X. Materiam non esse expertem omnis actus Physici. 612.

XI. Materiam nihil fortè esse quam elementa. 613.

XII. Varia proponuntur, & diluuntur objectiones. 614.

XIII. Quid constituat individuum. 615. per se & per accidens. 617.

XIV. De formarum notione, & existentia. 618.

CAP. II. De formarum origine, ubi de rerum ortu & interitu, 621.

I. & II. Sententia Fernellii, de formarum origine. ibid. Resellitur. 622.

III. Qua sit causa animalium, qua ex putri materia gignuntur. 623.

IV. Opinio Themistii & Scaligeri. 626. Resellitur. 627.

V. Quomodo hac opinio defendi possit. 628. Varie objectiones, & solutiones. 629.

VI. Opinio communis proponitur. 630.

VII. Eductio formarum impugnatur. 631.

VIII. Variarum opinionum conciliatio. 634. Quid sit forma. 635.

IX. Objecta diluuntur. 637. Diversa de formarum natura & origine sententia componuntur. 638.

X. Conciliatio opinionum. 641.

H h h h

CAP.

**CAP. III. De Principiis juxta Democritum, & Epicurum.** 642.

*I. Quid atomi, & quibus rationibus demonstrantur.* 642. 643.

*II. Utrum atomi consent ex punctis mathematicis.* 643.

*III. An continuum sit infinite divisibile.* 644.

*IV. An partes sint actus in continuo. Unde continuitas & unitas.* 645.

*V. Nulla esse in continuo puncta.* 646.

*VI. Quomodo inter se vinciantur atomi.* 648.

*VII. Unde tanta rerum varietas ex atomis; ubi de generatione.* 649.

*VIII. De vacuo. 651. De figuris atomorum. 652. & 653.*

*IX. Satisfit objectionibus.* ibid.

**CAP. IV. De Principiis rerum juxta Cartesii, & aliorum juniorum placita.** 656.

*I. Quae sit forma Philosophia Cartesiana.* ibid.

*II. Quid natura, & quomodo natura opera ab artefactis differant.* 657.

*III. Quid materia, quid corpus.* 657.

*IV. Forma notio, & natura.* 658.

*V. Tris esse ex Cartesio elementa.* 660.

*VI. Quibus rationibus materia subtilis persuadetur.* 661.

*VII. De generatione.* 663.

*VIII. Quaedam adversus haec principia proponuntur argumenta.* 666.

*IX. Principia Cartesiana diligentius excutuntur, & primum de notione corporis.* 669.

*X. & XI. De triplici dimensione corporis juxta Cartesium.* 670. 671.

*XII. Refellitur sententia.* 671.

*XIII. De integritate corporis Christi.* 673.

*XIV. De accidentibus corporum.* 674.

*XV. Cartesiana Philosophia decretum.* 675.

*XVI. Opinio Magnani de speciebus sacramentalibus.* 675. 676.

*XVII. Variis esse acceptiones substantia & accidentis.* 677.

*XVIII. Wiclef sententia.* 678.

*XIX. De speciebus.* 679.

*XX. Alia opinio.* ibid.

*XXI. Fides non obligatur decretis philosophorum.* ibid.

*XXII. Rationes omnes diluuntur.* 680.

*XXIII. Heterodoxorum opiniones.* 681.

*XXIV. Dissolvuntur.* ibid.

*XXV. Alia adducuntur rationes.* 682.

**CAP.**

CAP. V. De tribus elementis, ubi fusè de motu & illius legibus. 683.

I. Trium elementorum origo ex Cartesio. ibid.

II. Præcipua motuum, & naturæ leges. 685.

## LIBER TERTIUS.

## De Elementis.

CAP. I. **D**E Elementis in univ. 695.

I. Elementi notio. 696.

II. De numero elementorum vulgaris opinio. ibid.

III. Qualitates elementorum ex communi sententia. 697.

IV. Quid videatur Chymicis de numero elementorum. 697.

V. De mercurio, sulphure, & sale in univ. 699.

VI. De qualitatibus Elementorum, & Chymicorum placitis. 700.

VII. Utrum elementa in se invicem transmutentur. 701.

VIII. De numero elementorum variae sententiae conciliantur. 702.

IX. Objecta diluuntur. 705.

X. Qualitates elementorum explicantur. 706.

XI. Peripateticorum opiniones. ib.

CAP. II. De igne. 707.

I. Triplex ignis differentia. ibid.

II. De motu ignis. 708.

III. Ignis generatio ex Epicureis. ibid.

IV. Ignem esse actum in mixto corpore. 709.

V. Epicureorum & Chymicorum de ignis natura consensio, & utrique cum Aristotele conciliantur. 712.

VI. Quid flamma. 713.

VII. Cartesii de igne sententia, & cum aliis conciliantur. 714.

VIII. Qua in hac opinione nobis difficultia videantur. 717.

IX. Quaedam flammae phaenomena. 718.

X. De cæco igne, qui in calce, & aliis inest corporibus. 720.

CAP. III. De aëre. 723.

I. Quis sit aëris usus, quæ forma. ibid.

II. De naturâ aëris. 724.

III. De naturâ aëtheris. 725.

IV. De vi elasticâ aëris, ubi varia experimenta proponuntur. 728.

V. De novis experimentis circa vim elasticam aëris. 727.

Hhhhh 2 VI. Lul.

- VI. Multa hoc loco experimenta,  
qua in pneumatica machina re-  
cens facta explicantur. 730.  
VII. ad IX. Cetera fufius in li-  
bro. 733. feqq.

## CAP. IV. De Aqua. 738.

- I. Aqua natura. ibid.  
II. Quibus conflet corpusculis. 739.  
III. Cur aqua gutta globofa sunt. 740.

IV. Quae corpora exolvat aqua. 742.

## CAP. V. De Terrâ. 744.

- I. Terram effe elementum. ibid.  
II. Terra cum fale conjuncta fir-  
mitatem rebus tribuit. 745.  
III. Terram cum aquâ & aliis  
principiis minus pertinaciter  
cohaerere. 747.

## LIBER QUARTUS.

## De Principiis Chymicorum.

CAP. I. DE principiis  
Chymicorum  
in univerfum. 748.

- I. & II. &c. Fufius explicantur in  
libro. 750.

## CAP. II. De Mercurio. 751.

- I. Quid mercurii nomine Chymici  
designent. ibid.  
II. Multi à sulphure cum non di-  
stinguunt. 751.  
III. Exploditur hac opinio. 752.  
IV. Satisfit objectionibus. 754.  
V. Triplex spirituum status. 755.

## CAP. III. De sulphure. 756.

- I. Natio & natura sulphuris. ibid.  
II. Triplex sulphuris status. 757.  
III. Ad VI. Fufius in libro. 758. feq.

## CAP. IV. De fale. 760.

- I. Salem effe actum in corporibus. ibid.  
II. Quae arte fal, è cineribus elici-  
atur. 761.  
III. De fale metallorum, ubi de vi-  
triolo. ibid.  
IV. Quae causa unicuique fali cer-  
tam figuram addicit. 763.  
V. Salem effe compactionis causam. ibid.  
VI. Triplex fali status. 764.  
VII. Cur fal fluidus metalla exfol-  
vit. 766.  
VIII. De fale volatili. 768.  
IX. Quorundam recentiorum opi-  
niones. 769.  
X. De fale fixo & volatili. 770.  
XI. De fale alcali. ibid.  
XII. De fale tartari. 771.

XIII. Qui



- XIII. *Quinam sales è plantis eliciuntur.* 771.  
 XIV. *Sal ex fossilibus quis?* ibid.  
 XV. *An sal fixus in metallis.* ibid.
- V. *De triplici rerum statu, & primo de cruditate.* 780.  
 VI. *De maturitate.* 781.  
 VII. *De corruptionis statu.* 782.
- CAP. V. *De mixtione corporum.* 772.  
 I. *Varia de mixtione sententia.* ibid.  
 II. *In mixtio manent elementa.* 774.  
 III. *Variis experimentis idem ostenditur.* ibid.  
 IV. *Satisfit objectionibus.* 775.
- CAP. ULT. *De corporum resolutione.* 784.  
 I. *An resolutio fiat usque ad materiam primam, & solvuntur objectiones.* 784. 785.  
 II. *Varia conciliantur opiniones, & multa solvuntur argumenta.* 785.

## INDEX SECUNDUS RERUM PRÆCIPUARUM.

A.

- A** Cetum, 767.  
 Aër, quis sit ejus usus, quæ forma. 723. natura. 724. vis ejus elastica. 725.  
 Ether, ejus natura. 725.  
 Anima Mundi juxta Platonicos. 579. seqq.  
 Animalia, quæ sit causa eorum, quæ ex putri materia gignuntur. 623.  
 Aqua. Ejus natura. 733. quibus constet corpusculis. 739. cur ejus gutta globosæ sint. 740. quæ corpora exsolvat. 742.

Atomî, quid sint, & quibus rationibus demonstrantur. 642. utrum ex punctis constent Mathematicis. 643. quomodo inter se vinciantur. 648. unde ex iis tanta rerum varietas. 649. eorum figura. 652. 653.

C.

- C** AUSA, quoduplex. 550. opinio quorundam, qui nullam, præter efficiatricem agnoscunt causam. 550.  
 Christus, ejus corporis integritas. 673.  
 Cælum, ejus ornatus. 603.  
 H h h h h 3 Con-

Concursus divinus. 590.  
Continuum an sit infinitè divisibile. 645. in eo nulla sunt puncta. 646.

Corpus. An resolutio Corporum fiat usque ad materiam primam. 784. quid sit. 657. Christi corporis integritas. 673. accidentia corporum. *ibid.*

Corruptio, ejus status. 782.  
Creatio mundi in universum. 601.  
Creatio discernitur à generatione. 633.

Cruditatis. 780.

## D.

**D**EUS, existit ex triplici causarum differentia. 556. sequitur permittat mala. 590.

## E.

**E**lementa sunt numero tria. 660. eorum origo ex Cartesio. 683. elementa in universum. 695. elementi notio. 696. de numero eorum vulgaris opinio. 696. eorum qualitates ex communi sententia. 697. quid Chymicis videatur de eorum numero. *ibid.* eorum qualitates. 700. explicantur. 706. in se invicem non transmutantur. 701. de eorum numero variaz sententiaz conciliantur. 702.  
Ens per se & per accidens quid sit. 617.

Existentia DEI 555. includitur in essentia divina conceptu 569.

## F.

**F**atum quid. 587. triplex. 589.  
Fermentatio. 777.

Fides non illigatur decretis philosophorum. 679.

Flamma quid sit. 713. quaedam flammæ phænomena. 718.

Forma. Earum notio & existentia. 618. Origo. 621. quid sit. 635. ejus notio & natura. 658.

Fortuna quid 587.

## G.

**G**eneratio. 663. tria ejus principia. 607. discernitur à creatione 633.

## I.

**I**dea. 571. 572. earum sunt plures. *ibid.* in earum cognitione omnis scientia, ex Platone, est posita. 573.

Ignis non est sub Lunæ concavo 698. ejus triplex differentia. 770. motus. 708. generatio. *ib.* est actu in mixto corpore. 709. Epicureorum & Chymicorum de ejus natura consensus. 712. Cartesii de igne sententia, & cum aliis conciliatio. 714. cæcus ignis, qui in calce & aliis inest corporibus. 720.

Individuum quid constituat. 615.

## M.

**M**ateria prima. Ejus existentia. 610. quid sit. 611. utrum materia sit puræ potentia omnis actus expers. *ibid.* non est expers omnis actus physici 612. nihil fortè est quàm elementa. 613. quid materia. 657. materia subtilis, quibus rationibus persuadeatur. 661.

Maturitas. 781.

Mer-

Mercurius. 699. quid ejus nomine Chymici designent. 751. Multi cum & sulphure non distinguunt. 751.

Mixtio corporum. 772.

Mixtum, in eo manent elementa. 774.

Motus. præcipuæ Motuum Leges. 685.

Mundus intellectualis quid sit. 771.

Mundi anima juxta Platonicos. 579. regimen. 581. in tempore conditus. 596. de ejus creatione in universum 601. Mundi sensibilis principia. 604.

N.

Natura quid sit. 580. & quomodo ejus opera ab arte differant. 657. ejus Leges præcipuæ. 685.

Nitrum. 765.

Numeri quid sint apud Platonicos. 574.

P.

Peripatetici, quid inter eos & Platonicos intercedat discriminis. 548.

Philosophia. ejus ratio tripartita. 548. peripateticæ character. 606. Philosophiæ Cartesianæ forma. 656.

Platonici, quid inter eos & Peripateticos intercedat discriminis. 548.

Principium, quid & quotuplex. 549. veterum de Principiis placita explicantur. 606. Sunt contraria. 607. generationis principia *ibid.* quid auctori de numero principiorum videatur. 609.

Principia juxta Democritum & Epicurum. 642. juxta Cartesium. 656. principia Chymicorum. 748.

Providentia 581. sequ. rebus contingentiam non adimit. 587.

Pulchritudo 575. corporum. 576. sequ.

R.

Regimen mundi 581.

Resolutio. An fiat usque ad materiam primam. 784. sequ.

S.

Sal in universum. 699. est actus in corporibus 760. quâ arte & cineribus eliciatur. 761. Sal metallorum *ibid.* quæ causa unicuique falli certam figuram addicat. 763. est compactionis causa. *ib.* ejus triplex status. 764. fusio. 765. cur sal fluidus metalla exsolvat. 766. Sal volatilis. 768. 770. fixus. *ib.* alcali. 770. tartari. 771. qui nam & plantis eliciantur. *ibid.* sequ.

Scientia omnis ex Platone, in cognitione idearum posita est. 573. Spiritus eorum triplex status. 755. Sulphur. 699. ejus notio & natura. 756. status. 757. Suppositum quid sit. 617.

Tartarus. 764.

Terra, ejus ornatus. 603. est Elementum. 744. cum sale conjuncta firmitatem rebus tribuit. 745. cum aqua & aliis principiis minus pertinaciter cohaeret. 747.

Vacuum. 651.

Vitriolum. 761.

Unum, utrum sit ente superius. 554.

F I N I S.

